

SC. 21. P. 17.



HAG 1237

CAUTELA
CONFESSARII.

CAUTELA CONFESSARII

PRO FORO SACRAMENTALI
OCCASIONE DECRETORUM

SM.ALEXANDRI VII.INNOCENT.XI.ET ALEXAND.VIII.
Eidem, ac cæteris Animarum Rectoribus exhibita,.

*Ad Sacrorum Canonum, Conciliorum, ac Apostolicarum
Constitutionum Præscriptum, & Legem aptata,*

AC QUATUOR LIBRIS REPARTITA:

AUCTORE

P.FR. AUGUSTINO MATTHÆUCCI
LUCENSE,

Ordinis Minorum Regularis Observantiæ, Romanæ Provin-
ciæ, Sacræ Theologiæ Lectore Jubilato.

OPUS

*Theologis, & Canonistis utile; Confessariis, ac Parochis
proficuum, & necessarium.*

Ab ipso Auctore hac nova editione diligentissimè recognitum, tantaque additionum
copia auctum, ut supplemento ad calcem, & alibi opus fuerit.



VENETIIS, M. DCCX.
Apud Nicolaum Pezzana.

SUPERIORUM PERMISSU, ET PRIVILEGIIS.

1. NAME OF PARTY OR GROUP
 2. NAME OF PARTY OR GROUP

CONFIDENTIAL OR IT UNDER CONTROL
 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000 1001 1002 1003 1004 1005 1006 1007 1008 1009 1010 1011 1012 1013 1014 1015 1016 1017 1018 1019 1020 1021 1022 1023 1024 1025 1026 1027 1028 1029 1030 1031 1032 1033 1034 1035 1036 1037 1038 1

LECTOR.



Iraberis, cur tot post illustrium Virorum in Theologia Morali edita mira eruditionis, & pietatis Scripta, omnibus numeris absoluta, hac ipsa ego luci commiserim; quæ proinde singulis supervacanea, meque rem actam egisse dixeris; cum potuerim nil edicere, quod pluries non recensetur praealio submissum. Quod quidem, fateor, me studio ab incepto subtraxisset labore, nisi Amicorum accessisset auctoritas; eoque

corripuisset timorem, recepto communi principio, quod, idè vetitum non praesumitur, quin plures pio aquè, ac utiliscribendi hoc occupentur in munere, ut Librorum frequentia genium hominum expleant: cum non omnes uno, sed alio alius delectetur Scriptore, prout brevi, diffusæ utitur stylo, clara, vel confusa loquitur metodo. Hisce victus, refectusque (quamquam inter ceteros cinis) calamo commendavi provinciam, credens fortasè non singulos fore, ut pigeat legere Opus, quod, juxta vulgatam paravi.

Omnia longa solent cunctis fastidia ferre,

Quæ comprehensa brevi sunt, benè culta placent.

Animarum Curatoribus, & sacris pro Foro Pœnitentiæ Iudiciis paravi, nec nimia brevitate minutum, nec fastidiosa prolixitate prgrave. Ea referens ad praxim Confessariis idonea in unum redacta, quæ diffusi, sejunctisque Voluminibus leguntur dispersa; ut quos tadet, pragrantes Doctorem excurrere Codices, præsens, velut ipsorum Epitome, lectitet.

Nec reprehendar, quia brevis: cum non eam brevitate amaverim, in quam illis Horatius invehitur:

Dum brevis esse volo, obscurus fio.

Sed potius piger, tacensque, ad phrasim Ausonii,

Nemo silens placuit, multi brevitate loquendi: debuissim damnari. Dum, non tam brevè, quàm clarè dubia resoluta pro viribus tangam.

Quod si nec uni utilis fuero: sat est, mihi nonnihil profui; dum hac in occupatione defixus, otium abegi, devici socordiam, sequens sententiam Hieronymi in cap. Nunquam, de Consecrat. distinct. 5. ubi: Scribantur & Libri: & manus operetur cibos, & Anima saturetur lectione: In desiderii est omnis otiosus.

Sed, duo notes, velim. Vnum, hic meum non fuisse in examen vocare, quo sensu fuerint à Summis Pontificibus Alexandro VII. Innocentio XI. & Alexandro VIII. Theses proscripta; quoniam id S. Sedis judicio reservari

Matthæucci Cantela Confes.

non dubito; sed solum in utilitatem Animarum, ad praxim, & usum Sacre Confessionis, occasione Decretorum, per qua prætacta dampnantur, referre, & solvere dubia, qua examinantur non raro in ea ipsa materia, quam respectivè aboleti tangunt errores. Quod si, favente Deo, evenerit, voti compos ero, & opera pretium me fecisse arbitrabor.

Alterum, quod mediocritatem delegens, qua sedes virtutis, & veritatis unice noscitur, extrema opinionum vitavi: sciens aequale vitium, tum eorum esse, qui ad opinionum, & morum laxitatem divertunt: tum ceterorum, qui in oppositam, nimiamque rigiditatem desectunt; nam sicut noxia indulgentia laxior exurgit, ita immoderata in perniciem conscientia serpit rigiditas. Enimverò hac à praeceptis non discernens consilia, Homines ad nimis ardua compellit; dum, audita rigidior doctrina, dubitant, creduntque culpam mortalem ibi esse, ubi nec minimum levis est umbra. Illa verò propugnans, etiam in atrocissimis licentiam, ipsa fovet peccata. Hac propterea gliscit malitia: illa nil proficit virtus. Vtraque itaque cavenda, & Regia procedendum est via, juxta doctrinam Divi Bonaventurae to.7. lib.2. Compend.Theol.Verit.cap.52. ubi: Cavenda est conscientia nimis larga, & nimis stricta; nam prima generat praesumptionem, secunda desperationem: item, prima saepe dicit malum, bonum; secunda è contra, bonum, malum; & infra: Error conscientie causatur ex singularitate, qua Homo sequens sensum proprium, non conformat se aliis, nec sequitur vias bonorum.

Vtramque declinare satagi. Hinc communi Doctorum judicio me conformans, per Canonum, Conciliorum, Sedisve Apostolicae Decreta saepe dubiis responsa reddidi: & non semel auream, quavis laude majorem, Divi Thoma doctrinam adhibui, ac juxta magis receptas Casuistarum sententias questiones aperui, Cautelam institui.

Habes, quod sentio. Interea iis utere, qua exhibeo; & si quid boni deprehenderis, non meo tribuas ingenio, non labori: sed Deo omnium Autori, qui aperit os mutorum, & linguas Infantium facit esse disertas, gratias repende; sin aliquid animadversione dignum offendas, veniam infirmitati non deneges, imbecillitatem damna, & Deum mihi propitium exora. Vale.

APPROBATIONES ORDINIS.

DE mandato Reverendissimi Patris Cælestini à Mediolano totius Cismontanæ Familiæ Minor. de Observantia S.P.N. Francisci Vice-Commisarii Generalis, attentè perlectis Additionibus factis ab Adm. R. P. Augustino Lucensi Lectore Jubilato suomet Operi, cujus Titulus *Cautela Confessarii*, jamdudum Romæ Typis mandato, summoperèque commendato; & cùm per omnia noverim sanam, & undequaque solidam sapere Doctrinam, Fidei orthodoxæ, bonisve moribus conformem, & Confessariis, cæterisque legentibus perutilem; propterea Typis mandari, & in lucem ex integro denuò prodire censeo. Romæ ex Araceli die 13. Maii 1709.

Fr. Lucius à Tunicella Lector Jubilatus, &c.

DE ordine Reverendissimi P. N. Cælestini à Mediolano, in tota Cismontana Familia Minor. de Observantia S.P.N. Francisci Vice-Commisarii Generalis, accuratè perlegi additiones factas ab Adm. Rever. P. Augustino Lucensi Lectore Jubilato suomet Operi; cujus Titulus *Cautela Confessarii*; jamdudum approbato, Romæ Typis dato, summoperèque commendato: cùmque, per omnia noverim, sanam, & undequaque solidam Doctrinam sapere, majoris semper Animarum profectus existere, ac legentibus eruditionis incrementum: propterea in lucem ex integro prodire censeo. Romæ ex Araceli die 13. Aprilis 1709.

Fr. Ioannes Chrysostomus ab Alexandria Lector Jubilatus, &c.

FACULTAS ORDINIS

*Frater Cælestinus à Mediolano in Cismontana Familia
Minorum de Obser. etiam Discalceatorum, &c. Vice-
Commissarius Generalis, &c.*

CUpiente Rev. P. Fr. Augustino Lucensi hujus nostræ Ob. Ro-
manæ Provinciæ Lectore Jubilato, & ex-Custode edere in
lucem Additiones Operi, cujus Titulus est, *Cautela Confessarii*,
quæ de Mandato nostro à duobus Patribus Theologis revisæ,
& approbatæ fuerunt, tenore præsentium eidem debitam fa-
cultatem impartimur, quatenus servatis omnibus de jure ser-
vandis Typis mandare possit. Dat. ex Aracæli die 8. Maii 1779.

Fr. Cælestinus Vice-Commissarius Generalis, &c.

NOI REFORMATORI

Dello Studio di Padoa.

HAvendo veduto per la Fede di revisione, & approbatione
del P. F. Vincenzo Maria Mazzoleni Inquisitore nel Libro in-
titolato *Cautela Confessarii pro Foro Sacramentali, Autore P. F. Augu-
stino Matheucci*, non v'esser cos'alcuna contro la Santa Fede Cat-
tolica, & parimente per Attestato del Segretario Nostro; nien-
te contro Principi, & buoni costumi, concedemo Licenza à
Nicolò Pezzana Stampatore, che possi esser stampato, offer-
vando gl'ordini in materia di Stampe, & presentando le solite
copie alle Publiche Librarie di Venetia, & di Padoa.

Dat. 28. Giugno 1709.

{ *Gierolamo Venier K. Procur. Refor.*

{

{ *Francesco Loredan K. Proc. Ref.*

Agostino Gadaldini Secr.

INDEX

I N D E X

Capitum , & Paragraphorum.

LIBER PRIMUS.

Cap. I. O bligatio credendi, sperandi, & diligendi Deum. pag. 1	§. X. Idololatria. p. 104
§. I. Obligatio eliciendi actum fidei supernaturalis. p. 3	§. XI. Divinatio Daemoniacae. p. 107
§. II. Obligatio eliciendi actum spei Theologicae. p. 5	§. XII. Divinatio per sortes. p. 107
§. III. Obligatio eliciendi actum charitatis circa Deum. p. 7	§. XIII. Magia superstitiosa. p. 108
Cap. II. Duellum. p. 8	§. XIV. Maleficium. p. 109
Cap. III. Absolutio ab Haeresi. p. 10	§. XV. Vana observantia. p. 110
Cap. IV. Obligatio denunciandi Hereticos. p. 17	§. XVI. Vitia religioni per defectum opposita. pag. 116
Cap. V. Sollicitudo ad turpia. p. 24	§. XVII. Sacrilegium. p. 117
Cap. VI. Stipendium Missae. p. 31	§. XVIII. Fortitudo. p. 119
Cap. VII. Confessionis integritas. p. 37	§. XIX. Temperantia. p. 123
Cap. VIII. Facultas quoad reservata. p. 40	§. XXX. Prudentia. p. 130
§. I. Immunitas Ecclesiastica. p. 45	Cap. XVIII. Circumstantiae peccatorum. ibi.
§. II. Clausura Monialium. p. 46	Cap. XIX. Iudex quoad munera. p. 140
§. III. Duellum, Vid. cap. 2. p. 49	Cap. XX. Opinio probabilis, & conscientia. p. 142
§. IV. Manus violenta in Clericum. p. 49	Cap. XXI. De legis humanae obligatione. p. 150
§. V. Simonia realis scienter contracta. p. 52	Cap. XXII. Excusati a lege jejunii. p. 153
§. VI. Confidentialis beneficalis, seu Simonia fiduciaria. p. 56	Cap. XXIII. Jejunium Quadragesimae. p. 155
§. VII. Summa casuum reservatorum in Bulla Cane. p. 58	Cap. XXIV. Remissio ad cap. 14. p. 157
Cap. IX. Approbatio ad Confessiones. p. 63	Cap. XXV. Hora Canonice. ibi.
Cap. X. Praeceptum Confessionis. p. 66	Cap. XXVI. Privilegia Regularium. p. 162
Cap. XI. Penitentia Sacramentalis. p. 69	Cap. XXVII. Indulgentiae, & Jubilaeum. p. 164
Cap. XII. Approbatio ab Ordinario. p. 72	Cap. XXVIII. Dispositio sacrificantis. p. 173
Cap. XIII. Occisio ad defensionem vitae, & honoris. p. 73	Cap. XXIX. Oculi, & tactus impudici. p. 175
Cap. XIV. Restitutio fructuum beneficii. p. 76	Cap. XXX. Concubinatorum. p. 177
Cap. XV. Beneficia Ecclesiastica gratis conferenda. p. 79	Cap. XXXI. Uirga. p. 181
Cap. XVI. Praeceptum jejunii Ecclesiastici. p. 80	Cap. XXXII. Legatum. p. 188
Cap. XVII. Distinctio numerica, & specifica peccatorum. p. 84	Cap. XXXIII. Praxis quoad absolutionem a censuris. p. 200
§. I. Odium. p. 89	Regula unica. Quam plures excommunicationes reservat Pontifici. p. 210
§. II. Avidia, & invidia. p. 90	§. I. Ex decretalibus Greg. IX. ibi.
§. III. Discordia, Contentio, Rixa, & seditio. ibi. p. 91	§. II. Ex sexto Decretalium. p. 24
§. IV. Scisma. p. 91	§. III. Ex Clementinis. ibi.
§. V. Scandalum. p. 92	§. IV. Ex Extravagantibus communibus. p. 212
§. VI. Bellum. p. 96	§. V. Ex Bullario Cherubini. p. 213
§. VII. Justitia. p. 101	Cap. XXXIV. Libri prohibiti. p. 215
§. VIII. Virtutes ad justitiam reducibiles. p. 102	
§. IX. Vitia per excessum religioni opposita. p. 103	

LIBER SECUNDUS.

Cap. I. O pinio tunc circa valorem Sacramentorum. p. 222
Cap. II. Iudicium juxta probabiliora ferendum. p. 226
Cap. III. Opinio tenuiter probabilis. p. 231

Index Capitum, & Paragraphorum.

Cap.IV. Infidelis.	p.232
Cap.V. Dilectio Dei.	p.236
Cap.VI. Gula, & Ebrietas.	p.239
Cap.VII. Debitum conjugale.	p.244
Cap.VIII. Dilectio proximi.	p.252
Cap.IX. Eleemofyna.	p.260
Cap.X. Præceptum diligendi parentes.	p.268
Cap.XI. Fides divina.	p.275
Cap.XII. Confessionis Fidei præceptum.	p.278
Cap.XIII. Certitudo Fidei Divina.	p.283
Cap.XIV. Fides necessaria ad salutem.	p.286
Cap.XV. Fides dispositio ad justificationem.	p.292
Cap.XVI. Juramentum.	p.293
Cap.XVII. Mendacium, & Amphibologia.	p.309.
Cap.XVIII. Administratio Sacramentorum non simulata.	p.319
Cap.XIX. Homicidium ad defensionem verum.	p.323
Cap.XX. Abortus.	p.328
Cap.XXI. Furtum.	p.333
Cap.XXII. Restitutio quoad bona fortunt.	p.342
Cap.XXIII. Contractus.	p.362
§.I. Contractus census.	p.363
§.II. Contractus cambii.	p.367
§.III. Contractus societatis.	p.369
§.IV. Contractus mutui, commodati, locati, & depositi.	p.373
§.V. Contractus pignoris.	p.376
§.VI. Contractus Emphyteusis.	p.377
§.VII. Contractus feudalis.	p.378
§.VIII. Contractus fidejussionis.	ibi.
§.IX. Contractus donationis.	p.379
§.X. Contractus dotalis.	p.380
§.XI. Contractus promissionis.	ibi.
§.XII. Contractus ludi.	p.383
§.XIII. Contractus sponsonis.	p.387
§.XIV. Contractus emptionis, & venditionis.	p.388
§.XV. Contractus affecurationis.	p.396
Cap.XXIV. Usque usurarum.	p.397
Cap.XXV. Detractio, & pericula lingue.	p.413
Cap.XXVI. Simonia.	p.423
Cap.XXVII. Electio ad dignitates Ecclesiasticas.	p.433
Cap.XXVIII. Species luxuria.	p.439
Cap.XXIX. Adulterium.	p.449
Cap.XXX. Famuli intervietae luxurie.	p.455
Cap.XXXI. Præceptum servandi Festa, & audiendi Missam.	p.457
Cap.XXXI. Excusatio a recitatione Breviarii.	p.465

Cap.XXXIII. Præceptum Communionis.	p.469
Cap.XXXIV. Contritio, & Altitio.	p.476
Cap.XXXV. Absolutio Sacramentalis.	p.484
Cap.XXXVI. Confessio dimidiata.	p.495
Cap.XXXVII. Propositio emendationis.	p.499
Cap.XXXVIII. Occasio proxima peccandi.	p.504

LIBER TERTIUS.

Cap.I. Mor Dei.	p.516
Cap.II. Peccatum philosophicum.	p.518
Cap.III. Instructio miscellanea.	p.521
Cap.IV. Posum.	p.542

LIBER QUARTUS.

Cap.I. De Sacramentis in genere.	p.558
Cap.II. Baptismus.	p.562
Cap.III. Confirmatio.	p.567
Cap.IV. Eucharistia.	p.569
§.I. Eucharistia, ut est Sacramentum.	ibi.
§.II. Eucharistia, ut est Sacrificium.	p.574
§.III. Constitutio Innocentii XII. super celebratione Missarum.	p.584
Cap.V. Sacramentum Penitentia.	p.596
Cap.VI. Extrema Unctio.	p.601
Reg.I. Detestamentis.	p.602
Reg.II. Sepultura.	p.608
Cap.VII. Ordo.	p.612
Cap.VIII. Matrimonium.	p.616
§.I. De natura matrimonii forma, materia, & ministro.	ibi.
§.II. De impedimentis matrimonii.	p.619
§.III. De impedimentis merè impedientibus.	ibi.
§.IV. Impedimentum erroris.	p.620
§.V. Impedimentum conditionis.	p.621
§.VI. Impedimentum voti.	p.622
§.VII. Impedimentum cognationis.	ibi.
§.VIII. Impedimentum criminis.	p.626
§.IX. Impedimentum disparitatis cultus.	ibi.
§.X. Impedimentum metus.	p.627
§.XI. Impedimentum ordinis.	p.628
§.XII. Impedimentum ligaminis.	ibi.
§.XIII. Impedimentum publicæ honestatis.	p.629
§.XIV. Impedimentum affinitatis.	p.630
§.XV. Impedimentum impotentia.	ibi.
§.XVI. Impedimentum clandestinitatis.	ibi.
§.XII. Impedimentum raptus.	p.637
Reg.un. Instructio Parochorum, & Confessorum pro casibus, quorum absolutio, seu dispensatio impetratur a Sacra Penitentiaria.	p.638

SYLLABUS PROPOSITIONUM DAMNATARUM,

Quæ in hoc opere continentur ad majus commodum legentis suo ordine digestæ.

IN PRIMO LIBRO.

Illæ ab Alexandro VII. proscriptæ.

- 1 **H**omo nullo unquam vitæ suæ tempore tenetur elicere actum Fidei, Spei, & Charitatis ex vi præceptorum divinatorum ad eas virtutes pertinentium. pag. 1.
- 2 Vir equestris ad duellum provocatus potest illud acceptare, ne timiditatis notam apud alios incurrat. p.8
- 3 Sententia asserens, Bullam Censuræ solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. 18. Julii in Consistorio S. Congr. Emin. Card. visa, & tolerata est. p.10.
- 4 Prælati Regulares possunt in foro Conscientiæ absolvere quoscunque sæculares ab hæresi occulta, & ab excommunicatione propter eam incurssa. ibi.
- 5 Quamvis evidenter tibi constet, Petrum esse hæreticum, non teneris denunciare, si probare non possis. p.17
- 6 Confessarius, qui in Sacramentali Confessione tribuit Pœnitenti chartam postea legendam, in qua ad Venerem incitatur, non censetur sollicitasse in Confessione, ac proinde non est denunciandus. pag. 24.
- 7 Modus evadendi obligationem denunciandi sollicitationis est: si sollicitatus confiteatur cum sollicitante, hic potest ipsum absolvere absque onere denunciandi. ibi.
- 8 Duplicatum stipendium potest Sacerdos pro eadem Missa licite accipere, applicando petenti partem etiam specialissimam fructus ipsimet Celebranti correspondentem, idque post Decretum Urbani VII. p.31
- 9 Post Decretum Urbani potest Sacerdos, cui Missæ celebrandæ traduntur, per alium satisfacere, collato illi minori stipendio, alia parte stipendii sibi retenta. ibi.
- 10 Non est contra justitiam pro pluribus Sacrificiis stipendium accipere, & sacrificium unum offerre. Neque etiam est contra fidelitatem, etiam si promittam promissione, etiam juramento firmata, danti stipendium, quod pro nullo alio offeram. ibi.
- 11 Peccata in confessione omissa, seu oblita ob instans periculum vitæ, aut ob aliam causam, non tenemur in sequenti confessione exprimere. p.37
- 12 Mendicantes possunt absolvere à casibus Episcopis reservatis, non obtenta ad id Episcoporum facultate. p.40
- 13 Satisfacit præcepto annuæ confessionis, qui confitetur regulari Episcopo presentato, sed ab eo injuste reprobato. p.63
- 14 Qui facit confessionem voluntariè nullam, satisfacit præcepto Ecclesiæ. p.66
- 15 Pœnitens propria auctoritate substituere sibi alium potest, qui loco ipsius pœnitentiam adimpleat. p.69
- 16 Qui beneficium curatum habent, possunt sibi eligere in Confessarium simplicem Sacerdotem non approbatum ab Ordinario. p.72
- 17 Est licitum Religioso, vel Clerico Calumniatorem, gravia crimina de se, vel de sua Religione spargere minantem, occidere, quando alius modus defendendi non suppetit; uti suppetere non videtur, si calumniator sit paratus vel ipsi Religioso, vel ejus Religioni publicè, & coram gravissimis Viris prædicta impingere, nisi occidatur. p.73
- 18 Licet interficere falsum accusatorem, falsos Testes, ac etiam Judicem, à quo iniqua certò imminet sententia, si alia via non potest innocens damnum evitare. ibi.

Syllabus

- 19 Non peccat Maritus occidens propria auctoritate Uxorem in adulterio deprehensam. ibi.
- 20 Restitutio à Pio V. imposita Beneficiariis non recitantis non debetur in Conscientia ante Sententiam declaratoriam Judicis, & quod sit pena. p.76
- 21 Habens Cappellaniam collativam, aut quodvis aliud Beneficium Ecclesiasticum, si studio litterarum vacet, satisfacit suæ obligationi, si officium per alium recitet. ibi.
- 22 Non est contra Justitiam beneficia Ecclesiastica non conferre gratis, quia collator conferens illa Beneficia Ecclesiastica, pecunia interveniente, non exigit illam pro Collatione Beneficii, sed veluti pro emolumento temporali, quod tibi conferre non tenebatur. p.79
- 23 Frangens jejunium Ecclesie, ad quod tenetur, non peccat mortaliter, nisi ex contemptu, vel inobedientia hoc faciat, puta, quia non vult se subiacere præcepto. pag.80.
- 24 Mollities, Sodomia, & bestialitas sunt peccata ejusdem speciei infamæ, ideòque sufficit dicere in Confessione se procurasse pollutionem. p.84
- 25 Qui habuit copulam cum soluta satisfacit Confessionis præcepto, dicens: commisi cum soluta grave peccatum contra castitatem non explicando copulam. p.130
- 26 Quando litigantes habent pro se opiniones æquæ probabiles, potest Judex pecuniam accipere pro ferenda sententia in favorem unius præ alio. p.140
- 27 Si Liber sit alicujus junioris, & moderni debet opinio censeri probabilis, dum non constet, rejectam esse à Sede Apostolica tanquam improbabilem. p.142
- 28 Populus non peccat, etiamsi absque à causa non recipiat legem à Principe promulgatam. p.150
- 29 In die Jejunii, qui sæpius modicum quid comedit, etsi notabilem quantitatem in fine comederit, non frangit jejunium. pag.153
- 30 Omnes Officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio. ibi.
- 31 Excusantur absolutè à præcepto jejunii omnes illi, qui iter agunt equitando, utcumque iter agant, etiamsi iter necessarium non sit, & etiamsi iter unius diei consistant. ibi.
- 32 Non est evidens, quòd consuetudo non comedendi ova, & lacticia in Quadragesima obliget. p.155
- 33 Restitutio fructuum ob omissionem horarum suppleri potest per quasunque elemosynas, quas antea Beneficiarius de fructibus sui beneficii fecerit. p.157
- 34 In die Palmarum recitans Officium Paschale satisfacit Præcepto. ibi.
- 35 Unico Officio potest quis satisfacere duplici præcepto pro die præsentis, & crastino. ibi.
- 36 Regulares possunt in foro Conscientiæ, uti privilegiis suis, quæ sunt expressè revocata per Concilium Tridentinum. pag.162
- 37 Indulgentiæ concessæ Regularibus, & revocatæ à Paulo V. hodie sunt revalidatæ. p.164
- 38 Mandatum Tridentini factum Sacerdoti Sacrificanti ex necessitate cum peccato mortali confitendi quam primum, est consilium, non præceptum. p.173
- 39 Illa particula *quamprimum* intelligitur, cum Sacerdos suo tempore confitebitur.
- 40 Est probabilis opinio, quæ dicit essetantum veniale osculum habitum ob delectationem carnalem, & sensibilem, quæ ex osculo oritur, secluso periculo consensus ulterioris, & pollutionis. p.175
- 41 Non est obligandum concubinariis ad eiiciendam concubinam, si hæc nimis utilis esset ad oblectamentum concubinariis, vulgò *Regalo*, dum deficiente illo, nimis agere ageret vitam, & aliæ epulæ tædio magno concubinarium afficerent, & alia famula nimis difficile inveniretur. pag.177
- 42 Licitum est mutuanti aliquid ultra sortem exigere, si se obliget ad non repetendam sortem usque ad certum tempus. pag.181
- 43 Annuum legatum pro Anima relictum non durat plusquam per decem Annos. pag.188
- 44 Quoad forum Conscientiæ, Reo correcto, ejusque contumacia cessante, cessant censuræ. p.200
- 45 Libri prohibiti, donec expurgentur, pos-

Propositionum.

possunt retineri, usque dum adhibita diligentia corrigantur. p.215

IN II. LIBRO.

Ille ab Innocentio XI. proscripta.

- 1 **N**on est illicitum in Sacramentis cōferendis sequi opinionem probabilem de valore Sacramenti, relicta tutiore, nisi id vetet lex, conventio, aut periculum gravis damni incurrendi. Hinc Sententia probabilis tantum utendum nō est in collatione Baptismi, Ordinis Sacerdotalis, aut Episcopalis. p.222
- 2 Probabiliter existimo, Judicem posse judicare juxta opinionem etiam minus probabilem. p.226
- 3 Generatim dum probabilitate, siue intrinseca, siue extrinseca quantumvis tenui, modō à probabilitatis finibus non exeat, confisi aliquid agimus, semper prudenter agimus. p.231
- 4 Ab infidelitate excusabitur Infidelis non credens ductus opinione minus probabili. p.232
- 5 An peccet mortaliter, qui actum dilectionis Dei semel tantum in vita eliceret, condemnare non audemus. p.236
- 6 Probabile est, ne singulis quidem rigorose quinquenniis per se obligare præceptum Charitatis erga Deum. ibi.
- 7 Tunc solum obligat, quando tenemur justificari, & non habemus aliam viam, qua justificari possumus. p.237
- 8 Comedere, & bibere usque ad satietatem ob solam voluptatem non est peccatum, modō non obstat valetudini, quia licet potest appetitus naturalis suis actibus frui. p.239
- 9 Opus Conjugii ob solam voluptatem exercitum omni penitus caret culpa, ac defectu veniali. p.244
- 10 Non tenemur proximum diligere actu interno, & formaliter. p.252
- 11 Præcepto proximum diligendi satisfacere possumus per solos actus externos. ibi.
- 12 Vix in Sæcularibus invenies, etiam in Regibus superfluum statui. Et ita vix aliquis tenetur ad eleemosynam, quando tenetur tantum ex superfluo statui. p.260
- 13 Si cum debita moderatione facias, potes absque peccato mortali de vita alicu-

justificari, & de illius morte naturali gaudere, illam inefficaci affectu petere, & desiderare; non quidem ex displicentia personæ, sed ob aliquod temporale emolumentum. p.268

- 14 Licitum est absoluto desiderio cupere mortem Patris, non quidem ut malum Patris, sed ut bonum cupientis, quia nimirum ei obventura est pinguis hæreditas. ibi.
- 15 Licitum est filio gaudere de parricidio Parentis à se in ebrietate perpetrato propter ingentes divitias inde ex hæreditate consecuturas. ibi.
- 16 Fides non censetur cadere sub præceptum speciale, & secundum se. p.275
- 17 Satis est actum fidei semel in vita elicere. ibi.
- 18 Si à potestate publica quis interrogetur, fidem ingenuè confiteri, ut Deo, & fidei gloriosum, consulo; tacere, ut peccaminosum per se non damno. p.278
- 19 Voluntas non potest efficere, ut assensus fidei in se ipso sit magis firmus, quam mereatur pondus rationum ad assensum impellentium. p.283
- 20 Hinc potest quis prudenter repudiare assensum, quem habebat supernaturalem. ibi.
- 21 Assensus fidei supernaturalis, & utilis ad salutem stat cum noticia solum probabili revelationis; immo cum formidine, qua quis formidet, ne non sit locutus Deus. ibi.
- 22 Non nisi Fides unius Dei necessaria videtur necessitate medii, non autem explicita Remuneratoris. p.286
- 23 Fides latè dicta ex testimonio Creatorum, similiter monito ad justificationem sufficit. p.292
- 24 Vocare Deum in testem mendacii levis non est tanta irreverentia, propter quam vellet, aut possit damnare hominem. p.293
- 25 Cum causa licitum est jurare sine animo jurandi, siue res sit levis, siue gravis. ibi.
- 26 Si quis, vel solus, vel coram aliis, siue interrogatus, siue propria sponte, siue recreationis causa, siue quocunque alio fine juret, se non fecisse aliquid, quod revera fecit; intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est

- est perjurus. pag.309
- 27 Causa iusta utendis his amphibologiis est, quoties id necessarium, aut utile est ad salutem corporis, honorem, res familiares tuendas; vel ad quolibet alium virtutis actum, itaut veritatis occultatio censatur tunc expediens, & studiosa. ibi.
- 28 Qui mediante commendatione, vel munere ad Magistratum, vel Officium publicum promotus est, poterit cū restrictione mentali prestare iuramentum, quod de mandato Regis à similibus solet exegi, nō habito respectu ad intentionem exigentis, quia non tenetur fateri crimen occultum. ibi.
- 29 Urgens metus gravis est causa iusta Sacramentorum administrationem simulandi. p.319
- 30 Fas est viro honorato occidere in vasorem, qui nitor calumniam inferre, si aliter hæc ignominia vitari nequit; id quoque dicendum, si quis impingat alapam, vel fustem percutiat, & post impactam alapam, vel ictum fustis fugiat. p.323
- 31 Regulariter occidere postum furem pro conservatione unius aurei. ibi.
- 32 Non solum licitum est defendere defensione occisiva, quæ actu possidemus, sed etiam ad quæ jus inchoatum habemus, & quæ nos possiduros speramus. p.324
- 33 Licitum est tam hæredi, quàm Legatario contra injustè impediētem, ne vel hereditas adatur, vel legata solvantur, fataliter defendere, sicut & jus habenti in Cathedram, vel Prebendam cōtra eorum possessionem injustè impediētem. ibi.
- 34 Licet procurare abortum ante animationem fœtus, ne Puella deprehensa gravida occidatur, aut infametur. p.328
- 35 Videtur probabile, omnem fœtum, quādiū in utero est, carere anima rationali, & tunc primum incipere eandem habere, cum paritur, ac consequenter dicendum erit in nullo abortu homicidium committi. ibi.
- 36 Permissum est furari non solum in extrema necessitate, sed etiā in gravi. p.333
- 37 Famuli, & famulæ domesticæ possunt occultè heris suis surripere ad compensandam operam suam, quam maiorem judicant salario, quod recipiunt. ibi.
- 38 Non tenetur quis sub pena peccati mortalis restituere, quod ablatum est per pauca furta, quantuncumque sit magna summa totalis. p.342
- 39 Qui alium monet, aut inducit ad inferendum grave damnum tertio non tenetur ad restitutionem illius damni illati. ibi.
- 40 Contractus Mobiliaris licitus est etiam respectu ejusdem Personæ, & cum contractu retrovendiçionis præviæ amico cum intentione lucri. p.362
- 41 Cum numerata pecunia pretiosior sit numeranda, & nullus sit, qui non majoris faciat pecuniam presentem, quàm futuram, potest creditor aliquid ultra sortem à mutuatario exigere, & eo titulo ab usura excusari. p.397
- 42 Usura non est, dum ultra sortem aliquid exigitur, tamquam ex benevolentia, & gratitu dine debitum, sed solum si exigatur tanquam ex iustitia debitum. ibi.
- 43 Quidni non nisi veniale sit, detrahentis auctoritatem magnam sibi noxiam falso crimine elidere. p.413
- 44 Probabile est non peccare mortaliter, qui imponit falsum crimen alicui, ut suam iustitiam, & honorem defendat. Et si hoc non sit probabile, vix ulla erit opinio probabilis in Theologia. ibi.
- 45 Daret temporale pro spiritali non est Simonia, quando temporale non datur tanquam pretium, sed dumtaxat tanquàm motivum conferendi, vel efficiendi spiritalis, vel etiam quando temporale sit solum gratuita compensatio pro spiritali, aut e contra. p.423
- 46 Et id quoque locum habet, etiam si temporale sit principale motivum dandi spiritalis; immò etiam si sit finis ipsius rei spiritalis, sicut illud pluris æstimetur, quàm res spiritalis. ibi.
- 47 Cum dixit Concilium Tridentinum, eos alienis peccatis communicantes mortaliter peccare, qui nisi quos dignores, & Ecclesiæ magis utiles, ipsis judicaverint ad Ecclesias promovent; Concilium vel primò videtur per hoc dignores nō aliud significare velle, nisi dignitatem eligendorum sumpto comparativo propositivo; vel secundò locutione minus propria ponit digniores, ut excludat indignos, non verò dignos; vel tandem loquitur tertio, quando fit concursus. p.433
- 48 Tam clarum videtur, fornicationem secundum se nullam involvere malitiam, & solum esse malam, quia interdicta, ut con-

Propositionum.

- contrariam omnino rationi diffonum videatur. p.439
- 49 Mollities jure naturę prohibita non est. Unde si Deus eam non interdixisset, sepe esset bona, & aliquando obligatoria sub mortali. ibi.
- 50 Copula cum conjugata, consentiente marito, non est adulterium; adeoque sufficit in confessione dicere, se esse fornicatum. p.449
- 51 Famulus, qui submissis humeris scienter adjuvat herum suum ascendere per fenestras ad stuprandam Virginem, & multoties eidem subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta, ne à Domino malè tractetur, ne torvis oculis aspicatur, ne domo expellatur. p.455
- 52 Præceptum servandi Festa non obligat sub mortali, seposito scandalo, si absit contemptus. p.457
- 53 Satisfacit præcepto Ecclesię de audiendo Sacro, qui duas ejus partes, immò quatuor simul à diversis celebrantibus audit. ibi.
- 54 Qui non potest recitare Matutinum, & Laudes, potest autem reliquas horas, ad nihil tenetur, quia major pars trahit ad se minorem. p.465
- 55 Præcepto Communionis annuę satisficit per sacrilegam Domini manducationem. p.469
- 56 Frequens Confessio, & Communio, etiam in his, qui gentilitate vivunt, est nota prædestinationis. ibi.
- 57 Probabile est, sufficere attritionem naturalem, modo honestam. p.476
- 58 Non tenemur Confessario interroganti fateri peccati alicujus cōsuetudinē. p.484
- 59 Licet Sacramentaliter absolvere dimidiatè tantum confessos ratione magni concursus Penitentium, qualis V.G. potest contingere in die magnę alicujus Festivitatıs, aut Indulgentiæ. p.495
- 60 Penitenti habenti consuetudinem peccandi contra legem Dei, naturę, aut Ecclesię, & si emendationis spes nulla appareat, nec est neganda, nec differenda absolutio; dummodò ore proferat, se dolere, & proponere emendationem. p.499
- 61 Potest aliquando absolvi, qui in proxima occasione peccandi versatur, quam

potest, & non vult omittere, quinimodò directā, & ex proposito querit, aut ei se ingerit. p.504

- 62 Proxima occasio peccandi non est fugienda, quando causa aliqua utilis, aut honesta non fugiendi occurrit. ibi.
- 63 Licitum est querere directè occasionem proximam peccandi pro bono spiritali, vel temporali nostro, vel proximi. ibi.
- 64 Absolutionis capax est homo, quantumvis laboret ignorantia Mysteriorum fidei, & etiam si per negligentiam, etiam culpabilem, nesciat Mysterium Sanctissimę Trinitatis, & Incarnationis Domini nostri Jesu Christi. p.511
- 65 Sufficit illa Mysteria semel credidisse. ibi.

IN III. LIBRO

Ille ab Alexandro VIII. proscriptus.

Bonitas objectiva consistit in convenientia objecti cum natura rationali. Formalis verò in conformitate actus cum regula morum. Ad hoc sufficit, ut actus moralis tendat in finem ultimum interpretativè. *Hunc homo non tenetur amare, neque in principio, neque in decursu vite sue moralis.* p.516

Peccatum philosophicum, seu morale, est actus humanus disconveniens naturę rationali, & rectę rationi. Theologicum verò, & mortale est transgressio libera divinię legis. Philosophicum, quantumvis grave in illo, qui Deum vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque æterna pœna dignum. p.518.

IN IV. LIBRO

Alia ejusdem Alexandri in eodem.

- 1 **I**N statu naturę lapsę ad peccatum formale, & demeritum sufficit illa libertas, qua voluntarium, ac liberum fuit in causa sua, peccato originali, & libertate Adami peccantis. p.521
- 2 Tametsi detur ignorantia invincibilis juris naturę, hæc in statu naturę lapsę operantem ex ipsa, non excusat à peccato formali. p.522
- 3 Non licet sequi opinionem vel inter pro-

Syllabus

- probabiles probabilissimam. p.523
- 4 Dedit semetipsum pro nobis oblationem Deo, non pro solis Electis, sed pro omnibus, & solis fidelibus. ibi.
- 5 Pagani, Judei, Hæretici, alique hujus generis nullum omnino accipiunt à Jesu Christo influxum, adeoque hinc rectè inferes in illis esse voluntatem nudam, & inermem, sine omni gratia sufficienti. pag.524
- 6 Gratia sufficiens statui nostro, non tam utilis quàm perniciosa est, sicut proinde meritò possimus petere, à gratia sufficienti. *Libera nos, Domine.* ibi.
- 7 Omnis humana actio deliberata est Dei dilectio, vel mundi, si Dei Charitas Patris est, si Mundi, concupiscentia carnis, hoc est, mala est. p.525
- 8 Necessè est infidelem in omni opere peccare: ibi.
- 9 Revera peccat, qui odio habet peccatum mere ob ejus turpitudinem, & disconvenientiam cum natura rationali, sine ullo ad Deum offensum respectu. ibi.
- 10 Intentio qua quis descendit malum, & prosequitur bonum, male ut celestem obtineat gloriam, non est recta, nec Deo placens. p.526
- 11 Omne, quod non est ex fide Christiana supernaturali, quæ per dilectionem operatur, peccatum est. ibi.
- 12 Quando in magnis peccatoribus deficit omnis amor, deficit etiam fides, & etiam si videantur credere, non est fides divina, sed humana. ibi.
- 13 Quisquis etiam æternæ mercedis intuitu Deo famulatur, charitate si caruerit, vitio non caret, quoties intuitu licet beatitudinis operatur. ibi.
- 14 Timor gehennæ non est supernaturalis. ibi.
- 15 Attritio, quæ ex gehennæ, & penarum metu concipitur, sine dilectione benevolentiz Dei propter se, non est bonus motus, ac supernaturalis. p.527
- 16 Ordinem præmittendi satisfactionem absolutioni induxit non politia, aut institutio Ecclesiæ, sed ipsa Christi lex, & præscriptio naturæ rei idipsum quodammodo distans. p.528
- 17 Per illam praxim mox absolvendi, ordo penitentiz est inversus. ibi.
- 18 Consuetudo moderna quoad administrationem Sacramenti Penitentiz, etiam si eam plurimorum hominum sustentet auctoritas, & multi temporis diuturnitas confirmet, nihilominus ab Ecclesia non habetur pro usu, sed abusu. p.529
- 19 Homo debet agere tota vita penitentiam pro peccato originali. ibi.
- 20 Confessiones apud Religiosos factæ, plerique vel sacrilege sūt, vel invalide. p.530
- 21 Parochianus potest suspicari de Mendicantibus, qui elemosynis cōmunibus vivunt, de imponenda nimis levi, & incōgrua penitentia, seu satisfactione, ob quæstum, seu lucrum subsidii temporalis. ibi.
- 22 Sacrilegi sunt judicandi, qui jus ad Communionem percipiendam prætendunt, antequam condignam de delictis suis penitentiam egerint. ibi.
- 23 Similiter arcendi sunt à sacra Communionem, quibus non dum inest amor Dei purissimus, & omnis mixtionis experti. p.531
- 24 Oblatio in templo, quæ fiebat à B. Virgine Maria in die Purificationis suæ per duos pullos Columbarum, unum in holocaustum, & alterum pro peccatis, sufficienter testantur, quod indiguerit purificatione, & quod filius, qui offerebatur, etiam macula matris maculatus esset, secundum verba legis. ibi.
- 25 Dei Patris sedentis Simulacrum nefas est Christiano in templo collocare. ibi.
- 26 Laus, quæ deferretur Mariæ ut Mariæ, vana est. ibi.
- 27 Valuit aliquando Baptismus sub hac forma collatus, *in nomine Patris, &c.* prætermisiss illis. *Ego te baptizo.* p.534
- 28 Valet Baptismus collatus à Ministro, qui omnem ritum externum, formamque baptizandi observat, intus verò in corde suo apud se resolvit. *Non intendo facere, quod facit Ecclesia.* p.536
- 29 Futilis, & toties convulsa est assertio de Pontificis Romani supra Concilium Oecumenicum auctoritate, atque in fidei questionibus decernendis infallibilitate. p.537
- 30 Ubi quis invenerit doctrinam in Augustino clarè fundatam, illam absolute potest tenere, & docere, non respiciendo ad ullam Pontificis Bullam. p.540
- 31 Bulla Urbani VIII. *In eminenti*, est subreptitia. ibi.



LIBER PRIMUS

CONTINENS PROPOSITIONES

AB ALEXANDRO VII.

PROSCRIPTAS.

Quadraginta quinque Propositiones, quas ALEXANDER VII. duobus respectivè decretis, altero, edito die 24. Septembris 1665. & altero, 18. Martii 1666. damnavit, hoc libro referimus, relaturi postea, aliis duobus, cæteras ab INNOCENTIO XI. & ALEXANDRO VIII. proscriptas; quibus pro praxi à Confessariis in Sacro Tribunali exercenda, resolutiones, & dubia, ad ipsorum Decretorum præscriptum, adnectimus.

CAPUT PRIMUM.

Prima propositio ab Alexandro damnata. Obligatio credendi, sperandi, & diligendi Deum.

PROP. I. Ab Alex. damnata. Homo nullo unquam vite sua tempore, tenetur elicere actum fidei, spei, & Charitatis, ex vi præceptorum Divinorum, ad eas virtutes pertinentium.

Auctores propositionis putarunt hominibus non fuisse imposita præcepta di-
Matthæucci Cautela Confessi.

vina credendi, sperandi, & diligendi Deum, directè, & per se exigentia illos actus, prout dixit Thom. *Tamb. to. 1. in decalog. lib. 2. cap. 1. de fide, §. 1. num. 9.* sed solum ad id teneri indirectè, & per accidens, quando, nimirum, urget præceptum exercendi actus aliarum virtutum, ut ostendit clausula: *ex vi præceptorum Divinorum ad eas virtutes pertinentium*, contra quos Alex. VII. decretum edidit. Occasione cujus cum DD. noto, hominem teneri ad eliciendos actus supernaturales fidei, spei, & Charitatis, aliquando *per se*, & *directè*; & aliquando *per accidens*, & *indirectè*.

2. Quæritur, quando obligetur per se, & directè?

A

Resp.

Resp. Cùm debet eos actus elicere, obligatione proveniente ab ipsa respectivè virtute, vel fidei, spei, aut Charitatis. Et tunc omissio actus est peccatum per se, & directè contra hujusmodi virtutes, in confessione explicandum, sic, *quoddam non crediderit, nec speraverit, aut dilexerit, quando ad similes actus directè, & per se obstringebatur*; Nam regula generalis est, cùm ad actum alicujus virtutis datur obligatio directà, & per se, omissionem actus esse peccatum contra virtutem, cujus actus est per se sub præcepto.

3 Queritur, quando obligetur per accidens, & indirectè?

Resp. Cùm actus Fidei, Spei, & Charitatis non præcipiuntur, nisi in ordine ad exercendos actus alterius virtutis; adeò ut, si hic, & nunc actus istius virtutis non esset per se, & directè sub præcepto, in ista circumstantia nulla daretur obligatio credendi, sperandi, & diligendi: V.G. obligatur quis gratiam per peccatum amissam, per contritionem perfectam extra Sacramentum, vel per attritionem in Sacramento, recuperare, non poterit hos actus elicere, nisi credat ea, sine quibus similes actus doloris haberi nequeunt: hoc est, *nisi credat in Deum: nisi ab ipso veniam speret: nisi credat Deum esse summum bonum, quem offendisse se doleat: vel penas inferni, cuius timore atteritur: nisi credat Sacramentum confessionis, cujus perceptione liberari à peccato intendit*: Hic actus Fidei, & Spei non præcipitur, nisi ratione contritionis, vel attritionis, & non per se: ideò omittens tunc eos actus doloris non peccat contra præceptum Fidei, vel Spei, sed solum contra præceptum contritionis, vel attritionis, & satisfacit, si in Confessione dicat, se non eliciuisse actum contritionis, vel attritionis, dum debuit, Layman Theol. Moral. lib. 2. tract. 1. cap. 10. in fine, & tract. 2. cap. 2. à num. 1. Nam est commune, cùm obligatio V.G. credendi provenit ab alia virtute, quàm à virtute fidei, omissionem actus fidei non esse pec-

catum diversum ab eo, quod committitur contra illam aliam virtutem; quia illa virtus ad actum proprium per se, & directè, ad actum verò Fidei solum per accidens, & indirectè obstringit.

4 Esse hominibus adultis impositum à Deo præceptum speciale obligans per se ad eliciendum actum fidei supernaturalis, constat Matth. ult. *Qui crediderit, & baptizatus fuerit, salvus erit: qui vero non crediderit, condemnabitur*. Neque enim quis damnaretur ob omissionem alicuius actus, nisi præceptum de illo eligendo esset impositum. De quo etiam lib. 1. cap. 11.

5 Pariter à Deo est adultis fidelibus impositum præceptum speciale spei, obligans per se ad actum supernaturalem spei dicendum, ut ex Psal. 4. *Sperate in Domino* 1. Petri 1. *Sperate in eam, que offertur vobis, gratiam*, &c. & alibi sæpè.

6 Item: Præceptum diligendi Deum super omnia, est speciale à ceteris distinctum per se obligans ad eliciendum actum amoris supernaturalis erga Deum, ut Matth. 22. *Diliges Dominum Deum tuum ex toto corde tuo*: ubi à Christo dicitur primum, & maximum mandatum.

7 Tandem hæc præcepta leguntur etiam in Augustino *Enchiridion de fide, spe, & charitate* ubi cap. 3. & 6. dixit *Fide, spe, & charitate Deum colendum*. Colitur Deus fide, firmiter credendo esse verum quidquid Deus dixit Ecclesiæ. Hac enim firma fide, quam ejus verbis præstamus, ipsum recognoscimus, & cultu intellectuali adoramus, tamquam ens summæ veritatis in loquendo; ac tamquam infinite sapientem, & bonum, à quo habet, ut nec ipse falli, nec nos fallere possit, & velit.

8 Colitur Spe, dum ab ipso certò expectamus beatitudinem, & cetera alia quæcumque bona salutaria, hoc est, ad salutem consequendam necessaria, aut utilia, sive sint spiritalia, sive corporalia.

ralia. Hac enim firma fiducia eum recognoscimus, confitemur, & adoramus, ut infinitè misericordem, Omnipotentem, & fidelem in suis promissis erga nos.

9 Tandem colitur amore charitatis; quia dum eum super omnia diligimus, protestamur, & confitemur ipsum esse summum, & infinitum bonum propter se amandum, cui nos ipsos ita subicimus, ut parati simus potius velle omnes alias res perdere, quàm ejus amorem, quando ad eum super omnia diligendum per illas impediremur. Legendus Carechismus Concil. Trid. p. 3. *de precept. Decalog. nu. 12*. Vanni t. 2. *il Catechis. 12. pract. istr. 41*.

10 Cæterum duo respectivè sunt præcepta fidei, spei, & Charitatis. Negativum unum, affirmativum alterum.

§. I.

Obligatio eliciendi actum fidei supernaturalis.

11 **Q**Uæritur. Quando per se, & directè obligat præceptum negativum fidei divina, hoc est, ut non adhibeamus fidem erroribus divina revelationi contrariis, & ab Ecclesia proscriptis, nec negemus ea, aut voluntariè, & cum advertentia dubitemus de veritate eorum, quæ Deus revelavit, & ut talia nobis ab Ecclesia proponuntur.

Resp. Semper, & pro semper. Quia quodlibet est intrinsecè malum, ideo semper prohibitum; Perinde enim est, ac protestari, Deum mentiri posse, & firmam fidem suis dictis non mereri. Quod esse non potest absque gravissima injuria in ejus infinitam perfectionem, & summam veracitatem.

12 Quæritur, Quando per se, & directè obliget præceptum affirmativum fidei; seu quo nam tempore teneatur quis ad aliquem actum fidei iterum exercere?

Resp. Primo: Cum quis primò venit ad plenum usum rationis, eique suffi-

cienter proponuntur mysteria fidei esse à Deo revelata cum obligatione credendi. Layman cit. *cap. 17. nu. 3*. Ilfung. *Theol. pract. t. 3. disp. 11. art. 1. §. 4. n. 153*. Abelly Medul. *Theol. p. 2. t. 2. cap. 4. sect. 1. §. 1*. Campionus *p. 2. instrue pro confess. cap. 1. n. 19*. Hujusmodi obligatio fundatur in debito colendi Deum ut veracem, cui, statim ac nobis Ecclesia proponit ipsum aliqua dixisse (tunc enim sufficienter proponitur) debemus cultum supremum intellectualem exhibere per assensum firmissimum submitiendo intellectum ejus locutioni, credendo esse vera infallibiliter, quæ revelavit. Per omissionem enim assensus præsumeretur judicare ipsum firmissimam fidem non mereri, vel Ecclesiam proponentem nobis locutionem Dei, falli posse, & non esse columnam, & firmamentum veritatis, contra primam ad *Timoth. 3*.

Secundò. In periculo mortis; nam id est tempus opportunum implendi hoc præceptum, & profitendi se christianum; maxime quia, tunc quisque tenetur omnem, quam potest, curam adhibere, ut suæ salutis certò consulat, & Deum colere assensu fidei supernaturalis, quæ est virtus Theologica, cujus actus est necessarius necessitate mediæ.

Tertiò. Sæpius in anno. Verisimile enim est, quòd Christus in institutione præcepti fidei id voluerit. Nam, cum actus interni fidei necessarii sint ad nutriendam, & conservandam vitam spiritualem, juxta illud Pauli ad *Roman. 1. Justus ex fide vivit*, videtur necessarium, & divino præcepto junctum, ut frequenter eliciantur. Quemadmodum præceptum naturale de vita corporali conservanda obligat ad sumendum sæpius cibum corporalem.

Quare diù intra annum differre est mortale; nec censetur diù differre, qui semel saltem pro quolibet bimestri actus fidei elicit, Campion. cit. & *cap. 8. nu. 18. instruct. per gl'ordinar.* adeò ut sexies ad minus in anno fideles adulti ex divino

præcepto, & ratione præcepti fidei ad credendum teneantur. Nisi dicas, & non improbabiliter, quod sint ad id obstricti, ut minimum semel in mense. Principalior enim cura fidelium esse debet, ut se exercent in actibus virtutum Theologicarum propter ipsarum excellentiam, & præstantiam cultus, qui per actus ipsarum Deo exhibetur; minus autem propriè dicere, ut aliquis illarum exercitio incumbere, si saltem semel in mense non crederet, non speraret, nec ut oportet, diligeret.

13 Observat ubi supr. Campionus Christianos toties teneri per se ad actum fidei de illis mysteriis, quorum fides explicita est necessaria necessitate medii ad salutem, quoties tenentur ad implendum præceptum fidei, directè obligans ad credendum; adeo ut in illis casibus debeant explicitè credere Unitatem, & Trinitatem Dei: Incarnationem, mortem, & resurrectionem Domini nostri Jesu Christi, & Deum remuneratorem remunerando decedentes in gratia, vita æterna in Cælo; & morientes in mortali pæna æterna in inferno.

14 Quia propter partes Confessarii esse debent, penitentes instruere de debito credendi, & sperandi, ac diligendi Deum eosque monere, ut quoties eliciunt actum fidei divinæ, exprimant rationem formalem credendi: hoc est: *firmiter credo Deum esse Unum in essentia, & Trinum in personis, quia Deus revelavit Ecclesie, & Ecclesia id nobis credendum proponit*. Ratio motiva, & formalis credendi, est divina revelatio. Ratio verò, & regula nobis proponens revelationem divinam est auctoritas Ecclesie. Unde Augustinus Lib. contr. Epistol. Manichæi, quam vocant fundamenti, cap. 5. dixit: ibi. *Ego verò Evangelio non crederem, nisi me Catholica Ecclesia commoveret auctoritas*. Et ideo, propositio Ecclesie est conditio sine qua, non crederetur; divina verò revelatio est ratio formalis credendi, ut dixi tr. de fide

15 At quaeritur. *Quare Confessarii*

non interrogant penitentes, an præcepto fidei satisfecerint?

Resp. Quia supponunt satisfecisse, & de obligatione instructos esse à Parochis. Quod si dubitarent, & ignorantia laborarent, essent tunc etiam instruendi. Maxime quia supposita notitia obligationis, videtur moraliter impossibile, quod dum adsunt sacro, recitant symbolum, orant, significant se Crucis signo, ea mysteria non crediderint.

16 Quartò. Cum urget gravis tentatio contra fidem. Actus enim virtutum medicamenta sunt, ut actus vitiorum contrariorum impediatur. Tunc exclamandum est: *Credo, Domine, adjuva incredulitatem meam, Marc. 9.*

17 Quaeritur. *Quando præceptum affirmativum fidei obliget per accidens?*

Resp. 1. Cum eliciendus est actus supernaturalis cujuscumque alterius virtutis, & præcepti, ut timoris, spei, doloris, amoris, & similium. Requiritur enim actus fidei supernaturalis, tamquam regula prævia proponens voluntati objectum, in quod tendere debet. Huiusmodi necessitatem agnovit Augustinus ubi supr. in Enchirid. cap. 7. ibi. *Fides credit, spes, & charitas orant, sed sine fide esse non possunt; ac per hoc & fides orat. Quid autem sperari potest, quod non creditur? & cap. 8. in fin. Nec amor sine spe, nec sine amore spes nec utrumque sine fide.*

II. Cum urget gravis tentatio ad aliquid peccatum, cui sine actu fidei non possumus resistere, juxta illud Apostoli ad Ephes. 6. *Induite vos armaturam Dei, ut possitis stare adversus insidias Diaboli. In omnibus sumentes scutum fidei, in quo possitis omnia tela nequissimi ignea extinguere*. Tunc præceptum fidei non per se obligat, sed ratione alterius præcepti, ne succumbamus tentationi. Campion. p. 1 cap. 38. num. 16.

III. Cum accipienda sunt sacramenta, & præsertim Eucharistia; nam Christi carnem manducare, & sanguinem

nembibere debemus, non sacramentaliter duntaxat, sed etiam spiritualiter, ut nobis proſit ad ſalutem, & ad vitam æternam. Spiritualis autem illa manducatio fit actû fidei vivæ, quæ per dilectionem operatur. Unde ex antiquiſſima Eccleſiæ conſuetudine, Sacerdoti porrigenti, & dicenti: *Corpus Domini noſtri Jeſu Chriſti*: Fidelis quiſque ipſum recipiens, reſpondebat: *Amen*: hoc eſt: *Verum eſt, ita credo*. Juvenin. *Theol. to. 6. diſſert. 4. p. 7. c. 6. art. 3.*

IV. Cùm in die ſeſto tenemur præcepto Eccleſiæ audire Sacrum: cui non poſſumus ſatisfacere, niſi credamus Chriſtum verum Deum eſſe ſub Hoſtia, quam audientes Miſſam adoramus, *ibidem*. *Campion.*

V. Quoties tenemur ad juſtificationem nos diſponere conſequendam, ſive per baptiſmum, ſive per Pœnitentiæ Sacramentum, ſive extra, ſi, urgente periculo, ea ſuſcipi non poſſint. Et Trid. *ſeſ. 6. cap. 6. de juſtiſ.* Eſt tunc neceſſarius actus fidei conducens ad excitandam voluntatem ad reliquos actus diſponentes ad juſtificationem, timorem ſcilicet, ſpem, dolorem de peccatis, & amorem Dei; ille nimirum quo creditur Deus eſſe juſtiſſimus Jdex, miſericors, infinitè bonus; quod Chriſtus ſatisfecit pro nobis, & meruit omnibus gratiam, & gloriam ſufficientem. Poncius *Theol. diſp. 35. q. 2. num. 8.*

18 Formula eliciendi actum fidei eorum myſteriorum, quorum fides explicata eſt neceſſaria neceſſitate mediis ad ſalutem.

Firmiter credo, quia Deus revelavit Eccleſiæ Catholica, eſſe unum Deum, & remuneratorem ſupernaturalè eſſe: ac treſ eſſe divinas perſonas, Patrem, Filium, & Spiritum Sanctum, quarum qualibet eſt Deus; ſed non ſunt tres Dii, ſed unus Deus; atque Filium propter nos eſſe hominem factum, mortem ſuſtinuiſſe, & à mortuis reſurrexiſſe. De quo etiam lib. 2. d. cap. 13.

Mattheucci Cautela Confeſſarii.

§. II.

Obligatio eliciendi actum ſpei Theologica.

19 **Q**Uæritur. Quando per ſe obliget præceptum negativum ſpei, hoc eſt, pro quotempore homo teneatur non deſperare, & non præſumere.

Reſp. Semper, & pro ſemper. Ut trumque enim eſt ab intrinſeco malum: Et proinde pro quovis mōmento prohibitum, quia malum morale numquam operari licet.

20 Deſperatione offenditur divina Miſericordia, & Omnipotentia; quatenus, qui deſperat, de illis diffidit amplius remiſſionem peccatorum, aut beatitudinem æternam, & media ad illam neceſſaria, à Deo non expectans; quaſi Deus ea nolit, & non poſſit ea ſibi conferre. Propter quod deſperatio ſecundum deſectum opponitur ſpei. Nam ſperans firmam fiduciam juxta illius promiſſionem à Deo beatitudinem, & cætera dona ſupernaturalia expectat; deſperans verò, quia beatitudinem, & remiſſionem peccatorum ſibi impoſſibilem apprehendit, ideò eas non expectat. Hinc etiam, qui deſperat, injuriam facit fidelitati divinæ, judicans in ſuis promiſſis Deum fidelem non eſſe.

21 Præſumptione verò offenditur divina Juſtitia, quæ adultis decrevit dare gloriam, per merita ab eis auxilio gratiæ elicitæ: & gratiam ſanctificantem, ac remiſſionem peccatorum conferre, præviis diſpoſitionibus, quibus ſe, divina gratia adjuvati, ad eas ſe præparent, & diſponant. Quare præſumit, qui expectat gratiam ſanctificantem, aut gloriam æternam ex ſe ipſo, & naturæ ſuæ viribus conſequi poſſe; vel, ſe ex ſola divina miſericordia conſecuturum remiſſionem peccatorum ſine ullo actû doloris, aut æternam beatitudinem ſine ullis operibus divina gratia productis confidit.

Consequenter præsumptio opponitur spei secundum excessum, quia spes expectat beatitudinem, & remissionem peccatorum modo, quo obtineri debet. Præsumptio verò modo, quo obtineri non potest, & à Deo non præfixo.

22 Observandum cum Toletò l.4.c.7. desperationem aliquando cum hæresi conjungi, ut si quis existimet, & pertinaciter sibi persuadeat, Deum aut nolle, aut non posse peccata commissa remittere, vel beatitudinem conferre. Pariter cum hæresi præsumptio conjungitur, si pertinaciter credas, te ad ultimum posse sine tuis meritis, vel cum solis meritis naturalibus salvari. Quod est in confessione specialiter declarandum. Confessarius enim ordinarius non potest à peccato desperationis, & præsumptionis absolvere, quando cum hæresi non purè interna conjungitur, licet per se præsumptio, & desperatio aliàs non sint peccata Papæ reservata. Ut notavit etiam Campion d.p.2.cap.10. nu.4.

23 Quæritur, quando per se, & directè obliget præceptum affirmativum spei, hoc est, sperandi beatitudinem?

Resp. Primò, statim ac homo usum rationis adeptus, sufficienter instruitur de rebus fidei, eique Deus, ut nostra beatitudo, & finis, ad quem bonis actibus tendere debet, proponitur, Layman. cit. tract.2.cap.2. à num.1. Mastrius disp.10. qu.2.art.1.num.35. Joan. De la Cruz directè conscient. primum præceptum art.2. de spe; Quilici cit. art.2.num.2. Obligatio videtur fundari in debito colendi Deum, ut Bonum, Misericordem, & Omnipotentem, promittentem nos aliquando consecuturos beatitudinem, si usque in finem perseverabimus; quem sic colimus, dum ab ipso, bene operantes supernaturaliter, speramus, expectam usque beatitudinem, sic promissam; quod ipse videtur exigere statim, ac nobis constat ipsum esse ultimum finem, & nostram beatitudinem.

Secundò. Quando urget gravis tenta-

tio contra spem, quæ vinci non potest, nisi animus contrario actu spei Theologicæ ad Deum elevetur. Quilici, & Layman.

Tertiò. In articulo Mortis, tum ob tentationes desperationis, quæ tunc solent graviores insurgere; tum quia, id est tempus opportunius, etiam per actum spei, accedendi ad Deum, ut ad nostrum ultimum finem, in quo maximè speranda est venia, & gloria.

Quartò. Ad minus sexies in anno; sed censco probabile ad minus semel in mense; quia videtur indignum homine fideli, credente Deum proposuisse vitam æternam bene operantibus usque in finem, integrum percurrere mensem, quin ipsam, sic propositam, ut minimum semel in eo, à Deo speret; hoc enim perinde est, ac ipsam beatitudinem per tempus notabile, iudicio prudentum, parvi pendere; & revera Deo denegatur cultus, (quicquid videtur per actum spei) ipsum, ut bonum nostrum, non diligendo; quod esse non potest absque gravi irreverentia in ipsum, & contemptu salutis, & licet ignorantia invincibilis, vel opposita opinio posset à peccato excusare, tamen diù differri non debet.

24 Quæritur, quare igitur Confessarii poenitentes non interrogant, an tempore adducto, præcepto spei satisfecerint, nec poenitentes se de omissione accusant?

Resp. Quia supponunt satisfecisse, & non tantum semel, sed, & frequentius in Mense actum spei eliciisse: vel, dum orant, sperando id, quod petunt; vel, dum de peccatis dolent, sperando à Deo veniam; vel, dum Conciones audiunt, & recitant Symbolum, sperando vitam æternam.

25 Quæritur, quando obliget per accidens, & indirectè?

Resp. Quoties præcipiuntur actus aliarum virtutum, qui sine actu spei Theologicæ exerceri non possunt; sic, qui orat, tenetur sperare, quod petit; ne

vaga sit oratio, sed Deo placens, debet juxta fidei regulas esse conjuncta cum confidentia, & spe obtinendi, quod petitur; qui dolet de peccatis, & verè penitentiam agit, debet veniam sperare: qui accedit ad Deum, ut justificetur, tenetur sperare Deum sibi fore propitium, ut exprimit *Trid. sess. 6. cap. 6.* alia vide apud Lauræam *tom. 4. disp. 4. de spe, & infr. lib. 3. cap. 1.*

26 *Formula eliciendi actum spei Theologicæ.*

Deus meus, quia infinitè misericors, & Omnipotens es, firmissimè spero obmerita D.N. Jesu Christi te mihi daturum beatitudinem æternam, si usque in finem bene cum tuo auxilio operabor, sicut operari, te auxiliante propono.

§. III.

Obligatio eliciendi actum charitatis circa Deum.

27 **Q**uzritur. Quando præceptum negativum charitatis de non odiendo Deum, & nihil agendo, quod ejus dilectioni, & amicitia repugnet per se, & directè obliget.

Resp. Semper, & pro semper. Nam semper est malum Deum offendere, & ipsum odio habere, ut patet ex terminis.

28 **Q**uzritur. Quando præceptum affirmativum charitatis, & diligendi Deum super omnia per se, & directè obliget.

Resp. Primò. Cùm quis primò veniens ad usum rationis sufficienter instruitur de mysteriis fidei, ac proponitur Deus ut bonum infinitæ amabilitatis, & præceptum de amando Deum super omnia, ut D.D. communiter. Id exigens infinita ejusdem amabilitas, & excellentia, ac innumera ab ipso in nos collata beneficia.

Secundò in morali periculo vitæ. Nam illud est tempus opportunus, ut fidelis per actum amoris conjungat se Deo au-

stori suo, ne in æternum ab ipso, quem sequi sperat, separetur. Tum quia pro eo tempore tenetur suæ salutis tutò consulere; tutò autem sibi consulere non potest, quin eliciat actum charitatis Dei super omnia, quo Deum rebus omnibus creatis anteponat, & in Deum se convertat. *Juvenir cit. cap. 4. art. 1. §. 3. conc. 2.*

Tertiò. Frequenter intra annum, ita ut ad prudentum æstimationem homo diù non sit, quin ad Deum per charitatis actum se convertat. Non enim frustra hoc tanti momenti præceptum à Christo dicitur *primum, & maximum.* Ideoque vel semel in mense, ut mihi est probabile; vel ad minus sexies in anno juxta superius dicta de præceptis fidei, & spei. Videtur enim per se valde rationi conforme, ut infinita amabilitas Dei per actum tantæ excellentiæ super omnia diligatur. Maximè quia ingratum se præbet, qui ultra id temporis differret, se per actum dilectionis convertere in Deum, à quo continuis beneficiis afficitur.

29 **Q**uzritur. Quando præceptum affirmativum diligendi Deum obliget per accidens, & indirectè.

Resp. Quoties obligat ratione alterius virtutis, & præcepti. Sic obligat, cum quis sacrificaturus, vel Sacramentum administraturus, habet conscientiam peccati mortalis sine copia Confessoris. Nam tunc tenetur elicere actum contritionis perfectæ, adeoque actum charitatis. Si quidem perfectæ contritio debet esse charitate formata, ut ex *Trid. sess. 14. c. 4.* Abellii *cit. §. 4.* & Layman. *cit. tract. 3. cap. 2. artic. 6.*

30 *Formula eliciendi actum dilectionis Dei.*

Deus meus, quia infinitè bonus propter te amabilis es super omnia te diligo, & omnibus creaturis te præfero: & paratus sum potius vitam perdere, quam tibi displicere.

CAPUT II.

*Prop.2. ab Alexandro VII. damnata.
Duellum.*

1 PROP.2. *Vir equestris ad Duellum provocatus potest illud acceptare, ne timiditatis notam apud alios incurrat.*

Duella sub excommunicationis censura, aliisque pœnis prohibuit Trid. sess. 25. cap. 19. de ref. quas approbat, & confirmat, ac habere locum ubique Gentium, & terrarum declarat Clemens VIII. *Const. Illius vices*, la 11. Bullar. to. 3.

2 Quæritur, an absolutio excommunicationis, qua duellantes, ipso facto, absque alia monitione, aut declaratione, iudicis decreto, aut ministerio, ex Alleg. *Const. Clement. §. Quinimò*, ligantur, sit reservata Romano Pontifici?

Resp. Affirmative, ut idem Pontifex eodem, §. firmat.

3 Quæritur, an soli duellantes ea censura, & pœnis innodentur?

Resp. Negative, quia Clemens, §. *Quinimò* excommunicat omnes, & quoscumque publicè, vel privatim, palam, vel occultè, in quibuscumque locis, modis, & formis, ac casibus sub presenti nostra, vel aliis prædictis constitutionibus, & decreto comprehensis, singulare certamen (quod duellum vulgò dicitur) ex composito ineuntes, necnon id scelus suadentes, aut provocantes; opem, consilium, vel favorem præstantes; e- quos, arma, & comæatus præbentes, aut comitantes; vel circa cartulas, seu libellos, literas, nuncios, aut quacunque alia scripta huiusmodi quomodolibet peccantes, huiusque delicti socios, de industria spectatores (hoc est, qui non casu, sed ex proposito duellantes aspiciunt) Patrinos, fautores, Defensores, &c.

4 Quæritur, an ad incurrendam prædictam censuram, & ceteras pœnas debeat realiter, & cum effectu pugna committi?

Resp. Negative, ex clausula adjecta in *Const. Greg. XIII. ad tollendum* la 78. Bull. to. 2. ac ex alia in *const. Clementis §. Præterea*, ibi: *volentes, etiam si neque pugna aliqua, nec certamen, aut effectus, nec accessus, aut actus ad pugnam proximis, neque expressa, & aperta provocatio subsecuta fuerint; neque seripiones prædictæ, qua manifestæ dicuntur, in publicum prodierint, aut cuicumque intimata extiterint, si per eos non steterit, quominus publicatio, aut denunciatio fieret.*

Dices, *Const. Clement.* est pœnalis, & propterea restringenda ad actum consummatum, juxta regul. 15. *jur. in 6. odia restringi*, &c. præsertim, quia per DD. cum pœna propter actum imponitur, hæc non incurritur, nisi actu sequuto; quod exigitur, ut censuræ incurrantur?

5 Resp. Dum agitur de salute animæ, & evitando peccato, ut in casu, debet fieri extensio, etiam juris pœnalis. Quærant. *sum. ver. casus reservati. Additio quoad primum*. Nota: in casu duelli ad effectum incurrendi censuram, duplex consideratur effectus; alter est ipsa provocatio, vel acceptatio per principales, & ad ipsum cooperatio per complices; & alter est ipsa pugna, vel mors, & vulnera ex ipsa; iste nullatenus est necessarius ad censuram incurrendam (licet sufficiat): & ideo ea innodantur Complices, Patrini, & alii, de quibus supra, quamvis non perficiatur confictus; ille verò debet esse consummatus, & perfectus; debet nimirum ex parte principalium adesse provocatio, & acceptatio, & ex parte aliorum cooperatio.

6 Quæritur, quid sit duellum?

Resp. Est pugna duorum, vel plurium, facta armis, seu instrumentis, aptis ad ferendam mortem, grave vulnus, vel mutilationem ex condicito; mutua scilicet, & spontanea conventionione suscepta, designatis loco, & tempore pugna. Condicere ex Calvino, *Lexicon* importat dicere, locumque comuni consensu constituere.

7 Quæritur, *quotuplex sit duellum?*

Resp. Duplex, solemne, & privatum: illud dicitur, quod fit ex vi provocationis ex conditio ad certum locum, & diem, cum armis, Chartellis, coram testibus, & patrinis; alterum est confictus cum loci, & temporis deliberatione cum armis, sed sine Chartellis, Testibus, & Patrinis; quod committunt, qui, postquam inter se convenerunt comparere intra tot horas in tali loco cum armis, ad effectum certandi, juxta conventionem conveniunt, & pugnant; Utrumque prohibetur sub excommunicatione reservata in Constit. Clement. §. *quas penas*, & §. *Quinimodò*, sive publicè, sive occultè committatur.

8 Quæritur, *an duellum differat à rixa?*

Resp. Affirmativè, quia rixa est pugna, quæ oritur ex subita ira, eodem calore iracundiæ animo alterato, non ex deliberata, & spontanea loci, & temporis conventionem, nec interposito aliquo tempore inter contentionem, & pugnam; quæ duello non aptantur ex dictis.

9 Quæritur, *an committant duellum duo inter se verbis contendentes, quorum unus, quia caret ense, in domum propriam properat, & dicit, expecta me, donec arma, ut tu, habueris; & alter respondet: vade, & fer gladium tuum, nolo te proditoriè, & inarmatum aggredi, & sic redit, & pugnant?*

Negat Marchant. & non improbabili- ter, alias omnes ferè rixæ, & pugnæ rusticorum, & hominum infimæ plebis duella reputabuntur, excommunicationis subiecta; quod durum apparet: solent enim tales, modò inter Choreas, modò inter pocula, & ludos, à verbis injuri- osis incipere, & pugnis sese mutuò per- cutere, ac deinde, quia impediuntur, mutuò se provocant, ut uterque gla- dium ferat, & ex illo primo impetu ad gladios currunt, redeunt, & pugnant; pugna videtur prioris rixæ prosecutio, & continuata actio præcedentis quæstionis.

Verum esse subiecta dicerem, si ex in- continentia non redirent, hoc est, nullo actu contrario intermedio, juxta Glos. *ad cap. quia propter de elect. in ver. mor.* vel, non intra tempus, in quo potest pru- denter præsumi, in eis eundem impe- tum iracundiæ durare.

10 Quæritur, *an incurrant pœnam duellantium, qui confictum suscipiunt hac lege, & pacto inito de non continuanda pugna, cum primum quis eorum ali- quod vulnus receperit, vel sanguinem fuderit, aut post certam ictuum nu- merum?*

Resp. Affirmativè sic Clemens, §. *Nec non iisdem pœnis decreto.*

11 Quæritur, *an Titius duellum com- mitat, qui à Cajo armato aggreditur; & stricto gladio, sic provocatur: tecum hic, & hac hora pugnare, duello certa- re volo, si non acceptes, & gladium ex- eras, te occido.*

Resp. Negativè cum Bonaccina, Pere- grino, Filliuccio apud Barbosam in *Trid. sit. n. 13*. Boyvino *f. 3. Theol. cap. 3. de fortit. quer. ult.* ratio est, quia duellum spontè, & non pervim, & coactè susci- pi debet, juxta text. in cap. Porro de Cle- ris pugnant. in duello: Spontè autem à Titio non suscipitur; ex parte cuius est potius iusta defensio contra injustum ag- gressorem; *vid. infr. cap. 13. n. 10.* sed Ca- jus pœnis duellantium tenetur, quia per eum non stetit, quin duellum fuerit com- missum.

12 Quæritur, *an, sic provocans, & alteri intimans, ut ense accinctus incedat, & ei, ad finem evadendi penas duel- li, locum, tempusque non assignans: pro- vocatusque ipse armatus intedat, non ad solam defensam, sed ad dimicandum cum provocante, & ad hunc effectum unus alium querat, pœnas duellantium incurrant?*

Resp. Affirmativè, quia intervenit condi- tio loci, & temporis, ac armorum suf- ficientissima determinatio; utriusque enim mens est simul ense pugnare, quo-

cunque tempore, & in quocunque loco sibi obviabunt. Ameno de pœnis.

13 Dubitatur, an Ecclesiastica sepultura sit privandus, qui in duello, ac cepto vulnere, non statim, sed alio die moritur?

Resp. Negativè, si impœnitens non decesserit, quia pœna privationis sepulture Trid. cit. infligit, si in ipso confictu decesserint. Et Clemens, si in ipso confictu obierint: par dispositio habetur cap. Felicis de carne amentis.

14 Sed quid dicendum de eo, qui ante mortem dat signa pœnitentia, vel à Presbytero absolutionem recipit, sed in loco confictus moritur?

Resp. Non esse sepeliendum in loco sacro, quia de eo verificatur; quod in confictu moriatur; denegatio enim sepulture non est præcisè ob decessum in peccato, sed in penam, & detestationem duelli commissi; vel, ut loquitur Glof. ad alleg. cap. in ver. caveat sepultura: ut. potius consulatur vivis, quam defunctis, ut alii terreantur, & abstineant à similibus, cum viderint illos sepeliiri in carceribus.

15 Quæritur, quomodo se gerere debeat Confessarius cum duellante, ex vulnere in confictu recepto, & confictu in articulo mortis, dolente, & petente absolutionem, quam habere non potest ab eo, cui censura reservatur?

Resp. Dum de peccatis verè dôleat, debet ab his eum absolvere, & censura, quæ in eo articulo non est reservata, juxta §. cit. quinimmo, vig. Trid. sess. 14. de pœnis cap. 7. sed non nisi imposto prius onere, & recepto juramento de stando mandatis Ecclesiæ (hoc est, quod similia amplius non sit commissurus) & recepta sanitate, ac impedimento cessante, de comparando coram Summo Pontifice, vel eo, cui ipse absolutionem commiserit, juxta text. in cap. de cetero; cap. ea noscitur; cap. quod de his de sent. ex. com. non, ut iterum à censura absolva-
tur, sed, ut pro ea satisfactionem præ-

stet: vel, ut obedientiam præbeat Ecclesiæ, & majorem pœnitentiam recipiat; vel, ut etiam in foro externo satisfactionem exhibeat. Quia, ut notat Engel. lib. 5. tit. 39. §. 4. num. 115. ea absolutio à privato sacerdote data, valet tantum pro foro animæ, & in foro externo non potest præjudicare superiori; sub pœna reincidendi in similem excommunicationem, ut expressè text. in cap. eos, qui de sent. ex. com. in 6. si, cum primogeni possit, non compareat.

Est etiam ab eo exigenda cautio pignoratitia, vel fidejussoria, seu promissio jurata de satisfacienda parte (si tum non potest) si quæ sit læsa, Layman Theol. lib. 1. tr. 5. p. 2. cap. 2. num. 8. & Pueronius in Bullam Cœna cap. final. nu. 19. & 20.

Et est cautela in praxi à Confessariis tenenda, cum absolunt similes, & ligatos censura reservata.

16 Quod si scienter omittant ea cum pœnitente exequi, quamvis is validè absolva-
tur (excipitur à casibus Bullæ Cœna per dicta cap. sequen. num. 26.) mortaliter peccant, quia in re gravi operantur contra sacros Canones. Felix. tom. 1. ex. am. num. 3363.

CAPUT III.

Propositio tertia, & quarta.
Absolutio ab hæresi.

PROP. 3. Sententia asserens Bullam Cœna solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. 18. Julii in Consistorio S. Cong. Eminentissimorum Cardinalium visa, & tolerata est.

PROP. 4. Prelati Regulares possunt in foro conscientia absolvere quoscunque seculares ab hæresi occulta, & ab excommunicatione propter eam incurrsa.

1 Bulla Cœna (sic dicta, quia quolibet

bet anno, Papa præfente, Romæ legitur feria 5. in Cæna Domini) est processus casuum, quibus annexa est excommunicatio, summo Pontifici reservata, cum derogatione privilegiorum, quibuscumque concessorum; cuius transumptum, nisi memoriter sciant, debent apud se habere Confessarii omnes, ad effectum, ut excommunicationes, in ea contentas, cognoscant, & distinguant, ne errent absolvendo eos, ad quos eorum non extenditur iurisdictio.

2 Quæritur, an mortaliter peccent, si illud non retineant?

Resp. Affirmativè cum Quilici *confes. manud. quæst. 4. art. 3. an. 1.* Ratio est, quia exponunt se in re gravissima periculo invalidè administrandi Sacramentum penitentiz, & faciunt contra præceptum Pontificis expressum, §. *Cæsarum Patriarchæ in fine.*

Quarum propositionum occasione plura, & quidam ad praxim necessaria, ad hæresim, & hæreticos spectantia breviter adnotamus.

3 Quæritur, quinam consendi sint hæretici?

Resp. Omnes, qui, post susceptam fidem Catholicam, contra illam pertinaciter in aliquo errant: Soufa *Aphorismi Inquisitorum lib. 1. cap. 8. num. 2.* differt hæreticus ab *hæresiarca*, quia iste errores contra fidem invenit, seminat, & defendit, & ideo Princeps hæresis appellatur: Soufa *ibid. cap. 4. num. 1.*

4 Quæritur, quid sit hæresis?

Resp. *Est voluntarius error intellectus contra aliquam fidei Catholicæ veritatem cum pertinacia, assertus ab eo, qui fidem recepit.* Sic DD. apud Carena *de offic. S. Inquisit. part. 2. tit. 1. §. 1. num. 2.* Error itaque in intellectu est hæresis initium, & pertinacia in voluntate ejusdem complementum. Fagn. *in 1. ad cap. damnamus de sum. Trinit. n. 11. vid. Clement. de sum. Trin.*

5 Quæritur, in quo pertinacia consistat?

Resp. In eo, quod quis sciens suam sententiam esse contra Ecclesiæ Universalis auctoritatem, & definitionem, nihilominus eam tenet, Layman, vel in hoc, quod quis sciens, vel volens, & cum advertentia consentiat in id, cujus contrarium scit à Sancta Matre Ecclesiâ determinatum, Carena *ibid. §. 2.* quare pertinacia in hæresi, *est consensus deliberatus in errorem cum certa cognitione, quod sit contra id, quod Ecclesiâ tenet; & ideo pertinax est, qui, non obstante, quod cognoscat ab Ecclesiâ teneri, quod aliquid sit de fide, non vult credere.* Ponticius *disp. 30. quæst. 2. in fine*, ad pertinaciam in casu, vel, ut quis pertinax dicatur, & sui propositi teax, vel, indocilis, & obstinatus sit, ut legit Glof. ad *Clement. cit. in ver. pertinaciter*, non requiritur temporis mora, vel, quod per spatium temporis in errore perseveret, sed sat est, quod unico momento sciens, & volens errori contra fidem adhareat. Carena *ibid.* alique.

6 Quæritur, quando hæresis dicatur interna, seu purè mentalis, & quando externa?

Resp. Interna, cum quisei mente solum assentitur, & exterius eam nullo signo manifestat; quo casu dicitur, etiam per se occulta; externa verò, quando quis eam mente tenet, & verbo, vel facto exterius ostendit.

Uthæresis, etiam externa dicatur, de necessitate per DD. requiritur: I. Ut signum externum sufficienter sua natura, vel institutione, aut circumstantiis hæresim internam manifestet, ita quod, si ibi aliquis adesset, vel ad ipsum adverteret, arguere posset proferentem esse hæreticum, eique sufficienter hæresim manifestaret; ex quo sequitur hæreticum mentalem, qui, nemine audiente, vel vidente, sed secretò suam hæresim ore profert, vel scribit, etiam si statim se retractet, percutiendo os, lacerando schedam, effici hæreticum formalem, & externum, quia signa de sua natura eam manifestant. II. Quod

Quod actus externus, quo quis suam hæresim declarat, sit de se malus; quæ propter sequitur, hæreticum mentalem Confessario hæresim suam verbis exprimementem, vel alteri, causâ capiendæ instructionis, aut consilii, ad effectum eam deponendi, non effici hæreticum externum, quia eam non exprimit animo eam docendi, aut profitendi, sed sine bono, Soufa *cap. 15. num. 7.*

7 Quæritur, *quomodo se gerere debeat Confessarius cum hæretico, verè penitente?*

Resp. Animadvertat, an ejus hæresis fuerit purè mentalis, & interna: quo casu non habet annexam excommunicationem Bullæ Cœnæ; ideo hæreticus purè mentalis à quocumque Confessario approbato potest absolvi. Carena §. 7. n. 45. Alique; sed, si etiam externam invenerit, eum absolvere nequit, ex quo fit cum excommunicatione Bullæ conjuncta, Summo Pontifici reservata; etiamsi secretò, & nemine audiente, vel vidente, eam externam fecisset; quòd si esset solum hæreticus externè, credens internè omnia, quæ S.M. Ecclesia credit, absolvi posset, juxta dicenda *num. 9.*

8 Advertas, facultatem absolvendi ab hæresi externa, etiam occulta, datam Episcopis à Trid. *sess. 24. cap. 6. de reformat.* esse sublatam per Bullam Cœnæ, juxta sæpius resoluta à S.C.C. *apud Piassec. prax. Episc. par. 2. cap. 1. art. 3. nu. 5. & num. 18.* & me ipsum Offic. Cur. *cap. 38. nu. 26.*

9 Quæritur, *quomodo Confessarius se gerere debeat cum blasphemò hæreticali, verè penitente?*

Resp. Animadvertat, an non modo protulerit verba blasphemæ hæreticalis, verùm etiam habuerit errorem in intellectu contra fidem, quia tunc erit verè hæreticus formalis, & externus, innodatus excommunicatione Bullæ, Summo Pontifici reservata. Si in intellectu nullum habuit errorem, videat, an hæreticalis blasphemia sit reservata Episcopo: & ubi invenerit esse, nec tunc poterit absolvere

(nisi facultate recepta) licet blasphemus reservationem ignoraverit; si autem nulla erit blasphemæ adjuncta reservatio, à quolibet Confessario approbato absolvi poterit, Carena *ibid. tit. 7. §. 19. num. 98.* debet etiam interrogare de numero blasphemiarum, an in Deum, B.V. vel in Sanctos fuerint, quia graviores sunt juxta diversitatem objecti: an unico impetu in plures Sanctos blasphemaverit, ut in duodecim Apostolos, quo casu duodecim sunt peccata, quia duodecim sunt injuriati; an habuerit expressam voluntatem injuriandi Deum: de consuetudine blasphemandi, &c.

Sed quid, si penitens dubitet, an habuerit, cum blasphemavit, errorem in intellectu?

Resp. Cum Homobono apud Carenam *nu. 95.* Confessarium, ut potè de sua jurisdictione dubium, non debere eum absolvere, sed eum Superiori remittere.

10 Quæritur, *in quodifferat blasphemus hæreticalis ab hæretico?*

Resp. In hoc, quod hæreticus, etiam internè contra fidem sentit: Blasphemus autem hæreticalis solum ore profert verba hæretica, & contra fidem mente nil negat, sed omnia tenet, quæ credit Sancta Mater Ecclesia. Quare, qui loquitur contra Deum, vel ei tribuendo, quod ei non convenit, ut esse *injustum*: aut tollendo, quod convenit, ut non esse *sapientem*; vel tribuendo Creaturæ attributum proprium Dei, ut esse *Omnipotentem*, si internè non credat, ut loquitur, est dumtaxat blasphemus hæreticalis, non hæreticus.

In blasphemia hæreticali duplex est malitia: una, quæ opponitur virtuti Religionis, altera, quæ repugnat externæ Confessioni fidei; ut à Deo tollit debitam reverentiam, & honorem, virtuti Religionis opponitur; quatenus verò affirmat, vel negat, quod de Deo fides docet, est contraria confessioni fidei. Carena *cit. tit. 7. §. 1. num. 6.* Soufa *cap. 19. §. 1. num. 8. vide lib. 2. cap. 4.*

11 Quæritur, an dubius in fide sit hæreticus?

Resp. Affirmativè, textus in cap. 1. de heret. ubi: *dubius in fide infidelis est*; & Clement. cit. §. porro, habetur, doctrinam, quæ vertit in dubium, quod anima rationalis sit forma corporis, esse inimicam fidei Catholicæ, & cum, qui ei pertinaciter adhæret, esse hæreticum. Carena tit. 1. §. 3. Soufa cap. 11. Layman, Pontius, & Pueronius in Bulla Cænæ.

Et procedit, tam de Dubio, qui positivè cum advertentia, & voluntariè iudicat articulum aliquem fidei, quem scit ab Ecclesia Catholica teneri, & proponi fidelibus credendum, non habere tantam certitudinem, ut tutum sit ei sine hesitatione assentiri (qui non est, tam formaliter dubius, sed etiam positivè errans in fide, quia positivè cum advertentia pertinaciter iudicat, ea, quæ proponit Ecclesia fide Divina credenda, esse incerta, vel non certò à Deo revelata; & sic Ecclesiam falli posse, contra fidem) quàm de Dubio negativè, qui omnem actum suspendit circa aliquem articulum fidei ab Ecclesia propositum, putans non habere motivum sufficiens ad firmissimè credendum, quasi propositio Ecclesiæ non sit infallibilis.

12 Quæritur, quid sit Apostasia à fide?

Resp. Est recessus in totum à fide Christi. In hoc differt Apostata ab Hæretico, quod hic unum, vel aliquos solum articulos fidei negat, ille autem omnes, & ad aliam sectam, putà, Turcarum, Judæorum, Atheorum, &c. se confert. vid. Carena tit. 3. §. 1. num. 3.

13 Quæritur, quomodo Confessarius debeat se gerere cum Apostata penitente?

Resp. Eo modo, quo supra diximus cum hæretico; animadvertat, quòd si Apostasia sit tantum exterior, & intellectu suo rectè penitens senserit de Catholica fide, poterit à quocumque Confessario approbato absolvi, nam excom-

municationem Bullæ Cænæ non incurrit, Carena §. 15. nu. 67.

Et si quærat, an circumstantia Apostasia sit in Confessione necessariò explicanda, vel sufficiat dicere contra, si dem voluntarium errorem habui?

Resp. Explicanda est, quia ad minus importat circumstantiam notabiliter aggravantem peccatum intra eandem speciem, & mutantem iudicium Confessarii, de necessitate in Confessione aperientiam, Quilici qu. 16. art. 11. num. 39.

Quæritur, quid sit schisma?

24 Resp. Est voluntaria, & pertinax separatio ab unitate, & obedientia Ecclesiæ Universalis, eiusque Capituli, Romani Pontificis, ut Pontifex est, & Caput visibile Corporis Mystici, constantis ex universis fidelibus. Carena tit. 3. §. 10. Soufa lib. 1. cap. 20. Dicitur, ut Pontifex est, per quod Schismaticus non reputatur, qui renuit Papæ obedire, eique non vult subiici, ut Domino temporali. V. G. Civitatis Bononiæ, Perusiæ, &c. Soufa cit.

Schismatici sunt in duplici differentia; alii divisi sunt ab Ecclesia, quoad obedientiam solum, & nullum errorem habent in fide; hujus generis sunt, qui, licet credant Summum Pontificem esse Caput visibile Ecclesiæ, & cæteros fidei articulos, ex propriæ tamen voluntatis malitia nolunt Pontifici, quâ tali, obedire, & ligantur excommunicatione Bullæ, ut clare textus.

Alii verò sunt divisi ab Ecclesia & quoad obedientiam, & quoad fidem, & hi sunt formaliter hæretici. Hujus generis sunt Græci schismatici nostri temporis, qui non solum nolunt credere, Summum Pontificem Romanum esse Christi Vicarium, & Caput visibile Ecclesiæ Catholicæ, sed etiam credunt Ecclesiam Orientalem, & Constantinopolitanam non esse sub Ecclesia Romana, ac Patriarcham Constantinopolitanum non esse inferiorem Romano Pontifice, ut patet ex actis Conc. Florentini sub Eugenio

penio IV. & habent errorem in fide cum pertinacia contra articulum, & unam sanctam Ecclesiam, cap inter hæresim 4. quæst. 3. Fagnan. in 5. ad cap. quoddam de schismat. numero 16. hi excommunicatione Bullæ ligantur, sicut alii hæretici.

15 Quæritur, an ligentur excommunicatione Bullæ Catholici, qui in Anglia obedientia signa exhibet erga Regem, uti caput Ecclesie, quamvis firmiter credat, non ipsum, sed Romanum Pontificem esse Christi Vicarium, & Ecclesie Caput?

Resp. Affirmative, Carena §. 12. nu. 46. & Soula cap. 20. num. 16. Quilici q. 10. art. 11. num. 40. Ratio est, quia, ut schismatis crimen committatur, & censura incurratur, sufficit se subtrahere ab obedientia Papæ, ipso effectu, seu opere externo, etiam sine animo se subtrahendi ab obedientia ipsius, ut est Ecclesie Caput.

16 Ideo notet Confessarius differentiam inter excommunicationem latam ob hæresim, & ob schisma: prima copulativè requirit errorem in intellectu cum manifestatione illius externa; secundum solum opus externum, DD. communiter. Differentiam inter hæresim, & schisma habes: nam hæresis consistit in errore contra fidem, & sic opponitur fidei: schisma verò in separatione ab unitate corporis Ecclesie, & sic principaliter opponitur Charitati.

17 Quæritur, quomodo Confessarius se debeat gerere cum schismatico penitente?

Resp. Si schismaticus sit, etiam hæreticus, eo modo, quo diximus cum hæretico.

Si verò non sit hæreticus; videat, an schismaticus sit purè internus, & tunc poterit eum absolvere, quia in casu censura non incurritur; si autem reperiat esse, etiam externum, cum absolvere non audeat, utpotè innodatum censura Bullæ Papæ reservata.

18 Quæritur, quid agere debeat in praxi, cum in Ecclesia eodem tempore duoreputantur Summi Pontifices?

Resp. Si constet de Canonica electione unius, & de non canonica alterius, Confessarius consulat, & penitentem præcipiat, ut pro vero Pontifice eum agnoscat, quem constat canonicè electum, & Ecclesia recipit. Si verò res sit dubia, & ignoretur, quis eorum sit legitime electus, est penitentem injungendum, ut teneat se, tamquam Ecclesie Catholice membrum, sub uno ipsius Capite Christo, & ejus Vicario, qui in conspectu ipsius est legitime electus, quisquis ille sit; & promptum se exhibeat ad illum pro vero Pontifice agnoscendum, quem pro tali approbabit Concilium Generale, vel Ecclesia susceperit.

19 Quæritur, an, qui negaret hunc numero Papam V.G. Clementem XI. esse verum Pontificem, & Ecclesie Catholice Caput visibile, esset schismaticus, vel hæreticus?

Resp. Affirmative, quia de fide est, Clementem esse verum Pontificem; ratio est, quia, sicut est de fide, quòd omnis ritè, & canonicè electus in Pontificem, sit verus Pontifex, & Ecclesie Caput; ita est de fide, quòd hic numero homo, ritè, & canonicè electus, sit verus Pontifex: in ea enim propositione omnes singulares revelantur; quemadmodum in ista: omnes homines resurgent, revelatur, quòd ego, & alii resurgemus; Clemens autem XI. est ritè, & canonicè electus in Pontificem: quod morali evidentia, & certitudine innotescit, ex quo eligentes, & universalis Ecclesie consensus, cum in verum Pontificem recipiant, & teneant. Quilici, Carena, & ego ipse alibi in tract. de fide.

20 Quæritur, quinam dicantur hæreticis Credentes?

Resp. Qui hæreticorum errores credunt. Quorum aliqui in particulari, & explicitè eos credunt, & hæresim profitentur; & hi sunt formaliter hæretici; con-

contra quos, ut contra formaliter hæreticos, proceditur. Aliqui verò solum implicite, ut dicendo: *vera sunt dogmata, quæ Calvinus contra Ecclesiam Romanam docuit; Calvinista in sua fide salvari possunt*, &c. licet in particulari nesciant, quænam dogmata sint. Et licet huiusmodi Credentes sint formaliter hæretici (sicut Catholici, etiam sunt, qui fidei articulos implicite credunt, credendo, *quidquid credit Ecclesia Catholica*) tamen, ne quis de eorum excommunicatione dubitare posset, eorum etiam specifica mentio in Bulla facta est.

Quidam ex factis exterioribus præsumuntur, & judicantur credentes *hereticorum erroribus*, ut loquitur Cardinalis Guido Fulgodius (qui fuit Clemens IV.) *q. 9. quindecim qq. ad Inquisitores*. Hinc notes, alia esse facta spectantia ad ritus hæreticorum, ut sunt *cæna Valdensium, Lutherana, & Calvinistica: frequentia audiendi eorum conciones, & similia*. Qui in cæna Calvinistica communicarent, conciones hæreticorum frequenter audirent, eorum *Credentes* iudicandi essent; quia, ut quis hæreticorum *Credens* dicatur, parum refert, an voluntatem suam opere aperiat, an factis; & isti, etiam si internum errorem contra fidem non haberent, adhuc in Bulla Cæne essent excommunicati.

Et alia sunt facta, quæ non concernunt eorum ritus, sed potius communem conversationem, & politicam societatem: in his communicans cum hæreticis, non potest dici *Credens hereticorum*; potest enim moveri alio fine, quam eo, quod credat eorum erroribus.

21 Quæritur, *qui nam formaliter sint fautores, receptatores, & defensores hereticorum?*

Resp. Omnes, qui scienter favorem, vel auxilium Hæretico præbent, quatenus Hæreticus est, sive, ut hæresim suam facilius docere, defendere, aut latius diffundere possit: v.g. recepti hæreticum, dum à suo Principe quærebatur ad ne-

cem ob homicidium, materialiter solum sum receptator Hæretici; recepti verò, dum à S. Inquisitione petebatur damnandus ad tritremes ob hæresim, sum formaliter receptator, & fautor, ac excommunicatus in Bulla Cæne.

22 Nota, Confessarium non posse absolvere Credentes, Fautores, Defensores, & hæreticorum Receptatores, dum hæreticos, quæ tales, recipiunt; & dum fautoria, credentia, vel receptio sunt in subsidium hæresis; quia excommunicantur in Bulla.

23 Quæritur, *an quando in literis Jubilei apponitur hæc clausula: Insuper, &c. licentiam concedimus, ut sibi eligere possint Confessarium, qui ab omnibus peccatis, & censuris, etiam in literis die Cæne Domini legi solitis, contentis, &c. in foro conscientie, & hac vice tantum, absolvere, & liberare valeant: Confessario approbato tribuatur facultas absolvendi poenitentes, etiam ab hæresi?*

Resp. Negative, nisi sit purè interna, *vid. cap. 34. num. 29. Decretum Alex. VII.* id prohibentis.

24 Quæritur, *an possit absolvi poenitens, qui scit, se lingua hæresim pronunciasse, sed dubitat, an mente consenserit?*

Resp. Negative; nam debet hæreticus formaliter, & hæresis interna, & externa simul reputari; ratio est, quia, cum verba sint naturaliter signa intentionis, & nullus ore præsumatur dicere, quod in corde non habet, præsumptio est, & possessio in hoc dubio, quod hæresis illa processerit exterius, ex vero consensu interiori in illam.

25 Quæritur, *an possit absolvi, qui non serio, sed per jocum suam hæresim profert, ut, si quis credens sub speciebus panis non esse Corpus Christi, dicat: ego nolo adorare Deum, qui comedi potest à muribus, & dentibus conteri?*

Resp. Negative, quia revera hæresim, quam mente tenet, extra ponit: & licet

per

per jocus, tamen id, quod sentit, pronunciat: per jocus sæpe veritas aperitur. Nec obstat, quod dicens ex joco, fidem non faciat; quia non est necesse, quod hæresis fiat externa, quantum ad judicium aliorum: nam sufficit, quod signo externo exprimat, etiam si, non nisi ipsi loquenti sit notum. Soufa *cap. 15. num. 6.* Talis modus loquendi, quamvis sit ex joco, addit circumstantiam contemptus, quod crimen aggravat.

26 Quæritur, an in articulo mortis Confessarius ordinarius possit absolvere ab hæresi formali, etiam publica, & ceteris censuris Bullæ Cœnæ?

Resp. Affirmativè, quia Trid. sess. 14. *cap. 7. de pœnit.* definit in articulo mortis nullam esse reservationem. Sed nota verba textus: nam Bulla §. *ceterum à prædictis*, id concedit, ut infra: à prædictis sententiis nullus per alium, quam per Romanum Pontif. nisi in mortis articulo constitutus, nec etiam tunc (nota) nisi de stando Ecclesia mandatis, & satisfaciendo, cautione præstita, absolvi possit, vid. *cap. præter num. 16.*

Si in eo articulo constitutus possit recurrere ad Superiorem, habentem facultatem legitimam absolvendi, vel eum vocando, media aliqua persona, vel missis literis, possit expectare, ab eo præsentè, absolutionem, vel facultatem, ut à Confessario ordinario absolvar, debet recurrere, Soufa *lib. 3. c. 4. num. 3.* Si verò mors certò sit imminens, & judicio boni viri tempus pro recurso insufficiens, potest ipsum absolvere, sed non nisi juxta textum modò expressum, & observata cautela, de qua in *cap. 2. num. 15.*

27 Quæritur, an Confessarius sine legitima facultate, & extra mortis articulum, scienter absolvens ab hæresi formali, & ceteris censuris Bullæ, de facto excommunicationis innotetur sententia? & quatenus, an sit reservata?

Resp. Affirmativè, §. quod, si forte per

verbum innotamus, de facto excommunicatur, qui præsumperit absolvere, hoc est, qui sciens non posse de jure absolvere, temerè, & imprudenter absolvit; is enim dicitur præsumens; propterea non præsumit, qui bona fide, igno-
rante, sive inadvertenter aliquid agit. Barboza *dict. 235. num. 2.*

Censura expressè reservatur, in decreto de casuum reservatione, edito à S. C. Episcop. de mandato Clement. VIII. *sub die 9. Januarii 1601. & in extravag. Sixti IV. Et si Dominici Gregis de pœnit. & rem.*

28 Quæritur, an Superiores Regulares ad minus possint suos subditos ab hæresi formali, & aliis censuris Bullæ Cœnæ, sive publicis, sive occultis, absolvere sine speciali facultate?

Resp. Negativè: de la Cruz *lib. 1. de stat. Religiosis cap. 6. dub. 14. conc. 2.* Carena *tit. 4. §. 14. num. 102.* & Alii plures, quos cumulavi adducto *cap. off. Curia num. 17.* Ratio est, quia Bulla Cœnæ quolibet anno renovatur, & publicatur, & in illa §. *non obstantibus privilegiis, &c.* revocantur omnia privilegia, & indulta, etiam Ordinibus Mendicantium, sub quavis forma concessa, eidem contraria: observa modum loquendi Bullæ: *Ceterum à prædictis sententiis nullus per alium, quam per Romanum Pontificem, &c.* Nullus: ergo non Secularis, non Religiosus, contra Felicem 10. *examen nu. 377.* aliosque, quos ipse sequitur. Et dixi Offic. Cur. *Cap. 38. numer. 24.*

29 Quæritur, an Confessarius ordinarius possit à crimine hæresis Sacramentaliter absolvere penitentem, qui in foro exteriori, seu extra Confessionem; prævia abjuratione, fuit ab Inquisitore, vel Superiore legitimo absolutus à censura, hæresi annexa?

Resp. Affirmativè, cum Carena *tit. 2. §. 7. num. 48.* Quilici *qu. 16. art. un. nu. 36. ver. quare:* quia non sequitur, quòd eum absolvat à sententiis Bullæ, aut talibus

queat, quod ipsa Bulla prohibet, quod si forte: vide *Campionum instr.* 1. ar. cap. 18. num. 17. & nota cum Quilici, *Iljung traet. 6. disp. 6. art. 3. §. 1. nu. 107.* Pontificem reservare sibi quidem certa peccata, sed tantum ea, & tandiù, quæ, tandiù, habent annexam censuram, si reservatam.

An autem Papa reservet sibi peccata, iam independentè à censura?

Consule Constitutiones Apostolicas.

30. Queritur, an ordinarius confessorius possit absolvere à peccato, quod continetur in Bulla Cœna?

Resp. Negativè ex enunciato decreto b. Clemente VIII. 9. *Januarii* 1601. recalcant facultates absolventi ab ullo ex casibus clarè, vel dubiè in Bulla, die Cœnæ Domini legi consuetæ, contentis, contra Felicem *tom. 1. num. 331* 3. Ponderat Confessarius hæc verba 2. decreti sub Clement. S. *Congr. vult, & mandat idem decretum*, hoc est editum 1601. *in a. firmitate, & pristino robore peramanurum*: quoad ea nimirum, inquis per secundum non moderatur, sed non moderatur quoad prohibitionem absolventi ab ullo ex casibus clarè, vel dubiè contentis in Bulla Cœnæ. Textus decretorum est satis apertus.

CAPUT IV.

Prop. 5. ab Alex. VII. &c.

Obligatio denunciandi Hæreticos.

PROPOS. 5. *Quamvis evidenter tibi constet, Petrum esse hæreticum, non tenetur denunciare, si probare non possis.*

1. Hæresis ex D. Thoma apud Pegnam *ax. Inquisit. cap. 2. num. 4.* tendit ad irritualem multitudinis corruptionem, ex l. *Manichæos C. de Hæret.* in omnium injuriam, quatenus omnibus Catholicis vera creditibus, per eam, & hæreticos aliud, quam credendum est, proponentes credendum, injuria inferunt. Ipsi verò Hæretici apud *alleg. cap. 1. Matthæucci Cantela Confess.*

num. 3. sunt organa diaboli, vasa iræ, Rei læsæ Majestatis Divinæ, & ex c. *vergentis de Hæret.* Christianæ Religionis conantur fundamenta convellere, omnesque Catholicos in errorem contra fidem trahere: propterea omnes debent Judicibus fidei, Inquisitoribus, vel Episcopis respectivè denunciari, ut similia damna reparentur, & hæresis in sua radice opprimatur.

2. Queritur, unde oriatur obligatio denunciandi hæreticos?

Resp. Oritur, ex naturali ratione, quælibet persona, cum sit pars Reipublicæ, tenetur, quasi pars toti, ei succurrere, dum viderit eam contagione infici, vel sceleribus corrumpi, Genuen. *Prax. cap. 18. num. 1.* Carena *p. 2. tit. 9. §. 1.* Item ex jure canonico id præcipiente, *cap. excommunicamus il primo de Hæret. §. adiicimus*: & ex edicto S. Officii videntur *nu. 10.* ac ex PP. auctoritatibus apud Pegnam *cap. 3.*

3. Queritur, an denunciationi hæretici præmittenda sit correctio fraterna?

Resp. Negativè cum D. Thoma *2. 2. qu. 33. ar. 1. in corpore, & ad 3.* ubi habet: *quando imminet periculum multitudini, non habent tibi locum hæc verba Domini* (si peccaverit, &c.) *quia tunc frater peccans, non peccat in te tantum*: maxime, quia sperandum non est, quod, qui ausus est se opponere Ecclesiæ Universalis, corrigatur per secretam monitionem unius: *cit. Carena §. 4.* Genuen. *num. 7.* itaque, nulla ad monitionem, aut fraternam correctionem præmissa, Hæretici sunt denunciandi: ut dixit Pegna *cap. 7. num. 3. vid. cap. sequen. num. 9.*

4. Queritur, an denunciandi sint Hæretici occulti, quorum crimen nec duobus testibus probari potest?

Resp. Affirmativè, quia, dum PP. Pontifices, & Inquisitores edicta firmant obligationem denunciandi Hæreticos, indistinctè loquuntur, & ideo indistinctè intelligendi sunt, tam de manifestis, quam occultis.

Sed quid, si *Hæreticus sit ita occultus, ut ego solum sciam eum esse Hæreticum, nec aliter possim ejus hæresim probare?*

Resp. Teneor denunciare, & in his terminis damnatur propositio ab Alex. Ratio est, quia quamvis delictum probari non possit, Superior vigilabit; & potest contingere contra prædictum aliàs adesse denunciationses, ex quibus de facili possit deveniri ad torturam, & ad alia juris remedia, ac omni meliori modo succurri Reipublicæ; Genuen. nu. 5. & Carena num. 18.

Nota per denunciationem Reis injuriam non fieri: nam ad bonum commune Reipublicæ expediebat concedi adversus ipsos, etiam occultos, facultatem, ac jus denunciandi, ad effectum impediendi damna tendentia in periculum multitudinis. Illung. tract. 4. disp. 2. qu. 1. art. 6. §. 2. num. 30. Præsertim, quia ex lege charitatis bonum commune, quod per hæresim læditur, præferendum est bono particulari famæ Hæretici, qui in communitatem, & in Deum peccat.

5 Quæritur, *an hæreticus emendatus sit denunciandus?*

Resp. Affirmativè, ratio est, quia hæretici fingere possunt se emendatos; & non est eis credendum, si affirmant, sed necessarium est, ut innotescat Judicibus fidei, ut ad juris remedia procedant. Carena §. 6.

6 Quæritur, *an sciens sub secreto, etiam jurato, aliquem esse Hæreticum, teneatur eum denunciare?*

Resp. Affirmativè, nec obstat secretum, aut juramentum: non secretum: quia hujusmodi est merè humanum, nascens ex privato pacto, tacito, vel expresso inter loquentem, & audientem, & ideo non potest præjudicare legi Superioris; præcipientis denunciationem; nec, qui silentium exigit, potest rationabiliter velle, quod de commisso alter non loquatur: vide Th. 2. 2. qu. 6. art. 1. ad 2. ubi loquens de iis, quæ sunt secretò extra confessionem commissæ, sic pro-

nunciat: quandoque sunt talia, quæ statim, cum ad notitiam hominis venerint, homo ea manifestare tenetur: puta, si pertinent ad corruptionem multitudinis spirituales, vel corporales, vel in grave damnum alicujus persona, vel, si quid aliud est hujusmodi, quod quis propalare tenetur, vel testificando, vel denunciando; & contra hoc debitum obligari non potest per secreti commissum, quia in hoc frangeret fidem, quam alteri debet.

Nec juramentum: quia juramentum juxta regulam 58. Jur. in 6. non est obligatorium contra bonos mores; nec de re illicita obligat, cum non sit vinculum iniquitatis, cap. Inter cetera 22. qu. 4. Emissum autem esset hujusmodi, quia contra leges canonicas; & ideo invalidum, juxta commune Doctorum; & notat Glof. in cap. pervenit il. de test. cogen. ver. iuramen. vide etiam cap. constitutis, de test. & attestat. & Pegn. cap. 8, Fulcodin. qu. 8. & Carena §. 5.

7 Quæritur, *an Confessarius teneatur denunciare Hæreticum, qui accedit ad Confessionem, animo non confitendi peccata, sed pervertendi Confessarium, eum inducendo in hæresim?*

Resp. Affirmativè, quia talis Confessio non est Sacramentalis, sed modus occultè dogmatizandi, ex Carena §. 5. nu. 21. & 22. & Genuen. num. 17.

Advertas ex cap. omnis utriusque sexus de pœnit. & remissi. Confessarios obligari ad sigillum Confessionis, quod aliud non est, quam particularis obligatio, quam habent Confessarii ad non revelandum ullum peccatum, aut circumstantiam eius, auditam in Confessione, in ullo prorsus casu; etiamsi sint enormes: contra bonum commune, ut hæreses: etsi penitens dicat se non habere animum cessandi ab illis. Quæ obligatio oritur ex omni, & sola Confessione sacramentali, ex ea nimirum, facta Sacerdoti, animo se accusandi, & subiiciendi peccata clavibus Ecclesiæ, à Christo Sacer-

acerdotibus concessis ad solvendum, & gandum. Quam non intendit facere hæreticus, de quo quæsitum; & ideo in usu obligatio sigilli sacramentalis non peritur per Sylvestrum ver. Confessio 3. u. 4. & de la Cruz de pœnit. qu. 6. cons. 2. iuxta decem lib. 2. cap. 33.

8 Quæritur, an audiens à persona si digna aliquem esse hæreticum teneatur eum denunciare?

Resp. Affirmativè ad tenorem edicti Officii, in quo præcipitur esse denunciandos; *tutti, e ciascuno di quelli, de quali sappiano, abbiano havuto, ò avranno notizia, che siano hæretici, &c.*

9 Quæritur, an filius teneatur denunciare Patrem hæreticum, & Uxor Maritum?

Resp. Affirmativè, nam edictum per verba generalissima loquitur; *comandiamo in virtù di S. Obedienza, sotto pena di scomunica di lata sentenza, &c. tutte, e ciascuna persona di qualunque stato, grado, e conditione, ò dignità, &c.* Ergo generaliter est intelligendum, ut allegatos etiam comprehendat.

Sed quid, si forent solum de hæresi suspecti? ut blasphemii hereticales, malefici, &c.

Resp. Tenetur, quia edictum præscribit denunciandos omnes, *che siano heretici, ò sospetti, ò diffamati di heresia, aterosque, de quibus statim; & quia eccectum non distinguit, sed promissuè, absolute, & cum disjunctiva loquitur, ò sospetti di heresia, de singulis intelligendum.* Carena §. 2. num. 7. contra Jenuen. num. 10.

Quoniam verò edictum Supremæ, & Universalis Inquisitionis, omnibus, & singulis personis in virtute S. Obedientiæ, ab excom. pena, latæ sententiæ, aliisque per sacros Canones, & Pontifices statutis, denunciationem præcipit, ideo iisdem transumptum subiicimus.

10. §. 1. Essendo à noi, &c. che fra il termine di un mese, dieci de quali, per il primo, dieci per il secondo, &

dieci per il terzo, termine perentorio, si debbano rivelare, e giuridicamente notificare al S. Offizio, ovvero à gli Ordinarii, tutti, e ciascuno di quelli, de quali sappiano, ò abbiano avuto, ò averanno notizia.

§. 2. Che siano Eretici, ò sospetti, ò diffamati di Eresia, ò credenti, ò fautori, ò ricettatori, ò difensori loro, ò abbiano aderito, ò aderiscino à Riti de Giudei, ò Maumettani, ò de Gentili, ò abbiano apostatato dalla S. Fede Christiana.

§. 3. Che abbiano fatti, ò facciano atti, da quali si possa argumentare patto espresso, ò tacito col Demonio, esercitando incanti, magie, sortilegii, porgendovi suffumigi, incensi per trovar Tesori, & altri intenti, chiedendo da lui risposte, & invocandolo, & à quest'effetto promettergli obediencia, ò consacrarli pentaculi, libri, spade, specchi, ò altre cose; nelle quali intervenga il nome, & opera sua.

§. 4. Che sifiano ingetiti, ò ingeriscono in far esperimenti di Negromanzia, di qualsivisa altra sorte di Magia, con entrare ne circoli, far l'esperimento della Caraffa, o del Crivello per trovar i medesimi tesori, cose nascoste, rubbate, ò perdute, e fare altre simili, e superstitiose azioni ad altri fini, massime con abuso de Sacramenti, ò di cose sacre, ò benedette.

§. 5. Che senza licenza dovuta ritenghino scritti, che contenghino Eresie, ò libri d'Eretici, che trattino ex professo di Religione, ò che gli abbiano letti, ò tenuti, ò stampati, e fatti stampare; ò li leggano, tengano, stampano, fanno stampare, introducano, ò difendino sotto qualsivisa pretesto, ò colore.

§. 6. Che abbiano libri di Negromanzia, ò Magia, ò continenti incantesimi, sortilegii, e simili super-

„ fizioni , maffime con abuso di cofe
 „ facre .
 „ §. 7. Che contro il voto folenne, fat-
 „ to nella profefione in qualsivoglia
 „ Religione approvata , ò doppo ha-
 „ ver prefò l'Ordine facro, abbia con-
 „ tratto , ò contraha matrimonio .
 „ §. 8. Che vivendo la prima moglie,
 „ pigli la feconda , ò vivendo il primo
 „ Marito, pigli il fecondo .
 „ §. 9. Che contro i Decreti, e Cofli-
 „ tuzioni Apoftoliche abbino abusato, ò
 „ abusino il Sacramento della Peniten-
 „ za ; fervendofi della Confessione , e
 „ Confefionario à fini difonefti , folle-
 „ citando in effi i Penitenti ad turpia, &
 „ avendo con effi difcorfi di cofe illecite,
 „ e non convenienti al fine , per il
 „ quale è ftato istituito .
 „ §. 10. Che abbiano proferito, ò pro-
 „ ferifcono befteimmie ereticali contro
 „ Dio , la Beatiffima Vergine, e Santi; ò
 „ procedino à qualche atto di offefa , ò
 „ difprezzo contro l'imagini , ò figure
 „ rapprefentanti il medefimo .
 „ §. 11. Che abbiano tenute , ò ten-
 „ ghino occulte conventicole , ò radu-
 „ nanze in pregiudizio , difprezzo , ò
 „ contro la Religione .
 „ §. 12. Che abbiano indotto qualche
 „ Chriftiano ad abbracciare il Giudaif-
 „ mo , ò altra fetta , contraria alla Fe-
 „ de Cattolica , ò impedito i Giudci , ò
 „ Turchi à battezzarfi .
 „ §. 13. Che non effendo ordinati Sa-
 „ cerdoti , s'abbino con facriligo ardi-
 „ re ufurpato , ò fi ufurpino di celebrar
 „ Mefsa , ancorche non abbiano profe-
 „ rito le parole della Consecratione ; ò
 „ abbiano prefunto di miniftrare il Sa-
 „ cramento della Penitenza a' fedeli di
 „ Chrifto , ancorche non fi fia venuto
 „ all'atto dell'afoluzione .
 „ §. 14. Inoltre fi dichiara , che quel-
 „ li , i quali non denunciaranno , come
 „ fi ordina col prefente Editto , non po-
 „ fono effere da alcuno affoluti , fenon
 „ dal S. Offizio , dopo che averanno

„ in effo giuridicamente rivelato i delin-
 „ quenti , alche non poffono fodisfare
 „ con bollettini , ò lettere fenza nome,
 „ e cognome dell'Autore , ò altri modi
 „ incerti , de quali non fi tiene conto al-
 „ cuno nel Santo Tribunale .
 „ §. 15. Si dichiara anche , che con la
 „ fuddetta efpreffione de cafì di fopra
 „ da noi fpecificati da rivelarli , non fi
 „ efcludano gli altri cafì fpettanti al S.
 „ Offizio , che per altro fono compresi
 „ ne i Sacri Canonì , Constitutioni , e
 „ Bolle de Sommi Pontefici ; ne meno
 „ col prefente Editto s'intende deroga-
 „ to all'altre provifioni Canoniche , A-
 „ poftoliche , & à gl'altri Editti degli
 „ Ordinarij , & Inquifitori , &c.

Cujus Edicti occasione aliqua pro
 praxi breviter adnotabo de pacto expre-
 fso , & tacito cum Demone . & fortile-
 giis , remifso fufiori examine ad alibi de
 hac materia , Deo dante , dicenda ; in-
 terim videantur Carena tit. 12. Soufa A-
 phorifm. a cap. 36. ad 57. Gobat tom. 3.
 oper. moral part. 4. & nunc.

11 *Quæritur, quinam fenfeatur im-
 plorare auxilium Dæmonis, & operari
 cum pacto expreffo, vel tacito cum ipfo?*

Resp. Qui expreffis verbis ab eo auxi-
 lium petit, vel ipsum ad aliquid agen-
 dum, vel sciendum confultit, formaliter
 ipsum invocatur, & operatur cum pacto
 expreffo ipsius. Qui verò ad aliquid ha-
 bendum, vel sciendum, utitur fignis in-
 debitis, factis, vel verbis, non habentibus
 virtutem ad id, nec ex fua natura,
 nec ex divina institutione, ipsum vir-
 tualiter invocatur, & operatur cum pacto
 implicito: utitur quis ampulla, aqua
 plena, ad inveniendum furem, ad quod
 aqua, & vitrum ex fua natura virtutem
 non habent, nec ex divina institutione
 (nam id nobis per Ecclefiam non con-
 stat, fed potius oppositum) necesse est
 in ea ampulla eam virtutem inesse ex pa-
 cto Dæmonis: vide Soufam cap. 38. nu. 11.
 & Campion. p. 2. c. 36. nu. 3.

Hoc tacitum pactum cum Dæmone
 inter-

ntervenit, etiam si utens illis rebus, vel verbis explicitè protestetur se nolle inire actum, vel convenire cum Dæmone, modo illis rebus indebitis utatur, ad factum, quem intendit; quia factum est contrarium protestationi, & operans virtualiter vult Dæmonis auxilium. nemadmodum, qui protestatur nolle occidere Petrum, & interim venenum ropinat, vel gladio transverberat, dicitur protestari contra factum.

12 Quæritur, quid sit sortilegium?

Resp. Est quoddam opus illusorium, & imme noxium, ab homine effectum, hæmonis ministerio. Carena tit. 12 §. 1. um. 1. Tres in generali sunt sortilegii species; *prima*, est divinatio, *quæ est renuntiatio futurorum, seu occultorum eventuum, indebitis modis, à Divina providentia non constitutis*. *Secunda*, est Sortilegii amatorii, quod est ad flectendos animos pudicos mulierum, vel virorum ad libidinem. *Tertia*, est sortilegii malefici, per quod brillantur infirmitates, & similia in omnibus, vel brutis; ex quibus vel mors maleficiati statim oritur, vel illius corpus paulatim conteritur, & virtus debilitatur: plura alia videas apud alleg. *ousa à cap. 38*. Et nota, sortilegia, in quibus intervenit abusus Sacramentorum, & Sacramentalium, vel pactum expremendi hæreticalia: ea verò, in quibus non interveniunt, non hæreticalia, & nupcia nominari, & hæc etiam solent Inquisitoribus judicari, Carena.

13 Quæritur, quinam censeantur de hæresi suspecti.

Resp. Alios esse de hæresi leviter, & alios de vehementi suspectos; illi dicuntur, qui V. G. blasphemias hæreticales committunt, sed non ex habitu, sed raro, ludò, vel in ira solummodo, & ideo vis conjectura hæresis habetur; alii vero, qui talia agunt, vel dicunt, ex quibus oritur argumentum, & suspicio concludens, ut plurimum, talia proferentes, vel facientes esse hæreticos: hujus

Matthæucci Cautela Confess.

generis sunt, qui pluries, tam in ludò, & ira, quam extrà, & ad omnem levem animi motum hæreticaliter blasphemant. Genuen. *prax. cap. 18. num. 11*. Piascus *prax. p. 2. cap. 4. art. 6. num. 8*. Item invocantes Dæmonem verbis deprecativis, etiam in iis, quæ ejus facultatem non superant: pactum expressum cum eo facientes: cultum ipsi exhibentes, & admiscuentes in sortilegiis Sacramenta, vel Sacramentalia, aut verba sacra, Hostiam consecratam, Sanguinem Christi, aquam, & candelam benedictam, Sanctorum Reliquias, Agnus Dei, Evangelium, Symbolum fidei, Pater noster, Ave Maria, Psalmum aliquem Davidicum, aut verba Sacræ Scripturæ, aliasque sanctas Orationes; quoniam, nisi crederent præfata habere virtutem ad operationem maleficiorum, scienter illa non adhiberent. Genuen. *cit. n. 11*.

14 Quæritur, an sit denuncianda mulier, quæ habet malum nomen Malefica, ad quam plures pro maleficiis concurrunt, non apparet autem ipsam fecisse, nisi sortilegia simplicia ad curandas infirmitates. V. G. eadem moneta argentea signasse erysipellim, vel tali hora, tali charta, vel tali atramento scripisse nomina ignota, obscura, &c.

Resp. Affirmativè, Genuen. *num. 15*. ex clausula illa edicti, *che abbiano fatti, ò facciano atti, da quali si possa argomentare patto espresso, ò tacito col Demonio, esercitando incanti, magie, sortilegii, &c.* maxime, quia negari non potest, eacum tali pacto fieri soleat; nam, nec figura illa artificialis, nec verba ex natura sua vim ad curandum habent, neque eam ex impressione corporum Cælestium recipiunt, aut ex divina institutione ad id sunt ordinata, ergo tribuendum est, quod procedat ex pacto, saltem implicito, cum Dæmone; propterea, Ecclesia ea prohibet, & per suos Ministros, Inquisitores, & Episcopos utentes punit, Carena, & Soufa: notantes quoddam, etiam ora-

tiones, aliàs piissimas, prohiberi, si permixta habeant nomina incognita, ob pactum implicitum cum Dæmone. Sunt utiles, & efficaces orationes ad petendum necessaria ad salutem; sed ponere vim in numero precum, ita ut credatur, quod non obtinebitur res petita, nisi tot, & non plures, vel pauciores recitentur, est superstitiosum. Christus promittens exaudire preces, etiam peccatoris, pro necessariis ad salutem, non determinavit numerum precum, sed sibi reservavit, ut alium exaudiret citius, alium tardius, ut optimè Campionus *cit. num.4.*

15 Pondera ex Soufa, *lib.1. cap.54. num.13.* fortilegia esse ex suo genere mortalia: nec parvitas materiæ excusat, esto quis operetur cum pacto implicito, nisi ex simplicitate, & ignorantia, quæ crassa, & affectata non sit, procedant.

16 Quæritur, *quomodo Confessarius se gerere debeat cum obligatis ad denunciandum?*

Resp. Animadvertat, an ex non denunciatione inciderint in fautoriam hæreticorum, de qua diximus *cap.priori num.21.* & tunc tales ligantur excommunicatione Bullæ Cænæ, & absolvinqueunt propter censuram reservatam; idem dicitur, si non denunciante omiserint denunciare per totum tempus, ab edicto Inquisitionis taxatum ad incurrendam excommunicationem, quamvis fautores hæreticorum non sint.

Difficultas est de non denunciante, qui in nullam adhuc excommunicationem incidit, *an eum possit Confessarius absolvere, antequam actu denunciet.*

17 Crederem esse distinguendum, si persona sit fide digna, & Confessarius bene nota, de cujus fidelitate in promissis experimentum habeat, & alteri Confessario id non promiserit, ac onus ignoraverit, firmum propositum denunciandi videtur sufficere: si verò sit homo ordinarius, curare omnino debet, ut denunciatio præcedat, nisi communi-

candi urgeret necessitas. Carena §. 10. *num.43. v. cap. sequen. nu.25.* sed tunc debitum non extinguitur.

18 Sed quid, *si pœnitens Confessario significet sibi ex denunciatione imminere periculum vitæ?*

Resolutio pendet à quæstione, an denuntiatio sit facienda cum periculo vitæ; & resolvitur affirmative à Genuen. *num.8.* & Carena §. 7. *num.34.* præcipue, si tractetur de hæretico formali, dogmatizante in perniciem Reipublicæ, & Malefica, quæ multum noceret Reipublicæ, animos seducendo, & corpora offendendo: ut, si occidat pueros, & similia faciat; nam hic subintrat Axioma fixum à Soto de *just. & jur. lib.5. q.1. art.6. & 7.* apud Genuen. *ibid.* quòd *quilibet pro Patria tenetur ponere vitam*: & id debet Confessarius pœnitenti significare, & cuicumque periculo posse per S. Officium provideri; idè in omni casu debitum agnosco; de absolutione fortilegi, *vid. cap.18. nu.41.*

19 Quæritur, *quomodo Confessarius se gerere debeat cum Astrologo.*

Resp. Interroget, an sit Astrologus naturalis, an judiciarius; idque, ut percipias, notes, Astrologiam judicariam, per quam *ex astris ex pacto tacito cum Dæmone predicuntur eventus contingentes, pendentes à libero hominis arbitrio*, prohiberi à Sixto V. *const. Cæli, & Terra Creator*, apud Quaranta *sum. ver. Astrolog.* in qua Episcopis, & Inquisitoribus committitur, ut procedant *contra Astrologos, mathematicos, & alios quoscunque, dictæ judicariæ Astrologiæ artem, præterquam circa Agriculuram, navigationem, & rem medicam in posterum exercentes, aut facientes judicia, & natiuitates hominum, quibus de futuris contingentibus, successibus, fortuitisque casibus, aut actionibus ex humana voluntate, pendentibus, aliquid eventurum affirmare audent, etiam si id se non certè affirmare asserant, & protestentur.*

Ex constellationibus, astrorumque spectu, motu, ac situ, possunt licite et Astrologiam naturalem conjecturari, & præcognosci effectus necessarii, & naturales: in Cælo Eclypsis, pluvia in ere, in mari tempestas, siccitas interea, aliique effectus, qui, vel dependent à solo Cælo, vel ab ipso, & aliis oncausis necessariis. Ubertas terræ potest præcognosci solum in universali, quatenus hoc anno præcognoscitur tas, vel talis stellæ prædominium, quæ ultimum ad ubertatem conducit: sed equit absolute, & infallibiliter affirmari, quod sit ubertas futura; nam id pendet à cultura agri, & si per homines seminabitur, quod non potest ex astris præcognosci, an futurum erit; unde solum potest præcognosci, quod terra fructificabit, si homo seminabit, sed hoc secundum ex astris prædici non potest. Pariter, quantum importat circutatio Cælorum, potest in universali præcognosci aliquem esse victurum usque ad annos sexaginta, quatenus, cum atus sit tali hora, ex vi Syderum habet complexionem robustam, & optimum temperamentum, ut possit usque ad illannos vivere, sed non potest absolute affirmari, quod prius mori non possit, vel ex fortuito lapsu lapidis, qui non subiacet stellis; vel, si ex propria pluntate se interimat, se non cibando, l excedendo in nutrimento, alteransuam complexionem, sic, ut vix possit pertingere ad annos pubertatis; manet etiam, quia temperamentum non olis astris pendet, sed à qualitate feminis parentum, à quo potest attenuari: immò nec in universali videtur id ædici posse, quia principia, ex quibus Astrologi discunt, sunt incerta, in ipsis variant. Nam alii in 12. partibus æquales dividunt Zodiacum, alii quatuor: alii ab octava domo sunt iudicium mortis, alii à septima. alii alia somniant, apud Carenam sit. 12. §. 12. num. 100. Ideo ex astris,

nec cum certitudine, nec sine ea possunt prædicere futura contingentia, ut ibid. num. 95.

Dices. Sapè Astrologi prædixerunt futuros eventus, & divinarunt matrimonia, filios, dignitates, &c.

Resp. Id effecisse ex instinctu, & pacto tacito cum Dæmone, arg. ex Cap. illud 26. qu. 2. Carenat. cit. num. 117. Campion. 2. par. cap. 36. num. 8. Antonel. de reg. Eccl. lib. 6. cap. 22. num. 1. Ut inde homines inducerent ad credendum in stellis esse vim ad tales effectus inferendos, & cogendum liberum arbitrium. Quæ connectio est inter astra, & tales eventus? Audias D. Th. 2. 2. qu. 95. artic. 5. Corpora Cælestia non possunt esse per se causa operationum liberi arbitrii: possunt tamen ad hoc dispositivè inclinare, in quantum imprimunt in corpus humanum: & per consequens in vires sensitivas, quæ sunt actus corporalium organorum, quæ inclinant ad humanos actus. Quia tamen vires sensitivæ obediunt rationi, nulla necessitas ex hoc libero arbitrio imponitur, sed contra inclinationem Cælestium Corporum homo potest per rationem operari. Nam Sapiens dominabitur astris.

Unde, prius quam Astrologus iudiciarius absolvatur, interrogandus est, an contra fidem erraverit, credens homines, quia natos sub tali, vel tali sydere, cogi, & necessitari ad bene, vel male operandum: & dum, ita reperitur, quia hæreticus formaliter est, negans liberum arbitrium, procedatur cum eo juxta dicta cap. 3. num. 7. si sine errore fuerit, antè absolutionem curet Confessarius, ut libros astrologiæ consignet Inquisitoribus, vel Episcopis: deceptos de falsitate moneat: se retractet, & Astrologiam detestetur. Optimum erit ei suadere, ut Inquisitoribus se præsentet ad effectum, ut gaudere possit privilegiis spontè comparentium, perdicenda cap. sequen. nu. 26.

CAPUT V.

*Prop.VI. & VII. ab Alex.VII. &c.
Solicitatio ad turpia.*

PROP.6. *Confessarius, qui in Sacramentali Confessione tribuit pœnitenti chartam, postea legendam, in qua ad venerem invitatur, non censetur sollicitasse in Confessione; ac proinde non est denunciandus.*

PROP.7. *Modus evadendi obligationem denunciandæ sollicitationis est: si sollicitatus confiteatur cum sollicitante, hic potest ipsum absolvere, absque onere denunciandi.*

I. S.ribit Soula lib.1. *Aporism cap.34. num.2.* quod sollicitare, est diligentiam adhibere ad aliquod consequendum, sive id fiat verbis, pro-
fessis, & nutibus, sive aliis actibus. Uno ore DD. dixerunt pœnites, sive mares, sive fœminas à Confessariis sollicitatos ad turpia, ad actus nimirum venereos, & carnales, ad eos denunciandos teneri, juxta Const. Greg. XV. *incip. Universi Dominici Gregis in Bullar. Cærub.* edita contra Confessarios, ubi vis locorum sollicitantes ad turpia, sive sollicitatio sit. I. *In actu Sacramentalis Confessionis*: II. *Sive antea*: III. *Vel post immediatè*: IV. *Sive occasione*: V. *Vel prætextu Confessionis huiusmodi, etiam ipsa Confessione non secuta*: VI. *Sive extra occasionem Confessionis in Confessionario*: VII. *Aut in loco quocumque, ubi Confessiones Sacramentales audiuntur, seu ad Confessionem audiendam electo: Simulantes ibidem Confessiones audire, sollicitare, vel provocare tentaverint, aut cum eis illicitos, & inonestos sermones, sive tractatus habuerint*; ex quibus constat, pœnitentes ad denunciandum obligari, si fuerint à Confessore in uno ex præfatis locis, aut modis sollicitati.

Propraxi plura declarantur, & refe-

runtur casus, qui frequentius possunt occurrere, (cæteris omisiss apud Auctores videndis) in quibus pœnitentes sollicitati tenentur Confessarios Inquisitoribus, vel Ordinariis denunciare.

2 Primus casus. Si *immediatè antea*, antequam, scilicet, pœnitens genuflectat, ut confiteatur; vel *immediatè post*, postquam videlicet, Confessarius absolutionis verba pronunciavit, sollicitetur.

Hinc notabis clausulam, *immediatè ante Confessionem*, importare, quod post sollicitationem factam, nulla alia interposita extranea actione, sequatur Confessio; & *immediatè post Confessionem*, quod præmissa Confessione, & data absolutione, nulla alia simili actione intermedia, & non multo tempore transacto, sequatur sollicitatio: actio talis esse debet, quæ iudicio prudentis viri sufficiens non sit ad discontinuanda hæc duo, *Confessionem, & sollicitationem*.

II. Si Mulier, ut integrè confiteatur, se accuset de peccato carnis, & Confessarius dicat: de hoc, finita Confessione, erit nobis sermo, & Confessione terminata, eam sollicitet. Soula *cit. num.36.*

III. Si mulieri, accusanti se animum libidinosum habuisse, vel circa ipsum Confessarium, aliosvè viros, Confessarius respondeat: de hoc volo tibi loqui extra Confessionem, propterea da mihi licentiam opportuno tempore loquendi; qua accepta, post unum, vel plures dies ad illam accedat, & capta occasione loquendi de casu in Confessione audito, sollicitet; quia talis sollicitatio refertur ad Confessionem, & ab ea dependet: occasionatur enim à peccato in Confessione audito. Ameno *de pœnis tit.4. §.2. sollicitatio ad turpia num.17.* & Bulla habet, *sive occasione Confessionis*.

IV. Si Confessarius post Confessionem, puerum ducat, vel ei dicat: venias hodiè in meam domum, aut cubiculum, & dabo tibi chyrographum Confessio-

cessionis, & ad nefandam venerem sollicitet; casus iste dependet à Confessione, & traditio Chyrogaphi ad Confessionem refertur. Soula ibid. num. 39.

V. Si statim post Confessionem pœnitenti, qui se accusavit de peccatis carnis, dicat, quia alteri carnaliter commiseris, nihiquoque copiam tui fac.

VI. Si Confessarius mulieri sibi confessa pœnitentiam injungat, ut domi à semetipso nuda verberetur: etsi postea sic non accidat. Sum. *Leandri verb. sollicitat.* num. 8.

VII. Si Confessarius in actu Confessionis pœnitentem de pulchritudine laudet, ibid. num. 7. quia Sacerdotes hujusmodi blanditiis Sacramento pœnitentiæ abutuntur, & fœminas illis verbis ad inhonestam, ad minus tacite alliciunt. Carena tit. 6. §. 5. num. 37.

VIII. Si in Confessione pœnitentem sollicitet a peccando cum alio, ut expressit Const. Greg. per clausulam, ad *inhonestam, sive inter se, sive cum aliis*; & tunc Confessarius, etiam lenonis officium exerceat.

IX. Si sollicitet fœminam, ut sit mediatrix, sive lena, vulgo *rufiana*, ad inducendam aliam personam, ut in peccatum carnis consentiat, sive cum se, sive cum alio: ex clausula Bullæ, *aut cum eis illicitis, & inhonestis sermones, sive tractatus habuerint*.

X. Si vocatus ad audiendam Confessionem mulieris infirmæ, & ei sollicitanti consentiat, ad vitandam infamiam, quia cum minis terret, se exclamaturam vim ibi ab eo inferri, nisi consentiat; quia inhonestam perficit cum fœmina, occasione Confessionis; & in Bulla comprehenditur, habens tractatus, & sermones inhonestos in Confessione Sacramentali, vel occasione ejusdem.

Nec ex capite metus potest se tueri Confessarius, quia iste metus est levis; nam, ut in constantem virum cadere metus dicatur, debet probabiliter aliquod grave damnum timeri ab eo, qui potest,

& solet minas exequi; in casu autem Confessarius non debet damnum aliquod probabile timere ex acclamatione mulieris, sed Deum præ oculis habens, potius mortem sustinere, quam crimen committere. Soula num. 28. & Carena.

Propter quæ cenfeo quoque esse denunciandum Confessorem, qui domi stimula: fœminam, ut sibi in peccatum consentiat, ipsa renuente, hoc unico fine, ne à suo Confessario vociferetur, & reprehendatur; cui alter respondet, ad me pro Confessione accedas, ego te absolvam: & propterea adheret; quia id sanè factum præsumitur occasione Confessionis, quæ, ut medium, ad peccandum eligitur, & ideo ad sollicitationem sufficiens, ex Soula num. 7.

XI. Si Confessarius in Confessione pœnitenti tribuat chartam provocativam ad venerem, postea legendam, quia traditio chartæ est verè, & propriè sollicitatio, & traditur in Confessione; ideo oppositum Alex. proscripsit.

XII. Si Confessarius fœminam sollicitet, & ista non consentiat, juxta textum Gregorianæ, *sollicitare, vel provocare tentaverint*. Unde mens Pontificis fuit, ut etiam affectus puniretur, dummodò non esset purè internus, sed extra manifestatus, quamvis effectum sollicitatio non habuerit; quandoque enim sui attentatio punitur, ex Glof. in cap. *si quis tam fœminam, de pœnit. dist. 1.*

XIII. Si Confessarius, sciens mulierem velle confiteri, eam sollicitet, licet Confessio non sequatur, vel, quia ipsa noluit amplius confiteri, vel, quia Confessarius eam noluit audire: ex Bulla, etiam *Confessione non secuta*.

XIV. Si fœmina accedens ad effectum confitendi, à Confessario præveniat, ut Confessionem differat in aliud tempus, & mutato confitendi animo, à Confessario sollicitetur. Soula ibid. n. 32.

XV. Si Confessarius sollicitatus à fœmina, vel puero, in Confessione consentit; ex clausula Bullæ, *aut cum eis illicitis*,

tos,

tos, & inboneſtos tractatus babuerint; ceteros apud Authores videat lector; & interim ad alia non minoris momenti accedamus.

3 Quæritur, an ſit denunciandus Confeſſarius, qui in Confeſſionario penitentem ſollicitat, ſed revera Confeſſionem ex condicto non audit, ſed ſolum ſollicitationem cum eo intendit?

Reſp. Affirmativè; ſivè ſingat confeſſionem audire, itaut Aſtantes credant Confeſſionem excipere, ſivè non; prout reſolutum fuit Supremæ SS. Inquiſit. decreto X. Julii 1614. ibi. *Faſta relatione, quod multi Confeſſarii tractant cum mulieribus in Confeſſionali extra occaſionem Confeſſionis, de rebus inhoneſtis: S. S. decrevit, ut contra huiusmodi Confeſſarios procederetur in S. Officio;* apud Carenam §. 5. num. 32.

4 Sed petitur. An denunciandus ſit Sacerdos non habens facultatem audiendi Confeſſiones, ſi in Confeſſionario ad turpia ſollicitat?

Reſp. Affirmativè, ex textu Gregorianæ ibi: *Omnes, & ſinguli Sacerdotes, tam Sæculares, quam quorumvis Ordinum, &c. Regulares.* Ubi Pontifex utitur verbo Sacerdos, non Confeſſarius; quamvis confeſſionem non audiant, nam in caſu etiam, Sacerdos a butitur loco, in quo Sacramentum per Sacerdotes adminiſtratur, ita Diana *Coord. tom. 5. tr. 9. reſolut. 86. & 87.* apud quem plures, & Cozza *dubia ſelect. dub. 37.* reſert id declaratum eſſe à S. Congr. S. Officii 11. Febr. 1661.

5 Quæritur. An denunciandus ſit Confeſſarius Monialium, qui monialem ſollicitat ad turpia in loco, in quo indiſſerenter, & ab eo audiuntur Monialium Confeſſiones, & alia negotia diverſa ab aliis pertractantur?

Reſp. Eſt certum eſſe denunciandum Confeſſarium Monialium, qui in Sede Confeſſionali ad Monialium ſolum confeſſiones deputata ad venerea, & turpia etiam extra occaſionem confeſſionis,

provocat, & ſollicitat. Nam in caſu currit diſpoſitio Conſtitutionis; cum ſimiles tractatus in ea prohibiti habeantur in Confeſſionario: quin immò videtur in caſu etiam concurrere circumſtantia Conſtitutionis: *Simulantes ibidem Confeſſiones audire.* Quoniam, cum in eum locum non ſoleant Moniales, & Confeſſarius convenire, niſi occaſione confeſſionis, nec de aliis loqui, præſumitur eos ad illum acceſſiſſe occaſione confeſſionis, & quot quoteas vident, putant ad eum effectum conveniſſe. Nec obſtat, quod intentionem non habeant ſimulandi confeſſionem. Siquidem licet non habeatur ſimulatio interna, & ex parte animi, adeſſet tamen externa ex parte facti, & præſumpta; quod ſufficit, ut Confeſſarius in crimen ſollicitationis impingat, ut poſt Paſſerin. in 6. *Decretal. ad cap. Ut inquiſit. n. 95.* notavit Cozza *cis. dub. 36. nu. 212.*

Et inde ſequitur, quod denunciandus ſit Confeſſarius, qui cum Moniali ad ſedem confeſſionalem ſe transfert, ut liberius de inhoneſtis tractare poſſint, quamvis animum non habeant ſimulandi confeſſionem. Quoniam factum externum eſt intentioni contrarium, & ſemper habetur Confeſſionarium.

6 Quo ſuppoſito ad dubium ex eodem Paſſerino excripſit allegat. Cozza; quod, ſi tempore, quo ſoleat eo in loco confeſſionem audire, una ex Monialibus accedat, quamvis ſine intentione conſentendi, ſed alloquendi dumtaxat Confeſſarium, & interea Confeſſarius cum ea de inhoneſtis tractet, eſt reus ſollicitationis, atque ita denunciandus eſt. Quoniam tunc præſumitur pro confeſſione; ex facto enim exterius, & circumſtantia aliarum Monialium accedentium ad eum locum cauſa confeſſionis, reputatur quod ad eum finem illa Monialis acceſſerit. Concordat Carena *cis. §. 5. num. 32.* reſolvens, quod denunciandus ſit Confeſſarius, qui in Parlatorio communis Monialium confeſſiones audit, ſi ſolli-

icitaret pro eodie, quam Moniales habere destinatum pro confessione.

7 Ceterum advertant Monialium Confessarii, quod, licet locus ille, in quo regulariter excipiuntur Monialium confessiones pro aliis negotiis per alios tractandis frequenter deserviat, alectu quoque istos possit indifferens appellari; indifferens tamen censendus non sit respectu Confessarii ipsarum Monialium; sed regulariter presumendum, quod accedat, utin eo confessiones Sacramentales excipiat; & hinc videtur imper haberi simulata confessio.

8 Proinde confessarii in huiusmodi casibus de aliis negotiis non tractent. Quinimmo Superiores provideant, ut dictus locus, qui deputatus sit ad audiendas Monialium confessiones, sit a quovis alieno separatus, caute sera munitus, ad quem non nisi Confessario, qui clavem etineat, accessus pateat.

9 Quæritur. *An sit denunciandus Confessarius, qui in confessione Sacramentali ita mulierem alloquitur, seio non fossi Sacerdote, vi prendere per coglie.*

Resp. Affirmative cum Diana *cit. resolut. 49.* contra Bordonum in *Sacr. Trin. p. 239. 3. nu. 54.* Ratio est, quia similia verba sunt maxime excitativa ad verem; & cum sint impertinentia ad confessionem, presumuntur proferri ad stendendum animum, & affectum imudicum; atque ita sapiunt sollicitationem.

10 Nec dicatur, prædicta verba indicare pudicum affectum, cum pro objecto habeant contractum matrimonii sub conditione, quod in omnium sententia sit honestum. Quia, quamvis secundum se non sint mala, tamen ex circumstantia confessionis, (ad quam non spectant) & in qua proferuntur, malitiam contrahunt. Quinimmo, si possunt in omnem partem aliquo modo trahi, ad inquisitores spectat Confessarium vocare, eumque super intentione interroga-

re. Ad quorum iudicium pertinet in dubiis pronunciare de bono, ac corrupto verborum sensu; ut post Del-Bene, dixit allegat. Cozza *dub. 12 num. 22.*

11 Quæritur. *An denunciandus sit Confessarius, qui in confessione mulieridona, & munera tradit?*

Resp. Dubium excitatur à Diana *resolut. 50.* apud quem Bordonus negavit, quia donum ex sua natura non ordinatur ad venerea; ergo de se non est signum, aut factum sufficiens ad arguendam sollicitationem; cum quo ipse concordat, si Confessarius donet mulieri florem, vel donum minimi valoris; secus, si daret rem maximi valoris; nam tunc est maxima presumptio contra Confessarium, quod det animo sollicitandi, & trahendi mulierem ad amorem, cum collatio doni sit res impertinens ad confessionem: ideo censetur facta tacito animo palliandi sollicitationem, quod etiam in Gregoriana prohibetur; cum ad sensum illius prohibetur absolute provocatio ad turpia: atque adeo tam ea, quæ fit signis, & verbis, quam, quæ fit facto, & muneribus, quibus femina facillime alliciuntur, & provocantur ad venerem. Unde, quia ex circumstantia confessionis intentio Confessarii donantis non potest ullo modo cohonestari, presumitur dare ad lucrandum affectum, & familiaritatem mulieris, de quo *cit. Cozza dub. 6.*

12 Quæritur. *An sit denunciandus Confessarius, qui, audita confessione mulieris, que venerea aperuit, eam de Ecclesia abeuntem ipse per se, vel per lenonem sequitur, & eam in itinere, vel domi sollicitat?*

Resp. Plures apud Dianam *cit. resolut. 46. num. 2.* negant, ex eo quod licet Confessarius utatur scientia confessionis, tamen eam non sollicitat in locis, prohibitis sollicitare in Gregoriana: hoc est, neque in Confessionario, aut loco ad confessiones audiendas electo, aut simulans confessionem audire, proinde sollicita-

citatio, nec moraliter, nec physicè cum confessione conjungitur. Affirmat Peyrin. *de privil. regul. ad conf. 4. Greg. XV. §. 2. nu. 2.* ubi scribit: occasione confessionis diceretur sollicitare Confessor, qui audiens mulierem in confessione, eamque levem ibi cognoscens lenonem paulo post ad dicitæ mulieris vestigia insequenda mitteret, eamque domum intrantem sollicitaret, seu etiam in itinere; & allegat. Grassi. *to 1. consil. 4. de cognat. spirit. consil. 1. a num. 37. & de casib. reservat. lib. 2. cap. 12. nu. 30.* quam sententiam sequitur Lezana *sum. quast. regul. cap. 19. num. 34.* nec dubito esse denunciandum, si statim facta confessione, & femina discedente ab Ecclesia, prius quam ipsa ad actus extraneos divertatur, ipsam sequatur, eamque sollicitet; quia tunc sollicitatio censetur facta *immediatè post* confessionem, quod in Constitutione expressè prohibetur.

13 Quæritur. *Mulier à Confessario sollicitatur per verba:* io vi voglio gran bene: quando vi vedo, ne godo molto: *Sed tunc non percipit sensum verborum; deinde instruitur casuisse sollicitationis verba:* petitur, *an mulier teneatur denunciare Confessarium?*

Resp. Affirmativè. Obligatio enim denunciandi statim nascitur, ac quis habet notitiam de tali obligatione. Quæ notitia est in muliere, dum agnoscit verba sollicitationem importare.

14 Nec obligatio denunciandi cum lapsu temporis extinguitur; ideò non subsistit eorum sententia, qui dixerunt post triennium cessare debitum denunciandi, ut apud Escobar. *de Confessar. sollicitant p. 2. q. 3. §. 2. nu. 10.* & post eum Cozza *dub. 29.*

15 Nec obligatio denunciandi in penitente sollicitato cessat, etiamsi sciat, quòd Confessarius ea de re se præsentaverit S. Officio, & fuerit absolutus. Obediendum est enim legi præcipienti denunciationem, & tunc Inquisitores recognoscunt, an Confessarius sincerè, &

per integrum delictum exposuerit. Et ita fuit resolutum in Sac. Congr. S. Offic. 26. Julii 1628. apud d. Cozza *dub. 45. num. 275.*

16 Ita denunciandus est Confessarius, quamvis sit emendatus, ut dixit Diana *cit. resolut. 6. & 7.* Et Carena *cit. §. 22. nu. 128.* Ratio est, quia Confessarius sollicitans posset fingere se emendatum. Tum quia emendatio debet innotescere Judicibus Fidei.

17 In casu dumtaxat obitus Confessarii penitens sollicitatus liberatur ab onere eum denunciandi, ut ex Bordonio in *manual. q. 32. nu. 64.* dixit Cozza *dub. 29. num. 178.*

18 Quæritur. *An sit denunciandus Confessarius Regularis, qui ad effectum obtinendi facilius licentiam a Superiore exeundi à Conventu, eidem significat se debere accedere ad domum agrotæ, ut illius confessionem excipiat, sed in effectum ad eam accedit, ut ipsam carnaliter cognoscat?*

Resp. Casus proponitur à Bordonio in *Tribunal. q. 7.* ubi resolvit negativè; quia re vera Confessarius nec penitentis confessionem audit, nec eam simulat audire, nec cum muliere tractatum habet; sed solum apud Superiorem confessionem fingit, ut licentiam exeundi extorqueat: unde nec prætextu, neque occasione confessionis penitens tenetur eum denunciare. Cozza *cit. cas. 35.*

19 An autem sit denunciandus Sacerdos non Confessarius, qui in Confessionario ad turpia sollicitat?

Resp. Affirmativè; prout declaravit S. Congr. Sancti Officii 11. Februar. 1661. apud Cozzam *dub. 37. num. 228.* propter quod oppositum amplius probabile non est.

20 Quæritur, *An sit denunciandus Confessarius, qui post sollicitationem immediatè dolet, & sollicitationis penitet?*

Resp. Affirmativè, quia jam contra legem peccavit, & sollicitatio iam facta: in delicto non consideratur per seve-

averantia, sed, si adfuerit voluntas eliberata factis, vel signis expressa: abita penitentia, quando probaretur, potest operari in sacro Tribunali diminutionem poenae.

21 Quæritur, *An sub secreto naturalis, etiam iurato, sciens aliquem Confessarium sollicitasse feminam, vel puerum in Confessione, teneatur denunciare?*

Resp. Affirmativè, quia sollicitatio in Confessione est delictum contra bonum publicum, & commune, contra, nimirum, reverentiam Sacramenti penitentiae, & bonum spirituale Fidelium; lias admodum raro tenerentur penitentes ad denunciandum, cum sollicitationis crimen secretissime committatur. *Id. cap. super num. 6.*

22 Quæritur, *An ante denunciationem præmittenda sit correctio fraternalis?*

Resp. Negativè, juxta ibi dicta *nu. 3.* & interim observa, quod duplex est denunciatio, alia Evangelica, Judicialis altera; ante Evangelicam, quæ fit ad enendationem Fratris, præmittenda est correctio; non verò ante Judicalem, quæ tendit ad punitionem, & exemplum aliorum; denunciatio autem Confessoris sollicitantis, præcepta in Constit. Greg. est Judicialis, ut ibi expressè §. *lantes*, quod, etiam edictum SS. Inquisit. per hæc significat: *che fra il termine di un Mese, &c. si debbano rivelare, e giuridicamente notificare al Sant' Ufficio, o vero a gl' Ordinarii, &c.*

23 Quæritur, *An possit excusari penitens à debito denunciandi ex parvitate materiae?*

Resp. Negando suppositum. In criminali, & materia sollicitationis non datur parvitas materiae, ut optimè Carena §. *num. 37.* & probatur ex dictione Bullæ *quomodolibet*, quæ per Barbof. de diction. *dict. 282.* universalis est, omnes casus comprehendit, omnemque penitus modum includit, & distribuit, *Gloss. id. cap. Indemnitatibus de elect. in 6. §. si*

qua verò, in ver. quomodolibet: semper enim fit injuria, & irreverentia Sacramento; propterea quilibet excessus in hac materia à Greg. dicitur nefarius. Carena ex Sancio dixit, impuritatis verba, quæ fortè aliàs essent venialia, effici mortalia, si contigant in Sacramento poenitentiae. Videat Confessarius, ne in hac materia, & rebus veneris laxet habenas, & constanter sustineat in neutra dari materiae parvitatem.

24 Quæritur, *an excusetur femina, quæ Confessario sollicitanti consenserit?*

Resp. Negativè, habetur ex dispositione Sac. Congr. Inquisit. ut legitur in Epistola à Card. Millino transmissa ad Card. Borromæum, Archiepif. Mediol. die 27. Septemb. 1624. *Dopo, &c. N. S. e' questissimi Illustrissimi Signori in Congregazione, tenuta avanti la Santità Sua à 25. di Luglio passato, dopo haver' inteso il parere d'una particular Congregazione, deputata per questo effetto, hanno risoluto, che qualsivoglia penitente è tenuto à denunciare il Confessore, dal quale sia stato sollicitato nel luogo della Confessione, ancorche gl' habbia consentito, e non è tenuto à propalare il proprio consenso, &c. apud Carena §. 10. & Volpi resol. moral. resol. 183. verb. sollicitare num. 3.*

25 Quæritur, *An penitens sollicitatus, qui denunciare noluit Confessarium sollicitantem, possit tempore Jubilæi, vel vigore alicuius privilegii absolvi?*

Resp. Negativè; nam privilegium quodcumque, etiam Jubilæi tempore, intelligitur satisfacta parte, & sine præjudicio tertii; in casu autem tertium, & pars læsa est poenitentiae Sacramentum, commune bonum Ecclesiæ, & Fidelium; cui censetur poenitens satisfacere per denunciationem.

26 Quæritur, *quomodo Confessarius segerere debeat cum Confessario sollicitante?*

Resp. Videat, an in actu sollicitationis

nishabuerit errorem in intellectu, credendo aliquid contra fidem; ut, quod Sacramentum poenitentiae non sit illicitum ad remittenda peccata: quod licitum sit illud profanare, &c. quatenus invenerit, in absolutum dimittat, & ad Judices fidei correptum dirigat: si semper Catholice sensit, inficiat, an in loco sollicitationis casus confessorii sollicitantis sit reservatus Episcopo, & nec tunc potest absolvi, nisi ab habente facultatem absolvendi a reservatis. Si vero non sit reservatus, quilibet confessorius approbatus poterit eum absolvere. *Carena §. 20.* nam casus ex parte Confessorii sollicitantis non est reservatus in jure.

Item videat, an docuerit poenitentem sollicitatum non teneri ad denunciandum, si confiteatur cum Confessario sollicitante; etsi reperiat, non potest eum absolvere, utpotè excommunicatum, excom. Papae reservata in praesenti Decreto *Alexandri VII.*

Deinde consulat, ut spontè se deferat Inquisitoribus, quia, si nullius sit praeventus indicii, gaudebit beneficio spontè comparentium, & si erit praeventus, gaudebit beneficio comparentium, non citatorum, nec vocatorum.

27 Tandem exigit ab eo juramentum de simile amplius non committendo; in enormibus enim esse tale juramentum exigendum, & respectivè praestandum dixerunt *Graff. & Beloch:* apud *Carnatit. 12. num. 305.* enorme autem *Greg. §. dantes*, vocat crimen sollicitationis; & in casu, quod id praestare nollit, tamquam indispositus, & non paratus ad illud iterum non patrandum, non esset absolvendus.

28 Queritur, *quomodo Confessarius se gerere debeat cum poenitente sollicitata?*

Resp. Ipsam moneat (etiamsi Confessori sollicitanti consenserit) de obligatione denunciandi Inquisitoribus, vel Ordinariis Confessarios sollicitantes, vel sollicitationi consentientes, pro ut

expresse praecipitur in alleg. *Greg. §. mandantes*; quod si Confessarius id omittat, vel doceat poenitentes sollicitatos ad id non teneri, mortaliter peccat, & ab Inquisitoribus punitur, ut in re gravi legis Ecclesiasticae transgressor.

An autem *sufficiat poenitentem esse in firmo proposito denunciandi.* Vide cap. *praterit. num. 17.*

Si intra mensem (tempus in edicto SS. Inquisit. ad denunciandum statutum) non denunciaret, ipso facto ligatur censura, cujus absolutio est eidem S. Officio reservata.

29 Dubitatur, *an possit ab ordinario Confessario absolvi in mortis articulo?*

Resp. Affirmativè, dummodò non sit tempus sufficiens, ut poenitens possiturare Judices fidei, ad effectum recipiendi ab eis absolutionem, vel ad eos dirigere non valeat literas, juratas de veritate, aperiendo in individuo confessarium sollicitantem, & expectando facultatem, ut a confessario praesenti absolvi valeat; sed non nisi, imposito ei onere, & jurata promissione recepta de comparendo, cessante periculo, coram fidei censoribus ad denunciandum, sub poena reincidentiae in similem censuram.

30 Queritur, *quomodo Confessarius se gerere debeat cum Moniali a Confessario sollicitata, quae Inquisitores, vel Ordinarium adire non potest?*

Resp. Ipsam moneat; ut per literas eis significet, se habere negocia communicanda, ad S. Officium spectantia, & interim ab eis expectet responsum; vel, literis de veritate juratis, proprio nomine, & cognomine firmatis, expresso nomine sollicitantis, eum cum effectu revelet; in quo me remitto S. Tribunali proptaxi, & determinatione.

31 Queritur, *quomodo se gerere debeat cum muliere virgine, honestissima, & nobili, quae nullo modo seclì potest pro denunciatione, ut accedat ad Judices fidei?*

Resp.

Resp. In hoc, etiam me supremo Tribunali submitto; & Confessario ex alleg. *Epist. Eminentiss. Millini*, hæc transcribo: *e quando il penitente tuttavia persistesse nella medesima renitenza, N.S. si contenta, che dal Vescovo, o dall'Inquisitore, si dia autorità al Confessore di ricevere per scrittura, e con giuramento la denuncia, per portarla subito, à chi gl'haverà data autorità di pigliarla: e se oltre le cose suddette occorrerà altro caso grave, per il quale non si possa il penitente indurre à denunciare, vuole la Santità Sua, che si scriva qui, e s'aspetti la risposta, e in tanto, si soprascida nell'assolutione.*

32 Queritur, *An, cum sollicitata ex denunciatione, grave damnum timeat sibi, vel marito, filiis, aut proximis consanguineis, debeat denunciare?*

Resp. Tenetur, quia timori, seu præfatis periculis occurrere potest auxilio Supremi Tribunalis; quamvis alii affirmant excusari. *Carena tit. 9. §. 7. nu. 34.* sed nostra opinio est tutior.

33 Queritur, *quanam sint signa, quibus reputetur confessio simulata?*

Resp. Ex parte Confessarii sunt; *federe in loco convenienti: benedicere mulieri: manum ante faciem tenere, modo, quo fit, dum Confessiones audiuntur: & demum, manum supra ipsam extendere, fingendo ipsam absolvere;* ex parte verò mulieris sunt: *genuflexio: signum Crucis: percussio peccatoris: manuum conjunctio: humilis allocutio cum Confessario, quæ exterius appareat, & presumatur accusatio peccatorum.* *Ameno de pœnit. 4. §. 2. num. 16.*

34 Sed queritur: *an clausula illa: simulantes ibidem Confessiones audire, referatur, etiam ad confessionarium, adeò ut in Bullam confessarius impingat, qui in confessionario sollicitat, si ibi non simulet confessionem audire?*

Resp. Affirmativè, nam verè est reus Bullæ, dum in eo sollicitat, licet confessionem audire non simulet; ut ex de-

creto alleg. *num. 6.* colligitur, ac ipse textus Bullæ concludit, ex clausula, *si videtur extra occasionem confessionis in confessionario:* per quam excludit expressè confessionem, habens respectum dumtaxat ad injuriam loci, utpotè ad Tribunal ordinarium judicii Sacramentalis; & subdens, *aut in loco quocumque, &c.* addit, *simulantes ibidem, &c.* nec dicitur, quòd omnia peccata carnis à Confessariis, ubique commissa, vel tentata, sint denuncianda, nam in aliquo loco sunt commissa, & attentata, ergo ad effectum denunciationis exigit, ut in loco extra confessionarium simuletur confessio; unde hic habet respectum, non ad locum, sed ad Confessionem, & ejus injuriam: propterea exigit, simulationem confessionis, ut terminum restrictivum clausulæ: *aut in loco quocumque, ubi confessiones Sacramentales audiantur, seu ad Confessionem audiendam electo:* ut optimè *Felix tom. 2. numer. 523.*

CAPUT VI.

Prop. VIII. IX. & X. ab Alex VII. &c.
Stipendium Missæ.

1 **P**ROP. 8. *Duplicatum stipendium potest Sacerdos pro eadem Missa licitè accipere, applicando petenti partem, etiam specialissimam fructus, ipsimet celebranti correspondentem, idque post decretum Urbani VIII.*

PROP. 9. *Post decretum Urbani potest Sacerdos, cui Missa celebranda traduntur, per alium satisfacere, collato illi minori stipendio, alia parte stipendii sibi retenta.*

PROP. 10. *Non est contra iustitiam pro pluribus sacrificiis stipendium accipere, & sacrificium unum offerre; neque etiam est contra fidelitatem, etiam si promittam, promissione juramento firmata, danti stipendium, quod pro nullo alio offeram.*

Qua-

Quarum occasione, ut ad ea accedamus, quæ in praxi magis pro casibus conscientiarum faciunt.

Notetur cum D.D. Missæ sacrificium esse ex opere operato propitiatorium, satisfactorium, & impetratorium.

2 Quæritur, quare dicatur propitiatorium?

Resp. Quia per ipsum fit, ut, si cum *verocorde, & recta fide, cum metu, & reverentia, contriti, ac pœnitescentes ad Deum accedamus, misericordiam consequamur, & gratiam inveniamus in auxilio opportuno: huius quippe oblatione placatus Dominus, gratiam, & donum pœnitentia concedens, crimina, & peccata, etiam ingentia, dimittit.* Trid. *sess. 22. cap. 2.*

3 Quæritur, cur dicatur satisfactorium?

Resp. Quia Deus illud acceptat, tamquam satisfactorium pro pœna temporali, sive tota, sive parte ipsius, in quam virtute pœnitentiæ commutata erat pœna aeterna, debita peccatis mortalibus, in Sacramento pœnitentiæ remissis, dummodò obex peccati non invenerit; & is, pro quo offertur, sit in statu gratiæ.

4 Quæritur, quare dicatur impetratorium?

Resp. Quia per illud impetrantur bona spiritualia gratiæ ad agendam pœnitentiam de peccatis, & perseverandum in accepta iustitia: item, temporalia, sanitatem, victoriam, pacem, &c. quatenus hæc ad salutem conducunt, & si animæ profint, Trid. *l.c. & Can. 3.* triplex iste fructus ex opere operato ex sacrificio provenit.

5 Quæritur, quare fructus dicatur ex opere operato?

Resp. Quia provenit ex vi, & virtute sacrificii, sine respectu ad innocentiam, vel Sacerdotis devotionem; seu, in quantum Christus Dominus ex pacto cum Deo Patre inito, voluit, & instituit, ut, eorité posito, infallibiliter effectus conferatur, independentè à bonitate Mi-

nistri; modò ex parte ejus, cui sacrificium applicatur, divinis beneficiis obex non ponatur; Sic D.D. communiter, & cap. *Utrum de consecr. dist. 2. ac Trid. cap. cit. vid. Fagn. in 3. ad cap. Fraternitatem de sepult. num. 35.*

6 Quæritur, An licitum sit, accipere stipendium pro Missa celebranda, & an simoniam contineat?

Resp. Est licitum, nec simoniam continet; quia stipendium non datur pro ipsa sacrificii applicatione; nec in pretium laboris, & actionum, per se intrinsecè connexarum cum Missa, & per se necessarium ad tale sacrum Ministerium; ut est labor se vestiendi sacris vestibus, legendi orationes, Symbolum, & alia, ut in Missali, sine quibus Missa celebrari non potest. Si hæc deducerentur in patrum, & pro eis stipendium reciperetur, realiter, & cum effectu simonia committeretur ex dicendis *lib. 2. cap. 26.*

Sed quid, si sacerdos sit dives, & aliunde abundantem habeat sustentationem?

Resp. Et ipse potest licitè recipere, per *tex. in cap. Clerici 1 q. 2. ubi: Clerici omnes, qui Ecclesie fideliter, vigilantè, & deservitè, stipendia sanctis laboribus debita, secundum servitii sui meritum, per ordinationem Canonum à Sacerdotibus consequantur:* in his pondera: I. Omnes, quod includit, tam pauperes, quàm divites: II. Stipendia sanctis laboribus debita, quæ significant esse danda stipendia Sacerdotibus, non propter indigentiam, sed propter labores: III. Servitii sui meritum; & non secundum indigentiam qualitatem: quia nullus sive dives, aut pauper, tenetur de suo se sustentare, ut alteri obsequetur, & ministret; nam, *qui militat suis stipendiis unquam? quis pascit gregem, & de lacte gregis non manducat.* 1. ad Corint. b. 9. videatur Fagnan. in 3. ad cap. significatum de præbend. num. 39.

7 Quæritur, quodnam reputetur iustum, & adequatum stipendium Missæ?

Resp.

Resp. Reprobata opinione asserentium non esse justum, nisi tantum detur, quantum necesse est ad sustentationem unius per integrum diem, dicimus illud esse justum, quod lex, (non laica) vel loci consuetudo taxavit, juxta decret S.C.C. de celebr. *Missarum ad quintum*; hic Roma Julium est ordinarium stipendium, & consueta elemosyna pro qualibet Missa privata.

8 Quæritur, an, crescente pretio rerum necessariorum ad victum, possit licite sacerdos pauper plura stipendia accipere; & unica Missa pro omnibus satisfacere?

Resp. Negativè, sed tot debet celebrare, quot stipendia recepit, per expressè disposita ab eadem S.C. ibid. §. deinde his verbis; *mandat, & precipit, ut absolute tot Missa celebrentur, quot ad rationem attributa elemosynæ prescriptæ fuerint, ita ut alioquin ii, ad quos pertinet, sua obligationi non satisfaciant: quinimmo graviter peccent, & ad restitutionem teneantur.* Ponderandum est sacros Canones in assignatione stipendii non considerasse paupertatem, vel vicualium caritatem, sed mercedem laboris, ut *alleg. cap. Clerici*. Operarius vineæ ob paupertatem non potest plus accipere, iusta, & pacta mercede, ergo nec Sacerdos iusto stipendio.

9 Sed quid, si stipendium ab uno acceptum non esset iustum, sed tenue, an possit ab alio tantum accipere, quantum sufficit ad iustum stipendium, & unica Missa utrique satisfacere?

Resp. Negativè, quia ibid. Sac. Congreg. extendit dispositionem, etiam ad stipendia quantumcumque incongrua, & exigua, sive ab una, sive a pluribus personis collata fuerint, aut conferuntur; à simili de eo, qui acceptat beneficium tenue, qui non propterea excusatur à residentia *Glos. in cap. Clericus videtur in ver. vigiliis 91. dist.* hinc, ex quo stipendium ab ipso acceptum sit minus congruum, non ideo minus tenebitur

Matthæucci Cantela Confessi.

integrum sacrificium illi applicare, dum convenit.

10 Quæritur, an, cum Sacrificium sit propitiatorium, satisfactorium, & impetratorium, possint à tribus tria stipendia recipi, & unica Missa tribus obligationibus satisfieri, applicando uni, ut defuncto, fructum satisfactorium: alteri, ut infirmo, fructum impetratorium v.g. sanitatem: & tertio, ut peccatori, vel iusto, fructum propitiatorium?

Resp. Negativè ex allegato S.C. decreto §. deinde, & ex alio ejusdem sub die 13. Decemb. 1659. quæ, super simili interrogata, respondit non posse: apud Fagnan. *ad cit. cap. fraternitatem* in fine.

11 Quæritur, an ultra solitum stipendium possit ab aliquo aliquid accipi pro fructu Sacrificii ex opere operantis proveniente?

Resp. Negativè, quia dantes stipendium pro Missa exigunt, & deposcunt fructum Sacrificii, quem possunt, tam ex opere operato, quam ex opere operantis: & sic responderent, si interrogarentur.

Non omitto, quòd similem nundinationem certò Papa prohiberet, si sciret ab aliquo exerceri.

12 Quæritur, an Sacerdos, qui hodie à nemine stipendium accepit, possit Missam, quam celebrat, applicare illi, qui primus dabit Stipendium?

Resp. Negativè; quòd legitur prohibitum à S.C. Conc. in responso dato 15. Novembr. 1605. sub Paulo V. ad Archiepiscopum Hispalensem. Est communis fidelium mens, stipendium dare non pro Missa, jam dicta, sed pro dicenda; qui sanè elemosynas pro Missis non tribuerent, si hujusmodi applicandi modum dubitarent, posse à Sacerdotibus ad praxim deduci: abusus igitur reputatur contra usum Ecclesie, avaritiam, indignam Ecclesiasticis, sapiens, & propterea communiter à DD. Layman, Gobat, Gavanto, Poncio, Jacobo, Marchant,

chant, aliisque, qui agunt de Missæ stipendio, reprobatur.

13 Quæritur, *an possit Sacerdos dare Missam alteri dicendam pro minori stipendio, quam ipse receperit?*

Resp. Negative, ut expressè, S. C. Conc. in alleg. decretis: quæ quoad octavum: excipit Rectorem Beneficii; qui, si per alium celebrare valeat, ei potest tribuere eleemosynam congruam, secundum morem Civitatis, & Provinciæ, & non ad rationem reddituum beneficii, nisi in fundatione ipsius aliud fuerit dispositum.

At dubitatur, *an prohibitio comprehendat tam eum, qui, accepto iusto stipendio, retenta sibi ejusdem parte, alteri Missam celebrandam committit, quam eum, qui recepta pinguiori eleemosyna, Missam alteri committit, eidem dato iusto stipendio juxta loci praxim, & legem, reservato sibi ejusdem excessu?*

Resp. Utrumque, ut ipsa S. Cong. disponit; à qua id, & ac similiter prohibetur Sacerdoti cum clausula, *qui Missam suscepit celebrandam cum certa eleemosyna, ne eandem Missam alteri, parte ejusdem eleemosynæ sibi retenta, celebrandam committat*; in his nota hoc adjectivum *certa*, comprehendens, tam justum, quam pinguius stipendium; considera etiam ejusdem Congr. responsum ad septimum.

14 Quæritur, *an Parochus possit eleemosynam accipere pro Missa celebranda iis diebus, in quibus tenetur ex divino precepto sacrificium offerre pro suis Parochianis; pro quibus tenetur singulis diebus, si redditus sint pingues, si vero tenues, saltem diebus festivis, ut in una Lucana, Sac. Cong. Conc. die 10. Maii 1681. Ex Trid. sess. 23. cap. 1. deref.*

Resp. Aliqui dixerunt posse, ex eo, quod in Sacrificio Missæ per Scotum quolibet. 20. art. 2. & 3. Fagnan. ad cit. cap. Fraternitatem num. 94. & Gavantum

p. 2. tit. 3. lit. P. triplex sit fructus ex opere operato: *generalissimus*, *specialissimus*, & *medius*, seu *specialis*: primus debetur toti Ecclesiæ, & cæteris, de quibus in Canone; quem Sacerdos, ut publicus Ecclesiæ minister, intentione generali, quam habet offerendi Sacrificium pro iis, pro quibus Ecclesia ordinat, ut offerat, illud illis applicat, juxta Trid. sess. cit. cap. 6. Qui, ut loquitur Gavantus ibid. à Deo ipsis distribuitur pro eorum capacitate, & devotionis mensura, & ideo in Canone dicitur, & *omnium circumstantium, quorum tibi fides cognita est*, & nota devotio. Secundus est, quo fruitur ipsemet Sacerdos tantum, qui celebrat, cujus est proprius, & personalis. Tertius verò, cujus dispensatio committitur Sacerdoti, quem illis applicat, pro quibus, vel stipendio recepto, vel promissione, particulari intentione Sacrificium offert.

Sed licet adducta divisio fructus optima sit, eorum tamen sententia est à Concilii, & Sac. Congr. mente aliena: nam hæc in Parocho, in ordine ad offerendum sacrificium pro suis ovibus requirunt, specialem aliquam obligationem, diverfam ab illa, quam habent singuli Sacerdotes applicandi fructum Missæ omnibus Christi fidelibus; sed illi (quemadmodum ipsi Parochi) tenentur applicare fructum *generalissimum* omnibus fidelibus, ergo suis ovibus ille, ut speciali obligatione satisfaciat, fructum *medium*, seu *specialem*: res est certa, & conformis declarationi S. C. Conc. in alleg. decretis, quæ ad quartum respondit: *Sacerdotes, quibus diebus tenentur Missas celebrare ratione beneficii, seu Capellæ, legati, aut salarii, si eleemosynas pro aliis etiam Missis celebrandis susceperint, non posse eandem Missam utrique obligationi satisfacere.*

15 Quæritur, *an dato stipendio, ad effectum, ut Missa determinatè celebretur in tali Ecclesia, Capellæ, vel Altari; tenetur Sacerdos ibi celebrare: &*

qua-

quatenus non ibi, sed alibi sacrificet, peccet mortaliter?

Resp. Affirmativè, nisi id faciat iusta, & rationabili causa. Layman *cap. 2. n. 15.* Gobat *casu 17. sect. 2. num. 575.* alique; quibus addo Pignatellum *tom. 1. consult. 276.* allegantem id esse resolutum à S. C. Conc. 17. *August. 1647. in una Regularium;* ratio est, quia facit contra suam obligationem in re gravi, & mentem offerentis non implet; cum quo contractum, ad minus tacitè, celebravit, de ibi celebrando, quando stipendium recepit; Gavant. *num. 24.*

16 An autem, si sine iusta causa alibi celebraverit, teneatur supplere, iterum celebrando in electo?

Resp. Affirmativè, si altare electum, fuerit privilegiatum; & sibi imputet, si bis teneatur pro eodem celebrare.

17 Quæritur, an mortaliter peccet, & ad restitutionem teneatur Sacerdos, qui accepta elemosyna pro Missa dicenda, V. G. ad impetrandam sanitatem infirmo, aut profelici expeditione alicuius causæ, tandiu celebrationem differt, ut interim mors infirmi sequatur, & causa expeditur?

Resp. Affirmativè, Gobat. *cit. casu 17. num. 596. sect. 3.* Layman. & Bonaccina *moxcicand. Gavant. part. 3. titul. 12. nu. 8.* ratio est, quia in re gravi peccat contra iustitiam, graveque damnum ex sua negligentia tertius patitur; & quamvis videatur posse sub mortali à restitutione excusari ratione stipendii, ex eo, quòd defraudatio unius iulii, dati pro stipendio, non sit per se materia peccati mortalis, per accidens tamen est, ratione damni, quod offerens patitur ex omissione sacrificii, quod Sacerdos ex iustitia tenebatur offerre; idèò radix restitutionis non levis, sed gravissima iudicio prudentis reputatur, & ab ea non excusatur.

Caveant Sacerdotes, ne se onerent nimis multis factis, ad longum duratu-

ris, quia exponunt se periculo, vel, ut numquam ea, morte superveniente, perfolvant, vel, ut non perfolvant tempore opportuno; & graviter peccant, juxta Roderic. Navar. & alios à Bonac. *disp. 17. de Euch. qu. ult. num. 7. §. 4. num. 2. allegatos.*

18 Quæritur, quando censentur nimis multa?

Resp. Cum eis, *infra modicum tempus* juxta responsum S. C. *in alleg. decretis ad undecimum; vel intra breve tempus moraliter*, ut legitur in *Const. Innoc. XII.* Nuper, edita sub anno 1697. ad ea decreta confirmanda, satisfacere non poterunt.

19 Et si quæatur, quantum tempus importent illa clausula?

Resp. D. D. non conveniunt; alii unum mensem, duos alii, & quidam tres assignant, quia id tempus, tamquam quid modicum reputatur; verum semper est consideranda mens dantis, occurrentes circumstantiæ, & necessitas, pro qua Missa desideratur, idèò aliqui id discernendum remittunt arbitrio prudentis, juxta *tex. in l. sicum dies, §. intra quantum, ff. de recept. arbitr.* quod fortè innuit clausula *intra breve tempus moraliter*: in quo est relinquenda opinio Peyrini *ad cons. tit. 9. Urban VIII. ad 10.* intelligentis per modicum tempus, spatium trium annorum, ut prorsus improbabilis, nimis laxa, & à mente S. Sedis aliena.

20 Quæritur, an recipiens stipendium pro legenda Missa in Altari privilegiato pro anima alicuius defuncti, satisfaciat, si in eo Missam de Sancto, & non de Requiem pro ea celebret?

Resolutio quæriti pendet à quæstione; an ad consequendam indulgentiam à Sum. Pontif. Altaribus privilegiatis concessam, necesse sit in eis Missam defunctorum celebrare; an verò sufficiat aliam Missam dicere; sed facilis est responsio, ex literis Alexandro VII. Cle-

ment. IX. & Innocent. XI. *alleg. to. i. offic. Cur. cap. 6.*

21 Itaque Alex. *const. credita nobis, sub die 22. Januarii 1667.* declaravit ut infra; quoad *Altaria perpetuo privilegiata, & in quibus proinde quotidie, etiam in duplicibus, celebranda sint Missæ de Requiem ex obligatione, auctoritate, &c. declaramus per celebrationem Missarum de festo currenti satisfieri dictis obligationibus, & suffragari, cum eisdem indulgentiis, perinde ac si essent celebrata Missæ de Requiem ad formam privilegiorum.*

22 Clemens *constit. cum sel. sub 9. Septembris 1669.* declarationem Alex. extendit ad Altaria, non in perpetuum, sed ad septennium, seu aliud brevius, vel longius tempus, ac non omnibus, sed aliquo, vel aliquibus tantum hebdomadæ diebus, privilegiata, & ad Missas, sive ex obligatione, sive ex sola fidelium devotione in eis celebrandas.

23 Deinde Innoc. XI. *Constit. aliàs postquam, sub die 4. Maii 1688.* confirmavit decretum S. R. C. editum 3. April. eiusdem anni, occasione dubii, *an videlicet, Alex. & Clement. declarationes sibi pariter locum vindicarent, etiam in diebus Dominici, infra Octavas, Paschatis, Resurrectionis, Pentecostes, & Corporis Christi, aliisque diebus, in quibus, licet à festo duplici non impediuntur, adhuc tamen Missæ defunctorum iuxta ritum, & usum Ecclesiæ celebrari nequeunt? Quare respondit, præfatas Alex. & Clement. declarationes intelligendas esse pro omnibus diebus, quibus iuxta rubricas Missæ defunctorum celebrari non possunt: vid. cap. 27. in fin.*

24 Quæritur, *an Religiosus possit validè applicare Missam contra intentionem Prælati, præcipientis, ut Missam applicet V. G. pro offerentibus stipendia, qua cedunt in communem Religiosorum sustentationem; & quatenus applicet, an mortaliter peccet; &*

an valeat pro intentione ipsius, vel Prælati?

Resp. Mortaliter peccat, sic communiter DD. quia in re gravi agit contra obedientiam.

25 Cujusnam autem, *applicatio valida sit, an subditi, an Prælati?* res est in questione; valere illam factam à Prælato per Ministrum infidelem, dixit Gavant. *cit. p. 3. tit. 12. num. 28.* allegans Fraxinellum, Marchant. *to. 2. tribunal. qu. 2. ref. 8. dub. 4. respond. 2.* Poncius *disp. 44. quæst. 1. conc. 5. num. 126.* aliique. Quibus arbitror esse adhaerendum; ex quo, ut bene discutrit ex Fraxiuello Gavantus, possit Superior irritare intentionem subditorum in Missæ celebratione, si secus applicent; ita ut in foro Dei Sacrificium illi valeat, cui à Prælato per subditum applicatur: est enim verisimile, ut Poncius notat, quod statim ac subditus obedientiam Superiori vovet, alliget suam illius voluntati, quantum ad ea, quæ rationabiliter possunt dependentiam habere ab illa Superioris, & pro quibus ipse possit nomine suo subditum substituere; est autem valde rationabile, quod voluntas subditi, quoad applicationem Missæ, sit ab illa Superioris dependens; aliàs onera Missarum, quæ habent Monasteria, & in diem suscipiunt, subjacerent ex subditorum malitia, periculo, & dubitationi, an persolverentur; de quo Fideles possent prudenter dubitare: & hinc retrahi à sacrificiis adjuvandis animabus fidelium.

Nec relevat dicere, effectum sacrificii pendere ab intentione, etiam injusta celebrantis, vel auctoritatem offerendi sacrificium pro hac, vel illa intentione esse datam Sacerdoti à Christo, & consequenter limitari non posse à Prælato quocumque, Christo inferiore, ad aliam intentionem, quam ad illam subditi celebrantis.

Nam, vel, id cum Gavanto intelligitur de Sacerdote Seculari libero, non de Regulari, cujus voluntas à Prælato

CAPUT VII.

*Prop. XI. ab Alex. VII. De
Confessionis integritas.*

pendet; vel cum Poncio, non esse verisimile, quod Christus dederit eam auctoritatem Sacerdoti Regulari, nisi cum dependentia à voluntate ejus, qui potest ei præcipere, & solet applicare Missam ipsius pro sua intentione: propter ipsam Religiosi conditionem, & ad evitanda adducta incommoda.

¶ Duo distinguas, *consecrare, & pro hoc, vel illo applicare sacrificium*: in primo subditus à voluntate Prælati non dependet; bene vero in secundo, propter superius dicta, & à me alibi *Offic. Cur. tom. 1. cap. 12.*

Quare sententia contraria, quamvis esset probabilis, tamen, quia est minus tuta, quam nostra, ad praxim non est deducenda, juxta doctrinam communiter receptam: quod non sit licitum sequi opinionem partis minus tute, quando ex ejus sequela, dato, quod à parte rei non esset vera, notabile, & irreparabile damnum tertio adveniret, ut in casu.

11 Quæritur, *an Fr. Min. de Obser. sint capaces legatorum annuorum cum onere Missarum?*

Resp. Negativè; quoad ea, quæ sunt ipsis Fratribus directè relicta, Vespignan. in compend. *priv. R. Fab.* bene verò, quoad ea, quorum proprietas manet apud Hæredes; à quibus Fratres possunt recipere per viam simplicis elemosinæ, quidquid ab eis spontè pro celebratione Missarum traditur. Sac. Cong. Epif. in una Lucana 26. Martii 1677. sed in pecunia debet à Syndico recipi; nec possunt per se, vel Syndicum, vel alium in judicio ea petere; & si scienter id faciant, excommunicantur ipso facto: juxta decretum. R. Fabr. *sub 14. Febr. 1633.* vide *infr. cap. 32.*

1 **P**ROP. II. *Peccata in Confessione omissa, seu oblita ob instans periculum vite, seu ob aliam causam, non tenentur in sequenti Confessione exprimere.*

2 Propositio integritatem Confessionis tangit; ideò hic, ejus occasione speciales quæstiones, quæ ad hujusmodi integritatem conducunt, possibili brevitate subnectimus, de qua re dicendum etiam *lib. 2. cap. 36.*

3 Quæritur, *in quo consistat integritas Confessionis?*

Resp. Materialis in hoc, quod quis *prævio examine omnia peccata, quæ post baptismum commisit, nondum confessâ, secundum numerum, species, & circumstantias, in Confessione exponat*; Formalis verò per hæc explicatur, *quod pœnitens, omnia peccata, secundum numerum, species, & circumstantias, quæ sibi, post sufficiens examen memorie occurrunt, & moraliter potest hic, & nunc in Confessione aperire, cum formali dolore omnium, aperiat.*

4 Quæritur, *an possit dari casus, in quo Confessio sit materialiter integra, & non sit valida?*

Resp. Affirmativè, in casu, quo quis omnia peccata, numerum, & circumstantias ipsorum in Confessione exprimat, non præmisso diligenti conscientie examine: vel cum isto, sed sine eorum formali dolore, proposito non peccandi, fide in Deum, spe veniæ, &c. propter periculum, cui se exponit, non confitendi omnia, ut requiritur: quod omnia tunc aperiret, casu esset & propterea Confessio invalida, & sacrilega, in sequenti Confessione cum cæteris aliis peccatis aperiendum.

5 Quæritur, *an Confessio formaliter integra possit esse invalida?*

C 3 Resp.

Resp.Negative: nam ad integritatem formalem necesse est: *primò*, quod omnia peccata, quæ post sufficiens examen occurrunt memoriæ, & quæ hic, & nunc moraliter possunt, in Confessione aperiantur; *secundò*, quod adsit animus, & propositum, tempore opportuno, & cessante impedimento, in alia Confessione exponendi, quæ tunc omittuntur; *tertiò*, quod adsit dolor formalis omnium peccatorum commissorum ex fide supernaturali regulatus cum proposito non peccandi, &c. propter eâ, si hæc non desint, valida est confessio, de quo etiam, *lib. 6. cap. sit.*

6 Queritur, *quanta diligentia debeat adhiberi in examine conscientie?*

Resp. Quanta permittit humana fragilitas, & à viro prudenti solet adhiberi in negotio gravis momenti, quod sibi multum cordie esset, juxta Scotum *in 4. dist. 17. quest. unic. & DD.* in quo est ponderanda conditio personæ, quæ confiteatur, qualitas officii, temporis intervalum, à quo Confessio non est facta: certè enim minori examine indigent, qui frequenter, quàm qui raro confitentur: qui vitam quietam ducunt, quàm qui variis detinentur negociis.

7 Queritur, *quomodo se gerere debeat Confessarius, advertens poenitentem non premisisse examen conscientie.*

Resp. Debet illum dimittere, ut examine se præparet, ut postea paratus redeat; cum imparatus absolvitur, Sacrosanctos peccat, & poenitens in sequenti Confessione debet, cum peccatis invalidè confessis, & illud sacrilegæ Confessionis, examine præmisso, aperire; si esset rudis, & imperitus, ignorans modum discutiendi conscientiam, esset super eo à Confessario instruendus, & quatenus inveniret aliqualem diligentiam adhibuisse, posset ad completam, & integram suis interrogationibus eum juvare; numquam tamen permittatur abusus in poenitente nil confitendi, nisi interrogetur. Verùm cautè Confessarius

in interrogationibus procedat, nè sibi, vel poenitenti periculum gravium tentationum pareat.

8 Queritur, *an ad integritatem materiale Confessionis pertineant peccata dubia;* quod est idem ac quærere, *an quando quis dubitat, an commiserit peccatum v.g. furtum, vel est certus se commisisse, sed dubitat, an sit mortale, vel veniale ita, ut, post diligens examen propter insufficientes rationes hæreat intellectus, vel suspensus maneat sic, ut in neutram partem contradietionis inclinare, vel de una præ alia judicare possit* (quod est cum esse dubium, dubio negativo, & propriè dicto) *teneatur illud peccatum confiteri, & peccatum sic dubium sit materia necessaria Confessionis?*

Resp. Affirmativè, ratio est, quia in dubio, ubi agitur de salute animarum, *tutior pars est amplectenda*, tutius autem est, ut quis de peccato illo sub dubio se accuset, ut, si fortè illud commiserit, remissionem per Sacramentum poenitentiae obtineat, Islung. *tract. 6. disp. 6. qu. 4. art. 4. per totum.* Layman *l. 1. tract. 1. cap. 5. §. 4. à num. 37.* & debet esse communis resolutio D. D. juxta conclusionem communiter receptam inter Canonistas; quod, qui dubius est in morali materia, in his, quæ salutem respiciunt animæ, teneatur ex præcepto sequi partem tutiorem, ut perdoctè probat Fagnan. *in 1. de consil. ad cap. cum innitaris num. 161.* & sequen. *vid. lib. 2. capit. 34.* & ibi peccata dubia esse materiam necessariam, sed non sufficientem Sacramenti poenitentiae.

9 Et si quæratur, *an debeat illud confiteri absolute, & ut certò commissum?*

Resp. Negative, sed debet dicere: *dubito, an commiserim furtum, &c.* quia sic est in memoria, & non, ut certum; & ideo, ne Sacramentum exponatur periculo nullitatis ob defectum materiæ, si forsan non fuisset commissum, debet addere aliud peccatum certum, numquam

quam confessum; quòd si non habeat, est de necessitate cum eo in Confessione exponendum, vel peccatum mortale certum, jam confessum, vel peccatum veniale.

10 At dubitatur, *an peccatum mortale expressum in Confessione, ut dubium, debeat iterum, ut certum confiteri, si postea cognoscatur ut certum?*

Resp. Affirmativè cum communi DD. habetur ex Trid. *sess. 14. cap. 5.* statuente de necessitate esse à penitentibus *confitenda peccata omnia, quorum post diligentem sui discussionem conscientiam habent*: sed, quando peccatum confessum ut dubium, hac forma, vel simili, *dubito, an hoc fecerim*, cognoscitur ut certum, de eo habetur memoria esse certò commissum, ergo, ut certum debet exponi.

11 Dices: peccatum illud sub dubio expressum, jam fuit directè absolutum, & dimissum: ergo non est iterum confitendum.

Resp. Negando consequentiam: nam licet fuerit directè absolutum, semper est in peccatore debitum illud subiiciendi clavibus assertivè, & distinctè, & quomodo est in ejus memoria; cui debito nisi satisfaciatur, peccatum novum committit.

12 Queritur, *an semper sit confitendus numerus peccatorum? an sufficiat dicere in genere, peccavi*: Accedit Rudis dicens: à Festo B. V. in astate non sum confessus: fateor me miserum peccatorem, attamen nil sum furatus, numquam me inebriavi, diebus Festis, & Dominicis præceptum explevi de audienda Missa: nil aliud scio; & ad interrogationes Confessarii: an numquam fuerit iratus? numquam malum alteri imprecatus; numquam inter orandum cogitaverit de rebus non pertinentibus adorationem, &c. *ad omnia respondet negativè, & solum peccavi?*

Resp. Semper cum moraliter potest, ex Trid. *cit. Can. 7.* omnia, & singula

sunt confitenda; idèò, qui centum aureos, centum vicibus furatus est, debet specificare illos centum actus repetitos, quia quilibet peccaminosus est, & proximo in re gravi injuriosus; qui unico actu bombardæ decem homines occidit, decem peccata committit, quia decem offendit; tot peccata scandalii committit, quot scandalizans, Campionus *instr. per gl'ordin. cap. 40. à num. 26.* si numerus peccatorum appetiri non potest, appetenda est consuetudo, qualis, & quantaverit, juxta dicenda *cap. 10. n. 21.*

Rudis itaque Confessionem nullo modo integram facit; quippè nec unum in specie, vel numero, peccatum significat: proindè capax absolutionis non est, (excipio mortis articulum) quia Sacramenti materiam, quantumvis examinatus, non proponit. Layman *lib. 5. tr. 6. cap. 8. num. 8.*

13 Queritur, *quid agendum Confessario cum femina, quæ post significatum peccatum detractionis, & scandalii, subdit, Pater, me premit adhuc conscientia duorum peccatorum antiquorum, quæ ob reverendum numquam sum ausa confiteri, & jam vix audio; primum, quod ætatis meæ anno decimo furata sim in Ecclesia unum obolum (un bajocco): alterum, quod die Paschatis ante auditionem Missæ ovum comederim?*

Resp. Interroget, an, quando ea peccata commiserit, putaverit Deum graviter offendere; si affirmet: petat à quanto tempore ea commiserit, & an semper, quando voluerit confiteri, venerint hæc eadem peccata in mentem, judicans eo silentio, graviter in Deum delinquere; & quatenus id item affirmet, est significandum, teneri ad exquirendum numerum Confessionum, & Communiorum, à tempore reticentiæ duorum peccatorum, sacrilegè factarum, easque in proxima Confessione, cum cæteris peccatis, quoad speciem, & numerum, clavibus denudò, cum ve-

ro eorum dolore submittere. Si responderit, se solum quadriennio sensisse remorsum conscientie, quando confitebatur, ob silentium illorum duorum, reliquo autem tempore inculpabiliter nunquam ea sibi venisse in mentem: obliganda est, ad Confessiones, & Communiones cum ceteris peccatis eo quadriennio confessis, in nova confessione aperendas, Gobat *tract.7.cas.5.num.559*. Quilici *9.art.2.num.3*. resolventes, cum, qui facit. Confessiones voluntarie sacrilegas, & postea huius rei oblitus, bona fide, multas alias legitime facit, non teneri repetere illas, quas bona fide fecit, sed illas solum volenter sacrilege factas.

14 *Quaritur, quomodo Confessarius segerere debeat cum poenitente, qui interrogatus de peccatorum numero, respondet, se in prioribus Confessionibus non fuisse solum illum exprimere, nec super hoc interrogari?*

Resp. Interroget, an fuerit ipsi notum, di exprimere, esse necessarium ad integritatem, & validitatem Confessionis; & quatenus affirmet; compellendus est ad repetitionem omnium Confessionum; si vero alleget se id ignorasse (super quo, nec à Parocho instructus, neve in Concione, vel ab alio fuit edoctus) licet propter bonam fidem fuerit integrè formaliter confessus, est ei significandum, ad implendum præceptum de exponendis peccatis in Confessione distinctè teneri, quantum sibi est moraliter possibile, post diligentiam adhibitam, supple defectum, verisimilem numerum explicando: V.G. à tribus annis confiteor: semel in anno confessus sum; peccata, quæ, ut plurimum exposui, fuerunt molliciei, à quibus nulla hebdomada fui immunis, sed modo ter, modo quater peccavi; blasphemavi in Deum, & Sanctos, adminus semel in die; omnes cuiuscunque generis mihi occurrentes mulieres concupivi, &c. ex quibus Confessarius poterit ad cetera, & verisimilem numerum discutere.

15 *Quaritur, an, qui mentitur in Confessione, peccet?*

Resp. Affirmativè, & quidem mortaliter, si in ea ex proposito mentiatur circa materiam gravem, & per se necessariam Confessionis: ut, si scienter neget peccatum mortale commissum, vel circumstantiam gravem, quam hic, & nunc tenetur confiteri; nam est mendacium perniciosum, & circa rem per se spectantem ad substantiam Sacramenti, propter quod efficitur Sacramentum irritum, & falsa redditur absolutio; venialiter verò, si mendacium sit circa peccatum veniale, quod sit solum materia partialis Confessionis; nam, si totalis foret, ut, si quis sibi imponeret veniale, quod non commississet, & nullum aliud in Confessione aperiret, esset mortale mentiri, quia falsa ex integro redderetur forma absolutionis, per defectum materie debita. De la Cruz, Layman, & Gobat. In quo mendacio est duplex malitia, una sacrilegii contra reverentiam Sacramenti, & alia contra veracitatem: gravis, vel levis juxta qualitatem illius.

18 Tandem, instruantur poenitentes, ut peccata dicta sub numero incerto, & confuso, vel sub ista clausula: *duodecims circiter, plus, vel minus*: dum postea certò, & distinctè cognoscuntur esse commissæ, sic in alia Confessione explicent: nam id tutius esse, & juxta Trident. *supra cit.* dubium non est.

C A P U T V I I I

*Prop. XII. ab Alex. VII. &c.
Facultas quoque reservata.*

1 **P**ROP. 12. *Mendicantes possunt absolvere à casibus Episcopis reservatis, non obtenta ad id Episcoporum facultate.*

Occasione propositionis speciales, & communiores casus, qui solent super hujusmodi absolutione occur-

rere, in examen vocabimus: itaque.

1 Quæritur, an solis Mendicantibus sit prohibitum absolvere à reservatis Episcopis, ad id ab eis facultate non obtemperata, an etiam ceteris Sacerdotibus secularibus?

Resp. Omnibus sine Episcoporum licentia ex Trid. sess. 14. cap. 7. de reservatione: extra quem articulum (mortis) Sacerdotes (inferiores) cum nihil possint in casibus reservatis, id unum penitentibus persuadere nitantur, ut ad Superiores, & legitimos iudices pro beneficio absolutionis accedant; ubi dispositio est generalis; idem legitur in decretis S.C. Episc. & Regul. editis sub Clemente VIII. super caluum reservatione, die 9. Maii 1601. & 26. Novemb. 1602. Regularibus, etiam interdicitur in constit. Superna Clementis X.

2 Quæritur, qua pœna ligentur, si ab eis absolvant?

Resp. In primo decreto sub Clement. prohibetur sub pœna excommunicationis, privationis officiorum, dignitatum, aut beneficiorum (inhabilitas audiendi Confessiones in eo apposita in secundo tollitur) & ad quacumque officia, Prælaturas, & beneficia in posterum obtinenda, ipso facto, &c. super quibus à nemine, nisi à Rom. Pontif. habilitatio, dispensatio, aut absolutio, præterquam in mortis articulo, possit impartiri; pœna imponitur præsumptibus; quod verbum requirit per D.D. scientiam legis in absolvente.

3 Quæritur, an Sacerdos approbatus possit absolvere à reservatis Episcopis, quando in literis jubilai datur facultas absolventi à casibus, etiam Sedi Apostolica reservatis?

Resp. Negativè, nisi id etiam in literis exprimat: ubi enim non exprimitur, non intelligitur concessum per DD. communiter, juxta regul. 18. jur. in 6. in generali concessione, illa non veniunt, qua quis non esset verisimiliter in specie concessurus.

4 Sed quid, si Episcopus alicui indulgeret, ut sibi posset eligere Confessionem?

Resp. Nec tunc, ut expressè textus in cap. si Episcopus de pœnitentia, & remissione in 6.

5 Quæritur, an Sacerdos approbatus in Diœcesi Tiburtina possit penitentem, ad eam ex Diœcesi Prænestina accedentem, absolvere à reservatis in Prænestina, non vero in Tiburtina?

Resp. Affirmativè, ut in alleg. const. Clonen. Regularibus conceditur; immò quilibet, etiam Sacerdos secularis, approbatus potest, modò penitens in fraudem reservationis non accedat; in fraudem autem accedere censetur, cum Præneste V.G. committit homicidium, ibi reservatum, vel, cum animo recipiendi absolutionem à Sacerdote Tiburtino, vel alibi, ubi non sit reservatum; & sic declinandi iudicium Ordinarii. Campionus in 5. cap. omnis de pœnit. & remis. nu. 78. & seq.

6 Propter quod D. D. communiter tradunt, quemlibet Sacerdotem approbatum posse absolvere Peregrinos, Scholares, & vagabundos à casibus reservatis illorum Episcopis, quia juxta Glos. in Clement. Religiosi de privil. ver. Parochialis, præfati sortiuntur forum penitentiale, ubi moram trahunt, & solent judicari juxta leges loci, in quo reperiuntur: modò id de industria non faciant in fraudem reservationis; quia tunc æquum non est, ut fraus, & dolus eis patrocinetur; & non delinquant in Diœcesi, in qua sunt, & ibi peccatum sit reservatum.

7 Sed quid, si homicidium V. G. patratum à penitente, haberet adjunctam excommunicationem, ipsi Episcopo Prænestino reservatam?

Resp. A nullo Confessario posset absolvi sine Prænestini facultate, juxta cap. Nuper de sent. excom. & cap. Dum intra in Conc. Lateran. sub Leone X. nam excom-

communicator propter causam in suo foro inceptam jus semper habet in excommunicatum, privativè quoad alios; facit tex. in cap. proposuisti de foro competentis, & optimè ibi Glos. in ver. citatus.

8 Quæritur, quid agendum Confessario ordinario cum pœnitente, qui accedens cum duplici peccato, quorum unum est sine censura reservatum, & alteri annexa est excommunicatio reservata, fatetur se invincibiliter utrumque ignorasse?

Resp. Eum, non à peccato, sine censura immediatè reservato; bene verò ab eo reservato dependenter à censura reservata, potest absolvere; ratio est, quia reservatio non est pœna pœnitentis, sed restrictio jurisdictionis Confessarii, quem immediatè respicit, ejusque manus ligat, ita ut sive peccator sciat peccatum esse reservatum, sive non, semper sit restricta; nam, non ignorantia pœnitentis confert jurisdictionem, sed autoritas, & superioris voluntas; excommunicatio autem est pœna, quæ ab ignorante inculpabiliter non incurritur, ut communiter D.D. recipiunt, scribentes ad incurrendam excommunicationem requiri contumaciam, contemptum nimirum, & inobedientiam legis, quæ in legem inculpabiliter ignorante non reperitur; & ideo, quamvis committens tale peccatum, habens annexam censuram coram Deo peccet, tamen ipsa censura apud Ecclesiam non ligatur; propterea quolibet Confessario approbato absolvi potest à peccato, dependenter à censura reservato.

9 At dubitatur, poterit ne absolvi, qui hæresim internam externè manifestat, si inculpabiliter ignoret esse hæresim annexam excommunicationem in primo Canone Bullæ Cœnæ?

Resp. Negativè: nam ad incurrendam censuram, fat est, quod quis sit pertinax, & hæresim internam externè manifestet: quinam verò pertinax dicatur: Vide cap. 3. num. 5.

10 Quæritur, an, cum pœnitens est in necessitate confitendi ad vitandum scandalum, quia, vel est celebraturus, vel communicaturus, & ordinarius Confessarius caret facultate super reservata, debeat eidem aperire tam reservata, quam non reservata?

Resp. Affirmative, & tunc super non reservata absolutio cadit directè, & reservata indirectè solum absolventur; nam in casu non datur sufficiens ratio ad dimidiandam Confessionem, cujus integritas non adeò facile frangi debet; verum, sic absolutus onus habet comparandi coram Superiore pro directâ absolutione à reservatis, per Gobat casu 8. tract. 7. num. 380. & Sylvestrum ver. Confess. 1. num. 19. & casu, quo comparere culpabiliter omitteret, novum peccatum committeret, à quo, vel ab ipso Superiore, aut ejus delegato, & non alio, deberet absolvi: de qua re, etiam lib. 2. cap. 36.

11 Sed quid, si cum reservato nullum aliud mortale commisit?

Resp. Deberet necessariò manifestationi reservati addere Confessionem alicujus mortalis, aliàs confessi, vel venialis de novo commissi, Gobat num. 381. aliàs non poneretur materia idonea pro directâ absolutione; propter quod veniale in casu per accidens deberet necessario confiteri.

12 Nota, Superiorem non posse in Confessione audire reservata, aliis omissis, sed omnia debet: vel reservationem tollat, aut facultatem concedat inferiori Confessario ad absolvendum.

13 Quæritur, an, qui confitetur alicui potenti directè absolvere à reservatis, & inculpabiliter obliuiscitur alicujus reservati, possit postea à quovis Confessore directè absolvi ab illa reservato obliuiscitur?

Resp. Affirmativè, sic communiter DD. Poncius disp. 46. qu. 10. cont. 5. nu. 13. Tambur. Method. Confess. lib. 2. cap. 10. §. 3. num. 55. ratio est, quia Confessarius suppo-

supponitur velle pœnitentem suum in integrum restituere, & iudicium finire, quantum vi suæ jurisdictionis potest, ac pœnitens indiget, juxta clausulam, *in quantum possum, & tu indiges*; Sed Confessarius potest à peccatis reservatis liberare, & pœnitens indiget, & liberari vult; ergo reservatio tollitur.

Observa, pœnitentem ante absolutionem à reservatis esse, quasi triplici debito gravatum: scilicet, *debito culpa, debito confitendi peccatum, & debito comparandi coram Superiore*. Quando nullius peccati obliviscitur, & habenti facultatem confitetur, à quolibet ex præactis debitis directè absolvitur; Si verò alicujus reservati obliviscitur, quoad istud est indirectè absolutus à debito culpæ, & directè à debito se sistendi Superiori, sed non à debito illud confitendi, quando memoriæ occurrerit. Dum autem confitetur non habenti facultatem super reservata, indirectè à reservatis absolvitur, sed tenetur postea comparere coram Superiore, & eidem reservata exponere pro directâ absolutione.

14 Sed, quid, si *Confessio esset voluntariè invalida, & sacrilega*?

Resp. Debet postea, tam non reservata, quam reservata, quorum inculpabiliter obliviscitur, in nova Confessione aperire coram Confessario prædito facultate super reservata; ratio est, quia à nullo remanet absolutus, consequenter nec directè, nec indirectè tollitur reservatio; nam, ubi sententia Judicis est nulla, Reus non absolvitur.

15 Quæritur, an in articulo mortis possit quilibet Sacerdos absolvere à reservatis Episcopis?

Resp. Affirmativè, per disposita à Trid. cit. ubilegitur, in Ecclesia Dei custoditum semper fuit, ut nulla sit reservatio in articulo mortis.

16 Sed dubitatur, an id etiam possit Sacerdos simplex, præsentè approbato?

Resp. Negativè; & in casu, quo absolveret, nec licita, nec valida absolu-

tio reputaretur; ratio est, quia simplici Sacerdoti potestas absolvendi in articulo mortis ab omnibus peccatis committitur ab Ecclesia propter necessitatem, ne hac occasione (si absolutio non detur) *aliquis pereat*, ibid. Trid. ergo, dum necessitas cessat, & facultas cessare intelligitur: propter regulam, quod, *cum aliquid conceditur propter necessitatem, durat concessio, quatenus necessitas urget*; sed, præsentè approbato, minimè necessitas urget, ut simplex absolvat. In quo articulo simplici Sacerdoti præferendus est Confessarius approbatus, & huic Parochus; nam in eo non est dubium semper esse tutiora amplectenda.

17 Verùm, quando cum Parocho, esset præsens Regularis approbatus, censerem per hunc, illo relicto, validè eum absolvi; quemadmodum validè absolvitur, & præcepto annuæ Confessionis satisfacit, qui, non Parocho, sed Religioso ab Ordinario approbato, confitetur, per dicenda cap. 10. à nu. 15.

18 Quæritur, *quinam censetur esse in articulo mortis*?

Resp. DD. in hac materia confundunt articulum, & mortis periculum, licet ille de rigore sermonis ab isto differat, ut refert. Gobat. tractat. 4. cas. 12. n. 182. & tract. 7. cas. 3. num. 125. Quilici qu. 1. art. 2. num. 4. omnino videndi.

Itaque articulus mortis, strictè dictus, est status, quo mors immediatè, proximè instat, est moraliter certa, fere inevitabilis, & non multum distans, propter ultimam particulam temporis vite; articulus autem, in sensu magis amplo, acceptus pro periculo mortis, est status, & occasio, in qua, spectata rerum natura, & iis, quæ solent in simili occasione evenire, mors, etsi non proximè sequitur: vel certò, vel probabiliter, & prudenter potest, & debet timeri: adeòque etiam, quod, si quis tunc non confiteatur, non possit confiteri postea; hinc in articulo mortis præfati tradunt existere.

I. Dam-

I. Damnatos per sententiam ad mortem violentam, ipsis de proximo infligendam.

II. Milites, etiam spontaneos, dum confictus imminet.

III. Prægnantes sub partu; sed non omnes, sed primi partus, vel quando, etiam alios partus expertæ sunt difficiles, ut in unoquoque prudenter periclitari timeant.

IV. Laborantes Febri, quam vocant *maligna*.

V. Navigantes, dum navis periclitari incipit, & non, quando ipsam primò conscendunt, nisi navigatio esset nimis periculosa, & nigris longa, in quo copia Sacerdotis non esset futura.

VI. Bannitos, quorum capita sunt proscripta, sic, ut impune ab omnibus occidi possint; nec sunt in loco tuto, ut in Regione distant, vel diversi domini, quia tunc non essent in periculo vitæ.

VII. Habentem capitalem inimicitiam cum viro magnæ potentie, & auctoritatis, à quo probabiliter timet se ubique facile occidi, modò, se, vel beneficio Principis, amicorum, confugii, aut fugæ tueri non valeat.

VIII. De necessitate iter facientes inter grassatores, seu latrones, qui quælibet illuc transeuntem occidere solent, *ver.cit.*

19. Quæritur, *an absoluti in eo articulo ab inferiore, & simplici Sacerdote debeant, impedimento cessante, comparere coram Superiore?*

Resp. Affirmativè, si casus habeant annexam censuram reservatam, non verò, si sit sine ea reservatus; primum probatur ex *cap.eos, qui de sent. excomm.in 6.* idè ante absolutionem est ei onus imponendum de comparendo coram Superiore, qui censuram tulit, juxta dicta *cap. 2.num.15.* secundum verò patet, quia nulla lex hujusmodi obligationem imponit, & aliàs est in eo articulo à peccato directè absolutus, cum in eo juxta *Trid.cit.* omnis reservatio cesset.

20. Et si quærat, *an in alio casu, etiam necessitatis, possit ordinarius Confessarius absolvere à reservatis Episcopo?*

Resp. Negativè, ut per sequentia significat primum decretum sub C'em. VIII. loquens de Sacerdote non prædico facultate; *nullo casu, etiam necessitatis, vel impedimenti, nisi in mortis articulo, absolutionis beneficium impendere audeat*: in eo itaque dumtaxat articulo directè potest ab eis absolvere; sed quando ad vitandum scandalum, quis debeat ei confiteri reservata, cum non reservatis, solum indirectè à reservatis absolvit, cum onere in penitente comparandi coram Superiore juxta dicta *num.10.*

21. Quæritur, *an, cum quis recepit ab Episcopo facultatem absolvendi à casibus reservatis, possit etiam absolvere à censuris, sibi itidem reservatis?*

Resp. Negativè: nam sunt diversa, & à diversis non fit illatio: attendatur igitur tenor rescripti.

Circa facultatem absolvendi procurantem abortum, *v.lib.2.cap.20.*

Plura alia tradunt DD.videndū: 1. quod non reservatur, nisi à casibus externis consummatus, & perfectus, ac mortaliter peccaminosus 2. quod in dubio, an peccatum sit reservatum, tutius sit facultatem petere: sed inspiciantur Literæ reservationis.

22. Pondera Confessarios ordinarios non posse absolvere à casibus locorum Ordinariis, & Sedi Apostolicæ reservatis, hoc est, à contentis in Bulla Cœnæ, ac aliis constitutionibus Apostolicis, in quibus additur clausula, *super quo à nemine, quam à Romano Pontifice, nisi in mortis articulo, absolvi possit*, vel similis alia, & à sequentibus sex: qui ab aliquibus appellantur reservati in corpore juris.

I. Violationis immunitatis Ecclesiæ, in terminis *Const.Greg.XIV.* quæ incipit. *Cum aliàs nonnulli, la 7. Bullar. to.2.*

II. *Violationis clausuræ Monialium ad malum finem.*

III. *Provocantium, & Pugnantium in duello; juxta decret. S. Conc. Trid. & conf. Greg. XIII. incipit ad tollendum.*

IV. *Inscientium violentæ manus in Clericum juxta Canonem, si quis suadente, &c. 17. q. 4. ac iuris dispositionem.*

V. *Simonia realis scienter contracta.*

VI. *Et confidentia beneficalis.*

23 Sed difficultas est, de illis reservatis Sedi Apostolica, exceptis illis sex, & in Bulla Cæna contentis, an possint Regulares in vim suorum privilegiorum absolvere, nam in secundo decreto sub Clemente Sac. Congr. declarans, quorum absolutio sit prohibita, nominat solum reservatos Episcopis, contentos in Bulla Cæna, & prætaçtos sex?

Resp. Super hoc eadem Sac. Congr. declarationem, ab Urb. VIII. approbatam, edidit sub die 18. Novembri 1628. ubi hæc sunt, *Regulares, &c. nec intra, nec extra Italiam, in vim privilegiorum, aut confirmationum hujusmodi, quas, vel hætenus obtinuerunt, vel deinceps fortè obtinebunt, posse quemquam absolvere ab eisdem casibus in Bulla Cæna, aut ordinario loci reservatis, ac si secus egerint absolutiones nullas, atque irritas fuisse, ac fore, ab aliis vero casibus, & censuris Sedi Apostolicæ reservatis, si quidem Regulares habeant à Sede Apostolica absolviendi facultatem, illam extra Italiam, minimè sublatam fuisse ejusdem Sac. Congr. decretis, hæc de re editis jussu S. M. Clementis VIII.*

§. I.

Immunitas Ecclesiastica.

24 **Q**Uæritur. Quid hic intelligatur nomine Immunitatis Ecclesiasticæ?

Resp. Intelligitur privilegium, quod habent Ecclesiæ, Monasteria, & cætera loca pia, auctoritate canonica constru-

cta defendendi reos, qui in eis volunt gaudere asylo, & securitate à fortibus Curia Ecclesiasticæ, vel sæcularis, ut communiter DD. A quibus nullus violentè, viminirum, vel fraude, aut dolo extrahi abduci, aut expelli potest, si in eis existens sacro asylo frui intendat.

25 Gregorius ubi supra declaravit in septem casibus Immunitatem non suffragari: decrevitque, ea non gaudere. I. *Publicos latrones*, qui violentè cum armis homines aggrediuntur, spoliunt, & occidunt: *Viarumque aggressores*, qui itinera frequentata, vel publicas stratas obsident, ac ex insidiis aggrediuntur, ac spoliunt, sed eos non occidunt.

26 II. *Depopulatores agrorum*, sed nocturnos, juxta tex. in cap. *Inter alias*, de Immunit. hoc est, eos, qui de nocte fructus pendentes, & segetes destruant.

27 III. *Qui homicidia, & mutilationes membrorum in ipsis Ecclesiis, earumque Cæmeteriis committere non verentur*; & intelligitur de præcissione membri, ac homicidio ex proposito, & non fortuito commissio.

28 IV. *Eos, qui proditoriè, hoc est, simulantes amicitiam, aut data fide, proximum suum occiderint.* Sperell. dec. 23. & 185.

29 V. *Assassinos*. Qui inimicum Christianum non præcaventem, pecunia, vel alia re æstimabili recepta, vel promissa, de alterius mandato occidunt, aut occidi mandant. Sed necesse est, ut mors sequatur, ut declaravit S. Congr. Immunit. in una Mediol. 20. Junii 1636. Sperell. dec. 102. num. 58.

30 VI. *Hæresis reos*, vide supra c. 2.

31 VII. *Reos læsæ Majestatis in personam Principis.* Verùm, licet istis immunitas non suffragetur, nullus tamen Juxta potest eos ex locis immunibus extrahere, nisi prius Episcopus cognoverit crimen esse de exceptis, & nisi fiat de ejus licentia, ac servatis cautelis, de quibus expressè Constitutio Gregorii.

32 Non est dubium, violationem Immu-

muneris Ecclesiasticæ esse casuum Papalem, Summo Pontifici reservatum. Nam, si sensus sit de offensa Immunitatis in terminis constitutionis Gregor. patet ex adducto 2. decreto Clement.

VIII. Si verò loquamur de absoluta violatione Immunitatis, constat ex Extravag. Pauli II. *Et si Dominici de penit. & remis. inter com.* ubi statuitur, ut in quibuscumque concessionibus; & facultatibus absolvendi, semper intelligantur excepti certi quidam casus, specialiter Sedi Apostolicæ reservati, inter quos est offensio Ecclesiasticæ libertatis, quod subinde sub eod. tit. *ibid.* Extravag. item, §. *Et si Dominici* decrevit Sixtus IV. sub pena excommunicationis lata sententiæ Sedi Apostolicæ reservatæ prohibens quibuscumque Sacerdotibus, ne prætextu cuiusvis facultatis absolvant à casibus ibi expressis absque Sedis Apostolicæ licentia speciali; & inter eos recenset ipsam Ecclesiasticam libertatis offensam.

33 Sed oritur dubium: *An offendentes Immunitatem, vel libertatem Ecclesiasticam ligentur censura Papæ reservata?*

Resp. Affirmativè. Si violatio contingat per viam statuti, vel prætextu consuetudinis ligantur excommunicatione Bullæ Cænæ *Can. 15.* Si verò Immunitas Ecclesiæ violetur per ministros Curie secularis extrahendo ab Ecclesia reos, inconsulto Episcopo, etiam in casibus in Gregoriana exceptis, ipso facto ex vi Gregorianæ innodantur censuris per Sacros Canones, & Conciliorum, ac Pontificum Constitutiones promulgatis, ut *ibid.* Gregorius declaravit. Unde consulta S.C. Conc. *an absolutio à censuris ob violatam Immunitatem Ecclesiasticam juxta terminos d. const. Greg. XIV. sit Sedi Apostolicæ reservata? Censuit esse Sedi Apostolicæ reservatam.* Absolutè violatoribus Immunitatis, sive per extractionem rei ab Ecclesia, sive alia offensionis specie, & qualitate offendatur, semper censura Papæ reservata incurritur: nam

utroque modo dicitur offendi, & violari Ecclesiæ libertas, quam habet protegendam reos ad ipsam confugientes, & in ea existentes; semper enim juxta alleg. Extravag. est casus reservatus Romano Pontifici: Cui regulariter loquendo casus servantur ratione Censuræ reservatæ, quam habent annexam, ut pluribus cummulatis dixi supra cap. 3. *nu. 29.*

34 Sed petitur. *An vigore jubilai possit Confessarius approbatus absolvere violatores Immunitatis Ecclesiasticæ?*

Resp. Negativè, pro ut pluries declaravit S. Congr. Immunit. quæ sub die 20. Aprilis 1673. rescripsit, ut infra. *I violatori dell' Immunità, libertà, e giurisdizione Ecclesiastica non possono essere assoluti vigore jubilai della scomunica, nella quale sono stati dichiarati incorse, ma debbono onninamente ricorrere à questa S. Congr.* Idem rescripsit Episcopo Neapolitan. 4. Febr. ejusd. anni *Il rispetto d'esser stato assoluto vigore jubilai non deve incassare l'Immunità violata haverse in considerazione.* Hic videtur loqui in casibus violationis: etiam si violatores non fuerint declarati excommunicati: Et aliàs in Hieracen. dixit, *absolutionem obtentam vigore jubilai non suffragari,* apud Pignatell. *2. 1. consult. 189.*

Hinc Confessarii debent se conformare allegatis S.C. resolutionibus, & in praxi eruant interrogationes faciendas ministris, & Birruariis, aliisque in materia violationis Immunitatis.

§. II.

Clausura monialium.

35 **Q**Uæritur, quid intelligatur nomine Clausura.

Resp. Hic est opus distinctionis. Si loquamur de Clausura pro materiali, intelligitur illud spatium, quod continetur intra januam Monasterii semper clausam, & muris cingitur: ut, claustrum, domus, hortus, & officinæ interior-

teriores, cap. *exiit de verb. signif.* 126. Ad quæ est sine expressa licentia, cuilibet ingressus interdictus, & extra, quæ Monialis exire non potest. Si verò sermo sit de Clausura pro formali in Moniali, est obligatio strictissima manendi intra septa Monasterii, & non admittendi ad ipsa personam ullam, ex Trid. *ses. 25. de regularib. cap. 5.* cujuscunque conditionis sit sexus, & ætatis, nisi de licentia Episcopi, aut Sedis Apostolicæ: Regulares, quibus incumbit cura Monasterii, ingredi possunt clausuram; servatis tamen dispositis ab Alex. VII. *Const. felici Sacrarum Virginum, la 156. Bullar. to. 15.* in qua Superiori Regulari, habenti curam Monasterii, prohibetur ingredi pluries, quàm semel in anno; & tunc ex causa solum visitationis localis.

36 Quæritur, quid sit violare clausuram ad malum finem?

Resp. Est septa Monasterii ingredi, vel egredi ad effectum venereum: Rei hujusmodi violationis à Summo Pontifice absoluntur.

37 Sed quid, si violatio foret secreta, & occulta?

Resp. Nec tunc à Confessario possunt absolvi, sed est recurrendum ad Papam, vel Majorem Penitentiarium. Neque ipse Ordinarius potest beneficium absolutionis impertiri, prout habet Fagnan. in 1. ad cap. *dilectus de temp. ordinat. nu. 32. & 33.* ubi refert, quòd, cum dubitasset Archiepiscopus Florentinus, an vigore cap. 6. *ses. 24* posset absolvere quamdam Monialem, quæ occultè, & ad malum finem frugerat clausuram, non obstante Bulla B. Pii V. *Decoris*; Summus Pontifex declaravit Bullam B. Pii (in qua egredientes extra clausuram præter casus in ea expressos ligantur censura Papæ reservata) *habere locum, etiam in occultis.*

38 Sed petitur: Quid, si violatio non fuerit ad malum finem, an violans ligetur excommunicatione Papæ reservata?

Resp. De Moniali non est dubium; nam allegata Bulla B. Pii loquitur absolute, *aliter quàm, ut præfertur, egredientes*; nec distinguit de egressu ad malum finem, vel non; sed absolute interdicere egressum, nisi in casibus, quos allegat; & videtur quoque resolutum à S.C. Conc. ibid. apud Fagnan.

39 Difficultas est de iis, qui non ad malum finem, sed facultate sibi ex officio attributa extra casus necessarios, vel propria autoritate ingrediuntur.

Quòd præfati sint ipso facto excommunicati, patet ex Trid. *cap. 5. ses. 25. de Regularibus*, ex const. *Dubiis la 28. Greg. XIII. Bullar. tom. 2.* & ex allegata, *Alex. VII.* Sed ibi excommunicatio non reservatur. In const. verò *Ubi gratia ibid. Greg. XIII.* Sola illa Summo Pontifici reservatur, quæ ligantur ingredienti sub prætextu licentiarum, vel licentiis ad ingrediendum ab Ordinariis obtentis prohibito utentes, & extendentes ad casus etiam non necessarios. Inimò tradit Fagnan. in 4. ad cap. *Nuper de sent. excom. num. 36.* quod, excirato dubio ab Episcopo Comen. & petente declarari; an Bulla *Sanctiss. imponens penam excommunicationis ingredientibus Monasteria vigore facultatum Apostolicarum, etiam eos comprehendat, qui absque talibus facultatibus ingrediuntur, ut sciri possit, an absolutio sit reservata Summo Pontifici? S. Cong. censuit agendum esse cum SS. quia Concilium non reservavit Papæ; & Sanctiss. declaravit Bullam non comprehendere eas personas, quæ ingrediuntur propria autoritate absque licentia Sedis Apostolicæ.*

Verùm praxis etiam in istis est, ut pro absolutione recurratur ad Sacram Penitentiariam: Propter quod videtur inductus usus talis reservationis, pro qua scripsit Ludovicus Beja, & Lalius Zecchi *elucidat. casu. Epif. reservat. casu 10. Navarrus in cap. statum sub m. 62. de Regular. & in Manuali cap. 23. sub*

num.150. affirmat const. Greg. comprehendere etiam intrantes sine licentia, & se credere hanc fuisse mentem Greg. idè delinquentes ad præfatum Sacrum Tribunal dirigantur. Idem tenet Pignatell. to.10.consul.100.num.25.

49 Quæritur, *An Confessarius Monialium possit ingredi clausuram ad summendam formulam consecratam, in Ecclesiam interiorem à manibus lapsam, dum communionem Monialibus præbet?*

Resp. Negative; hujusmodi non censetur casus, in quo à Sede Apostolica indulgetur Confessariis ingressus in clausuram; casus sunt in d. const. Felici §.5. ibi. *Ad hæc Confessor Sanctimonialium, tam ordinarius, quàm extraordinarius, minimè ingrediatur septa Monasterii, nisi ad Sacramenta Penitentia, Eucharistia, & Extrema-Unionis ministranda Monialibus, vel aliis personis infirmis, ibi degentibus, necnon ad commendandam animam Agonizantium.* Ponderetur dictio nisi, quæ cæteros casus excludit.

41 Sed quæritur; *Quomodo in eo casu se gerere debeat?*

Resp. Aliquibus placet, quòd possit Confessarius committere eidem Moniali, quæ erat communicanda, ut lingua particulam sumat; vel, si ad hoc difficile se præbeat, eidem porrigat patenam, ut media eadem decenter formulam elevet à terra, præbens eam Confessario, Elizabethus de Monial. cap.10. sect.3. sub sect.1. num.239. Rotarius apparat. Theol. moral. p.1. cap.10. sect.2. num.17.

Verùm neutrum probamus. Non primum; nam plus feminis conceditur, quàm sit necessarium, & quod eis à Sacris Canonibus interdicitur; Commune est apud Juvenin comment. Hist. de Sacram. dissert. 4 q.5. art.2. conc.2. Laicos (de quorum numero, quoad hoc, & Monialis reputatur) nec sibi, nec aliis Eucharisticam Communionem posse imperitari, etiam mortis urgente periculo;

patet ex Trid. sess.13. cap.8. de Eucharist. ibi: *In Sacramentali autem sumptione semper in Ecclesia mos fuit, ut Laici à Sacerdotibus communionem acciperent.*

Nec secundum, quia à nemine præterquam à Sacerdote, vel Diacono licet tangere vasa, in quibus continetur Corpus Christi; cap. Non oportet dist.33. Abellij Medul. Theol. p.2. sect.11. §.8. n.8. de Sacrif. Mis. Deinde, quod particula elevetur à terra in Rubrica Missalis de defectibus in ministerio nu.15. videtur committi Sacerdoti, ex observatis etiam à Gavanto Thesaur. Sac. Ritu. p.3. tit.10. de defectibus in Ministerio à nu.12.

Quare Confessarius debet Moniali porrigere patenam, & ipsa mundo manutergio accipere; deinde injungat, ut patena cooperiat formulam, & supra ponat sericam tobaleam, ac lumina adhibeat; Moniales interim assistant, orando, usque dum ipse revertatur cum licentia, obtemperata ab Ordinario, vel alio de illius commissione, ad effectum ingrediendi, & implendi, quæ à Rubricis loco allegato sunt injuncta.

42 Quæritur, *An Monialis ascendens supra tectum frangat clausuram?*

Resp. Affirmative, contra plures id negantes apud Dianam Coord. to.5. tr.1. resolut.83. num.2. quos ipse sequitur. Ratio resolutionis est, quia S. Cong. apud Nicol. Flosc. ver. Monialis n.35. sub die 18. Septembris. 1609. commisit absolvi quasdam Moniales, quæ supra tectum bona Fide ascenderunt, cum speciali prohibitionem illud ultra ex quacunque causa ascendendi: Qua propter tectum cum muris cingentibus Monasterium integrum terminum adæquatam Clausuræ constituit: & de moniali existente supra tectum dicitur esse extra ambitum Clausuræ.

43 Quæritur, *An in violatione Clausuræ detur parvitas materia, vel, an Monialis in violatione Clausuræ excusari possit à mortali ratione parvitas materia: ut, si exeat extra terminum Claus.*

Clausura ad unum, vel duos palmos, statim reversione?

Resp. Distinguendum est: vel Monialis completè, & perfectè, hoc est, secundum totum corpus se ponit extra terminum Clausuræ, vel solum imperfectè, & secundum aliquam partem, manum scilicet, vel pedem, & non toto corpore: si primo modo, cum Donato *prax. regul. tom. 4. tract. 4. q. 25.* Bonac. & Tamburino apud Pelizarium, *capit. 5. sect. 1. num. 19.* non excusamus à mortali, nec parvitatem materiæ admittimus; quia de Moniali, quæ toto corpore se ponit extra terminum clausuræ sive ad unum, vel duos palmos, etiam mox reversione, verificatur, quod sit egressa de clausura, quod est ipsi sub censuris prohibitum. Secundo verò modo excusatur, & parvitatem materiæ cum iisdem non negamus.

44. Quæritur, *An Monialis ponens se in Rota, & eam volvens ad partem exteriorem, ad quam est secularibus liber accessus, frangat clausuram, si ab ea non descendat?*

Resp. Affirmativè, quia se transfert ad locum, ad quem solent sæculares accedere, quod expresse prohibetur Monialibus à Græg. XIII. const. *Deo Sacrif. la 8.* ibid. Similia enim loca extra clausuram accensentur.

§. III.

Duellum.

De Duello vide dicta cap. 2.

§. IV.

Manus violenta in Clericum.

45. Quæritur. *Quinam dicantur violentas manus in Clericum iniicere?*

Resp. Qui actionem exteriorem injuriosam, & contumeliosam facit contra Ecclesiasticas personas, ut, si eas violentè, percutiat *manu, pede, lapide,* *Mattheucci Cautela Confess.*

baculo, ense, Sclopo, &c. violentè etiam abique corporis læsione detineat, vel incarceret: aliquid ab eis violentè eripiat; vestes laceret; venenum propinet; vel quid simile in contemptum attentet, per quod eas notabili aliqua injuria, & contumelia contra honorem, & reverentiam statui Clericali, & personis Ecclesiasticis debitam afficere censeatur. Videnda *Glos. ad cap. Si quis verb. man.* Injuria verò factis, non verbis irrogata censuram concludit.

46. In casu, appellatione Clerici veniunt omnes Ecclesiasticæ personæ: ut, Clerici, etiam primæ tonsuræ; ac conjugati, si cum una, & virgine contraxerint, habitum, & tonsuram deserant, *cap. Clerici de Cleric. coniug. in 6.* Item, omnes Religiosi utriusque sexus, etiam Novitii. *Cap. Cum illorum, cap. De monialibus de sent. excom.* Et *cap. Religioso eod. tit. in 6.* Item, Tertiarii cum Claustalibus habitantes: Item, Mulieres Tertiariæ virginalem, aut cœlibem vitam voventes, etiam si seorsim in propriis domibus, aut affinium suorum habitent, juxta *constit. Dum intra, Leonis X. la 22. Bullar. to. 1.* dummodò conditiones habeant taxatas in decreto S. C. Conc. quod refertur Offic. Curiae, c. 52. Item, Eremitæ, qui sub obedientia Episcopali cui Ecclesiæ in communitate, vel separatim deserviunt. Item, Equites S. Joannis Hierosolymitani, vulgò *di Malta, cap. Canonica de sent. excom.* Quippe solennia vota Religionis emittunt, ut per Sperellum decit.

47. Quæritur, *An ad incurrendam censuram Canonis excuset parvitas materia?*

Resp. Affirmativè. Conveniunt enim DD. Barbosa, Diana, alique in hac materia dari parvitatem materiæ, aded ut non incurratur censura, si injuria, vel contumelia illata talis iudicio viri prudentis non sit, quæ ad peccatum mortale sufficiat, ut ex Bonaccina observavit Abellii *Medul. p. 2. to. 2. c. 6. sect. 2.*

§. I. num. 6. Nam cum sit injuria levissima, non dicitur facta suadente Diabolo per Du-hamel Theol. Cleric. tom. 3. lib. 5. differt. 3. cap. 5. Et exemplificant; si quis leviter Clericum à se animo irato repellat.

Hinc, ut censura incuratur percussio non levissima esse debet, sed *levis, mediocris, aut gravis*, seu *enormis*. Judicium autem, an levis sit, mediocris, vel enormis, cum sit res facti, dependet à qualitate loci, personæ, & circumstantia injectionis manus, de quo in Extravagante *Perleſtis Joan. XXII.* apud Confectium *de privil. mend. p. 1.*

48 Levis itaque percussio secundum allegat. Extravagantem ea declaratur, quæ facta, manu, pede, digito, vel lapide, nullam reliquit plagam, vel sussionem carnis, nec dentes cingit, nec multos divellit capillos, nec sanguinis copiam facit, licet parum fluat.

49 Mediocris percussio ea censetur, ubi denserunt, copia capillorum evellitur, carnum contusio, aut sussionem relinquitur, &c.

50 Gravis verò, vel enormis, judicanda est, si gravior læsio, & injuria inferatur; ut, si Clericus vulneretur, mutiletur, debilitetur, vel occidatur. Item, si denudetur, aut atramento, vel stercore vultus ejus sedetur. Considerandum est, quod percussio, quæ aliàs secundum substantiam esset levis, sit plerumque gravis, & enormis, aut mediocris ratione loci, ut, si percutiatur Clericus, Ministerio Altaris occupatus, aut dum vacat sacris, sive in Choro, vel in actu publicæ processionis; si in platea, theatro, vel alio loco publicæ injuria personalis inferatur.

51 Item crescit ratione personæ; ut, si inferatur Episcopo, Prelato, aut alteri in dignitate Ecclesiastica constituto. Ceterum judicium ex d. Extravag. quæ sit enormis injuria, relinquitur arbitrio Episcopi. Qui in dubio enormem potius, quam levem arbitrari debet, & ad Se-

dem Apostolicam pro absolutione injurantes sunt dirigendi, *ne de vicina absolutione confisi de facili in atroces prorumpant percussiones, & injurias, & in Canonis sententiam proclivius prolabantur*, ut ibid. textus, & Confectius *cit. p. 2. tit. 1. 4. cap. 1. conc. 5.*

Non nulli sunt casus, in quibus ob percussione Clerici censura non incurritur, quos recenset *cit. Confectius ibid. cap. 8. & Du-hamel ubi supr.*

52 I. Quando vis cum moderamine inculpatæ tutelæ repellitur, & Clericus repellendus læditur, cap. *si verò, ill. de sent. excom.*

53 II. Cum incontinenti percutitur Clericus, vel Regularis cum uxore, matre, sorore, vel filia propria turpiter inventus, d. cap. *si verò §. nec ille d. tit.*

54 III. Cum ex officio, Magister, vel Prelatus corrigit Clericum, vel Regularem; nam tunc percussio non fit, suadente Diabolo, sed suadente justitia, vel charitate, & zelo Dei, ac disciplinæ, cap. *Universitatis, cap. Cum voluntate d. tit.* Dummodò modus graviter non excedatur, nec per Laicum sæcularem fiat.

55 IV. Cum à muliere de adulterio, stupro, vel fornicatione tentata, causa defendendi propriam honestatem, Clericus percutitur; dummodò provocatio, & sollicitatio facta, & non solo verbo fiat, d. Confectius.

56 V. Cum fortuito casu, & non ex deliberatione Clericus percutitur, d. cap. *si verò §. Officialis.*

57 VI. Cum id non fit ex odio, invidia, seu indignatione, sed per jocos, vel ludum. Nam tunc percussio dici nequit violenta, nec, suadente Diabolo, cap. *Nuper d. & Alios casus vid. apud Confectium ibid.*

58 Queritur. *Quis absolvat ab excommunicatione incurſa propter Clerici percussione?*

Resp. Est certum, Confessarium ordinarium absolvere non posse, nisi de speciali

ciali facultate Superioris, ad quem respectivè id pertinet . Regulariter absolutio est Sedi Apostolicæ reservata . Ubi verò injuria modica fuerit, vellevis, Episcopus potest absolvere, cap. *Pervenit de sent. excom. d. tit.*

59 Episcopus absolvit Pueros , cap. *Pueris.*

60 Item , mulieres , senes , infirmos , & debiles , qui in Clericum violentas manus iniiciunt ; vel alias impotentes adeundi Sedem Apostolicam pro absolutionis beneficio, cap. *Ea noscitur, cap. Quamvis eod. tit.*

61 Item constitutos in periculo , vel articulo mortis . In quo etiam à quovis Sacerdote absolvi possunt ; cum , vel ab Episcopo absolutio haberi non potest, vel Confessarius approbatus non habetur, juxta Trid. *ses. 14. cap. 7. de cas. reservat.*

62 Sed praxis est, ut, quoties ab Episcopo absolvuntur impediti adeundi Sedem Apostolicam, vel à Sacerdote existentes in articulo mortis, ab eis exigatur juramentum recurrenti cum primum commodè poterunt ad Papam, vel ejus Delegatum, mandatum ipsius humiliter recepturi, per tex. in *d. capit. Quamvis.*

Debentque de tali onere eos premovere, alias non comparantes in similem excommunicationem reincident, cap. *Eos, qui d. tit. in 6. Cabasut. prax. jur. Canon. lib. 3. cap. 2.*

63 Quod est practicandum non solum cum excommunicatis ob percussione Clerici, sed etiam cum ligatis quacunque censura, cujus absolutio sit Sedi Apostolicæ reservata, ut communiter Canonistæ apud d. Confess. *cap. 9.*

64 Hoc etiam est observandum, quod absolutio numquam est conferenda, nisi parte satisfacta, si fuerit læsa ; & in casu impotentiae est ab absolvendo exigenda promissio cum cautione, etiam jurata de satisfaciendo læso, & de parendo mandatis Ecclesiæ ; virtute cujus pro

missionis, & juramenti est ipsi præcipiendum, ne de cætero in Clericum, vel Monachum violentas manus iniiciat.

65 Sed dubitari potest. *An Episcopus in enunciatis casibus, in quibus ipse potest absolvere possit id alteri Sacerdoti committere ?*

Resp. Affirmativè, tex. expressus in cap. *His de offic. jud. ord.* Nam jurisdictioni competens Episcopis absolvendi certis in casibus ob violentam manum injectionem in Clericum est ordinaria ; etenim competit ex officio ; ac est concessa non personæ, sed dignitati, cui ita chozret, ut cum ipsa transeat in futurum Prælatum, & inde perpetua censetur : Atque ita potest alteri committere, ita Gonzalez in *L. tit. 31. cap. fin.*

66 Ex quo sequitur, quòd Prælati Regulares, quibus ratione officii, & dignitatis competit facultas absolvendi suos subditos à d. censura, possint eam potestatem alteri Ordinis Sacerdoti committere .

67 Queritur. *An mandans, percussione Clerici d. excommunicationem incurrat.*

Resp. Affirmativè, tex. expressus in cap. *Mulieres §. Illi verò*, etiamsi de mandato ante percussione eum peniteat. Nisi ipsum revocaverit, & de revocatione notitiam ad mandatarium pervenire curaverit, & cum effectu pervenerit, ut ibi Glos. verb. Auctoritate, & Confessus.

68 Pariter, consentientes, & favorem, ac opem delicto violentæ injectionis manuum præstantes Canonis sententia ligantur, cap. *Quanta d. tit.*

69 Queritur. *Joannes percussit Clericum nomine Titii, à quo mandatum non recepit, Titius id sciens, ratum habet approbans percussione, petitur, an Titius excommunicationem incurrat ?*

Resp. Affirmativè, Cap. *Cum quis de sent. excom. in 6.* Rati habitio enim mandato æquiparatur, ubi Glos. in verb. *suo nomine*, dixit, si ratum habuit tantum

in corde, quoad Deum est ligatus, sed non quoad Ecclesiam militantem. Dum verò prædictæ ratificationis signa exteriora apparuerint, tunc etiam quoad Ecclesiam erit excommunicatus. *Confect. cit.* ibique ead. *Glof. in verb. Incurvis*, notavit, quod approbans injectionem excommunicationis ligatur ex *nunc*, hoc est, ab instanti ratificationis; non ex *tunc*, quæ facta est injectio.

70 Nec obstat, quod dicatur rati habitationem retrahere. Nam satis trahitur ad tempus anteriùs, cum ex facto anteriori ligat, licet ex *nunc*. Neque enim sententia excommunicationis trahitur, sed statim ligat, vel non ligat, nec suspendit effectum suum, ut ibi *Glof. & cap. Pastoralis* de appellat.

Qui verò ratam habet injuriã realem personalem in Clericum non suo nomine factam, peccat quidem peccato sacrilegii, sed non est excommunicatus. *Confect. cit.*

71 *Queritur. Penitens aperit Confessario, se rapuisse Clericum, quid Confessario agendum?*

Resp. Non potest cum absolvere, etiam si ipsum restituerit, cum sit innodatus censura Canonis ob violentiam Clerico factam.

72 Adverte, quod Clericus consentiens, sibi violentiam inferri excommunicationem incurrit, cum tunc injuria inferatur ipsi ut Clerico, & toti ordini Clericali, in cujus favorem fuit privilegium Canonis concessum.

73 Observandum, quod percussus plures Clericos, in petenda absolutione debet numerum ipsorum exprimere, alias petitio erit subreptitia. Pluribus enim excommunicationibus numerò distinctis ligatur. Nam plures causæ numero distinctæ concurrunt; quæcumque ligat per se sufficiens ad inferendam censuram. Vide, quæ dixi *infr. cap. 33. nu. 43. & Glof. in cap. Cum pro causa in verb. Tamquam de sent. excom.*

74 Observandum etiam, quod est

onus vitandi excommunicatum ob Clerici percussione; Nec requiritur, ut tamquam excommunicatus denunciatur, sed sufficit, ut ita notorium sit Clericum percussisse, quod factum nulla possit tergiversatione celari, nec aliquo juris suffragio excusari, juxta *Const. Conc. Constantiens. sub Martino V.* quam refero *infr. lib. 2. cap. 35. num. 16.* Quod fuit pro omni notoria excommunicatione repetitum in *Const. Lateranen.* sub Leone X. pro ut in *eius Const. Primitiva sub la 20. §. 24. Bullar. tom. 1.* illis verbis: *aut si notorie in excommunicationis sententiam confiterit incidisse, quod nulla possit tergiversatione celari, &c.* Qua propter vitandi sunt, qui, vel fuerint expressè, & specialiter denunciati excommunicati, vel de quibus notorie constat excommunicationem, vel ob Clerici percussione, vel aliam causam incurrisse. Vide *infr. cap. 33. num. 18. & alia plura, quæ dixi Offic. Curie Ecclesiæ cap. 39. de privilegio Canonis; ubi de facultate superiorum Regularium erga suos subditos.*

§. V.

Simoniæ realis scienter contracta.

75 **I**N præsentī §. reservatur Romano Pontifici simonia realis scienter contracta. Sciendum namque I. Quòd simonia est *studiosa voluntas emendi, vel vendendi spiritualia, vel spiritualibus annexa. Dicitur studiosa voluntas emendi, &c.* quia quis, quantum est de se, studet, & procurat pecunia emergere, & vendere rem spirituales, quæ invendibilis est, & supra omne pretium; atque ita non obstante, quod sit materia indebita venditionis, & emptionis, nulloque pretio aestimari possit, se gerit circa ipsam, ac si revera vendi, & emi posset, & ita injuria rebus spiritualibus irrogatur.

76 Contractus emptionis, & venditionis

tionis ponitur, tamquam species pro genere, seu pro quolibet contractu oneroso, vi cuius aliquid pretio æstimabile aut exigitur, ut conferatur, aut promittitur; sive sit contractus locationis, permutationis, transactionis, vel in-nominatus: ut, do, ut des; do, ut facias: facio, ut facias: facio, ut des.

77 II. Quod nomine rei spiritualis intelligitur quodcumque supernaturale, seu, quod a Deo procedit, ut est Auctor gratiæ, & ad finem supernaturalem conducit. Id enim in casu dicitur spirituale; sive sit in se spirituale; ut sunt fides, gratia, Spes, charitas, dona Spiritus Sancti, &c. Sive ut causa; ut Sacramenta, quæ causant gratiam sanctificantem; aut conferunt, etiam potestatem spiritua-lem ad consecrandum, & absolvendum, ut Ordo; sive, tamquam effectus, quia a spirituali potestate procedunt; ut ad-ministratio Sacramentorum, consecra-tiones personarum, locorum, vaso-rum, concionari, dispensare in votis, vel impedimentis matrimonii super ir-regularitate; absolvere a censuris, & si-milia. Sive sint spiritualibus adnexa. Quod duplici titulo contingit, *antece-denter*, & *consequenter*: Adnexum *antecedenter* dicitur, quod secundum suam naturam præcedit formam spiri-tualem, ut sunt vasa sacra. Prius enim fiunt vasa, deinde consecrantur. In istis venditio cadit supra materiam tempora-lem, non supra spirituale.

78 Adnexum *consequenter* est, quod est posterius spirituali, & ab isto depen-det. Ita beneficium Ecclesiasticum depen-det ab ordine Ecclesiastico. Prius enim est esse Clericum, quam beneficia-tum, & habere jus ad redditus. Quare beneficium Ecclesiasticum describi solet: *Jus perpetuum percipiendi fructus ex bo-nis Ecclesiasticis competens Clerico pro-pter officium spirituale in sustentatio-nem Ministri.*

Dicitur *perpetuum*, quia beneficia ex natura sua instituta sunt, ut sint per-Mattheucci Cautela Confess.

petua, ad differentiam pensionum, quæ morte pensionarii extinguuntur. Ideo important jus percipiendi ad tempus portionem fructuum ex bonis benefi-cii.

Dicitur *propter officium spirituale*, quia beneficia dantur propter officia, & ministeria Ecclesiastica, *Const. Superne la 3. Leonis X. §. 38. Bullar. to. 1.*

79 Etiam pensiones dantur propter officium, quia pensionarii tenentur ad recitandum officium B. M. V. Const. *Ex proximola 135. B. Pii V. Bullar. to. 2.*

80 Considerandum hic est, beneficia tria comprehendere. I. Officium spiri-tuale, seu ministerium Ecclesiasticum. II. Jus stipendii, seu ad redditus tem-porales. III. Ipsum stipendium, vel redditus. Primum utpotè spirituale vendi non potest.

Nec secundum, quia, licet non esset in se spirituale, tamen est adnexum con-sequenter officio, seu titulo spirituali, quia ad istud sequitur. Ideo officium censetur vendere, qui illud jus vendit, juxta regulam in cap. *Si quis obierit* 1. q. 3. ibi: *Qui quis alterum vendit, sine quo nec alterum provenit, neutrum in-venditum relinquit.*

Dixi *licet non esset spirituale*, quia de spiritualitate talis juris non videtur dabitandum secundum Cajetanum apud Fagnan. in 1. ad cap. *Cum pridem de pactis* num. 101. Nam, statim ac quis est Cle-ricus, & divinis officiis mancipatus ex jure divino habet jus ad stipendium, jux-ta illud, *qui Altari inserviunt, de Al-tari participant*, 1. ad Corinth. 3. cap. *Extrpanda*; cap. *Secundum de præ-bend.* Quod jus, cum ad Clericatum, & deputationem ad functiones spirituales sequatur, esse debet spirituale.

81 Nec fructus a collatore beneficii vendi possunt, quia non est dominus fructuum; sed dispensator, ideò venditio caderet supra collationem, & insti-tutionem, quæ est spiritualis. Nec ab ipso proviso ad vitam vendi, vel locari

possunt, quia sunt res Ecclesiasticæ, de quo alibi.

III. Quod simonia, alia est jure naturali, & divino prohibita, ut est vendere gratiam, Sacramenta, actus Ordinis, & functiones omnes spirituales, consecrationes, benedictiones, absolutiones, dispensationes, actus jurisdictionis spiritualis, tam spectantis ad forum internum, quam externum, & similia, quæ omnia sunt de sua natura invendibilia. Nam, vel sunt in se spiritualia, vel causa rei spiritualis, aut procedunt à potestate spirituali, & ordinatur ad finem spiritualem, & salutem spiritualement animarum.

Alia verò solum prohibita jure positivo Ecclesiastico, ut est. I. Vendere officia Sacrificii, Oeconomii, Protectoris Ecclesiæ, cap. *Salvator. l. q. 3.* Hujusmodi enim officia habent rerum Ecclesiæ administrationem.

82 II. Reservare pensiones ex beneficio resignato: id enim fieri nequit sine pactione. Pactiones autem omnes in beneficiis sunt prohibita, cap. *Pactiones de pactis*. Sed necessaria est auctoritas Pontificis, ut labes simoniæ purgetur.

III. Permutare unum beneficium cum alio ex eadem ratione; quia id sine pactis, & contractu oneroso fieri nequit, cap. *Questum de rer. permutat.* Sed necesse est, ut permutatio fiat auctoritate Superioris, Papæ nimirum (vel etiam Episcopi, quantum ad beneficia, quæ Episcopus potest conferre) cap. *Sicut unire de excessib. Pralat.* Et tunc partes non vi pacti permutant inter se beneficia, sed ex nova collatione, recipiunt; nam ea resignant in manu Pontificis, cui suum desiderium exponunt, à quo eis deinde conferuntur.

83 Idem dicitur de actionibus beneficio adnexis; ut, si quis dicat alteri: *elige ad hoc officium spirituale, & eligam te ad aliud; vel, si dixeris, confirmo te in hoc beneficio, modò mihi des, aut promittas hanc Capellaniam,*

Provincialatum; Guardianatum, &c. cap. *De hoc de simon.*

44 Triplex verò est simonia, *mentalis, conventionalis, & realis*. Mentalis ea est, in qua quis nullo pacto prævio expresso, vel tacito, dat temporale pro spirituali (vel è contra) ea intentione, ut pro temporale recipiat spirituale, vel ut pro spirituale temporale assequatur.

Conventionalis ea est, in qua pactum exterius quidem expressum est de re spirituali vendenda, vel emenda, sed vel nihil realiter est datum; vel datum est ab una tantum parte: ut, si emptor receperit beneficium, sed pretium conventum non solverit; aut, si pretium dederit, sed beneficium non receperit, sed expectat.

Realis ea est, in qua tria hæc concurrunt: pactum de re temporali pro spirituali: solutio pretii, saltem secundum partem, & receptio rei sacræ.

84 Quæritur. Quotuplex sit munus, seu pretium simoniæ.

Resp. Triplex: à manu, ab obsequio, à lingua, cap. *Ordinationes l. q. 1. & d. cap. Salvator.*

Per munus à manu venit pecunia, sive numerata, aut credito promissa. Nomine autem pecuniæ intelligitur quidquid pecunia mensurari potest, estque pretio æstimabile.

Quare incurrunt simoniam per munus à manu. I. Qui pro rebus sacris, & functionibus spiritualibus supra enunciatis quidpiam pretio æstimabile dant, recipiunt, vel promittunt, sive illud detur tamquam pretium, sive tamquam motivum dandi, vel gratuitam compensationem. Si distinctio hæc pretii, motivi, & gratuitæ compensationis præservaret à simonia, nulla omnino, nisi à viris plumbis committeretur, & omnis palliaretur. Unde falcem ad radicem posuit Innocentius XI. in damnat. *proposit. 45. & 46.* De quo lib. 2. cap. 26.

85 Dices Sacerdos licitè recipiunt stipendia pro celebratione Missæ,

exequiis, processionibus, & concionibus, ergo, &c.

Resp. Stipendia in similibus non recipi tamquam pretium Missæ, exequiarum, & Concionum, sed tamquam honorarium, & per modum voluntariæ oblationis, quæ à fidelibus fit Deo in persona Ministris; aut per modum subsidii in sustentationem Ministrorum, in gratiam alterius occupatorum.

86 Nec principaliter stipendium intenditur, aliud esset simonia. Nam venderetur actio spiritualis, Propter quod incurrunt simoniam Canonici, qui Chorum frequentant propter distributiones, tamquam propter finem principale: ita D. Thomas *quodlibet* 8 art. 11. Natalis Alex. *Theol. dogmat. t. 2. lib. 2. regul. 41. de Simon.* Videnda est etiam d. prop. 46. ab Innoc. *proscripta loco cit.* Idco primario, & principaliter cultus Dei est intendendus.

III. Qui dant, vel accipiunt beneficium cum promissione remittendi debitum; vel obligatione ad mutuandum; aut quod nepos recipientis nubat nepoti conferentis; vel conferens constituit pensionem in beneficio, quod confert, aliis non collaturus, vel simile onus collationi beneficii adnectit. Magol. *sum. moral. p. 1. Decalog. exposit. 3. præcept. q. unic. de profanat. rei sacræ per simon. art. 2. §. 1.*

IV. Qui beneficium resignat sub onere pinguioris pensionis absque licentia Papæ, vel præmisso pacto de redimenda pensione, vel procurandi aliud beneficium: Imponitur enim onus pretio æstimabile.

V. Qui de beneficio litigantes, jus mutuum emunt: pecunia enim parant sibi viam ad rem spiritualementem.

87 Cæterum, licet vexationem pecuniæ redimere, ut concordat DD. cum D. Thoma 2.2. q. 100. *artic. 2. ad 5.* Tunc enim pecunia injusta impedimenta tolluntur; eaque confertur, sicut daretur, ut quis à predonum manibus se eriperet

cap. De electis il. 1. de simonia, cap. Quæsitum 1. qu. 3.

Verum duo hac in re debent concurrere. Unum, quod quis habeat in beneficio jus per collationem acquisitum certum, & indubitatum, seu ipsum pleno jure possideat. Nam in casu cum ei res spiritualis jam competat, eam non acquirit per pecuniam, sed solum redimit vexationem, & impedimentum injustum tollit. Si verò circa dubium vexaretur, ut, si collatio, electio, confirmatio, &c. esset dubia, vexationem redimere non liceret. Quoniam tunc per pecuniam viam sibi pareret ad jus spirituale, & censeretur illud emere.

Alterum, quod vexatio sit injusta. Si quidem si justa esset propter eandem rationem non liceret. Idem dicitur, si dubium sit, quod lis sit injusta, quia super eo Judex Ecclesiasticus debet pronunciare. Hinc si Prælatus velit aliquem ob delictum Beneficio privare, non licet hanc vexationem pecunia redimere, vel testes avertere; aut alium, qui ejus inidoneitatem velit opponere pecuniis impedire. Nam ipsa remotio impedimenti esset acquisitio rei spiritualis.

Vexationem tamen circa jus acquirendum redimere non licet, quando vexatio opponitur ab his, qui possunt obesse, & prodesse; ab illis nimirum, qui aliquo modo concurrere possunt ad collationem beneficii, & juris spiritualis, eligendo, & confirmando, præsentando, &c. cap. *Matthæus*, cap. *Sicut tua*, & cap. *Hoc d. tit.* quia hoc esset pecunia sibi viam parare ad beneficium, quod absque simonia esse non potest per DD. *Mayol. cit. art. 3. §. 2.*

VI. Incurrunt, qui accipiunt beneficium cum onere restituendi pecuniam, quam resignans in illius assensione expenderat, ut in expeditione Bullarum. Quilibet enim de jure tenetur proprias litteras solvere.

VII. Qui resignat beneficium ea lege, ut resignatarius domum resignantis e-

emat, vel conducatur, aut simile onus imponit.

VIII. Qui litigantes super possessorio alicujus beneficii pacis causa conveniunt, ut unus beneficium, & alius pensionem super beneficio habeat, *cap. Constitutus de transact.* In beneficiis enim transactiones jure canonico prohibentur. Alios casus vide apud DD. & redibit sermo *lib. 2. cap. 26.*

88 Per *munus ab obsequio* venit omne hominis opus ad usum, & utilitatem alterius ordinatum. Quare, quia ministerii pecuniaria mercede conducuntur, idcirco perinde est dare rem spirituales pro aliquo obsequio exhibito, vel exhibendo, ac eam conferre pro pecunia. Nam illud obsequium est pretio aestimabile.

Propterea simonia est. I. Beneficium conferre alicui in recompensationem obsequiorum jam exhibitorum; ut si Episcopus ad recompensanda obsequia præterita conferat beneficium famulo, qui propterea ei absque salario, vel valde diminuto inservit.

II. Conferre beneficium in recompensationem servitii exhibendi in futurum.

III. Simoniaci censentur Clerici, qui Prælati obsequium temporale exhibent, præcipue, & principaliter, ut beneficia obtineant. Ideo de hoc serio cogitent, & ponderent, qui Prælatorum sunt ab obsequiis, an principaliter intendunt beneficia obtinere, cave spe id agant.

IV. Simonia per *munus ab obsequio* reifunt, qui sua obsequia exhibent iis, quos noverint apud collatores valere eo fine, ut per ipsorum favorem beneficia consequantur, etenim obsequia mediate ordinantur ad rem spirituales assequendam.

Ceterum simonia non est, Prælaturum conferre beneficia propter exhibita à Clerico officia in utilitatem Ecclesie, vel auxilium ministrorum ipsius, nam per hæc devotionis officia obsequens reddi-

tur dignus; & si gratis inserviat, redditur dignior, quia in obsequium Ecclesie impendit personam, & pecuniam, quam potuisset sibi per obsequia alteri exhibita lucrari.

89 *Munus à lingua* comprehendit laudes, adulationem, preces, & intercessionem apud beneficiorum collatores. Sic est simonia, conferre beneficium ad preces pro indigno porrectas. Nam tunc collator non movetur ex dignitate, & merito provisi ad dandum beneficium, sed ex precibus exhibitis per modum pretii: *ut de preces, ut des beneficium*. Item beneficium dare propter ipsas preces conducentes ad utilitatem temporalem collatoris, nimirum ut precantis gratiam, & favorem sibi acquirat.

Siverò preces pro digno porrigantur, non est simonia eidem beneficium conferre, quia adest ex parte subjecti debita causa; dignitas nimirum, & meritum conferendi beneficium. Ceterum potest esse simonia in intentione, si non attendatur ad dignitatem personæ, sed ad favorem.

Ita, ubi quis pro se rogat, ut obtineat curam animarum: ex ipsa præsumptione redditur indignus, & sic preces sunt pro indigno; licet tamen potest aliquis si sit indigens pro se beneficium Ecclesiasticum petere sine cura animarum. D. Thom. *cit. artic. 5.* Vide, quæ dixi offic. cur. Ecclesiast. *cap. 50.*

§. VI.

Confidentia beneficalis, seu simonia fiduciaria.

90 **Q**Uæritur. Quid sit hæc *confidentia beneficalis, vel simonia fiduciaria*?

Resp. Est conventio tacita, vel expressa, ut is, cui beneficium confertur, vel resignatur illud ipsum post aliquod tempus in aliam certam personam transferat; aut fructus beneficii, vel partem

ipsorum ab alio percipi sinat, aut pensionem solvat. Ita DD. communiter.

Hujusmodi confidentia est pessimum simoniae genus, ad quod eradicandum Pius IV. edidit const. *Romanum Pontificem*, la 85. *Bullar. to. 2.* & aliam B. Pius V. *Intolerabilis*, la 85. *ibid.*

91 Committi potest, per *accessum*, *ingressum*, *regressum*, *fructuum concessionem*, vel *solutionem pensionis*, ut ex d. const. B. Pii, & ex Trid. *ses. 25. cap. 7. de ref.* ubi damnat accessum, & regressum, utpotè referentes imaginem hereditariae successione.

Per *accessum* contingit, cum quis alteri beneficium procurat, & confert, cum certa confidentia, conditione nimium, vel lege, tacita, vel expressa, quod postea per resignationem provisi, ad idem beneficium ipsemet conferens, vel procurans, aut alii per eos designati, vel designandi accedent.

Per *regressum* contingit, ubi quis beneficium jam adeptum alteri renunciat, cum conditione, quod per resignationem, ab accipiente factam, ad idem beneficium ipse, vel alius à se designatus, aut designandus redibit.

Per *ingressum* verò contingit, ubi quis post collationem beneficii ante possessionem illud alteri renunciat cum spe, & pacto, ut hic postea eidem, vel alteri ab eo designando, ad idem beneficium ingressum aperiat dimittendo beneficium.

Per *concessionem fructuum*, vel *solutionem pensionis* contingit, cum quis alteri confert, vel resignat beneficium cum pacto, ut accipiens ei, vel alteri à se designando concedat fructus beneficii, vel illorum portionem, aut ex illis pensionem solvat. Legendus textus Constitutionis B. Pii §. 3. & Layman *Theol. moral. lib. 4. tr. 10. cap. ult. §. 8.*

93 Observandum hic est ex Natal. *Alexand. Theol. Dogmat. t. 2. lib. 2. artic. 5. regula 19.* Et Abellii *medul. p. 2. in append. de stat. Cleric. art. 3. q. 2.* Quod resi-

gnare, vel conferre beneficium alicui in confidentiam, hoc est, ex intentione illum obligandi, ut post aliquod tempus propinquo, vel amico resignantis, aut conferentis, aut cuius alteri dimittat, aut ut pensionem ex ejusdem fructibus alteri solvat, vel fructus percipere sinat, est simonia confidentiae mentalis: si verò intercedat pactum, verbo, nuntio, scripto, vel facto per se, vel per alium significatum, est simonia confidentiae realis, quae infert poenas d. const. ex dicendis *lib. 2. cit.*

Regulas, & praesumptiones cognoscendi, & plenè probandi in foro externo confidentiam, ubi de hac dubium esset, statuit idem B. Pius d. const. In foro autem interno penitentiae non est praesumptione agendum, nec conjecturis judicandum, sed secundum confessionem penitentis, qui simul est testis, reus, & actor adversus se ipsum.

93 Sed quaeri potest. *An simonia confidentiae sit resignare alteri pensionem cum pacto, quod resignatarius resignanti usque ad suam vitam permittat fructus pensionis accipere?*

Quamvis plures negent, pensiones non esse beneficia Ecclesiastica. Nos tamen concedimus; etenim, licet pensiones non sint beneficia Ecclesiastica in sensu stricto; tamen videntur sapere naturam beneficii Ecclesiastici, ut ex Fagnan. in 1. ad cap. Ad audientiam il. 2. nu. 58. de rescript. Sed his in nomine non est ponenda. Certè pensiones non sunt quid merè temporale, sed spiritali adnexum, supponunt Clericatum, & dantur propter officium, ex dictis supr. nu. 76. Et pròinde in pensionibus committitur simonia, sicut in beneficio. Tum quia, licet non sint verè beneficium, veniunt tamen appellatione rerum Ecclesiasticarum, unde fructus pensionis ad vitam vendi nequeunt, ut ibid. observat Fagnan. a nu. 115.

94 Sed quid, si quis à Papa obtinisset facultatem resignandi nepoti, vel alteri

alteri pensionem, & ipse sibi reservaret perceptionem fructus, ad quod facultas non extendetur.

Resp. In casu simoniam committit, non propter resignationem, utpotè autoritate legitima factam, sed propter illam reservationem. Tum quia pactiones omnes in similibus sunt prohibitz. Tum quia pensionario imponitur onus pretio æstimabile, eidemque censetur pensionem eo onere vendere, & ita in contingentia facti consultus respondi.

Ita, simoniam committit is, qui pro pecunia sine autoritate Pontificis pensionem redimit, ibid. Fagnan.

Item, qui autoritate Pontificis alteri resignat pensionem, sed ad facilitatem, & tutiorem solutionem sine Pontificis autoritate convenit cum resignatorio de aliqua hypotheca, aut fideiussione, vel ut anticipatè solvat. Ratio est, quia totum hoc pertinet ad pacta simoniaca jure canonico prohibita: & obligatur pensionarius ad id, quod jure non inest, eique imponitur onus pretio æstimabile. Abelii *Sum. p. 2. de stat. Cleric. art. 3. qu. 2.* & Majol. *cit. §. 4.* Quare regula generalis est, in resignationibus omne pactum de onere temporali, quod rei spirituali est adnexum, licitè fieri non potest absque legitima autoritate superioris.

95 Quæritur, *An sit simonia resignare beneficium in favorem tertie persone absque confidentia, & spe, ac pacto, quod ille, in quem resignatur, servet illud, vel fructus illius pro ipso collatore, aut famulis, vel consanguineis, aut illius amicis?*

Resp. Nonnulli id negant ex defectu pacti, quamvis concurrat declaratio affectus solius, ut beneficium conferatur tali personæ.

Contra quos est constitutio B. Pii *incip. Quanta la* 58. ibid. *libi §. 3.* declaratur, quas, quorum, & quo casu possint Episcopi admittere resignationes beneficiorum. Et §. 4. præcipit, ne resi-

gnantes aliqua ratione successores in beneficiis designent. Prohibetque omnis promissio, & pactio inter ipsos, & Episcopos, ac alios facultatem habentes admittendi resignationes de assumendis designatis.

Quare quævis resignatio facta cum conditione, qualitercumque explicata, sive admissa, est invalida, & simoniaca, si fiat coram Ordinariis, aliisve Prælatis, inferioribus Summo Pontifice, ut §. 5. & §. 6. in contrascentes insiguntur pænæ, de quibus d. *lib. 2. cit.* agendum est. De formæ publicandi resignationes beneficiorum in Curia, vel extra, est const. Greg. XIII. *Humanola* 85 *ibid.*

§. VII.

Summa casuum reservatorum in Bulla Cœnæ.

96 **B**Ullam Cœnæ descripsimus supra *cap. 3. nu. 1.*

97 Casus reservati in Bulla Cœnæ summam referuntur.

In primo Canone excommunicantur *Hæretici omnes, Schismatici, eisque credentes, receptatores, fautores, ac defensores, ipsorumque scienter legentes, vel retinentes, imprimentes, ac defendentes libros hæresim continentes, vel de Religione tractantes.*

98 In 2. Appellantes à Papa ad futurum Concilium, ac dantes auxilium, consilium, aut favorem.

Nota. Id esse Pontifici injuriosum, nam, cum sit supra Concilium, nec superiorem in terris habeat, sine ipsius injuria non potest id fieri: appellatio enim fit ad majorem: de quo *lib. 3.*

99 In 3. *Pyrata, Cursarii, & Latrunculi maritimi, in mari Papa à Monte Argentario ad Terracinam, ac ipsorum fautores, receptatores, & defensores.*

Nota. Pyratam idem esse, ac prædonem marinum, ex proposito, & non co-

coactè percurrentem mare Pontificium, intentione furandi, licet aliqua præda non sequatur, quia Bulla censurat Pyratas, & non exigit prædam. Excusantur, qui deprædantur ligna inimicorum, qui cum suo Principe bellum habent, eosque armis, & victualibus privant, ad eorum vim minuendam.

100 In 4. *Naufragantium Christianorum bona in mare generaliter, vel in litore ipsius surripientes.*

Nota 1. Per ly *Christianorum*, excludi surripientes bona Turcarum, aut Gentilium, & Hæreticorum, quia non præsumitur Bulla edita in protectionem hostium fidei. Sed sine peccato non possunt furripi; videntur etiam excludi bona Pyratarum, quia æquiparantur hostibus fidei, nec lex censetur patrocinari eis, qui contra legem faciunt.

Non peccat, qui præfata bona accipit, ut servet proprio Domino, aut ad loca deferat, in quibus de mandato Principis servantur, ad effectum, ut Dominis restituantur.

Nota 2. Excommunicari surripientes bona infidelium, existentia in navibus fidelium, per fideles licitè asscurata: ratio datur ex intentione legis, quæ fideles protegit, ne præjudicium, & damnum reportent; fidelibus in casu bona perirent, & ad eos spectaret perquirere, recuperare, & compensare.

Nota 3. Non excommunicari, qui bona in litore, vel mari spontè à Domino relicta, surripit; nam de isto non potest dici, quod surripiat in damnum Domini.

Nota 4. Censuram extendi etiam ad factores, & adjuvantes raptorem, qui in Bulla implicite, & virtualiter nominantur; nam, qui favet, etiam raptor censetur; & qui adjuvat ad furtum, fur censetur, & poena furti punitur. Sum. *Ind. vir. Bulla Cœna num. 1.*

Ignorantia, non culpabilis, vel, quod ea sint bona fidelium naufragantium, vel, quod illud sit sub censura prohibitum,

potest excusare; verum, dum ignoranter surripit, cognoscit esse bona naufragantium fidelium sub censura prohibitum, statim innodatur, nisi restituat, vel restituendi animum habeat. Pucronus *cap. 4 in Bullam Cœna à num. 52.*

101 In 5. *Omnes imponentes in suis terris pedagia, seu Gabellas extra casus aijure, vel ex Sedis Apostolica licentia permisos; eadem augentes, vel exigentes, augeri, vel prohibita imponi.*

102 In 6. *Omnes falsificantes literas Apostolicas, seu Papæ, vel Card. Vice-Cancellarii, aut hujus Gerentis vices, aut falsò publicantes, & etiam falsò signantes.*

Nota, cum falsificare, qui veras literas Papæ ab earum sincera veritate mutat, & variat ab eo sensu, quem habebant, sive per rasuram contingat, sive per literarum mutationem. Item, qui vero sigillo literarum Apostolicarum ad falsas utitur, vel falsò ad veras: vel inscio, aut invito eo, ad quem spectat, literas conficit, & expedit.

103 In 7. *Deferentes, seu transmittentes ad Infideles, Turcas, Paganos, Judeos, &c. vel Hæreticos, nominatim declaratos, arma, equos, ferrum, &c. bellica instrumenta, lignamina, Canapem, funes, &c. & alia, quibus Christianos, & Catholicos impugnant; nec non eos, qui per se, vel per alios, eos in Catholica Religionis, & Christianorum perniciem certiores faciunt de rebus, statum Christiana Reipublica concernentibus: illisque ad id auxilium, consilium, & favorem quomodolibet præstant.*

Nota 1. Prohibitum esse deferre ad hostes fidei, quæ ex natura sua, & principali intentione, juxta communem Gentium consuetudinem, ad usum pugnae assumuntur; & ad bella sunt apta, quibus impugnant Christianos, hoc est, impugnare solent; & ideò, etiam extra tempus belli prohibentur. Quædam alia, quæ hujus naturæ non sunt, sed indiffe-

differentia, tempore pacis licet eis venduntur, at tempore belli sunt prohibita.

Nota 2. Excommunicari, qui eis revelant, eosque certiores reddunt de pertinentibus ad statum Religionis Christianæ, ut Christiana est. Similiter, qui eis mittunt folia, *vulgo* Avvisi: maxime ex Urbe, plena mendaciis, aut, etiam continentia vera de Romana Curia, sed in damnum Religionis Christianæ: & *Pasquinatas*, quæ solent, vacante Sede, contra Collegium, vel aliquem Cardinalium componi; id enim in contemptum, & derisionem Christianæ Religionis apertissime cedit.

104 In 8. *Omnes impediētes, qui vidualia, seu alia ad usum Romana Curia necessaria deferunt; & prohibentes, ne ad ipsam afferantur; aut per se, vel per alios, defendentes, qui sic impediunt, prohibent; & perturbant.*

Nota 1. Principem, seu Gubernatorem, qui, pœnis apposis, prohibet, ne quis extrahat à sua ditione triticum, vinum, &c. quia indiget, non ligari censura, licet inde sequatur, quod ad Urbem non ferantur; ratio est, quia tali modo intendit providere necessitatibus sui populi; secus, si sine justa causa impediret, vel specificaret, ne ad Romanam Curiam adducerentur, quia id esset in odium Romanæ Curia, quæ tali lege offenditur.

Nota 2. Nomine Romanæ Curia intelligi Sedem Apostolicam, seu Audientiam Papæ, constantem ex Ipso, Cardinalibus, Prælatibus, Auditoribus, & aliis Judicibus, ac ex omni genere Officialium, Familiarium, Litigantium, &c.

105 In 9. *Qui per se, vel per alios ad Sedem Apostolicam euntes, vel ab ea recedentes, spoliunt, mutilant, capiunt, interficiunt, & qui sine iurisdictione vexant commorantes in Romana Curia.*

Nota 1. Incurrere excommunicationem etiam, qui interficiunt, &c. venientes ad Papam, non tanquam ad Papam, sed tamquam ad Principem temporalem,

ut ab illo officium temporale consequantur, quia nomine Sedis Apostolicæ intelligitur Romana Curia, quæ non solum significat audientiam Papæ spiritualem, sed etiam temporalem.

Nota 2. *Venientes*, reputari, qui ad Curiam Romanam occasione negotii ibi pertractandi, accedunt; *recedentes* vero, qui, illis expeditis, ad propria revertuntur.

Nota 3. Offendentes Hæreticos accedentes ad Romanam Curiam, vel ob conversionem, baptismum, aut alium spirituale finem, aliudve negotium, vel habentes saluum conductum, & postea recedentes, ligari censura. Idque ob honorem Sedis Apostolicæ, ad quam omnibus debet aditus patere; & propter verba Bullæ, quæ loquitur sine distinctione.

Nota 4. Episcopum, vel alium Prælatum, qui contra sibi subditum, in Curia commorantem, ob aliquod negotium apud Sedem Apostolicam expediendum, (isti enim sunt morantes in Curia) præfata exercent, censura ligari: nam tunc est sub protectione Papæ, & gaudet privilegio venientium ad Sedem Apostolicam; & alias præfati iurisdictionem sibi usurpant.

106 In 10. *Vulnerantes, mutilantes, interficientes, depradantes, decedentes, capientes Romipetas, seu Peregrinos, ad Urbem causa devotionis accedentes, & in eam morantes, vel ab ipsa recedentes, & in his dantes auxilium consilium, vel favorem.*

Nota 1. Popi *vulnerationem* distinctam à mutilatione, quia vulneratio est apertura in corpore; aliquo instrumentis facta: mutilatio vero est membri à corpore separatio.

Nota 2. Difficultatem esse, an ad incurrendam excommunicationem necesse sit offendere Romipetas, quæ tales sunt seu quatenus accedunt ad Urbem causa devotionis? Videtur resolvendum affirmativè; unde excusatur Romipeta,

aliorum Beneficiorum Ecclesiasticorum, bonis, fructibus, redditibus.

2 *Exigentes prædicta tributa, & onera.*

3 *Recipientes dicta tributa, & onera imposita, etiam à sponte dantibus.*

4 *Facientes exigere, seu imponere.*

5 *Dantes consilium, auxilium, vel favorem.*

Nota. Subdispositione comprehenduntur etiam bona Patrimonialia Clericorum.

115 In 19. Excommunicantur I. Magistratus, Iudices, Notarii, Scribae, Executores, Subexecutores, quomodolibet se interponentes in causis capitalibus, sive criminalibus, contra personas Ecclesiasticas, illas processando, banniendo, capiendo, seu sententias contra illas proferendo, vel exequendo, sine speciali S. Sedis licentia.

2 *Extendentes huiusmodi licentias ad casus non expressos: vel illis abutentes, sive fuerint Consilarii, Senatores, Præsidentes, Cancellarii, Vice-Cancellarii, & quovis alio nomine nuncupentur.*

116 In 20. I. Præsumentes invadere, destruere, occupare, detinere per se, vel alium, directè, vel indirectè, terras, bona, & iura Romana Ecclesie in totum, vel in partem.

2 *Usurpantes, perturbantes, retinentes Supremam jurisdictionem in illis, Romana Ecclesia, & Pontifici competentem.*

3 *Adbarentes, fautores, & defensores eorum, seu illis auxilium, consilium, vel favorem præstantes.*

Nota 1. Invadere esse vi, & armis locum aggredi, intrare, percurrere, infestare, & quocumque modo lædere.

Nota 2. Destruere, idem esse, ac diruere, demoliri, devastare; quod propriè refertur ad ædificia, propugnacula, arces, & mœnia; & sit instrumentis bellicis, ruina, & incendio; verum censuram incurreret, qui incenderet campestria cum arboribus.

Nota 3. Occupare idem esse, quod

possidere, & usurpare: quod ad immobilia referri solet; in mobilibus enim est rapere; unde censuram incurrit, qui occupat, & possidet locum, etiam spontaneò deditum.

Nota 4. Detinere significat occupatum, sive à se, sive ab alio, retinere sibi, nec restituere, nec relinquere.

Hæc sunt compendiosè hic reddita ex ipso textu Bullæ, editæ à S. S. D. N. Clemente XI. ut Confessarius ipsis instructus ab absolutione eorum abstineat, cum sint Pontifici reservata, ut ex adductis liquet: sed vide Bullam.

CAPUT IX.

Prop. XIII. ab Alex. VII. &c.

Approbatio ad Confessiones.

1 **P**ROP. 13. *Satisfacit præcepto Confessionis, qui confitetur Regulari Episcopo præsentato, sed ab eo iniuste reprobat.*

Non est dubium Authores propositionis putasse Regularibus, ad validè excipiendas sæcularium Confessiones, non esse absolutè, & in omni casu, extra mortis articulum, necessarium ab Episcopis cum effectu approbationem obtinere. Sed non modò Regulares, verum & Sacerdotes sæculares approbandi sunt per Trid. sess. 23. cap. 15. de ref.

2 *Queritur, an idem sit Sacerdotem esse approbatum ad Confessiones excipiendas, ac habere jurisdictionem in pœnitentes?*

Resp. Negativè, nam diversa sunt a probatio, & jurisdictio; illa aliud non est, quam testimonium, quo Sacerdos habilis, & idoneus iudicatur, ad audiendas Confessiones; hæc verò potestas ferendi sententiam in subditum; quam Sacerdos ex vi puræ approbationis non recipit; quippe per hoc, quod quis habet illis reputetur, ut Iudex esse possit, non sequitur Iudicem constitui, eique subditos dari, in quos sententiam pronunciet: ut per se

se patet, & in casu nostro est evidens; nam, cum Episcopus dicit, *approbamus te*, est perinde, ac si dicat: *declaramus te idoneum esse ad excipiendās Confessiones*, & nil plus, at quando dicit: *damus tibi iurisdictionem*, & *licentiam excipiendi Confessiones*, est perinde, ac si apertius dicat: *impertimur tibi ius audiendi Confessiones; seu, volumus, aut te iudicem constituimus, ut sententiam absolutionis feras in eos, qui in foro pœnitentia tibi subiiciuntur.*

3 Quæritur, *cujus nam Ordinarii approbatio necessaria sit; an Confessarii; an pœnitentis?*

Resp. Confessarii, seu illius Diœcesis, in qua Confessio auditur; quod satis indicat textus Concilii: *nullum Sacerdotem posse Confessiones audire, nisi ab Episcopis approbationem accipiat*; ubi, plurali locutione, significat ab Episcopis respectivè, esse approbandum sic, ut non sufficiat in una approbationem obtinuisse, si in aliis Diœcesibus debeat Confessiones excipere, etiam personarum illius Diœcesis, in qua quis prius approbatus fuit: ut expressè const. *Clement. X. Superna.*

4 Sed quæritur, *an Parochia possit suum subditum in alia Diœcesi in Confessione audire sine approbatione Episcopi illius Diœcesis?*

Resp. Affirmat Fagnan. in 5. ad cap. Ne pro de pœnit. num. 29. & 65. Piafec. Prax. Episc. p. 2. cap. 1. art. 2. num. 5. Barbosa in Trid. sess. 23. cap. 15. num. 20. plures allegans; sed id est contra dispositionem Trid. loc. cit. pondera illud, aut ab Episcopis juxta dicta n. antecedenti: & cōtēdēra in aliena Diœcesi non habilitari per Parochiale beneficium obtentū in propria.

5 Sed quid, *an, dimisso beneficio Parochiali, egeat approbatione in propria Diœcesi?*

Resp. Affirmativè: nam, quemadmodum, statim ac consequitur beneficium Parochiale, modò sit Sacerdos, & non sit suspensus, censetur approbatus, ut possit audire Confessiones in sua Parochia, sic

statim, dimissa Parochia, definit approbatio, & facultas. Piafec. *ibid.* & Barb. nu. 21.

6 At dubitatur, *an etiam, cum vigore Jubilei, aut Bullæ Cruciatæ Confessarius eligitur, debeat esse approbatus ab Ordinario loci, in quo Confessio auditur, an verò sufficiat, quod fuerit ab aliquo Ordinario Mundi approbatus?*

Resp. Est necessaria approbatio Ordinarii loci, in quo auditur Confessio; de electo vigore Jubilei patet ex S. Congr. Conc. apud Fagnan. ubi supra num. i 8. & 19. & ex clausula, quam literis Jubilei solent Pontifices adiciere: *licentiam concedimus, ut sibi ad hunc effectum eligere possint quemcumque Presbyterum Confessarium, tam Secularem, quam cuiusvis Ordinis, & Instituti Regularem, ex approbatis à locorum Ordinariis*; qui, idēo plurali numero loquuntur, quia non unius Episcopi approbationem Confessario sufficere volunt, sed plurium respectivè, & pro Diœcesum diversitate, in quibus Confessiones excipiunt. Quæ clausula, etsi expressè non adiceretur, pro ad eā haberetur, ex alleg. Fagn. *ibid.* ex S. G.

7 Approbatio necessaria est quoque in electo in vim Bullæ Cruciatæ, ut novissimè Innoc. XII. *Constit. cum sicut sub die 19. April. 1700.* Qui lapsos in hæresim, nec potest absolvere, ut expressè Gregorius XIII. *Constit. Officii, Ia 37. Bull. to. 2. April. 1700. vid. Off. cur. cap. 6. num. 11.*

8 Quæritur, *an Regulares, ut absolvantur à reservatis virtute Jubilei debeant confiteri Sacerdoti approbato ab Ordinario loci?*

Resp. Affirmativè, cum Poncio disp. 46. q. 10. conc. 5. num. 138. Quilici q. 5. ar. 4. & juxta expressa in literis Jubilei: *insuper omnibus Christifidelibus, utriusque sexus. tam Laicis, quam Ecclesiasticis Secularibus, & Regularibus cujusvis Ordinis, &c. concedimus, ut sibi ad hunc effectum eligere possint quemcumque Confessarium, tam Secularem, quam Regularem, ex approbatis à locorum Ordinariis,*

riis, qui eos ab excommunicationis, suspensionis, &c. in foro conscientia, & hac vice tantum absolvere, & liberare valeant. Nota actum facultativum, per verbum possint, expressum, non esse ad eligendum approbatum, vel non, ab Ordinario loci, sed ad eligendum ab eo approbatum, sive sit Presbyter Sæcularis, sive Regularis.

9 Sed est difficultas de Religioso, an egeat licentia sui Superioris ad eligendum Confessarium extra Ordinem?

Resp. Affirmativè, juxta disposita ab Urb. VIII. const. in specula 19. Junii 1630. declarante Bullam Cruciata: & cetera indulta Regularibus, & Monialibus non suffragari, quantum ad illum articulum eligendi Confessarium independentem à suis Superioribus.

10 Sed quid de Moniali, an vigore lullæi possit eligere Confessarium pro alio, & non suo Monasterio, approbatum?

Resp. Negativè, ex præcitata Const. superna Clement. X. ubi: atque approbatos pro audiendis Confessionibus Monialium unius Monasterii, minimè posse audire Confessiones Monialium alterius Monasterii; nec minùs eligi potest, qui in eo olim fuerit ordinarius, vel extraordinarius; sed necesse est, ut ab Episcopo iterum deputetur, vel approbetur, ibid.

11 Queritur, an quilibet simplex Sacerdos, ab Ordinario loci non approbatus, validè absolvat à venialibus?

Resp. Negativè; nam Concilium ibid. cap. 15. pro excipiendis Confessionibus exigit absolutè approbationem, & non distinguit, an sit mortalium, an venialium Confessio. Confirmatur S.C. Conc. decreto de Communionem quotidiana, edito sub die 12. Februarii 1679. approbato ab Innoc. XI. non permittant Episcopi, ut venialium Confessio fiat simplici Sacerdoti nò approbato ab Episcopo, aut Ordinario.

12 Queritur, an Regularis sine sui Superioris licentia ab Ordinario approbatus, eoque invito, validè Confessiones Sæcularium excipiat.

Matthæucci Cautela Confessi.

Resp. Quidquid aliè dixerint, negativè, ratio est, ut notavit Barbof. in Trid. sess. 23. cap. 15. num. 7. quia censetur Episcopos non approbare Regulares in Confessarios Sæcularium, nisi à suis Prælatiis, saltem interpretativè præsententur, juxta formam Clement. dudum de sepulchris, §. statuiamus: quam sanè, quantum ad formam præsentandi, quam habent Prædicatores, & Minores, non esse à Concilio sublatam, ipse tradit cum Roderico resol. 32. num. 3. Aliisque.

13 Queritur, quorum Sacerdotes Regulares sine approbatione Episcopi possint Confessiones audire?

Resp. 1. Omnium Religiosorum proprii Ordinis respectivè; modò à proprio Prælato sint approbati, quippè, quoad eos, non comprehenduntur in alleg. decreto Conc. sess. 23. quandoquidem ibi loquatur de audiendis Sæcularium Confessionibus.

2 Eorum, qui sunt de familia, & continui commentales, non autem eorum, qui desertunt in eorum Monasteriis; Barb. ibid. num. 63. & ex cap. 11. sess. 25. de regul. & tandem apertè Clement. X. in præfata Const. Superna.

De familia autem, & continui commentales, per Donat. prax. Regul. t. 3. tr. 4. q. 7. nu. 3. dicuntur Oblati, seu Donati S. Dominici, & Tertiarii S. Francisci, qui panno ejusdem coloris, quo professi, utuntur, intra Monasterii septa habitant, & dormiunt; proindè in eis contraxerunt domicilium, & stant sub obedientia Prælati, non modo Religioso, & ratione voti, sed modo servili, & ratione muneris serviendi Monasterio; non verò Sæculares, qui in eis domicilium non contraxerunt, & quibus inserviunt, sed stipendio, & salario conducti, & hinc cum cæteris exteris Sæcularibus annumerantur.

3 Non Mulierum Tertii Ordinis, quæ de pœnitentia vocantur, nisi fuerint ab Ordinario approbati ad Confessiones Personarum Sæcularium audiendas, ut in terminis præscripsit Sac. Congregat.

E

Epi-

Episcopos. & Regular. 20. Decembr. 1616.

14 *Quæritur, an Sacerdos simplex in articulo mortis validè absolvat?*

Resp. Affirmative, modò non sit præfens approbatus, vide dicta Superiori cap. num. 16.

15 *Quæritur, an, cum Religiosus, vel in itinere, vel, alia causa, de licentia Prælati tacita, vel expressa, extra Ordinem confitetur, Sacerdoti Seculari, vel Regulari, debeat esse approbatus ab Episcopo loci?*

Resp. Quamvis plures negent, affirmative cum Vasquez *lib. 5. de penis cap. 4. §. 2. num. 15.* de Presbytero Sæculari est certum, cum nullius Confessiones extra mortis articulum validè excipiat, nisi approbationem, ad formam Trid. ab Episcopo loci obtineat; dubium est de Regulari approbato à suo Prælato: & in hoc etiam tutius est, ut accedat Episcopi approbatio; ratio est, quia nullus dubitat, quin valida sit Confessio Religiosi (de licentia Superioris) facta Regulari alterius Ordinis, ab Episcopo approbato: & in quæstione est, an valida sit, si solum sit approbatus à proprio Prælato Regulari: ergo in praxi nostra sententia alteri est præferenda, nam, cum agitur de valore Sacramentorum, est tutior opinio sequenda juxta dicenda *lib. 2. cap. 1.*

16 *Quæritur, an validè absolvat Sacerdos, qui probabiliter, & ex errore communis reputatur approbatus, & Patrobus, cum revera non sit?*

Resp. Negative, nam, quamvis in casu plures dixerint Ecclesiam tribuere jurisdictionem ad absolvendum, ex quo inde oriatur titulus putativus cum communi errore; tamen, quòd invalidè absolvat, est sententia probabilior, tutior, ac magis communis. Ut valeant gesta ab eo, qui auctoritatem non habet, non sufficit communis error, sed requiritur, etiam titulus à legitimo Superiore collatus, licet titulus, sit reverà invalidus, ob vitium aliquod occultum, juxta dicenda *lib. 2. cap.*

cit. Et plenissimè scripti offic. cur. Ecclesiast. cap. 31. à nu. 12. ad 19.

CAPUT X.

*Prop. XIV. ab Alex. VII. &c.
Præceptum Confessionis.*

1 **P**ROP. 14. *Qui facit Confessionem voluntariè nullam, satisfacit præcepto Confessionis.*

2 Cum Confessio sacramentalis, integra, nimirum, accusatio peccatorum, facta coram Sacerdote jurisdictionem habente in ordine ad obtinendam absolutionem virtute clavium, sit in præcepto, videndum est, quotuplex id sit, & quando, & per quam Confessionem quis eidem satisfaciat, itaque.

3 *Quæritur, quotuplex sit Confessionis præceptum?*

Resp. Duplex Divinum, & Ecclesiasticum: utrumque ex Trid. *Sess. 14. Can. 6. 7. & 8. & cap. 5.* ubi: *neque enim per Lateranense Concilium Ecclesia statuit, ut Christiani fideles confiterentur, quod jure divino necessarium, & institutum esse intellexerat; sed, ut præceptum Confessionis, saltem semel in anno, ab omnibus, & singulis, cum ad annos discretionis pervenissent, impleretur.*

4 Divinum, est impositum omnibus, qui post baptismum lapsi sunt in peccatum mortale, Trid. *cit. eodem cap. Quos aliquando per se, & directè obligat, ex vi, scilicet, præcepti ipsius Confessionis, independentè à quocumque alio præcepto extrinseco; aliquando vero per accidens, ex vi alterius præcepti.*

5 *Quæritur, quando præceptum divinum Confessionis per se obliget existentem in mortali, post baptismum commissum?*

Resp. 1. In articulo, vel probabili mortis periculo juxta dicta *cap. 8. num. 18.* ratio est; quia, si quis tunc non confiteatur, exponit se periculo certo, vel probabili moriendi sine Confessione, & non adimplendi præceptum de Confessione Sacra-

men-

mentali, quod de se malum est; & de hac omissione in sequenti Confessione se accusare debet, quia directè peccat contra ipsius Confessionis præceptum. Layman. lib. 5. tr. 6. cap. 5. num. 5.

6 Hinc Medicis à Pio V. const. incipit *Super Gregem* 11. Martii 1566. innovante Cap. cum infirmitas de pœnit. & remiss. præcipitur, ut relinquunt curam infirmi, quando in tertia die non ostendat fidem scriptam Confessionis factæ, nisi longius tempus in firmo Confessor ob aliquam rationabilem causam, super quo ejus conscientia onerat, concesserit. Quare Medicus violans const. duplici peccato peccat, & contra præceptum, & contra juramentum, quod emittit de ea observanda. Campion. p. 1. cap. 10. nu. 8. tradit Laym. ibid. num. 5. præceptum esse intelligendum, si infirmitas sit gravis, juncta probabili cum mortis articulo.

2 Cum habetur copia Confessoris, quæ postea prævidetur rationabiliter non habenda, tempore opportuno, sic, ut si quis tunc non confiteatur, verisimiliter non poterit confiteri postea.

3 Ad minus semel in anno, etiam ex præcepto Ecclesiæ: sed, an pluries in anno teneantur, consule DD. interim tibi propono verba Ritualis: *quod in peccata faciliè recidentibus, utilissimum fuerit consulere, ut sæpius, puta semel in mense, vel in festis solemnibus confiteantur.*

7 Quæritur, quando præceptum divinum de Confessione obliget per accidens?

Resp. Quoties quis debet ponere in statu gratiæ ex alia quacumque obligatione, ut, cum quis V. G. est sacrificaturus, aut suscepturus Eucharistiam, &c.

8 Est difficultas, an administraturus Sacramentum pœnitentiæ, existens in mortali, teneatur Confessionem præmittere?

Resp. Negativè, nam sufficit, ut per contritionem perfectam se ponat in statu gratiæ: sed, cum quis habet copiam Confessoris convenit, ut confiteatur, ut loquitur Rituale de Sacram. administr. ideo

ante omnia Sacramenta commendat Confessionem, cum sit difficilis contritio perfecta. Campion. 2. p. cap. 34. n. 5.

9 Quæritur, an præceptum annuæ Confessionis per se obliget in Paschate, an solum per accidens, ratione nimirum Paschalis Communionis, quam semper Sacramentalis Confessio mortalium debet præcedere?

Resp. Affirmativè contra Mastrium disp. 12. Theol. moral. qu. 11. art. 2. nu. 40. Layman. num. 10. alioque, ut post Suarez, Azorium, & Sotum dixit Quilici qu. 16. art. un. num. 10. scribens ex universalī consuetudine Ecclesiæ, jam legitimè præscripta, per se teneri Fideles confiteri determinatè in quadagesima, & præsertim tempore Paschatis. Quæ sententia mihi est certa, ex praxi, tam Pastorum, qui tempore Paschali à Fidelibus suis Confessionem peccatorum exigere solent, quam Fidelium; qui certè, si interrogentur, responderent, se confiteri in Paschate, ut adimpleant Ecclesiæ præceptum. Propterea confitentur, etiam illi, qui, vel intra annum, etiam sunt confessi, vel ex defectu annorum, aut alia quavis causa, Eucharistiam non sumunt, credentes, tunc temporis ad hoc obligari; lege Trid. cap. 5. cit. in fine.

10 Et si quærat, quantum temporis tempus Paschale comprehendat?

Resp. Illud à Dominica Palmarum, usque ad Dominicam in Albis inclusive, juxta decretum S. Cong. S. sub die 8. Julii 1644. confirmatum ab Innoc. X. 7. Febr. 1645. lege Barb. ad alleg. c. 5. Trid. nu. 4.

11 Quæritur, an qui Paschali tempore, iusta, vel injusta causa, Sacramentalem Confessionem omisit, teneatur postea, cum primum poterit, confiteri?

Resp. Affirmativè, nam tempus Paschale non est appositum, ut expiret præceptum, sed ad obligationem statuendam, & ne diutius differatur Confessio: discurretur à simili de obstituto ad solvendum debitum in fine anni, à quo non liberatur, ut proximè solvat, si tunc

non solverit: & toties peccat, quoties, oblata occasione, omittit confiteri.

12 Quæritur, *an prævidens toto anno sequenti, vel tempore Paschali sibi futuram copiam Confessoris, teneatur anticipatè Confessionem peragere?*

Resp. Affirmativè cum Layman. *cit. à num. 9. Ilung. tract. 6. disp. 4. art. 6. §. 3. num. 138.* & id tutius dixit Gobat. *tract. 6. disp. 4. art. 6. §. 3. num. 138.* quemadmodum, qui die festo prævidet se non posse audire ultimum Sacrum, tenetur audire unum ex præcedentibus, quia utrumque tempus videtur respici à præcepto, quoad substantiam spectato; verum confessus ante tempus Paschale tenetur etiam tempore Paschali, si possit *vid. lib. 2. cap. 33.* & hic applica.

13 Quæritur, *an habens solum venialia adstringatur præcepto Ecclesiastico de confitendo semel in anno?*

Resp. Affirmativè cum D. Bonaventura, Alenſe, Riccardo, & Fagnano *in 5. ad cap. omnis de poenit. & remiss. num. 14.* quæ in praxi probabilior, & tutior sententia est, nam Ecclesia præcipit, ut omnes fideles singulis annis proprio Sacerdoti peccata sua confiteantur, sed, qui solum habet venialia, habet materiam Confessionis, sufficientem ad obtinendam absolutionem Sacramentalem à proprio Sacerdote, ergo tenetur præcepto Ecclesiæ obedire, cum possit; aliàs esset in potestate cujusque declinare præceptum Ecclesiæ, asserendo se non habere mortale, & ita aperiretur via figmentis; maxime, quia ad rectam administrationem Ecclesiæ spectat, ut nulla fiat exceptio, à qua propterea sine exceptione absolute excommunicantur omnes, quin non confitentur semel in anno. Dukamel. *tom. 3. Theol. lib. 4. disert. 3 c. 3. num. 5.*

14 Sed dubitatur, *an, qui in Paschate Confessus est venialia, & postea recordatur alicujus mortalis, teneatur iterum confiteri, ut obligationi satisfaciat?*

Resp. Affirmativè, quia per Confessionem venialium satisfecit solum præcepto

Ecclesiæ, ergo, ut satisfaciat, etiam divino, debet confiteri ea, quorum Confessio etiam à Christo est præcepta.

15 Quæritur, *quinam censeatur proprius Sacerdos, in cit. cap. omnis utriusque sexus.*

Resp. Qui habet jurisdictionem ordinariam, hoc est, cui ex suo officio incumbit cura animarum, & potest absque delegatione alterius audire Confessiones: consequenter Summus Pontifex, qui in tota Ecclesia est proprius Sacerdos omnium fidelium, Episcopus in sua Diocesi, & Parochus in sua Parochia.

16 Nota, eum, qui confitetur Regularibus (qui, supposita approbatione Episcopi, licentiam audiendi Confessiones Sæcularium habent à Papa, & ita à proprio, & Summo Sacerdote, ut in *Clement. dudum § statimus de sepulturis*) satisfacere præcepto Ecclesiæ, ex const. *Superna Clementis X. la 7. Bull. to. 5.* nec tenetur iterum confiteri Parochiali Presbytero: *tex. expref. cap. Vas electionis de heret. inter extravag. com.* in qua in oppositum reprobat error Joan. de Poliac; vide Fagnan. *ad cit. cap. omnis num. 57.*

17 Quæritur, *de quibus verificetur illud, postquam ad annos discretionis pervenerint?*

Resp. De omnibus, qui sunt doli capaces, & sciunt discernere inter bonum, & malum; quod, ut plurimum contingit circa septennium, nisi malitia suppleat ætatem *cap. de illis, si secundo de desponsat. impub.* in qua ætate plura patrantur peccata, furti, mendacii, perjurii, &c. *cap. Pueris de delict. puerorum.* Vid. *lib. 2. cap. 33.*

18 Quæritur, *quomodo Confessarius se gerere debeat cum meretrice, quæ tempore Paschali accedit ad Confessionem, ut satisfaciat præcepto Confessionis annuæ?*

Resp. Advertat, an sit in actuali peccato, & meretricio: & quatenus invenire non esse, interroget: à quanto tempore à peccato cessaverit? an domū peccati mutaverit, & alibi, extra occasionem peccandi

di habitet? meretricias vestes dimiserit? personas de sua vicinia, quibus scandalum præbuit, novæ conversationis ædificavit exemplo? si literas amatorias fregerit? imagines amasiorum alienaverit? an alicujus turpi stipendio vivat? si hoc ultimum neget, & super cæteris affirmet: videat, an se accuset de peccatis quoad numerum, speciem, & circumstantias, quantum possibile est.

Quod si petat à Confessario, ut interrogationibus pro exacta Confessione juvetur: præmissis communibus, interrogetur à quanto tempore fuerit in peccato? si peccaverit cum habentibus votum castitatis, uxoris, & consanguineis? si modo præpostero, in vase non naturali, ad generationem non ordinato? si occidit prolem, & procuravit abortum? si à Religiosis, & filiis familias aliquid accepit? si fuit causa inimicitiarum, homicidii, & discordiarum? si ad peccandum adhibuit veneficia, præsertim amatoria, superstitiones, &c. si alios, vel alias ad peccandum induxit: interrogetur de impuris cogitationibus, locutionibus, canticis, pollutionibus, &c. de commensationibus, & potationibus; de Sacramentis, Missis, jeuniis neglectis: de vano, & superfluo ornatu ad alligandum ad peccandum: si cum esset infecta morbo, alios infecit? de præcepto annuæ Confessionis, & Communionis, de excommunicationibus contractis, & similibus: & inspecto ejus dolore, contritione cordis, & proposito efficaci non peccandi de cætero, ac suppositis cæteris ad validam absolutionem necessariis, eam absolvat, & in pace dimittat.

20 Sed quid, si eam inveniat innodatam aliqua excommunicatione Episcopo reservata, vel cum casu ad Sacrum Tribunal spectante?

Resp. Eam dimittere debet ad Episcopum, aut Inquisitores respectivè.

21 Sed quid, si alleget tempus deesse, quia in proximo est terminus temporis Paschalis, in quo Parochus solet testimonium exacte Confessionis, & Communionis Cantela Confess.

munitionis exigere, & ideo infest pro absolutione?

Resp. Tunc ad Parochum est dirigenda, ut ipsi Sacramentaliter confiteatur, & videat necessitatem prorogandi tempus, suis ovibus fixum ad exhibendum testimonium præfatum; & interim eam instruat super modo reccurrendi ad Superiores.

21 Quæritur, an per Confessionem voluntariè nullam satisfiat præcepto Ecclesiæ?

Resp. Negativè, & propositio in terminis damnatur ab Alex. ratio est, quia, qui sic confitetur, non satisfacit, rei præceptæ; nam, tam Christus, quam Ecclesia præcipiunt Confessionem veram, sed, qui sua culpa invalidè confitetur, non verè confitetur; & peccat peccato omissionis non implendo præceptum, & peccato commissionis ob sacrilegium commissum per Confessionem invalidam.

22 Sed dubitatur, an incurrat censuras ab Ecclesiâ impositas?

Resp. Affirmativè, quia illis ligantur, qui non satisfaciunt præcepto Ecclesiæ, sed is non satisfacit.

23 Quæritur, an possit absolvi, qui præceptum Ecclesiæ non implevit?

Resp. Affirmativè, modo sit dispositus, & non fuerit declaratus, vel denunciatus excommunicatus, aut omissionis Confessionis, vel censura ei annexa non sit Episcopo reservata.

CAPUT XI.

*Prop. XV. ab Alex. VII. &c.
Pœnitentia Sacramentalis.*

1 PROP. 15. Pœnitens, propria auctoritate, substituere sibi alium potest, qui, loco ipsius, pœnitentiam adimpleat.

Hic, occasione propositionis ab Alex. proscriptæ, casus satisfactionem Sacramentalem tangentes ad praxim Confessarii resolvuntur.

E. 3 2 Quæ.

2 Quæritur, *an Pœnitentia, & Sacramentalis satisfactio differant?*

Resp. Affirmativè, nam pœnitentia in casu, est opus, vel pœna à Confessario confitentibus injuncta, ad satisfaciendum in toto, vel in parte, Deo, pro pœna temporali, peccatis remissis debita: quæ, sublata æterna, in hac, vel alia vita plerumque exolvenda remanet, ut Trid. *Sess. 14. cap. 8. & can. 15. de pœnit.* satisfactio autem est ejusdem pœnæ executio, seu actio afflictiva corporis, per quam Deo satisfacimus pro pœna temporali: & solet describi: *est compensatio pœna temporalis debita, ob iniuriam Deo per peccatum illatam, consistens in operibus pœnalibus, & sanctis à Confessario taxatis*; hoc ultimum additur, quia aliàs non diceretur Sacramentalis; cum nulla actio, vel passio laboriosa hominis pœnitentis possit dici Sacramentalis, & valens ex opere operato applicare nobis satisfactionem Christi, nisi à Confessario absolvente imponatur. Campion. *p. 1. c. 13. n. 6.* propter quod pœnitens non potest pœnitentiam ex se commutari, etiam in melius.

3 Quæritur, *an satisfactio Sacramentalis sit pars integralis, vel essentialis Sacramenti pœnitentie?*

Resp. Duplex est satisfactio, alia in re, alia in voto; satisfactio in voto, propositum, scilicet, satisfaciendi Deo offenso, & reparandi meliori modo, quo possit, jus divinum læsum per peccatum, est pars essentialis Sacramenti pœnitentie, quia sine eo non haberetur essentia Sacramenti; dum enim contritus, vel attritus integrè confitetur, habet, etiam propositum, salutem implicitum, satisfaciendi Deo pro pœna post absolutionem remanente; satisfactio verò in re exhibita, & actu à pœnitente exercita, seu à Confessario imposita, non est pars essentialis, necessaria essentialiter ad valorem Sacramenti, & ad remissionem peccatorum, quoad culpam, & pœnam æternam.

Non à pœnitente exercita, aliàs verba absolutionis ante executionem pœnitent-

tiz essent falsa, nec prius remitterentur peccata; neque actu à Confessario imposita, quia sæpè eam Confessarius non potest imponere; maximè eis, qui post peccatam absolutionem, vel factam peccatorum Confessionem, subito sensibus destituuntur, & tamen validè absolvuntur, ut est certum: *vid. l. 3. c. 3. ad prop. 16. & 17.*

4 Sed quæritur; *an ad minus sit pars integralis Sacramenti?*

Resp. Affirmativè, sic DD. communiter ex Trid. *cap. 3. sess. cit.* ratio est; quia, quamvis satisfactio actu exhibita non sit necessaria ad essentiam, & ad primarium Sacramenti effectum, infusionem, scilicet, gratiæ, & culpæ, ac pœnæ æternæ remissionem, adhuc tamen conducit ad illius secundarium effectum, ad remissionem, nimirum, pœnæ temporalis, in quam fuit æterna commutata: & in hoc sensu dicitur pars integralis Sacramenti, & ad penam, perfectamque peccatorum remissionem pertinere.

5 Quæritur, *quanam opera pro pœnitentia injungi possint?*

Resp. Omnia, quæ sint ad præteritorem peccatorum vindictam, & castigationem, Trid. *sess. cit. cap. 8.* præcipua sunt, *oratio, elemosyna, & jeiunium.* Ad quæ cætera opera satisfactoria reducuntur: Ad *orationem*, omnes actus Religionis interiores, & exteriore in Dei cultum, & honorem eliciti, ut visitatio Ecclesiæ recitatio Officii, &c. Ad *ieiunium*, omne opus afflictivum, & castigativum corporis, voluntariè susceptum, ut usus cilicii, disciplinæ, &c. Ad *elemosynam*, omnia misericordiz opera, erga proximum exhibita, ad necessitatem ejus corporalem, vel spiritualement sublevandam.

6 Quæritur, *an pœnitens teneatur sub mortali pœnitentiam rationabilem acceptare, faciendam in hoc mundo? & quatenus acceptare nolit, possit absolvi?*

Resp. DD. conveniunt pœnitentem teneri acceptare pœnitentiam præservativam, seu medicinalem, ut, si ei præcipiatur V. G. ne ingrediatur domum, in qua est

est occasio peccandi : quoties blasphemaverit, recitet Symbolum, &c. Sed dividuntur de pœnitentia, ut est satisfactoria pro pœna temporalis; negant communiter Scotistæ, sustinentes, *fat esse, ut velit eam in Purgatorio peragere.* Contra quos sunt DD. communiter, *praxis Ecclesie, & Trid. c. 8. sit.* ubi, præcipiens Sacerdotibus, ut pœnitentiam pœnitentibus imponant, non solum præservativam, sed etiam satisfactoriam: *babeant præ oculis, inquit, ut satisfactio, quam imponunt, non sit tantum ad novæ vitæ custodiam, & infirmitatis medicamentum, sed etiam ad præteritum peccatorum vindictam, & castigationem, ergo, si Confessarius est præceptor, ut imponant, pœnitentibus, ut acceptent, & impleant; aliis Confessarius frustra illam imponere teneretur.* Est Confessarius Judex, à Deo institutus cum potestate ligandi, & solvendi, ut ibid. Trid. ergo potest obligare pœnitentem, ut impleat pœnitentiam rationabilem, etiam, ut satisfactoriam, & quatenus nolit eam, vel implere, vel acceptare, mortaliter peccat, & absolvi non potest, quia non præsumitur dispositus, & contritus.

7 Sed quid, si pœnitentia sit levis, imposita pro venialibus, vel mortalibus, alias rite absolutis?

Resp. Est à pœnitente sub mortali a cceptanda, & implenda, De la Crux de Sacram. Pœnit. q. 4. dub. 3. conc. 2. ratio est, quia gravis injuria irrogatur Sacramento, ipsum sua parte integrali, perfectione, & complemento, sine iusta, & rationabili causa privare; propter quod dixit, etiam lethale esse, omittere aliquid parum satisfactionis, si illud, quod omittitur, sit totalis satisfactio. Propterea Quilici q. 10. art. 1. nu. 5. resolvit aliquam semper esse imponendam; quamvis præsumatur, quod vir sanctus satisfecerit plenè pro peccatis; aut, si in pœnitente Confessarius intensissimam contritionem videat.

8 Queritur, quando sit satisfactio persolvenda?

Resp. Quam primùm; & debet pœni-

tens interrogari, an impleverit pœnitentiam præcedentis Confessionis; nec est ipsius confessio ordinariè audienda, nisi prius satisfaciatur, quando differt sine rationabili causa; nam, tunc etiam peccat, & tenetur semper implere: vide Rituale cap. 7. num. 15.

9 Queritur, an possit Confessarius pœnitentiam sic imponere pœnitenti, ut per se, vel per alium illam impleat?

Resp. Negativè, nec cum excusarem à peccato; neque satisfactio ab alio pro pœnitente facta, foret Sacramentalis, quia non esset actus pœnitentis, nec pro eo satisfactoria, quia peccata exigunt, ut ipsemet peccator pœnam à Sacerdote taxatam sustineat.

10 Queritur, an pœnitentia ab uno Confessario imposita, possit ab alio commutari, & moderari?

Resp. Affirmativè, ex iusta tamen causa, & si id ad salutem spiritualem pœnitentis conducatur.

11 At dubitatur, an secundus Confessarius debeat de novo audire peccata, pro quibus pœnitentia fuit à primo imposita?

Resp. Affirmativè, sic DD. ratio est, quia impositio, vel pœnitentia commutatio est actus judicialis, ad integritatem sententia judicialis pertinens, ergo non potest fieri extra iudicium, & non cognita causa, obquam imponi debet; hæc enim est natura iudicii, & sententia, ut, incognita causa, & extra forum non feratur; quævis aliter imposita, non foret Sacramentalis. Tutius etiam est, ut ab ipso met Confessario, qui primò imposuit, non commutetur, nisi in Confessione, & de novo peccatis auditis, nisi ex incontinenti pœnitens recurrat, & notitiam peccatorum habeat.

12 Sed poterit ne secundus Confessarius, non habens iurisdictionem in reservata, commutare pœnitentiam, pro reservata à primo Confessario impositam?

Resp. Negativè, ratio est, quia, sicut Secundus prius non poterat de reservatis

judicare, & pœnitentiam imponere, quia jurisdictione carebat, sic, injuncta à Superiore pœnitentia, non videtur posse ejus sententiam moderari, vel mutare.

13 *Queritur, an persolvens pœnitentiam in mortali, satisfaciatur pro pœna temporalis?*

Resp. Affirmativè: nam certè jejuniū, in statu peccati mortalis factum à pœnitente, cui pro pœnitentia fuit injunctum, est recompensatio aliqua pro pœna temporalis: sive totali, si tanta sit pœna jejunii, quanta erat pœna temporalis solvenda: sive partiali, si non sit tanta; sed non tunc habet effectum remissionis pœnæ, sed potest, ablato obice peccati; quia cum penitens sit in peccato, & incapax remissionis pœnæ, nec Deus tunc acceptat satisfactionem, ut pro tunc satisfactoriam, sed relinquit pœnitentem debitorem, donec se reducat ad statum gratiæ.

14 *Queritur, ad quid teneatur, qui oblitus est pœnitentiam injunctam?*

Resp. Ad repetendam priorem Confessionem, dum Confessarius notitiam illius, saltem in confuso, non retineat, ratio est: quia nullus Judex potest ad penam ligare, & judicium ferre, nisi, cognita causa; ergo nec Confessarius novam pœnitentiam imponere, nisi penitens cum oblivione penitentia peccata prioris confessionis aperiat. Felix tom. 1. num. 3204.

CAPUT XII.

Prop. XVI. ab Alex. VII. &c.

Approbatio ab Ordinario.

1 *PROP. 16. Qui beneficium curatum habent, possunt sibi eligere in Confessarium simplicem Sacerdotem, non approbatum ab Ordinario.*

Esse in quovis Sacerdote ad validè, & licitè Confessiones audiendas, extra articulum mortis, necessariam Episcopi approbationem, diximus supra cap. 9. super quo Trid. sess. 23. cap. 15. de ref. satis aperitè, & generaliter loquitur, & ideo non

est opus hic id ipsum repetere, sed ibi dicta videnda sunt.

2 *Queritur, quidnam intelligatur per beneficium curatum?*

Resp. Beneficia curata duplicis sunt generis; alia dicuntur curata in sensu proprio, & stricto, & alia in magis lata, & impropria acceptione: secundi generis sunt ea, quibus annexa est jurisdictio spiritualis, quoad forum externum, & contentiosum; & ea habentes, possunt excommunicare, causas Ecclesiasticas tractare, ac cetera præstare, quæ ad correctionem morum spectant; cujus naturæ sunt Decanatus, Archidiaconatus, &c. primi verò, illa, quæ habent potestatem ligandi, & solvendi in foro penitentiali, & certum locum, cujus populo, per habentes hæc beneficia, debent administrari Sacramenta, & populus tenetur ea ab eis recipere: hujusmodi sunt Parochi, Plebani, & ceteri animarum Rectores, Piales, prax. Episc. par. 2. cap. 5. art. 5. n. 12. & 13. Fagnan. in 1. ad c. cum in cunctis n. 5. & seq. de elect. Decretum Alex. comprehendit tam habentes beneficia curata, seu curam animarum in sensu rigorofo, quam in improprio; nam absolute, & sine ulla restrictione loquitur; & ideo, nisi approbatus ab Episcopis, potest quis eorum validè confiteri.

3 *Queritur, an Episcopus extra suam Diocesim possit in Confessorem eligere Sacerdotem simplicem, non approbatum ab Episcopolo loco?*

Resp. Negativè, Fagnan. in 5. decret. ad cap. ne pro dilatione n. 13. & seq. de penit. & remis. & n. 62. refert S. C. Conc. declarasse privilegium eligendi Confessorem, quod competit Episcopis in vim illius decretalis, non esse sublatum à Concilio, sed nihilominus, eo non obstante, non posse sibi in Confessorem eligere Sacerdotem sibi non subditum, nisi, aut Parochiale beneficium habeat, aut à suo Ordinario approbatus fuerit ad Confessiones audiendas, ad præscriptum dicti cap. 15. sess. 23. & idem tradit, audita relatione Cœgregationis, fuisse declaratum à Greg. XIII. hæc ille.

Quod

Quod extendit, etiam ad Em. Cardinales; & supra n. 53. dixit, habentem privilegium eligendi Confessorem, teneri eum eligere, qui ab Ordinario loci habet executionem, qualis est Curatus, seu ab eodem Ordinario approbatus; quicumque enim alius in prædicto c. 15. Concilii inhabilitatur, & in contrarium privilegia, ac consuetudines, etiam immemorabiles, revocantur.

Et si quærat, *quid eis pro sit privilegium alleg. cap. ne pro dilatione, eis datum de eligendo Confessario, si non possint eligere, nisi approbatum ab Ordinario loci?*

Resp. Idem Fagnan. n. 25. ait, multum prodesse, & legem operari, quod Episcopus Sacerdotem, sic electum, poterit secum ducere, & sic confiteri ubique locorum, etiam extra Diocesim Episcopi approbantis; quod, circumscripto privilegio, non liceret. Plura addit videnda, quæ referre ad nostram praxim non conducunt.

CAPUT XIII.

Prop. XVII. XVIII. & XIX.

ab Alex. VII. &c.

Occisio ad defensionem vitæ, & honoris.

I PROP. 17. Est licitum Religioso, vel Clerico, calumniatorem gravia crimina de se, vel de sua Religione spargere minantem, occidere, quando alius modus defendendi non suppetit, uti suppetere non videtur, si calumniator sit paratus, vel ipsi Religioso, vel ejus Religioni publicè, & coram gravissimis viris prædicta impingere, nisi occidatur.

PROP. 18. Licet interficere falsum accusatorem, falsos testes, ac etiam Judicem, à quo iniqua cuncto imminet sententia, si alia via non potest innocens damnum evitare.

PROP. 19. Non peccat maritus occidens propria auctoritate uxorem in adulterio deprehensam.

Occasione quarum propositionum sequentes casus, & plura homicidio com-

munia, in quinto præcepto decalogi, *non occides*, prohibita, pro praxi resolvuntur.

2 Quæritur; *quid prohibeatur in quinto præcepto non occides?*

Resp. Omnis injusta sui, & proximi occisio, mutilatio, & alia quævis violenta sanguinis effusio, & injuriosa læsio in salute corporali: vindictæque appetitus, ac animus nocendi in bonis corporis.

3 Quæritur, *quotuplex sit homicidium?*

Resp. Duplex, voluntarium, & casuale; voluntarium item duplex: unum directè in se volitum, & plene voluntarium, quod est actio violenta ex proposito assumpta ad se, vel alterum vitæ privandum; alterum voluntarium, indirectè, & volitum in causa, ut, cum quis aliquid operatur, ex quo faciliè poterat, & debebat prævidere homicidium secuturum, quamquam homicidium directè non intendit; ut, si quis, sclopetum explodat in loco, in quo frequenter homines transeunt; vel fœminam prægnantem percutiat, ex quo deinde mors fœtus animati sequitur.

Homicidium verò casuale est, quod nec directè, nec indirectè est volitum, aut, quod nec dolo, nec culpa commissum est, sed mero casu accidit.

4 Quæritur, *an quis licitè possit se ipsum occidere, vel mutilare?*

Resp. Negativè; nã vel, qui vult se occidere est innocens, vel nocens: si innocens, nullo casu ex proposito sibi licet, prohibente Deo Exodi 23. *Infontem, ac justum non interficies*: si verò nocens, per sententiam Judicis debet ad mortem damnari: nullus enim est suæ vitæ, & membrorum Dominus, sed solus Deus, qui vitæ, & mortis habet potestatem, *Sapient. 16.*

5 Sed quæritur, *an infirmus teneatur sumere medicinam à medico paratam?*

Resp. Affirmativè, si iudicio medici salus speretur, & aliàs mors sequeretur; quemadmodum cum est sanus ad cibum sumendum obstringitur: verum non teneatur ad querendos cibos meliores, & medicinas pretiosiores, cū non teneatur ad con-

conservandam sibi vitam omni modo possibili. De la Cruz.

6 Queritur, *an liceat desiderare sibi mortem?*

Resp. Affirmativè ob bonum finem, desiderio, scilicet, effendi cum Christo, sicut Paulus; & ad vitandam Dei offensam; sed non ad fugiendas hujus vitæ e-rumnas, quia majus malum mortis assumcretur ad vitandum minus ærumna-rum contra regulam rationis.

7 Queritur, *an peccet, qui se castrat, vel id fieri à parentibus permittit ad pro-curandam, vel conservandam vocis sua-vitatem?*

Resp. Affirmativè, & quidem mortaliter, quia non est Dominus suorum mem-brorum, & periculo mortis exponitur, cum Poncio *disp. 42. q. 4. nu. 19.* licet Qui-lici *q. 15. art. 5. nu. 3.* eos cum Tambur. ex-cuset, ob decorem Ecclesiarum, & Chi-rurgorum peritiam, qui tunc id faciunt sine periculo mortis.

8 Sed quid, *si quis se castrat, & castrationem procurat ad facilius carnis tentationes vincendas, & servandam castitatem?*

Resp. Item mortaliter peccat, cum id medium necessarium non sit ad tentatio-nis superandas, & castitatem servandam, quia utrumque præstari potest, jejuniis, aliisque piis operibus; ac oratione à Deo postulari, ut uberiora divinæ gratiæ au-xilia ad id exequendum conferat: nam non ferro, sed Religione quærenda est castitas, per Glof. ad *cap. significavit de corp. vitiat in verb. obsequium.*

9 Queritur, *an licitè quis possit ad defensionem propriæ vitæ iniustum ag-gressorem occidere?*

Resp. Affirmativè, sic communiter DD. ratio est, quia id nec lege divina, aut humana prohibetur; quinimmo jura, & leges permittunt, vim vi repellere licitum esse, Cap. *si verò il primo de sent. ex-com.* aliàs multum perturbaretur Respu-blica, & nemo posset esse à facinorosis ho-minibus tutus, qui facile aggredierentur

quoscumque, sinon timerent interfici, aut putarent aggressos non se oppositu-ros, propter metum peccandi.

10 Sed queritur, *super quo sic se de-fendens debeat à Confessorio interrogari, ut videat, an licitè, & sine peccato occi-derit?*

Resp. An ex incontinenti in sui defen-sionem processerit cum moderamine in-culpata tutelæ. Moderamen in hoc con-sistit, quod major vis non adhibeatur, quàm sit necessaria, aut nulla, si alio mo-do se defendere, quis possit; propterea potens se defendere minis, aut verbis, non verberet: si verberibus, non mutilet: si mutilatione non occidat: & si fuga, fu-gere tenetur: & si illum excessisse repe-riat, mortaliter peccasse concludas. Sic occidens per se solum intendere debet se defendere, quod jure naturæ omnibus conceditur, quod si deindè mors aggres-soris sequatur, est per accidens.

11 Sed quid, *si invasus esset vir nobi-lis, & fuga posset impetum aggressoris declinare, an teneatur fugere?*

Resp. Plures negant, cum ad fugam te-neri, ex quo hujus conditionis viris sit fu-ga ignominiosa; verùm, nec Nobiles à peccato excusantur, quia in his, quæ con-cernunt salutem animæ, Nobiles à plebeis non differunt; & nullus prudens id virum nobilem dedecere judicabit.

12 Sed potest ne aggressor preveniri, quando quis aliud refugium ad suam vi-tam salvandam non habet, & actualis aggressio videtur moraliter præsens?

Resp. Casus est metaphysicus; inverifi-cile enim est, quod in praxi alia spes re-fugii non adsit; qui est tantæ potentiæ, ut preveniendo possit mortem asferre, cur non poterit, etiam sibi cavere, recurrendo vel ad justitiæ Ministros, aut Amico-rum officia? qualis inter homines abusuforet, si hæc concederetur licentia?

13 Sed quid, *si invadens esset in sta-tu peccati, & si interficeretur, perderet vitam æternam?*

Resp. Si ob malum statum invasoris, li-citè

citè quis non posset injustum aggressorem, se cum moderamine defendendo, occidere, numquam id liceret, nam semper ob ipsam injustam invasionem est in malo statu; & ideo damnum illud non aggresso est imputandum, qui solum se defendit, sed invasori, cui ipse ideam suam malitia, & sine necessitate se exponit, & posset illud vitare non aggrediendo, vel desistendo.

14 *Queritur, an liceat innocentem occidere?*

Resp. Negativè, loquendo directè, per se, & ex intentione eum occidendi; nam est intrinsecè malum, divina, & naturali lege prohibitum: indirectè verò, & per accidens, quandoque licet, ut in bello iusto, quatenus victoria, quæ per se intenditur, aliter haberi non potest, quam per subversionem Civitatis, aut submersionem navis, in qua nocentes cum innocentibus percutunt.

15 *Queritur, an liceat occidere bannitum, cuius occidendi facultas cuilibet à Principe publicè concessa est, taxata, etiam occidendi quadam pecunia summa, vulgò taglia?*

Resp. Affirmant DD. communiter; ratio est, quia, cum Princeps ob bonum commune Reipublicæ habeat facultatem damnandi ad mortem malefactores, potest aliis demandare, ut sententiam exequantur, eosque occidant; verum debent plura concurrere, ut id sine peccato fiat: I. Ut occisio fiat ex zelo iustitiæ, non ex privata vindicta: II. Ne fiat pendente appellatione, eo nimirum tempore, quo reus, appellacionem à tali sententia banni interpositam, coram Superiore prosequitur: III. Ne extra territorium proscribentis: IV. Ut bannitus non sit parens, filius, frater, conjux, quos occidere natura abhorret: V. Ut non fiat amore pecunie, & mercedis taxatæ. Sed adhuc cum ipsis restrictionibus sententia non videtur in conscientia practicabilis, loquendo de interfecione proditoria, & per insidias, ob periculum damnationis eorum, qui

sic insidiosè necarentur, nam, id Christianæ pietati repugnat. *Boyvin de actib. human. cap. 5. q. 2. de 5. precept. Decalogi, disc. 2.* Engel. *colleg. sur. can. lib. 5. tit. 18. §. 1. num. 6.*

16 *Queritur, an liceat marito in conscientia uxorem in adulterio deprehensam, vel adulterum occidere?*

Resp. Negativè, & oppositum ab Alex. supra damnatur, ac prohibetur Cap. *Inter hac* 32. q. 2. ratio est, quia non potest interfici malefactor, nisi juris ordine servato, nec exponi periculo damnationis æternæ; sequeretur autem utrumque, si interficeretur adultera, vel adulter deprehensus in delicto.

17 *Dices leges Civiles similes occisiones permittunt?*

Resp. Dicas, vel eas esse ab jure canonico correctas, vel, quod in foro externo impunitatem permittunt, propter excessum doloris, & iræ; sed hinc non sequitur esse licitum, quantum ad legem canonicam, & conscientiam.

18 *Sed queritur, poterintne adulter licitè contra virum aggredientem se defendere, & cum aliter non possit, eum occidere?*

Resp. Affirmativè, Rotarius *Theolog. moral. p. 2. cap. 5. sect. 1. num. 11.* ratio est, quia, ex quo adulter det operam rei illicitæ, ob quam invaditur, non confertur marito jus eum occidendi, nec ipse privatur jure se defendendi contra injustum aggressorem, eumque cum moderamine enuntiato occidendi: nam in ordine ad eam occisionem, consideratur innocens; ex adulterio solum jus acquirit Princeps, ut eum punire valeat, & propterea cuilibet alteri est prohibitum ipsum, privata auctoritate, occidere.

19 *Queritur, an ad honoris defensionem possint licitè calumniatores occidi?*

Resp. Negativè, nam Alex. id prohibet; ratio est, quia, si injuria facta consistit in hoc, quod quis vocetur hæreticus, ebrius, fur, spurius, &c. occisio calumniatoris non est medium sufficiens ad illam re-

refarciendam : nam, vel calumniatori non creditur, & sic integer est honor : vel creditur, & sic, licet occidatur, honor non acquiritur, quia id evenisse prudentes judicabunt non ex iustitia causæ, & innocentia offensi, sed quia fortior, & ad pugnandum aptior.

20 Quæritur, *an liceat occidere falsum testem, & Judicem, à quo sententia iniqua expectatur, cum alia via non possit quis setuari?*

Resp. Negativè, pro ut in decreto Alex. ratio est; nam, vel, qui damnum timet ex falsa testis depositione, & injusta sententia Judicis, potest suam innocentiam ostendere, vel non: si potest non deerunt alia media se ab eis liberandi; & sic occisio non reputatur unicuique medium ad impediendam damnificationem, adeoque, neque facta cum moderamine inculpatæ tutelæ: si non potest, supplicium non evadet, nam occisio est causa, ut quis majori sit dignus, cum se exponat periculo mortis, quæ occidentibus statuitur.

Nec valet, quod occultè occiderentur, quia propter hoc ipsum non licet, ne aperiatur via occultis cædibus, ex quibus adeo perturbatur Respublica, & innocentes damnificantur, qui sæpè aliorum scelorum pœnas luunt. De procuratore abortus dicendum *lib.2. capit.20. & ibid. capit.19. de occisione ad defensionem rerum.*

C A P U T XIV.

*Prop. XX. & XXI. ab Alex.VII.&c.
Restitutio fructuum beneficii.*

1 **P**ROP.20. *restitutio à Pio V. imposita Beneficiatis non recitantes debetur in conscientia ante sententiam Judicis, eo quod sit pœna.*

PROP.21. *Habens Capellaniam Collativam, aut quodvis aliud Beneficium Ecclesiasticum, si studio literarum vacet, satisfacit suæ obligatio-*

ni, si officium per alium recitet:

Agitur hic non de quavis restitutione fructuum, sed de proveniente ex omissione Officii divini in Beneficiatis.

2 Quæritur, *quid veniat appellatione beneficii Ecclesiastici, & Capellanie collativæ?*

Resp. Per beneficium Ecclesiasticum intelligitur jus perpetuum ad percipiendos redditus Ecclesiasticos, ratione spiritualis Officii, Ecclesiastica autoritate institutum, & Personæ Ecclesiasticæ ab Ecclesia collatum; per Capellaniam verò Collativam, beneficium, quod autoritate Episcopi erigitur, & confertur, habens annexum onus Officii Divini, nec potest conferri, nisi Clericis, & à Persona Ecclesiastica.

3 Quæritur, *ad quid teneantur Beneficiati, si legitime non impediti non recitent Divinum Officium?*

Resp. Si post sex menses ab obtento beneficio, Officium divinum non dixerint, ad restitutionem fructuum, pro rata omissionis Officii, & temporis, (tamquam injustè perceptos, cum eos suos non faciant) Fabricæ ipsorum beneficiorum, vel pauperibus faciendam, ut expressè *Leo X. in Conc. Lateranen. const. incip. Supernæ dispositionis;* quam innovavit, approbavit, & auxit *B. Pius V. const. incip. Ex proximo.*

4 Sed quæritur, *quantum sit restituendum?*

Resp. Quantum idem Pius alleg. const. disposuit, ubi: *statuimus, ut: quibor as omnes canonicas, vel pluribus diebus intermiserit, omnes beneficii, seu beneficiorum suorum fructus, qui illi, vel illis diebus responderent, si quotidie dividerentur; qui verò matutinum tantum, dimidiam; quicateras omnes horas, aliam dimidiam, qui harum singulas, sextam partem fructuum ejusdem diei amittat.* Si partem notabilem omittat, juxta ratam, & toties ad restitutionem sub mortali tenetur, quoties pars fructuum correspondens omissioni

fioni

sioni tanta sit, quæ in materia furti culpa mortalis foret, aliàs sub veniali, Bonaccina de *Hor. Canonic. disp. 1. quæst. 5. punct. 2. num. 13.*

Idem dicitur de eo, qui eodem die in singulis horis paucos versiculos omisit, qui simul sumpti gravem materiam constituunt; ratio est, quia datum ob causam, retineri non potest, causa non expleta, sed fructus dantur propter Officium, & jus in eos non acquiritur, nisi recitatione supposita, ergo retineri non possunt, Officio non persoluto; sed Officium non dicitur persolutum, quoad versiculos omisos, ergo fructus istis respondentibus retineri non possunt.

Nec obstat dicere, pium taxare solum restitutionem pro totius Officii, vel singularum horarum omissione; nam, non ideo excludit, vel à restitutione liberat omittentem nonnullos singularum horarum versiculos, qui simul sumpti materiam notabilem constituent. Ex taxatione quantitatis à Pio facta pro singulis horis, potest prudens Confessarius colligere, quantum restituendum sit pro omissione partis notabilis ipsarum.

5 Quæritur, *an beneficiatus sine omni interna attentione voluntariè recitans Officium, teneatur ad restitutionem?*

Resp. Affirmativè. Ratio est, quia recitare hoc modo idem est, ac non recitare; nam idem est aliquid non facere, & non facere rectè; & quemadmodum præcepto non satisfacit, & ad repetitionem tenetur sic, nec fructus potest retinere. Bonaccin. *cit. num. 17. Sum. Leandri ver. beneficiat. num. 69.* Qualis autem attentio, vel intentio requiratur ad horas canonicas, *vid. c. 25. num. 9.*

6 Quæritur, *an habens plura beneficia teneatur fructus omnium beneficiorum prorata Officii, culpabiliter omisso, restituere?*

Resp. Affirmativè, quia sic constat ex Bulla Pii V.

7 Sed quæritur, *an tot officia in die*

recitare teneatur, quot sunt beneficia?

Resp. Negativè, sed satisfacit una recitatione. Ratio est, quia Ecclesia multiplicat titulos, non satisfactions; sicut, concurrentibus eodem die pluribus festis, fideles satisfaciunt auditione unius missæ. Gavant. *tom. 2. f. 1. cap. 4. num. 9.* & Felix *t. 1. num. 493.* Sed tenetur ad tot commemorationes Sanctorum. Titularium Ecclesiarum, in quibus beneficia sunt fundata; in quarum omissione peccat mortaliter, si omissio notabilem quantitatem constituat; & restituere debet fructus respondentibus singulis commemorationibus omisissis; nam lædit Justitiam commutativam. Una tamen, & solita sufficeret, si omnia essent sub titulo B. M. V. Campion.

8 Sed quid, *si ea beneficia justè, & legitime non possideat?*

Resp. Ad tot Officia tenetur, quot sunt beneficia sic possessa; ratio est, quia, licet directè ex præcepto Ecclesiæ ad nullum officium obligetur, cum nullum censeatur beneficium habere, nihilominus ex jure naturæ est obstrictus, ne Deus contra voluntatem Ecclesiæ debito cultu, & obsequio privetur; cui certè ab iis exhiberetur, quibus ea beneficia à Papa conferrentur. Sed fructus suos non facit, quia nullum jus ad eos habet.

9 Quæritur, *quot peccata specie distincta Beneficiatus committat, si divinum Officium omittat?*

Resp. Duo, si ad divinum Officium persolvendum teneatur, etiam ratione Ordinis Sacri: unum contra obligationem Sacris Ordinibus annexam, & alterum contra obligationem ex beneficio consequentem; nec solum virtus Religionis violatur, vi cujus suscipiens Ordines Sacros ad horas canonicas tenetur, verum etiam justitia, ratione beneficii; nam Ecclesia hac lege, inito pacto, & contractu celebrato, *ad, ut facias*, confert beneficium, ut scilicet Beneficiatus horas persolvat sub pœna non faciendi fructus suos.

10 *Quæritur, an intra sex primos menses omittens Officium teneatur ad restitutionem?*

Resp. Affirmativè, cum Soto, Medina Layman, & Menochio apud Quaranta *Sum.ver.Horæ canonica vers.additio*, ratio est, quia obligatio restituendi propter neglectum Officium canonicum, secundum substantiam descendit ex jure naturali, ut per hæc significat Constitutio Leonis, cum propter Officium detur beneficium, adeoque quasi sub conditione præstandi Officii; & ideo fructus dantur loco mercedis, & tamquam stipendium operæ, & laboris; quos proinde Beneficiatus retinere non potest, si non faciat id, pro quo stipendium accipit. Nec obstat Pium loqui, *post primos sex menses, &c.* quia non loquitur exclusivè ad Priores. Vid.Engel. *ius Canon.* l.3. tit.5 §.3. num.26.

11 *Quæritur, an etiam Pensionarii teneantur Officium recitare, & si non recitent, ad restitutionem fructuum?*

Resp. Affirmativè, sic Pius; quicumque pensionem, fructus, & alias res Ecclesiasticas, ut Clericus, percipit, cum, modo prædicto, ad dicendum Officium parvum B. M.V. decernimus obligatum, & pensionum, fructuum, reramque ipsarum amissioni obnoxium. Nota, ut Clericum eum habere pensionem, qui, ut illam habeat, debet esse initiatus prima tonsura.

12 *Quæritur, an etiam Parochi non recitantes Officium, teneantur ad restitutionem fructuum?*

Resp. Affirmativè, ut expressè Leo, & Pius, sine distinctione loquentes, & extendentes dispositivam const. ad quoscumque habentes beneficia Ecclesiastica cum Cura, vel sine Cura. Quamvis Parochis ob onera Parochialia debita sit aliqua portio fructuum, quæ propter omissum Officium restituenda non est. In computatione considera qualitatem, & quantitatem onerum, quæ subeunt eo die, in quo relinquunt Officium: si uno

die totum Officium omittant, & nil oneris pro Parochianis in eo subeant, tenentur restituere omnes fructus illi diei correspondentes.

13 *Quæritur, an Beneficiatus teneatur ad divinum Officium, si beneficium sit ita tenue, ut non sufficiat ad vitæ sustentationem?*

Resp. Affirmativè, quia Pius V. utitur verbis universalibus, & *qualicumque alia beneficia*, quæ comprehendunt, etiam minima. Fagnan. num.4. Bonacc. disp.1. qu.2. punct.4. num.17. ratio est, quia Beneficiatus spontè sua acceptans beneficium, acceptat etiam onus illi adnexum; sicut vir contentus modica dote, tenetur uxorem alere, & sibi imputare debet, si tale incommodum subeat; sic etiam tenetur, licet obgrandines, & aeris inclementiam insuficientes fructus percipiantur, quia beneficia similibus periculis subiecta censentur, & cum talibus conferuntur.

14 *Sed quid dicendum, cum redditus beneficii sufficientes erant, sed vel eos propter litem non percipit, aut hostes beneficii bona occupant?*

Resp. Dum moraliter certus sit, se postea beneficii fructus percepturum, v.g. quia de litè excitata super beneficio à se possessio, victoriam sperat, & proinde habere redditus interea sequestratos, tenetur recitare; si verò Beneficiatus absque sua culpa nullos omnino fructus percipiat, neque postea percepturus sit, interim Officium legere non tenetur; ratio est, quia beneficium non possidet secundum omnem effectum, quandoquidem beneficium sit jus percipiendi fructus; & patet, ex quo Leo, & Pius obligent ad restitutionem fructuum beneficii, sed in casu nulli sunt. Layman.

15 *Quæritur, an Beneficiatus negligens Officium teneatur fructus restituere ante sententiam iudicis?*

Resp. Affirmativè, prout Alex. in decreto: ratio est, quia Officii recitatio ex Leone, & Pio requiritur, ut per se conditio

ditio ad obtinendum jus in fructus, ergo, qui illud non recitat, jus in eos non obtinet, nec suos facit; consequenter in conscientia, quacumque etiam Judicis sententia præcisa, eos retinere non potest. Reinensstuel jus. *Canon. lib. 1. tit. 2. de const. §. 10. num. 235.*

16 *Quæritur, an Beneficiatus per alium recitans Officium, satisfaciatur sue obligationi?*

Resp. Negativè, & oppositum damnatur ab Alex. obligatio enim Beneficiati est personalis, neque potest per alium eidem satisfieri, prout colligitur ex Trid. *Ses. 24. cap. 12. de res. ubi: omnes verò divina per se, & non per substitutos compellantur obire officia.* Vid. infra *cap. 25. & lib. 2. cap. 32.*

17 At petitur. Beneficiatus data opera omittit officium paratus ad ratam omissionis fructus restituere, quæritur an peccet mortaliter?

Resp. Affirmativè. Primum enim, quod est in beneficiatis, est esse mancipatos divinis Officiis, & habere onus colendi Deum recitatione Breviarii; sustentatio autem, quæ datur est de secundario; nam stipendium datur propter ministerium. Unde omittens officium peccat mortaliter, quia non implet onus susceptum colendi Deum. Quod patet ex eo, quod restitutio fructuum sit etiam pæna; Atque ita supponit culpam, quæ nascitur ex non impleta obligatione colendi Deum. Quod si non restituat, alterius culpæ reus est, quia retinet rem non suam.

CAPUT XV.

Prop. XXII. ab Alex. VII. &c.

Beneficia Ecclesiastica gratis conferenda.

I PROP. 22. *Non est contra Justitiam, beneficia Ecclesiastica non conferre gratis, quia collator conferens illa beneficia Ecclesiastica, pecunia interveniente, non exigit illam pro colla-*

tione beneficii, sed veluti pro emolumento temporalis, quod sibi conferre non tenebatur.

Lib. 2. cap. 27. videbimus, quibus beneficia Ecclesiastica sint conferenda, & cap. 26. Simoniam committi, dum aliquid pro assequendo beneficio Ecclesiastico confertur, vel recipitur; hic idè est Confessarius breviter instruendus, Auctores propositionis docuisse, Collatorem, seu Distributorem beneficii aliquid sine injustitia posse ab eo, cui per ipsum confertur, exigere, & accipere, quorum doctrina in allegata propositione ab Alex. damnatur: propterea.

2 *Quæritur, quare Collator beneficii nil exigere, accipereve justè possit ab eo, cui beneficium confert?*

Resp. Quia vel iste, cui confertur, habet jus proprium ad accipiendum beneficium sic, ut ei absque injuria non possit non conferri, vel tale jus non habet, adeò ut Collator absque ipsius injuria potuisset alii beneficium dare; in primo casu, jam Collator tenetur ipsi determinatè beneficium conferre sine omni alio pretio, aut compensatione: in secundo verò, quamquam ad beneficium jus non habeat, habet tamen jus fundatum, tum in legibus positivis Ecclesiæ, tum in æquitate naturali, ut, supposito, quod ipsi detur beneficium, id conferatur gratis, ergo Collator beneficii nulum jus habet exigendi aliquid; & quatenus exigit, contra justitiam peccat, à Confessario non absolvendus, nisi restituerit, aut ad minus (supposita de præfenti impotentia) id sincerè promiserit; Illung. *tr. 4. disp. 2. qu. 1. art. 3. §. 2. n. 18.*

3 *Sed quæritur, quinam censeantur habere jus proprium ad beneficium?*

Resp. Omnes, qui per examen magis idonei reperiuntur, juxta Trid. *Ses. 24. cap. 18. de res. & constit. B. Pii V. incip. in Conferendis*, apud *Quaranta sum. verb. Beneficiorum Parochial. collat.* nam, non est dubium, quemlibet per examen magis idoneum repertum, jus propriè dictum

subiit, & in pacto per admissionem ad examen inito, saltem implicitè, ut, si ipse fuerit magis dignus ad beneficium reputatus, id sibi conferretur; ac etiam in lege Pii irritantis collationem beneficii, minùs digno factam, & concedentis magis digno jus appellandi ad Superiorem iniusti Collatoris.

CAPUT XVI

Prop. XXIII. ab Alex. VII. &c.

Præceptum Jejunii Ecclesiastici.

1 **P**ROP. 23. *Frangens jejunium Ecclesia, ad quod tenetur, non peccat mortaliter, nisi ex contemptu, vel inobedientia hoc faciat, puta, quia non vult se subiacere præcepto.*

2 Jejunium duplex, *natura, & Ecclesia, seu naturale, & Ecclesiasticum: naturale est abstinentia a qualibet re sumpta per modum cibi, aut potus, quibus à media nocte ieiunus debet esse Eucharistiam suscipiens.*

Ecclesiasticum vero, *est unica commestio, seu abstinentia à duplici refectione, & à cibis vetitis secundum formam ab Ecclesia præscriptam.*

3 Quæritur, *quot concurrant ad substantiam jejunii Ecclesiastici?*

Resp. Tria, 1. unica commestio, seu abstinentia à secunda refectione; (quamvis ex indulgentia Ecclesiæ, & consuetudine legitima, in praxi sit ferotina collatiuncula) 2. abstinentia à carnibus, & cæteris, quæ sementinam originem à carnibus trahunt, ut casco, lacte, ovis, cap. denique dist. 4. 3. abstinentia usque ad horam starutam, quæ hodie ex consuetudine legitime præscripta est circa meridiem; sed non desunt negantes hoc tertium ad substantiam jejunii pertinere, sed veluti accidentarium, & secundarium considerant, & quidem probabiliter.

4 Quæritur, *an mortaliter peccet, qui sine causa refectionem in die ieiunii notabiliter ante meridiem, tribus nimium horis, anticipat?*

Resp. Negative, cum Layman, *lib. 4 tract. 8. cap. 1. num. 11.* & aliis; ratio est, quia per anticipationem prandii non violatur substantia, sed circumstantia præcepti, nam determinatio temporis, ante quod refectio sumi non debet, est tantum circumstantia accidentalis: cum violatione cujus, substantia jejunii, unica nimirum commestio, consistere potest; & propterea, si sine causa anticipetur, veniale erit; si autem rationabili causa fiat, nullum peccatum est; verum poterit esse mortale ratione scandalii, vel contemptus. Quilici *qu. 16. art. un. num. 2.* sicut id ducere in consuetudinem, contra usum, & praxim Ecclesiæ periculosum existimarem, à mortali non excusandum.

5 Quæritur, *an licitum sit, collatiunculam circa meridiem capere, cœnam noctem, seu ad vesperam dilata?*

Resp. Si id rationabili causa fiat, ut causaltudii, negotii, &c. licet; & nullum erit peccatum, quia non violatur substantia præcepti, sed solum accidentalis circumstantia mutatur, variando tempus: sine causa erit veniale. Layman *num. 10.* & Quilici: quia operatur contra consuetudinem iuste introductam. Retinendus est uniformis usus Ecclesiæ, & cuilibet non debet esse liberum eam sumere, sive in meridie, sive ad vesperam differre; hinc sæpius sine iusta causa fixum ordinem non invertas, ne graviter pecces.

6 Quæritur, *an in die jejunii dispensatus ad edendas carnes teneatur ieiunare, hoc est, ad unicam commestionem in die?*

Resp. Vel, si licentia comedendi carnes conceditur ob debilitatem naturæ, & quia frequentiori refectione, quam unica, indiget, ad reficiendas vires, ut in convalescentia: vel, quia sibi alii cibi nocent, cum aliquin sit fortis viribus, & sanus; in primo casu eum à jejunio DD. excusant, non verò in secundo; ratio est: quia jejunium duo præcepta distincta includit, alterum de abstinentia à mul-

multiplici refectione, & alterum de abſtinentia à carnibus, & cibis vetitis, quæ ſunt ſeparabilia, ut patet: in diebus Dominicis Quadrageſimæ, ceſſante præcepto jejunii, durat illud abſtinentiæ à carnibus; in diebus Veneris, & Sabbati per annum præcipitur abſtinentia à carnibus, non præcepto jejunio: & exiſtentes intra 21. ætatis annum excuſantur ab obligatione jejunii, qui peccant comedendo carnes; & ideo non ſequitur, quod diſpenſatus ab abſtinentia à carnibus, ſit diſpenſatus in jejunio; nec debet fieri extenſio unius ad aliud, cum ex cauſa ſuper uno diſpenſatur, niſi talis ſit cauſa, ut utrumque comprehendat.

7 Sed, non ne per DD. abſtinentia à carnibus eſt de eſſentia jejunii?

Reſp. Sanè; ſed de eſſentia ipſius adequatè ſumpti, non verò inadæquatè accepti. Servare non poteſ ſecundùm utrumque præceptum, debes ad minus implere ſecundùm alterum, dum moraliter poteſ.

8 At dubitatur, an violans jejunium comedendo carnes, & multipliciter ſe reficiens in die, duo peccata ſpecie diſtincta committat: alterum, violando abſtinentiam à carnibus, & alterum, multiplicando refectiones?

Reſp. Affirmativè, ratio eſt, quia in morali, & Theologica æſtimatione diſſimilis malitia videtur in violatione jejunii facta qualitate cibi interdicti, ab ea, facta quantitate refectionum: licet enim utrumque præceptum pertineat ad virtutem abſtinentiæ, tamen ipſa ſub diverſo motivo, ſeu honeſtate morali reſpicitur; nam certè peculiaris honeſtas eſt in abſtinentia à carnibus, ac in abſtinentia à frequentiori commeſtione.

9 Queritur, an toties mortaliter delinquat, quoties quis ſine legitima cauſa, die interdicto carnes (vel alios cibos prohibitos,) comedit?

Reſp. Affirmativè, quia præceptum non comedendi carnes eſt negativum, obligans ad ſemper, & pro ſemper: ad-

do, quod mens Eccleſiæ eſt, in die jejunii abſolute interdicere carnes, ſic, ut ſenſus prohibitionis: *Ne carnes comedantur*, ſit, numquam in die interdicto licet carnibus veſci; & multiplicentur peccata, dum commeſtiones moraliter diſcontinuantur, ut non una refeſtio moraliter cenſeatur; in quo judicium relinquitur arbitrio prudentis, & cordati viri.

10 Sed quid, ſi in jejunii die ſecundò, tertio, aut quarto, cibi non vetitos cum diſtincta temporis, comedat, an toties quis peccet, quoties ſe reficiat?

Reſp. Negativè, quia præceptum de unica commeſtione, facienda in eodem jejunii die, eſt affirmativum, non obligans pro ſemper; & ideo, cum plenè ſecundò comedis, tunc peccas, non verò, dum tertio, vel quarto eodem die ſufficienter te reficis, quia, fracto, jam per ſecundam commeſtioneſ in jejunio, ipſum ampliùs, non poteſ ſervare; violato autem præcepto de non comedenda carne, poteſ iterum non comedere, & præceptum non comedendi carnes implere.

11 Sed queritur, an, qui ſæpius in die jejunii aliquod exiguum comedit, toties mortaliter peccet, quoties illud manducat?

Reſp. Eſt diſtinguendum; vel, cum primò aliquod modicum comedit, habet intentionem ſæpiùs repetendi illas modicas commeſtiones, uſque ad notabilem quantitatem, vel non; ſi primum, ratione intentionis peccat mortaliter, etiam in prima manducatione, quia id, quod ſumere cupit, eſt materia ſufficiens peccati mortalis; ſi ſecundùm, quamvis in prima, vel ſecunda exigua manducatione mortaliter non delinquat, graviter tamen peccat, ſi id faciat ſæpiùs, ut notabiliter excedat; quſa parvula commeſtiones cenſentur moraliter conjungi, & notabili quantitati cibi æquivalere, ſic ut ad nutrimentum deſerviant.

12 Sed quid, ſi in die jejunii parum carnis manducet?

Matthæucci Cautela Confeſſ.

F

Reſp.

Resp. A peccato mortali ex parvitate materię excusatur, sed debet esse tam modica, ut nequeat homines ad sui sumptionem frequenter allicere, ut notavit Illung. & Sum. Leand. *ver. abstinent. nu 6.* dixit non debere excedere octavam partem unius uncie; idque teneas contra Pasqualigo.

13 Quæritur, *an ignorans esse diem ieiunii, si mane sumat ientaculum, & postea advertat urgere præceptum ieiunii, teneatur ieiunare?*

Resp. Affirmativè, nam, aut sumptum manè ientaculum fuit sufficiens corporis refectio, aut insufficiens; si primum, tunc, intermisso prandio, contentus esse debet vespertina collatione; si secundum, tunc, ientaculo illo matutino pro collatione reputato, poterit, intermisso omnino prandio, noctu cenare, vel in meridie se reficere. Layman.

14 Sed quid, *si in ientaculo illo cibos prohibitos comederit?*

Resp. Debet ab eis iterum abstinere, & in refectioe sumenda regulari juxta modò dicta.

15 Quæritur, *quanta esse debeat quantitas cibi permissa in serotina collatiuncula?*

Resp. Modica, ne cænula in cænam transeat: in qua exceditur, quando id, quod sumitur, notabiliter majus est quarta parte ejus quantitatis, quæ ad integram cænam sufficeret: unde DD. eam taxant ad octo circiter uncias, seu ad quartam partem cænæ, quæ non excedit 32. uncias; & si quis plus in cæna sumeret, non posset ad ratam illius quartam partem pro collatiuncula accipere, Sum. Leandr. *ver. collativ. quant. num. 4.* sexigitur, aut octo uncie Romanæ non debent excedi. Multis excessus duarum unciarum supra octo videtur notabilis, & ad cænam accedere, ideo sic excedens graviter peccare non est dubium; non procedatur laxè.

16 Quæritur, *quinam cibi possint in cænula sumi?*

Resp. Communi usu receptum est, ut parum panis etiam edatur, vel seorsim, vel, unà cum fructibus, herbis, vel aliis cibis levioribus, & exigui nutrimenti, cujusmodi sunt ficus, uva passa, nuces, pira, poma, radices, &c. Layman ex Azorio concedit, etiam pisciculum parvulum, qui fumo siccatus, vel aceto maceratus sit, nam inter leviores cibos numerari solet, ut colligitur ex cap. Presbyter dist. 82. & ideo corruptela est, si ii cibi sumantur, qui potissimum ad nutriendum valent; potest etiam sumi panis, coctus aqua cum parvo oleo, modò non sit de industria conditus ad multum nutriendum. Rotarius *apparat. 3. p. cap. 1. num. 20.*

17 Quæritur, *an potus Chocolata sumptus extra horam prandii ieiunium Ecclesiasticum frangat?*

Resp. Negativè, si in parva quantitate, & moderatè sumatur; nam est constans DD. sententia in præcepto Ecclesiastici jejunii dari parvitatem materiæ, seu posse parum quid extra refectioem sumi, quin jejunium frangatur, ergo, etiam si Chocolata cibus foret, & non potus, adhuc, si in parva quantitate fumeretur, jejunium non frangeret.

18 Sed quæritur, *quænam ipsius portiore reputetur parva quantitas, vel parvitas materiæ?*

Resp. Unicam Chocolatis unciam esse parvitatem materiæ, dixit Card. Brancatius *disert. de potu Chocolat.* ideo, quamvis esset cibus (quod negat, & positionem esse probat Tamb. *lib. 2. in decal. cap. 5. §. 2. num. 13.*) unica uncia circiter jejunium non frangeret.

Nec aqua, licet in quantitate unciarum sex, aut parum minori, quæ in vase calefactorio immittitur, facit, quin parva dicatur; siquidem certum est, aquam, quamvis cum Chocolatæ pulvere decoctam, non egredi veræ potabilitatis qualitatem, & naturam: quia aqua, quæ miscetur, non augeat ibi substantiam in ordine ad nutritionem, cum non afferat se-

cum

cum aliquid nutritionis, sed tantum sit medium solvendi in concretam massam. Verum si sæpius in die sumatur, jejunium violatur; & idèò plura non fumantur pocula, sed unicum, & non excedatur uncia, ut verè parvitas materiæ habeatur.

19 Quæritur, *an, qui vovit omnibus sextis feriis ieiunare, & à carnibus abstinere, teneatur etiam in die Nativitatis Domini?*

Resp. Affirmativè, nisi ipsum diem excluderit text. in cap. explicari de observat. jejunii, ubi: *respondemus, quod illi, qui nec voto, nec regulari observantia sunt adstricti, in sexta feria, si festum Nativitatis Dominica die ipso venire contigerit, carnibus propter festi excellentiam vesci possunt, secundum consuetudinem Ecclesiæ generalis; ergo, qui voto, vel regulari observantia sunt adstricti, non possunt in sexta feria, quando in eam Nativitas venerit, carnes manducare, sed ad abstinentiam ab eis, & jejunii observantiam tenentur.* Sic FF. Minores, qui ex regula, & voto tenentur jejunare omnibus sextis feriis juxta text. in cap. exiit de verb. signif. in 6. §. in primis, & Clement. eod. tit. debent, etiam in Nativitate Domini, quamvis in sexta feria contingat; ratio est, quia, cum jejunium in sexta feria generaliter non sit in præcepto, sequitur voventes absolute in sexta feria jejunare, voluisse se privare libertate ad bis se reficiendum, etiam in die Nativitatis Domini, cum, quoad jejunium, non sit differentia inter illam diem, & alias ferias sextas; quemadmodum, qui vovit generaliter numquam vesci carnibus, censetur voluisse se privare libertate illas comedendi, etiam in diebus aliis permixtis. Nota, quòd frangens jejunium, ad quod tenetur ex voto, & præcepto Ecclesiæ, duplex peccatum committit, contra religionem, & contra abstinentiam.

20 Quæritur, *an vovens integro mense ieiunare, teneatur secundum partem, si non possit toto mense?*

Resp. Affirmativè, ratio est, quia impotentia, quæ excusat à toto, dum aliquam partem relinquit adimplebilè, per DD. ab hujus implemento non excusat: sic vovens dare mille in Eleemosynam pauperibus, si nisi centum possit, hæc dare tenetur.

21 Quæritur, *an dubius, quod emisit votum ieiunandi, V. G. ter in mense, teneatur ieiunare?*

Resp. Aliqui negant; quia, cum tunc possessio stet pro libertate, & non pro voto, votum non tenet. Sed nos affirmamus cum Fagnan. in 1. ad cap. Ne innitaris de const. n. 211. cum quo ita discurremus: ponamus reverà cum emisisse votum, sed postea non bene recordari, & dubitare, an illud emisit: si homo dicat: *ego prorsus sum dubius, an votum emissem, & in hoc dubio nolo me spoliare possessione meæ libertatis, cum nulla lex me constrinxerit ad vovendum*: è contra Deus dicit: *sit tibi dubius, ego certus sum te vovisse, & idèò nulla est possessio ex parte tua*: sequere ergo in tuo dubio partem tutiorem, & redde Altissimo vota tua; quod, si adhuc homo instet, & dicat: *fortè ego non vovi, & Deus scit, me non vovisse, & idèò volo perseverare in possessione meæ libertatis*; cõtra est: quia forte tu vovisti, & Deus scit te vovisse, & sic incerta est tua possessio; si vovisti, possessio non stat pro tua libertate: tu dubius es, quid egeris, & incertus, ita ne sit, vel non; quomodo ergo potes perseverare in possessione, si dubitas te possidere? nonne es possessor malè fidei? possessionem amittit, qui suspicatur se posse repelli, l. si id quod in princ. & §. final ff. de acquirend. poss. & l. i. §. si autem ff. de vi, & vi armata: idèò, si tu facis actum, de quo dubitas, num sit contra votum, utique exponis te periculo mortalis peccati, & idèò mortaliter peccas; nec tibi suffragari potest præterita possessio libertatis tuæ, cum incerta sit, & dubium non tollat; idèò, ne peccet sic dubitans, jejunet, quia possessio stat semper pro obligatione jejunii.

22 Quomodo se gerere debeat Confessarius cum penitente, qui se accusat se-junium fregisse?

Resp. Interroget, quoties violaverit, an cibis vetitis, carne, vel ovis, &c. & quoties in die istos comederit? an obstrictus ad jejunandum fuerit, etiam ex voto? an cum aliorum scandalo? an alios ad jejunium violandum induxerit, & quot, & quoties? & an crediderit jejunium non potuisse ab Ecclesia præcipi; & in isto casu esset hæreticus ab ordinario Confessario non absolvendus juxta dicta cap. 3. nu. 7. an docuerit fragentem jejunium Ecclesie non peccare mortaliter, nisi ex contemptu, vel inobedientia hoc faciat, quia non vult se subicere præcepto, quod Alex. sub censura reservata prohibuit asserere.

23 Queritur, an dispensatus in esu car-nium, peccet comedens carnes nocivas?

Resp. Affirmative: & contra præceptum naturale, in quo gravitas metienda est ex damno, quod inferit propria salutis; & contra præceptum Ecclesie. Pondera decretum ab Eminentiss. Urb. Vicario, de mandato SS. D. N. Clement. XI. publica-tum die 24. Febr. 1702. ut infra.

Animadvertant, & Medici, & qui pe-tunt licentiam, ut attendant qualitati car-nium, quodd. nempe, sint salubres; quia hæc solum permittuntur in quadragesima, his, qui ex iusta causa nequeunt ve-sci cibis quadragesimalibus, quod si neces-sitati potest subveniri per ova, & lacti-cinia, nec Medici debent permittere, nec fideles adhibere carnes, etiam salubres.

Qui toto anni tempore abstinent à carne, diebus Veneris, & Sabbatis, qua-tuor temporibus, nec non Vigiliis de præcepto, multò magis si prædicti dies inci-dant in quadragesima debent abstinere à carne, excepto, si nova superventus causa aliud exigat.

Cùmque super hoc nequeat stabiliri regula fixa, & determinata, debet quisque primò considerare suam necessita-tem, suasque, indispositiones, ita ut

non sint affectata, cum reddituri sint rationem Deo, coram quo nihil vale-bunt licentia ex causis, vel suppositis, vel fictis. Per quæ resolvuntur innumeri casus, à Casuistis examinati.

C A P U T XVII.

Prop. XXIV. ab Alex. VII. &c.

Distinctio numerica, & spe-cifica peccatorum.

1 PROP. 24. Mollities, Sodomia, & Bestialitas sunt peccata eiusdem speciei infima, ideòque sufficit dicere in Confessione se procurasse pollutionem.

Nil Confessario magis necessarium, quàm naturam peccati, peccatorum numericam, & specificam distinctio-nem agnoscere, ut lepram à lepra discernens, suo valeat muneri satisfacere: ideò occasione prædictæ propositionis, tan-gentis differentiam peccatorum specifi-cam, cum super præfatis breviter in-struendum, sequentibus duxi.

2 Queritur, quid sit peccatum?

Resp. Ex D. Augustino contra Fau-stum: est factum, vel dictum, vel concupitum contra legem æternam: & ex D. Ambrosio, est pravaricatio legis divina, & cœlestium inobedientia præceptorum.

3 Ex peccatis aliud est originale, aliud personale; originale est privatio iustitia originalis debita, quæ accepta fuit in primo Parente, & ab ipso amissa: personale verò, est actus cum advertentia elicitus à propria persona, contra dictamen practicum conscientia dictantis hic, & nunc aliquid esse, vel non esse faciendum.

Item aliud est actuale, aliud habi-tuale: actuale est actus malus, de præfenti existens: habituale est pec-catum prateritum; nondum retra-ctatum, nec remissum per peniten-tiam.

Item aliud est commissiois, aliud omisso-nis:

nis: illud est contra præceptum negativum, quo Deus prohibet, ne fiat aliquid: Deus præcipit non furari, furaris, peccas peccato commissionis; aliud est contra præceptum affirmativum: Deus præcipit, ut Missam audias, non audis, reuses peccati omissionis.

Item aliud est *cogitationis, seu cordis: aliud verbi, seu oris, & aliud operis*: per peccatum *cogitationis*, intelligitur peccatum commissum cogitatione, vel actu aliquo intellectus à voluntate imperato, ut heresi, prava cogitatione, &c. vel actu aliquo voluntatis, odii, vel propositi legem transgrediendi, &c. per peccatum *verbi* intelligitur illud, quod verbo committitur: ut blasphemia, mendacium, perjurium, detractio, &c. per illud vero *operis* id, quod committitur opere, ut furtum, homicidium fornicatio, &c.

Deinde, cæteris omisiss, celebris divisio peccati est in *veniale, & mortale*: per *mortale* intelligitur id, quod, ob sui gravitatem, privat hominem gratia sanctificante, jure ad vitam æternam, & eum facit pœna æterna dignum; per *veniale* verò, quod non facit hoc.

4 Sed quæritur, unde cognoscendum aliquod peccatum esse de natura sua mortale?

Resp. Ex eo, quod opponatur Charitati, vel mediis necessariis ad conservandam Charitatem: sic furtum, homicidium, &c. sunt de sua natura mortalia, quia fures, & homicidæ non possunt habere Charitatem cum proximo; nam Charitas vult proximo bonum, illi autem malum in bonis fortunæ, & vitæ: quæ etiam ex objecto mortalia dicuntur. Et ex his habes, quæ sint ex genere suo venialia.

5 Quæritur, an peccatum veniale, sit contra præceptum?

Resp. Affirmativè, sed in re levi: nam datur obligatio non peccandi, etiam venialiter. Furtum unius oboli est contra præceptum, non furtum facies: & mē-

Matthæucci Cautela Confess.

dacium jocosum contra præceptum de non mentiendo; sed per se non sunt nisi venialia: quia nec ipsi Deus graviter offenditur, nec proximo gravis injuria, vel notabile damnum inferitur; ratione cujus per accidens possunt esse mortalia.

6 Quæritur, an mortale, & veniale distinguantur specie?

Resp. Affirmativè, ratio est, quia mortale ex natura suæ malitiæ, & gravitatis est inductivum pœnæ æternæ, non sic veniale. Quod est signum malitiæ, distinctæ speciei. Item mortale, non modo est contra legem, sed etiam contra finem legis, nempe Charitatem, quam destruit cum Deo, & proximo, non sic veniale.

7 Quæritur, an peccatum ex genere suo veniale, hoc est, ejus malitia sumpta ex objecto est natura sua adeò levis, ut charitati non repugnet, nec ipsam tollat, possit fieri mortale?

Resp. Per se non potest, benè verò per accidens. Quod potest diversimodè contingere. I. Ex præparatione animi, & intentione; ut, si committens veniale, paratus sit potius mortaliter Deum offendere; quàm ab illo cessare, ut si quis die festo vult potius omittere Missam, quàm cessare à fabulatione otiosa.

II. Ratione finis, ut, si verbum otiosum dicatur feminx, ut inducatur ad committendum adulterium.

III. Ratione conscientie erroneæ: ut, si proferens mendacium jocosum, (quod ex genere suo est veniale) judicet peccare mortaliter.

IV. Ratione scandali: ut, cum quis factum aliquod operatur, vel dictum minus rectum proferat, quod sit tantum veniale, præbens proximo occasionem ruinæ spiritualis.

V. Ratione contemptus formalis Dei, & Superioris: ut, si proferens mendacium officiosum, intendat se nihili facere Dei præceptum, & nolle se Deo præcipienti etiam levia subiici: Nam contemnitur formaliter tota Dei autoritas.

VI. Ratione periculi juxta dicenda.

VII. Ratione damni, ut est furari obolum egentis ad sustentationem. Nam peccatum est, cum vel non est *charitas*, quæ esse debet, Augustinus *lib. de perfect. iust. hominis cap. 6.*

8 Datur triplex venialium genus. Unum dicitur veniale ex objecto, vel genere suo; in quo malitia ex objecto non est ita gravis, ut repugnet charitati, vel aliis virtutibus necessariis ad conservandam charitatem cum Deo, & proximo, quamvis cum plena advertentia ad malitiam objecti, & expedito interiorum sensuum usu committatur; ut est mendacium jocosum, officiosum, &c.

Aliud est veniale ex parvitate materię, ut furtum unius quadrantis. Licet enim furtum sit materia per se sufficiens ad mortale, tamen parvitas materię hic excusat.

Aliud autem est veniale ex imperfecta deliberatione, & non plena advertentia de malitia objecti, vel de existentia legis, & præcepti. Quod dici solet veniale ex subreptione, & in quavis materia potest contingere.

Ad vitanda collectivè omnia hujus tertii generis venialia, necessaria est specialissima Dei gratia, ut definitur à Trid. *sess. 6. de iustif. cap. 23.* Quando cetera vitari possunt cum auxiliis ordinariis gratiæ, ut communiter Theologi in tract. de auxiliis. Vid. *lib. 1. cap. 37. n. 17.*

9 Quæritur, an peccatum ex genere suo mortale, hoc est, cuius malitia ex objecto desumpta, est ita gravis, ut opponatur charitati, vel virtutibus necessariis ad retinendam charitatem cum Deo, & proximo, possit fieri veniale?

Resp. Affirmative, ex duplici capite. Primò, ex parvitate materię. Secundò, ex non plena advertentia ad actionem, quam quis facit, vel ad legem, seu præceptum.

Quod ut intelligas. Pondera in voluntate triplicem posse reperiri actum, seu motum in objectum. Quorum alius est primo primus, qui subito exurgit,

sed sine advertentia ad malitiam: estque peccaminosus, si post advertentiam, quòd sit contra legem, & rationem, non reprimatur, vel quis non curet cum Dei auxilio reprimere ipsum.

Alius secundo-primus, qui à voluntate procedit, sed non cum plena, & perfecta advertentia ad id, quod agit, vel ad actionis malitiam, aut peccandi periculum: advertit voluntas, sed non nisi semiplenè, & imperfectè, adeoque cum consensu solum semiplenè deliberato operatur. Hæc advertentia, & consensus exemplificatur in semidormientibus, semiebriis, ac in sobriis, & vigilantibus, sed animum passione iræ, & timoris perturbatum, vel alienis cogitationibus implicatum, habentibus; in istis actio, aliàs peccaminosa mortaliter, redditur veniale peccatum ex non plena advertentia.

Alius denique procedens à voluntate, sequens plenam, & actualem advertentiam ad malitiam, & quòd sit contra legem, adeoque cum plena libertate ad peccandum mortaliter, qui propterea semper est mortalis.

10 Quæritur, an omnia peccata ex suo genere mortalia, possint ob parvitatē materię effici venialia?

Resp. Negative.

11 Sed dubitatur, quomodo poterit Cōfessarius cognoscere, quanam hæc sint?

Resp. Toties agnoscat in transgressione præcepti non dari parvitatem materię, sed culpam esse mortalem, etiam in materia, quantumvis parva, quoties ponderabit, integram rationem, & veluti totam quantitatem deformitatis, & gravitatem offensæ contra legem, & rectam rationem, in materia parva, æque, ac in magna reperiri; ratio est, quia malitia peccati mortalis consistit in deformitate, & gravitate offensæ, ergo, si hæc invenitur in aliqua materia, etiam levi, semper erit mortalis.

Itaque parvitas materię non datur in peccatis contra Virtutes Theologicas, V. G. in *heresi, desperatione, & presumptione*.

ptione, odio Dei, contemptu eiusdem, blasphemia, &c. ratio est, quia per huiusmodi peccata semper Deo tribuitur, vel defectus perfectionum, quæ sunt motivum formale talium Virtutum; vel, aliqua contemptibilitas, sic ut, etiam in quacunque parvitate, gravis appareat contra rectam rationem deformitas. Quidquid enim in Deo oderis, infinitum ejus Bonitatem odio habes: quamcumque ab eo revelatam propositionem neges, infinitam ejus negas Veracitatem: cum Deum contemnis, vel blasphemias, eidem aliquam contemptibilitatem; & vituperabilitatem tribuis: dum despectas, Dei Bonitatem, & Potentiam offendis: & præsumens, non debito modo appetitas æternam beatitudinem, sed ipsam vilipendis, dum eam æqualem, & proportionatam operibus naturalibus facis, vel media contemnis, propter quæ Deuseam conferre decrevit; quod de se malum apparet.

Non datur *in iuramento assertorio*, in quo, non sine gravi irreverentia, etiam ad rem minimam confirmandam, falsus testis Deus adducitur, per dicenda *1. 2. cap. 16. In magia, & superstitione*, quæ est cum pacto expresso cum Dæmone, & abusu Sacramentorum, vel Sacramentalium; nam semper malum est pacisci cum hoste Dei, & hominum, & rebus sacris ad malum finem abuti. In *simonia*, in qua datur pretium temporale pro re spirituali, quia semper gravis irreverentia est, quamcumque rem spirituale æqualem existimare temporali pretio, quamvis modico, & ipsam in pactum deducere: semper enim res spiritualis vilipenditur: de quolib. *2. cap. 26. In sollicitatione ad turpia: & fractione sigilli Sacramentalis: In iteratione Sacramentorum, & essentialibus requisitis ad Sacramenta*; quia id sine maxima irreverentia contra dignitatem ipsorum non efficitur. In jejuniis *naturali*, præcursario ad Eucharistiam suscipiendam; in cuius violatione, propter Sacramenti dignitatem,

semper integra malitia reperitur, sive multum, sive parum cibi, & potus sumatur, nam Cælestis, & Spirituali Cibo terrestribus præponitur, quod maxime indecens consideratur *Cap. liquidum de consecrat. diff. 2. In rebus venereis*, deliberatè quæsitis, ex dicendis *lib. 2. cap. 28. In anno novitiatus; In atate requisita ad Ordines, & similibus.*

12 Quæritur, undenam colligatur peccatorum numerica distinctio?

Resp. Non à diversitate numerica præceptorum præcisè, cum idem sub eadem formali ratione præcipiunt, ut contingit in præceptis jejunii, incidentis in eundem diem quatuor temporum, & quadragesimæ: & in præceptis prohibentibus furtum, quod tribus præceptis prohibetur, naturali, divino, & humano; sed, vel à multiplicatione numerica actuum voluntatis moraliter interruptorum, vel ab objectorum numerica pluralitate, circa quæ tendunt. Nam, sicut ex diversitate objecti formalis sumitur distinctio specifica, ita ex diversitate objecti materialis distinctio materialis, & numerica peccatorum. *Campion. par. 1. cap. 34.*

Hinc toties numero multiplicantur peccata cordis, oris, vel operis respectivè, quoties multiplicantur cogitationes, aut desideria peccaminosa, aut blasphemiarum, aut furta: aut quoties plura numero sunt objecta, in quæ, licet unus, & idem physicè actus, multiplex tamen moraliter tendit; ex qua doctrina plura resolves.

13 Quæritur, quando censeatur actus, vel opus moraliter interruptum?

Resp. Hoc relinquitur iudicio prudentis viri: præsumitur autem, quando propositum cessavit, & postea de novo reassumitur: vel, cum quis retractavit priorem cogitationem, & desiderium, dolendo de illis, & postea ad idem revertitur: qui animo furandi domo egreditur, & in via propositum furandi retinet, unum peccatum committit, licet gravius, ra-

tione extentionis ad tantum tempus ; cum verò alio negotio distrahitur, vel fomno opprimitur, si post somnum, & negotium prioris propositi memor, illud approbat, seu renovat, novum numero peccatum committit ; & moraliter ea proposita interrupta censentur.

14 *Queritur, quomodo in praxi se gere debeat Confessarius cum poenitente sic se accusante* ; unico istu plures occidi : unico actu volui plures interficere, vel ad plures solutas accedere : furatus sum decem : existens in mortali celebravi, & Sacramentum poenitentiae ministravi ?

Resp. Ipsum urgeat, ut numerum aperiat : an eo istu decem occiderit : an proposuerit decem occidere, & ad decem, vel decies ad unam accedere, & unum interficere ; an illa decem unica, vel duabus vicibus sit furatus, & an uni solum damnum intulerit, an vero duobus ; quot Missas in mortali celebraverit ; & quot Sacramentaliter absolverit, & similia. Cum vero numero aperire non potest, debet temporis moram exprimere juxta dicta cap. 10. num. 18.

15 *Queritur, quanam peccata specie distinguantur ?*

Resp. Illa, quæ vel diversis virtutibus adversantur, ut furtum, blasphemia, &c. quorum primum est contra Justitiam, & secundum contra Religionem ; vel quæ eidem virtuti, sed diversa ratione indecentiæ, & turpitudinis opponuntur, ut perjurium, & violatio voti, quorum utrumque est contra Religionem, & tamen non est dubium specie differre ; cum diversa turpitudine appareat, in perjurio, ac in violatione voti : vel, quæ diversis perfectionibus ejusdem virtutis opponuntur ; sic liberalitati, quæ inclinat ad non dandum ultra id, quod honestum est, per excessum opponitur prodigalitas, quæ dat plusquam oportet, & per defectum avaritia, quæ plus retinet, quam deceat, quando liberalitas inclinat ad non retinendum ultra, quam decens sit.

16 *Sed queritur, an diversitas speci-*

fica objecti materialis sufficiat ad distinctionem specificam peccatorum ?

Resp. Negativè, loquendo de diversitate specifica objectorum in sensu philosophico, & naturali ; aliàs furtum ovis esset diversæ speciei à furto panni ; quod tamquam fallum communiter recipitur, ex eo, quòd in affirmatione morali speciem malitiam non involvat unum præ alio ; verum, cum præter diversitatem physicam objecti diversa apparet indecentia, & turpitudine, ex objecto etiam, sumitur diversitas specifica peccatorum ; sic ablatio vitæ est distinctæ speciei peccatum ab ablatione honoris, & pecuniæ ; licet eidem virtuti justitiæ opponantur ; & non nisi, quia in eis diversa indecentia moralis reperitur ; nam gravius certe est homicidium furto, quia majus est bonum vitæ, quam bona externa ; & majus detrimentum ex homicidio recipitur, quam ex furto.

17 *Queritur, an ex diversitate præceptorum colligi possit specifica diversitas peccatorum ?*

Resp. Affirmativè, modò præcepta illa sint non solum materialiter, sed etiam formaliter diversa : Materialiter diversa censentur, quando eadem res diversis præceptis præcipitur, seu prohibetur, sed sub eodem motivo, & sine ejusdem virtutis : sicut præcepto naturali, divino, & humano, tamquam injustum, prohibetur furtum ; tùm verò formaliter diversa reputantur, quando idem præcipiunt, seu prohibent, sed sub diverso motivo ; sic, qui Sacerdotem occidit, duplex peccatum specie distinctum committit, quia agit contra plura præcepta, ex diverso motivo imposita, nempe ex motivo justitiæ, de non inferendo damnum proximo, & motivo Religionis, de reverentia exhibenda Sacerdotibus.

18 *Queritur, quanam sint virtutes, quibus diversa speciei peccata opponuntur ?*

Resp. Sunt tres Theologicae, Fides, Spes, & Charitas ; quatuor morales, Justitia, Forti-

Fortitudo, Temperantia, & Prudentia; Cardinales nuncupatae, quia in iis tamquam in cardinalibus, universa boni operis structura nititur. Virtus Theologica, à morali distinguitur, quia Theologica habet pro suo objecto immediato, & terminativo quod ipsum Deum; sic Fides attingit Deum, ut est summè Verax; Spes ipsum, ut bonus est, & misericors, à quo expectatur beatitudo: & Charitas ipsum, ut summè bonum in se est, & infinite propter se diligibilis; virtus verò moralis, non sic Deum respicit, licet postea ad Deum conducatur, sed inclinat proximè potentiam ad actus bonos moraliter conformes, nimirum legi, & rectè rationi, & propterea dignos pœna, vel præmio.

19 Quæritur, *quam sint peccata Fidei Theologica opposita?*

Resp. Sequentia, Hæresis, Apostasia, blasphemia hæreticalis, ommissio actus fidei, & lectura librorum prohibitorum, hæresim continentium, vel de Religione tractantium: vid. sup. cap. 3. & lib. 2. capit. 4.

20 Quæritur, *quænam sint peccata opposita Spei Theologica?*

Resp. Duo, præsumptio, & desperatio, de quibus supra cap. 1. num. 19. & 20.

21 Quæritur, *quam sint peccata opposita Charitati Theologica?*

Resp. Plura, Odium, Acedia, Invidia, Discordia, Contentio, Rixa, Seditio, Schisma, Scandalum, & Bellum: vid. lib. 2. cap. 8. & cap. 28.

§. I.

Odium.

22 Quæritur, *Quid sit odium?*

Resp. Est actus, quo volumus alicui malum, quia malum ipsius est, quod ex charitate teneremur non velle ipsi. Solet hoc evenire, vel per tristitiam de bono, quod actu obtinet, vel per gaudium, & delectationem de malo, quod habet; vel per desiderium, quod

illi adveniat malum, quod non habet, & privetur bono, quod habet. Tristor, quod Petrus sit dives (non quia divitiis abutitur, quia tunc tristitia esset de malo usu) gaudeo de ipsius occisione: desidero jacturam illius famæ, vel facultatum, aut non esse, vel esse sub ærumnis; aut hæc ipsi adveniant, cooperor; odio habeo Petrum. Sicut per oppositum, ipsum amo, cum volo ei bonum, sive, quod habet, gaudendo, quod illud habeat, & cooperando, si opus est, ut conservetur semper; sive, quod non habet, optando illud ipsi.

23 Quæritur, *An Deus possit odio haberi?*

Resp. Affirmativè à creatura depravata voluntatis. Habetur ex Scriptura pluribus in locis: Joan. 15. Oderunt me, & Patrem: Psal. 158. Nonne omnes, qui oderunt, Domine, oderam: Quæ sint satis. Peccatoribus displicet, quod Deus penas peccatis infligat, & ea prohibeat; sub qua ratione eum apprehendunt sibi disconvenientem, & sub ea odio habent, ac optant eum non esse, licet revera non sit malum, quod castiget, nec quod possit castigare, tamen secundum affectionem commodi est malum castigare. Cæterum propter se præcisè odio non potest haberi, quia in ejus natura nihil, nisi infinite amabile reperitur. Poncius Theol. disp. 33. num. 1.

24 Quæritur, *Quænam sit differentia inter odium inimicitia, & illud abominationis?*

Resp. I. Est, quia odium inimicitia est odium personæ, quæ nobis displicet, & cui propterea volumus malum, ut malum illius est. Illud verò abominationis, est aversio quædam à persona propter qualitatem, vel defectum in ipsa existentem, ex qua aversione sequitur, ut nec placeat ejus conversatio, nec præsentia. Quia discipulo displicet, & nolle disciplinam, ac correctionem Magistri, à Magistro fugit, ejusdemque præsentia sibi grata non est. Hic videas, quod odio habe-

habetur potius correctio, quam persona. Et ideo odium abominationis solet dici, etiam odium qualitatis. Sed cavendum est, ne crescat in odium personę.

Secunda est, quia odium abominationis erga homines, non semper est peccatum, & potest compari cum charitatis amore; nam ipsos peccatores, quos, ut tales detestamur, & quorum presentia nobis displicet, possumus amore charitatis amare, desiderando ipsis bona gratiæ, & glorię. De isto odio Psalm. 138. dicitur, *nonne, qui te oderunt, Domine, oderam: & infra: perfecto odio oderam illos*: ubi August. quid est perfectio odii? Oderam in eis iniquitates eorum. Hoc est perfectio odii odisse, ut, nec propter vitia homines oderis, nec vitia propter homines diligas, & intra: quomodo ego in eis implebit, & quod ipse dixit, nonne eos, qui oderunt te, odio habui? Et quod Dominus precepit, diligite inimicos vestros? Quomodo implebit hoc, nisi illo perfecto odio; ut hoc in eis oderit, quod iniqui sunt, hoc diligat, quod homines sunt?

Dixi erga homines, quia, erga Deum, est per se, & intrinsece malum, ac mortale, cum in Deum nulla possit cadere imperfectio, ob quam abominatione, vel odio dignus sit.

Illud verò inimicitia, seu personę, si vè in Deum, si vè in proximum est per se, & intrinsece malum, & ex genere suo mortale; & est omnium maximum, quia opponitur virtuti Charitatis, de qua maximum mandatum habemus, juxta illud Math. 22. *Diliges Dominum Deum tuum, &c. hoc est maximum, & primum mandatum.*

Odium in Deum, nisi excuset inadvertentia, semper est mortale, nec parvas materię excusat ex distis lib. 2. c. 5. num. 12. Illud verò in proximum semper est mortale, si sit cum plena advertentia, & non excuset parvas mali optati: Vid. loc. cit. cap. 8. num. 19.

§. II.

Acedia, & Invidia.

DE acedia satis dictum est, lib. 2. c. 28. nu. 42. Est ex genere suo mortale, quia est contra charitatem, quę ad actus suos obligat sub mortali.

25 Quæritur, *Quid sit invidia?*

Resp. *Est dolor, seu tristitia de bono proximi, quod est, vel apprehenditur diminutivum proprię excellentiæ: vel, est gaudium de malo alterius, in quantum per illud augetur proprię excellentiæ, & illa proximi diminuitur.* Quapropter, ut dolor, & tristitia de bono alterius sit invidia, exigitur, quod concipiatur ex hoc motivo, quia nimirum est, vel apprehenditur, ut diminutiva proprię excellentiæ: V. G. Mallem Petrum carere Prælatura, ne ego subeam imminutionem meę excellentiæ. Sic, ut gaudium de alterius malo spectet ad invidiam, necesse est, ut concipiatur, tanquam augmentum proprię extimationis, vel, quia ex eo proximus non pluris estimatur, quàm ego.

Est ex genere suo mortale, quia opponitur charitati, qua teneor non habere aut tristitiam de bono, aut gaudium de malo proximi. Inadvertentia autem, vel levitas mali potest a mortali excusare: vid. loc. cit. cap. 8. num. 21.

§. III.

Discordia, Contentio, Rixa, & Seditio.

26 Quæritur. *Quid sit discordia?*

Resp. *Est contrarietas voluntatum, destruens concordiam, & pacem.* Est peccatum charitati oppositum, atque ex genere suo mortale, quando sub mortali tenemur concordare: dum nimirum prævidemus sequi malum, quod ex charitate deberemus impedire. Discordat

cordat Filius à Patre in economia domus, prævirens ex eo sequi damnum grave familiæ: discordat miles à Duce, imperante in taliloco stationem, ex quo oritur, ut hostis prævaleat: discordat Pœnitens à Confessario, instruentem ipsum de errore suæ opinionis, ex quo nascitur, quod occasionem peccandi non deserat, vel restitutionem non faciat: peccant omnes peccato discordiæ; & si formaliter intendant deobedire, & ab eis discordent, etiam peccatum inobediendi committunt. Ab istis potes ad alia descendere.

Discordia, quæ ex genere suo est mortale; ex ignorantia, inadvertentia, vel ex parvitate materiæ potest fieri venialis.

27 Quæritur. *Quid sit contentio?*

Resp. *Est verbalis altercatio, qua quis impugnatur veritatem cognitam; vel defendit veritatem modis indebitis, quando ex charitate id non deberet*: est peccatum appositum charitati, & propterea ex genere suo mortale.

28 Quæritur, *Hæreticus impugnatur veritates fidei, petitur, an peccet peccato contentioniis?*

Resp. Affirmativè, sed ulterius, peccat etiam contra fidem; sicut impugnans famam proximi, & ipsam lædens, delinquit, etiam contra justitiam, etiam si vera forent, quæ spargit (modò essent occulta) quia occultus peccator jus habet ad propriam famam. Quòd si forent publica, tunc verum affirmaret, sed modo per charitatem sibi interdicto, quæ non delectatur, nec gaudet de malo proximi, & tunc peccatum esset in sola specie contentioniis.

29 Quæritur. *Quid sit Rixa?*

Resp. *Est pugna inter aliquos factis nocivis extra, & absque debita auctoritate inita*. Si sit sine conducto, est propriè rixa. Si ex conducto, cum designatione temporis, armorum, & loci, dicitur duellum, de quo supra cap. 2.

Est peccatum ex genere suo mortale. Nam opponitur charitati; destruit enim

pacem, quæ animos unit inter se. Et semper reperitur conjuncta cum injustitia; quia, vel offenditur proximus in bonis corporis, vel periculo exponitur offendendi. Inadvertentia tamen, & leve nocumentum potest excusare à mortali.

30 Quæritur. *Quæ nam debeat esse praxis Confessarii cum pœnitente, se accusante rixa deliquisse?*

Resp. Quia rixa regulariter oritur ex prævia contentione verborum: exquirat 1. verba, & injurias illatas in famam. 2. Blasphemias. 3. Damnum illatum in corpore, vel, quod poterat inferri. 4. Numerum personarum, quas læsit. 5. Qualitatem personæ, an fuerint Clerici, vel parentes, aut Superiores. 6. An ipse fuerit aliis auctor rixæ? Quia tunc non modo est cooperator, sed causa omnium peccatorum, à cæteris commissorum.

31 Quæritur. *Quid sit seditio?*

Resp. *Est discordia inter membra Reipublicæ, violans inter ea pacem*; & contingit, dum una pars insurgit in aliam, sive actu pugnet, sive ad pugnam se præparet. Infert, etiam peccatum contra justitiam damnificando partem; & contra justitiam legalem, tendens ad destruendas justas leges latas pro tranquillitate Reipublicæ.

§. IV.

Schisma.

32 **D**E Schismate diximus, cap. 3. n.

24. Hic aliud resolvendum non remanet, quàm notare, quòd schisma est ex genere suo peccatum mortale, & potest fieri veniale solum ex defectu plenæ deliberationis, non verò ex parvitate materiæ; quoniam separatio, & divisio ab unitate Ecclesiæ, & ejus capite, Romano Pontifice (in qua formaliter schisma consistit) non potest esse materia levis. Nam materia levis esse nequit, sed est mortale ab eo recedere, quod est

est omnino necessarium ad salutem; sed per schisma ab eo receditur: Nullus enim potest salutem consequi extra Ecclesie communionem, & unitatem: Utrumque enim est articulus Fidei; & patet ex illo Symboli Constantinopolitani: *Et unam Sanctam Ecclesiam: & ex alio Apostolorum. Sanctorum communionem.* De qua re videatur De-magistris Sylva *Ecclesiast.to.2.lib.2.tit.3.cap.3.*

§. V.

Scandalum.

33 **Q**Uæritur. *Quid sit Scandalum?*
Resp. *Est dictum*, vel *factum minus rectum*, hoc est, *malum præbens proximo occasionem ruina spiritualis.* Per *factum*, intelligitur, etiam omisso actionis præcepto. Est scandalum ex suo genere mortale, & oppositum charitati; quia ex charitate tenemur, non facere malum proximo, & velle bonum ipsius: scandalum autem ad ruinam spirituales adducit. Est semper mortale, si inducat ad peccandum mortaliter. Veniale verò, vel ex imperfecta deliberatione, vel, si est peccati venialis occasio.

Dicitur *occafio*, & non *causa*, quia, qui est *causa*, cur alius peccet, non peccat solum contra charitatem, verum etiam contra virtutem, ad quam violandam inducit, ut contra castitatem, justitiam, &c. Ex quo sequitur, quod, qui imperio, suasionem, vel consilio est causa inducens ad furandum, peccat etiam contra justitiam, & tenetur restituere, quia est causa moralis furti; qui verò solum suo malo exemplo inducit hominem ad furandum, non lædit justitiam, nec tenetur restituere, & peccat solum contra charitatem.

Propterea Confessarius diligenter inquirat à penitente, an suo malo exemplo fuerit occasio, ut proximus furaretur, an verò etiam causa; quia in secundo ca-

su debet ad restitutionem obligare, non verò in primo: Verum in peccato scandalali debet etiam inquirere ultimam speciem peccati, ad quam suo malo exemplo alium induxit; ut, si induxit ad violandam castitatem, & in qua specie? An cum virgine, nupta, vel Deo sacra, &c. ut ita cognoscat speciem peccati. Debet pariter exquirere numerum personarum, quibus, etiam unico peccato, datum est scandalum; nam tunc plura distincta peccata committuntur. Majol. in *Decalog.to.1.q.3.de præcept. charit. artic. ultim. §.1.*

34 Queritur, *Quotuplex est scandalum?*

Resp. Multiplex. Activum, & est actio illa, seu actionis omisso, quæ est occasio inducens alium ad peccandum per quam quis dicitur scandalizare.

Passivum: & est ruina spiritualis orta ex dicto, vel facto alterius. Aliud autem est *datum*, aliud *acceptum*. Primum est peccatum, quod fit, ex vero malo exemplo, data occasione peccandi. Secundum est, cum quis ex sua malitia scandalizatur, vel occasionem sumit judicandi malè de alio, & aliquo modo peccandi, ex veris etiam virtutum actibus, etiam postquam sibi sufficienter innotescit virtuosè exerceri. Hoc ex activo non oritur. Et dicitur *acceptum*, sed non datum, soletque Pharisaicum appellari; quia Pharisei ex odio, & invidia in Christum, occasione gestorum ab ipso, scandalizabantur, & murmurabant, eique detrahebant, ut loquitur Matth. 15.

Præter scandalum passivum ex malitia, datur etiam scandalum ex ignorantia; & est, cum quis ex ignorantia bonitatis actionis, vel circumstantiæ reddentis actionem licitam, sumit occasionem cogitandi actionem esse malam, & peccandi; quod nominari solet scandalum pusillorum; quia cum pusilli simplices sint, minus docti, & in virtute infirmi, solent occasionem peccandi sumere ex dicto, vel facto indifferenti, vel æquivoco ad bonum, & malum.

35 *Quæritur* ; *Quando scandalum pusillorum sit mortale in ponente actionem , propterquam pusilli occasionem sumunt peccandi ?*

Resp. Quoties dictum, vel factum, quamvis ex se bonum, & æquivocum tamen ad bonum, aut malum, in talibus circumstantiis, vel à tali persona exercetur, ut pusilli, simplices, & infirmi ex eo ruinam spiritualem possint incurere, nisi instruantur de veritate. Totum hoc habetur *ex Paulo 1. ad Corinth.* 8. Ubi quosdam doctiores Corinthios alloquitur. Sciebant isti Idolothytha, seu cibos Diis immolatos, non esse ab aliis cibis differentes, nec eis aliquid sacri, aut religionis ex eorum immolatione accidere, & propterea libere eos comedebant. Sed quia inde oriebatur occasio scandali in fidelibus simplicibus, & infirmis, maxime de Gentibus conversis, putantibus eos comedere ad modum Gentilium, hoc est, in venerationem Idoli; eorum exemplo inducebantur ad eos sic comedendum, consequenter ad peccatum; idcirco prefatos doctos instruit, his verbis: *videte autem, ne forte licentia vestra* (comedendi) *offendiculum fiat infirmis, si enim quis infirmus in fide, (non bene instructus) viderit eum, qui habet scientiam, in idolo recubentem* (cùm idololatris epulantem) *nonne conscientia eius cum sit infirma* (non bene instructa) *edificabitur ad manducandum idolothytha ?* (Confirmabitur in errore suo ad comedendum idolothythum, ut idolothythum) *Et peribit infirmus in tua scientia, frater, (qua abuteris) propter quem (salvandum) Christus mortuus est ? Sic autem peccantes in fratres, & percutientes (vestro imprudenti facto vulnerantes) conscientiam eorum infirmam, in Christum peccatis. Quapropter, si esca scandalizat fratrem meum, non manducabo carnem in eternum, ne fratrem meum scandalizem.* Ad quos hæc alia *ex cap. 10.* diriguntur. *Omnia mihi*

licent (estò liceat in se idolothythum comedere) *sed non omnia expediunt*: Sed non expediunt omnia, quæ licent. *Omnia mihi licent, sed non omnia edificant*: hoc est non expediunt, quia non edificant: immò destruit, & ad ruinam impellit hæc commestio in idolio, vel coram infirmo. *Nemo, quod suum est, querat, sed quod alterius.* Nam charitas dicat, ut non nostra queramus cum alterius scandalo, vel coram infirmo.

Ex his habes, quod scandalizans pusillum facto, vel dicto, æquivocis ad bonum, vel malum, aut leviter malum, prævidens, vel debens prævidere, quod simplex, & ignorans, ex eo sit sumpturus occasionem peccandi mortaliter, mortaliter peccat, quia influxum aliquem habet in ejus peccatum.

Cæterum, si quis simplices de veritate instruxerit, & capaces reddiderit de qualitate actionis, si postea ex ea occasionem peccandi sumant, in nihilo actionem exercens est culpabilis; nec pusillorum, sed merè acceptum ex malitia, & pharisaicum scandalum erit.

36 *Quæritur. An rea sit scandalum mulier, quæ suo ornatu occasionem præbet proximo ruinae spiritualis, dum non eo sine se ornat, nec expressè illius ruinam peroptat.*

Resp. Vel ornatus est honestus juxta decentiam proprii status, & communem morem Patriæ, vel est de se provocativus ad libidinem, inverecundus, & dissolutus. Si primum, non peccat, neque scandalizat in usu. Ratio est, quia mulier jus habet ad ornatum ex natura sua licitum, & communem cæteris ejusdem Civitatis mulieribus, sibi æqualibus. Et sicut naturalis pulchritudo mulieris per se, & directè non provocat ad luxuriam, sic nec talis exterior corporis ornat; unde in casu, quo quis scandalizaretur, foret scandalum, dumtaxat acceptum, & non datum.

Si secundum, mortaliter peccato scandalizatur, quia ponit factum, quod

de sua natura est ad peccatum provocativum; cuiusmodi censeretur, si reverenda non tegat, vel non nisi tenui velo: si mammillas denudet, & ita in publicum prodeat. Discutitur à simili de eo, qui rem alienam surripit, nec expressè intendit damnum proximo inferre, qui nihilominus est reus furti; quia, licet absit expressa nocendi intentio ex fine operantis, habetur tamen virtualis, & interpretativa, æstimanda ex fine operis, quod de sui natura est nocivum.

Quod totum apparet ex doctrina D. Thom. 2. 2. q. 43. art. 1. in resp. ad 4. ibi: *Dicitur, vel factum alterius potest esse alteri causa peccandi per se, quando aliquis suo malo verbo, vel facto intendit alium ad peccandum inducere: vel, etiam si ipse hoc non intendat, ipsum factum esset tale, quod de sui ratione habet, quod sit inductivum ad peccandum: puta, cum aliquis publicè facit peccatum, vel, quod habet similitudinem peccati.*

Quare prædicta mulier debet se in confessione accusare de dato proximo scandalo propter ornatum, vel de se provocativum ad peccatum, vel assumptum præter morem Patriæ cum advertentia, vel debito advertendi, quod potuerit excitare ad libidinem. Ratio est, quia si quis teneretur solum confiteri peccato scandali, dum expressè intendit ruinam spiritualem proximi, vix unquam tenerentur homines de illo confiteri, eo quia præter Diabolum, vix est aliquis directè, & expressè illam intendens; cum tamen frequenter homines dent scandala, super quo se debent occulare.

37 Sed quid. *Si ornatus assumatur ex quadam curiositate, levitate, vel vanitate, ut laudetur de pulchritudine?*

Resp. Si de se non sit valdè provocativus, & dissolutus coniiciens se ipsam, virosque in periculum peccati, sed solum cum excessu ad morem Patriæ, & modum convenientem suo statui, erit veniale: sed vide dicta lib. 2. cap. 37. n. 12.

38 Quæritur. *An mortaliter peccent adinvenientes novas vestimentorum, & ornatus formas?*

Resp. Affirmativè, si modus vestium, & ornatus inverecundus sit, aut impudicus: secus, si vanitatem dumtaxat, & curiositatem alar in moderatione elegantie, vel pretii. Nam tunc erit veniale. Legas D. Thom. sit. q. 169. art. 2. in resp. ad 4. ibi. *Si qua ars est, ad faciendum aliqua opera, quibus homines uti non possunt absque peccato, per consequens artifices talia faciendo peccarent, utpotè præbentes directè aliis occasionem peccandi; puta, si quis fabricaret idola, vel aliqua ad cultum idololatriæ pertinentia. Si qua verò ars sit, cuius operibus possunt homines bene, & malè uti (sicut gladii, sagittæ, & alia huiusmodi) usus talium artium non est peccatum, & infra: quia ergo mulieres licitè se possunt ornare, vel, ut conserent decentiam sui status; vel, etiam aliquid superaddere, ut placeant viris (maritis scilicet) consequens est, quod artifices talium ornamentorum non peccant in usu talis artis, nisi forte inveniendo aliqua superflua, & curiosa.*

39 Quæritur. *Mulier honesta advertit, si festo accedat ad Ecclesiam ad Missam audiendam, quandam juvenem ex eius aspectu passurum ruinam spirituales, eam concupiscendo; petitur, an Confessarius possit eidem suadere, ut non exeat, eique significare in tali circumstantia non obligari præcepto audiendi Sacrum.*

Resp. Negativè, cum communi: nam ex D. Paulo ad Rom. 3. non sunt facienda mala, ut eveniant bona; ergo nec omitendum Sacrum, urgente præcepto, ne proximus in ruinam spirituales ruat. Turnquia impletio præceptorum, sive Dei, sive Ecclesiæ est de necessariis ad salutem, ergo non potest eo fine omitti: cum nullus debeat peccare, ut alterius peccatum vitet; in ordine enim charitatis propria salus spiritualis præferatur salutem

saluti spirituali alterius, & nullus tenetur contra charitatem propriam operari, ut succurrat proximo. Nec eacircumstantia deobligat ipsam à debito audiendi Missam. Tumquia gratis dicitur. Tumquia lapsus juvenis est potius acceptus, & voluntarius, quam datus; cum ex ejus malitia, sciens se non posse mulieres alienas concupiscere, eas inordinatè amat. Propterea ipse potius deberet fugere, vel, quando non posset, oculos avertere, mentem alio dirigere, & oratione postulare auxilia gratiæ, quibus à mulieris concupiscentia liberetur. *Laurea de charit. disp. 1. q. art. 1. 2. §. 6. num. 490. Natalis Alexand. Theol. moral. in Decal. lib. 4. ref. 18. aliique.*

40 Quæritur. *Accedit Parochus id Confessario aperiens. Pater, certò scio à Petro possideri agrum spectantem ad meam Ecclesiam, sed dubito, an debeam repetere: si non repetam, non sustineo jura Ecclesiæ; si repetam, praevideo Petrum prolapsurum in blasphemias, maledictiones, & alia crimina, quæ ex lege charitatis teneor impedire; quid mihi agendum est, super hoc peso edoceri?*

Resp. Confessarius Parochum instruat, quod ipse non est dominus bonorum Ecclesiæ, sed Custos dumtaxat, & administrator fidelis, eaque non posse alienare, vel negligere, sed teneri ad ipsa Ecclesiæ conservanda, & ubi alienata invenerit ad ea repetenda: & propterea à Petro (præmissa instructione, quod res alienæ sunt dominis restituendæ, & quod ager ille ad Ecclesiam spectat, ut authenticis monumentis probatur) debere agrum repetere, & quando reddere renuat, per juris remedia est compellendus; prout factum legimus à S. Thoma Cantuariensi, Ecclesiasticæ libertatis vindice, & Martyre, qui Ecclesiæ bona, juraque repetiit posthabito Henrici Angliæ Regis, Procerumque scandalo, cum istud non fuerit datum, sed solum ex malitia acceptum.

41 Quæritur. *Scit Petrus, Paulum*

determinatum esse ad furandum Fransisco mille, dum eum à sua resolutione revocare nequit, consulit, ut ab eodem surripiat decem, petitur, an Petrus consulendo minus malum, peccato scandalis reus sit?

Resp. Affirmativè, nam operatur contra charitatem proximi, quæ vult, ut ipsius malum impediatur. Quod Paulus omittat illud majus malum, non tollit, quin committat minus, & peccet, ergo consulens, in minus influit. Scandalum autem consistit in influxu ad malum, seu peccatum proximi, non verò in influxu ad magnum, seu grave.

Dices. Est axioma commune de duobus malis minus est eligendum. Deinde Petrus non consulit minus malum, ut malum, sed ut habet rationem boni respectivè ad majus.

Resp. Vide dicta lib. 2. cap. 20. nu. 15. & cap. 29. à num. 13. Tale itaque axioma procedit non in malis moralibus, sed physicis, cum majus evitari non potest, nisi eligatur minus; est quis in necessitate, ut imminente naufragio, eligat, vel malum mortis, vel mercium jacturam; istam, ut minus malum debet eligere. Tum quia occisurus, V. G. Petrum, non necessitatur, nec ad occisionem, neque ad mutilationem, vel ad capiendi ipsius bona, sed solum ex sua libertate se ad ea determinat; ergo non est in necessitate eligendi unum, vel alterum, sed omittit debet utrumque.

Ad 2. Negamus minus malum, hoc est furtum decem aureorum, esse bonum respectivè ad furtum centum; non est offensa Dei tam gravis, sed est offensa: & ideo furans peccat, & consulens furto cooperatur; nam numquam illicitum pro illicito faciendum, ut dixit August. lib. 2. de adult. coniug. cap. 15. & subdit, *quia illicitum est, & adulteram occidere, & illa vivente, alteram ducere, non debet alterum pro altero perpetrare, sed utrumque vitare.*

Dices. Genes. 19. ut Loth revocaret Sodo-

Sodomitas à nefario crimine, eis exhibuit duas suas filias cum facultate, ut illis abuterentur: minus autem malum est cognoscere feminas, quàm masculos.

Resp. Factum Loth non fuit positiva inductio, & consilium ad peccatum cum filiabus, sed solum comparativa permissio, istis explicata: *potius filias meas vobis prostituiam, quam ut id fieri videam.* Immo D. August. *lib. contra mendac. ad Consentium cap.8.* non excusat Loth à peccato; quamvis propter animi perturbationem non tam graviter peccaverit.

42 Quæritur, *Petrus suspicatur, quod uxor committat adulterium cum Cajo, permittit, ut Caius domum ingrediat, & in secreto cum uxore maneat, ut in fragranti reperiat, & sic eos corripiat, ut emendentur: petit, an committat scandalum?*

Resp. Affirmativè, cum Laurea *cit. num.430.* ubi generaliter resolvit, quod potens, & debens impedire malum alterius, & permittens, ut sequatur, est scandalum reus, quia censetur præbere occasionem peccandi, & ad peccatum influere; propterea Petrus peccat, si adulterium non impedit. Et peccat Dominus, si permittat, quod servus furetur, ut deprehendat eum insurto: Colligitur *ex cap. Præterea 23 q.8.*

43 Quæritur, *Est Titius paratus dare ad usuram, petitur, an Caius possit ab eodem explicite ad usuram petere?*

Resp. Negativè, & dum petit, peccat peccato scandalum; ac cooperatur ad usuram, cum ad eam, occasionem præbeat. Nec obstat, quod sit paratus facere: nam ad executionem non venit, nisi ex petitione: ergo in executionem externi operis influit petens; præparatio illa in Titio est peccatum, ad quod non influit Caius: executio autem est peccatum etiam Cajo, cum ad eam sua petitione alliciat, & inducat Titium.

44 Sed petitur: *An possit ab eo petere mutuum?*

Resp. Affirmativè, ad subveniendum suæ necessitati, sine usuris mutuet. Ratio est, quia in isto casu non cooperatur usuræ, quam potius nolle, cum ipsa gravetur, sed rem licitam ad suæ necessitatis solamen possit, mutuum scilicet, quod posset, & deberet obtinere sineusura.

45 Quæritur. *An reus scandalum sit, qui pecuniam dat Sacerdoti, nolenti puerum baptizare; vel se, aut alium sine pretio absolvere?*

Resp. Affirmativè, quia cooperatur simoniæ illius. Si puer est periculo mortis expositus, potest ipse baptizare. Si alium Sacerdotem non habeat, cui confiteatur, potest conteri, & ideo nulla potest excusatione liberari, quin peccet, si pretium conferat.

46 Quæritur. *An scandalizator teneatur damnum spirituale restaurare bonis operibus inducendo ad bonum?*

Resp. Affirmativè, ut exemplar bonorum operum iis sit, quos malis operibus in ruinam spirituales induxit. Ita meretrix pœnitens debet iis de vicinia signa conversionis exhibere.

§. VI.

Bellum.

Bellum est *preparatio, & dispositio militum ad pugnam.* Prælium autem est *ipsa actualis pugna, & conflictus.*

47 Quæritur. *Quotuplex sit bellum?*

Multiplex. Unum *iustum*, quod à legitima potestate iusto titulo, ac quadam necessitate suscipitur. Aliud *iniustum*, quod deficientibus illis conditionibus geritur.

Item aliud est *aggressivum*, seu *offensivum*, quo alius impetitur. Et aliud *defensivum*, quo quis ab impellente se defendit, vi vi repellens.

Item, aliud est *bellum sacrum*, quod contra hostes fidei suscipitur pro Religio-

gionis tutela. Et aliud *non sacrum*, quod pro bonis temporalibus geritur.

48 Queritur. *Quid requiritur, ut bellum offensivum sit justum.*

Resp. Tria sunt necessaria. I. *Legitima auctoritas*, juxta August. lib. 22. *contra Faustum* cap. 75. Propterea soli Principes, & Respublice in temporalibus superiore non habentes, ad quem possint recurrere pro reparatione injuriarum receptarum, possint bella movere.

II. *Finis*: Adeo ut finis suscipiendi bellum debet esse pax, salus, & securitas Reipublice juxta August. relatum cap. Noli 23. q. 1. Non enim ex cupiditate divitiarum, aut gloriae tantum causa, & libidine dominandi bella moveri debent. Nam ut S. Doctor loquitur lib. 3. *de Civit. Dei* cap. 6. *Inferrebella Regnicupiditate conterere, & subdere, quid aliud quam grande latrocinium nominandum est?* Et legendus etiam est loc. cit. *contra Faustum* cap. 74.

III. *Causa iusta*; ut nimirum, qui per bellum impugnantur, sint culpabiles; vel, quia injuriam inrogarunt, jura laeserunt, vel bona occuparunt. Causa debet, etiam iudicio prudentum, gravis esse, cum proportionem ad damna verisimiliter ex bello secutura, alias imprudentissime moveretur; cum irrationabiliter agat, qui ob defensionem boni minoris exponit majora periculo; & ut impediat minora mala, majoribus viam aperit, ut caedibus, incendiis, &c. Nec plus intendendum est, quam id, quod jure sibi debetur; alias, etiam si causa fuerit iusta, bellum erit illicitum, & non sine peccato.

Notandum, quod etiam causa iusta concurrente, prius quam bellum moveatur, tenetur Princeps offensum monere adversarium, an velit pacifice concordare, & sibi amicablem satisfacere? Ratio est, quia ex charitate cum possumus, tenemur vitare innumera mala, quae ex bellis sequuntur.

49 Queritur, *an bona in bello iusto Matthaeucci Cantela Confess.*

accepta, possint licite retinere?

Resp. Affirmative. Jure enim gentium, omnia ea, quae devictis hostibus, iusto bello capiuntur, sunt victorum, ut pluribus congestis apud Gonzalez in 2. tit. 24. cap. 29. num. 9. *de iur. iuran.* Viri sancti exercuerunt hoc jus praedae. Abraham Gen. 14. jure praedae substantiam tulit quatuor Regum. Josue 22. Expugnata Civitate Hacharum Josue praedam Civitatis divisit Filiis Israel ex praecepto Domini.

50 Queritur, *an in bello iusto liceat uti insidiis*: vulgo astutiae, cautele, et tendere aguati all'inimico?

Resp. Affirmative, modo semper absint mendacia, & fraudes, quae sunt signa per se deceptiva. Fas est occultare hosti sua consilia, & resolutiones, actorum, quod conducit ad belli, & finem victoriae. Dux, exposita parte exercitus, reliquos milites occultat in sylva: insidiis utitur contra hostem, sed non mentitur, quia non dicit se alios non habere, nec omnes tenetur exponere. Imprudens est hostis, si putet eum alios non habere, vel sibi insidias non parare. Legatur August. relatus in cap. *Dominus noster* 23. qu. 2.

51 Queritur. *Princeps A. illaturus bellum Principi B. exquirat à Theologo, & Consiliariis, quid sibi liceat; à quibus in responsis accipit, utrinque esse opiniones aequè probabiles; petit, an stante aequali probabilitate pro justitia, & injustitia belli, possit ipsum licite alteri movere?*

Resp. Negative, contra probabilistas asserentes absolute licitum esse sequi opinionem probabilem, quae favet libertati; seu, quae asserit actum aliquem esse licitum in concursu alterius aequè probabilis, quae stat pro praeecepto, seu, quae asserit talem actum non licere. Ratio est, quia, si aequalis ponderis rationes sunt pro justitia, & injustitia, non est certum, sed dubium, bellum esse justum; ergo non potest ipsum licite movere,

G

quia

quia agere cum dubio non licet, cum ita operans se exponat periculo peccandi, sed debet eligere, quod est tutius, juxta regulam juris, &c. *In dubiis semitam debemus eligere tutiorem*: tutius autem est tunc à bello cessare, quia ita ex bello nascitur mala vitantur.

Addo, quod ex vi rationum tunc non apparet ei, quod una pars sit magis vera, quam altera; ergo neutri potest prudenter assentiri: immò, si uni adheret, non nisi cum formidine de opposito (quod est opinionis probabilis proprium) ergo cum advertentia, quod opinio, cui adheret, incerta sit: opinio autem, quæ incerta cognoscitur, non potest esse regula moralis operationis; Est res clara. Et patet in Judice, sedente inter duos litigantes agrum, qui non potest in unum præ alio sententiam dicere, si æqualis ponderis rationes afferant. Æque benè remanent in æquilibrio lances in libra, si æquale utrinque pondus imponatur, ac si nullum imponeretur?

Dices. Princeps inter eas æquales probabilitates ex sua libertate ad partem, quod sit justum, se determinat; ergo in praxi dubius non est.

Resp. Negando consequentiam. Determinatio illa voluntatis non minuit pondus rationum, propter quas intellectus erat dubius. Tum quia, imprudens is reputatur, qui quibusdam affirmantibus aliquem cibum esse veneno infectum, aliis cum æquali rationum pondere negantibus, ex sua libertate absque ulla dubitatione judicat cibum illum esse à veneno immunem; imprudentiorque est, qui dubitans, nec sciens utra verior sit sententia, eundem cibum, quasi à veneno liberum, manducat; nonne exponitur mortis periculo? Propterea ne in praxi sit dubius, necesse est, ut occurrat aliqua circumstantia, quæ dubium tollat.

Dices. Omni se dubio in praxi liberat, certoque judicat se posse licetè bellum movere, per hunc actum reflexum:

licitum est sequi opinionem certò probabilem.

Resp. Ergo nullus est dabilis casus, in quo quis teneatur ad praxim eligere illam regulam juris, *in dubiis*, &c. quia quotiescumque propter æqualis ponderis contrarias rationes dubium erit, an aliquis actus sit licitus, nec ne, poterit voluntas imperare intellectui, ut talem actum reflexum eliciat: at id est falsum, alioqui Canones talem regulam observandam non proposuissent.

Dices. Regula illa juris non continet præceptum, sed consilium; ergo Princeps, de quo agitur, potest eligere opinionem, quæ asserit, bellum esse justum.

Resp. Negando antecedens. Canones, in quibus illa regula reperitur, constante terminis importantibus strictum præceptum, ut, *in dubiis via est tutior eligenda*; cap. *Illud de Cleric. excom. ministr.* *Clement. Exvi de verb. signif. in bis*, *qua anima salutem respiciunt ad vitandos graves remorsus conscientia, pars securior est tenenda*: verba non sunt facultativa, per verbum *potest*, sed obligatoria per illud *debet*.

Hinc sequitur, quod opinio de justitia belli debet esse absque dubio probabilior, & moraliter certa: ex Poncio curs. *Theol. disp. 33. q. 4. Laurea de vitiiis et avarit. opposit. disp. 1. art. 10. §. 5. num. 254. & 258.* Ratio est, quia cum agatur de re gravis momenti, ut de periculo tot homicidiorum, & calamitatum, quas bella afferunt, necesse est, ut præcedat opinio, quæ dubium excludat, & esse possit regula moralis operationis, ut quis prudenter agat, & periculo peccandi non se exponat.

In bello iusto licet omnia facere, quæ necessaria sunt ad vindicandam injuriam, ad boni communis defensionem, & salutis securitatem; ut vastare, obsidere, destruere arces, nocentes interficere (sed cavenda est nimia auctoritas, & inhumanitas) aliaque damna inferre, quantum necesse est ad habendam pacem,

cem, & securitatem ab hostibus; qui ratione delicti, & injuriæ irrogatæ censentur subesse Principi bellanti, tamquam Judici proprio, ut ab eo coerceantur, ne amplius noceant, satisfaciant, & Orbem non perturbent. Arg. ex cap. *Miles 23. quæst. 5.*

52 At petitur. *An innocentes licitè occidi possint?*

Resp. Directè, & ex intentione non licet, quia est intrinsecè malum, & prohibitum. *Exodi 23.* per accidens autem est permixtum; cum nimirum obtineri victoria nequit, nisi & ipsi pereant, sed id non debet intendi: sed solum victoria. Et tunc occiduntur sine culpa, sed non sine causa.

Quod intelligitur, tum de innocentibus jure naturæ, ut sunt pueri, senes, & mulieres, & alii, qui arma gestare nequeunt; tum ex præsumptione juris: ut sunt Clerici, & Religiosi, qui, cum ipsorum status sit à militia alienus, per respectum ad illam præsumuntur innocentes.

53 Quæritur. *Petrus diceßurus ad bellum contra Turcas instrui petit à Confessario, an sibi liceat ipsorum pueros occidere?*

Resp. Negativè ex speciali intentione ad eos per se directæ, sed per accidens licitè potest, ut dictum est.

54 At nonne possunt in futurum, & adulta ætate hostes esse Reipublica Christiana?

Resp. Utique; sed de præsentibus sunt innocentes. Dubium futuræ hostilitatis non dat jus occidendi tunc innocentes. Tum quia non sunt facienda mala, ut eveniant bona, & evitentur alia mala; nec Deus actu hominem punit pro peccato futuro, qui fuit error Semipelagianorum. Tum quia possunt in infantia decedere. Tum quia adulti possunt fidem suscipere. Tum quia non est justum mediis illicitis providere bono communi. Tum quia potest alio modo occurrere, eos in servitutem redigendo, & uti diligen-

tia, ut in fide instruantur, & convertantur. Praxis in catholicis castris hæc esse debet.

55 Quæritur. *An liceat militibus navis proprias comburere, ne ipsi in manus hostium perveniant?*

Resp. Negativè, cum non sit licitum ad hujus vitæ crummas vitandas se occidere; nam contra rationem ad vitandum minus malum, majus eligeretur.

Aliqui affirmant in casu, dum mors propria directè non intenditur, sed sola hostium debilitatio; maxime, dum accedit Ducis mandatum, & gravissima causa boni publici; nè scilicet integræ naves ad hostium manus perveniant; qui per hujusmodi prædam audaciores, & fortiores evadent, ac ardentius ad alias naves capiendas advolabunt, à quo abstinebunt ex prævio unius incendio.

56 Quæritur. *Miles dubitans de iniustitia belli (quod Principi notum fuit esse injustum) juxta militiæ regulas, & non aliàs militavit; petitur, an peccaverit?*

Resp. Vel miles est voluntarius, vel subditus, aut conducticius. Affirmatur peccasse, si erat voluntarius, quia hujusmodi miles obedire non tenetur, cum nec subditus sit, nec stipendiatus, & alias exponit se periculo inferendi proximo gravissimam injuriam.

Exigitur itaque præsumptio, quod jus ille habebat justè bellandi; propterea debet inquirere de justitia belli, & dum dubium deponere non potest, à bello abstinere.

Negatur verò, si erat Principis bellantis subditus, aut ab eo conductus, ex Augustino lib. 22. *contra Faustum cap. 75.* Cum ergo, ait, *vir iustus, si forte sub Rege homine, etiam sacrilego militet, rectè possit, illo iubente, bellare civica pacis ordinem servans; cui, quod jubetur, vel non esse contra Dei præceptum, certum est: vel utrum sit, certum non est, ita ut fortassis eum Regem faciat iniquitas imperandi, innocentem*

autem militem offendat ordo serviendi. Ratio est ex cit. Laureæ §.3. nu.156. quia stipendiatus, & subditus pro Principe debet presumere, quod, examinata prius diligenter causa, ad bellum iuste procedat; maximè quia milites rationum pondra discernere nesciant, & merita Civium distinguere nequeunt; neque hoc ipsorum est, videas Glof. ad cap. *Quid culpatur* 23. qu.1. verb. *iniquitas*. Nimis grave foret Reipublicæ, & moraliter impossibile, si omnibus militibus esset danda ratio iustitiæ belli.

Sed credo esse limitandum. I. Quod peccet miles conductitius, si priusquam stipendium accipiat, cum eo dubio contractum celebrat. II. Si ei aliqua probabilis ratio occurrat, quæ ipsum positivè in praxi dubium reddat.

Nota I. milites paratos famulari cui libet ad bellum vocanti, sive iustum, sive iniustum sit, modò stipendium præbeat, esse in malo statu; & nisi propositum corrigant, absolvi non possunt.

Nota II. Milites omnes ratione stipendii, quod accipiunt, ex iustitia, adeoque sub culpa mortali, obligantur. I. Ad obediendum Duci, & militiæ Præsidii. II. Ut in acie, & pugna consistent, & non facile fugiant, aliisque timorem iniiciant. III. Ut stationem servent. IV. Ut Arcem sibi commissam defendant, etiam cum periculo vitæ, quamdiu spes defendendi superest. V. ut sine Ducis sui consensu à castris, vel exercitu non discedant. In hac re debet miles advertere, quantum damnum ex discessione sua sequatur: vel, quia alius miles non nisi magnis expensis adduci possit.

57 Quæritur. *A Duce non solvitur militi integrum stipendium iuxta pactum initum, aut solutio differtur; petitur, an ei liceat subditos, aut innocentem incolas bonis spoliare, & ipsorum bona capere?*

Resp. Negativè, quia bona aliena non sunt oppignorata militibus pro stipendio. Quod, si iniusta stipendiorum de-

tentio milites cogat ad innocentes spoliandos, Dux tenebitur ad damnum reparandum.

58 Quæritur. *An Clericis sit pugnare licitum?*

Resp. Per se non licet, quia iure Ecclesiastico eis prohibetur, *cap. quicumque ex Clero, cap. Clerici* 23. qu.8. Nam sunt ex officio inhabiles ad pugnandum, *ex cap. Ex multa de voto*. Quos ars bellica retrahit à laude Dei, oratione, & divinis officiis: & exemplo Christi debent potius pati suum sanguinem effundi, quam effundere alienum.

Propterea Clericos in majoribus constitutos (idem de Religiosis) peccare mortaliter, si pugnent, etiam in bello iusto, tam aggressivo, quam defensivo, dixerunt DD. cum S. Joan. de Capistrano *trac. de Papa, & Conc. auct. p.2. partis secunda principal.* pag. mihi 85.

Colligitur etiam *ex cap. Petitio de homicid.* ubi deciditur irregularis Clericus, qui contra Saracenos in bello defensivo metuebat aliquos ex eis interfecisse, vel mutilasse, eique imponitur, ut in dubio ab Altaris ministerio ablineat: *cum in huiusmodi dubio consultius sit abstinere, quam temerè celebrare*, ut ibi textus.

Dixi per se, quia per *accidens*, Clericis, etiam in sacris permittitur propria manu pugnare in casu iustæ defensionis Patriæ, vel Reipublicæ ab hostibus invasæ, Dum necessitas eversionis est omnino inevitabilis. Quod contingit, dum sæculares ad defensionem non sufficiunt, nec vim hostium propulsare possunt. Laureæ §.4. Gonzalez in 5. tit. 12. de homicid. cap. 24. num. 8. Verum si absque cæde possunt hostem declinare, confodere est peccatum, quia tunc potius intenditur ultio, quam necessaria defensio.

59 Sed quæritur. *An Clericus ex necessitate defensionis Patriæ in bello iusto defensivo pugnans, fiat irregularis, si aliquos hostes occidat, vel mutilet?*

Resp. Affirmativè, colligitur ex regula

la communiter accepta, quod irregularis efficitur, qui aliquem interficit, aut mutilat, à qua non reperiuntur excepti, nisi casus furiosi, infantis, seu dormientis, & illius, qui mortem aliter vitare non valens, suum cum moderamine inculpatae tutelae occidit invasorem, ex Clement. *Si furiosus de homicidio*. Sed dic, ut ad proximum.

60 Sed quid, si necessitas talis foret, ut cum Patria se ipsum etiam defendere deberet?

Resp. Tunc juxta text. *alleg. Clement. à quibusdam* excusatur ab irregularitate. Sed legendum est Trid. *sess. 14. cap. 7.* ubi: tam irregularis statuitur committens homicidium voluntarie, & ex proposito; quam occidens alium non ex proposito, sed casu, vel vim vi repellendo, ut quis se à morte defendat. Cum hac differentia, quod, dum agitur de primo homicidio, non tam facile cum promovendo, tametsi cum promotio facilius à S. Sede dispensetur. Dum verò agitur de secundo facilius super irregularitate dispensatio obtineatur. Legendus Fagnan. *in 5. ad cap. Petitiō nu. 15. & ad cap. Henricus nu. 23. & sequen. de homicidio*.

Dices. Clericus tunc non peccaret, ergo nec irregularitatem incurreret?

Resp. Negando consequentiam. Irregularitas contrahitur, etiam sine culpa, patet in militibus in iusto bello occidentibus, vel mutilantibus; in Iudice iustam sanguinis sententiam proferente: in testibus iuste in eadem causa deponentibus, & in officialibus ejusdem sententiae executioni cooperantibus.

61 Quæritur. *An sit irregularis Clericus, qui in bello iusto milites hortatur, ut fortiter pugnent pro iustitia, Patria, vel Ecclesia: Si aliquis per milites occidatur, vel mutiletur?*

Resp. Negativè, est communis DD. sententia apud Gonzalez *cit. num. 4.* asserentes Clericos absque specifica sanguinis intentione hortantes milites ad strenuè pugnandum nullam contrahere irregu-

Matthæucci Cautela Confess.

laritatem, quod probant ex cap. *Maximilianus 23. qu. 3.* ex cap. *Igitur*: cap. *Omni timore*: cap. *Hortatu ibid. q. 8.* ac ex D. Thoma *2. 2. q. 40. art. 2. ad secundum*. Ratio est, quia adhortari ad strenuè pugnandum, idem est, ac hortari ad strenuè incumbendum in adeptione victoriæ, & ejus obice repellendo; quod non est specificè intendere sanguinis effusionem. Propterea eis prohibetur hortari, vel invitare ad pugnam injustam, vel cum specifica intentione sanguinis; vel his verbis, *occide*: & dum ita milites ad pugnam hortantur, irregularitatem contrahunt, dum per milites aliquis occiditur.

62 Quæritur. *An Clerici procedentes ad bellum ex dispensatione Papæ irregulares sint, si sequatur mors, vel mutilatio hostis?*

Resp. Negativè, quia statim ac dispensat in principali, & antecedenti, censetur cum eis etiam dispensare in consequenti, adeoque in irregularitate, & aliis penis. Laurenci *cit. §. 4. nu. 245.* De la Cruz *de irregularit. dub. 7.* De quare dixi *Official. Cur. Eccles. cap. 35. §. unic.*

Adverte. In bellis considerari varia opera: Primo actionem ipsam bellandi, quæ Clericis juxta dicta per se prohibetur. Secundo functiones alias, ut commitari exercitum ad consilium circa bellica negotia pro utilitate Ecclesiæ præbendum, quod per Clericos præstari potest, arg. ex cap. *Ex multa de voto*. Item comitari possunt exercitum ad Missas celebrandas, & sacramenta ministranda. Gonzalez *cit. num. 4.*

§. VII.

Iustitia.

63 Quæritur. *Quid sit iustitia.*

Resp. Est habitus inclinans voluntatem ad reddendum, vel relinquendum alteri, quod suum est; adeo ut appareat malum, & rationi dissonet

G 3 non

non reddere illud ipsi, aut auferre illud ab eo.

Didividitur in *commutativam*, & *distributivam*. Ad commutativam spectat servare æqualitatem in contractibus, & commutationibus, emptione, venditione, & similibus. Cui opponitur iniustitia simpliciter; & quidquid alteri fit contra jus; ut homicidium, mutilatio, furtum, rapina, detractio, accusatio falsa, maledictio, &c. Ad distributivam verò pertinet distribuere commoda, & honores Communitatis, inter illius personas, servando proportionem geometricam ad eorum merita. Cui opponitur acceptio personarum, de quo *lib.2.c.27.*

§. VIII.

Virtutes ad iustitiam reducibiles.

64 **Q**Uæritur. *Quanam virtutes reducantur ad iustitiam, ut est virtus alterum respiciens.*

Resp. Primò reducitur Religio; quæ est *virtus tribuens Deo propter ipsius excellentiam cultum, & honorem, qui non sit prohibitus ab Ecclesiâ Catholica.* Habet hæc sub se plures actus speciediversos: *Devotionem, Orationem, Adorationem, Sacrificium, Oblationem bonorum, Votum, Juramentum, Dei laudem, & Adiurationem;* quibus omnibus homo Deo subicitur, testificaturque ejusdem excellentiam, perfectionem, aut supremum dominium.

Per *devotionem*, testatur Dei superioritatem, & excellentiam; cum voluntas promptè se tradat ad ea, quæ pertinent ad Dei cultum, & famulatum: in ea enim promptitudine voluntatis devotio sita est, juxta D. Thom. 22 q. 82. ar. 1.

Per *orationem*, homo Deo reverentiam exhibet, & se subicit, ac proficitur orando se eo indigere, sicut auctore omnium bonorum, de quo fusiùs alibi Deo dante, occasione referendi Quietistarum errores.

Per *adorationem* nostram erga Deum servitutem in recognitionem infinitæ suæ excellentiæ, supremæque dominii externis etiam submissionis signis profite-mur, juxta dicta *lib.3.cap.3. num.62.*

Per *Sacrificium*, ipsum Deum colimus, tamquam supremum vitæ, & mortis dominum; legas *lib.4.cap.48.2. n.2.1.*

Per *oblationem bonorum*, ejusdem Dei absolutum, & summum dominium in res omnes profite-mur; etiam, cum ipsi offeruntur, ut cedant in sustentationem Ministrorum Ecclesiæ; vel, ut per illos etiam sustententur pauperes, constentur Templis, vasa sacra, &c. quia semper cedunt in Dei obsequium.

Si offeruntur primi fructus agrorum, vel arborum, dicitur primitiarum; Si verò fructuum decima pars, decimarum oblatio appellatur.

Per *votum*, agnoscimus Deum, tamquam ultimum finem, in quem nos, & nostra omnia speciali affectu referre volumus. Vid. *lib.3.cap.4.*

Per *juramentum*, implicite profite-mur Deum esse veritatem indefectibilem, & omniscium; propterea enim ad confirmanda propria verba, & promissiones ipsius nomen assumitur, per dicta *lib.2.cap.16.*

Per *laudem Dei*, ipsius summam perfectionem, & excellentiam verbis, & voce, profite-mur.

Per *adiurationem*, Dei potentiam, & efficaciam recognoscimus.

Est *adiuratio*, aliquam personam imperando, vel obsecrando inducere ad aliquid faciendum, vel omittendum invocatione alicujus rei sacræ. Unde adiuratio duplex est; una deprecativa, quæ fit deprecando; altera imperativa, quæ fit imperando. Et cum res, per quam fit adiuratio, debeat esse aliquod sacrum, debet fieri per Deum, Angelos, & Sanctos, ac etiam per justos viatores. Sola aphorismi *lib.1.cap.55. allegans Suarez, & Sanchez.*

Adiuratio imperativa, seu coactiva De-

Dæmonum licita est, per imperium ar-
cendo illos exorcismis ab Ecclesia ordi-
natis, ne hominibus, aut rebus suis noc-
ceant. Quare videant exorcistæ, ne abu-
tantur ministerio: sciant maxima cau-
tela, & prudentia esse exequendum, &
in eo abstinendum à nugis, superfluis, &
curiosis interrogationibus; nec respon-
sis Dæmonis credendum, quia est pater
mendacii. Legendus Carena §. 5. num. 2.
¶ 4. Annotat. de Strigib. de offic. inquisit.

65 Quæritur. An liceat adiurare lo-
cussas, & vermes, præcipiendo eis per
Deum, ne agris, & fructibus noc-
ceant?

Resp. Negativè, Regula generalis est
apud DD. vanum esse adiurare creaturas
irrationales, & insensibiles, dirigendo
fermonem ad ipsas, quasi ipsæ ex propo-
sito se moveant ad nocendum, intentionem
nocendi habeant, & capaces sint
percipiendi adiurationem, ac in vim il-
lius cessandi à nocumento. Atque id as-
serunt esse ex genere suo mortale propter
irreverentiam ad res sacras, & Ecclesiæ
exorcismos, dixit Majol. sum. in Decalog.
1. precept. p. 1. q. un. art. 5. §. 10.

Adjurari solum possunt, referendo
adiurationem ad Deum per modum de-
precationis, eum deprecando, ut nos
ab ipsarum nocumento liberet. Soufa-
cit. num. 13.

Secundò. Ad iustitiam reducuntur et-
iam. I. Pietas; quæ inclinatur ad colen-
dos Parentes, Cognatos, & Patriam,
cui opponitur impietas; quæ est ex suo
genere mortalis.

II. Observantia, quæ inclinatur ad tri-
buendum honorem superioribus, & per-
sonis in dignitate constitutis; cui oppo-
nitur inobservantia: item ex genere suo
mortalis.

III. Obedientia, inclinans ad exe-
quenda mandata Superiorum: Cui oppo-
nitur inobedientia; item ex genere suo
mortalis.

IV. Veritas, seu veracitas inclinans
ad conformanda verba menti; Cui oppo-

ponitur mendacium. De quo libro se-
cundo cap. 17.

V. Liberalitas inclinans ad distribu-
da bona aliis sine avaritia, vel prodigali-
tate, sed juxta præscriptum rationis,
dando, & retinendo, ut oportet; idè
ei per defectum opponitur avaritia, &
per excessum prodigalitas, ut dictum
est supra num. 15. & dicendum lib. 2. c. 37.

VI. Amicitia inclinans ad reamandum
amicum, eique amicabilia officia exhi-
benda; Cui per excessum opponitur adu-
latio: quæ est mortalis, dum malefacta
laudantur: cum impedit, ne amicus à
peccatis resurgat, vel eum ad majora
crimina inducit.

§. IX.

Vitia per excessum religioni opposita.

Religioni per excessum opponitur su-
perstitio, non quia, ut ait D. Tho-
mas 2. 2. q. 92. art. 1. plus exhibet in cul-
tum divinum, quam religio, sed quia
exhibet cultum divinum, cui non debet,
vel eo modo, quo non debet. De super-
stitione agit D. Augustinus Epist. 102.
(aliàs 179.) ad Deogratias q. 3. cap. 2. Un-
de superstitio est; cum vel vero Deo cul-
tus illegitimus, vel creaturae cultus inde-
bitus exhibetur:

66 Quæritur, Quando censeatur;
quis verum Deum cultu illegitimo co-
lere?

Resp. Cum verus Deus colitur cæremoniis
veteris legis, quibus Christus præfigu-
rabatur venturus. Quod perindè est,
ac significare, & confiteri Christum non-
dum incarnatum, & passum; conse-
quenter est cultus perniciosus, aliquid
falsum, & contra fidem significans. Est
gravissimum peccatum in sic colente,
quia præsumitur errare contra articulum
fidei, *Inarnationis Filii Dei*. Hinc pe-
nitens in tali culpabilis interrogandus
est, quid de fide sentiat? Et, dum cum
errore reperitur, absolvi non potest à

Confessario ordinario, quia est excommunicatus in Bulla Cœnæ. Immo, quamvis nec cum errore foret, tutius esset ipsum remittere ad Sacrum Tribunal.

II. Cum exhibetur Deo cultus superfluous, seu ineptus ad ipsum colendum, hoc est, cum sit aliquid ad Deum colendum, quod est præter Dei, vel Ecclesiæ institutionem, aut contra legitimam, & approbatam Ecclesiæ consuetudinem: ut, si Sacerdos in Missæ celebratione alios ritus, & preces adhibeat, præter ab Ecclesiâ receptas: abusus talis ex *Trid. sess. 22. in decret. de observan. in celebrat. Missæ* tollendus omnino est.

Quandoquidem mutatio potest inducere suspicionem hæresis, in casu nimirum, quo quis in celebratione Missæ utatur aliquo hæreticorum ritu: ut, si post consecrationem data opera non genuflectat; nam tunc præsumitur cum Calvinistis non credere Christi veram, & realem præsentiam in hostia ritè consecrata.

67 Queritur, *Quot modis cultus indebitus creaturæ tribuitur?*

Resp. Multiplici. Idololatria, Divinatione Dæmoniaca, Magia, Maleficio, & Vana-observantia.

§. X.

Idololatria.

65 Queritur. *Quid sit Idololatria?*

Resp. Est *superstitio, quæ cultus soli Deo debitus, creaturæ exhibetur*; ut, per sacrificium, erectionem templi, adorationem latriæ: Sive oratione invocetur, sicut invocatur Deus: Sive ei vota fiant, aut per ipsius nomen juretur, &c.

Hujusmodi cultus solet secum habere annexam hæresim, dum colens credit creaturam esse divinitate præditam, vel dignam honore soli Deo debito. Et tunc quis absolvi non potest, quia est formaliter hæreticus excommunicatus in Bulla Cœnæ.

Si verò id non credat, adhuc gravissi-

mè peccat contra virtutem Religionis, etiam si metu mortis cogatur; nam in iis, quæ sunt intrinsecè mala, nec metus mortis excusat. Immo, & tunc in foro externo, licet non in interno, excommunicatus reputatur; & idèò ad Sacrum Tribunal est dirigendus.

69 Petitur. *An Idolatriam committat Catholicus, dum adorat hostiam, quam prudenter credit esse ritè consecratam, quæ tamen non est, vel ex defectu potestatis, vel intentionis in consecrante?*

Resp. Ab aliquibus admittitur cum committere Idolatriam materiale. Quæ in hoc stat, quod quis alicui tribuat cultum divinum, inculpabiliter ignorans illum ei non deberi. Cæteris placet id negare, quibus subscribimus, quia, dum Catholici hostiam consecratam adorant, implicitè retinent hanc conditionem adorandi, *si præcessit legitima consecratio*: & parati sunt respondere, se eam adorare, quia prudenter credunt esse ritè consecratam, alias non adoraturi.

§. XI.

Divinatio Dæmoniaca.

70 **D**ivinatio Dæmoniaca est *inquisitio, & prænuntiatio futurorum, & occultorum indebitis modis, à divina Providentia non constitutis*. Hæc semper innititur auxilio Dæmonis per pactum expressum, vel tacitum. Et dicitur sortilegium, quatenus ministerio Dæmonis illa notitia procuratur pactum expressum, vel tacitum.

Pactum expressum cum Dæmone fit, vel ejus auxilium explicite imploratur, quando, vel expressis verbis ipse invocatur; vel, quando ipsomet facto invocatio fit; sicut, quando quis sciens Dæmonem per aliquod signum respondere, aut aliquid facere, tale signum adhibet: ut contingit in experimento *disto della caraffa, e del crivello*.

Tacitè



Tacitè verò fit pactum, seu auxilium Dæmonis imploratur, quando occultorum notitia, vel alius effectus procuratur mediis vanis, & indebitis, quibus Dæmon libenter se permiscet, ut homines decipiat. Tunc enim quis tacitè Dæmonis auxilium implorat, juxta dicta *cap. 4. num. 11.*

Cæterum ad pactum tacitum non exigitur, quod quis prius cum Dæmone pactum inierit se se immiscendum cum his vanis, & indebitis mediis, à quocumque adhibitis; sed satis est, quod quis utatur illis ad effectum aliquem improporcionatum adipiscendum. Suoula *aphor. lib. 1. cap. 38. num. 10.*

Pactum tacitum cum Dæmone tunc in aliquo facto dari præsumitur, quando non est proportio rei cognoscendæ, vel faciendæ ad medium, quo cognosci, aut fieri procuratur; ut, quando unum ex alio sufficienter non infertur.

Legendus D. Augustinus *lib. de divinatio. Dæmonum, ubi cap. 5. & 6.* modus recenset, quibus solent Dæmones homines fallere, & nonnulla prius prænunciare, quam eveniant.

Varia sunt species divinationis, in quibus intervenit pactum expressum cum Dæmone.

71 Prima est *præstigium*, quo quibusdam apparitionibus Dæmones aspectui, & auditui hominum se ingerunt, occulta prænunciando, obiicentes hominum sensibus vera corpora occultè ibi asportata; vel à se efformata, applicando activa passivis; vel immutantes visum, ac si ab objectis moveretur; vel efformantes voces, nullo corpore efformato. Propter quæ auditus, & visus præstringuntur ad ea objecta percipienda. A quo hoc divinationis genus dicitur præstigium.

72 Secunda est *divinatio somniorum necromantica*: estque illa, quæ provenit à Dæmonibus occulta in somniis homines edocentibus. Hujusmodi somnia à Dæmonibus procedunt, invocatis per sacrificia, orationes, & cultum, ut con-

tingit in strigibus. Quæ non semper realiter feruntur de loco ad locum, sed media unctione sopore correptæ in eodem loco manentes, per somnia ea omnia eis repræsentantur, quæ postea se vidisse narrant. Qui hanc scientiam habent cum Dæmonibus ut plurimum sunt apostatæ à fide, sicut Lamia.

73 Ad hujusmodi genus divinationis reduci potest *ars notoria* (quam vocant etiam claviculam Salomonis) qua quis utitur quibusdam ad acquirendam scientiam, quæ non habent secundum se virtutem causandi scientiam. Sicut inspectione quarundam figurarum, & prolatione quorundam signorum, verborum, & similium. Solet Dæmon per eos loqui, quos hac arte deludit, sibi que mancipat, ipsorum phantasiam turbans, linguam movens ad quædam illis incognita, & arcana proferenda. Sed ubi Dæmon precibus, ac exorcismis Ecclesiasticis coactus deserit, & pactum cessat, nec recordantur, quæ dixerint. Hanc artem reprehendit Augustinus *lib. 2. de doctr. Christi. cap. 24.*

74 Tertia est *necromantia*, qua arte Dæmonum per fictas mortuorum apparitiones occulta hominibus prænunciantur.

75 Quarta est divinatio *Pythonica*, qua Dæmon occulta prædicat per homines vivos.

Ad quam spectat divinatio oraculorum, hoc est, responsa data à Dæmone certis in locis ministerio hominum, qui Pythonici, & Fanatici dici solent.

76 Quinta est *Geomantia*, quæ Dæmon occulta manifestat ex signis in corpore terrestri. Ad hanc spectat experimentum, *detto dello specchio*, & illud per annulos, gladium, &c.

77 Sexta est *Hydromantia*, qua Dæmones occulta manifestant per aquam, vel in aqua. Usus istius est in fontibus. Contingit etiam utendo vase aqua pleno, & puero, vel puella virgine, injectis in aquam paleis, pronuntiatisque determi-

tis verbis; & tunc puero, vel puellæ representatur figura, ex quibus cognoscitur, quod quisque scire vult.

78 Septima est *Aeromantia*, qua arte Dæmonum occulta prædicuntur per apparatus, quæ in aere fiunt.

79 Octava est *Pyromantia*, qua arte Dæmonum occulta manifestantur in igne, audiendo ex eo voces, vel aliis signis.

80 Nona est *Aurispicium*, qua occulta cognoscuntur per inspectionem viscerum animalium, quæ Dæmonibus immolantur.

Quæ quidem omnes divinationis species sunt peccata mortalia gravissima, divina lege reprobata. *Deuteronum cap. 8.* Et Ecclesiasticis legibus sub Anathematis interminatione prohibita, ut habetur cap. *Si quis Ariolos 26. q. 5.*

Varie item sunt species divinationis, quæ fit cum pacto implicito cum Dæmone. Quas omnes recenset Soula *loc. cit. cap. 48.* Variæque ibid. cap. 56. refert regulas ex D. Thom. quibus cognosci possunt innumera facta, quæ fiunt per verba, characteres, & res aliquas naturales applicatas ad mirabiles effectus, & curationes, esse cum pacto implicito cum Dæmone.

81 Prima est. Si voces, vel scripture contineant aliquid falsum, vel irreligiosum, est certum, quod effectus inde secutus à Dæmone fuerit.

Secunda. Si per orationem petatur, aut expectetur à Deo aliquid injustum, & quovis modo peccaminosum, licet verba, vel scripta sint sancta, pactum implicitum cum Dæmone intervenit.

Tertia. Si usurpentur characteres, aut verba incognita, sive dicantur esse Dei, sive Angelorum, nam communiter sunt nomina Dæmonum, aut ab eis confecta ad firmandum pactum cum Magis.

Quarta. Quando rebus, aut verbis sacris adduntur aliqua vana, profana, & incognita, à Dæmone medio pacto procedit effectus.

Quinta. Quoties aliquid, sive sacrum, sive naturale adhibetur ad aliquem effectum, ad quem constat non habere proportionem, nec virtutem naturalem, neque supernaturalem, censendum est ibi intervenire pactum cum Dæmone, juxta Augustinum cit. *lib. 2. de doctrina Christiana cap. 2.* ubi. *Ista opiniones quibusdam rerum signis humana presumptione institutis, ad eadem illa, quasi quadam cum Dæmone pacta referenda sunt.*

Ad has attendant Confessarii, ut dignoscere possint superstitiones actiones, eisque remedium præbere.

82 Quantum ad Astrologiam, quæ ponitur inter species divinationis, est ponderandum. Quod Astrologia duplex est, *naturalis*, & *judiciaria*. Naturalis, quæ dici solet etiam astronomica, est *consideratio astrorum, indeque sumpta prædictio effectuum naturalium*, eventuum scilicet cælestium, & elementarium, ut Eclipsis, Serenitatis, tempestatis, siccitatis, fertilitatis, & aliorum effectuum naturalium, qui ex cælestibus corporibus, ut ex naturalibus causis, causantur. Hæc non est prohibita, ut DD. communiter, ac à Sixto V. in *const. Cæli, & terre Creator la 17. Bullar. tom. 2. §. 1.* præservatur per hæc verba: *futuris eventibus ex naturalibus causis, necessariis, vel frequenter provenientius, quæ ad divinationem non pertinent, dumtaxat exceptis*, & infr. §. 3. Astrologiæ artem prohibente; præterquam circa *agriculturam, navigationem, & artem medicam*; circa quæ neque ullum iudicium certum ferri potest, sed valde dubium, quia astrorum motus quis dimensus est?

83 Astrologia judiciaria est astrorum consideratio, indeque desumpta prædictio futurorum contingentium, à libero hominis arbitrio dependentium; iudicatque de nascentis statu, vita, & morte, honoribus, nuptiis, facultatibus, filiis, inimicis, &c. ac quid in singulis rebus sit faciendum, quid omittendum:

quan-

quando manendum domi, quando egrediendum, & similia. Falsitas hujus patet, ex quo astra non sint causa operationum liberi arbitrii: aliàs tolleretur libertas, omniaque contra fidem fato, vel fatali necessitate contingerent; quia astra naturaliter, & necessario, quantum possunt, influunt, ergo vanum, superstitiosum, & diabolicum est ex astris certum, vel probabile judicium ferre de actibus à libero arbitrio dependentibus.

Si dixeris, quod ex astris potest Astrologus observata nativitate pueri habere conjecturam de temperamento, & propensione.

Potest hoc negari. Nam caremus perfecta astrorum scientia. Tum quia vix potest potari situs astrorum existentium in puncto nativitatis. Tum quia, licet posset dicere, quantum est ex vi astrorum, deberet esse mitis, castus, &c. tamen, nec certo, nec probabiliter potest prædicere, quod ita erit. Nam sicut sapiens potest dominari suis passionibus, ita & astris; Sed in particulari nil, nec probabiliter potest prædicere. Unde cum quidam Astrologus considerans Socratem, dixisset, nec castum, nec virtuosum esse; respondisse fertur, se talem quidem futurum fuisse, sed per abstinentionem se castum, & per studii exercitium doctum evasisse, & corporis passiones multas philosophia superasse.

De hujus generis astrologia diximus aliqua d. cap. 4. nu. 19. D. August. lib. 2. de doctr. Christi cap. 21. eam vocat perniciosam superstitionem, & conantes ex stellarum positione, vel actiones nostras, vel actionum eventa prædicere, aînimis errant, & vendunt imperitis hominibus miserabilem servitutem.

§. XII.

Divinatio per Sortes.

84 **S**ors est actio facta, ut ejus eventa aliquid innotescat, vel fiat

Sousa citat. cap. 53. numero 1.

85 Aliæ autem sunt sortes divinatoriæ, quæ adhibentur ad aliquid occultum, vel futurum sciendum. Aliæ consultorig ad cognoscendum quid in aliquo casu agendum sit (ut ex urina elicimus, utrum anno sequenti debeamus seminare, vel non) & aliæ divisoriæ, quibus quæritur, quid in alicujus rei, vel honoris divisione sit cuique dandum.

86 In sortibus divinatoriis est semper peccatum mortale, quia in eis semper tacita invocatio Dæmonis reperitur, à quo effectus expectatur; cum neque ex divina institutione, neque ex aliqua virtute naturali sortes illæ connexionem habeant cum eo, quod per illas inquiritur. Quas prohibet Sixtus V. in d. const. Cæli, & Terræ, ibi: non sine Dæmonis saltem occulta societate, aut tacita pactione operam dare, sed illis, ac sortibus illiis taxillorum, granorum triticeorum, vel fabarum ictu uti non ventur. Verum ignorantia à mortali potest excusare, juxta d. cap. 4. num. 15.

In sortibus pariter consultoriis est item peccatum mortale, quando resolutio expectatur à Dæmone; Non verò, quando per illas Deus consulitur. Quod tamen fieri non debet, nisi cum triplici conditione. Primò, ut non ex curiositate, sed ex aliqua necessitate. Secundò, cum reverentia divini Nominis. Tertiò, ut verba Evangelii ad negocia secularia, & vana non convertantur. Primum, & secundum habetur ex cap. Non exemplo 26. q. 2. ibi: Si qui tamen necessitate aliqua compulsi, Deum putant sortibus exemplo Apostolorum esse consulendum; Videant, hoc ipsos Apostolos, non nisi collecto Fratrum Cœtu, & precibus ad Deum fufis egisse. Ut in locum, scilicet Judæ, alium Apostolum substituerent. Tertium verò ex August. iu. Epist. 55. (alias 119.) ad Inquist. Januarii cap. 20. ibi. Hi verò, qui de paginis Evangelicis sortes legunt, & si optandæ est, ut hoc potius faciant, quam ad

ad Dæmonia consulenda concurrant: tamēn etiam ista mihi displicet consuetudo, ad negotia secularia, & ad vita hujus vanitatem propter aliam vitam loquentia oracula divina velle convertere. Videatur *Glof. in cap. Hid. causa, & q. in verb. potius.*

Ceterum exemplo Matthiæ, non adeo facile est sortibus consultoriis utendum, ut in *d. cap.* Nam ordinariè Deus vult suam voluntatem ab hominibus indagari aliis mediis, quam per sortes: ut, doctrina Ecclesiæ, Doctorem, & virorum prudentum consilio, oratione, timore, & reverentia divinum implorando auxilium.

87 Tandem, ut sortes divinatoriæ (quæ sunt contractus fortunæ, in quo partes conditionem æqualem subeunt acquirendi, aut perdendi) sint licitæ, debent nonnulla concurrere.

I. Ut eventus non expectetur à Dæmone, nec ab astris, neque à fato, & fortuna, tamquam Dea, ex necessitate causante eventus humanos, prout à Gentilibus usurpabatur; sic enim foret contra Religionem: Sed sumpta prodigina Providentia ordinante, & disponente causas ad talem eventum, ut notavit Majol. §. 7.

II. Ut fiant cum necessitate juxta Augustinum *Epist. 228. (aliis 180.) ad Honoratum*, exemplificantem in Dei Ministris, quando inter eos esset dissidium, quinam debeant tempore persecutionis manere, ne fuga fiat omnium: & quinam fugere, ne morte omnium deferatur Ecclesia: *Si hæc disceptatio aliter (ait) non potuerit terminari quantum mihi videtur, qui maneant, & qui fugiunt, sorte legendi sunt.*

III. Ut non violeetur justitia, sed illæsum servetur jus partium.

IV. Ut sortes non adhibeantur in electionibus, & beneficiis Ecclesiasticis, in quibus jure canonico prohibentur, cap. *Ecclesia de sortilegiis.* Nec est eis utendum in aliis rebus spiritualibus. Unde

S. Congr. S. Offic. 18. Julii 1703. prohibuit quædam folia cum titulo: *Lotto spirituale per le povere anime del Purgatorio, &c.* in quibus prescribitur modus suffragandi per quandam speciem fortis: non propter suffragia pro iisdem animabus, quæ sunt sanctas, sed propter dictum titulum, & modum, qui est prophanus, & christiana pietate planè indignus.

V. Ut fiant cum reverentia Dei.

Quas conditiones reperiri in sortibus publicis Januensium, scripsit Campionus *p. 2. cap. 36. num. 11.*

88 Ad genus sortis divinatoriæ videtur spectare *purgatio vulgaris*, seu experimentum, quod per ferrum candens, vel aquam ferventem sumebatur ad cognoscendum, an accusatus de crimine, reus esset, & purgandam accusationem occulti criminis impietati. Sed quamvis in hoc conveniat cum sortibus, tamen per ipsum, quatenus expectatur aliquis effectus miraculosus à Deo, Deus tentari videtur: pro ut expressè cap. *Dilecti filii de purgat. vulg.*

89 Ad divinationem per sortes spectat per baculum, vel arboris ramum, certa sub costellatione ex arbore abscissum certisve characteribus, & signis notatum thesauros absconditos scrutari, & ubi sint absconditi, designare. Nam hujusmodi instrumenta sua natura vim nullam habent ad detegendos thesauros in terra defossos, ac in occulto absconditos. Ideo non possunt adhiberi, tamquam causæ; sed adhibentur tamquam signa; & sic pertinent ad pacta quædam significationum cum Dæmonibus fœderata, ut loquitur Augustinus *lib. 2. de doctr. christ. cap. 20.*

§. XIII.

Magia Superstitiosa.

90 **Q**Uæritur. *Quid sit hæc magia?*
Resp. Est facultas operandi *opæ Dæmonis mira, excedentia vires humanas;*

nas; ut, scire consilia Principum, existentium in remotissimis partibus; sanare citò hominem, &c. utrumque enim non superat vires Dæmonis: nam primum potest suo celeri motu exequi deferens illorum notitiam; secundum verò, nobis non videntibus, applicando activa passivis.

Regula dignoscendi, quando illud mirum referri debeat ad auxilium Dæmonis, est, cum vel media, quæ adhibentur ex se vim naturalem non habent ad illud, vel præter consuetudinem Ecclesiæ applicantur. Unde ex suo genere est peccatum mortale.

§. XIV.

Maleficium.

91 **Q**Uæritur. *Quid sit maleficium?*

Resp. Est *ars injustè nocendi aliis ex pacto cum Dæmone*. Si maleficium adhibeatur ad excitandum amorem carnalem, vel odium inter personas, dicitur amatorium. Si ad nocendum in corpore per infirmitates, vel bonis externis per ventos, pluvias, &c. est veneficium, de quibus diximus *cap. 4. num. 12.*

Dices. Dæmon non potest voluntatem necessitare, nec cogere ad peccatum, ergo nec excitare hominem ad amorem venereum, vel odium.

Resp. Negando consequentiam. Non necessitando excitat, sed alliciendo, vel alterando phantasiam, formando species representantes rem amatam amabiliore, vel carnis appetitum inflammando. Utinam sæpè Dæmon nobis materiam tentationum non proponeret. Quibus tamen non obstantibus, voluntas est libera ad consensum dandum, & potest maleficiatus, si velit, cum auxilio divinæ gratiæ de tentatione victoriam reportare, & illecebras sensus repellere.

92 **Q**Uæritur. *Petrus hæc Confessario aperit; Berta maleficio meo filio ad mor-*

tem nocuit, jam est parata nocumentum tollere, sed non potest, nisi alio maleficio: peto, an possim sine mortali id ab ea petere, vel consentire, ut faciat: quid Confessarius dicturus?

Resp. Primò. Quod tenetur eam denunciare S. Tribunali. Secundò. Cum ea reducat ad praxim dicta *cap. 4. num. 17.* Tertiò. Si per mensem post adeptam notitiam neglexit, absolvi non potest juxta edictum S. Offic. *ibid. num. 10.* Quartò. Quod non potest id sine lethali peccato petere: nam, ut ait Apostolus 3. *non sunt facienda mala, ut eveniant bona: ad quod applicatur aliud ex cap. 1. digni sunt morte, &c. non solum, qui talia faciunt, sed, & qui consensunt facientibus*. Tum quia, sicut opus per se malum nemo unquam licitè facit, ita nec ad illud ullus licitè induci potest.

Dices. Licitum est ab usurario parato usuras petere mutuum in gravi necessitate, recipere, & postulare, maxime dum non est aliud, à quo possit mutuum obtinere. ergo à pari

Resp. Negando consequentiam. Discrimen est evidens: Nam usurarius inducitur ad id, quod sine peccato facere potest, si velit. Mutuum enim petere, & dare peccatum non est, & mutuans potest mutuum dare simpliciter, nihil exigens ultra sortem, juxta dicta §. 5. *num. 43.* Sed amorio malefici per aliud maleficium est intrinsicè mala, & sine peccato tolli non potest, adeoque nec peti, ne communicetur in crimine.

Dices. Morietur puer, nisi tale adhibeatur remedium.

Resp. Melius est, ut homo moriatur, quam, ut peccatum committatur, si sine maleficio maleficium dissolvi non potest. Juvetur agrotus per preces, & Ecclesiæ exorcismos; & dum istis iusto Dei iudicio non liberatur, commendetur Deo, & relinquatur in manus ipsius.

§. XV.

Vana-observantia.

93 **Q**uæritur. *Quid sit vana-observantia.*

Resp. Est, cum ad aliquid obtinendum, vel vitandum adhibentur aliqua, quæ ad id nec à natura, nec à Deo vim ullam habent; consequenter illis utens, ac volens inde consequi effectum intentum, ipso usu, & facto protestatur se Dæmonem tacite implorare, ut eis se ingerat, auxilium præstet, cum non possit aliter operari. frui.

94 At dubitatur, unde cognoscendum, quod ea virtutem non habeant?

Resp. Quod à Deo non receperint, colligitur ex regula generali, quod numquam tribuenda est virtus supernaturalis alicui rei, nisi id constet vel ex Sacra Scriptura, vel traditione, & institutione Ecclesiæ, vel ex divina revelatione Ecclesiæ facta; cui fuit reuelatum Sacramenta esse signa gratiæ. Quod, nec à natura, colligendum est ex natura effectus; & videndum, an naturaliter possint talem effectum causare; quod, si non possint, consequens est non adhiberi ad talem effectum, ut causas, sed solum, ut signa ex vanitate humana introducta, ad quorum positionem Dæmon talem effectum operatur, ut sibi homines obstringat, & curiositatem expleat.

95 Quæritur. *In quo differunt vana-observantia, & divinatio?*

Resp. In hoc: per illam intendimus præcipue aliquid obtinere, vel vitare, aut nostras actiones dirigere in ordine ad aliquod bonum consequendum, vel malum vitandum. Per istam verò intendimus solum acquirere cognitionem futurorum, & occultorum.

96 Quæritur. *Quot sunt species vana-observantia?*

Resp. Sequentes. I. Ars notoria. II. Observantia sanitatum. III. Observantia

futurorum eventuum. IV. Observantia dierum faustorum, & infaustorum. V. Observantia factorum.

97 Quæritur. *Quis censetur delinquere circa primam observantiam speciem?*

Resp. Qui orationes aliquas, vel ieiunia, tamquam media certa, ut infallibilia adhibet ad acquirendas scientias, sine ullo labore, & studio, ad modum scientiarum infusarum. Quod quidem fieri sine mortali non potest. Solet Dæmon per eos loqui, quos hac arte deludit, ipsorum phantasiam alterans, & linguam movens ad quædam illis incongnita, & arcana proferenda. Sed cum pactum vel retractatione, & penitentia dissolvitur, aut per orationes, & exorcismos Ecclesiæ tollitur, nec eorum, quæ dixerint recordantur.

98 Quæritur. *Quando delinquatur circa secundam speciem observantia?*

Resp. Cum ad sanitatem, vel sibi recuperandam, vel alteri conferendam, media inutilia, & superstitiosa adhibentur; ut, si recitentur certæ orationes, quibusdam verbis, & non aliis conceptæ; si tot numero orationes adhibeantur, tot numero candelæ, talis coloris offerantur, cum certa spe, & credulitate, quod per illas, nec plures, nec pauciores, ac per eas sic scriptas, & appensas ad collum, salus, vel res alia obtinebitur infallibiliter.

99 Dices. Orationes sunt media optima ad impetrandam à Deo salutem.

Resp. Pium, & utile est recitare quotidie orationes ad impetrandum à Deo, ut nos à tentationibus liberet, bona etiam temporalia concedat, & tollat mala, pro ut fuerit saluti expediens; at superstitiosum, & vanum, tot orationes recitare, & non plures ad obtinendum effectum aliquem, ita ut vis ponatur in numero.

Ut extra omnem superstitionis suspicionem sint precum, & benedictionum formulæ, illis utamur, quas Ecclesia approbavit, nec alio ritu, quàm illis in

Mis-

Missali, & Rituali Romano ab ipsa præscriptis.

Offerant fideles in Dei, & Sanctorum honorem candelas aliquas ad devotionem excitandam circa aliquod Sacrum Mysterium accendant: tres in honorem SS. Trinitatis, &c. Sed caveant, ne ex credulitate id faciant, quod in ipsorum honorem non sint cessuræ, nisi in tanto numero, talis coloris, & longitudinis sint; simili enim conditione apposita, non Deus, qui vano non colitur cultu, sed Dæmon honoratur.

Generaliter pro apertè superstitionis, vel suspectis habenda sunt ea media, ad quorum usum exigitur, quod ab isto homine, & non ab alio cum certo numero juniorum, certis precibus, certo die, certa hora, tali modo fundendis, vel habentibus admixta verba peregrina, incognita nomina, & characteres: cum tot Crucis signis adhibentur, quæ propter tales circumstantias vim à natura inditam est certum non habere, adeoque non ut causas prodesse possunt, sed solum, ut signum pacti, quo posito, Dæmon effectum operatur. Quod expressit D. Augustinus lib. 2. de doctr. Christi. cap. 20. ubi: *ad hoc genus pertinent omnes etiam ligatura, atque remedia, quæ medicorum quoque disciplina condemnat, sive in præcantationibus, sive in quibusdam notis, quos characteres vocant, sive in quibusdam rebus suspendendis, atque illigandis, vel etiam aptandis, quodammodo non ad temperationem corporum, sed ad quasdam significationes aut occultas, aut etiam manifestas.*

Idem dicitur de imaginibus Astronomicis, annulis, monetis, & similibus arte-factis, in quibus nulla vis naturalis est ad arcendos dolores; cum sint solum ordo, figura, & compositio talibus characteribus, & signis sub tali hora efformatis. Figura autem nequit actionis naturalis esse principium, nec ipsa ad temperationem corporis aptatur. Ideo, ut signa adhibentur in remediis: quem-

admodum alia plura sunt, pullain connexionem, & proportionem habentia cum effectu consequendo, quibus maxime utuntur mulierculæ ad plura vana curiosa, & sæpè nociva.

100 At dubitatur. *Quid agendum, cum quis dubitat, an res vim ex natura sua habeat ad curandam infirmitatem? vel, an curatio dependeat ex pacto cum Dæmone?*

Resp. Roget consilium medicorum, & peritorum. Quod si absint: Consulat Confessarium. Numquam cum dubio operetur, quod à Dæmone possit effectus esse; quia id non licet, nisi peccare velit, exponens se peccandi periculo.

101 Queritur. *Quis reputatur delinquere in observantia futurorum eventuum?*

Resp. Qui ex rebus sibi casu occurrentibus mala aliqua, vel bona sibi persuadet eventura, & juxta rerum occursum suas actiones dirigit. Varia hujus vana-observantiæ exempla profert Augustinus ubi *supr. cap. 20. ibi. His adiunguntur millia inanissimarum observationum: Si membrum aliquod salierit: Si, junctim ambulantes amicus, lapis, aut canis, aut puer medius intervenerit; atque illud, quod lapidem calcant, tamquam diremptorem amicitia: Hinc sunt etiam illa, limen calcare, cum ante domum suam transit: redire ad lectum, si quis dum se calciat, sternutaverit: redire domum, si procedens, offenderit: cum vestis à foricibus roditur, plustre mere suspitione futuri mali, quam præsens damnum dolere. Unde illud eleganter dictum Catonis: qui cum esset consultus à quodam, qui sibi à foricibus erosas caligas diceret, respondit: non esse illud monstrum, sed verè monstrum habendum fuisse, si forices à caligis roderentur. Si sal, vel oleum in mensa super mappula spargatur: si tredecim ad mensam sedcant, &c.*

Delinquitur etiam per *augurium*, ut, dum quis voces, garritus, & ululatus homi-

hominis, animalium, & avium; & per *auspiciū*, cū eorūdem motus, gressus, & gesta constituit suarū actionū regulā, quāsi possint eventus arcanos dependētes à libertate hominis prænunciare.

102 *Quæritur. Quis delinquere dicatur in observantia dierum fausto- rum?*

Resp. Qui ad directionem suarū actionū, & negotiorū à syderū influxu nullatenus pendentium, observat quosdam dies, in quibus suas actiones omittit, vel retardat, si infaustos cognoverit, & prosequitur negocia, si faustos sit expertus. Propterea aliqui nolunt diebus Mercurii, Mensibusque Maio, & Augusto uxorem ducere, putantes matrimonia in illis diebus infausta fore. Alii nolunt ungues præcidere, aut crines pectere die Veneris: alii renunt lixivium facere, seu lineā abluere quatuor temporū diebus, triduo ante Sabbatum Paschæ à Natali Domini usque ad Ephiphaniā, per octavam Corporis Christi, aut diebus Veneris, ne quid infausti contingat. Plures herbas colligunt die S. Joannis Baptiste, aut prima die Maii ante solis ortum ad certos quosdam effectus, credentes, quia eo die collectas, vim habere majorem. Alii ova, quæ gallinæ pariunt die Parasceve, toto anno asservant, credentes ea vim habere ad extinguenda incendia, si in ignem mittantur; quidam superstitiosè observant certas festivitates, ut, Conversionis S. Pauli, S. Vincentii, vel aliorum Sanctorum, quibus si pluat, vel cælum sit serenum, sibi spondent serenitatem, fertilitatem, vini copiam, aut continuatam per tot dies pluviam, super quo sunt superstitiosi Versus.

Clara dies Pauli, bona tempora denotat anni.

Si fuerint nebula, pereunt animalia quæque.

Si fuerint venti, designant prælia Gentī.

Si nix, & pluvia, designant tempora cara.

Item illi:

Vincenti festo, si sol radiat, memor esto.

Paratus cuppas, quia multas colligis uvas.

Ad similem superstitionem pertinet credere, quod tota fere pluit hebdomada, cū Evangelium secundum Marcum Dominica die in Ecclesia legitur: Salem die prima Aprilis in quatuor pasceorum angulis ponere, ut pecora serventur à maleficio, & similia.

103 Caterum sine superstitionis culpa, observantur dies, menses, anni, & tempora ad cognoscendos, vel procurandos effectus naturales, quos ex influxu corporum cælestium pendere, nullus dubitat: ita Medici observant dies in morborum curatione; Agricola, Vinitores, Hortulani in agricultura. Sic herbae certis temporibus colligi, vel ligna cædi pro ædificiis, vel Navibus absque superstitione possunt, si id fiat sola observatione motus, & influxus cælestis: certis enim temporibus vis herbarum efficacior est; ligno quoque minus obnoxia sunt corruptioni, & aptiora ad usum.

104 Sed superstitio foret, si observaretur certus hebdomadæ, vel mensis dies tantum, vel certa diei hora, quatenus talis hora, vel dies est, vel adderentur circumstantiæ inutiles, aut orationes otiosæ, vel non approbatæ, ut optimè August. Epist. 55. ad Januarium cap. 7. ibi. *Eos enim culpât* (Apostolus ad Galat. 4.) *dies Observatis, &c. qui dicunt, non proficiscar hodie, quia posterus dies est, aut, quia luna sic fertur; vel proficiscar, ut prospera cedant, quia ita se habet positio syderum: non agam hoc mense commercium, quia illa stella mihi agit mensem; vel agam, quia suscepit mensem: non plantem hoc anno vineam, quia bisextus est. Non autem quisquam sapiens arbitretur, observatores tempo-*

rum

rum reprehendendos, qui dicunt: Non proficiſcar hodie, quia tempeſtas exorta eſt: aut non navigem, quia adhuc ſunt hyberna reliquia; aut tempus ſeminandi eſt, quia imbris autumnalibus terra ſatiata eſt, &c. Ex quibus ſatis patet dieſe ſe fauſtos, vel infauſtos non dari, & obſervationes inutiles eſſe. Carena de offi. Inquiſit. p. 2. ſis. 12. §. 13.

105 *Quæritur. Qui in obſervantia ſacrorum peccet?*

Reſp. Qui figuram Crucis, Sanctorum reliquias, Evangelium S. Joannis, Imaginem Chriſti, & alia pietatis ſigna portant, vel collo appenſa geſtant, adjuncta aliqua vana circumſtantia: ut, quod ſint ſcripta in tali carta, tali die, à tali perſona: tot ſiſt appenſa, & ſimili.

Sane quidquid eſt ab Eccleſia receptum, ut ſanctum poſſunt Fideles licite ad collum appendere. Si ex devotione, non ſuperſtitione appendant. Non debent confidere in ſcriptura, vel quia taliter ſcripta ſunt, aut in actione illa materiali geſtandi rem illam materialem ad collum: Sed debent confidere in virtute Evangelii, ſeu verbi divini, ac in auxilio Dei, & Sanctorum interceſſione, quorum Reliquias geſtant. Conſidunt itaque, quod præſervabuntur à malo, non quia geſtant, ſed, quia ſtudent obedire Evangelio, declinando à malo, & faciundo bonum: quia divinum auxilium implorant, & Sanctos imitari curant.

106 *Malitia vana-obſervantiæ in hoc ſtat, quod eam præſtantes ſocietatem habent cum Dæmonibus, ut expreſſe Auguſtinus ubi ſupr. de doct. Chriſtian. cap. 23.*

Unde eſt ex genere ſuo graviffimum peccatum; ex ignorantia tamen invincibili, & ſimplicitate rudium poteſt eſſe veniale. Maxime, ubi pactum fuerit implicitum. At ubi quis fuerit monitus, ſi non deſiſtat, tunc peccat mortaliter, quia præſumitur velle ſocietatem cum Dæmone, & pacto conſentire.

107 *At, item petitur. An à mortali Mattheucci Cartela Confeſſ.*

excuset proteſtatio, ſe nil velle habere cum Dæmone?

Reſp. Affirmativè. Si factum ex natura operis pactum non inferat; Nam tunc factum in tantum eſt prohibitum, in quantum continet pactum implicitum cum Dæmone; atque ita hoc ipſo, quod tale pactum per expreſſam proteſtationem excluditur, non eſt ampliùs factum inductivum intenti finis. Nec urget paritas de veneno, quæ à quibuſdam adducitur. Nam venenum hauſtum, omni prorsus intentione remota, ex natura rei, & neceſſariò cauſat mortem. Unde in propinante veneno proteſtatio ſe nolle occidere, nihil operatur.

At petitur. *An quis à peccato excuſari poſſit, ex quo plures vanis obſervantiis utantur?*

Reſp. Negativè. Totus mundus eſt plenus mendaciis, & mendaciloquis, non propterea inde poteſt inferri fas eſſe mentiri: audias Auguſt. de Genef. ad litt. lib. 2. cap. 17. cique obediſ. Quapropter bono Chriſtiano, ſive Mathematico, ſive quilibet impiè divinantium maxime dicentes vera, cavendi ſunt, ne conſortio Dæmoniorum animam deceptam, pacto quodam ſocietatis irretiant.

109 *Quæritur. Mulier vult lucrum ex ludo ſortium Fanenſium, lotto di Genova, reportare, idèò data opera ſub cervicali apponit quaſdam orationes, & nobilium nomina, vel tali modo, & ſitu ſe componit ad ſomnum, ut per ſomnium edifcat, quinam ſint ſorte extrahendi: petitur, an mortaliter peccet?*

Reſp. Affirmativè. Nam id eſt Dæmonis inſtructionem de industria requirere, & cum eo tacite convenire, & ſocietatem habere, ut edoceat, & per ſomnia revelet ea, quæ per ſomnia certò cognofci nequeunt. A Deo illa notitia expectare non poteſt, quia virtus divina inutilia non facit, nec Sancti curioſis ſe immiſcent; unde gravis irreverentia, & contemptus eſt divinæ Majeſtatis agere cum ipſo, tamquam cum vanarum curioſi-

riofitatum fautore, & amatore; & sine Sanctorum irreverentia non fit, eos in Patronos, & in rebus vanis, & curiosis protectores vocare; idè similitum vanitas, & curiositas reprehendatur; nec absolvetur, nisi probetur.

110 Habeat Confessarius somnia oriri posse, vel à causa interna animali, quod solet accidere, dum ea occurrunt phantasia, de quibus quis in vigilia cogitavit. Ita amantes suos amores somniant: Venatores canes, Sylvas, feras: Piscatores retia, pisces, flumina, &c. Vel, à causa interna corporali; sæpe enim ex interna corporis dispositione aliquis motus in phantasia excitatur, tali dispositioni conveniens; ità, qui sanguineo abundante humore, somniant hortos, convivia, cantus, &c. Qui phlematico, imbres, lacus, aquas, nives, &c. Qui bilioso, rixas, incendia, litigia: quimelancholico, tenebras, mortem, casus, &c. Ex quibus sæpe Medici coniiiciunt futuros morbos, & prædminium humoris.

Sæpe ipsorum causa est spiritualis externa: Deus nimirum, vel Dæmon. Quod Deus possit somnia immittere, habetur expressè in Scriptura. Numer. 12. *Vel per somnium loquar ad illum.* Job 7. *Terrebis me per somnia.* Math. 2. *Angelus Domini apparuit in somnis Joseph.* &c. Suos etiam somniores habet Dæmon, quorum phantasia commovet, multa que illis repræsentat, & sæpe aliqua occulta revelat.

111 Discernere somnia à Deo immiffa à Diabolicis viri prudentis, & Confessarii sapientis iudicio relinquitur. Circa quæ. I. Considerandum est, ad quid somnium impellat; si ad opus malum, indiscretum, & vanum excitet, à Deo non est. Si ad bonum, coniiici potest esse à Deo; sed cautè procedendum, quia Dæmon solet se in Angelum lucis transformare, ut postmodum vana, falsa, & perniciofa hominibus suadeat. II. Si post somnium animus sit confusione ple-

nus, inquietus, turbatus, minùs promptus ad opera bona: iudicium esse esse à Dæmone causatum: Siverò promptior, hilarior, & ferventiòr ad pia opera, & divina signum est esse à Deo.

Cætèrùm difficile non est cognoscere ea esse à Diabolo, cum ab eo ipsa procurantur, à quo, vel implicite petuntur, ut in casu supra dicto; vel explicitè, cum ad eum effectum adhibentur orationes, sacrificia, & cultus, quod est familiare in strigibus, ut diximus supra.

Observare somnia prohibetur Levitici 19. *Nec observabitis somnia.* Deuteron. 17. *Nec invenietur in te, qui observat somnia.*

Quamobrem omninò reicienda sunt somnia, quæ inutilia, & vana suggerunt: quæ horrenda, vel obscena repræsentant: quæ ad malum provocant, & quæ futura prædicunt, cum quibus nullam connexionem habent: ea enim vel à Dæmone, vel à natura sunt. Propterea illis uti ad divinandum futura contingentia, vel, ut regula ad dirigendas suas operationes, etiam civiles, aut ad prospera, vel ad verfa cognoscenda, lethale crimen superstitionis est. Hic enim Diabolica se immiscet illusio, & in tacitam cum Dæmone societatem inciditur.

Hinc, si somno accipis te in exitu è domo in hostes irruere, & propterea in vium somnii non exas: Si inde fit, ut Missam die festo non audias, peccas, non modò non audiendi sacrum; verùm & tibi persuadens, quòd exiens te hostes sint aggressuri, regulans tuas operationes juxta credulitatem, quam habes de somniorum efficacia.

112 Queritur. *Titius mulieri Egyptiaca, vulgò Zingara, porrigit manus, ut ipsa ex earum lineis sibi prædicat, ostendatque bonam, vel malam fortunam, qualem uxorem sit ducturus, quot annis etiam sit victurus, &c. Petit, an mortaliter peccet?*

Resp. Affirmativè. Si id operatur serio, & animo credendi firmiter ipsius dictis,

etis, quia id esset sperare à Dæmone notitiam futurorum contingentium. Si verò id ex joco, & ad risum, prout communiter fit, non delinquit peccato superstitionis formaliter. Peccat tamen ad minus venialiter peccato scandali, inducens *Zingaram* ad mentiendum (saltem jocose) si prognosticet aliter, quàm sentiat in animo, quod quidem sæpius fit; & inde multi ex levitate interrogantes excusantur à mortali: Verum, dum constaret, aut dubitaretur, quod *Zingara* serio, & ex animo pronunciaret, quid sit futurum, credens ita esse, peccatum scandali in Titio esset mortale; quia tunc *Zingara* crimen superstitionis admitteret, cujus ipse occasionem præberet.

113 Quæritur. *An pœnitens, qui aliquam superstitionis speciem exercuit, possit ab Ordinario Confessario absolvi?*

Resp. Negative, si in pacto facto, vel invocatione Dæmonis intercesserit aliquis error contra fidem Catholicam, hoc est, si crediderit sacramenta, & res sanctas, quibus fortè abusus est ad magicas artes, non esse Sancta: Dæmoni, cui se devovit aliquam reverentiam deberi: Eum habere potestatem in hominum voluntates, vel in res alias, nisi Deus permittat: certò prædicere futura contingentia: astra posse necessitare hominis voluntatem, & similia; vel, si baptismo, & fidei renuntiaverit, quia tunc est Apostata à fide, & præsumitur etiam interne contra fidem sentire; nam tunc est excommunicatus in Bulla Cœnæ.

Si verò errorem in intellectu non habuit, videat, an superstitio fuerit reservata Episcopo loci: ut plurimum enim solent superstitiosæ artes extra Romam Episcopis reservari (hic Romæ reservantur Papæ, cum error præfatus intercesserit) in quo casu impetranda est auctoritas ab Episcopo. In quo summa cautione, & prudentia debet Confessarius procedere; sæpè enim expedit penitenti, ut gravitatem criminis reflectat, & ab

exercitio cesset, cum personaliter mittere ad Episcopum, vel Inquisitores pro absolutione; maxime, si cum reincidentia accesserit, vel expressè Dæmonem invocaverit, eique adorationem, sacrificia, & cultum Deo, & Sanctis debitum exhibuerit. Vid. sup. cap. 3. n. 29.

Interroget de damnis illatis, aut in bonis corporis, aut honoris, & fortunæ.

An arte superstitiosa mulieres ad venerem induxerit, & quas: an virgines, an Moniales.

De complicitibus.

De Sacrilégiis.

De tempore, quo saltem artem exercuit.

Quot seduxit, & similia.

Tandem non absolvat, nisi prius damna refarciat, modo sibi possibili restituendo; nisi amoveat maleficii signa, cum execratione ipsorum, & pactorum cum Dæmone, comburat. Nisi libros superstitiosos Inquisitoribus, vel Ordinariis consignet, vel tradi curet: nisi formulas precationum superstitiosarum, Imagines Astronomicas, ac magicas, annulos, & cetera superstitionis instrumenta, flammis tradat, & occasiones removeat; nisi complices S. Offic. denunciet; nisi à se seductos de falsitate instruat, & se retractet. Nec prius, nisi vera, & summa signa doloris penitentis, & propositi videat; & nisi prius exigit juramentum de similia amplius non committendo. Quod exigendum videtur, maxime ab assuetis, & artis superstitiosæ cum explicito pacto professoribus.

114 Petitur. *Penitens dubitat, an eum artem superstitiosam exercuit, habuerit errorem in intellectu contra fidem, poterit ne à Confessario absolvi?*

Resp. Negative. Nam tunc Confessarius, etiam est de sua jurisdictione dubius, cum dubio autem operari non licet, & maxime in casu, in quo agitur de validitate Sacramenti, in quo semper probabiliora, & tutiora sunt tenenda, ex dicendis lib. 2. cap. 1.

§. XVI.

Vitia religioni per defectum opposita.

Per defectum (quia in cultu deficit) Religioni opponitur irreligiositas , Quæ sub se habet tentationem Dei , sacrilegium , blasphemiam , simoniam , perjurium , & voti fractionem . De blasphemia aliqua diximus *supr. cap. 3. num. 9. & lib. 2. cap. 4. num. 13.* De simonia *ibid. cap. 26.* De perjurio *ibid. cap. 17. nu. 5.* De voto *lib. 3. cap. 4.* Ideo in præfenti de sacrilegio dimittat , & tentatione Dei agendum est .

115 *Quæritur. De quo dici potest , quod Deum tentet ?*

Resp. De eo , qui , ut experiatur , an Deus aliquid possit , vel velit , quidquam facit , cum non deberet : hoc est , cum deberet prudenter judicare , quod Deus non deberet ipsi illa via illud ostendere . Deus tentatur dictis , cum ab eo petitur , ut faciat aliquid , merè ad videndum , an possit , vel velit facere ; ita tentat Deum , qui ab eo petit miracula sine necessitate . Tentatur factis , cum sit opus , ut ipse faciat aliquid via extraordinaria , cum posset via ordinaria fieri . Ita Deum tentat infirmus , qui neglectis medico , & remediis ordinariis ad salutem procurandam , à Deo ipsam miraculosè expectat . Eum tentat , qui impetitus à grassatoribus , fuga , dum potest , non sibi consulit , ut divino auxilio liberetur . Tentat ipsum Concionator , qui concione memoriæ non data , ad concionandum procedit , confidens , quòd Deus , vel os ad loquendum movebit , vel scientiam infundet .

116 Dices . Præfati non habent expressam intentionem tentandi Deum , ergo Deum non tentant .

Resp. Negando consequentiam . Deus tentari potest expressè , & interpretativè : tentatur expressè , cum quis dicit , vel aliquid facit cum expressa intentione ,

ut videat , quid Deus possit , vel velit . Tentatur interpretativè , dum etiam sine ea expressa intentione aliquid agitur , vel dicitur , ad nil aliud utile , præbensque fundamentum ad rationabiliter præsumendum , & interpretandum se illud præstitisse ad experimentum sumendum de divinis perfectionibus .

117 Nota , quòd Deum non tentat , qui ab ipso orationibus petit , ut per bona media ostendat sibi suam voluntatem , ut eam impleat .

Item , quòd si necessitas , vel rationalis causa subesset , tunc non tentaret Deum , qui auxilium aliquod extraordinarium ab eo postularer , aut expectaret , juxta illud 2. Paralipom. 20. *Cum ignoramus , quid agere debeamus , hoc solum habemus residui , ut oculos nostros ad te dirigamus.* Hinc dixit August. *lib. 10. confess. cap. 35. In ipsa religione Deus tentatur , cum signa , & prodigia flagitantur , non ad aliquam salutem , sed ad solam experientiam desiderata.* Propter viri sancti , qui suis precibus obtinuerunt à Deo miracula , Deum non tentarunt , quia ex aliqua necessitate , vel pia utilitate , aut speciali Dei motione movebantur ad petendos tales effectus .

118 *Quæritur. An tentatio Dei sit ex suo genere mortale ?*

Resp. Affirmativè . Nam cum ea non potest servari charitas cum Deo , cui ex charitate debemus reverentiæ bonum , per tentationem autem suum ipsi irrogamus irreverentiam . In humanis nullus sine irreverentia , & contemptu Principis querit absque irrationabili causa , quid ipse velit , sciat , & possit ; ita in fortioribus terminis in proposito Deum tentans ipsi irreverentiam irrogat , vel , quia dubitans de ipsius potentia , vel scire , quid possit ; vel , quia volens ejus secreta noscere , vult experiri , quid velit ; vel , quia vult ipsum necessitare , & ad miracula cogere .

119 At petitur . *An à mortali excusare possit parvitas materiae ?*

Resp.

Resp. Negativè. Quia tentatio Dei, nec formalis, nec interpretativa admittit parvitatem materiæ; in irreverentia enim facta Divinæ Majestati immediatè hæc non datur, per dicta supr. num. 11. Quamobrem tentatio Dei semper est mortale; & solum esse potest veniale ex defectu perfectæ deliberationis. De hac revivendus D. Thomas 2.2. q. 97.

§. XVII.

Sacrilgium.

120 **Q**Uæritur. Quid sit sacrilegium?

Resp. Est violatio rei sacræ in eo, in quo est sacræ, seu cultui divino, & Deo dedicata. Rebus sacris, Deoque dicatis reverentia debetur, ergo qui eas irreverenter tractat, sacrilegium committit.

121 Quæritur. Petrus furatus est in Ecclesia; Item Clericum percussit; Item Sacramentum in mortali suscepit; petitur, an in confessione satisfaciatur, dum se accusat, se commississe sacrilegium, vel debeat speciem explicare?

Resp. Species est explicanda. Triplex enim sacrilegii species distinguitur. Prima, qua fit injuria personæ sacræ; ut, si in Clericum, vel Religiosum violenta manus iniiciatur, percutiendo, & rapiendo: Si eorundem Immunitas per Judicem laicum violetur, trahendo ipsos ad suum forum: Si contra votum personæ castitatis peccatum committatur.

Secunda, qua fit injuria loco sacro, ut, si vi ab Ecclesia extrahatur reus, qui ad illam pro asylo confugit: Si ipsa injusta sanguinis humani, vel voluntaria humani seminis effusione polluitur, & profanetur: Si ex ea furto, vel rapina res, etiam non sacræ accipiantur.

Tertia, qua fit injuria rebus sacris, hoc est, Sacramentis, oleo sancto, aquæ, & Agnis benedictis, &c. Reliquiis, & Imaginibus Sanctorum: juribus, &c.

Matt. 23. 17. Candelæ Consecr.

bonis Ecclesiæ; sive sint mobilia, sive immobilia ad sustentationem ministrorum deputata: & verbis sacris Scripturæ, adhibendo ea, vel ad superstitiones inducendas, vel hæresim confirmandas, aut ad vana, & res ludicas. *Trid. sess. 4. in decret. de usu sacr. libror.*

Quamobrem, ut integrè confiteatur, debet speciem sacrilegii aperire: cum certum sit, sacrilegium commissum per furtum in Ecclesia specie distingui à patrato per violentam manuum injectionem in Clericum, vel indignam receptionem sacramenti.

122 At petitur. An satis sit, ut speciem fateatur; ut, quod abusus sit personæ sacræ, quod res sacræ, vel sacramentum irreverenter tractaverit, &c..

Resp. Negativè, sub quavis specie sacrilegii ex adductis sunt diversi gradus: secundum moralem malitiam, juxta differentiam personarum; & rerum sacrarum.

Hinc, dum læduntur personæ sacræ oportet videre, in qua specie sint sacræ: an violatum fuerit votum castitatis, & an simplex, an solemne? an illud abstinentiæ? Nam sicut votum castitatis specie distinguitur ab illo abstinentiæ, & illud simplex castitatis à solemni ex dicendis cap. sequen. nu. 10. ita sacrilegia in ipsum violatione commissa. Pariter privilegium canonis specie distinguitur ab illo Fori, adeoque & sacrilegia per legentem illa in Clerico patrata. Item aliud est sacrilegium percutientis, vel occidentis Clericum, & aliud violentis castitatem in eo. Item major, & alia deformitas moralis notabiliter aggravans, in hoc apparet, quod quis Clericum occidat, quam merè verberet, vel mutilet; & in eo, quod Episcopus percutiatur, quam simplex Clericus. Atque ita gravius est Clericum occidere, quam præcisè verberare; graviusque percutere Episcopum, quam simplicem Clericum. Quæ omnia de necessitate si int. explicanda distinctè in confessione.

Item, sicut sacramenta specie distinguuntur, sic sacrilegia circa ea commissa; & cum conferens, & recipiens essentialiter differant, ita diversum specie sacrilegium est, quo sacramentum ministratur in mortali, ab eo, quo in mortali recipitur, & ideo explicandum, an peccatum fuerit commissum in ministratio-
ne, vel receptione. Sicut, dum quis se accusat deliquisse in Sacramentorum consecratione aperire debet, an ex defectu intentionis, an materiæ, vel formæ.

Denique, sicut reliquiæ Sanctorum, Agnus Dei, vasa sacra, &c. specie differunt, ita & sacrilegia circa ea commissa. Quapropter in consecratione aperiendum est, quod quis deliquerit, vel circa Sanctorum reliquias, aut Agnus Dei; vel, quod celebraverit sine Patena, sine Corporali, vel Stola; quod verbis Sacræ Scripturæ abusus sit, & ad quid? aut, quod bona Ecclesiæ occupaverit, vel jura usurpaverit.

123 Quæritur. *Quæ regula est ponderanda à Confessario, ut cognoscat, quando à penitente sacrilegium sit commissum?*

Resp. Debet considerare, ad quid persona, locus, vel res sit sanctificata, vel Deo sacra: & videre, an aliquid actum sit contra illud, ad quod sanctificata; & sacra dicitur. V. G. Ager Ecclesiæ est sanctificatus, & Deo dicatus, quoad hoc, quod sit exemptus ab oneribus, & jurisdictionibus Laicorum; ideo committitur sacrilegium, si seculari auctoritate illis gravetur; non autem si quis in eo fornicetur, quia per hoc, quod est Ecclesiæ, non est, quoad hoc exemptus. Item, sacrilegium est, si quis in loco sacro fornicetur, non verò si ibi detrahat, & blasphemet, quia loci sanctitas est ad exemptionem à voluntaria humani seminis effusione, non à detractione, & blasphemia (quamvis aliàs peccetur mortaliter) Pariter sacrilegium est, si Sacerdos fornicetur, quia sanctificatus est, & sacratu ad castitatem. non

autem si blasphemet, quia ad non blasphemandum non est sacratu Deo, nisi votum emiserit de non blasphemando, quia tunc etiam blasphemans sacrilegio, & non simplici mortali, delinqueret; ex quo in eo, tunc se ipso abuteretur, in quo esset sacer, juxta dicta seq. cap. num. 111.

124 Quæritur. *An sacrilegium ex genere suo sit mortale?*

Resp. Affirmativè. Ratio est, quia quemadmodum nequit servari charitas, cum homini injuria irrogatur, ita nec servari potest, cum Deo injuria infertur: infertur autem per irreverentiam rerum sacrarum, & ad divinum cultum deputatarum; eisque injuria per violationem facta, in Deum redundat, sicut injuria facta purpuræ redundat in Regem.

125 At petitur. *An propter levitatem materiæ possit esse veniale?*

Resp. Affirmativè. Et propterea DD. asserunt, sacrilegium, quod per se est mortale, per accidens, hoc est, ratione parvitatit materiæ, & imperfectæ deliberationis posse esse veniale.

126 At petitur. *An in omni materiæ sacrilegium ex parvitate materiæ possit esse veniale?*

Resp. Negativè. Veniale esse non potest. I. Dum, etiam si materiæ sit minima, quis vult illud committere ex formalit intentione de honorand Deum, vel cum divini cultus formali contemptu. Et ita, cum ea intentione irreverenter proferre, etiam nomen Jesu, est læthale sacrilegium; in quo, si non ratione materiæ, ratione tamen contemptus, gravis malitia, & deformitas reperitur.

II. Cum ex defectu alicujus prærequisiti totaliter effectus tollitur; ita, ubi quis ex industria guttam aquæ biberit, vel granum millii comederit, si postea communicat, læthali sacrilegio delinquit, quia totaliter impeditur gratia, effectus sacramenti: unica aquæ gutta secundum se est materiæ levis, sed impedire totalem sacramenti effectum res gravis est.

III. Dum Sacerdos voluntariè illud parum aque necessarium ex præcepto Ecclesiæ non admiscet vino consecrando. Nam tunc totalis significatio tollitur, juxta dicta lib. 5. cap. 4. nu. 14.

IV. Sicut in rebus veneris parvitas materiæ non excusat Laicum à mortali, ita nec Religiosum, vel Sacerdotem à sacrilegio, quia in eis rebus illa non admittitur.

V. Quia verò furtum unius oboli parvitas materiæ est, à mortali excusans, ita à sacrilegio mortali ex parvitate materiæ excusatur, furans obolum in loco sacro, vel religiosus contra votum paupertatis absque licentia de obolo disponens: in his enim gravis irreverentia non apparet rebus sacris fieri.

§. XVIII.

Fortitudo.

127 **Q**uæritur. *Quid sit fortitudo, ut est virtus moralis?*

Resp. Est *virtus importans firmitatem animi in sustinendis, & repellendis, quando oportet ad bonum virtutis, doloriferis, continentibus etiam pericula mortis*, ut, mutilationibus, incarcerationibus, exiliis, tormentis, &c. ipsaque morte; quæ cum sint apta frangere cujusvis animum, & difficile sit firmitatem in eis habere, ac non timere mortis pericula, necessaria est virtus, quæ moderetur timorem, ne nimis timendo mortem, Deum offendamus relinquendo virtutis exercitium, & moderetur audaciam, ne plus aggrediamur, quam recta ratio dicit.

128 Audacia committitur temeraria vitæ expositione. In hoc genere, præcipuus actus fortitudinis est, prudens animadversio cum cautela periculorum, ne exponatur, ubi sine ulla utilitate, vel necessitate mors sequeretur. Ideo, etiam viri sancti mortem, quando eam subire

non oportebat, per fortitudinis actum præcaverunt.

Hinc fortis est Parochus, qui videns sibi imminere mortem, si officium suum, & charitatem erga peste infectos exerceat forti ausu, periculum mortis contemnens. Fortes fuerunt antiqui Christiani, qui sine querela sustinuerunt exilia, bonorum amissionem, &c. & fortissimi martires (ideò dicti, quasi testes fidei Catholicæ) qui pro Christi fide, animo forti, & firmo absque metu, ipsam mortem à Tyrannis toleraverunt.

Dices. Fides obligat sub mortali, ut, non obstante quocumque, etiam mortis periculo, non negetur, sed confiteatur; quia licitum non est, ob timorem cujuscumque mali, etiam mortis, fidem negare, vel alias virtutes violare, sed quilibet fidelis tenetur se morti exponere pro defensione omnis Christianæ virtutis: Ergo non fortitudo eam firmitatem præstat.

Resp. Negando consequentiam. Licet enim aliarum virtutum præcepta, etiam cum mortis periculo, obligent, & homo eas sic in facti contingentia exequi teneatur; non sequitur tamen, quòd ipsa virtus exequenda in tali periculo sit fortitudo, sed hæc ab ea in subsidium imploratur: explicò: coram Tyranno mortem minante est confitenda fides: fides tunc cum Dei auxilio facit internè credere firmissimè ea, quæ à Deo sunt revelata Ecclesiæ Catholicæ, & confiteri externè talem assensum; sed fortitudinis virtus facit pro eo loco, & tempore, ut fidelis promptè, alacriter, & sine metu Tyranno resistat, & mortem pro fidei veritate gloriosè sustineat. In privatione delectationis venereæ, & separationis ab amica sentitur difficultas, hæc superanda est à castitate, pro qua conservanda debet mors sustineri; difficultas verò, quæ in eo sentitur, à fortitudine superatur. Quamobrem, ut dixit Lauræa *to. 2. de virt. in gen. disput. 26. art. 4. num. 53.* difficultates procedentes à passionibus,

quæ non respiciunt malum, seu damnum externum, ut cruciatus, amissionem bonorum, &c. superari debent à particularibus virtutibus per proprii actus exercitium; dum verò pro exercitio talium virtutum aggredienda sunt, & superanda difficilia exteriora, quæ tale aliquod damnum possunt inferre: vel sustinenda sunt mala illa, quæ jam advenrunt, necessaria est fortitudo, ut ab illis distincta. Hinc dicitur, quod fortitudo est virtutum custos, & quod semper, vel ferè semper conjuncta est cum aliqua alia virtute; *Legendus ille.*

129 Quæritur: *An fortitudo obliget ad suum actum?*

Resp. Ad internum, qui ponitur in prompta voluntate, qua sinus parati, etiam subire pericula mortis, ubi unum ex his immineret, quam Deum offendere, semper obligamur: quia semper parati esse debemus vitare potiùs Dei offensam, etiam minimam, quam cetera mala pene, etiam gravissima. Ad externum, hoc est, ad ipsam actualem externam tormentorum, & mortis passionem tenemur in casu particulari, & dum occasio se præbet, vel sustinendi pœnas, aut mortem, ne, vel fides negetur, castitas violeetur, &c. quo casu ad actum fortitudinis ad minus per accidens, ut V.G. Fides confiteatur, & non negetur, sub mortali obligamur. Imminet Christiano mors à Tyranno, si fidem non neget: duo Christiano præcipiuntur, hoc est, internus actus fidei cum externa ejusdem confessione, & ipsa mortis perpassio; ad primum obligatur perse, seu obligatione proveniente ab ipsa virtute fidei, quæ præcipit, ut non negetur, etiam cum periculo vitæ: ad secundum per accidens, in ordine scilicet ad exercendum actum fidei: propterea, dum vi tormentorum fidem abnegat, non tenetur in confessione explicare, quod omiserit actum fortitudinis, sed sufficit, si accuset peccatum negationis, & cetera juxta dicta cap.1.n.3. Campion.p.2.cap.44.n.13.

130 Quæritur. *Quæ vitia fortitudinis sint opposita?*

Resp. I. Per excessum in timendo opponitur timiditas, quæ de sua natura est veniale, sed per accidens, & ratione alterius fit mortale; dum inordinatè, & plusquam amanda sit, amatur vita; & inde fit, ut ad vitandas pœnas, vel mortem, quis cas non sustineat, Christum neget, fornicetur, &c. II. Per excessum in audendo opponitur audacia, seu impaviditas, ratione cujus homo magis, quam debet, exponit vitam; & bona temporalia. Quæ est mortale, vel veniale pro gravitate, vel levitate mali sequendi. III. Per defectum in aggrediendo pericula opponitur vecordia, qua homo, ut debet, & potest, deficit in audendo aggredi, & tentare pericula.

131 Quæritur. *Quæ virtutes ad fortitudinem reducantur?*

Resp. I. Magnanimitas. II. Magnificencia. III. Patientia. IV. Perseverantia.

132 Quæritur. *Quid sit magnanimitas Christiana?*

Resp. si loquimur de ea, quæ ponitur pro gradu quodam perfectionis fortitudinis, idem est, ac *animus promptus ad subeunda ob bonum virtutis, lumine fidei præsupposito, etiam magna pericula mortis*; prout plures viri sancti fecerunt. Si verò sermo sit de ea, ut est fortitudini annexa, est idem ac *virtus magnorum bonorum desideria moderans, erigens spem, ut quis cum Dei auxilio, vel propter Deum, tentet magna opera, quæ magno honore sunt digna*; propter quæ & ipse magno honore dignus reputatur; circa quem tamen ita magno animo est, ut in honorem primariò non tendat, nec pro magno mundanum honorem faciat, sed circa opera, & res præclaras propter Deum occupatur, ad quas sequitur, ut inde honoretur. Verùm honores promeritos suscipit, vel recusat, prout Dei gloriæ, suæ, & aliorum saluti conducere judicat; nec extollitur, si honoretur, sed

sed ad Dei gloriam utitur. Exemplum: magnum in Dei gloriam, & Sanctorum honorem templum juxta tuas vires ædificas: publicæ commoditati hospitale relinquis: oblatum tibi ab Ecclesia in populi utilitatem officium periculis plenum non refugis, confidens cum Dei auxilio illud implere, propter quæ honorari, & laudari non parum mereris, magnanimuses.

133 Est magnanimus alienus à *presumptione*, quia non aggreditur opera, sicut præsumens, supra suas vires, & merita: à *ambitione*, cum non primario, nec directè, sicut ambitiosus quærat honores, nec falsos, vel, quia opera mala sequantur: à *vanagloria*, quia non de opere moraliter malo laudare appetit: Et à *pusillanimitate*, quia ex parvitate animi, vel suam auctoritatem, dignitatem, & privilegia defendere, aut officium periculis, & difficultatibus abundans, sibi in proximi utilitatem datum, amplecti non negligit.

134 Hinc habes vitia Magnanimitati opposita esse Præsumptionem, Ambitionem, inanem gloriam, & Pusillanimitatem; quæ tamen per se non sunt mortalia, quia Magnanimitas, cui opponuntur, ex sua natura sub mortali ad suum actum non obligat; nam magna hic, & nunc, ad quæ ipsa dirigit supererogationis, non necessitatis opera sunt. Verum per accidens, & cum ex aliis capitibus habent destruere charitatem, mortalia fieri possunt: ita mortaliter peccas, si sine jurisdictione absolvas: non ordinatus in Presbyterum consecres. Nam supra tuas vires præsumens, sacrilegia committis. Si Episcopatum per simoniam acquiras, ut inde honoreris: si honores divinos quæras, ambitio in te letalis est. Si de furto, stupro, &c. laudari cupias, inanis gloria est peccaminosa graviter. Si ex animi dejectione dignitatem tuam non defendis, & indefigitur contemptus Ecclesiasticæ prælaturæ, Pusillanimitas est letalis.

135 Quæritur. *Quid sit magnificentia?*

Resp. Magnificentia Christiana est *virtus inclinans ad erogandos magnos sumptus in opera sumptuosa, magna, & decentia in ordine ad Dei gloriam, & salutem suam, ac proximi commoditatem, ut est erectio templi, Monasterii, &c.* Verum, ut quis magnificus dicatur, debet sumptus, quos facit, excedere, qui regulariter solent inter homines fieri, nec solum debet animum habere expendendi in opus magnum magnam pecuniarum summam, sed debet etiam expendere, quia hujusmodi animus potest & in paupere esse, qui magnificus non dicitur. Immo de ratione magnificentiæ est, ut thesaurorum effusio ita magna sit juxta dignitatem personæ, ut non sit facilis æqualis, aut superabilis; propterea, si Rex, vel alius Princeps impendat in opere aliquo magno, plusquam privatus, non proinde est magnificus; sed si effundat supra alios sibi pares, ut non possit facile æquari, aut superari.

136 Petitur. *An magnificentia distinguatur à prodigalitate, & liberalitate?*

Resp. Affirmativè; à prodigalitate, quia hæc dat plura, sed non secundum ordinem rationis, & quando non oportet: magnificentia autem plura erogat, sed non nisi, ut oportet ad magnifica, & sumptuosa opera pro sacris, vel pro publica utilitate; à liberalitate etiam, quia liberalis solum in parvis, & mediocribus, & raro in operibus sumptuosis opes erogat.

137 Vitia opposita Magnificentia, sunt 1. *Parvificentia* per defectum; & est, dum quis vel non aggreditur magnum opus, ut convenit, ne faciat magnas expensas: vel aggreditur, & in eo non vult consumere expensas proportionatas magnitudini operis: Ex genere suo non est peccatum mortale, sed potest fieri per accidens, ut si adeo pecunias desideres,

ut paratus sis ob ipsarum amorem Deum offidere.

II. Pecuniarum consumatio in hoc consistens, quod magni thesauri profundantur excedentes operis dignitatem; Quæ etiam potest per accidens esse mortale, ratione iniusti nocumenti, ut, si legatis non fiat satis, iustitia non admittretur, &c.

Dices. Magnificencia Deo tribuitur, sed ut sic non respicit pecuniarum, & Thesaurorum profusionem, sed solum opera magna, & excelsa, ergo à nobis non bene fuit descripta.

Resp. Nos descripsisse Magnificenciam, ut est sub liberalitate, & species ab ipsa diversa, non verò prout significat habitum, vel actum faciendi opera magna, & excelsa in quovis genere rerum: hanc Deus in operibus creationis, redemptionis, justificationis, & miraculis magnis ostendit. De quo pro Confessario satis.

138 Quæritur. *Quid sit patientia?*

Resp. *Est constans in rebus adversis propter Deum, tolerantia.* Additur propter Deum, ut Confessarius videat discrimen patientiæ Christianæ ab alia. Ad recuperandam sanitatem sustines ferum, & ignem, patiens es, sed in patiendi non mereris: ea sustines ex amore Dei, vel, quia tuis peccatis majora debentur, verè patiens es; & dum iustus sis, talis actus est meritorius. Christus non omnes, qui persecutiones patiuntur, beatos prædicat, sed qui patiuntur propter iustitiam.

139 At petitur. *An teneamur aliquando sub mortali ad exercendum alium patientia?*

Resp. Sub mortali tenemur esse dispositi ad toleranda mala, quæ nobis possunt accidere, ne charitatem perdamus, aut ne mortaliter peccemus: Ad externum actum patientiæ tunc sub mortali tenemur, ea mala patienter tolerando, cum sine illo charitas non potest servari; & propterea, quia patientia tunc obli-

gat ratione charitatis, solum per accidens obligabit. Consequenter in confessione non obligabimur explicare omissionem actus patientiæ, sed satis erit aperire mortale, quod omittentes eum commiserimus.

Ex his habes impatientiam, quæ patientiæ opponitur, per se non esse mortale; sed per accidens fit ratione scandali, aut mali gravis, quod quis impatientia victus committere proponit; vel ob perjuriam, blasphemias, & imprecationes, in quas prorumpit.

140 Quæritur. *Quid sit perseverantia?*

Resp. *Est virtus, per quam, non obstante temporis diuturnitate, difficultate, & molestiis, homo persistit in bono opere, prout id à recta ratione dictatur.* A Confessario ad sex menses te obligante recitare quotidie psalmum *De profundis*, petis, ut tibi id mutet in duo De-functorum officia, unica vice recitanda: reculas primum, quia id, ratione durationis difficilius est, quàm difficile sit duo officia recitare; sed dum illud eligis, difficultatem ex diuturnitate provenientem per perseverantiam vincis.

Actus internus perseverantiæ est electio sustinendi in rebus difficultatem ex diuturnitate provenientem: externus autem est ipsa perpeffio in actu exercito: de quorum actuum obligatione discurras, juxta dicta de patientia.

141 Quæritur. *Quæ vitia opponantur Perseverantiæ?*

Resp. I. Per defectum *Mollitiæ*; non ea castitati opposita, sed per quam homo ratione mollis, & delicatæ vitæ nollens diu delectatione, & voluptate carere, cedit difficultati, quæ in bonorum operum exercitio occurrunt. Estque mortale, cum ipsa charitas non servatur.

II. Per excessum *Pertinaciæ*; in eo consistens, quod quis ita suæ sententiæ adhæreat, ut nolit cedere, quibus, & quando secundum rectam rationem cedere

dere debet. Quæ pariter læthalis est, dum cum ea charitas servari non potest: seu, dum quis obligatur sub mortali alteri cedere, & cedere non vult. Obligamur omnes subiicere intellectum definitionibus Ecclesiæ, credendo, quæ ipsa credenda proponit; si non cedas credendo, sed, ubi scis hanc, vel illam Ecclesiæ definitionem, oppositum teneas, pertinax es, & mortaliter peccas, cum in materia fidei pertinax sis, & hæreticus. Tenebris Romano Pontifici præcipienti obedire, si obedientiam negas, es pertinax, & schismaticus, juxta dicta cap. 3. nu. 24. Debes obedire legi præcipienti sub excommunicatione majori non alienare bona Ecclesiastica, sine consensu Sedis Apostolicæ; alienas, pertinax, contumax, & inobediens diceris. Et ex his ad similia.

§. XIX.

Temperantia.

142 **Q**uæritur. *Quid sit temperantia?*

Resp. Est virtus, quæ moderatur delectationes corporis maxime ex cibo, potuque, & venere perceptibiles: dicitur, moderatur: nam non omnino tollit usum delectabilem, quia aliud non esset virtus, quæ mediocritatem servat: propterea contra rationem, & per defectum contra temperantiam peccat, qui nec cibo, nec potu uri vult, & debitum exigenti legitime in matrimonio reddere recusat.

Hinc nota objectum materiale temperantiae esse omnes delectationes corporeas, sed præsertim, quæ ex cibo, potu, rebusque venereis percipiuntur. Nam temperantia circa delectationes sensuum versatur, superans in illarum usu difficultatem specialem, ne illis homo utatur præter mensuram rationis, aut præter finem debitum: formale verò esse earundem delectationum usum hone-

stum, hoc est, rationi consentaneum, ad quem ipsa inclinat.

143 Quæritur. *Quæ virtutes ad temperantiam, tamquam species spectent?*

Resp. Sequentes. Abstinencia, Sobrietas, Castitas, Pudicitia.

Quæritur. *Quid sit abstinencia? Quid Sobrietas?*

Resp. Abstinencia est virtus, quæ moderatur delectationem cibi, & potus in edendo, & bibendo sic, ut quis, habita ratione valetudinis, & persona, mensuram rectæ rationis non excedat, nec plus edat, aut bibat, quam ad humanam vitam sustentandam, illiusque functiones exercendas, est secundum prudentis arbitrium necessarium.

Sobrietas verò est, quæ ita potum moderatur, ut non noceat usui rationis.

Dices. Ergo non abstinencia, sed sobrietas potus usum moderatur.

Resp. Distinguas hæc duo, ita potum moderari, ut immoderatus non noceat usui rationis per ebrietatem; & ita eum moderari, ut quis ob delectationem in bibendo non plus bibat, quam deest. Secundum spectat ad abstinenciam, quæ cibi, & potus delectationem impedit. Primum verò ad sobrietatem, quæ prohibet impedimentum rationis in usu.

144 Quæritur. *Quæ vitia opponuntur abstinencia?*

Resp. Per defectum opponitur *indiscreta abstinencia*: per se non est mortale, sed fit per accidens propter nocumentum, quod quis inferret suæ salutis, deficiendo in assumendo cibo necessario. Per excessum Gula, de quo lib. 2. cap. 6. nu. 3. & 5. & cap. 28. num. 46.

145 Quæritur. *Quæ vitia opponuntur sobrietati?*

Resp. Per defectum est vitium inordinatum: per excessum verò ebrietas, quæ est inordinatus potus privans usum rationis. Est de se peccatum mortale, quia cum ebrietate non potest servari charitas. Si ex charitate te amas, debes tui tibi velle bonum: adeoque, & bonum usum

usus rationis, per quod principaliter in operando à brutis distingueris, quod bonum per ebrietatem tollitur. Hoc applica ad incitantem alios ad se inebriandum.

Dices. Etiam per somnum ratio plenè constringitur, & amittitur, quia tamen per se non est mortale, ergo, &c.

Resp. Discrimen est, quia somnus est naturæ debitus, & ad reparandas vires, etiam rationis, ordinaria lege necessarius, excitatoris voce auferibilis, neque alicujus voluptatis immodicum usum supponit: propterea paritas inter somnum, & ebrietatem instituenda non est. Vide d. cap. 6. num. 7.

146 Quæritur. *Quid sit castitas.*

Resp. Vide pariter lib. 2. cap. 28. num. 2. Castitati opponitur luxuria, de qua, e jusque speciebus ibid. Ubi diximus, quemlibet actum venereum cum plena advertentia exercitum, extra legitimum matrimonium esse mortale: cum tunc quis eo utatur contra ordinem rationis, hoc est, non juxta finem, ad quem natura per se illum instituit, hoc est, non ad procreationem, & proles educationem, nec in bonum speciei, aut in remedium incontinentiæ, ut ibi fufius.

147 Petitur. *An possit intendi, & permitti ad salvandam propriam vitam?*

Resp. Negativè. Quia inordinatè exercetur: bonum enim speciei, ad quod natura ordinavit actum venereum, prævalet bono individui.

148 Quæritur. *An in peccatis contra castitatem possit quis excusari à mortalitate parvitatis materiae.*

Resp. Negativè. Conveniunt DD. parvitatem materiæ in rebus venereis non dari; idè quævis etiam minima delectatio, ubi ex defectu plenæ advertentiæ non est solum venialis, semper mortalis censetur. Idque sive delectatio consideretur secundum se, sive ratione periculi proximi: *Sic consideretur secundum se patet*: nam quævis venerea delectatio ex natura sua ordinatur ad actum venereum,

adeoque, sicut extra matrimonium sub mortali prohibetur a ctus quicumque venereus, ita & quævis delectatio: cui enim prohibetur ultimus actus, & prohibita sunt dispositiones ad illum: natura enim tendit ad completum, ergo cui prohibet complementum, ei simul inchoationem interdicit. Evidens est quoque habita *ratione periculi*; nam quis potest fidere in delectationibus venereis semitam, & mensuram servaturum sine periculo, ne à minima illectus in majorem, immò & in actum externum consummatum prolabor? id suadet in eas proclivitas appetitus sensitivi; idque ostendit Sympathia veneræ delectationis ad sensum, in quo suaviorem tentationem excitat. Ergo, ne dicatur naturæ esse permixtum maximum ad peccandum, ac ad nocendum speciei illicitum, ex capite etiam proximi periculi omnino asserendum, & minimam Veneris delectationem plenè voluntariè admissam, extra matrimonium esse lethale, & sub tali jure naturæ prohibitam.

149 Petitur. *An omnes actus contra castitatem sint ex natura sua mortalia?*

Resp. Affirmativè. Ex generali regula, quod tunc mortaliter peccamus, cum actus, qui ponitur, non potest stare cum charitate. Charitas autem stare non potest cum actu venereo, vel dispositionibus ad ipsum. Nam charitas vult proli bonum physicæ existentia, & moralis educationis (natura enim ex eo per se intendit ipsam nasci, & rectè postea educari) actus autem veneris proli præjudicat, vel quoad esse, ut accidit in peccatis contra naturam; vel quoad educationem, ut contingit in aliis speciebus luxuriæ; vel continentiam offendit.

Nec obstat, quod semper non inferant. Nam mortaliter peccat, qui minimam excitat scintillam ordinatam ad incendendum campum, estò per accidens non sequatur incendium; in moralibus attenditur id, quod est per se, non quod.

quod est per accidens, prout loco citato diximus.

150 *Queritur. Quid sit pudicitia?*

Resp. Est *virtus moderans signa impudicæ provocantia, scilicet venereas delectationes*; ut sunt aspectus, oscula, amplexus, &c. Quæ per ea ita regulantur, ut extra matrimonium non exercentur ex amore, & affectu libidinoso, vel cum proximo periculo ad libidinem. Nam tunc sunt peccata mortalia; cum ad delectationem veneremur, & copulam carnalem sua natura ordinentur, & tendant, tamquam viæ, dispositiones, & inchoationes.

151 Conceditur, oscula, amplexus, & tactus ex se esse signa indifferentia, ac ubi ex antiqua consuetudine introducta sunt in signum honesti amoris esse licita ad eum ostendendum. Ceterum cum prævidetur periculum libidinis, saltem in comparte, & ibi abstinendum est. Quod si cautissime est procedendum in locis, in quibus ex consuetudine exercentur ad talis amoris expressionem, quæ cautela non erit necessaria in locis, in quibus antiqua consuetudo ea in signum honestæ amicitiae non introduxerit? Vide loco cit. cap. 30. num. 50.

Ad castitatem etiam spectat honestas, quæ aliud non est, quam habitus inclinans ad non libenter loquenda, nec audienda, nec tangenda, quæ spectant ad venerca, etiam cum delectationes non causarent. Quos enim tales videmus, honestos appellamus.

Queritur. Quæ virtutes sint annexæ temperantia?

Resp. Mansuetudo, Clementia, Modestia, Humilitas, Studiositas, & Eutrapelia.

152 *Queritur. Quid sit mansuetudo?*

Resp. Est *virtus ira moderatrix, non sinens eam exurgere, nisi contra quos oportet, ut oportet, & quanto tempore oportet*. Mansuetudo non ita iram coercet, ut absolute omnem prohibeat (cum excessum dumtaxat, & iram (per vitium

dictam) comprimat, ne quis irascatur, vel appetat vindictam, cum non debet, & contra quos non debet) & *ira defectum* abhorreat, quo quis, dum oportet, nec irascitur, nec ira (per zelum nuncupata) vindictam appetit.

Queritur. An mansuetudo obliget sub mortali ad suum actum?

Resp. Ad actum internum, seu voluntatem paratam, & dispositam ad exercendos actus mansuetudinis, quando sine illorum exercitio non potest servari charitas, aut media, sine quibus charitas non servatur, semper obligat sub mortali; at non nisi per accidens, ratione nimirum alterius virtutis. Ad externum verò obligat in facti contingentia, & dum casus occurrit, in quo, nisi exerceatur actus mansuetudinis, charitas sit amittenda. Per omissionem actus mansuetudinis peccant, præsertim Superiores, & Iudices, qui contra Potentiores, vel alios non commoventur per iram, zelando Dei honorem, & observantiam legum, sed tacent, & propria munera non implent; quo casu directe peccant, & contra charitatem non procurantes bonum publicum, & contra iustitiam legalem, cujus finis est tollere injustitias, & mala in Rempublicam.

153 *Quare advertas, quod ira per zelum est bona, ut cum Superior V.G. adversus vitium ex zelo, & quando, & quantum oportet commovetur, ut corrigatur: de qua procedit illud Psalm. 4. Irascimini (ira per zelum contra vitium) & nolite peccare, excedendo mensuram rationis; nam in isto casu ira est mala, & vitiosa, cum sit inordinata, à recta ratione exorbitans: & de hac dicitur, quod sit inordinatus appetitus vindictæ. Qui appetitus si sit inordinatus ex parte objecti, ut optando vindictam injustam; vel iusto maiorem, vel exequendam propria auctoritate, vel ut satiativam hominis irati, est ex genere suo semper peccatum mortale, quia charitatem destruit. Solum potest excusari,*

si desit perfecta advertentia, vel ex parte vindictæ, & punitionis, quæ minima sit; nam tunc est veniale.

Si verò sit inordinatus ex parte modi, hoc est, tendat, utique in justam vindictam, & punitionem, sed quis internè nimis ardentè exandescens externè plura signa iræ ostendat, ac, ut nimis asperè, quàm oportet, procedat, est ex genere suo peccatum veniale. Siquidem quilibet appetitus inordinatus, & extra limites rationis semper est peccatum mortale, vel veniale juxta inordinationis qualitatē. Ceterum potest fieri mortale per accidens, vel ratione scandalii; vel, si quis ex iræ commotione graviter in Deum, vel proximum delinquat, blasphemis, injuriis, maledictis, &c.

154 Pœnitentes, qui se accusant per defectum contra mansuetudinem peccasse, quatenus siluerunt, dum agebatur de Dei offensa, & vitiis corrigendis à Potentioribus commissis, nec suppressimere, & emendare curarunt: excitentur à Confessario ad justam iram, ostendendo gravitatem propriæ obligationis, ad quam ex justitia, & in vim officii tenentur. Dum verò aperiunt per excessum contra eam deliquisse, appetendo ex parte objecti injustam vindictam, vel majorem, quàm mereatur delictum, contra quod irati sunt, moneantur de obligatione, quam habent ex charitate optandi bonum proximo, & ex justitia non inferendi ei malum. Si autem reperiantur excessisse ex parte actus nimis irascendo, moneantur, ut iram ad rationis dictamen referant.

Nota iratum differre ab iracundo; quia iratus ex causa provocatus exandescit, sed intra limites rationis; iracundus verò ex quacumque causa, & contra dictamen rationis ad iram semper movetur.

155 Queritur. *Quid sit clementia?*

Resp. Est *virtus, quæ considerata conditione personæ, loci, & temporis, moderatur penas reis debitas, prout id pa-*

titur ratio justitiæ. Distinguitur à mansuetudine, quia mansuetudo moderatur, & refrænat iram, quæ movet ad pœnas dandas; clementia verò non nihil dimittit ex pœna, quæ reis juxta leges debetur.

156 Hinc nota, quod sicut ex dictis lib. 2. cap. 23. num. 2. intra latitudinem justitiae pretii datur infimum, medium, & rigorosum: ita intra latitudinem pœnæ juxta potest alia esse infima, alia media, & alia rigorosa. Clementia animum ita moderatur, ut semper eligatur pœna infima ex iis, quæ sunt infligendæ per justitiam: seu operatur, ut clemens de pœnis retribuat infra condignum.

157 At petitur. *An clementia obliget ad suum actum sub mortali?*

Resp. Negativè. Qui hic, & nunc eligit aliquid justum, non peccat, quia non eligit medium impossibile cum charitate. Ergo nec per se loquendo peccat, qui pœnam, alias justam, sed rigorosam in reum eligit.

Clementiæ per excessum opponitur crudelitas, per quam quis ex animi, quasi cruditate, pœnam irrogat ultra culpæ meritum. Distinguntur hæc tria, *Severitas, savitia, sive feritas, & crudelitas*. Severus dicitur, qui reis semper imponit pœnam justam supremam. Sævus, seu ferus est, qui in castigando non respicit culpam rei, sed delectationem propriam in hominis cruciati, & pœnis. Crudelis verò nominatur, qui, non nisi supposita culpa, pœnam imponit, sed justò majorem. Severus actum clementiæ non exercet, sed non peccat, quia, eo non obstante, pœnam justam imponit. Sævus peccat contra donum pietatis; & inhumanum peccatum committit, quia contra hominis naturam est delectari in cruciati, aliorumque pœnis. Crudelis autem committit peccatum contra clementiam; & quidem mortale per accidens, quia imponens pœnam justò majorem, charitatem, & justitiam lædit. Videās Layman *Theol. moral. lib. 3. sect. 4. de temperant. nu. 22.*

Per defectum opponitur *nimia-lenitas*: per quam pena iusta remittitur, vel mitigatur, ubi recta ratio dicat severitate utendum esse ad delinquentem emendandum, & publicum bonum servandum, promovendumque; est peccatum grave, vel leve proportionem damni, quod ex remissa castigatione provenit.

158 *Quæritur. Quid sit modestia?*

Resp. Est *virtus, quæ modum statuit, quem quis servare debet in humanis affectibus, & actibus externis*. Sciendum est, quod ut homo sit perfecte virtuosus, non modò eget virtutibus Theologicis, Fide, Spe, & Charitate ad rectè se gerendum in ordine ad Deum: & iustitia, ac virtutibus ipsi annexis, ut id agat in ordine ad proximum: & aliis, ut in ordine ad se rectè disponantur moderando passiones appetitus sensitivi: vel irascibilem per fortitudinem, eique annexas virtutes: & per Temperantiam, aliasque ad eam reducibiles, concupiscibilem; sed eget etiam virtute, quæ rectè se gerat in ordine ad hæc exteriora, sive sint corporis gestus, & motus, sive ornatus, & corporis cultus. Ad utrumque est necessaria Modestia, quæ præfata ita componit, ut nihil in eis sit, quod cuiusquam offendat aspectum. Illa, quæ occupatur ad componendas etiam in seriis actiones externas, juxta sexum, ætatem, statum, conditionem, &c. modestia morum appellatur: illa verò, quæ cum ornatu, cultuque personæ, familiæ, domus, &c. modum tenet, modestia in cultu externo, seu ornatus nuncupatur.

159 *Quæritur. An modestia, morum dicta, obliget sub mortali?*

Resp. Negativè, per se loquendo, bene verò per accidens, dum per actionem immodestiam, quis præjudicat charitati, proximum graviter scandalizans.

160 *Quæritur. An modestia cultus externi, vel ornatus de se obliget sub mortali?*

Item negativè per se loquendo, bene verò per accidens, in casibus, quos dat

S. Carolus in instructionibus editis pro Confessariis, ut infra.

I. *Si quis vestitu splendidiore induitur, vel eo se ornat ad finem peccati mortalis.*

II. *Qui sumptuosi vestimenti gratia, vel ipse delinquit, vel alii ejus nomine præceptum Domini, vel Ecclesiæ transgrediuntur.*

III. *Qui causam præstat conjugii, eisve, quorum sustentatio ad eum spectat, ut plusquam privata opes ferunt, in vestitum impendant.*

IV. *His adde eos, qui ornatus gratia, non sine peccato mortali super sedent elemosynis necessariis: aut legata pia non exequantur; aut similia, quibus obstricti sunt, complere negligunt.*

V. *Qui pro veste mercedem operarii denegant solvere, vel differunt.*

VI. *Qui are alieno sic se obruunt, ut cum tempore solvendo pares non sint futuri.*

VII. *In hoc ordine ponendi sunt, qui, ut se splendide vestiant, detrimentum proximo notabile inferunt.*

VIII. *Qui ita se exhauriunt, ut filias, cum ad ætatem nubilem pervenerint, in matrimonio collocare non possint.*

IX. *Non solum mortaliter peccatur, cum expensæ factæ in vestibus ordinem, & facultatem domesticam excedant: verum etiam peccatum committitur in modo se se exornandi: ut, si ornatus ad lasciviam pertrahat: ut reverà per se pertrahunt mulierum referati sinus, detestata contra modestiam brachia, ceteræque hujusmodi corporis nuditates? Vide dicta superius §. 5. n. 36.*

161 *Quæritur. Quid sit humilitas?*

Resp. Est *virtus refranans animum, nè homo plusquam decet, tendat ad excelsa, bonores, & dignitates, ratione quarum velit super alios ire.*

Dices. Ergo aliquem honorem, & æstimationem humilitas admittit, ut optimè deducitur ex clausula, *ne homo plusquam decet*, &c. quod videtur esse contra

tra humilitatis naturam: cujus hæc sunt officia: Unum, hominem Deo subiicere: & aliud, infra ceteros hominem deprimere.

Resp. Concedendo consequentiam. Humilis indebitam excellentiam, honoremque, vel æstimationem fugit, & debita solum est contentus, ea nimirum, quæ sibi ratione officii, & muneris debetur: ratione cujus iuste exigitur, juxta illud ad Romanos 15. *reddite omnibus debita, cui vestigal, vestigal, &c. cui honorem, honorem*. Homo potest se considerare secundum se, & ea, quæ ex se ipso habet: & secundum Dei dona. Sub prima inspectione cum non habeat, nisi defectum, & imperfectiones, honore dignus non est, & necessariò debet reputare se inferiore ceteris, in quibus considerat Dei dona, Prælaturam, officium, &c. ob quæ honorem dignitati debitum non modò acceptare, verum etiam exigere potest. Hinc est, quod vini Sanctissimi permiserunt se honorari ratione officii, & dignitatis, considerantes ista, non ut quid proprium, sed ut aliquid Dei, hoc est à Deo acceptum. Sæpè verò ad humilitatis heroicæ exercitium, considerantes se ipsos imperfectionibus onustos, ad vitia proclives, & mille periculis expositos, nec honorem debitum dignitati sibi exhiberi permiserunt; & ne obtinerent, ad speluncas acceperunt, & sæpè infaniam, & simplicitatem monstrarunt, ut ab hominibus despicerentur: ut de S. Francisco legimus, qui se maximum peccatorem reputabat, considerans, quod, si alii recepissent dona, quæ sibi ex Dei gratia fuerunt collata, magis Deo respondissent, quam ipse ex suo defectu fecerit. Legendus Lauræa supra *disp. 31. art. 4. §. 6.*

162 Quæritur. *An humilitas obliget ex genere suo sub mortali ad suum actum?*

Resp. Affirmativè loquendo de ea, pro ut respicit subjectionem hominis ad Deum, ejusque legi, & Superiori præcipi-

enti. Nam non possum sine mortali hanc subjectionem fugere, ut agam contra legem Dei, vel Superioris, &, dum subesse nolo, charitatem non servo, nec Deum, aut Superiorem diligo, quia positivè nolo illis bonum meæ subjectionis, eis debitum. Nec possum ex parvitate materiæ excusari à mortali, quia dum nolo subesse, etiam si præciperent, ut festucam levarem, totam autoritatem contemno; quod quid leve non est, sed gravis irreverentia, & contemptus ipsorum.

163 Quæritur. *Quæ vitia opponantur humilitati?*

Resp. Per *excessum* opponitur Superbia, hoc est, quasi *super se ire*. Quæ describitur, *est inordinatus appetitus propriæ excellentiæ*. Hæc dum est perfecta, hoc est talis, ut quisita desideret excellere, ut nec Deo, ejusque divinæ legi, aut Superioribus tenentibus vicem Dei in nostra directione, nolit subesse; est mortalis. Videt lib. 2. cap. 28. n. 39. & 40.

164 Quæritur. *Quid sit studiositas?*

Resp. Est *virtus, quæ modum, & ordinem sciendi constituit, ut non excedamus, nec deficiamus in addiscendo, sed proficiamus, quo ordine, quo studio, quo sine nosse quæque oporteat*; hoc est, ut scientiam quæramus, & desideremus non ad inanem gloriam, aut curiositatem, sed ut medium, quo nos ipsos, & deinde alios, dirigamus in ordine ad salutem. Unde nullus studere debet præcisè, ut doctus, & sciens sit, sed ut per doctrinam utilis sibi, & aliis existat.

165 Petitur. *An studiositas obliget sub mortali ad suum actum?*

Resp. De se non obligat, sed solum per accedens, cum nimirum scientia, & cognitio est medium necessarium ad servandam charitatem. Propterea sub mortali obligamur ad discenda necessaria ad salutem, ac symbolum Apostolorum; quod pertinet ad fidem: Orationem Dominicam, quæ tangit actus spei; & præcepta decalogi, ac Ecclesiæ, quæ tangunt

gunt actum charitatis: & numerum Sacramentorum, &c. Hæc generaliter tenentur omnes Christiani scire. Confessarius tenetur sub mortali scire necessaria pro recte exercendo suum munus, Doctoris, Medici, & Judicis: distinguere lepram à lepra, circumstantias peccatorum, requisita, ut Sacramentum sit validum. Universaliter quilibet sub mortali scire tenetur, quæ ad suum statum, & officium spectant.

Studioſitati per defectum opponitur voluntaria ignorantia, & negligentia: per excessum verò curiositas.

166 At petitur. *An ignorantia voluntaria sit ex genere suo peccatum mortale?*

Resp. Negativè, quia studioſitas, cui opponitur, ex dictis per se non obligat sub mortali; sed per accidens esse potest cum per ignorantiam præjudicatur Charitati.

167 Quæritur. *An Curiositas ex suo genere sit peccatum mortale?*

Resp. Negativè, ex eadem ratione. Sed interdum per accidens est mortale aut ratione objecti illiciti, aut finis, aut periculi: Sum curiosus, per tactum tangens, quæ habent annexam delectationem veneream; per visum aspiciens mulierem ad concupiscendum: per auditum, audiens detractiones, notabiliter lædentes proximum: per gustum sumens in notabili quantitate cibos prohibitos, pecco mortaliter.

Sum curiosus, studens Astrologiæ judiciariæ, pecco mortaliter, quia expono me periculo abutendi ipsa, propter quod etiam eam Ecclesia prohibuit. Ex curiositate lego libros prohibitos, pecco mortaliter, faciens in re gravi contra prohibitionem Ecclesiæ: nec excusor, si paucas lineas legam, dum ex earum lectione gravis mihi imminet ruina spiritualis. Ex curiositate infipio exercentes actum matrimonialem; à Dæmonibus cognitionem rerum peto, mortaliter pecco. Generaliter est ex sua natura mortale,

Matthæucci Cautela Confessi.

studere cognitionibus sensitivis, quæ sunt contra castitatem: & studere cognitionibus intellectivis, in quibus est periculum proximum gravis damni spiritualis. Atque ita dum penitens se de curiositate excusat, interrogetur, in quo genere, & circa quæ curiosus fuerit.

168 Quæritur. *Quid sit Eutrapelia?*

Resp. Est virtus, quæ decorem servat in dictis, factis ludicris, jocis, & ludis ad animi quietem, & corporis recreationem. Propterea in eorum usu tria cavenda sunt.

I. Ne delectatio quærat in operationibus, aut verbis turpibus, nocivis, & mendacibus, prout apud plures est in usu, qui in conversationibus, & recreationibus aut obscenè loquuntur, vel proximo in re gravi detrahunt, aut per mendacia pernicioſa procedunt.

II. Ne gravitas animi totaliter resolvatur.

III. Ut joci, & ludi congruant dignitati personæ, temporis, loco, statui, ætati, &c.

169 Quæritur. *An Eutrapelia obliget sub mortali?*

Resp. Negativè, loquendo per se: licet per accidens possit, quis contra eam mortaliter peccare, cum nimirum ex aliis capitibus præjudicat charitati; vel, in jocis commiscendo, quæ sunt contra Deum, vel proximum; aut propter jocos Ecclesiæ præcepta non servando, aut sibi in salute, aut facultate servus grave damnum inferendo, &c. aut ludendo ludis à Principe prohibitis, vel utendo fraudibus.

Quibus in casibus peccat contra Eutrapeliam per excessum: per defectum verò, dum nec ipse jocatur numquam, aut ludit; & honestè jocantibus, ac ludentibus molestus est, durus, asper, & agrestis; & potest esse mortale, si propter suam cruditatem occasionem præbeat litigiis: excessus semper est magis culpabilis.

170 Quæritur. *Titius aperit Confessario se occupari in arte jaculatoris, &*

I bi.

histrionis, petit, an in eo peccet mortaliter?

Resp. Peccat mortaliter, si deficiat in prima regula Eutrapeliæ tradita *nu. 168.* & à catholicis, & piis Principibus non sit permissus: vel, si propter tale ministerium, præcepta Dei, & Ecclesiæ non servat: non jejumat, Missam non audit, & propriæ salutis nocet: nec absolvi potest, nisi cesset.

171 *At petitur. An possit pro officio ludrico, & locofo mercedem recipere?*

Resp. Moderatam potest: quia non tenetur in eo gratis astantibus famulari, nec suum laborem in eorum recreationem eo tempore dirigere.

§. XX.

Prudentia.

172 **P**rudencia est habitus intellectualis, quo intellectus inclinatur ad cognoscendum, quam in particulari sint, vel non opportuna media ad actiones morales eliciendas. Dicitur *virtus moralis*, licet sit habitus intellectus, non voluntatis, quia est proximè directiva actionum moralium, quorum est mensura, & regula proxima. Cum enim voluntas sit potentia cæca, non potest prolequi, quod honestum est, nisi per intellectum hic, & nunc ei præ ostendatur. Atque ita prudentia est necessaria, ut in singulis operationibus, consideratis circumstantiis, mediocritatem, & honestatem dicet, & ostendat: ut *hac ira, iste efus, hæc tristitia, iste sumptus mediocris est, nec maior, nec minor, quàm oportet, comparatione operantis, hoc loco, hoc tempore, &c.* prout D. Thom. *cit. q. 147.* Quapropter prudentia censetur, veluti forma generalis omnium virtutum moralium. Legantur Layman. *ubi supr.* Campion. *p. 2. instruct. pro Confessar. à cap. 15. ad 56.* Poncius *Curs. Theol. disput. 23.* alique, ubi agunt de virtutibus moralibus, quo-

rum notitia est in Confessario necessaria, ut circa peccatorum distinctionem, & speciem discurrat.

173 Ut plenius instruaris, vide D. Thom. 2.2. ibi examinantè triginta octo virtutum naturam, teste Campion. *p. 2. sap. 34. n. 6.* Ex quibus nonnullæ de sua natura obligant sub mortali ad suos actus; adeo ut vitia eis opposita sint de sua natura mortalia (quamvis in aliquibus excuset parvitasmateriæ) Virtutes, quæ de natura sua sub mortali obligant, numerantur *tres virtutes Theologica: Justitia Commutativa, Distributiva, Vindictiva, & Legalis: Pietas: Religio: Obedientia: Observantia: Temperantia: Castitas, & Humilitas.* Ideo una ex regulis ad cognoscendum, quando peccatum sit de sua natura mortale, erit videre, an alicui ex præfatis virtutibus opponatur.

CAPUT XVIII.

Prop. XXV. ab Alex. VII. &c.

Circumstantia peccatorum.

1 **P**ROP. 25. *Qui habuit copulam cum soluta, satisfacit Confessionis præcepto, dicens: commisi cum soluta grave peccatum contra castitatem, non explicando copulam.*

Contra castitatem plures species luxuriæ pugnant, de quibus *lib. 2. cap. 28.* unde hic alia sunt aperienda, & in specie agendum de circumstantiis peccatorum de necessitate aperiendis in confessione.

2 *Quæritur, quid per peccatorum circumstantias intelligatur?*

Resp. Intelligitur accidens superveniens actui, jam constituto in aliqua specie mali, ei aliquando afferens malitiam specie distinctam, & aliquando non.

3 *Quæritur, quot sint circumstantiæ peccatorum?*

Resp. Duplicis sunt generis: aliæ speciem peccati mutant, & aliæ peccatum aggravant intra eandem speciem, sed speciem non mutant. Illæ dicuntur, quæ addunt novam malitiam, specie distinctam,

Etiam, actui peccaminoso, vel de una specie in aliam illum transferunt; ver. gr. actui, quo furaris in Ecclesia alienam rem, ex circumstantia loci sacri, additur malitia sacrilegii, diversæ speciei à malitia iniustitiæ. Aliæ verò, quæ novam distinctæ speciei malitiam peccato non addunt, sed intra suam speciem aggravant, & efficiunt, ut actus sit deterior, & malitiæ gravior: sic furtum centum aureorum est in specie furti gravius, quàm illud unius aurei, non tamen distinctæ speciei, ut communiter DD.

4 *Quæritur, quotuplex sit circumstantia aggravans intra eandem speciem?*

Resp. Duplex, una præcisè aggravans, seu, ut quidam dixerunt, aggravans finito modo, ut furari sex, & decem; alia notabiliter aggravans, seu aggravans, quasi in infinitum, & notabiliter mutans iudicium Confessarii, ut furari decem, & furari mille.

5 *Quæritur, an circumstantia sint in Confessione aperiendæ?*

Resp. Affirmativè; de mortaliter mutantibus speciem, fides docet, sic enim definitur in Trid. *ses. 14. cap. 5. can. 7.* sine illis enim non confiteretur quis species peccatorum; de illis notabiliter aggravantibus plures dubitant, sed statim.

6 *Quæritur, sed quomodo cognoscendum, quando circumstantia mutant speciem, & quando notabiliter aggravant?*

Resp. Dicimus tunc speciem mutare, cum addunt novam speciem malitiam; & hæc additur, quando actus, vel est contra plures virtutes, ut furari in Ecclesia; quia tale furtum nedum opponitur iustitiæ, cuius est suum cuique dare, & non auferre illud ab ullo, sed etiam virtuti Religionis, per quam Deo cultus tribuitur, & Locis sacris reverentia; vel, est contra eandem virtutem, per excessum, aut per defectum, ut prodigalitas, & avaritia, juxta dicta *cap. prat. num. 13.* vel, contra eandem per omissionem, vel commissionem, ut hæresis, & ommissio actus fidei, quando urget præceptum creden-

di; vel, quando diversæ speciei indecentia, & turpitudine apparet, ut patet in peccatis mollicitie; bestialitatis; & sodomiz; quæ, licet sint contra castitatem, adhuc speciem differunt, quia in eis diversæ speciei turpitudine, & indecentia moralis relucet.

Tunc autem solum notabiliter aggravant, cum actus, cui circumstantia advenit, non opponitur diversis virtutibus, aut præceptis, ut furari sex, & furari centum, utrumque enim est contra virtutem iustitiæ; sed dicuntur notabiliter aggravare, seu quasi in infinitum, quia circa dandam absolutionem, vel imponendam poenitentiam notabiliter mutant iudicium Confessarii: diverso enim modo est tractandus, qui furatus est mille, quàm, qui testonem surripit, & ideo confitendæ.

Circumstantiæ his comprehenduntur dictionibus: *Quis, Quid, Ubi, Quibus auxiliis, Cur, Quomodo, Quando.*

7 *Circumstantia quis comprehendit personam, & qualitatem personæ peccantis, cujus consideratione necessaria est, ut cognoscatur species actionis moralis. Circumstantia verò quid quantitatem, & peccatorum qualitatem.*

8 *Quæritur, an peccans contra castitatem debeat in Confessione explicare votum, si eo obstrictus erat, quando peccavit?*

Resp. Affirmativè, ratio est, quia peccans cum tali voto, non solum peccat contra castitatem, sed etiam contra Religionem, ideo peccatum illius ex illa circumstantia voti habet malitiam sacrilegii, distinctæ speciei ab illa pollutionis, fornicationis, &c. & si compars etiam sit voto ligata, est explicandum, quia sunt duo sacrilegia.

9 *Sed quæritur, an qui pluries vovit castitatem, teneatur in Confessione explicare se pluries eam vovisse?*

Resp. Negativè, quia omnia hæc vota sunt ejusdem speciei, & ex eodem motivo virtutis Religionis; immò postero-

ra videntur esse, veluti ratificatio prioris.

10 At dubitatur, *an explicanda sit circumstantia voti solennis, vel sufficiat Religioso dicere, peccavi contra votum castitatis, non specificando, an votum fuerit solenne, vel simplex?*

Resp. Debet explicari; nam, licet votum solenne, & simplex non differant specie physica, videntur tamen differre specie morali, cum votum solenne castitatis dirimat matrimonium, quod posita contraheretur, simplex verò non, ut est communis DD. sententia; propter quod censeri debent diversæ speciei, adeoque peccatum commissum contra votum solenne reputandum diversæ speciei à peccato commissio contra votum simplex. Deinde, violatio voti simplicis affert injuriam soli Deo, at illa voti solennis injuriam Deo, cui fit promissio, & Ecclesie, à qua promissio acceptatur; ideo in violatione solennis duplex peccatum est, quia duplex injuria. *Campion. par. 2. inst. cap. 33.*

11 Et si quærat, *an, etiam voto simplici castitatis obstrictus, sacrilegium committat, si contra votum peccet?*

Resp. Affirmativè, quia per tale votum est persona Deo sacra; habetur ex D. Thom. 2. 2. *qu. 99. art. 3. ad 3. Campion. cit. cap. 37. num. 6.* ponderat, sacrilegium esse peccatum, quo quis violat, seu abutitur re sacra in eo, in quo est sacra, seu pertinens ad Religionem. Sacerdos, ut habens votum castitatis, est aliquid sacrum: si furetur, abutitur se ipso, sed non in eo, in quo est sacer, ideo non committit sacrilegium in furando, sed in violando castitatem. Religiosus verò, etiam in furando, sacrilegium committit, quia etiam in hoc est sacra Deo per votum paupertatis. Nota non sufficere in Confessione fateri se commississe sacrilegium, sed debet exprimi in specie, an violaverit votum solenne, aut simplex: an votum paupertatis: an percutiendo Clericum: an malè absolvendo,

celebrando in peccato, &c.

12 Quæritur, *an Sacerdos peccans contra castitatem debeat explicare circumstantiam Sacerdotii?*

Resp. Negativè, sed sufficit dicere se esse sacris initiatum, quia, nec specifica, vel notabilis alia differentia, quantum ad hoc, est inter peccatum Sacerdotis, & Diaconi, cum votum annexum cuilibet Ordini sacro, ejusdem rationis essentialis sit, Sum. Leand. *ver. circumst. numer. 5.* & propterea tota obligatio specialis v. g. non fornicandi, tam in Diacono, quam Sacerdote oritur ex præcepto castitatis, & voto ipsius.

13 Sed quid, *si Sacerdos, vel Diaconus sit, etiam Religiosus, an possit tacere circumstantiam professionis, & solum aperire se esse obstrictum voto solenni castitatis?*

Resp. Affirmativè; sed peccat gravius, quia tenetur duplici titulo. Poncius *disp. 45. qu. 7. num. 55.* & Campion. ubi supra. Hinc mulier peccans cum Sacerdote Religioso satisfacit dicendo, peccavi cum Religioso, vel Sacerdote; ratio est, quia vota solennia castitatis, quæ emittuntur in professione Religiosa, & in susceptione sacrorum Ordinum, sunt ejusdem speciei.

14 Quæritur, *an Sacerdos cognoscens Sororem nuptam, sed nondum à viro cognitam, debeat explicare has circumstantias?*

Resp. Affirmativè, nam multiplex peccatum committit 1. sacrilegium, quia est Sacerdos. 2. Incestum, quia foror ipsius est. 3. Adulterium, quia juncta est matrimonio. 4. Stuprum, quia virginem deflorat, cum non dum fuerit à viro cognita.

15 Quæritur, *an Sacerdos habens copulam cum muliere Infideli, Turca, Judæa, & Hæretica, teneatur hujusmodi circumstantiam aperire?*

Resp. Affirmativè, ratio est, quia talis copula addit actu v. g. fornicationis malitiam irreligiositatis, quatenus per illam

iam operatur directè contra reverentiam Christianæ Religionis, in cujus honorem prohibita est ab Ecclesiâ carnalis conjunctio cum infideli.

16 Quæritur, *an Eunuchus, seu castratus, aut frigidus accusans se de fornicatione, debeat aperire circumstantiam suæ impotentia ad generandum?*

Resp. Affirmativè, quia fornicatio talis, cum non sit ex natura sua ordinata ad generationem, transfertur ad speciem peccati contra naturam, sicut est pollutio propria, vel aliena procurata voluntariè: sed debet etiam explicare copulam juxta decretum Alex.

17 Quæritur, *an peccans contra votum, quod juramento se observaturum firmavit, debeat explicare circumstantiam juramenti?*

Resp. Affirmativè, quia violatio voti est distinctæ speciei à violatione juramenti; prima est contra fidem, quam dedit Deo de observando votum, altera contra obligationem de non adducendo Deum in testem falsi.

18 Sed quid, *si violet votum Deo factum cum promissione de danda elemosina pauperi, & ab isto acceptata?*

Resp. Non sufficit; si dicat violavi votum in materia gravi, quia præter infidelitatem erga Deum, continet injustitiam erga hominem.

19 Quæritur, *an quando puella mente deslorari appetiit, & percepit delectationem morosam, debeat id in Confessione aperire?*

Resp. Affirmativè, quia delectatio, & desiderium in virgine habent malitiam stupri; unde non satisfacit, si dicat, *ego copulam desideravi, & intendi*, sed debet exprimere, an sit virgo, vel corrupta. Boyvin.

20 Quæritur, *an assuetus ad aliquod peccatum V. G. jurandum, debeat explicare circumstantiam consuetudinis?*

Resp. Affirmativè, de quo lib. 2. cap. 16. & cap. 37.

21 Quæritur, *an in peccato sodomitiæ Mattæucci Cautela Confess.*

co teneatur penitens explicare, an fuerit agens, vel patiens?

Resp. Affirmativè, nam agens committit pollutionem, non autem patiens, qua patiens. Tambur. in lib. 2. Meth. Confessi. cap. 7. §. 9. num. 73. & hæc sententia mihi videtur tutior; & ideo absolvi non debet, qui in Confessione nollet id aperire.

22 Quæritur, *an violans jejunium vigilia, cadentis in quatuor temporibus, debeat in Confessione explicare utrumque præceptum, an verò sufficiat dicere, non observavi jejunium, ad quod tenebar?*

Resp. Communis resolutio est non teneri, ratio est, quia unicum committit peccatum, & non duplex; cum solum contra virtutem abstinentiæ operetur, & utrumque præceptum ex eodem motivo abstinentiæ, ad castigationem scilicet carnis, imponatur; ideoque duplicem malitiam non influit. Ulterior ratio est, quia unum præceptum non imponitur, nisi ex suppositione, quod alterum non sit sufficiens; nam, certè Ecclesiâ non præciperet jejunium vigiliæ in quatuor temporibus, si hæc semper in eis veniret; & consequenter ad jejunium ex uno solum titulo tenetur.

23 Verùm mihi probabile est, eum teneri explicare utrumque titulum, quia omittens observare vigiliam præceptam in honorem Sancti, videtur non satisfacere reverentiæ, quam ipsi tenetur exhibere; & omittens observare jejunium quatuor temporum, videtur negligere finem, ad quem jejunium illud ordinatur; quæ sanè duæ malitiæ sunt distinctissimæ speciei, utpotè contra duas virtutes, Religionem, & abstinentiam.

Idem proportionem servata dicatur de omittente audire sacrum eo die, quo tenebatur ex duplici titulo: Dominicæ, & festi S. Joannis Baptistæ. Poncius hic.

24 Quæritur, *an conjugatus peccans cum conjugata, debeat explicare non solum circumstantiam persone suæ, nimirum;*

rum; quod sit conjugatus, sed etiam alterius?

Resp. Affirmativè, nam duplicem injuriam irrogat, unam uxori suæ utendo aliena, & alteram marito alienæ, utendo ipsa, & cum duæ sint injuriæ, & duæ personæ, quæ injuriantur, duplex peccatum adulterii committit.

25 Sed quid, *si non possit manifestari peccatum, nisi etiam manifestetur complex, & Confessarius veniat in notitiam illius, v.g. peccat mulier cum Sacerdote in loco, in quo nullus alius Sacerdos est præter Confessarium, & illum, eum quo peccat; petitur, an illa possit tacere circumstantiam sacrilegii?*

Resp. Plures negant, ne complex infametur. Sed nos dicimus, si nullum aliud damnum sequatur præter infamiam complicitis apud Confessarium, debere peccatum cum ea circumstantia aperire. *Il-lung tract.6. disp.6. q.4. art.8. §.1. num.134. Rotarius par.1. cap.5. nu.11. Sum. Leand. ver. integ. Confes. num.44. & Fagnan. in 5. decretal. ad cap. omnis, de pœnit. & remis. à num.30.* Notans contra Navarrum esse communem sententiam, non tantum Theologorum, sed etiam Canonistarum; ratio est, quia præsumitur rationabiliter, quod Sacerdos peccans cum illa muliere, quam scit, debere integrè sua peccata in Confessione aperire, cesserit juri suo, quoad bonam famam, & æstimationem, quam apud Confessarium habebat.

Confir. Christus, ob bonum integræ Confessionis, & reverentiam Sacramenti, ei ex divino præcepto conservandam, & ad gratiam consequendam, obligavit pœnitentem, ad id, quod difficilius est, nempe, ut integrè confiteatur peccata, etiam si Confessori bene notus sit, & propterea debet bonam æstimationem apud illum perdere, ergo, etiam obligatur ad complicem manifestandum cum hujus infamia, ad quam ipse per suam cooperationem ad peccatum integrè hic, & nunc explicandum, inevitabilem cau-

sam præbuit: propter quod non potest censeri rationabiliter invitus. *Vid. lib.2. cap.36. in fin.*

26 Quæritur, *an sit explicanda circumstantia persona sanguine conjuncta, contra quam peccatur?*

Resp. Affirmativè; ratio est, quia percutere Patrem, aut Matrem est gravius peccatum, & horrorem specialem naturæ adversantem continet, quam percutere fratrem, aut alium consanguineum; licet enim erga omnes præfatos teneamur exercere officia pietatis, eisque exhibere honorem, & obedientiam, ac ex pietate desiderare, & procurare bonum vitæ, salutis, æstimationis, &c. magis tamen tenemur erga patrem, & matrem, à quibus esse recipimus; Tum quia, majorem difficultatem, & pudorem sentit pœnitens in explicando, se patrem, vel matrem percussisse, eosque odio habuisse, quam, quod percussisset fratrem, eumque oderit; quod certè, ut hic notavit Poncius, arguit peccatum commissum in patrem, si non diversæ speciei moralis, fuisset tamen multò gravius, ac circumstantiam patris notabiliter aggravare.

27 Sed quid, *an committens incestum cum consanguinea debeat explicare gradum, in quo fuerit persona, cum qua peccavit?*

Resp. Affirmativè; ratio est, quia formalis, & specifica malitia incestus, consistit in irreverentia, & impietate erga sanguine conjunctos; certum est autem majorem reverentiam deberi matri, quam sorori, & quod specialis horror naturæ sit in copula cum matre, quam cum sorore, ergo gravior est incestus cum prima, quam cum secunda, (licet utraque sit in primo gradu) quia irreverentia major. Cæterum ei, qui commisit incestu extra secundum gradum, sate est cōfiteri sic: *commisi incestum extra secundum gradum*; qui autem in secundo gradu, hoc aperire debet; quia, vel, in hoc gradu incestus specie differt ab incestu.

Aut in 3. gradu; vel, si non differat, est tamen gravior, & notabiliter aggravat. De la Cruz.

28 Quæritur, *an sit explicanda species blasphemia, an sit in Sanctos, vel Deum ipsum, aut B. Virginem?*

Resp. Affirmativè; ratio est, quia una ab alia specie differt, nam illa in Deum oppositur Religioni Latræ, illa in Sanctos Dñiæ, & illa in B. V. Hyperdulæ: dubium autem non est hujusmodi cultus specie differre, cum habeant diversæ rationis motiva ex dicendis *lib. 3. cap. 3. ad prop. 26.* adeoque & blasphemias; & sicut, non tantum gravius, sed etiam diversimodè delinqueret, & Regem offenderet, qui in ipsum Regem, quàm, qui in Reginam: & qui in Reginam, quàm, qui in amicam Regis contumeliosus esset, eosque contemneret, sic in casu.

Sed quid, *si blasphemia sit simplex, vel hereticalis?*

Resp. Debet explicari, quænam sit; vide dicta supra *cap. 3. num. 10. & lib. 2. cap. 4.*

29 Quæritur, *an, cum quis fatetur odisse proximum, vel ei malum determinatum desiderasse, teneatur explicare malum desideratum?*

Resp. Affirmativè; nam, sicut ipsum lædere per detractionem in bonis famæ, & per furtum in bonis fortunæ, ac per homicidium in bonis corporis, sunt peccata specie distincta, in Confessione explicanda: sic diversæ species peccata sunt proximum velle in his bonis lædere, seu hæc mala illi desiderare; evidens enim est hujusmodi desideria ab illis malis specificari, & bona corporis esse diversæ æstimabilitatis à cæteris enunciatis.

30 Quæritur, *an peccans cum scemina mortua teneatur hanc circumstantiam aperire?*

Resp. Affirmativè contra Dianam, nam in ea copula quædam specialis, vel ad minus gravior malitia notabiliter aggravans, & turpitudine reperitur. Deducitur ex quo specialius natura abhorreat à

commitendis peccatis cum similibus, & majorem pudorem experiatur penitens ex ejus Confessione: major autem ille pudor est sufficiens judicium arguendi se gravius peccatum commisisse.

31 Quæritur, *an, si quis ex propositionibus à Sum. Pontif. Alex. VII. Innoc. XI. & Alex. VIII. prohibitis, aliquam, vel aliquas privatim, vel publicè doceret, is in Confessione deberet explicare propositionem, quam docuisset? vel, an satisfaceret, dicendo: scienter alium, vel alios docui propositionem à Summo aliquo Pontif. prohibitam?*

Resp. Est in specie explicanda propositio, ut Confessarius cognoscat, an propositio contineat errorem contra fidem, vel bonos mores, & cui nam virtuti, edocta, & prohibita doctrina opponatur: pluribus enim virtutibus opponi potest.

Circumstantia ubi significat locum sacrum.

32 Quæritur, *an, cum quis se illicitè in Ecclesia polluit, debeat confiteri circumstantiam loci?*

Resp. Affirmativè: quia pollutioni in casu additur nova species malitiæ: nam, ut pollutio est, habet malitiam peccati contra naturam, oppositam castitati, & prout habita in Ecclesia, malitiam sacrilegii, oppositam Religioni, & reverentiæ loci, Deo specialiter ad suum cultum dicati, etiam si occulta sit, quia malitiam non habet ex publicitate, licet ex ea habeat illam scandali.

33 Sed quæritur, *an etiam verba, aspectus, & tactus impudici in Ecclesia contrahant malitiam sacrilegii?*

Resp. Affirmativè, quia tactus impudici, utpotè indecentissimi, repugnant sanctitati, & reverentiæ loci, ergo habent ex natura rei malitiam sacrilegii. Dicitur *ex natura rei*, quia licet consecratio, benedictio, & dedicatio Ecclesiæ sit de jure Ecclesiastico, supposita tamen consecratione, ex jure naturæ prohibentur illi in Ecclesia fieri, quia recta ratio dicat reverentiam deberi locis,

Deo dicatis. Idem dicitur de osculis, aspeñibus, obscenis sermonibus, blasphemia, &c. maxime cum alios ad scandalum movent; nam tunc ea exercentes, non solum luxuriosi, blasphemi, &c. apprehenduntur, verum etiam irreligiosi, & in locum sanctum sunt injuriosi; & per accidens erit, quod actu ab ullo non videantur: nam certe Deus, eos esse in locum sibi dicatum injuriosos, & in se irreverentes videt; hinc triplicem malitiam unicus actus continet: alteram V.G. contra castitatem, alteram contra sanctitatem loci, & aliam scandali, in Confessione explicandam.

34 Sed quæritur, *an etiam actus interni V.G. turpis cogitatio, desiderium peccandi, &c. habiti in Ecclesia sint sacrilegii?*

Resp. Affirmativè, si circumstantia loci sacri comparetur ad actum internum, ut circumstantia, & pars objecti voliti: ut, si quis desideret furari in Ecclesia, vel in ea fornicari; negativè verò, si comparetur, ut circumstantia ipsius personæ, quæ existens in Ecclesia optet peccare, sed non in Ecclesia desiderium implere; nam tunc actus non continet specialem malitiam irreverentiæ in locum sacrum.

35 Quæritur, *an furtum commissum in Ecclesia contrahat malitiam sacrilegii necessarium explicandam in Confessione?*

Resp. Affirmativè, patet ex cap. *quisquis inventus* 17. q. 4. ubi textus ait: *sacrilegium committi auferendo, sacrum de sacro, vel, non sacrum de sacro, sive, sacrum de non sacro.*

36 Sed dubitatur, *an furans ex crumena divitis, orantis in loco sacro, aut ibi quomodocumque existentis, committat sacrilegium?*

Resp. Affirmativè, quia cap. *quisquis* loquitur simpliciter, & sine limitatione; maxime, quia res tradita custodiæ Ecclesiæ potest dici aliquo modo sacra; & ideò eam furari, est potius furari sacrum de sacro, quam non sacrum de sacro; hinc, ut verificetur furari non sacrum de sacro, debet intelligi de re, nullo modo

pertinente ad Ecclesiam, sed in ea aliquo modo existente.

37 Quæritur, *an, qui furaretur rem sacram de loco sacro, debeat confiteri utramque circumstantiam loci sacri, & rei sacre?*

Resp. Affirmativè. D.D. cum D. Thoma 2. 2. q. 99. art. 3. *in corpore quesiti*, supponunt tres esse species distinctas sacrilegii: unam circa personas sacras, idest, divino cultui dedicatas: aliam circa res sacras: & tertiam circa loca sacra, ergo malitia contracta ex furto rei sacre est diversæ speciei moralis à malitia contracta ex eo, quod quis furetur eam in loco sacro.

38 Quæritur, *an furans in Ecclesia cum effractione portarum debeat hanc circumstantiam aperire?*

Resp. Affirmativè, quia cap. *conquesti de sent. excom.* deprædantes Ecclesiam cum effractione parietum, aut portarum, vel fenestrarum ipso facto excommunicantur; & post denunciationem excommunicationis à solo Papa sunt absolvendi, ut ibi textus: & quia loquitur conjunctivè, ideò furans in Ecclesia, quam effractionem invenit, non est excommunicatus.

39 Circumstantia *quibus auxiliis*, significat media, & instrumenta, quæ quis applicat ad peccandum, ut, si quis ope Demonis furetur, aut mediis rebus sacris alium occidat.

40 Quæritur, *an exercens sortilegium, de quo supra cap. 4. nu. 12. & cum abusu Sacramentorum, vel Sacramentalium, debeat explicare circumstantiam mediorum, & quòd ea sortilegia cum præfatorum abusu exercuerit?*

Resp. Affirmativè; ratio est, quia fabricans V.G. maleficium amatorum ad alliciendam mulierem ad libidinem, peccat contra castitatem, & quia in eo abutitur Sacramentis, vel Sacramentalibus, peccat contra Religionem, & reverentiam rebus sacris debitam, ipsumque Deum graviter contemnit, habens cum ipso hoste commercium, quæ sunt malitiæ specie distinctæ.

41 Semper medium, ad peccandum adhibitum debet in confessione explicari, quoties ipsum medium est per se malum, vel applicatio ipsius ad finem peccati est contra aliam virtutem, quam sit illa, cui opponitur peccatum.

42 Sed petitur, an Sortilegus illis abutens possit ab ordinario Confessario absolvi.

Resp. Negative, si Sortilegus (super quo est interrogandus à Confessario) habuit errorem in intellectu contra fidem, credendo, vel maleficia, aut Dæmonem posse cogere alicujus viri, vel feminae voluntatem ad amorem inhonestum: vel Dæmonem esse omnipotentem: Deo non subiectum, &c. vel error sit circa Dæmonis damnationem, aut valorem Sacramentorum, & Sacramentalium, aut aliquid simile fidei contrarium; nam verè hæreticus esset, excommunicatus in Bulla Cænæ: juxta dicta *cap. 3. n. 7. & c. 4. n. 19.*

43 Si verò contra fidem non erravit, animadvertat, an sortilegium sit reservatum Episcopo loci (ut plurimum enim hæc solent ab Ordinariis locorum reservari, maxime, si fiant cum abusu rerum sacrarum) in quo casu est à Superiore obtinenda facultas; quamvis aliquando sit magis expediens, ut pœnitens ad Superiorem pro absolutione dirigatur, ut notat Carena *de Offic. Inquisit. p. 2. tit. 2. §. 35. nu. 295.*

44 In casu autem, quòd sortilegium nec reservatum sit, nec Sortilegus modo dicto excommunicatus, potest ab ordinario Confessario absolvi; & tunc diligenter interrogandus erit de qualitate sortilegiorum, abusu rerum sacrarum, & Sacramentorum, de complicibus, de tempore, quo in hujusmodi sortilegiis inforduerit, de scandalo, damnis datis, de qualitate mulierum, ad quarum amorem provocandum facta fuerunt sortilegia, an fuerint nuptæ, an virgines, an Moniales, &c. & an fuerit pactum expressum cum Dæmone.

45 Urgere tamen debet Sortilegium ut Dæmoni, & omni pacto cum eo invito

abrenuntiet, & danina per maleficia illata resarciat, ac libros sortilegia continentes ad Inquisitores deferat, vel deferri curet.

46 Et prudentissimè ageret, si cum ad Inquisitores, vel Pœnitentiarios dimitteret, ut inde reflecteret criminis enormitatem; casu verò, quòd ab ipso absolveretur, juramentum de similia delicta amplius non committendo deberet ante absolutionem exigere, Carena *cit. num. 305.* ubi cum Suarez *lib. 2. de superst. cap. 19. num. 3.* notat non esse contra exercentes sortilegia, vel magicas artes latam aliquam excommunicationem, quæ ipso facto incurratur; excipio, nisi sint cum errore in intellectu contra fidem, juxta superius dicta: videantur ipsi.

Circa absolutionem exercentis cultum supersticiosum, procedas juxta dicta *n. 41 & interim.*

47 Pondera. Quòd Religioni (quæ dictat de vero cultu vero Deo tribuendo, & Sanctis ejus,) opponitur superstitio, in hoc consistens, quòd tribuatur Deo cultus, modo, quo non debet: cultus, nimirum, ab Ecclesia per legem, vel consuetudinem prohibitus; vel, quòd cultus verus Dei tribuatur Creaturæ.

48 Cultus tributus vero Deo, sed modo indebito, pluribus modis contingit. Primò, cum Deus, vel Christus colitur cæremoniis Judæorum, indicantibus Christum venturum, quasi nondum susceperit naturam humanam: est peccatum gravissimum in sic colente, qui presumit errare contra articulum fidei, Incarnationis Filii Dei; & propterea à Confessario interrogandus, quid sentiat de fide: & non absolvendus, sed remittendus est ad Sanctum Officium.

Secundò. Cum quis admiscet Divino Officio, vel Missæ aliquod obscenum, tamquam ejus partem; & præsumendum est hunc credere sibi licere talem mixtionem, ac proinde Horas Canonicas, & Missam non esse Orationes sacras, & puras ab omni obscenitate, & turpitudine; & ideo

tu-

tutius est cum S. Tribunali remittere, etiam si errorem in intellectu contra fidem se non habuisse affirmet.

49 Tertiò. Cum quis transgreditur Rubricas, & Ceremonias ab Ecclesia præscriptas, eas mutando, addendo, vel detrahendo; aut ponendo cultum in quibusdam circumstantiis loci, temporis, numeri, coloris, &c. ut: si Sacerdos in Missa faciat tantum duas, aut quatuor Cruces super oblata: si utatur pluribus candelis, quam conveniat: si in ea centies velit genuflectere, &c. estque mortale, si omisso, vel mutatio sit notabilis, vel in contemptum ritus Ecclesiastici, vel ad finem inducendi novas Ceremonias. Immo, quandoque potest inducere suspicionem hæresis; cum nimirum in celebratione Missæ, & consecratione Sacramentorum Sacerdos utitur aliquo ritu hæreticorum, ut, si non genuflectat post Consecrationem; nam tunc præsumendum est, cum non credere Christum esse sub illis speciebus, sequendo hæresim negantium Christi præsentiam sub speciebus consecratis. Alia vide apud Bordonum *Op. postb. de sortilegiis*.

50 Cultus versus Dei, qui tribuitur Creaturæ, contingit per Idololatriam, Divinationem, Magiam, Maleficium, & Vanam observantiam.

Idololatria est honor tributus Creaturæ, uti Deo, honorando ipsam genuflectione; incensatione, oratione, &c. Quod si ita honorans credat Creaturam esse Deum, est perfectè Idololatra, ac hæreticus formalis, excommunicatus in Bulla Cœnæ, & non absolvendus ab ordinario Confessore, ex dictis *cap. 3. n. 7*.

Si verò non id credat, sed metu mortis cogatur adorare Idolum, dum illi honorem præstat, gravissimè peccat, quia in iis, quæ intrinsecè sunt mala, nec metus mortis excusat, ut DD. communiter.

51 Divinatio est *prænuntiatio futurorum contingentium, occultorum; indebitis modis, à Divina providentia non constitutis, sed cum auxilio, & ope*

Dæmonis: cui divinans se submittit, ac si, ut Deus, sciret certò futura contingentia, quorum tamen cognitionem non habet. De divinatione per Astrologiam diximus *cap. 4. n. 19*. alia vide *cap. 3. n. 25*.

Divinatio per somnia superstitiosa, & Dæmoniaca est, cum quis à Dæmone desiderat per somnium edoceri de loco thesauri, qualem mulierem sit ducturus in uxorem, &c. quæ somnia ab ipsis Dæmonibus proveniunt, ipsis invocatis, vel oratione, vel sacrificiis, vel cultu, &c. Quod est commune in Strigibus, quibus in ipso lecto manentibus, ob unctionem gravi sopore correptis, ea omnia prænunciant, quæ postea se vidisse narrant. Cæteris etiam somniis firmiter credere, tamquam mediis sufficientibus ad aliquid prænunciandum, est etiam superstitiosum. Ideò redarguendi sunt omnes, & maximè mulieres ob facilitatem, quam habent ipsis credendi. Tollendus propterea est talis abusus.

52 Magia superstitiosa est *inordinata potestas faciendi res mirabiles, quæ excedunt vires naturæ, ope Dæmonis:* ut asportare hominem, vel rem aliam de uno ad alium locum brevissimo tempore, decipere visum adstantium, & similia.

De Maleficio vide supra *cit. capite 4. num. 14*.

53 Vana-observantia est *superstitio, quæ effectus aliquis speratur ex re, quæ nec supernaturaliter vim habet, nec naturaliter id præstare potest.* Ergo contingit cum Dæmonis invocatione tacita, vel expressa, juxta ibi dicta *nu. 11*. Differat divinatione, quia hæc ordinatur ad cognitionem occultorum, illa verò opus aliquod etiam intendit, per media improporcionata, & modo illicito.

Unde vana-observantia est, observare certos dies fastos, vel infastos ad negotia peragenda; qui ex se non dantur juxta Paulum ad *Galat. 4*. & Carena *p. 2. de off. Inquisit. tit. 12. §. 13*. item redire ad lectum, si, cum quis se calceat, sternutaverit: redire domum, si procedens offen-

offendat, timenseo die aliquod infortunium, &c. Legas D. Augustinum relatum *cap. illud quod 26. q. 2.* ubi tradit similes nugatorias, & vitiosas artes provenire ex pestifera societate hominum, & Demonum.

54 Nota per invocationem, five expressam, five tacitam, Dæmonibus cultum tribui, quia invocatio ad aliquod consequendum includit subjectionem, & submissionem invocantis ad eum, à quo beneficium petitur, ergo est actus honoris, & reverentiæ, ergo, qui Dæmonem expresse, vel tacite invocat, ei honorem, & reverentiam tribuit, ergo gravissimè peccat, cum ei tribuat, quod Deo, & Sanctis, & non Dæmoni, debetur; & propterea, nec parvitas materiæ, aut curiositas excusat. Bordon. *cit. cap. 3. sect. 2.*

Nota etiam non posse à Malefico peti, ut maleficio maleficium, vel ligaturam tollat, quia utrumque est ab intrinseco malum, & nullo potest sine cohonestari.

Circumstantia *cur* significat finem, illa *quomodo* modum, quofit peccatum; & speciem mutant, quando finis, vel modus peccandi sunt specialiter inhonesti.

55 Quæritur, *an qui vi, & cum violentia furatur bona alterius, debeat id exprimere?*

Resp. Affirmativè, quia tunc exercet rapinam: *vid. lib. 3. cap. 21.*

Circumstantia *quando*, significat tempus, in quo committitur peccatum.

56 Quæritur, *an committens adulterium die festo debeat istam circumstantiam explicare?*

Resp. *Per se* loquendo non debet, quia adulterium commissum die festo, non contrahit novam malitiam, per hoc quod sit eo die commissum, ut est communis sententia DD. & patet ex Penitentium, & Confessoriorum praxi, id non exigentium, & non explicantium.

Dixi *per se* loquendo, nam per accidens potest obligari, si scilicet peccatum fuit ex intentione profanandi, & contemnendi diem festum; nam tunc Deus

graviter contemneretur, & malitiam irreligiositatis contineret.

57 Sunt itaque in Confessione explicandæ circumstantiæ, five speciem mutant, five notabiliter aggravent: ut, & gravitas peccatorum aperiatur, & Confessarius possit rectè in iudicio procedere; In praxi regula generalis debet esse, ut, licet aliquoties difficilè esset assignare, num, & quando speciem mutarent, semper tamen sint confitendæ, si penitens difficultatem aliquam majorem in eis explicandis, vel aliquem majorem pudorem ex illarum Confessione sentiat, quia hoc ipsum arguit in opinione ipsius peccatum fuisse multò gravius, seu, quod ratione talis circumstantiæ putarit gravius delinquere.

58 Quæritur, *an circumstantia cadant sub sigillo Confessionis Sacramentalis?*

Resp. Affirmativè, patet ex definitione sigilli, quod est obligatio *particularis, quam Confessarii habent ad non revelandum ullum peccatum, aut circumstantiam ejus, auditam in Confessione*; sub quo cadunt omnia, per quæ reddi potest odiosa Confessio, & per quæ Fideles ab eo possunt retrahi.

59 Sed dubium est, *an Confessarius sub sigillo teneatur celare, etiam alia, quæ nullo modo faciunt ad manifestationem peccati, vel circumstantiarum ejus, sed sunt totaliter aliena à culpa, & sibi nota sunt in Confessione ex sola narratione penitentis*: quòd Titius V. G. sit ducturus Bertam in uxorem: quòd Lelius mercator decoxerit: quòd quis sit spurcius, eunuchus, &c.

Resp. Hæc quoque, si non *per se, sicut peccata, secundariò tamen, & per accidens* sub obligatione sigilli cadunt; nam ex eorum revelatione potest Confessio reddi odiosa, & molesta; putant enim Penitentes totum, quod in Confessione Confessario aperiunt, cadere sub arctissimo sigillo, ergo, dum audiunt hæc revelari, possunt ex his discurrere ad peccata,

cata, & ita averti à Sacramento, ideo ea omnia tenetur Confessarius celare; quæ est sententia in praxi tutior, & magis favet Sacramento, ac juri pœnitentis, quam tradit Marchant. *trib. sacr. t. 1. tr. 4. tit. 6. qu. 6. Append. 2. petit. 8. Amenode pœnis tit. 5. §. 6. nu. 19. Quilici Confess. manud. q. 11. art. 2. nu. 8.*

CAPUT XIX.

Prop. XXVI. ab Alex. VII. &c.

Judex quoad munera.

1 PROP. 26. Quando litigantes habent pro se opiniones aequè probabiles, potest Judex pecuniam accipere pro ferenda sententia in favorem unius præ alio.

Capite immediatè sequenti examen erit super natura opinionis probabilis, & lib. 2. cap. 2. an valeat Judex sententiam pronunciare juxta opinionem minus probabilem, probabiliore relicta, quare in præfenti alia pro praxi Confessariorum resolvuntur, quæ rectum aliis titulis Judicis ministerium respiciunt.

2 Queritur, an Judex pro ferenda sententia possit munus aliquod, vel ipse à parte exigere, vel ab ea oblatum recipere?

Resp. Negativè, ratio est, quia si sententia ferenda sit justa, ad eam pars jus habet, eique debetur: si debetur, ei vendi ab Judice justè nequit, qui gratis opus tenetur facere; nam à Republica constituitur, ut rectum operetur, à qua propterea justum ei, ac honestum ad sui sustentationem, & laborum mercedem, juxta loci consuetudinem, stipendium taxatur, supra quod nil potest exigere, & casu quo reciperet, deberet omnino restituere, ut potè nullum habens titulum, aut jus recipiendi, vel datum retinendi, DD. communiter.

3 Sed queritur, an aliquid possit accipere pro ferenda injusta sententia: casus possit sic figurari. Petro apud Judi-

cem favet jus contra Paulum, quo stante, est ab Judice causa adjudicanda in favorem Petri, nihilominus, recepta ab eo pecuniæ summa à Paulo, sententiam contra Petrum, & Paulo favorabilem dicit?

Resp. Negativè, nam illicitè recipit, & recipiendo peccat, cum pro re illicita, & turpi, ac contra legem prohibentem recipiat.

4 Sed dubitatur, an debeat illud restituere?

Resp. Affirmativè, cum De la Cruz, *direct. conf. 7. præcept. qu. 7. art. 5. dub. 2. concl. 2. ratio est*, quia in utroque jure irritantur hujusmodi donationes, *cap. Non sanè 14. qu. 4.* & ibi relatus Augustinus *Epist. 54. ad Macedonium*, sic loquitur: *qui verò pro iniquo judicio dedit, vellet quidem repetere, nisi timeret, vel puderet emisit*; ergo censet S. Doctor, litigantem conferentem munus, habere adversus Judicem jus repetendi, ergo is munera oblata ad injustam sententiam ferendam, sua non facit, vide l. *Juris gentium, §. sint maleficium. ff. de pactis*. Quæ est tutior sententia, vide lib. 2. c. 9.

5 Sed quid dicendum de famulis Judicis?

Resp. Peccant, si aliquibus propter munera accepta faciliorem ad Judicem accessum præbeant, aliis injustè exclusis, & ideo debent parti læsæ restitutionem facere, si fuerint causa damni: super quo in praxi debet Confessarius eos famulos interrogare.

6 Queritur, an peccent, qui tradunt munera Concubinae Judicis, aut aliter ab ea petunt, ut Judicem roget ad effectum, ut pro ipsis sententiam ferat?

Resp. Affirmativè, propter periculum fovendi inhonestum amorem inter Concubinam, & Judicem, & hæc est tutior sententia in praxi. Sanchez apud Bonac. *de peccat. disput. 2. quæst. 4. punct. 2. §. unic. num. 24.*

7 Queritur, an quidquam dari possit, promitti, aut pacisci pro justitia,

vel

vel gratia, sive Ecclesiastica, sive temporali obtinenda apud Sedem Apostolicam, & Romanam Curiam?

Resp. Negativè, prout expressè legitur prohibitum sub pœna excommunicationis, ipso facto incurrendæ, à Bonif. VIII. Greg. XIII. Alex. VII. & Innoc. XII. *const. incip. Sacerdotalem, & Regiam Urbem, tertio Calen. Febr. 1699.* in qua confirmantur, & innovantur præfatorum PP. const. & pœnæ in eisdem contentæ. Optimum esset const. legere. In qua pœnis submittuntur omnes, sive Clerici, Religiosi, & Laici, sive Judices, Agentes, Procuratores, Advocati, Expeditores, & Negotiorum gestores. In qua etiam conatus prohibetur; & comprehendit quoque dantes auxilium consilium, vel favorem, prout in ea expressè.

8 Xenia solita, hoc est, mūnera, quæ hospitibus solent dari (esculenta, & poculenta) quæ, nimirum, intra proximos dies edi, & potari possunt, juxta Joan. Calvin. *Lexicon Jurid.* & Judicibus, Ministris, & Officialibus Romanæ Curie exhiberi consueverunt, in ea non prohibentur, ut expressè textus §. *Xenia*; ubi advertat Confessarius hæc verba *solita, & consueverunt*. Nec Procuratoribus, Advocatis, &c. merces labori conveniens interdicitur: sed vitentur fraudes.

9 Queritur, quomodo Confessarius se gerere debeat cum pœnitente se accusante, pro obtinenda gratia, vel iustitia à Sede Apostolica, mūnera promississe, dedisse, recepisse, vel exegisse, &c.

Resp. Si pœnitens non sit in articulo mortis, absolvi non debet, sed remittendus ad Sedem Apostolicam, cui excommunicatio reservatur ex §. *Dudum, §. Cui salubri, §. Contravenientes*. Si vero sit in articulo mortis, & ad Papam non possit accedere, nec sit tempus obtinendi facultatem, absolvendus est, sed non prius, quam quantum recepit, pauperibus largiatur; ut expressè §. *Decernimus, & §. Cui salubri*, & in casu manifestæ impotentia debet cautionem dare, vel ju-

ramentum præstare de muneribus receptis quamprimum pauperibus erogandis, ac de comparando, cessante impedimento, ad Sedem Apostolicam; & se ampliùs non commissurum: cum quo onere, & non aliàs absolvendus est, ex dictis *cap. 2. num. 15.*

10 Queritur, an qui, modo per Constitutionem interdicto, recepit Officium, etiam Seculare, ut gubernium, v.g. *Castri, Arcis, Locum inter levis armaturæ milites, &c.* possit illud exercere, & stipendia, ex eius ministerio obvenientia, in conscientia recipere, & recepta retinere?

Resp. Negativè; nam §. *Discernentes, & §. Contravenientes*, iustitia, gratia, decretum, rescriptum, vel sententia, eo modo obtenta, nullius prorsus momenti ipso jure declarantur, ac omni effectu, & robore carere statuitur, ergo stipendia sua non facit, & pœnam furti ex alleg. §. *Contravenientes* incurrit; propterea ad restitutionem est obstrictus, & officium resignare debet.

11 Nota, utentes gratia, vel iustitia, ejusmodi modo obtentis, excommunicatione reservata ligari, & ad cæteras pœnas obligari, si eis scienter (hoc est, cum notitia, quod fuerint contra præscriptam constit. obtentæ) utantur, §. *Sed scienter*.

12 Observes etiam, ad incurrendam censuram, & pœnas, requiri, ut quis delinquat cum scientia prohibitionis, & pœnæ, nam *audentes* ligat: *audere* autem sæpè cum præsumere confunditur, prout *cap. sed, ne Cleric. vel Monach.* præsumere autem dicitur, qui cum scientia Legis, contra legem operatur, per Ameno de pœnis *tit. 4. §. 8. num. 23.* Sanctoro de pœnis *c. 6. qu. 2. difficul. 3.* citan. Bonaccin. *de cens. in com. disp. 1. q. 1. punct. 3. & 7.* unde, qui inadvertenter, aut bona fide aliquid operatur, præsumere non dicitur, Barb. *de dictionib. dicit. 234.*

13 Sed queritur, an ad incursum pœnarum requiratur, quod gratia, vel iusti-

iustitia realiter, & cum effectu obtineatur?

Resp. Negative, nam Const. loquitur de dantibus, &c. pro gratia, vel iustitia obtinenda. Et meo videri ex fine, & enunciativa Const. patet: nam Pontifices per eam removee intendunt, quæ possent modo aliquo Romanæ Curie existimationem ledere, & decori officere, eamque per huiusmodi turpe lucrum infamare; constat autem, id sequi, si ve gratia, aut iustitia, pro qua munus, pecunia, vel pretium recipitur, &c. obtineatur, si ve non, modò quis eam recipere, & obtinere co-
netur, & curet.

CAPUT XX.

*Prop. XXVII. ab Alex. VII. &c.
Opinio probabilis, & conscientia.*

PROP. 27. *Si liber sit alicujus iunioris, & moderni, debet opinio censeri probabilis, dum non constet rejectam esse à Sede Apostolica, tamquam improbabilem.*

Propositio duo tangit. Alterum verum, nullam, nimirum, opinionem esse probabilem, cum constet eam ab Ecclesia Catholica fuisse rejectam, si ve unus, si ve plurium Auctorum fuerit. Alterum, falsum, hoc est, auctoritatem unius moderni Doctoris reddere opinionem probabilem; quod quàm sit in materia morum periculosum, non est, qui non videat: nam, cum in moralibus nulla sit opinio, quantumcumque exorbitans, quæ aliquem pro se auctorem non habeat, jante esset cuique liberum, omnem opinionem in moralibus amplecti, & ex quacumque sibi efformare dictamen ad operandum: quæ sententia, utpote nutritiva peccati, ad innumera crimina in moralibus aditum parat.

Unde occasione propositionis aliqua ad praxim utilia Confessario de naturâ opinionis probabilis, & conscientia examinantur.

2. Queritur, quid sit opinio probabilis? quidve probabilior?

Resp. Probabilis, est assensus, quo intellectus propter alicuius momenti rationem, vel auctoritatem DD. uni parti adhaeret: vel, iudicat aliquid esse licitum, aut illicitum, sed cum formidine de opposito. Probabilior verò est, quæ pro se habet plures, & maioris ponderis rationes, pluriumque, vel graviorum DD. auctoritatem. Notæ, rationes reddere opinionem probabilem ab intrinseco, auctoritates verò eam ab extrinseco probabilem ostendere.

3. Ut opinio sit verè probabilis, requiritur. 1. Quòd ratio, & motivum sit magni momenti, non solum secundum se, sed etiam comparative ad argumenta in contrarium, ut ab his non enervetur; sicut enervantur fundamenta hæreticorum, comparative ad ea, quæ eis à Catholicis opponuntur. 2. Ne sit contra evidentiam sensuum, aut aliam demonstrationem. 3. Ne ex ea ullum manifestè sequatur absurdum. 4. Ne ratio, vel motivum sit contra communem sensum omnium, qui illam sententiam examinant: 5. Ne Ecclesia aliquid in contrarium definierit.

4. Notandum multitudinem Doctorum, Priorum vestigia, instar ovium sequentium, nulla rationum discussione præmissa, non facere opinionem probabilem; nam, ad id opus est, ut eam, ponderatis rationibus, confirmet, juxta Fagnan. in 1. ad cap. ne innitaris de cons. nu. 436.

5. Notandum etiam, ex opinionibus aliam esse speculative, aliam practicè probabilem; prima est illa, quæ affirmat, vel negat aliquid secundum se, in communi, & in abstracto esse licitum, vel illicitum, præscindendo à circumstantiis in particulari: ex dicendis nu. seq. Secunda verò, quæ prudenter pronunciat aliquam actionem esse licitam, si consideretur non solum secundum suum obiectum, sed etiam secundum circum-

stan-

stantias, objecto extrinsecas, & accidentarias, sine quibus non potest moraliter redigi ad praxim.

6 Quæritur, *an dari possit opinio speculative probabilis, quæ sit improbabilis practice?*

Resp. Affirmativæ sunt quædam actiones, quæ moraliter ad praxim redigi non possunt, propter aliquas pravas circumstantias, reddentes illas illicitas: v.g. est speculative probabile, quod non sit crimen læthale petere ex amore solius iustitiæ vindictivæ ab Iudice, ut capite plebæatum, qui filium suum proditorie occidit; & tamen est practice improbabile id efficere petere, propter periculum gaudendi de vindicta privata, & quod mors occisoris placeat. Generaliter illæ opinioniones speculative probabiles, non sunt probabiles practice, quando quis ex ipsarum sequela exponitur probabili periculo peccati, ut in quibusdam contractibus, ex quibus imminet magnum periculum: v.g. simoniæ, & palliarum usurarum, Vide Gobat. t. 2. oper. moral. tract. 1. Glyp. Clement. judic. sect. 1. nu. 15. & sequen.

7 Quæritur, *an idem sit opinio tuta, ac probabilis: & tutior, ac probabilior?*

Resp. Negativè, quia opinio dicitur probabilis, vel probabilior in ordine ad rationes, motiva, ac auctoritates, quibus innitur; tuta verò, & tutior, ex quo aliquo modo, vel securius vitet peccatum: tuta aliquo modo peccatum vitat, tutior verò, seu securior magis, & securius. Potest una opinio esse probabilior, & minus tuta, & alia minus probabilis, & tutior: in questione illa, *an circumstantia notabiliter aggravantes sint necessariæ in Confessione aperienda?* opinio negativa est D. Thomæ S. Bonavent. Scoti, Durandi, & aliorum apud Fagn. cit. num. 226. affirmativa verò Alensis, Marsilii Cajetani, &c. probabilior em esse sententiam D. Thomæ, dixit Navarro in manuali; sed contraria est tutior; nam, si eam sequens, circumstantias confitea-

ris, est certum te, ut sic, nil facturum, quod sit ulla lege vetitum; at, si non confitearis, subest periculum, nè omitas, quod esset, per se loquendo, ex lege divina, & sub præcepto confitendum; & ita, quod saltem materialiter pecces, quamvis non formaliter, quia contra conscientiam non operaris.

8 Quæritur, *quid sit conscientia, & quotuplex?*

Resp. Conscientia est, *dictamen rationis dictans hic, & nunc aliquid esse faciendum, vel omittendum, sequendum, vel fugiendum*; distinguitur à Synderesi, *quia hæc est iudicium*, (quod à quibusdam dicitur conscientia speculativa) *dictans in communi, & in abstracto, bonum esse faciendum, malum fugiendum, elemosynam esse elargiendam; die festo non esse laborandum, &c.* dum conscientia est dictamen dictans solum in particulari, (quod practice practicum nominari solet, quia propriè est de praxi, seu actione morali, consideratis omnibus circumstantiis) ex universali propositione concludens, & dictans hic, & nunc, & in hac occasione, & circumstantiis non esse v.g. piscandum, laborandum, &c.

Conscientia alia est recta: alia erronea, sive errans: alia opinativa, seu probabilis: alia dubia: alia scrupulosa, & alia certa.

9 Conscientia recta est, *quæ hic, & nunc dictat aliquid esse faciendum, quod re vera faciendum est.*

10 Erronea, *quæ dictat aliquid esse faciendum, vel fugiendum, quod à parte rei tale non est.*

11 Probabilis, *quæ propter non leves rationes, vel DD. auctoritatem, absque certitudine, & cum formidine, dictat, actionem aliquam esse bonam, vel malam moraliter.*

12 Dubia, *quæ non habet rationes nec probabiles, nec sufficientes ad iudicandum, quod actio sit bona, vel mala; & ideo intellectus manet suspensus, suspen-*

pendens iudicium ad utrumque; quod dicitur dubium negativum, & proprium; ad differentiam dubii positivi, consistentis in eo, quod quis uni parti adhæreat, sed cum formidine de opposito: in quo convenit cum conscientia probabilis.

13 Dubium aliud est juris, aliud facti; dubium juris dicitur, cum dubitatur, an *alis lex sit lata: an baptismus in aqua rosacea collatus valeat, &c.* dubium facti dicitur, cum dubitatur, utrum hoc, vel illud contigerit: an votum sit emissum: an ætas sit completa, & similia.

14 Conscientia scrupulosa est *levis credulitas, seu iudicium, aut inanis apprehensio, ex levis rationibus, & conjecturis orta, ex qua oritur timor, ut peccatum sit, ubi non est.*

Differentia inter conscientiam scrupulosam, probabilem, & dubiam est: quod in dubio proprio non sit assensus procedens ex magni ponderis fundamento; in scrupulosa verò est assensus, sed ex fundamento levi.

15 Certa denique est, *quæ certò iudicat aliquid esse licitum, vel illicitum, quatenus procedit ex ratione aliquacerta, certitudine morali.*

16 Nota, tunc intellectum dici certum moraliter, cum perpenſis rationibus, ac bene ponderatis fundamentis, ita res apparet, ut ei prudenter non valeat dissentire, vel metuere falsum subesse; hinc moralis certitudo describi potest: *est apparentia convincens prudentem intellectum ad assensum.*

17 Quæritur, an operans contra conscientiam rectam præcipientem v.g. *ieiunium, vel prohibentem mendacium, peccet?*

Resp. Affirmativè; ratio est, quia ex terminis apparet esse malum, non facere id, quod rectè quis iudicat esse faciendum, vel facere, quod non faciendum esse recta ratio dicat; nam, tunc revera facit contra præceptum, & obligationem, quam habet se conformandi cum regula proxima suæ operationis, & ideo

peccat, ut optimè DD. super illud *Rom. 14. quod non est ex fide, peccatum est: hoc est, quod est contra, & non conforme iudicio pratico, seu dictamini conscientie, peccatum est.*

18 Sciat Confessarius, quòd duplex datur regula in operando, alia remota, ut lex externa, & alia proxima, ut conscientia. Voluntas est cæca, & non potest ex se cognoscere, quid lex externa præcipiat, vel consulat, vel quid bonum sit, vel malum, ergo dirigi debet à recta ratione, seu conscientia, quæ dicet hoc esse honestum, vel turpe, hoc esse præceptum, vel non; cui si non conformetur, delinquit, operando contra proximam regulam suæ operationis.

19 Nota, conscientiam, aliam esse invincibiliter, seu inculpabiliter errantem, & aliam errantem vincibiliter, & culpabiliter; illa dicitur, quæ procedit ex ignorantia, seu errore invincibili, qui moraliter vinci non potest: vel, quia numquam mens dubitavit de veritate objecti, quod ignoratur: vel, quia, adveniente dubio, fuit res diligenter examinata, & nunquam potuit error deponi; hic error est in eo, qui sine dubio, & formidine de opposito, falsò iudicat, v.g. *hoc die Dominico non esse audiendam Missam*, & quia numquam dubitavit de opposito, non potuit moraliter errorem deponere; vel si dubitavit, quæsitv instrui, & invenit aliquos doctos, & prudentes, à quibus sine sua culpa fuit deceptus, asserentes Missam non esse audiendam, quibus acquievit.

20 Altera est, quæ procedit ex errore vincibili, qui, scilicet, *adhibita diligentia morali, vinci potest; quæ errans sua culpa omittit*; vel, ad finem, ne laborem in inquirendo sentiat: vel, ne propriam obligationem cognoscat, & sic liberior peccet; hic error est in eo, qui, non sine dubio, & formidine de opposito, adeoque cum iudicio implicitè, vel expressè dicente sibi esse magis considerandam, iudicat, v.g. *Sancto die Jo-*

vis præceptum jejunii non obligare, super quo posset, vel à Doctis, vel librorum lectura instrui, & tamen negligit inquirere.

21 Quæritur, an judicans ex conscientia invincibiliter errante se posse, & debere ex lege charitatis in iudicio mentiri, ad tuendam vitam proximi, peccet, si, proximi vita periclitante, non mentiatur?

Resp. Affirmativè, quia jam à regula proxima deficit, & ita affectus est; ut, quamvis à parte rei in adducto casu daretur præceptum mentiendi, illud non impleteret. In casu præceptum illud, falsò existimatum, per accidens, hoc est, ratione falsi, & inculpabilis erroris, ad mentiendum obligat, non minus, ac per se obstringit præceptum verum, de non furando, certò cognitum.

22 Pondera, Operantem contra conscientiam invincibiliter errantem, contra eam virtutem delinquere, contra quam operando putat peccare; ita si expuendo in Ecclesia, credas sacrilegium committere: vel, festucam levando, existimes crimen læthale: si expuas sacrilegium, & mortale crimen, si festucam leves, committis.

23 Sed quid, si faciat rem, quàm putat esse peccaminosam, nec distinguat, utrum mortalis, vel venialis sit?

Dicendum peccare mortaliter propter periculum, cui se exponit, sic peccandi, Boyvin de Consc. cap. 1. qu. 3.

24 Quæritur, an, qui ex conscientia culpabiliter erronea putat ex lege charitatis se teneri ad mentiendum pro tuenda vita proximi, peccet, sive mentiatur, sive non mentiatur?

Resp. Affirmativè; peccat contra veracitatem, si mentiatur; nam error est vincibilis, & in ejus potestate eum deponere, ergo si errorem vult, vult etiam id, quod ad errorem sequitur, adeòque mendacium, à parte rei omnino prohibitum ex dicendis lib. 2. cap. 17. peccat contra charitatem proximi, si non men-

tiatur; quia facit contra dictamen rationis ostendentis non mentiri, esse contra proximi charitatem.

25 Quæritur, quid dicendum in casu, quo quis ita perplexus est, ut sibi utrumque videatur esse peccatum? v. gr. Parochus ad Ecclesiam die Dominico veniens sacrificaturus pro populo, recordatur se jejunium non esse, nec alius tunc Sacerdos vocari potest, neque populo suaderi, ut, inaudita Missa, quietus discedat, quo casu Sacerdos ita discenrit: si celebrem, peccò adversus reverentiam Sacramenti, propter legem Ecclesiasticam: si non celebrem, peccò contra legem charitatis propter grave populi scandalum, & causa ero, cur tot de populo Missam præceptam non audiant.

Resp. In casu à Sacerdote est eligendum, quod minus malum hic, & nunc ei apparet; hinc, si putet minus malum esse celebrare, quàm populo scandali occasionem præbere, celebrare debet; si autem judicet minus malum esse relinquere populum sine Missa, quàm celebrare, à sacrificio absteineat.

26 Sed quid, si ei non appareat, quodnam ex eis sit majus, vel minus malum, nec ad id valeat se propter ignorantiam determinare, nec per alium edoceri?

Respondet Layman à num. 4. & Boyvin loc. cit. probabile esse, non peccaturum, quamcumque partem eligat; ratio est, quia tunc non adest sufficiens libertas ad peccandum, quia si, vel celebrando; vel omittendo, peccaret, jam necessariò peccaret; necessariò enim unum, vel alterum eligere debet; nam inter contradictoria versatur ad peccandum autem requiritur libertas, qua in operantis arbitrio sit posse peccare, & posse vitare peccatum: nullus enim peccat in eo, quod vitare non potest, ut cum Augustino DD.

27 Quæritur, an in concursu opinionum, quarum una sit probabilis, & altera probabilior, possit quis, tuta conscientia, sequi opinionem probabilioris, relicta probabiliori, seu ea, que validioribus ra-

sionibus, & majoris ponderis fundamentis innititur?

Resp. Negativè, cum Fagn. in 1. ad c. me innitaris de const. ubi plures, & plures allegat. A quo in praxi non est recedendum: Ratio est; quia, qui eligit opinionem minus probabilem, relicta probabiliori, prudenter non agit; nam prudenter non agit, qui operatur cum formidine, quod ejus operatio sit honesta; sed, qui sequitur minus probabilem, relicta probabiliori, operatur cum formidine, quod ipsius operatio honesta sit. Sint duæ opiniones; & minus probabilis dicet: *est probabile hic, & nuncietunium non urgere*; probabilior autem dicat: *probabilius est urgere*. Certè, quinon jejumando sequitur minus probabilem, operatur cum formidine, quod jejunium sit in præcepto; & sic, quod malè operetur: Nam, cum opinio probabilior habeat fortiora motiva, & urgentiores rationes ad suadendum jejunium urgere, sequitur, quod propter ista, ductus opinionem minus probabili (quæ semper comparative ad probabiliorem habet annexam formidinem) debeat vacillare, esse fluctuans de honestate suæ operationis; & sic imprudenter agit, & formaliter peccat; quia numquam licet operari cum periculo peccandi, ut uno ore DD. loquuntur. D. Thom. Quodlib. 8. art. 13. ait: *quicumque committit se discrimini, in his, quæ sunt ad salutem, peccat*. Scotus qu. 2. pro in fine, §. *& si obiciat, multa in actibus humanis sunt dubia, utrum sint peccata mortalia, &c.* Respondet, *non est dubia via salutis, quia à talibus, tamquam periculosis debet homo sibi cavere, & se custodire, ne, dum exponit se periculo, incidat in peccatum*; quod si noluerit querere salutem, sed non curando exponit se periculo, ubi fortè actus de genere suo non est peccatum mortale, tamen peccabit mortaliter, se exponendo tali periculo: nam qui amat periculum, peribit in illo, Ecclesiast. 3. Qui autem sequitur minus pro-

babilem, relicta probabiliori, amat periculum peccandi, nec ipsum vitat, quantum potest, ideò in illo perit, & formaliter peccat: nam, licet propter motiva opinionis probabilioris de rectitudine suæ operationis formidet de opposito, videatque periculum peccandi; quia, quod opinio, quam sequitur, possit esse falsa, adhuc vult eam sequi. Concedimus Sequentem opinionem certò probabilem operari prudenter, modò tamen alia ei non appareat probabilior, quia, dum sic ei apparet, & verior apud eum esse debet: vid. Clement. de Sum. Trinit.

28 At petitur; *sed non ne etiam opinio probabilior potest esse falsa, & omnem formidinem non excludere?*

Resp. Utique à parte rei, & secundum se falsa potest esse; verum, ut actu est in intellectu operantis, falsa non judicatur: nec habentur motiva prudenter formidandi de ipsius veritate, ut supponitur.

29 Nota differentiam inter formidinem logicam, seu remotam, & formidinem moralem, seu prudentialem. Illa nascitur, ex quo objectum cognitum, licet ponderatis bene particularibus rationibus intrinsecis, & extrinsecis, sit moraliter certum, tamen non repugnat, quominus, attentis quibusdam rationibus communibus, & remotis (secundum quod aliquando in humanis actibus accidere solet) possit aliter se habere: exemplum est in scriptura Notarii, quæ facit plenam fidem, quia, cum sit Persona publica, mentiri non præsumitur. *c. quoniam contra de probat. & c. ad Audientiam de prescript.* & tamen, attenta quadam ratione communi, idest, humanitate, possibile est, ut Tabellio mentiatur, & instrumentum sit falsum; verum, quia id raro contingit, cõsetur omnino per accidens, & non attenditur. Altera, quæ essentialiter inest iudicio opinativo, seu probabiliori, oritur ex eo, quod intellectus assentitur quidem uni parti contradictionis, sed propter particularia, & urgentia motiva alterius, fluctuat, & formidat, quòd pars opposita sit vera.

vera. Hæc formido destruit moralem certitudinem, sic, ut, qui operatur cum tali formidine, seu dubio positivo, & formali, in materia morum exponat se periculo peccandi, & peccet. Illa verò, seu logica, si quæ remaneat ex possibili contingentia de opposito, non præjudicat certitudini morali ad rectè operandum requisitæ. Ex hac doctrina pluribus casibus possunt aptari responsa.

30 Qua propter certum est cum Juvenim *Theol. t. 6. p. 7. dissert. 2. q. 7. cap. 3. ar. 2.* cum agitur de præceptis, non licere in praxi sequi opinionem minus probabilem, quæ favet hominis libertati, hoc est, quæ asserit actum esse licitum, vel hunc contractum non esse usurarium, relicta probabiliori, quæ stat pro præcepto, quæ affirmat illum contractum esse illicitum, & usurarium. Si quidem illa est perversa electio, qua contemnuntur certiores veritatis conjecturæ, & indicia, ut minus certa sequamur. Maxime verò qui minus probabile magis probabiliter anteponit, is à ratione ultrò, & spontè recedit; vult enim à veritate longius abesse: probabilis enim veritati est proximus, ut dixit Duhamel *Theol. moral. t. 2. dissert. 2. cap. 4.*

31 Dicitur, cum agitur de præceptis, quia in materia, quæ sit sub consilio tantum, non est debitum sequendi probabiliorē, & tutiorem; aliàs omnes statum Religiosum, & cælibatum, utpotè perfectionem, & tutiorem statu conjugali, tenerentur assumere, & non assumendo peccarent, quod sine errore affirmare non potest, ut notavit Abellii *Medull. p. 2. tr. 2. cap. 1. sect. 6. §. 3.*

32 Ex hoc sequitur. I. Magistros, & Præceptores in iis præsertim, quæ respiciunt fidem, & mores, debere suos discipulos illis sententiis instruere, quas saniores, & probabiliores existimant; in omni & moralem debent adhibere diligentiam, ut pro quanto humana fragilitas patitur, in doctrinis, quas docent, veritatem assequi conentur; alioquin vi-

dentur injuriam discipulis irrogare, & bono publico non leve præjudicium afferre, ut per Brefferum *lib. 3. de conscient. cap. 18.* aliosque apud d. Abellii.

33 Sequitur. II. Confessarium non debere absolvere penitentem, qui nolle in praxi deponere opinionem suam minus probabilem, quæ favet libertati, & quam Confessarius falsam judicat, & in praxi non tutam. Nam Confessarius agit partes medici, & Judicis; ergo sicut medicus non potest ægroto porrigere medicamentum, quod judicat illi noxiosum fore, quamvis ægrotus illud sibi utile censeat, ductus opinione aliquorum medicorum, qui ægrotis lenocinari solent; Ita nec Confessarius penitentem à peccatis ægrotum non potest curare remediis, quæ grata quidem sunt infirmo, sed noxia ab ipso Confessario judicantur.

34 Sic pariter, quia Judex non debet à reo discere sententiam, quam in eum ferre debet. Ita neque Confessarius sententiam, quam in penitentem est servato juris ordine prolaturus, ab ipso percipere debet.

35 Sequitur. III. Quod quemadmodum in materia præcepti non licet sequi opinionem probabilem, omiſſa probabiliori, ita non licet sequi opinionem probabilem, quæ favet libertati hominis in concursu alterius æquè probabilis, quæ favet præcepto, asserens aliquem actum non esse licitum, permissum, &c. Nam, sicut ibi in rebus ad salutem animæ pertinentibus, quis incerta certis præponeret; quod nullus debet juxta August. *lib. 2. de baptis. contra Donatistas cap. 3.* ita in secundo casu sequens opinionem probabilem faventem libertati, concurrente alia æquè probabiliori, quæ stat pro præcepto, incerta certis anteponeret in rebus ad salutem spectantibus: incertum est, utpotè tantum probabile non esse peccatum in actu; cum sit æquè probabile esse peccatum.

Quare in casu debet partem tutiorem sequi, juxta axiomam juris

in dubiis tutior pars est eligenda, pro ut dicemus n. ...

36 Quod autem dubius sit, ac omnem actum suspendat is, cui occurrunt duæ opinioniones contrariæ quæ probabiles, patet. Nam non est potior ratio, cur intellectus judicet unam potius esse veram, quam aliam: siquidem æquales pro veritate, & falsitate rationes hinc inde habentur, proinde in suspensio manet inter veritatem, & falsitatem; non minus, ac si nulla ratio ei pro una, vel altera parte proponeretur. Sicut in æquilibrio manent lances in libra, vel, si nullum neutri, vel, si æquale utrique pondus imponatur.

37 Dicunt. In eo statu potest voluntas intellectui jubere, ut hunc actum reflexum eliciat: *licitum est sequi opinionem certa probabilem*; & tunc ab omni dubio in praxi se liberat, atque ita potest celebrare contractum, quem licitum esse judicat.

Resp. Si per eum actum reflexum certus quis sit de bonitate sui actus, V.G. licere hunc contractum, de quo est opinio æqualis ponderis, quod sit illicitus, nullus unquam occurret casus, in quo teneatur ad praxim redigere illam juris regulam. *In dubiis semitam debemus eligere tutiorem*. Quoniam quoties propter æqualis ponderis contradictorias rationes, dubium crit, an aliquis actus licitus sit, nec ne? Voluntas poterit certo illum actum intellectui imperare. Sequela autem non est admittenda; aliàs inutiliter fuisset ea regula à Sacris Canonibus præfixita, quod non est dicendum. Maxime quia, posito illo actu reflexo, in praxi non occurrat aliqua circumstantia, quæ priorem dubietatem minuat, & prudentiam Imperii iustificet.

38 Opponunt contra dicta *num. 27. cap. Si vir de cognat. spirit.* ubi interrogatus Alex. III. An separandi essent conjuges, qui filium suum de fonte susceperunt? & referens duas sententias, alteram, quod debeant separari, & aliam,

quod non debeant, secundam eligit; quamvis sit minus probabilis, juxta textum ibi. *Quidam autem humanius sentientes*, aliter statuerunt; Ergo in concursu opinionis probabilioris potest minus probabilis eligi.

Resp. Negando opinionem, quam secutus est Pontifex, esse minus probabilem. Illud *humanius*, idem est, ac rationabilius, ut dixit Hostiensis, quem secutus est Fagnanus in *4. ad d. cap. nu. 2.* observans in varietate opinionum amplectendam esse humaniorem, hoc est, rationabiliorem, & æquioram. Et, si utraque sit rationabilis, sequendum est plurimorum judicium. In foro enim conscientiae, si utrumque sint opinioniones quæ probabiles, seu rationabiles, est ex præcepto eligenda tutior ad removendos conscientiae scrupulos.

39 Queritur, *an qui operatur cum conscientia prædictæ dubia, peccet?*

Resp. Affirmativè; & ratio est, quia quod non est ex conscientia dictante aliquid posse fieri, peccatum est. Item, qui dubitat, an hoc in his circumstantiis sit peccatum, vel non, & operatur, dubium non deponens, videtur parum curare, an id, quod agit, sit peccatum, vel non, & ita se exponit peccandi periculo; patet exemplo: actionem aliquam erga amicum facis, dubitans, an illa cedat in gravem amici offensam, si eam facis, quantum in te est, offendis amicum, quia periculo ipsum offendendi te committis.

40 Queritur *quomodo intelligenda sit regula illa, in dubiis tutior pars est eligenda?*

Resp. Sic, ut, dum res propter rationes utrimque probabiles prorsus dubia est, & non potest quis dubium depellere, in his, quæ animæ salutem respiciunt, teneatur, non ex consilio, sed ex præcepto, ac ex obligatione, qua quis tenetur vitare periculum peccati, sequi partem tutiorem: Sic Sacri Canones, qui utuntur verbis, non simplex consilium, sed obli-

obligationem importantibus, ut *semitam debemus eligere tutiorem cap. Audientiam de homicidio, via tutior est eligenda, illud de Cleric. excom. ministrante, &c. ex vi §. prater ea de verb. signific. &c.* ibi: *In his, qua anima salutem respiciunt, ad evitandos graves remorsus conscientia, pars tutior est tenenda.*

Advertat Confessarius, Alia esse opera bona, quæ non sunt in præcepto, ut sunt tria consilia Evangelica, quæ, quamvis melius sit ea facere, tamen, quia ea non facit, non peccat: in his regula illa non procedit, nec est in præcepto; Alia vero esse opera bona, quæ sunt in præcepto, quæ, dum ea quis non facit, se exponit periculo peccandi: in his regula de tutiori parte eligenda procedit. Tene itaque, quod in dubiis spectantibus ad salutem animæ, & ubi agitur de peccato vitando, pars tutior est eligenda.

41 Quæritur, *an dubitans, an die Jovis transacta sit media nox, possit, tuta conscientia, comedere carnes: & in die Sabbati dubitans pariter, an media nox excesserit, carnes sine peccato edere valeat?*

Resp. Affirmant Layman lib. 1. cap. 5. §. 3. num. 36. Ilung. Tambur. Rotarius, & alii posse in primo casu, non verò in secundo; discrimen asserunt, quia cum die Jovis unusquisque possideat suam libertatem vescendi carnibus, in dubio manuteneri debet in sua possessione contra diem veneris, seu contra præceptum abstinence, pro quo nulla est possessio, & propterea comedens non peccat; nam in dubio *melior est conditio possidentis*, & quilibet, cum sit in possessione suæ libertatis, in dubio non debet se ea possessione expoliare; in die autem Sabbati, possessio stat pro præcepto; unde peccat, qui carnes comedit, quia spoliatur Sabbatum, seu præceptum suæ possessione abstinence à carnibus.

Ad dignoscendum autem, pro quo stet possessio, hanc tradunt regulam: quod ille censetur possessor, pro quo stat præ-

Matthæucci Cautela Confessi.

sumptio, & qui transfert in alium onus probandi contrarium; sic Dominus vineæ censetur illius possessor, quia ad alium pertinet probare, quod ille non habeat legitimum titulum possidendi.

42 Negat Fagnanus cit. num. 191. & sequen. citans Ualquez, Sayr, Salas, Azorium, & plures Canonistas, resolventes regulam illam: *in dubio melior est conditio possidentis*; procedere solum in foro externo, & judiciali, in quo Judex non cogitur imponere penam, quæ per sententiam imponenda est, donec in suo foro certus sit de delicto, aliàs se exponit periculo errandi, quod utrimque imminet; nam si damnet innocentem, peccat contra proximum, quem sine causa graviter offendit: si absolvat criminolum, peccat contra Republicam, cui interest, ne delicta remaneant impunita: ergo in dubio debet servare regulas ab jure præscriptas. Non verò procedit in foro animæ, & penitentiali, in quo regulariter periculum est ex una parte dumtaxat cap. significasti il. 2. de homicid. nam reus in eo se judicans culpabilem, nulli periculo se exponit, nec cuiquam inferre injuriam, quæ volenti non fit, sed judicans se innocentem, exponit se periculo peccati, & inferre injuriam Deo, cujus præceptum contemnit.

43 Itaque absolutè resolvat, quod in iis, quæ salutem animæ respiciunt, tutior pars, & ea, quæ vacat omni periculo culpæ, amplectenda sit; nam, sanè nulum periculum offendendi Deum reperitur, si dubius in die Jovis, an media nox excesserit, abstinence à carnibus, & aliquid imminet, si continuet commestionem, quia fortè media nox excessit; & hinc comedens peccat, se exponendo periculo peccandi, periculum amans; & sic ad ceteros casus, qui possent adduci, ut Layman tradit de eo, qui post diligentem animi discussionem dubius est, an mortaliter peccaverit, ita ut in neutram partem assentiendo inclinare possit; & affirmat teneri sub dubio confiteri peccatum,

K 3 quia

quia in hoc dubio, in quo de salute animæ agitur, tutior pars amplectenda est; ut, si homo spiritualiter per peccatum mortuus sit, necessaria illi medicina queratur per penitentiae Sacramentum.

44 Quæritur, an liceat absque peccato operari contra conscientiam scrupulosam?

Resp. Negativè, habetur expresse *cap. Inquisitioni de sent. excom.* ubi Innoc. III. resolvit, quod si alter conjugum pro certo sciat impedimentum dirimens matrimonium, non potest sine peccato mortali debitum exigere, vel reddere; & si habeat conscientiam ex credulitate probabili, & discreta, potest reddere, sed non exigere; si verò conscientiam habeat ex credulitate levi, & temeraria, si eam deponat, non modo reddere, sed etiam licitè potest exigere; requirit ergo textus, ut ante copulam conscientia scrupulosa (judicium nimirum, seu credulitas ex levibus conjecturis, ac motivis animi pulsantibus, quod matrimonium propter impedimentum dirimens sit nullum) deponatur, aliàs, si quis eorum debitum exigat, sive reddat, juxta Canonum jura mortaliter peccat, juxta *cap. per tuas il. 2. de Simonia*; ubi dicitur esse mortale, operari contra conscientiam scrupulosam, id enim important verba textus, ædificat *ad Geben-nam*, ut notat Abbas in *cap. Literas de resit.* apud Fagnan. *cit. num. 96.* & propterea Cajetanus ab eodem alleg. *num. 88.* dixit scrupulum esse mortem conscientie.

45 Optimum remedium contra scrupulos est, eos parvi pendere, eosque ad consilium, & judicium prudentis Confessarii (cui se humiliter scrupulosus, neglecto proprio judicio, submittere debet) deponere, & sic contra eos depositos, operari licitè potest, cui numquam sine peccato id liceret, retenta, seu in sensu composito cum conscientia scrupulosa.

Eligant itaque in Confessarium, vel animæ Directorem Virum pium, pru-

dentem, & doctum, cui se subdant, eique credant, & obediant, ac deposito proprio judicio, & ratiocinationibus, ea faciant, quæ sibi imponit, & juxta instructionem: cui, si acquiescere non sint parati, & credere nolint, incurabiles judicentur, & Deo commendentur. Vide Layman. *cit.*

CAPUT XXI.

Prop. XXVIII. ab Alex. VII. &c.
De legis humana obligatione.

1 PROP. 28. *Populus non peccat, etiam si absque ulla causa non recipiat legem à Principe promulgatam.*

Proscriptam propositionem docuerunt apud Fagnan. in 1. *ad cap. ne innitaris sub num. 335.* Azorius, Villalobos, alique cum Diana scribentes, ut leges, tam Canonice, quam Civiles, vim completam obligandi habeant, requiri, ut à populo acceptentur; quorum sententia in ea propositione ab Alex. reprobatur, & nos hic illius occasione aliqua propriæ de obligatione legum humanarum notamus.

2 Quæritur, quid, & quotuplex sit lex?

Resp. Est ordinatio ad bonum commune promulgata ab eo, qui communitatis curam habet, cum voluntate perpetuè obligandi. Alia est æterna: & est æctus Divinae Mentis, quo Deus judicat quasdam regulas practicas, necessarias, & æternæ veritatis esse à creatura rationali observandas, cum voluntate ipsam obligandi: ut Deus est colendus, virtus amanda, &c. Alia naturalis, & est naturale iudicium rationis, quo per lumen nobis à Deo, tanquam Authore nature, inditum, & ab æternæ lege derivatum, cognoscimus ea esse facienda, quæ recta sunt, & iusta, & contra vitanda esse, quæ à iustitia, & rectitudine deflectunt. Alia est positiva, & est ordinatio ad commune bonum, literis con-

signa-

signata, & hominibus ad observandum data. Estque duplex Divina, & Humana: Divina est illa, *que lata est à Deo, tradente humano generi modum, quo possint homines pervenire ad cælestem beatitudinem.* Hæc subdividitur, ut alia sit veteris testamenti, quæ Christo resurgente, cessavit; & alia novi testamenti, seu Evangelica, quam Christus tulit, & observari mandavit.

3 Humana est, *regula quadam præscripta ab homine habente publicam auctoritatem, & à Deo potestatem gubernandi homines, præscribens subditis aliquid faciendum, vel prohibens aliud;* lex promulgatur, & statuitur, ut loquitur Greg. IX. *in præmio decretalium,* ut genus humanum honestè vivat, alterum non lædat, jus suum unicuique tribuat, & humana coerceatur audacia, ac tuta sit inter improbos innocentia, ut ibi *Glos. in ver. lex proditur.*

4 Humana alia est Ecclesiastica, seu Canonica, & alia Secularis, seu Civilis: Ecclesiastica est *à potestate Ecclesiastica pro Ecclesia regimine, & ad bonum supernaturale dirigit;* Secularis, seu Civilis *à Magistratu, vel Principe Seculari descendit, & versatur circa temporalia, externum Reipublicæ statum, eiusque politicam felicitatem.*

5 Item, alia est lex affirmativa, *qua aliquid agendum præcipitur;* & negativa altera, *qua aliquid prohibetur agendum:* inter quas hæc est differentia; quod illa certis tantum temporibus, ista, semper obligat: non enim semper actus fidei, spei, & charitatis, qui præcipiuntur, debent elici; semper tamen infidelitas, desperatio, odium Dei, quæ prohibentur, sunt omittenda, juxta dicta *cap. 1.*

6 Quæritur, *an lex humana iusta præcipiens obliget in conscientia?*

Resp. Affirmativè, tam de Ecclesiastica, quam Seculari, seu Civili, nam omnes derivantur à Lege æternæ Dei; ex illa enim regula legis æternæ obediendum est Superioribus legitime præcipientibus

vim suam obligandi originaliter ipsæ deducunt, unde dixit Apost. *ad Rom. 13. qui resistit potestati, Dei ordinationi resistit;* qui autem resistunt, ipsi sibi damnationem acquirunt; & infra: *subditi essote non solum propter iram, hoc est metu pœnarum, sed etiam propter conscientiam:* hoc est, ne peccetis: & en obligatio in subditis ad obediendum Legislatoribus, cum damnatio non acquiratur, nisi propter mortale. Reinstitutus jus can. in præmi §. 1. num. 18.

7 Sed quæritur, *quomodo cognoscendum, quando obliget sub mortali, vel sub veniali?*

Resp. Dignoscendum est: cum lex verbis præceptivis, *præcipimus, mandamus, prohibemus, interdiciamus, teneantur,* vel his æquivalentibus, exprimitur in materia gravi, quæ, vel sit talis in se, vel ratione finis, & in suo effectu, quatenus conducit ad bonum communitatis, pacem, & disciplinam conservandam, &c.

8 Sed quæritur, *quid dicendum sit de lege pœnali?*

Resp. Lex pœnalis duplex est: alia pure pœnalis, & alia pœnalis mixta: illa est, *dum legislator non intendit ad culpam Theologicam, seu offensam Dei, in conscientia obligare, sed tantum ad pœnam:* regulariter evenit, teste Engel *colleg. iur. canon. lib. 1. tit. 2. §. 3. num. 42.* circa actus, qui non contrariantur juri divino, aut naturali, nec Legislator aliquid prohibet, vel præcipit, neque verbis præceptivis utitur, sed solum pœnam statuit, *si hoc, vel illud fiat;* cujusmodi sunt plura Religioforum statuta, quæ ad peccatum grave non obligant, sed tantum ad pœnam ob meliorem disciplinæ monasticæ conservationem, verbi grat. *ne Religiosi certo tempore loquantur; ne opus, quamvis honestum, sibi tamen certo tempore non concessum, faciant, &c.* Altera est, *quando aliquid præcipitur, vel prohibetur sub culpa, adjecta pœna transgressoribus;* quæ ex eodem

Engel, ut plurimum accidit in delictis, quæ juri divino, aut naturali adverfantur, ut homicidio, furto, fornicatione, &c. in qua proinde duplex est obligatio, una ad culpam, alia ad penam.

9 Hinc resolvitur, legem pure penalem ad culpam Theologicam non obligare, nec ejus transgressionem peccatum coram Deo inducere, nisi aliud Legislator exprimat: modò non accedat Legislatoris contemptus, aliorum scandalum, & perturbatio in Republica. Secus dicendum de lege penali mixta, scû præcipiente, quæ juxta materiæ gravitatem sub culpa obligat; sub qua etiam obligaret, licet nulla pena temporalis apponcretur; cui pena temporalis adiiçitur ad ejus obligationem confirmandam, Sanch. apud Ilfing. *tr.1. disp.2. art.2. §.4. num.76.*

10 Quæritur, *an leges vestigialium, quæ à Principibus imponuntur, obligent in conscientia, & fraudantes vestigalia, vel Gabellas peccent mortaliter, & ad restitutionem teneantur?*

Resp. Affirmativè; nam leges vestigialium obligant in conscientia, & ad solvendum, & ad non solum restituendum, dum vestigalia justè exiguntur, ergo contra justitiam peccat, qui non solvit: pena imposita aperit gravitatem obligationis; quæ est tutior sententia: Et juxta illud ad *Rom.13. reddite omnibus debita, cui tributum, tributum, &c.* vid. *lib.2. cap.21.*

11 Quæritur, *an Peregrini, & Advena teneantur legibus specialibus locorum, per quæ transeunt, si non ibidem intendunt habitare?*

Resp. Affirmativè, ratio est, quia leges immediatè tangunt territorium legislatoris, & ibi existentes afficiunt, eosq; obligant, sic ex Suarez, Navarro, Lezana, aliisque, & *Quilici qu.un.miscell. à nu.47.* Est sententia tutior; aliàs Vagi, vel nullis legibus particularibus tenerentur, vel, ubique extra locum domicilii, ab eis crimina committerentur impunè, quod est contra rectam gubernationem.

12 Quæritur, *an Cicis Mediolanensis, limina Apostolorum visitans, peccet, si Romæ primis quatuor diebus Quadragesima non jejunet, sed carnes, & lactici-
nia respectivè comedat. Est, an Hispanus peccet, si, dum per alias Regiones, Italianam, Germaniam, &c. peregrinatur, die Sabbati interiora animalium comedat?*

Resp. Quoad utrumque affirmativè, ratio est, quia consuetudo Mediolani vescendi carnibus, & lacticiis illis primis quatuor diebus, & in Hispania interioribus animalium diebus Sabbati, est privilegium locale, territorio affixum, quo proinde præfati frui non possunt, dum absentes sunt: similes consuetudines à jure communi exorbitant, ergo non debent facillè extendi, juxta *regul.28. jur. in 6. quæ à jure, &c.* sed potiùs tamquam odiosè restringi, Layman *lib.1. tractat. 4. cap.12. num.4.*

13 Quæritur, *an Peregrini teneantur legibus particularibus suæ Patriæ dum sunt absentes?*

Resp. Negativè, ratio est, quia statuta particularia, etiam respectu subditorum, non extenduntur extra territorium statuentis *cap. ut animarum de cons. in 6.* idèò non peccabit, qui festum, aut jejunium in sua Patria ab Episcopo statutum, alibi non servat, ubi festum, aut jejunium secundum legem communem Ecclesiæ, non est.

14 Quæritur, *an Peregrinus Mediolani, ubi primis quatuor diebus Quadragesima non jejunatur, possit non jejunare?*

Resp. Affirmativè, cum Layman *cap.11. num.5.* Engel à *num.34.* & *Quilici nu.48.* ratio est, quia illa consuetudo est veluti privilegium locale, quo frui possunt, etiam Advenæ, & Peregrini, quandiu in tali loco morantur, modò in fraudem non acceperint, quia fraus, & dolus nemini patrocinator. *Cap. sedes, cap. ex tenore de rescript.*

15 Quæritur, *an discedens à loco, ubi lex jejunii non servatur, possit ibi, anteq. dis-*

discedat, carnibus vesci, quamvis eodem die perventurus sit ad proprium territorium, ubi jejuniū obligat?

Resp. Affirmativè, quia potest sequi consuetudines loci, in quo reperitur, Sum. Leand. *ver. abstinentia à carnibus num. 12.*

16 Sed, *an possit carnes manducare, dum vespere pervenerit ad proprium territorium?*

Resp. Negativè, ratio est, quia præceptum abstinendi à carnibus divisibiliter prohibet carnes comedere pro omnibus diei partibus, sic, ut, licet una diei parte, justa causa, abstinentiam à carnibus non servas, tenearis alia diei parte abstinere, ubi præceptum obligat.

17 Sed quid, *an discedens à proprio domicilio, ubi carnes prohibetur, possit illas comedere, anteq. discedat, si perventurus sit vespere ad locum, ubi comeduntur.*

Resp. Negativè; quia quilibet tenetur legibus loci, in quo est, quam diu in ipso est, Sum. Leandri.

18 Queritur, *an, qui ex loco, ubi non servatur jejuniū, se confert ad locum, ubi jejuniū præcipitur, possit in eorum refectiōem sumere?*

Resp. in hoc attendenda est circumstantia majoris permanentiæ in uno, quam alio loco, & secundum eam à Confessario judicandum, Layman *cit. cap. 11. num. 7.*

19 Queritur, *an pueri, adepto rationis usu, teneantur legibus Ecclesiasticis?*

Resp. Affirmativè, quia nec ex jure naturali, nec positivo constat, majores septennio (tunc enim communiter præsumitur adesse usus rationis) esse à lege positiva, quoad culpam, exemptos; pro tunc enim sunt capaces præcepti; hinc, cum lex, & mandatum generale sit observandum à tota communitate, etiam pueros comprehendit: maximè, dum nullum certum tempus determinat, pro ut lex jejunii taxat annum vigesimum primum completum; aut materia, quæ præcipitur, non sit incongrua pueriliæ-

tati, specialem judicii maturitatem, ac discretionem exigens, sicut susceptio Eucharistiæ, juxta dicenda *lib. 2. cap. 33.* tenentur itaque ad Missam diebus Festis, & in eis ab operibus servilibus abstinere; ac diebus prohibitis carnes non comedere, & confiteri semel in anno, &c. De quo Layman *cap. 10.*

CAPUT XXII.

Prop. XXIX. XXX. & XXXI.

ab Alex. VII. &c.

Excusati à lege jejunii.

1 **P**ROP. 29. *In die jejunii, qui sapius modicum quid comedit, & si notabilem quantitatem in fine comederit, non frangit jejuniū.*

PROP. 30. *Omnes Officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejuniō.*

PROP. 31. *Excusantur absolutè à præcepto jejunii illi, qui iter agunt acquitando, utcumque iter agant, etiam si iter necessarium non sit, & etiam si iter unius diei conficiant.*

Præsenti hoc cap. resolvendi dumtaxat sunt casus, occurrentes super causis excusantibus à lege jejunii; nam ceteri respectantes ipsius obligationem, & naturam sunt à Confessario videndi *cap. 16 per totum, & cap. sequenti.*

2 Queritur, *quinam excusentur obligatione jejunii?*

Resp. omnes, qui annum vigesimum primum non compleverunt, seu non attingentes 22. ratio est, quia ante illud tempus sunt in statu augmenti, & ideo frequentiore, & abundantiore alimento indigent, sed monendi sunt, ut jejuniis, etiam in ea ætate constituti, se assuefaciant.

3 Sed dubitatur, *an excusentur illi quoque, qui ante vigesimum primum annum voverunt se jejunare certis hebdomada, vel anni diebus?*

Resp.

Resp. Negativè, sed jejunare debent quia propria voluntate ad id se obligarunt; sic Religiosi professi in nostro Ordine, qui ex lege Ecclesiastica ante completum 21. annum jejunare non tenentur, obligantur ex voto edito ad observanda jejunia Regulæ.

Et si obiiciatur, quod votum jejunii obligat instar legis Ecclesiasticæ de jejunio, & hæc non obligat minores 21. anno, ergo nec votum jejunii.

Resp. Verùm esse votum jejunii obligare instar præcepti Ecclesiastici, quantum ad formam, modum jejunandi, ac refectionis qualitatem, & numerum, sed non quantum ad personas, quarum quædam possunt ex voluntario voto teneri, licet non ex Ecclesiæ præcepto.

4 Sed quid, si quis eorum dubitet, an annum 21. compleverit?

Resp. debet inquire veritatem, ut dubium deponat, vel jejunare juxta regulam: *in dubiis tutior pars est eligenda*; eò quòd cum dubio operari non licet.

5 Deindè excusantur Senes, qui ob virium infirmitatem, & humoris, ac caloris defectum frequentiore cibo indigent; & quia, ut plurimum senectus annotatis sexagesimo accidit, præfari post annum sexagesimum à lege jejunii liberantur; modò robusti, & sani, ac validi non sint, quia tunc non excusari tradit Tolct. & apud Ilfing tract. 4. disput. 1. artic. 3. §. 1. nu. 44. & De la Cruz 3. præcep. de jejun. artic. 4. num. 7. quia de iis revera ad finem exemptionis à lege jejunii non verificatur senectus.

Quamvis sexagenarii robusti, à lege Ecclesiastica jejunii liberarentur (quod non probò) liberi tamen non essent Religiosi sexagenarii, adhuc fortes, & sani, qui voluntario voto se toto tempore vitæ obligarunt ad jejunia Regulæ.

Denique excusantur Infirmi, Convalescentes, & Debiles, Prægnantes, Lactantes, Laborantes, quorum labor non est cum jejunio compatibilis, nec differri potest, & Pauperes, qui neces-

sariis carent ad unicam sufficientem refectionem: vid. Campion. parte 2. cap. 47. num. 12.

6 Non excusantur Advocati, Procuratores, Scribæ, Sartores, Barbitonfores, Aromatarii, Pictores, nec Familiæ sequentes dominum, (non valdè gravati laborioso officio domestico) & generaliter omnes, quorum labor cum jejunio est moraliter composibilis.

7 Queritur, an Concionatores excusentur à lege jejunii?

Resp. Negativè, si sermo sit de Concionatore, qui unam, vel alteram Concionem in hebdomada habet, ut DD. communiter apud Ilfing. num. 46. absentes functiones Concionatorum, Confessariorum, & Magistrorum, per se loquendo nullam legis immunitatem conferre; nam labor unius, vel alterius Concionis per hebdomadam cum jejunio optimè comparitur.

Si verò sermo sit de Concionatore, qui per totam Quadragesimam continuò prædicat, distinguendum cum Sylvestro ver. jejun. quæst. 9. num. 2. aut Concionator ex officio, & obedientia Superioris prædicat, ejusque Concio propter imperitiam aliorum ad idem ministerium, est populo utilis, & necessaria, & tunc ab jejunio excusatur, maxime; dum manifestata sua impotentia ad jejunandum Superiori, adhuc à Superiore ex rationabili, & justa causa ad prædicandum mittitur: jejunium enim alia opera pietatis, cum eo impossibilia, non impedit; aut voluntarie prædicat, & non missus; aut idcò missus, quia vult, & mitti querit; aut sua prædicatio non est ita necessaria, quin alii sint, qui æquè benè, vel melius supplere possint, & tunc quia ministerium est voluntarium, non excusatur; ideò, si non jejunet, peccat, cum in fraudem jejunii se exponat ad prædicandum, reddens se impotentem ad præceptum Ecclesiæ servandum; quæ est opinio in praxi tutior, magis pia, & rationi consentanea: idem,

pro-

proportione servata, dicitur de Confessario, & Magistro.

8 Quæritur, *an dubitans utrum habeat justam causam jejunandi, teneatur jejunare?*

Resp. Affirmativè, nisi dubium deponat; nam possessio stat pro jejunio, Boyvin; & in occasione dubia recurri debet ad Episcopum, vel Parochum, aut Confessarium.

9 Quæritur, *an fatigatus ex labore suscepto ob recreationem, ut ex ludopila, excusetur ab jejunio, & non jejunando peccet?*

Resp. Vel ille prævidit, aut prævidere debuit, ex impedimento à se voluntariè posito, se non posse jejunare, & tunc non jejunando peccat mortaliter in sua causa; vel non prævidit, nec expertus est ex illo impedimento sequi impotentiam jejunandi, & tunc non peccat postea, nec in se, nec in sua causa. De la Cruz.

10 Quæritur, *an excusati à lege jejunii censeantur, etiam liberi ab abstinentia à carnibus?*

Resp. Negativè, (excipiuntur infirmi) nam aliud est præceptum jejunii, & aliud prohibens carnes; & cum sint diversa, non potest de uno ad aliud discurre, quia à diversis non fit illatio per Sperellum dec. 138. num. 73. vid. cap. 16. num. 6. & cap. prat. num. ult.

11 Quæritur, *an Coqui Religiosorum peccent, parando Religiosis cibos sufficientes ad fractionem jejunii?*

Resp. Affirmativè, quia ex suo officio tenentur solum eos ministrare ad præscriptum Regulæ; & Superiori, secus præcipienti, obedire non tenentur: utpote res contra animam præcepti.

12 Quæritur, *an Caupones, & Tabernarii, vendentes, vel ministrantes cibos, teneantur interrogare hospites, an habeant causam justam non jejunandi?*

Resp. Negativè, sed debent præsumere quemlibet esse memorem suæ salutis, & obligationis, adeoque eos habere justam

causam cœnandi, vel, quod alibi non se refecerint: semper præsumendum est bene de proximo suo, nisi de opposito quis sit moraliter certus; ideò, si eis cibos ministrant, non cooperantur commestioni, quatenus est solutiva jejunii, quia sic procedit à mala voluntate non jejunantis, sed ei cooperantur, quatenus deserviens nutritioni naturali, & sustentationi necessariæ; vel, actui comedendi inserviunt, ut est actus hominis, non vitii.

13 Quæritur, *an possint licitè apponere cibum, vel invitare eos ad cœnandum in suo hospitio, quos sciunt jejunium fracturos?*

Resp. Negativè cum Boyvino de actibus hum. de jejun. apud quem dicuntur Caupones peccare, qui alteram refractionem apponunt illis, quos evidente sciunt ad jejunium obligari: solum à peccato excusarentur, si rationabiliter timerent ex tali negatione sibi obveniturum notabile damnum, vel, si prudenter crederent, quod negando, gravius Deum offenderent, evomendo blasphemias, & convicia; quæ sententia est in praxi tutior: si enim nullus reperiretur, qui ad frangendum jejunium paratis, cœnam apponeret, vellent, nollent, deberent jejunium servare.

Ex quibus possunt erui interrogationes, faciendæ à Confessariis Tabernariis. An cibos vetitos in die jejunii obligatis ad jejunandum apposuerint? an scientes eos se refecisse in prandio, cœnam paraverint? an id effecerint in contemptum legis, & an cum scandalo, & maxime Infidelium, &c.

CAPUT XXIII.

Prop. XXXII. ab Alex. VII. &c.
Jejunium Quadragesimæ.

1 PROP. 32. Non est evidens, quod consuetudo non comedendi ova, & lacticia in Quadragesimæ obliget.

Jeja-

Jejunio Quadragesimali communia videantur *cap. praterito*, & *cap. 10.*

2 Quæritur, an in Quadragesima interdictus sit usus ovorum, & lactici-
niorum?

Resp. Affirmativè; prohibentur sub mortali, tum ab iure *cap. Deniq. dist. 4.* tum ex vi consuetudinis, quæ vim obligandi habet, ut ex decreto Alex. patet; & ideo, quamvis verba legis non essent præceptiva, adhuc tamen, quia consuetudo de iis non comedendis, obligans est, mortaliter peccat, qui tunc lactici-
ciniis utitur, vide D. Thom. 2.2. *quest. 147. art. ult. ad 3.*

3 Sed quæritur, an ovorum, & lactici-
niorum usus interdictus sit, etiam in Dominicis, occurrentibus intra Qua-
dragesimam.

Resp. Affirmativè, tum ex vi consue-
tudinis legitimè præscriptæ, tum ratione præcepti ex *cis. cap. Deniq.* in quo teste Bonac. præcipitur, etiam in Dominicis Quadragesimæ abstinencia à lactici-
niis, quamvis in illis non extet præceptum jejunandi, & dixit Fagnan. in 3. *ad caput Explicari, de observat. jejunii num. 46. cum Glos. ad allegat. cap. deniq. in ver. ve-
nia, & ver. consuetudine.*

4 Sed quæritur, an in illis Dominicis liceat jejunare?

Resp. Per se loquendo licet, *cap. uti-
nam dist. 76.* quia jejunio colitur Deus, & dies Dominica in honorem Dei fuit in-
stituta; per accidens autem illicitum esse potest, ut ratione scandali, ut, si quis aliis diebus hebdomadæ se ingurget, & Dominicam ad jejunandum eli-
gat; vel ratione finis mali, & superstitiosi, vel contemptus religionis Catho-
licæ. Ad vitandum errorem Manichæo-
rum, & Priscillianistarum (qui in con-
temptum Resurrectionis Christi, quasi veram non esset, jejunium die Dominico præcipiebant) Sacri Canones *cap. ne quis
jejunet dist. 3. de consecrat.* & alibi, je-
junium die Dominico interdixerunt, Layman *lib. 4. cap. 8. cap. 2. num. 9.*

5 Quæritur, an pueri capaces usus rationis, vel alii existentes infra 21. annum, caterique, qui aliqua de causa excusantur ab jejunio, possint tempore Quadragesimæ comedere lactici-
nia?

Resp. Negativè, vid. *cap. praterito.*

6 Quæritur, an licentiatum in Qua-
dragesima ad comedenda lactici-
nia, possit carnibus vesci?

Resp. Negativè, nam facilius obtine-
tur dispensatio ab abstinencia à lactici-
niis, quam ab abstinencia à carnibus; ad quas obligatio, adhuc illa sublata, manet; & quia sunt præcepta divisibilia, & diversa; & quia ova, & lactici-
nia minus sunt contra finem jejunii, quam caro, majorem habens virtutem nutriendi, & delectandi gulam.

7 Quæritur, an Catholicus existens in Hæreticorum, & Turcarum locis possit licitè in diebus Quadragesimæ car-
nes, & lactici-
nia comedere?

Resp. Negativè, si commestio illa, data opera, proponeretur ad cognoscendum, quis esset Catholicus, & quis infidelis, aut in contemptum Ecclesiæ, vel ex ea sequeretur grave scandalum; bene verò, si non ad hunc finem proponeretur, & alias grave malum sibi ex non commestione immineret; verum, si nil mali timeretur, & alii cibi non deessent, nec in se-
creto posset ea comedere, quia nullus excusatur ab observatione legis Ecclesiæ-
sticæ, præcisè, quia est inter infideles, cum leges communes Ecclesiæ sequantur non locum, sed personam.

8 Quæritur, an licentiatum ad carnes in Quadragesima possit tuta conscientia illis uti in diebus Veneris, Sabba-
ti, & quatuor temporum?

Resp. Negativè, sed eget expressa li-
centia, specificante illos dies, cum spe-
cialis ratio sit pro illis diebus, quæ in aliis non habetur; nam duplici titulo tenetur quis in eis à carnibus abstinere, & quia sunt dies Quadragesimæ, & quia quatuor temporum, vel dies Veneris, & Sabba-
ti; hinc major causa ad dispensandum
est

est necessaria; unde consuetudo, & praxis obtinuit apud viros timoratz conscientiz, licentias ad comedendas carnes diebus prohibitis Quadragesimæ ad præfatos non extendere.

9 Sed quid, an possit ad minus in diebus Veneris, & Sabbati comedere ova, & lactificinia?

Resp. Negativè contra Peyrinum de subdito qu. 4. cap. 6. qu. 8. quod est tutius, & consuetudine receptum. Medicos instrue, ut ad concedendas licentias non procedant, nisi causis benè ponderatis, & videndo, an, quæ sufficiunt ad dispensandum, ut in aliis diebus caro, vel lactificinia comedantur, sint ita graves, ut propterea possint facultatem extendere ad diem Veneris, & Sabbati: vide cap. 16. in fine decretum, editum de mandato Clem. XI.

10 Quæritur, an qui per totam Quadragesimam non jejunat, unicum, vel plura peccata committat?

Resp. Tor committit, quot diebus non jejunat, quia jejunium est onus singulis diebus annexum, vel cujuscumque diei servitus; quare impotens jejunare, vel omittens uno die Quadragesimæ jejunium, potest, & debet alio die jejunare, in quo non sit impotens. Sylvester ver. jejun. q. 8. num. 4.

11 Sed dubitatur, an proponens in principio Quadragesimæ per totam Quadragesimam non jejunare, unum, vel plura peccata committat?

Resp. Tor committit, quot sunt dies, in quibus sit jejunandum; ratio est, quia actus ille tot æquivaler, quot haberet, qui quolibet die idem proponeret, estque in Confessione aperiendum.

12 Quæritur, an in principio Quadragesimæ habens expressam voluntatem comedendi singulis diebus carnes in parva quantitate, peccet mortaliter?

Resp. Leander q. 15. negat, sed solum venialiter dixit peccare, nam quilibet comeftio est solum venialis, ergo & omnes, cum non uniantur inter se; quæli-

bet enim transacto die, transit; sed tutius videtur mortaliter peccare, ratione pravæ intentionis; nam, etsi non quolibet die Quadragesimæ notabilem quantitatem comedit, intendit tamen in collectione dierum ad eam accedere: Commestiones, utiq; in effectu non conjunguntur, sed in affectu, & intentione comedendi moraliter uniri resolvat.

CAPUT XXIV.

Prop. XXXIII. ab Alex. VII. &c.
Remissivè ad cap. 14.

1 PROP. 33. Restitutio fructus ob omissionem horarum suppleri potest per quascumque elemosynas, quas antea Beneficiarius de fructibus sui beneficii fecerit.

Vide ibi dicta. Et quia per Priorem gratuitam liberalitatem, vel elemosynarum largitionem, posteriores fructus, omissioni horarum correspondentes Beneficiarius suos non facit, ideo hos adhuc, tamquam non suos, restituere tenetur; nec per eas prius factas restitutionis debito excusatur; quemadmodum non liberatur, qui rem alienam detinet, quin debeat ipsam restituere proprio Domino, quamvis uberes prius elemosynas donaverit.

CAPUT XXV.

Prop. XXXIV. & XXXV. ab
Alex. VII. &c.
Hora Canonica.

1 PROP. 34. In die Palmarum recitans Officium Paschale satisfacit præcepto.

PROP. 35. Unico Officio potest quis satisfacere duplici præcepto presenti, & crastino.

Hoc capite in examen veniunt, quæ tangunt obligationem recitandi horas canonicas, remisso alio ad lib. 2. cap. 32. de

de causis excusantibus à debito legendi Breviarium.

2 Quæritur, quot persona sub culpa mortali teneantur ad horas Canonicas recitandas?

Resp. I. Clerici omnes, majoribus ordinibus initiati, cap. Presbyter, & cap. Dolentes de celebr. Missarum, & ibi DD. etiam si sint excommunicati, suspensi, depositi, vel degradati, Layman lib. 4. tr. 1. cap. 4. num. 4.

II. Clerici beneficiati, licet in minoribus constituti, vide dicta cap. 14.

III. Religiosi professi omnes, & singuli (exceptis Novitiis, & Laicis conversis) idque, vel ex vi Regulæ, ut Fratres Minores S. Francisci; vel, vi generalis consuetudinis, quæ per Layman in omnibus Religionibus, Choro addictis, recepta est.

Ad horas recitandas tenetur Religiosus fugitivus, damnatus ad trirèmes, & Clericus à Religione expulsus (licet non esset in sacris) quia ex sua improbitate non debet commodum, vel levamen reportare, Layman cit. & ego ipse Offic. Cur. to. 2. c. 5. nu. 45.

IV. Moniales Choristæ, seu ad Chorum deputatæ, ex antiqua, & recepta consuetudine, sub gravi obligatione Chori; in toto corpore Monasterii existente: sumitur ex Clement. Gravi de celebrat. Missar. Dixit Roderico resolut. 24. num. 11. Pelizarius de Monial. cap. 6. nu. 12. & apud ipsum Miranda. De la Cruz cit. alique in d. cap. cit. vid. lib. 2. c. 32.

3 Quæritur, quando in præfatis ea obligatio incipiat?

Resp. In Beneficiatis incipit à die pacificæ possessionis beneficii; in Subdiacanis, & Professis à die, quo promoven-
tur, vel professionem emittunt, sic, ut teneantur illa die recitare, vel omnes omnino horas, vel partem residuo diei respondentem, quæ post promotionem, vel professionem solent juxta consuetudinem Ecclesiæ recitari. Ilung. tract. 5. disput. 1. quæst. 1. artic. 1. in fine Gobat.

tract. 5. casu 23. sect. 1. numero 161.

4 Quæritur, an recitans Divinum Officium cum distractione voluntaria satisfaciatur præcepto Ecclesiæ, quod est idem, ac querere, an præcepto satisfaciatur, qui horas canonicas legit sine attentione interna?

Resp. Sed notabis, attentionem esse actum intellectus cum advertentia ad id, quod ore profertur. Intentionem verò, actum voluntatis, quo quis vult, & proponit aliquid agere; quæ, teste Suarez to. 2. de Relig. lib. 4. de hor. can. c. 26. num. 5. debet præcedere, tamquam fundamentum attentionis.

5 Item attentionem aliam esse externam, internam aliam: externa est negatio, & exclusio actionum externarum, quæ possunt internam devotionem, & attentionem impedire; Ideò, si quis vellet, dum Officium recitat, v. gr. confabulari, pingere, scribere, historias legere, negocia tractare, & similia facere, externam attentionem non haberet. Interna est interna mentis advertentia, seu applicatio ad divinum Officium.

6 Deinde attentio interna triplex est ex D. Thom. 2. 2. qu. 83. art. 13. in corpore Superficialis, Literalis, & Spiritualis.

7 Superficialis est ad materialia verba, ne quis in eis erret, confundendo, sincopando, seu mutilando, trasponendo, omitendo, & integrè non profereundo.

8 Literalis est ad sensum literalem verborum, sic, ut quis mente verum verborum sensum, & quid significant, percipiat; quam habere non possunt semine Choro addictæ, ignorantes linguam latinam.

9 Spiritualis est; qua attenditur ad Deum, vel ad finem in oratione propositum, seu ad res divinas, passionem Christi contemplandam, &c. & sufficit ad satisfaciendum attentio ad unum, vel alterum Suarez, & Bonaccina: modò.

Quæ-

Quæſito aliqui dixerunt internam attentionem ad horas canonicas recitandas non eſſe in præcepto, ſed ſufficere externam, ut ſcilicet, dum quis actu recitat, ſe non occupet in aliquo negotio externo incompatibili cum attentione interna, ut in ſcribendo, conſabulando, pingendo, & ſimili.

Ex oppoſito Suarez, Layman, Bonacc. & apud eos alii plures cum Fagnano ad alleg. cap. *Dolentes*, negant internam attentionem ab Eccleſia non præcipi. Cum iſtis negatur eum ſatisfacere præcepto Eccleſiæ, qui dum recitat, voluntariè diſtrahitur; & hæc eſt ſententia vera: nam, ſi non attendit internè, perinde ſe habet, ac ſi non recitaret, vel dormiendo legeret.

Totum colligitur ex alleg. cap. *Dolentes*, namibi. I. prohibetur in divinis Officiis intermiſceri fabulas, comæſſationes, & alia exteriora, quæ devotionem impediunt, & conſequenter præcipitur externa devotio, quantum ad compositionem, & humiliationem corporis II. præcipitur, ut divinum Officium celebretur *ſtudioſè*, quantum ad pronunciationem, diſtinctè ſcilicet, & ſine ſincopa. III. præcipitur, ut celebretur *devotè*, & ne hoc ſuperflue dicatur apponi, intelligi debet de interna attentione: legas Gloſ. ad illud cap.

Et probatur ex Trid. cap. 12. ſeſſ. 24. de ref. omnes verò, &c. in Choro. ad *psallendum inſtituto*, *hymnis*, & *canticis*, *Dei nomen reverenter diſtinctè*, *devotè* *quæ laudare*: dicitur *reverenter*, quantum ad humiliationem, & compositionem corporis: *diſtinctè*, quantum ad oris pronunciationem: & *devotè*, quantum ad mentis elevationem, & internam attentionem.

10 Quæritur, *an attentio debeat eſſe actualis, vel virtualis?*

Reſp. Actualis non eſt neceſſaria, ut ſemper duret, ſed ſufficit virtualis, ut DD. communiter. Fagnan. cit. num. 49. dixit, præcipitur attentio in Officio,

quantum ad ſubſtantiam actus, quia tenetur quis ad Officium accedere cum intentione *ſolvendi penſum, vel Deum colendi, ſeu Officium recitandi*, ſed non præcipitur, ut hæc intentio, conſequenter attentio actualis, ſemper duret, nam hoc eſt impoſſibile, propter evagationem humanæ mentis, ſed præcipitur, ut maneat ad minus virtualiter, hoc eſt, in proſecutione recitationis inceptæ cum actuali attentione.

11 Pondera, quòd attentio triplex eſt, actualis una, & illa eſt, *qua quis actu advertit ad id, quod operatur*. Virtualis alia: & habetur, cum quis initio operis habuit attentionem actualem, poſtea tamen involuntariè diſtrahitur; quàm nec expreſſè revocavit per contrarium actum, quo velit non recitare, nec tacitè; quod fit, cum quis advertens ſe verba proferre ſine actuali attentione, non revocat mentem ad ipſam. Et tertia habitualis, in eo exiſtens qui ex habitu, vel uſu aliquid facit, non advertens ad id, quod operatur, nec ad id faciendum, ex aliqua præcedenti advertentia à principio procedit: prima eſt optima, & conſulenda: ſecunda ſufficit: tertia ab omnibus reprobat. Vid. lib. 3. ad prop. 28. diſpoſitionem, & intentionis naturam.

12 Quæritur, *an, ut quis impleat præceptum de horis canonicis recitandis debeat de neceſſitate habere expreſſam intentionem ſatisfaciendi præcepto?*

Reſp. Negativè, cum Suarez tom. 4. de relig. cap. 26. num. 6. Bonacc. de legib. diſp. 1. q. 1. Layman lib. 1. tr. 4. cap. 4. num. 9. ratio eſt, quia, licet lex præcipiat opus fieri, non tamen præcipit, ut fiat cum expreſſa intentione adimplendi præceptum; ſic Eccleſia præcipit auditionem Miſſæ in die feſto, ſed non, ut habeatur expreſſa intentio ſatisfaciendi præcepto per auditionem; alioquin plures præceptum non impleant, quia plures habent intentionem audiendi, & attentè audiunt, quin habeant eam reflexam intentionem.

tionem; sic dicendum de recitante Breviariū, in quo tamen reperitur intentio interpretativa satisfaciendi, quia ad interrogationem responderet, se recitare, ut præcepto satisfaciatur. Hæc duo distinguas: intentio faciendi opus præceptum, & intentio per opus præceptum adimplendi præceptum, quæ sunt notanda, & diversa, & primum semper est necessarium, ut expresse præcedat.

13 Quæritur, *an peccet mortaliter, qui omittit partem notabilem divini Officii?*

Resp. Affirmative, sic DD. communiter, ratio est, quia violans præceptum in re gravi peccat mortaliter, sed omittens partem notabilem divini Officii, violat præceptum in re gravi, pertinente ad virtutem Religionis, & colendum Deum.

14 Sed quæritur, *quantam dicenda sit quantitas notabilis, excusata voluntaria omissione quis mortaliter peccet?*

Resp. DD. non conveniunt; quidam dixerunt unam integram horam esse quantitatem notabilem: sed hi, ex Rotario, nimis laxè loquuntur: quidam verò unum Psalmum, etiam minimum parvæ horæ: quorum sententia nimis dura videtur. Integer itaque Psalmus unius horæ parvæ, si sit longus, quantitas notabilis est: in matutino duo psalmi, non tamen ex longioribus, vel unicus longus, ut in matutino Dominicæ, *Confitebor tibi, vel diligam te, Domine*. De la Cruz; vel, tres lectiones cum suis responsoriis, quia defectu hujus quantitatis mortaliter censetur non salvari essentia totius. Omittens in Sabbato Sancto Vesperas mortaliter peccat: & omissio unius horæ integræ, etiam parvæ, iudicio prudentum notabilis reputatur. Sum. Leand. *ver. horæ canon. num. 29*. Videntur Gavant. *sect. 1. cap. 5. de hor. canonic. tit. 1. num. 4*. Rotarius *theol. par. 3. cap. 8. sect. 2. num. 5*, & Suarez *cap. 25. num. 16*.

15 Sed quid, *si quis in singulis horis modicum quid omitteret, quod simul*

sumptum integraret quantitatem notabilem?

Resp. Peccaret mortaliter, quia secundum se pars notabilis est, & respectu totius Officii pars notabilis deficeret, licet respectivè ad singulas horas defectus notabilis non reputaretur.

16 Quæritur, *an obligatus ad Officium peccet mortaliter, si non recitet Officium B. M. V. Psalmos poenitentiales, graduales, & Officium Defunctorum, quando eorum recitatio in Quadragesima à rubrica præscribitur?*

Resp. Negative, ratio est, quia illæ sunt obligationes Chori, non Personæ, ut ex Rubricis Breviarii; suis locis videndis; hinc Choro adstrictus, si tunc non adsit, non tenetur sub lethali privatione recitare, ut habetur ex Bulla Pii V. apposita in principio Breviarii; ex opposito tenetur ad Litanias in die S. Marci, & Rogationum, ac ad Officium Defunctorum in die commemoracionis, si processio non intersit, vel Choro, ratio est, quia sunt pars obligationis illius diei, ut colligitur ex rubrica eam exprimens verbis præceptivis, *dicant*, & non hortativis, *monemur*, vel facultativis, *possunt*. Gavant. *cit. cap. 16. num. 3*. Suarez *cap. 19. num. 9*.

17 Quæritur, *an omittens integrum unius diei officium, unicum, vel plura numero peccata committat?*

Resp. Tabiena, & Lessius alleg. à Bonac. *disp. 1. q. 5. punc. 1. prop. 3. in 6*. affirmant tot numero peccata committi, quot sunt horæ omisæ; ratio est, quia omittens singulas horas, omittit septem opera distincta. Bonacc. *cit. prop. 3. num. 6*. apud quem plures, & Gavant. *tit. 1. cap. 5. num. 2*. dixerunt omittentem uno die totum officium, unum peccatum committere; ratio est, quia transgreditur unum præceptum, habens pro objecto totum officium, quod ex septem horis Canonicis, tamquam ex partibus, integratur: utraque sententia est probabilis, secunda videtur communior.

18. Verum in utraque sententia id est certum, quod omittens totum officium unius diei, non satisfacit, si in Confessione dicat, *peccavi graviter contra obligationem recitandi officium*, sed oportet, ut exprimat se septem horas omisit, quia ad minus gravius peccat, quam, si unicam omitteret.

19. Quæritur, *an mortaliter peccet, & præceptum recitandi officium impleat, qui spontè, & advertenter horas canonicas permutat, recitando V.G. de Sancto, dum est recitandum de feria, vel de uno Sancto, cum recitandum est de alio, aut Dominica? quod est idem ac querere, an sit in præcepto servare formam Brevariarii, ut applicatam ad tale tempus, vel diem? id est, an sit in præcepto in Adventu officium Adventus legere, & in Quadragesima, illud Quadragesima?*

Resp. cum communi DD. apud alleg. Bonac. & Suarez qu. 22. num. 12. mutantem officium unius diei in officium alterius, mortaliter peccare, & præcepto non satisfacere, ratio est, quia non implet præceptum, quoad substantiam; nam, licet substantia præcepti in genere sit de septem horis in genere, substantia tamen præcepti in particulari, & in individuo, est de septem horis talibus, & quoad talem substantiam in individuo, hoc est, quod constet ex his psalmis, & ex his lectionibus ergo, si juxta distributionem, diei accommodatam, non recitet, præceptum non impletur.

20. Sed quid, si quis involuntariè unum officium pro alio recitet?

Resp. debet, dum ad mutationem, vel errorem adverterit, priusquam sit elapsus dies, omnia supplere, alleg. Bonac. Suarez num. 15. & Layman lib. 4. tract. 1. cap. 3. num. 5.

21. Quæritur, *an recitans privatim cum socio, satisfaciatur præcepto recitandi?*

Resp. Affirmativè cum Bonac. Suarez sum. Leand. sit. num. 29. Gavanti sit. cap. 5. num. 3. nam est modus similis ei, quo in choro recitatur; qui autem in choro *Mattheucci Castela Confess.*

alternatim recitant, præceptum impleant;

Nota alternatim recitantes debere clara voce officium dicere, ut quisque alium audiat, aliàs obligationi non satisfaciunt: nam sic recitantes suppleant audiendo, quod omittunt recitando.

22. Sed quæritur, *an, qui ex officio, vel mandato Superioris occupantur in pulsandis organis, transferendis libris ex una ad aliam partem, vel in thure deferendo, teneantur eam partem recitare, quæ ab aliis tunc temporis persolvitur?*

Resp. Affirmativè, quia non dicitur recitare divinum officium, qui verba divini officii non profert, vel ad illa attentè non attendit.

23. Quæritur, *an Beneficiatus attentè audiens in choro socios canentes suam partem, & ipse submissa voce suos versus recitans, satisfaciatur obligationi recitandi horas Canonicas.*

Resp. Affirmativè, ratio est, quia ipse suam partem revera recitat, & communicat in parte sociorum, qui ei suam partem communicant, dum alta voce psallunt, quamvis ipse submisit recitans non communicet suam partem ipsis.

Verum non satisfacit debito servitio Chori, nec potest distributiones percipere; ratio est, quia, qui non facit, quod debet, non recipit, quod oportet: Canonicis, & Beneficiatis danus redditus Ecclesiastici specialiter, ut Choro inserviant, sed, si non cantant, non serviunt, nec impleant officium suum; ideo contra iustitiam peccant, atque adeo ex genere suo mortaliter. Non conducitur operarii ad vineam, ut ibi assint, sed, ut ibi laboret: nec Parocho datur Cura, ut suæ Ecclesiæ sit præsens, sed, ut in ea ministret, & onera Parochialia exerceat.

24. Quæritur, *an, ut impleatur præceptum, hora canonica sint voce recitanda, vel solum mente?*

Resp. Sensibili voce recitari debent; quia obligatio est de oratione vocali.

L Con-

Considera, *in cap. dolentes illud studio*: sè: at sufficit, si te ipsum percipias; neque hoc requiritur, si sis Surdus alter.

25 Quæritur, *an mortaliter peccet, qui horas canonicas statutus horis non recitat, ut, si mane recitet vespervas, vel post vespervas differat matutinum, primam, tertiam, &c.*

Resp. Negativè, ratio est, quia implet præceptum, quoad substantiam, modò intra eundem diem naturalem, qui est tempus pro toto officio determinatum, seu habile ad ipsum implendum, integrum officium recitet; si absque iusta causa notabiliter tempus horarum invertat, venialiter peccat, Bonac. cit. q. 3. pun. 3. num. 4. & DD. communiter.

26 Quæritur, *an recitans horas canonicas, dum Missam die festo audit, utriusque præcepto satisfaciatur?*

Resp. Affirmativè, Bonac. cit. pun. 2. num. 14. ratio est, quia recitatio, & auditio ad unum finem diriguntur, & attentio divini officii non est impossibilis cum auditione Missæ; id tamen singula, & rationabili causa non est consulendum, de quo lib. 7. cap. cit.

27 Quæritur, *an sicut post vespervas diei, V. G. Dominica, potest recitari matutinum cum laudibus diei Luna, possint, etiam tunc, recitari cætera hora?*

Resp. Negativè, & si quis recitet, tenetur sub mortali die Lunæ horas repetere, juxta generalem consuetudinem, praxim Ecclesiæ, & sensum DD. asserentium privilegium potestativum, seu habilitativum ad recitandum matutinum diei sequentis, non extendi ad cæteras horas.

28 Quæritur, *quomodo se gerere debeat Confessarius cum accusante se officium non recitasse?*

Resp. interroget, an totum, vel partem omiserit? an teneatur, etiam ratione beneficii? & quatenus affimet, eum juxta quantitatem omissionis ad restitutionem fructuum beneficii obliget; quoties omi-

serit, & an fuerit causa, ut cæteri non recitarent, & quot fuerint, &c.

CAPUT XXVI.

Prop. XXXVI. ab Alex. VII. &c.
Privilegia Regularium.

1 PROP. 36. *Regulares possunt in foro conscientie uti privilegiis suis, quæ sunt expresse revocata per Conc. Trid.*

Præfatam propositionem docuerunt Henriquez, & Sanchez apud Fagnan. in 1. decretal. ad caput ne innitatur de const. sub num. 335. Virginius Alviser, cit. ab Ilung. Theol. tract. 1. disp. 3. art. 10. num. 65. laboravit in stabilienda probabilitate propositionis sequentis: *nulum privilegium Regularium est sufficienter revocatum, ad hoc, ut ab illo abstinere teneantur.* Simile quid dixit Bruno Cassaing. Quorum doctrina, utpotè à parte rei falsa, ad praxim non est deducenda; nec pro foro externo, in quo ex ipsius sequela multum pax laderetur, & inter Episcopos, & Religiosos non minora orirentur litigia; nec pro interno, & conscientia; nam, omisso, lites non possetam de facili inter eos enasci, non est dubium ex ea fideles damnum spirituale reportaturos, quippe sæpe absolutionem à peccatis reciperent ab iis, qui à locorum Ordinariis approbati non forent, & sic invalidè. Hinc est evidens, privilegia Regularium à Trident. revocata, tam pro foro externo, quam interno revocari.

Quæ autem privilegia Trid. expresse revocaverit, enumerat alleg. De la Cruz num. 9. Ilung. num. 68. & ego ipse Offic. Cur. tom. 1. cap. 24. num. 8. legatur Trid. & præsertim sess. 25. de regul. per 22. capita.

3 Jam prius Trid. ad pacem, & quietem conservandam inter Ecclesiarum Prælatos, & Religiosos fuerunt privilegia Regularibus data, moderata à Leone X. const.

const. *dum intra*, edita in Concil. Lateranensi. Post Conc. verò, Greg. XIII. const. incip. *In tanta sub die 23. Martii 1573.* ad terminos juris veteris, & Conc. Trid. reduxit dispositiones Const. B. Pii V. in quibus plura Mendicantibus, & Religiosis Ordinibus privilegia dedit, etiam in Trid. revocata. Vide Quaranta Bullar. *ver. privil. regular.* & De la Cruz *num. 10.*

Post Greg. verò exemptorum privilegia, quoad animarum, & Monialium curam, Verbi divini prædicationem, & Sacramentorum administrationem, restinxerunt, & respectivè limiterunt Greg. XV. const. *Inscrutabili*, & Clemens X. const. *Supernd.* legendis in Bullar. Cherub.

4 Quæritur, quando censeantur privilegia à Concilio expressè revocari?

Resp. Cum revocantur, adjecta clausula derogatoria, non obstantibus privilegiis, vel consuetudinibus: etiam immemorabilibus, aut simili.

5 Sed quæritur, an per privilegiorum confirmationes, sine ulla exceptione, renoventur, instaurantur, & reviviscant, etiam à Trid. revocata?

Resp. Negativè, propter clausulam litteris adjectam: *modò Sacris Canonibus, & decretis Sacri Conc. Tridentini non adversentur.*

6 Sed quid, si hac clausula non apponatur?

Resp. Nec tunc reviviscunt, quia privilegia, à quovis Concilio Generali revocata, in confirmatione privilegiorum semper excipiuntur tacitè, vel expressè: expressè, cum ea adiicitur clausula: tacitè, cum Pontifices privilegia confirmant, sed non addunt se confirmare vellet, etiam à Concilio revocata. Ideò observandum, quòd, cum expressè excipiunt privilegia revocata à Trid. intendunt significare, privilegia à Conc. revocata, non amplius tacitè, sed expressè excipi. Illung. cit. à num. 66.

7 Sed quid, cum privilegia confirmantur, & innovantur hac clausula,

non obstantibus quibuscumque Constitutionibus Apostolicis, Provincialibus, & Generalibus?

Resp. Nec tunc à Concilio revocata confirmantur; ratio est, quia particula *Generalibus*, non ponitur ad significandas constitutiones Conciliorum Generalium, sed Constitutiones à Summis Pontificibus, non pro solis particularibus Provinciis, sed pro tota Ecclesia editis: certè aliud est Constitutio Generalis, & aliud Constitutio facta à Conc. Generali: hæc posset, etiam esse pro unica Provincia.

8 Quæritur, an ad minùs renoventur privilegia, quæ sunt Concilio contraria, licet in eo non expressè revocata per clausulam de rogatoriis non obstantibus, &c.

Resp. DD. cum Roderico *resolut. 116. num. 14.* inter decreta Trid. contraria privilegiis Regularium numerant, aliqua cum clausula derogatoria non obstantibus, & alia sine illa clausula; exemplum est in *sess. 23. cap. 8. de ref.* ubi duo definiuntur, unum absolute sine expressa derogatione privilegiorum, ut, quòd Sacri ordines statutis ab jure temporibus, & non extra tempora conferantur, nec apponitur clausula derogatoria; propterea plures docent adhuc post Trid. posse Regulares extra tempora ordinari; eo quia, quoad hoc, privilegia non sunt expressè revocata; iterum, ut unusquisque à proprio Episcopo ordinetur, cum expressa derogatione privilegiorum in contrarium: quo notato.

Dicimus, neque ea innovari, quia, licet per clausulam derogatoriã expressè non revocentur, tacitè tamen revocantur per contrariam legem, & decretum à Trid. editum; consequenter decretis Trid. sunt contraria: quæ autem iisdem adversantur, non intendunt Pontifices sub confirmatione comprehendere, ut ex dictis patet.

9 Propterea *off. Cur. Ecclesiast. cap. 35.* dixi Regulares non posse in vim privilegiorum, prius Trid. obtentorum, extra tempora ordinari. lege ibid.

10 Quæritur, an in locis, in quibus non sunt recepta Trid. vel Bulla revocatoria, possint Regulares suis uti privilegiis, per præfata revocatis; & an per communicationem privilegiorum valeant iisdem gaudere Religiosi existentes, ubi Conc. & Bulla vim habent?

Resp. Negativè, ratio est, quia ad valorem revocationis non exigitur consensus privilegiati, vel, quod revocatio ab eo acceptetur: nam privilegia ex mera voluntate Principis conceduntur, ergo ex eadem voluntate sine ordine ad acceptionem possunt in toto, vel in parte revocari. De la Cruz *cit. cap. v. dub. 3. num. 51*. Quare communiter asseritur: privilegia invitis non solent dari, benè verò ab eis auferri; idèò, tametsi Trid. & Bullæ non sint ubique recepta, nihilominus valet ubique revocatio privilegiorum in illis revocatorum; quia, ut directè, & immediatè tollatur usus privilegii, sat est, ut per publicationem hic Romæ, more consueto factam constet de voluntate Concilii, vel Pontificis, revocantis privilegia; quibus quisque illicitè utitur, statim ac notitiam revocationis acquirit. Tanta enim est efficacia clausulæ adjectæ *cap. 22. sess. 25. de regul. non obstantibus eorum omnium, & singulorum privilegiis sub quibuscumque formulis verborum conceptis, &c.* ut, cum privilegiis directè concessis, privilegio etiam derogat communicationis. Layman *lib. 1. tract. 4. cap. 23. in fine* Illung. *cit. num. 64*.

11 In praxi itaque Confessarius Regularis advertat 1. quod Secularium Confessiones audire non potest, nisi ab Ordinario loci approbetur. Trid. *sess. 23. cap. 15. de ref. Greg. XV. const. Inscrutabili, & Clemen. X. const. Superna*.

II. Quòd approbatus pro Secularibus, Monialium Confessiones excipere non valet, sed eget speciali approbatione. Greg. & Clemen. *ibid.*

III. Quòd approbatus pro uno Monasterio, non potest Monialium alterius

Monasterii Confessiones audire. *ibidem* Clemen.

IV. Quòd Confessarius extraordinarius Monialium, approbatus pro unica vice, iterum est approbandus, *ibid.* Clemen.

V. Quòd non potest absolvere à casibus, & censuris Episcopo reservatis sine licentia speciali Episcopi, *ibid.* Clemen.

VI. Quòd non potest absolvere à censuris ab homine latis. Leo X. Const. *dum intra*, nec à contentis in Bulla Cæne, aliisque Constitutionibus Apostolicis.

Alia plura in præfatis constit. referuntur, & in alia Innoc. X. incip. *Cum sciscit*, edita die 14. Maii 1648. super controversiis vertentibus inter Episc. Angelopolitanum, & P. P. Societatis, ut in *Bullar. Cherub. & tom. 1. offic. Cur. cap. 24. num. 22.*

CAPUT XXVII

Prop. XXXVII. ab Alex. VII. &c.
Indulgentia, & Jubileum.

1 PROP. 37. *Indulgentia concessa Regularibus, & revocata à Paulo V. bodie sunt revalidata.*

Paulus V. revocavit omnes, & singulas Indulgentias directè, & principaliter personis regularibus, quarumcumque Religionum, & Ordinum, etiam Mendicantium, & Monialium, à suis Prædecessoribus concessas, adjecta clausula derogatoria omnium derogatarum, & privilegiorum, sub quarumcumque formula concessorum, aliasque loco ipsarum est elargitus, ut expressè Const.

2 Et quoniam quidam, inter quos Roderico *resolut. 77. num. 45.* existimarunt Indulgentias à præfato Paulo revocatas, revalidatas esse; propterea Alex. VII. enunciatam proscripsit prop. & post Alex. Innoc. XI. in decreto de apocriphis *Indulgentiis, incip. Delata edito die 7. Martii 1678. & publicato die 12. ejusdem mensis, & anni: §. ac demum, decla-*

declarat omnes Indulgentias concessas ante Breve Pauli Vincip. Romanus Pontifex, &c. editum die 23. Maii 1606. per omnis Regularibus, quarumcumque Religionum, & Ordinum, etiam Mendicantium, &c. nisi fuerint deinde Romani Pontificis auctoritate innovata, aut confirmata nullius esse roboris, & momenti.

Hinc constat, per generalem confirmationem privilegiorum, Indultorum, & gratiarum sine expressione, & speciali mentione Indulgentiarum, non innovari, nec confirmari Indulgentias revocatas; ratio est, quia juxta *reg. 81. in 6. in generali concessione non veniunt ea, quae quis non esset verisimiliter concessurus*; sub generali autem concessione privilegiorum, indultorum, & gratiarum non continetur concessio Indulgentiarum; nam Pontifices in Bullis, cum Indulgentias concedunt, eas proprio nomine, tamquam membrum à praefatis distinctum, exprimunt, ergo nec sub generali privilegiorum confirmatione venire debent, per Gobat. *tom. 2. de Indulg. tract. 4. cap. 2. num. 22.* In similibus tenor rescripti, & mens Pontificis, non verò speculantium consequentia, & illationes attenduntur.

Quae omnia adnotanda duxi, ut Confessarius dubiis super revalidatione Indulgentiarum excitatis respondeat, cui pro praxi aliqua Indulgentiarum, & Jubilei communia exhibeo.

3 Quæritur, quid sit Indulgentia?

Resp. Est relaxatio, seu remissio pœna temporalis debita pro peccatis actualibus, iam dimissis, facta à Prelato Ecclesie, existentibus in gratia, per applicationem Thesauri Ecclesiasticus.

Pro notitia notabis, quod bona morientis in Republica sine hæredibus applicantur ætario publico, & Princeps, ut administrator, cum causa potest illa educere in subsidium reliquorum subditorum; ita in Ecclesia Christi satisfactiones Christi, B.M.V. ac illæ, quæ Sanctis ipsis superabundant, reponuntur in

Matthæucci Cautela Confessi.

Thesauo Ecclesie, & Summus Pontifex, cujus commissæ sunt Claves, potest applicare cum causa satisfactiones illas aliis Christianis; & hæc sunt Indulgentiæ: sed pondera, principaliter Thesaurum Ecclesie constare ex satisfactionibus Christi. Lege *extravag. Unigenitus de penit. & remiss. int. comm.*

4 Quæritur, Quinam sit effectus Indulgentia?

Resp. Remissio pœnæ temporalis, debita peccatis remissis. Ubi notandum, quòd, condonato peccato, pœna æterna, quæ ipsi debebatur, commutatur in temporalem: duplex autem pœna temporalis debetur peccatis dimissis, una in foro Dei, luenda in Purgatorio, altera in foro Sacramentali, ex præcepto Confessoris subeunda in hoc mundo: utraque per Indulgentias remitti potest: in toto, si Indulgentia sit plenaria, & in parte, si plenaria non sit *cit. cap. Unigenit.*

5 Advertas, quòd secundum Sacros Canones gravioribus criminibus olim penitentia imponebatur, unius, quinque, vel septem, aut decem annorum, pro ut referunt Canones pœnit. *ad finem decret. Gratiani.*

6 Item nota, quòd, *quadragesa*, vel *quarantena* dicebatur penitentia, consistens in jejunio quadraginta dierum, quod communi modo fit, Gobat. *tom. 2. oper. moral. tract. 4. cap. 4. nu. 294.* quæ quadragesa, cum acrius jejuniū, in pane nimirum, & aqua præscribebatur, *carena* fuit dicta, hoc est, carentia aliorum ciborum per 40. dies. *Glof. ad cap. Accusasti de accusat. in verb. carena.*

Doctores resolvunt per Indulgentiam unius anni remitti tantam Purgatorii pœnam, quanta deleteretur per penitentiam unius anni, quæ imponeretur à Confessario, juxta Canonum penitentialium dispositionem; idem, proportionem servata, dicendum, dum conceditur Indulgentia v.g. unius quadragesæ: nam per Martchant ibidem significatur remissio tantæ

L 3 pœnæ.

pœnæ, quanta fuisset deleta, si quis 40. continuis diebus in jejuniis, aliisque laboriosis operibus pœnitentiam egisset.

7 Sed quid significatur, cum conceditur Indulgentia mille annorum?

Resp. Remitti tantam pœnam Purgatorii, quanta deleteretur per pœnitentiam mille annorum, si quis mille annis vivens, tot annis ad præscriptum Sacrorum Canonum pœnitentiam egisset.

8 Quæritur, quid indicat, illud vulgatum: *Indulgentia tantum valent, quantum sonant?*

Resp. Indicat 1. quod non valent plusquam sonent; ideo, si centum dies dentur, non plus Indulgentia confert, quam centum dies; Cum in tenore Indulgentiæ additur *de pœnitentiis injunctis*, est sensus, voluntatem Prælati esse, per hujusmodi Indulgentiam tantam Pœnam Purgatorii remitti, quanta exiarietur per impletionem pœnitentiæ à Confessario impositæ, contra Gobat. *cit.* Nec est Indulgentia, sub ea verborum formula concessa, extendenda ad pœnitentias, etiam injungendas: nam, si Papa id intendisset, expressisset. Dum in concessione non fit restrictio, ut relaxentur pœnitentiæ injunctæ, extenditur etiam ad non injunctas, ut dixit de la Cruz: nam beneficium Principis, dum ab eo non limitatur, latè est interpretandum, juxta *cap. quia circa de privil.*

9 Quæritur, quid significet clausula: *Indulgentiam, & remissionem peccatorum concedimus?*

Resp. Significat per Indulgentiam concedi remissionem peccatorum, quoad reatum pœnæ temporalis, non quoad reatum culpæ, quia quoad hunc supponit peccata remissa; in alleg. *extravag. Unigenitus* fit mentio *remissionis pœnæ temporalis pro peccatis debite*: ideo peccatum ibi sumitur pro pœna peccati, juxta illud 1. Machab. *ut à peccatis solvantur*; ut communiter DD. Ergo lucratur Indulgentiam, & remissionem pœnæ peccatis remissis debita debet esse in sta-

tu gratiæ, & per gratiam unicus aliis membris, quorum satisfactionibus solvit. In corpore naturali manus abscissa non participat aliorum membrorum influxum, ergo nec pœna per Indulgentiam existentem in peccato remittitur: nam, qui inimicus est Dei, indignus est tali remissione, & favore. Propter hoc Pontifices dum Indulgentias concedunt, *verè pœnitentibus, & confessis* elargiuntur, *tex. expressus in alleg. extravag.*

10 Quæritur, an, qui lucratur Indulgentiam plenariam, sit liber ab implenda pœnitentia sibi à Confessario imposita?

Resp. Affirmat Sum. Leand. *ver. Indulg. num. 78.* Gobat *tract. 3. 170.* & sequen. loquendo de pœnitentia vindicativa, punitiva, & satisfactiva, non verò de præservativa, & medicinali ad futura cavenda.

11 Sed contraria sententia in praxi sequenda est. Nam sæpè incertum est, an Indulgentiam lucrati simus, vel saltem, an ita plenè, ut pro omni pœna satisfecerimus; deinde, implenda est ad obediendum Confessario, & non privandum Sacramentum Pœnitentiæ sua parte integrali.

12 Quæritur, in quo differant Indulgentia plenaria, & Jubileum?

Resp. In hoc, quod Jubileum ultra Indulgentiam plenariam, facultatem continet absolvendi à reservatis, commutandi vota, & eligendi Confessarium, ex Palao Gobat. *tract. 3. cap. 1. nu. 4.* Item, quodlibet Jubileum est Indulgentia plenaria, sed non è contra; quia in quavis plenaria Indulgentia illa facultas non conceditur; ut in literis concessionis quisque videre potest. Quas debet Confessarius prius diligenter inspicere, ut videat, quid erga pœnitentes sibi concedatur.

13 Quæritur, an ad lucrandum Jubileum, vel Indulgentiam necessarium sit actualiter confiteri?

Resp. Si Indulgentia sit concessa verè

contritis, seu verè penitentibus, & confessis, requiritur actualis mortalium Confessio Sacramentalis, nec sufficit sola contritio, quamvis perfecta; ratio est, quia verba sunt clara; à quibus in dubio recedendum non est; nam *Indulgentia tantum valent, quantum sonant*. Nota cum Confessione sufficere attritionem supernaturalem.

14 Sed quid, *si quis non habeat conscientiam peccati mortalis, & sit in statu gratia?*

Resp. Tutior sententia apud Nicol. Flof. *ver. Jubil. num. 2.* est opinio, affirmans, esse præmittendam Confessionem, utpotè magis congruens cum verbis Bullæ exigentis Confessionem absolutè, & non distinguendis, an debeat esse mortalium, an venialium. Sanchez, & Lezana apud Gobat. *cap. 23. num. 158.* & Sum. Leand. *nu. 58.* Rationem affert Pontius *disp. 46. qu. 15. conc. 5.* quia Confessio, non obstante statu gratiæ, est bona, ergo equè benè potest requiri, ac alia bona opera præscripta.

15 Advertendum Confessionem exigì interdum, *ut opus injunctum*: interdum, *ut meram dispositionem*: exigitur, *ut opus injunctum*, quando in formula Indulgentiæ ponitur expressè, & specificè: *Confessione præmissa*: vel, *verè penitentibus, & Confessis*: nam tunc Pontifex vult eam absolutè, & secundùm le esse faciendam: nec contritio sufficit; & licet Gobat. *cap. 24. tract. 3. num. 167.* restringat ad solos existentes in mortali: tamen, cum Pontifex absolutè loquatur, absolutè intelligendus est, nec nos distinguere debemus, ubi ipse non distinguit. Propterea Bonac. *de Jubil. qu. 1. disp. 6. punct. 5. num. 6.* dixit in praxi, eis etiam, esse consulendam Confessionem, ne quis se exponat periculo non lucrandi Indulgentiam; exigitur verò, *ut dispositio*, quando in Bulla non fit expressa Confessionis mentio, sed fit mentio solius Communionis, & tunc existens in mortali debet se per Confessionem dispo-

nerè, ut dignè Eucharistiam suscipiat, & Indulgentiam consequatur; nec sufficit contritio, si habeatur copia Confessoris. Layman *cap. 4. à num. 6.*

16 Quæritur, *an, qui intra tempus ab Jubileo præscriptum constitetur, sed ante hebdomada finem incidit in mortale, teneatur iterum confiteri?*

Resp. Affirmativè, quia Pontifex intendit concedere Indulgentiam, verè contritis, & confessis: talis est praxis fidelium, & via securior ad Indulgentiam lucrandam.

17 Quæritur, *an, quando in Jubileo præscribuntur duæ hebdomadæ, qui in prima jejunit, visitat Ecclesiam, & tribuit elemosynam, in alia vero constitetur, & communicat, lucretur Jubileum?*

Resp. Negativè; duæ hebdomadæ assignantur, non, ut opera in eis dividantur, sed, ut duo tempora distincta, in commodum fidelium, ut, quibus prima hebdomada commodum non fuit Indulgentiam lucrari, lucretur in secunda. In praxi id teneas, & una, ac eadem hebdomada omnia opera præsta. Sum. Leandr. *num. 66.*

18 Quæritur, *an necesse sit ad Indulgentiam lucrandam, ut omnia opera præscripta fiant in statu gratiæ?*

Resp. DD. requirunt, ut saltem multum opus, quo completo, Indulgentia acquiritur, fiat in gratia; ratio est, quia Indulgentia est relaxatio pænæ, pænæ autem non remittitur, nisi remissa culpa; securius tamen est, ut omnia in gratia fiant.

19 Quæritur, *an, si quis ex oblivione, ignorantia, vel impotentia, aut negligentia aliquod opus omittat, Indulgentiam obtineat?*

Resp. Negativè; ratio est, quia Indulgentia conceditur sub conditione implendi omnia opera præscripta, nisi à Confessario commutentur; non impleta autem conditione, non consequitur, quod sub conditione datur: conditiona-

lisenim, nisi conditio verificetur, nil ponit in esse.

20 Sed quæritur, *an ad lucrandum Iubileum sufficiat opera præscripta per alium perficere?*

Resp. Negativè, loquendo de jejuniis, Oratione, Visitatione, Confessione, & Communione, quæ verè sunt actiones personales, ad quas electa est industria personarum, Layman, & Bonaccin. facere enim, quòd alius jejundet, non est jejunaire, Sum. Leandr. num. 38. Eleemosyna autem potest per famulum dari, quam si non conferret, Dominus committens Indulgentiam non lucraretur; quia revera pauperes eleemosynam non acciperent.

21 Quæritur, *an qui loco Sabbatizant feria 5, lucratur Iubileum?*

Resp. Negativè, quia opera perficienda sunt juxta formam præscriptam, sic, ut nullius sit propria autoritate opera præscripta mutare, etiam in melius; & omnia una, & eadem hebdomada impleri debent juxta d. nu. 17.

22 Quæritur, *an, adolescens, qui annum 21. ætatis non expleverit, & idèd non obligatus ad jejunia Ecclesiæ, teneatur jejunaire, si velit lucrari Iubileum?*

Resp. Affirmativè, cum Layman, Gobat, Bonocc. nam hæc est voluntas Pontificis. Idem dicitur de senibus (non infirmis) & pauperibus, ac Mechanicis, si labor sit cum jejuniis compatibilis, aliis Confessarius commutet in aliud opus.

23 Quæritur, *an ad lucrandum Iubileum sufficiat jejunium, ad quod alia obligatione voti, vel præcepti teneris?*

Resp. Affirmativè, Layman cap. 8. nu. 13. Marchant lect. 4. prop. 2. ratio defumitur ex usu Pontificum, & praxi promulgandi Jubilei, etiam in Quadragesima, & in quatuor temporibus, in quibus jejuniis est sub præcepto; & in quibus illo jejuniis, quo impletur præceptum, satisficit Indulgentiæ; nil enim pro-

hibet, quin unico actu pluribus obligationibus satisfiat, modò natura talium obligationum id patiatur, & intentio obligantis non repugnet.

24 Quæritur, *an pro consequenda Indulgentia Iubilei, sit facienda elemosyna?*

Resp. Affirmativè, si id in Bullis exprimitur; & advertendum, quòd si elemosyna præscriberetur, pro cuiusque facultate, major elemosyna esset faciendà à divite, quàm ab egeno.

25 Sed quid dicendum de pauperibus, aliisque, qui non possunt eleemosynam dare.

Resp. Debet à Confessario ejus loco aliud opus imponi, v.g. oratio, vel visitatio loci pii, vel aliud opus misericordiz; cui, ut plurimum, ad id facultas datur per adjectam clausulam: Confessarius, ex approbatis, possit iis, qui opera in juncta præstare nequeunt, commutare in alia pietatis opera, vel in aliud tempus proximum prorogare.

26 Idem dicitur de Regularibus, & Monialibus, pro quibus debet Superior ex bonis communibus Monasterii eleemosynam præscriptam dare (quod ego practicavi in Jubileo, promulgato à Clemente XI. occasione terremotus 1703.) Quod si Superior nollet pro subditis eleemosynam largiri, non possent isti aliquid de bonis Monasterii, in scio Superiore, in eleemosynam dare; quidquid dixerit Diana, sed deberent commutationem petere. Idem dicas de uxoriis, & filiis familias.

27 Quæritur, *quanam facultas commutat Confessario approbato per Bullam Iubilei electo?*

Resp. Ea dependet ex dispositivâ Bullarum; & solet concedi potestas absolvendi à censuris, & peccatis reservatis: commutandi vota: commutandi opera præscripta, & prorogandi opera in aliud proximum tempus.

28 Quæritur, *an cum in Bulla datur facultas absolvendi à censuris, etiam Sedi Apostolicæ reservatis, detur potestas absol-*

absolvendi à casibus Bulla Cœna, si istud non exprimatur?

Resp. Negativè, Gobat *cap. 33.* ratio est quia censuræ in Bulla Cœnæ contentæ propter suam specialem rationem, gravitatem, & reservationem non censentur in generali concessione contineri, nisi exprimantur; de absolutione ab hæresi diximus, *cap. 3. num. 7.*

29 *Quæritur, quot peccata committit, & censuras incurrit, qui sine facultate absolvit à casibus Bulla Cœna?*

Resp. Tot, quot personas absolvit, ita Quilici Confess. *manud. qu. 4. art. 2. nu. 8.* Et, cum vult absolvi à censuris, debet exprimere numerum personarum absolutarum, alias, si unam nominet, aliis omissis, ab una liberatur, sed aliis adhuc ligabitur.

30 *Quæritur, an peccata reservata, in Confessione omissa ex oblivione, tempore Jubilei, possint, transacto Jubileo, absolvi à quovis Confessario approbato ab Episcopo?*

Resp. Affirmativè; nisi Confessio fuerit invalida, quia tunc nec à Confessis directè, nec ab oblitis indirectè absolvi-
tur, ergo sublata non est reservatio. De qua re diximus *cap. 8. num. 14.*

31 *Sed quid, si culpabiliter quis omitteret opera ad Jubileum lucrandum?*

Resp. Non posset, transacto Jubileo, absolvi à Confessario, non habente facultatem super reservata, ratio est, quia talis culpa videtur ipsum reddere indignum gratia Jubilei.

32 *Sed quid etiam, si Confessus est animo lucrandi Jubileum, & posuè non facit opera ad lucrandum necessaria?*

Resp. Tunc etiam, transacto Jubileo, non potest à reservatis oblitis absolvi; nisi à prædico facultate, quia ex sua culpa, non debet commodum reportare; ergo, dato etiam fuisse reservationem sublata, adhuc est obligatus ad ea di-

rectè exponere apud habentem facultatem.

33 *Quæritur, an, qui omnia fecit ad lucrandum Jubileum, & oblitus est petere commutationem voti, possit, transacto Jubileo, illius commutationem exigere, à quovis Sacerdote approbato?*

Resp. Negativè cum Layman *num. 9.* & Marchant. ratio est, quia nullum votum fuit Confessario detectum, & super nullo posita commutatio; propterea non potest dici, oblita esse indirectè commutata. Addo, propterea, Jubileo transacto, potest simplex Confessarius approbatus absolvere à reservatis, oblitis in Confessione, facta tempore Jubilei, quia pœnitens fuit ab illis indirectè absolutus, & sublata reservatio, sed nullum votum fuit commutatum ergo. Nota ex Bonaccina tempore Jubilei non posse extra Confessionem commutari, idque, ut tutius recipitur, etiam ex verbis Bullæ, & in super vota, &c.

34 *Quæritur, an, cum Bulla negat facultatem commutandi votum castitatis, intelligatur de voto castitatis emisso ad tempus, v.g. biennium?*

Resp. Negativè, nam per votum castitatis, quod, nec vi facultatis Jubilei commutari potest, intelligitur votum castitatis perfectæ, de cujus essentia est, quod sit perpetua, & solet describi, *est abstinencia in futurum ab omni voluntaria delectatione venerea, tam extra, quam intra conjugium, tam interna, quam externa.* DD. communiter *lib. 2. capit. 28. & lib. 3. capit. ult.*

35 Hinc virtute Jubilei potest Confessarius commutare votum non fornicandi, & non committendi peccatum molliciti: quia nullum istorum est votum perfectæ castitatis, sed partis, contra, quæ non peccatur ineundo matrimonium.

36 Est commutabile votum non nubendi, quia non est votum totius castitatis, sed partis, cum per fornicationem non violetur, tamen contra castitatem fornicando delinquatur.

37 Item votum, quo conjuges voverent se numquam reddituos, vel petituos debitum, quia non est promissa perfecta castitas: nam contra votum non peccarent, si se voluntariè polluerent, vel adulterium committerent, licet aliàs gravissimè peccarent.

38 Item, votum suscipiendi sacros ordines, quia id non est votum castitatis: nec ipsa castitas in se promittitur, sed tantum status, cui votum castitatis tacitè annexum est. De la Cruz *de voto*, & Layman *Theol. moral. lib. 4. tract. 4. cap. 8. num. 8.*

39 Regula generalis est, quòd quotiès materia voti, deficit à materia integra voti castitatis, possit vigore Jubilei commutari, quia est votum partialis castitatis.

40 Sed quid. *Si quis diceret, vovi me ad centum annos castitatem servare?*

Resp. Non posset virtute Jubilei commutari, quia votum censetur perpetuum, cum vita hominis tanto tempore durare non presumatur.

41 Sed, *an Bulla intelligenda sit, tam de voto simplici, quàm solemnè castitatis?*

Resp. Affirmativè, quia utroque vovemus castitatem perfectam, licet uno cum solemnitate per emissionem professionis in aliqua Religione approbata, aut susceptionem Sacri Ordinis, & aliò privatim sine tali solemnitate.

42 Quæritur, *an vigore Jubilei possit quis absolvi ab hæresi, qua non sit purè interna?*

Resp. Negativè. Nisi expressè, & nominatim facultas concedatur, juxta decretum Alex. VII. quod refert infra *cap. 34. nu. 29.* Et resolutio intelligitur etiam de Apostasia à Fide, & Schismate includente hæresim.

An autem possint vigore Jubilei absolvi violatores Immunitatis Ecclesiasticæ in terminis Greg. XIV. Cum aliàs. Videndum supra *cap. 8. num. 34.*

43 Sed quæritur, *an vigore Jubilei*

possit absolvi denunciatus excommunicatus, non satisfacta parte?

Resp. Negative, propter clausulam, quæ in literis apponitur: *intendimus, &c. neque etiam, easdem præsentis iis, qui à Nobis, & Apostolica Sede, vel ab aliquo Prælato, seu Iudice Ecclesiastico excommunicati, suspensi, interdicti, seu alias in sententias, & censuras incidisse declarati, vel publicè denunciati fuerint, nisi intra tempus dictarum duarum hebdomadarum satisfecerint, aut cum partibus concordaverint, ullo modo suffragari posse, aut debere:* per satisfactionem intelligitur restitutio honoris, famæ, bonorum, &c. ob quorum læsionem fuit quis excommunicatus.

44 Caterùm, si penitens non potest satisfacere ante absolutionem, & absolutio nequeat diù differri, poterit Confessarius illam validè, & licitè impertiri, sed non nisi juxta dicta *cap. 2. num. 15.*

45 Quæritur, *quomodo se gerere debet Confessarius cum penitente, qui secundà hebdomada omnia operafecit, sed die Dominico inadvertenter bibit, ut non possit communicare?*

Resp. Potest communionem prorogare in aliud proximum tempus, aut commutare in aliud opus pium, quia revera adesset impedimentum communicandi: nisi in Bulla limitetur facultas.

46 Sed quid, *si quis sua malitia nil 1. aut 2. hebdomada fecerit, & ultima Dominica dolens de sua negligentia, accedat ad lucrandum Iubileum, & petat opera ommissa commutari, vel prorogari?*

Resp. Potest Confessarius ea commutare: ratio est, quia tunc penitens est verè impotens ad ea faciendà intra statutum tempus, nec spirat facultas in Confessario.

47 Quæritur, *quomodo se gerere debeat cum penitente, qui omnibus reliquis peractis, venit ultimo Sabbato ad Confessionem, Confessarius autem putat probabiliter, quod, si eum absolvat, sit permansurus in occasione proxima peccandi?*

Resp.

Resp. Debet Confessionem, & Communionem prorogare per aliquas hebdomadas, prout ipse magis expediens judicaverit, ut ipsum eruat ab occasione peccandi, & postea illum absolvat ab omnibus, etiam reservatis. Idem dicitur, quando, ipso tempore Jubilei, non potest Confessio propter casus intricatos integrè absolvi, & absolutio ex causa justa differtur, Gobat. *cit. num. 114.*

48 Sed Queritur, *à quibus, transacto Jubileo, potest Confessarius eum absolvere?*

Resp. Ab omnibus peccatis, censuris, & votis, à quibus poterat durante Jubileo DD. communiter apud cit. *cap. 32. num. 243.* ratio est, quia, cepta causa apud Judicem delegatum, durat hujus potestatis, donec finiatur judicium *cap. n. mini de offic. legat.*

49 Sed dubitatur, *an possit absolvi peccatis, & censuris reservatis, quae commissae, etiam post Jubileum?*

Resp. Negative, ratio est, quia per dilationem Confessionis, non acquirit Confessarius majorem jurisdictionem, quam antea habuerat, sed tempore Jubilei non poterat absolvere à censuris, & peccatis reservatis post Jubileum committendis; ergo neque ab admissis post illud. Gobat. *cap. 34. num. 268.*

50 Sed queritur, *quid significet illa clausula: Indulgentia potest applicari per modum suffragii pro animabus Purgatorii?*

Resp. Significat, aliter vivis, aliter mortuis Indulgentias à Pontifice concedi: Vivis conceduntur per modum juridicæ absolutionis, quia Pontifex habet in illos jurisdictionem, ejusque judicio sunt subiecti, & ideo potest eos absolvere à penis debitae: animabus verò Purgatorii per modum suffragii, seu auxilii satisfactorii: nam Pontifex eas non absolvit à penis per modum juridicæ absolutionis, quia, cum sint extra forum ipsius, in eas jurisdictionem non habet. Layman *cap. 7. num. 3.* sed cum habeat ju-

risdictionem in Thesaurum Indulgentiarum, ipse de Thesauro Ecclesiae offert Deo portionem satisfactionis, ut à penis liberentur, quam Deus acceptat, easque liberat, & eis debitum penae remittit, in totum, vel in partem juxta qualitatem Indulgentiae concessae.

Nota, quod lucrari Indulgentiam pro tali defuncto, vel ei Indulgentiam applicare, est, ipso designato, facere opera praescripta in Literis, quae defunctus, si viveret, deberet facere, ut Indulgentiam lucraretur; quo posito, Pontifex autoritative offert Deo partem satisfactionis de Thesauro, ut Deo ipsum à penis liberet. Gobat. *tract. 4. de Indulg. p. 2. cap. 2. num. 490. Bonacc. de Indulg. disp. 7. qu. 1. punct. 7. Prop. 11.* Marchant. De la Cruz, & alii.

51 Queritur, *an Indulgentia pro defunctis concessa profint eis infallibiliter?*

Resp. Negat cum aliis Layman *cit. n. 3.* affirmat Gobat *cap. 22. num. 484.* Marchant. Hort. *past. tract. 5. de Indulg. lect. 5. prop. 2.* & istis adheremus; deducitur ex Epistola Leonis X. ad Card. Cajetanum de Indulg. in qua pari modo loquitur de Indulgentiis, rationabili causa, tam vivis, quam defunctis concessis; sed vivis datæ infallibiliter profunt, si opera praescripta impleantur, & causa sit proportionata, ergo, sic dicendum de datis pro defunctis, quibus certò, & infallibiliter profunt, vel aliqua ex parte, si sit Indulgentia non plenaria, vel integrè, si sit plenaria, habeatque conditiones necessarias.

52 Sed dubitatur, *an determinatè liberetur ea anima, pro qua celebratur in Altari privilegiato?*

Resp. Affirmative, ita videtur significari in formula Indulgentiae, quam pro defunctis solet Pontifex concedere Altaribus privilegiatis, ut ex Brevis Gregorio XIII. (quod ad manus habeo) quo concessit Indulgentiam Altari privilegiato hujus Ecclesiae Sancti Bartholomaei, ubi:

ubi: Greg.&c. *auctoritate nobis à Domino tradita concedimus, ut, quoties Missa defunctorum ad dictum Altare celebrabitur pro anima cuiusque fidelis, que Deo Charitate conjuncta migraverit ab hac luce, ipse de thesauro Ecclesie Indulgentiam consequatur: quatenus, D.N. Iesu Christi, & Beatif. Virginis Maria, Beat. Apostolorum Petri, & Pauli, aliorumque Sanctorum omnium, meritis suffragantibus, à Purgatorii pœnis liberetur.* Si illa sit beata, & suffragiis non egeat, applicabitur à Deo, cui ipse volverit.

53 Sed cur, si res ita se habet, solet sapius pro una, & eadem anima, vel Indulgentia plenaria applicari, vel pro ea in Altari privilegiato sacrificari?

Resp. Quia non constat, an, & quomodo prior Sacerdos applicuerit suam intentionem; nec scitur, an omnes conditiones impletæ sint. Tum quia, sententia opposita est etiam probabilis. Vide Doctores.

Nota, quod celebrans in Altari privilegiato pro aliqua anima, non solum debet applicare indulgentiam, sed etiam, pro ea celebrare, ut indulgentiam suam habeat effectum. Ratio est, quia petens Missam in Altari privilegiato, utrumque petit: & Pontifex non concedit indulgentiam in tali Altari ad animam liberandam per modum suffragii, nisi mediante celebratione Missæ. Quæ autem Missa sit celebranda diximus c.6. n.20.

54 Queritur, an possit quis sapius Iubileum obtinere, si sapius perficiat opera præscripta?

Resp. Negativè, cum Filliucio, qui apud Gobat tract.3. num.92. sic loquitur: *hoc Mense Maio anno 1620. declaravit S. Cong. Concilii, tantum semel acquiri Indulgentiam per Iubileum, & semel tantum à casibus quempiam absolvi posse, quare huic declarationi standum est.* Pondera in literis clausulam, *alterius ex præfatis hebdomadis*; undè, si, prima hebdomada omnia requisita

perfecisti, & Iubileum obtinuisti, non potes iterum eo potiri secunda hebdomada, nec absolvi à reservatis, commissis post primam hebdomadam; ratio est, quia facultas absolvendi à reservatis conceditur per ordinem ad Iubileum obtinendum; Iubileum autem jam fuit obtentum, & sortitum est effectum, & casus reservatus fuit admissus, obtento Iubileo; quod Confessarius virtute Jubilei electus debet notare.

55 Idem dicitur de Indulgentia plenaria affixa diei determinatæ, ex decreto Innoc. XI. cit. sup. num.2. ubi hæc sunt: *semel autem dumtaxat in die plenariam Indulgentiam, in certos dies Ecclesiam visitantibus concessam, vel aliud pium opus peragentibus, lucriferi.*

56 Hinc constat Indulgentiam Potiunculæ, cum sit plenaria, non nisi, semel in die posse acquiri; nec aliud crediderim posse colligi ex responso Sacr. Congreg. Conc. quæ ad dubia, an toties, quoties, eadem die secunda Augusti, visitantes Ecclesias FF. Min. Indulgentiam lucrentur, die 17. Julii 1700. respondit, *servandum esse solitum.* Crederem tamen, semel pro se ipso acquiri, & semel pro animabus Purgatorii, quibus per modum suffragii potest applicari, Innoc. XI. *conf. Alias Felice. record.22.3. januar. 1687.*

57 Cùm Indulgentia Altaris privilegiati sit ea, quam Pontifex concedit pro liberandis defunctis fidelibus per modum suffragii mediante celebratione Missæ, & circa hujusmodi fuerint à S. Congr. C. quibusdam dubiis responsa reddita, maxime super numero missarum celebrandarum in Ecclesia, in qua est Altare privilegiatum, ideo hic ea refero. Petebatur itaque.

Primo: *An absentibus Religiosis, ex causa predicationis, tempore Quadragesime, & Adventus, vel, quando occasione Festivitatum, vel funerum, aut similibus, à Superioribus ad celebrandum alibi transmittuntur, Indulgentia*

ita concessa, cum certo namro Missarum, qui ob dictas causas adimpleri non potest, prorsus cessent, vel pro eo tempore, quo dictus numerus Missarum non fuerit adimpletus, sint suspensæ, vel potius remaneant in suo robore?

Secundò; An idem sit statuendum, deficiente præfixo numero Missarum, ob infirmitatem Sacerdotum, tam Regularium, quam Secularium?

Tertiò; An pariter idem sit statuendum, deficiente prædicto numero Missarum, ob absentiam ab Ecclesiis Secularibus Canonicoꝝ, & Sacerdotum per aliquot dies, & menses?

Horum dubiorum resolutionem Summus Pontifex remisit Sacre Congregationi Concilii, quæ anno 1701. 30. Julii respondit.

Ad primum. Quoad primam partem, pro tempore Adventus, & Quadragesimæ remanere suspensas, non autem in reliquis, dummodò raro contingat.

Ad secundum: Non remanere suspensas.

Ad Tertium: Provisum in primo.

CAPUT XXVIII.

*Prop. XXXVIII. & XXXIX.
ab Alex. VII. &c.*

Dispositio Sacrificantis.

PROP. 38. *Mandatum Trid. factum Sacerdoti sacrificanti ex necessitate, cum peccato mortali, confitendi quamprimum, est consilium, non præceptum.*

PROP. 39. *Ille particula quamprimum intelligitur, cum Sacerdos suo tempore confitebitur.*

Est certum, solos Sacerdotes posse sacrificare; verum, ut licite sacrificium offerant, necesse est, ut immunes sint ab omni culpa mortali; sicut enim Confessio Sacramentalis est Communioni præmittenda ab iis, qui peccati mortalis se reos agnoscunt, quamvis sibi contriti videan-

tur, ita à fortiori debet à Sacerdotibus celebrationi præmitti, si se mortaliter deliquisse cognoverint, ut expressè Trid. sess. 13. cap. 7. de Euch.

Et quia plures negarunt à Concilio esse præceptum, ut confiteatur quamprimum, qui, urgente necessitate, non habens copiam Confessoris, inconfessus celebrat, Alex. præfatas prop. damnavit; occasione quarum brevi calamo quosdam casus referam super dispositione, ex parte animæ requisita in Sacerdote Sacrificante.

2. *Quæritur, an præceptum de præmittenda Confessione, Sacrificio, & Communioni sit divinum, an Ecclesiasticum.*

Resp. Divinum, idque DD. colligunt ex textu Trid. loco cit. *Ecclesiastica consuetudo declarat probationem necessariam esse, &c. ut nullus sibi conscius mortalis peccati, quantumvis contritus videatur, absque præmissa Sacramentali Confessione, ad Sacram Eucharistiam accedere debeat*; ubi non refundit præceptum in consuetudinem Ecclesiasticam, tamquam in causam, sed ex illa consuetudine arguit præceptum, aliàs positum: nec aliud potius, quam divinum: hinc gravatus mortali, priusquam celebret, perse tenetur confiteri; dicitur per se, quia per accidens, si copiam confessoris non habet, & debet de necessitate celebrare, poterit, prætermissa confessione, celebrare, præmissa tamen contritione perfecta, & cum onere quamprimum confitendi, ut ibid. Trid.

3. *Quæritur, quando Sacerdos censetur habere necessitatem celebrandi?*

Resp. Cum ei ex officio celebrare incumbit, ut Parocho, diebus festis, & Dominicis, si alium nequeat de facili substituire, & ex non celebratione aliquod grave scandalum, damnum, aut infamiz periculum, arbitrio prudentis viri, imminet.

4. *Quæritur, quando ex necessitate celebranti censetur deesse copia Confessoris?*

Resp.

Resp. cum nullus est præsens Sacerdos approbatus cum jurisdictione; item, cum est præsens, sed non vult eum absolvere; item, cum est tantum distans, ut ad eum non possit accedere sine magna difficultate salutis, & incommodo honoris, & famæ: in quo consideranda est qualitas, & circumstantia itineris, personæ, & temporis: super quo nullus in judicio sit latus.

5 Quæritur, an, urgente necessitate celebrandi, Sacerdos, qui occulta excommunicatione reservata est ligatus, debeat confiteri, si Confessarius careat facultate absolvendi a præfata censura?

Resp. Affirmativè, Poncius Theol. disp. 45. qu. 14. num. 112. Bonac. de pœnit. disp. 3. qu. 7. punc. 5. §. 3. num. 8. ratio est, quia verè habet conscientiam peccati mortalis, ergo debet implere præceptum de præmittenda Confessione celebrationi, & confiteri peccata illi Sacerdoti, ut ab eis, quibus est annexa censura, indirectam absolutionem, & ab aliis directam obtineat; cum onere postea præsentandi se Superiori, ut directè à peccatis, & censura absolvatur, vide Campion. cap. 21. num. 3. instr. par. prima, & nos lib. 2. cap. 36.

6 Sed quæritur, an celebrando fiat irregularis?

Resp. Negativè, ratio est, quia, licet ligatus majori excommunicatione, suspensione ab Ordine, aut interdictus; etiam si occultus sit, & toleratus, irregularitatem incurrat, si actum Ordinis facri exerceat, ut constat ex cap. cum aterni, de sent. & rejudicata, & cap. 11. qui de sen. excom. in 6. tamen DD. apud Layman de censur. lib. 1. tract. 5. par. 5. cap. 3. num. 4. & Bonac. ibid. disp. 7. quæst. 3. punc. 5. propos. 1. num. 1. ad hanc irregularitatem exigunt, ut Clericus exercendo ministerium mortaliter peccet. Irregularitas enim ex delicto, cum gravis pœna sit, non nisi ob grave peccatum incurritur; propterea cap. Apostolica de Cleric. excom. ministran. excusatur, nec

irregularis efficitur, qui celebrat, & inculpabiliter ignorat se esse excommunicatum, vel suspensum, quia ratione ignorantie ministrando non peccat; idem propter ipsam rationem dicendum de celebrante, urgente necessitate, si celebrat confessus, si tantum contritus, dum Confessoris copia deest; nam excommunicatus privatur celebratione, & sumptione Sacramentorum ex præcepto Ecclesiæ, quæ in eo casu non videtur obligare cum tanto incommodo ibidem Bonac. disp. 4. punc. 6. qu. ult. num. 8.

7 Quæritur, quomodo intelligendum est illud, quamprimum à Consilio præceptum?

Resp. Sic, ut valdè citò Sacerdos, finita Missa, si opportunè, & sine notabili incommodo possit, quærat Confessarium, & confiteatur; hoc est quamprimum confiteri, juxta significatum illius apud Calvinum Lexicon. Ex quo notabis, quod valdè citò non dicitur confiteri, qui non vult confiteri ad minus infra duos, vel tres dies. Campion. par. 2. cap. 34. num. 5.

8 Quæritur, an, qui celebrat, vel suscipit Eucharistiam, non præmissa Confessione, dum Confessoris copiam habet, unum, aut duplex peccatum mortale committat?

Resp. Si præceptum Confessionis tunc temporis per se obliget, tria peccata committit; alterum omissionis ex non impleto præcepto Confessionis, & duo commissionis, unum per indignam Eucharistiæ sumptionem, & aliud per sacrilegam celebrationem; si verò per accidens, & in ordine solum ad Communionem, & celebrationem, duo posteriora solum committit; ratio est, quia, ubi unum est propter aliud, unum mortale est, ex Bonac. de Eucharist. disp. 2. qu. 6. punc. 1. nu. 33. & cap. 1. num. 3.

9 Sed quid, si celebret ligatus majori excommunicatione?

Resp. Tria committit, unum contra reverentiam debitam Eucharistiæ, aliud con-

contra excellentiam ministerii, & alterum contra obedientiam Ecclesie; quæ excommunicatos repellit à participatione Sacramentorum: obligationes sunt distinctione rationis, idè circumstantia in Confessione exprimenda. Bonacc. *ibid.*

10 Quæritur, an sit mortale celebrare Missam, matutino non recitato?

Resp. Negativè. Suarez 10.2. de Relig. lib. 4. cap. 24. num. 6. & Bonacc. de hoc canon. disp. 1. qu. 3. punct. 4. prop. 2. num. 15. Sum. Leand. ver. boracian. num. 44. ratio est, quia Matutinum nullam connexionem habet cum Missa, nec recitatio matutini est dispositio per se animæ requisita ad Missam; nec mutatio res gravis, magis quàm recitare Primam ante Matutinum, & tamen recitans Primam ante Matutinum mortaliter non peccat, ut *ibid.* Bonac. & Suarez; ergo, nec mortaliter peccat, qui ante Matutinum Missam celebrat. Verùm, si id faciat sine iusta causa, peccat venialiter, & si ex contemptu, mortaliter.

Nec ex Rubrica colligitur præceptum; quia, vel Rubrica solum admonet, quid sit faciendum, vel non est recepta cum tanta obligatione; unde, sicut ibi Rubrica consulit ante Missam esse aliquantulum orandum: sic consulit Matutinum esse celebrationi præmittendum; ut optime Suarez *ibid.* nu. 7. affirmans sententiam oppositam esse valde communem, & melius practicè esse illam sequi, verum nostram securam, & in rigore veram esse ait.

11 Nota, Sacerdotem celebrantem sine notitia Rubricarum peccare mortaliter, quia exponit se periculo errandi in materia gravi. Inter quas distinguas, alias esse directivas simul, & præceptivas, & alias purè directivas, & sub consilio; illæ sunt, quæ notant, & præscribunt aliquid, quod aliàs ex iure divino, vel Ecclesiastico, aut legitima consuetudine sub gravi obligatione præcipitur: ut sunt, quæ disponunt de integritate Sacrificii: quod sit consecrandum in panetri-

ticeo (qui inter Latinos azymus esse debet) in vino de vite: quod aqua est vino miscenda: quod cum debita intentione est proferenda forma consecrationis: quod à Sacerdote jejuno celebrandum est, tali hora, cum lumine, Ara consecrata, cum Ministro, Missali, Calice, Patena, Corporali, Palla: de Canone integrè, & secretò celebrando: aliisque, de quibus in Rubricis Missalis. Istis se non conformare, nisi inculpabilis inadvertentia, vel in quibusdani parvitas materiæ excuset, semper est mortale. Secus de pure directivis, & sub consilio, quæ præscribunt esse orandum ante, vel post Missam, ordinem Orationum, &c. Verùm, & istas cum scandalo, vel contemptu negligere, vel eis non uti, animo inducendi novum ritum, est mortale. Lege Trid. sess. 22. in decret. de observ. in celebrat. Missæ.

CAPUT XXIX.

Prop. XL. ab Alex. VII. Oracula, & tactus impudici.

1 PROP. 40. Est probabilis opinio, quæ dicit esse tantum veniale osculum habitum ob delectationem carnalem, & sensibilem, quæ ex osculo oritur, excluso periculo consensus ulterioris, & pollutionis.

2 Distingunt DD. cum Bonac. de matrimonio qu. 4. punct. 10. num. 4. & Gobat de matrim. tract. 10. cas. 17. num. 672. duplicem delectationem percipi posse ex osculis, & tactibus; unam, quæ dimanat in partibus honestis, labiis, & genis ex mollitie, temperamento, & proportionem partium, quæ tanguntur osculando; alia, quæ oritur in partibus generationi destinatis cum commotione carnis titillantis adveneream turpitudinem, quando oscula exercentur inter personas diversi, & aliquando ejusdem sexus.

Hinc difficultas oritur, an Alex. utram-

tramque *delectationem in suo decreto comprehenderit?*

Resp. Affirmativè, utraque enim sensibilis est, & carnalis, cum in carne, & in sensu per osculum excitetur; immò utraque ad pollutionem disponit: secunda magis propinquè, & proximè, quam natura instituit, ut medium ordinatum ad generationem, & copulam; prima autem remotius, & tamquam disponens ad secundam, formaliter libidinofam, & veneream; & ideò utraque est peccatum mortale, *vid lib. 2. cap. 30. nu. 5.*

In examine eorum, quæ in hac re possunt occurrere, temperato calamo procedam, ne Lectores offendam, & species excitem incongruas: in re venerea timendum periculum: natura satis est ad malum proclivis; consule DD. & vide, ne imprudenter interrogos pœnitescentes, ne scandalum patiantur, & ex te peccare discant.

3 Quæritur, *an mortaliter peccet puella, qua se præbet conspiciendam adolescenti, à quo credit turpiter concupisci?*

Resp. Affirmativè, quando, data opera, ejus aspectui se offert absque necessitate, sed potiùs ex quadam curiositate, non ignorans illius turpem a morem, etiam si ad finem nubendi; nam cooperatur alieno peccato; & peccat peccato, etiam scandaliz, præbens proximo occasionem ruinæ spiritualis; secus, si aliqua necessitate, vel utilitate id agat, ne scilicet privetur libertate adeundi ad Ecclesiam, exeundi à domo ad invensendos vicinos, &c. tunc potiùs foret scandalum acceptum ex inaltia juvenis, quam datum à puella, utente suo jure. Sicut scandalum acceptum censetur, cum fæminæ se ornantes juxta propriam conditionem, & morem Patriæ prævident fore, ut turpiter amentur ab aliis, modò hoc non faciant intentione provocandi eos ad libidinem, & modò forma vestimentorum non sit de se provocativa ad libidinem, ut V. G. quia nimis

denudant pectus; vel, pudenda veste trasparente cooperiunt; nam, ad hujusmodi vestitum inhonestum nullum habet jus honesta fæmina, & ex eo occasionem ruinæ spiritualis proximo præbet.

4 Sed quæritur, *an puella sine peccato possit habere amatorem, & sinere se ab illo videri, & cum illo discurrere?*

Resp. Affirmant plures, quando id fit ad finem nubendi, ad quem possunt parentes concedere, maxime si sint paræ conditionis. Verùm tutior est sententia opposita, ne in se, vel in parte permittat delectationes carnales de præsentī: difficile enim est, quod videns, quem diligit, & facialitèr discurras, & non commovearis; propter periculum igitur, ne in se, vel amante delectationes, & impuræ cogitationes excitentur, amatorem sine peccato retinere non potest, & parentes permittendo peccant.

5 Quæritur, *an turpia, loqui, & turpiacavernæ sit peccatum mortale?*

Resp. Affirmativè, si id quis faciat animo excitandi se, vel alios ad turpia, vel cum periculo delectationis libidinofæ circa objecta narrata; immò, etiam isto periculo remoto, potest mortale esse ex circumstantiâ scandaliz audientis, ut, cum non sunt probatæ virtutis, & verba, aut cantiones sunt multum lascivæ, & inhonestæ: tunc est prudenter præsumendum scandalum inde suboriri.

6 Hinc sequitur, eum, qui exhibet turpes comædias, & inhonestas picturas facit, cantiones obscenas componit, mortaliter peccare: in similibus videtur semper esse connexa moralis certitudo præbendi proximo occasionem ruinæ spiritualis.

7 Quæritur, *an sponsi liciti sint tactus, oscula, & amplexus?*

Resp. Negativè; sub mortali eis vetiti sunt, ac si sponsi non essent; ideò cavendi, utpotè ad copulam conducen-
tes: hæc est eis illicita, ergo etiam, quidquid ad eam conducit. Unde peccant mortaliter parentes, vel tutores,

& custodes sponſæ, qui eam ſolam relinquunt cum ſponſo propter periculum, ut inter ſe ad turpia procedant.

CAPUT XXX.

Prop. XLI. ab Alex. VII. &c.
Concubinatus.

I PROP. 41. non eſt obligandus concubinarium ad eiſciendam concubinam, ſi hæc nimis utilis eſſet ad obſeſtamentum concubinarium, vulgo regalo, dum deſiciente illo, nimis ægrè ageret vitam, & alia epula tadio magno concubinarium aſſicerent; & alia ſamula nimis diſſicilè inveniretur.

Propoſitionem docuit Joannes Sancius in ſelect. diſp. 20. num. 20. apud Fagnan. in decretal. ad cap. ne innitatis de conſ. d. num. 336. contra quem, etiam ante Alex. decretum ſcripſere DD. ejuſdem doctrinam vocantes ſcandalofam, improbabilem, & indignam viro catholico; occaſione cujus nos hic Confeſſario aliqua pro praxi de concubinato ſubnotamus; plura dicturi ſub. 2. cap. 38. agentes de occaſione proxima peccandi.

2 Quæritur, quid ſit concubinatus?

Reſp. Eſt ſtatus, in quo quicumque a aliqua ſcæmina, ſoluta, aut alteri maritata, ſive intra, ſive extra propriam domum aſſiduam libidinem exercet. Engel. collag. iur. can. lib. 5. tit. 16. §. 3. num. 21. ad concubinatum igitur requiritur conſuetudo peccandi, & cubandi cum aliena muliere. Barboſ. in Trid. ad ſeſſ. 25. cap. 14. de ref. Hinc concubinarium cenſetur habens conſuetudinem peccandi cum eadem ſcæmina.

3 Quæritur, quid ſit concubina, & in quo à meretrice diſſerat?

Reſp. Concubina eſt ſcæmina, qua quis ex conſuetudine abutitur ad luxuriam, arg. ex cap. ſi quis poſt. diſt. 33. Sylveſter ſum. ver. concubinarium; vel, mulier ſemper diſpoſita, & parata eidem viro circa copulam, & venerea obtemperare; meretrice autem eſt mulier, quæ multorum li-

bidini eſt expoſita, cap. vidua diſt. 34. ſc. 1. cuius turpitudine publicè venalis eſt, ut ibi Gloſ. in ver. meretrix, & cap. meretrices 32. qu. 4. hinc differentia eſt: quod meretrix plures admittit, concubina autem ex conſuetudine ſemper cum eodem carnaliter commiſcetur.

4 Quæritur, an poſſit abſolvi concubinarium, uſque dum expellat, & relinquat concubinam?

Reſp. Negative, contra aliquos aſſerentes poſſe abſolvi bis, ter, vel quater, modo habeat propoſitum relinquendi, & expellendi; quorum ſententia eſt omnino improbabilis, & falſa, nam præceptum non retinendi concubinam, quam quis poteſt dimittere, eſt negativum, per hæc explicatum, ne retineas, ſed præceptum negativum obligat ſemper, & pro ſemper, ergo, etiam pro tempore, quo facit examen conſcientiæ, & conſtitetur, ſed tunc non implet, ergo non implet, dum eſt implendum, ergo eo ipſo tempore, quo conſcientiam diſcutit, & conſtitetur, actualiter violat præceptum, & ſacrilègè conſtitetur, ac invalidè abſolvitur propter defectum veri doloris, & propoſiti, quia, ſi iſtud haberet, dimitteret de præſenti, dum poteſt, & in periculo proximo peccandi voluntariè non perſeveraret.

5 Sed quæritur, an poſſit abſolvi concubinarium, qui prima vice ſe accuſavit de occaſione proxima concubina, ignorans eam occaſionem eſſe impedimentum abſolutionis?

Reſp. Elguera in expoſit. prop. 61. ab Innoc. XI. damnatæ affirmavit; ſed, nec in hoc caſu abſolvendus eſt, donec expellat, ut optime Cardenas diſſert. 40. cap. 5. a. 2. ad prop. 61. ab eodem Pontif. damnat. nu. 95. licet enim ignoraverit obligationem expellendi, tamen, cum à Confeſſario de ea monetur, inſtat præceptum negativum, ne retineas, quod obligat ſemper, & pro ſemper: nullus ſe liberat à periculo mortis corporis, per hoc, quod

proponat fugere de futuro à periculo, quod imminet de præfenti, sed debet statim fugere, cum potest, ergo, nec à periculo mortis animæ; nec sufficit pro dispositione penitentis habere propositum de futuro, sed est necessaria voluntas non permanendi in periculo infringendi propositum: ergo, &c. Quid prodest homini, si, dum confitetur, auferat nummos à Confessario, quod habeat propositum non furandi in futuro?

6 Sed quid, si concubinarium paratus esset jurare: ego faciam, quod hætenus non feci: jurabo P.V. per Deum vivum me revera quamprimum illam dimissurum?

Resp. Gobat tract. 7. casu 16. nu. 534. admittit juramentum, & ideo eum absolvet, non tamen, si postea rediret, etiam reus perjurii. Choninch verò disp. 8. de penit. dub. 17. nu. 113. dixit, eos, qui vivunt in concubinato, non esse absolvendos, antequam de facto separentur, etiam si parati sint jurare, se in posterum castè victuros; quale juramentum Sacerdos nec exigere, nec admittere debet, sed jubere eos ante absolutionem separari; & id in praxi sequere.

7 Queritur, an possit absolvi concubinarium, qui concubinam non in propria Domo, sed in aliena, & proprii expensis eam alit, & tantum semel in mense ad ipsam accedit, & cum ea peccat?

Resp. Negative, quia censetur non habere propositum abstinendi, aliàs eam non retineret, & sic indifpositus est pro beneficio absolutionis; & verificatur, etiam si cum ea amplius non peccaret, modò scandalum præberet, vid. lib. 2. cap. 37.

8 Queritur, an possit absolvi filiusfamilias, qui in domo patris retinet concubinam, cum qua solet peccare, illam tamen expellere non potest, quia est serva patris?

Resp. In casu opus est magna prudentia in Confessario, ne absolutionem impendat indigno: ideo debet prius inter-

rogare penitentem, an ipse possit operari, quod ancilla removeatur: & si affirmet, ante absolutionem debet id exequi: si negat, est interrogandus, an aliàs aliis Confessariis super hoc confessus sit; & quatenus affirmet; videat, an impleverit, quæ ei fuerunt ab illis injuncta ad vitandum peccatum: si omisisse reperiat, sine absolutione dimittat, sed admonitus de periculo statui suæ salutis, & quod tenetur ea implere, si absolutionem desideret; si impleverit, & à peccato abstinuit, absolvi potest; verum credendum multum proficere, si dirigeretur ad priorem Confessarium, qui eum curare incipit.

Si respondeat se de illo numquam fuisse confessum, quia peccare capit ab ultima Confessione, à tribus mensibus facta, interrogandus est, an, si illo manè non communicat, revera imminet periculum scandalum: si affirmet, quia adfuerunt parentes, qui volunt videre ipsum ad sacram Mensam accedere, tunc ad vitandum scandalum potest absolvi, imposito tamen onere, & per eum suscepto, implendi necessaria ad extenuandum periculum proximum; si asserat, scandalum ex omissione Communionis non suboriri, absolutionem differat, & ipsum admoneat, teneri suis auctoribus ad extenuandum, & superandum periculum proximum peccandi; & propterea ex parte sua debere adhibere omnem diligentiam, quæ ad id conducere potest: ut, non conversari, & loqui cum illa in ullo solitario loco, in quo haberet occasionem proximam tactum illicitorum, & similium: numquam hilari facie se illi præbere: frequenter Deum orare: actum contritionis elicere, sæpius confiteri, & alia, de quibus lib. 2. cap. 38.

9 Sed quid dicendum, si talis filius iterum relabatur in peccatum cum ancilla.

Resp. Videndum, an impleverit injuncta: si non impleverit, non absolvatur; & quamvis adducat sibi periculum scandalum imminere, non est admittenda excusatio, & sibi id imputet; aliàs semper deberet

beret absolvi, quia semper tale periculum afferret, & sic numquam tolleretur occasio. Deinde consideretur, an lapsus potius ex fragilitate, & repentino casu fuerit, quam ex voluntaria expositione periculo peccandi, & tunc posset in casu scandalii absolvi, sed Confessarius deberet se difficilem ostendere ad absolutionem impendendam, eique significare nullum damnum æquiparari posse damno animæ, & nil magis infamæ, quam esse turpem coram Deo.

10 Sed, si iterum relabatur, videtur non absolvendus, quia spes emendationis non apparet.

11 *Quæritur, an absolvi possit concubinarium, qui in articulo mortis existens, non potest tunc concubinam expellere?*

Resp. Bonac. nu. 13. affirmat, modò habeat firmum propositum eam eiiciendi, quam primum poterit; hac in re non esse ita facilis, cum non videam, quid in tam periculoso statu possit impedire, & retardare, quin concubinam statim expellat; scandalum datum est certum, si cut ipsum periculum peccandi probabilissimum, si non copula, ad minus cogitatione, & desiderio: hæc tenetur vitare, ergo & ipsam expellere; legatur March. Hort. *past. Candelabr. Myst. tract. 5. lect. 9. prop. 3.* referens lachrymabilem concubinarium de hac luce exitum.

12 Sed quid, si infirmus, adducat, Pater à viginti annis habito in hac Parochia cum hac femina, quæ ex me hos duos filios concepit, & ab omnibus creditur mea Uxor legitima, ideo eam non possum expellere sine gravi, & notabili ejusdem, & mea infamia in loco; *quid agendum?*

Resp. In casu Confessarius debet eos matrimonium conjungere, modò sit Parochus, aliàs vocandus, vel ab eo, aut Episcopo licentia obtinenda est; ex Trid. *sess. 24. cap. 1. de ref. matrim.* ita necessaria est præsentia Parochi, vel alterius Sacerdotis de ipsius, aut Episcopi licentia, quod, etiam si coram toto populo, ipso absen-

te, contraheretur, nullum, & irritum foret, ut ibid. textus.

13 Etiam duo testes debent esse præsentés, ex eodem Trid. ibid. ubi irritat contractum aliter celebratum, & matrimonium sine ipsis contractum, Clandestinum appellat, hoc est, clam, secreto, & furtivè factum, quod expressè prohibet.

Sed quid: si, vel Parochus, vel testes non possent haberi?

Resp. Quamvis casus videatur Metaphysicus; dicendum, si infirmus seriò affirmet, quod cum ea de præsentis matrimonium celebraret, si præfati non decissent, & jurata promissione spondeat se id facturum statim ac haberi poterunt, ac proponat numquam peccaturum cum ea, nec eam pro tunc ad suam præsentiam misurum, posset absolvi. In proposito casu debet Confessarius cavere, ne vocando testes frangat sigillum; ideo optimum esset petere à penitente licentiam vocandi eos. De auditis enim in Confessione loqui extra non licet, sed potest de expresso penitentis consensu in ipsius penitentis bonum. De la Cruz q. 6. de sigillo Quilici q. 10. ar. 1. nu. 5. & alii.

14 Sed quid, si dum Confessarius accedit, reperiat infirmum sensibus destitutum, ut non valeat ad interrogationes respondere, nec Confessarius de ejusdem proposito certificari?

Resp. Vel adstantes testantur Confessarium petiisse, vel non, si primum absolutio non negetur, saltem sub conditione, *sies dispositus*, quia supponi debet cum vero proposito non peccandi, & expellendi faminam Confessarium optasse: si de eo non possunt testari, nec nutibus, & signis ipse dolorem, & propositum confitendi ostendit, commepdetur divinæ Misericordiæ. Vid. lib. 2. cap. 35.

15 Sed quid dicendum, si infirmus posset solum signa doloris ostendere, & femina, quæ ipsi ministraret, esset occulta ejus concubina, nota Confessario, ex hoc solum, quod dum se alas domus ascenderet, id ab homine fide digno, & zelante

*lante salutem spiritualem infirmi, se-
cretò scivit?*

Resp. In casu utique in praxi non impos-
sibili, prudentia est utilis; censerem
esse admonendam mulierem de periculo
damnationis æternæ, quod infirmo prop-
ter ipsam imminet, & proinde necessariū,
ut à domo discedat; si acquiescit, jam ali-
quid in favorem absolutionis Confessa-
rius obtinuit; si verò pertinax resistat, a-
criter reprehendatur, & interim ab infirmo
quærat signa doloris peccatorum: ip-
sum interroget, si peccandi occasionem
eum ulla muliere habeat: an hæc mulier
sit in sua domo? & dum stringendo ma-
num affirmet, petat, an velit, ut ipsa è
domo expellatur, quàm ipse expelleret,
si posset, nolitque amplius eam præsentem
habere, & doleat de peccatis commissis?
& quatenus item affirmet dispositum pu-
tarem pro absolutione. Si femina non
vult egredi, curet Confessarius, ne cu-
biculum intret, & ipse ministret, si alius
non sit: neque hic utitur scientia Con-
fessionis, quia id aliundè scit.

16 Quæritur, an, possit absolvi puel-
la, quæ parentibus orbatæ, & omni hu-
mana spe destituta, ne fame periret, man-
sit per aliquod tempus in honesto servi-
tio Domini, postea verò cum eo concubi-
natum exercuit; deinde stimulis con-
scientiæ lacerata, accedit ad Confessa-
rium, cui sic loquitur; Pater, à tribus
annis sum concubina Domini mei, agnos-
co statum meæ damnationis, vellem ad
illum gratia redire; verum, si à domo,
& Domino discessero, certè fame peri-
bo, nam confanguineos non habeo, la-
borare non valeo: si mendicem, sum in
periculo lapsus cum multis, nam multi
me insequuntur. Unde Confessarius a-
gnoscenti necessitatem moralem persisten-
di in ea domo, eam hortatur, eique præci-
pit, ut in domo resistat luxuriæ Domini,
& adhibeat remedia de quibus supra à n. 8
verum ipsi ipsa respondet; id mihi est im-
possibile, quia si resistam, de domo certè
expellar, quo facto, præ fame peri-
bo, &

enarrata incommoda sequentur, &c. pe-
titur, quid faciendum cum ea habente
impossibilitatem moralem relinquendæ
occasione proximam, & impossibilitatem
moralem extenuandæ periculum pro-
ximum, per propositum efficax non pec-
candi, &c.?

Resp. Non est absolvenda, & tenetur
ad egrediendum è domo, etiam si fame
sit peritura; nam homo tenetur pecca-
tum mortale vitare etiam cum pericu-
lo vitæ.

Sed quid, si ipsa respondeat: promitto
resistere libidini heri, sed prævideo cer-
tissimè, quod expellar, si resistero?

Resp. Non est absolvenda ante egres-
sum; nam, cum, posita resistentia, prævi-
deat expulsionem, & spontè nolit egredi,
est signum evidens, quod vult persistere
in domo, & concubinato.

17 Quæritur, an, Confessarius possit
absolvere meretricem, & concubinam,
dum advertit ipsam nescire meretricium
esse prohibitum, adeò ut propter igno-
rantiam excusetur à peccato?

Resp. Negativè; quia verè peccavit co-
gnoscendo carnaliter ad se accedentes;
nec ignorantia excusatur, nam in re adeò
clara lege naturæ, & divina prohibita,
ignorantia non potest allegari.

18 Sed quæritur, an liceat locare do-
mum meretrici?

Resp. Affirmativè, Quilici qu. 7. art. 4.
num. 29. Joan. de la Cruz 6. præcept. art. 1.
dub. 3. num. 7. quia locatio non est proxi-
mè ordinata ad fornicationem, sed indis-
ferens; sed non cum intentione, ut in ea
peccet, sed, ut ibi habitet. Verum, si do-
mus, quæ locatur, ex se majorem præ-
beret commoditatem peccandi, seu for-
nicandi, putà, quia plures habet portas
secretas, vel esset in loco tuto, tunc non
liceret eam meretrici locare.

19 Quæritur, super quo sint concubi-
nae, meretrices, & concubinarij inter-
rogandi?

Resp. Vide supra cap. 10. num. 18.

CAPUT XXXI.

*Prop. XLII. ab Alex. VII. &c.
Usura.*

PROP. 42. *Licitum est mutuanti aliquid ultra sortem exigere, si se obliget ad non repetendam sortem usque ad certum tempus.*

Præfens caput occasione propositionis Confessario exhibet quosdam casus ex principalioribus, quos solent DD. excitare tractantes de usuris, & quia hac de re sermo redibit *lib. 2. cap. 24.* de illis breviter.

2 *Quæritur, quid sit usura?*

Resp. Est lucrum proveniens immediate ex mutuo, ratione mutui; seu, est contractus, quo ultra sortem, id est, summam capitalem, aliquid temporale pretio æstimabile, tamquam debitum ex iustitia, vel gratitudine, aut benevolentia exigitur, aut speratur. Per lucrum intelligitur omne temporale pretio æstimabile, sive sit pecunia, sive obsequium, sive munus, sive aliquid aliud. Per illud proveniens ex mutuo excluditur quodcumque lucrum, quod non sit ex mutuo; & ita injustum pretium, quo venditur aliquid plus iusto; quia, quamvis lucrum sit injustum, tamen non est usura, cum non sit ex mutuo, sed ex iniqua venditione. Additur *ratione mutui*, ad excludendum lucrum, quod provenit ex alio titulo, ut in recompensationem damni certo emergentis, & lucri cessantis. Ponitur *temporale*, quia, si mutuans paciscatur cum mutuuario, ut, præter restitutionem pecuniæ, vel frumenti, vini, olei, &c. mutuati, pro seoret, sacrificet, conferat beneficium, vel quid simile, usura simul, & simonia dici debet. Ponc. *disput. 55. qu. 3. conc. 1. num. 9.*

Hinc usuræ reus est, qui ultra sortem mutuatam à mutuuario recipiendam, eidem aliam obligationem ex vi mutua-

Mattbaucii Cautela Confess.

tionis imponit, quæcumque illa sit, ex qua doctrina plures casus solvi possunt.

3 *Quæritur, quotuplex sit usura?*

Resp. Multiplex; *aperta, palliata, vel virtualis, realis, & mentalis. Aperta est*, quando in mutuo expressè exigitur lucrum supra sortem, *ut do tibi centum scuta, ut post annum reddas mibi centum, & quinque. Palliata est*, dum sub aliquo alio contractu emptio-nis, &c. veluti sub pallio occultatur contractus mutui, & aliquid ultra sortem exigitur: ut, cum quis vendit carius ob dilatatam solutionem, & emit vilius ob solutionem anticipatam. Realis est, quando intercedit pactum explicitum, vel implicitum de lucro dando, vel recipiendo propter mutuum supra sortem: & convenit cum usura aperta, & manifesta). Pactum implicitum, sufficienter intentionis usurariæ significativum, reputatur esse, dum mutuans solet pecunias, vel aliàs res mutuo dare, sed cum aliquo fructu semper ad se eas vult reverti; vel, cum quis scit pecuniam mutuo aliter obtinere non posse, nisi liberaliter donet aliquid mutuanti; tales dationes in effectu parum differunt à pactis propriè usurariis, quia lucrum ex mutuo, non voluntate libera datur, sed necessitate recipiendæ pecuniæ. *Mentalis est*, quando nullum pactum externum intercedit, sed mutuans eo animo dat, ut lucrum ex mutuo recipiat, aliàs non daturus. Hinc, qui dat mutuo decem cum spe, quod mutuarius venturus sit ad emendum in sua officina, usuram mentalem committit; cuius item reus est, qui mutuatur decem cum spe, & proposito recipiendi ex eo lucrum, etiam si minus principaliter id speret; nam, non licet sperare, quod non licet accipere.

4 *Quæritur, an ratione lucri cessantis, vel damni emergentis possit aliquid à mutuante supra sortem à mutuariis exigere?*

Resp. Affirmativè, sic DD. communiter; ratio est, quia lucrum non provenit

ex vi mutui, nec est fructus pecuniæ mutuatæ, sed ex alio titulo, ad compensandum nimirum, & satisfaciendum pro damno emergente, & lucro cessante.

4 Explico, *de lucro cessante*, quod est utilitas, quæ cessat ob mutuum: habet Mercator centum scuta, quæ revera vult negotiationi exponere, ex qua, deductis expensis, sperat lucrari 10. *accedit Paulus, petit à Mercatore, ut sibi illa centum det mutuo; Mercator respondet se non posse, ne illo lucro privetur; instat Paulus: cui Mercator, dabo, modo, exacto anno, ultra sortem, des quoque decem, Paulus consentit, & ideo tenetur ad centum, & decem. Quod si mutuans à principio nil in pactum deduxit, tamen si postea ex mutuatione damnum incurrat sine culpa mutuatarii, nullam compensationem postulare potest.*

5 Sed quid, *si Mercator alias pecunias haberet præter eas, quas vult negotiationi exponere?*

Resp. Si non decrevit eas servare in alios usus, non potest pacisci de lucro cessante, quia verè tunc lucrum non cessaret, cum posset aliis lucro exponere. Joan. de la Cruz 7. *præcept. qu. 5. de usuris*, licet oppositum dicat Layman lib. 3. *tract. 5. cap. 16. à num. 8.* sed prima opinio est tutior, & ad palliatas usuras viam occludit.

6 Sed quaeritur, *an ratione mutui liceat exigere totum lucrum cessans?*

Resp. Negativè, sed debent deduci expensæ, & pericula; ponderandum est, quod lucrum est in potentia, & in spe, lucrum autem in potentia minoris æstimatur, quàm res in actu, & ideo non debet accipi, quantum lucrum speratum valeret, sed debet aliquid detrahi ratione expensarum, incertitudinis, & periculi.

7 Sed quaeritur, *an mutuans, qui convenit cum mutuatario de pretio lucri cessantis, possit, quod recepturus est, anno exacto, à principio recipere?*

Resp. Negativè: si quis mutuarot centum pro decem, si statim illa decem acciperet, non centum, sed nonaginta solum daret, & ex istis solum lucrum cessaret, non verò ex illis.

8 Explico *de damno emergente*, quod est detrimentum, quod quis propter mutuum patitur in rebus, quas habet; habes pecuniam ad emendum vinum mense Octobris, si cogaris mense Maii carius emere, diceris pati damnum in illo majori pretio: nunc, si Petrus mutuo vult eam pecuniam, & tu significes, te non posse eam dare, ne in Mayo tale damnum cogaris pati, & ipse instet, ut accipiat, & in se onus compensandi damnum suscipiat, ad tale damnum, pecunia recepta, tenetur; nullus enim tenetur beneficium alteri præstare cum suo damno.

9 Verùm, ut licitè, tam lucrum cessans, quàm damnum emergens, à mutuantem in pactum deducatur, tria sunt necessaria: 1. ut mutuum sit vera causa damni. 2. ut mutuatarius moneatur de illo damno, aliàs non posset innotescere, an fecisset illum contractum cum conditione, adeo onerosa. 3. ut in sua potestate relinquatur ad talem contractum celebrandum.

10 Nota, dum mutuatarius est in mora restituendi ultra tempus præfixum, & potest restituere, tenetur ad damnum ex dilata solutione proveniens.

Notes item lucrum cessans esse de bonis acquirendis; & damnum emergens de bonis acquisitis.

11 Quaeritur, *an liceat mutuantem, accipientis pignus in affectionem mutui, accipere fructus pignoris? quod est idem ac querere, an contractus, qui dicitur Anticbryseos: descriptus, pactum inter creditorem, & debitorem, ut creditor tandiù pignore uti, & ejus fructus lucrari possit, usque dum pecunia, mutuo data, à debitore restituatur?*

Resp. Contractus est usurarius, nec fructus pignoris possunt accipi, & si accipian-

icipiantur, sunt computandi in sortem principalem, cit. De la Cruz *dub. 4. Engel. §. 2. num. 27.* & DD. communiter; ratio est, quia in pignore non transfertur dominium pignoris in eum, qui pignus accipit, & ideo remanet in dominio ipsius mutuatarii, ergo ipsi fructificat; ergo mutuans eos fructus sibi applicare non potest, sed debet reddere mutuatario, vel computare in sortem, vel in partem solutionis debiti.

12 Sed quid, si pro pignore daretur vestis?

Resp. Non posset uti veste, quia usus vestis est pretio æstimabilis; immò cum vestis per usum atteratur, jam novum onus imponitur mutuatario; nam præter integrum mutuum suo tempore reddendum, pateretur damnum ex usu vestis; secus De La Cruz putat de pignore, cujus usus solet gratis concedi, ut est liber. Verùm, & hic cautè procedatur, ne deducatur in pactum pro assecuratione mutui liber, quo mutuans egeat, quia sic certè onus imponderetur mutuatario ad tale pignus.

13 Sed quid, Marito à parentibus non datur dos pro alenda uxore, sed pignus fructiferum, an liceat ei fructibus uti?

Resp. Affirmativè, non computando eos in sortem *cap. salubriter de usuris*; ratio est, quia maritus tenetur alere uxorem ex dote, ergo, dum hæc non datur, potest ex fructibus pignoris illi providere; etiam si uxor, & maritus habeant aliàs, quo vivant, quia non ex hoc, sed ex dote debet vir uxori alimenta; verùm, si fructus pignoris excederent fructus dotis, non posset maritus excedentes accipere, sed solum adæquantes dotis fructus.

14 Sed queritur, an in contractu mutui, liceat apponi hoc pactum: si mutuarius, præfixo tempore, mutuum non reddat, pignus, quod est in manu mutuantis, intelligatur esse venditum ipsi mutuanti pro suo mutuo?

quod solet vocari pactum legis commissoriae?

Resp. Negativè, ratio est, quia obligatio ad illam venditionem est pretio æstimabilis, & gravamen mutuatarii, præsumiturque fieri ad lucrum creditoris, ergo non potest poni in contractu mutui sine usura. In penam autem morè licitè apponi tradit Basseus; sed nec tunc admitterem, nisi in casu damni veri; & neque tunc, si notabilius detrimentum mutuatarii subire deberet; immò pactum deberet esse, quod alteri vendatur pro pretio justo, reddito excessu ipsi mutuatario, si quis sit, ut usura suspicio evitaretur. Gonzalez in *Bullar. titul.*

15 Queritur, an usurarius sit contractus, quo quis rustico mutat pecuniam cum pacto, ut teneatur eamolvere tempore messis, in frumento, oleo, vino, &c. aliis fructibus, pretio iusto, quo tunc fructus valebunt?

Resp. Affirmativè, quia additur gravamen rustico; nam mutuum pecuniæ exigit, ut reddatur pecunia, & tu obligas ad frumentum. Tamburinus.

16 Queritur, an liceat aliquid, ultra sortem exigere pro periculo, & metu, quæ rationabiliter timentur in recuperando mutuo?

Resp. Negativè, videtur expressum *cap. Naviganti de usur.* ubi dicitur, usurarium esse, qui recipit aliud ultra sortem ex eo, quod suscipit in se periculum mutui; nam, cum periculum, & metus mutuantis non sint quid separatum à mutuo, gratis sunt præstanda cum mutuo, & indenil debet sperari, ut observat ibid. *Glof. in ver. periculum*, & juxta illud Lucæ relatum *cap. consuluit eodem tit. date mutuum, nihil inde sperantes*, vid. lib. & *cap. sis. non nego posse mutuantem deducere in pactum expensas faciendas ad debitum recuperandum.*

17 Queritur, an sit usura vendere carius ob expectatam solutionem, autemere vilius ob solutionem anticipatam?

M 4 Resp.

Resp. Affirmativè, sic D. Thomas 2.2. *qu.75. artic.2. ad7.* nam vendere rem, valentem centum, pro centum, & decem expectatis, idem est, ac mutuare centum, pro centum, & decem solvendis; ubi illa expectatio pretii solvendi videtur mutuari pro decem; sic in solutione rei valentis centum, dando anticipatè nonaginta, illa anticipatio solutionis videtur mutuari pro decem, dum virtute ipsius diminuitur aliquod de justo pretio rei emptæ.

18 Sed quid de mercatore, qui V.G. servat mille mensuras frumenti in Majum, quo plus valebit, an in Octobri possit illas vendere pretio currente in Majo?

Resp. Affirmativè, si verè erat illud frumentum servaturus usque ad Majum, verum debet de hoc emptor moneri, ut sic sciat, se esse causam moralem, ut modo frumentum in ejus commodum vendatur. De pretio tamen debent deduci expensæ faciendæ, pro conservando tritico, usque ad Majum, & pericula, si quæ verisimiliter timentur in ejus conservatione; deinde debet attendi pretium, quo in Majo frumentum æstimabitur, si usque tunc servaretur; nam certè, si mille mensuræ frumenti in Majum serventur, ex copia pretium posset vilescere.

Si non erat servaturus, videndum est, an dubium sit, quod in Majo possit plus, aut minus valere? tunc enim potest licitè vendi, ea lege, ut pretium solvatur secundum, quod valebit in Majo, quia uterque contrahentium equali fortunæ se subdit, ut, quod plus, vel minus alter det, & alter recipiat; cum autem probabilius sit, quod plus valebit, eo pacto vendi prohibetur. Layman *num.14.*

19 Nota, usuram esse, si venditor sub prætextu lucris cessantis paciscatur, ut solvatur ipsi frumentum pretio summo, quo valebit ab Octobri usque ad Majum, id enim videtur esse ad tutum lucrum venditoris, qui potuit non vendere frumentum pro eo pretio; vel, quia aliis

præpeditus negociis, vel, quia expectans se majori pretio vendere, interim decrevit. Divisionem pretii habes *lib.2. cap.23 num.2.*

20 Quæritur, an usurarius sit contrahens, quo in Majo V.G. emitur frumentum, quod erit in Augusto consignandum pro pretio, quo in Augusto valebit?

Resp. Negativè; nam ibi non datur mutuo pecunia, ut loco ipsius detur frumentum, sed solvitur in pretium frumenti, quod quis vendit consignandum suo tempore.

21 Quæritur, an liceat emere lanas anticipatè viliori pretio, quam quo æstimantur tempore traditionis?

Resp. Negativè, aliàs liceret emere vilius ob solutionem anticipatam, quod supra negatum est; si igitur, anticipata solutione, lanæ vendantur, debent vendi eo pretio, quo valebunt tempore traditionis: nam tunc solum consummatum venditio, ergo justum pretium erit illud, quo æstimantur tempore, quo traduntur: valor enim rei æstimandus est juxta valorem, quem habet, quando traditur emptori. De la Cruz *dub.7.*

22 Quæritur, an mutuae cum pacto, ut mutuarius tempore messis, vel vindemia vendat mutuanti triticum, vel vinum pretio tunc currenti, sit usura?

Resp. Affirmativè, & quia gravatur mutuarius, qui fortè tunc non esset venditurus; & quia, ut plurimum tunc segetes vili venduntur pretio.

23 Quæritur, an sit usura mutuae hic Roma vinum Albanum, cum pacto, ut tibi restituatur Luca; ubi equaliter valet, sed tu debes illuc transportare?

Resp. Affirmativè, quia imponitur mutuuario gravamen transportationis. Tamburino.

24 Quæritur, cur ex usu domus locata, & equi conducti potest aliquid lucris accipi, & non ex usu pecunie mutuate?

Resp. Propter differentiam, quæ est inter mutuum, commodatum, & locatum, quæ communiter assignatur. Quod in mu-

mutuo transfertur dominium rei, quæ mutuatur in eum, cui mutuo datur; & ideo mutuum dictum, quasi ex *meofactum*; in commodato autem, & locato dominium non transfertur; & ideo is, cui res datur mutuo, potest eam alienare, & consumere, quia est Dominus ejus, cum onere tamen restituendi tempore præfixo, aut cum potest rationabiliter reperti; is autem, cui Domus locatur, vel equus accommodatur, nec unum, vel alterum alienare potest, quia Dominus non est, sed solum usufructuarius.

25 Ethinc sequitur, quod cum mutans non sit Dominus pecuniæ mutuo datæ, non possit aliquid pro ea recipere: cum autem locator, & accommodans sit Dominus rei locatæ, potest pro usu ipsius lucrum sumere ab eo, cui rem accommodat, & locat.

26 Item, Regulariter mutuum fit in eis, quæ usu consumuntur, ut pecunia, vino, oleo, frumento, & similibus: vinum enim consumimus eo utendo ad potum, triticum ad cibum, & pecuniam expendendo, ex D. Thoma *cit. artic. 1. in corpore*, ideo materia mutui in illis rebus reperitur, quarum usus est earum consumptio; in quibus propterea res, & usus ejus seorsim non computantur, quasi essent separata, sed cui conceditur unum, conceditur aliud. Commodatum autem, & locatum fit in rebus immobilibus, & in rebus, quarum usus non est ipsa rei consumptio; sic usus domus est inhabitatio, non autem dissipatio, & utique, est ipso ad cursum uti, quod non est ipsum consumere; ideo in istis potest concedi usus, non concessio dominio, & pro usu aliquid justè peti, sibi reservato dominio, ibid. S. Doctor.

27 Propterea DD. communiter resolvunt, recipientem pecuniam mutuo, & equum commodatum, si utroque à Latrone spoliatur, teneri ad restitutionem pecuniæ, non Equi, quia res domino perit; quod, si equus pereat culpa illius, cui commodatur, tenetur

damnum refarcire, sed vide lib. 2. cap. 23. Q. 24.

28 Item, mutuum debet restitui in eadem specie, ut oleum pro oleo, vinum pro vino: in pecunia verò non attenditur ad speciem materialem, sed ad moralem; ideo, qui accipit mutuo decem nummos argenteos, satisfacit reddendo tantum in pecunia auri, quantum æquivaleret: nisi in pacto exprimat, quod restitutio fiat in eadem specie Physica, ut de reddendo v.g. aurum hispanicum, pro auro hispanico; locatum autem, & commodatum idem numero redditur, ut idem equus, eadem domus, &c.

29 Quæritur, an usufructuarius teneatur ex justitia restituere lucrum usurarium?

Resp. Affirmative, nam justitia commutativa obligat ad dandum alteri, quod suum est, tale autem lucrum est mutuatarii, ex cujus voluntate mutans non habet ejus dominium; nam ei ab illo non datur voluntarie, sed coacte, non potens aliud facere, si velit pecuniam, qua indiget; ipsi itaque, vel hæreditibus, & in horum defectum, pauperibus, aut locis piis restituatur *cap. Super de usur.*

30 Sed quæritur, an teneatur restituere fructum, seu lucratum ex usura?

Resp. Affirmative, loquendo de lucro ex usura fructifera: ut optime D. Thomas *cit. ar. 3. in corpore*; ubi, considerat, aliquas res esse, quarum usus est ipsarum consumptio, & quæ proinde non habent usum fructum, ut sunt ex dictis pecunia, vinum, &c. ideo, si fuerint per usuram extorta, non tenetur quis ad restituendum, nisi id, quod accepit, non verò fructus, quia tales non sunt fructus pecuniæ, vel vini, sed industriæ, & personæ usurariæ, in quos, non verò in pecuniam usurariam dominium habet: aliquas verò esse, quarum usus non est earum consumptio, & talia habent usum fructum, ut est domus, ager, equus, &c. & ideo, si quis domum alterius per usuram extorsisset (quatenus noluit mutuo dare mille, nisi post annum perceret

peret ea, & domum) teneretur restituere non modò domum, verùm etiam fructus inde perceptos, quia sunt fructus rei, cujus dominus est mutuatarius, ideo ei debentur, nam res Domino fructificat.

31 Sed quid, si mutuatarius ex sua negligentia eos fructus, quos usurarius percipit, non esset percepturus, quia agrum non coleret, domum non locaret, equum non commodaret, &c.

Resp. Etiam illos fructus, deductis expensis, quæ fecit in cultura, debet usufructuarius restituere, utpotè fructus rei, quæ est mutuarii, nam res Domino fructificat. Tambur. lib.9. de contract. tr.1. cap.7. num.12. & cap.9. num.1. Vide lib.3. cap.22.

32 Sed quid, si usura consisteret in tritico, quod servasti ad tempus, in quo pluris vendidisti, ad quod à mutuatorio non erat servandum?

Resp. Debes restituere totum pretium, quo tritico tunc vendidisti, demptis expensis factis pro ejus conservatione: ratio est, quia pretium est idem cum ipsa re, & sic ejusdem Domini.

33 Queritur, an heredes teneantur restituere usuras defuncti, eis relictas?

Resp. Affirmativè, ex bonis hæreditariis; ratio est, quia onera defuncti cum hæreditate descendunt ad heredes, qui in locum defuncti succedunt, & una eademque persona reputantur; propterea, ad exonerationem conscientie defuncti tenentur, pro viribus hæreditariis, satisfacere omnibus illis, quibus defunctus damnum intulit, licet ex illo damno hereditas aucta non sit. cap. Parochiano de sepult. Si quis eorum rem ipsam in specie apud se haberet, in solidum deberet eam restituere, nam hæc tota debetur Domino, & semper pro Domino clamat.

Adverte, ex bonis usufructuarii, prius sunt solvendæ usuræ, deinde danda legitima hæredibus, & quod remanet, distribuendum inter legatarios, si usufructus legata reliquit. Tambur. cap.9. §.3. num.7.

34 Sed quid, dicendum de usurario, qui in statum honorificum ascendit propter lucrum usurarium?

Resp. Tenetur ad restitutionem, etiam cum diminutione status, injustè acquisiti, quia hoc non esset cadere, sed redire ad suum. Vide d. loc. cit. lib.2.

35 Queritur, usufructuarius ex pecunia usuraria domos, vel prædia emit, petitur, an mutuatarius, vel ejus heredes, hæc, tamquam sua, acquisita nimirum, propria pecunia, possit petere, sicut potuisset ipsam pecuniam usurariam?

Resp. Si mutuans non habeat aliam pecuniam ad satisfaciendum debitori propter usuras, debet talia bona vel in solutionem dare, vel vendere, & de pretio usuras malè acceptas compensare. cap. Cium tu de usur. & ex his ad dubium vid. cit. num.30.

36 Sed quid, si ager ab usurario pecunia usuraria emptus, tertio vendatur, vel donetur?

Resp. Si venditio, & donatio agri fuerit facta in fraudem mutuarii, quatenus usufructuarius sciebat se aliundè debitori, per usuras læso, satisfacere non posse, ager venditus revocabitur, secundum ea, quæ habentur toto tit. ff. quæ in fraud. eredit. & posset mutuatarius agrum ab emptore repetere, & ipse reddere teneretur, res enim succedit loco pretii, cap. Cium tu de usur. si verò usufructuarius posset solvere cum pretio agri, vel alterius rei, apud eum remanebit, Sylvester ver. usur. 6. nu.11.

37 Sed queritur, an cum usufructuarius pecunia usuraria emit agrum, possit venditor illas pecunias retinere?

Respond. Affirmativè, quia, etsi usufructuarius non acquirat dominium ipsarum, non tenetur restituere easdem numero, & ideo factum est, quod aliis satisfaciatur; quòd si non habeat, revendat agrum pecunia usuraria emptum, & restituat.

38 Queritur, an ministri usurarii

A.

teneantur restituere usuras, usurario non restituente?

Resp. Affirmativè, loquendo de Ministris ad usuras formaliter concurrentibus, ut sunt Fautores, Proxenetæ, seu Mediatores, & quærentes mutuatarios usurario: Servi scribentes debita usuraria, maxime si non sit alia scriptura, qua mutuatarius solvere cogatur, quia talis scriptura excitat memoriam usurarii, & ut causa moralis concurrat ad exigendas usuras, & cogendum mutuatarium, ut juret, an ita se obligaverit. Idem dicitur de Judice, cogente solvere usuras, ac de Procuratore, Advocato, & Testibus, & de Notario palliante usuram in favorem usurarii; possunt tamen aliqui excusari, si invincibiliter ignorent aliquem contractum esse usurarium.

39 *Queritur, an pauperes recipientes elemosynam ab usurario, teneantur eam restituere, si ipse ex eo fiat impotens ad restituendum usuras?*

Resp. Affirmativè, quia quæ accipiunt, sunt mutuatarii; immò, si accipiunt in specie, quæ usurarius usura acquisivit, ut v.g. vestem, debent restituere, etiam si usurarius esset potens. Quia res pro Domino clamat. Sylvester cit. usura 8, nu. 13.

40 *Queritur, an peccet, qui mutuum accepit sub usura?*

Resp. Negativè; si, qui dat mutuum, paratus sit ex sua malitia illud sub usuris dare, & petens indigeat, aliter non petiturus; nam nec complacet in peccato alterius, aut inducit, vel peccatum approbat, sed solum ex justa, & rationabili causa, petit id, quod alter potest licitè dare, nimirum, mutuum.

Dices, non licet petere ab alio, quod non potest præstari sine peccato, sed mutuum sub usuris est peccatum, & intrinsecè malum, ut fornicatio, blasphemia, maleficium, &c. quæ, nec à paratis ad ea, peti possunt, ergo.

Resp. Quod mutuum sub usuris duo distincta dicit: alterum mutuum, & al-

terum sub usuris: primum est bonum; quod à mutuuario directè petitur, cui mutans ex sua malitia addit secundum, quod est malum, & à mutuuario non petitur, sed ad summum permittitur; immò sibi displicet, cum sentiat se gravari ex usura danda, quam non intendit, sed proprium commodum; aliàs peccaret etiam, qui, ne à latronibus occidatur, eisdem manifestat sua bona, quæ ipsi peccando surripiunt; quod falsum est ex D. Thoma cit. exemplo decem virorum, qui dixerunt ad Ismael, *noli occidere nos, quia thesauros habemus in agro Jer. 41.* nam ibi petitur vita propria, quod non est illicitum, cui latrones ex sua malitia addunt peccatum furti; excusatur itaque mutuatarius à peccato, quia mutuum de se bonum est, & ipse non est causa usuræ, neque illas petit, sed permittit, ideò mutuantem in peccatum non inducit. Suarez to. 1. de relig. lib. 2. cap. 18. num. 4.

41 Et hinc patet discrimen à fornicatione: tota fornicatio est mala, nec ulla via honestatur ejus petitio, nec ab ea malitia est separabilis, ideò, qui eam petit, ipsum actum malum petit, & consequenter peccat: idem dicitur de petente à malefico parato maleficium, quia totum opus malum est à malitia inseparabile, & propterea qui tale opus petit, etiam à parato, ad totum opus, & malitiam ejus inducit. Suarez cit.

Quare ad discernendum, an aliquid ab alio peti possit, oportet videre, an, quod petitur, possit ab eo, à quo petitur absolute, sine peccato fieri. Cajetanus ad cit. loc. D. Thomæ.

42 Sed quid, si petat sine necessitate?

Resp. Peccat, quia nullum justum titulum petendi habet, nec vitat ruinam spiritualem proximi, cum possit. Bonacc. de contract. disp. 3. qu. 3. punct. 13. prop. 2. num. 3.

43 Sed quid, si mutuatarius iuramento promitteret usuras solvere?

Resp. Deberet iuramentum implere ex cap.

cap. debitorum de iure iurando. Vide lib. 2. cap. 24.

CAPUT XXXII.

*Prop. XLIII. ab Alex. VII. &c.
Legatum.*

1 PROP. 43. *Annuum legatum pro anima relictum non durat plus, quam per decem annos.*

Cum mens testatoris, vel legantis sit executioni mandanda juxta proprietatem, & rigorem verborum, quibus ipsi utuntur in dispositione legati, debent attendi verba, & quatenus videantur ab iisdem fuisse absolute, indefinite, & absque ulla restrictione prolata, sic sunt accipienda, & non restringenda ad aliquod tempus determinatum, novennium, vel decennium; quia certe alia verborum formula usi essent, si non perpetuum esse voluissent; propterea hæredes defuncti, supposito, quod acceptent hæreditatem, ab eo relictam, tenentur ad legata, modo ab ipso institutore disposito, nec fas est eis dispositionem alterare, vel minuere, ut DD. communiter; quod notasse sufficeret. Verum ne Confessario sim debitor, de legatis aliqua tangam.

2 Quæritur, *quid sit legatum?*

Resp. Est donatio *quædam à testatore relictæ ab hærede de bonis hæreditariis præstanda*. Sylvester *ver. legatum l. n. 1.* ubi scribit legatum communiter his verbis fieri, *lego, do, dare jubeo, volo, &c.*

3 Quæritur, *quid sit legatum pium, vel ad pias causas?*

Resp. Quod pietatem re ipsa continet: & est quicquid relinquitur pro Dei, & Sanctorum honore, pro salute animæ, promiserabilibus personis, pro pupillis, viduis, peregrinis, pauperibus, Ecclesiis, & locis piis, ut, hospitalibus, Conventibus, pro ornamentis Ecclesiæ, maritandis puellis, &c.

4 Sed quæritur, *an heres, vel alii executores legatorum negligentes, aut longo tempore differentes implere pia legata, à defuncto relictæ pro anima sua; verbi gratia, quod annuatim centum Missæ celebrentur: quolibet anno pauperibus distribuuntur decem mensuræ frumenti, &c. mortaliter peccent?*

Resp. Affirmative, quia injustè inferunt defuncto damnum notabile, nam pro tempore, quo executio differtur, ejus anima privatur suffragiis, quibus, si non in totum, ad minus secundum partem, sublevaretur à pænis Purgatorii. Ideo non debet executor multum tardare exequi voluntatem defuncti, & sine justa causa executionem differre; justa autem causa differendi aliquandiu, posset apud Layman *lib. 3. tract. 5. cap. 11.* esse, si sit spes vendendi res defuncti majori pretio, ut sic ampliores elemosynæ in subsidium animæ adhiberi possint; verum id ex D. Thoma licitè fit in mora solum modici temporis, in qua non videtur magnum periculum, vel detrimentum.

5 Quæritur, *Testator voluntatem suam expressit in scheda, manu sua scripta, quam Confessario tradidit, petitur, an heres teneatur, omnia scripta solvere?*

Resp. Affirmative, maximè pertinentia ad pias causas, in quibus non requiritur juris solemnitas, nimirum, quod fiat coram septem, vel quinque testibus; nam in extrema infirmitate, sufficit præsentia Parochi, & duorum testium ex *cap. cum esses de testament.* immò, cum aliundè constat de voluntate testatoris disponentis ad causam piam, vel ex indubitato ipsius manuscripto, vel signo, cum loqui non posset, vel, ex Confessione hæredis, aut alterius fide digni, nec duo testes sunt in foro conscientie necessarii: ex *cap. judicante cit. tit.* ubi propter Confessionem solius mariti jubetur tradi monasterio scutella aurea ab uxore nudis verbis legata.

6 Sed quid, *si moriturus, qui capit facere testamentum, vel Codicillum, morte preventus, non absolvat?*

Resp. Debet exequi, quoad legata pia relicta, quæ in sua imperfecta dispositione jam expresserat; quoad ea enim ejus voluntas constans, & firma manet, ut pluribus citatis. Layman ibid.

7 Quæritur, *Testator disponit, ut executores erigant hospitale in suo fundo, pro cuius dote legavit summam scutorum decem millium, executores volunt edificare Ecclesiam cum Monasterio Religioforum, propterea accedunt ad Confessarium pro consilio, an possint necne; quomodo Confessarius se gerere debeat?*

Resp. Debet eos monere, ut pro facultate erigendi Monasterium loco hospitalis, ad Sedem Apostolicam pro rescripto, contrario dispositioni testatoris, recurrant, aliàs tenentur in conscientia, pro ut ipse voluit, eam exequi, quia voluntas defuncti pro Regula servanda est, *capit. tua de testam.* Fagnan. cit. ad *cap. Dolentes de stat. Monach. num. 46.*

8 Quæritur, *an Religiosus, cui Testator legavit annuam monetæ portionem pro suo usu expendendam, possit eam portionem ad eum effectum percipere?*

Resp. Negativè, nam obstat *Trid. sess. 25. de Regul. cap. 2.* statuens Personis Religiosis non licere bona mobilia, vel immobilia cuiuscumque generis fuerint, & tamquam propria, aut, etiam nomine Conventus, possidere, vel tenere, sed statim ea Superiori tradantur, Conventuique incorporentur; annuus autem redditus inter stabilia computatur ex *Clement. Exivi. §. cumque annui redditus, de verbor. signif.* Ideo legatum in effectu quoad Regularem non valet, alioquin esset propriè usufructuarius, & Dominus illius portionis, quia haberet jus utendi, & fruendi, quod repugnat præfatæ dispositioni, & voto paupertatis; ideò ex ejus persona tale legatum acquiritur Monasterio, *cap. quanto de off. ord.* ut nec momento temporis maneat apud Religio-

sum, Fagnan. cit. ad *cap. cum dilectus de success. ab intest. num. 20.*

9 Sed quid, *si Religioso relinquatur legatum sub hac conditione, ut non quaratur Monasterio?*

Resp. Tale legatum continet impossibilitatem, & repugnantiam, nam Monachus non potest habere aliquid, sed totum est Monasterium ex alleg. *cap. Trid. & vulgato dicto, ex capit. exiit de verb. signif. in 6. quidquid acquirit Monachus, acquirit Monasterio;* ideò ea conditio, tamquam turpis, debet haberi pro non adjecta, & hæres tenentur in conscientia legatum Monasterio solvere.

10 Quæritur primò, *an Fr. Min. de Obs. sint capaces legatorum annuorum, quæ sunt, adjecto onere perpetuo Missarum, vel quorundam Officiorum?*

11 Secundò, *An sint capaces annui legati, facti ad favorem Infirmaria eorumdem pro necessitatibus infirmorum, panis, vini, medicamentis, & Lintheamentis?*

12 Tertiò, *An sint capaces legati annui, pro Oleo lampadis, quæ debeat ardere in eorum Ecclesia?*

13 Quartò, *An sint capaces legati relicti sine onere perpetuo, ut, si relinquatur ager, vel census ad fruendum, possidendum, aut locandum?*

Resp. Ad primum vide *cap. 6. in fin.* & hic iterum pondera, vel Fratres prætendunt ea legata, tamquàm sibi debita in perpetuum, civiliter, seu vigore actionis ex testamento, vel juris ad ipsa, vel solum voluisse recipere ea, secus omni obligatione, actioneque civili, per modum puræ, & simplicis elemosinæ, sibi spontè dandæ ab Hæredibus, vel Executoribus testamenti, & præmissa prius per Guardianum, & Discretos protestatione, subsignata sigillo Conventus, in ejusque libris registranda, & transmittenda ad ipsos Hæreses, seu Exequutores, quòd ipsi nullum jus habent in ea legata, vel ipsorum præstationes, & solutiones, juxta monitum D. Bonaventuræ, & disposita à Sac. Congr. pro-

proposita Consultationibus Fratr. Min. de Obser. apud Fagn. *in 5. ad cap. nimis prava nu. 55. de excess. Pralat. & me ipsum Offic. cur. cap. 10. tom. p. num. 7. ubi nu. 15. ejusdem formula datur.*

In primo sensu Fratres prædicti sunt omnino ipsorum Legatorum incapaces, utpotè inhabiles possidendi, vel habendi annuos redditus, qui altissimè paupertati, quam profitentur, repugnant, & inter bona immobilia computantur juxta *text. in Clement. exivi, §. cumque annui redditus, de ver. signif.* in quo sensu inter DD. recipitur, præfatos Fratres esse incapaces similibus legatorum, & in eo loquitur Sac. Congr. infra *nu. 24. dist. 3. ad primum.*

In secundò verò capaces sunt, quia ea non recipiunt, per modum annuæ, & certæ assignationis, relevantis eorum mendicitatem, & eximentis eos à debito vivendi ex dietim mendicato, recurrendo ad mensam Domini, petendo eleemosynam ostiatim, sed per modum manualis eleemosynæ in stipendium celebrationis Missarum, eis spontè, & liberè datæ ab eis, ad quos spectat legata implere, qua ratione ea recipere non est contra Regulam, nec Paupertati repugnans, sicut non repugnat quotidiana receptio stipendiorum, quæ eis in dies dantur pro celebratione Missarum adventitiarum; nec est contra disposita à Sede Apostolica, quæ sæpius declaravit, eos posse similia recipere per modum puræ eleemosynæ vid. infra *nu. 28. & Rotæ decisionem coram Emerix in Turritana Legatorum de anno 1695. & 1696.*

14 At quaeritur, an *nolentibus hæredibus dare Fratribus eleemosynam legatam, possint per Judicem compelli? & quatenus, affirmativè; an ad instantiam ipsorum Fratrum per se ipsos, vel per ipsorum Syndicum, aut per alium?*

Resp. Judex, vel ex officio, ut Episcopus, uti ordinarius executor omnium piarum dispositionum juxta textum in *cap. Nos quidem de testam.* vel ad instan-

tiam unius de populo, ne Anima Testatoris debitis suffragiis defraudata maneat, potest hæredes cogere ad conferendam eleemosynam præfatis pro Missarum celebratione; facit decretum à Sac. Congr. prout infra *num. 28.*

Neque hoc casu hæredes compulsi dicuntur coacti respectu Fratrum, quibus non cogentibus, semper verum est, quod ipsi, respectivè ad ipsos Religiosos, spontè conferant; vel saltem Fratres liberè recipiunt ab Judice per modum simplicis eleemosynæ, ut firmavit Rota in allegata Turritana; sed Fratribus ipsis est prohibitum sub pena excommunicationis ipso facto incurrenda, in decreto videndo infra *num. 26.* ne audeant per se, vel per alios, Syndicos, Ministros, seu Procuratores, tam Sæculares, quam Regulares, annuas præstationes, seu legata, nec judicialiter, nec coram quocumque Judice, nec aliàs, nisi juxta formam decreti Congreg. Fratr. Min. de Obser. Cifmont. Famil. prout infra *num. 19.* ab hæredibus, vel aliis petere, vel exigere; per quod patet ea non esse illis debita, nec circa ipsa jus aliquod civile, & actionem habere.

Verum ipsorum Syndicus, non tamquam Syndicus, sed veluti unus de populo, potest coram Ordinario agere, & instare, pro implemento Legati, & ne mens testatoris in sua pia dispositione fraudetur. Immo crederem, etiam ipsos Fratres, posse Ordinario, ut piarum dispositionum executori, significare, quod hæredes N. N. non implent legata à Testatore relicta, ad effectum dumtaxat, ut istis satisfaciant, non verò, ut in ea aliquod jus prætendant, vel in eum finem, ut legata consequantur: experimur enim, quod in his silere, sæpè sit causa, cur similia in oblivionem descendant, & animæ Fidelium debitis suffragiis fraudentur.

15 Dices. Ergo Fratres possunt esse certi moraliter de victu, & eleemosyna annua; ex quo eorum paupertas relevatur,

vatur, & ita contra puritatem Regulæ eis similia relinquantur legata.

Resp. Negando consequentiam, quia semper Fratres reciperent legata per modum eleemosynæ, vel ab Judice, vel ab hæredibus, nec de illis recipiendis essent omnino certi; quia semper esset in prudenti, & rationabili judicio Executorum, vel Judicis, perspectis circumstantiis eleemosynarum, atque locorum, vel iisdem Fratribus legatariis relinquere, vel aliis committere. Immo, quandoque, ut Rota cit. ponderavit, ad eos spectaret, ut aliis committerent, si viderent legata, seu eleemosynas, sic esse adausas, ut per Fratres reciperentur in fraudem paupertatis, eosque eximerent à necessitate sibi victum quærendi incerta mendicitate, sicut juxta professionem tenentur, dum oblata liberaliter ad id non sufficiunt.

Nontacendum, quod ex aliis titulis tolli potest certitudo; vel, quia, cum omnia Fratribus relicta sint in absoluto dominio Sedis Apostolicæ, ut in *capit. exiit*, §. *ad hac cum Fratres de verb. signific. in 6.* in ordine ad tales Eleemosynas semper Fratres penderent à Summi Pontificis voluntate, quibus poterit eos privare, & aliis applicare; vel, quia, cum Fratres non obligentur jure actionis ad celebrationem Missarum, eleemosyna non debetur, nisi conditionaliter, si Missas celebrant; contingere autem potest, quòd Missæ non celebrerent, vel, quia nolunt, vel, quia aliis præpediti negotiis non possint, & sic eleemosyna non erit certa, sed conditionata pro singulis annis, pendens ex futuro eventu, de quo certitudo moralis non datur, ut benè ex Roderico discit Pitonius *Disceptat. Ecclesiæ. par. prima disceptat. 2. num. 32.* immò, dum celebraverint, nec certi esse possunt de consecutione, quia apud Judicem instare non possunt; vid. *num. 24.*

16 Ad 2. Affirmativè, ut ipsa Rota in cit. Turritana firmavit, ratio est, quia

natura hujusmodi legati non respicit necessariam sustentationem ipsorum infirmorum, pro qua juxta text. Regulæ *cap. 4. debent Ministri, & Custodes recurrere ad amicos spirituales*, sed potius majorem ipsorum curam, quam, quæ aliis illis præstari posset per eorum Conventus.

Verùm Fratribus legatum non debetur; & est obligatione conscientie, quamvis non civili, implendum ex parte hæredum, seu executorum in ipsare, in specie legata, seclusa ex parte Fratrum, quavis instantia, etiam per implorationem simplicis officii Judicis; & recipere debent annuam præstationem per modum simplicis eleemosynæ; nec possunt eam in alios usus convertere, quam taxatos à Testatore, ac præmissa protestatione, ut supra diximus; super quò observetur Decretum à S. Congr. C. editum in *Romana Donationis*, pro pane albo ministrando Fratribus infirmis in Conventu de Araceli, quæ sub die 2. Junii 1663. censuit *licere prædictis Fratribus præarratam annuam præstationem, titulo dumtaxat eleemosynæ, recipere, ad præscriptum Decret. Congr. Fabr. editi sub die 14. Febr. 1633.* apud Lantusc. *Tractat. Regul. ver. legat. num. 5. vid. num. 23.*

17. Ad 3. Affirmativè, ratio est, quia, licet Fratres præfati ex Regula, quam profitentur, & Constitutionibus Nicolai III. *exiit in 6.* & Clementis V. *Clementis. exiit de verb. signific.* sint incapaces cujuscumque juris, & proprietatis, tam in communi, quam in particulari, prælatorum tamen incapaces non sunt, cum eorum incapacitas procedat, quoad ea, quæ concernunt utilitates, & commoda ipsorum Fratrum, pro quotidiano victu, & vestitu, & per quæ ipsorum mendicitas relevatur, non verò quoad ea, quæ concernunt decorem eorumdem Ecclesiarum, ac certum usum Cultus Divini, ut in terminis similium legatorum, frumenti pro hostiis, vini pro Sacrificio, & pecu-

pecunię pro luminibus dixit Rota allegata sub die 6. Aprilis 1696. & tradit Fagn. in 2. de probat. ad cap. in presentia nu. 60. Ventriglia prax. par. 2. annot. 28. §. 2. n. 17. & Bordonus op. posth. de Legat. cap. 3. n. 56. asserentes præfata legata, esse facta Ecclesiæ, vel Sacristiis, non Fratribus, qui præstationes legatorum in alios usus non possunt convertere, quàm in eos à Testatoribus fixos; consequenter, omnia in præfati præfata esse debita ipsorum Ecclesiis, quæ sunt in proprietate Ecclesiæ Romanæ: quarum nomine peti per Syndicum Apostolicum poterunt. Sed vid. infra num. 32.

Ad 3. Negative, juxta allegatas decretales. Trid. sess. 25. de regul. cap. 3. & Decreti S. Congr. infra num. 25. dist. 4. ad primum.

Quæ censio sufficere posse Confessario, ut super similibus interrogatus valeat tuta conscientia responsa dare, Fratresque instruere circa rem, cujus notitia est ipsis omnino necessaria, ne abusus circa pauperem admittant, & graviter contra puritatem Regulæ delinquant, & interim sequentia à S. Sede in similibus disposita dictis subiecto.

Decreta S. Congr. à S. Mem. Urb. VIII. Frat. Min. de Observ. Consultationibus præpositæ.

Distinctio prima de Legatis Bonorum mobilium.

18 **A** Rrt. Primus. An Fratres Minores, tam de Familia, quàm Reformati, sint capaces Legatorum Bonorum Mobilium, quæ unica solutione, seu præstatione adimplentur, tam in pecunia numerata, quàm in aliis speciebus?

Art. 2. An possint eadem legata in judicio, aut extra exigere per se ipsos, vel Syndicum Apostolicum?

Art. 3. An Fabricæ S. Petri liceat in hujusmodi Legatis se ingerere infra annum, ex quo dies legati cessit?

Art. 4. Et quid, elapso anno?

Distinctio secunda de legatis Fabricæ.

19 Art. 1. An valeat Legatum annui redditus factum Fabricæ, Sacristiæ, vel Ecclesiæ Fratrum Minorum, tam de Familia, quam ex Reformatione?

Art. 2. An liceat Fratribus hujusmodi legata in judicio exigere per eorum Procuratores, vel Syndicos Apostolicos?

Art. 3. An liceat eisdem erogare prædicta legata in usus Fratrum? an verò illa omnino converti debeant in usus à Testatoribus præscriptos?

Art. 4. An Fabricæ Sancti Petri liceat infra annum se ingerere in proprietate horum Legatorum pro Fabrica, vel Sacristia, transigendo cum hæredibus, aut alijs de eadem proprietate disponendo?

Art. 5. Et quid transacto anno?

Art. 6. An liceat eidem Fabricæ Sancti Petri se immiscere præstationibus, seu fructibus eorundem Legatorum ab anno decursis, & non solutis?

Art. 7. Et quid infra annum, ex quo cessit dies præstationis?

Distinctio tertia de legatis annuis cum onere.

20 Articulus primus. An Fratres Minores, tam de Familia, quàm Reformati, sint capaces Legatorum annuorum, quæ sunt adjecto onere celebrationis Missarum?

Art. 2. An iidem possint pro his Legatis in judicio experiri agendo, aut judicis officium implorando?

Art. 3. An possint Fratres illa accipere à sponte offerentibus celebrando Missas ad rationem rei acceptæ?

Art. 4. An possint illa sponte oblata accipere per se ipsos: An verò per Syndicum Apostolicum?

Art. 5. An Fratres possint hujusmodi
,, le-

„ legata extinguere, aut illorum proprietatem vendere, & pretium erogare in
 „ usus Fabricæ, vel Sacrifiæ?

„ Art. 6. An liceat Fabricæ Sancti Petri proprietatem eorundem Legatorum cum onere Missarum sibi vindicare, tam elapso anno, quam antea?

„ Art. 7. An eidem Fabricæ liceat sibi vindicare annuas præstationes decursas, & non solutas, tam ante annum, quam post?

Distinctio quarta de legatis annuis sine onere.

„ 21 Articulus 1. An Fratres Minores, tam Observantes, quam Reformati, sint capaces Legatorum annuorum sine aliquo onere, aut modo adjecto, saltem ad effectum illa extinguendi, & pretium erogandi in usus Fabricæ, vel Sacrifiæ?

„ Art. 2. An ad hunc effectum possint eandem proprietatem in iudicio petere per Syndicum Apostolicum?

„ Art. 3. An possint illam convertere in usus Fratrum?

„ Art. 4. Et quid, si cæperint illorum annuas præstationes accipere?

„ Art. 5. An possint Fratres exigere iudicialiter annuas præstationes eorundem Legatorum in vim Martinianæ?

„ Art. 6. Et quid post ultimum Dec. S. Congreg. hac de re editum?

„ Art. 7. An Fratres teneantur protestari se esse incapaces eorundem Legatorum?

„ Art. 8. An possint illas à sponte dantibus accipere per se ipsos, vel per Syndicos Apostolicos?

„ Art. 9. An hæres teneantur illorum præstationes Fratribus solvere in foro conscientie?

„ Art. 10. An Fabrica Sancti Petri jus habeat sibi vindicandi horum Legatorum proprietatem, tam elapso anno, quam antea?

„ Artic. 11. Et quid de annuis præ-

Mattheucci Cautela Confess.

„ stationibus decursis, & non solutis?
 „ Art. ult. An hæc omnia procedant, etiam in Legatis annuis ad modicum tempus?

„ Die 9. Septembris 1628. Sacra Congregatio Negocii Fratrum Minorum Sancti Francisci de Observantia à Sanctiss. Domino Nostro præposita ad singulos articulos superius propositos ad hunc modum respondit, videlicet.

Distinctio prima.

„ 22 Ad primum Articulum. Fratres Minores, tam de Familia, quam Reformatos, esse capaces Legatorum bonorum mobilium, quæ unica solutione, seu præstatione adimplentur, tam in pecunia numerata, quam in aliis speciebus, dummodò tamen huiusmodi legata sint in quantitate moderata, & non in fraudem paupertatis.

„ Ad secundum. Fratres quidem, nec per se ipsos, nec per interpositam personam posse eadem legata in iudicio exigere; sed Syndicum Sedis Apostolicæ tantum iudicis officium implorare, dummodò similiter illa in moderata sint quantitate, & sine ulla fraude paupertatis, & re ipsa erogentur in Fratrum necessitates. Extra iudicium verò ita demum legata huiusmodi accipi posse à Fratribus per se ipsos, si in aliis speciebus consistent, & accipiantur in ea tantum quantitate, quam vera, & imminens eorum necessitas postulet; sed superfluum, aut pecunias, à Syndico tantum posse accipi, dum tamen id omne in Fratrum necessitates convertatur.

„ Ad tertium. Non licere Fabricæ Sancti Petri in huiusmodi legatis bonorum mobilium se ingerere infra annum, ex quo dies legatit cessit.

„ Ad quartum. Elapso anno licere ad præscriptum suarum facultatum.

Diffinitione secunda.

„ 23 Ad primum Articulum. Valere
 „ legatum annui redditus factum Sacri-
 „ stia, vel fabricæ Ecclesiæ, vel Conven-
 „ tus Fratrum Minorum, tam de Fami-
 „ lia, quàm de Reformatione, nisi ad sit
 „ excessus in quantitate.

„ Ad secundum. Nec per se ipsos, nec
 „ per alios, licere Fratribus in iudicio
 „ exigere huiusmodi legata, sed Syndi-
 „ co Apostolico dumtaxat.

„ Ad tertium. Non licere eisdem annui
 „ redditus legata erogare in usus Fra-
 „ trum, sed illa omnino converti debere
 „ in usus à Testatoribus præscriptos.

„ Ad quartum. Fabricæ Sancti Petri non
 „ licere infra annum se ingerere in pro-
 „ prietate horum legatorum, cum Hæ-
 „ redibus transigendo, aut aliàs dispo-
 „ nendo de eadem proprietate.

„ Ad quintum. Idem non licere.

„ Ad sextum, & septimum, posse Fabri-
 „ cam Sancti Petri se immiscere in præ-
 „ stationibus, seu fructibus eorundem
 „ Legatorum ab anno decursis, & non
 „ solutis: Non autem infra annum, ex
 „ quo dies præstationis cessit.

Diffinitione tertia.

„ 24 Ad primum Art. Fratres Minores,
 „ tam de Familia, quàm ex Reformatio-
 „ ne, nullatenus esse capaces legatorum
 „ annuorum, quæ sunt adjecto onere ce-
 „ lebrationis Missarum.

„ Ad secundum. Non posse pro his le-
 „ gatis in iudicio experiri, aut Iudicis
 „ officium implorare.

„ Ad tertium. Posse Fratres illa accipe-
 „ re per modum elemosynæ à sponte of-
 „ ferentibus, celebrando Missas ad ra-
 „ tionem rei acceptæ, citra tamen ul-
 „ lam obligationem ad onus perpetu-
 „ um, & dummodò priùs protesten-
 „ tur se illorum capaces non esse.

„ Ad quartum. Syndicum Apostolicum

„ & pro Fratrum necessitatibus, non au-
 „ tem Fratres ipsos, etiam per alios,
 „ posse huiusmodi legata, utcumque
 „ spontè oblata, accipere, si in pecunia
 „ consistant.

„ Ad quintum. Non posse Fratres huius-
 „ modi legata extinguere, aut illorum
 „ proprietatem vendere, & pretium ero-
 „ gare in usus fabricæ, vel Sacrificiæ.

„ Ad sextum. Licere Fabricæ Sancti Pe-
 „ tri ad suarum facultatum præscriptum
 „ sibi vindicare eorundem legatorum
 „ proprietatem cum onere Missarum
 „ celebrandarum, tam elapso anno,
 „ quam antea.

„ Ad septimum. Similiter licere.

Diffinitione Quarta.

„ 25 Ad primum Art. Fratres Mino-
 „ res, tam Observantes, quàm Reform-
 „ matos, non esse capaces legatorum
 „ annuorum, quæ sunt sine aliquo onere,
 „ aut modo adjecto, nisi ad effectum
 „ illa extinguendi, seu illorum proprie-
 „ tatem, & pretium convertendi in u-
 „ sus Fabricæ, vel Sacrificiæ.

„ Ad secundum. Non Fratres ipsos, sed
 „ Syndicum Apostolicum tantum, posse
 „ eandem proprietatem in iudicio petere.

„ Ad tertium. Posse convertere.

„ Ad quartum. Si Fratres cæperint illo-
 „ rum annuas præstationes accipere, ne
 „ hinc fiat fraus Paupertati, expedire,
 „ ut de cætero decernatur, eo casu non
 „ licere amplius Fratribus eandem pro-
 „ prietatem vendere, ac pretium in u-
 „ sus Fabricæ, vel Sacrificiæ erogare:
 „ Ideoque agendum cum Sanctissimo
 „ D. Nostro.

„ Ad quintum, & sextum. Fratres nullo
 „ modo posse in iudicio exigere annuas
 „ eorundem legatorum præstationes.

„ Ad septimum. Teneri.

„ Ad octavum. Posse illa per modum
 „ elemosynæ, & à spontè dantibus ac-
 „ cipere, etiam per se ipsos, si in aliis
 „ speciebus consistant: quod si in pecu-
 „ nia,

nia, non nisi per Syndicum Apostolicum.

Ad nonum. Non teneri.

Ad decimum. Fabricam Sancti Petri nullum Jus habere vindicandi horum legatorum proprietatem, nisi elapso anno, juxta suas facultates.

Ad undecimum. Similiter non habere jus vindicandi hujusmodi annuas præstationes, nisi ab anno decursas.

Ad Ultimum. Hæc omnia locum non habere in legatis infra decennium; sed in his tantum, quæ sunt ad decem annos, & ultra.

Decretum Sac. Congr. Fabricæ Principis Apostolorum de Urbe super legatis relictis P. P. Minor. de Obser. S. Francisci.

26 **D**um sæpius fuerit habitus recursum ad S. Congregationem Ven. Fabricæ S. Petri super annuis legatis factis, seu faciendis ad favorem Fratrum S. Francisci Min. de Obser. cum onere Missarum, seu officiorum, sive gratis, sive alio modo.

Prætendente Ven. Fabrica S. Petri ad illam spectare propter DD. Fratrum incapacitatem hujusmodi legatorum.

Dictis autem Fratribus elegantibus posse annua legata hujusmodi recipere tuta conscientia, quatenus hæres ex sua libera voluntate voluerit illa dare in eleemosynam, & committere Fratribus dictis Missas, & officia juxta sententiam S. Bonaventuræ, & decreta S. Congreg. à S. D. N. Frat. Min. de Obser. S. Francisci Cismontanæ Familiæ Consultationibus præpositæ sub die 4. Junii 1628. publicata.

Eadem Sac. Congregatio pro opportuna præmissorum provisione, facta prius relatione S. D. N. Urbano Papa VIII. ac de illius expresso ordine, & mandato, decrevit in futurum super hujusmodi legatis observari, ut infra.

Quod hujusmodi legata per debitores;

vel hæreses non extinguantur, vel reducantur per compositionem cum Ministris Fabricæ faciendam, vel alio quovis modo, sed illorum capitale, sive fors principalis, vel Proprietas absque aliqua diminutione conservetur semper, & perpetuo ad effectum, ut in usus Romano Pontifici pro tempore existenti benè visos possint applicari; Ita tamen, ut quamdiu applicationem specialem Auctoritate Apostolica fieri non contigerit, hæreses, vel Debitores possint liberè, si velint, dictis Fratribus dare dicta annua legata per eandem Fratres recipienda in eleemosynam, non autem per eos exigenda. Et quod quævis extinctio, reductio, seu diminutio capitalis, seu proprietatis, aliter absque speciali Romani Pontificis permissione facta, eo ipso nulla sit, nec Debitoribus, aut aliis quibuscumque suffragetur.

Quodque Commissarii, aliique Ministri Ven. Fabricæ super hujusmodi capitale, seu proprietate supradicta, se de cætero non intromittant, nec dictos hæreses, seu debitores aliquo modo molestant, nisi ad effectum re-investiendi in casu reinvestimenti, seu providendi, ut conservetur, ut supra, aut alias in executionem applicationis auctoritate Apostolica facta, vel facienda.

Et quod nolentibus dictis heredibus, vel debitoribus dare supradictis Fratribus dictas eleemosynas, seu annuas præstationes, sive legata, ut supra solvere, vel illas, seu illa non solventibus, tunc, & eo casu, lapsis duobus annis à die obitus Testatorum, si fuerit maturarum legatum, vel à die maturatæ illius solutionis, eadem Fabrica, & illius Commissarii, & Ministri id totum, quod solutum non fuerit pro pretio, pro rata tamen, in qua fuerit, ut supra elapsi biennium, vel ultra, possint, & valeat, annuas præstationes hujusmodi exigere, exigique facere ad sui

beneficium, juxta suas facultates, & Privilegia: salvo semper capitali, seu proprietate, ut supra, ad effectum, quod hæredes, vel debitores (dummodò de eis per Romanum Pontificem pro tempore existentem aliter non fuerit dispositum, nec prædicta legata in alios usus ejus auctoritate applicata fuerint, vel applicari contingerit) possint, si velint, quandocunque futuris temporibus, & deinceps in perpetuum dare dictis Fratribus dicta annua legata in elemosynam, ut supra, nec Fabrica eisdem hæredes, vel debitores molestare possit, & valeat toties, & quoties casus contigerit, nisi pro præterito, & tunc in illis terminis tantum, post quorum maturationem fuerit elapsum biccennium, vel ultra, ut supra: salva semper erectione beneficiorum, & applicatione legatorum, seu quorumcumque bonorum, & reddituum, ac jurium eisdem beneficiis, seu aliis usibus piis auctoritate Apostolica facta, vel in posterum quandocunque, & quomodocumque: facienda, & executione litterarum Apostolicarum desuper expeditarum, seu expediendarum; Itaut præfata decreta ad illas nequaquam se extendant, sed illæ semper firmæ, & illæ remaneant, ac suos plenarios, & integros effectus sortiri debeant, ita quod neque Fabrica, neque hæredes, vel debitores præfati, ullo modo illas impedire, retractare, vel controversare valeant, & salvis semper Sedis Apostolicæ auctoritate, & facultatibus competens. dictæ Sacre Congregationi Ven. Fabricæ.

Prohibuit tamen eadem Sacra Congregatio Fratribus supradictis sub pena excommunicationis ipso facto incurrenda, ne audeant, seu præsumant, nec quilibet eorum audeat, seu præsumat per se, nec per alios, Syndicos, Ministros, seu Procuratores, tam Sæculares, quàm Regulares dictas annuas præstationes, seu legata, nec judi-

cialiter tam coram quocumque Judice Ecclesiastico, quàm Sæculari, Ordinario, vel Delegato, nec aliàs, nisi juxta formam dicti decreti Congregationis Frat. Min. de Obser. S. Francisci Cismontanæ Familiz à S.D.N. deputatæ ab hæredibus, seu quibuscumque aliis eorum debitoribus petere; minusve dictis hæredibus, seu debitoribus facere aliquas receptas pro dictis annuis præstationibus, nisi pro rata, & pecunia, seu elemosynis supradicti cum effectu, ac verè, & realiter eisdem Fratribus data, vel soluta, seu datis, vel solutis, nec sub alia data, nisi sub ea, quæ verè fuerit iisdem Patribus, aut aliis pro eis facta realis satisfactio; & insuper, ne Provisos Apostolicos pro tempore de Beneficiis, quibus legata supradicta fuerint applicata, vel eorum Procuratores, & Ministros super erectione d. legatorum directè, vel indirectè impedire, vel molestare quovis quæsito colore, vel prætextu audeant, vel præsumant. In quorum fidem, &c. Datum Romæ, &c. die 14. Februarii 1633.

Constitutio Clem. X. confirmans Decretum S. Congr. in causa Turritana legatorum.

27 **C**lem. Papa X. Ad futuram, &c. Nuper pro parte dilecti Filii Syndici Apostolici Conventus S. Petri de Syrchis in Sardinia Ordinis S. Francisci de Obser. &c. Congregationi Fratrum nostrorum S. R. E. Cardinalium negotiis, &c. Episcoporum, & Regularium præpositæ exposito, quòd quondam Petrus Moros de Molinos in suo ultimo testamento, quod anno 1645. condiderat, diversam annua legata pro Missis per Fratres dicti Ordinis celebrandis fecerat, modo sequenti: *Primò, mando*, quòd meus hæres teneatur expendere pro consecutione tumuli, & exequiarum;

„ quolibet anno lib. 25. pro una Missa
 „ cantata, & aliis sexdecim Missis pro
 „ Animabus meorum Parentum cele-
 „ brand. à Fratribus Franciscanis S. Petri
 „ de Syrchis, & pro hoc legato volo,
 „ quòd sint perpetuò obligata bona mea.
 „ *Item, volo*, quòd dictus meus hæres sol-
 „ vat ex dictis bonis meis quolibet anno
 „ lib. 40. quæ inserviant pro oleo lampa-
 „ dis meæ Capellæ majoris in dicta Ec-
 „ clesia S. Petri. *Item relinquo* in perpetu-
 „ tum Missas septem qualibet hebdo-
 „ mada pro Animabus Purgatorii, &c. &
 „ elemosyna sit septem solidorum pro
 „ qualibet Missa, &c. & proprietates illarum
 „ est 1400. lib. quæ sit super domo mea, in
 „ qua habito. *Item relinquo* pro elemo-
 „ syna dicto Conventui S. Petri de Syr-
 „ chis lib. 300. ut illæ applicari debeant
 „ per meos Curatores in loco securi ad
 „ rationem lib. 24. annuarum, & inserv-
 „ iant pro emendis linteaminibus pro
 „ pauperibus Fratribus infirmis. *Item*,
 „ quia D. Mater mea reliquit, ut di-
 „ cantur duæ Missæ perpetuæ qualibet
 „ hebdomada à dictis Fratribus, man-
 „ do, quod super bonis meis solvantur
 „ quolibet anno lib. 28. *Item*, quia D.
 „ Pater meus reliquit unam Missam per-
 „ petuam qualibet hebdomada cele-
 „ brand. à dictis Fratribus, & reliquit
 „ pro elemosyna censum lib. 150. debi-
 „ tum à Gavino Paduano, &c. quate-
 „ nus perdiderint supradictum, man-
 „ do, ut meus hæres solvat lib. 11. an-
 „ nuas, &c. & factis aliis pluribus lega-
 „ tis profanis, &c. instituit sibi hæredem
 „ Deum, & animam suam, mandans
 „ suis exequutoribus, ut adimpletis, &
 „ satisfactis legatis, instituerent unam
 „ tertiam dignitatem Archidiaconalem
 „ in Cathedrali Turritana, cum annuo
 „ redditu lib. 1000. & de residuo unum,
 „ vel plures Canonicatus secundum ca-
 „ pacitatem bonorum suorum, & alias,
 „ pro ut in dicto testamento dicitur ube-
 „ rius contineri.

„ Et subinde in executionem dicti te-
 „ *Matthæucci Cantela Confejs.*

„ stamenti unus Canonicatus, & unus
 „ Archidiaconatus in Ecclesia Turritana
 „ erecti fuerant, dictusque Archidia-
 „ conatus, ex dispositione ejusdem Petri
 „ testatoris collatus fuerat quondam
 „ Didaco Moros ejus Fratri Germano,
 „ exequutori testamentario, qui bona
 „ fide, dum in vivis erat, eadem legata
 „ pia adimpleri curaverat; verum post
 „ ejus obitum de eodem Archidiacona-
 „ tu provifus fuerat dilectus Carolus de
 „ Capudoro, ad cujus favorem dile-
 „ ctus filius Provicarius Generalis Tur-
 „ ritanus, nesciebatur quo jure, decla-
 „ raverat Fratres Minores prædictos le-
 „ gatorum capaces tantum, factorum
 „ pro oleo lampadis, & linteaminibus in-
 „ firmorum, & incapaces pro reliquis,
 „ quæ Archidiacono prædicto adjudi-
 „ caverat, prout in ejus sententia dicitur
 „ contineri; unde dictus Syndicus, tam-
 „ quam unus de Populo, pro suffragio
 „ Animarum, pro quibus instituta fue-
 „ runt dicta legata pia, & pro sua pietate
 „ erga dictos Fratres de Observantia, qui
 „ in magna necessitate propter elemo-
 „ synarum deficientiam in prædicta In-
 „ sula Sardinia reperiebantur, prout ex
 „ attestatione juratorum, & Officialis
 „ Civitatis Turritanæ constare diceba-
 „ tur: Nobis humiliter supplicaverat, ut
 „ omnimodum adimplementum legato-
 „ rum, prædictorum Ven. Fratri Archie-
 „ piscopo Turritano, non obstante præ-
 „ dicta Pro Vicarii Generalis sententia,
 „ committere de benignitate Apostoli-
 „ ca dignaremur.

„ Instantia verò hujusmodi ad prædi-
 „ ctam Cardinalium Congregationem à
 „ nobis remissa, & de mandato ipsius
 „ Cong. citato dilecto etiam Filio Ale-
 „ xandro Bulla supradicti Caroli de Ca-
 „ pudoro Archidiaconi Procuratore,
 „ Syndicus prædictus plurimum cupie-
 „ bat declarari, prædictos Fratres Mi-
 „ nores de Observantia posse recipere
 „ præinserta annua legata Missarum,
 „ per modum puræ, & simplicis clee-

„ mosynæ, juxta doctrinam S. Bonaventuræ in quadam Constitutione fel. record. Urbani Papæ.

„ VIII. prædecessoris nostri, cujus initium; *Sacro sanctum Apostolatus Ministerium*, &c. proinde debere dictum Archiepiscopum Turritanum, tanquam executorem ultimarum voluntatum, & præcipuè piarum, curare omnimodum adimplementum eorum legatorum, & voluntatis dicti Petri Testatoris, compellendo hæredes, & detentores bonorum ad satisfactionem, ne animæ ejus Auctorum, & Benefactorum suffragiis defraudatæ remanerent. Emanavit ab eadem Cardinalium Congregatione decretum tenoris, qui sequitur. *Sac. Congreg. EE. S. R. E. Card. negotiis, & consultationibus Episcoporum, & Regularium præposita, Procuratore Archidiaconi Turritani sæpius citato, referente Eminent. D. Cardinali Portocarrero, decrevit esse dandas declarationes sæpe aliàs factas, videlicet Fratres Minores de Observantia non posse possidere census, & bona stabilia, posse tamen recipere per viam elemosynæ quicquid eis traditur ab executoribus ultimarum voluntatum pro celebratione Missarum, & Anniversariorum, & propterea censuit committendum, prout præsentis decreti tenore committit Archiepiscopo Turritano, ut ad limites prædictæ declarationis in causa, de qua supra agitur, procedat, & ad illius observantiam quantum opus fuerit, juris remediis, & in subsidium, etiam censuris Ecclesiasticis compellat. Roma 3. Augusti 1674. Card. Branciacius.*

Loc † Sigilii.

„ Cum autem sicut dictus Syndicus Nobis subinde exponi fecit, ut decretum hujusmodi firmitus subsistat, & observetur exactius, Apostolicæ Nostræ confirmationis patrocinio com-

„ muni summo perè desideret. Nos ipsum Syndicum, &c. absolventes, &c. Supplicationibus ejus inclinati, &c. Decretum præinsertum Autoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adiicimus, &c. sicque in præmissis per quoscumque Judices, &c. irritum, &c. Dat. Romæ apud S. Mariam Majoræ die 22. Augusti 1674. Pontificatus nostri anno quarto, &c.

„ 28 *Decretum Sac. Congreg. Episcop. & Reg. in una Lucana sub die 26. Martii 1677. ut in Regeſto ejusdem: Offervani di Lucca. Sacr. Congreg. &c. Sæpius declaravit Fratres Min. Observ. S. Francisci, quamvis attentæ dispositione, Exiit de Paradiso Clement. V. & constituit Nicolai III. Exiit, sint incapaces obtinendi census perpetuos, & bona stabilia, posse tamen per viam puræ, & simplicis elemosynæ recipere quicquid ab executoribus ultimarum voluntatum eis traditur, pro celebratione Missarum, pro ornamento Ecclesiæ, aliisque necessariis procurandis juxta doctrinam D. Bonaventuræ relatam in Confl. S. M. Urbani VIII. incipiente, *Sacro sanctum Apostolatus Ministerium*; atque in præfatis casibus executores ultimarum voluntatum curare debere, ut hujusmodi piæ dispositiones adimpleantur, ne Testatorum Animæ debitis suffragiis defraudatæ remaneant; quam quidem declarationem, illiusque tenorem in casu, de quo agitur, eadem Sac. Congreg. servari præcipit, committendo Ordinario Lucensi, pro tempore existentis, ut quatenus alius Executor non existat, prænarratam pii Testatoris dispositionem executioni demandet, &c.*

„ *Decretum Sacre Congregationis Fabr. editum 15. Decembr. 1646. ad providendum indemnitati Fratrum in annuis legatis, & occu-*

„ *rendum hæredum, vel executorum*
 „ *malitia.*

„ 29 Sac. Congr. Generalis R. Fabr. S.
 „ Petri de Urbe ad consulendum non
 „ minus indemnitati Fatruum Ord. Min.
 „ de Observ. S. Francisci, quàm provi-
 „ dendum malitiæ hæredum, & alio-
 „ rum, quomodolibet obligatorum, qui
 „ differunt ultra biennium illisolvere
 „ annua legata pia cum oneribus Missa-
 „ rum, seu Officiorum, vel etiam gra-
 „ tis, dictis Fratribus, seu eorum Ec-
 „ clesiis restita, ac in futurum relin-
 „ quenda, sub spe postea super illis pro-
 „ minori summa se componendi cum
 „ Commissariis, & aliis R. Fabr. Mini-
 „ stris, & Officialibus, prohibuit, &
 „ expresse mandavit Commissariis, Æ-
 „ conomis, Secretariis, & aliis qui-
 „ buscumque Officialibus, & Ministris
 „ R. Fabr. presentibus, & futuris, tam
 „ Urbis, & Status Ecclesiastici, quàm
 „ Regni Neapolis, & aliorum quorum-
 „ cumque Locorum, sub penis arbitrio
 „ ejusdem Sac. Congreg. ne de cætero
 „ cum hæredibus, vel aliis quomodoli-
 „ bet obligatis ad solutionem dictorum
 „ Legatorum, ad aliquam compositionem,
 „ remissionem, vel transacionem
 „ deveniant, sed ab illis omnes annatas
 „ supra biennium decursas, & non so-
 „ lutas, integraliter exigant, & exige-
 „ re faciant in beneficium dictæ R. Fabr.
 „ sine relaxatione alicujus minimæ por-
 „ tionis, seu quantitatis, servato in
 „ reliquis tenore Decreti in hac mate-
 „ ria ab eadem Sac. Cong. editi *sub die*
 „ 14. Februar. 1633. & compositiones,
 „ &c. eo ipso nullas, & irritas esse de-
 „ crevit, mandans, &c.

Epistola Sac. Congr. R. Fabr. concernens
capacitatem Fr. Minor. de Obser.
circa Legata.

„ 30 **M**olto Reverendo mio Ama-
 „ tissimo. Hà fatto rappre-
 „ sentare à questa Sacra Congregazione

„ della Fabrica il P. Commissario di Cor-
 „ te della Religione de Minori Offer-
 „ vanti di S. Francesco, come la Q. Bar-
 „ tolomea Ginchelli da Ancona lasciò
 „ al Convento di detta Città annui seu-
 „ dicinque, perche li celebrino un'Of-
 „ ficio con 30. Messe; e, che li Eredi
 „ ricusano pagarglieli, sotto pretesto
 „ della loro incapacità: Questa Sacra
 „ Congregatione altre volte dichiarò
 „ detti Frati capaci per modum elec-
 „ mosynæ: però *provederete il Legato*
 „ *si eseguisca, ne sotto il detto pretesto*
 „ *li Eredi ritardino il pagamento.* Go-
 „ vernandovi conforme al Decreto fat-
 „ to in questa materia, e conservatevi:
 „ Roma 31. Dicembre 1634. Tutto vo-
 „ stro: il Cardinal Lante. Andrea Ghet-
 „ ti Economo.

Alia ejusdem Epistola.

„ 31 **M**olto R. mio Amatissimo.
 „ Per parte delli Frati Min.
 „ Osserv. di S. Francesco d'Offida, è stato
 „ rappresentato à questa Sac. Congrega-
 „ tione, che il Capitano Alfonso Paoli-
 „ ni per il bisogno, che tenevano d'au-
 „ gumentare il loro orto, gli lasciò cer-
 „ to sito à quello contiguo, con peso d'
 „ una Messa la settimana. E perche à
 „ detti Padri è permesso ritenere simi-
 „ li orti per gli herbaggi necessarj: non
 „ solo non li proibirete, ma operarete
 „ ancora con la vostra autorità, che
 „ detti Padri godano il beneficio di det-
 „ to Legato, facendogli dalli Eredi con-
 „ segnare detto Orto lasciati, e con-
 „ servatevi. *Romali 2. Novemb. 1641.*
 „ Tutto vostro: il Cardinal Lante. An-
 „ drea Ghetti Economo apud Pitonium
 „ cit. num. 142.

Decretum S. C. Conc. in Faventina
legatorum.

„ 32 **I**n assignatione bonorum facta
 „ per Constantiam Severolam.,
 „ N 4 „ anno

„ anno 1657. ad effectum fundandi in
 „ Terra Mutilianæ, vel beneficium Ec-
 „ clesiasticum, vel Monasterium Monia-
 „ lium, tria onera Fundatrix imposuit.
 „ Primum, annuæ præstationis, lib.100.
 „ olei pro manutentione lampadis ante
 „ sacras Reliquias in Ecclesia Patrum
 „ Capuccinorum dictæ Terræ. Secun-
 „ dum, lib.25. Ceræ albæ pro usu ejus-
 „ dem Ecclesiæ. Et tertium denique,
 „ unius ferculi valoris solidorum 20. ip-
 „ sis PP. Capuccinis per singulas hebdo-
 „ madas subministrandi.

„ Secuta de anno 1686. Monasterii fun-
 „ datione, recusarunt Moniales submi-
 „ nistrare dd. præstationes, sub prætextu
 „ omnimodæ incapacitatis Frat. Capuc-
 „ cinorum. Quare ad instantiam Ale-
 „ xandri Ronconi, tamquam unius de
 „ Populo, citatis, & informantibus,
 „ quoque Monialibus, declarari humi-
 „ liter supplicatur.

„ 1 An Monasterium Monialium teneat-
 „ ur subministrare singulis annis di-
 „ ctas libras centum olei, & 25. ceræ albæ
 „ pro usu Ecclesiæ Frat. Capuccinorum?

„ 2 An similiter teneantur præstare
 „ singulis hebdomadis supradictum fer-
 „ culum bononensorum 20. pro ipsis Ca-
 „ puccinis?

„ Die 2. Martii 1697. S.Cong.C. ad pri-
 „ mum respondit affirmative.

„ Ad secundum, servanda esse decreta
 „ Congreg. Fabricæ die 14. Febr. 1633.
 „ supra num.26. apud Pitonium cit. nu-
 „ mer.175.

„ 33 Denique, pondera Fratres Min.non
 „ posse in fundatione Conventuum paci-
 „ fici, & convenire cum Fundatoribus pro
 „ annua solutione pecuniæ ad emendam
 „ pitantiam, vel pro frumento, vino, &
 „ similibus, quia debent ex mendicato
 „ vivere; præfata autem ipsorum mendi-
 „ citati repugnant, & contra Regulam,
 „ ac præfatas Regulæ declarationes reci-
 „ piuntur, & in pactum deducuntur; nam
 „ accedunt ad naturam annui redditus,
 „ quorum ipsi incapaces sunt. Quod, si

Fundatores velint spontè aliquid ipsis
 conferre, possunt id per viam simplicis
 eleemosynæ recipere juxta superius di-
 cta; sed caveant, ne id in pactum de-
 ducant; nam nulla esset pactio, & con-
 ventio contra Regulæ puritatem cele-
 brata, cum incapaces sint, vel se obli-
 gandi civiliter erga alios, vel terminan-
 di obligationem civilem in aliis funda-
 tam ad ipsos; quinimodò etiam, quando
 Fundatores vellent ex sua libera volunta-
 te aliquid dare, vel legare, semper esset
 ab ipsis præmitenda protestatio, de qua
 supra sub num.13.

34 Item, dd. FF. vel pro eis Syndicum
 non posse institui hæredes, etiam hac le-
 ge, ut bona hæreditatis vendant, & pre-
 tium erogat in reparationem Ecclesiæ,
 Capellæ, sacrarum suppellectilium, &c. ut
 probat Fagnan. ad cit. cap. nimis prava
 num.33. & ego dixi cit. cap. Offic. Curia
 num.18. ratio est, quia est eorum statui
 repugnans; maxime, quia sic instituti,
 non desinunt esse hæredes, consequen-
 ter tenentur ad omnia jura, & onera
 defuncti; & sic quomodo consultum ef-
 set creditoribus? Quis teneretur de evi-
 ctione, si bona hæreditatis distracta e-
 vincerentur, aut alia impleter, quæ ab
 hæredibus præstari oportet? Non ipsi
 Fratres, qui non possunt actione perso-
 nali conveniri, quorum inopia omnem
 actionem excludit, & reddit inanem, &
 quibus Clement. cit. §. Amplius, similibus
 actionibus se immiscere prohibetur, ut per
 hoc scandalum proximorum evitetur, &
 puritati satisfaciunt sui voti: ut ibi ex-
 pressè textus. Lege, quæ dixi cap.30. Offic.
 Cur. Ecclesiæ.

CAPUT XXXIII.

Prop. XLIV. ab Alex. VII. &c.

Praxis quoad absolutionem à censuris.

I PROP.44. Quoad forum conscien-
 tia, reocorrecto, ejusque contum-
 acia cessante, cessant censura.

Est communis sententia DD. nullum à
 cen-

censura incurfa liberari, nisi absolutione data ab eo, qui ad id iurisdictione, vel ordinaria, aut delegata non caret; nam finis censuræ (quæ utique est pœna, sed medicinalis, ex cap. Cùm medicinali *de sent. excom. in 6.*) est peccantem corrigere, & emendare, ergo non debet censuratus absolvi, nisi emendatus à contumacia legis recedat, & Ecclesiæ satisfaciatur; idque Superiori notum esse debet, contra Auctores propositionis; occasione cuius hic pro praxi absolutionis à censuris aliqua aperiam.

2 Quæritur, quid sit censura?

Resp. Est pœna spiritualis inflicta ab Ecclesiastica potestate, privans hominem baptizatum usu aliquorum bonorum spiritualium, donec à contumacia recedat, vel ad ejus correctionem.

3 Quæritur, quotuplex sit censura?

Resp. Triplex, ex cap. *Quærenti de verb. signif.* excommunicatio, suspensio, & interdictum.

Interdictum est censura Ecclesiastica in locum, vel personam lata, prohibens usum quorundam Sacramentorum, divini officii, & sepulturam interdictis ministrari. Aliud est locale, cum interdicatur locus, ne in eo prædicta exercentur; aliud personale, cum interdicatur persona, ne in eis ad præfata admittatur; & aliud mixtum, cum locus simul, & personæ interdicuntur.

4 Sacramenta prohibita in interdicto. Vide apud Piafec. *prax. cap. 4. art. 11.* & in cap. *quod in te de panit. cap. permittimus de sent. excommunic. & capit. alma mater eo tit. in 6.*

5 Suspensio, est censura, qua Ecclesiastica persona inibetur exercitium sui officii, Ordinis, seu iurisdictionis Ecclesiasticæ in totum, vel in partem, ob culpam, & contumaciam; in totum, tunc contingit, quando non modo functiones ordinis prohibentur, ut administrare Sacramenta, celebrare Missam, eique ministrare, sed & functiones iurisdictionis, ut absolvere à peccatis, censu-

ris, conferre beneficia, ac perceptiones reddituum provenientium ex beneficio, &c. in partem verò, cum unus, vel alter spiritualis officii actus prohibetur, ut, si Sacerdos ab audiendis Confessionibus, vel à celebratione Missæ suspendatur; & quia effectus suspensionis non sunt connexi inter se, sed in potestate suspendentis, suspensus à celebratione, ex vi hujus, non intelligitur suspensus ab audiendis Confessionibus, si sit approbatus.

6 Excommunicatio est censura, per quam homo baptizatus ab Ecclesiæ communione separatur; & est duplex, Minor, & Major.

7 Minor est censura, quæ privat solum passiva Sacramentorum receptione, cap. *si quem de sent. excom. & cap. à nobis de exceptionibus*; unde, si excommunicatus excommunicatione minori ante absolutionem aliquod Sacramentum recipiat, mortaliter peccat, ita DD. communiter, sicut mortaliter delinquit, si celebrat, sed non fit irregularis cap. *si celebrat de Cleric. excom. ministran.* dum verò Sacramenta ministrat, si sine necessitate faciat, delinquit venialiter ex alleg. cap.

8 Quæritur, quando incurratur excommunicatio minor?

Resp. Cùm quis in vetitis communicat, & participat cum excommunicato majori excommunicatione cap. *Constitutione de sent. excom. in 6.* verum est debet esse non toleratus, hoc est, denunciatus, vel declaratus, aut notorius Clerici percussor Piafec. *cit. art. 13. num. 23.*

9 Casus, in quibus est vetitum cum eo communicare, referuntur cap. *nuper de sent. excom.* & isto comprehenduntur carmine.

Os, orare, vale, communio, mensa negatur.

Os, significat osculum, colloquutionem, etiam per nutus, literas, & interpositam personam: signa amicitiae, munera recipere, mittere, & similia.

Orare, cum eo divinis officiis interesse; pro

pro eo publica oratione orare ; in privata non est prohibitum.

Vale, salutationem, verbo, facto, vel signo, ut aperire caput, dare locum decentiorem, &c.

Communio, commercium in eodem negotio, cohabitationem in eadem domo, societatem in eodem itinere ; excommunicatus majori excommunicatione privatur communicatione forensi, & sic non potest esse Judex, Testis, Advocatus, Tabellio, Procurator, Tutor, Curator, &c.

Mensa, convictum in eadem mensa, & convivio ; undè, si capta mensa excommunicatus superveniat, teneris discedere.

10 Dantur causæ, propter quas licet communicare cum excommunicato non tolerat, & sequenti exprimuntur versiculo

Utile, lex, humile, res ignorata, necesse.

Utile, significat utilitatem communicantis ; in civilibus potest quis petere solutionem debiti, à Medico medicinam, consilium à Doctore, necessaria ad victum emere à Mercatore, excommunicatis ; quando hæc æquè bene non possint haberi ab alio, non sic excommunicato.

Lex, nimirum matrimonii, operatur, ut uxor possit communicare cum Marito excommunicato, cap. *Quoniam* 11. qu. 3. tam, quoad debitum conjugale, quàm curam domus, & mensam ; idem dicitur de viro respectu uxoris, quàm tamen debet cogere ad petendam absolutionem, si possit.

Humile, significat hominem subjectum posse participare cum excommunicato, ut servus cum Hero, Religiosus cum suo Prælato, cum Episcopo Clericus, qui sit de ejus familia, Miles cum Duce, filius, vel naturalis, sive legitimus, & emancipatus cum Patre.

Res ignorata, significat ignorantiam, sive juris, quod scilicet non sit prohibi-

tum communicare cum excommunicatis ; sive facti, quod quis non sit excommunicatus ; quæ (modò affectata non sit) excusat cit. cap. *Quoniam* ; & si quis dubitat, tenetur veritatem inquirere, & interim abstinere, sicut, si quis sciret Petrum hic Romæ esse publicè denunciatum excommunicatum, non teneretur cum Venetiis, ubi nil de tali excommunicatione scitur, in publico vitare, bene verò privatim.

Necesse, significat magnam, & urgentem necessitatem, vel excommunicati, vel participantis, cap. *inter alia*, cap. *si vere de sent. excom.*

11 Major est censura *Ecclesiastica separans hominem baptizatum ab externa communicatione fidelium, tam in civilibus, quàm in divinis ; & privans communibus, ac publicis Ecclesiæ suffragis, ut Missa, Indulgentiis, recitatione publica horarum, & ceteris publicis spiritualibus exercitiis, eorumque fructu, excepta concione*, DD. communiter.

12 Quæritur, an irregularitas sit censura ?

Resp. Conveniunt DD. illam ex defectu non esse ; dubitant de illa ex delicto, sed communior negat, etiam de ista Bonac. alique, & patet, ex ipsius definitione, in qua dicitur, quod est *inhabilitas, seu impedimentum canonicè introductum ad suscipiendos Ecclesiasticos Ordines, vel ad ministrandum in jam susceptis* : & non dicitur pœna. In solis casibus in jure expressis incurritur, DD. communiter : Incurritur, dum Clericus censura affectus solemniter, vel ex officio ministrat in ordine Sacro, quem habet, vel quem non habet, exerceat, aut aquam benedicat, vel solemniter baptizet sine licentia, Diaconus celebret, prout videre est tit. de *Cleric. excom. ministran.* & cap. 1. & 2. de *Cleric. non ordinato capit. cum aeterni de sent. & rejud. in 6. cap. is de pœnit. & remis. in 6.* Layman. Bonacc. & De la Cruz artic. 1. de *conf. in com. dub. 2. conc. 2.*

13 Irregularitas à censuris per Dela Cruz ibid. distinguitur, quia per irregularitatem arcemur directè, & immediatè ab Ordinibus, ut Ordines sunt, sed non ut Sacramenta, nec fructus orationum Fidelium privamur; per Excommunicationem verò ab eis immediatè, & directè arcemur, ut sunt Sacramenta, & communicatio cum fidelibus; per Suspensionem, ut sunt officia Ecclesiastica, & per Interdictum, ut res spirituales.

14 Quæritur, *quam differentia sit inter censuram latam abjure, & latam ab homine?*

Resp. Hæc, quia illa ab jure (quæ etiam dicitur censura in canone contenta) est perpetua, & fertur à Legislatore cum intentione condendi legem, & statutum perpetuum; quod statutum nec morte ferentis, nec officii depositione extinguitur; illa verò ab homine non est perpetua, & fertur per legem, seu præceptum Superioris, quod solum durat, dum perseverat ejus jurisdictio. Verum utraque incurfa durat, quousque relaxetur, nam jure communi cavetur, ut nemo liberetur à censura incurfa sine absolutione.

Utraque, & est lata, & ferendæ sententiæ: illa lata sententiæ, statim ante Judicis cõdemnantis sententiam incurritur, per verba significantia non solum comminationem in futurum, sed actionem inflictivam censuræ, ut jam existentis: ut, *ipso facto, ipso jure excommunicetur: excommunicamus, volumus, vel declaramus esse excommunicatum: absque ulla alia declaratione*: ceterum, ut quis in foro externo sit excommunicatus, exigitur declaratio delicti, hoc est, constare debet delictum, ob quod censura incurritur, fuisse patratum. Illa verò ferendæ sententiæ, est, quando Superior, vel Legislator utitur verbis dubiis, vel significantibus censuram imponendam de futuro, ut *prohibemus sub censura, noveris te incursum censuram, volumus excommuni-*

cari, &c. vide DD. & sufficiat hæc de censuris in communi notasse, modò ad praxim.

15 Quæritur, *an quivis Sacerdos possit absolvere ab excommunicatione minori?*

Resp. Affirmativa sententia fuit olim communis propter facultatem, quam quivis Sacerdos pretendebat in venialia; propterque ipsa incurritur; sed est falsum, quemlibet Sacerdotem posse à venialibus absolvere ex dictis *cap. 9. nu. 11.* ergo ad absolvendum in foro Sacramentali debet esse approbatus ab Ordinario.

16 Quæritur, *quomodo possit absolvere ab excommunicatione majori?*

Resp. Si non sit reservata, nec ab homine lata, potest quilibet Sacerdos approbatus; nam, dum labor excommunicationem sibi non reservavit, videtur concessisse facultatem aliis habilibus absolviendi, *cap. Nuper de sent. excom.* ut *infr. nu. 68.* A lata ab homine, & à reservata debet absolvere, vel is, qui eam tulit, vel alius, cui ipse commiserit. *cap. cum ab Ecclesiarum de off. ord.* etiam si excommunicatus domicilium extra territorium excommunicantis mutet: excipitur mortis articulus.

17 Quæritur, *an, cum conceditur facultas absolviendi à censuris, Papæ reservatis, possit absolvi ab illis contentis in Bulla Cœna, quando non est facta mentio Bullæ.*

Resp. Negativè, quia in concessione generali non comprehenduntur casus Bullæ propter eorum specialem reservationem. Papæ enim aliæ reservantur censuræ, videndæ in const. Apostolicis, & ideò scriptum verificatur, licet non extendatur ad illas Bullæ.

Præxim Confessoris cum infirmo ligato censura Bullæ Cœnæ, hæresis, vel alia reservata legas *cap. 2. nu. 15. & cap. 3. nu. 7.*

18 Quæritur, *an possit absolvi ab ordinario Confessorio, approbato, qui in Clericum, vel Monachum manus violentas injecerit?*

Resp.

Resp. Negativè, nam innodatur excommunicatione Papæ reservata, quæ incurritur ob violentam injectionem manuum in Clericum, cap. *si quis suadente, &c. in Clericum, vel Monachum* 17. qu. 4. & est casus eidem reservatus ex decreto Clement. VIII. prout supra cap. 8. §. 4. ibi videas.

19 Sed quid, *si quis propinaret Clerico venenum, & Clericus sumeret?*

Resp. Non potest absolvi, quia censuraligatur, ita Sperel. dec. 20. ratio est, quia maxima offensio, & violentia resultat ex propinatione veneni, statim enim, ac venenum haustum est, operatur ad mortem, licet statim non sequatur, vide tom. 1. off. Curia cap. 23.

20 Sed quid, *si ex odio in Clericum, vel Monachum mortuum manus violentas iniiciat?*

Resp. Sperellus decif. 21. probat esse excommunicatum, ex quo privilegio Canonis gaudeant in memoriam pristinae dignitatis; ponderavit enim Felinus Privilegium Canonis non esse datum ratione Ordinis præcisè, cum sit etiam datum Conversis, Laicis Religiosis, & Novitiis, cap. *non dubium de sent. excom.* & ideo absolvi non potest; propter quod ego ibid. ad Sperellum accessi. Sed id non placet Fagnan. in 5. cap. à nobis il seculo de sent. excom. nu. 29. nam Canon. *si quis suadente*, loquitur de Clericis, corpus autem mortuum non est Clericus, quia characterem non habet, quod non corpori, sed animæ imprimitur; & sicut præcidens caput mortui, non fit irregularis, quia cadaver mortuum non est homo; sic in casu, quia corpus mortuum non est Clericus, excommunicationem ipsam non incurrit. Nec obstat, quod privilegium Canonis sit datum, etiam Conversis, & Novitiis non ordinatis, quoniam datur eis, dum vivunt, non autem post mortem; utraque sententia est probabilis, secunda tamen minus magis placet, & ideo retracto dicta offic. curia capit. 23. numero 31. verum

percutiens semper peccat.

21 Sed quid, *si explodens sclopus in Clericum, non ex pila, sed ex strepitu territus, Clericus decedat?*

Resp. Est excommunicatus, & non potest absolvi, quia hæc actio censetur iniuriosa, & violenta in Clericum, clamor enim sclopi tangit ipsum, & violentiam maiorem ei non potest inferre. Bonacc. de cens. disp. 1. quest. 4. punct. 1. §. 1. nu. 12.

22 Queritur, *an possit absolvi, qui percutit Clericum consentientem percussioni?*

Resp. Negativè, quia est excommunicatus, cum injuriam inferat Ordini Clericali, in cuius favorem, & non solum Clerici ordinati, Canon. fuit promulgatus, cap. *contigit il primo de sent. excommun.* immò, & ipse Clericus consentiens excommunicatur, quia injuriam infert statui Clericali.

23 Queritur, *an possit absolvi, qui Clericum, vel Monachum invenit cum matre, sorore, & propria filia, venerem, vel impudicos amplexus exercentem, aut in loco suspecti confortii, & percutit, vel occidit?*

Resp. Affirmativè, quia, licet mortaliter peccet, non censetur excommunicatus, cap. *si verò il 1. de sent. excom.* modò ex dolo, & fraude Clericus ad dictas personas non invitetur, ut deprehensus ibid. lædatur; verum censura ligatur, si statim non percutiat, aut occidat, sed interposito temporis spatio, quo iustus dolor sedari posset; vel, si cum aliis consanguineis reperiat peccantem, ut ibi in terministextus.

24 Sed quid, *de semina honesta, quæ Clericum, vel Religiosum ad turpia provocantem percutit?*

Resp. Si alia via, ut fugiendo, vociferando, vel alio modo se tueri non possit, & provocatio fiat facto, & non solo verbo, ab excommunicatione excusatur. Toletus, & Diana cum Navarro, & sic absolvi potest.

25 Queritur, *an absolvi possit, qui vim*

vim vi repellendo percutit, vel occidit Clericum, vel Religiosum iniustum aggressorem?

Resp. Affirmativè, quia excommunicatione non ligatur *ex alleg. cap. si verò, & cap. ex tenore*, modò cum moderamine inculpatae tutelæ, sic scilicet, ut non ad vindictam sumendam, sed ad injuriam propulsandam, & se defendendo percussio, vel occisio sequatur, juxta dicta *cap. 13. num. 11.*

26 Quæritur, *an possit absolvi mandans Clerici percussorem?*

Resp. Negativè, quia, effectu sequuto, excommunicatione innodatur, *cap. Mulieres, §. Illi verò sit. cit.* nec obstat, si mandatum revocaverit, nisi curaverit notitiam de revocatione ad mandatarium pervenire, priusquam occidat, vel percutiat. Idem valet de Sociante homicidæ animo occidendi, *cap. sicut il 1. de homicid. §. autem*, & de non impediende, qui tenetur impedire, ut Reges, Judices, Superiores, Patres, Majores, Heri, Parochi, & similes, respectu filiorum, & subditorum, quorum cura ipsis data est, *cap. quanta de sent. excom. Bonac. disp. 3. q. 4. quæres 1. num. 9.* & de ratum habente, cum ad eum pervenerit Clericum suo nomine fuisse percussum, licet percutienti non commiserit *cap. cum quis de sent. excom. in 6.* quia, ut ibi textus *ratihabitio retro trahitur, & mandato debet comparari*: super quo Gloss. *ver. Titius, notat*: ratihabitionem trahi retro, & operari idem, ac si in principio actus intervenisset: secus dicendum, si rata habeatur percussio, non suo nomine facta, licet graviter peccet.

27 Sed quid, *de eo, qui consulit Clerici percussorem, & postea revocat consiliam, sed adhuc consultus ad percussorem procedit?*

Resp. Mihi satis probabilis est solutio Layman *lib. 1. tract. 5. par. 2. cap. 5. à nu. 7.* ubi hæc sunt: quæ alteri, propositis rationibus, homicidium Clerici persuasit, si eas postea seriò, & quatenus potest effi-

caciter retractet, non incurrit excommunicationem, quamvis postea homicidium sequatur; ratio est, quia quilibet prudens certè præsumet, quòd, cum sit persuasus contrariis rationibus, præponderantibus jam datis, homicidium postea sequutum non consulens consilio, & suasioni, sed propriæ malitiæ, quæ dissuasionem, seriò oblatam noluit acceptare, debeat adscribi.

28 Quæritur, *an Comes triremium, vulgo Aguzzino di Galera, incurrat excommunicationem Canonis, percutiendo Clericos, & Religiosos Galeotas?*

Resp. Negativè, modò percutiat, sicut cæteros remigantes: secus si ob alias causas, sicut alius quilibet, qui rixando illos percuteret, Sum. Leand. *ver. degradat. num. 3. Bonac. disp. 2. qu. 4. punct. 3. num. 4.*

29 Sed quid, *de Magistro, & Superiore, qui causâ disciplina, & correctionis Clericum, & Religiosum percutiunt?*

Resp. Non incurrunt excommunicationem, quia id non suadente diabolo, sed suadente iustitia, charitate, & zelo Dei, ac disciplinæ efficiunt, *cap. ex tenore, & cap. cum voluntate de sent. excom.* modò castigatio non ex irato animo procedat, *ex Gloss. ver. inferiorum graduum*, & sit moderata, ac sine notabili excessu, aliàs censura non evitabitur.

Verùm, si Magister, & Superior, &c. sit Laicus, possunt tantùm causa disciplinæ percutere filios, & subditos in Minoribus constitutos, ut expresse *alleg. cap. cum voluntate*; indecens enim est statui Clericali, Laicis concedere potestatem corrigendi Clericos in Sacris; & hinc, nec ipsi Prælati possunt per Laicos, Clericos, vel Monachos punire; aliàs, tam mandans, quàm Mandatarius censura ligatur *cap. universalitatis cit. tit.*

30 Quæritur, *an occidens Clericum, quem putabat esse feram, vel hominem laicum, incurrat excommunicationem Canonis?*

Resp. Negativè, ratio est, quia probabilis

bilis ignorantia facti excusat à censura, ex cap. *si verò il 2. de sent. excom.* nam; qui ignorans est, non potest dici contumax contra prohibitionem Ecclesiæ, & legem contemnere, modò ignorantia non sit crassa, sed sit invincibilis, vel probabilis vid. *lib. 2. cap. 39. num. 2.*

31 Sed quid, *si percutiens Clericum, quem dubitat esse Clericum, nullam, vel modicam adhibuit diligentiam ad se certiorandum, an esset Clericus?*

Resp. Ligatur excommunicatione, nam iste laborat ignorantia crassa, & vincibili, quæ ab excommunicatione non excusat. *Bonac. disp. 1. qu. 2. punct. 1. num. 18. & Engel. jus can. lib. 5. tit. 39. §. 1. num. 10.*

32 Quæritur, *an procurans baculo, vel lapide Titium Clericum percutere, si casu, & errore manus offendat Cajum Clericum, excommunicatione ligetur?*

Resp. Negativè, ratio est, quia in eo non fuit intentio nocendi Cajo, & quod ipsi nocuerit, fuit præter intentionem; modò diligentiam adhibuerit, ne ictus perveniret ad Cajum, vel sufficienter inquisierit, an ille, qui errore manus percutitur, esset Clericus, & cognoverit non esse. *Engel. cit. & ex Suarez, Bonac. num. 19.*

33 Sed quid de eo, *qui nocte volens percutere Titium Clericum, percutit Sempronium Clericum, quem ex incesu cognovit esse Clericum, putat tamen esse Titium, & non Sempronium?*

Resp. Ligatur excommunicatione, ac si Titium percussisset, quia ejus intentio fuit Clericum percutere, & defacto percussit, quamvis in persona erraverit, & hinc tam intentio, quam opus externum fuerunt injuriosa statui Clericali; in cuius reverentiam imposita fuit excommunicatione.

34 Quæritur, *an percutiens Laicum credens percutere Clericum, & ex percussione ipsius incurri excommunicationem, excommunicatione ligetur?*

Resp. Negativè, ratio est, quia id in

jure non exprimitur; nec erronea conscientia inducit excommunicationem, sed legitimus Superior. Adverte, quòd in casu peccaret peccato Sacrilegii interni, propter intentionem contra personam Clerici, non verò Sacrilegio externo, quia opus externum non foret contra Clericum.

35 Quæritur, *an percutiens plures Clericos, successive, plures incurrat excommunicationis Canonis?*

Resp. Affirmativè; tot incurrit, quot Clericos percutit; ratio est, quia percussiones sunt plures formaliter, & numero distinctæ, sicut sunt plura numero distincta objecta, & plures Clerici, *Bonac. disp. 1. qu. 1 punct. 5. num. 6.*

36 Sed quid, *si simul, & eodem tempore uno ictu tres Clericos percutiat, vel occidat?*

Resp. Tres excommunicationes incurrit; hæc est sententia tutior, quam tuetur Navarrus, Zerola, Sayrus, Ugolinus, alique; ratio est, quia pluralitas peccatorum sumitur, etiam ex multiplicitate personarum, & objectorum; sed in casu sunt tres Clerici, quibus omnibus injuria, & læsio infertur, ergo tria peccata, ergo tres censuræ, sicut tres percussiones passivæ.

37 Sed quid, *si eundem Clericum pluribus verberibus percutiat, & pluribus ictibus perfodiat?*

Resp. Si eodem impetu ira simul, & sine interruptione verberat, unam tantummodò excommunicationem incurrit, ratio est, quia censetur una tantum actio moralis, una percussio, una transgressio, unum delictum; si verò verberet successive cum morali interruptione unius percussiois ab altera, tot censuras incurrit, quot sunt percussiones numero distinctæ moraliter interruptæ; nam toties injuria Clerico irrogatur.

38 Quæritur, *an percutiens Monachum Prima Tonsura initiatum duplici censura ligetur?*

Resp. Affirmativè, ratio est, quia in

Monacho sunt duæ circumstantiæ mutantes speciem, nam illa Monachi differt specie ab illa Clerici, cum alia ratione ei debeat reverentia, ut Clerico, & alia, ut Religioso, ideò quamvis sit una percussio materialiter, & entitative, formaliter tamen sunt plura peccata, & transgressiones.

39 Quæritur, an possit quilibet Confessarius, approbatus ab Ordinario, absolvere excommunicatum propter percussione Clerici, in casu aliquo necessitatis, qui non sit articulus mortis, ut, si propter aliquod legitimum impedimentum non possit Sedem Apostolicam pro absolutione adire; puta, si foret femina, senex, puer, impubes, infirmus longa infirmitate, non periculosa, Cæcus, Claudus, Debilis, qui ad tale iter suscipiendum impediti censentur juxta a cap. ea noscitur, cap. Nuper, cap. Mulieris, cap. de Monialibus, capit. Quamvis de sentent. excommunic.

Resp. Negativè, nam prohibetur in dèc. Clement. VIII. per dicta cap. 8. nu. 20. In casu veri impedimenti adeundi Sedem Apostolicam instruantur de recurso ad Sacram Pœnitentiarium per Epistolam, vel Procuratorem pro absolutione obtinenda.

40 Quæritur, quid ab absolvendo ab excommunicatione reservata ante absolutionem sit exigendum?

Resp. De hac rediximus cap. 2. num. 15. legas cap. ex tenore de sent. excom. & cap. super de raptor.

41 Ad dubitatur, an valida sit absolutio, qua datur excommunicato, antequam parti laesa sit satisfactum, vel priusquam iuramentum sit præstitum de parendo in posterum mandatis Ecclesiæ?

Resp. Affirmativè, ex cap. Venerabilibus de sent. excom. in 6. §. Sanè in fine; excipitur casus Bullæ Cœnæ juxta notata, cap. 3. num. 26. Sed Confessarius peccat, quia in re gravi facit contra Sacros Canones.

42 Quæritur, an qui hac lege est excommunicatus: sis excommunicatus, donec satisfacias, vel restituas: tollatur censura statim, ac quis satisfecerit, vel restituerit, absque absolutione verbali, solita dari à Ministro Ecclesiæ?

Resp. Negativè, ratio est, nam, licet satisfecerit, non habetur ab Ecclesia pro absoluto, sed absolvi debet, cap. quod in dubiis de sent. excom. ergo non statim tollitur excommunicatio: ideò sensus hujus clausulæ: sis excommunicatus, donec satisfacias: est, excommunicatum non posse absolvi ante satisfactionem, posse verò, ea præstita. Bonacc. disp. 4. quæst. 3. punct. 9. num. 10.

43 Quæritur, an ob diversas culpas, & contumacias pluribus excommunicationibus, si vè numero, si vè specie distinctis, ligatus, ut, propter violentam manuum infectionem in plures Clericos, vel propter istud, & violationem immunitatis Ecclesiastica, absolutus ab una, censetur absolutus ab omnibus?

Resp. Vel petens, petit absolutionem ab una, vel ab omnibus, si ab una, quoad eam tantum absolvitur, non quoad reliquas; hinc, qui tres Clericos percussit, & petit absolutionem à censura, incurfa ob percussione unius Clerici, aliis non expressis, ab una solum censura absolutus remanet, cap. ex parte de offic. ord. & cap. cum pro causa de sent. excom. Piafec. prax. Episp. 2. cap. 4. ar. 1. 3. nu. 30. ratio est, quia absolutio ex Bonaccina cit. disp. 1. qu. 3. punct. 5. debet accomodari petitioni, ideò, si petitio limitata est, limitata est absolutio; si petit ab omnibus, debet exprimere numerum, quantum possibile est, & causas, ob quas fuit excommunicatus, ex Gloss. ad cit. cap. ex parte in princip.

44 Quæritur, an possit, quis absolvi à peccatis, non dum absolutus ab excommunicatione?

Resp. Affirmativè, in casu, quo confiteatur peccata, & inculpabiliter ignoret,

se esse ligatum censura, vel, dum in Confessione ex inculpabili inadvertentia censuram aperire omittit, vel, dum Confessarius ex oblivione, aut malitia eum solum à peccatis absolvit; ratio est, quia talis recipit valide Sacramentum Pœnitentiæ, tam quoad substantiam, quam, quoad fructum gratiæ, & remissionis peccatorum; quoad substantiam, quia adest materia, forma, & intentio, ac iurisdicção, ut suppono: quoad fructum etiam, quia res, quæ culpa caret, in damnum vocari non convenit, *cap. cognoscentes de consp.*

45 Ceterum dum cognoverit se censuram esse innodatum, tenetur petere absolutionem censuræ, & confiteri peccatum, cui annexa fuerit censura ommissa; nisi forte confessus sit Confessario, habenti facultatem absolvendi ab illa censura, & ab eo obtinuerit generalem absolutionem à censuris; nam tunc non tenetur in posteriori Confessione aperire peccata oblita, ut à censura absolvatur, sed, ut integre confiteatur peccata. Bonacc. *disp. 22. quæst. 2. punct. 2. num. 2. de excom.*

46 Quæritur, an in articulo mortis quovis Sacerdos possit absolvere ab excommunicatione reservata?

Resp. Affirmative, juxta Decret. Trid. *sess. 14. cap. 7.* de casuum reservatione, sed ad praxim deduces dicta *cap. 2. num. 15.* & notabis in eo articulo non posse quemlibet simplicem Confessarium dispensare ab irregularitate, aut absolvere à suspensione ab Ordine, Officio, vel Beneficio: ratio est, quia irregularitas, & suspensio à præfatis non retardant à consecutione gloriæ, nec impediunt susceptionem Sacramentorum, & ideo non est paritas de excommunicatione.

47 Quæritur, an sit aliqua forma adhibenda in absolutione ab excommunicatione, suspensione, & interdicto?

Resp. Cum quis pro foro interno, & in Sacramento penitentiæ absolvitur à censuris, sufficit proferre illa verba, *Domi-*

nus, &c. & ego absolvo te à vinculo excommunicationis, suspensionis, & interdicti, ut tradit Rituale Romanum de Sacrament. *panit.*

48 Cum verò est quoque quis pro foro externo absolvendus, si absolutio sit ab excommunicatione, præmisso *Misereatur, &c. Indulgentiam, &c.* dicendum est: *Dominus noster Jesus Christus te absolvat, & ego auctoritate ipsius, & Sanctissimi D.N. Papæ N. vel Reverend. Episcopi N. aut Reverend. Generalis, &c.* (cum absolvit ex delegatione ab eis respectivè habita) *mibi concessa, absolvo te à vinculo excommunicationis, (vel excommunicationum) in quam incurristi (vel incurrisse declaratus es) propter tale factum, vel causam (ut percussione Clerici, violationem immunitatis Ecclesiasticæ) &c. & restituo te Communioni, & Societati fidelium, & Sacramentis Ecclesiæ, in nomine Patris, &c.*

49 Pro absolutione à suspensione dicendum: *Dominus, &c. & ego, &c. absolvo te à vinculo suspensionis, quam propter tale factum, vel causam incurristi, & restituo te executioni tui muneris, vel Ordinis, vel ad tuum beneficium, in nomine, &c.*

50 Pro absolutione ab interdicto, aliis præmissis, *ego, &c. absolvo te à vinculo interdicti, quod propter tale factum, vel causam incurristi, vel incurrisse declaratus es, & restituo te executioni ordinum, & participationi bonorum, quibus ob interdictum remanebas privatus, in nomine, &c.*

51 Cum verò agitur de tollenda irregularitate (quæ non sub absolutione, sed sub dispensatione cadit) post absolutionem à censuris dicatur. *Eadem auctoritate mibi commissa, dispenso tecum super irregularitate, in quam ob talem causam ver. gr. propter homicidium, aut ministerium Ordinis sacri in excommunicatione, vel similem, &c. incurristi, & habilem reddo, ac restituo te executioni Ordinum, & Officio-*

ciorum tuorum, in nomine Patris, &c.

Nota, Sacerdotem ligatum excommunicatione majori, & simul irregularem, absolutum ab excommunicatione, & non dispensatum ab irregularitate, non posse licite celebrare, & si celebrat, mortaliter peccat.

52 Agunt etiam DD. de excommunicatione, quæ fulminatur in monitoriis ad finem revelationis, hoc est, ad revelanda furta, res subtractas, aut deperditas, vel rem alienam restituendam, juxta extravag. Infidelis Joan. 22. *inter extravag. sub tit. de furtis, & cap. 3. Trid. sess. 25. & Constit. B. Pii V. incip. Sanctissimus in Christo apud Quaranta Bullar. ver. excom. ad fin. revelat.* de qua re videndus Piassec. *cit. cap. 4. art. 13. num. 15.* Engel. *cit. §. 1. num. 22.* Quilici Confess. *manud. qu. 4. art. 4.* Genuen. *prax. cap. 2.* ex quibus aliqua transferimus pro praxi Confessarii.

53 Quæritur, *an principalis, seu fur teneatur se revelare, & possit compelli excommunicatione, non solum ad restituendum, sed etiam ad revelandum se rem detinere?*

Resp. Disicio pendet à tenore monitorii, si datum sit, tam contra principalem non restituentem, quam non revelantem, tunc tenetur restituere, & revelare sub pena excommunicationis; si vero sit latum contra principalem non restituentem, & contra alios scientes, occupatores, & non revelantes, sub excommunicatione, alii, ac ipse non, tenentur revelare, sed ipse sub ea pena restituere tenetur.

54 Sed quid, *si ei immineret periculum majoris damni in vita, vel fama?*

Resp. Non tenetur, se revelare arg. in c. *officii de pœnit. & remis.* verum tunc debet, si potest occulte restituere, vel alio modo cum parte concordare, saltem per interpositam personam, quæ nomen principalistaceat, vel ei remissionem debiti impetret.

55 Sed quid etiam, *si in compensatio-*
Matthæucci Cautela Confess.

nam justam sui veri debiti retineat rem, de qua queritur?

Resp. Ex Quilici, & Genuen. tunc non tenetur se manifestare, nec restituere, cum tunc non sit in peccato mortali, ratione cujus fertur excommunicatio; peccavit tamen, dum sibi compenavit, juris ordine non servato, non expectando exitum causæ; verum si aliis furtum esset imputandum, crederem debere se prodere, vel rem restituere.

56 Sed quid, *si principalis sit factus impotens ad solvendum?*

Resp. Nec tunc obligatur ad se manifestandum, quia tunc non potest restituere, & nemo ad inutile tenetur; verum restituere tenetur, cum poterit, & si tunc potest partem aliquam furti, debet. Quilici *num. 8.* ubi excusat, etiam habentes notitiam de ejus impotentia.

57 Quæritur, *an sciens teneatur revelare, dum probare non potest, id, quod scit, & revelat?*

Resp. Affirmative, nam monitoria non dantur nisi pro revelandis occultis, & quomodo scit, quod probari non possit? pareat ipse præcepto, & de onere probandi non curet.

58 Adverte, quod tenetur quis revelare impedimentum matrimonii, etiam occultum; cum unus testis sufficiat ad impediendum Matrimonium, & sit plena probatio ad hunc effectum, *cap. praterea de sponsalibus.*

59 Non tenentur ii revelare, quos pars, vel Judex, verissimiliter non intendit includere, nec comprehendere in monitorio. Sic pater non præsumitur, quod velit filium, qui ejus bona surripuit, excommunicari, nec maritus uxorem, & ideo non comprehenduntur, licet teneantur ad restituendum. Genuen. *num. 10.*

60 Quæritur, *an, qui audit ab alio, teneatur revelare?*

Resp. Vel, quia audit, ei sub secreto naturali fuit narratum, petendo consilium, vel alia via, quam consilii: primo modo

modo non tenetur revelare, quia ad bonum commune spectat, ut quis ab Advocato, Theologo, Medico. &c. consilium petat sine timore revelationis; sed hoc limitatur, nisi bonum commune Reipublicæ, & Religionis præferendum sit bono particulari, in quo casu, etiam sine monitorio, tenetur quis revelare per dicta cap.4. num.6.

Secundò modò tenetur aperire, à quo audivit, quia poterit Judex ex officio interrogare illum, qui fortè majorem lucem afferet; maxime, si persona sit fide digna; in dubio autem; quando audiens nescit discernere dictam qualitatem in eo, à quo audivit, debet revelare ex regula juris, *quod tutior via sit eligenda*, ex Navarro Genuen. nu.11.

61 Sed quaeritur, an possit Confessorius absolvere ab excommunicatione contracta à sciente, qui non revelavit?

Resp. Negativè, si excommunicatio sit specialiter lata, hoc est, per sententiam speciale inpositam alicui certæ personæ nominatim, & determinatè; si vè generaliter inflicta, per sententiam Judicis, vel Superioris generaliter contra peccata futura, ut, *si quis hoc fecerit, sit excommunicatus*; vel præterita, in eorum satisfactionem, ut, *si quis pro tali delicto non satisfecerit, sit excommunicatus, non determinando personam, quæ est postea determinanda*; nam de utraque verificatur, quod sit ab homine lata, à qua absolvere diximus num.16. esse ordinario Confessorio prohibitum. Legas Layman. *T.b. moral. lib. 1. ar.5. p.1. cap.7. à nu.2. & 3.*

REGULA UNICA.

Quamplures excommunicationes reservatæ Pontifici.

Cathalogus excommunicationum, tam earum, quarum absolutio est Summo Pontifici reservata, quam ipsarum, quæ reservatæ non leguntur, e-

ruendus est ex Decretalibus Gregor. IX. Sexto Decretalium, Clementinis, Extravagantibus, Decreto Gratiani, Bullario, Conciliis, & aliis Apostolicis Litteris; ex quibus ego huc referre conabor aliquas, & fortè frequentiores, pro quarum absoluteione recurrendum est ad Sedem Apostolicam, remisso lectore pro cæteris, & non reservatis ad loca præfata, & DD.

§. I.

Ex Decretalibus Greg. IX.

62 **R**eservatur Summo Pontifici absolutio ab ea excommunicatione, quæ incurritur ob violentam manuum injectionem in Clericum, vel Monachum. Cap. *Supereo*; cap. *Si vero il 1. & il 2. cap. Non dubium*; cap. *Parochianos*; cap. *Sua nos de sent. excom. & cap. Si quis suadente 17. quest. 4.* etiamsi injectio occulta fuerit; cap. *Porro* citit.

II. Reservatur absolutio ab ea, qua ligatur mandans Clerici, vel Monachi percussionem; cap. *Mulieris ibid.*

III. Reservatur absolutio ab ea, qua ligantur scienter in divinis officiis communicantes excommunicato à Papa; cap. *Significavit ibidem.*

IV. Reservatur absolutio ab ea, qua irretitur incendiarius, postquam fuerit excommunicatus denunciatus; capit. *Sua nos.*

V. Reservatur absolutio ab ea, qua ligantur spoliantes Ecclesias cum effractione, qui per Papam tantum post denunciationem absoluuntur; cap. *Conquesti ibid.*

VI. Reservatur absolutio ab ea, qua ligantur tam Prælati, quam Laici, cui Prælati committit, etiam causa disciplinæ Regularis Clericum verberare; ipse enim Prælati id per se ipsum, vel si necessitas urget, per alium Clericum, vel Monachum, debet exequi; capit. *Universitatis ibid.*

VII. Reservatur absolutio ab ea, qua ligatur consentiens in Clerici percussione; cap. *Quanta* ibid. ubi Glof. dixit, *Quod, qui Clericum verberat, & qui verberari facit, vel consentit cooperando, vel, qui auctoritatem habet ex officio, & non prohibet, si potest, est verè excommunicatus.*

VIII. Reservatur absolutio ab ea, qua ligatur Laicus detinens Clericum, vel Monachum in custodia publica, aut privata, vel sine læsione corporali; capit. *Nuper* ibid.

IX. Reservatur absolutio ab ea, qua ligatur Clericus, etiam consentiens in sui percussione; cap. *Contingit*, ibid. ratio est, ut ibi textus, *quia huiusmodi manus injectio, & si non violenta, tamen injuriosa videtur: cum ille Canon non tam in favorem Clerici ordinati, quam in favorem ordinis Clericalis fuerit promulgatus.* Ubi Glof. prima notavit, quod volenti, scienti, & patienti fit injuria, si in eo lædatur jus alterius.

Et non modò consentiens, verùm & percussiens censura ligatur; quia manus temerarias, & causa ulciscendi injuriam suam manus temerarias in Clericum iniicit. Percussio, tametsi injuriosa non esset Clerico percusso, ut Petro, eitamē, ut Clerico, & statui Clericali injuriam irrogaret.

§. II.

Ex Sexto Decretalium.

63 I. **S**ummo Pontifici reservatur absolutio ab excommunicatione, qua ligatur percussiens Novitium Religiosum; cap. *Religioso*, §. *Quamvis de sent. excom.*

II. Reservatur absolutio ab ea, qua ligatur ratam habens violentam injectionem manuum in Clericum, nomine suo, licet non suo mandato, factam; cap. *Cum quis* ibid. Ratio datur in textu: quia

ratihabitio retrahitur, & mandato comparetur; *si verò injectio eadem tuo nomine non sit facta, tunc, licet pecces ratam habendo, non tamen propter hoc excommunicationis illius vinculo innodaris, cum quis ratum habere nequeat, quod ejus nomine non est gestum.*

III. Reservatur absolutio ab ea, qua ligantur deliberatè in scriptis glosantes, & depravantes intellectum Decretalis, *Exiit*, ac facientes libellos, & ex certa scientia prædicantes contra regulam, & statum Frat. Min. cap. *Exiit de verb. signis* in 6.

§. III.

Ex Clementinis.

64 I. **R**eservatur Summo Pontifici absolutio ab excommunicatione, qua ligantur Religiosi, & Clerici Sæculares inducentes aliquos ad vendendum, jurandum, vel promittendum, ut eligant sepulturam in propriis Ecclesiis, vel, ut jam electam ulterius non immutent. Clementina *Cupientes* §. *Sanè de penis.*

II. Reservatur absolutio ab ea, qua ligantur Religiosi Clericis, aut Laicis ministrantes sine licentia Parochi Sacramentum Extremæ-unctionis, vel Eucharistiæ (intellige per modum Viatici) vel solemniter benedicentes matrimonia, aut absolventes excommunicatos à Canone (præter quam in casibus à jure expressis; vel per privilegia Sedis Apostolicæ eisdem concessa) vel à sententiis per statuta provincialia, aut Synodalia promulgatis. Clement. *Religiosi de privileg.*

III. Reservatur absolutio ab ea, qua ligantur Domini temporales cogentes aliquos celebrare divina officia in loco interdicto; vel ad ea officia audiendæ facientes voce præconis, vel Campanæ vocare aliquos præsertim excommunicatos, vel interdictos, Vel prohibentes;

ne publicè excommunicati, aut interdicti exeant de Ecclesiis, dum in ipsis Missarum solemniam aguntur, & à celebrantibus monentur, ut exeant. Vel publicè excommunicati, aut interdicti, qui in ipsis Ecclesiis, nominatim à celebrantibus, moniti, ut discedant, remanere præsumunt. Clement. *Gravis de sent.excom.*

§. IV.

Ex Extravagantibus communibus.

65 I. **R**eservatur excommunicatio, qua ligantur Religiosi, qui sine sui Superioris licentia se transferunt ad partes transmarinas, hoc est ad loca Turcarum; cap. *Ad nostrum de Regul. & transfuntib. ad relig.*

II. Reservatur absolutio ab ea, qua ligantur Religiosi exigentes tam à maribus, quàm à fœminis volentibus ipsorum Monasteria ingredi, aliquid etiam ad pium usum deputatum, vel deputandum; cap. *Sanctæ de Simonia*. Qua etiam ipsi dantes supposita pactione innodantur. *Ibidem.*

Verùm possunt Religiosi recipere quidquid ingredientes purè, spontè, & plena libertate, ac omni pactione cessante dare, vel offerre, Ecclesiis, Monasteriis, Domibus, &c. voluerint. *Ibidem.*

Sed id ante professionem, excepto vitæ, & vestitu, recipi sub excommunicatione prohibetur à Trid. cap. 16. *ses. 25. de Regul.*

III. Reservatur absolutio ab ea, qua ligantur omnes, qui simoniam, dando, vel recipiendo committunt, sive sint principales, sive mediatores, & procuratores, ut simonia committatur; cap. *Cum detestabile ibid. & tom. 1. Bullar. conf. Eugenii IV. Cum detestabile, la 7.*

IV. Reservatur absolutio ab ea, qua ligantur absolventes à casibus expressis in Extravag. *Et si Dominici Gregis de*

pœnis & remis. inter extravag. com. Hinc Confessarius sciât, Sixtum IV. plura privilegia absolvendi, & dispensandi concessisse, sed quia id cedebat in animarum perniciem, ne facilitas veniæ peccandi tribueret incentivum, ut ipse loquitur, declaravit privilegia à se concessa non esse extendenda ad casus, quos in ea enumerat, in qua disponit, à se privilegiatos absolvere non posse à casibus contentis in Bulla Cænæ: item ab omni læsione immunitatis Ecclesiæ: à violatione interdicti positi à S. Sede: ab hæresi: à conspiratione in Romanum Pontificem: à rebellionem, & inobedientiam ejusdem, & S. Sedis.

Circa verò vota statuit, non posse commutare vota peregrinationis ultramarine, visitationis liminum Apostolorum, Petri, & Pauli, S. Jacobi in Compostella, & Castitatis, ac Religionis, sub pœna nullitatis absolutionis, & commutationis, ac excommunicationis absolventibus, & commutantibus, Romano Pontifici reservatæ. Quod debent privilegiati notare, num super hoc habuerint ab hoc Papa privilegia, quia cum hodie sint revocata, in vim illorum nullibi possunt absolvere, & commutare.

V. Reservatur absolutio ab ea, qua ligantur, qui alterutrum opinionem de Conceptione B.M.V. damnant peccati mortalis, vel hæresis. Sixtus IV. capit. *Grave de reliq. & venerat. Sanct.*

VI. Reservatur absolutio ab ea, qua ligantur alienantes absque beneplacito Apostolico bona Ecclesiastica. Extravag. *Ambitiose*. Pauli de reb. Eccles. non alienant. Et licet in Extravaganti expressè excommunicatio non sit reservata Pontifici: tamen Confessarius ordinarius non potest se in absolutioneingere. Nam praxis S. Congr. Concilii est, absolutionem ea de re Episcopis committere, ut dixi Offic. Curie Eccles. capit. 45. ideo saltem ex praxi reservata est; Tum quia sic alienantes sine beneplacito incurrunt non tantum pœnas dictæ Extrava-

travagantis, sed etiam censuram Papæ reservatam, *cap. 11. Jefs. 22. Trid. de ref.*

§. V.

Ex Bullario Cherubini.

66 I. SUMMO Pontifici reservatur absolutio ab excommunicatione, qua ligantur promittentes, & acceptantes, dantes, & recipientes aliquid pro obtinenda gratia, vel iustitia à Sede Apostolica. Item scientes, & non revelantes: *const. Excommunicamus la 1. Bonifacii VIII. to. 1. Quod to. 5. renovavit Alex. VII. const. Inter la 19. & sub anno 1699. Innoc. XII. const. Sacerdotalem, & Regiam. vide dicta cap. 19.*

II. Reservatur absolutio ab ea, qua ligantur pugnantes in duello, ad id irritantes, provocantes, auxilium, consilium, vel favorem dantes, ac illis assistantes, & interficientes, ac cartas subscribentes, vel publicantes: *const. Providentia la 20. Pii IV. tom. 2. Vide supra caput. 2.*

III. Reservatur absolutio ab ea, qua ligantur rei confidentiæ beneficalis, *ibid. const. Romanum Pontificem la 85. Pii IV. & const. Intolerabilis Pii V. la 85. ibid.*

IV. Reservatur absolutio ab ea, qua ligantur Moniales exeuntes extra Claustrum extra casum in *const. permisos, eas comitantes, ipsarumque receptatores, & licentiam concedentes: const. Decet. la 8. B. Pii V. ibid.*

V. Reservatur absolutio ab ea, qua ligantur mulieres ingredientes Monasteria, & Domos Regularium virorum: *const. Regularium; & const. Decet la 20. B. Pii V. ibid.*

VI. Reservatur absolutio ab ea, qua ligantur, qui abutuntur licentiis ingrediendi Monasteria Monialium, ingrediendo necessitate non urgente, quam etiam incurrit Moniales eos admittentes: *const. Ubi Gratia Greg. XIII. la 28.*

VII. Reservatur absolutio ab ea, qua

ligantur spondentes, paciscentes, & excommunicatas stipulantes, super vita, morte, & futura electione Romani Pontificis, ac promotionibus S. R. E. Cardinalium; *const. Cogit nos, Greg. XIV. la 4. ibid.*

VIII. Reservatur absolutio ab ea, qua ligantur docentes, defendentes, imprimentes, & ad praxim deducentes propositionem asserentium, *licere per literas, seu internuncium Confessario absenti peccata sacramentaliter confiteri, & ab eodem absente absolutionem obtinere; Decret. Sanctis. Clement. VIII. l' 87. tom. 3.*

IX. Reservatur absolutio ab ea, qua ligantur, qui pecuniis montium Pietatis status Ecclesiastici ad alios usus, quam in ipsorum erectione destinatos utuntur; *const. Onerosa Pauli V. la 82. ibid.*

X. Reservatur absolutio ab ea, qua ligantur, qui Astrologia judiciaria, vel ante alia divinatoria per se, vel per alios inquirent de statu Reipublicæ Christianæ, sive de vita, aut morte Romani Pontificis; *const. Insuperabilis Urbano VIII. la 114 to. 4.*

Super quo considerandum est, quòd licet excommunicatio in adducta constitutione reservata non legatur, tamen qui contraverit constitutioni Urbani solum à Romano Pontifice absolvitur: nam Innoc. XII. *const. Romanus Pontifex edita super facultatibus Majoris Penitentiarii* disposuit, nec eum posse, etiam in occultis, & in foro conscientiæ tantum absolvere, & mandare absolvi in simili culpabiles.

XI. Reservatur absolutio ab ea, qua ligantur, præsumentes retinere apud se, vel legere librum, cui titulus Augustinus Cornelii Jansenii Ipenfis Episcopi; ac audentes de articulis, & opinionibus, & sententiis in eo contentis loqui, scribere, & disputare: simili censura ligatur, qui, & de propositionibus à Bajo assertis extra casum impugnandi, loquitur, scribit, & disputat; constituit.

In eminenti Urbani VIII. la 289.tom.5.

XII. Reservatur absolutio ab ea, qua ligantur publicè, aut privatim tractantes, vel docentes (nisi forsan impugnando) unam, vel plures ex propositionibus respectivè damnatis in Cong.SS.Inquisit.sub die 14. *Septembris 1665.& 18. Martii 1666.* ab Alex.VII. il 162. & il 167. *Bullar.to.5.*

XIII. Reservatur absolutio ab ea, qua ligantur contravenientes contentis in Bulla Cœnæ; const. *Pasforalis* Clement. X. la 34.

XIV. Reservatur absolutio ab ea, qua ligantur sentientes, prædicantes, & docentes de quinque propositionibus Jansenii contra constitutionem Innocentii X. *Cum occasione*, & Alex.VII. Const. *Ad Sanctam la 28.Bullar.to.5.*

XV. Reservatur absolutio ab ea, qua ligantur, qui in Concionibus, aliisque publicis actibus asserunt B.M.V. conceptam esse in peccato originali Alex.VII. const. *Solicisudola 117.Bull.to.5.*

67 Quibus has alias, ex quibusdam aliis Apostolicis decretis, quæ ad manus habeo, lecturo subnecto. Quare I. Reservatur Summo Pontifici absolutio ab excommunicatione, quam incurrunt Confessores, tum Sæculares, tum Regulares, qui prætextu facultatum obtentorum extra mortis articulum, sine nova licentia, aut facultate, præsumunt absolvere à casibus contentis in Bulla Cœnæ; à casibus locorum Ordinariis reservatis, & sex aliis, de quibus supra cap.8.num.22. Decretum S.C.Epis.& Regul. de mandato Clement.VIII. editum fuit 9. *Januarii 1601.& 26. Novembr. 1602.*

II. Reservatur absolutio ab ea, quam incurrunt docentes, vel publicè, aut privatim defendentes, aut prædicantes (nisi forsan impugnando) unam, vel plures ex 65. propositionibus ab Innoc. XI. damnatas, sub die 3. *Martii 1679.*

III. Reservatur absolutio ab ea, qua ligantur docentes, tenentes, vel ad praxim deducentes unan, vel plures ex pro-

positionibus assertis à Michaelè de Molinos, & ab eodem Innoc.XI. proscriptis, 28. *Augusti 1687.*

IV. Reservatur absolutio ab ea, qua ligantur, qui docuerit, vel defenderit aliquas, vel plures ex propositionibus ab Alex.VIII. circumscriptis; aliis sub die 24. *Augusti 1690.& aliis die 7. Decembr. ejusdem anni.*

V. Reservatur absolutio ab ea, qua ligantur ingredientiæ Clausuram Monialium ad malum finem, ut dixi cap.8. num.22.

VI. Reservatur absolutio ab excommunicatione, qua ligantur rei simoniæ realiscentier contractæ, *ibid.*

VII. Reservatur absolutio ab ea, qua ligantur asserentes, tenentes, & prædicantes, quod ad obediendum Literis Innocentii X. & Alex.VII. editis contra quinque propositiones Jansenii necesse non sit, ut quis interius ut hæreticum damnet sensum in dictis constitutionibus damnatum, sed satis sit, si ea de re obsequiosum silentium teneatur: & quod Formulæ juramenti ab eodem Alexandro præscriptæ subscribi licitè possit, etiam ab iis, qui interius non judicant in Jansenii libro doctrinam hæreticam contineri; Const. *Vineam Domini.* Clement. XI. 17. *Kal. Augusti 1705.*

68 Dubitatur. Si excommunicatio abjure non fuerit reservata, quis ab ea absolvat?

Resp. DD. non concordant; debere ab ea absolvere Episcopum privatè quoad alios inferiores, dixerunt Sayrus de cens. lib.2. cap.19. num.2. Covarruv. & Paludanus, alique apud Gonzalez in 1. tit.31. cap.8. num.9. Piafecus prax.p.2. cap.4. art.13. num.36. Scripsit, quod ab excommunicatione majori à jure lata, si Conditor legis absolutionem sibi non reservavit, absolvere debet Episcopus. Quos sequitur Monacell. for.p.2. for.4. n.9. tit.14. Ideo Confessarius alius non potest, nisi ci ab Episcopo committatur.

Diana verò Coord.to.5. tr.1. resol.194. Lay.

Layman *Theol. moral. lib. 1. to. 5. p. 2. cap. 5. nu. 1. Illung. Theol. moral. tr. 3. art. 3. n. 17.* Gonzalez cit. Fagnan. in 5. ad cap. Nuper nu. 16. de sent. excom. Abellii *Medul. p. 2. de censur. cap. 6. §. 6. nu. 1.* dixerunt extracta commissione Conditoris Canonis posse absolvere etiam Parochos, ceterosque Sacerdotes habentes jurisdictionem ad absolvendum à peccatis, per tex. in cap. Nuper de sent. excom. ibi: à suo Episcopo, vel proprio Sacerdote poterit absolutionis beneficium obtinere.... quia tamen Conditor Canonis ejus absolutionem sibi specialiter non retinuit, eo ipso concessisse videtur facultatem aliis relaxandi. Appellatione autem Episcopi veniunt omnes habentes jurisdictionem Episcopalem, Patriarchæ, Primates, Archiepiscopi, & Episcopi. Appellatione verò proprii Sacerdotis, Sacerdotes illi, qui præpositi sunt administrationi Sacramenti Pœnitentiæ, Gonzalez ibid. Quare prima sententia procedit quoad utrumque forum; secunda verò quoad forum conscientie tantum; & ita concordantur, ut apud d. Piafec. cap. 1. art. 3. numer. 8.

69 Sed, an possint saltem quoad forum conscientie Confessarii Regulares absolvere faculares.

Resp. Eis negatur in d. Clement. Religiosi, nisi à Sede Apostolica habeant privilegia. Quisque videat, quid à Sede Apostolica receperit.

70 Peti potest, quid importet clausula, quæ solet in nonnullis Literis inseri, & in subsidium juris excommunicamus, &c.

Resp. importat, quod tunc censura ferenda est, ubi in causis tam civilibus, quam criminalibus fieri non potest executio realis, vel personalis, juxta Trid. sess. 25. cap. 3. de ref. ubi: disponitur, quod ubi executio realis, vel personalis fieri potest, est à censuris abstinendum; ubi verò vel hæc locum non habebunt, vel alia via non poterit provideri, tunc in subsidium procedendum est ad excom-

municationem, quod jure communi cautum non erat; sed potius ordine inverso, prius utendum erat gladio excommunicationis; eoque non proficiente in subsidium deveniendum erat ad capturam, seu personalem distractionem; cap. Odoardus de solution. cap. Licet de pen. Fagnan. in 5. ad cap. Sacro n. 25. de sent. excom.

71 Confessarius ponderet, quod licet Sedi Apostolicæ peccata regulariter reserventur ratione censuræ, aliqua tamen dantur, quæ reservata censentur ratione sui, & sine censura: hujus generis est peccatum, quod committunt, qui munerà à Regularibus contra const. Clement. VIII. editam 13. Kal. Julii 1594. recipiunt; quorum absolutio reservatur Summo Pœnitentiario, prout in Bulla Innoc. XII. edita tertio nonas Decembr. 1692. super facultatibus Majoris Pœnitentiarii: cui injungitur, ne recipientes ultra valorem decem scutorum, exceptis medicinalium, seu devotionis muneribus, ante factam restitutionem, absolvat, nec mandet absolvi: infra verò prædictum valorem, non nisi facta, arbitrio ipsius Majoris Pœnitentiarii, seu per eum eligendi Confessarii, elemosyna, qua in beneficium Religionis, seu Conventus, cui de jure faciendæ esset restitutio, si cautè fieri potest, erogetur: ut ibi textus; quem inutile non foret inspicere.

C A P U T XXXIV.

Prop. XLV. ab Alex. VII. &c.
Libri prohibiti.

1 PROP. 45. Libri prohibiti, donec expurgentur, possunt retineri, usque dum adhibita diligentia corrigantur.

Propositio directe opponitur dispositioni, quæ habetur in primo Canone Bullæ Cenzæ, & in decima ex regulis Indicis librorum prohibitorum, jussu Tri-

dentina Synodæ editis, & à Pio IV. const. incip. *Dominici 24. Martii 1564.* comprobatis, prout in sequentibus patebit, quæ propterea Confessarium legere non pigeat.

2 *Quæritur, an sit differentia inter libros prohibitos?*

Resp. Affirmativè: duplex statuitur librorum prohibitorum classis: in prima, ponuntur libri hæreticorum tractantes de Religione, vel hæresim continentes; in secunda verò, libri cujusvis auctoris, etiam Catholici, qui prohibentur propter Doctrinam, quam continent, falsam, non sanam, suspectam, offensivam, scandalosam, &c.

3 *Quæritur, quinam libri dicantur tractare de Religione, vel hæresim continere?*

Resp. Hæresim continet, qui aliquid docet contra aliquem articulum fidei, V.G. *septem non esse Sacramenta: sub speciebus panis non esse Corpus Christi: Pontificem Romanum non esse verum Christi Vicarium, & Petri successorem, &c.* de Religione tractat, qui de iis agit, quæ ad fidei expositionem spectant, in quibus divina scriptura, aut aliqua pars illius explicatur; aut, qui tractat de Theologia scholastica, vel morali, vel de aliqua illius parte, aut agit de cultu, Deo, & Sanctis debito, de Sacris ritibus, de Clericis, de Monachis, & Prælatiis, de visibili, & invisibili Ecclesia; hæc omnia ad Religionem Catholicam spectant. *Sousa Apb. rismi Inquisit. lib. 1. cap. 21. num. 5.*

4 *Quæritur, qua pena ligetur, qui legis Hæreticorum libros, hæresim continentes, vel de Religione tractantes?*

Resp. Ligatur excommunicatione in Bulla Cænæ, reservata Pontifici; nam in ejus primo Canone excommunicantur, *scienter absque Sedis Apostolicæ licentia, legentes, aut retinentes, imprimentes, seu quomolibet defendentes, publicè, vel occultè libros Hæreticorum, hæresim continentes, vel de Religione tractantes; & quia loquitur per disjunctivam, vel,*

sufficit, quod, aut hæresim contineat, vel de Religione tractet; & necesse non est, quod ex instituto, vel ex professo de hæresi tractet, sed sufficit unicam continere, quia unam continens verificatur hæresim continere; expressè tamen debet de Religione tractare, nec fat est obiter unam, vel alteram propositionem de Religione intermiscere cum materia diversa, quam ex instituto tractat: discrimen habes ex istis *hæresim continentes, vel de Religione tractantes.*

5 Quatuor itaque conditiones ex Fagnan. in 1. *Decretal. cap. damnatus de Sum. Trinit. num. 19.* requiruntur ad excommunicationem incurrendam 1. ut Libri sint Hæreticorum. 2. ut hæresim contineant, vel de Religione tractent. 3. ut scienter legantur, vel imprimentur, hoc est, cum notitia, quod sint tales. 4. ut fiat sine licentia Sedis Apostolicæ.

6 Sed dubitatur, an requiratur, quod Author sit damnatus?

Resp. Negativè, sed fat est, ut sit hæreticus, sive damnatus, sive non; nam de Hæretico non damnato, nec notorio, verè dicitur, quod sit hæreticus, & in Bulla absolute ponitur; *libros Hæreticorum.* Advertens in legendo, hæresim in Libro contineri, etiam ignorato authore, tenetur cessare, quia licet ignorantia excuset à censura, tamen tunc non ignoratur Auctor, sed solum certus, & damnatus; Carena de offic. Inquisit. par. 2. cit. 10. num. 4.

7 *Quæritur, an scienter legens librum Hæretici, simul hæresim continentem, & de Religione tractantem duplici excommunicatione innodetur?*

Resp. Affirmativè; ratio est, quia alterutrum per se ad excommunicationem sufficit, ergo, dum simul concurrunt, duas inducunt; alioquin equè puniendus foret, qui duplicatam habet in transgressione malitiam, quam, qui simplicem, quod non conceditur.

8 *Quæritur, an ad censuram Bullæ incurrendam sufficiat legere manuscripta*

ab

ab hæretico, si hæresim contineant, aut de Religione tractent.

Resp. Affirmativè, *cap. num. 8.* nam sunt verè libri; unde excommunicantur, qui præfatorum allegatos libros, vel eorum partes legunt, quamvis in ea parte, in qua hæresis non continetur. Item, si legatur Index Libri, proemium, & litera ad Lectorem, quia hæc sunt pars libri; quod debet esse inter Doctores commune, ut potè sententia tutior; nam, Index totam Libri summam amplectitur; proemium, & litera ad lectorem, ea, quæ in libro tractantur, & Authoris mentem aperiunt, in quibus legendis est periculum perdendi fidem.

9 Sed quid, *si legat folia, & fragmenta, in Librum non congesta. seu tractatus non integros?*

Resp. Eadem censura ligatur, quia verè hæc sunt partes libri: qui librum prohibet, singulas ejus partes prohibere reputatur; ideò, sicut in libro legi nequeunt, sic nec extra; maxime, quia in foliis, & fragmentis reperiri potest illa sola hæresis, ob quam liber erat damnatus, & periculum imminet semper infectionis hæresis, & erroribus Hæreticorum succumbere, cui legens se exponit; & quamvis Bulla libros nominet, non ideò excludit folia, & fragmenta, quæ sunt partes libri, aliàs in fraudem legis, per folia in volumen non redacta, tutores possent hæreses, & sic disseminari: exprimit itaque Bulla libros, quia eorum frequentior est usus; at nominatis iis, etiam censentur, expressa alia, quæ ad hæc reducuntur; rigori verborum standum non est, quoties præsumitur intentionem legis extendi, & speciem principalem pro genere accepisse, Layman *lib. 2. tract. 1. cap. 15.* maxime, quia difficile sit assignare, quænam foliorum quantitas librum constituat.

10 Sed quid, *si quis Epistolam ab Hæretico de materia Religionis scriptam, vel hæresim continentem, scienter legat, imprimat, vel retineat?*

Resp. Ligatur censura Bullæ Layman. ibid. propter adductam rationem periculi, & inobedientiam Ecclesiæ.

11 Idem dicitur, si librum hæretici non continentem hæresim divides, ut legas ea parte, in qua hæresis non continetur; nam in fraudem legis operaris, & librum hæretici legis, Soufa.

12 Sed quid, *si hæresis, quæ erat in libro, inveniat abraja, aut ea folia detracta?*

Resp. Ligatur censura, quia propter hæresim totus liber est prohibitus, & abraja non est facta potestate Ecclesiæ, quæ relinquat totum librum liberum ad legendum, vel retinendum; aliàs in potestate cujusque esset libros prohibitos transferre ad non prohibitos.

13 Sed quid, *dicendum de libro continente hæresim, edito ante baptismum, si post baptismum Auctor labatur in hæresim; & de libro de Religione tractante, edito, etiam post baptismum, ante lapsum in hæresim?*

Resp. Legentes ligantur censura Bullæ, quia sunt libri ejus, qui tunc hæreticus est, & de legente verificatur legere librum hæretici, quamvis hæreticus non fuerit tempore compositionis.

14 Queritur, *an excusetur ab excommunicatione legens librum hæretici hæresim continentem, non malo animo, sed ex sola curiositate, aut ad confundendos Hæreticorum errores?*

Resp. Negativè, nam verificatur, quod sine Apostolica Sedis licentia legat; Bulla non considerat animum, sed factum; nec excusatur, qui est ita in fide firmus, ut moraliter non sit periculum sequendæ hæresis: nec ille idem, qui librum composuit, etiam si ad detestanda, & retrahendos errores legat; aut, si statim post ipsam scriptionem ipsum percurrat, & pæniteat; immò tunc, & ut Hæreticus, & ut lector libri Auctoris Hæretici continentis hæresim, duplici excommunicatione Bullæ innodatur. Generaliter nullus omnino finis excusat, sed semper est adhi-

adhibenda licentia; nec curiositas ob imminens periculum, & inobedientiam Ecclesiæ, quia graviter peccaminosa.

15 *Quæritur, an excommunicatione Bullæ ignodetur, qui librum Hæretici hæresim continentem, oculis percurrit, cum advertentia mentis ad ea, quæ in ea scripta sunt, quamvis ore nil proferat?*

Resp. Affirmativè, Soufa *nu.11*. Carena *nu.54*. alique; nam secundum communem usum ille talis dicitur legere: nam legere secundum Ugolinum non requirit prolationem verborum, sed solum, ut colligantur verba ad sensum percipiendum, quod etiam mente efficitur.

Nec dicatur, quod cum verba exterius non proferat, ejus peccatum non videtur externum; adeoque, nec subiectum dispositioni Ecclesiæ, & censuræ Bullæ, quæ propter actum merè internum non fertur.

Nam illius peccatum est in his actionibus externum, aperiitione libri ad legendum, in defixione oculorum, & revolutione foliorum, &c.

16 *Sed quid, si legens librum Hæreticum, non intelligat id, quod legit? legit Rusticus librum lingua latina scriptum, sed, quod legit, non percipit.*

Resp. Suarez excusat à censura; nam illa non est lectura formalis, ad quam exigitur, ut percipiatur, quod legitur: & aliàs non est infectionis periculum. Sed negamus non innodari: adæquatus finis prohibitionis non est dumtaxat periculum errandi, sed eos Ecclesiæ prohibet, etiam in odium authoris, & hæresis detestationem: undè legens, facit contra legem prohibentem. Hinc ad censuram incurrendam, non est necesse, quòd legens formaliter legat, sed sat est, ut librum legat: aliàs, si lectio formalis necessaria foret, censuram non incurreret, qui eos retineret, & non legeret, quod falsum est, ex Canone; hæc sententia est tutior.

17 *Quæritur, an excommunicatio*

non incurrat, qui librum Hæretici hæresim continentem, vel de Religionis tractantem, non legit, sed alteri legendum tradit, mandat, & imperat, ut, Dominus famulo, ut ipsum legentem audiat?

Resp. Affirmativè, nam Dominus moraliter loquendo, quantum ad effectum, librum per se ipsum legit, licet per alterius ministerium: juxta regul. jur. in 6. *qui per alium*. Si lectio impunè per alium suppleretur, lex eluderetur; nec mandans, nec jussio Domini legentem ab ea excusat, si sine licentia legat.

18 *Sed quid, dicendum de illis, qui audiunt aliquem legentem librum hæreticum, si non iubeant, petant, aut consulant, ut illum legat?*

Resp. Incurrunt excommunicationem, quia transgressio præcepti non consistit propriè in inductione alterius, sed in participatione lectionis per auditum, *cit. sum. ex Suarez nu.28.* contra Soufam, & Pueronum; etiamsi legens licentiam haberet, quia audiens, dicitur legere, quamvis per alium: & legens peccat cooperando peccato alterius.

19 *Quæritur, an parvitas materia in legendo excuset ab incurfu hujus censuræ?*

Resp. Affirmativè, etiamsi liber hæresim contineat; nam est probabile in peccatis, quæ sunt contra fidem, ratione periculi infectionis, quale imminet legenti, dari parvitatem materiæ. Prohibet Ecclesiæ librum legere, vel communicationem cum Hæreticis ob periculum, ne subvertatur Catholicus; si legas unam, vel alteram lineam, unum, vel alterum verbum proferas, dum desit grave periculum, ex parvitate materiæ excusaris; verum, etiam minima attenduntur, ubi grave periculum imminet: furari obolum secundum se non est mortale, sed ob grave alterius damnum lethale ab omnibus dicitur; legere unam, vel alteram lineam libri prohibiti, non est grave peccatum, sed unicam scienter lege-

legere, in qua hæ resis contineatur, gravissimum; nec censura vitatur, non modò, quia periculum refectionis imminet, verum etiam, quia cum illa linea sit tota causa prohibitionis, inobedientia est gravis; nec à peccato, & censura excusatur, qui scienter in libro prohibito, tractante de Religione, dimidium paginæ legit (& si sit magni voluminis minus sufficit) nam inobedientia contra legem Ecclesiæ, quæ etiam damnant librum in odium Auctoris, gravis est. Vide Felic. tom. 2. nu. 363. Campion. par. 2. infruct. cap. 5. nu. 7.

20 Quæritur, an ligetur censura Bulla, qui legis Hæreticorum libros, Grammaticos, Poeticos, Historicos, Politicos, &c.

Resp. Negativè, modò hæresim non contineant, nec de Religione tractent, nam Bulla solum istos legentes huiusmodi censura ligat. Sed innodatur excommunicatione non reservata, contenta in reg. 10. Indicis, ubi hæc sunt: *si quis libros Hæreticorum, vel cujusvis Auctoris scripta ob hæresim, vel falsi dogmatis suspicionem damnata, atque prohibita, legerit, sive habuerit, statim excommunicationis sententiam incurrat*: ad istam incurrendam sufficit, legere librum Hæretici, quamvis hæresim non contineat, aut de Religione non tractet. Ut incurratur legendo librum Catholicum, necesse est, ut ejus libri sint ob hæresim, vel falsi dogmatis suspicionem prohibiti; ex his sequitur, legentem libros Auctoris Catholici, ob res obscenas, & lascivas, in reg. 7. prohibitos, nullam censuram incurrere, sed reus est peccati mortalis, ut ex eadem reg. 10. in fine, ubi: *qui, verò libros alio nomine interdictos legerit, aut habuerit, propter peccati mortalis reatum, quo afficitur, iudicio Episcoporum severè puniatur*.

21 Sed quid, si quis apud se habet, vel legeret Sacra Biblia, vel eorum partem, aut compendium Histo-

ricum, vulgari lingua scriptum?

Resp. Peccaret mortaliter, modò sine licentia legeret, nec posset absolvi, nisi prius Ordinario ipsa redderet, ex reg. 4. Indicis *ver. qui autem?*

In Regula 6. permittuntur antiqui ab Ethnicis conscripti, propter sermonis elegantiam; pueros autem eos legere prohibetur. Libri Origenis, Tertulliani ob specialem utilitatem permittuntur, & jam sunt expurgati Fel. tom. 2. num. 355.

22 Quæritur, an legens Talmud Hæbreorum, & libros Cabalisticos censura Bulla ligetur?

Resp. Negativè, quia Bulla loquitur de legentibus libros Hæreticorum, hæresim continentes, vel de Religione tractantes. Hæbrei autem non sunt hæretici; nam, ut quis Hæreticus dicatur, requiritur, ut sit baptizatus: non potest dici ab Ecclesia Dei divisus, qui in Dei Ecclesia nunquam fuit. Carena tit. 14. §. 1. nu. 2. Christiani tamen legentes, retinentes, imprimentes, & exemplantes excommunicatione Papæ non reservata innodantur, ex regul. 10. Indicis, & Const. Clement. VIII. Cum Hæreticorum pridie Kal. Martii 1592.

23 Sed quid, de legente, & retinente Alcoranum Mahumetis, seu legem Turcarum?

Resp. Ligatur excommunicatione lata in alleg. 10. regula Indicis, nam certè quamvis liber præfatus non sit auctoris hæretici, tamen falsissima continet dogmata; An autem, tam legens Talmud, quam Alcoranum censura, etiam reservata, innodetur? mihi non constat, cum ad manus non habeam Constitutionem Apostolicam, ex qua possim id colligere; ideò me submittito declarationibus S. Matris Ecclesiæ.

24 Quæritur, an legentes libros Astrologia iudiciaria, & scripta Geomantia, Hydromantia, Aeromantia, Chyromantia, Necromantia, & Pyromantia, sive, in quibus continentur sortilegia, veneficia, auguria, incantatio-

tationes, artis magica, qua prohibetur in reg. 9. Indicis excommunicantur in Bulla Cœne?

Resp. Negativè, modò non sint hæretici auctoris, hæresim continentes, aut de Religione tractent.

Sed dubium est, an ligentur excommunicatione contenta in præfata 10. regula?

Resp. Affirmat Bonacc. *nu. 4.* quia præfati libri in regula 9. Ind. damnantur; & videntur damnari ob hæresim, vel falsi dogmatis suspicionem; nam in eis continetur modus recedendi à Catholica fide, adorandi Dæmonem, & similia fidei Catholicæ contraria. Quæ est tutior sententia.

25 Nota, Geomantiam ex Dæmonum industria occulta manifestare ex signis in corpore terrestris apparentibus, ut lapide, ligno, &c. Hydromantiam per signa apparentia in aqua. Aeromantiam per signa apparentia in aere. Chyromantiam per lineas manuum. Necromantiam per fectas mortuorum suscitationes, vel locutiones. Pyromantiam per signa in igne. Omnes istæ divinationes, & prædictiones rerum occultarum, & futurarum, quæ naturaliter fieri nequeunt, includunt pactum expressum, vel implicitum cum Dæmone, consequenter sunt ab intrinseco malæ, quemadmodum ipsa divinatio Pytonica, quæ per homines vivos Dæmon occulta prædicat. Soufa Aphorismi *lib. 1. cap. 42. & sequen.* Legas Const. Sixti V. *Cæli, & Terræ, & sup. cap. 4. nu. 19.*

26 Quæritur, quomodo Confessarius se gerere debeat cum legentibus, & retinentibus libros Hæreticorum hæresim continentes, vel de Religione tractantes?

Resp. Absolvere non potest, quia excommunicatione Bullæ Cœnæ ligantur, à qua, nisi Summus Pontifex, aut alius de ipsius autoritate absolvit. Vide *cap. 3.*

Item, injungat, ut libros Inquisitoribus deferant; nec numquam absolvi de-

bent (etiam cum possit) nisi realiter, & cum effectu eis, & in eorum defectum, Ordinario libro consignaverint.

Et interrogat penitentem, an sciat aliquos legere, vel retinere, etiam in alienis domibus, libros hæreticorum hæresim continentes, vel de Religione tractantes, & dum affirmat, ei ante absolutionem præcipiat, ut Inquisitoribus eos infra mensem, denunciaret *jux. cap. 4. nu. 16.*

Deinde inquireat, à quanto tempore apud se libros habeat; quoties legerit, & an aliquibus, & quoties, ac quibus commodaverit.

Denique aperiat gravitatem delicti: quod peccavit lethalius contra obedientiam Ecclesiæ debitam, & contra fidem, propter periculum, cui se exposuit ipsam perdendi; ipsum exciter ad eliciendos actus fidei divinæ, ac alia agat, quæ quivis prudens Confessarius in instructione penitentium ante absolutionem non debet omittere, & tunc, si habeat facultatem, absolvat.

27 Sed dubitatur, an legens libros prohibitos teneatur seipsum denunciare?

Resp. Negativè: edictum S. Officii alleg. *cap. 4.* præcipit omnibus, ut denuncient eos, de quibus habent, habuerint, vel habebunt notitiam, quod absque debita licentia retineant, legerint, &c. scripta continentia hæreses, aut libros hæreticorum, tractantes ex professo de Religione, &c. juxta edictum citatum; ex quibus patet onus denunciandi esse ad scientiam, non ad habentes, vel legentes, aut reos; habens autem, vel legens, est à Confessario monendus, quod si spontè non compareat coram Sacro Tribunali, & sincere proprium delictum aperiat, sed ab alio se juridicè denuntiari sinat, non evitabit pœnas, quas benignè spontè comparentibus remittit.

28 Sed quæritur, an reus in legendo, & retinendo præfatos libros, teneatur denunciare complicem?

Resp. Affirmativè; & ne ipse postea patiat ex subsecutura Confessione alterius

rius Complicis, eum Confessarius instruat, ut primo sponte compareat pro suo delicto, ipsum non diminuat apertiendo, sed cum omnibus adminiculis, & circumstantiis, & postea complicem denunciet.

29 Quæritur, *quomodo tempore Jubilei se gerere debeat Confessarius cum legentibus libros præfatos, in quodatur facultas absolvendi ab omnibus casibus, etiam in Bulla Cæne contentis?*

Resp. Interroget, an, quando legerit librum, hæresim continentem, habuerit etiam errorem in intellectu contra fidem, & dum fatetur, absolvere non debet, quia est hæreticus formalis, etiam externus; ab hæresi autem formali vigore Jubilei nullus absolvere potest, nisi expressè id in Bulla concedatur, prout expressè ex sequenti Congr. S. Officii Decreto: Sanctiss. D.N. Alex. Papæ VII. *sub die 13. Maii 1656. cùm crimen hæresis, præceteris gravissimum, speciali nota dignum sit, decrevit, facultatem absolvendi ab hæresi in Jubileis, vel aliis similibus, concessionibus non censi comprehendendam, nisi præcisè verbis concedatur facultas absolvendi ab hæresi.*

Si verò hæresim in intellectu non habuerit, absolvat ab excommunicatione incurfa, sed prius curet, ut realiter, & cum effectu Inquisitori libros consignet.

30 Quæritur, *quomodo se gerere debeat Confessarius cum legente alios libros in Indice librorum prohibitos, ut, continentes res aliquas lascivas, &c.*

Resp. Interroget, an, quando legerit habuerit errorem in intellectu, credendo non esse in Ecclesia Dei auctoritatem prohibendi, & damnandi libros, nec posse eos damnare; nam tunc erit innodatus excommunicatione Bullæ Cæne, & formaliter hæreticus, cum hæreticum sit dicere in Dei Ecclesia eam potestatem non reperiri. Ex actibus Apostolorum

cap. 19. refertur plures libros fuisse combustos: res est certa.

Si sine errore, interroget, ut supra *nu. 26. ver.* Deinde, &c. & an eorum occasione carnaliter peccaverit, saltem per delectationes sensuales, quoties, & erga quos, vel quas passus sit.

Item curet, ut ante absolutionem libros Inquisitori realiter, & cum effectu consignet; nec absolvi debent, qui volunt retinere libros continentes res lascivas, & bonis moribus contrarias, ratione periculi peccandi mortaliter.

31 *An autem retinentes libros ob res lascivas prohibitos sint denunciandi S. Officio?*

Resp. Affirmativè, si sint de hæresi suspecti; aliàs negat Carena *num. 60.* nam non videntur comprehendi in edicto S. Officii; verùm me ejusdem S. Tribunalis determinationi submitto.

32 Quæritur, *contra quam virtutem peccet, qui legi, & retinet libros prohibitos?*

Resp. Si libri sunt primæ classis, hæretici nimirum auctoris, continentes hæresim, de Religione tractent, aut damnati, propter falsi dogmatis suspensionem, peccat contra fidem, quia se exponit periculo illam perdendi; nam fides obligat non modo ad non discredenda, quæ Deus revelavit, & Ecclesia Catholica, ut credenda, proponit, vel ad non dubitandum de illis; verùm & ad non se exponendum periculo ipsam amittendi; & contra obedientiam, quæ Ecclesiæ præcipienti debetur.

Si verò sint secundæ classis, & prohibiti ob res lascivas, & obscenas, peccat contra castitatem, quæ obligat etiam ad non se exponendum periculo peccandi carnaliter, vel in re, vel affectu: unde regula generalis est, quod qui se exponit periculo peccandi, peccat eadem specie peccati, cujus periculo se exponit. Et hæc sint factis de libro primo.

LIBER SECUNDUS

CONTINENS PROPOSITIONES


AB INNOCENTIO XI.

PROSCRIPTAS.

Successivè ad Alex. tempora *sub anno 1679. die 2. Martii &c.* Innoc. XI. alias quinque supra sexaginta propositiones, in praxi itidem perniciosas, ac Ecclesiasticæ disciplinæ relaxativas, proscriptis; quas, consulendo utilitati pœnitentis, & ad effectum, ut à Confessario, in suo munere non errante, in foro pœnitentiæ plenè, & sanctè instruat, caveatque errores per eas assertos, hîc eas, variis resolutis dubiis, per sequentia capita brevi methodo exhibeo.

CAPUT PRIMUM.

*Prop. I. ab Innoc. XI. damnata.
Opinio tutior circa valorem Sacramentorum.*

1  **ROP. I.** *Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conventio, aut periculum gravis damni incurrendi. Hinc sententia probabili tantum utendum non est in collatione Baptismi, Ordinis Sacerdotalis, aut Episcopalis.*

Authores propositionis volunt in essentialibus Sacramentorum, & illorum administratione fas esse, uti opinione probabili, & minus tuta, relicta tutiore, & probabiliore; ac propterea licere in ipsorum administratione, etiam materia incerta uti, cò quia probabile id à nonnullis reputetur, tametsi contrarium sit probabilius, & tutius, & Mini-

ster se exponat periculo faciendi irritum Sacramentum.

Restringunt tamen opinionem propriam, dum rectè affirmant in collatione Baptismi, Ordinis Sacerdotalis, aut Episcopalis, aut ad vitandum periculum gravis damni, esse semper eligendam opinionem tutiorem circa valorem Sacramenti, quod est commune apud omnes; ratio est, quia, si in præfatis eligeretur minus tuta, gravia sequerentur incommoda in pernecem salutis animarum; in Baptismo quidem periculum damnationis æternæ in baptizato: in Ordine verò Sacerdotali periculum nullitatis consecrationis, & absolutionis Sacramentalis, si eam conferat inordinatus; & in Ordine Episcopali periculum nullitatis Ordinum: & inde innumera absurda, quæ quisque potest colligere; sed errant, dum in conferendis cæteris Sacramentis admittunt, fas esse in concursu tutioris de validitate, & valore Sacramenti, uti minus tuta, & probabili; nam certè, quamvis indè nullum damnum tertio oriretur, irreverentia

Sacramento esset inevitabilis, propter periculum nullitatis, & frustrationis, cui exponeretur; propterea id esse absolute, & in quolibet Sacramento illicitum, debet Confessarius notare.

2 Supponat de fide esse ex Florentino quòd omnia Sacramenta tribus perficiuntur, materia, forma, & intentione ministri.

3 Quòd Sacramenta habent materiam, & formam determinatas à Christo Domino, quæ semper necessariò requiruntur, & nunquam, quoad substantiam, mutari possunt, ex Trid. sess. 21. cap. 2. ubi declaratur, fuisse semper in Ecclesia Dei potestatem in Sacramentorum administratione, ea statuere, vel mutare, quæ suscipientium utilitati, & Sacramentorum venerationi magis expedire judicaret, *salva illorum substantia Sacramentorum* (per quam intelligitur materia, & forma) demonstrat Concilii sensum fuisse, quòd non possit immutari; quòd si Ecclesia id facere nequit, certum est multò minus ullum alium id facere posse.

4 Queritur, quæ opinio dicatur minus tuta circa valorem Sacramentorum, & quæ magis tuta?

Resp. Illa minus tuta dicitur, quæ affirmans probabile esse valere Sacramentum sic, vel sic collatum, exponit ipsum periculo nullitatis: illa verò tutior, quæ non exponit Sacramentum tali periculo, dum probabiliter asserit Sacramentum tali modo administratum non esse validum: explicio: est questio inter DD. an valeat Baptismus collatus in lixivio: opinio probabiliter affirmans valere, dicitur minus tuta, quia, cum non sit certum baptismum valere, exponit ipsum periculo nullitatis; materia enim Sacramentorum à nostro iudicio non pendet, & ideo ad ipsorum validitatem est necessaria materia, quam Christus instituit, & determinavit: propterea, si coram Deo lixivium non foret materia apta pro Baptismo, nec opinio id asserens vera,

Sacramentum foret nullum, & Baptizatus privaretur fructu, & effectibus suis, gratia nimirum, & charactere, & sic non obtineretur effectus intentus à Christo in institutione Sacramentorum.

Opinio verò, quæ dicit illum Baptismum non valere, dicitur tutior; ex qua sequitur, quod, (extra casum necessitatis) in lixivio conferendus non est, ne Baptismus exponatur præfato periculo, & baptizans periculo faciendi ipsum irritum; & hinc tutius est, quod in lixivio non conferatur, sed materia certa adhibeatur.

5 Sed quid, si non habeatur materia certa, aqua nimirum naturalis, & usualis, quæ per Trid. sess. 7. canon. 2. de Baptismo, est materia Baptismi?

Resp. Quod, sicut, nulla necessitate urgente, unquam licet in administratione Sacramentorum uti materia probabili, incerta, & dubia, omissa probabili, & certa; sic in necessitatis casu, dum certa non habetur, nec haberi potest, & ex omissa Sacramenti administratione exponitur anima periculo damnationis, potest quis materia probabili uti; explico exemplo; infans est moribundus, habetur lixivium, non aqua, debet in lixivio baptizari sub conditione, ut, si fortè coram Deo, & à parte rei sit materia Baptismi, consequatur vitam æternam.

Nec tunc potest dici, quod eligatur minus tuta, relicta tutiore, quia, cum in eo casu urgentis necessitatis aqua naturalis non possit haberi, impossibile est eligere tutiorem, & ideo non relinquitur tutior; quoniam non dicimur relinquere, nisi, quæ habere possumus.

Quenam autem sit opinio probabilis, quamvis tutior, tuta, & probabilior, habes lib. 1. cap. 20. num. 2.

6 Queritur, an Confessarius possit absque peccato ad praxim deducere sententiam, dicentium attritionem sufficere ad Sacramentum penitentia. reliqua opinione asserentium, eam non sufficere.

ficere, sed requiri contritionem perfectam; quod est idem ac querere, an possit absolvere poenitentem, quem cognoscit habere dolorem attritionis de suis peccatis?

1 Resp. Sed suppono, quod dolor de peccatis est pars essentialis Sacramenti poenitentiae, sine quo validum esse non potest, nam validum sine sua parte essentiali esse nequit, sicut sine anima rationali homo non subsistit, prout *infr. cap. 34.*

2 Quòd dolor de peccatis; sive attritio sit, sive contritio, debet esse supernaturalis, ut ex dicendis ibid. constabit; quibus suppositis ad dubium.

Quidam negant, & moventur, ex quo Confessarius in casu se exponeret periculo faciendi nullum Sacramentum; nam; cum opinio asserens ad valorem Sacramenti attritionem sufficere, sit minus tuta, & tutior sit opposita id negans, & requirens contritionem perfectam, Confessarius illam sequendo exponit Sacramentum periculo nullitatis, quoniam, si coram Deo, & à parte rei attritio non esset dolor sufficiens, Sacramentum esset nullum; & idèò deberet abstinere ab absolutione poenitentis, quem solùm attritum agnosceret.

Sed nos contra praefatos affirmamus: quorum discursus concluderet, si sententia affirmativa de sufficientia attritionis esset merè probabilis, & non omninò certa, & indubitabilis; sed certa est omninò propter definitionem Trid. Sess. 14. cap. 4. ubi: *illam verò contritionem imperfectam, quae attritio dicitur, &c. & infrà, & quamvis sine Sacramento Poenitentiae per se ad justificationem perducere peccatorem nequeat, tamen ad Dei gratiam in Sacramento impetrandam disponit.* Unde ex Concilio aliter ad Dei gratiam disponit intra Sacramentum, & extra: nam extra Sacramentum dixit non perducere peccatorem ad justificationem, intra verò disponere peccatorem ad illam; & quidem proximè,

& immediatè, quia remotè, etià extra Sacramentum disponere dicitur; & idèò, cum sententia, quòd attritio sufficiat, sit omninò certa, dici non potest esse minus tuta circa valorem Sacramenti.

7 Sed instant. In articulo mortis non sufficit attritio, sed requiritur etià contritio perfecta: quod verum non foret, si attritio esset certò sufficiens ad Sacramentum Poenitentiae: nam tunc etià in eo articulo foret sufficiens.

Resp. Negando, quòd in articulo mortis ad justificationem obtinendam per Sacramentum Poenitentiae non sufficiat attritio, nec ex isto capite contritio perfecta charitate formata tunc requiritur, sed ex alio asseritur à DD. necessaria; tum ex quo pro tunc Deus est super omnia diligendus, & dolendum est de offensa ipsi, ut summo bono, facta; tum ex quo homo non habens omnimodam evidentiam, aut certitudinem de valore sui baptismi, neque de valore Ordinis Sacerdotis illum absolventis, debet se reddere securum pro salute aeterna consequenda per actum dilectionis Dei super omnia, & detestationem peccati, ut est offensa Dei summi boni: ad quam securitatem requiritur contritio charitate formata. Vide cap. 34. in fine.

8 An autem sufficiat attritio cognita ut talis, vel debeat esse cognita ut contritio? dicendum *infr. cap. cit. nu. 31.*

Sed adhuc quaritur, *an opinio affirmans attritionem conceptam ex metu penarum temporalium, quae à Deo, tamquam à delictorum vindice, infliguntur, esse sufficientem ad valorem, & effectum Sacramenti, licet possit ad praxim deduci, relicta tutiore, quae dicit, sufficientem non esse: & sic absolvi poenitentis, qui cognoscitur solùm dolere de peccatis, quia timet à Deo bonis temporalibus, sanitate nimirum, & filiis, privari?*

Resp. Negativè, ratio est, quia opinio illa non modò est minus tuta, verum etià improbabilis, & falsa; nam, ut dolor

lor attritionis sit dispositio sufficiens ad justificationem, debet esse supernaturalis, hoc est, regulatus à fide, quæ est principium supernaturalitatis; & hinc non sufficit timor pænæ temporalis, cum fides non doceat peccanti propter peccata imminere talem pœnam, seu peccatum à Deo castigari morte, aut bonorum temporalium amissionem; nam mors temporalis omnibus, etiam iustis, communis est, & cætera hujus vitæ mala, etiam iustos, affligunt, non solos peccatores, quos sæpè potius prosperari experimur; fides autem docet imminere peccanti pœnam æternam inferni, eumque ob peccatum à Deo castigari morte æterna, & æternæ beatitudinis carentia; hinc dolor de peccatis conceptus ex timore pœnarum inferni, & amissionis beatitudinis est à fide regulatus, non verò ille conceptus ex timore pœnarum hujus vitæ; & propterea iste sufficiens non est ad valorem Sacramenti, bene verò ille: super quo debent, etiam pœnitentes instrui, sed de hoc cap. cit.

9 *Queritur, contra quam virtutem peccet, qui utitur opinione minus tuta circa valorem Sacramenti, relicta tutiore?*

Resp. Contra Religionem, & Charitatem; contra Religionem sanè, quia, cum conficere Sacramentum irritum, atque nullum, sit peccatum mortale contra reverentiam Sacramento debitam, exponere se periculo faciendi nullum Sacramentum est peccatum mortale contra eandem reverentiam, & est Sacrilegium; quandoquidem, ut loquitur Suarez, in moralibus perinde est aliquid facere, & exponere se periculo faciendi; contra Charitatem verò, quia exponit se periculo defraudandi fideles fructu Sacramentorum, quæ instituta sunt, ut fideles eorum fructus percipiant.

Et ideò, ut ex Scoto in 4 dist. 3. qu. 2. ponderat Fagnan. in 1. Decretal. ad cap. Ne in nitaris de cons. num. 303. non modo ex charitate erga proximum, sed e-

Matthæucci Cantela Confess.

tiam ex reverentia, quæ debetur Sacramento, semper tenetur quis sequi partem omnino tutam, ne se exponat periculo faciendi illud, irritum.

10 *Sed dubitabis, non ne, dum Confessarius absolvit Pœnitentem, quem probabiliter cognoscit esse verè dispositum per contritionem, vel attritionem, sine peccato, etiam extra casum necessitatis, absolvit? & tamè tunc exponitur Sacramentum periculo nullitatis; quia ea cognitio est de materia essentiali, seu requisita ad valorem Sacramenti, & cum sit merè probabilis, fallibilis est, & falsa esse potest; in casu verò, quod esset falsa, & coram Deo peccator non sufficienter dispositus, Sacramentum esset nullum, ergo non peccat, qui exponit Sacramentum nullitati, sequendo opinionem minus tutam de valore Sacramenti, relicta tutiore?*

Resp. Ut non peccet Sacerdos absolvendo, non modò de dispositione pœnitentis debet cognitionem probabilem, sed moraliter certam habere; nam non debet prudenter dubitare, aut suspicari de legitima dispositione pœnitentis, aliàs invalidè absolvit; quam cognitionem Confessarius colligit ex pœnitentis Confessione, dolore, proposito, lachrymis, compunctione, emendatione vitæ, &c. quæ licet secundùm se sint fallibilia, tamen in istis circumstantiis apta sunt, ut ex ipsis formetur judicium moraliter certum, hoc est, prudenter judicetur de vera dispositione peccatoris, sic, ut imprudentissimum sit quodlibet aliud judicium: & ideò tunc non peccat, sed prudenter operatur, nec minus tuta utitur, relicta tutiore: nam tutior non habetur, & est impossibile, quod alia tutior, præcisa divina revelatione, pro isto statu à Confessario habeatur. De absolvendo in articulo mortis dicendum cap. 3. à num. 4 & cap. 37. nu. 9.

11 *Si dicas, non ne tutius esset non absolvere?*

Resp. Hoc esset negare Sacramentum pœnitentiæ; nam, cum Confessarius non possit de pœnitentis dispositione habere

P pro

pro statu isto, præciso miraculo, majorem certitudinem, & tutiorem securitatem, quam moralem (physica enim, & methaphysica est impossibilis, nec exigitur) cum dicis, cum hac non posse licite absolutionem conferre, sequitur, quod numquam poterit, & sic frustra, & inutiliter esset à Christo Domino Sacramentum penitentiae institutum, & præcepta Confessio, quod est hæreticum asserere; quid autem sit certitudo moralis, diximus cap. 20. *sit. nu. 15. in fine.*

12 Quæritur, an sit valida absolutio data à Confessario, qui communiter reputatur habere jurisdictionem, quam à partem non habet?

Resp. Affirmativè; sed requiritur: primo, quod error sit communis, seu communiter teneatur ut Confessarius ab omnibus, tam sapientibus, quam insipientibus; nam, si aliqui dubitarent, error esset, sed non communis; cum commune non sit, quod communiter non admittitur.

2 Quod Confessarius habeat titulum à legitimo Superiore collatum, hoc est, quod ab Ordinario Parochiam, vel jurisdictionem obtinuerit, adeo ut ab omnibus pro Parocho, & Confessario habeatur, quamvis propter aliquod impedimentum occultum titulus invalidus sit, ut, quia est suspensus; in quo casu affirmant DD. valere absolutionem, quia Ecclesia supplet jurisdictionem, juxta, dicta lib. 1. cap. 9. nu. 16. Vide Bonacc. de matrim. q. 2. punc. 8. nu. 32. & Fagnan. ibi allegatum: qui optimè scripsit non supplere, si fuerit sua autoritate intrusus, & in 1. Decretal. ad alleg. c. Ne in nitaris nu. 380. dixit, Ecclesiam non tribuere jurisdictionem ad absolvendum Sacerdoti eligenti opinionem probabilem, prætermissa probabiliori, nam eo ipso, quod Sacerdos eligeat opinionem probabilem cognoscit contrariam esse probabiliorē, excluditur communis error, & titulus putativus proveniens à legitimo Superiore; sed oritur tantum ex sua propria

opinio: quod debet Confessarius notare; quemadmodum scire, quod quamvis aliquis communiter teneretur pro Parocho, & à legitimo Superiore Parochiam obtinuisse, si baptizatus non foret, vel esset femina, aut non Sacerdos, ei ab Ecclesia ad absolvendum jurisdictionem non tribueretur, non obstante communi errore, ac putativo titulo à legitimo Superiore obtento, propter impedimentum, & incapacitatem lege divina, & Ecclesiastica statutum.

13 Quæritur, an in conferendis, vel recipiendis Sacramentis detur parvitas materia, sic, ut quis valide ipsa consociat, vel recipiat, tametsi aliquod minimum ad ipsorum valorem requisitum prætermittat?

Resp. Negativè, nam Sacramentum, formaliter loquendo, in indivisibili consistit, & ideo, quocumque minimo prætermisso, de requisitis ad valorem, & essentiam, totum Sacramentum est nullum, & non subsistit; sicut non subsistit homo, si omnia ad essentiam ipsius requisita non ponantur.

CAPUT II.

Prop. II. ab Innoc. XI. &c.

Judicium juxta probabiliora ferendum.

1 PROP. 2. probabiliter existimo, Judicem posse judicare juxta opinionem, etiam minus probabilem.

Judicem posse sequi opinionem probabilem, etiam contra communem, & probabiliorē, docuit Ledefma apud Fagnanum in 1. Decretal. ad cit. cap. Ne in nitaris nu. 31. ubi Sanchez affirmat, hanc opinionem esse probabilem; utrumque autem damnavit Innoc. quod debet Confessarius notare, & ad praxim non descendere contra præscriptum, si penitentes sint Judices, & Advocati, si Medici, cæterique, quibus non licet juxta minus probabilem, relicta probabiliorē, ope-

operari. De ministris Sacramentorum diximus cap. præterito; & in præfenti aliqua, etiam ipsi Confessario, ut Judex est, & Medicus, possunt aptari.

2 *Quæritur, quid respondere debeat Confessarius Judici penitenti, dicenti: scrupulis vexor: mihi juxta allegata, & probata constat Petrum fuisse homicidam Pauli, & aliudè habeo certitudinem physicam, quod Petrus sit innocens; nam tunc temporis à Civitate erat absens: quæro, quid mihi agendum sit; si eum ad mortem condemno, opeor contra conscientiam, & veritatem, ac innocentem damno, quod est ab intrinseco malum, contra omnia jura; & rationem: si liberem, facio contra justitiam, & officium à Republica mihi commissum; utrumque malum est, ex pecto instructionem?*

Resp. Debet videre, an Judex sit supremus habens facultatem condendi leges, an inferior: si supremum invenit, significet se teneri ad pronunciandum contra allegata, & probata, sed secundum scientiam, quam privatim habet, ne innocentem damnet; ratio est, quia in casu justam causam habet derogandi legi: & in favorem innocentis debet, modo id possit sine gravi scandalo populi, & damno Reipublicæ. Cæterum ad satisfaciendum populo, & evitandum scandalum, debet rem sibi notam, cæteris aliquo modo aperire.

Si verò fuerit inferior: quidam censent, eum debere judicare juxta allegata, & probata, ac secundum conscientiam, quam ex probatis in causa, ut Judex, habet; qui conformari debet in judicando, non secundum id, quod ipse novit, tamquam privata persona, sed secundum id, quod sibi innotescit, tamquam persona publica; de quo, ut notavit Cajetanus, diceretur judicare secundum Deum, seu, ut vult Deus, qui statuit, ut homo judicet secundum veritatem publicam ex probationibus, dum statuit, quod in ore duorum, vel trium stat omne ver-

bum; & propterea non diceretur, ut Judex, innocentem damnare, quia in scientia, quam, ut Judex haberet, innocens non foret.

Cæterum crediderim esse prius instruendum, eum teneri Petrum liberare, si posset: vel impediendo accusationem, vel remittendo causam Superiori, si potest sine gravi damno, & infirmendo coram illo testium probationes: quòd, si id non possit, concedat reo appellationem, & in ejus favorem coram Superiore testificetur. Et, si adhuc causa ad eum devolvatur, adeat Superiorem, eumque de veritate moneat, vel pressius, & multoties testes examinet, eis suum testimonium exprobandum, vel, si absque scandalo potest contingere, carcerem aperiat, ut reus fugiat. Quilici *Confess. manud. q. 15. art. 7. nu. 9. De la Cruz 7. præcept. qu. 3. de injust. jud. nu. 9.* quod, si hæc nec executioni dari potuerint, poterit prior sententia ad praxim deduci.

3 *Sed quid, si Judex sciat aliquem reum esse, & reus juridicè non probetur, sed potius innocens?*

Resp. Non potest ipsum damnare; ratio est, quia cum judicet, ut persona publica, debet judicare juris ordine servato, adeoque, nisi reus juridicè probetur, cap. cum à nobis de test. & attestat. Immo nec potest reum damnare ex aliorum dictis, nisi prius ejus causa diligenter examine-tur, & detur reo locus se defendendi, per se, vel per alium, cum jus naturæ id poscat, alioquin posset innocens damnari, cap. qualiter il 2. de accusat. Vide Bonacc. 8. præcept. Decal. disp. 10. q. 2. punc. 2. num. 5.

4 *Quæritur, quare Judex debet sententiam ferre pro parte, quæ habet pro se rationes validiores, & fortiora motiva contra partem, quæ leviores rationes adducit?*

Resp. Quia ab Innoc. damnatur oppositum, & etiam, quia Judicibus à Republica commissa est cura, ut ferant sententiam juxta partem magis probatam.

Tum quia, fieret injuria ei, qui melius probavit suam partem. Tum quia, sententia opposita viam aperit oppressioni pauperum, & acceptationi personarum; propterea ab omnibus supponitur Judicem ex pacto, & conventionem per acceptationem, & collationem officii inita, obligari ad pronunciandum in favorem habentis pro sua parte validiores rationes. Tum, quia ipse Judex conquereretur de injustitia, si alius Judex in aliqua sua causa pronunciaret pro parte minus probabili in favorem partis adversæ, ergo nec ipse debet pronunciare in causa aliorum, juxta id, *quod tibi non vis, &c.*

5 Sed quid, si cognoscat probationes esse æquales, & ius utrique parti æqualiter favere?

Resp. Non debet pro suo speciali favore rem litigiosam parti, cui volverit adjudicare; nam, cum non sit Dominus rei, non potest aliquod jus in alterutram partem transferre, & cum videat utramque partem habere æqualem probabilitatem, tam facti, quam juris, non potest salva veritate, & justitia, ac pacto ex officio suscepto, declarare, quod una habeat probabilitatem majorem. Ideo, vel res dividenda erit in æquales partes, si est divisibilis; vel retinens totam rem, debet alteri compensationem reddere secundum æstimationem dimidii: æquale enim est jus ambarum partium.

6 Sed quæritur, an peccet, si uni potius quam alteri adjudicet?

Resp. Affirmativè, peccat contra justitiam Reipublicæ, ac partis, contra quam pronunciat, cui proinde tenetur ex justitia damna compensare; immò est perjurus, si juravit jus dicere secundum leges, & sententias injustas non dare; ac mentitur, si videns utramque opinionem esse probabilem, affirmet unam esse alia probabilior.

7 Quæritur, an si Judex non damnet reum ad penam pecuniariam secundum legem applicandam Fisco, Accusatori, aut aliis, tentatur eam restituere illis?

Resp. Affirmativè: ratio est, quia ratione officii tenetur ex justitia reddere partibus suum jus, sed accusator habet jus legale ad illas pœnas. Idem tamen non videtur dicendum de teste injustè negante, quia non est minister justitiæ, sicut Judex. De la Cruz 8. *precept. articuli. 1. qu. 3. in fine.*

8 Quæritur, an peccet Advocatus suscipiens defendendam causam manifestè injustam, qua scilicet, sit apertè contra leges, aut sciat debitum solutum, &c.

Resp. Affirmativè, si id scienter faciat; & restituere tenetur parti contrariæ expensas, & damna secuta ex sua Advocacia, & suæ parti restituet, etiam expensas; quia eam injustè lædit, si non monuit de injustitia suæ causæ. D. Thomas 2.2. *qu. 71. art. 3.*

9 Sed quid, si suscipiens patrocinium causæ, quam putabat justam, in processu reperiat injustam?

Resp. Tenetur statim desistere, & monere suam partem de injustitia comperita, ipsamque ad cedendum inducere; sed non potest prodere parti contrariæ injustitiam, & secreta suæ causæ, ibid. S. Thomas.

10 Quæritur, an, si Advocatus Clientulo significet rationes partis adversæ esse probabiliores, & tamen volverit Clientis ejus operam conducere, possit huic ille patrocinium præstare?

Resp. Negativè; ratio est, quia cum Clientis non possit agere causam minus probabilem, seu litigare de re, quam putat probabilius ad alterum spectare (hoc enim esset directè procurare, quod fieret injustitia, cum injustum sit rem judicare habenti minus probabilem titulum) sic, nec Advocatus potest ejus patrocinium suscipere, quia, ut ibi loquitur D. Thomas in corpore quæstioni, *est illicitum, alicui cooperari ad malum faciendum sive consulendo, sive adjuvando, sive qualitercumque consentiendo, quia consilians, & coadjuvans est quodammodo faciens, in quo injustè ladiitur is,*

contra quem Patrocinium præstat; nam sicut nemo potest consulere alteri id, quod ille absque peccato exequi non potest *cap. Error cum duobus* 83. *dist.* sic nec patrocinari, quod minus probabile ipsi apparet.

Et sic discurre potest: vel Advocatus videt se inducturum Judicem ad ferendam sententiam adversus partem, quæ habet probabilius jus, & tunc est causa injusta damni partis læsæ, quæ jus habet, ne alter cooperetur ad ablationem rei, quæ juxta probabiliores rationes ad se spectat; vel prævidet causam esse ab Judice adjudicandam parti habenti probabiliorum titulum, & tunc esset injusta causa inutilium expensarum, & sic restitutioni obstrictus. Vid. Fagnan. *in* 1. *ad cap. ne innitatis de const. num.* 387.

II Quæritur, *an tuta conscientia, possit Advocatus suscipere causam defendendam, pro qua sunt rationes utrinque æque probabiles?*

Resp. Affirmativè, nam hæc est propria materialis, unde si in causis dubiis non liceret Advocatis patrocinari, vix umquam liceret, & supprimi possent ferè omnia orbis Tribunalia: ut plurimum enim solet litigari de rebus dubiis, quæ ob conflictum rationum, utrinque probabilem, sunt dubiæ; & propterea incertus dicitur litis eventus; satis est itaque, ut Advocati moveantur probabilibus rationibus.

Caveant tamen, ne proponant Clientulis suis partem probabilem, & dubiam, tamquam certam, & tutam, quia tunc mentirentur proponendo rem dubiam, tamquam certam, & Clientulos deciperent, ac per deceptionem ad litigandum inducerent, qui fortè non litigarent, si rem dubiam intelligerent; & propterea Advocati peccant, & eis tenentur ad damna, & interesse.

12 Quæritur, *an possit Confessarius absolvere Advocatum, qui paratus est cuicvis patrocinari, sive causam justam, sive injustam litigandi habeat?*

Mattheucci Cautela Confess.

Resp. Negativè, quia paratus est ad admittenda peccata contra justitiam, & ideo peccat. Layman *lib. 1. tract. 1. cap. 5. §. 3. num.* 8.

Pro instructione Confessarii danda Advocatis, notetur 1. quod Advocatus suscipiens defendendam causam dubiam obligatur, ut prius diligenter inspiciat causæ sibi propositæ æquitatem, vel probabilitatem, & si injustam esse comperiatur, hoc est, contra leges, vel debitum fuisse solum, &c. nullo modo ejus patrocinium suscipiat, nec partem ad litigandum inducat.

2 Ut post diligentem totius causæ considerationem aperiat sincerè Clienti, quanta sit probabilis spes victoriæ.

3 Ut, dum causæ dubiæ patrocinium suscepit, paratus sit, ubi primum in progressu invenerit causæ manifestam iniquitatem, abstinere, & Clienti significare.

Quæ dicta sunt de Advocato, dicas de Procuratore, & servata proportionem de cæteris justitiæ Ministris.

De Tabellione, seu Notario, nota cum De la Cruz *cit. dub. 12. conc. 2.* quod si conficiat falsam, & injustam scripturam, peccat mortaliter contra Religionem, cum sit perjurus (similes enim jurant de proprio munere fideliter exercendo) & contra justitiam Reipublicæ, & contra justitiam partis damnificatæ.

13 Quæritur, *an Medicus possit licitè dare infirmo medicamentum, quod probabiliter putat minus profuturum, relictò eo, quod probabilius posset prodesse?*

Resp. Negativè, nam sanè nullus sibi eligeret Medicum (nisi mente infirmus foret) quem probabilius putaret, quod occideret, quam sanaret; debent itaque Medici, & Chirurghi in curationibus semper sequi sententias certas, & tutiores, relictis incertis, & dubiis: hinc, ut ex proprio officio certiori modo egris subveniant, debent adhibere remedia, quæ probabilius judicant eis debere proficere, & non nocere; propterea sequentes scienter partem minus probabilem, & eligendo medica-

menta, quæ ad propositum sanitatis finem minus idonea reputantur, suo officio non satisfaciunt, & sic peccant contra iustitiam; & quia amor proximi postulat, ut meliori modo, quo possumus, ei subveniamus, peccant etiam contra Charitatem, dum eis adhibent medicamenta, quæ probabilius iudicant esse nocitura, quam profutura. DD. apud Fagnan. *cit. nu. 293.*

14 Sed quid, si *adeffet solum medicamentum dubium, de quo aequaliter iudicatur, quod proficere, & nocere possit*

Resp. Non possunt illud adhibere, ut optime Sylvester *ver. Medicus qu. 4.* scribens eos debere diligenter attendere, ne illas medicinas conferant, de quibus illis secundum artem non constat, quod sint profuturæ; quia, si dubitant, utrum prodesse debeant, vel obesse, dando peccant; in dubiis enim *tutior sequenda est via*: tutius autem est relinquere infirmum naturæ, & in manu Creatoris, quam ipsum exponere periculo, supponendo eum dubitabili medicinæ, quæ posset mortem accelerare; vide alleg. Fagnan. *num. 374.* & Layman *cit. nu. 15.* unde peccant Medici, si experiendi tantum causâ inexplorata medicamenta infirmis adhibeant.

15 Queritur, an Confessarius iudicans probabiliter pœnitentem esse dispositum, sed probabilius esse ind dispositum, possit eum absolovere?

Resp. Negativè, nam exponit Sacramentum periculo nullitatis, patet ex dictis superiori capite. Confessarius enim nunquam debet pœnitentes absolovere, nisi sit moraliter certus de ipsorum dispositione; & in casu necessitatis, nisi adhibita conditione, si es capax.

16 Queritur, an Confessarius in foro, & iudicio Sacramentali teneatur sequi opinionem pœnitentis, etiam si pœnitens eligat minus probabilem, & minus tutam, aded ut, si ex hoc capite denegat absolutionem, mortaliter peccet?

Resp. Duplex est sententia: altera Bonaccin. *disp. 5. qu. 7. punct. 4. §. 2. num. 26.* & 27. cum aliis, & Poncii *disp. 46. qu. 11. conc. 6.* resolventium Confessarium teneri se conformare opinioni pœnitentis contra suam propriam probabiliorē; quorum ratio est, quia pœnitens sequendo illam opinionem non peccavit: cum non peccet, qui operatur juxta opinionem probabilem, ergo, si nil aliud obstat, absolvi debet, cum ex isto capite censetur bene dispositus pro absolutione; & Confessarius tenetur pœnitentes absolovere, quoties sunt ritè dispositi, alias mortaliter peccat.

Altera est Fagnan. *cit. num. 304.* id negans, & movetur, ex quo per Trid. *sess. 14. de cas. reser. sit* Judex: quod officium exercet pronunciando sententiam absolutionis, tamquam actum judiciale, vel remittendo peccata, dum absolvit, vel retinendo, dum sine absolutione dimittit pœnitentem ind dispositum, vel pœnitentiam injungendo, & ad pœnam ligando, quod falsum esset, si sententiam deberet proferre juxta iudicium pœnitentis: iudicet Confessarius, eum debere restituere, negotiationem dimittere, votum adimplere, occasionem peccati relinquere, & similia; statim posset pœnitens respondere, super hæc sunt opiniones DD. probabiles in contrarium mihi faventes, quas sequor; & hinc in foro animæ cogeretur Judex sequi iudicium rei, & non reus iudicium Sacerdotis, & Judicis, ac absolovere, & operari contra legem conscientie reluctantis, quod esse falsum patet.

Ideo prima sententia videtur limitanda, ut non debeat, nec possit Confessarius sine peccato sacrilegii sequi opinionem pœnitentis, dum agitur de valore Sacramentorum, & damno tertii; & cum verè probabilis non reputatur, sed nimis laxa, & nutritiva peccati, instruendus est, ut ipsam deponat, vel, quia est unius, vel alterius nimis laxi Doctoris, vel, quia licet olim fuerit probabili-

lis,

lis, hodie tamen, quia ab Ecclesia fuit proscripta, improbabilis effecta est, & falsa; quod si parere noluerit, tamquam indispositus dimittendus est; cum siquidem indispositi sint pœnitentes, qui accedunt non recepturi monita prudentis, & boni Confessoris, quem Deus in hoc iudicio sibi iudicem, & Doctorem constituit, sed potius, ut, mutato ordine, velint supra magistrum se extollere, & contra Doctorem sentire. Conetur itaque Confessarius ignorantiam à pœnitentibus tollere, eosque ad veritatis notitiam reducere, ubi per rationes fundatas viderit aliquam opinionem esse verè improbabilem, esto illam plures sequantur, ut optimè discurret Campionus.

CAPUT III.

*Prop. III. ab Innoc. XI. &c.
Opinio tenuiter probabilis.*

PROP. 3. *Generatim, dum probabilitate siue intrinseca, siue extrinseca, quamvis tenui, modò à probabilitatis finibus non exeat, confisi, aliquid agimus, semper prudenter agimus.*

Lib. 1. cap. 20. nu. 2. videri potest, quid sit opinio probabilis, quid probabilitas ab intrinseco, quidve ab extrinseco, & num. 3. quæ opinio sit verè probabilis; & interim.

2 Quæritur, *ex quibus potest quis moveri ad rationabiliter dubitandum de probabilitate opinionis?*

Resp. Ex pluribus, 1. cum Auctor opinionis non est omni exceptione major, timoræ conscientie, & in moralibus peritus; nam per Boetium probabile est, quod videtur, vel omnibus, vel pluribus, vel maxime notis, atque praeceptis. 2. Cum Auctor opinionis rationes graves, & firmas non affert, sed levibus movetur, à contrariis enervantur, & ipsa contraria non solvit. 3. Cum unus,

vel alter docet opinionem, quæ communiter ab aliis Doctoribus, ut improbabilis, & minus tuta in praxi reprobat. 4. Cum dubitatur, an ratio, cui opinio nititur, sit levis, an gravis, vel firma: in dubiis enim oportet non citò credere: nam, *qui citò credit, levis est corde*: ideo debet alios consulere, ut de veritate instruat, & interim sequi, quod tutius est; ubi ergo hæc, vel similia motiva inventa fuerint, dicendum erit opinionem esse tenuiter probabilem, & non posse prudenter eligi, adeò ut in praxi prudenter non operetur, quicamque sequitur; cum prudenter non agat, qui vel se exponit periculo peccandi, vel ad operandum non magni ponderis, & momenti, sed potius movetur levibus rationibus, & operatur præcè dubicans de opposito. Vid. Fagn. in 1. ad cap. ne in iustis, de const. nu. 449.

3 Sed dubitatur, *an liceat in aliquo casu operari, electa opinione tenuiter probabilis?*

Resp. Filguera apud Cardenas cap. 7. dixit à Pontifice non damnari propositionem docentem, in aliquo casu posse sequi opinionem tenuiter probabilem, & deducit: ex quo damnetur propositio asserens, *generatim licere* uti opinione tenuiter probabilis, non verò affirmans licere solum in aliquo casu.

Verum hoc non probo, nam semper, & in omni casu verificabitur de operante ducto opinione tenuiter probabilis, quod imprudenter operetur, & hic, & nunc, propter præponderantes rationes in oppositum, & tenuitatem propriæ opinionis, dubitet de honestate suæ operationis, adeòque quod peccet; & ideo dicendum, numquam licere uti opinione tenuiter probabilis.

4 Nota, Sacerdotem invenientem moribundum, & dubitantem, an dolor ipsius sit sufficiens ad valorem Sacramenti, dum non potest ad maiorem excitare, debere ipsum absolvere, apponendo conditionem, *si es capax*: per quam vita-

tur irreverentia Sacramenti : ex lege Charitatis succurritur salutis animæ, extremè indigenti, & ipsa necessitas operatur, ut non leviter, sed prudenter operetur. Felix exam.to.1.nu.78.

CAPUT IV.

*Prop.IV. ab Innoc.XI. &c.
Infidelis.*

PROP.4. *Ab infidelitate excusabitur infidelis non credens, ductus opinione minus probabili.*

Author propositionis fuit Sancius in *selectis disput.19.nu.7.* scribens, quòd, sicut homo in aliis materijs, & præceptis excusatur à peccato, si sequatur opinionem minus probabilem de non peccato: ut si supponatur esse probabile non licere piscari die festo, & minus probabile licere, qui operatur secunda opinione ductus, à peccato excusatur; ita in præcepto credendi veritates fidei Catholicæ, ait, excusabitur infidelis à peccato infidelitatis, ductus opinione minus probabili; sic Lutheranus minus probabiliter iudicans, quod sua secta sit vera, & magis probabiliter, quod vera sit Religio Catholica, excusatur per Sanciū, si suam sectam, & infidelitatem non deponat. Verum, quod illatio sit falsa, constat manifestè. 1. Ex decreto Innoc.2. Ex quo Hæreticus veram probabilitatem habere non possit de veritate suæ falsæ sectæ; etenim si attenderet, vel ponderaret motiva credibilitatis, propter quæ evidenter constat mysteria fidei Catholicæ esse à Deo revelata, juxta dicenda *cap.13.* experiretur suam sectam esse certò falsam.

2. Hinc hæreticus prudenter dubitans de veritate suæ sectæ, tenetur suam infidelitatem deponere, procurando sibi certitudinem fidei Catholicæ, ad quam, sufficienti adhibita diligentia, infallibiliter perveniet, si sincero animo veritatem quærat, & cum viris in Catholica Doctrina peritis, conferat; adeò ut, si hanc

diligentiam omittat, peccet: quemadmodum peccat, qui dubitat, an hodie, v. g. urgeat præceptum audiendi Missam, si non adhibeat diligentiam pro compendienda veritate, vel Missam non audiat; sed infidelis habens opinionem probabilem de veritate suæ sectæ, & probabiliorē de veritate fidei Catholicæ, debet prudenter dubitare de suæ sectæ veritate, & quod in errore versetur; nam per iudicium magis probabile, magis verisimilis ei apparet Religio Catholica, quàm sua secta, ergo non potest absque peccato eam retinere, sed debet ipsam deserre, & Religionis Catholicæ fidem suscipere, vel argumenta examinare, propter quæ Mysteria fidei ita apparent, ut imprudentissimus esset, qui non crederet. Quæ omnia in instructione penitentis ponderet Confessarius, eumque ad sequentem probabilioris inducat; nam sanè res maximi momenti est, Deum offendere mortaliter, aut non; & in praxi circa eum in materia hæresis huc reddat, quæ diximus *lib.1. cap.3. per totum*; & ibi *nu.4.* videat hæresis definitionem, *nu.5.* naturam pertinaciæ; & *nu.6.* divisionem hæresis in internam, & externam, & sequentibus numeris alia plura de schismaticis, & Apostatis, Blasphemia hæreticali, & absolutione ab hæresi; legat etiam *cap.33. sub nu.17.* & *cap.34. nu.29.* decretum Alexand. VII. declarantis in Jubileis non dari facultatem absolvendi ab hæresi; & interim subsequētia non negligat, ut optimi Confessarii partes impleat, & de re non adeò Confessariis obvia plenè instruat.

3. *Quæritur, in quo differant infidelis materialis, & infidelis formalis?*

Resp. In hoc, quod infidelis materialis, seu materialiter ille dicatur, qui ideò non credit mysteria fidei divinæ, nec diligentiam adhibet, ut ipsius veritatem assequatur, quia nil de ipsa, aut Ecclesiæ definitione audivit; & propterea credere non potest, teste Apostolo ad Roman. 10. *quomodo credent ei, quem non audierunt*.

runt, & quomodo audient sine predicante? in quo infidelitas peccatum non est ex D. Thoma 2.2. *quest.* 10. in corp. & damnatur propter alia peccata, quæ sine fide remitti non possunt: iste consignandus est Catechistæ instruendus pro Baptismo, & consulendus Inquisitor, vel Ordinarius.

Infidelis verò formaliter ille est, qui, vel postquam recepit fidem, eam, ut Apostata, in totum discredendo pertinaciter omnibus articulis fidei, vel in partem, ut Hæretici, aliquem negando, deserit; vel, qui credere non vult, quamvis ei mysteria fidei sint sufficienter ab Ecclesia proposita, esse à Deo revelata; vel diligentiam non adhibet in indaganda veritate fidei Catholicæ, postquam de ipsa notitiam habuit; in quo infidelitas culpabilis est, & peccatum, nec absolvendus à Confessario ordinario.

4. *Queritur, quenam sit differentia inter Paganismum, Judaismum, & Hæresim?*

Resp. Hæc, quod Paganismus sit infidelitas eorum, qui nunquam receperunt fidem, nec credunt ullo modo in Christum, aut venturum, aut venisse. Judaismum verò sit infidelitas eorum credentium Christum venturum, postquam fides Catholica dicat eum venisse: præfati egent instructione pro Baptismo.

Hæresis autem, est infidelitas eorum, qui licet credant Christum venisse, discredunt aliquibus articulis fidei sufficienter propositis; quam suo loco supra citato descripsimus: quod sit error intellectus cum pertinacia voluntatis contra aliquem articulum fidei, quæ absolvi non potest juxta dicta *ibid. cap. 3. nu. 7.*

5. *Queritur, an sit Hæreticus, qui in ebrietate hæresim internam ore pronunciat; & ab aliis didicit se pronunciasse?*

Resp. Distinguas triplex genus ebrietatis, *levissima, levis, & magna*, 1. Est, quæ mentem non impedit, sed hominem tantum exhilarat, & promptiorem ad loquendum reddit. 2. Mentem turbat, sed

plene usum rationis non aufert, 3. Totaliter alienationem mentis inducit, & usum rationis impedit sic, ut non advertens ebrius loquatur; quod ebrius, 1. & 2. sensu hæreticus formaliter sit, conveniunt DD. asserentes, quod ebrietas levissima, nec à toto, nec à tanto excusat, nec propter eam minuitur poena, sicut minuitur propter ebrietatem levem, Catena *de off. Sup. Inquisit. par. 2. tit. 5. nu. 32.*

Dubium est de ebrio tertia ebrietatis specie, & ratio dubitandi est; quia hæresis est error intellectus cum pertinacia voluntatis, & pertinacia in hoc consistit, ut quis, non obstante, quod cognoscat aliquid ab Ecclesia de fide teneri, non velit illud credere, sed contrarium: de ebrio autem, ut ebrio, non potest dici ipsum cognoscere, esse contra determinationem Ecclesiæ, quod ipse tenet, vel ore pronunciat, quia supponitur per ebrietatem usum rationis perfecte turbatum, & verba non significantivè, & formaliter, sed solum materialiter pronunciat.

Verum, quia difficillimum est cognoscere, an ebrietas inducat totalem mentis alienationem: tutissima sententia est, quod tali ebrio, deposita ebrietate, à Confessario Ordinario absolutio non conferatur, maxime, quia ad hæresim externam per DD. factum est, quod hæresis interna extra scripto, verbo, vel facto ostendatur: ab excommunicatione excusant manifestantem hæresim internam coram Inquisitoribus, vel in Confessione Sacramentali, aut ad petendum consilium, vel auxilium ad effectum eam relinquendi; sed hic hunc effectum non reperio. Et ex his patet, quid dicendum de manifestante hæresim internam, in ira, Insania, somno, & inadvertenter. In quo meliori me iudicio submitto.

6. *Queritur, quid agendum Confessario cum penitente, qui se accusans, hæc aperit: Pater, à quindecim diebus non fui confessus, ab illo tempore mihi aliud non occurrit, quam significare, quod in itinere per vim me coegerunt hæretici*

tici ad adorandam effigiem Lutheri, & frangendam Imaginem D. Petri, & Romani Pontificis?

Resp. Debet videre, an coactio fuerit *absoluta*, & *præcisæ*, in hoc consistens, quod quis ligatus, & prorsus voluntate renitens, ab extrinseco impellente cogitur genua flectere Idolo, aut frangere Imaginem Sacram; vel *conditionalis* tantum, quæ habetur, dum, quis pro evitanda morte aliquod factum hæreticale committit.

Si invenerit coactionem fuisse *præcisam*, & in mente errorem non habuisse contra fidem (quem haberet credens Luthero, non Sacris Imaginibus, adorationem deberi, & Romanum Pontificem non esse Christi Vicarium, D. Petri successorem) hæreticus non est, nec in eo peccavit, ratio est, quia sic coactus magis pati, quam agere convincitur cap. *Sacris de iis, quæ vi, metu &c. Cæc. Car. cit. par. 2 tit. 1. §. 15. nu. 80.*

Si coactio non præcisæ, sed conditionalis fuerit ad instantem mortem vitandam (quam utinam, ut optimus Christianus sustinuisset), si corde credat totum, quod Ecclesia Romana credendum proponit, hæreticus non est, sed gravissimo Sacrilegio peccavit externa illa adoratione, quia cum id sit ab intrinseco malum, nullo potest sine honestari; i. deo posse absolvi à Confessario non dubitatur, quia non est excommunicatus excommunicatione Bullæ: verum ante absolutionem deberet ab eo abjuramentum exigere, hoc est, curare, ut ipsum de testaretur Lutherum Hæresiarcam, ejusque dogmata, & crederet quidquid Ecclesia Catholica credit, & in ea Romani Pontificis primatum, ac esse Sanctorum Imagines colendas, cum juramento permanendi in fide Catholica, & quod amplius in futurum non sit similia commissurus. Monere quoque ipsum deberet, ut se præsentaret S. Tribunali ad factum sincere fatendum, ut in casu denunciationis per alium gauderet benefi-

cio sponte comparentium; immò optimum esset ad Sacrum Tribunal inabsolutum dimittere, & ita ego prædicarem.

7 *Quæritur, quid agendum Confessario, apud quem penitens se accusat: Pater videns improbos bonis fortuna, ac corporali salute abundare, sæpè hac protuli: oportet in Mundo infamem ducere vitam, ut bona habeamus, nam improbi à Deo prosperantur; & sæpè addidi: pro me non est Deus?*

Resp. Debet interrogare, an, cum similia pronunciaverit, corde crediderit Deum in suis dispositionibus falli, injustum esse, acceptatorem personarum, ac approbare peccata, eaque his temporalibus remunerare; vel, Deum curam, & providentiam non habere; si invenerit talem, ad absolvendum est impotens, quia contra fidem pertinaciter errat; si verò errorem in mente non habuisse comperiat, peccavit peccato gravissimo blasphemiz hæreticalis, quæ potest absolvi, ubi non est reservata, quæ tamen ubique extra Urbem talis reputatur.

8 *Quæritur, quomodo se gerere debeat Confessarius cum rustico penitente, quem inter consistendum reperit credere penas Inferni, sed non esse æternas, quia id à suo Parocho, instruente Parochianos, audivit?*

Resp. Videat, an dubitaverit de veritate sui Parochi, & quod falsum dicere potuerit; vel, an aliundè sciat, Ecclesiam tenere oppositum; si primum reperiat, eum peccasse pronunciet, non adhibendo diligentiam pro indaganda veritate, & se in Confessione de negligentia accuset; quin immò, si aliàs cum eo dubio Confessiones instituit; debet omnes ex integro repetere, dum in eis de tali negligentia mortaliter peccaminosa, non se accusaverit: si secundum, verè hæreticus est, & inabsolubilis, si error mentis fuerit, etià externus.

9 *Sed quid, si non dubitavit?*

Resp. Eum ignorantia inculpata à peccato

cato excusat, & ab hæresi formali pertinacia. Vide Soula *cap. 12. num. 11.*

10 Quæritur, *an quodlibet peccatum contra fidem sit hæresis?*

Resp. Negativè; nam hæresis, ut diximus, est error intellectus cum pertinacia voluntatis, hoc est, viri Catholici; qui, tametsi sciat Ecclesiam aliquod definivisse, adhuc vult tenere contrarium, quæ in quolibet peccato contra fidem non reperitur; sic legens libros prohibitos, blasphemias hæreticales profrens, exponens se periculo perdendi fidem, peccant contra fidem, & tamen, quæ tales, hæretici non sunt.

11 Sed quid dicendum de dubio in fide, *Francisco V.G. qui non absolutè discedit, E.C. Corpus Christi esse sub speciebus panis, sed de eo dumtaxat dubitat, quamvis sciat Ecclesiam contrarium tenere?*

Resp. Si dubitat voluntariè, & cum advertentiâ, hoc est, non obstante, quod advertat, Ecclesiam id tenere, adhuc vult credere oppositum, hæreticus est; nam sanè habet errorem in intellectu cum pertinacia voluntatis, vid. *lib. 1. cap. 3. num. 11.*

Diximus, si dubitat voluntariè, quia, si involuntariè dubitet sine ullo consensu præstato, vel, non obstante dubio, actum fidei eliciat, dubiumque repellat, non peccat, immò potius meretur patiendi, & repellendo tentationes fidei. Signa verò, quod consensus defuerit, est dolor, quem quis habet in istis dubiis; quæ nullo modo vellet habere, & ipsa repellere statim, ac cognoscuntur pulsare, eliciendo actus ipsis contrarios.

12 Quæritur, *an penitens in Confessione teneatur aperire qualitatem hæresi interna, an nimirum fuerit Lutheri, an verò Calvin?*

Resp. Quamvis neget Poncius disp. 46. de penit. qu. 7. num. 79. ex quo una hæresis ab alia non videatur specie differre, cum tota malitia, quæ est in hæresi, consistat in irreverentia, quæ sit Deo, cum

ipsi non creditur, quando ab Ecclesia proponitur sufficienter testimonium ipsius; censeo tamen esse affirmandum: ratio est, quia ex parte objecti materialis sunt diversæ; nam Lutherus dicit, corpus Christi esse simul cum substantia panis in hostia consecrata: & Calvinus, in ea non esse verè, & realiter Christi Corpus; sed solum figurativè; propterea penitens diversa instructione eget; immò, cum debeat hæreses abjurare, seu detestari, necesse est, ut eas specificet; quia igitur sunt circumstantiæ, ad minus notabiliter aggravantes, & mutantes iudicium prudentis Confessarii, aperiendæ sunt.

13 Quæritur, *penitens se accusat: Pater, dixi, Deus est maledictus: Divus Petrus non est Sanctus; & semel: Deus sit maledictus, peto absolutionem?*

Resp. Cautè est in hoc procedendum; primò, super duobus primis interrogetur, an internè crediderit Deum esse maledictum, & D. Petrum non esse Sanctum, & si affirmet, cum sit formaliter hæreticus, absolvi non potest; si verò non crediderit, est solum blasphemus hæreticalis, & absolvi potest, si casus non sit reservatus, vel nil aliud obsteret; in 2. casu protulit solum blasphemiam simplicem, quia non affirmat, sed tantum optat.

14 Hinc notet Confessarius, quod blasphemia est *convicium, seu locutio per modum convicii, aut contumelia, & maledictionis in Deum, vel Sanctos;* cujus species sunt simplex, & hæreticalis; hæreticalis est, *qua error sapit in fide: seu, est locutio contumeliosa contra Deum, continens errorem contra fidem;* quatenus aliquid contra fidem per modum indicativi de Deo affirmat, vel negat; & ideo hæreticalis non est, cum pronunciatur per verba imperativi, vel optativi modi, ut *Deus sit maledictus*, quia per hos modos, cum indicativi non sint, nil falsum dicitur de Deo, nisi in tali locutione aliquid affirmati-

mativum, vel negativum includatur contra Deum, ut si quis dicat, *ò Deum iniustum*, quod quidem valet, ac est *iniustus*.

15 Simplex, non sapit hæresim, nec contra fidem aliquid affirmat, sed solum verba injuriosa, & irrisoria, ac maledictionis in Deum, & Sanctos enunciat. Videlicet. *capit. cit. num. 9.* & Soufa *cap. 19. num. 7.* ac Suarez *to. 1. de Relig. lib. 1. capit. 6.*

16 Quæritur, *in quo differat blasphemia hæreticalis ab hæresi?*

Resp. In hoc, quod hæreticus corde credit aliquid contra fidem, blasphemus autem hæreticalis nil contra fidem sentit, licet verba proferat continentia errorem contra fidem: explico: ore pronuncio, *Deus est iniustus*: si corde credo esse iniustum, sum hæreticus, etiam si pro unico instanti cum pertinacia crediderim, quia, sicut cætera peccata, potest hæresis crimen in unico instanti committi; si autem id non credo, sed justissimum esse, solum blasphemus hæreticalis efficitur; patet à simili, possum verba injuriosa dicere contra Paulum, vocando spurium, non credendo, quod sit spurium; & vocando spurium, & simul credere talem esse; quæ certè est major injuria, dum à parte rei talis non sit.

17 Quæritur, *an blasphemia possit esse venialis ex sola levitate materia?*

Resp. Negativè, ratio est, quia blasphemia Deus injuratur, levis autem injuria certè non est, quæ sit Deo proferendo verba contumeliæ, & improprietatis, ac maledictionis in ipsum, cujus infinita excellentia offenditur, & ipsius divinæ bonitati derogatur; venialis, & levis esse potest ex non plena advertentia, & surreptione, ut, si quis convicium in Deum diceret; vel contra Deum ex subito motu loqueretur, non advertens verborum sensum, nam tunc diceretur proferre verba non formaliter, & perfectè significativè.

18 Sed quæritur, *an blasphemus de-*

beat intendere Deum injuriari, vel ipsius honori detrabere?

Resp. Negativè, sed ad malitiam contrahendam, sat est, quod voluntas ad vertenter faciat actum de se inhonorativum Dei, & in contemptum ipsius cedentem, quamvis honoris detractio expressè non intendatur; quemadmodum, ut quis peccet peccato furti, sufficit, quod rem furripiat, quam alienam cognoscit, quamvis non intendat offendere Deum. Suarez *cit. cap. 6. num. 8.* certè, si blasphemia prolata sit cum formali intentione inhonorandi Deum, est circumstantia intrinsecè aggravans, & augens Dei despectum, & irreverentiam: immò, cum ea intentio soleat sæpè provenire ex odio, quo quis velit Deo illud malum irreverentiæ, & contemptus, (quod est peccatum distinctum à blasphemia) debet Confessarius interrogare penitentem de intentione, qua eam protulit, & si ex ea intentione prolatam, & hæreticalem invenerit, cum triplex commississe peccatum judicet: alterum odii contra charitatem, & Dei dilectionem: alterum blasphemie contra reverentiam, & cultum, ac laudem Deo debitam: & tertium contra externam fidei Confessionem.

Hinc, cum penitens se blasphemasse accusat, ad officium Confessarii spectat inquirere, quomodo, quibus verbis, qua intentione, coram quibus, & quoties blasphemaverit. Vide *lib. 1. capit. 3. num. 9. & 10.*

C A P U T V.

Prop. V. VI. & VII. ab Innoc. XI. &c.

Dilectio Dei.

1 **P**ROP. 5. *an peccet mortaliter, qui actum dilectionis Dei semel tantum in vita eliceret, condemnare non audent.*

PROP. 6. *Probabile est, ne singulis quidam rigorosè quinquenniis per se obli-*

obligare præceptum charitatis erga Deū.

PROP. 7. *Tunc solum obligat, quando tenemur iustificari, & non habemus aliam viam, qua iustificari possumus.*

2 Ne dicta repetantur, videndus est liber primus cap. 1. ubi *nu. 2.* referimus, quid sit aliquod præceptum per se obligare, & *nu. 17.* taxavimus tempus, in quo per se præceptum charitatis obliget, cuius objectum formale, & materiale, ac modus eliciendi actum amoris Dei aperitur *nu. 23.* ex ipsa itaque dignitate, primatu, & magnitudine præcepti (nam hoc est maximum, & primum mandatum) est communis DD. opinio, ita obligare, ut per multum temporis non sit actus dilectionis Dei super omnia differendus, sed frequentandus, si non sæpius, ad minus sexies in anno; unde Confessarius requirendo numerum peccatorum, interrogabit penitentem, an Deum super omnia dilexerit? qui fortè negaturus erit, & tunc, considerato tempore, à quo non fuit confessus, facile numerum colliget, adeò ut, si per integrum annum inconfessus vixerit, sex peccata mortalia ad minus in transgressione præcepti de diligendo Deum commiserit, & fortè sex in omissione actus fidei, & alia sex in omissione actus spei, quos fortè etiam omisit elicere.

Proinde in presenti alia dubia circa dilectionem Dei aperienda sunt, ne Confessario in instructione penitentis desit doctrina, quam maxime utilis.

3 Quòd Deus sit super omnia amandus, nullus, nisi insipiens, posset negare; nam, si bono (cùm sit objectum amoris) amor debetur, infinito bono, & super omnia bona, à quo omne bonum, & sine quo nihil est bonum, amor super omnia debetur; quod nobis & naturali, & divina lege præcipitur.

4 Amare, est, velle bonum, sive desiderando alteri bonum, quod non habet, sive gaudendo, aut complacendo de bono, quod habet. Deo possumus desiderare gloriam externam, ut, quòd ab omnibus

ametur, honoretur, & laudetur (cultus enim, & laus sunt bona externa ipsius) Et possumus gaudere de ipsius bonitate, & perfectionibus. *Lauræ de charitat. disp. 9. art. 1. num. 6.*

5 Sed dubitatur, *an Deus amandus sit super omnia appetitivè, & pralativè, an intensivè?*

Resp. Quamvis decens sit, & ad maiorem charitatis perfectionem spectet, ut quis conetur Deum amare amore intensiori, & vehementiori, quàm cætera; adhuc tamen id nobis non est præceptum, ut uno ore DD. loquuntur: ex eo enim homines maximis vexarentur scrupulis semper dubitando, an actus esset sufficienter intensus, & vehemens; tamen quia tenemur solum Deum super omnia amare, idèò dicendum, esse amandum super omnia *appetitivè, æstimativè, seu pralativè*; tunc autem sic amatur, cum omnibus aliis præfertur, & quis paratus est pati potius omnia mala, vel perdere res omnes, quàm ipsum Deum offendere, ac ipsi placere, magis, quàm cuilibet alii; De hoc amore est præceptum; nam de illo amore est præceptum, qui infert affectum efficacem non peccandi, & observandi omnia præcepta, sed huiusmodi est amor appetitativus; nam, qui Deum tali modo amat, certè ejus præcepta servabit, alioquin potius creaturæ vellet placere in transgressione præcepti, quàm ipsi Deo in obſervantia; exemplum de amore appetitativo est in homine ingenuo, habente castrum, & catulum: censeret quis ipsum magis amare catulum, quàm castrum, illum tenerius fortè amabit, & ferventius, & forsan amore in gradu intensiori, non tamen firmius, aut magis appetitivè, seu æstimativè amat; deducitur ex eo, quod si vel catulus, vel castrum amittendum foret, sine dubio, si sanè mentis esset, canem, & non castrum relinqueret; sic pariter, licet quis tenerius, & intensius amet honesto amore Patrem, Matrem, Filios, amicos, &c. quàm Deum, non tamen eos amat magis firmius, & ap-
pre-

pretiatiuè, quandoquidem, si deberet relinqui, vel amicitia Patris, uxoris, &c. vel Dei, potius illam Patris, & uxoris, quàm Dei omitteret, & sic vellet potius Deo placere, quàm ulli alii.

6 Quæritur, *an peccet mortaliter, & contra præceptum de diligendo Deum ex charitate, qui cupit, & paratus est degere perpetuò in hoc mundo, & Deo Cælum relinquere, si ipse sibi terram daret?*

Resp. Affirmatiuè, ratio est, quia magis æstimat hæc terrena, quàm Deum, ejusque visionem, & fruitionem, quibus præfert delicias hujus sæculi, & in istis ultimum finem constituit, quod nonnisi sceleratissimus facere potest; & mortaliter peccat, non modò contra charitatem, non amando amore amicitia Deum super omnia propter se appetitiuè, verùm etiam contra spem, non amando ipsum amore concupiscentia, ut est nostrum bonum, ei hæc temporalia præponendo; quare non est absolvendus, nisi se corrigat; immò interrogari debet, an crediderit, quòd, non Deus, sed bona mundi sint hominis ultimus finis, & beatitudo, & si affirmet, dum error non fuerit merè internus, absolui non potest.

7 Sed quid, *si optet non semper, sed longo, & determinato tempore in hoc mundo manere?*

Resp. Hoc etiam sufficit, ut mortaliter peccet, si, cum longam vitam desiderat, præfert pro illò tempore delicias humanas bonis æternis; nam summa peruersitas est pro uno, & minimo instanti æternam beatitudinem humanæ voluptati postponere: quod certè nec intendere debent ii, qui ad senectutem optant pervenire.

8 Sed quid etiam, *si ex pusillanimitate, & timore gebenna optaret semper esse in hoc mundo, timendo gravitatem culparum suarum?*

Resp. Nisi inadvertentia, vel perturbatio mentis excusaret, mortaliter peccaret; nam debet quilibet credere, &

esperare remissionem peccatorum, dum ad Deum totis viribus convertitur: unde peccat contra spem peccato desperationis, & si crederet, Deum non posse sua peccata remittere, esset etiam hæreticus.

9 Quæritur, *an, si quis statuat in peccatis perseverare, dum benevolet, & tamen speret se facturum poenitentiam, peccet mortaliter?*

Resp. Affirmatiuè, nimis enim confidit in divina misericordia, & propterea in peccatis imputrescit, & sperat, ut peccet, & addat peccata peccatis; ideò peccat peccato præsumptionis contra spem, nec Deum sibi bonum, nec in se bonum amat.

10 Quæritur, *an, ut quis impleat præceptum diligendi Deum super omnia, debeat ipsum diligere amore supernaturali?*

Resp. Affirmatiuè ex Trid. sess. 6. ubi can. 3. definit, *sine adjutorio gratia non posse hominem credere, sperare, diligere, aut panitere, sicut oportet, ut ei iustificacionis gratia conferatur*; dilectio autem Dei super omnia est dispositio ad justificationem, ad quam actus naturalis est improporcionatus, nec potest ad eam disponere, utpotè inferioris ordinis ad ipsam: nam dispositio, & forma debent esse ejusdem ordinis, ideò, ut in peccatore dilectio Dei ad justificationis gratiam disponat, & in justo, ut sit meritoria vitæ æternæ, & augmenti gratiæ (cum hæc omnia sint supernaturalia) debet esse supernaturalis, hoc est, elicitæ ex prævia cognitione fidei cum auxilio gratiæ.

11 Sed *unde cognoscendum, quòd sit supernaturalis?*

Resp. Cum evidentia, & certitudine physica, ex nullo capite; cum nesciat homo, an odio, vel amore dignus sit, & ignoret, an sit in statu gratiæ; conjecturaliter tamen, arguitivè, & quadam morali certitudine cognoscitur esse supernaturalis, cum à fide divina regulatur, seu, cum tendit in Deum obmo-

tivum

tivum revelatum, & supernaturale, & propositum per fidem supernaturalem, adeoque, ut est finis ultimus beatificans, ac in se omni perfectione bonus cognoscitur.

Distinguat Confessarius: fides est necessaria, ut amor sit, & ut cognoscatur esse supernaturalis; non sufficit ipsa sola, ut sit supernaturalis, sed ulterius requiritur, ut procedat à voluntate, & comprincipio aliquo supernaturali, auxilio nimirum divino: in iusto à voluntate, & habitu per se infuso charitatis, ac auxilio procedit: in peccatore à voluntate, & auxilio gratiæ; bene verò sufficit ipsa, ut supernaturalis arguatur; quod satis est Confessario hic scire. Si alia desideret, legat Theologos intratatu de auxiliis, & de justificatione.

12 Quæritur, *an in odio Dei detur parvitas materiæ?*

Resp. Negativè, quia quodcumque minimum malum velis Deo, ejus summam bonitatem tollis, consequenter Deum; qui non potest esse Deus, nisi summè, & infinite bonus sit: & sic ipsum non potes super omnia amare, dum ei aliquod malum optas, cum eo actu omne ei malum desideres, ipsum nimirum non esse, quod gravissimum est peccatum: *Campion. Vide lib. 3. cit.*

CAPUT VI.

Prop. VIII. ab Innoc. XI. & c.

Gula, & ebrietas.

1 **P**ROP. 8. *comedere, & bibere usque ad satietatem, ob solam voluptatem, non est peccatum, modò non obstat valetudini, quia licitè potest appetitus naturalis suis actibus frui.*

In hoc capite pro instructione Confessarii agendum est de Gula, & ebrietatis vitio, nimis Christianos inter domesticos.

2 Sed difficultas est, *quando quis censetur comedere usque ad satietatem, & ob solam delectationem?*

Resp. Usque ad satietatem comedit, qui in majori quantitate cibum sumit, quàm sit necessarium ad vitæ sustentationem: & ob solam voluptatem, dum sumit aliquid superfluum, & non necessarium, neque utile ad conservationem ejusdem; etenim si comedatur, quod est præcisè necessarium, aut utile ad sustentationem, saltem implicitè, & virtualiter assumitur, non propter solam voluptatem, sed etiam propter sustentationem vitæ.

3 Sed quæritur, *an, cum dicitur esse peccatum comedere, & bibere usque ad satietatem ob solam voluptatem, intelligatur de peccato mortali?*

Resp. Solutio dubii pendet à quæstione, an Gula sit ex genere suo peccatum mortale; & communiter negatur à Doctoribus, asserentibus per se, & ex genere suo esse dumtaxat veniale, & probant, ex quo nec opponatur charitati Dei, nec proximi; & constat ex modis, quibus committitur: *præpropere, laudè, nimis; ardentè, studiosè*, ex D. Thom. 2.2 qu. 148. ar. 4.

Præpropere, cum tempus debitum ad se cibandum prævenitur.

Laudè, cum pretiosi, & exquisiti cibi sumuntur, quos nec natura, nec Ecclesia per se sub mortali prohibent.

Nimis, dum quis se cibatur, & bibit, plusquam eget.

Ardenter, qui non servat modum debitum in edendo, sed voraciter comedit.

Studiosè, qui cibos nimis delicatos, & præparatos suscipit.

Colligitur etiam ex Divo Augustino de Purgat. ab eodem Sancto Doctore allegato ibidem, ubi: *quoties aliquis in cibo, aut potu plus accipit, quàm necesse est, ad minuta peccata pertinere noverit*; ac ex ratione; nam, cum alimentum institutum sit à natura, & juxta rationis præscriptum utendum eo sit ad conservandam vitam, id, quod superfluum respectu conservationis sumitur, est

est contra ordinem à natura præfixum, & à recta ratione alienum, ergo peccatum est saltem veniale; ergo comedere, & bibere usque ad satietatem ob solam voluptatem est peccatum veniale; verum potest esse mortale, ut dicendum nu.5.

Ut plenè Confessaritis instruat: observet, 1. Quod gula, est *inordinata concupiscentia edendi, & bibendi: vel, est inordinatus appetitus usus cibi, & potus*; opponitur virtuti abstinentiæ, quæ secundum rationis regulam moderatur appetitum, usumque ciborum: regula, & mensura cibi, & potus capiendi, attenditur ex necessitate, & utilitate conservandi vitam.

4 II. Quod non omnia septem peccata capitalia sunt ex suo genere mortalia: sed hæc sunt tantum, *Superbia, Luxuria, Invidia, & Acedia: Cetera, ut Gula, Ira, & Avaritia*, non sunt huiusmodi; possunt tamen per accidens esse; verum omnia sunt capitalia, quatenus ab eis, tamquam à capite, & fonte, quædam alia vitia dimanant. Vide capit.28.

A gula proveniunt 1. Inepta læticia, in hoc consistens, quod quis supra modum lætetur. 2. Multiloquium, quo quis immoderatè loquitur: per quod sæpius in detractiones, contentiones, & rixas prorumpit, & propterea mortale tunc erit. 3. Turpilolium, seu scurrilitas, per quam quis utitur verbis inhonestis ad delectandum: si intendatur sola delectatio, est contra modestiam; si sint scandalosa, contra Charitatem: & propter periculum, ut excitentur species venereæ, est contra castitatem, & mortale erit. 4. Immunditia, vomitus nimirum cibi, & potus superflui, & hæc inordinatio directè opponitur abstinentiæ: *carnalis quoque immunditia, seu emissio superflui pro individuo, sed necessarium ad generationem, qua fit per pollutionem*, ex Gula, & Crapula oritur, ac ad libidinem veneream pertinet, & castitati opponitur. 5. Hebetudo

mentis, per quam ineptus quis fit ad cognoscenda distinctè objecta, ut cognoscere debet. Vide D.Thomam cit. artic.6.

5 Quæritur, quid *agendum Confessario cum penitente, dum se accusat de peccato gula?*

Resp. Interroget. 1. An ob delectationem gulæ fuerit inobediens Ecclesiæ, aut violando præceptum jejunii Ecclesiastici, vel naturalis, per necessarii ad celebrationem, & Communionem: aut comedendo carnes, & lacticia diebus prohibitis: aut non audiendo Missam. 2. An ineptum se notabiliter reddiderit ad functiones, ad quas exercendas tenetur sub mortali. 3. An cum gravi præiudicio propriæ salutis comederit, vel quia immoderatè, vel nondum facta competentis digestionis, cibos sumpserit. 4. An ita continuò epuletur, ut merito dici possit: quorum Deus venter est. 5. An carnes humanas, non per modum medicinz, comederit. 6. An superflue comederit ad excitandum in se carnis stimulum, & ut aptior fieret ad fornicandum, & pollutionem procurandam. 7. An expertus sit ex immoderato cibo se cadere in peccata carnis; quia in casu, ut satisfaciatur gulæ, nil timet se ponere in periculo proximo peccandi. 8. An cum notabili detrimento sui status, & familiæ id egerit. 9. An propter pecunias consumptas in superfluo ciborum, reddiderit se impotentem ad solvenda legata pia, debita, dandam operariis mercedem, & restituendam rem alienam, 10. An se inebriaverit, vel periculo ebrietatis se exposuerit. Quibus, & similibus gula, quæ ex suo genere est veniale, fit mortale per accidens: & ideo Confessarius eum mortaliter deliquisse iudicabit, cum invenerit vitium gulæ cum uno ex præfatis conjungi.

6 Quæritur, quid sit ebrietas?

Resp. Est *immoderatus appetitus, & usus potus potentis inebriare, seu privare usu rationis*; propterea à aliis de-

describitur: *est insania voluntaria, quæ hominem ratione privans amentem reddit, & stultum*; opponitur sobrietati, quæ moderatur inordinatum appetitum, & usum potus, qui vim habet inebriandi.

7 Quæritur, *in quo formaliter consistat ebrietatis malitia?*

Resp. In hoc, quod quis voluptatem ex potu proveniente tantum faciat, ut ob eam, saltem indirectè, velit contra ordinem naturæ se privare usu rationis, sic, ut in ejus arbitrio non sit ad eum redire, & benè, & virtuosè operari, cum sibi placuerit; sicut potest redire, somno non obstante, si aliquem adhibeat, à quo in tempore excitetur, vel horologium, aut simili modo, per quem somnus excutitur; per quod patet differentia somni inter, & ebrietatem; & alia addi potest, quia somnus est medium ordinatum à natura, & naturæ debitus, ac necessarius ad reparandas vires, non sic ebrietas.

Distinguendæ itaque sunt actiones à natura institutæ, & actiones contra naturæ ordinem ex malitia hominum introductæ; de primarum numero est somnus, per quem licet pro aliquo tempore impediatur usus rationis, tamen non peccat, qui ad rationis regulam, hoc est, juxta necessitatem conservandi vitam ad dormiendum se componit, quia quies illa à somno proveniens est à natura instituta, non, ut vim usui rationis inferat, sed in utilitatem naturæ, & ut vires per eam restaurentur, & aptior quis post eam sit ad operandum; de numero aliarum est ebrietas, quæ à natura non est instituta: & per quam certè violentia usui rationis inferatur; nam quis pro suo arbitrio, etiam per alterius ministerium, non est dominus ad ipsum redire, ideo eam assumens graviter peccat; sicut peccat, qui contra naturæ ordinem aliquod membrum sibi abscindit: non verò, si membrum abscindatur ad vitam salvandam, quia tunc abscissio fit juxta naturæ ordinem.

Matt haucci Cautela Confess.

8 Quæritur, *an ebrietas sit de se peccatum mortale?*

Resp. Affirmativè D. Thom. 2. 2. qu. 150. art. 2. nam, cum ebrietas opponatur charitati erga se ipsum, mortale est judicanda: quemadmodum judicandum de natura sua mortale, quodlibet habens oppositionem cum charitate, & cum ipsa incompatible, vel mediis necessariis ad conservandam charitatem. Quod charitati opponatur ebrietas, patet; nam charitas vult bonum ei, quem amat: hinc si ex charitate me ipsum amo, debeo velle meum bonum, adeoque rationis usum, qui maximum est hominis bonum in operando, eum à brutis primariis distinguens; ebrietas autem tale bonum destruit, ergo cum charitate non compatitur.

9 Sed quæritur, *an ebrietas pro prima vice sit peccatum; vel, an peccet, qui primo se inebriat?*

Resp. Affirmativè, quia cum charitate erga se ipsum non compatitur, quod quis se voluntariè privet maximo, & specifico hominis bono usui rationis: excusari tamen propter ignorantiam potest, ut, si ignorans efficaciam vini, potentis inebriare, etiam in moderata quantitate hausti: quia tunc non voluntariè privat se usu rationis; sic propter eandem rationem, peccato ebrietatis non peccat is, cui ab amico datur vinum aliqua qualitate inebriativa conditum, si id ignoret; nam non est peccatum, nisi voluntarium, & voluntarium, si ne cognitione non subsistit; potest tamen peccare venialiter, quia plus æquo bibit, D. Thom. cit. in corp.

10 Sed quid, *si dubitet, an unico vitro vini possit se inebriare?*

Resp. Mortaliter peccat, si cum dubio illo operetur, quia se exponit periculo peccandi.

11 Sed quid de eo, *qui inter bibendum, sentit, ex calore, & fumositate vini sibi cerebrum aliquo modo perturbari, & providet, quòd si non cessat*

ple-

plend, & perfectè usui rationis privabitur?

Resp. Peccat mortaliter propter periculum, si non cesset, etiamsi postea plenè usui rationis non perturbetur; quòd si cesset, solùm venialiter peccat propter excessum: sicut venialiter peccat, qui bibit paulò longius solito ad lætitiā, quia vinum est valdè suave.

12 Quæritur, *an mortaliter peccat, invitans amicum ad bibendum, qui vino inebriatur?*

Resp. Si invitet cum advertentiā, & intentione, quod amicus se inebriet, vel quia vinum scit esse tantæ efficaciz, ut potens sit ad statim inebriandum amicum: vel expertus sit, quod amicus uno, vel altero vini poculo inebriatur, aut talis naturæ, & vini amator, quod à bibendo non discedat, nisi ebrius; nam eum constituit in occasione proxima peccandi, & ideo mortaliter peccat, cum peccato proximi cooperetur, quem ad peccatum inducit: secus dicendum, si neutrum ex præfatis concurreret, sed solùm ex motivo lætitiæ: in quo tamen propter excessum potest venialiter peccari.

13 Sed quæritur, *an sit licitum alios invitare salutationibus, vulgo Brindeſi ad bibendum, vel illis correspondere?*

Resp. Si fiant cum intentione eos inebriandi, sunt mortaliter illicitæ, sicut, si prævideatur ebrietatis periculum, quod quilibet vitare teneretur: præcisus istis circumstantiis, regulariter, cum sunt frequentes, sunt venialiter illicitæ propter excessum bibendi.

14 Quæritur, *an peccent caupones, qui apponunt vinum accedentibus, relicta illis libertate, ut bibant, quantum velint, quorum plures usque ad ebrietatem bibere putant?*

Resp. Affirmativè, si sine incommodo petentibus denegare possunt, & ebrietatem eorum impedire; nam tunc censentur ebrietati cooperari, & consentire, quam non modò non impediunt, verùm

etiam, materiam peccandi ministrant; quod si caupo timeat rixas graves, quarèlas, vel convitia, blasphemias, & juramenta, si denegat: non peccat, si apponat, quia censetur facere involuntariè, & ad vitandum incommodum; nam ea appositio est indifferens, & abusus est ex malitia bibentis, qui ad aliam tabernam posset accedere.

Deducitur ex D. Thoma, qui 2.2. qu. 169. art. 2. quærens, an ornatus mulierum fiat sine peccato, ad 4. respondet: *si ars sit ad faciendum opera, quibus homines uti non possunt absque peccato, artifices faciendum peccant, ut pote præbentes aliis directè occasionem peccandi: ut, qui fabricat idola, vel alia ad cultum Idololatriæ pertinentia; si verò sit ars, cujus operibus possunt homines bene, vel malè uti, sicut gladii, sagitta, & similia: usus talium artium non est peccatum, &c. quia ergo mulieres licitè se possunt ornare, vel, ut conservent decetiam sui status, vel etiam aliquid superaddere, ut placeant viris, consequens est, quod artifices talium ornamentorum non peccent in usu talis artis, nisi fortè inveniendò aliqua superflua, & curiosa: hæc Sanctus Doctor, hic applica; & ex eis colligas regulam universalem ad plura dubia.*

Verùm crediderim optimum esse, si Confessarius Tabernarios instruxerit, quod similibus, vel, absolutè vinum denegent, vel in ea quantitate, in qua solent inebriari, modo id moraliter possint, juxta dicta lib. I. cap. 22. num. ult.

15 Sed quid, *dicendum de Domino respectu famuli, Patre respectu filii, & Superiore respectu subditi?*

Resp. Peccant mortaliter, quia tenentur vigilare, & curare, ne mortaliter peccent ii, quorum cura eis commissa est; & ideo, non solùm materialiter, apponendo materiam, sed etiam formaliter ipsorum ebrietati cooperantur.

16 Quæritur, *an, dum medicus consulit ebrietatem, ad provocandum vomitum*

tum ad effectum restituendi salutem infirmo, sit ebrietas licita: quod est idem acquerere, an ebrietas licita sit ad recuperandam sanitatem, & adhiberi possit ut medicina?

Resp. D. Thomas cit. *qu. 50. art. 2. ad 3.* negat licere, quia ad vomitum provocandum non est necessarium vinum inebrians; nameum, etiam potus aquæ tepidæ potest causare; ad quem, sicut ad procurandam sanitatem non desunt alia media, & propterea non excusabitur ab ebrietate, qui vinum ad id adhibet.

17 Quæritur, an blasphemia, verba injuriosa, homicidia, uxoris maledictiones, verbera, & similia vitia inordinata, quæ solent ab ebriis in ebrietate patrari, sint verè, & formaliter peccata, de necessitate explicanda in Confessione?

Resp. Vel, qui se inebriat, prævidet, quod in ebrietate blasphemias pronuntiabit, occidet, adulterium committet, proximis detrahet, modò contumelia, modò irrisione, turpiloquio, &c. vel non: si prævidet, & postea culpabiliter se inebriat, peccat peccato ebrietatis, & peccato homicidii, &c. ratio est, quia dum prævidet, quod, si se privet rationis usu, occidet, si culpabiliter eo se privet, jam vult nunc pro tunc occidere.

18 Quòd si quæritur, quando committat peccatum homicidii?

Resp. Actu interiori illud committit, quando inebriatur, quoniam tunc vult ebrietatem, & sequens peccatum; actu vero exteriori, quando jam ebrius, occidit, blasphemat, &c.

Nec est necesse, quod prævideatur talis actus in particulari, hoc est, quod homicidium, furtum, &c. sit commissurus, sed sufficit prævidere, quod ebrii soleant in ebrietate committere aliquos actus peccaminosus; vel scire se ebrium in aliquo peccare, licet nesciat, in quo genere tunc peccabit; nam, tunc ei imputantur actiones, quas in ebrietate fa-

cit, propter periculum prævisum, cui se exposuit.

Si peccatum, vel effectus prævisus non sit, nec debuit prævideri, tunc ebrio non imputatur ut peccaminosus, quia nec in se, nec in causa fuit volitus; verum videndum est, an effectus per se, & semper, & ut in pluribus sequatur, quia tunc imputatur; nam tunc, qui vult causam, consequens est, ut velit effectum; si verò effectus non per se, sed per accidens, rarò, & contingenter, & in paucioribus sequatur, tunc non imputatur, ut optimè D. Thomas cit. in corp. adducens ver. Augustini scribentis contra Faustum: *Lotb culpandus est, non quantum ille incestus, sed quantum ebrietas meruit; quia neque in genere præviderat, quod filia essent peccatura cum ipso, & rarò contingit, ebrios induci ad actionem, ad quam filia induxerant Lotb.*

19 Nota, quòd plena ebrietas, quæ est mortale, & in qua perfectè usus rationis amittitur, ex his dignoscitur. 1. si non recorderis eorum, quæ fecisti, & dixisti. 2. si ea commisisti, quæ sana mente nunquam fecisti, V. G. si protulisti blasphemias, verberasti uxorem, & similia; vide c. 4. n. 5. triplicem ebrietatis speciem.

20 Quæritur, an liceat, se inebriare Tabaco?

Resp. Quamvis ebrietas propriè ex dictis sit excessus in potu, donec usus rationis adimatur, quia tamen plures per suffitum Tabaci amittunt usum rationis, & sunt similes ebriis: ideò dicendum, quod læthale sit, per suffitum Tabaci se privare usu rationis; nec potest dari disparitas, cur se privare tali usu per potum sit læthale, non verò per fumum Tabaci; cum hæc ratio naturalis ligetur non naturaliter per quietem sensuum, sed violenter per operationem Tabaci. Tum quia, malitia mortalis ebrietatis in hoc consistit, quòd ebrius se privet potentia proxima usus rationis, itaut non sit in ejus potestate,

dum ebrius est, eo uti pro suo libitu; nam se liberare ab ebrietate non potest, quando vult, etiam si famulos adhibeat, ut se ad ministerium sensuum vocent; & hinc non potest redire ad rationem, dum vult; consequenter, cum sit magnum malum se privare potentia proxima usus rationis; & aliunde sit certum, hominem non esse dominum, sed tantum administratorem suæ rationis, sicut aliorum membrorum, & potentiarum naturalium, sequitur, ut se inebriando, vel per potum, vel Tabaci suffuturum, & fumum inferat sibi grave damnum, cuius sibi inferendi potestatem non habet, adeoque quod mortaliter peccet. Gobat tom. 2. oper. moral. tract. 5. cap. 31. nu. 4. in fine.

CAPUT VII.

*Prop. IX. ab Innoc. XI. &c.
Debitum conjugale.*

PROP. 9. *Opus conjugii ob solam voluptatem exercitum omni penitus caret culpa, ac defectu venialis.*

Occasione cujus, agitur hic de debito conjugali, seu obligatione, quam habent conjuges reddendi sibi invicem debitum, dum rationabiliter petunt, in quo mortaliter peccant, cum id sine rationabili causa unus alteri negat.

2 Sed nota, posse conjuges in copula conjugali mortaliter peccare. 1. Si semen scienter, & voluntarie extra vas effundant, quia est contra finem generationis, 2. Si in actu generationis mentem ad alia objecta divertant, ita ut vir aliam mulierem, & mulier alium desideret; quod est in Confessione aperiendum cum objecto cogitato: quia, si vir virginem optaret, esset peccatum stupri, si uxoratam adulterium: & de qualitate objecti tenetur Confessarius interrogare. 3. Si vir in vase præpostero uxorem cognosceret, etiam cum animo consummandi in debito vase; magna enim indecentia in ma-

trimonio apparet: hinc dixit Divus Thomas in 4. distinct. 32. quest. 1. artic. 5. ad tertiam questionem: *tenetur unus alteri debitum reddere, salva debita honestate.* 4. Si quis sua uxore utatur, non tamquam uxore, sed præcisè, tamquam esset simplex femina, & meretrix, paratus ea uti, etiam in tali statu, de quo idem D. Thom. cit. dist. 31. q. 2. art. 3. ad 1. scripsit: *tunc voluptates meretricis vir in uxore querit, quando nihil aliud in ea attendit, quàm quod in meretrice attenderet.* 5. Si luxuriis prohibitis se faciant impotentes ad reddendum debitum, nam præbent causam ruinæ spiritualis. 6. Cum faciunt aliquid, per quod impediunt conceptionem, etiam si de facto non impediatur, quia per eos non stat, quin impediatur. 7. Si habens votum simplex castitatis debitum perat, quod tamen potest, & tenetur reddere; & in aliis casibus, quos Authores referunt, ex quibus aliquos dabimus infra.

Nec Authores propositionis asserunt in præfatis casibus mortaliter conjugatos non peccare; sed quod affirmant, est, non peccare venialiter, qui utitur matrimonio ob solam delectationem; & tamen sciendum eis erat, quod qui ob solam voluptatem carnalem utuntur copula conjugali, non utuntur ea propter finem intentum à matrimonio: nam usus matrimonialis copulæ in natura lapsa ordinatur ad gignendos, & educandos filios, tamquam in finem primum, & ultimum, & in remedium concupiscentiæ, seu ad vitandum periculum incontinentiæ, juxta Apost. 1. ad Corinth. 7. *Propter fornicationem unusquisque uxorem suam habeat:* ideò, qui ob solam voluptatem carnalem uxorem suam cognoscit, venialiter peccat, ex D. August. lib. de bono conjugali cap. 6. ubi hæc habet: *conjugalis concubitus generandi causa non habet culpam: concupiscentia verò satanda, tantum cum coniuge venialem.* Ipsum vide, & infra cap. 28.

Sed hodie de hoc dubitari non debet pro-

propter decretum Innoc. Ideo Confessarius aliis circa hujusmodi debitum, magis practicis, & communibus instruat.

3. Queritur, *quid agendum sit Confessario cum nupta se accusante, à qua tuor mensibus sum nupta, & à sex non sum confessa, hoc tempore semel carnaliter cognovi fratrem mariti, numene possum reddere, & petere debitum?*

Resp. Interroget, an cum eo peccaverit ante, vel post contractum matrimonium: si ante: affirmet matrimonium esse nullum propter impedimentum dirimens, quod contraxit propter copulam cum fratre futuri sponsi.

Ponderet Confessarius I. Ex copula carnali affinitatem induci, adeoque impedimentum dirimens matrimonium, postea contrahendum; describitur autem affinitas: *est quadam conjunctio, & propinquitas personarum orta ex copula carnali, licita, vel illicita, sive sit publica, vel occulta; ratione cujus consanguinei viri, qui habet copulam cum aliqua muliere, (idem dicatur de consanguineis mulieris respectu viri) dicuntur esse conjuncti cum muliere in eodem gradu, quo sunt cum viro; ad quam contrahendam non sufficit copula attentata, sed requiritur copula perfecta, & consummata, ac seminatio in vase naturali, quamvis generatio non sequatur.*

II. Quod licet omnes consanguinei uxoris sint affines marito, & è contra; inter ipsos tamen consanguineos utriusque partis non contrahitur affinitas, quæ causet impedimentum matrimonii: & hinc sequitur, quod duo fratres ex una parte possint accipere duas sorores ex altera: & pater, & filius ex una, in matrem, & filiam ex altera, ut clare textus in *cap. quod super bis de consang. & affinit.*

4. Notant DD. differentiam inter affinitatem ortam ex copula licita, & illicita, hanc esse, quod impedimentum ortum ex copula licita, & conjugali dirimat matrimonium usque ad 4. gradum inclusive; adeo ut maritus propter copulam cum

uxore non possit, mortua uxore, ducere ullam, quæ sit conjuncta uxori defunctæ, in 1. 2. 3. & 4. gradu, nam omnes consanguinei uxoris in istis gradibus sunt affines mariti; ortum verò ex copula illicita, ad secundum gradum tantum sit restricta per *Trid. sess. 24. de ref. matrim. cap. 4.* unde licet, qui cognovit fororem, vel aliam conjunctam Bertæ in primo, vel secundo gradu, non possit postea Bertam ducere, potest tamen, si cognovit aliam eidem conjunctam in 3. vel 4. gradu, de quo *lib. 4. de matr.*

4. Sed quid, si affirmet, cum eo peccavi ante matrimonium invincibiliter ignorans, quod esset frater sponsi: vel quod ex tali copula induceretur impedimentum dirimens matrimonium contrahendum: adeoque cum ignorantia juris, & facti?

Resp. Propter ignorantiam excusatur ab excommunicatione, qua ligantur contrahentes scienter in gradibus affinitatis, & consanguinitatis, aliisque impedimentis dirimentibus, à qua absolvi non possunt, nisi separentur; & si fuerint denunciati excommunicati, à solo Episcopo. *Clement. Quoniam de consang. & affinitat.* excusatur etiam à sacrilegio, quod commisset faciendo Sacramentum omnino irritum; at non proinde sequitur, quod matrimonium sit validum, quamvis illud bona fide contraxerit, quia revera est affinis cum sponso, & conjuncta in gradu prohibito cum viro: nec in hoc contractu bona fides supplet, quod Ecclesia pro substantia exigit. Consultat itaque, ut recurrat ad Sacram Pœnitentiarum pro dispensatione, (nam supponitur non posse à viro separari sine gravi scandalo, & præjudicio propriæ famæ, ac filiorum damno,) & interim jungat, quod debitum non petat: & dum maritus exigit, quærat ipsa modum, & verisimilem excusationem non reddendi; nam, cum in matrimonium sit invalidum, quælibet copula, tam petita, quam reddita est fornicaria: quæ, cum sit intrinsece mala, à nul-

lo, etiam evidentissimo periculo, & mortis metu honestari potest, nam peccatum mortale propter nullum metum licet admittere, *cap. Sacris de iis, quæ vi, &c.* & id eo debet potius mortem sustinere, quàm consentire; caveat tamen Confessarius, ne consulat, quod mendaciis reddere debitum effugiat, quia, cum mendacium sit malum, pro nullo bono consuli potest.

Recepta dispensatione, antequam petat, vel debitum reddat, est renovandus consensus matrimonialis, sine quo adhuc copula fornicaria foret, sed non est opus renovare coram Parocho, & testibus, quia occultum fuit prorsus impedimentum (ut supponitur) & in facie Ecclesiæ matrimonium validum reputatur: renovabitur itaque inter ipsam, & virum, cui tamen non debet id significare ad impedienda mala, quæ possent suboriri, & prudenter timeri; & propterea huiusmodi modum servet, priusquam reddat debitum marito petenti, suaviter inquirat, & postulet: *amas me affectu maritali, ut ceteri viri proprias uxores si me non duxisses, jam duceres? nonne vis me semper habere pro tua uxore?* & ubi affirmet, jam habetur renovatus consensus; quod si neget, occasionem iustam habet negandi petenti, & volenti debitum affectu fornicario.

5 Sed quid, si dixerit, se cognovisse fratrem sponsi post contractum matrimonium?

Resp. Tunc matrimonium non dissolvitur, quia est insolubile, sed privatur jure petendi debitum; non tantum, quia commisit adulterium, sed singulariter, quia evasit affinis sui mariti, tenetur tamen ex iustitia reddere viro petenti, quia maritus propter malitiam uxoris non debet suo jure privari, *cap. Tu de eo, qui cogn. consang.* Interim injungat (ut in futurum ipsa quoque petere valeat) ut dispensationem à Pœnitentiaria impetret, aut Ordinario loci, vel à Sacerdote habente ab eo facultatem dispensandi:

aut per se immediatè, aut tacito nomine, pro ea Confessarius querat sibi communicari facultatem, ut super eo ex rationabili causa, quæ certe non deerit, dispense, Gobat Theolog. *tract. 10. casu 15. num. 604.* Quilici *Confess. manud. qu. 15. art. 4. num. 13.* ex Lezana, & De la Cruz *de matrim. art. 6. dub. 12. de dispens. num. 3.* resolvunt, posse Regularem à Superiore specialiter deputatum, & Ordinario approbatum dispensare cum conjugatis incestuosis post matrimonium, ad debitum petendum, in Sacramento Confessionis, in Ecclesiis suis tantum, quæ deputatio durat ad libitum, & expirat morte, vel mutatione ipsius Superioris; hac formula dispensationem expolcat. Peto à P.V. *ut mecum dispenses in debiti petitione, quo jure prior ob affinitatem contractam cum meo marito,* & Confessarius, data prius absolutione à peccatis, respondeat: *dispensò*, modò subsit causa rationalis; quæ sanè reputatur sufficiens, vel, ut mulier vitet incontinentiam in se ipsa, vel ne superba, & erga se ipsum parum benevola ab ipso met marito cognoscatur. Videatur Tamb. lib. 8. *de matrim. tract. 2. cap. 6. n. 5.* & infra lib. 3. *cap. ult.*

6 Sed quid, si fateatur, Pater ignorans fuisse fratrem mariti, aut copula incestuosa annecti privationem juris petendi debiti, ab eo invita, & per violentiam cognita fuisse?

Resp. Communiter DD. resolvunt, non privari jure petendi, si inculpabiliter accessit ad Conanguineum sui viri, hoc est, cum ignorantia invincibili, argum. *ex cap. si quis cit. tit.* aut per violentiam fuerit cognita; nam cum sic non sit incestuosa, excusatur à pœna incestus per Ecclesiam statuta, etenim sine sua culpa non debet, quis suo jure privari, *cap. discretionem tit. cit.*

7 Sed dices, affinitas contracta, & ignorata, ante matrimonium, illud contrahendum dirimit, ergo post matrimonium

nium contracta privabit, saltem jure petendi debitum.

Resp. Negatur consequentia, & discrimen est, quia ante matrimonium non habet fœmina jus contrahendi cum consanguineo illius, cum quo vi, aut ignoranter peccavit, sed post matrimonium habet jus petendi debitum ab eo: quo sine culpa privari non debet; nec affinitas dirimens est pura pœna, sed inhabilitas, quæ etiam sine culpa, contrahitur.

Crediderim tamen, quòd si fœmina post contractum matrimonium voluntariè cognovit Fratrem mariti, quamvis ignoraverit ex eo impediri jus petendi debitum, quod adhuc privetur; ratio est, quia, illa copula fuit peccaminosa, & propterea pœnam inde resultantem impotentia petendi debitum sibi ipsi ascribere debet; nec obstat, quod pœnam ignoret, quia cognoscit copulam prohiberi, quod sufficit, Sum. Leand. *debit. conjug. num. 4.*

8 Ponderet Confessarius ex Sacramento Baptismi, & Confirmationis contrahi cognationem spiritualem, quæ est *quedam propinquitas personarum ex statuto Ecclesiæ orta, ex eo quod coope- rantur ad Baptismi, vel Confirmationis collationem, aut susceptionem*: contrahitur à baptizante, & confirman- te cum baptizato, & confirmato, ac istorum patre, & matre; & reperitur in patre, ac matre baptizati, & confirmati cum patrinis, & in istis cum baptizato, & confirmato juxta Trid. *cit. cap. 2. & à B. Pio V. apud De la Cruz art. 6.* fuit declaratum patrilos inter se non contrahere. Quæ, si contrahatur ante matrimonium, dirimit postea contrahendum; si verò post matrimonium contractum, privat tantem causam illius culpabiliter jure petendi debitum, servata proportionem de affinitate.

9 Sed quid, *dicendum de patre, qui filium proprium baptizavit, an privetur jure petendi debitum, & cognationem*

spiritualem contrahat cum propria uxore?

Resp. Negative, si baptizat in extrema necessitate, cum nimirum alius non sit, qui baptizet, & infans periclitatur; nam, sine culpa non debet suo jure privari, ita cap. *ad limina 30. qu. 1. & cap. si vir de cognat. spirit.* aliàs baptizando peccaret, quod non videtur asserendum; in qua Decretali excusatur, etiam si ignoranter fulcipiat: si verò scienter, jure petendi privatur, sed reddere debet, de quo *lib. 4. suis locis.*

10 Quæritur, *quomodo se gerere debeat Confessarius cum muliere, quæ se accusat*: Pater: sum adstricta voto simplicis castitatis, & nupta, vxor scrupulis, quomodo me gerere debeam circa petendum, & reddendum debitum?

Resp. Eidem significet non posse debitum petere, quamvis teneatur reddere (modò votum non sit emissum de consensu viri, quia tunc censetur juri suo renunciare, adeò ut mulier tunc nec petere, nec reddere licite possit) sive votum sit emissum ante, sive post contractum matrimonium; quòd, si emisit votum simplex ante matrimonium, quod postea contrahitur, non dirimitur, sed ipsa contrahendo peccavit, & videns se non posse alio modo castitatem servare, quam ingrediendo Religionem, modò sit ad illam habilis, debet eam ingredi ante consummationem matrimonii, intra tempus duorum mensium à contracto matrimonio, (quos jus cap. *ex publico de conver. coniug.* maritalis assignat ad deliberandum, an velin t Religionem ingredi, vel in matrimonio perseverare); & idè intra illos duos menses non tenetur debitum reddere; si perseveret in matrimonio, debet dispensationem obtinere, ut etiam petere possit; verum, marito defuncto, non potest ad alias nuptias transire sine expressa licentia Pape, Layman. *lib. 5. tract. 10. qu. 3. capit. 1. num. 10.*

11 Sed quæritur, *an mulier illa pec-*

et, cum secunda vice exigit debitum, an verò solum peccaverit prima vice?

Resp. Aliquorum opinio est, quod mulier voto adstricta, peccet solum prima vice debitum petendo, quoniam putant per subsequens matrimonium, præsertim consummatum, votum extinguere: quod esse falsum non dubito; nam, ut DD. communiter loquuntur apud Sylvestr. v. *matrim. 7. qu. 4.* votum non est extinctum, sed executio voti suspensa, pro tempore, & usu matrimonii contracti, & ideo tenetur votum servare, quantum ad ea, in quibus non est facta impotens.

12 Sed queritur, *quid dicendum, si voverit ingredi Religionem, aut suscipere Sacros Ordines, vel non nubere?*

Resp. Qui, votum Religionis emisit, peccat nubendo, & prima vice consummando, sive petendo, sive reddendo: peccat nubendo, quia transgreditur votum Religionis, cum nuptiis impossibile: peccat prima vice consummando, quia est ei liberum, Religionem ingredi, & ad id ante consummationem tenetur, ut votum impleat, de quolib. 4. de *matrim.* & tenetur reddere petenti; nubendo etiam peccat, qui vovit Sacros Ordines suscipere, quia nubendo factus est impotens ad votum implendum.

Sed, *an ante consummationem debeat ingredi Religionem ad suscipiendos Sacros Ordines?* Res est sub dubio. Ego eum non obligarem ad statum tam difficile, nisi ipse id intenderit.

Item, nubendo peccat, qui post votum non nubendi nupsit; sed postea potest petere, & reddere, quia voto non nubendi opponitur contrahere, non verò consummare. Felix tom. p. *Exam. num. 4264.* & sequen.

13 Queritur, *an dubitans de validitate matrimonii possit debitum exigere?*

Resp. Negative, ex cap. *Dominus de secund. nupt.* ubi deciditur, mulierem dubitantem de morte prioris conjugis debitum non posse exigere à secundo

marito, cui tamen reddere tenetur: & tenetur ad primum redire, dum noverit ipsum adhuc vivere. Idem habetur cap. *Inquisitioni de sentent. excommuni.* & ibi resolvitur, quòd si dubium sit ex levi fundamento, poterit & reddere, & petere, modò dubium ad consilium sui Pastoris deponat; si verò probabiliter dubitet, seu ex fortibus rationibus, vel quia audivit ab hominibus, quibus credere tenetur, ad dubitandum moveatur, petere non debet, ne contra iudicium conscientie committat offensam, sed debet reddere, ne peccet contra legem conjugii, ut ibi textus; & interim adhibeat diligentiam ad indagandam veritatem; quòd si noluerit, non est absolvenda: & quatenus constat de certa nullitate matrimonii, nec exigere, nec reddere potest, ibid.

14 Sed cur, *si bona fide contraxit, & fuit in possessione, non modò reddendi; verum etiam exigendi debitum, non potest, exorto dubio, exigere, cum pro se habeat regulam: in dubiis melior est conditio possidentis.*

Resp. Quia regula illa procedit solum in materia iustitiae, & foro iudiciali, in quo Iudex non potest aliquem ad penam per sententiam damnare, nisi probeatur reus: dubium est apud Iudicem: an ego occiderim Paulum: non possum ab eo irregularis iudicari, vel absolvi: non iudicari, ne mihi absque causa injuriam inferat; non absolvi, ne peccet contra iustitiam; ad quam pertinet, quòd delicta non remaneant impunita; & hinc cum Iudex non possit partem tutiorem reperire, in dubio debet servare regulas ab iure præscriptas, ut: *in dubiis melior est conditio possidentis;* verum, ego in eo dubio debeo me irregulare iudicare, & abstinere à ministerio Altaris, quia id est tutius; & *in dubiis tutior pars est eligenda:* ut loquuntur Canones cap. *petitio de homicid.* quæ necessitas eligendi tutiorem confurgit ex obligatione, qua quis tenetur vitare periculum peccati; & pro-

pterea dixerunt DD. in foro pœnitentiali ad evitandum tale periculum partem tutiorem esse eligendam. Lege D. Thom. 2. 2. qu. 60. art. 4. unde, cum tutius sit, quod mulier dubitans debitum non exigit, debet omnino abstinere: de qua re diximus aliqua lib. 1. cap. 2. §. 31.

15 Sed dubitatur, nonne tutius etiam esset, si non redderet, cum peccatum posset esse tam in reddendo, quam denegando debitum? Immo, si semper deberemus tutiorem sequi ex duabus partibus, de quibus dubitatur, si ego dubitem, an in collatiuncula, jejunii tempore concessa, octo uncia violent jejunium, deberem nil omnino in foro jejunii comedere, quia tatius est observare jejunium nil comedendo, quam comedendo aliquid; quod falsum est omnino, & potest esse res scrupulis abundans.

Resp. Peccatum utique potest esse tam in reddendo, quam denegando debitum: nam, si matrimonium fuit validum, non licet denegare: si nullum, non licet reddere; tamen cum non constet, quæ pars sit tutior propter æqualem probabilitatem, quam mulier habet de nullitate, & validitate conjugii, in eo dubio est eligendum, quod est favorabilius matrimonio, juxta textum in cap. duobus de sent. & re judicata; & proinde Innoc. III. in alleg. cap. Inquisitioni in dubio, quod alter conjugum habebat de impedimento conjugii, dixit: *debitum esse reddendum, ne contra legem conjugii committatur offensa*; quod si judicaret probabilius esse nullum, tunc res non esset dubia, sed certa certitudine, si non morali, majori sane ex parte nullitatis, & ideo deberet abstinere & ab exigendo, & reddendo; alias operaretur contra conscientiam sibi distantem, probabilius esse matrimonium esse nullum, quam validum, & reddere debitum illicitum, quam licitum.

Ad exemplum de jejunio dicitur: si est moraliter certum, quod sufficiant sex uncie, non teneor ad quinque, vel nullam,

sed non teneor excedere sex; nam, si sum certus, quod sex, aut octo sufficiant, non dubito, ideo possum, tuta conscientia, sex, vel octo sumere; nec datur hic locus præfata regulæ in dubiis, cum hic, ut supponitur, non dubitem, sed sum certus; hæc ponderet Confessarius.

16 Sed quid, si tam mulier, quam vir dubitent de valore matrimonii?

Resp. Dum sic dubitant, nullus potest reddere alteri petenti; ratio est, quia petens non petit licite; nam propter dubium non habet jus: cum ex conscientia dubia non liceat operari; & sic alter non potest reddere.

17 Quæritur, an possit licite mulier denegare debitum suo viro, ut se liberet a doloribus partus?

Resp. Negative, quia liberè, & spontè ad id se subiecit.

18 Sed quid, si medicorum judicio, vel ipsa experta sit per partus antecedentes, sibi ex partu probabilissimum vitæ periculum imminere?

Resp. Non teneri ad reddendum debitum, docet Sum. Leand. cit. nu. 2. ratio est, quia non habet dominium propriæ vitæ, sed administrationem, ergo non potest usum sui corporis alteri permittere cum probabilis periculo ejusdem; maxime, quia conjuges in matrimonii contractu sibi invicem corporum potestatem tradunt, & promittunt intervenire propagationi speciei salvis propriis individuis. Si vir stimulis carnis pulsetur, potest alia remedia, orationis, jejunii, &c. adhibere ad vincendam concupiscentiam. Layman cit. cap. 1. nu. 5. dum tamen est ineptus ad concipiendum, tunc reddere tenetur, quia periculum cessat.

19 Quæritur, an sit mortale peccatum conjugii serio, & instantè petenti, debitum negare, ne proles multiplicetur, quam parentes ob paupertatem difficile alere possint?

Resp. Affirmative; nam, aut uxor vult perpetuò negare, aut tantum ad tempus: si per-

perpetuò, exponit maritum sine iusta causa manifesto periculo incontinentiæ, & sic mortaliter peccat: si ad tempus solummodo, ergo frustra negat; quia, quando consentiet marito, probabilissimè concipiet, & quidem facilius: melius est proli, ut vivat inops, quam ut omnino non vivat. Layman *cit. num. 16.* Gobat *cas. 16. nu. 623.* Absolvendz itaque non sunt mulieres habentes animum negandi matrimonium ob metum difficultatis in prole nutrienda, dum maritus seriò, & instanter petit, nam maritum tunc exponunt periculo incontinentiæ, & in re gravi ei debita ex justitia sunt inobedientes.

20 Quæritur, *accedit mulier, & se accusando aperit*: Pater: sum nupta, sed in ætate quasi sexagenaria, habeo virum sæpè exigentem debitum; cum difficultate ipsum reddo, nam, cum sim inepta ad generationem, credo id mihi non esse licitum; *peto instructionem?*

Resp. Confessarius interroget, à quanto tempore, & quoties debitum reddiderit; & an tunc temporis debitum reddiderit cum dubio, quod sibi non esset licitum, & quod mortaliter peccaret; & tunc toties peccasse iudicet; & instruat, tria debere concurrere, ut impotentia ad generandum dirimat matrimonium.

I. Ut sit impotentia ad copulam, quæ per se apta sit ad generationem: cuiusmodi non est illa spadonum, utroque testiculo carcentium, cum semen verum, & prolificum non emittant: quorum propter eam matrimonia sunt nulla, ex constit. Sixti V. apud de la Cruz *art. 7. nu. 2.*

II. Quòd impotentia sit perpetua, & perfecta; perfecta censetur, cum quis est impotens cum omni femina; nam, si cum una sit impotens, & non cum alia, matrimonium valet, etiamcum illa cum qua est impotens, ut expressè tex. *in capit. Fraternitat. de frigid. & malef.* censetur autem perpetua, cum nec successu temporis, nec modò naturali, & licito,

nec sine corporis periculo tolli valet, ut ibid. textus, dum ait: *impedimentum illud non erat perpetuum, quod præter divinum miraculum per opus humanum absque corporali periculo potuit removeri.*

III. Quòd impotentia præcesserit matrimonio, & non supervenerit matrimonio jam contracto; etenim obligatio ab initio contracta non dissolvitur, tamen si ad eum casum deveniat, à quo ineipere non posset; sic affinitas, vel aliud impedimentum superveniens matrimonio illud dissolvere non valet.

IV. Quòd ex sententia totius Ecclesiæ, & DD. matrimonia Senium, & sterilitum valida sunt, nam possunt uti naturali copula, solum per accidens inepta ad generandum. omitto, quod sæpè contra spem generant prolem. Tum quia, quamvis non possint generare filios, qui est finis primarius, & ultimus matrimonii, salvatur tamen in eo finis non ultimus matrimonii, sedatio nimirum concupiscentiæ. Vide *cap. Nuptiarum 17. quest. 1. & lib. 4. de matrimo.*

21 Quæritur, *quid agendum Confessario, si animadvertat penitentem laborare ignorantia circa impedimentum dirimens matrimonium?*

Resp. Si penitens laboret ignorantia vincibili, & mortaliter culpabili, tenetur illi suum errorem aperire, quia fortè, sic monitus, non contrahet; vel, si contraxit, aut separabitur à putata uxore, aut, cum id moraliter fuerit impossibile, dispensationem à Sacra Penitentiaria impetrabit: interim abstinere à debito, tum exigendo, tum reddendo; quòd si pertinax exequi noluerit, intelliget, cur Confessarius absolutionem neget, eoque rubore percussus, & conscientiz stimulis pulsatus, postea fortassè se corripet, & alio tempore confitebitur suum peccatum.

Si verò invincibiliter ignoret se invalide contraxisse, tenetur Confessarius super eo ipsum instruere; ratio est, quia

po-

potens, & debens alios ab errore relevare, & tacens, se ipsum errare demonstrat *cap. 1. de heret.* Tum quia Confessarius exercet munus doctoris, & medici, ideo, ut doctor errantem debet instruere, & ut medicus sanare, ac adhibere remedia ad tollendum morbum, ut sic, vel à matrimonio contrahendo desistat, vel dispensationem impetret, si contraxit, & separari non potest.

22 Sed quid, si ex aperiitione veritatis, & admonitione, nullus speretur fructus, sed potius prudenter timeantur rixæ, scandala, lites Parentum, vel liberorum infamia, & Confessarius agnoscit pœnitentem, ita dispositum, ut sciens illud impedimentum, perseveraret in illo statu fornicario, in quo cum ignorantia formaliter non peccat, & cum admonitione peccabit?

Resp. Bonacc. de matrim. q. 3. punct. ult. num. 4. Layman lib. 5. tract. 6. cap. 13. ar. 5. Gobat cit. cas. 20. num. 357. Alii quere solvunt, in casu dubii, Confessarium non teneri pœnitentem monere de suo errore, quia frustra, & sine fructu, immò cum gravi damno salutis spiritualis pœnitentis; & propterea debere dissimulare, & illum relinquare in tali ignorantia potius, in qua formaliter non peccat, quam aperire impedimentum dirimens, quo patefacto forsitan peccaret; quod probatur ex cap. quia circa de consang. & affinit. ubi Pontifex rescribit esse dissimulandum cum illo, qui contraxit cum impedimento dirimente, si grave scandalum ex admonitione immineret; & ex August. relato cap. si quis il. 2. de pœnit. dist. 7. si scirent tibi non prodesse, te non monerem, te non terrerem; & ex D. Th. 2. 2. q. 33. art. 6. qui in corpore quæsit: hæc habet: ubi probabiliter æstimatur, quod peccator admonitionem non recipiat, sed ad peiora labatur, est ab huiusmodi correctione desistendum, quia ea, quæ sunt ad finem, debent regulari, secundum quod exigit ratio finis.

Limitatur 1. Si agatur de matrimonio

non contracto, nam tunc occultum impedimentum est significandum, quia in casu vix possent prudenter, & verissimiliter timeri incommoda enunciata: id enim exigit reverentia Sacramenti, ne invalide suscipiatur.

2 Si agatur de contracto, & populus sciat impedimentum, & propterea scandalizetur, tenetur Confessarius admonere, licet nullus ex admonitione speretur fructus; ratio est, quia illa ignorantia est contra bonum commune, ratione scandali; bonum autem commune secundum rectam rationem præferendum est privato. Bonaccin. & communiter recipitur à Doctoribus. Cautè itaque Confessarius procedat, & juxta disposita in cap. omnis utriusque de pœnitent. & remission. ubi hæc sunt, Sacerdos autem sit discretus, & cautus, ut more periti medici superfundat vinum, & oleum vulneribus sauciati, diligenter inquirens, & peccatoris circumstantias, & peccati, quibus prudenter intelligat, quale debeat ei præbere consilium, & cuiusmodi remedium adhibere, diversis experimentis utendo ad salvandum agrotum.

23 Quæritur, an, cum Parochus, vel alius Sacerdos novit ex Confessione Sacramentali aliquos laborare impedimento dirimente possit eos non conjungere?

Resp. Negative; nam non potest extra Confessionem uti scientia in Confessione habita, ne Confessio reddatur odiosa, & onerosa, ipsiusque sigillum frangat; ideo debet pœnitentem intra Confessionem monere, ne contrahat, & quatenus nolit desistere, eum non potest absolvere: sed extra, nec admonere illum potest, nec assistentiam negare.

Dicitur in Confessione, quia, si id noverit extra Confessionem, etiam si impedimentum occultum sit, non debet assistere, etiam si publicè petat: ratio est, quia non debet assistere matrimonio invalido, sed valido, ne contrahentes

ma-

maneat in perpetuū damnationis statu: debetque eos fortiter hortari, ne contrahant; & dum verbis non proficiat, dicat: *ego vos non copulabo*; & interim examen impedimenti ad Episcopum remittat, ad quem in foro externo spectat super eo cognoscere, *cap. ex literis de consang. & affin.*

CAPUT VIII.

Prop. X. & XI. ab Innoc. XI. &c.

Dilectio proximi.

PROP. 10. *Non tenemur proximum diligere actu interno, & formali.*

PROP. 11. *Præcepto proximum diligendi satisfacere possumus per solos actus externos.*

Notet Confessarius de fide esse dari præceptum charitatis erga proximum, ex illo Matth. 22. *diliges proximum tuum sicut te ipsum.* Et Joan. 1. *cap. 4. si quis dixerit, quia diligo Deum, & fratrem suum oderit, mendax est.* Ex quibus patet, duo præcepta erga proximum esse imposita, unum affirmativum, negativum alterum: negativum, de non habendo odio ipsum, seu de non volendo ipsi malum, aut de non concipiendo tristitiam de bonis ipsius, aut lætitiā de malo, obligat semper, & pro semper, sicut cætera præcepta negativa; affirmativum autem, de volendo ipsi bonum, vel de gaudento, aut complacendo in bono ipsius, vel de benefaciendo ipsi per actus misericordiæ spiritualis, vel corporalis (addentes dilectioni internæ opus externum erga proximum, & executionem ipsius internæ dilectionis, & propterea dictos dilectionem externam ipsius: sicut impletio mandatorum Dei dicitur ipsius dilectio virtualis, seu effectiva, hoc est, effectus internæ dilectionis) obligat non pro semper, sed in part. ut tribus casibus.

Nec Autores propositionis negant

dari præceptum charitatis erga proximum, sed dicunt eidem satisfieri per solos actus externos beneficentiæ, & misericordiæ, ut Tambur. in Decal. lib. 5. *cap. 1. in princ.* quod falsum dixit Innoc. in decreto.

Et ideo contra eos, & ad instructionem Confessarii nonnulla, quæ possunt ipsi esse ad praxim utilia circa proximi dilectionem, & odium inimici, ex charitatis Theologicæ præcepto diligendi, hic necesse est adiciere.

2 Sed prius observandum, quod charitas Theologica, alia est actualis, habitualis altera: ista, est habitus supernaturalis per se à Deo infusus, quo inclinamur ad Deum super omnia diligendum propter se, & suam bonitatem, ut fide cognoscitur; vide D. Thomam 2. 2. qu. 25. art. 12. Illa verò est actus voluntatis, quo quis, supposita cognitione fidei, Deum super omnia diligit propter se, & suam bonitatem, vel nos ipsos, & proximum propter Deum.

Item, quod objectum formale charitatis est divina bonitas propter se amanda; objectum verò materiale, primum est ipse Deus, & secundarium quidquid amari potest propter Deum, hoc est, quidquid placet Deo, ut amemus.

Item, quod est ordo in objectis diligendis ex charitate, & in bonis, quæ sunt desideranda personis, quas ex charitate tenemur diligere, ex D. Thoma cit.

3 Item, quod tria sunt bonorum genera, quæ, vel nobis ipsis, vel alteri, quem amamus, velle possumus; primum, continet bona spiritualia, gloriam, gratiam, & virtutes; secundum, bona corporalia, vitam, & sanitatem corporis; & tertium, bona externa, famam, honorem, & divitias; ordine itaque charitatis quisque super omnia debet. 1. Deum diligere, qui est in se infinitè bonus, & principium beatitudinis, ac bonorum omnium. 2. Se ipsum secundum bona spiritualia, volendo sibi bea-

beatitudinem, gratiam, &c. 3. Proximum secundum eadem, desiderando ipsi beatitudinem, gratiam, &c. 4. Se ipsum secundum bona corporis, volendo sibi sanitatem, & vitam. 5. Proximum secundum eadem ipsam bona sanitatis, & vitæ; tandem se ipsum, & proximum secundum bona externa, eadem prius sibi, & postea proximo volendo.

4. *Queritur, quinam nomine proximi in hac materia intelligatur?*

Resp. Homines, qui sunt per se capaces beatitudinis æternæ, sive sint iusti, sive fideles, sive infideles, sive amici, sive inimici: omnes enim isti, dum in hac vita degunt, sunt capaces bonorum supernaturalium, & esse possunt participes beatitudinis supernaturalis, quam per opera bona supernaturalia possunt mereri, eamque illis velle quisque potest.

Etiā Corpus nostrum, quod est infra nos, possumus amare amore charitatis, quia licet non per se, per ac cidens tamen est capax beatitudinis, secundum scilicet beatitudinis fructum, & effectum, dotem videlicet, ex beatitudine animæ in corpus redundantem, ex D. Thoma *cis. art. 5. ad 2.* propterea amore charitatis amari posse concludit.

5. *Queritur, an, ut satisfaciamus præcepto charitatis de diligendo proximo, debeamus ipsum amare actu interno amoris supernaturalis, an verò eisdem satisfaciamus, si amemus ipsum amore naturali?*

Resp. Debemus ipsum amare amore supernaturali, nam præceptum de diligendo proximo datum hominibus est super-naturale; cujus existentiam cognoscimus per fidem supernaturalem, ut patet ex allegatis testimoniis Sacre Scripturæ, & ex hoc alio 1. ejusdem Joan. 4. *hoc mandatum habemus à Deo, ut qui diligit Deum, diligit & fratrem suum*: nulli autem præcepto supernaturali, seu obligationi ordinis superioris satisfacimus per actum naturalem, & ordinis inferioris, propter improportionem inter ea; & op-

positum asserere, idem est ac negare præcepta supernaturalia, & cum Pelagio auxilia gratiæ, quæ necessaria sunt ad operandum supernaturaliter, & ut oportet, ex Trid. *sess. 6. can. 3.*

6. *Sed, unde potest colligi, quod dilectio proximi sit supernaturalis?*

Resp. Vide dicta cap. 5. *num. 11.* arguitur, quod actu supernaturali diligatur, cum diligitur prævia cognitione fidei (qua cognoscitur, quod sit capax, & particeps æternæ beatitudinis, & cæterorum bonorum supernaturalium) eique omnia hæc, & cætera, quia ad ipsam conducunt, & quia Deo placet, ut sic diligatur, volumus.

7. *Sed queritur, quam bona debemus proximo velle, ut perfecta charitatis dilectione eum diligamus?*

Resp. Debemus I. ei gratiam, & gloriam æternam optare, sive bonum æternum simpliciter: denique reliqua bona in ordine ad illud bonum.

II. Erga ipsum tenemur habere non modò benevolentiam, sed etiam beneficentiam; nam debemus diligere non solum verbo, & lingua, sed opere, & veritate, ita ut quantum in nobis est, tempore, & loco opportunis, proximo beneficiamus, & à statu miseriæ sublevemus, aliàs ficta esset dilectio, quæ, ubi vera est, otiosa non est, sed efficax: quæ externa dilectio ad internam sequitur, quia *probatio dilectionis exhibitio est operis.*

III. Tenemur non gaudere de malo proximi, nec tristari de bono.

IV. Tenemur proximum, quantum in nobis est, & fructus speratur, tempore, & loco opportunis, ex lege charitatis, instructione, monitione, precibus, lachrymis, ubi ejus salus spiritualis periclitatur à via erroris, & peccati removere, ei-que opem ferre.

V. Tanta est hæc obligatio, ut quilibet paratus esse debeat, vitam temporalem pro salute spirituali proximi ponere, si ita res exigeret: sic, si puer V. G. sit mortuus sine baptismo, nisi à me ministretur,

teneor illum baptizare, etiam cum vitæ meæ periculo: & deceptum ab hæreticis in articulo mortis, teneor instruere de veritate catholica, si possum, etiam cum vitæ discrimine; nam magis à nobis est diligenda vita spiritualis proximi, & quantum ad salutem animæ, quam proprium corpus. D. Thomas 2.2. *qu. 26. art. 5.*

8 Sed queritur, *an ad implendum præceptum de diligendo proximo sufficiat, quod ametur Deus directè, an etiam debeat amari proximus ex motivo charitatis expressè, & formaliter?*

Resp. Aliqui dixerunt sufficere, quod Deus expressè ametur, nam amor Dei est implicite amor proximi, quatenus est talis naturæ, ut determinet nos ad amandum proximum, & succurrendum ipsi; sed hæc opinio non subsistit; nam si talis dilectio sufficeret, non deberent assignari duo præcepta distincta, unum amandi Deum, alterum amandi proximum, sed sufficeret præceptum amandi Deum; propterea, ut obligationi satisfiat, debemus amare proximum, & eidem bonum velle, quia placet Deo summo bono, ut ametur, quod est ipsum amare ex motivo charitatis, eumque diligere amore interno distincto ab amore, quo amatur Deus.

9 Sed queritur, *pro quo tempore teneamur proximum tali explicito amore per se diligere?*

Resp. 1. In casibus, in quibus teneamur ipsi per opera misericordiæ spiritualis, vel corporalis succurrere, 2. Dum tentatione pulsamur ad eum odio habendum, aut ei invidendum, quam superare non possumus, nisi per actum amoris erga ipsum; toties enim peccatur contra charitatem, de quo viri timorata conscientia se accusant.

De præcepto diligendi inimicos, inter Catholicos dubitari non debet, cum aperte loquatur Scriptura: *diligite inimicos vestros*, Matth. 5. Sed quoniam fortè Confessarius, pro quo scribo, per

defectum sufficientis notitiæ, nequit negligentem instruere, ideo super obligatione diligendi inimicum, ei sequentia paro.

10 Queritur, *ex quibus colligatur, quod quis inimicum ex charitate non diligit?*

Resp. I. Si ei grave malum velit, quatenus ipsi malum est; hoc enim proprie est odium inimicitiae, seu personæ: quo personæ, quæ nobis displicet, tale malum volumus. II. Si offensa ab inimico recepta ex animo ei non condonetur, seu quis eam vindicare velit, & propterea moveatur ad optandum, & faciendum ipsi malum, quæ malum est. III. Si remissionem offensæ ex corde factam, proximis, & ipsi præsertim inimico, notam non facit; nam ex lege charitatis obligamur nulli esse scandalum, vel non præbere occasionem proximo, qua ipse peccet, quod contingere optimè potest, si inimico hunc condonandi animum non ostendamus; quoniam ipse perdurabit in inimicitia, cujus nos potissima causa jam essemus. IV. si signa communia dilectionis, amicitiae, & honoris, ex more patriæ, & omnibus communia denegetur, sed de his in particulari.

11 Queritur, *an peccet mortaliter, qui inimicum non salutat?*

Resp. Sed prius nota: omissionem salutationis non esse per se signum odii, inimicitiae, & contemptus, excitans non salutatum ad odio habendum non salutantem; cum ex lege charitatis non teneamur salutare omnes nobis obvios; nam plures in salutatores relinquimus, quos nec odio habemus, nec contemnimus; ex circumstantiis tamen signum odii, & contemptus esse potest. Ideo mortaliter peccat contra charitatem, si antea illum consuevit salutare, & tunc salutationem omittat, etiamsi nullus alius videat; quia salutationis subtractio inter viros, quibus est debita, injuria est, & in eorum contemptum cedit; maxime, si ad ipsum spectet salutare primum, vel

quia

quia est inferior, vel quia ipse alium offendit, & prius læsit.

Item, si concurrentibus pluribus, inter quos est inimicus, ceteros salutet, excepto inimico; vel, cum præter omissionem salutationis, torvis oculis, ultra solitum, aspiciat, insolite fastu pileum capiti comprimat; quia sic fugientem odio sine dubio præbet, & maiorem iram inimici erga se concitat: in casu præter peccatum contra charitatem per omissionem salutationis, peccat, etiam peccato commissionis per scandalum, contra eandem charitatem, de necessitate cum numero personarum, quas scandalizavit, in Confessione explicando.

Item, si inimicum salutantem non resalutet, eomodo, quo ex consuetudine Patriæ salutabat ante inimicitiam; nam tunc omisso salutationis non modo inurbanitati tribuitur, sed ex odio provenit, & æstimatur notabilis contemptus salutantis.

Item, si prævideat ex sua salutatione posse cum inimico reconciliari, quamvis prius non fuisset solitus salutare, & non salutet, quia tunc censetur nolle reconciliari. DD. excusant Superiorem, & Prælatum, qui causa iustæ correctionis, seu in pœnam iustam criminis commissi, iudicat prudenter esse resalutationem differendam.

12 Dubitatur, *an possint absolvi V. G. duo Religiosi, qui causam cuiusdam præterita rixa se intra septa domestica non salutant, si antea, dum non erant inimici se invicem salutare consueverunt?*

Resp. Negative; nam etiam scandalum & sibi ipsis, & cæteris Religiosis præbent, & ex odio, ac ex contemptu, vel in vindictam moventur ad sibi denegandum signum dilectionis, & honoris: & propterea injuriam unus alteri irrogat.

13 Quæritur, *an peccet contra præceptum charitatis de diligendo inimicum,*

qui distribuens bona communitalis, vel elemosynam tribuens omnibus incolis oppidi, vel accedentibus, inimicum excludit?

Resp. Affirmative; ratio est, quia, licet elemosynam elargiri, & tua bona non tenearis distribuere, tamen si distribuas, & inimicum excludas, id est manifestum signum odii; quod si bona communitalis distribuantur, cum inimicus habeat jus ad illa, dum ipsum expellis, & eum odisse, & ulterius peccare contra iustitiam distributivam convinceris.

Excipitur I. Judex, aut Prælatus, qui reum, vel subditum excludit in pœnam delicti; sed delictum debet esse publicum, aliàs scandalum non deesset.

II. Si beneficium pro omnibus non sufficiat, ita ut aliqui, tam amici, quam inimici sint excludendi, quia huiusmodi exclusio non est signum inimicitie, cum excludantur alii, qui non sunt inimici.

14 Sed quæritur, *an quis teneatur sub mortali pro inimicis orare?*

Resp. Distinguendus est in oratione duplex fructus: alter generalis, particularis alius; de oratione quoad fructum generalem omnes totius Orbis iusti participant; super quo, ut Confessarius valeat pœnitentes instruere.

Notet, quod de fide credenda est *Sanc-torum Communio*, prout Symbolum exprimit: quæ est quedam specialis communicatio iustorum in orationibus, suffragiis, & bonis operibus, sic, ut quia sunt membra ejusdem corporis Ecclesiæ, dum unus orat, non tantum pro se oret, sed pro omnibus: dum alter laborat in via virtutis, non tantum sibi, sed & cæteris laboret; sicut pedes, dum ambulant, pro toto corpore ambulant; dum manus laborant, pro cæteris membris operantur. In Domo bene constituta omnia sunt communia, agri, pecunia, supellex, nobilitas: frater unus ad negotiationem pergit, Soror manibus operatur: altera familiam regit: convivunt

ne tamen est licitum, propter conjunctionem, quam inter se habent propinquitatis; ita in Familia, & Christi Ecclesia Fratres sumus, & quidquid boni agimus in commune, redundat lucrum spirituale; dum tu hic Romæ jejunas, alter in Indiis orat, ego in missionibus apud Turcas occupor, alius propriam substantiam pauperibus distribuit, &c. tu de meis missionariis laboribus, ego de tuo jejunio, de alterius elemosyna fructum percipio; quidquid agis, meum est, quidquid ego, tuum, participatione: modo ad dubium.

Resp. Affirmativè, quoad fructum generalem; ideò peccaret mortaliter, si, dum orat, cum à tali fructu excluderet; nec est necesse, quòd dum orat, habeat positivam intentionem communicandi talem fructum, sed sufficit virtualis, & implicita, quam habet, dum orat; modo non habeat expressam intentionem excludendi inimicum à fructu generali: quare, ut peccet, debet orare cum ista expressa intentione excludendi inimicum.

Cum autem ei non vult communicare particularem fructum, videtur non peccare, cum ex præcepto charitatis teneamur exhibere inimicis signa dilectionis, & beneficia omnibus communia, particularia verò non, cum hoc sit tantum sub consilio; verum judicarem peccare, si orando pro omnibus incolis unius Civitatis, vel Religiosis unius Conventus, fructum particularem hosti non communicaret; nam videtur hoc pertinere ad livorem vindictæ D. Thom. cit. qu. 25. art. 9. item si non sit animo paratus ad orandum pro inimicis, etiam in particulari in calu necessitatis, & cum egeant: de qua præparatione datur præceptum charitatis.

Quæritur, an peccet, qui inimicum non alloquitur?

Resp. Sicut supra num. 11. de salutatione.

15 Quæritur, an possis absolvi Pater

nolens admittere ad colloquium filium, eique veniam petenti ignoscere recusans, ex quo contra ipsius voluntatem, & cum familia dedecore, se indigno, & valde inaequali matrimonio copulaverit?

Resp. Resolvunt DD. posse Patrem in penam delicti, & ad aliorum filiorum cautelam, reconciliationem filio ad tempus negare. Praxis autem Confessarii debet esse, I. ut Consideret, an Pater ex odio, aut iracundia erga filium procedat, an solum justam castigationem filii, & familiz honorem, & aliorum cautelam intendat: II. Ut pena, quæ delinquenti irrogatur, non excedat mensuram delicti; & ideò in perpetuum non potest filio reconciliationem denegare; sed tantum ad tale tempus differre, quod prudenter judicatur conveniens ad filii castigationem, & alios fines intentos assequendos; hinc absolvere eum non debet, si per tempus notabile iudicio prudentis taxandum, & ultra id, quod prudentia dicat, reconciliationem differre velit, aut, si filio malum desideret, eique indigenti nolit succurrere: neve sit ad hoc paratus.

16 Quæritur, an teneamur sub mortali inimico veniam petenti, insuriam, & offensam remittere?

Resp. Affirmativè, quantum ad odium, & culpam in nos commissam, ne erga ipsum in nobis detur actus odii: quem ex charitate tenemus, etiam erga non petentem, deponere, eique signa dilectionis ostendere, juxta conditionem personæ.

17 Sed quæritur, an teneamur condonare satisfactionem, & penam pecuniariam justam, quam licitè possumus coram Judice exigere?

Resp. Negative plures resolvunt, modo satisfactio ab Judice justè taxanda, necessaria sit pro reparando proprio honore, ac damno familiz; nec tunc quis vult offendentem malum, quia ipsi malum est absolutè, (nam sic odio haberet), sed optat, quòd Judex offensem puniat

niat juxta leges, & mensuram delicti, ne crimina impunita mancant in quo per se non apparet esse peccatum, sed potius actus bonus, zelans iustitiam juxta ordinem divinæ Providentiæ, quæ ideo instituit Judices, ne crimina mancant sine pœna; dicitur per se, quia per accidens potest peccatum contingere, tum ob periculum, ut quis gaudeat de malo proximi: tum ob animum desiderandi vindictam: tum ob notabile damnum, quod deberet familia illius, cui ea pœna optatur, sentire; ideo Confessarius cum his cautè procedet. Vide Layman lib. 2. tract. 3. cap. 4. num. 5. De la Cruz in Decalog. 1. præcept. art. 3. de charit. num. 3.

18 Quæritur, quid agendum Confessario cum penitente, qui inter se accusando exponit: Pater: quoties video Petrum, à quo fui graviter offensus, toties mihi sanguis in venis ebullit: expetior me coram eotrepidare, immò & expallescere, & cupere eum non videre, vel, ut longè discedat?

Resp. Interroget, an videns hostem processerit per actus voluntatis ad desiderandum ipsi malum, vel ad tristitiam de bonis illius, aut complacentiam de malo: quod malum optaverit, & de quo sibi complacuerit; an ei tunc denegaverit communia signa dilectionis, salutationem, locutionem, &c. & dum affirmet, peccasse judicet; non verò, si neget; nam illi tunc sunt motus naturales necessario sequentes ex præsentia objecti apprehensi, ut sibi molesti, & non actus voluntarii de malo alterius. Tambur. in decal. lib. 5. cap. 2. §. 3. num. 1.

19 Quæritur, quid agendum sit Confessario cum penitente, qui se accusat, se odio habuisse inimicum?

Resp. Interroget: quot oderit; à quanto tempore: si aliàs sit super eo confessus: quare odium non deposuerit, & an præsentem sit cum hoste reconciliatus: & quatenus neget, absolvi non potest: quoties ei, & coram quibus negaverit signa communia dilectionis: quoties ei malum

optaverit; tristatus sit de bonis ipsius, & lætitiā de malo conceperit; quod malum ipsi desideraverit, an in bonis animæ, an vitæ, vel famæ, an in bonis temporalibus, quæ sunt differentiæ explicandæ in interno actu odii, sive odium sit tristitia de prosperis, aut complacentia, & desiderium de adversis.

20 Quæritur, an peccet mortaliter contra charitatem Religiosus, qui toties gaudet, quoties à Superiore Frater N. corripitur, & magis, quando coram aliis Religiosis evenit, & mortificationibus castigatur, idque eidem desiderat?

Resp. Affirmativè; nam certè eum odio habet, & ex affectu vindictæ (nulli personæ privatæ licitæ) movetur ad grave malum ipsi desiderandum, & gaudendum de malo Fratris; nam leve malum non reputatur confusio, & bonæ opinionis amissio, quæ ex similibus reprehensionibus, & castigationibus punitis obvenit; propterea Confessarius eum non absolvat, nisi Fratrem alloquatur, & peccaminosum erga proximum affectum deponat, contra eum ex prævia rixa, & contentione, vel ex invidia conceptum. Fortè posset excusari, si non ex odio moveretur, sed solum ex zelo Religionis, ut nimirum correptus, cessaret à delictis, quæ cum scandalo populi, & in Religionis præjudicium frequenter committit, quia sic videtur odio habere non personam, sed delictum, & velle non malum Fratris, sed emendam, & bonum Religionis, quod ex charitate tenemur diligere, & præferre minori malo Fratris criminosis; erga quem, non odium inimicitiae, & personæ, sed abominationis, & qualitatis haberet: quod erga homines non est semper malum. Layman cit. cap. 8. nu. 5. sed videat, ne ex isto ad illud inimicitiae procedat.

21 Sed quæritur, quanam sit differentia inter odium, & invidiam proximi?

Resp. Hec est, quod odium est velle malum proximo, vel lætari de malo ipsius,

ut ipsius malum est, aut tritari de ejus bono: si milia enim proveniunt ex displicentia personæ secundum se; invidia verò est tristitia de bono proximi non præcisè, quatenus bonum ipsius est, sed quatenus mihi displicet eum habere plus, quam ego habeam. Si doleam, quia nollem Petrum v.g. habere talem prælaturam, eum formalissime odio habeo: si verò doleam, quod habuerit talem prælaturam ex eo, quod ego non habeam majorem, vel æqualem, vel quia nollem ipsum habere plusquam ego, sum invidus. *Campion. part. 2. instr. ad Confess. cap. 14. n. 6.*

22. Sed quid, si ego doleam Petrum obtinuisse Prælaturam?

Resp. Si doleo tantum, quia non habeo, nec obtinui, quod Petrus obtinuit, non pecco, si sum dignus; bene verò, si doleam Petrum habere, quod ego non habeo, ne sim inferior Petro; & pecco peccato invidiæ, (etiam si non dolerem, quando & ego haberem,) quia apprehendo Prælaturam in Petro, ut diminutivum meæ excellentiæ: nam invidia est tristitia de bono proximi, ut est, vel apprehenditur diminutivum propriæ excellentiæ. *Vid. lib. 1. cap. 17. n. 19.*

23. Sed quid, si doleam Petrum obtinuisse Prælaturam, quia est ea indignus, vel quia ipsa abutitur?

Resp. Si doleam obtinuisse præcisè, quia est indignus, quamvis contra charitatem non peccem, possum tamen peccare judicio temerario, præsumendo ex levibus fundamentis malè de meo proximo, vel quod electores in eligendo justitiam non servaverint; si verò, quia ea abutitur in damnum spirituale subditorum, non pecco, quia dolor est solum de malo usu, non de Prælatura, quæ est bonum Petri: in casu actus perfectæ charitatis esset, Deum pro Petro orare, ut ex abutente in bene, & juxta regulas rationis utentem mutaret.

Hæc notabit Confessarius, ut valeat distinguere, quando peccato odii, vel in-

vidiæ peccaverint penitentes, accusantes se doluisse de bono proximi.

24. Quæritur, quomodo se gerere debeat Confessarius cum penitente, qui in Confessione aperit; Pater: quoties audio Gallos victores contristor, & doleo: quoties victos, gaudeo, & de ipsis illata clade à Germanis complaceo: quemadmodum exulto, dum hos potestimos triumphasse percipio?

Dubium à paucis excitatur, sed confessarium, ut quamplurima eradicentur peccata à Christianis commissa inter loquendum de bellis; quibus, cum tam crebra, copiosaque sanguinis effusione, & subditorum calamitatibus, Catholici Principes inter se certant.

Resp. Interroget, an optans, & gaudens de victoria Gallorum, Gallus sit, & Christianissimi Regis subditus; & dum affirmat: subinquirat: an suo Regi optet, & gaudeat de victoria in bello justo, (etenim si in injusto, peccat, injustè optando proximo malum, & complacendo de malo ei injustè illato) Si in justo dixerit, est videndum, an moveatur ex odio; & hoc est colligendum, si fateatur sede victoria gaudere, ut est eversio, & notabile Christiani Principis damnum; quoniam tunc eidem illud malum vult, quatenus malum illius est, & sic affectus peccati in personam tendit, & contra charitatem delinquit; an verò moveatur ad optandam victoriam suo Principi, quia estimatur medium aptum, & conducens ad conservandam tranquillitatem, & pacem in populo, quam Princeps quolibet honesto modo, & juxta rationis regulam promovere, & conservare debet in bonum spirituale subditorum; & nec tunc debet per se, & directè intendere malum partis adversæ, sed solum bonum sui Principis, pacem, & regni tranquillitatem, quæ obtineri non potest sine victoria, adeoque sine malo alterius partis, & quin ejus vires minuantur; sed hoc secundum est per accidens intentum, sine quo tamen primum non obtine-

tinebitur; in casu desiderium habet rationem defensionis inculpatae; nam, si Princeps in bello iusto ab hoste superetur, quies peribit, & tranquillitas, ac plurima pietatis, & virtutis opera de necessitate omittenda forent; ad quem finem, & ne illa impediatur, licet subditis pro victoria sui Principis orare, juxta Paulum ad Timoth. i. *obsecro fieri orationes pro Regibus*; & infra: *ut quietam, & tranquillam vitam agamus in omni pietate, & castitate*: quod, dum bellum iustum viget, non obtinebitur, si Adversarius praevaleat: sed victoriam pro suo Rege non debet à Deo postulare, pro ut est Christiani Principis damnum, & ever- sio, quia id esset inhumanum, crudele, & contrarium illi præparationi animi ad orandum in particulari pro inimico, si ita postulet necessitas, de qua præparatio- ne datur præceptum charitatis.

Quod si Regis bellantis subditus non sit, neutri potest licite victoriam optare, alias certè ex odio, & displicentia perso- næ contra charitatem peccaret: vel per desiderium mali, quatenus ipsi malum est: vel complacentiam de malo, aut tristi- tiam de bono patris adversæ, quatenus vellet non habere bonum victoriæ; quod propriè est odium, quia est contra perso- nam; ex lege itaque charitatis eos omnes debet diligere, & pro ipsorum concordia, & pace, preces ad Deum effundere, ut sic tot mala à Christiana Republica in ani- marum perniciem removeantur.

25. Sed quid dicendum de eo, qui tri- statur de victoriis Turcarum, & bo- nium fidei?

Resp. Si tristatur de victoriis Turca- rum, quia sunt in damnum Religionis Christianæ, & bona ini- orum Dei, (ex quibus propterea pot. ntiores facti, crudelius fidem nostram impugnant, & impium Mahometis cultum in Christia- norum terris, Cruce contempta, pro- movere conantur) tristitia est virtuosa. Sub qua ratione, saltem implicite, & vir- tualiter, ac parati respondere, se ideo de

illis tritari, & Deum orare, ut eos ad necem usque disperdat, Christiani tri- stantur, dum eas audiunt, & de ipsorum cæde, & clade lætantur; ac ad Deum præ- ces effundunt, ut ipsius potentia conte- rantur: quamvis id expresse actu plures non intendant.

26. Sed quid, si quis expressè vellet solum Turcarum everisionem, non, ut ista in bonum Christiana Religionis ce- dit, nec, quia Christiani nominis hostes, & persecutores corrumpunt, & deficiunt, sed quia Turcarum malum purè?

Resp. Nec talis everio esset aliquod prudenter appetibile, nec pro ea ever- sione posset Deum orare, quia obiectum orationis debet esse cum respectu ad spi- ritualem utilitatem. Vide Gobat *expe- rient. Theol. sr. 7. cas. 8. n. 593. append. 1.*

27. Sed quæritur, quid dicendum de le- gente folia novellarum, vulgo d' avvisi?

Resp. Si legat eo fine, ut gaudeat, & exultet de hac, aut illa victoria de hoste relata, certè mortaliter peccat contra charitatem; & plura peccata committit, dum de multorum occisione gaudet: & scandalum præbet, si alios ad id allicit.

28. Sed quid, si legat ex curiositate?

Resp. Videndum est, an se exponat pe- riculo peccandi, per voluntariam tristi- tiam de victoria unius, aut complacen- tiam de illa alterius partis; & tunc certè peccat contra charitatem, & curiositas est peccaminosa mortaliter; licet enim curiositas de se non sit mortale, tamen cu- riosi sæpè graviter peccant: sic graviter delinquit, qui ex curiositate libros prohi- bitos legit, (& hic curiositas propter le- gem prohibentem est per se mala) qui facta aliorum curiosus inquit, ut detra- hat proximo: qui ex curiositate exponit se periculo peccandi, & data opera occasio- nem peccandi quærit: qui curiosus obser- vat exercentes actum matrimonialem, picturas turpes respicit, & libros obscæ- nos percurrit: ex his ad alia discursus.

Curiositas itaque in sic legentibus esse potest mortaliter peccaminosa, dum im-

minet periculum, malum optandi, vel tristandi de bono unius partis, & maxime, cum quis erga alteram ex passione, nimistrahitur ad inordinatum affectum, qui propterea sæpe de adversa cum scandalo obloquitur; nec absolvi potest, nisi proponat se corrigere, & occasiones vitare, in quibus experitur se colloquia in contemptum, & odium proximi instituire.

Itaque, ut immunis quis sit in hac materia à peccato, nunquam gaudeat de victoria Principis, sub quo vivit, ut malum præcisè partis adversæ, sed, ut ex ea boni sperantur fines, superius allegati; & semper ita moderatè, ut christianæ compassionis non obliviscatur, & cum advertentia ad sculptam in nobis à natura regulam: *quod tibi non vis, alteri ne feceris*: ac juxta regulas prudentiæ Christianæ, ut ad nova de cladibus illatis Christiano Principi, ab itidem orthodoxo Duce, indifferenter se habeat, & Supremum Numen obsecret, ut dignetur victoriam illam activam, & passivam dirigere ad majus bonum spirituale, ac temporale victoris, & victi. Vide cap. 10.

CAPUT IX.

Prop. XII. ab Innoc. XI. &c.

Eleemosyna.

I PROP. 12. *Vix in Secularibus invenies, etiam in Regibus, superfluum statui. Et ita vix aliquis tenetur ad eleemosnam, quando tenetur tantum ex superfluo statui.*

Nota, nos hic loqui de eleemosyna corporali, cujus opera hoc continentur carmine.

Visito, poto, cibo, redimo, tego, colligo.

Hoc est. 1. *Visitare infirmos.* 2. *Potum dare sitientibus.* 3. *Esurientes pascere.* 4. *Captivos redimere.* 5. *Opera*

vire nudos. 6. *Hospitio peregrinos suscipere.* 7. *Mortuos sepelire.* Hæc duo sub ultimo continentur.

Non de spirituali: cujus actus sunt:

Consule, castiga, solare, remitte, ser, ora.

Hoc est (sub eodem) 1. *Doce ignorantem,* & 2. *Consule dubitanti.* 3. *Corrige peccantem.* 4. *Consolare tristem.* 5. *Remitte offendentem.* 6. *Sustine onerosos.* 7. *Ora pro omnibus.* D. Thom. 2. 2. qu. 32. art. 2.

2 De fide est dari præceptum erogandi eleemosynam, adeò, ut si quis id negat, sit hæreticus: & qui non implet mortaliter peccat: Matth. 25. *esurivi enim, & non dedistis mihi manducare, &c. discedite à me maledicti in ignem æternum*: nullus autem condemnatur æternaliter, nisi ob mortale peccatum; quod præceptum videtur contineri in. 5. Præcepto Decalogi, *non occides*; nam equivalenter occidit, qui negat alteri hic, & nunc indigenti necessaria ad vitæ sustentationem; nec eum ex charitate diligit; nam, cum vita proximi sit medium, ut ille consequatur beatitudinem, & ex charitate teneamur proximo velle omnia bona ad beatitudinem conducen-
tia, si ei, ubi nequit illa conservari, eleemosynis non succurramus, amore charitatis eum non amamus, & contra charitatem peccamus. Vide D. Thom. cit. art. 5. in corp.

3 Eleemosyna describitur, est *actus misericordia, cuius obiectum est sublevare miseriam proximi.* Misericordia distinguitur à charitate, quia charitas vult bonum proximo propter Deum, misericordia verò vult bonum, ut est sublevativum miseriæ; idcò eadem largitio eleemosynæ est actus charitatis, si eam erogo indigenti propter Deum, & actus misericordiæ, si intendo indigentem à miseria sublevare.

4 Queritur, quando præceptum dandi eleemosnam obliget?

Resp.

Resp. Cùm præceptum fit affirmativum, non omni tempore, sed cùm ex parte dantis est superfluum, & ex parte recipientis necessitas.

5 Pro quo scias, quod triplex est necessitas in proximo, ex qua nascitur obligatio dandi eleemofynam. *Extrema, gravis, & ordinaria, seu communis; extrema* illa est, dum quis ob defectum cibi, vel alterius rei, est in proximo vitæ periculo, aut gravissimum, & diuturnum morbum sustinet, ex quo probabiliter timetur mors, aut membri laceratio: *gravis est*, ex qua imminet periculum gravis mali, captivitatis, infamiae, gravis jacturæ bonorum, status, &c. *communis est* illa, quam ordinariè patiuntur mendici, qui ostiatim, & in plateis, aut ad portas Templorum eleemofynas petunt; quibus accedunt alii, qui honestè vivunt, & plerumque carent iis, quæ ad congruam sustentationem, & sumptus, juxta eorum statum requiruntur; & alii, qui, nonnisi cum aliqua difficultate, possunt sibi comparare necessaria ad vitam.

6 Item, notes, bona, ex quibus potest, & debet subveniri constitutis in præfatis necessitatibus, esse in triplici differentia; alia enim sunt *necessaria ad naturam*, hoc est, ad conservandam vitam propriam, & familiæ; alia sunt *necessaria ad personam*, seu ad decentiam status, & dignitatem personæ conservandam, ut sunt, illa, sine quibus persona nobilis non potest commodè, aut decenter, aut ullo modo in suo statu conservari, aut permanere. Alia denique sunt, *superflua statui*, & alia *superflua natura*, quatenus, nec ad vitam, nec ad status conservationem sunt necessaria, cùm sine illis conservari commodè possit vita, & decens personæ, & familiæ conditio; & propterea dicuntur superabundare post necesarios sumptus, impenso in necessariis ad vitam, & statum.

Modò respondendo dubio. Dicimus I. laboranti extrema necessitate non esse *Matthæucci Gaudela Confess.*

succurrendum ex bonis vitæ suæ, & familiaris necessariis; ratio est, quia propria vitæ secundum rectam rationem præferri debet alienæ, nam quilibet est magis sibi proximus, quàm alter; & ideò æstimare debet, quòd magis placeat Deo, ut provideat sibi, & suis, quorum cura sibi incumbit, quàm alteri, & in rebus necessariis se alteri præferat juxta regulam rationis, & ordinem charitatis, quæ postulat, ut in pari necessitate magis se ipsum diligat, quàm proximum.

Excipitur, nisi persona proximi foret maxime utilis Reipublicæ, adeò ut, ipsa pereunte, Respublica laboraret gravissimis necessitatibus, quia vita privata est proponenda utilitati, & bono communi: quod sine dubio Deo placet.

II. Quòd existenti in extrema necessitate succurrendum est de necessariis personæ, sive ad statum conservandum; nam ordo charitatis, per se loquendo, postulat, ut proximi vitam magis æstimeamus, quam dignitatem propriam, cum vita proximi sit longè melior, quàm gravis jactura aliorum bonorum temporalium; & sequi videtur ex illo legis naturæ: *quod tibi vis secundum rectam rationem alteri faceris*; sed, qui constitueretur in tali extrema necessitate, vellet secundum rectam rationem, ut sibi subsidium proximus, etiam cum gravi jactura suæ dignitatis, & bonorum temporalium, daret, ergo & ipse debet alteri, sic indigenti conferre:

III. Quòd proximo constituto in gravi necessitate succurrendum est, non modò de superfluis, verùm etiam utilibus, sed non valde necessariis ad statum, & decentiam personæ, quod videtur esse juxta dilectionem charitatis; nam certè Deo placet, ut quis ex illis, etiam cum aliquo detrimento proprii status, succurrat proximo in gravi necessitate constituto; sic vir nobilis, cui ad convenienter splendorem sui status conservandum tres famuli sufficerent, si quatuor haberet, deberet unum dimittere,

R 3 ut

ut succurreret gravi morbo proximi, captivitati, incarcerationi, &c. Layman lib.2. tract.3. cap.6. à num.4. Poncius disputatione 32. quest.3. conc.6. num.27. præterquam quod, cum non sint valde necessaria ad statum, & propriam conditionem conservandam, superflua contra Autores propositionis debent reputari: quideò dixerunt: *vix etiam in Regibus posse inveniri superfluum*, ex quo putarunt omnia, etiam sine quibus potest convenienter status conservari, esse necessaria.

In gravi itaque necessitate tenetur quilibet proximo succurrere cum aliquo detrimento sui status, cum ex charitate teneatur cum aliquo suo incommodo impedire maximum, & grave incommodum proximi.

IV. Quòd ex superfluis ad statum, & decentiam personæ, sunt dandæ elemosynæ communi necessitate laboranti: & non modò ex superfluis, verùm aliquando ex aliquo modo necessariis, ne ordinaria necessitas transeat in gravem, & hæc in extremam; quod apparet esse juxta mentem SS. PP. commendantium charitatem erga proximum, & cum absolute loquantur, non debent restringi ad casus necessitatis gravis, & extremæ tantum. Sufficiat adducere testimonium scripturæ. 1. Joan. cap.3. *qui habuerit substantiam huius mundi, & viderit fratrem suum necessitatem habere, & clausit viscera sua ab eo, quomodo charitas Dei manet in eo?* Et crederem esse indicium sufficiens ad iudicandum, eum Deum non diligere, qui videns tot famulos Dei communibus necessitatibus oppressos, nulli ex illis elemosynam tribuit, aut non nisi rarissimè; & hæc est tutior sententia. Quilici Confess. manud. q.4.art.4.num.9.

Potest tamen quis excusari. 1. Si necessitatem pauperis ignoret. 2. Si alius sit, vel prudenter præsumatur esse, qui possit, & velit necessitati succurrere; nam si est, qui succurrat, jam respectu

mei, ille non indiget, nec eget mea elemosyna.

7 Sed quæritur, *an peccet mortaliter, qui levem elemosynam denegat pluribus pauperibus, quibus singulis tenebatur solum sub veniali modicam illam elemosynam erogare?*

Resp. Affirmativè, ratio est, quia leves elemosynæ unam notabilem materiam integrant: sicut dicitur de eo, qui modicam à pluribus quantitatem pecunie accipit, quæ simul sumpta notabilem quantitatem constituit, ex dicendis infra capite 32. Possent tamen aliqui ob inadvertentiam excusari, ut tradit Bonac. in Decal.1. præcep. dist.3. quest.4. punct.6.num.13.

8 Quæritur, *quomodo se gerere debeat Confessarius cum divite penitente circa implementum præcepti de danda elemosyna?*

Resp. Interroget. 1. An ulli existenti in extrema necessitate elemosynam de superfluis ad naturam, vel de necessariis ad decentiam personæ denegaverit, & quoties. 2. Quoties laboranti gravi necessitate, de superfluis, & non multum necessariis ad decentiam status, non succurrerit. 3. An generaliter exclusit à se omnes pauperes laborantes communi necessitate, denegando elemosynam; & tunc, vel exprimat causam rationabilem, cur id egrit; vel, quoties id fecerit, si potest, vel tempus, à quo non fuit confessus, & in quo id agere consuevit, nec absolvarur, nisi proponat se corrigere. 4. An faciat sumptus insolitos in rebus non pertinentibus ad decentiam personæ, & status, sed ad pompam, & ad luxum, in cibis, vestibus, famulis, &c. & propterea omitat pauperibus, etiam laborantibus communi necessitate, succurrere; præfatos sumptus diminuat, & se ad statum sufficienter congruum reducat sic, ut, si ad decentiam status mille sufficiant, cætera non infumat ad luxum, sed eis, pauperibus, infirmis, captivis, nudis subveniat, ut præceptum de dan-

danda eleemosyna impleat, quod à multis divitibus maxime negligitur, non considerantibus illud terribile: *esurivi, &c. Ite maledicti in ignem aeternum.* Quòd si corrigere se neglexerit, ut indipositus, inabolutus dimittatur, & interit cum D. Thoma cit. ad 2. moneatur: *quòd bona temporalia, qua homini diviti conferuntur, ejus quidem sunt, quantum ad proprietatem, sed quantum ad usum non solum debent esse ejus, sed etiam aliorum, qui sustentari possunt, ex eo, quod eis superfluit:* & infra ex Basilio: *est panis famelici, quem tu tenes: nudi tunica, quam in conclavi conservas: discalceati calceus, qui penes te marcescit: indigentis argentum, quod possides inhumatum, quo circa tot insuriaris, quot dare valenses.*

9 Sed quid dicendum de divite, qui habens superflua statui diu negat omnes eleemosynas, ut meliori tempore eas convertat in pium usum per adificium Ecclesie, Monasterii, vel Hospitalis?

Resp. Peccat mortaliter, si hic, & nunc non succurrat necessitati indigentis, cui alius non est, qui subveniat: præceptum enim de danda eleemosyna obligat in casibus particularibus: particulares autem sunt: dum quis indiget, & alius non est, qui indigentiam tollere valeat, & velit. In Evangelio Matth. dicitur: *esurivi, & non dedistis mihi manducare: sitivi, & non dedistis mihi bibere: hospes eram, & non collegistis me: nudus, & non cooperuistis me: infirmus, & in carcere, & non visitastis me. Ite maledicti in ignem aeternum.* Ubi, vides condemnari, qui necessitate laborantibus non succurrit.

10 Queritur, an quis satisfaciatur præcepto, si extremè indigenti subveniat mutuando illi eleemosynam, aut dando sub conditione, ut reddat acceptum, quandocumque facultatem habuerit, & devenerit ad pinguorem fortunam?

Resp. Negativè, si absolutè egcat, nam gratis in eleemosynam debet dare, & si imponat aliquam obligationem, peccat contra charitatem; nam præceptum obligat ad actum virtutis misericordie, adeoque ad gratis sublevandam egentis miseriam, non verò ad alium actum: & hinc, qui titulo mutui, vel alterius contractus dat alteri id, quod indiget, non satisfacit præcepto eleemosynæ, cum non faciat actum præcepti. Diximus si absolutè egcat, quia si hic egcat, & alibi habeat ad solvendum bona, non dicitur absolutè egere, sed hic; & ideo hic non indiget simpliciter, ut sibi res gratis detur, adeoque mutuans satisfacit mutuando, sicut satisfacit, qui indigenti velle, lecto, &c. commodat ea pro tempore indigentie.

11 Queritur, an satisfiat præcepto de danda eleemosyna cum bonis illicitè acquisitis, ut pecunia accepta pro meretricio, assassinatu: pro sententia, aut testimonio injustis: per usuram, simoniam, & furtum?

Resp. Plura tangit dubium, de quibus sigillatim. Et 1. Supponitur, quod eleemosyna est facienda de re, cujus homo est Dominus, adeoque de re propria, non aliena, juxta illud *Prov. 3. Honora Deum de tua substantia;* ratio est, quia actus tradendæ eleemosynæ est actus dominii, quo in accipientem, dominium transfertur: nullus autem potest id in res alienas exercere, nisi domino expressè, vel tacitè consentiente.

II. Quòd quædam dicuntur illicitè acquisita, quatenus opus, propter quod acquiruntur, est illicitum, & peccatum, sed ipsa acquisitio, & acceptatio illicita non est, nec contra justitiam, aut legem irritantem acquisitionem: hujus generis sunt acquisita à meretrice per copulam fornicariam; quamvis enim peccaverit, etiam faciendo contractum de pretio, & teneatur ante copulam, ipsum rescindere, post copulam tamen potest justè recipere, & retinere; nam

peccat utique contra legem fornicando, sed postea contra illam non accipit mercedem; idem dicitur de lucris, quibusdam ludis acquisitis, quos quidem Princeps prohibuit, sed non irritavit lucrum ex eis proveniens.

Alia verò dicuntur illicitè acquisita non modò, quia opus, propter quod acquiruntur, est illicitum, verum etiam, quia ipsorum acquisitio est illicita, quatenus est contra iustitiam, & legem irritantem contractum; sic illicitè acquiruntur pretium per contractum simoniacum, & accipiens suum non facit, quia est contra legem irritantem: illicitè etiam promittitur, aut datur aliquid pro obtinenda gratia, vel iustitia, etiam temporali, à Sede Apostolica; idque recipiens tenetur ex iustitia dare pauperibus, nam talis datio, & acceptatio est contra legem irritantem similes contractus: lege const. Innoc. XII. *de datis, & acceptis: super quo vid. lib. 1. cap. 19. num. 7.*

12 DD. generaliter resolvunt, de qualibet re acquisita per contractum contra iustitiam, non posse eleemosynam tradi: ex eo principio, quod iniustitia non fundat, nec dat jus iustitiæ ad exigendum, nec dominium transfert, nec iniuste accipiens illud acquirit: v.g. dedi centum Latroni, ne me occideret, ipse iniuste recepit, nec fit Dominus, quia ex iustitia tenebatur me non occidere; promisi centum Petro, ut occideret Paulum, quem occidit, non teneor ex iustitia illa dare, nec ipse ex iustitia ea exigere potest; nam ex iustitia tenebatur Paulum non occidere; & casu, quo receperit, tenetur pauperibus restituere. Idem dicitur de adultera recipiente pretium à marito, ne committat adulterium, nam ex iustitia, tenetur ab adulterio abstinere.

13 Modo dicunt, meretricem posse ex lucro meretricio acquisito eleemosynam facere, quia verè ipse est, & dominium habet; non tamen, si recepit à Religiosis, quia, cum isti nil proprii habeant, dominium talis lucri non possunt in me-

rettricem transferre; ideo, si ab eis aliquid recipiat, est Religioni restituendum: super hoc Confessarii meretrices interrogent.

14 Item, Adulteram non posse eleemosynam erogare de lucro acquisito per adulterium, quia ad non adulterandum tenetur ex iustitia, ergo ex iustitia non potest promissum exigere, adeoque nec retinere, nec dominium super eo acquirere, & in alium transferre. Nam nullus potest de re non sua pretium recipere, & vendere, quod suum non est; uxor autem non est domina usus sui corporis, pro quo pretium recipit: & si recipit, dominium non acquirit, quia à nullo talis usus emi potest. Vide infr. *cap. 29. num. 9.*

15 De assassinato etiam patet. Idem dicitur de Iudice pronunciante sententiam iniustam, nam ex iustitia tenetur tales sententias non proferre per dicta *cit. cap. num. 3.*

De teste idem pariter est, quia tenetur ex iustitia verum testari.

16 De accepto per usuram, nec eleemosyna fieri potest, quia est restituendum domino; quòd si habeat quis alia ad restituendum, & aliàs res accepta sit uno usu consumptibilis, ut pecunia, vinum, oleum, &c. potest ex illa facere eleemosynam, cum non teneatur restituere eandem rem numero, sed sat est reddere ejus valorem: idem dicitur de fure, nisi res accepta sit in specie restituenda.

17 De accepto per simoniam, nec minus potest eleemosyna dari; & quamvis sit dandum pauperibus, id non probat: nam, ut optime notat Layman *nu. 7.* dum illicitè acquisita, obnoxia sunt restitutioni, ipsis pauperibus faciendæ, tunc erogati ipsis quidem debent, sed id propriè eleemosynæ, & donationis opus non est, sed ex iustitia debitum, sicut notavit S. August. relatus *in cap. non sanè 14. quæst. 5.* Et hinc per ipsorum distributionem pauperibus satisfacit præcepto de restituendo rem alienam iis, quibus debet, sed non de danda eleemosyna.

fyua. Videas Cabafut. *Praxis lib. 6. cap. 15. num. 3.* recipientem cum communi, pretium acceptum pro flagitiis, quæ cum iniuftitia admittuntur, effe reftituendum.

18 Sed quæritur, *an extremè indigens poffit aliena furripere?*

Refp. Affirmative, fi alia via non poffit fibi fuccurrere, & alius non fit in pari neceffitate; quia in extrema neceffitate omnia redeunt ad communitatem, ficut erant, priusquam fuiffet divifio rerum induda. Ideo negari poteft fuppositum, quod tunc aliena rapiat. Verum putofum inter Chriftianos effe metaphyficum, & moraliter impoffibilem, cum vix poffit reperiri, quòd quis ad extremam neceffitatem reducat.

19 Sed quæritur, *an, cum pervenerit ad meliorem fortunam, teneatur rem, vel rei valorem reftituere?*

Refp. Negative; nam in extrema neceffitate omnia funt communia, non folùm quoad ufum, fed etiam quoad proprietatem: fi res erant uno ufu confumptibiles.

20 Sed quid dicendum, *fi ante extremam neceffitatem furatus efferem, quam in extrema neceffitate confumpfit?*

Refp. Debet reftituere, tranfacta neceffitate, quia obligatio fuit antea contracta: & propterea nò extinguitur per supervenientem neceffitatem, fed revivifcit; nam fufpenfa jacuit, quoufque neceffitas tranfiret; fed de hoc infra de reftitutione.

21 Quæritur, *an filius familias poffit eleemofynas facere?*

Refp. Negative de bonis, quorum dominium non habet, nifi de confenfu Patris explicito, vel præfumpto. Hic nota, bona filii alia effe *caftrenfia*, quæ acquifivit ex militia, Gloff. *ad cap. licet de fepult. in 6. in ver. caftrenfe*, aliàs non acquifiturus. *Leaftrenfe*, ff. *de caftren. pecul.* inter quæ reputantur militum ftipendia, hoftium fpolia, & dona, five Ducis, five alterius, etiam confanguinei, recepta occasione militia: Item, lucrum, quod datur

militibus Palatinis, qui cuftodiam Principis habent.

Alia *quaficaftrenfia*, quæ adipifcitur ex militia togata, feu publico munere, ut Iudicis, Advocati, Tabellionis, Medici, aut alterius officii publici, propter quod reportat publicum ftipendium.

Alia *adventitia*, quæ filio obveniunt, non à Patre, fed, vel ex propria induftia, opificio, negotiatione, vel liberali donatione fibi facta (non intuitu patris,) aut legato matris, vel avi materni hæreditate.

Alia tandem *profecititia*, quæ ex rebus Patris proveniunt, & à filio ex illis acquiruntur, vel ei intuitu Patris donata funt.

Inter quæ bona, hæc eft differentia, quod in caftrenfibus, vel quafi caftrenfibus, Pater nil iuris habet, fed plenum dominium, & libera ipforum adminiftratio eft penes filium. *ex nota, ff. de caftren. pecul.* propterea ex iſtis poteft filius, etiam Patre invito, difponere, & eleemofynas dare.

In adventitiis verò fola proprietas ad filium fpectat, ufus fructus ad Patrem, & idcò non poteft de eis difponere, & eleemofynam erogare: excipitur, nifi donator bonorum adventitiorum voluerit, quod ufus fructus illorum fit ftatim filii, & nifi fit Clericus acquirens ex officio, & beneficio, Bonacc. *de reft. in par. difp. 2. qu. 10 punct. 1. à num. 1.*

De profecititiis tandem, quia hæc pertinent ad Patrem quoad ufum, adminiftrationem, & dominium directum, eleemofynas conferre non poteft: excipiuntur bona data filio ad Ordines facros, quia, licet reducantur ad bona adventitia, & debeant computari in portione hæreditatis cum fratribus, proprietas tamen, & ufus fructus eft filii. Vid. Layman *cit. cap. 8. num. 9.* Poterit tamen eas facere de bonis à patre acceptis ad peregrinationem, vel ad ftudium in loco à Patre remoto; vel de receptis ad recreationem, & ad eum effectum parçè

parcè vivendo: moderatè tamen, & quàm solent alii filiifamilias, paris conditionis, facere. *Sunn. Leand. cit. nu. 23.* nam præsumitur Pater consentire; non tamen de lucro ex ludo licito acquisito, quia id acquirit Patri.

22 Quæritur, *an uxor possit tuta conscientia, inconsulto marito, eleemosynas facere?*

Resp. Sed 1. Notetur; bona conjugum esse triplicis generis. Alia *propria mariti*: & sunt ea, quæ maritus, præcisa dote, & donatione, facta causa nuptiarum, acquisivit hæreditate, aut propria industria, & labore, sine ullo uxoris subsidio. Alia *propria uxoris*: & sunt dos, quæ viro traditur ad sustinenda onera matrimonii. Et alia *Paraphernalia*: ea nimirum, quæ habet mulier alio titulo, quam dotis, sed donationis, hæreditatis, legati, & ex industria, &c. Differentia inter dotem, & paraphernalia est: quod ususfructus, & administratio dotis semper pertinet ad maritum: dominium verò, & administratio paraphernalium ad uxorem, nisi administrationem marito committat.

Communia denique sunt, quæ conjuges percipiunt ex fructibus dotis, & arrharum: sed horum bonorum administratio, & ususfructus pertinet ad maritum.

Modò est apud DD. commune posse uxorem de paraphernalibus eleemosynam facere; quia sunt bona propria, & quoad dominium, & usum fructum, non verò de bonis propriis mariti, & communibus; & mortaliter peccat, si ex iis notabilem quantitatem distribuat, quia accipit rem alienam, invito domino.

Sed limitatur: si maritus sit absens, & amens; nam administratio domus tunc ad uxorem spectat, nisi per virum, aut alium superiorem aliter statutum sit: & tunc potest facere solitas viri eleemosynas. Item, si uxor ex sibi assignatis à viro pro victu, & vestibus aliquid sibi subtrahat, subtractum erogare potest.

Item, potest eas eleemosynas facere, & donationes, quas alix uxores ejusdem conditionis ex more Patriæ elargiuntur; nam tunc maritus verisimiliter non præsumitur invitus, sed potius consentire.

23 Sed quid, *si maritus sit ita durus, & avarus, ut expresse, vetet eleemosynam, & donationem uxori?*

Resp. Debet sibi formare conscientiam, quod sibi intendat vitare superfluas, & excessum in eleemosynis, non verò moderatas, & quod cesset à parvis. *Sylvester ver. eleemos. qu. 5. Dela Cruz cit. numer. 12.*

24 Sed quid, *si sibi persuadeat maritum omnem vetare, & sibi displicere?*

Resp. Vel conscientiam istam deponat: dum non potest, cesset omnino, nisi in duobus casibus. 1. Si pauper extremè egeat, & alias maritus non exponatur periculo extremæ indigentix. 2. Utiliter gerendo negotium viri, ut, si sit in peccato obstinatus, & pessimus, eleemosynam faciat, ut à Deo convertatur, & illi divina gratia illumineat; quo casu, ait Sylvester, sufficit, ut non agat contra prohibitionem, nam præsumi debet, istos casus noluisse comprehendere, vel saltem irrationabiliter comprehendisse: exemplum est. *Reg. 25.* in Abigail, quæ dedit quædam Davidi contra voluntatem mariti, ut eum liberaret à morte; sed id fieri debet seculo scandalo, & gravibus rixis cum viro.

25 Sed quæritur, *quid agendum Confessario cum uxore accusante.* Pater: fui uxor viri prædixit, jam defuncti, tempore conjugii, ne in viduitate ad egestatem reduceret, eleemosynas, quas ipsius jussu, & juxta conditionem familiæ, debebam pauperibus dare, mihi cumulavi in summa scutorum mille?

Resp. Debet ipsi injungere, ut realiter, & cum effectu, vel hæredibus viri restituat; vel pauperibus, juxta verisimilem voluntatem viri defuncti, distribuat pecuniam, congregatam ex eleemosynis, pauperibus erogandis; nam eam sibi, ut pau-

pauperi, applicare nullomodo poterat, cum eleemosynæ fuissent erogandæ pauperibus, ipsa autem tunc pauper non erat. Tambur. & Sum. Leand. num. 26.

26 Quæritur, an Ecclesiastici teneantur eleemosynas erogare de redditibus beneficii?

Resp. Affirmativè, modo ex illis quidquam congruè, & honestè, ac moderatè ipsorum sustentationi, juxta conditionem personæ, & dignitatis, superfluat; ratio est, quia hæc bona præsumuntur à fidelibus relicta, primariò ad divinum cultum, & in decentem Ministrorum sustentationem; & secundariò ad pauperum miseriam sublevandam, vel in aliud pium opus: ut ad reparandam Ecclesiam, & redimendos captivos. Tum quia, habent utique Ecclesiastici dominium fructuum beneficiorum, juxta Trid. sess. 23. cap. 1. de ref. & const. Leonis X. *Superna*, & Pii V. *Ex proximo alleg. lib. 1. cap. 14. nu. 4.* at non absolutum, sed restrictum, & limitatum, cum obligatione nimirum restituendi superflua pauperibus, vel ad pias causas.

Graviter proinde Beneficiati peccant, qui superflua propriæ sustentationi in profanos usus infumuat, & dissipant, vel ea donant histrionibus, parasitis, vcnatoribus, & cæteris, qui pauperes, nec opus pium sunt. Item, si consanguineos augeant, quod eis prohibetur à Trid. sess. 25. cap. 1. de ref. quibus tamen, si pauperes sint, possunt aliquid, ut pauperibus, ex eis dare, ut ibi text. pauperes enim conjuncti, secundum ordinem rationis, aliis præferuntur.

Quibus, etiam habentibus necessaria ad victum, non tamen sufficientia pro qualitate conditionis familiar, & decencia status, possunt aliqua de illis conferre, ut tradit Fagnan. in 3. decret. ad cap. si quis sanè de peccul. Cleric. num. 28. Et intelligitur, si indigeant, non autem ad pompam; ideo debent cum cautela procedere, ne consanguineorum decencia status, & conditionis, bonis

ipsis, quæ Deifunt, longius protendantur, quàm ferat necessitas, & honestas.

27 Sed quid, si beneficiatus habeat etiam proprium patrimonium?

Resp. Potest sustentari de redditibus beneficii, reservatis illis ex patrimonio hæredibus; nam dignus est operarius mercede sua; idque probat ipsa consuetudo Ecclesiæ, in qua non modò pauperes, sed & divites ad Ecclesiastica beneficia promoventur. Vid. Sylvest. ver. Cler. num. 4.

Hinc Confessarius penitenti beneficiato ostendere debet obligationem, quam habet erogandi eleemosynam. Sed quia pauperes, alii sunt *involuntarii*, quibus misera fors contingit, quam labore, & actionibus statui proprio convenientibus à se excutere non possunt. Alii *voluntarii*, ut Religiosi, qui ex amore virtutis, & propter Christum omnia reliquerunt. Et tertio *pauperes*, vulgò dicti, *Vagabondi*, & *Birbanti*, quibus paupertas est secundum se involuntaria, quam planè nollent, sed potius divitias, si sine labore eas consequi possent; quibus est voluntaria in causa, quatenus ex amore otii fugiunt laborem, quo, si velent, possent facili sibi necessaria acquirere; propterea doceat pauperes primi, & secundi generis debere in danda eleemosyna præferri aliis: quinimmò istis fortè utilius videret, nisi sint in gravi, vel extrema necessitate, quod denegetur, ut sic à vitis revocentur.

28 Sed quæritur, quantum ex superfluis, quæ congrua sustentationi sufficiunt, teneatur beneficiatus in pauperes erogare?

Resp. Quidam dicunt, satisfacere suæ obligationi, si quartam partem in pauperes erogat, & cætera in alios pios usus infumat. Sylvest. tamen loco cit. num. 19. resolvit, quòd, cum superflua sint pauperum, omnia ea tenetur erogare pauperibus sub mortali, nisi in duobus casibus. 1. Si Ecclesia egeat. 2. Si Dei cultum in sua Ecclesia velit ampliare:

re: modò nulla extrema necessitas in paupere sit, in quo, si communis necessitas fuerit, ei quartam partem distribuatur, sed, si gravi prematur, totum est elargiendum. Anton. à Spir. Sancto direct. *Confessar. tractat. 3. disput. 2. sect. 12. num. 76.*

29 Quæritur, *an licitè possint famuli, & Ancillæ eleemosynas dare de bonis dominorum?*

Resp. Negativè; nam famulus in rem Domini potestatem non habet; idè peccat mortaliter, si absque ejus licentia de rebus ipsius eleemosynas faciat; excipitur, si, quod dat, sit ita tenue, ut à domino non curetur: ut esset frustum panis, Sylvest. *ver. eleemosyna quæst. 5. numer. 3.*

30 Quæritur, *an Religiosi in particulari possint licitè eleemosynas erogare?*

Resp. Negativè, ex eo, quod jure, & rerum dominio ob votum paupertatis sint privati, & in elargitione eleemosynæ transferatur dominium rei à dante in recipientem; idè egent Superiorum licentia, sine qua, si quantitatem notabilem distribuunt, mortaliter peccant, per transgressionem voti paupertatis; adverteas ad violationem voti paupertatis illam eandem quantitatem notabilem requiri, quæ in furto regulariter, & per se sufficit pro lethali, vide decreta Clem. VIII. de largitione munerum.

31 Quæritur, *an pauper fictus peccet mortaliter petendo, & recipiendo eleemosynas?*

Resp. Affirmativè, quia petit, & accipit cum dolo, ac aliorum damno, & fraude: modò parvitas materiæ non excuset.

32 Sed quæritur, *an teneatur restituere eleemosynas receptas?*

Resp. Affirmativè, quando sibi dantur eleemosynæ sub conditione, saltem tacita, quod sit pauper.

33 Sed undè colligendum est à Confessario, quod sub ista conditione eleemosynæ conferantur?

Resp. Cùm dantur magnæ, & extraordinariæ eleemosynæ; nam tunc est verisimile, quod conferens intendat dare pauperi vero, consequenter, quod dominium rei in pauperem fictum non transferat.

Aliter, quantum ad restitutionem discurrunt DD. de minutis, & ordinariis eleemosynis, quas se fingentes pauperes recipiunt, nam præsumitur, quod dans illas, non det sub conditione paupertatis, sed absolutè donet ratione charitatis cum animo abdicandi à se dominium illarum, sive existat paupertas, sive non. Dela Cruz *cit. 5. præcep. dub. 2. num. 5.*

CAPUT X.

Prop. XIII. XIV. & XV. ab Innoc. XI. &c. Præceptum diligendi parentes.

1 PROP. 13. *Si cum debita moderatione facias, potes absque peccato mortali de vita alicujus tristiari, & de illius morte naturali gaudere, illam inefficaci affectu petere, & desiderare, non quidem ex displicentia persona, sed ob aliquod temporale emolumentum.*

PROP. 14. *Licetum est absoluto desiderio cupere mortem Patris, non quidem ut malum Patris, sed ut bonum cupientis, quia nimirum ei obventura est pinguis hereditas.*

PROP. 15. *Licetum est filio gaudere de parricidio Parentis à se in ebrietate perpetrato, propter ingentes divitias, inde ex hereditate consecutas.*

Capite 8. fuit per plures casus resolutum dari præceptum diligendi proximum, quod sanè non compatitur cum hoc, quòd quis de alicujus vita tristet, vel de ejus morte gaudeat, & istam desideret, etiam inefficaci affectu, (consistente in solo desiderio, quin moveatur ad eligenda media ad eam; nam id esset efficaciter cupere) ob aliquod temporale emolumentum; nam claritas obligat præ-

præferre vitam proximi divitiis, aliisque bonis temporalibus; certum est autem, quod desiderans mortem proximo ob aliquod bonum temporale, præfert proprium emolumentum vitæ proximi, ergo talis actus est contra charitatem.

Confirmatur. Recta ratio dicitur vitam proximi esse præferendam cuilibet emolumento temporali, & levioris momenti, sicut bonum supremi ordinis bono ordinis infimi (Sanè vita inter hæc temporalia est bonum ordinis superioris, & fundamentum cæterorum, qua ablata, alia temporalia tolluntur: & divitiæ ordinis infimi) aliàs, si id verum non foret, liceret asserere hominem in extrema necessitate proximi non teneri ipsi succurrere, etiam de necessariis ad statum, quod falsum, & contra charitatem diximus cap. immediatè priori.

Conf. 2. sicut in charitate est ordo personarum, ut scilicet illas præferamus, illisque potiùs succurramus, quibus magis obstricti sumus, ut, parentibus, & filiis, corporalibus, & spiritualibus, superioribus, & subditis, consanguineis, benefactoribus &c. ita servandus est ordo objectorum, ut non appetamus proximo iacturam bonorum superiorum, ut nos infima assequamur.

Conf. 3. Tenemur amare proximum, sicut nos ipsos, sed nobis ipsis tenemur amare vitam, & cætera bona, quæ per vitam haberi, & retineri possunt, ergo & proximo; & sic de ejus vita tristari, aut morte gaudere; eique istam optare ob nostrum temporale emolumentum non licet.

Ex quibus constat, quàm imprudenter, & laxè in materia morum loquuti sint Authores propositionis 13. approbantes invidiam, & foventes odia; circa quod nil plus addo, cum apertè sit ab Innoc. reprobata. Solum occasione 14. & 15. occurrunt aliqua Confessario proponenda super debito, quod in filiis erga parentes, & in istis erga filios reperio, ut sufficienter instructus, totus sit ad in-

præfatis promovendum salutis profectum, & debitum solvendum; occasione cujus & alia tangam de obligatione conjugum, superiorum, & subditorum ad invicem.

2. *Quæritur, an hæreticus sit, qui negat filios teneri ad honorandos Patrem, & Matrem?*

Resp. Affirmativè, nam teneri aliquid contra fidem à Deo revelatum: præceptum enim de honorandis parentibus habetur 20. Exodi, & est quartum decalogi.

3. *Quæritur, an hoc præceptum obliget sub mortali?*

Resp. Affirmativè; ideò filius mortaliter peccat. I. Quando odio habet patrem, & matrem, eis aliquod malum grave animæ, vel corporis oprando, & imprecando; & tunc non satisfacit in Confessione accusando se aliquem odisse, vel notabile malum alicui apprecatum esse, sed debet exprimere circumstantiam, quod Pater sit, aut alius proximè conjunctus sanguine, cui obedientiam, & reverentiam debet: vel Patrinus, Pastor, Prælati &c. cum qualitate mali, quod optaverit:

II. Dum nullum externum amoris, vel benevolentie signum erga eos ostendit, sed eos ferè semper durè, & asperè alloquitur, & torvis oculis aspicit; nam sic eos contemnit, & multa tristitia, ac mærore eos afficit: tenentur enim filii parentes diligere, non solum corde, sed etiam signis,

III. Si eos percutiat, tametsi levis esset percussio in ratione nocumenti, quia semper censetur gravis injuria contra venerationem ipsis debitam; etiam si solum attollat manus ad percutiendum, quia hæc quoque gravis injuria in hominum existimatione reputatur, ut notavit Leander.

IV. Cùm eos contumeliis afficit, & ad iram gravem provocat, & causa est, ut graviter contristentur.

V. Si parentibus in rebus gravibus non

non obediat, V. G. in pertinentibus ad regimen domus, vel substantiæ, aut in spectantibus ad bonos mores: V. G. præcipitur à Patre filio, ut tali ludo non ludat, fugiat scandala, meretrices, malos, & dissolutos socios: & filius injungit, ut relinquat amorem, & respondere Petro juveni, ut vanitates, & superflua statui, tum familiæ, tum virginali decori: si non obediunt, mortaliter delinquant.

VI. Si non impleat testamentum Parentum solvendo debita, & legata cum possit, & dum sine justa causa diù differt.

VII. Si parentibus necessaria non subministret.

VIII. Si ob paupertatem non vult ex contemptu Patrem agnoscere, quia indebitè contemnit eum, in hoc casu inculpatum, secus ad evitandam erubescientiam.

IX. Si uxorem ducat, non consulendo parentes; maxime, si contrahat cum famina ipsi dissidentibus, vel eligat sibi uxorem indignam, & in magnum dedecus suæ prolapia; liber est utique filius ad assumendum sibi statum conjugalem, sed licetè non operatur, si in dedecus familiæ, vel, parentibus dissidentibus, pari non nubat.

Ex quibus patet, super quibus debeat Confessarius eos interrogare circa hoc præceptum; & constat debitum filii erga parentes ad quatuor præcisè extendi: amorem, reverentiam, obedientiam, & auxilium.

4. Queritur, *Filius se accusat*: Pater: vellem instrui, an peccaverim mortaliter dum, Patre me non audiente, contra eum dixi: *sis maledictus: fulmine, vel laqueo pereas: Diabolus te rapiat: sed credo, quod non, propterea quod non ex corde, sed ore solum. & sine scandalo illud malum dixi, & idcirco non video me formaliter maledixisse, sed materialiter dumtaxat?*

Resp. Judicet, eum mortaliter peccat-

se; quia licet maledictiones, seu verbis alteri malum precari absque animo talis mali, sint injuriæ leves, tamen circa parentes, sive vivos, sive mortuos propter gravem irreverentiam sunt in filiis mortale, & offensæ fit gravior; quod corde non voluerit malum, quod verbis protulit, concludit solum, tunc non peccasse peccato odii contra charitatem, non verò, quod non peccaverit mortaliter contra pietatem, & reverentiam parentibus debitam, Layman lib. 2. tract. 3. cap. 6. num. 8.

5. Sed quid, *si in ira, & pro unico instanti maledixeris?*

Resp. Peccavit mortaliter, quamquam in unico instanti: modò ira non perturbaverit ita rationem, ut non plenè adverterit ad id, quod ore proferebat.

Propterea, cum filius se accusat maledixisse parentibus, Confessarius interroget, quot vicibus; & an, tam Patri, quam Matri, quia tunc sunt duo peccata; quia injuriam duobus irrogat: & an non solum ore malum dixerit, sed etiam ex animo; & tunc explicet, an voluerit malum in bonis vitæ, vel honoris, vel fortunæ, & an cum scandalo: & est aperiendus numerus personarum, quas scandalizaverit, quia juxta ipsarum numerum multiplicantur peccata.

Pariter cum se accusat: Pater dehonoraui Parentes videat, an dehonoraui ipsos peccato omissionis, non exhibendo signa honoris, & reverentiae, vel necessaria, tum corporalia, tum spiritualia, juxta conditionem; an verò commissionis peccato, ut perturbando, occidendo, vel contumelias emovendo: gravior enim injuria fit Patri, occisione, quàm verbis illum lædere; & tunc non modò contra pietatem, verum etiam contra justiciam delinquit.

6. Queritur, *an peccet mortaliter filius, qui ad evitandum Patris irorem, & af-*

Q. asperitates, sibi mortem ex animo apprecatur, & appetit?

Resp. Affirmativè, quia est velle majus malum, ad fugiendum minus; nam mors est majus malum, quàm cætera mala præsentis vitæ. Propter hanc ipsam rationem mortaliter delinquit uxor, qui sibi appetit mortem ad finiendas molestias morbi, paupertatem, societatem, & persecutionem mariti furiosi, asperi, mendici &c. Quia autem mors est minus malum quolibet peccato, etiam veniali, propterea est potius mors appetenda, quam peccatum, etiam levissimum; ideò non peccas, dum desideras potius mori, quàm peccare, etiam venialiter.

7. *Quæritur, quando censeantur filii, mortaliter peccare dando occasionem iræ parentibus?*

Resp. Cum verbis contumeliosis, vel valde asperis, ac rebellibus, parentibus respondent: & inde fit; ut illi videntes obduratam filiorum malitiam, in gravem iram prorumpant, secus videtur, si levem aliquam causam dumtaxat præbent, ex qua parentes ex vitiosa ipsorum natura, vel superbia in gravem iram accenderentur; nam potius est eis tribuendum, quàm filiis; quos, tamen credendum, considerato periculo, omnem debere removere occasionem, aliàs forte non excusantur.

8. *Quæritur, contra quam virtutem directè faciat filius debonorando parentes?*

Resp. Contra pietatem: quæ est virtus inclinans ad colendos Parentes, Cognatos, & Patriam: seu, qua parati sumus erga parentes exercere actus externos reverentiæ, & sustentationis in casibus particularibus exercendos. Vide lib.

1. cap. 17. num. 36.

9. *Sed quæritur, an, ex virtute, etiam ob caritatis tenetur Patri existenti in gravi necessitate, vel infirmitate succurrere, ipsi sumque à captivitate, & à carcere redimere, eique curare, ut,*

si in infirmitate egeat, Sacramenta ministrantur?

Resp. Utique: & ideò si omittat tunc succurrere, duplex peccatum committit, alterum contra charitatem, quæ obligat ad succurrendum proximo, & alterum contra pietatem, obstringentem ad succurrendum parentibus; quem admodum, dum Patri infert contumeliam dupliciter peccat; per injuriam ipsi irrogatam contra justitiam, & contra pietatem per irreverentiam injuriæ conjunctam, in quo consistit tota malitia impietatis. Cum peccat cum Matre, vel Sorore, peccat & contra castitatem, & contra pietatem; nam certè actus luxuriæ est dehonorativus: toties itaque peccat contra pietatem, quoties exercet erga parentes injuriam dehonorativam: explico, filius per furtum à Patre decem surripit, & totidem per rapinam, in primo Casu peccat solum contra justitiam, quia injuria per furtum illata, non habet adjunctam irreverentiam, bene verò illa per rapinam irrogata, propter differentiam furti à rapina. Id notet Confessorius, ut judicium valeat formare de peccatis impietatis, à filiis contra pietatem commissis.

10. *Sed quæritur, an sufficiat filio se accusare: Patrem suum impius?*

Resp. Negative, sed debet exprimere personam, in quam fuerit impius, an in Patrem, Matrem, Fratres, Consanguineos, Affines, aut Patriam &c. ratio est, quia sine dubio major deformitas apparet in actu dehonorativo Patris, vel Matris, quàm Sororis, vel Fratris, propter majorem dependentiam, & conjunctionem; quam habemus cum Patre, vel Matre, quàm cum Sorore, vel Fratre; & ideò sunt explicandæ personæ, quæ diversam speciem deformitatem, & malitiam inducunt in actus ipsos impietatis.

11. *Sed quæritur, an excusetur à mortali ex parvitate materia?*

Resp. Affirmativè: ut, cum honor, & revc-

reverentia Parentum, ac ipsi, leviter, & non in re gravi læduntur; sed nota pro praxi, quod maledictio, & dehonoriatio, quæ respectu alterius personæ potest esse levis, prolata in parentes, & alios, quibus reverentiam debemus, ex circumstantia personæ, quæ à nobis magis est reverenda, est gravis, & mortaliter peccaminosa.

12. *Quæritur, in quo consistat obedientia filii erga Parentes?*

Resp. In hoc, quod exequatur ipsorum præcepta (nam obedientia tendit in executionem præcepti) & reddatur debitum dirigentibus in operando; unde tunc filius violat obedientiam, cum violat præceptum, ut tale; V. G. si, dum mihi præcipitur jejunium, non jejunio ob gulam, pecco contra abstinentioniam, & tunc sum inobediens materialiter præcepto; si verò comedo, quia nolo me subicere præcepto, vel hac intentione, ut præceptum violem, tunc pecco, & contra abstinentioniam, & contra obedientiam, & sum inobediens formaliter, & non solum contemno præceptum, sed etiam præcipientem; quod si præcipiens sit Deus à mortali non excusat parvitas materiæ, quia velle vilipensionem, & contemptum Dei, est peccatum gravissimum, nec patitur parvitatem materiæ, quia semper totus Deus contemnitur. *Quæ* nec est admittenda, cum quis contemnit formaliter autoritatem Ecclesiæ, & Superioris: sed est gravissimum peccatum in Confessione explicandum.

13. *Quæritur, quando nam peccent mortaliter parentes erga filios, contra hoc præceptum?*

Resp. I. Dum eis non ministrant necessaria ad sustentationem, & possunt: hujus generis sanè sunt etiam illi, qui erga filios ita asperè procedunt, ut tandem domo paterna cogantur exire, & mendicare, ac militiam, non sine utriusque salutis dispendio, exercere.

II. Dum tanta duritie, & continuis minis, & verberibus tractant, ut eos ad

impatientiam, & desperationem perducant; quibus est proponendum illud Pauli ad Eph. 6. *nolite ad iracundiam provocare filios vestros, sed educate eos in disciplina, & correptione Domini.*

III. Dum negligunt instruere de necessariis ad salutem, de Doctrina fidei, & in bonis moribus: vel eos impediunt, ne præceptis Ecclesiæ de audienda Missa, jejunio, annua Confessione, & Communionem possint satisfacere.

IV. Si eos verbis, aut verberibus corrigere negligant circa conversationem cum meretricibus, & cum dissolutis, circa furta, & blasphemias, perjuriam &c.

V. Si eis exemplo, vel consilio sint causa peccati: & utinam inter Christianos hujusmodi mali exempli vitium, in Parentibus, non foret capitale, & radix aliorum in filiis; unde est, quod pueri vix habentes usum linguæ, tam prompti sunt ad blasphemias, juramenta, maledictiones, verba obscæna, & ita circa articulos fidei obmutescunt, nisi, quia in omni sermone audiunt Parentes jurare, maledicere, blasphemare &c. & nunquam de rebus fidei, vel salutis discurrere? Hujusmodi Parentibus Confessarius aperiat qualitatem debiti, quod erga filios habent, eosque acriter reprehendant, ut se corrigant, qui in culpa fuerint.

VI. Si sine causa rationabili eos retrahant à statu Religionis; & excommunicationem non reservatam incurrun, si filias ad Religionem cogant, vel ipsarum professionem sine justa causa impediunt Trid. *sess. 25. de regul. cap. 18.* Ac mortaliter peccant, cum filiabus, & filiis ad Religionem non vocatis, ita duos, & asperos se exhibent, ut velint, nolint, inviti debeant Religionis habitum assumere.

VII. Si ad matrimonium compellant; nam faciunt contra justitiam in re gravi, violando jus, quod quisque habet ad faciendum contractum proprii corporis spon-

spontè: non peccarent tamen impediendo, ne filii ducant uxorem, proprio statui indecentem, quia sic conarentur avertere injuriam, ipsis quoque communem, & mala alia, quæ ex similibus matrimoniis imprudenter contractis, ut plurimum, etiam ipsis conjugatis, eveniunt.

VIII. Si tenerius amentunum filium præ alio, ratione cujus notabilem differentiam faciant in victu, vestitu, & ornatu, ex quo sint causa rixarum, & odii inter Fratres, nam causant grave damnum illis, à quibus, debent esse toti, ut omne malum avertant; secus, si hæc non sequantur, & motivum majoris amoris est major, & promptior obedientia, quam unus, & non alius ipsis exhibet.

14 Quæritur, *an mortaliter peccet Pater, vel Mater, quæ filio, vel filie malum imprecatur, & sæpius dicit: Diabolus te rapiat: eas in malam crucem: pestis te corripiat &c.*

Resp. Si ex odio id faciat, committit duplex peccatum: alterum contra pietatem, & alterum contra charitatem; si vero ea pronunciat, sed non ex animo, quod eveniant, nec cum notabili honoris diminutione, sed ex subita ira, ut filius terreat, & se corrigat, solum venialiter peccat contra mansuetudinem, & pietatem, Layman loco cit. tamen, quia res periculosa est, quod filius audiens Patrem sibi in faciem maledicere, & malum imprecari, iram, & odium contra Patrem concipiat, est frequenter monendus, ut ab istis absteat, nè se exponat periculo peccandi.

15 Quæritur, *an liceat Parentibus exponere filios suos illegitimos in loco aliquo publico, ut inventi alantur in Hospitalibus?*

Resp. Affirmativè, si pauperes sint, & non habeant ad prolem alendam sufficientia media; pro talibus enim sunt Hospitalia pauperum in Civitatibus erecta; quod si parentes divites sint, tenentur saltem secretò, tali Hospitali expensasolvere; & curare, ut proles illa postea suo

Matthæucci Cautela Confess.

tempore instruatur de rebus necessariis ad salutem; exponendi tamen sunt tali tempore, loco, & circumstantiis, ut saluti infanti nocumentum non afferatur.

Et quoniam, etiam conjugati inter se, & subditi erga Superiores, & famuli erga Dominos possunt circa hoc præceptum deficere. Pro instructione Confessarii.

16 Quæritur, *quando peccet mortaliter uxor erga Maritum?*

Resp. I. Dum ex contemptu, & pertinacia obedire non vult ipsi, præcipienti rem notabilem, spectantem ad gubernium domus, & bonos mores.

II. Cum occasionem præbet rixis, & Maritum ad gravem iram, juramenta, & blasphemias provocat: si obmurmurando respondeat: aut verba verbis reddat; ratio est, quia videtur virum contemnere, eique tribuere occasionem peccati mortalis; cum tamen possit eam faciliè vitare, iram compescendo Mariti, vel silentio, aut patienter ferendo, prout debet, quia est inferior.

17 Sed quæritur, *quid agendum Confessario cum uxore, quæ se accusat, Pater: sum desponsata viro, cui subesse nolo, propterea nil ago, quod ipsius servitium respicit: nec cibos paro, nec domum purgo, neve vestes reficio: immò sum ita parata, quod si mihi quidquam, licet minimum, etiam ut levarem à terra festucam, præciperet, non obedirem: nihil enim facio ipsius præcepta: hoc non capio, quod debeam esse sub illo?*

Resp. Eam non absolvat, nisi talem deponat errorem, eique imponat, ut aperiat, à quo tempore fuerit in ea voluntate, nam semper fuit in malo statu propter illam inordinatam voluntatis preparationem: item, quoties viro, etiam in minimis non paruerit, nam licet v.g. levare festucam secundum se non sit grave peccatum, tamen in uxore illa est mortale, ex motivo, propter quod movetur ad festucam non levandam, nimirum, quia totam auctoritatem viri contemnit, in quo peccat

S

pec-

peccato inobedientiæ, & impietatis erga maritum, ac etiam superbiæ.

Immo crederem debere interrogari, an credat virum non esse sibi Superiorem; & quatenus affirmet, & extra, errorem mentis pronunciaverit, cum hæretica formaliter, & complete sit, absolvi non potest; nam est de fide virum esse caput, & uxoris Superiorem, ad Rom. 7. & 1. ad Corinth. 11. Super quo eam Confessarius instruat, & ipsam ad Sacrum Tribunal pro absolutione dirigat.

18 *Quæritur, quando peccet mortaliter vir erga uxorem?*

Resp. I. Dum graviter eam percutit, aut lædit; etenim, licet possit eam corripere, vel castigare, moderatè tamen, & cum prudentia, & non nisi ex rationabili causa; quam non crudeliter, ut servam, & mancipium, sed humanè, & amabiliter, ut sociam, debet tractare. Gravius erit peccatum, si eam percutiat gravidam, vel ad notabilem iram provocet, propter periculum abortus, & gravis nocumens in prole.

II. Dum non providet de necessariis.

III. Dum verba contumeliosa in uxorem pronunciat, quæ possunt ipsius honorem, & exultationem graviter lædere, eamque exasperare, & ad impatentiam, & desperationem inducere; quamvis enim vir sit caput uxoris, & propterea possit eam verbis increpare, hoc tamen intelligendum est moderatè, non verò cum atroci, aut gravi contumelia, & cum notabili contristatione. Videant itaque mariti, ne sua verborum asperitate odii, & rixis occasionem præbeant.

19 *Quæritur, quomodo se gerere debeat Confessarius cum uxore zelotypa, vulgò gelosa, erga maritum?*

Resp. Debet interrogare, an propter illum excessum in amore (Zelotypia enim est amor intensus, qui non patitur confortium cum re amata, & ideo excessum in amore significat, qui, quamvis ex se non sit mortale, frequenter tamen est causa peccatorum mortalium) temeraria ju-

dicia deliberatè de proximo suo, & infidelitate conjugis efformaverit, ut propterea in virum contumelias, gravia improperia, & maledicta effuderit, odium conceperit, aspera, & dura fuerit in tractatione cum viro, & proximo detraxerit. Similia ponderanda sunt à Confessario, ut judicare possit de hoc peccato, eique injungat, ut ab ipsis abstineat, & conetur talem amorem extenuare, ex quo regulariter oriuntur, & est causa suspicionis, judicii temerarii, rixarum, maledictorum, odii, detractionis, &c. quæ sunt gravissima peccata, & amorem, ac pacem conjugalem perturbant, ac lædunt.

20 *Quæritur, ad quid teneantur famuli, & ancilla ergaberos?*

Resp. Ad eis exhibendam obedientiam, honorem, & fidelitatem, obsequio, & famulatu, pro quo conducuntur.

Nota, Dominos erga eos mortaliter peccare, si eis necessaria non præbeant, nec curent, quòd recipiant Sacramenta, aut impediunt, ne legem Dei observent, vel eos permittunt in peccatis durare.

21 Subditi, etiam peccant contra præceptum quartum decalogi, si non servent præcepta Superiorum; quæ, si sint de rebus secundum se gravibus, aut in ordine ad bonam gubernationem, eorum transgressio erit mortale; at, si sint de rebus levibus, veniale; si eos dehonorent, maledicunt &c. mortale. Erga subditos peccant graviter & Superiores, cum in necessariis deficiunt, eisque gravia imponunt, quæ nec ipsi portare vellent, aut occasionem præbent querelæ.

22 Fratribus quoque debitum est datum, ut mutuò se ament, & sibi in gravi necessitate succurrant. Plura alia apud Autores legas.

23 Quod attinet ad propositionem 15. De parricidio Patris in ebrietate commissio, remitto Confessarium ad cap. 6. Et interim ponderet, quòd si, cum filius habuit voluntatem se inebriandi, prævidit periculum occisionis Patris, imputatur filio parridium, secus, si non prævidit; & si

& si postea gaudeat de infelicitate Patris, graviter peccat contra charitatem. Vid. *ibid. num. 17. & 18.*

CAPUT XI.

*Prop. XVI. & XVII. ab Innoc. XI. & c.
Fides Divina.*

1. **P**ROP. 16. *Fides non censetur cadere sub præceptum speciale, & secundum se.*

Prop. 17. Satis est, actum fidei semel in vita elicere.

De tempore, quo homo obligetur ad elicendum actum fidei, diximus *lib. 1. cap. 1.* vide *ibid. 5. & 11.*

2 Et interea pondera, Authores primæ propositionis non negare dari præceptum credendi, sed solum fidei actum non cadere sub speciali præcepto, & secundum se, obligatione proveniente ab ipso præcepto fidei; quod non est opus repetere, sed ex ibi dictis falsitas est manifesta; & patet, tum ex decreto Innocentii, tum etiam, ex quo in credendo sit aliqua specialis honestas, propter quam quis per se obligatur ad credendum, quæ Deus revelavit Ecclesiæ; nam ex terminis apparet esse valde decens, ac conveniens naturæ rationali credere propositioni à Deo revelatæ, quando sufficienter proponitur ut sic revelata, absque ulla rationabili causa dubitandi, tametsi pro tunc nulla detur obligatio elicendi alium actum supernaturalem distinctum ab illo fidei; & apparet ex terminis esse valde indignum non credere tum illam propositionem, propter gravissimam injuriam, quæ Deo irrogatur: ergo obligatio credendi oritur, quandoque ex ipsa virtute fidei, & actus credendi cadit sub præcepto speciali, & secundum se, adeo ut omittens tunc credere directe peccet contra fidem; quemadmodum, quia ex terminis apparet esse conveniens, & valde decens naturæ rationalis castè vivere, & indecorum non castè vivere: obligatio ca-

stè vivendi oritur ex ipsa virtute castitatis, & hujus actus cadit sub præcepto speciali ipsius castitatis, adeo ut non castè vivens directe contra castitatem peccet, de necessitate in Confessione explicandum.

3 Secundæ verò propositionis Authores cum dixerunt, *satis est actum fidei semel in vita elicere*, videntur deobligare fideles ab omni debito, sive per se, sive per accidens elicendi actum fidei, & consequenter à debito quoque sperandi, diligendi, orandi, à perceptione Sacramentorum, ab adimplemento præceptorum supernaturalium, & omni alio actu supernaturali, ac meritorio vitæ æternæ; nam fides supernaturalis præsupponitur ad omnem alium actum supernaturalem, tamquam lumen dirigens, atque regulans, & cognitio proportionata supernaturalitati actui, & proponens objectum, circa quod sit supernaturaliter operandum: propterea dicitur fundamentum, & radix justificationis, supernaturalitatis, & bonorum operum: etenim nullus v. g. spe Theologica sperare potest æternam beatitudinem, nisi credat æternam beatitudinem esse bene operantibus promissam: nec Deum super omnia diligere dilectione supernaturali, nisi credat Deum esse summum bonum propter se super omnia diligendum: nec orare pro animabus Purgatorii, nisi credat esse Purgatorium: nec adorare Eucharistiam, nisi credat in Hostiaritè consecrata esse verè, & realiter Christi Corpus: nec Sacramentum Pœnitentiæ cum fructu recipere, nisi credat esse in Ecclesia per Sacramentum Pœnitentiæ remissionem peccatorum: & ex his ad alia discurras; ergo, qui fideles deobligat ab obligatione credendi, eos iridem deobligat à quolibet alio actu supernaturali, & omne opus bonum tollit. Et ita renovatur error negantium necessitatem bonorum operum, vel asserentium opera ordinis naturalis esse gratiæ, & vitæ æternæ meritoria; quod jam tamquam er-

roncum, & hæreticum habetur ab Ecclesia proscriptum: de quo fusius Theologi.

Quæ satis videntur, ut Confessorius valeat pœnitentem instruere circa errorem à præfatis Authoribus in allegatis propositionibus assertum; propterea ad alia pro praxi descendendo, & remisso examine de fidei necessitate, ac credendorum necessariò, tum necessitate mediæ, tum præcepti ad cap.14. num.7. & cap.39. breviter aliqua de ipsius fidei divinæ naturæ propono.

4. Sed quæritur, quid sit fides divina?

Resp. Habitualis, est habitus supernaturalis per se à Deo infusus, inclinans intellectum ad firmiter credendum vera esse, quæ Deus summè verax revelavit Ecclesia. Actualis verò, est assensus firmus, seu actus supernaturalis, quo intellectus firmiter credit vera esse, quæ Deus summè verax revelavit Ecclesia Catholica, & hæc hominibus proponit esse à Deo revelata. Ex qua descriptione hæc habet Confessarius, nimirum, quod, ut quis fide divina credat, necesse est, ut credat propter illam causalem: quia Deus summè verax revelavit, & Ecclesia Catholica proponit esse à Deo revelata; & hinc curabit suos pœnitentes instruere de modo eliciendi actum fidei, hoc est, propter illam causalem; in qua continetur motivum formale fidei, & conditio sine qua non crederemus: divina veracitas revelans est motivum formale, & propositio Ecclesiæ est conditio. Propterea eliciens hunc actum fidei: *firmiter credo Deum esse Trinum, & Unum, quia Deus summè verax revelavit, & Ecclesia proponit esse à Deo revelatum*: si interrogetur? *quare credis?* respondet, tamquam per motivum formale: *quia Deus summè verax revelavit: & tamquam per conditionem sine qua non: quia*

Ecclesia id proponit credendum, vel esse à Deo revelatum.

5. Sed Quæritur, an credens unum articulum, quia Deus dixit, & discredens alium, credat fide divina, & Theologica?

Resp. Negativè, nam fides divina, & Theologica debet assentiri omnibus, quæ Deus dixit, & revelavit Ecclesiæ Catholicæ, cum ratio formalis, sub qua fide Theologica creditur, sit: *quia Deus revelavit Ecclesia Catholica*. Hinc Calvinista, qui credit Deum esse Trinum, & Unum, non propterea infide divina credit, quia Deus dixit Ecclesiæ Catholicæ; nam Deus, etiam dixit Ecclesiæ: *Corpus Christi esse in Eucharistia: Romanum Pontificem esse Ecclesia Catholica caput: Ecclesiam Catholicam esse veram Christi Ecclesiam*, & alia, quæ Calvinista negat; sed fide humana credit propter suum privatum iudicium, quo sibi persuadet Deum hoc potius revelasse, quam illud; & ideo hæreticus est, contumaciter ab Ecclesia recedens per errorem contra fidem cum pertinacia, quatenus non credit omnibus articulis fidei, quos Deus Ecclesiæ Catholicæ revelavit, & Ecclesia eos proponit esse credendos, & à Deo revelatos; ideo in eo habitus supernaturalis fidei Catholicæ non reperitur; nam, quamvis non quovis peccato fides ipsa amittatur, ut contra hæreticos definit Trid. sess.6. can.8. de justis: tamen est certum, ipsam totam demeritoriè destrui per unicum actum fidei contrarium, seu cum Deus revelans offenditur cum pertinacia, non credendo alicui articulo ab ipso revelato, & per Ecclesiam proposito; non minus ac charitas tota demeritoriè aufertur per unum actum peccati, quando graviter offenditur Deus in uno solo præcepto.

6. Sed quæritur, an hæreticus sit à Confessario iudicandus Petrus, qui in Confessione se accusat: Pater: credo Corpus Christi esse sub Hostia ritè consecrata, sed

sed non sub illis, super quas N. Sacerdos concubiniarius, & publicus peccator verba consecrationis profert?

Resp. Vel iudicat hostiam à Sacerdote N. esse ritè consecratam, vel sibi persuadet eam ritè non consecrasset; si primum, certè hæreticus est, non credens sub illa esse Corpus Christi, nam cum tota ratio formalis, propter quam fide Theologica credimus, sit: *quia Deus summe verax revelavit Ecclesia Catholica: & Deus Ecclesie revelaverit sub hostia ritè consecrata esse Corpus Christi*, qui id pertinaciter non credit, hæreticus est; sed Petrus iudicat N. Sacerdotem Hostiam ritè consecrasset, & non credit sub ea esse Christi Corpus, ergo hæreticus est; in ista enim universali: *sub Hostia ritè consecrata est Corpus Christi*, revelantur omnes particulares, nimirum: *quod sub hac, & illa Hostia ritè consecrata est Christi Corpus*; quemadmodum in ista universali: *omnes resurgemus*, est revelata hæc particularis: *Petrus resurget*: & in ista: *omnis ritè, & canonicè electus in Christi Vicarium, & Petri successorem, est Christi Vicarius*: revelatur hæc particularis, *quod Clemens XI. feliciter regnans, ritè, & canonicè electus, est Christi Vicarius, & Petri successor*.

Si verò iudicat eum ritè non consecrasset, interrogandus est; an ideo iudicet, quia credit, Sacerdotem in mortali existentem, tamen si verba consecrationis cum debita intentione supra debitam materiam proferat, ritè non consecrare, & tunc hæreticus est per definita à Trid. *sess. cit. can. 12. de baptis. ubi: si quis dixerit, ministrum in peccato mortali existentem, modò omnia essentialia, quæ ad Sacramentum conficiendum, aut conferendum, pertinent, servaverit, non conficere, aut conferre Sacramentum: anathema sit*. Ad validitatem enim Sacramenti non requiritur status gratiæ in Ministro, licet exigatur, ut licite conficiat, ut fides docet, & tenent communiter DD.

Quòd si ex alia ratione, ut ex odio, & Matthæucci Cautela Confess.

malo animo, quem erga ipsum nutrit; moveatur ad iudicandum eum hostiam ritè non consecrasset, gravissimè peccat, temerè, & absque fundamento iudicando tam grande scelus de Sacerdote Catholico: ex lege enim charitatis tenemus semper bene de proximo præsumere, nisi rationabili fundamento constet oppositum.

7. Quæritur. *Accedit penitens petens à Confessario, scire opto*: an, cum ego elicio actum fidei, ad quem per accidens teneor, ratione nimirum præcepti de elicienda contritione de peccatis commissis, satisfaciam obligationi per se eliciendi actum fidei, ad quem teneor ex vi præcepti fidei?

Resp. Affirmativè; nam, qui vovit jejunium, ad quod aliàs ex præcepto tenebatur, satisfacit & voto, & præcepto, dum jejunat; qui die festo pulsatus gravitatione luxuriæ, persuadet sibi remedium ad superandam tentationem esse audire Missam illo die: si Missam audiat, implet præceptum de Missa audienda die festo, & vitandi peccatum luxuriæ, ergo, qui elicit actum fidei, ad quem tenetur per accidens, seu quia sine eo non potest v.g. de suis peccatis conteri, sicut oportet, satisfacit obligationi per se eliciendi actum fidei: ratio est, quia licet præceptum credendi præcipiat per se, independentè ab alio præcepto suum actum in quibusdam casibus, ut lib. & c. 1. diximus, & ad minus sex in anno, non prohibet tamen, quin eliciatur, dum urget præceptum eliciendi actum alterius virtutis; ideo, qui die Dominico audit sacrum, ratione cuius tenetur, etiam elicere actum fidei, & credere Corpus Christi, quod adorat, contineri in Hostia consecrata, satisfacit, etiam obligationi per se credendi; nam verè actum fidei elicit, & non verificatur, quod actum fidei omiserit. Unde, qui ultima Dominica bimestris audit sacrum, & actum fidei elicit credendo in Hostia consecrata esse Corpus Christi, in Confessione non debet se accu-

fare in eo bimestri actum fidei, ad quem tenebatur ratione præcepti fidei, non eliciſſe, quia verè credidit, ſed de aliis peccatis. Quæ doctrina eſt Confefſario non parum utilis, ad ſedandos ſcrupulos dubitantium, quando impleant præceptum credendi.

CAPUT XII.

*Prop. XVIII. ab Innoc. XI. &c.
Confefſionis fidei præceptum.*

1. **P**ROP. 18. *Si à poteſtate publica, quis interrogetur, fidem ingenuè confiteri, ut Deo, & fidei glorioſum conſulo: tacere, ut peccamiſum per ſe, non damno.*

In præſenti capite occaſione propoſitionis damnatæ ſunt aliquæ difficultates ſolvendæ occurrentes circa externam confefſionem, & profeſſionem fidei: propterea Confefſarius ſciat, actum fidei alium eſſe internum, externum alium: internum definivimus *cap. præterito n. 1.* Externus itaque eſt: *quo verbis, ſignis, aut nutibus exterioribus proſitemur nos habere actum illum internum, & credere Myſteria fidei à Deo revelata Eccleſiæ Catholice.*

2. *Quæritur, an detur præceptum confitendi, & proſitendi fidem exterius?*

Reſp. Affirmativè; & eſt duplex, aliud affirmativum, præcipiens aliquam actionem, & nos obligans ad fidem exterius confitendam, non ſemper, ſed in quibuſdam caſibus, & circumſtantiis: & aliud negativum, aliquam actionem prohibens, obligans ad ſemper, hoc eſt, ad nunquam, & in ullo caſu, etiam mortis, aut tormentorum metu, fidem negandam, juxta illud Matth. 10. *qui negaverit me coram hominibus, negabo & ego eum coram Patre meo*: & Luc. 9. *qui voluerit animam ſuam ſalvā facere: id eſt à morte: negando fidem, perdet eam*: hoc eſt, peccabit mortaliter, & incurret mortem æternam, niſi poſtea pœnituerit; un-

de dicit Auguſtinus *tract. 66. in Joann. quanta vita eſt confiteri Chriſtum, tanta mors eſt negare Chriſtum.*

3. *Sed quæritur, quandonam per ſe, & ex directâ obligatione præcepti affirmativi hoc præceptum obliget ad externam Confefſionem, & profeſſionem fidei?*

Reſp. In certis quibuſdam caſibus, quos numerat D. Thomas 2. 2. *quaſt. 3. art. 2. in corp.* ut infra: *confiteri fidem non ſemper, neque in quolibet loco eſt de neceſſitate ſalutis, ſed in aliquo loco, & tempore, quando ſcilicet per dimiſſionem huius Confefſionis ſubtraheretur honor debitus Deo, & etiam utilitas proximi impendenda: puta, ſi aliquis interrogatus de fide, taceret, & ex hoc crederetur, vel, quod non haberet fidem, vel quod fides non eſſet vera, vel aliis per ejus aciturnitatem averterentur à fide; in huiusmodi enim caſibus Confefſio fidei eſt de neceſſitate ſalutis.* Ex quibus patet, quando, & quo loco detur obligatio confitendi fidem; idè, ſi ex taciturnitate, diſſimulatione, & fuga putatur ſecuturus contemptus Religionis Catholice, proximorum ſcandalum, vel ſpirituales ruina, fides eſt palam proſitenda: & eſt mortaliter illicitum contra præceptum affirmativum confefſionis fidei ſilere: ratio eſt, quia etiam aliarum virtutum actus tunc ſunt in præcepto, quando ſunt neceſſarii ad fidem charitatis erga Deum, erga proximum, erga ſe ipſum: ſinis autem charitatis eſt velle alteri bonum, & nulli malum, adeoque impedire, quidquid Deo diſplicet, proximo, & ſibi nocet: dum autem fidem quis non confitetur, Deo gravem injuriam irrogat, & ei debitum cultum negat, (nam certè Deum maximè honorat, & colit Chriſtianus ejus fidem confitendo, quando debet), ac proximo ſcandalum præbet, & ſibi graviffimè nocet.

Propterea fidelis, ſi coram multitudine reſpondeat ſe Chriſtianum non eſſe, quatuor peccata committit: primum commiſſionis contra præceptum de non

men-

mentiando, & quidem gravissimum, quia in materia fidei mentitur. 2. Commissionis contra præceptum negativum, non negandi fidem. 3. Omissionis contra præceptum affirmativum de confitenda exteriori fide, & 4. Scandali; quod multiplex est juxta numerum personarum, quibus est scandalum; quod, si non mentiatur, sed taceat, duo peccata patrat: alterum omissionis, fidem non profitendo: & alterum commissionis, propter scandalum, si aliqui sint præsentibus; aliis unicum erit.

4. Sed queritur, *an id intelligatur, non modo, quando interrogatur à persona publica, & in responsione mentitur, aut acet, verum etiam cum interrogatur à persona privata?*

Resp. Quidam cum Bonac. in 1. præcept. decal. disp. 3. quæst. 2. punct. 3. num. 4. dixerunt, si persona sit publica, v. g. Rex, Princeps, aut Magistratus, Gubernator &c. interrogatum, etiam cum periculo mortis, debere fidem manifestare; ratio est, quia censetur interrogari in odium fidei, & omissione Confessionis gravis injuria Deo irrogatur, & fides contemnitur, cum taciturnitas sit signum negatæ fidei. Si verò persona interrogans sit privata, possit tacere, vel interrogationem eludere; *quid autem? seu: quis te constituit Judicem?* nam non censetur interrogare in fidei odium.

Alii verò cum Suarez sustinent nullam esse differentiam inter personam publicam, & privatam interrogantem; ratio est, quia obligatio fatendi fidem non nascitur ex qualitate, seu potestate personæ interrogantis, sed ex circumstantia, & occasione, in qua non potest occultari fides sine gravi diminutione divini honoris, aut detrimento spirituali proximo, & proprio.

Et cum istis dicendum juxta D. Thom. cit. (cujus ratio videtur universalis ad omnem casum, in quo sequerentur mala enuntiata) Si; dum persona privata interrogat Petrum de professione fidei, ta-

citurnitas sit signum negatæ fidei, timoris, aut erubescentiæ de confitenda fide, vel adsit periculum, ut fides reputetur falsa, aut proximis sit scandalum, illicitum est fidem non fateri, & gravissimum peccatum per se contra præceptum affirmativum de confitenda fide, dare signum negationis ipsius, & erubescentiæ de fide confitenda; ideò, si credo ex taciturnitate mea, & omissione confessionis aliquos, vel aliquem defecturum à fide, vel vacillaturum, aut putaturum fidem esse falsam non solum ex charitate, sed ex ipsa præcisa, & formali confessione fidei teneor (à quocumque interroger) confiteri eam, cum ex ipsa formali omissione confessionis fidei in eo eventu per se sequatur defectus ille, vel vacillatio; & sic gravis injuria irrogatur fidei, & irreverentia ejus Auctori, & propterea silentium est per se damnable, quia est per se signum timoris confessionis fidei, & erubescentiæ.

5. Queritur, *accedit penitens, & se accusat, quod interrogatus ab hæreticis, an esset Papiſſa, negavit esse; dubitatur, an mortaliter peccaverit contra præceptum de non neganda fide?*

Resp. Affirmative, quia illa responsio æquivalet negationi fidei; nam omnes intelligunt eum, qui negat se Papiſſam, negare se credere mysteria fidei proposita à Papa, & Ecclesia Romana.

6. Sed quid, *si affirmat, dixi*, non sum, *intelligendo*, ut tibi dicam?

Resp. Peccavit mortaliter contra præceptum negativum de non neganda fide; nam nullus potest sine gravi peccato uti verbis ambiguis, aut loqui cum restrictione mentali, dum agitur de confitenda, aut non neganda fide Catholica, quia audientes intelligerent, quod negaret se esse fidei Catholicæ professorem; ratio est, quia si quis posset hoc modo fidem negare, posset pariter ob metum mortis, aut grave damnum nunquam fidem confiteri, & exterius profiteri fidem Catholicam; quod est contra communem Ecclesiæ sensum: & sic redderetur inutile præceptum

ptum de confitenda; & non neganda fide: quod asseri non debet.

7 Sed quid, si dicat, Pater: vixi aliquo temporis spatio occultus Catholicus inter hæreticos, quorum carnem bis accepi ob metum pænarum, & non intentione profitendi eorum sectam, immo cum opposita protestatione?

Resp. Bis mortaliter peccavit contra præceptum de non neganda fide; nam nunquam ulli licet uti propriis caeremoniis falsæ Religionis, quia id faciendo externè profiteretur falsam, & negaret veram Religionem. Cœna hæreticorum est argumentum professionis sectæ ipsorum, qui colligunt suæ falsæ Religionis professores esse, quorquod illa utuntur; & protestation non valet, quia est contraria factio. Pro absolutione dirigatur ad Sac. Tribunal; nam meo videri est credens erroribus Hæreticorum, per dicta lib. I. cap. 3. nu. 20.

Idem dicitur de eo, qui ad mortem vitandam fuit obediens edicto Principis, qui ad discernendum Catholicos ab hæreticis, præcepit, ut omnes adirent templa hæreticorum; nam tunc aditus ad templum est signum distinctivum hæreticorum à Catholicis, & propterea tunc moraliter negaret suam fidem, & profiteretur alteram; vel saltem obediret Principi in casu, quo potius deberet obedire Deo, & mandato non parere.

8 Sed quid etiam, si interrogatus ab hæreticis, an esset Sacerdos, vel Religiosus, id negaret?

Resp. Potest sine præjudicio fidei respondere: non sum: nam non sequitur, quod fidem neget; cum plures sint Catholici, qui, nec sunt Sacerdotes, nec Religiosi; & tunc certè non interrogaretur de fide, nec in ordine ad ipsam.

9 Quæritur, sub Turcarum imperio sunt Catholici Asiatici, & Europæi: Princeps vult eos distinguere à se invicem, & Turcis; idèd præcipit, ut signo aliquo distinctivo utantur; Europæi taxatum signum assumunt, Asiatici verò

omittunt, & utuntur eo proprio Turcis: dubitatur, an Asiatici peccent contra præceptum de non neganda fide!

Resp. Affirmativè; nam æque benè omittendo tale signum significant se non esse Catholicos, & fidem negare, ac, si verbis dicerent se Catholicos non esse: idèd quamvis eis grave damnum, etiam mortis minueret utendo tali signo, deberent eo uti.

10 Quæritur, quid agendum Confessario cum pœnitente se accusante: Pater: transivi per hæreticorum loca, qui ad me interficiendum erant parati, nisi carnes cum eis die veneris comedissem, & propterea comedi?

Resp. Interroget, an data opera fuerit invitatus ad commestionem, ut dignoscerent, an esset Catholicus, an hæreticus, vel in contemptum Ecclesiæ; & si affirmet, & comederit, graviter peccasse iudicet contra præceptum de non neganda fide; nam talis commestio reputatur professio falsæ, & negatio veræ fidei: & dum aliàs ab aliquibus, ut Catholicus cognosceretur, peccaret, etiam peccato scandali. Si verò non ad eum finem proponerentur, sed alio, non pertinente ad Religionem, tunc remoto scandalo, dum carnes comederet, non peccaret contra fidem; nam multi inter Catholicos, vel ex malitia, vel ex infirmitate carnes die veneris comedunt, quin ceaseantur fidem negare; nec huiusmodi commestio secundum se arguit professionem fidei hæreticæ, aut negationem Catholicæ; immò, stante periculo, non peccabit, quia pia Mater Ecclesia non obligat ad abstinentiam cum tanto incommodo: si deficit incommodum, peccabit contra præceptum Ecclesiæ; & si item sit signum negatæ fidei, & cum scandalo, nec damnum mortis timeatur, triplex erit peccatum: ut, scandali, contra præceptum Ecclesiæ, & præceptum de non neganda fide.

11 Quæritur, an liceat Catholicis uti vestibus, quibus utuntur infideles?

Resp. Vel vestes infidelium ex ipsamet infi-

institutione talium vestium sunt per se protestativæ falsæ sectæ, & tales, ut ipsi discernantur infideles, & hæretici à fidelibus Catholicis; aut non sunt sic institutæ, sed indifferentes, & adhibentur ut signum distinctivum unius nationis ab alia; vestibus primi generis non possunt Catholici uti, etiam cum periculo vitæ, & quatenus utantur, peccant contra præceptum de non neganda fide, quia illarum usus est moraliter falsæ sectæ professio, prohibiti cultus signum, & veræ Religionis negatio; sic non possunt Catholici uti veste Sacerdotali Turcharum, aut ministrorum hæreticorum: vel ad collum Imaginem Mahumetis, Lutheri, aut Calvini deferre: sicut, nec genuflectere, vel turificare Idolo, vel circumcidi, &c. illis autem fecundi generis uti non esse illicitum, & illis posse suam Religionem occultare, tradunt DD. quoniam per se institutæ non sunt, nec determinatæ ad falsam sectam profitendam, & distinguendos hæreticos à Catholicis. Hinc Catholici in Anglia, vel aliis hæreticorum Provinciis possunt vestibus uti, quibus incolæ utuntur ad distinctionem unius nationis ab alia; sic S. Sebastianus quodam tempore, veste communi cæteris Gentilibus, occultavit propriam fidem, quam postea data opportunitate manifestavit. Et ideo istis etiam illicitum est uti, quando delatio à Deo debitum auferret honorem, fides contemneretur, proximorum salus in periculo esset, & scandalum illis præberetur.

12 Sed queritur, *an hic Roma possit licitè deferri pileus cum signo flavo, Judæis proprio, & inter Turcas bireto, vulgo Turbante?*

Resp. Negat Cajetanus ad cit. locum D. Thomæ, cum Toletus, & Becanus; ratio est, quia, quemadmodum mortaliter peccaret contra præceptum negativum de non neganda fide, qui diceret se esse Judæum, aut Mahumetanum, sic mortaliter peccaret contra idem præ-

ceptum, fruteretur bireto, aut pileo, vel alio signo proprio Judæis, & Mahumetanis in illa Patria, quo à Catholicis distinguuntur; nam idem esset ac se factum Judæum, vel Mahumetanum profiteri. Ideo regula generalis est, quod nunquam licet uti propriis cæremoniis, vel vestibus falsæ Religionis, assumptis ad discriminandos hæreticos à Catholicis, quando communiter à videntibus, & audientibus prudenter colligeretur, quod adhiberentur, ut cæremoniæ, & vestes illius Religionis, & tamquam argumentum professionis ejusdem Religionis, etiam si revera hoc non intenderetur, quia id faciendo externè saltem, profiteretur falsam, & negaret veram Religionem, ac cultum exhiberet Auctori illius sectæ: quod esse prorsus illicitum est manifestum, Poncius *disp. 29. qu. 8. num. 37.* Exploratoribus autem Christianis, *vulgò spie*, licere uti lingua, & habitu infidelium ad scrutanda eorum secreta, in damnum Christianæ Religionis directæ, postea detegenda Principibus Christianis, vel ad securius eos aggrediendos, vel, ut tutius fugiant; & in eum finem licere item nautis Christianis affigere ipsorum vexilla suis triremibus, & navibus, modo non sint alicujus falsi Dii, vel Mahumeti, Lutheri, &c. Imagines: tradunt De la Cruz *direct. conf. 1. præcepto de fide n. 8. conc. 2.* & Sum. Leand. *v. fidei externa conf. num. 33.*

13 Queritur, *an liceat servis Catholicis comitari Dominos hæreticos ad ipsorum templa, & assistere cæremoniis hæreticis?*

Resp. Negativè, quando ex illorum assistentia deberet prudenter judicari, quod communicarent, etiam in cæremoniis; quod præsumi prudenter posset, cum Dominus non esset valdè senex, aut graviter infirmus; & propterea non egens assistentia servi, & alium posset commodè habere, quàm Catholicum: Nota, ex sola curiositate adire hæreticorum templa, & conciones audire esse mor-

mortale, & eo magis, si accessus sit frequens.

14. *Quæritur, antequam persecutio- nis liceat quandoque eam declinare, ne quis cogatur ad Confessionem fidei, & morte plectatur?*

Resp. Affirmativè: habetur cap. sciscitan- 7. q. 1. & Matth. 10. *cum vos perse- quentur in una Civitate, fugite in aliam: & 2. ad Corinth. 11. per murum à fratribus demissus sum in sporta, & sic evasit manus ejus in nomine Domini.* Verùm si esset Episcopus, vel Pastor, aut ex fuga deberet sequi aliquid grave dam- num in spiritualibus proximo, vel esse cum præjudicio ad bonum fidei, & Re- ligionis, deberet ex præcepto charita- tis, & Confessionis fidei se exponere morti.

15. *Quomodo se gerere debeat Confe- sarius cum pœnitente Catholico accu- sante se conversatum esse cum Judæis?*

Resp. I. Animadvertat, Catholicis ad vitandum Christianæ Religionis con- temptum, perversiōis periculum, & scandalum proximorum, esse prohibi- tam communionem cum Judæis in respi- cientibus Religionem; etiam in politi- cis est interdicta communio, ex qua po- test resultare nimia familiaritas, & so- cietas, & propterea idem periculum im- minere; ideo non licet Christianis simul habitare cum Judæis in eadem domo, cum eis spurcissime commisceri, nec uti opera medici hæbrei, nec cum eisdem ad ludos, & nuptias, & convivia ire, nec in eodem balneo se lavare; nec azy- ma comedere, vel continuo eis servire, nec nutricibus Christianis in ipsorum do- mibus, ipsorum filios nutrire; neque possunt Christiani conjugia cum Judæis, aliisque infidelibus celebrare: *cap. sapd, cap. nullus, cap. omnes, cap. cavè, cap. non oportet, cap. si quis 28. q. 1.* Ut distinctio sit patens inter Christianos, & Judæos, & istorum illi valeant vitare consortia, de- bent in terris Christianorum Judæi uti habitu, per quem à Christianis discer-

nantur: *cap. In nonnullis de Jud. & Sa- racenis.*

II. Consideret, an Christianus com- municando cum hæbreo habuerit in in- tellectu errorem, vel credendo eorum legem esse veram, vel Ecclesiam errare prohibendo tale commercium; nam tunc excommunicatus esset excommunicatio- ne Bullæ Cœnz (applica ad converfan- tem cum hæreticis) quod si talem erro- rem non habuerit, interrogandus est, an saltem cum Judæo communicaverit ex contemptu Ecclesiæ, vel Episcopi, vel cum scandalo populi, & periculo a- mittendi fidem: & tunc communicatio, quæ aliàs posset esse venialis, foret mor- talis.

III. Curet inducere pœnitentem ad contritionem suorum peccatorum ostend- endo ei gravitatem delicti, & pericu- lum, cui se exposuit.

IV. Eum inducat ad eliciendum a- ctum fidei, & protestandum Judæorum legem, ac ritus, superstitiosos, & fal- sos esse; eique juxta qualitatem delicti, & circumstantiis accommodatam pœni- tentiam satisfactoriam, & præservati- vam injungat.

16. Sed quæritur, *an possit cum Ju- dæis Christiani contractus emptionis, & venditionis, aliàs licitos celebrare, & mercaturam licite exercere?*

Resp. Affirmativè, ubi Judæis conce- ditur mercaturam exercere; ratio est, quia communio, quæ cum Judæis inter- dicitur, est illa, ex qua nascitur nimia familiaritas, & societas, seu, quæ aliunde assidua, & diuturna est; ideo, qui casu, & fortuito cum Judæo in eo- dem convivio, vel balneo convenit, non tenetur ab eodem statim declinare; pro- pter necessitatem, si alius non foret ap- tus ad curandum morbum, posset cum consilio Parochi, medico hæbreo uti: quemadmodum, si ex necessitate famis cum eo manducaret, à peccato excusa- retur, cum hic necessitas, quoque excu- set; quemadmodum in cæteris trans- gres-

gressionibus Ecclesiasticis, ut in præceptis de jejuniis servando, audienda Missa, & similibus, magna necessitas excusat. Engel. *Colleg. jur. canon. lib. 5. tit. 6. num. 7.* Vid. Gavant. in *manuali Episc. v. Hebrei.*

17. Quæritur, an liceat cum Infidelibus, & Hebreis disputare de rebus fidei?

Resp. Laicis id prohibetur, *cap. qui-cumque §. in bibemus de heret. in 6.* Tam publice, quam privatim, sub pœna excommunicationis ferendæ, ut ibi Gloss. in *ver. innodetur* (etiamsi sint docti) quia jus absolute loquitur, & propterea prohibitio obligat sub mortali: excipitur, si aliquis hæreticus cum fidei injuria loqueretur, aut aliquos Catholicos pervertere conaretur, & nullus foret Clericus, qui posset illi resistere, tunc Laicus doctus posset illum arguere, & cum illo disputare: nam prohibitio non videtur comprehendere casum magnæ utilitatis, & necessitatis. Suarez.

Nota, quod nec Clericus indoctus licet de rebus fidei cum hæreticis disputare, & peccat mortaliter, si disputent, non propter allatam prohibitionem, quia loquitur de Laicis, sed propter periculum erroris, cui se exponunt.

CAPUT XIII.

Prop. XIX. XX. & XXI.

ab Innoc. XI & c.

Certitudo fidei Divina.

1. PROP. 19. *Voluntas non potest efficere, ut assensus fidei in se ipso sit magis firmus, quam mereatur pondus rationum ad assensum impellentium.*

PROP. 20. *Hinc potest quis prudenter repudiare assensum, quem habebat supernaturalalem.*

PROP. 21. *Assensus fidei supernaturalis, & utilis ad salutem stat cum notitia solum probabili revelationis; immo*

cum formidine, qua quis formidet, non sit locus Deus.

Circa hætres propositiones ab Innoc. proscriptas Confessario erit utile scire lequentia.

I. Quod assensus fidei Divinæ, quo v. g. firmissimè credo Deum esse Trinum, & Unum, quia Deus summè verax revelavit, & Ecclesia Catholica proponit esse à Deo revelatum, certus, & infallibilis est sic, ut non possit non esse verus: tum ex ratione sui principii, habitus nimirum fidei, & auxilii supernaturalis (nam tam habitus, quam auxilium ex sua natura sunt determinata ad non producendum actum fidei, nisi circa propositionem veram à Deo revelatam) tum ratione motivi formalis, ratione nimirum divinæ veracitatis revelantis (nam Deus, quia summè verax, nec falli, nec fallere potest, & ideo, nisi verum omnino revelare) & hæc est certitudo objectiva, seu connexionis actus cum objecto, ratione cujus est impossibile, quod detur actus fidei, quin objectum sit, si cut creditur; tum ex parte Ecclesiæ proponentis, ut ex mox dicendis constabit.

2. Deinde est certus certitudine adhesionis ad objectum, consistente in hoc, quod quis debeat potius adhærere, & firmissimè adhæreat mysteriis à Deo revelatis, quæ proponuntur ab Ecclesia credenda, quam ullis aliis veritatibus; ratio est, quia cum proponitur ab Ecclesia mysterium aliquod credendum, quia Deus summè verax revelavit (adeoque cum morali evidentia, quod sit à Deo revelatum) debet quis illud credere, & ipsi per actum fidei adhærere potius, quam cæteris veritatibus, id enim exigit autoritas, dignitas, ac summa veracitas dicentis, & infallibilitas Ecclesiæ, quæ in iis proponendis errare non potest; hinc sine gravi injuria non potest assensus denegari, unde dixit Aug. lib. 7. *Confes. cap. 10. facilius dubitarem, vivereme, quam non esse veritatem, qua*

que audit in corde. Si philosophus contra consecrationem afferat: *accidens non potest esse sine subiecto*: fidelis, non ipsi, sed fidei firmissimè adhæreat, quæ docet: in Eucharistia esse accidentia sine substantia panis, & vini: si contra resurrectionem adducat; à *privatione ad habitum non est regressus*: statim ei opponat articulum fidei: *mortuorum, scilicet, resurrectionem.*

3 II. Observe, ad credendum esse necessarium ex parte voluntatis actum super naturalem (piam affectionem nuncupatum) quo voluntas velit credere, & imperet intellectui, ut firmissimè credat, quidquid Deus dixit, & ab Ecclesia proponitur credendum. Habetur ex Trid. sess. 6. c. 6. de iust. ubi: *disponuntur autem ad ipsam iustitiam, dum excitati divina gratia, & aduti, fidem ex auditu concipientes, libere moventur in Deum, credentes vera esse, qua divinitus revelata, & promissa sunt.* Et Arausiano 2. can. 5. ubi: *si quis, sicut augmentum, ita etiam initium fidei, ipsum credulitatis affectum, quo in eum credimus, &c.* Et sequitur, ex quo experiamur nos non credere, nisi velimus. Tum quia, actus fidei est meritorius, & liber, hoc est, liberum est credere, & non credere, sine actu autem voluntatis nec libertas, nec meritum subsistit. Tum quia, pia affectio requiritur pro certitudine adhesionis ad objectum, sive, ut firmissimè intellectus peractum fidei absque ulla dubitatione, & formidine tendat in objectum revelatum, ab Ecclesia propositum, ut optime probat D. Thom. 2. 2. qu. 1. art. 4. in corp. nam cum intellectus non videat evidenter physicè, aut metaphysicè objectum esse verum, ab objecto determinari, nec moveri potest, sed opus est, ut voluntas imperet, ut firmissimè credat, quod ei ab Ecclesia cum morali evidentia proponitur à Deo revelatum, & sic captivet intellectum in obsequium fidei.

4 III. Note, aliud esse, propositionem

aliquam esse credibilem, & aliud esse credendam: hoc secundum aliud non dicit, quàm propositionem esse talis naturæ, ut quis debeat eam credere, & dignum sit, ut credatur; esse autem credibilem importat talem esse, ut quis possit eam credere. Nec sequitur, quod si propositio sit credibilis, sit vera à parte rei, nam propositio falsa potest esse credibilis, ut patet: dicat homo fide dignus: *Petrus est domi*: si Petrus domi non sit, propositio est falsa, sed credibilis propter autoritatem, & testimonium dicentis. Nec etiam, quod si propositio sit vera, sit proximè credibilis, nam necesse est, ut ab aliquo fide digno reveletur: credibilitas enim sumitur ab extrinseco; & ideò consideret, quod sicut propositio est credibilis, quæ potest credi, sic illa est evidenter credibilis, dum evidens est alicui se posse eam credere; & quia evidens est mihi v. g. quod possum credere Petro proponenti Germanos fuisse victores, ex quo nulla habeam rationem prudentem dubitandi, quin verum dicat, ideò propositio ab eo asserta, est mihi evidenter credibilis, sive sit in re vera, sive falsa.

5 IV. Pondera, quòd mysteria nostræ fidei sunt evidenter credibilia, & credenda: seù, quod idem est, quod dantur motiva, propter quæ est moraliter evidens, mysteria nostræ fidei esse à Deo revelata. Per evidentiam moralem cum communi intelligitur illa, quæ res aliqua, quæ non est nota ex terminis, neque deducta ex principiis, sic notis, nec aliquo sensu externo percepta, ita apparet intellectui, ut is nullam habeat rationem dubitandi, & iudicaretur ab omnibus imprudentissimus, qui non iudicaret rem illam, sicut apparet ipsi: sed dantur motiva, quæ hoc modo evidenter probant mysteria nostræ fidei esse à Deo revelata: considerentur miracula facta in confirmationem mysteriorum fidei: quæ certè Deus non fecisset, nisi mysteria, in cuius confirmationem fie-

bant,

bant, essent vera, & ab ipso revelata; quòd si negetur fuisse confirmata miraculis; negari non potest, quin hoc ipsum sit maximum miraculum; quod tanta, & tam principalis Mundi pars absque ullo miraculo receperit doctrinam novam, ab Apostolis, aliis rudibus, & simplicibus, prædicatam, contrariam carni, & sanguini, & extoro adversam ei, quam ante viri hujus Mundi, tam docti, quam indocti, nobiles, & simplices profitebantur; quod certe sufficit ad reddendum moraliter evidens, & judicandum imprudentissimum eum, qui non judicat, quod fuerint revelata à Deo.

6 Confirmatur, est moraliter evidens, quod Ecclesia Catholica sit vera Ecclesia Christi, sed Ecclesia Catholica proponit mysteria fidei esse à Deo revelata, ergo est moraliter evidens mysteria nostræ fidei esse à Deo revelata; adeò ut imprudentissimus sit, qui id non judicat: major est certa, quia in confirmationem Ecclesiæ Catholicæ sunt facta innumera miracula; & hoc unum maximum est, quod, non obstante impugnantium potestate, & persecutorum tyrannide conantium eam destruere, & ad nihilum reducere, magis creverit, & totum ferè sibi orbem subegerit, sanguine martyrum irrigata. Alia motiva videas apud Theologos in tract. de fide.

7 Hinc, quia est moraliter evidens, quod mysteria nostræ fidei sint à Deo revelata, & est certum omnino, quod quidquid Deus revelat, est verum, cum nec fallere, nec falli possit: sequitur. 1. Quod sint vera. 2. Quòd quilibet debeat illa credere, cum sufficienter proponuntur. 3. Quòd quæcumque alia doctrina opposita fidei nostræ sit falsa, & quod imprudentissimè quis eam doctrinam crederet. 4. Quòd urgentissimum medium ad convincendos Infideles, & hæreticos sit proponere ipsis evidenter, mysteria nostræ fidei esse à Deo revelata; nam, si id benè proponatur, & Deus dederit ip-

sis gratiam, benè percipiendi, quod proponitur, & auferat ab ipsis internam voluntatis pertinaciam, & dociles reddat, facillè convertentur.

Ex quibus potest quilibet, videre nullum prudenter posse repudiare assensum supernaturali fidei; nam recta ratio non potest dictare, quòd, ut falsa, repellamus, quæ Deus revelavit esse vera; nam imprudentissimè ageret.

Et pariter inspicere, quod cum assensus fidei divinæ sit omnino certus, & infallibilis, non compatitur cum dubio, & formidine, aut notitia solùm probabili, quod mysteria sint à Deo revelata; nam laudè, si judicium de existentia revelationis esset incertum, & dubium, voluntas non posset prudenter impare actum firmissimum, ut est actus fidei divinæ.

8 Sed difficultas est de pueris, & rudibus, qui, cum non possint examinare motiva credibilitatis, ut miracula, prophetias, sanctitatem doctrina, ex quibus formatur judicium moraliter evidens, & certum, quod mysteria nostra fidei sint à Deo revelata, nec moralem evidentiam possunt habere de existentia revelationis: propterea, aut est dicendum præfatos, immò majorem partem fidelium, nunquam credere fidei divinæ, quod absurdum videtur, aut, quod ad fidei divinæ credendum non requiratur, ut evidenter moraliter quis judicet mysteria fidei esse à Deo revelata.

Resp. Pueris, & rudibus ad credendum firmissimè mysteriis fidei sufficit propositio Parentum, vel Parochi: ex quorum instructione, cum interna illustratione Dei ad credendum, quamvis ad prædicta signa non reflectant, apparet evidenter moraliter, quod mysteria fidei sint à Deo revelata: & ex ea, ac obligatione, quam habent, quod in materia salutis æternæ sequenda est eorum instructio, moventur ad actum fidei eliciendum: habetur ex D. Thom. cit. ad 2. ubi: *non enim crederet, nisi videret esse credenda, vel propter evidentiam*

tiam signorum, vel propter aliquid hujusmodi; nota hoc ultimum. Hinc, si supposita Parentum instructione, credant: ver. grat. Verbum esse incarnatum, quia Deus summè verax revelavit Ecclesiæ Catholicæ, actum fidei Divinæ eliciunt.

CAPUT XIV.

*Prop. XXII. ab Innoc. XI. &c.
Fides necessaria ad salutem.*

1 **P**ROP. 22. *Non nisi fides unius Dei necessaria videtur necessitate mediæ, non autem explicita Remuneratoris.*

2 Supponitur tamquam certum, quod fides supernaturalis habitualis est necessaria omnibus hominibus, tam parvulis, quam adultis; quod patet ex illo ad Hebræos 11. *sine fide impossibile est placere Deo*; & ex certo principio, quod nemo possit consequi vitam æternam sine justificatione; nemo autem justificatur, cui non infundantur fides, spes, & charitas, tam parvulis, quam adultis. Trid. sess. 6. cap. 7. de justif.

3 Item, quod omnibus adultis habentibus usum rationis necessaria est fides explicita, actualis, supernaturalis; ut patet ex allegato textu; & ex Symbolo Athanasii: *quicumque vult salvus esse: ver. Hac est fides Catholica, quam nisi quisque fideliter, firmiterque crediderit, salvus esse non poterit*; & potest isto suaderi discursu: *Deus homines adultos salvare non vult, nisi cum ipso rum cooperatione, sed cooperatio hominis ad salutem utilis non est sine fide supernaturali: cum, si ab ista non reguletur, proportionem non habeat cum beatitudine supernaturali, ergo secundum dispositionem Dei fides supernaturalis actualis est necessarium medium adultis ad salutem*; & debet esse supernaturalis, non modò ex parte principii, auxilii nimirum divini, sine quo actus

supernaturales non eliciuntur, sed etiam ex parte objecti, quatenus debet hominem dirigere ad finem non naturalem, sed supernaturalem æternæ beatitudinis; & tendere in objecta à Deo revelata.

4 Item, quod omnibus adultis existentibus in mortali necessaria est fides supernaturalis actualis, ut constat ex adductis textibus, & ex hoc alio ad Hebræos 11. *accedentem ad Deum oportet credere, quis est, & inquirentibus se remunerator sit*. Deinde fides actualis ex Trid. cit. cap. 6. est dispositio necessaria ad justificationem; & cap. 8. asseritur, humanæ salutis initium, fundamentum, & radix omnis justificationis; sed peccator, ut perveniat ad Cælum, debet accedere ad Deum, & justificari, ergo debet habere fidem actualem.

Confirmatur: non potest peccator, si non fuit baptizatus, salvari sine baptismo in re, vel in voto; & si fuit, sine penitentia in re, vel in voto: sed nec baptizatus, nec penitentia in re possunt haberi ab adulto sine fide: nec in voto, nisi mediante aliquo actu supernaturali: at nullus actus supernaturalis potest ad hoc sufficere præter actum supernaturalem amoris Dei, vel contritionis perfectæ: sed huiusmodi haberi nequeunt sine prævio actu fidei, ergo.

5 Item, quod aliud est credere implicitè, & aliud credere explicitè, & distinctè. Credere implicitè, est credere aliquod non in se ipso distinctè, & particulariter, sed in aliquo alio, in quo implicitè continetur: sic, qui credit: *quidquid Ecclesia Catholica credit, vel credendum proponit*, implicitè credit omnia mysteria fidei.

Credere verò explicitè, est credere hoc, vel illud mysterium in particulari, & in seipso, propter revelationem Dei: ut credo: *Deum esse Trinum, & Unum, quia Deus summè verax revelavit, & Ecclesia credendum proponit: credo Verbum esse incarnatum, &c.*

6 Item, quod duobus modis aliquid dici-

dicitur necessarium ad salutem: necessitate medii, & necessitate præcepti: *necessitate medii*, illud necessarium dicitur, quod si ab aliquo omittatur, quamvis sine sua culpa (ut si propter impotentiam, & ignorantiam inculpabilem) salvari non possit; quia est necessarium ex alio capite, quam ex hoc, quod per ejus omissionem, quis peccet, & ponat impedimentum peccati ad non consequendam salutem: sub ista ratione baptismus in re susceptus, & fides habitualis sunt instantibus medium ad salutem: & fides, tum actualis, tum habitualis, ac baptismus in re, vel voto susceptus omnibus adultis ita necessaria: illud verò dicitur necessarium, *necessitate præcepti*, sine quo quis salvari potest, modò ipsum, vel propter ignorantiam inculpabilem, vel impotentiam exequi non possit; nam tunc à peccato excusatur. Quòd est sic necessarium, aliam necessitatem non habet ad salutem, quam quatenus, qui id omittit, peccat mortaliter, & propter peccatum, nisi remittatur, debet salutem perdere: sic ad salutem necessarium est, audire sacrum, jejunare, confiteri semel in anno, &c.

Authores propositionis non negant fidem actualem necessariam necessitare medii: sed, dum affirmant sufficere solam fidem unius Dei, errant. Propterea Confessario in hoc capite ex probatis Authoribus apponimus plures resolutiones tangentes notitiam eorum, quæ sunt necessariò explicite credenda, tum necessitate medii, tum præcepti, ut istis instructus possit sine errore ad iudicium procedere, & patientes monere de iis, quæ credere tenentur, & ad fidem pertinent.

7 Quæritur, *quamquam mysteria, seu articuli fidei sint explicite necessariò credendi necessitate medii?*

Resp. I. Debet explicite credi: *Deum esse, & remuneratorem esse, juxta illud ad Hebræos 11. accedentem ad Deum oportet credere, quia est, & iniqui-*

rentibus se remunerator sit.

II. *Deum esse Trinum in personis, & Unum in Essentia*: juxta text. Matth. 28. *docete omnes gentes, baptizantes eos in nomine Patris, & Filii, & Spiritus Sancti*: per dicenda etiam cap. ult.

III. *Filium Dei esse Incarnatum*: Joannis 17. *Hæc est vita æterna, ut credant te verum Deum, & quem misisti Jesum Christum.*

IV. *Christi passionem, & mortem*. 1. ad Corinth. 1. *Nos autem prædicamus Christum crucifixum.*

V. *Christi resurrectionem*. 1. ad Corinth. 15. *Si Christus non resurrexit, inanis est fides nostra.* Hæc omnia sunt ita necessariò necessitate medii explicite credenda, ut quis excusationem non habeat, si ea explicite non credat: & ideo non sufficit ea implicite credere, credendo quidquid Ecclesia Catholica credit. Quod colligi etiam potest ex illo Marci ult. *prædicate Evangelium omni creaturæ: qui crediderit, & baptizatus fuerit, salvus erit: qui verò non crediderit condemnabitur*; ergo condemnabuntur omnes, qui non crediderint, quæ à Christo Apostoli prædicare jubebantur; sed certum est, quod jubebantur prædicare; *Deum esse, esse remuneratorem bonorum, & vindicem malorum: Incarnationem mortem, & resurrectionem Christi: ejus divinitatem; ac humanitatem: atque Trinitatem personarum in una Essentia divina*: ergo hæc credete post illam prædicationem, & medium necessarium ad salutem.

Et quamvis jussi sint prædicare etiam, quæ non sunt necessitate medii necessariò credenda, sed solum præcepti: negari tamen non potest, quin præfata sint necessariò ea necessitate credenda; nam Apostoli debuerunt prædicare Evangelium secundum ordinationem Christi, hoc est, prædicare, tanquam necessaria necessitate medii, quæ sic necessaria censentur, & præcepti, quæ ita ne-

necessaria sunt, ergo, cum aliqua fides ab eis prædicata sit necessaria necessitate medii (nec possit dari ratio, cur non sit fides præfatorum mysteriorum: sed potius juxta communem consensum Theologorum, & sensum Ecclesiæ certum sit eam esse) fides præfatorum ita est necessaria.

Cætera mysteria, quæ in Ecclesia solemnizantur, & publicè proponuntur, tutius, & securius est explicitè credere: *ut esse natum de Virgine, circumcissum, descendisse ad Inferos, ascendisse in Cælum, ac sedere ad dexteram Patris, & venturum Judicem.* De la Cruz *direct. conf. 1. præcept. de fide art. 1. num. 3. in fine*, & Fagnan. in 1. Decretal. ad cap. Firmiter de sum. Trinit. nu. 44. Vid. cap. cit.

8 Quæritur, an sit necessaria necessitate medii fides explicita Dei, ut remuneratoris supernaturalis, an verò sufficiat fides de Deo, ut remuneratore naturali, seu, ut remunerante bona opera per bona temporalia, & naturalia hujus vitæ: *sanitatem, divitias, &c.*

Resp. Necessaria est fides actualis explicita Dei remuneratoris supernaturalis, hoc est, qua creditur, quod bene viventibus, secundum legem ipsius, & operantibus cum auxiliis gratiæ, ut oportet, sit concessurus vitam æternam, & malè viventibus æternam mortem: totum colligitur ex illo cap. ad Hebr. 11. ubi Paulus agit de remuneratione superiori ad bona temporalia hujus vitæ, & de retributione vitæ æternæ à Deo promissæ, & revelatæ. Legatur text. & Cardenas ad prop. 22. ab Innoc. XI. damnat. differt. 15. cap. 6.

Et propterea fides debet esse supernaturalis, non modò ex parte comprincipii, auxilii nimirum supernaturalis, sine quo actus supernaturalis haberi non potest, sed etiam objectivè, quatenus non sufficit cognoscere Deum esse autorem naturæ, aut largitorem bonorum naturalium, sed necesse est cogno-

scere, & credere, quod, sit author bonorum supernaturalium, gratiæ, & æternæ vitæ largitor; cum talis fides, & cognitio sit fundamentum accessus nostri ad Deum, juxta illud: *accedentem ad Deum oportet credere, &c.*

9 Sed quæritur, unde colligi potest, quod fides sit supernaturalis, objectivè, & ex parte objecti?

Resp. Cum tendit in objectum à Deo revelatum, quod Ecclesia Catholica proponit credendum. Vide supra cap. 5. num. 11.

10 Quæritur, quando per se teneamur actum fidei de illis habere?

Resp. Videas lib. 1. cap. 1. num. 5. & 11.

11 Quæritur, quamnam explicitè credenda sint de necessitate præcepti divini, & Ecclesiæ?

Resp. Symbolum Apostolicum: & septem Sacramenta; omnia alia debet homo, saltem implicitè credere, credendo quidquid Ecclesia credit; vel in præparatione animi, in quantum paratus sit credere, quidquid divina Scriptura continet, & Ecclesia proponit esse à Deo revelatum; & tunc ea etiam explicitè credere tenetur, cum ei constet esse à Deo revelata, & sic ab Ecclesia proponuntur.

Ratio, cur debeat quis explicitè credere Symbolum Apostolorum, est; quia articuli, & mysteria, quæ in eo Symbolo continentur, sunt præcipua nostræ fidei fundamenta: & non solum semel, atque iterum debet eos articulos explicitè credere, sed etiam memoriter scire, ut interrogatus, an tale mysterium contineatur in Symbolo, sciat respondere, affirmativè.

Illa autem probans, cur credenda sint Sacramenta, est: quia quilibet tenetur credere, & scire, quæ debet recipere, & à Deo postulare. Et quamvis hæc ratio videatur probare solum quoad Baptismum, Pœnitentiam, & Eucharistiam, quorum fidem esse sub præcepto est communissima sententia: attamen etiam cæ-

tera alia esse credenda pater; nam susceptio Confirmationis, & Extremæ unctionis sunt maxime utilitatis, & sub præcepto non continentur. Item, ut digne æstimetur status matrimonio conjungtorum, & Ordinatorum, valde conveniens apparet, ut fideles omnes cognoscant, & credant illa Sacramenta esse à Deo instituta; & consequenter, ut sit præceptum omnibus ea credere.

Nec sufficit, quod quis semel, aut iterum, vel quoties debet aliquod Sacramentum accipere, illud credat, sed ulterius debet scire, & ita memoria fixa tenere, quod sint à Deo revelata, & à Christo instituta, & propterea sic credenda, ut, quoties interrogetur de quolibet istorum, possit respondere, esse à Deo revelatum, & à Christo Domino institutum.

12 Pariter præcepta decalogi sunt, cognoscenda, ac memoriæ retinenda, ut quis interrogatus, an talis, vel talis veritas sit de fide V.G. an furtum sit contra aliquod præceptum decalogi, vel non furari Dei mandatum, sciat respondere affirmativè; hujusmodi enim cognitio valde utilis est ad exercitium virtutis, & fugam vitiorum. Utilitas etiam retinendæ memoriæ orationem Dominicam maxima est; nam septem petitiones continet, quibus omnia necessaria, tam corpori, quam animæ, tam præsentis, quam futuræ vitæ à Deo petimus: explicationem orationis vide apud Marchant. *Hort. past. tract. 3. de Off. Pastoral. lect. 1.*

Ex quibus sequitur I. Quòd fideles, statim ac pervenerint ad usum rationis, debeant juxta capacitatem, & statum suum talem diligentiam ad hæc dicenda adhibere, ut non videantur esse negligentes in re, adeò ipsismet utili, à Deo, & Ecclesia præcepta; ideò debent frequentare Parochiam, ut in rebus fidei, & ad salutem necessariis instruantur; & toties peccant, quoties in illo anno tenentur Parochiam frequentare

Mattheucci Cautela Confess.

(ad quem effectum pluries in mense credendum teneri) & omittunt: de quo debent se accusare.

II. Quòd parentes curare debent, ut filii sufficienter instruantur de præfatis, & præceptis Ecclesiæ, adeò ut, si eos impediunt, vel commoditatem non præbeant, aut instructionem negligant, peccant gravissimè.

III. Quòd Parochi, Confessarii, & Prædicatores tenentur ea omnia proponere, & quatenus opus sit explicare ita, ne propter defectum propositionis, ac explicationis contingat, ut subditi, & audientes careant sufficienti instructione.

Propterea ipsi præter obligationem communem cum aliis fidelibus ad credenda mysteria fidei, tam quæ sunt necessariò credenda necessitate mediæ, quam præcepti, habent particulare debitum cognoscendi distinctius ea mysteria; ratio est, quia officium ipsorum est ea proponere, & explicare, & aliquantulum defendere contra objectiones communes hæreticorum, ad minus per solutionem aliquam à Doctoribus traditam: quilibet autem tenetur ad ea, quæ sunt necessaria ad suum statum, & officium ritè exequendum, ex cujus mala administratione sequitur in proximo grave præjudicium salutis; ideò Trid. *sess. 5. cap. 2. de ref. statuit: quicumque curam animarum habentes, ut per se, vel per alios idoneos, si legitime impediti fuerint, diebus saltem dominicis, & festis solemnibus, plebes sibi commissas pro sua, & earum capacitate pascant salutaribus verbis, docendo, quæ scire omnibus necessarium est ad salutem.* In quo, si negligentes sint, gravissimè delinquant contra præceptum Ecclesiæ in re gravi, & propriam obligationem.

13 Queritur, penitens, ut, satisfaciatur præcepto credendi, instrui petit à Confessario de modo eliciendi actum fidei, de tempore obligationis, & de articulis contentis in Symbolo Apostolorum,

T

qua-

qualem debet Confessarius instructio-
nem dare, & quid aperire?

Resp. Tempus obligationis videas lib.
1. cap. 1. num. 5. & 11. & num. 20. modum
eliciendi fidei actum. Circa Symbolum
Apostolorum sciat Confessarius, quod
Symbolum hic idem est, ac omnium cre-
dendorum ad salutem spectantium com-
pendiosa collectio, ut ex Gersono tradit
Fagnan. in 1. ad cap. firmiter de Sum.
Trinit. num. 26. Dicitur Apostolorum,
quia fuit ab Apostolis editum in Conven-
tu habito in Iudæa anno Christi 44 apud
Baronium eodem annum. 14. in quo
duodecim articuli fidei, seu veritates à
Deo revelatæ continentur, quarum no-
ticia, saltem quoad substantiam, in
quolibet fidelis est necessaria.

14 Itaque super 1. articulo à Petro
asserto: *Credo in Deum, Patrem, Om-
nipotentem, creatorem Cæli, & ter-
re*: Ut credat in Deum: sufficit, quod
credat esse aliquod summum bonum,
quo melius excogitari non potest; aut
aliquid esse, quod super omnia amari,
& honorari debeat, & cujus mandatis
super omnia obediendum sit, & à quo
cætera dependent in fieri, & conservari;
nam nihil potest esse tale, nisi quod est
Deus. Ut credat in *Patrem*, sufficit,
quod credat eum habere Filium à se pro-
ductum, qui sit Deus eadem singularis-
sima Deitate cum ipso. Quantum ad
Omnipotentem, sufficit, quod credat
eum posse facere, quicquid est possibi-
le, ex cujus productione nulla in ipso se-
quitur imperfectio. Quantum verò ad
Creatorem Cæli, & terra, sufficit, ut
credat, quod Deus illa fecerit, & ad
omnia in iis contenta concurrat. Cum
igitur ex divino, & naturali præcepto
teneamur Deo cultum exhibere pro no-
stra creatione, tenemur explicitè crede-
re, *Deum esse omnium creatorem*.

Super II. Ab Andrea: & in *Jesum
Christum, Filium ejus, unicum, Do-
minum nostrum*: sufficit credere ali-
quem, hominem esse, qui non solum

sit homo, sed Deus, & Filius unicus
Dei Patris, qui vocatur Jesus Christus,
cui nos obedire, ac servire debemus,
tamquam unico nostro Domino, & Re-
demptori, ac colere, & adorare.

Super III. Ab Jacobo, *qui conceptus
est de Spiritu Sancto, natus ex Maria
Virgine*: Sufficit credere, quod Jesus
Christus fuit conceptus in utero B.M.V.
per cooperationem specialem Spiritus
Sancti sine ulla opera viri: & natus ex
ipsa Virgine, ante partum, in partu,
& post partum.

Super IV. Ab Joanne: *passus sub
Pontio Pilato, crucifixus, mortuus,
& sepultus*: sufficit credere, quod sub
homine, cui, nomen Pilatus, Chri-
stus multa passus sit, quod fuerit cru-
cifixus, deinde mortuus sit, & postea
sepultus.

Super V. à Thoma: *descendit ad in-
feros: tertia die resurrexit à mortuis*:
Sufficit credere, descendisse ad aliquas
partes inferiores terræ, & tertia die re-
surrexisse.

Super VI. Ab Jacobo Alpei: *ascen-
dit ad Cælos, sedet ad dexteram Dei
Patris Omnipotentis*: Sufficit credere,
ad Cælos post Resurrectionem ascendisse:
& quod Christus post Ascensionem
collocatus fuerit in suprema post Deum
Cæli dignitate, & honore (quod per
dexteram Dei hic videtur intelligi) nam
Pater æternus non habet dexteram pro-
priè dictam, ad quam sedeat Jesus Chri-
stus filius ejus.

Super VII. A Philippo: *inde ventu-
rus est judicare vivos, & mortuos*: Suf-
ficit credere, quod Christus aliquando
venturus sit ad judicandos omnes homi-
nes, ut reddat unicuique juxta opera in
hac vita facta.

Super VIII. A Bartholomæo: *credo
in Spiritum Sanctum*: Sufficit cre-
dere, esse aliquam personam divi-
nam, quæ sit Deus, non minus
quàm Pater, & Filius, & tamen
nec Pater, nec Filius sit, licet non
sit

fit alius Deus ab ipsis, sed idem Unus Deus.

Super IX. A Matthæo: *Sanctam Ecclesiam Catholicam*: Sufficit, & necessarium est credere, dari Congregationem fidelium à Christo institutam, quæ sancta est: & propter sanctitatem doctrinæ, & quia intra illam solam reperitur Sanctitas: & quia proponit, ac docet viam rectam acquirendæ Sanctitatis: & tandem, quia in ea sunt media, & instrumenta Sanctitatis, ut baptisumus, aliaque Sacramenta; debet autem quis in particulari cognoscere, quamam Congregatio determinata sit Ecclesia: ut nos Catholici cognoscimus, & credimus, quod illa Congregatio fidelium sit Ecclesia, quæ pro Capite habet Summum Pontificem Rom. Christi Vicarium, & D. Petri successorem. Quæ Catholica, seu universalis dicitur, hoc est, communis omnibus, omnesque recipit, qui in eam per baptismum intrant, & per integritatem fidei perseverant; extra quam salus non est, cap. *firmiter de sum. Trinit. &c.*

Super X. A Simone: *Sanctorum communionem, remissionem peccatorum*. Per *Sanctorum communionem*: Sufficit credere, quod sit talis communio inter membra Ecclesiæ, ut Sanctorum, ac iustorum orationes, & suffragia possint aliis, pro quibus orant, proficere: cum enim sint invicem membra, dum orant, dum laborant in via virtutum, non sibi tantum laborant, & dum patiuntur, etiam omnibus patiuntur. Vide supra cap. 8. num. 14. Quantum ad *remissionem peccatorum*, credi debet in Ecclesia peccata remitti per media, quæ ad hoc ipsa proponit: baptisumus scilicet, pro remissione peccatorum originalis, & actualium ante baptismum: & Pœnitentiæ Sacramentum, pro remissione peccatorum, post baptismum commissorum.

Super XI. A Thaddæo: *carnis resurrectionem*. Quæ sufficienter creditur, dum

creditur, quod quilibet post mortem aliquando resurget, ad quod spectat credere animæ immortalitatem.

Super XII. A Mathia, *vitam æternam*. Quæ itidem sufficienter creditur, dum creditur, quod si moriemur in statu gratiæ, Deum in Cælo facie ad faciem, ac intuitivè videbimus; quod bonis sit æterna beatitudo parata (quæ solet vita æterna vocari) sicut malis pœna.

Quæ omnia debet fidelis credere propter rationem formalem fidei, nimirum, quia *Deus summe verax revelavit Ecclesie Catholica*; & Confessarius totus debet esse, ut pœnitens frequenter actus fidei sub illa causali eliciat, ut ita assuescat ad credendum sub illa ratione; cui injungere debet, ut ad minus sexies in anno Symbolum recitet; nam ex terminis decens apparet, & conveniens, ut saltem pro quolibet bimestri semel recitet Symbolum, in quo continentur fundamenta nostræ fidei, quorum fides, & cognitio, utilis, & necessaria est ad rectè, & sanctè vivendum.

15 Quæritur, *quid agendum Confessario cum pœnitente, qui ignorat necessaria scitu ad salutem?*

Resp. Si ignoret necessaria, vel aliqua ex necessariis necessitate mediæ, sive sua culpa id evenit, sive inculpabiliter omiserit, nullo modo potest absolvi. Ut valide absolvatur, debet prius instrui, ac ei ante absolutionem proponi, & ipse credere: quod *Deus est, & remunerator sit, reddens bonis operibus premium vite æternæ, & malos æternæ damnatione castigans: quod est trinus, & unus: quod Jesus Christus sit filius Dei, verus Deus, & verus homo, natus ex Virgine pro redemptione nostra: mortuus, postea resurrexerit, deinde ascenderit in Cælum, denique venturus iudex*; de quibus fides expressa exigenda est. Verum, si potest absolutio differri ad aliud tempus, ut plenius instruat, differri debet, quia fortasse in angustia temporis non potest sufficienter instrui.

Si verò ignoret culpabiliter necessaria necessitate præcepti, ut Symbolum, Dominicam orationem, Sacramenta, decalogum, præcepta Ecclesiæ, & credat necessaria necessitate mediæ, si sumus in casu necessitatis, absolvi potest: modò de ignorantia, sicut de cæteris peccatis doleat, & se accuset de omnibus, quæ addiscere neglexit, & firmiter proponat illa, quamprimum addiscere; cui est imponendum, ut in posterum adeat Parochum, vel doctrinam christianam frequentet, vel doctorem consulat, ut de omnibus instruat. Quòd si extra casum necessitatis versetur, ut extra mortis articulum, vel alium, iudicio prudentis Confessarii, est differenda absolutio, quousque illa sciat; nam tunc videtur esse in malo statu propter illorum ignorantiam voluntariam: quid incommodi tunc sequitur, quod absolutio differatur?

16 Sed quæritur, *accedit penitens in Paschate, quem non potest Confessarius instruere; quid agendum? si non absolvat, est in causa, ut non impleat præceptum Paschale, si absolvat, invalidè absolvit.*

Resp. Si non potest eum de illis sufficienter instruere, differatur absolutio, & utatur facultate sibi data in cap. *omnis utriusque sexus de pœnit. & remiss.*

17 Sed quæritur, *an sint repetendæ Confessiones factæ ab ignorantibus mysteria necessitate mediæ credenda?*

Resp. Affirmativè; nam fuerunt omnes invalidæ, (licet invincibiliter ca ignorant) ideo eas omnes repetens debet se accusare, tam de numero viciæ, in quibus omisit hos actus fidei elicere, quam de numero viciæ, quibus neglexit ea discere, & ad discendum erat obstrictus, ac de peccatis aliis in prioribus confessionibus expositis, ac confessionibus invalidis, & communionibus repetitis, &c.

CAPUT XV.

Prop. XXIII. ab Innoc. XI. &c.

Fides dispositio ad justificationem.

1 **P**ROP. 23. *Fides latè dicta ex testimonio creaturarum, similive motivo ad justificationem sufficit.*

2 Dispositiones ad justificationem aultienumerat Trid. *sess. 6. c. 6. de iustif.* omninò legendum; ubi expressè statuitur, fides, timor divinæ iustitiæ, spes, dilectio Dei, dolor de peccatis, & propositum suscipiendi baptismum (si non sit baptizatus) & si sit, confitendi peccata sua, inchoandi novam vitam, & deinceps servandi mandata divina; & cap. 7. statuit Sacramentum fidei, sine qua nulli unquam contingit justificatio; & cap. 8. *per fidem ideo iustificari dicimur, quia fides est humane salutis initium, fundamentum, & radix omnis justificationis, sine qua impossibile est placere Deo, & ad filiorum ejus consortium pervenire.*

3 Deinde, fides, quæ est dispositio ad justificationem, illa est, quæ est fundata in autoritate dicentis, & innixa divinæ revelationi, seu, qua creditur aliquid, quia Deus summe verax revelavit Ecclesiæ Catholicæ, & Ecclesia nobis proponit credendum, ut habetur ex alleg. cap. 6. Trid. ubi hæc sunt: *disponuntur autem ad ipsam iustitiam, dum excitati divinæ gratia, & adiuti fidem ex auditu concipientes, liberè moventur in Deum, credentes vera esse, quæ divinitus revelata, & promissa sunt.* Et D. Paulo ad Rom. 10. *Omnis enim, qui invocaverit Nomen Domini, salvus erit: quomodo ergo invocabunt, in quem non crediderunt? aut quomodo credent ei, quem non audierunt? quomodo autem audient sine prædicante?* Et infra: *ergo fides ex auditu, auditus autem per verbum Christi.*

Quæ omnia probant necessitatem fidei

My-

Mysteriorum revelatorum: fides autem ab Authoribus propositionis asserta (quam fidem esse negamus) non innititur divinæ revelationi, nec est fides Mysteriorum, quæ Apostoli prædicarunt, & Ecclesia credenda proponit; adeoque non ex auditu concepta, & per propositionem Ecclesiæ, sed pura cognitio de Deo habita ex creaturis; quæ naturaliter, & sine gratia supernaturali Dei potest de ipso haberi, ut est Author naturæ, & largitor bonorum naturalium; ideo cum naturalis sit, & habita ex viribus naturæ, nec sit Dei cognitio, ut Authoris supernaturalis gratiæ, & gloriæ, improporcionata est ad disponendum ad justificationem supernaturalem, ad quam necessaria est fides supernaturalis, tam ex parte principii, seu auxilii ad eam concurrentis, quam ex parte objecti, & motivi.

4 Sed quaeritur, *unde cognosci potest, quod fides sit supernaturalis?*

Resp. Quod sit talis, ex parte motivi, & objecti colligitur, si sit assensus objecto à Deo Ecclesiæ Catholicæ revelato, & per Ecclesiam nobis proposito, ut credatur; cuius notitia haberi non potest ex creaturis, vel ex naturali motivo, aut ratione, sed solum dependentem à divina revelatione, & per propositionem Ecclesiæ.

Fides igitur actualis, quæ est dispositio ad justificationem, est actus innixus divinæ revelationi, proponens voluntati objectum, circa quod debet ipsa supernaturaliter operari, seu conducens ad excitandam voluntatem ad reliquos actus supernaturales, disponentes ad justificationem, timorem scilicet, spem, dolorem de peccatis, & amorem Dei, &c. cuiusmodi est actus, quo creditur: *Deum esse iustissimum, misericordem, infinitè bonum, & Christum omnes redemisse, satisfecisse pro nobis, ac meruisse gratiam, & gloriam omnibus sufficienter*, quia Deus summè verax revelavit Ecclesiæ Catholicæ, & hæc nobis proponit id esse à Deo revelatum.

Matthæucci Cautela Confessi.

An autem sola revelatio divina, *an etiam veracitas Dei, vel hac sola sit motivum formale fidei?* Est questio inter Theologos; Confessario sufficiat scire, quod fides, quæ est dispositio ad justificationem, debet inniti divinæ veracitati revelanti, vel revelationi: ut motivo formali credendi, & propositioni Ecclesiæ, ut conditioni, sine qua non crederetur.

5 Et si quaeratur, *quid sit divina revelatio?*

Resp. Est locutio Dei, vel signum, quo significat se habere talem, vel talem conceptum de tali re: nec semper eodem modo id significat, juxta illud ad Hebr. 1. *Multifariam, multisque modis olim Deus loquens Patribus in Prophetis, novissimè diebus istis locutus est nobis in filio*; super quo consulas Theologos in tract. de fide.

C A P U T XVI.

Prop. XXIV. & XXV. ab Innoc. XI. &c. Juramentum.

1 **P**ROP. 24. *Vocare Deum in testem mendacii levis, non est tanta irreverentia, propter quam velit, aut possit damnare hominem.*

PROP. 25. *Cum causalitatem est jurare sine animo jurandi, siue res sit levis, siue gravis.*

Graves, & multæ excitantur à Summis difficultates circa naturam juramenti; ex quibus aliquas, & fortasse magis in praxi communes pro promissa Confessarii instructione, sequentibus aperio.

2 Quaeritur, *quid, & quotuplex sit juramentum?*

Resp. Juramentum ex D. Thom. 2. 2. qu. 89. art. 1. est invocatio divini testimonii, in confirmationem alicujus rei, ut, dicti, vel facti, vel promissionis: & ideo jurare est liberè Deum in testem adducere ad confirmandam veritatem propositionis, quam quis profert. Quod inventum est ad confirmandam veritatem, quan-

tum fieri potest, testimonio firmissimo, & infallibili, cujusmodi solius Dei est: dicitur juramentum ex D.Thom. ibidem, quatenus jure introductum est, ut, quod sic confirmatur, habeatur pro verò; & propterea dixit Apostolus ad Hebr.6. *omnis controversia finis* (inter homines,) *est juramentum.*

Si divinum testimonium adducatur in confirmationem alicujus rei præsens, vel præterita; ut, *per Deum Petrus currit: per Deum fui ad gymnasium*: juramentum dicitur *asseritorium*; per quod intenditur tantum, ut fides adhibeatur suis dictis. Si verò adducatur in confirmationem alicujus rei in futurum faciendæ: ut, *per Deum tibi in se futuro dabo decem: per Deum te in matrimonium ducam*: juramentum est *promissorium*: & hic ulterius intendit quis se alteri obstringere ad aliquid. Si adducatur in confirmationem voluntatis, qua quis se obligat ad dandam alicui penam: ut, *per Deum te occidam, nisi feceris hoc*: juramentum est *comminatorium*. Et *execratorium*, cum adducitur Deus, non, ut purus testis, sed, ut testis vindicans falsitatem, in casu, quod sit falsum illud, quod quis asserit; ut, *Deus me occidat, si hoc est falsum: Deus me non adjuvet, si cras non venero*. Hoc juramentum per DD. fit, etiam invocando creaturas, in quibus elucet justitia Dei, ut ab illis puniatur in casu falsitatis illius, quod asseritur: ut, *Demon me portet; pestis me absumat, &c. si res non ita sit.*

Juramentum promissorium dividitur in dolosum, incautum, & coactum: dolosum est, *quod ab aliquo fit cum animo non faciendi, quod promittit juramento*, nec ad illud se obligandi. Incautum, quo quis jurat aliquid facere, quod non potest licite jurare, ut, si juret adulterare, occidere, &c. juramentum enim non est vinculum iniquitatis. Coactum autem est, ad quod aliquis vi, vel metu cogitur. Præterea datur juramentum *calumnia*, quod à litigatoribus præsta-

ri solet: & est id, *quo quis jurat, quod non per calumniam litem suscipiat*. Et juramentum *solemne*, quod fit coram Judice, de quo DD.

3 Quæritur, *quenam sint conditiones comites juramenti, quibus concurrentibus jurare sit licitum?*

Vesp. *Veritas, justitia, & judicium*, ex illo Jeremix 4. *jurabis: vivit Dominus in veritate, & in judicio, & in justitia*. Requiritur *veritas*, ne quid falsi juretur, aliàs foret perjurium; nam juramentum in confirmationem falsi perjurium est; ideò, ut sit verum, debet conformari cum intellectu jurantis. *Per veritatem* intelligitur, quod jurans arbitretur, & existimet esse verum, quod juramento asserit; seu, quòd res talis sit in mente jurantis, qualis affirmatur per verba, v.g. *juro: per Deum Petrus est domi*: debeo in mente, ut certum habere, quòd revera sit domi, vel prudenter existimare, quòd sit domi; si verò casu domi non sit, & ego firmiter ex errore inculpabili teneam esse, juramentum est formaliter verum, licet non materialiter; nam, sicut tunc non mentior, nec aliud ore profero, & aliud in mente habeo: sic, nec Deum in testem falsi adduco; è contra verò: si Petrus domi, & ego teneam non esse: si juro esse, sum formaliter perjurus; nam tunc deest veritas ad juramentum requisita, & sic adduco Deum in confirmationem falsi; quæ deest quoque, quando quis jurat tamquam certum, cum ipse sit dubius, quia revera mentitur, cum asserat, ut certam rem, de qua est dubius.

Item, dum juro me datum Petro centum, vel, me facturum Clericum, debeo prudenter existimare me posse illa dare, ac esse mihi possibile Clericatum assumere; & insuper habere intentionem jurandi, me obligandi, & adimplendi, seu faciendi, quod juramento promitto; quæ dicitur veritas dicti, necessaria etiam in promissorio, qua asseritorium est.

Per justitiam intelligitur, quod res,

quæ

quæ juramento confirmatur, non fit contra aliam virtutem; seu in eo consistit, quod juramento non promittatur aliquid, quod sit iniquum, & illicitum: unde, si juro me facturum aliquid, quod sit peccatum mortale, pecco. Quæ conditio pertinet ad juramentum promissorium, cujus iustitia exigitur, ut res, quæ promittitur, non sit illicita.

Per *judicium* verò intelligitur, quod adhibeatur diligentia, ut cognoscatur, an hic, & nunc sit jurandum; Nam, qui in rebus faciendis talem diligentiam adhibent, dicuntur procedere cum iudicio; & ideò iudicium juramenti in hoc stat, ut non juretur, nisi ad sit aliqua necessitas, vel utilitas ad jurandum.

4 Sed quæritur, *an defectus iudicii in juramento, vel jurare sine causa, & necessitate sit mortale?*

Resp. Per se non est mortale, sed solum veniale, quia levis irreverentia Deo irrogatur ex eo, quod ejus nomen sine utilitate, & necessitate invocetur. *Campion. p. 2. cap. 35. num. 3.*

5 Sed quid, *si desit iudicium, seu non adhibeatur diligentia ad videndum, an sit verum, & iustum, quod juratur?*

Resp. Est mortale ob periculum jurandi falsum, & iniquum, etiam si contingeret, quod esset verum id, de quo juratur, quia per accidens esset, quod esset verum, & licitum.

6 Quæritur, *an in juramento assertorio detur parvitas materiae, seu, an advertenter jurare falsum in re levi, excuset à mortali: interrogor, an viderim Petrum currere, quem vidi, sed cum juramento nego: per Deum non vidi: requirit à me aliquis pugillum tabacchi, quem habeo, & ego id nego: per Deum non habeo.*

Resp. Negativè; nam semper est mortale; patet ex decret. Innoc. vocare enim Deum in testem falsi, etiam causa joci, est gravissima ejus injuria; quia est summa veritas, cui infinite falsitas repugnat; & ideò sic jurans est perjurus propter defe-

ctum veritatis; etenim perjurium strictè sumptum est jurare contra mentem, hic autem contra mentem jurat; nam in mente habet se habere Tabacum, & ore id cum juramento negat.

7 Sed quæritur, *an in juramento promissorio in re levi à mortali parvitas materia excuset, ut, si jurem me daturū Petro acum, & non intendam dare?*

Resp. Etiam in juramento promissorio ex dictis, est necessaria veritas dicti, hoc est, intentio jurandi, animo se obligandi, & adimplendi, quod quis promittit; ideò, si jurat acum dare, debet, dum jurat, habere similes intentiones, aliàs mentitur, & Deum vocat in testem falsi.

8 Sed quæritur, *an teneatur postea acum dare, adeò ut si non det, peccet mortaliter, & perjurus sit?*

Resp. Sententia aliquorum est; quòd si, dum jurat dare, habet intentionem jurandi, se obligandi, & animum exequendi, quamvis postea, mutata voluntate, non det, peccet venialiter propter parvitatem materiae; cum non videatur Deo gravis irreverentia irrogari. Quæ sententia non placet, Cajetano, Poncio, Quilici, & aliis. Cum quibus sentimus. Falsitas alterius sententiæ patet; nam in juramento promissorio duplex veritas reperitur, *unadicti, & intentionis*; ut quis nimirum, dum jurat, verum dicat, hoc est, habeat intentionem jurandi, promittendi, & animum exequendi, quod promittit; *alia facti, & executionis*, ut tempore suo impleat, quod juramento promissit: per istam distinguitur ab assertorio; nam assertorium obligat solum ad dicendum verum, promissorium autem, etiam ad faciendum postea, quod promittitur. Undè, si acum non det, mortaliter peccat contra secundam veritatem juramenti; videtur enim gravis irreverentia non facere id, ad quod faciendum adductus est Deus in testem; & fidei jussorem. Tum quia, jurans assertoriè, quòd Petrus dormit, peccat mortaliter, si verum non sit, quamvis sit res parvi mo-

menti, quod Petrus dormiat, vel non, quia adducit Deum in testimonium falsi: ergo promittens facere rem parvi momenti, mortaliter peccat, si non fecerit, quia adducit Deum in testem, quod sit facturum talem rem.

9 Dices, esse discrimen inter juramentum assertorium, & promissorium, quod jurans assertoriè falsum, mentitur, & perjuret perjurio propriè dicto, non implens autem juramentum promissorium non mentiatur, nec perjuret, sed solum sit infidelis?

Resp. Etiam si totum concedatur, non sequitur cum non peccare mortaliter; nam, sicut adducens Deum in testimonium falsi, peccat mortaliter, sic dans ipsum pro fidejussore ad implendi promissum, debet mortaliter peccare, si non impleat, quia certè Deo gravem irreverentiam facit (licet non tam gravem, quam perjurando), & peccat contra secundam veritatem juramenti; potestque dici perjurus, non in sensu proprio, & quatenus juret contra mentem, sed solum quatenus perjurium capit pro animo non implendi, quod juravit, cum deberet implere; seu, pro defectu non adimplendi suo tempore, quod juravit quis se facturum.

10 Dices, ergo sequitur, quod jurans recitare unum Ave peccet mortaliter, si non recitet?

Resp. Affirmativè; nam, cum res promissa, licet parva in se, sit tota materia juramenti, si omittatur, deficit tota veritas secunda juramenti, & gravem facit Nomini divino irreverentiam, cum vocet in testem, se Ave recitare, & postea non recitet: dixi licet parva in se, quia, ut subest juramento, est assumpta, ut quoddam totum.

11 Sed quid, si jures Rosarium dicere, & unicum Ave omittas?

Resp. Si non intendis recitare Rosarium integrè omnino, tunc mortaliter non peccas, omittens, quod respectu integri Rosarii, est materia parva. Vid.

Cajetan. *ad loc. cit.* D. Thom. *art. 7. Quilibet confess. manud. q. 15. art. 2. nu. 4.* Pontium *disp. 60. q. 5. num. 55.*

12 Quæritur, an jurans sine intentione jurandi, seu invocandi divinum testimonium in confirmationem rei, que assertitur, peccet mortaliter?

Resp. Affirmativè, juxta decret. Innoc. damnantis 25. *prop.* nam tunc mentitur, cum in mente habeat aliud, quam hic, & nunc verba significant. Nota: cum dicas, *per Deum cras tibi dabo centum*, tria, hæc verba significare. 1. Te invocare divinum Nomen in confirmationem tue promissionis. 2. Te habere animum promittendi, & te obligandi, & 3. Te habere animum exequendi. Sicut igitur, si, dum juras dare, non habeas animum jurandi, te obligandi, & intentionem exequendi, mentiris, & vocas Deum in testem mendacii, ex quo verba hic, & nunc significant te habere talem animum: ita, dum juras: *per Deum dabo centum*, sine intentione adducendi divinum testimonium in confirmationem veritatis, mentiris, quia habes in mente aliud, quam hic, & nunc verba significant; cum significant te adducere divinum testimonium in confirmationem propositionis, quam profers, & aliud intendis.

13 Sed quæritur, requiritur ne, quod habeam expressè hanc intentionem, volo jurare; seu invocare Deum in testimonium meæ promissionis?

Resp. Crediderim sufficere, quod voluntariè proferas illa verba juratoria, quæ ex se significant, quod Deus invocetur in testimonium promissionis, vel dicti; nam, cum hæc verba: *per Deum Petrus est domi*, sint de se significativa, quod invocetur Deus in testimonium, quod Petrus sit domi; certè, qui talia profert, jurat: & perjurat, si, cum id dicit, putet ipsum non esse domi; audientes enim illa verba, intelligunt ipsum jurare, & habere intentionem jurandi. Fagnah. *in 5. ad cap. falsidicus de crimine falsi nu. 120.* Et De la Cruz *direct. cons. de juram. conc. 1.*

dixit,

dixit, ut quis verè juret, non est necesse, ut velit sic explicitè Deum in testem per juramentum adducere, sed sat est, ut intendat facere, quod alii faciunt, quando jurant; aliàs plures possent se excusare ab implemento juramentorum; nam possent dicere, se ignorasse per juramentum adduci Deum in testem: ex quo plura absurda orirentur in humana societate, & divinum testimonium contemneretur.

14 Quæritur, *quid agendum Confessario cum habente consuetudinem jurandi?*

Resp. De hoc vide infra cap. 37.

15 Quæritur, *an mortaliter peccent nobiles, & Aulici, qui, dum simul ambulaturi, procedunt jurant se non ituros ad dexteram, non seffuros primo loco: per Deum non ibo; & per Deum non sedebo; & postea victi aulicismo, & invitatione dexteram, & primum locum accipiunt?*

Resp. Si, dum jurant non habent intentionem jurandi, & se obligandi ad non capiendum primum locum, mortaliter peccant, ex defectu veritatis juramenti; si verò habent intentionem jurandi, sed non animum se ad id obligandi, pariter mortaliter delinquant, ut notarunt Gabriel. & Sum. Leand. *ver. condit. juramen. num. 105.* ex eo, quod adducant Deum in testem falsi, & fidejussorem promissionis non intentæ; quod id mihi certum videtur; quia dum jurant, non modò vocant Deum in testimonium se habere voluntatem non accipiendi dexteram, sed etiam illam non capiendi: quare, dum postea eam accipiunt, faciunt contra veritatem facti, & executionis juramenti. Nec obstat, quod sit res levis: quia semper deest veritas executionis juramenti; & quo ad hanc Deus in testem falsi vocatur.

Nec est dicendum juramentum esse virtualiter conditionatum, quòd scilicet non sint accepturi, nisi pars inister, vel ipsa primum locum recuset. Nam hæc conditio non videtur rationalis, & sufficiens

ad non implendum juramentum, aliàs quævis juramenti obligatio posset eludi.

Non negamus in juramento promissorio, licet absolute facto, aliquas tacitas condiciones contineri. 1. *Si potuero, & quidem licitè, ex cap. querelam de iurejurando.*

16 Sed quid, *si una pars sit possibilis, & alia impossibilis, ut si promissisti dare centum, possis dare solum quinquaginta, an quoad totam summam subintelligatur ea conditio?*

Ref. Negative, sed teneris ad quinquaginta: nam utile per inutile non vitiatur, si utile ab inutili separari possit, ut in casu ex regula 37. *jur. in 6.*

II. Conditio est; *salvo jure, & auctoritate Superioris, si ob justam causam voluit juramentum relaxare, vel dispensare, arg. ex cap. non est, de voto: ubi non dicitur voti transgressor, qui, quod vovit, auctoritate Sedis Apostolicæ distulit adimplere.*

III. Nisi is, *in cuius gratiam, & utilitatem juramentum est factum, obligationem remittat.*

IV. Si res in eodem statu permanserit, *sive notabiliter non mutetur: sumitur ex cap. veniens: cap. Brevis, accap. quemadmodum, de iurejurando.*

17 Quæritur, *an graviter peccent mercatores, dum jurant rem sibi tanti, vel tanti stetisse granum, vel vinum non esse mixtum: equum non esse vitiosum: rem venalem non esse antiquam &c. dum aliàs affirmant, se non posse iustum pretium ab emptoribus obtinere?*

Resp. Affirmative, si contra veritatem jurent; nam contra eam nulla ratione est jurandum. Sæpè similibus juramentis emptores decipiunt, & ut plurimum pretium exigunt ultra iustum; propter quod ad restitutionem tenentur.

18 Quæritur, *an mortaliter peccent filii, & uxores, quæ, ne cognoscantur suo muneri non satisfecisse, ad conservationem pacis domestica, & civitatem rixæ, & ne a parentibus, ac maritis du-*

duris verbis tractentur, mendaciter cum juramento negant hoc, vel illud dixisse, fecisse, aut vidisse, ut; per Deum non vidi: illud feci &c.

Resp. Affirmativè, nam mentiuntur, & Deum invocant in testimonium mendacii. Unde totus debet esse Confessarius ad similes jurandi abusus tollendos, eis significando gravitatem perjurii, & quod, dum similia agunt, Deum graviter offendunt.

19. Quæritur, *an obliget juramentum extortum vi, & metu, injustè à causa extrinseca illato, etiam cadente in virum constantem, ut, si quis ex metu mortis, juramento promitteret latroni, volenti eum occidere, dare centum?*

Resp. Affirmativè; habetur expressè *cap. si verò, & cap. verum de iurejurando*; & juramentum in casu ob reverentiam divini Nominis est implendum: nam res jurata non est illicita, & potest impleri sine peccato dantis, & recipiens potest non recipere; & si recipiat, contra justitiam ex sua malitia peccat: quemadmodum peccavit, quando illud coegit jurare.

20 Sed quid dicendum, *si latro coegisset, ut etiam juraret ad non repetendum.*

Resp. Tunc non posset repetere, sed deberet latronem Principi denunciare.

21 Sed quid, *si etiam exegisset juramentum de non denunciando?*

Resp. Juramentum esset illicitum, & ideo non servandum: *ex cap. ad nostram il 2. de juram. Et D. Thom. cit. artic. 7. ad 3.* quia est contra justitiam publicam, & in damnum Reipublicæ.

22 Sed quid dicendum, *de eo, qui juravit solvere usuras.* Vid. *lib. 1. cap. 31. num. 43. & infra cap. 24.*

23 Quæritur, *quot peccata committit, qui jurat peccare mortaliter, occidere, adulterare, &c.*

Resp. Si non habet intentionem jurandi, nec implendi juramentum, pec-

cat mortaliter peccato perjurii, quia deficit veritas juramenti; si verò habet intentionem jurandi, & implendi juramentum, tria mortalia committit: unum, gravis irreverentiæ in Deum adducendo ipsum in testimonium actus mortaliter illiciti: aliud, intendendo se obligare per juramentum ad peccandum mortaliter: & tertium, habendo intentionem peccandi mortaliter.

24 Sed dubitatur, *an in casu juramentum obliget?*

Resp. Negativè; nam juxta regul. 58. *iuris in 6. non est obligatorium contra bonos mores, prescriptum juramentum*: quia non est institutum, ut sit iniquitatis vinculum 22. *quæst. 1. cap. inter cetera*: absurdum enim est, quod quis obligetur ad peccandum.

25 Sed quid, *si juramentum sit de re indifferenti, nec bona, nec mala: ut, si jure levare à terra festucam, ad molendinum, vel officinam alicujus non accedere?*

Resp. Si habuit intentiones requisitas ad veritatem juramenti, tenetur illud implere, quia justitia in juramento exigat, ut non sit de re illicita, sed res indifferens non est illicita, ergo juramentum de re indifferenti obligat: nil enim mali est in adimplemento. Contraria sententia defenditur à Layman lib. 4. *tract. 3. cap. 6. num. 3.* sed prima est tutior: nec est paritas de voto; quod, cum esse debeat de meliori bono, de re indifferenti non obligat, ex dicendis *lib. 3. cap. ult.*

26 Quæritur, *quot peccata committit Pater jurans se occisurum filium?*

Resp. Si absque intentione juravit, est perjurus, & sacrilegus contra veritatem juramento debitam; si cum intentione, tria peccata committit: unum, quia violat justitiam juramenti, jurans de re illicita, (& in hoc pariter peccat contra Religionem) secundum, quia violat justitiam commutativam intendens inferre mortem proximo: &

tertium, quia violat pietatem, intendens inferre mortem filio: & tot numero peccata committit, quot sunt numero filii.

Adverte, quod, dum parentes jurant se castigaturos filios, possunt etiam eos non castigare, quia in tali jurata promissione implicite continetur hæc conditio: *nisi veniam rogent: nisi se emendaverint &c.* nec tunc peccant; modò, quando jurarunt, habuerint intentionem jurandi, & castigandi sub ea conditione, arg. *ex cap. pervenit il 2. de jurejuram.*

27. Quæritur, an peccet mortaliter Princeps Christianus petens juramentum à Rege idololatra, parato jurare per falsos Deos?

Resp. Negativè, sic D. Thomas 2. 2. *quæst. 98. art. 4. ad 4.* ex quo notetur; quòd, dum ego, V. G. cum Petro debeo aliquod opus facere, quod prohibitum est, non mihi, sed Petro, peccabo, si absque urgenti necessitate, & spontè concurram simul cum Petro ad tale opus, nam cooperabor peccato illius, & illum ad peccatum inducam. Si verò habeam necessitatem concurrendi cum ipso, tunc ego utor malo Petri in meum bonum, vel utilitatem Reipublicæ; modò: Rex idololatra, & Christianus debent pacem jurare: Christianus ab eo petit juramentum ad tuendum suum jus, & in bonum Christianæ Reipublicæ utitur jure suo, ac juramento malo idololatæ, sibi providet ad proprii negotii securitatem; neque intendit peccatum Idololatæ, seu venerationem Idoli, sed solum bonum publicum, & confirmationem pacti, per verba externa. Sic Abram recepit juramentum à Labam Idololatæ ad pacem suæ posteritatis. Genesis 31. Judex etiam ex officio (non persona privata) propter utilitatem Reipublicæ potest à reis paratis perjurare juramentum exigere, aliàs, nimis Respublica perturbaretur: nam rei, ut se eximerent ab interrogationibus Judicis, fingerent se velle per-

jurare: & hinc quæ mala in Republica non forent?

28. Quæritur, accedit penitens, & se accusat: Pater suicaptivus apud Turcas, juravi meo domino ad ipsum redire post sex menses, modò sextus currit, quid agendum mihi est?

Resp. Debes redire, ad id enim te obligat juramentum, & debes potiùs etiam mortem subire, quam illud non implere, propter quod es ad istud tempus dimissus. Idem dicitur de eo, qui juraret redire ad carcerem, etiam si esset morte afficiendus justè, aut injustè; nam, si non jurasset redire, non fuisset ad tempus dimissus, & sic morte, sive injustè, sive justè afficeretur.

29. Sed, nonne possem in primo casu petere relaxationem, & dispensationem?

Resp. Negativè, nam teneris vitare scandalum, quod oriretur in infidelibus de Christiana Religione.

30. Quæritur, penitens se accusat: Pater, juravi dare decem Francisco, sed dubito, an habuerim intentionem me obligandi, vel exequendi: quaro, an teneam dare?

Resp. Affirmativè, teneris eligere tutiorem partem, & juramentum servare; nam in dubiis tutior pars est eligenda.

31. Sed quid, dicendum, si afferat: juravi me ducturum Bertam, sed postea fornicationem commisi: peto, an teneam eam ducere?

Resp. Negativè, ex cap. *quemadmodum de jurejuram.* nam de novo emergit aliquod impedimentum, ut ait D. Thomas *cit. quæst. 89. art. 7. ad 2.* Penitens, non prævidit fornicationem fæminæ, cui juramento se obstrinxit; & consequenter non se obligavit ad ducendam fornicariam; aliàs, si post juramentum fieret meretrix, deberet eam ducere, quod est falsum; prudenter enim præsumitur deobligari jurantes, quando supervenit aliquod impedimentum, quo stan-

stante , si à principio de ipso potuisset haberi notitia , non fuisset præstitum juramentum .

32 Quæritur , *penitens se accusat : Pater , juravi me non facturum Religiosum , ducturum uxorem , non erogaturum elemosynam notabilem , non daturum mutuo , & similia , quero , an teneat ad iuramentum servandum , & an peccaverim , quando juravi ?*

Resp. Idem D. Thomas cit. ad 2. his verbis , ait , *si quis iuret , se non facturum aliquod melius bonum , quod tamen facere non tenetur , peccat quidem jurando , in quantum ponit abicem Spiritui Sancto , qui est boni propositi inspirator : non tamen peccat iuramentum servando , sed multò melius facit , si non servat ;* unde in casu peccat contra iustitiam iuramenti , quia , etsi malum non sit in seculo vivere , & nubere &c. malum tamen est se firmare in proposito non eligendi bonum melius . Hinc regula generalis est , quod iuramenta incauta (quibus , quis jurat se non facturum , quod esset melius facere , licet non teneatur illud facere) non obligant : ratio est , quia sunt in præjudicium animæ , & non pertinet ad Dei reverentiam , ut fiat opus minus bonum , omisso meliore .

33 Diccs , contra hoc videtur esse textus in cap. *commissum de sponsalib.* ubi Pontifex respondens dubio , quod quidam , præstito iuramento , promissit mulieri se contrañturum cum ipsa infra biennium : & postea cum promissioni nolle stare , sed transire ad Religionem , ait : *tutius est ei , Religionem iuramenti servata , prius contrahere , & postea ad Religionem ante consummationem copula migrare :* ergo iuramentum de contrahendo matrimonio obligat .

Resp. Pontifex dicit esse tutius , quia cum biennium esset in fine , poterat contingere , quod , nec contraheret , nec intraret Religionem , & idcò respondet , tutius est , quod contrahat , & postea

poterit ad Religionem transire ; si autem non contrahat , & Religionem intret , non peccat , nec iuramentum infringit , sed in melius commutat , ut ibi Glof. in verb. *tutius* , & cap. *pervenit il 2. de iurejurando* ; promissio enim videtur virtualiter conditionata : *nisi mutetur in melius* .

34 Quæritur , *an firmans sua dicta hac formula : peream , si non ita sit , ut dico : per salutem meam est verum : juret ?*

Resp. Affirmativè , quia sensus est : *Deus me interficiat , vel vita privet , si non est verum , quod dico :* hic adducitur implicite Deus in testimonium proprii dicti : nam jurare , est adducere Deum in testem , vel explicitè , ut *juro per Deum : testor Deum : Deus sit mihi testis &c.* vel implicitè , cum juras per creaturas ; nam tunc non juras adducendo eas in testimonium infallibilis veritatis , quia ipsæ infallibiles non sunt , sed juras per eas , ut in eis repræsentatur Deus ; & sic implicitè invocatur in eis Deus ; pro quo .

Nota , quòd quoties juratur per creaturam , quæ aliquam insignem dignitatem habet à Deo , & in qua excitatur , quodam modò peculiariter in nobis memoria Dei , vel ejus attributorum , tunc est relatio ad Deum , & est verum iuramentum : ut , si jures : *per Evangelium ; per fidem Christi ; per Beatos ; per Sacramenta : per Sanctissimam Virginem ; per Sanctam Crucem , per fidem Catholicam &c.* nam juras per res , in quibus Deus , ejusque Sanctitas elucet , & specialiter in Deum referuntur ; Ad quod reducitur , si creaturis addas Deum : *ut per ignem Dei &c.* ipsa enim explicita nominatio Dei , ipsum invocari probat .

35 Sed quid de eo , qui hac utitur : *Demon me asportet , si non est verum ?*

Resp. Jurat , quia implicitè invocatur Deus , ut sit vindex falsitatis , & falsitatem castiget , exercendo per eum suam justitiam .

justitiam; sicut etiam juramentum est dicere: *per salutem meam*; nam sensus est; *Deus me salute privet, si non est verum*; & ideo implicite, & inconfuse Deus invocatur: quemadmodum credo juramentum esse: *per animam meam*; quia censetur, quod quis velit specialiter obligare Deo animam suam, ut ipsam damnet, si non est verum.

36 Sed quid, *si dicat*: in mea conscientia: in fide boni viri, ita est?

Resp. Non jurat, quia sensus est: loquor, ut decet bonum virum, seu juro in mea conscientia, id est, loquor, quod scio esse conforme meæ conscientiæ, & cognitioni.

37 Sed quid, *si dicat*: juro: ita est?

Resp. Crediderim jurare, nam audientes id intelligunt.

38 Sed quid, *si dicat*: vivit Deus: Deus est veritas: coram Deo loquor; Deus scit?

Resp. Si hæc fumantur invocativè, utpotè invocando divinam præsentiam, conscientiam, & veritatem in testimonium asserti, jurat; non verò, si fumantur enunciativè, & per modum narrationis: ut, *Deus scit, Deus videt, quod non mentior: ego loquor coram Deo, seu Deum præ oculis habeo ad non mentiendum*; quando autem uno, vel altero modo fumantur à circumstantiis colligitur; & particulariter, quod fumantur invocativè, cum exigitur juramentum.

39 Sed quid, *si dicat*, hoc est tam verum, quam Deus, quam Evangelium.

Resp. Si credat, quod veritas sui dicti sit tanta, quanta est veritas Dei, & Evangelii, est hæreticus: si verò internè id non credat, & ore proferat, est blasphemus hæreticalis. Quod si intendat confirmare suam veritatem veritate divina, nimirum, quod ita suo modo, & in linea finitæ veritatis, sit verum, quod asserit, sicut in linea infinitæ veritatis, Deus est verus, jurare non est dubium; sed à

simili modò loquendi abstinendum omnino est.

40 Sed quid *de jurante*: nego Deum, nisi hoc, vel illud fecero: nisi vindictam fumam de meo inimico &c.

Resp. Triplex peccatum committit; unum, contra justitiam, dum vult proximo malum inferre; vel contra eam virtutem, cui malum propositum opponitur. Secundum, contra reverentiam Deo debitam, dum vocat in testimonium sui iniqui propositi. Tertium blasphemix, qua divinam bonitatem vilipendit; & Dei existentiam, & fidem de ipso vult, quasi pendere ab executione mali propositi; & insuper peccato scandali, dum dat occasionem audientibus, ut concipiant eum vilipendere, ac Deum contemnere.

41 Quæritur, *quinam possint relaxare juramenta?*

Resp. I. Juramentum factum in favorem tertii, ab isto potest relaxari. II. illud factum in Dei gloriam, potest quisque commutare in rem evidenter meliorem: sic, qui juravit dare Ecclesiæ calicem æneum, satisfacit tradendo argenteum, & per jejunium in pane, & aqua satisfacit juramento de jejunando absolute. *Pl. 3. c. ult.*

42 Quæritur: *an reus interrogatus ab Judice teneatur veritatem fateri, & jurare, si Iudex juramentum exigat?*

Resp. Responsio habetur ex D. Thoma 2. 2. *quest. 69. art. 1.* in corpore. Ubi: „Quicumque facit contra debitum justitiæ, mortaliter peccat. Pertinet autem ad debitum justitiæ, quod aliquis obediatur Superiori, in iis, ad quæ jus Prælationis se extendit. Iudex autem est Superior respectu ejus, qui judicatur; & ideo accusatus tenetur Judici veritatem exponere, quam ab eo secundum formam juris exigit; & ideo, si confiteri noluerit veritatem, quam dicere tenetur, vel, si eam, mendaciter negaverit, mortaliter peccat.

„ Si verò Judex hoc exquirat, quod
 „ non potest secundum ordinem juris,
 „ non tenetur accusatus respondere; sed
 „ potest, vel per appellationem, vel aliter
 „ licite subterfugere: mandacium
 „ autem dicere non licet. *Et ad tertium*
 „ *habet*: qui mentitur in judicio, ut se
 „ à morte liberet, non solum facit contra
 „ dilectionem Dei, cujus est judi-
 „ cium, & contra dilectionem proxi-
 „ mi, ex parte Judicis, cui debitum
 „ negat, sed etiam ex parte accusato-
 „ ris, qui punitur, si in probatione de-
 „ ficiat.

43 Sed petitur, quando Judex cen-
 seatur interrogare secundum formam
 juris?

„ Resp. *Idem S. D. ibidem* art. 1. in cor-
 „ pore, ait: dicendum, quòd aliud est
 „ veritatem tacere, aliud est falsitatem
 „ proponere, quorum primum in ali-
 „ quo casu licet. Non enim aliquis te-
 „ netur omnem veritatem confiteri, sed
 „ illam solum, quam ab eo potest, &
 „ debet requirere Judex secundum or-
 „ dinem juris: puta, cum præcessit in-
 „ famia super aliquo crimine: vel aliqua
 „ expressa indicia apparuerint: vel
 „ etiam, dum, præcessit probatio se-
 „ miplena. Falsitatem autem propone-
 „ re in nullo casu licet. *Ex his Confes-*
 „ *sarius discurret.*

44 Quæritur, an juramentum factum
 per errorem, ignorantiam nimirum,
 non causatam fraude alterius; aut per
 dolum, hoc est ignorantiam fraude alte-
 rius causatam obliget?

Resp. Negativè: ratio est, quia sic ju-
 rans, non jurat absolute se facturum,
 sed ex hypotesi, quod ita sit res, sicut ex
 errore, aut dolo concipit ipsam esse, er-
 go, cum ita non sit, non ponitur conditio;
 & sic non tenetur adimplere: nec
 peccat jurando, si cætera conditiones
 habeantur ad rectè jurandum requisi-
 tæ. Hinc fit, quòd dum juras dare ele-
 mosynam Petro, quem credis pauperem,
 non teneris implere, dum reperis

esse divitem, & non egere; quia præcisa
 ignorantia non te obligasset. Ita vincu-
 culo juramenti non ligantur, qui vi frau-
 de, vel dolo inducuntur jurare: nam dulus,
 & fraus sunt causa promissionis, qui-
 bus præcisis, nec promississent, nec jura-
 mento promissionem confirmassent. De-
 ducitur ex cap. Cum contingat de iure
 jurand. Ubi deciditur servanda esse ju-
 ramenta, *sine vi, & dolo spontè præ-*
stita, cum in alterius præjudicium non
redundant, nec observata vergunt in dis-
 pendium salutis æternæ. Ergo à contra-
 rio sensu infertur: quod juramenta vi,
 & dolo extorta, & non spontè præstita
 non ligant; quia, cessantibus hujusmodi
 circumstantiis, præstita non fuissent.
 Natal. Alex. Theolog. dogmat. t. 2. lib. 4.
 cap. 4. art. 3. regul. 10. Cæterum istis etiam
 in casibus tutius est, si petatur absolutio,
 ut docent plures DD. cum S. Antonino p.
 2. tit. 10. cap. 6. Nam juramentum, etiam
 dolo extortum, decet religiosas mentes
 habere, ut probat exemplum Josue, &
 Principum Israël. Josue 9. qui circum-
 venti dolo Gabaonitarum pacem ipsis,
 & incolumitatem jurarunt: quam, etiam
 comperto dolo, servarunt propter reli-
 gionem juramenti, volentes ex reveren-
 tia erga Deum verificare ea, quæ per no-
 men ejus promiserunt, ut per Gonzalez
 in 2. tit. 24. cap. 6. n. 3.

45 Quæritur, An detur obligatio ali-
 quando jurandi, adeò ut quis peccet, ni-
 si juret?

Resp. Per se hæc obligatio non datur;
 potest tamen per accidens quis ad ju-
 randum obligari, ut, cum sine juramen-
 to non potest servari charitas. Ideo te-
 nemur jurare, ubi vel lex, vel præce-
 ptum superioris ad id obligant; aut cum
 agitur de salvando innocente; tunc enim
 ratio naturalis dicat esse jurandum, &
 proximo innocenti succurrendum.

Per illud autem Christi Matth. 5. Ego
 autem dico vobis non jurare omnino.
 Christus non damnat absolute juramen-
 tum, sed reprobatur Judæorum abusum,
 qui

qui putarunt, nihil esse in juramento cavendum præter mendacium; & propterea in rebus levissimis, & absque necessitate sapientissime jurabant, & ab aliis juramenta exigebant. Hujusmodi abusus à Christo improbat; instrumiturque ab juramento abstinendum, nisi gravis necessitas nos jurare compellat. Atque ita cum de rebus levibus agitur, & in familiaribus colloquiis non est adhibendum. Cum enim juramentum institutum sit in subsidium, & remedium infirmitatis audientis (qui aliis non crederet, verum esse, quod audit, nisi testimonio Dei confirmaretur) non est eligendum, nisi in rebus gravis necessitatis; aliàs gravis irreverentia irrogatur Deo, adducendo ipsius auctoritatem in rebus nullius momenti: est utique juramentum per se bonum, sed de genere eorum bonorum eligendorum posita aliqua necessitate, ut per D. Thom. 2.2. *quest.* 89. *art.* 5.

46. Quinimò ex ea facilitate jurandi oritur periculum, ut quis in perjurium labatur: ut optime Augustinus *de mendac. cap.* 15. *ibi: & sic offendit, quomodo accipiendum esset, quod dictum est: dico vobis non jurare omnino: ne scilicet jurando ad facilitatem jurandi veniatur, ex facilitate ad consuetudinem, atque ita ex consuetudine in perjurium decidatur.*

47. At petitur. *In quo consistat irreverentia, qua Deo per perjurium irrogatur?*

Resp. In hoc, quòd vocans Deum in testimonium rei falsæ, aut concipit Deum non esse infinitè sapientem, & ignorare veritatem dictæ rei, aut putat non esse summè bonum, sed posse, & velle sua suprema, & infallibili auctoritate confirmare, & approbare rem illam falsam. In quo sanè Deo maxima injuria tribuitur, ut est evidens. Legatur Vanni *tom.* 2. *il Catechismo in pratica istruct.* 44.

48. Queritur, *An possit Christianus recipere juramentum ab Idolola-*

tra, quiper falsos Deos iuraturus est?

Resp. Per se non potest, bene verò, per accidens, ut si publica pax, vel contractus magni momenti aliàs firmari non possit; tunc enim iustæ, & necessariæ causæ occurrunt ad bonum Christianæ Reipublicæ, propter quas licet ab Idololatra juramentum recipere, & exigere; exemplo Jacob *Genes.* 31. *num.* 54. qui ad securitatem, & pacem suæ posteritatis juramentum recepit à Laban Idololatra per Deum Nachor, falsum Deum. Consideratur enim, quòd juramentum malum non est, & bene, hoc est per Deum verum etiam ab eo fieri potest. Nec invitatur ad crimen, quia non compellitur ad jurandum per falsos Deos, sed ad jurandum simpliciter. Nec intenditur peccatum Idololatriæ, aut veneratio Idoli, sed solum bonum publicum, & proprii negotii securitas, ac confirmatio. Neque item datur occasio pejerandi, quia sic jurare paratus est. Sicut non subministrat occasionem peccandi usurario, qui, ut suum pignus recipiat, solvit usuras; nec latroni, qui coactus pecunias proprias tradit; de quo D. Augustinus *Epist.* 43. (aliàs 154.) *ad Publicolan cap.* 1. *ibi. Qui utitur fide illius, quem constat iurare per Deos falsos, & utitur non ad malum, sed ad licitum, & bonum, non peccato ejus se sociat, quo per Demoniam juravit, sed bono pactoris, quo fidem servavit. Vid. allegat Natalem reg.* 14.

49. Dices. Non licet juramentum exigere ab eo, quem pejeraturum esse novimus: ergo nec ab eo, qui per falsos Deos est juraturus.

Resp. Negando consequentiam; delictum est, quia cum iusta causa exigitur juramentum ab eo, qui per falsos Deos est juraturus, habetur finis juramenti, hoc est confirmatio veritatis. Cum autem juramentum ab eo exigitur, quem quis novit esse pejeraturum, nec ille finis, neque aliquod aliud bonum inde est expectandum; per D. Thom. *tit. art.* 4. *ad* 4.

50 Consideret Confessarius obligationem juramenti promissorii posse pluribus modis tolli.

I. Impediendo illam ab initio, juxta text. *Trid. cap. 16. sess. 25. de regul.* ubi statuitur, quod nulla sit renunciatio, aut obligatio, etiam juramento firmata, facta antè duos menses professioni proximis.

51 II. Mutatione materiæ finitur obligatio juramenti, si eventus reddit rei juratæ implementum impossibile: Juramentum enim intelligitur, rebus sic stantibus, *cap. Quemadmodum d. tit.* Idemque procedit, si res jurata reddatur illicita, *cap. Quanto allegat. tit.* quia venit obligatio ad casum, à quo incipere non poterat.

52 III. Condonatione etiam, cessat obligatio juramenti, hoc est, remissione facta ab eo, in cujus favorem, & gratiam præstitum est, *cap. Præterea de sponsalib.* in omni enim conditione jurata inest conditio, si is, in cujus favorem præstitum est, voluerit juramentum servare *l. fin. ff. qui, & à quibus.* Nam de juramento dicitur, quod sapit naturam actus, cui adhæret; per quod significatur, quod cum juramentum adjungitur actui, qui ex ratione contractus obligationem producit, obligatio juramenti regulatur per obligationem, & juxta modum illius, adeo ut, ea cessante, cesset obligatio juramenti. Siquidem eo casu adducitur juramentum in confirmationem illius actus. Quare, si in promissione subintelligantur aliquæ conditiones, etiam in juramento illæ tacite veniunt: & sicut casu, quo ille, cui promissio est facta, nolit sibi promissionem impleri, cessat obligatio promissionis, ita cessat obligatio juramenti, per D. Thom. *cit. quest. 89. art. 20.* & Gonzalez *cit. cap. 24. cap. 28. nu. 11.* Ubi *cap. 1. sub nu. 8.* notavit, quod ubi principaliter utilitas partis vertitur, Deo non est, quæsitæ obligatio; sed tantum est vocatus in testem ad confirmandam veritatem promissam; & quemadmodum

in contractibus humanis sine ulla injuria testium partes communi consensu discedunt à contractu, & alter alteri remittit obligationem; ira etiam possunt remittere obligationem juramenti sine injuria Dei vocati in testem; maxime quia Deus in testem vocatus juramentum ratum, & acceptum habet in commodum, & favorem partis; Et proinde, ea condonante, Deus remittit; hæc ille.

53 IV. Obligatio juramenti tollitur commutatione, dum res jurata in aliam materiam transfertur, *l. 2. §. mutui ff. de reb. creditis.*

54 V. Irritatione etiam tollitur obligatio juramenti, quando ejus materia sudditur alterius potestati, *cap. Pueri, & ibi Glos. c. Pervenit 22 q. 5.* In omni enim juramento promissorio subintelligitur, nisi contrarium præcipiat, & velit superior quoad ea, in quibus jurans dependet ab illo. Unde hic etiam currit maxima, quod juramentum purum resolvitur in conditionale, quod fit à lege, ut ubi supra Gonzalez. Unde habentes potestatem dominativam, ut parentes respectu filiorum: mariti respectu uxorum, & Prælati Regulares possunt suorum subditorum juramenta respectivè irritare. Censetur enim facta cum conditione saltem tacita: si nimirum hi, quibus sunt subiecti, approbaverint: nullus enim absolute jurare potest in præjudicium alterius. Mayol. *summa p. 1. art. 4. exposit. 2. præcept. Armilla in sum. v. juramentum.* Et Abellii *medull. p. 2. tract. 2. cap. 4. sect. 2. §. 4. n. 3.*

55 VI. Cessat obligatio juramenti relaxatione, absolutione, seu dispensatione. Quæ Differt à commutatione, irritatione, & condonatione. Nam per relaxationem, & dispensationem tollitur omnis obligatio juramenti, remittente Prælato Ecclesiastico virtute jurisdictionis spiritualis obligationem juramenti, & declarando materiam non fuisse juramento aptam; per commutationem vero obligatio in aliam materiam transfertur. Irritatio pariter pertinet ad potestatem

tem

tem dominativam, & nulla causa indiget, ubi relaxatio spectat ad potestatem Ecclesiasticam, & requirit iustam causam. Differt etiam à condonatione; quia condonatio fit à parte, cui juramentum est præstitum.

56 Romanus Pontifex, utpote Supremus Rector Ecclesiæ habens plenitudinem potestatis potest in omni juramento ex causa rationabili, cessante damno tertii, dispensare, & relaxare, ut tradunt DD. communiter Gonzalez *ibid. num. 11*. Abellii §. 4. in fin. & Mayol. *d. art. 4.* ubi explicat illud ex *rationabili causa*, & *cessante damno tertii*: isto enim cessante, ita juramenta subiiciuntur Ecclesiæ potestati, sicut & vota.

57 Episcopi possunt cum suis subditis in juramentis dispensare, modò non habeant adnexum votum Papæ reservatum, vel inde non resultet præjudicium tertie personæ non consentientis. Ceterùm, ubi observatio juramenti promissorii bono communi esset nocitura, aut fuerit per metum, & injuriam extortum, potest Episcopus dispensare, etiam non consentiente eo, in cuius favorem fuerit præstitum; ita potest dispensare cum eo, qui juravit latroni dare pecunias, aut usurario solvere usuras; est enim iusta causa; ne scilicet sævitia hominum foveatur; idque fieri expedit bono communi. Ita in odium excommunicatorum liberantur subditi à juramento fidelitatis aliis præstito, *cap. Nos Sancto- rum 15. qu. 6.*

Diximus num. 50. obligationem juramenti promissorii, quia relaxatio, & dispensatio locum habet in juramento promissorio, non verò in assertorio. Nam materia juramenti assertorii, cum sit de præstito, vel præsentia actu, immutabile facit juramentum, quandoquidem statim est verum, vel falsum; & ita dispensari non potest, ut actus jurandi, qui jam est, aut fuit, falsus; non sit, aut non fuerit falsus, ut ubi supra Gonzalez num. 10. & Mayol. *d. art. 4.* Quare

Matthæucci Cautela Confess.

dispensatio cadere solùm potest in juramento promissorio. Ceterùm, quia, ut diximus num. 8. est in juramento promissorio duplex veritas, una *dicti*, & de *præsenti* (in hoc consistens, ut qui jurat, verum dicat) & alia *facti* (quæ importat, ut jurans in futurum impleat, quod promittit) nec promissorium est quoad primam veritatem dispensabile, quia præceptum negativum de non adducendo Deum in testem falsitatis, est indispensabile, semper obligans. Solùm itaque est dispensabile quoad secundam veritatem, & obligationem, quæ respicit tempus futurum, seu futuram executionem, & implementum materię proximæ, quæ cum variari possit, & in aliquo eventus esse illicita, & nociva, & consequenter fieri materia non apta juramenti, super ea tantùm, & non super actu jurandi cadit dispensatio, ita ut, sicut prius per promissionem jurans tenebatur observare juramentum, autoritate Superioris ab illa obligatione liberetur, ut per allegat. & DD. in *cap. 1. & 2. & cap. Magna de voto.*

58 Queritur, Petrus pro actu fornicario juravit dare meretrici centum aureos; petit à Confessario, an eos teneatur solvere ratione præstiti juramenti?

Resp. Negative; nam promissio prodiga, etiam juramento firmata obligat solùm ad quantitatem pecuniæ, in qua nulla est prodigalitas; siquidem cum aliquid promittitur sub juramento, semper subintelligitur, si sit honestum, licitum, &c. Ideò Petrus debet meretrici solvere eam quantitatem pecuniæ, quam viri æqualis conditionis dare consueverunt pro tali actu, non verò excessum pretii, ita Mayol. *cit. art. 5. v. Quarta conditio*. Diana *coord. to. 8. tr. 4. res. 56.*

59 Nota, quod juramentum verum cum debitis circumstantiis prolaturum, est ex se actus Religionis; nam adducitur Deus potiùs in testem veritatis, quàm alius, quia existimatur illam scire, & potens esse vindictam sumere de illis,

V

qui

qui jurant falsum; quod certè cedit in honorem, & ipsius obsequium.

Postremo Confessarius advertat. I. Quòd aliter implendum est promissum, quando promissio ex se valida est, & ei accedit juramentum: aliter verò, quando ex se est invalida, eique juramentum accedit. Priori enim casu implendum est, tum vi promissionis, quæ per se obligat, tum vi juramenti, quod addit novam obligationem. In posteriori verò vis solius juramenti, non promissionis, quippe quæ ex se invalida sit. Adeò ut si hoc casu juramentum relaxetur, ad nihil promittens teneatur, in priori verò adhuc vi promissionis, quamvis non vi juramenti relaxati teneatur.

Quòd exemplo patet. Spontè, & libere cum juramento promissisti Titio centum aureos, & ille promissionem juratam accepit: teneris duplici titulo, promissionis nimirum, & juramenti, Summam aureorum dare, adeò ut si juramenti vinculum legitime relaxetur, debeas ex promissione eam conferre. Si verò vi, sed gravi metu coactus promissisti latroni totidem aureos dare, & juramentum addas, teneris solo titulo juramenti; quò legitime relaxato liber es ab omni obligatione. Ratio discriminis est: quia per promissionem ex se validam, & à promissario acceptatam confers eidem jus ad rem promissam: non autem per invalidam, ut bene discurret Becanus *10.2.opusculor.de fid.beret.Servan.cap.4.nu.5.&6.* Caterùm si promissio non solum esset invalida, sed etiam illicita, ut ad malum finem juramentum non teneret, quia non est vinculum iniquitatis, ut diximus supra.

II. Quòd obligatio, qua quis tenetur præstare, quod cum juramento promissit, oritur à virtute, tum veracitatis, fidelitatis, & justitiæ, tum Religionis. Veracitas enim ad duo nos obligat. Primo, ut sincerè, & non fictè è promittamus, hoc est, ut, quod verbis promittimus, etiam animo promittamus. Se-

cundò. Ut opere præstemus, quod promissum est. Utrumque enim requiritur, ut quis sit verax in dicendo, & promittendo.

Fidelitas ad hoc nos obligat, ut, quod promissimus, opere compleamus. Quæ obligatio differt ab ea, quæ provenit à virtute veracitatis. Nam obligatio veracitatis latius patet, quàm fidelitatis: quoniam hæc solum locum habet in affirmatione promissoria, illa etiam in non promissoria, ut ex D.Thoma *2.2.q.80.art.unic.ad 1.* Tum quia obligatio fidelitatis est major, quàm veracitatis. Nam qui promittit se aliquid facturum, magis obligatur, quàm qui sine promissione id affirmat: *Voglio far questo.* Qui enim solum affirmat, uno solum titulo obligatur ad favendum, ne scilicet sit mendax in verbis. Qui autem promittit, duplici titulo tenetur, tum ne sit mendax in verbis, tum etiam ne violet jus alterius, quod ille habet ad rem promissam: nam promissor non constituit dumtaxat se debitorem, ut caveat mendacium, sed etiam tribuit alteri jus ad exigendum promissum.

Justitia obligat nos, ut tribuamus unicuique, quod suum est, ratione contractus; Quoniam qui promittit alteri se aliquid illi daturum, non tantum affirmat se daturum, sed etiam obligat se illi, & consequenter tribuit illi jus ad exigendum illud, quod promittit.

Religio nos obligat, ut Deo reverentiam, & debitum cultum exhibeamus, ut ex D.Thom.cit. Juramento autem Deo etiam cultum exhibemus, quia *juramentum est externus cultus, quo profitemur, Deum esse infallibilis veritatis, eumque adducimus, ut testetur, nos loqui verum.*

Quare, qui non implet, quod juramento promittit, est mendax contra veracitatem, perfidus contra fidelitatem, injustus contra justitiam, & perjurus contra Religionem; consequenter mortaliter peccat peccato habente qua-

qua-

quadruplicem malitiam, & deformitatem contra quatuor virtutes.

Sciendum enim est, quòd veracitas, qua quis tenetur non mentiri, per se obligat sub veniali, sed per accidens sub mortali, ratione nimirum gravis damni, vel injustitiæ, aut irreverentiæ factæ Deo, & in rebus fidei; in quibus circumstantiis omne mendacium est mortale.

Pariter fidelitas, qua quis debet promissum implere, ne sit infidelis, & perfidus, per se obligat sub mortali, sed parvitas materiæ excusat: violare enim jus alterius in re graviest peccatum mortale.

Item justitia, qua tenemur promissa implere in pactis, & contractibus onerosis semper obligat sub mortali, nisi parvitas materiæ excuset, ut communiter Theologi cum D. Thom. 2.2. q. 59. ar. 4. Ponderantes, quòd justitia ad hoc obligat, ut des alteri, quod jure illi debetur, juxta illud Ulpiani: *justitia est constans, & perpetua voluntas juri suum cuique tribuendi*: non dare autem alteri, quod jure illi debetur, in re graviest peccatum mortale, cum sit aperta injustitia, & justitia violetur, cum quonon compatitur, quòd quis charitatem habeat cum proximo suo.

Religio tandem, qua quis tenetur promissum, aut pactum juratum præstare, ne sit perjurus, per se obligat sub mortali, nam perjurium est peccatum mortale, & quidem gravissimum, ut communiter DD. docent cum D. Thom. cit. q. 89. art. 3. Considerantes, quòd qui falsò jurat, quantum in se est facit Deum approbare falsum, quæ est atrox injuria in Deum.

Quibus positis exponit Pœnitens Confessario: ex promissione, & pacto, etiam jurato, debeat centum Francisco, qui est ligatus majori excommunicatione: peto, an teneat ea illi dare, ego enim sum in negativa propter naturam ipsius censuræ, quæ privat non solum

perceptione activa, & passiva Sacramentorum, & publicis Ecclesiæ Suffragiis, sed etiam communione Fidelium, ut jura clamant. *cap. Cum excommunicato, & cap. excommunicatos* 11. *quæst. 3.* Majori namque excommunicatione ligatus est separatus ab aliorum consortio, tanquam ovis morbosus, *cap. Corripitur* 24. q. 3. Quæ privatio communionis, atque commercii facit, ut nullus cum excommunicato habere possit commercium, nec ipse se valeatingere actibus societatis humanæ. Quomodo Confessarius se geret cum Pœnitente?

Resp. Instruat Pœnitentem, quòd etiam in casu excommunicationis est fides promissionis, & pacti servanda, adeòut teneatur in conscientia excommunicato præstare, quidquid ei ex promissione, vel pacto jure debet. Ratio est, quia nunquam licet mentiri: nunquam jus alterius violare: nunquam injustitiam committere: nunquam nec in re minima esse perjurum: mendacium enim, violatio juris alterius, injustitia, & perjurium, intrinsecè, & ex natura sua sunt mala, & illicita: ergo nunquam, & quocumque prætextu fiant, possunt licitè fieri: ergo prætextu excommunicationis in Francisco non est Pœnitens liber à debito servandi fidem eidem, stando promissis; & quatenus promissa non impleat, est mendax, perfidus, injustus, & perjurus, & æquè reus, ac si alteri fidem non servaret, ut loco citato Becanus cap. 7.

Nec ratio à Pœnitente producta quidquam relevat: Circa quod considerandum est, quòd duplex est genus excommunicatorum: alii sunt notoriè excommunicati, seu denunciati, ut notorii percussores Clericorum, qui dicuntur excommunicati non tolerati, & vitandi; & alii sunt quidem excommunicati, sed nec denunciati, nec notorii Clericorum percussores, nec est notorium eos in excommunicationem incidisse,

qui proinde dicuntur tolerati, & non vitandi. Quamvis omnes excommunicati vi excommunicationis teneantur abstinere à communione Fidelium; tamen à contrario Fideles non tenentur ab illorum consortio, & communione abstinere, nisi vel sint nominatim excommunicati, aut notorii Clericorum percussores, ut ex Const. Martini V. Ad evitanda, quam refero *lib.2. cap.35. num.16.* Aut ita notorium sit in excommunicationis sententiam incidisse, ut nulla possit tergiversatione celari, aut aliquo juris suffragio excusari, ut ex *const. Leonis X. Præmittitur §.24. subla 10. Bullar tom.1.*

Hinc sequitur, quòd si Pœnitens contractum, & pactum celebravit cum Francisco excommunicato non vitando, teneatur æquè bene illi fidem servare, ac cuicunque alteri.

Si verò conventiones, & pacta fecit cum excommunicato vitando, vel excommunicatio præcessit pactum, & promissionem, vel ad hæc subsecuta est. Si secundum: cum contractus fuerit validus, (ut aliàs supponitur) per solam subsequentem excommunicationem non fit invalidus, cum nulla constitutio supervenienti excommunicationi tribuat, ut rescindat contractus, qui aliàs sunt validi; atque ita manet obligatus ad servandam fidem, quam in tali contractu promisit. Si primum, & contraxerit absque necessitate juxta dicta *lib.1. cap.33. num.10.* peccavit quidem contrahendo, quia operatus est contra manifestam prohibitionem Ecclesiæ, communicando cum excommunicato vitando, sed contractus tamen est validus, si aliunde non sit defectuosus; ita validum est matrimonium cum excommunicato contractum, *cap. Significasti de eo, qui duxit*, valida est professio in Religione ab excommunicato facta, *cap. Cum illorum de senten. excommunic.* Et valida est donatio facta ab excommunicato, *cap. Inter dilectus de donation.* ita de aliis

contractibus est censendum, nisi aliunde quid obstat. Adeòq; fidē servare tenetur.

At petitur. An etiam fides sit hæreticis servanda?

Resp. Affirmativè; nam ut diximus, nunquam licet mentiri, esse perfidum, injustum, perjurum. Tum quia, ad servandam fidem obligamur ex virtute veracitatis, fidelitatis, justitiæ, & Religionis, (si promissio sit jurata) hæc autem obligatio non tollitur per hoc præcisè, quòd illi, quibus promissio de relicta, & honesta facta est, sint hæretici. Tum quia Gentilibus Idololâtris, & Turcis fides servanda est, ita Josue *l.cit.* fidem servavit Gabaonitis, ergo etiam hæreticis est servanda.

Nec obstat, quòd hæretici fidem Deo non servant. Quoniam id non pertinet ad contractus humanos, de quibus discurrimus, sed divino judicio relinquendum est.

Hinc sequitur, quòd dum Princeps in bello licitè, & honestè convenit cum hæreticis, fidem servare debet. Item, dum eis concedit Salvum conductū liberè veniendi, & redeundi, est fides servanda juxta *Trid. sess. 15. in dec. de sal. cond. dat. Protest.*

Hic tamen Confessarius duo advertat. Unum, quòd cum hæreticis non est ita de facili paciscendum, propter tria. I. Propter periculum subversionis: hæresis enim est morbus contagiosus: unde periculum est, ut noceat Catholico. II. Propter scandalum: plures enim rudes, & imperiti possunt scandalum pati, dum vident Prudentes, & Doctos cum hæreticis conversari, pacisci, & similia agere. III. Propter improbitatem hæreticorum, juxta Apost. 2. ad *Timoth. 3. Erunt homines se ipsos amantes, cupidi, elati, superbi, blasphemæ, &c.*

Alterum, quod Italiam prohibitum est, ne extra Italiam habitent in locis, ubi aliqua Ecclesia cum Parocho, vel Pastore, seu Sacerdote Catholico non existat. Item, ut abstineant à matrimoniis cum mulieribus hæreticis: nec filios suos

suos de sacro fonte levare per hæreticos permittant, nec ipsi filios hæreticorum levent, nisi per Catholicum Sacerdotem catholico more baptizentur. Item, ut ubi adest copia medicum Catholicum, non utantur hæretico; ita Clemens VIII. *const. Cum sicut*, la 42. *Bull. tom. 3.* & quamvis prohibitio tangat Italos extra Italiam, est certum, quod eiscum hæreticis etiam in Italia non liceat conversari, & contra delinquentes procedit Sacrum Tribunal.

CAPUT XVII.

Prop. XXVI. XXVII. & XXVIII.

ab Innoc. XI. &c.

Mendacium, & Amphibologia.

PROP. 26. *Si quis vel solus, vel coram aliis, sive interrogatus, sive propria sponte, sive recreationis causa, sive quocumque alio sine iuret, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea. in qua fecit, vel quodvis aliud additum verum, revera non mentitur, nec est perjurus.*

PROP. 27. *Causa iusta utendibus amphibologiis est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur, tunc expediens, & studiosa.*

PROP. 28. *Qui mediante commendatione, vel munere ad Magistratum, vel Officium publicum promotus est, poterit cum restrictione mentali prestare iuramentum, quod de mandato Regis à similibus solet exigi, non habito respectu ad intentionem exigentis, quia non tenetur fateri crimen occultum.*

Tractanda hoc capite connectuntur cum resolutis in superiore; quæ data opera in duo distincti, ut sicut propositiones diversa tangunt, iuramentum, mendacium, & amphibologiam, ita

Matthæucci Cautela Confess.

Confessarius ea distincte possit sub propriis titulis distributa pro sua instructione perlegere.

2. *Queritur, quid sit mendacium?*

Resp. *Est falsa significatio vocis cum intentione fallendi, & animo dicendi falsum: seu, est diffinitas verborum cum mente loquentis, aded. ut loquens aliud in mente habeat, & aliud ore proferat:* propterea communiter asseritur, quod mentiri sit contra mentem ire; itaq; cum mens aliud intendit verbis aperire, quam ipsa sentiat, dicitur mendax; sic, si, dum in mente habes, quod *Petrus currat*, & ore proferas, quod *non currat*, mentiris: super quo est advertendum: quod si putes Petrum currere, & Petrus à parte rei non currat, si affirmas: *Petrus non currit*: etsi verum materialiter dicās, formaliter tamen mentiris, quia verbis non significas, quod mente concipis, & ut putas; si verò à parte rei *Petrus non currit*, & ipsum currere concipias, dum dicis: *Petrus currit*; etsi falsum materialiter dicas, formaliter tamen verum asseris, & propterea non mentiris.

3. *Queritur, quotuplex sit mendacium?*

Resp. Triplex. 1. Jocosum, cum absque ullius damno, sed joci gratia mentiris. 2. Officiosum, cum pro tua, vel alterius utilitate mentiris. 3. Perniciosum, dum cum damno alterius mentiris.

4. Sed queritur, an omne mendacium sit ex suo genere peccatum?

Resp. Affirmative, & ita, ut in nullo casu, nec ad vitandam sui, vel alterius mortem, nec ad servandam pudicitiam, ad animæ salutem, nec etiam pro Dei gloria mentiri liceat: *text. in cap. primum de capitalibus, in cap. Ne quis arbitretur, & in cap. faciat homo 22. q. 2. & ex D. Thom. 2. 2. quæst. 110. artic. 3.* Ratio est, quia diffinitas oritur ex dissonantia verborum ad mentem, quæ est semper intrinsecè mala. At perniciosum est ex suo genere mortale, nisi parvitas materiæ excuset, in rebus, in

quibus hujusmodi parvitas datur: jocofum verò, & officiofum funt venialia.

5 Sed quæritur, *an jocofum, & officiofum, quæ, ut talia funt veniale, tranfeant in perjurium, fi juramento affirmantur?*

Refp. Affirmativè; nam perjurium eft mendacium juramento firmatum: omne autem perjurium, quantumcumque mendacium fit leve, ex fui ratione eft mortale, *cap. ult. 22. qu. 1.* Ubi dicitur *perjurium grave scelus eft*: adeò ut à perjurio nec metus mortis excuset; *cap. si quis 22. quæft. 5.* Ratio eft, quia cum in juramento Deus adducatur in teftem, perjurium femper eft mortale, etiam in re leviffima, quia atrociffima fit injuria in ejus veritatem: hinc regula generalis eft, quod, mendacio interveniente, femper juramentum eft mortale, etiam fi per jocum mentiatur, nam graviffima fit Deo irreverentia, cum in iuis joci adhibere teftem falſitatis. Vid. *cap. præterito.*

Sed dices, in mendacio jocofò, loquens non habet intentionem fallendi; ergo non mentitur, ergo mendacium jocofum non eft malum: & fi ei addatur juramentum, perjurium non patrat?

Refp. Negando antecedens, loquendo de interpretativa intentione; nam certè intendit, ut audiens credat verum eſſe, quod fecundùm vocis ſignificationem eft falſum: ſi enim hoc non intenderet, utique verba falſa non pronunciaret.

6 Sed quid, *ſi audiens non fallatur, vel quia non adefſe, vel quia, cum mendacium fit jocofum, fidem non adhibet loquenti?*

Refp. In caſu, etiam mentiretur, patet ex Divo Thom. 2.2. qu. 110. art. 1. in corpore, & in 3. diſtinct. 38. quæſt. 1. artic. 1. ad ultim. ubi: *quicumque falſum loquitur, quantum eſt in ſe, fallit, quamvis non ſemper aliquis per eius verbum fallatur.* Et ex D. Bonavent. in 3. diſtinct. 38. qu. 5. num. 50. ubi hæc ſunt. *Cum dicitur mendacium, eſt falſa*

*vocis ſignificatio cum intentione fallendi, non idem eſt fallere, quod decipere: ſed idem eſt fallere, quod falſum dicere: unde ſenſus eſt, cum intentione fallendi: hoc eſt, falſum dicendi: & hoc utique convenit mendacio jocofò: ergo, qui ſciens, falſum loquitur, etiam per jocum, mentitur, ſive audientem fallat, ſive non; & dum jurat, eſt perjurus: quòd ſi mendacia non habent, quem decipiant, ipſa ſibi mentiuntur juxta illud pſalmi: *mentita eſt iniquitas ſibi.* Fagnan. in 5. ad cap. Falſidicus de crimine falſi.*

7 Quæritur, *an ſit mortale, & perjurium jurare falſum cum reſtrictione mentali, ſeu cum locutione amphibologica, ſic nimirum, ut quis non intendat propoſitionem, quam proferat, in ſenſu, in quo ab audientibus intelligitur, ſed in alio; ſeu ſubintelligat aliquid in mente, quod reddat propoſitionem veram, quæ ſecundùm externam vocis ſignificationem eſt falſa:* v.g. interrogor, an Petrus occiderit Paulum, quem ego ab eo occidere vidi: ne ipſum interrogantem infamem: *juro: nescio Petrum occidiſſe Paulum:* ſubintelligendo in mente, *ut tibi referam:* vel de alio Petro, ab eo, de quo quæritur?

Refp. Affirmativè, patet ex decreto Innoc. ratio eſt, quia in eo mentior; etenim cum verba illa: *nescio Petrum occidiſſe Paulum:* ſimpliciter prolata, ſignificent me abſolutè id nescire, dum mente ſenſum reſtringo, vel in alio ſubintelligo, quem ipſa ſecundùm externam ſignificationem vocis non habent; vel in quo ſcio ab interrogante non intelligi, falſum dico; nam aliud ore dico, & aliud mente teneo, & illis verbis utor, ad hoc, ut audiens fallatur, & credat verum eſſe, quod verba ſonant; ſi enim hoc non intenderem, verba falſa non pronunciarem; verax, & non mendax eſſem, ſi in mente rem haberem, quomodo per verba expriſſo ei, quem alloquor; & ideò, cum addo mendacio juramentum, ſum perjurus.

8 Sed Quæritur, an, cum iuxta causaliceat cum tali restrictione loqui, & jurare: v. g. interrogatur mulier à marito, suspicante de ipsius adulterio, quod secretò commisit, quam, stricto gladio, aggreditur, ut dicat, an adulterium commiserit, occisurus, si fateatur: Simuliter neget, mentitur: si fateatur, occiditur: dubitatur, an ad utrumque vitandum possit licitè dici: e, non commisi, subintelligendo, ut ibi declarem: vel, hora antecedenti?

Utrunque sunt DD. negat Dominicus Soto de iust. & iur. lib. 5. quaest. 6. art. 2. prop. fin. Affirmat Diana coord. tom. 8. tract. 4. resolut. 64. num. 13. allegans Sayrum lib. 5. cap. 4. nu. 24. Cardenas cris. ad prop. ab Innoc. XI. damnat. disert. 19. cap. 6. num. 68. Viva ad proposit. damnat. ab Innoc. XI. par. 2. prop. 26. & 27. à num. 3. alique plures apud Fagnan. cit. num. 41. Concordant Pisanus Glad. Gedeonis ad prop. damnat. ab Innoc. XI. prop. 26. nu. 2. & Mayol. sum. moral. p. 2. 8. præcept. pralog. 2. de us. equivocat. & restrict. ment. dividentes restrictionem in purè mentalem, exterius nullatenus apparentem, & significatam, quam vocant etiam restrictionem formalem, & in non purè mentalem, seu etiam externam, & sensibilem, quam & materiale appellat.

9 Restrictio purè mentalis habetur, quoties verba, quæ quis profert, nec ex sua significatione, nec ex se, neque ex circumstantiis occurrentibus loci, temporis, personæ, ac modi interrogandi eum sensum patiuntur, quem proferens intendit, & quem audiens etiam prudens, & oculatissimus, & hic, & nunc diligentissime attendens ad verba, penetrare non potest; ut si quis interrogatus, An Petrus sit domi? respondeat, non, subintelligendo in mente, ut noceat, ut faciat chymeram: quando interrogatio est de existentia naturali; vel, si interrogatus: An Petrus sit mortuus, affirmet, intelligendo civiliter, seu, per assumptionem habitus religiosi, quando ex cir-

cumstantiis apparet, locutionem esse de morte naturali, de qua respondens interrogatur.

Hujusmodi restrictionis speciem esse ab Innoc. confixam patet ex verbis propositionis 26. intelligendo intra se, eamque esse in omni casu illicitam, & interinsecè malum, adeò ut etiam sit perjurus, qui cum ea restrictione jurat, ut dixit allegat. Viva num. 4. probatque Mayol ubi sup. ex quo restrictio interna, & purè mentalis sit verè, vel æquivalenter mendacium: mendacium enim aliud non est, quàm locutio difformis menti loquentis, quoties autem verba nec secundum se, neque sub his circumstantiis externis expriment obiectum, prout est in mente loquentis, tunc locutio est mendax; & habetur malitia mendacii, quæ consistit in abusu locutionis, quæ à Deo hominibus data est, ut sit expressiva mentis, eique conformis per Polman. Breviar. theol. par. 2. part. 2. num. 1036. Sed in restrictione purè mentali, & interna totum hoc habetur. Quoniam licet verba, ut conjuncta cum eo, quod mente retinetur, faciant sensum verum, illud tamen, quod mente retinetur, impertinenter se habet ad locutionem, seu ad significandum audienti judicium, quod habet loquens de obiecto, circa quod interrogatur.

Consideratur etiam, quod loquens cum restrictione purè mentali ponit signa externa, quæ, spectato significato, & juxta communem hominum acceptationem sunt menti difformia, estò sint conformia cum eo, quod mente retinetur, & à verbis non significatur, nec ab audientibus percipi potest, ergo adhibens in locutione restrictionem purè mentalem est verè mendax, & perjurus, si ita loquens juret.

10 An autem licitus sit usus restrictionis purè mentalis ad vitanda incommoda nonnulla, ut ad tuendam vitam, bonorem, & res?

Respondetur Negativè, prout patet ex damnatione 27. propositionis, ibi:

Gausa iusta utendi his amphibologiis, hoc est, purè mentalibus; pronomen enim *his*, determinat sequentem vocem *amphibologiis*, non ad quascumque, sed ad illas, de quibus dictum erat in *prop. 26*. Et constat pariter, quòd D. Augustinus *lib. contra mendacium* nullam iustam causam agnoscit ad mentiendum, & omnem excludit, ut *cap. 14. & 19. 20.* adeo ut asserat non licere mentiri, nec pro vitanda morte proximi, nec pro salute animæ, vel ad hominem baptizandum. Quinimò nec ad vitandam propriam mortem mentiri licet. Unde si Tyrannus mihi mortem minaretur, nisi proferrem aliquid mendacium, non possem hoc mendacium, quamvis levissimum, aut jocum proferre ad mortem declinandam, eò quod mendacium hoc sit intrinsecè malum, nec possit ab hac circumstantia mortis declinandæ cohonestari. Locutio autem cum restrictione purè mentali est propriè mendacium, ut diximus, habetque malitiam tam necessariò, & inseparabiliter annexam, quàm mendacium, ut notavit Poncius *Commentar. Scot. in 3. dist. 38. qu. unic. num. 130.* ergo nulla incommoda excusant restrictiones purè mentales, sicut nec ipsa mendacia.

11 Dices: Pro vita defendenda licitum est injustum in auctorem occidere cum moderamine inculpatæ tutelæ, ergo etiam ad eum finem licebit respondere cum restrictione purè mentali.

Respondetur, negando consequentiam, nam locutio cum restrictione purè mentali de necessitate est difformis menti, atque ita est mendacium stricto modò, & sicut non licet mendacium ad tuendam vitam, ita nec restrictio purè mentalis.

Addo, quòd statim ac adhiberetur restrictio purè mentalis, non haberetur defensio cum moderamine inculpatæ tutelæ; quoniam non potest dici moderamen inculpatæ tutelæ, cum modus, quo vita defenditur est illicitus: modus autem, quo defenderetur vita per locutionem

cum restrictione purè mentali, esset illicitus: Assumeretur enim locutio, quæ esset menti difformis, in quo stat mendacii, & hujus restrictionis malitia inseparabilis.

12 Adverto, quòd si usus restrictionis purè mentalis esset licitus, actum esset de societate, & bona fide, ac certitudine contractuum, & commerciorum inter homines.

13 Restrictio verò non purè mentalis, seu externa, & sensibilis habetur per verba, quæ de se unam tantum significationem communem habent, sed ratione circumstantiarum habent aliam particularem, quam circumstantiæ hic, & nunc occurrentes faciunt, etiam juxta intentionem interrogantis, propter quas proinde posset devenire in cognitionem sensus, à proferente usurpati, si diligenter ea verba, & circumstantias examinaret, & ponderaret: Quod sit tunc ob præcipationem iudicii, & omissionem considerationis illarum, mentem loquentis non intelligat, vel non in alio, quàm in sensu communi ea verba accipiat: id per se non provenit ex loquente, nec ex æquivocatione, tanquam ex causa per se, sed solum ex illius inconsideratione, & ignorantia, & ita audiens ex propria culpa se fallit, & non decipitur à loquente, qui profert verba, quæ ex circumstantiis verum sensum in communi omnium prudentum acceptione recipiunt.

14 Ità, dum Confessarius interrogatur, & minis cogitur, ut dicat, *an audivit Petrum in Confessione se accusasse de fornicatione*: si respondet, *non audivi*, vel *nescio*: non mentitur, & si jurat, non est perjurus. Sensus enim responsionis ex communi prudentum sensum est, *non audivi extra confessionem*; non *audivi, ut homo*; non *audivi, ut reus*: quia re vera extra confessionem non audivit, sed in confessione: non audivit, ut homo, sed ut minister Christi; non audivit, ut reus sed ut Judex; & nescit notitia aliis communicabili, quia quæ habe-

tur per confessionem, nulli communicari potest. Quos sensus poterit audiens percipere, si attendat ad circumstantiam interrogationis, personæ, quæ interrogatur, & delicti, de quo quærit: nam interrogat Confessarium de auditis in confessione, de quibus Confessarii extra confessionem loqui non possunt: Atque ita, si dictas circumstantias ponderet, poterit verum sensum responsionis percipere: & hinc patet circumstantias sufficienter significare, in quo sensu Confessarius respondeat.

15 Item, si Reus interrogetur non juridicè ab Judice de crimine vero, sed occulto, non tenetur ei respondere, ut ex D. Thoma dixi cap. priori num. 42. Quod, si Reus urgeatur respondere, & nec appellacione, aut silentio, vel alia via possit responsionem declinare, non tenetur adhuc fateri veritatem, sed potest licitè eam occultare æquivocatione materiali dicendo, *non commisi*; quæ verba in communi acceptatione faciunt hunc sensum; *non commisi crimen, de quo me, tanquam judex, valeas interrogare, & quod tibi interroganti injussè debeam fateri*, ut notavit allegat. Mayol; nec tunc mentitur, sed verum dicit, ut apud Poncium num. 124. quia ex circumstantiis illius interrogationis sufficiens innotescit, quod ipse sic respondeat in illo sensu; quoties autem ex nonnullis verbis significatur sufficienter aliquid, non est necessarium addere alia verba. Quando verò juridicè interrogatur non potest æquivocare, quia in tali casu bonum publicum bono privato debet prævalere.

16 Item Legatus Principis à Rege, ad quem mittitur, interrogatur de iis, quæ secretò sibi fuerunt à suo Principe communicata, ex quorum manifestatione sequeretur infallibiliter Regni everfio, Templorum profanatio &c. potest sine mendacio ingenuè respondere: *nescio*: aut, *meus Princeps nihil tale mihi communicavit*: & audientes ex circumstan-

tia Legati, qui agit res sui Principis, possunt, & debent arguere, quod dicat, *nescio sic, ut debeam revelare*; & sibi imputent, si hoc non capiant, cum circumstantiæ sufficienter id ostendant.

17 Licitum esse usum restrictionum externarum sensibilibus non purè mentalium, seu æquivocationum materialium dixerunt allegati Mayol. Pisanus, & Viva: & probant exemplo Abraham, qui ut se à mortis periculo liberaret, dixit Saram non esse uxorem suam, nec tunc mendacium dixit, sed veritatem iusta, & urgentissima causa celavit. Quamvis enim nunquam sit licitum negare veritatem, & audientem positivè ex intentione fallere, intendendo per se illius deceptionem, tamen secundum D. Augustinum, & Doctores licet ex causa veritatem occultare, quando non expedit illam manifestare, dicendo verum verbis obcuris. Unde D. Thomas 2. 2. qu. 70. art. 1. ad 1. ait. Quod D. Augustinus loquitur de occultatione veritatis in casu illo, quando aliquis non compellitur Superioris autoritate veritatem propalare: & quando occultatio veritatis nulli specialiter est damnosa, & D. Raymundus lib. 1. sum. tit. de mend. allegat à Chabaut. prax. lib. 4. cap. 4. num. 12. habet. Si reum, qui quaratur ad necem, domi occultaverim, nec ad redimendam eius vitam aliud suppetat remedium, quàm interrogantibus, qui volunt interficere, respondere: non est hic: respondendum aliquod verbum æquivocum: non est hic, puta in mensa, vel aliquid simile.

Iusta autem, & gravis causa in Confessario, reo, & Legato ad occultandam veritatem, & dicendum verum per verbum æquivocum, *nescio, vel non feci*, est, quia si Confessarius fatetur peccatum, frangit sigillum confessionis, & irreverentiam irrogat Sacramento. Si reus fateatur crimen, penam mortis, vel aliam gravem debet sustinere; & si Legatum Principis aperiat secretum sui Principis offendit fidelitatem, lædit secretum

naturale, (quod servandum est, nisi finis in casu, in quo secretum præjudicet bono publico, vel fidei, & Religionis,) & est causa enunciatorum malorum.

18 Ita in casu Adultera absque mendacio, & restrictione purè mentali habet justam causam licitè occultandi veritatem respondendo ad vitandam mortem: *non feci*. Quæ verba ex circumstantiis tum mali imminentis, tum quod nullus tenetur se infamare, tum quod mulieres similia crimina maximè maritis solent negare, faciunt hunc sensum, quod *non fecerit, ut debeat dicere marito*; vel alium similem verum, licet obscurum. Quos si maritus non percipit, sibi imputet, non attendens ad circumstantias locutionis, à quibus abundè significatur. Poncius ubi *supra num. 141.* dixit, quod mulier posset hac forma se extricare: *marite mi, cur me de hoc interrogas? putas ne me, aut ullam aliam talis criminis consciam, falsuram illud? An non scis, quod talia crimina difficulter constentur Deo? Quid ergo putas nos falsuras extra confessionem, & quidem maritis, quibus præsertim volumus ea esse occulta?*

Itaque Confessarius mulieri petenti instrui circa modum respondendi, posset consulere illum, in quo nec mendacium est, nec restrictio ulla. Quod, si maritus iisdem minis instaret pro responsione decisiva, potest respondere per verbum æquivocum, *non feci*.

19 Cæterum cit. Mayol tradit quatuor conditiones esse necessarias, ut ad praxim licitè deducatur usus restrictionum non purè mentalium externarum, vel æquivocationum materialium, propter quas rarissimè occurrut, ut similis modus loquendi adhiberi possit.

Prima est: Quod sit justa causa, & gravis necessitas ita loquendi; cum nimirum oriretur loquenti, vel aliis gravissimum damnum, cui nec silentio, neque alia via, quam istis æquivocationi-

bus, hic, & nunc & in istis circumstantiis, & angustiiis occurrere posset.

Secunda. Quod respondens non teneatur ex justitia, religione, obedientia, aut alio præcepto veritatem nudè declarare; sed jus habeat ad celandam veritatem, & permittendum, quod audiens ex se ipso se decipiat; & ita Reus legitimè interrogatus ab Iudice juridicè procedente, & quilibet inferiora, quo Superior legitimè exquirat manifestationem alicujus veritatis ad bonam gubernationem necessariam, tenetur sub peccato obedire, & veritatem sincerè detegere. Pariter poenitens, quando interrogatur à Confessario de peccatis, quæ commisit, & de pertinentibus ad iudicium fori interioris, de restitutione facta, & occasione proxima &c. tenetur clarè respondere fatendo veritatem.

In omni itaque materia judiciali, sive fori, sive exterioris, sive interni, non est licitum veritatem occultare amphibologiis, etiam non purè internis, ita ut illis utens peccet lethali, & jurans ad eas confirmandas sit perjurus. Idem dicendum de eo, qui interrogatur de Fide, quando instat præceptum confitendi illam: non enim tunc potest verbis amphibologicis eam occultare, aut simulare falsam Religionem, etiam ad vitanda gravia tormenta, & mortem; nam propter metum etiam mortis nec aliquod minimum peccatum veniale licet committere ex D. Augustino lib. cit.

Tertia. Quod occultatio veritatis mediante æquivocatione materialis non debet esse innocenti specialiter nociva, & damnosa, sed tantum assumenda est à loquente ad vitandum proprium, vel proximi damnum, quod alia via hic, & nunc evitari nequit; non verò ad damnum alteri inferendum. Ita spontè etiam contrahentes, & se invicem onerosè obligantes ad vendendum, emendum &c. & cum à privata persona, ad quam spectat ratione contractus iuramentum exigitur, tenentur sine amphibolo-

bologia se obligare, & non siccè jurare, aliàs injuriam irrogant parti legitime contrahenti, & juramentum exigenti, ac damnum inferunt ei, qui ex sua parte ingenuè contractum implet. Ethinc humanum commercium, & societas læditur.

Quartam addendam esse pnto, nimirum, quòd verba exteriora, vel ex se, vel ex circumstantiis sint verè æquivoca, & in communi prudentum usu interpretationem, & duplicem sensum verum admittant, quorum quemlibet quisque ad illa attendens, & ponderans possit intelligere, aliàs erit locutio cum restrictione purè mentali, quæ nullo pacto licita est, & est ab Innocentio proscripta.

20 Verùm idem Mayolibid. concludit, Quia in praxi usus æquivocationum, etiam purè materialium, præsertim, si frequens extiterit, non caret periculo incidendi in æquivocationes formales, restrictiones purè internas, & mendacia; perinde ac ex juramentorum repetitione facilis est lapsus in perjurium, idè sicut scriptura consulit, ne juramentis os nostrum assuescat, immò ut non juremus omnino, quantumvis juramentum sit licitum ad tollendas occasiones perjurandi; ita etiam consulendum est hominibus, ut non nisi in verissima, & extrema necessitate, & quàm rarissimè utantur æquivocationibus, etiam materialibus, ut sic vitent periculum mentiendo. Hæc ille; qui objecta solvit, quæ ex D. Augustino opponuntur contra superioris dicta. Hæc sunt, quæ occasione dubii propositi sub num. 8. dicenda esse censui contra dicta in prima impressione.

21 *Quæritur. Superior promovendus ad Ordines interrogat de natalibus, de censuris, de irregularitate; & volentes contrahere matrimonium interrogat de impedimentis, exigens etiam juramentum; petitur, an possint respondere cum restrictione etiam non purè mentali: & jurare non habito respectu ad intentionem jurantis?*

Resp. Negativè, & contrarium videtur etiam proscriptum in propositione 28. In qua damnatur licitatem esse restrictionem non purè mentalem (purè enim mentalis in duabus propositionibus antecedentibus fuit proscripta) quoties de mandato Superioris, aut Principis, vel alio speciali statuto juramentum exigitur à promotio ad Magistratum; ut proinde promotus teneatur candidè fateri suum crimen occultum, nisi velit renunciare officio obtento, & interrogationem illam, & juramentum declinare: ita Viva cit. & Pisan. *ad prop. 28.*

Licet enim licita sit æquivocatio mentalis, & restrictio non purè mentalis, & interna, quando Judex interrogat Reum, aut testem de crimine occulto, si non præcesserit diffamatio, vel semiplena probatio, aut indicia sufficientia, eò quod tunc non interrogat juridice, hoc est secundum ordinem juris; & idè tunc non interrogat tanquam Judex, seu superior, sed tanquam persona privata, cui nemine tenetur aperire crimen occultum. Tamen quoties de mandato Regis, vel superioris legitimi exigitur juramentum à Promoto ad Magistratum, quòd illum non obtinuerit propter commendationem, aut munera, tunc licet nulla diffamatio, aut semiplena probatio præcesserit, interrogatio est juridica, & ordinata non ad puniendum delictum, sed ad averterendum à Republica damnum, quod sequeretur, si hac via Magistratus indignis conferrentur, & proinde illicita prorsus est responsio æquivoca, & juramentum additum est perjurium. Ut idem Viva in terminis.

22 Unde notandum, quòd Judex, vel Superior potest dupliciter de crimine interrogare. Primò ad illud puniendum, Secundò, ad impediendum commune damnum, aut alia crimina, quæ sequerentur: ut, quando fit interrogatio de crimine impediendo susceptionem Ordinis Sacri, vel matrimonium: dum interrogatio fit de subornatione, aut favore præ-

prævio ad promotionem. Si interrogabis fiat ad puniendum delictum, abique dubio exigitur semiplena probatio, aut indicia, & diffamatio, ut juridicè superior interroget, & subditus teneatur respondere. Ut Doctores communiter. At ubi interrogatio fit de delicto in ordine ad præcavendum damnum publicum, aut alia peccata, tunc non debet semiplena probatio præire, quia bonum publicum prævalere debet privato. Bono autem publico expedit, quòd subditus ad alterutrum compellatur: vel ad deponendum officium, quod obtinet in damnum publicum: vel ad manifestandum crimen occultum. Et hinc non datur locus æquocationi, sed debet subditus candidè respondere ad mentem interrogantis, & delictum suum aperire.

23 Atpetitur. *An promotus ad Magistratum, vel Prælaturam, qui interrogatus legitime an mediante pecunia, aut commendatione illam obtinuerit, veritatem, pejerando occultavit, teneatur statim Prælaturam renunciare, & damna compensare alteri, qui sua causa non est electus?*

Resp. Affirmativè. Si collatio, Magistratus, vel Prælaturæ ex speciali statuto sit ipso jure irrita, quoties per commendationes, aut munera acquiritur, si vè provisorius pejeraverit, si vè non: semper tenetur renunciare, quia invalide fuit promotus. Debetque damna compensare ei, qui aliàs fuisset electus, cum fuerit illi injurius. Si vè collatio non sit invalida ipso jure, sed invalidanda per sententiam Judicis post delictum probatum, provisorius negando delictum peccavit quidem, sed non tenetur antè sententiam Judicis renunciare. Suarez lib. 5. de legibus cap. 9. num. 13. Qui probabilius putat esse, quod non teneatur damna alteri compensare, cum non peccaverit contra justitiam commutativam respectu eligendi, sed contra obedientiam respectu Judicis: vel contra justitiam legalem respectu Rei-

publicæ, aut contra juramentum, & Religionem.

24 Quæritur, *an mentiantur homines cum urbanitatis causa sequenti forma se salutant, aut literis subscribunt: osculor manus tuas: purpuram, pedes &c. ad tuos pedes provolvor; vel servus tuus sum: vel, omnia, quæ domine mee sunt, tua sunt, & de illis potes disponere pro libito?*

Resp. Negativè, nam in communi usu receptum est, quod ea verba proferantur in sensu improprio, & metaphorico, & sumantur, ut signa obsequii, vel amicitie; nec plus proferentes intendunt, quàm obsequium, & amicitiam erga dominos, & amicos respectivè.

25 Quæritur, *an Confessarius possit negare schedulam audita Confessionis ei, qui non est vè confessus propter defectum debita dispositionis; ratio dubii in hoc stat; quòd si non dederit, significabit penitentem esse in malo statu, & revelabit Confessionem: si vè dederit, mentietur.*

Resp. Negativè, sed schedulam debet dare, non quod absolverit, quia tunc mentiretur, sed quòd audiverit ipsius Confessionem: quo casu non mentitur, nam eam audivit.

Sed nonne, *si daretur schedula peccatori occulto, ea mediante ipse decipiet parentes, Dominum, & Parochum: nam ex ipsa colligent ipsum esse optimum Christianum, cum tamen non sit, & ipse Confessarius deceptioni cooperaretur?*

Resp. Quod nunquam Confessarius debet directè, vel indirectè aliquid facere, ex quo possit revelari Confessio; negando vè schedulam Confessionis, saltem indirectè, revelaret; nam significaret eo modo in malam dispositionem penitentis: quam schedulam non confert ea intentione, ut præfatos penitens decipiat, sed, ut proprio muneri satisfaciatur, nec aliquid ponit, quod possit reddere Confessionem odiosam, & sigillum frangere.

26 Quæritur, *accedit penitens, & se accusat*: Pater promissione jurata, fidei promissi Bertæ me eam ducturum in uxorem, si mihi usum sui corporis concessisset, quod ipsa fecit, sed, cum ego, tunc ipsi promiserim restrictione mentali, intendendo, me ipsam ducturum post centum annos, vel, dum habuerit dotem scutorum centum milium, peto instrui, an tenear ipsam ducere?

Resp. Affirmativè, habetur ex cap. *Quacumque arte*, & cap. *humana artes* 22. *quæst.* 5. ubi hæc sunt: *quacumque arte verborum quisque iuret, Deus tamen, qui conscientia testis est, ita hoc accipit, sicut ille, cui iuratur, intelligit; dupliciter tamen reus fit, quia & Dei nomen in vanum assumit, & proximum dolo caput*, & ex D. Thoma 2. 2. *quæst.* 89. *art.* 7. ad 4. resolvente: *quando non est eadem jurantis intentio, & ejus, cui jurat, si hoc provenit ex dolo jurantis, debet iuramentum servari secundum sanum intellectum ejus, cui iuramentum præstatur*: & ideo tenetur ipsam ducere; ratio etiam est, quia hæc propositio: *ducam te in uxorem, si mihi copiam tui corporis concesseris*, ex natura sua significat illud, quod communiter à puella, & cæteris audientibus intelligitur, & iuramentum ipsam in eo sensu confirmat; sed puella intellexit, quod promittens absolutè eam in matrimonium sit ducturus, & quod pro firmitate promissionis juraverit, ac Deum adduxerit tamquam fideiussorem, quod observabit promissum in eo sensu, ergo obligatur iurans ad observantiam promissi.

Quod confirmo. Iuramentum fictum cum dolo illud est, cuius fictio opponitur juri ejus, qui onus aliquod subit, ratione cuius habet jus, ne alter faciat iuramentum solummodò fictum, vel solummodò amphibologicum; modò: puella concedens ob promissionem juratam usum sui corporis, habet jus, ut alter seriò, & cum

iuramento vero se obliget ad futurum matrimonium: nam propter tale onus subivit, & posuit ex parte sua id, quod libidinosus requirebat, & pro quo illud iuramento obligavit ad se reddendam securam, & certam de futuris nuptiis, ergo debet eam ducere, & præstare id, propter iuramentum fictum, & amphibologicum, quod fuisset præstandum propter iuramentum verum, & sincerum; ergo in casu ad idem obligat dolosum iuramentum, & dolosa promissio, ad quod obligat verum iuramentum, & promissio sincera.

27 Sed quæritur, ex qua virtute teneatur iuramentum, & promissionem fictam implere, ac puellam ducere?

Respon. Ex virtute iustitiæ (& si iuramentum fuisset verum ex virtute, etiam religionis) ratio est, quia, qui acceptat aliquid sub conditione onerosa datum, ex iustitia tenetur, quando potest implere, sed talis acceptavit usum alieni corporis sub conditione secuturi matrimonii, & potest illam implere; ergo tenetur.

Sed quæritur, an possit substituere dotem ad implendam promissionem.

Respon. Negativè; nam dum potest in specie dare id, sub cuius conditione alter subivit onus, tenetur ipsum dare, aliàs, eo negato, alter esset rationabiliter invitatus; sic, qui potest restituere equum, non potest, nec debet restituere pecuniam, nisi Dominus sit contentus.

Sed quid, si fidei cum iuramento promississet puella dotem?

Resp. si non habebat jus, ut ille sibi dotem promitteret, & id iuramento firmaret, peccavit fidei promittendo, & jurando, peccato mendacii, & peccato contra reverentiam iuramenti; sed ad nihil tenetur: non ex virtute iustitiæ ad dandam dotem, cum nec fictio promissionis, nec fictio iuramenti fuerit contra iustitiam.

Sed quid, si intuitu huius fidei pro-

promissionis fuisset impedita, quominus ab alio dotem acciperet?

Resp. Tunc teneretur ex iustitia ad componendum damnum, saltem si prudenter potuit, & debuit prævideri; nam tunc ex tali fictione injustè damnum sequeretur, & injuriam ipsa reciperet.

28 Quæritur, an possit quis factis mentiri?

Resp. Affirmativè, etenim non solum in verbis falsis, verum etiam in factis, & simulatis operibus mendacium est, ut expressè textus in cap. *cavet. 22. qu. 5.* & D. Thomas 2. 2. *qu. 111. art. 1. in corp.* ait: *sicut, ergo variati opponitur, quod aliquis per verba exteriora aliud significet, quam apud se habet, quod ad mendacium pertinet; ita etiam opponitur veritati, quod aliquis per aliqua signa factorum, vel rerum aliquid significet contrarium ejus, quod in se est, quod propriè simulatio dicitur: unde simulatio propriè est mendacium quoddam in exteriorum signis factorum consistens: non refert autem, utrum aliquis mentiatur verbo, vel quocumque alio facto. Unde cum omne mendacium sit peccatum, consequens est etiam, quod omnis simulatio est peccatum.* Hæc S. Doctor, de quo etiam cap. *sequen. num. 2. & 3.*

29 Quæritur, an hypocrisis sit species simulationis, & mendacii?

Resp. Affirmativè; hypocrisis enim est quædam simulatio; nam qui simulat se habere sanctitatem, seu personam iusti, cum sit peccator, est hypocrita; & ita, dum quis sacrum audit, Ecclesias frequentat, intendens, quod ab adstantibus videatur bonus, cum non sit, hypocrita dicitur, ex D. Thoma *cit. art. 2. in corp.*

30 Sed quæritur, an hypocrisis sit ex suo genere peccatum mortale?

Resp. Ex D. Thoma *ibid. art. 4. in corp.* quod in hypocrisis duo sunt, defectus sanctitatis, & simulatio ipsius: si quis, quo ad primum per peccatum à sanctita-

te defecerit, & non curet sanctificari, & justificari, quando tenetur, mortaliter peccat, & sic manifestum est, hypocrisim esse mortale peccatum, quomodo hypocrisis consuevit accipi in Scriptura; quantum verò ad secundum, quæ est hypocrisis communiter dicta, non est ex suo genere mortale, nam opponitur veracitati, quæ de se non obligat sub mortali; sed propter adjuncta esse potest; ut, si quis sanctitatem simulet ad falsam doctrinam disseminandam, vel ad adipiscendam Ecclesiasticam dignitatem, qua est indignus; vel alia bona temporalia, in quibus finem constituit: & causa sit, cur alii ipso meliores, & egentes priventur. Quoties itaque finis intentus per simulatam sanctitatem non repugnat charitati Dei, vel proximi, erit peccatum veniale; ut optimè D. Thom. *cit. Vide De la Cruz direct. conse. 8. præcept. qu. 2. art. 5. de mendac.*

31 Quæritur, an iactantia sit species mendacii?

Resp. Affirmativè; nam vis iactantiæ in eo est, ut quis verbis se extollat, dicendo de se aliquid supra se: ut, quod sit nobilis, dives, doctus, cum non sit; consequenter semper mendacium exigit, & includit. Propterea notatur à Cajetano in 2. 2. D. Thom. *qu. 112. art. 2. §. ad hoc dicitur*, quod iactare se de malo aliquo perpetrato, non est actus iactantiæ, sed inanis gloriæ, juxta illud psalmi: *quid gloriaris in malitia*; nam in hoc, quamvis gloriator peccet, tamen non mentitur.

32 At quæritur, an iactantia sit peccatum mortale?

Resp. Negativè, ex suo genere, & per se, sed solum veniale, ut *num. 4.* diximus de mendacio in communi, cujus ipsa est species. Verum, quia peccatum mortale est, quod charitati contrariatur, ut loquitur D. Thom. *loc. cit. in corp.* & nos diximus *lib. p. c. 17. num. 4.* Ideo iactantia est mortale in sequentibus casibus: primò, cum quis iactanter de se profert, quod est

contra gloriam Dei, ut legitur de Rege Tyri *Ezechiel. 18. Deus ego sum*. Secundo, cum quis jactanter, & insolenter prorumpit in contemptum, & contumeliam proximi: sicut *Lucæ 18.* habetur de Phariseo, dum dixit: *non sum sicut cæteri hominum, raptores, iniusti, &c. vel, ut etiam hic Publicanus*. Tercio, quando, quis jactat se, de peccato à se non commissio in damnum suæ famæ, vel bonorum; nam hic se infamando peccat contra charitatem, qua tenetur se diligere. 4. Quando ex cupiditate lucri cum gravi damno proximi interno, vel externo quis jactat se doctorem, aut medicum, & inde falsam doctrinam seminat; vel pecuniam lucratur, aut corpora lædit, vel Cathedram obtinet, alias non obtenturus; quo casu tenetur, & Cathedram resignare, & pecuniam restituere; aliaque illata damna refarcire. Quod si quis se jactaret, vel ut gloriam, aut lucrum acquireret, modò esset sine notabili damno proximi, foret solum veniale, utpotè spectans ad mendacium officiosum: ut ibid. optime S. Doctor ad tertium. Toties itaque jactantia est mortalis, quoties cum mendacio pernicioso conjungitur; & quis contra Charitatem Dei, suam, vel proximi jactanter loquitur. Vide De la Cruz, de mendacio.

De mendacio in Confessione prolato
diximus lib. 1. cap. 7. num. 15.

CAPUT XVIII.

*Prop. XXIX. ab Innoc. XI. &c.
Administratio Sacramentorum non
simulata.*

PROP. 29. *Urgens metus gravis est
causatus Sacramentorum ad-
ministracionem simulandi.*

Etiam Auctores propositionis supponunt esse illicitum absque gravi causa simulare administrare Sacramenta; sed in eo errant, dum statuunt urgentem

metum esse causam gravem, & iustam, ratione cuius non sit illicitum Sacramentorum administrationem simulare.

2 Simulatio habetur, cùm quis per signa externa factorum, vel rerum significat aliquid falsum, quod in mente non habet: & duplex est: *materialis*, & *formalis*: hæc dicitur, quæ fit ex intentione decipiendi, salkem virtuali, qua quis nimirum intendit, quòd alii intelligant aliter ac ipse cognoscit rem se habere; explico: expono vestes aeri, quibus uti soleo, dum iter facio, animo, ut videntes decipiantur, & putent me velle iter facere, & tamen de hoc non cogito, sed potius de opposito: in casu formaliter simulo. Illa verò, cùm quis ponit signa externa indifferentia ad plura significanda, per quæ præter intentionem operantis aliqui decipiuntur; patet eodem exemplo: vestes aeti expositæ duo significare possunt, unum, quod quis velit illis uti ad iter faciendum; alterum, ut beneficio aeris à corrosione tinearum serventur ille. Si videntes eas aeri expositas intelligant, me velle iter facere, quod non intendo, quoad eos materialiter simulo.

Circa quod sunt Confessario aperien-
da dubia infra scripta.

3 Quæritur, an non modò damnetur propositio, quatenus affirmat licitam simulationem formalem in administratione Sacramentorum, hoc effice intentione decipiendi, saltem virtuali; verum etiam damnetur quoque, quatenus agit de simulatione materiali, in qua scilicet præter intentionem administrantis decipiuntur fideles?

Resp. Affirmative; ratio est, quia damnatur propositio, quatenus simulatio affert irreverentiam Sacramentis, sed irreverentia Sacramentis irrogatur per simulationem, tam formalem, quam materialem, ergo utraque damnatur; minor est certa, & patet à pari: qui coram Idolo Thus in thuribulum ponit, non excusatur à peccato, per hoc, quod id agit

agat simulatione materiali, & sine intentione significandi adstantibus affectum adorationis, vel cum sola intentione olfaciendi odorem thuris; non modò propter scandalum, verum etiam, quia actio illa, est externus cultus Idoli: ergo, sicut immittens incensum in thuribulum coram Idolo, etiam cum simulatione materiali, non excusatur à peccato mortali contra præceptum adorandi solum Deum, sic ministrans Sacramentum cum sola simulatione materiali, non excusatur à peccato contra reverentiam debitam Sacramentis; nam, quemadmodum ille externam, & illicitam reverentiam exhibet Idolo, quamvis affectus internus feratur in Christum, sic iste irreverentiam rebus Sacris irrogat. Tum quia, Authores propositionis loquuntur indistinctè de omni simulatione, ergo qualibet damnatur, ergo etiam materialis, quæ est verè simulatio. Tum quia, qui aliquo modo simulat, administrationem Sacramentorum fingit, & affert circumstantiam irreverentiæ, & consequenter peccat contra reverentiam Sacramentis debitam.

4 Quæritur, an ad vitandum scandalum possit licitè ministrari hostia non consecrata, pro consecrata: V. G. est homo in articulo mortis, nulla habetur hostia consecrata pro Viatico dando, si ad ipsum non deferatur, tota gens scandalizatur, & commovetur; dubitatur, an ad scandalum vitandum præberi possit hostia non consecrata?

Resp. Negativè, quia ea ficta communio est simulatio in administratione Eucharistiæ; fingitur enim esse Eucharistia, ea, quæ non est talis, & peccat graviter Sacerdos. 1. Quia fingit rem divinam, ubi non est. 2. Exhibendo hostiæ non consecratæ externam adorationem Latræ. 3. Præbendo occasionem aliis ad eam adorandam: quæ omnia sunt graviter illicita.

5 Sed quæritur, an, cum Confessa-

rius ex sola Confessione Sacramentali novit penitentem, accedentem ad Sacramentum, esse pane Angelico indignum, possit licitè loco hostiæ consecratæ præbere non consecratam?

Resp. Aliqui apud Gobat experient. Theolog. tract. 4. casu 21. sect. 1. num. 397. putarunt posse, modò penitens consentiat, & Sacerdos cum hostia non consecrata, teneat simul in manu aliam consecratam, ut etiam circumstantes debitum objectum suæ adorationis habeant. Quæ sententia est prorsus improbabilis, & falsa; ideò non posse dicimus; nam tunc Sacerdos mentiretur, & adstantes deciperet: significaret enim se dare hostiam consecratam, quàm non daret; undè peccaret. 1. Peccato falsitatis, & simulationis. 2. Peccato irreverentiæ erga Sacram hostiam; nam fraudulenter rem divinam simularet, & propterea Deo illuderet, quod gravissimum crimen est, ex cap. de homine, de celebrat. Missarum.

6 Sed, an debeat dare consecratam?

Resp. Affirmativè, si sit peccator occultus, ne sigillum Confessionis frangar. Vide cap. 33.

7 Quæritur, an Sacerdos, cui Hæreticus, stricto gladio, mortem minatur, si non consecret totum panem, qui, vel in platea est expositus venditioni, aut de recenti in furno coctus, possit ad fugiendam mortem verba consecrationis proferre sine intentione consecrandi?

Resp. Negativè: grave enim scelus est contra reverentiam Sacramenti proferre verba consecrationis, à Christo Domino instituta pro consecratione Sacramenti, sine intentione consecrandi, sed ad simulandum, ac mentiendum, & Deo illudendum; quod est ita intrinsecè malum, ut nullam ob causam justificari possit, argum. ex alleg. cap. de homine: ubi Pontifex declarat, gravius peccasse Presbyterum, qui in mortali celebrans non consecravit, quàm si consecrasset; sed

sed certè, si non gravius, æquè saltem grave est, proferre verba consecrationis sine intentione consecrandi, acmittere, vel suppressere verba ipsa, cum dicenda sunt; nam utrobique fraudulenter res divina simulatur: quod est Deo illudere, & gravissimum scelus, ut ibi textus.

8 Sed quid, *dicendum, si Hæreticus ille ignoraret verba consecrationis; & Sacerdos ad effugiendum mortis periculum recitaret Orationem Dominicam, sic simulando consecrationem?*

Resp. Cardenas dixit, posse Sacerdotem illam Orationem recitare, non intentione decipiendi hæreticum, quia tunc consecrationem simularet, & formaliter mentiretur, adeoque peccaret, etiam contra reverentiam debitam Sacramento: bene verò, si ad eam recitandam procederet sine tali intentione; quia tunc solum ex intentione materiali illam Orationem proferret; sed hoc etiam non posse iudico; nam Oratio illa respectu illius hæretici, cum quo res agitur, assumeretur à Sacerdote ad significandum aliud ab eo, quam hæreticus intenderet; nam ipse intenderet, quod per ea verba panem consecraret, & Sacerdos, ad hunc finem non instituta proferret: ideo saltem virtualiter ipsum deciperet; quoniam, tunc quis decipitur, cum ei per signum externum aliquid aliud quam significat, quam ille iudicet, vel quam ipse petat. Et ex eo præsertim patet, quod si Sacerdos postea interrogaretur, an panis esset consecratus, respondere non posset, affirmando, nisi vellet mentiri: ergo evidens est, quod ipsum decessisset, & formaliter simulasset consecrationem; quod cum ex decreto Innoc. non sit, etiam quocumque metu urgente, licitum, nec in casu id præfaro Sacerdoti licere est dicendum; ideo, quando alia via non posset sibi providere, deberet se Deo commendare, & mortem subire.

9. Sed quaeritur, *an, si supra panem Matthæucci Cautela Consequi.*

illum proferret verba consecrationis cum intentione consecrandi, peccaret?

Resp. Affirmandum videtur; nam certè irrationabiliter, & imprudenter ageret; nam non est verisimile, quod Christus pro licita consecratione instituerit quantitatem ita magnam, quæ non posset deservire usui fidelium. Poncius mox citandus.

10 Sed petitur, *an tota illa quantitas esset consecrata?*

Resp. Quamvis id non spectet ad propositum casum, adhuc tamen affirmamus. Nam non costat, Christum pro materia consecrationis determinasse aliquam quantitatem panis, & vini sub tanta, vel tanta magnitudine; sed de fide est, ipsum instituisse pro materia consecrationis Corporis, panem triticeum, & pro materia consecrationis Sanguinis, vinum de vite, ex dicend. *lib. 4. cap. 4.* Ergo, cum illa quantitas sit panis triticeus, & sufficienter præsens Sacerdoti, (quod supponitur) videtur tota esse consecrata, si super eam cum intentione consecrandi verba consecrationis protulisset. Videatur Ponc. *di/p. 4. q. 3. n. 35.* & Marchant *Hort. Past. Candel. Mist. tr. 4. cap. 1. resolut.*

11 Quaeritur, *accedit penitens, qui est in occasione proxima peccandi, quam deferere non vult: dubitatur, an Confessarius possit simulare ipsum absolvere: quod videtur necessarium ad evitanda hæc incommoda. 1. Ne ipsum absolvens, gravissimè peccet absolvendo indignum. 2. Ne violet sigillum, nam adstantes possent animadvertere ex absolutionis omissione, ipsum esse in malo statu, & indignum absolutione, ergo, cum utrumque vitaturus sit, si fingat, vel simulet, absolvere poterit, immò debet proferre verba absolutionis sine intentione absolvendi.*

Resp. Non potest simulare ipsum absolvere; nam: si proferat hæc verba: *ego te absolvo* sine intentione absolvendi, mentitur, & magnam irrogat irreverentiam

tiam Sacramento, à Christo Domino instituto ad finem dimittendi peccata.

12 Sed quid, est *Confessario agendum*?

Resp. Potest aliquas orationes tacite recitare, vel penitentem benedicere, non animo ipsum absolvendi, vel alios decipiendi, sed solum, ne indignitatem penitentis prodar, & ne sigillum violet: quod est servandum, tam verbis, quam factis, *ex cap omnis utriusque sexus de panis. & remiss.* Et quamvis adstantes deciperentur, non probat Confessarium, non posse ita se gerere, quia, nec id Confessarius intenderet, nec esset propria, & in rigore simulatio pertinet ad Sacramentum, cum præfatæ orationes ad formam Sacramenti non pertineant. Verum, si eas orationes, vel Pater, & Ave recitaret, intentione, ut adstantes deciperentur, vel, ut cognosceretur penitentem absolvere, aut animo absolvendi mortaliter peccaret & peccato mendacii, & contra reverentiam Sacramento debitam.

13 Sed quid, si *penitens, audiens à Confessario sibi negari absolutionem, mortem minetur Confessario, nisi absolvat*?

Resp. Nec tunc Confessario licet absolutionem simulare dicendo formam absolutionis Sacramentalis, quamvis dicatur sine intentione absolvendi; vel, alias orationes recitare intentione, ut, vel ipse penitens, vel alii perciperent se ipsum absolvere; nam semper mentiretur, & irreverentiam Sacramento irrogaret.

14 Sed quid, si *penitens sub iisdem minis instaret, quod Confessarius clare, & distincte proferret verba absolutionis*. Ego te absolvo?

Resp. Cardenas *cap. 5 num. 63.* dixit, quod, cum verba essentialia absolutionis Sacramentalis: *ego te absolvo*, possint, etiam significare absolutionem à censuris, si, cum ea intentione proferantur, vel submissa voce pronunciando à censuris: possit Confessarius metuens sibi mortem à penitente, dicere *absol-*

vo te, subintelligendo à censuris.

Quod tanè meo videri falsum est; nam huiusmodi locutio, *absolvote*, subintelligendo à censuris, est locutio cum restrictione mentali: huiusmodi autem locutio ex dictis Superiori capite licita non est; ergo, nec ea verba proferre cum ea restrictione, nisi velit mentiri, & penitentem decipere, qui putaret se à peccatis absolvi, & Confessarius intenderet ipsum à censuris liberare; propterea in casu, quando non posset penitentem à suo proposito remove, deberet potius mortem expectare, quam peccatum committere.

15 Sed quid, si *penitens, id audiens, diceret, ad minus, si non potes, fingas me absolvere*?

Resp. Deberet Confessarius palam loqui: ego non possum te absolvere, quia es indispositus; nec possum fingere, aut mentiri, & irreverentiam Sacramento irrogare: si vis benedici; benedicam: sed absit me aliquid agere, quo absolutionem similem, vel, quo intendam, vel alios decipere, aut contra reverentiam, Sacramento debitam agere.

16 Sed quaeritur, *an possit ad non simulandam absolutionem apponere conditionem*: te absolvo, si occasionem dimiseris?

Resp. Negative; nam ad evitandum unum peccatum, aliud committeret absolvens indispositum, ex dicendis cap. 35. Notandum itaque est, quod non valet absolutio conditionata, seu quæ datur cum conditione de futuro: *ut te absolvo, si cras restitueris*, esto cras restitutus; ratio est, quia non potest suspendi effectus Sacramenti: quod statim, vel operatur totum, si penitens de presenti sit dispositus, vel nunquam, si est indispositus; valet autem data cum conditione de presenti, vel de præterito; *ut absolvote si es dispositus*: vel, *te absolvo, si restitueris, at asseris*; nam effectus Sacramenti non suspenditur, sed statim ponitur, si in penitente reperitur dispositio

de præfenti, & de facto, ut affirmat, re-
stitutionem fecerit; peccaret autem Sa-
cerdos illas condiciones ad libitum, &
absq; convenienti necessitate apponens;
nam non debet variare ritum ab Ecclesia
determinatum; sed ubi adest necessitas,
licite apponitur. Sic licite sub conditio-
ne: *si es dispositus, & absolutionis ca-
pax*: absolvitur moribundus, qui loqui
non potest, & solum per signa aliqua do-
loris peccatum ostendit; nam propter ap-
positam conditionem non exponitur Sa-
cramentum periculo nullitatis, & per ab-
solutionem providetur salutis infirmi, ne
periculo damnationis exponatur, cui for-
te exponeretur, nisi saltem sub ea con-
ditione, adhiberetur Sacramentum, ad
remittenda peccata institutum.

17 Quæritur: *vocatur Confessarius
à Petro, detento in vinculis, cui exponit:*
Pater, à tribus mensibus privor mea li-
bertate: causam aperio: sex ab hinc men-
sibus contraxi sponsalia cum Berta, dein-
de cognovi carnaliter ipsius sororem,
propter quod contraxi impedimentum
dirimens, matrimonium contrahendum,
& quia propterea nolui eam ducere, ipsa
instetit apud Episcopum, ut me cogeret
ad implenda promissa sponsalia: cui, pro-
pter impedimentum mihi notum, obe-
dire nolui; & propterea me incarceravit,
& excommunicatum denunciavit; quæ-
ro, *an ad vitanda hac incommoda pos-
sim contrahere, non ex animo tradendi
sponsa potestatem in meum corpus, quia
jam scio, matrimonium propter præsa-
tum impedimentum esse nullum, sed si-
ne intentione me obligandi, & simulan-
di contractum?*

Resp. Negative; siue cum animo con-
trahendi, contrahas, siue absque animo,
eam ducas, semper peccas contra reve-
rentiam debitam Sacramento; nam sem-
per facis illud irritum: in primo casu, quia
contrahis cum impedimento dirimente:
in secundo verò, quia simulas Sacramen-
tum, nec intentionem habes faciendi Sa-
cramentum, & te obligandi; nec potes

ex metu, quamvis gravi, excusari; &
peccas peccato mendacii, & deceptio-
nis; nam falsum dicis, si respondeas, *te
accipere Bertam in tuam*: animum enim
contrahendi, & celebrandi contractum
non habes. Remedium itaque erit, ut ad
Sacram Pœnitentiariam pro dispensatio-
ne super impedimento recurras, quam,
quia occultum, obtinebis: vel de impe-
dimento conferas cum Episcopo, ut su-
per eo instructus juxta negotii gravita-
tem provideat.

Quæ sanè est melior responsio pro pra-
xi, quam allata à Cardenas *cap. 7*. Ubi
resolvit posse Petrum simulare matrimo-
nium, ut contractus est, non verò ut
Sacramentum. Quam distinctionem
vide *lib. 4. cap. ult.* ubi tradimus eas duas
rationes non posse à viro Catholico
separari.

Immo, dum Petrus eas separaret, Ber-
tam deciperet: quæ non exigit matrimo-
nium, ut est qualitercumque contractus,
sed ut est Sacramentum à Christo insti-
tutum, ergo simulatio, & deceptio ip-
sius non solum tenderet in matrimonium
sub ratione contractus, verum quoque
in esse Sacramenti; ergo mentiretur;
vel saltem deberet loqui cum restrictione
mentali, quod *cap. præterito* esse illicitum
ex Innoc. diximus.

CAPUT XIX.

Prop. XXX. XXXI. XXXII.

& XXXIII.

ab Innoc. XI. &c.

Homicidium ad defensionem rerum.

1 PROP. 30. *Fase est viro honorato oc-
cidere in vasorem, qui nititur ca-
lumniam inferre, si aliter hac ignomi-
nia vitari nequit; idem quoque dicen-
dum, si quis impingat alapam, vel su-
per percussit, & post impactam alapam,
vel ictum sustis fugiat.*

PROP. 31. *Regulariter occidere possum
furẽ pro conservatione unius aurei.*

X 2 PROP.

PROP. 32. *Non solum licitum est defendere defensione occisiva, quæ actu possidemus; sed etiam, ad quæ jus inchoatum habemus, & quæ nos possesuros speramus.*

PROP. 33. *Licitum est, tam heredi, quam legatario contra injustè impediens, ne, vel hereditas adeatur, vel legata solvantur, se taliter defendere; sicut & ius habenti in Cathedrali, vel præbendam, contra earum possessionem injustè impediens.*

De homicidio ad defensionem honoris diximus lib. I. cap. 13. videat ibi Confessarius, & hicalia, etiam ad defensionem rerum, ponderet.

2. Quæritur, *Quare ad defendendum bonorem, & bona temporalia non liceat invasorem, & spoliatorem occidere?*

Resp. Quia irrationabile, & indecens est, & contra legem rationis, ac naturale lumen eligere majus malum ad fugiendum minus, seu ad conservanda minora bona; constat autem, quod jactura vitæ sit majus malum, quam amissio honoris, & bonorum temporalium; nam vita hominis est majus, & altioris ordinis bonum, quam sint bona alia exteriora, famæ, & divitiarum, quæ ut media ad vitam conservandam ordinantur; & propterea gravius peccatum ex iis, quæ in proximum fiunt, est homicidium; nam per id, ei maximum nocumentum infertur, cum vita privetur, qua nil pretiosius possidet, & nullum ex istis temporalibus est ipsa extimabilis, nec per ullum ex præfatis compensabilis: & ita pro conservandis bonis temporalibus, sive famæ, sive fortunæ, non licet calumniatorem, & spoliatorem occidere. Quod alia si adeo ratione: simile jus in personis privatis est in præjudicium, & perniciem Reipublicæ: cum illud sit in Reipublicæ perniciem, quod est nocivum multitudini: sed tale jus defensionis occisivæ contra calumniatorem, & firem est multitudini nocivum; nam, cum in Republica multæ sint detractiones, & furta, continua, & fre-

quentia essent homicidia, dum quilibet existimaret se jus occidendi habere; & sic Respublica assiduus odiis arderet, & pax perturbaretur ipsius; immò, si id liceret, non posset ipsa justè punire occisores calumniatorum, & Civium, quod nullus dixerit.

3. Sed quæritur, *contra quam virtutem facit, qui proximum occidit?*

Resp. Contra justitiam, cujus est suum cuique tribuere, & relinquere, ac suum à nullo auferre; ab homine autem per homicidium aufertur bonum vitæ, ad quod conservandum jus habet; & hinc patet, quòd obligatio non interficiendi proximum, sit justitiæ.

Nec obstat, quòd non sit vitæ suæ, & membrorum Dominus, sed solus Deus: cum nemo possit esse Dominus, nisi alterius; Quia ad minus homo est custos vitæ, & Dominus usus membrorum suorum, quod sufficit, ut ei injuriam per homicidium fiat.

4. Sed quæritur, *an etiam contra justitiam peccet, qui eum mutilat, verberat, & vulnerat?*

Resp. Affirmativè; nam jus habet, ut nullus tale malum ei inferat; per mutilationem privatur membris: per verberationem dolore afficitur: per vulnus carum dolore violenter dividitur: quæ sunt peccata circa vitam proximi.

5. Sed quæritur, *an etiam incarceration reputetur peccatum circa proximi vitam?*

Resp. Affirmativè; nam per eam tollitur libertas hominis, qui jus habet, ut à privata persona ea non privetur, & tantum malum ei inferatur; dicitur a privata persona: quia malefactores incarcerare, & vita privare, licet dumtaxat, juris ordine servato, Principibus, & Magistratibus, (vel aliis, quibus isti commiserint) quibus cura Communitatis commissa est, in cujus bonum ipsa mors, & incarceratio ordinatur. D. Thom. 2.2. quæst. 64. art. 3. in corp. Propterea si Patres, & Domini ad lon-

longum tempus detineant in vinculis filios, & servos, peccant, & debent recurrere ad potestatem publicam; alii, etiam violant jus, quod habet, ne ei tale malum a persona privata inferatur.

6 Sed queritur, *an hac peccata contra vitam proximi sint mortalia ex suo genere?*

Resp. Affirmativè; nam ex iustitia tenemur non ledere proximum in bonis vitæ: iustitia autem ex genere suo obligat sub mortali ad suos actus ex dict. lib. 1. cap. 17. num. 20. & 21. Deindè, actus, quibus offenditur proximus in bono vitæ, opponuntur charitati, qua debemus proximum diligere, eique bonum velle; qui certè non amatur, si ei ea mala inferantur: actus autem, qui charitati opponitur erga Deum, vel proximum, est ex suo genere mortale peccatum: ergo, &c. vide *ibid.* num. 4. Parvitas autem materiæ, maxime in verberibus potest à mortali excusare.

7 Queritur, *an in Confessione sit aperienda persona, que occiditur, mutilatur, & verberatur?*

Resp. Affirmativè; nam absque dubio gravius peccat, qui occidit, mutilat, &c. Parentes, Cognatos, Clericos, & Superiores, quàm alios; nam, qui occidit Parentes, & consanguineos peccat contra iustitiam, & contra pietatem: qui Clericum, peccat etiam contra Religionem, & Sacrilegium committit: & qui Superiorem, & Principem, etiam contra observantiam.

8 Queritur, *an propter rem magni valoris, & summam notabilem pecunia possit quis furem licitè occidere?*

Resp. Aliqui affirmant, nec id ab eis censetur ab Innoc. damnatum; quandoquidem propositio 31. quam ipse proscripsit, loquatur de occidente furem pro conservatione unius aurei: & deducunt, ex quo DD. communiter de jure civili teneant licere Laico furem occidere pro conservandis rebus, si aliter res à rapina, & invasione salva haberi non possit, *Matthæucci Cautela Confess.*

vel spes non sit aliter recuperandi: hujus sententiæ est Bonac. *de res. in particul. disp. 2. qu. ult. punct. 10. nu. 1.* plures allegans, & *nu. 5.* extendit, ut sit viro honorato licitum occidere in valorem inferentem ignominiam, quando aliter ignominia vitari non potest.

Sed quidquid sit de jure civili, & secundum opinionem Legistarum, secundum Canones, in foro conscientiarum, quoad Deum, & jus naturale id non licere est certum. Videtur decisum in *cap. interfecisti de homicid.* ubi decretalis: *si autem sine odii meditatione, te, tuæque liberando, huiusmodi Diaboli membra interfecisti:* ex quibus habetur, quod, ut quis excusetur ab homicidio, duo copulativè sunt necessaria: ut occidat defendendo cum moderamine inculpatæ tutelæ non tantum res, sed etiam personam; nam textus non dicit, *te, vel tua:* sed *te, tuæque*, & patet ex auctoritate Augustini relati à D. Thoma 2.2. qu. 64. art. 7. in 2. arg. contrario, ubi ait: *quomodo apud divinam providentiam à peccato liberi sunt, qui pro his rebus, quas contemni oportet, humanæ ac poluti sunt?* ac ex *cap. suscepimus eod. tit.* ubi: *expediebat potius rerum sustinere jacturam, quàm pro rebus vilibus, & transitoriis, tam acriter in alios exardescere.* Propterea DD. ex Fagn. in 5. ad cit. *cap. suscepimus de homicid.* discurrentes de irregularitate Clerici ob occisionem, observant: quod, quandoque Clericus operatur aliquid ad defensionem personæ, & rerum; aliquando ad defensionem personæ tantum: & sæpe ad defensionem rerum dumtaxat; primo casu, si defensio sit necessaria, & inevitabilis, & cum moderamine inculpatæ defensionis, non efficitur irregularis, si ex tali facto homicidium sequatur, ex *alleg. cap. interfecisti*, & Clement. *Si furiofus de homicidio*. Si verò nulla sit necessitas defensionis, irregularitas non vitatur; idem in secundo casu defensionis dicitur: sed in tertio casu, quando pro

defensione rerum tantum occidit, irregularitatem non effugit.

Sed dices, pecunia, & patrimonium dicuntur vita hominis: ergo, si pro defensione vitæ potest quis sine peccato invasorem occidere, & pro defensione rerum, spoliatores.

Resp. Nullam esse proportionem inter divitias, & vitam; nam hæc est rebus temporalibus pretiosior, & sine dubio bonum incomparabiliter majus; solum potest analogia procedere *quoad quid*, quatenus homo pecunia, & patrimonio vivit, non verò *quoad hoc*, ut pro defensione rerum liceat hominem occidere. Quod evidenter opinor ex his concludi; si puella, ipsa invita, violatur, violatio non imputatur ei ad peccatum, modò ex animo resistat, & consensus absit, sed duplicatur ad coronam, cum non coinquinetur corpus, nisi de consensu mentis, ex D. Thom. cit. art. 5. ad 3. Si honor lædatur, potest alia via reparari; vel saltem homicidium ad id non est medium, juxta dicti lib. 1. sap. cit. nu. 19. Bona, etiam temporalia, alia via reparari possunt sine occisione, ut beneficio legis, vel implorando officium Judicis, vel esse potest spes reacquirendi beneficio restitutionis; vita autem non potest alia via reparari; nam mortuus officium Judicis implorare non potest: ultimum enim malorum, & maxime terribile est mors ex D. Thoma cit.

9 Nec obstat, quòd propositio 31. damnata ab Innoc. loquatur de occidente *furem pro conservatione unius aurei*, quia in 32. Pontifex damnat, etiam opinionem dicentium pro majori summa licere homicidium; nam Authores dixerunt: *non solum licitum est defendere defensione occisiva, quæ actu possidemus* (nota hic non distinguere, an sint magni, vel infimi pretii) *Sed etiam, ad quæ inchoatum habemus, & quæ nos possessuros speramus*: quam Innoc. damnat, ut jacet, & quoad utramque partem.

Hinc cautè legendus Ilfing. Theol.

pract. tract. 4. disp. 3. quæ 2. art. 2. §. 1. nu. 68. qui tamen si post decretum Innoc. scripserit, adhuc docuit esse permissam facultatem occidendi ad defendenda bona externa, si magni sint pretii, & de facili recuperari nequeant.

10 Sed quid respondebit *Confessarius poenitenti accusanti, se occidisse, & sagitta confodisse furem, equo fugientem, alias non recuperaturus summam pecuniam, quam sibi per fractionem portarum, & parietis abstulit; alleganti se non peccasse occidendo, ex illo Exodi 22.* Si effingens furdomum, vel suffodiens, fuerit inventus, & accepto vulnere mortuus fuerit, percussor non erit reus sanguinis; aliàs *multum Respublica furis, & rapinis perturbabitur, dum fures noverit se non posse à furtis per rerum Dominos impediri*.

Resp. Allegabit ipsi sequentia verba ex eodem capite: *quòd, si, orto sole, hoc fecerit, homicidium perpetravit, & ipse morietur*. Sacer itaque textus in primo versu loquitur de fure nocturno, & in secundo de fure diurno; rationem diversitatis assignat August. apud Fagnan. in quintum *ad cap. sicut dignum de homicidio. num. 11.* quia scilicet occidens furem, orto iam sole, poterat discernere, quoad furandum, non occidendum venisset, & idè non debuit occidi. Et probat: propterea fur nocturnus occidi potest, quia incertum est, an venerit animo occidendi, vel furandi; & ita, quoad eum, agitur de periculo personæ, & rerum simul; quoad verò diurnum, de periculo rerum dumtaxat; idè nunquam pro solis rebus licet furem, etiam nocturnum occidere, sed solum, cum agitur de defensione, etiam personæ, sed cum inoderamine inculpatæ tutelæ: cum nimirum Dominus, armis aggreditur, & mortem non potest evadere, nisi se defendat, & defendendo aggressorem occidat: in quo tamen debet servare moderamen allegatum: ex dictis cap. cit.

11 Queritur, quid agendum *Confessa-*

riotum panitente, qui exponit. Pater, Antonius quærit me apud Judicem de gravissimo furto (diebus præteritis in Ecclesia N. facto,) accusare, & ad id probandum falsos testes habet paratos, propter quod ego certè, quamvis innocens, damnabor: vel saltem, omnibus bonis privabor: crederem me posse licitè prævenire, & Antonium, ac testes occidere; nam id est probabile apud Molina, Sanchez, Lugo, aliosque: etenim mihi licet me defendere meliori via possibili?

Resp. Debet pœnitenti significare, se non posse sine peccato Antonium, vel falsos testes occidere; nam nulli, privata autoritate, licet mortem alteri inferre; aliàs maximè turbaretur Respublica, & inutilis esset Publica Potestas, cui cura Communitatis est commissa, & ad quam propterea spectat bonum Reipublicæ promovere, & homines ad mortem damnare, dum eorum occisio ad bonum Communitatis ordinatur. Nec pœnitens est in casu, in quo licitum est, injustum invasorem cum moderamine inculpatae tutelæ occidere; nam, si sermo sit de invasore rerum, est certum ad defendendas res præcisè, non esse licitum spoliatorem occidere propter proportionem, quæ est inter res, & vitam: si verò agatur de ipsius vita, jam patet, quod alia via potest se defendere, quam occidendo: vel per absentiam à loco: vel viri prudentis officio apud Judicem interposito, qui cum de veritate facti certior: aut allegando suspectos testes, & accusatorem: aut appellando à sententia; Immò, si eos occidit, non procedit cum præcautione moderamine; nam occisio non est unicuique medium ad mortem evadendam; sed potiùs consideratur efficax ad mortis supplicium, injusta occisione promerendum.

12 Sed quæritur, an licitè possit testibus ad eorum testimonium infirmandum crimen falsum obiicere?

Resp. Negativè; nam reus non habet jus defendendi se illo medio, cum sit men-

dacium, quod est intrinsecè malum; Generaliter ex iustitia quilibet tenetur vitare omnem actionem, ex qua malum proximo sequitur, & ad quam ponendam propterea ius non habet. Vide D. Thomam 2.2 qu. 66. art. 2.

Sed dices, ergo si esset in fortiis Curia deberet mortem innocens sustinere.

Resp. Affirmativè, si enim, servato iuris ordine, mortem effugere nequit, debet potiùs eam propter alia peccata sustinere, quàm perjurare, vel mentiri, aut aliquid aliud malum operari; nam, non sunt facienda mala, ut eveniant bona.

Ideò, quamvis opinio, quam pœnitens sequitur, esset probabilis (quod prorsus negamus) adhuc pœnitenti non foret licitum præfatis occidere; quia nec licet hominem occidere propter opinionem probabilem.

13 Quæritur, ad quid injustè occidens voluntariè alterum, vel mutilans tenetur?

Resp. Dum injusta sua actione sit causa damni, & injuriam faciat: debet primo restituere, expensas, & sumptus in curatione factos. 2. Compensare damnum emergens, & lucrum cessans, ex occisione, vel mutilatione proveniens. v.g. occisus, vel mutilatus lucrabatur quotidie quinque julios, occisor restituet, quod ex illis proveniebat hæredibus necessariis, qui jus habent petendi alimenta ab occiso, adeoque ab occisore, qui fuit causa illati damni: in taxatione debet ponderari ætas occisi, an fuerit fortis, & robustus, ac pericula, & dies, in quibus ob infirmitatem, & festam, aut aliud impedimentum probabilitè, & verisimiliter non potuisset laborare; sed, quia difficile est definire, quantum sit restituendum, tutius est cum parte læsa se componere.

14 Sed quid, Si occisus, priusquam decederet, remitteret occisori debitum homicidii?

Resp. Adhuc debet præfatis restituere id, quod ob injustam occisionem amit-

tunt; nam censetur occisus remittere solummodo injuriam, non verò debitum restitutionis ad alterum: cum remittere non possit jus, quod illi habent ad congruam sustentationem, & alimenta recipienda; immò, si occisus ex præcepto Judicis debebat alere Fratres, & Sorores, istis etiam debet occisor compensare damnum illatum.

15 Sed quæritur, *quinam reputentur hæredes necessarii occisi?*

Resp. Qui in totum non possunt hereditate privari, & jus habent petendi ab eo alimenta, ut sunt uxor, filii, & parentes, qui una caro cum occiso reputantur, & propterea censentur læsi per læsionem illius, qui una persona cum eis reputabatur; hæredes autem non necessarii, seu voluntarii dicuntur illi, qui, licet succedant in hereditate ab intestato, nihilominus privari possunt, ut Fratres, Nepotes, alique consanguinei. Verum, si Soror propter occisionem Fratris, à quo sustentationem recipiebat, in tali constitueretur statu, ut aliunde eam non posset habere, ad restituendum damnum debet homicida obligari.

16 Sed quæritur, *an homicida teneatur restituere expensas factas in funere?*

Resp. Negative, quia quovis tempore mors evenisset, Parentes, & Hæredes tenebantur ad funus: & proinde reputari debent, veluti expensæ ortæ ex nostra conditione, non verò ex injusta occisione: nisi occasione illatæ mortis in loco alieno, vel extra Patriam, majores sumptus facere fuisset necessarium; nam tunc est restituendum damnum emergens.

17 Sed quæritur, *an homicida teneatur solvere debita creditoribus occisi?*

Resp. Negative; quia, nec in foro externo, quod est custos justitiæ, datur actio creditoribus contra occisorem; nec in interno conscientie, interrogatur occisor, si occisus haberet creditores. Limitatur, nisi occiderit animo nocendi creditoribus; nam tunc erit causa moralis damni creditorum, juxta cap.

Siculpatua, de injuriis, ubi hæc sunt: si culpatua est damnum, vel injuria irrogata, seu aliis irrogantibus opem fortè tulisti, aut hac imperitia tua, sive negligentia evenerunt, jure super his satisfacere te oportet.

Unde sequitur; quòd si illicitum sit hominem occidere ad defendendum honorem, & bona fortunæ, à fortiori sit etiam ad defendenda jura in ipsa bona, & impediendum, ne quis Præbendam, aut Cathedram consequatur; nam bona in spe, & jus ad rem, minus valent, quàm bona, quæ possidemus, & jus in re. Tum quia, Respublica habet jus publicum defendendi ferro, & armis privata jura: ergo nulli alteri id licet, sed ad ipsam recurrendum est pro injuriis, quas quis ab alio recipit, ut contra reos juris remedia adhibeat.

C A P U T XX.

*Prop. XXXIV. & XXXV. ab Innoc. XI. &c.
Abortus.*

1 **P**ROP. 34. *Licet procurare abortum ante animationem fœtus, ne puella deprehensa gravida occidatur, aut infametur.*

PROP. 35. *Videtur probabile, omnem fœtum, quamdiu in utero est, carere anima rationali, & tunc primum incipere eandem habere, cum paritur, ac consequenter dicendum erit in nullo abortu homicidium committi.*

Cum familiare sit pluribus, sive mares sint, sive fœminæ, ut libidini, sine periculo jacturæ honoris frequentius indulgere possint, herbas, & alia sterilitatis venena, vel pocula præbere, & respectivè sumere, vel suadere, & consulere, ut fumantur, ad effectum non concipiendi, vel extinguendi fœtum; ideo Confessario ad assumpti muneris debitum injucundum non erit infra ponenda, occasione præfatarum propositionum, animadvertere.

2 Et I. ponderet, DD. omnes contra Authores propositionis 35. convenire factum in utero matris anima rationali informari, statim ac formatus, & organizatus sit, sed in assignando puncto temporis non conveniunt, ut infra n. 3.

II. Ponderet esse omnino certum, quod priusquam proles nascatur, informata sit anima rationali; quod habetur ex 1. Lucæ: ubi de Joanne Baptista in utero matris existente dicitur: *ut audivit salutationem Maria Elisabeth, exultavit infans in utero ejus*. Nec subsistit responsio asserentium fuisse tunc animatum anima sensitiva, non verò rationali; nam, omisso, quod de animali irrationali (quale est, quod solum anima sensitiva vivit) non verificatur, quod sit infans, nec, quod possit exultare, & gaudere: directè fallitas responsionis concluditur ex alio ejusdem capituli textu: *Et Spiritu Sancto replebitur, adhuc ex utero matris sue*: nisi autem animam rationalem habuisset, non potuisset in matris utero Spiritu Sancto repleri. Dicere autem per miraculum fuisse Joanni animam rationalem infusam, absque necessitate asseritur, & sine fundamento in generatione hominis ad miracula recurritur. Animatio post Innoc. decretum in dubium amplius revocari non potest; nec affirmari probabile esse, quod pro toto tempore, quo est in matris utero, careat fœtus anima rationali.

3 Queritur, *quandonam fœtus animari animalis dicatur?*

Resp. DD. non conveniunt: alii pro masculis assignant 30. diem: alii 32. alii 40. & alii 42. pro feminis verò, quidam 40. alii 70. & alii 80. Ratio diversitatis, & cur non eodem tempore animentur, solet esse diversa caliditas, vel frigiditas matris, Communiter tamen apud Quirantam sum. ver. *Abortus num. 5*. Layman lib. 3. tract. 3. par. 3. cap. 5. num. 3. asseritur maribus citius animam infundi, quàm feminis: masculis post quadragesimum, & feminis post octogesimum diem à con-

ceptione. Vide Gloss. in Clement. un. de sum. Trinit. in ver. simul. ac ad cap. cum enixa dist. 5.

4 Sed quid, *si dubitetur, an sit masculus, vel femina?*

Resp. Præsumendum est, factum esse animatum post quadraginta dies; nam tutior pars est eligenda.

5 Sed dubitabis, *an dubitans factum esse animatum, & ipsum occidens, ac dans causam abortui sit irregularis?*

Resp. Affirmativè; nam in dubio facti, cui est annexa censura, & irregularitas, debet quis se gerere excommunicatum, & irregularem, cap. ad Audientiam de homicidio, quia in dubiis semitam debemus eligere tutiorem, ut ibi text.

6 Sed quid, *si alleget se non habuisse intentionem, & propositum occidendi fœtum?*

Resp. Est irregularis, quia jam cooperatur morti fœtus, cap. sicut il 2. de homicid. & homicida formaliter est, quia concurrat ad necem hominis; nam fœtus animatus homo est, cum anima rationali, & corpore constet: ad differentiam ejus, qui efficit, vel cooperatur ad ejectionem fœtus inanimis; qui non formaliter, sed reductivè est homicida, ex quo tollat vitam ei, qui eam habet, non in actu, sed in potentia, cap. si aliquis eodem tit. ubi Gloss. in ver. ut homicida, notat, irregularitatem non incurri, nisi homo jam animatus interficiatur, velejus interfectioni cooperetur.

7 Queritur, *contra quam virtutem facit, qui procurat abortum fœtus?*

Resp. Contra iustitiam: nam occidit innocentem, quod est intrinsecè malum, & injuriam facit fœtui, qui jus habet; ut sibi non inferatur tale damnum. Si fœtus non sit animatus, privatur vita; ad quam est in potentia, seu impeditur, ne vivat; si verò animatus sit, tollitur ab eo vita, quam habet, & cum morte temporali inferitur mors æterna; ideo gravius peccatum est secundum, quam primum; & si procurans, vel consulens sit

Pater, vel Mater, peccat etiam contra pietatem.

Advertas tribus modis verificari, quod procuretur abortus I. Impediendo, ne fœtus, sequuta copula, concipiatur. II. Ut, jam conceptus, antè animæ rationalis infusionem, eiciatur ex utero. III. Ut post ejusdem animæ infusionem, ita immaturè pariat, ut pereat, & vivus non edatur: sive id contingat percussio- nibus, venenis, medicamentis, potio- nibus, oneribus, laboribus, auxilio, consilio, favore, vel aliis etiam inco- gnitis modis. Propter ea, cum malitia abortus consistat in hoc, quod tendat ad pueri occisionem formalem, vel virtua- lem, peccatum erit gravius, vel levius, pro ut magis ad perfectum homicidium accedit. Gravis itaque, & læthalis cul- pa est, si conceptio impediatur: gravior, si postquam est conceptus fœtus, extin- guatur: & gravior, si post animationem occidatur: in hoc tertio sensu excommu- nicantur, quotquot abortum causant, vel consulunt, vel eidem scienter coo- perantur, sive causæ principales sint, si- vè sociæ, aut cœciz, ut loquitur Six- tus V. const. *affrmatam*, de qua infra n. 16.

8 *Queritur, accedit mulier, qua se accusat:* Pater, à paucis diebus, insuf- ficientibus ad animationem fœtus, concepi ex viro meo, & quia experta sum in aliis partibus difficultatem pariendi, & periculum mortis; ad istud vitandum, peto, an possim sumere mendicamenta apta ad expellendum fœtum?

Resp. Negativè; & debet esse commu- nicid matri non licere, non modò, si fœtus sit animatus, ne defectu baptismatis perdat vitam æternam, quam mater te- netur ex Charitate præferre bono tempo- rali vitæ propriæ; verùm etiam, si non- dum fœtus animatus sit; deducitur ex pro- scripta propositione, quæ asserit: *licet procurare abortum ante animationem fœtus, ne puella deprebensa gravida oc- cidatur, vel infametur*; ergo non licet expellere fœtum in animatum pro vitanda

occisione, aut infamia matris; sed si ad vitandum periculum mortis matri liceret sumere remedia expulsi- va fœtus, jam lice- ret expellere fœtum pro vitanda occisione matris, ergo non licet: directæ enim procuratio abortus est absolutè illicita, adeoque in nullo casu prudenter eligibi- lis. Tum quia, est probabile, quòd ma- ter in partu, non decedat, sicut alias contigit; occisio autem fœtus est omni- nò certa, ergo ad evitandum probabile periculum mortis in matre, non est assu- mendum pro medio certa occisio fœtus innocentis. Nec in casu verificatur, quod fœtus sit injustus aggressor vitæ matris: adeoque, quòd liceat eum necare; nam licita est occisio injusti aggressoris, sed cum moderamine inculpatæ defensionis, cum scilicet est certa, & inevitabilis mors aggressi, si non occidatur aggres- sor, sed in casu mors matris non est cer- ta, & est vitandi. Tum quia, mater voluntariè tali periculo se exponit. Tum quia, fœtus in ordine ad matrem inno- cens est.

9 Sed quid, *dicendum, si pragnans sit graviter infirma, & nisi sumat me- dicamenta tendentia ad expulsionem fœtus, mortem non effugiet?*

Resp. Casus de facili potest in praxi occurrere, ad quem non omnium est una responsio. Duplex ad propositum distin- guitur medicamenti genus: alterum, quod directè tendit ad nocendum fœtui, & ipsum eiciendum: alterum, quod solùm respicit sanitatem matris, ut venæ scissio, pharmacum humoris purgativum &c. quæ aliquando solent nocere fœtui (& hoc dicitur medicamentum indirectè tendens in fœtus detrimentum) modò. Si fœtus animatus sit, non licet dare præ- gnanti graviter infirmæ pharmacum ul- lum, ex quo cum salute matris, sequa- tur, etiam indirectè fœtus mors; pro- pter rationem allegatam num. 7. nam or- do charitatis christianæ exigit, ut vita spiritalis animati fœtus præferatur. vitæ corporali ipsius matris.

Sed id limitant DD. nisi judicetur matrem, simul cum fœtu morituram; tunc enim putant licere matri præbere medicinam, ex qua sequatur probabilis spes vitæ ipsius cum periculo abortus, cum in pari casu, & necessitate mater debeat prius respicere, & consulere sibi, quam proli. Verum, quia damnum fœtus foret certum, & spes vitæ matris, ac mors fœtus cum illa matris, solum probabilis; ideo in casu relinquatur mater in manu Creatoris.

Si verò sit inanimis; dicendum etiam, nec licere fœtinæ gravidæ sumere pharmacum, vel venam aperire ad conservandam suam vitam, quando pharmacum, & venæ scissio non esset ad hoc conducens, nisi quatenus interficeret infantem; quia tunc directè, & per se intenderetur occisio fœtus, quod, ut diximus, est intrinsecè malum, & illicitum. Nec fœtus in casu reputatur injustus aggressor vitæ matris, cum potius sit infirmus. Cum intentione tamen directâ ad sanandam matrem illicitum non existimant Authores, posse matrem graviter infirmam sumere pharmacum per se, & ex natura sua ordinatum ad salutem ipsius, & non ad damnum fœtus inanimis, quamvis per accidens in isto nocuum sequatur: tunc enim interfectio fœtus non intenditur, tamquam finis, aut medium ad conservandam vitam propriam.

10. Sed difficultas est, *quando censetur per accidens, & indirectè sequi damnum fœtus?*

Resp. Judicium relinquitur prudentiæ, & doctrinæ periti medici. Crediderim tunc non censeri per accidens, sed per se, & directè sequi, cum frequenter, & ut in pluribus ex tali, vel tali medicamento damnum inferitur.

11. Queritur, *an puella, quæ omnino invita, & inculpabiliter passæ est violentiam à viro, & gravida effecta est, possit licitè ad evitandam infamiam in populo, & occisionem à parentibus, fœtum, saltem inanimem, expellere?*

Resp. Aliquibus placet affirmativa sententia, quia justum non est, ut quis sine propria culpa tantum damnum sustineat. Tum quia, fœtus in utero est injustus aggressor vitæ puellæ, quilibet autem potest se defendere contra injustum aggressorem, etiam occidendo illum.

Contra quos est Innoc. nam Pontifex absolute, & universaliter damnat opinionem, quæ doceat licere expulsionem fœtus inanimis propter vitandam infamiam, aut occisionem fœminæ corruptæ, sed hoc ipsum præfati affirmant, ergo contra decretum discurrunt, ergo non licet puellæ abortum procurare. Cum moderamine inculpatæ tutelæ est quidem licita defensio occisi injusti aggressoris ex dictis lib. 1. cap. 13. nu. 10. sed in casu, nec fœtus est injustus aggressor, sed innocenter se habet, nec ejus expulsio est unicum medium ad mortem vitandam; nam posset evadi beneficio alicujus consanguinei, vel Ordinarii per reclusionem in monasterium; ideo resolvas id puellæ non licere.

12. Deinde procuratio abortus est ab intrinseco mala, nociva speciei humanæ, & ipsius multiplicationi, ergo omnino illicita, & datur stricta obligatio ipsam non procurandi; nec potest id ex quovis fine honestari; cum, nec propter quodcumque bonum, etiam vitæ, liceat minimum peccatum committere.

13. Sed quid, *si puella Confessario significet, ex viro, quem turpiter cognovi, concepi, & ne talis cognoscar, aut tali vivam dedecore, parata sum me occidere: habeo ad hoc paratum venenum: statim ac disceßero, illud bibam, vel gladio me confodiam: volo mori potius, quam infamis vivere; queritur, an Confessarius possit ei suadere; propositum te occidendi dimittas, non enim defunt media ad extinguendum abortum: hoc, vel illud sumas?*

Resp. Multorum sententia est, licere Confessario abortum consulere, nam id est

est minus malum, quam mors Puellæ, quæ secum trahit abortum, & necem prolis; nec tunc per eos, censetur cooperari, vel influere in abortum, sed solum consulere minus malum; ut, quod non committat duplex homicidium; exemplum ponunt in Petro parato furari, & occidere Paulum: dum quis eum videt nolle ab utroque cessare, ajunt, posse consulere minus, furtum nimirum: nec in tali casu influit in furtum, quia ad id Petrus jam est paratus, sed influit solum, ut non occidat; fundantur in eo universalissimo principio: *de duobus malis minus est eligendum*.

14 Quorum sententiæ resistit decretum Innoc. nam per decretum statuitur, non licere procurare abortum fætus inanimis, *ne puella deprebensa gravida infametur*, sed ipsa sententia id licere concludit, ergo repugnat decreto. Neque verum est, Confessarium non cooperari abortui; nam revera consilium præbet, directè tendens in damnum fætus: & de præbente consilium verificatur, etiam abortum procurare, juxta disposita à Sixto V. in *alleg. const. Effrenatam*. Propter eam Confessarius abortum suadere non debet; nam semper in eo habetur directè innocentis occisio, quæ assumere, ut medium ad impediendam illam culpabilis Puellæ; sed totus esse debet, & conari, ut puellam removeat à conceptu proposito; quod si non proficiat, eam Deo commendat. Sed videat, ne notitia Confessionis extra ipsam utatur, vel apud Parentes, aut alios, ad effectum, ut impediant; nam sigillum Confessionis frangeret, quod in nullo casu licet.

15 Adductum axioma *de duobus malis minus*, &c. valet solum in malis physicis, & quando est necessitas eligendi alterutrum, non in peccatis, quia peccatum non est eligibile, nec ipsum eligere necessitatur: nam non peccamus eligendo, quod eligimus necessario, quia ex August. *nullus peccat in eo, quod vitare non potest*, v. S. Th. cit. qu. 43. art. 7. ad 5.

In malis itaque physicis illud verificatur: & exemplum sit: est infans in periculo, ut decedat sine baptismo: hæreticus mihi, districto gladio, mortem minatur, si baptizem: sum in necessitate eligendi mortem temporalem mei, vel damnationem æternam infantis permittere: deo eligere illam, ut minus malum. In peccatis autem non concludit: & ideo parato occidere, vel furari, neutrum possum consulere, quia præfatus non est in necessitate eligendi unum, vel alterum, ergo imprudenter unum, vel alterum consulo; nam semper consulo peccatum, quasi foret eligibile.

16 Queritur, *quomodo se gerere debeat Confessarius cum penitente, exponente, se procurasse abortum?*

Resp. Interroget, an fætus fuerit animatus, vel inanimatus; si inanimis sit, modò aliàs sit capax, potest absolvere; si verò sit animatus, non potest, cum sit excommunicatus excommunicatione reservata Ordinario juxta const. Greg. XIV. incip. *Sedes Apostolica piamater* 8. Bull. tom. 2. per quam moderatur illam Sixti V. *Effrenatam* 87. *ibid.* Unde sciendum Sixtum V. cum aliis penis statutis contra procurantes aliquo modo abortum fætus, sive animati, sive inanimis, decrevisse excommunicationem ipso facto incurrendam, Sedi Apostolicæ reservatam; Greg. autem, quantum ad penas, latas in procurantes abortum fætus non animati, aut exhibentes mulieribus, vel sumentes venena sterilitatis, Const. revocavit, & reduxit ad terminos juris communis, Sacrorum Canonum, ac Conc. Trid. dispositionem; quantum verò ad penas ipsam impositas post animatum fætus, eam moderatur solum, quoad absolutionem ab excommunicatione, & peccato, quam Ordinariis locorum reservavit; à quibus potest quilibet Confessarius approbatus absolvere, modò ad id specialem deputationem obtineat.

Propterea ponderent Confessarii. I. Non sufficere se habere facultatem, ut-

cum-

cumque absolventi à reservatis Episcopis, sed necessarium esse, esse specialiter deputatos ad hos casus, ut scilicet in facultate individuò exprimatur, quòd possit absolvere delinquentes circa abortum factus animati, ut expressè const. Greg.

II. Quòd censura non incurritur, nisi effectu mortis sequuto, seu, ut re ipsa abortus animati factus sequutus fuerit, &, nisi scienter abortus procuretur, ut ibid. Sixtus.

III. Hic Romæ potest quivis Sacerdos approbatus absolvere ab excommunicatione incurta propter abortum factus animati, quia hic solum prohibentur Confessores absolvere à casibus reservatis Pontifici, & Sedi Apostolicæ.

17 Sed quid, *si penitens dixerit, probabile erat, quòd non fuerit animatus.*

Resp. Eum absolvere nequit; nam reus est homicidii; adeoque excommunicatus, quia potuit in re hominem occidisse, arg. ex cap. *ad audientiam*, & cap. *petitio de homicid.* Etenim, dum probabile est non esse animatum, probabile est etiam animatum esse (nam probabilitas, non facit evidentiam de una parte, quinimò formidinem relinquit de opposito) ergo, qui circa eum delinquit usque ad ejectionem ex utero, & cum damno, ut ad vitam non veniat, exponitur periculo proximo occidendi hominem, qui autem simili periculo se exponit, jam reus est homicidii: cum in moralibus ejusdem malitiæ sit constituere se voluntariè in morali, & proximo periculo committendi aliquod crimen, & illud committere, ergo. Propterea, dum mihi est probabile id, quòd à longè video esse hominem, & probabile esse feram, homicidii reus ero, si telum in eum dirigam, & sclopus explodam, quia me constituo in probabili periculo proximo occidendi hominem; & excommunicationem incurro, si hominem occidam, quamvis fuerit mihi

etiam probabile, quòd esset fera; dum pro hominis occisione sit censura imposita.

CAPUT XXI.

Prop. XXXVI. & XXXVII.

ab Innoc. XI. &c.

Furtum.

I. PROP. 36. *Permissum est furari, non solum in extrema necessitate, sed etiam in gravi.*

Prop. 37. *Famuli, & famula domesticæ possunt occultè beris suis surripere ad compensandam operam suam, quam majorem iudicant salario, quòd recipiunt.*

Præsentēs propositiones spectant ad instructionem de furto dandam Confessario, ideò de ipsius natura, & furtis, quæ famuli in rebus dominorum committunt, aliqua dicenda sunt.

Ex cap. 9. num. 5. notetur discrimen inter necessitatem extremam, gravem, & communem; & quæ dicantur bona superflua naturæ, & superflua statui, ac, ex quibus superfluis teneantur divites elemosynas elargiri.

2 Notetur pariter, extra controversiam esse, licere extremè indigenti ad subveniendum sibi, ne fame pareat, ex rebus alterius necessaria sumere; nec tunc furtum committitur, ut probat D. Thomas 2. 2. qu. 66. art. 7. in corpore, nam pro co statu omnia ad communitatem redeunt: divisio enim, & appropriatio rerum est introducta jure Gentium (lege nimirum per homines statuta, quam servare debent omnes Gentes) ob bonum, & pacem Orbis, sed jus Gentium non derogat legi naturæ, quæ omnia in extrema necessitate sunt communia, ne Orbis pareat, ergo &c. Consequenter injuriam non facit domino rei, qui invitatus esse non potest, sed potius credi debet, quòd permittat, juxta Gloss. in cap. *si quid de furt. in verb. paniteat.*

2 Sed quæritur, *quare in extrema*

*necessitate sit licitum aliena surripere : & propter necessitatem famis, v. g. ex-
cuser à furto, & ab homicidio, si pro-
pter necessitatem me defendendi, meum
invasorem occidam, & in necessitate ad
vitam salvandam, non excusor à velun-
taria seminis effusione?*

Resp. De hac re vide infra cap. 28. Sed
discrimen est, quia primo casu jus natu-
rale subvenit, & excusat, cum propter
necessitatem res sit facta communis; in
secundo verò, ut cit. Glos. loquitur, ego
non interficio, quia aliud non intendo,
quàm me defendere; immò potius ipse se
interficat, qui me aggreditur ex dictis
lib. 1. cap. 13. at in tertio accusatur piti-
tudo, & essentialis inhonestas, ac deordi-
natio ipsius, & horror proveniens ex pec-
cato; unde debeo potius omnia mala su-
stinere, quàm peccato consentire, cap.
ita ne 32. qu. 5. Vid. Fagnan. in 4. ad cap.
ex literis de divortiiis num. 8. & Ilfing. tr.
4. disp. 1. §. 2. n. 27.

3 Quæritur, in quo differant fur-
tum, & rapina.

Resp. In hoc, quod furtum sit acce-
ptio rei aliena, invito Domino rationa-
biliter. D. Thom. cit. art. 3. & quia in
conscientia injusta detentio rei alienæ
reputatur furtum, ideò *ly acceptio* latè
sumitur: immò, cum Dominus possit à
commodatario, pignoratario, & depo-
sitario rem suam furto auferre, propte-
reà debent verba: *res aliena, & invito
Domino*, accipiatè: ut eatenus res di-
catur, etiam aliena, & aliquis Dominus
rei, quatenus habet jus detinendi illam
rem, & prohibendi alteri ejusdem acce-
ptionem; propterea posset furtum sic
describi: *est acceptio boni externi si-
ne vi, & absque consensu ab eo, qui,
vel est ejus Dominus, vel legitime reti-
net illud.*

Rapina vero est, *injusta ablatio boni
externi palam, cum vi, & violentia facta.*

5 Quæritur, an in Confessione sit ex-
plicandum, an res ablata fuerit furto,
vel rapina?

Resp. Affirmativè; ratio est, quia fur-
tum, & rapina specie differunt, ex D.
Th. cit. art. 4. nam per furtumunica-
tùm injuria fit Domino, surripiendo bo-
na; per rapinam verò, præter istam,
alia injuria fit personæ, dum ab ea per
violentiam bona auferuntur; & ideò per
hanc duplex jus læditur: jus, quod quis
habet in bona, & jus, quod habet, ne sibi
violencia inferatur damnum in bonis.

6 Quæritur, an furtum, & rapina
sint ex suo genere mortale?

Resp. Affirmativè, ex D. Thom. art. 6.
ratio est, quia, in quantum sunt acce-
ptio rei alienæ, opponuntur justitiæ,
quæ reddit unicuique, quod suum est:
justitia autem sub mortali obligat; & de-
struunt charitatem, & pacem cum pro-
ximo; nam ex charitate tenemur proxi-
mo bonum velle, per furtum autem no-
cumentum in suis rebus inferimus: omne
autem id est mortale, quod charitati con-
trariatur, ex D. Thom. ibid. ex parvitate
tamen materiæ, & dum hæc sit levis, ex-
cusari possunt, & esse veniale.

7 Sed quæritur, quando furtum cen-
seat mortale ratione materiæ gravis,
sem, qua quantitas per se loquendo re-
quiratur, ut quis furando peccet mor-
taliter?

Resp. DD. non conveniunt in deter-
minanda gravitate, vel levitate materiæ.
Navarrus in manuali statuit dimidium
julium pro materia furti mortalis: Cor-
duba unum: Toletus, & Lessius duos:
alii pro materia per se mortalis furti de-
signant id, quod æquivalet mercedi diur-
næ unius operarii, tempore, quo dies
non sunt nimis longi, vel nimis brevis: &
alii pretium sufficiens ad sustentationem
hominis plebei pro unico die. Sententia
mihi probabilis, determinat tres julios,
à quovis auferantur, sive Rege, divite,
vel alio; ratio est; quia debuit sub mor-
tali ea quantitas, à quovis Domino ac-
cepta, prohiberi, quæ in majori homi-
num parte, vim habet alliciendi ad fur-
tum, & à qua magni æstimatur in ordine

ad finem, maximè desiderabilem (ad quem finem ipsa bona temporalia à natura ordinata sunt) ad sustentationem nimirum, qua integro die possit convenienter vivi, & cogi, quis non debeat ad miserè vivendum; sed quantitas unius testonis est materia apta alliciendi ad furta, & sufficiens ad competentem sustentationem unius diei pro majori hominum parte, ac satis pro statu cuiusvis personæ ad plura comparanda, ergo per se loquendo debuit sub mortali prohiberi: aliàs in majori hominum parte non impedirentur furta, & iustitiæ multiplicarentur, læderetur pax, & charitas inter homines destrueretur.

Dixi *per se loquendo*, quia per accidens ratione nimirum damni, personæ illati, potest esse mortale furtum unius oboli, vel acus à factore.

8 Sed queritur, *an furari unum testimonium à divite sit mortale?*

Resp. Affirmative: ponderet Confessarius in furto duplicem materiam: unam gravem ex se, & ex objecto: huiusmodi ex dictis *num.* superiori reputatur unius testonis summa; alteram ex parte personæ, à qua res furto auferitur, considerato damno, quod ei obvenit ex ablatione propriæ rei; ex isto capite ablatio unius testonis à divite non apparet esse mortale: quia notabile damnum non infert; ex primo verò, utpote per se, & ex se materia gravis, mortale est: & ad hoc impertinens est damnum illatum. Hæc debet Confessarius inspicere, dum se pœnitentes de furtis accusant.

9 Queritur, *an sit in Confessione explicanda quantitas furto ablata, v. g. furatur Petrus mille, an debeat exprimere furatus sum mille, an verò sufficiat abstuli furto quantitatem sufficientem ad mortale?*

Resp. Ex lib. 1. cap. 18. n. 3. debet quantitatem explicare, quæ est circumstantia notabiliter aggravans, & mutans iudicium Confessoris, vel circa dandam absolutionem, aut imponendam pœnitentiam,

vel adhibenda morbo remedia: furanti mille major pœnitentia imponitur, quam furanti testimonem: furans testimonem, pro prima vice, si serio promiserit restituere, potest statim absolvi, etiam si non restituerit, & commodè potuerit; furans autem mille, & potens de præsentibus restituere, non est absolvendus, nisi prius restituat.

10 Sed queritur, *pœnitens se accusat: Pater, furto accepi mille, super quo primo interrogabitur à Confessario?*

Resp. An unica, vel iteratis vicibus acceperit; quia, si simul omnia, unica vice abstulerit, commisit unum mortale, licet gravius; si verò pluribus acceperit vicibus, debet explicare, quot sint vices, quia si viginti vicibus v. g. abstulit, viginti peccata mortalia furti patrat.

11 Sed quid, *si affirmet, abstuli viginti vicibus; at sex primis abstuli valorem unius iulii, & in cæteris summam totalem?*

Resp. Interrogandus est, an cum prima, vel secunda vice, quid minimum abstulerit, habuerit animum, & intentionem deveniendi ad materiam gravem, & plura furandi, vel non; si eo animo processit, etiam in prima vice, ob illum animum, mortaliter peccavit; nam animus, & desiderium committendi gravem offensam in quacumque materia, est semper culpa mortalis; si verò animum non habuit furandi plura, sed solum occasionaliter furatus sit, tunc non peccat mortaliter, in prima, secunda, vel tertia vice, sed quando pervenit ad retinendam rem alienam in quantitate notabili. Vid. cap. sequen.

Hinc à Confessario sunt de ea intentione interrogandi, qui furtis, etiam minimis, sunt involuti, quia sæpe eis animus non deest, maiora surripiendi, licet pauca surripuisse fateantur: nam plura abstulissent, si occasio ad plura se obtulisset.

12 Sed quid, *si se accuset: furatus sum*

sum unicum quadrantem, sine intentione majora furandi?

Resp. Interroget, an in præcedentibus furatus sit summam gravem, accedentem ad mortale: & si id invenerit, inquirat, an cum postea abstulit quadrantem, adverterit se ante materiam gravem accepisse; quod, si fateatur, furando quadrantem, mortaliter peccavit; ratio est, quia est postea accipiat materiam levem, & summam venialem secundum se, tamen, quia eam accipit cum advertentia, quod præcedenter accepit materiam gravem, mortaliter peccat: si non ratione ejus, quod accipit, ratione tamen ejus, quod retinet, quia rem gravem retinet; vel propter animum, quem habet detinendi summam notabilem, eamque augendi parvis furtis subsequentibus: sed, an in casu teneatur ad restitutionem, dicam *cap. sequen.*

13 Sed quid, si dixerit, se non advertisse ad furtum præcedentia?

Resp. Videat, an advertere debuerit; & censetur debuisse advertere, si habeat consuetudinem furandi, propter quam veluti ex habitu inadvertenter minima furatur; quo casu mortaliter peccat, & tenetur adhibere diligentiam ad illam consuetudinem extenuandam: experiendusque est antequam absolvatur. Utens pariter statera, in qua ex unaquaque libra tollitur semiuncia, debuit advertere, quod vendendo semper lucrum ex illa semiuncia proveniens surripit; & ideo toties mortaliter peccat, quoties cum illa statera merces vendit; & priusquam absolutionem recipiat, debet à se stateram remove, vel illam ad justum pondus reducere: nullus enim est absolvendus, nisi cum morali certitudine, quod habeat propositum efficax amplius non peccandi.

14 Sed quid, si habens illam consuetudinem, vel stateram, accesserit ad Confessionem ultimo die, in quo urget obligatio implendi præ-

ceptum Paschale de annua Confessione?

Resp. Absolvi non debet, sed potest ei tempus prorogari, juxta *cap. omnis utriusque sexus de panis. & remission.* vel ad proprium Parochum dirigatur.

15 Sed quid, si affirmet se aliàs fuisse confessum de furto, & nunc dicat grave scandalum sequiturum, nisi communicet, & non absolvatur?

Resp. Ex hoc à fortiori Confessarius concludat esse indispositum, & non accessisse ad Confessionem, nisi ad effectum solum vitandi pœnas ab Ecclesia inflictas; nam aliàs Confessionem non distulisset ad ultimum diem; vel saltem priori Confessario, cui promiserat se corrigere, paruisset; à Confessario itaque absolvendus non est, ne sacrilegium committat; quod toties contingit, quoties absolvit, dubitans prudenter de proposito efficaci pœnitentis: si scandalum sequitur, sibi imputet, debebat hoc prævidere; sed de hoc etiam *cap. 35.*

16 Queritur, accedit venditor piscium, & se accusat; Pater, in vendendo utor statera dolosa, in qua ex quavis libra semiunciam emptoribus fraudo: & venditor vini, aperiens, quoties vinum vendo, mensuram rado, vel non impleo, sic, ut pro unaquaque quadrantem lucrificiam; peto instrui, an mortaliter peccaverim? nam sum in sententia negativa, cum plures Authores doceant, non esse mortale auferre magnam quantitatem à diversis, modò auferatur à singulis parva: singulis enim parvum nocumentum inferitur, & quilibet seorsim leviter læditur.

Resp. Debet Confessarius eos instruire, vel quod stateram, & mensuram proiciant, vel eas aptent, ut justum reddant: deinde significet falsitatem sententiarum, asserentis eum non peccare mortaliter, qui per pauca furtiva à diversis quantitatem notabilem aufert; nam repugnat Scripturæ. Proverb. 11. ubi dicitur: *statera dolosa abominatio est apud Deum;* & Deuteronomii 25. *non habebis in sacculo di-*

diversa pondera, majus, & minus &c. Pondus habebis iustum, & verum &c. abominatur enim Dominus Deus tuus eum, qui facit hæc. Et est Reipublicæ injuriola, cujus Cives, licet non sint formaliter graviter læsi, sunt tamen sic radicaliter, hoc est, in eare, quæ nisi graviter prohibeatur, maximum sequitur inconveniens contra bonum publicum, & indemnitate singulorum Civium; quoniam sic liceret unicuique ex industria ditescere ex alieno, fraudando mensuras, falsificando merces, minuendo pondera, restringendo ulnas &c. & hinc, quæ fidelitas in commercii? quæ justitia in contractibus? qui mores in Republica? Tum quia, etsi singuli formaliter sint parum læsi, tamen fur iste habet in suis bonis plus notabiliter, quam debeat habere, quod etiam, justitia interdicit.

17 Sed quid, si plures furarentur parvam quantitatem ab uno, & eodem, ita tamen, ut totum ab omnibus acceptum summam notabilem constitueret?

Resp. Vel omnes, & singuli conveniunt ad furandum, vel non: si primum, omnes peccarent mortaliter, quia sic singuli sunt causa totalis gravis damni: si secundum, & nemo scivit alios furaturos tantum, quantum cum quantitate ab ipso accepta faceret magnam quantitatem, nullus ex illis peccaret mortaliter, quia nullius furtum secundum se esset grave, & quilibet ignorabat reddi grave per furtum aliorum; quorum unio fuit casualis, & à nullo fuit damnus grave intentum, sed singuli solum ad suam portionem respexerunt.

Verum, si bona alicujus essent ita exposita, ut verisimiliter præsumeretur, quod, si uni liceret absque peccato lathali, etiam parvam quantitatem accipere, multi similem tollerent, & sic fieret illi notabile damnum; crederem, nullum posse auferre parvam quantitatem absque peccato mortali, quia ex tali expositione

Matthæucci Gaudela Confess.

nebonorum posset facile cognosci, quod furtum ex se parvum, redderetur magnum ex conjunctione cum aliis furtis: & ita videtur peccare mortaliter, qui ex vinea exposita sic, ut alii possint ex ea aliquid surripere, racemum uvæ accipit. Poncius.

18 Propterea à mortali non excuso eos, qui hic Romæ, per abusum graviter peccaminosum, sænum per minuta furta surripiunt, dum ad locum conservationi destinatum, trahitur: non modo propter intentionem, quam habent perveniendi ad gravem quantitatem; verum etiam, quia, cum videant alios paratos ad surripiendum, jam censentur causa moralis gravis damni; quod, si non singulis Dominis, omnibus tamen simul sumptis provenit. Idem dicitur de illis, qui tempore messis spicas colligunt ultra eas, quæ manent post terga metentium, invenientes in fine messis, se quantitatem notabilem de alieno habere, vel saltem intentionem ad id habendum habuerunt; propterea, si velint tunc retinere, & non restituere, pauperibus saltem, peccant mortaliter. Pondera, spicas à messoribus, & racemos post terga vindemiantium relictos, censeris pauperibus relinqui.

19 Queritur, an peccet mortaliter peccato furti venditor non aperiens defectum occultum suæ mercis?

Resp. Affirmative; emptor enim præsumitur velle rem non vitiosam, & quæ sit sibi utilis; & venditor ex officio tenetur explicare conditionem, & vitium occultum suæ rei: maximè, si interrogetur de bonitate, vel vitio ipsius; quod si affirmet rem vitio carere, & eam multum laudet, sciens occultum vitium, facit injuriam emptori; & dum hac ratione emptorem allicit, contractus est invalidus, quia ei dolus causam dedit; nam, si emptori notum fuisset vitium, non emisset: & si emisset, non tanti; ideo tenetur venditor ad restitutionem quantitatis, ad quam fuisset emptor invitatus.

20 Sed quid de illis, qui fraude utuntur, & bonis mercibus alias defectuosas, vel minoris valoris commiscunt, v.g. frumento, secale, vel aliud corruptum: vino aquam miscunt: vinum tenue cum generoso confundunt: lanas in locis aquosis constituunt: ut tanto magis ponderent: & sic de ceteris, in quibus fraus in qualitate, & quantitate intervenit?

Resp. Peccant mortaliter, si res propter admixtionem sit facta deterior, ut propterea emptor presumi debeat verisimiliter invitus, quamvis eam ipsi vendatur iusto pretio, quo valet cum illo occulto vitio; ideò, si vendo tibi vinum, ad statim bibendum optimum, in brevi tamen corruptendum, teneo tibi dicere hoc vitium, ut illud non serves.

21. Sed unde cognoscendum, quòd emptor sit invitus?

Resp. I. Cognosci potest, si rem non vitiosam petat. II. Si damnum postea debeat pati. III. Si res postea ei debeat esse inutilis, & dispendiosa IV. Si rem ad conservandum emat; ut si emat vinum ad conservandum, & ob mixtionem aquæ, si citò non absumatur, totum cum ejus damno corrumpetur, & acefiet: vel, si emat in quantitate fructus, & quia per industriam venditoris commixti sunt, cum aliis de facili ad putredinem tendentibus, statim deficient: in his, & similibus, emptor est verisimiliter invitus, & contractus nullus; & cum venditor sit causa damni, ad restitutionem tenetur.

22 Sed quid, de illis venditoribus, qui, quia emptoribus non placent merces, nisi infimo pretio iusto, & ipsi vellent eas vendere pretio iusto medio, vel supremo, compensant id occulta diminutione mercis, in mensura nimirum, vel pondere: v.g. conantur mensurando panem unam, vel mediam ulnam lucrari, ut simili modo perveniant ad pretium intentum?

Resp. Peccant mortaliter contra justitiam; & obligantur ad restitutionem, ratio est, quia licet possent vendere

merces pretio medio, vel rigorofo iusto, id tamen post conventionem eis non licet; sed tenentur stare conventioni, quæ est iusta, licet sit de pretio infimo.

23 Sed quid, de illis, qui, dum faciunt computa cum mercatoribus, aliqua tacent, quæ certò sciunt se ab illis recepisse, & cognoscunt non esse à mercatore notata?

Resp. Peccant pariter mortaliter contra justitiam, & ad restitutionem tenentur, quia rem alienam retinent.

24 Sed quid, si allegent se illa retinere, quia mercator, alias merces nimis carè vendidit?

Resp. similis excusatio eos à peccato, nec ab onere restitutionis liberat; nam, si convenerunt de pretio, etiam supra rigorosum iustum, tenentur in conscientia stare pacto. Verum mercator tenetur excessum restituere.

25 Queritur, an famulo, cui Dominus committit aliquid vendendum hæc forma: vendas hoc decem; possit sibi retinere aliquid, si vendiderit duodecim?

Resp. Negative, sed totum illud est Domini, cui tradendum est; nam ideò Dominus pretium determinavit, ne res venderetur infra, non verò quod, oblata occasione, non venderetur supra infimum pretium iustum.

26 Sed quid, si famulus rem illam ipse sibi compararet pretio à Domino statuto, & pluri postea suo nomine venderet iusto pretio?

Resp. Facit contra justitiam, quia verisimilis Domini voluntas est, ut intra latitudinem iusti pretii rem vendat, quantum potest: & propterea nullum legitimum titulum habet ad illud pretium sibi retinendum: nec ratione rei venditæ contra præsumptam voluntatem Domini: nec ratione ministerii, & industriæ, quia habet suum stipendium.

27 Sed quid de illo, qui non est servus, & ei res traditur, ut vendat pro sex, & vendit pro octo?

Resp.

Resp. Non potest sibi retinere illa duo, nam hoc obsequium regulariter amicabiliter, & gratis præstatur.

Sed quid, *si id non solet exercere, nisi pro pretio, & stipendio?*

Resp. Debet id notificare Domino, qui, vel se ipso rem venderet, vel forte alium venditorem inquireret, qui sibi servitium gratis præstaret; vel saltem conveniret de pretio dando pro labore; & ideo totum pretium rei venditæ debet ipsi reddere, ut postea solvat juxta conventionem. De la Cruz 7. *præcept. q. 2. nu. 7. in fine.*

28 *Quæritur, accedit famulus instrui petens;* vellem scire, an possit sine peccato mortali occultè surripere à meo Domino aliquid in compensationem majoris laboris, quem pro ipsius servitio præsto, cum pro eo salarium sit stipendium minus iusto.

Casus est satis frequens inter famulos, & operarios, qui sæpe conqueruntur, stipendia esse iusto minora, ideoque hoc titulo id alia via sibi compensant?

Resp. Negativè, ut in terminis ex Innoc. damnante 37. *prop.* Judicium, quod stipendium sit iusto minus, non debes tu efformare, nam ex amore ad propria commoda decipi potes, & censere tibi evidentem injustitiam irrogari in quantitate salarii; Ideò advertas, quòd, sicut in mercibus datur triplex pretium, *summum, medium, & infimum*, ita, & in ministeriis famulorum; mensura autem stipendii, tum ex lege, tum ex consuetudine, tum ex pacto sumitur: nec mensuratur ab integra tui sustentatione, & familiæ.

Inquirat Confessarius, 1. An sint alii, qui pro eodem salario servirent? an ipse Dominum rogaverit, ut ad suum servitium reciperet? & dum affirmet, ei ostendat salarium, quod ipsi tenuè videtur, iustum esse; nam merces ultroneæ vilescunt.

29 II. An de pretio convenerit, sciens Dominum ad plura servitia famulos

applicare, vel saltem dubitans, quod alii reciperentur, qui talem operam præstarent pro tali pretio; & tunc, debet stare pacto, nam, si tunc aliquid majus exegisset, fuisset ab hero licentiatius.

30 III. *Quare cum experiatur, se ab hero nimis gravari propter varios labores, ad ipsum non recurrat, exaggerando tenuitatem stipendii, & quantitatem laborum, exponendo se pro eo tot labores, & operas præstare non posse?* quia, vel tunc herus augebit pretium, vel alium famulum pro tali stipendio ad tales operas præstandas inquirat: ex quibus patet, Dominos semper invitos censi super excessu, quem sibi famuli occultè ad compensandum suum laborem surripiunt.

31 *Quæritur, an habens creditum, seu ius ad rem sui debitoris, possit per occultam compensationem surripere de bonis, ad qua debitor habet ius in re, usque dum sibi ad aequalitatem satisfaciatur?* exemplum est in famulo, cui herus ob servitium præstitum, debet ex prævia conventionem stipendium, loco cuius, dum ab eo illud petiit, verbera recepit, & majora mala verisimiliter timet, si recurrat ad Judicem, apud quem non potest creditum justificare, nec consocii testari volunt, ob metum mortis, eisdem etiam à communi Domino comminata?

Resp. Rotarius apparat. *Theol. moral. p. 2. cap. 1. n. 9.* absolute affirmat; maximè, si cum circumstantia exposita concurrat, etiam esse creditum liquidum, & certum, & quod plus non accipiat. Cujus sententia non debet ita de facili ad proximam deduci; sed cautè est à Confessario cum similibus procedendum, ne mille injustitiis via aperiatur, & aditus occultis furtis præbeatur; ponderet itaque, vix posse in praxi contingere, quin occultum furtum, in compensationem factum, alteri innocenti imputetur, & in alium culpa refundatur cum gravi illius præjudicio; ideo hujus-

modi modum compensationis nunquam consulat, sed potius, ut de alio Domino sibi provideat, & curet iustitiam Judicis officio recipere; ve expectet satisfactionem sibi ex iustitia debitam, officio Confessariorum, qui Dominos ita duos non debent absolvere, nisi prius satisfaciant.

32 Sed quid, si Confessarii invenerint aliquem sibi sic occultè satisfecisse?

Resp. Interrogent, an id præstiterit cum dubio, quod alteri innocenti potuisset furtum attribui. & tunc est obligandus ad restitutionem: ut hac via impediatur in Domino temeraria iudicia, & in tertio mala, quæ probabiliter possent eidem obvenire; nam licet jus habeat ad rem illam Domini pro suo credito, non habet tamen jus ad eam surripiendam cum damno tertii: hinc sequitur, quod sententia Rotarii in praxi probabilis non videtur. Vide *Campionum part. 2. in struct. cap. 22. num. 3.*

33 Sed quaeritur, an peccet mortaliter, qui occultè accipit rem suam ab alio injuste detentam?

Resp. Affirmativè, non contra iustitiam commutativam, sed legalem, usurpando officium Judicis; sed nihil restituet, cum non accepit alienum; sed tenetur aliquo modo monere eum, apud quem reserat, ne sollicitus sit pro restitutione: & in casu, quod id non possit, & alter restituat, debet sua ipsi secreto modò reddere. Pariter ex D. Thoma cit. art. 3. ad 3. peccat mortaliter, qui accipit suum librum depositum apud Franciscum sine hujus licentia, nam facit injuriam Francisco, quia res deposita, quantum ad custodiam, est ejus, apud quem deponitur.

34 Quaeritur, an mortaliter peccent famuli, si clam à Domino surripiant quadam ad edendum, & bibendum, esculenta, & poculenta?

Resp. Affirmativè: modò surripiant ad vendendum, vel donandum, ac ad abutendum, ad compensationes, & com-

mesationes: nam certè id graviter displicet heris, qui rationabiliter sunt inviti, etiam circa substantiam rei. Verùm, si surripiant ea ad bibendum, & edendum, non in notabili quantitate, & in rebus ordinariis, quas ipsi consumunt, & quæ non solent ab heris sub clavi asservari, videntur graviter non peccare; ratio est, quia non censentur Domini, quoad hæc esse inviti quoad substantiam, sed præsumuntur probabiliter consentire, dum scientes eum esse morem famulorum, ea sub custodia non concludunt.

Advertas cum DD. majorem quantitatem requiri, ut filii, & domestici peccent mortaliter furando, quàm exteri: ratio est, quia minus verisimiliter invitus reputatur Dominus respectu suorum, quàm exterorum: non conveniunt tamen in assignanda quantitate, quæ ad mortale sufficiat, ideo opus est prudentia Confessarii: nam certè minus invitus erit Dominus liberalis, amicus, dives, quàm avarus, & pauper, ac remissè amans: minùs, si domestici fuerunt ad proprios usus, quàm ad dandum aliis; minùs, si panem, vinum, esculentorum reliquias, quàm pecuniam, vestes, & pretiosa electuaria: minùs, si rarò, & per modicam: magis, si per notabilem quantitatem, simul, & sæpè res auferatur; & ex similibus discurras.

Cæterùm totus Confessarius esse debet, & curare omnes præfatos à similibus revocare, ne per paucà furta domestica ad graviora descendant, Deum graviter offendendo, & ne sibi, nec in gravibus conscientiam faciant.

35 Quaeritur, Super quibus Confessarius, quoad furtum, interrogabit Sartores?

Resp. Interroget: I. An pannum, quem ex commissione accedentium ad proprias officinas à mercatoribus emunt, & pretio medio obtinent, commissariis vendiderint pretio majori, asserentes tantum valere, volentes tali modo compensare, etiam laborem, & operam, quam præ-

præstare non tenebantur; nam tunc certe peccant mortaliter , si notabiliter lædant emptorem, qui præsumitur verisimiliter invitus de excessu, putans tantum pretium fuisse pro eo à Sartore solutum : Propterea & peccant peccato furti contra iustitiam, & peccato mendacii contra veritatem.

II. An aliquid detinuerint ex materia, in qua operantur (multi enim putant iustificare furta, allegantes ob multitudinem sartorum, non solvi sibi iustum pretium, & sic opus esse aliqua industria ad aliquid exiguum detinendum, quo compensent inæqualitatem; & tamen nosse deberent, hoc ipsum, quod multi eodem pretio parati sint opus facere, operari quodammodo, pretium esse iustum: nam multitudo locantium operas non parum conducit ad diminuendum pretium pro tali opere dandum) & quatenus affirmant: interroget: quoties id egerit, & an semper in gravi quantitate: & si in parva, an habuerit intentionem perveniendi ad quantitatem gravem, & quot personas læserit, & an ex consuetudine sit ad ea parva furta assuetus, & in casu procedat juxta dicta num. 16.

III. An plus iusto exigant pro labore vestis, Togæ &c.

IV. An suis operariis stipendia retineant &c.

36. Quæritur, *an mortaliter peccaverit argentarius in emptione gemme, cujus valor erat venditori incognitus, pro qua dedit pretium non adequatum ipsius valori.* V. G. rusticus invenit gemmam, putat esse lapidem non tantæ æstimationis: cam argentarius, non ignorans esse gemmam, emit, sed pretio non iusto?

Resp. Affirmativè, nam venditorem graviter lædit, qui censetur rationabiliter invitus; idcò conveniunt DD. teneri emptorem, qui noscit rem vendendam pluris à peritis æstimari, monere venditorem de singularitate, & *Matthæucci Cautela Confess.*

æstimabilitate rei, vel augere pretium juxta æstimationem valoris, quem habet.

37 Sed quid, *si emptor rustico dixerit; ego volo esse in conscientia tutus, ideò, si fortès res plus valet, dones mihi excessum?*

Resp. A mortali non excusatur; nam cum dolo, & fraude procedit: nec donatio sic qualificata tenet, quia propter ignorantiam censetur involuntariè donare: nec contractus subsistit, ut ex dicendis cap. 23. patebit; timeant isti dictum Augustinum *lucrum in Arca, damnum in conscientia.*

38 Quæritur, *de quibus interrogandi sunt pœnitentes circa præceptum, non furtum facies?*

Resp. I. An scienter acceperint, vel detineant rem alienam. II. An rem furto sublatam emerint. III. An vendiderint, vel emerint cum fraude, in pretio, & mensura, & fallacibus mensuris fuerint usi. IV. An aliorum agris, hortis, Domibus, vel bonis aliis damnum intulerint. V. An debita creditoribus, mercedem operariis, salarium famulis, potentes solvere, cum eorum damno, solvere distulerint. VI. An ministerium, pro eis merces datur, fideliter exercuerint. VII. An rem alienam inventam retinuerint: vel, an reddiderint domino: aut, hoc ignorato, an pauperibus distribuerint. VIII. An rem sui domini custodierint, pro ut debebant. IX. An se finxerint pauperes ad eleemosynas accipiendas, conjungentes furtum mendaciis. X. An solverint Gabellas; & tandem super id totum, quod ad iustitiam erga proximum in bonis reduci potest. Omnes enim isti veniunt nomine furis.

39 Quæritur, *an surripiciens rem alienam coram aliis debeat in Confessione non solum furtum, verum etiam & scandalum aperire?*

Resp. Affirmativè, quia sunt peccata diversa: furtum contra iustitiam, & scandalum contra charitatem: & debet

exprimere, quot scandalizaverit; nam tunc tot scandalizaverit peccata numero distincta commisit, quot erant personæ, in quarum præsentia alienum surripuit: ab objectis enim numero distinctis sumitur numerica distinctio peccatorum, sicut specificata a formalibus ex dictis *lib. I. cap. 17. num. 10.*

40 Sed quid, si non intendat ruinam spirituales proximi?

Resp. Non obstat, ut peccet peccato scandalizaverit (quod est proximi ruinam spiritualis) sed fat est, ut faciat actionem de se inductivam ad peccatum, & tunc quoad eos solum peccat contra charitatem.

41 Sed quid, si etiam consulas furtum?

Resp. Tunc censetur causa moralis furti; & non solum peccat contra charitatem inducendo alium suo malo exemplo ad furandum, sed etiam contra iustitiam; & tenetur restituere, quod alius suo consilio surripuit, si alter non restituat, juxta dicenda cap. sequen.

42 Queritur, an Ocella sint sub mortalibus subditis solvenda?

Resp. Vid. *lib. I. cap. 21. num. 10.*

43 Queritur, an mortaliter peccent Agæones, & Muliones, quibus commissæ est ab heris cura animalium, ovium, equorum, jumentorum &c. certa portione illis distributa in alimentum illorum, si, in scio hero, surripiant ultra eam portionem, fenum, avenam, & bis similia, in pinguius alimentum illorum animalium?

Respon. Affirmativè; nam tunc disponent de rebus contra voluntatem domini: propterea debent esse contenti illa portione sibi assignata pro pecoribus, quam judicat dominus esse sufficientem; quod si sufficiens non sit, jam non sumitur ad pinguius alendum animal; & optimum erit in domino significare, ut vitentur scrupuli.

44 Sed difficultas est, an teneantur ad restitutionem?

Resp. Affirmativè, si contra rationabilem voluntatem domini, non solum conducentia alimenta, sed & superflua animalibus dederint sic, ut ob eorum prodigam dissipationem alimentorum in pecora factam, grave damnum dominus recipiat; aliàs negatur, quia lucrum domino cessit in animalibus suis.

45 Sed quid, dicendum de pastore, qui cum grege domini alii quemdam numerum ovium suarum (decem nimirum, vel viginti) si ultra portionem rationabilem ab hero assignatam majorem surripiat?

Resp. Teneri ad restitutionem, saltem quoad partem redundantem in oves proprias, quia inde lucrum, & fructus ei, & non domino, provenit; quod, si suis solum ovibus surripiendo provideat de ampliori portione, neglectis ovibus heri, absque dubio tenetur in integrum restituere. Videas pro uberiori instructione dicenda cap. sequen.

De furto sacrilego vide *lib. I. cap. 18. num. 35. 36. 37. & 38.*

CAPUT XXII.

Prop. XXXVIII. & XXXIX.
ab Innoc. XI. &c.

Restitutio quoad bona fortune.

1. PROP. 38. Non tenetur quis sub pena peccati mortalis restituere, quod ablatum est per pauca furtiva, quantumcumque sit magna summa totalis.

Prop. 39. Qui alium movet, aut inducit ad inferendum grave damnum tertio, non tenetur ad restitutionem istius damni illati.

Pro intelligentia restitutionis debet Confessarius, priusquam ad particulares casus descendat, terminorum notitiam acquirere, ut ea instructus possit tuto procedere cum penitentibus, qui ad restitutionem faciendam, vel ad refarciendam

da damna, injustè alteri illata in bonis fortunæ, sunt obligandi.

2 Quæritur, quid sit restitutio?

Resp. Quia restituere ex D. Thoma 2. 2. qu. 62. art. 1. in corp. nil aliud est, quam iterato alicquem statuere in possessionem, vel dominium rei suæ (in qua attenditur æqualitas justitiæ secundum recompensationem rei ad rem) ideo sic describi potest; est actus iustitiæ commutativa, quo redditur alteri ad æqualitatem, quod fuit ab eo injustè acceptum, vel injustè detinetur: vel, quo compensatur damnum proximo, injustè illatum. Quicumque enim damnificat alicquem, videtur ei auferre id, in quo ipsum damnificat; damnum enim ex eo dicitur, quod aliquis minus habeat, quam debet habere D. Thomas cit. art. 4.

3 Sed quæritur, an restitutio sit ad salutem necessitate præcepti necessaria?

Resp. Affirmativè, ex D. Paulo ad Rom. 13. reddite omnibus debita, nemini quidquam debeatis: & Tobiz 3. videte, ne forte furivus sit (hædus) reddite eum dominis suis, quia non licet nobis, aut edere ex furto aliquid, aut contrahere. Id ipsum August. relatus in cap. si res aliena, per hæc verba testatur: non remittitur peccatum, nisi restituatur ablatum, si restitui possit; ratio est, quia nemo salvatur, qui voluntariè alteri grave damnum, seu injuriam infert, & justitiam lædit (nam hoc non compatitur cum hoc, quod ipsum diligat, nec servat cum ipso charitatem: dilectio enim vult bonum proximo, & non malum) sed qui non restituit rem alienam, vel damnum illatum, non recompensat injuriam, & grave damnum alteri infert, justitiam lædit, & malum, & non bonum proximo vult.

4 Sed quæritur, an restitutio statim fieri facienda?

Resp. Affirmativè, statim ac quis potest hora, & tempore debito ex cit. S. Thom. art. 8. ratio est, quia, sicut accipere rem alienam est peccatum contra

justitiam, ita eam detinere; quia per hoc, quod quis detinet rem alienam, invito domino, impedit eum ab usu rei suæ, & sic ei injuriam facit; & sequitur ex natura ipsius præcepti, quod per se, & formaliter est affirmativum, continens hunc actum: reddere domino, quod ipsius est: & virtualiter negativum, includens hanc negationem: ne retineas alienum; & sub ista ratione obligat semper, & pro semper.

5 Sed quid, si impotens quis sit ad statim restituendum.

Resp. Debet esse paratus restituere pro tempore, quo possit; & dum habet contrarium animum, voluntariè in peccato perseverat; quod est in Confessione explicandum cum tempore, quo talem habuit animum, & quo potens restituere, non restituit; super quo à Confessario est interrogandus.

6 Sed quæritur, an teneamur restituere cum gravi damno nostri status?

Resp. Vel status fuit justè acquisitus, vel injustè, furtis nimirum, fraudibus, & rapinis: si injustè tenemur statim restituere cum amissione talis status: cum non sit minor iniquitas tueri statum iniquè acquisitum, quam illum comparare tollendo alienum: nec tunc dicemur cadere à nostro statu, sed redire ad priorem: si verò justè, non statim tenemur, si aliàs creditor non patiat extremam necessitatem, qua mendicare cogatur: verum obligamur parcè vivere illo in statu, tollere omnia superflua, & totis viribus conari, ut paulatim restituamus. De la Cruz direct. conse. 7. præcept. art. 8. de rest. num. 2. & Rotarius apparat. Theolog. moral. par. 2. section. 2. num. 18.

7 Quæritur, quot sint radices, ex quibus nascitur obligatio restitutionis?

Resp. Dux ex D. Thoma cit. art. 6. in corp. Res accepta, & Acceptio; hæc potest esse injusta, ut in furto; potest addi tertia, damnum nimirum illatum:

obligatio itaque restitutionis oritur ex triplici capite. I. *Ex re accepta*; ex isto tenetur quis restituere rem alienam, quam esse alienam cognoscit; nam semper res ubicumque sit, clamat pro Domino: recipit quis vestem ab alio, quem putat esse Dominum vestis, postea cognoscit non esse, sed vestem esse Pauli, tenetur tunc ex re accepta vestem Paulo restituere.

8 II. *Ex injusta acceptione*: ex isto tenetur quis restituere rem, quam per furtum, rapinam, vel usuram injuste accepit; etiam si res non extet, ut infra patebit; quia, si extet, etiam ex re accepta restituere tenetur: ex justa vero acceptione est quivis obstrictus, finito contractu, ad restituendam rem, quam ex contractu habuit, vel in mutuum, vel in depositum, adeo ut, si tunc non restituit, censeatur etiam injustus detentor.

III. *Ex damno illato*; ex quo tenetur quis restituere, etiam si res, in qua proximus damnificatur, non maneat apud damnificantem: ut si occidatur equus, agri incendantur, segetes devastentur, domus destruantur; ratio est, quia, cum sua malitia sequatur damnum alterius, & minus ille habeat, quam debet, compensatio est facienda.

9. *Quæritur, quot sunt genera fructuum, quorum notitia est Confessorie necessaria ad imponendam obligationem restitutionis?*

Resp. Duo, alii sunt *fructus rei*, alii *meræ industriæ*: fructus meræ industriæ illi reputantur, quos ipsa res ex se nullo modo producit, sed hominis cura, & diligentia: hujusmodi est lucrum; quod ex rebus usu consumptibilibus, ut pecunia, vino, oleo, frumento, panno &c. negotiatione, & mercatura, ac ludo acquiritur; quemadmodum opus, quod alieno instrumento artifex conficit, non instrumento, sed artificis industriæ tribuitur.

Fructus vero rei alii sunt *naturales*,

alii mixti: naturales dicuntur, quos natura sponte sua, id est, sine vi, & scissura aratri, & absque arte, & agricultura; vel sine ulla, vel modica hominis cura producit: hujus generis sunt poma, ficus, herbarum, gramina, animalium partus &c. in quibus apparatus, & virtus naturæ præcedit apparatus, & hominis laborem. Istorum aliqui sunt *pendentes*, & *percipiendi*: alii *percepti*, & *à solo separati*, *juxta* Glof. ad l. *ex diverso ff. de rei vindicat. ver: non habendo*.

Mixti verò reputantur, quorum productionem æquè, vel magis hominis industria, & labor, quam natura operatur: hujus generis est oleum, vinum, & cervisia, quia per industriam hominis accommodantur usibus hominum, l. *si eis*, & *si fundi ff. de rei vindic.*

Item, omnes fructus, qui seminantur; quia cultura hominis maxime præcedit opus naturæ. Item, scænum, & palea, propter laborem, qui requiritur ad ea percipienda; licet enim pascua ponantur inter fructus naturales, id tamen intelligitur, nisi fale secentur, & in horrea reponantur. In l. *si usufructuarius Meßem ff. quibus modis usufr. amittit.* parificantur scænum cæsum, spica incisa, uva adempta, & oliva excussa. Item, lana, propter tondentis operam: & lac ob emungentis laborem; præfata enim omnia in suo esse rudia natura producta, ad usus hominum accommodantur per hominum curam, laborem, & industriam.

Denique, alii dicuntur fructus civiles, seu legales, quos nec natura illos producit, nec sola hominis industria, sed magis legalis auctoritas; ut pensiones domorum, pretia locatorum, vecturæ mercium, mercedes jumentorum, operæ servorum, &c. quæ sunt à jure introductæ, & procedunt ex præcedenti contractu locationis, emptionis &c. & propterea non dicuntur fructus simpliciter, sed, ut dicitur in l. *usura ff. de usur.* vicem fructuum obtinent: & apud

Layman *lib. 3. tract. 2. cap. 3. ar. 2.* non sunt propriè fructus, sed ad similitudinem fructuum jure civili constituti. Seù, ut notavit Fagnan. *in 2. ad cap. Gravi de restit. spoliat. num. 33.* fictione juris fructus reputantur, quia legis ministerio adinventi; lex enim est, quæ fingit, non natura: & ad fructus mixtos videntur reduci.

10 Quæritur, *quinam bona fidei, & quis malæ fidei possessor reputatur?*

Resp. Possessor bonæ fidei, is reputatur, qui ignorat, se alienum possidere, sed cogitatione dominii possidet. Cap. si virgo 34. qu. 2. & ideo non peccat, dum accipit rem alienam, vel quia credit esse suam, vel quia dantem, à quo, vel emptione, vel donatione accipit, esse verum dominum putat.

Possessor verò malæ fidei is dicitur, qui rem, quam habet, pro certo scit esse alienam, & ad alium pertinere, cit. cap. Si virgo.

11 Sed quid, si dubitaret, an res sit aliena, vel an venditor sit Dominus, & possit illam vendere?

Resp. Est possessor malæ fidei: quia possessor malæ fidei reputatur, qui emendo rem alienam peccat, sed emens ab aliquo, de quo dubitat, an rei Dominus sit, & possit vendere, emendo peccat; quia exponit se periculo non bene emendi.

12 Quæritur, an, qui bona fide rem alienam v. g. vestem possedit, teneatur eam statim restituere, ac cognoverit alienam esse?

Resp. Affirmativè, sic DD. communiter apud cit. Layman. num. 1. & Bonaccina de restit. in genere disp. 1. qu. 2. punct. 1. num. 3. ratio est, quia tunc peccat contra justitiam; cum retineat rem alienam invito, seu Domino non consentiente.

13 Sed quid, si eam consumpserit?

Resp. Est regula generalis apud Auctores, quod bonæ fidei possessor debet restituere rem, si extet: si verò non ex-

tet, sed bona fide consumpta sit, teneatur solum restituere id, in quo factus est ditior; (nam in hoc casu res existit in eo equivalenter, & istud succedit in locum rei consumptæ:) ratio est, quia bonæ fidei possessor nullam injuriam intulit Domino rei, ergo non obligatur ex capite injustæ acceptionis, sed solum ex parte rei acceptæ, & possessæ, & ideo plus non cogitur restituere, quam actu possideat; quod si nil aliud possideat, quam id, in quo ratione rei bona fide consumptæ ditior factus est, id debet ex justitia restituere; habetur ex L. Item veniunt, §. Prater hac, ff. de pœnit. baredd. & ibi Glos. in ver. facti essent, & l. sed quod inde, ff. de legat. il. 2. ubi: sed, quod inde comparatum est, vice permutati dominii restituitur; & l. idem servandum ibid. non enim absumitur, quod in corpore patrimonii, retinetur: eodem tit.

14 Sed quæritur, quando censendus sit, ex re aliena quis fieri ditior?

Resp. Quando occasione rei bona fide consumptæ, patrimonium suum est aliquo modo auctum; v. g. quia aliquos sumptus non fecit, quos alias ex suo patrimonio fecisset, aut, si aliquid habeat, quod alioquin non habuisset, vel aliquid occasione illius rei lucratus sit.

Ex quibus sequentes solvuntur casus.

I. Emisti bona fide à latrone vestem, valentem decem aureis, qua per annum usus es: deinde cognoscis esse alienam: debes restituere vestem attritam, quæ fortasse plus non valet, quam quinque: & ulterius compensare attritionem vestis, non ex integro, sed quatenus ex eo factus es ditior; v. g. eodem anno in te vestiendo ex tuo patrimonio insumpsisses alia tria, nisi vestem à fure, bona fide, emisisses: hæc tria cum veste restituere debes; quia modo hæc habes, quæ aliàs non haberes.

II. Ad cœnam furtivam invitaris, in qua bona fidè cibis pretiosis uteris: dum postea intelligis res fuisse furto sublatas,

teneris verò Domino restituere, non quantum comediſti, ſed quantum de tuo domi in cœnam erogaffes, niſi ad cœnam furtivam fuiſſes invitatus; in qua, ſi julium inſumpſiſſes, julium, teneris reſtituere: in eo enim factus es ditior; nam occasione illius cœnæ habes julium, quem aliàs non haberes.

15 Sed quid, ſi *invitatus domi ſua comediſſet rem valentem triginta, & in cœna furtivam comederit cibos, valentes viginti?*

Reſp. Debet reſtituere viginti, & quantum conſumpſit, quia ſolum his viginti ipſe damnum Domino intulit; nam non debet eſſe deterioris conditionis eo, qui mala fide comedit, qui tenetur reſtituere tantum, quantum comedit; niſi cooperetur ad totum damnum, hoc eſt, ſuadeat comedere, dum alii volebant reſtituere.

III. Bona fide accepi à Petro donolibrum, quem redonavi Franciſco: poſtea reperio Petrum eum furto habuiſſe: teneor omnem diligentiam adhibere, ut Franciſcus ipſum vero Domino reſtituat; quòd ſi Franciſcus ad partes remotas tranſiverit, ut mihi non ſit poſſibile ipſum de libro furtivo monere; ponderandum mihi eſt, an ego alium librum Franciſco donaviſſem loco jam dati: ſi donaviſſem, illum, vel ipſius pretium, debeo Domino libri dare, quia in eo factus ſum ditior, & in eo alio libro, vel ejus pretio exiſtit equivalenter liber furatus: quemadmodum, ſi à donatario accepiſſem aliquid, id teneor reſtituere Domino libri, quia in eo factus ſum ditior.

IV. Bona fide poſſedi equum alienum, quo equitando iter feci, non teneor ad reſtituendum pretium locationis equi, ſi aliàs non equo, ſed pedibus iter feciſſem, quia tunc non ſum ditior factus; bene verò, ſi aliàs alium equum ad iter ſoluto locationis pretio, accepiſſem, quia in eo eſſem ditior; & ideo deberem reſtituere omnes expenſas, quæ alias feciſſem.

V. Piſtor bona fide emit triticum à fure exiſtimans eſſe Dominum, conficit panem, & coquit: cum Dominum reperit, tenetur reſtituere panem, qui de facto extat, detractis expenſis, & laboribus in eo conſiciendo: & ſi nihil extet, debet reſtituere id, in quo factus eſt ditior.

16 Sed quæritur, *an reſtituendi ſint fructus?*

Reſp. Si loquamur de poſſeſſore bonæ fidei, ſunt ab eo reſtituendi. I. Fructus naturales, ſi extent; nam res Domino fructificat; ſi autem non extent, quia conſumpti ſunt, non dolo malo, ſed bona fide, reſtituendi non ſunt, quia per conſumptionem ſuos fecit, ut optime Fagnan. cit. num. 47, & num. 52. tenetur tamen ad reſtituendum id, in quo ex illis factus ſit ditior. II. Fructus mixti ſi extent, nam ſunt fructus Domini rei; ſed debent deduci expenſæ factæ circa eos; vel, ſi non extent, id, in quo propter eos factus eſt locupletior. Induſtriales vero nullo modo, nec bonæ, nec malæ fidei poſſeſſor tenetur reſtituere, quia non ſunt fructus rei, ſed induſtriæ, & diligentiz.

17 Sed quæritur, *pœnitens ſe accuſat per decennium bona fide poſſedi villam, ad quid teneor?*

Reſp. Debes villam reſtituere, & fructus ex ea perceptos, ſi extent: & quatenus non, quantum ex illis factus ſis ditior.

18 Sed quid ſi *aperiat*: occasione feminæ ſciantis in villa alui equum, quem aliàs non aluiſſem: & familia mea vinum ex ea bibit, quod aliàs bibiſſet?

Reſp. Quoad ſænum nil debes reſtituere, quia ſi illud ex villa non collegiſſes, non feciſſes de tuo alias expenſas ad equum alendum; debes tamen reſtituere illud, in quo factus es ditior, ſi in caſu, quo non habuiſſes villam, aluiſſes equum, nam tunc occasione ſæni ex villa collecti tuo peperciſti, & aliquid habes, quod aliàs non haberes. Quoad vinum verò,

verò, quia est fructus mixtus, debes. I. Deducere expensas, factas in cultura vineæ. II. Debes computare vinum, ad pretium quanti valeret illud, quod aliàs familia bibisset; &, si consideratis omnibus his, in aliquo factus sis ditior, id una cum villa debes restituere.

19 Quæritur, *quid teneatur restituere mala fidei possessor?*

Resp. Debet restituere rem: vel, si perierit, pretium rei, unâ cum fructibus naturalibus, & mixtis (deductis tamen expensis, & estimatione laboris) sive sit factus ditior, sive non: & non modò, quos percepit, sed etiam, quos Dominus rei verisimiliter percepisset, si sua re non fuisset iniquè spoliatus, *cap. Gravis de restit. spoliatorum*, & ibi Gloss. & insuper tenetur eidem Domino omne damnum emergens, & lucrum cessans compensare, sic DD. communiter apud Layman *cit. cap. 4.* ratio est, quia res injustè ablata semper clamat ad Dominum. Ideò, si quis mala fide ematequam, tenetur ipsam restituere, si extet, & si non extet pretium ipsius; & insuper omnes fructus perceptos ex ipsius partu, & pretium locationis pro vecturis, sive extent, sive non extent, sive factus sit ditior, sive non, detractis tamen expensis factis in manutentione eque, quas quoque debuisset facere verus Dominus; & pariter tenetur Domino compensare damna, quæ passus est, propter eque amissionem, ut si propterea debuerit ipse expensas facere in conducendo aliam, vel non potuerit merces ducere ad Civitatem, ubi utilius venduntur.

20 Sed quid, *si quæ in manu Domini non tantum fructificasset, quantum apud possessorem mala fidei?*

Resp. Debet restituere totum fructum. Est axioma commune, quod res quælibet Domino fructificat: cujus fortunæ tribuendum est, quod res ipsius plus apud furem fructificet, quam si ipse eam possedisset, *ibid. cit.*

21 Sed quid, *si res furata sit melio-*

rata apud furem, v.g. emit quis procentum agrum alienum silvestrem, in fructuosum, quem fecundat, & arboribus fructiferis replet, adeò ut postea æstimetur mille?

Resp. Debet agrum cum melioramentis restituere, deductis tamen expensis. Ubi advertendum expensas esse triplicis generis: aliæ dicuntur *necessariæ*, aliæ *utiles*, aliæ *ad solam voluptatem*, & *ornamentum*, ut sunt factæ pro statuis, picturis, &c. quibus positis, quamvis res pluris valeat, & magis æstimetur, ex illis tamen res non reddit majores fructus. Primas, & secundas expensas factas ad melioramenta utilia, & necessaria possunt ab utroque possessore peti à Domino rei, & hic solvere tenetur, quia revera propter illas, res magis fructificat, non verò tertias: & debent sive bonæ, sive malæ fidei possessores sibi imputare, quod eas perdant, quia eas fecerunt in re aliena sine Domini consensu, & utilitate; injustum enim est cogere Dominum rei ad emendum illos ornatus; quibus ille fortè libentius caruisset, quam pecunia, quæ esset pro eis solvenda. Verum, si hæc melioramenta voluntaria, seu voluptuaria possent à re separari, ut sunt portæ, statux, &c. possent sibi ornantes sumere. Layman *cit. à num. 4.* Tambur. *in decal. lib. 8. tract. 3. cap. 3. §. 5. num. 1. 4.*

22 Sed quæritur, *an Dominus rei teneatur pro melioramentis necessariis, & utilibus solvere, quantum crevit valor rei sue, an verò quantum valuerunt expensæ, quibus ea melioramenta sunt facta: ut, si possessor plantans arborem fructiferam expendat unum aureum, nunc autem arbor plantata valeat decem; debeat vel aureum solum, vel illa decem tradere?*

Respond. Debet solvere unum aureum, non decem; ratio est, quia illud augmentum est partus sui agri.

23 Sed quid, *si expenderit decem au-*

aureos, & arbor de presenti valeat tantum unum?

Resp. Debet unum, & non decem; ratio est, quia pro uno tantum aureo arbor est Domino utilis; nec videtur æquum, quod cogatur rempluris emere, quam de presenti valeat. Lege De la Cruz, *direct. conf. 7. precept. art. 4. nu. 3.*

24 Sed queritur, *an penitens accusans se abstulisse rem valentem solum tria, que postea cum est restituenda valet quatuor, debeat restituere quatuor, an verò sufficiat restituere tria*: v. gr. furatur quis agnum, & in manu furis sit ovis (quod est rem mutari mutatione intrinseca) *petitur, an sit ovis restituenda?* furatur quis mensuram frumenti valentem quatuor, quæ postea, vel frumenti caritate, vel Principis decreto, valet sex (quod est rem mutari mutatione extrinseca) *dubitur, an debeat restitui illam mensuram secundum illum valorem augmentum, vel sufficiat restituere quatuor?*

Resp. Dicimus cum Poncio *disp. 52 q. 9. num. 52.* debere restituere ovem, si non sit restitutus agnus, antequam fieret ovis: unde, si in Januario furetur quis agnum, & in mense Februarii illum occidat, & non confiteatur de furto, nisi in futuro Octobri, est obligandus à Confessario ad restituendum valorem ovis, nec sufficit restituere valorem agni; ratio est, quia Domino injuria irrogatur, quod per furtum non possit vendere rem suam illo tempore, quo res ipsius plus valeret, & quod non sit tam dives, nec habeat tantum, quantum habuisset, si fur agnum non abstulisset, sed certè in Octobri non potest ovem suam vendere, nec in eo habere, quantum aliàs habuisset, nisi per furtum agnus ablatus fuisset, ergo, cum Dominum fur damnicaverit, debet totum damnum restituere: sed servatione deduci expensæ factæ in ovis conservatione. Sic dicitur de furto mensuræ frumenti.

25 Sed quid, *si Dominus non esset*

servaturus agnum, usque dum in ovem cresceret, nec mensuram frumenti in tempus, quo plus valeret?

Resp. Propter hoc quidam existimant non esse restituendum, nisi valorem rei, quo valebat, quando res fuit ablata, quia in casu Dominus, ex quo careat re sua, non patitur aliquod damnum. Verum hæc sententia in praxi tuta non videtur; nam, ut damnum inferatur, sufficit, quod poterat pro eo tempore conservare, & vendere, & quod per furtum sit impotens factus, ut vendere non possit.

26 Queritur, *quomodo Confessarius se debeat gerere cum penitente accusante se combussisse segetes Pauli?*

Resp. Interroget, quantum segetes, deductis expensis, ac æstimatione periculorum, grandinum, siccitatis, &c. quibus deteriorari possent, essent valituræ tempore messis: & si centum respondeat, ad centum obliget; nam revera comburens est causa, cur Dominus non sit habiturus illa centum, & quod cesset in eo tale lucrum, minusque habeat, quam habuisset; sic probabiliter Tambur. *cit. cap. 4. §. 1. num. 10.* Quæ in praxi est melior responsio, quam dicentium esse obligandum ad restituendum solummodò tantum, quantum æstimaretur seges, si Dominus tunc vellet illam vendere. Qui certè non negabunt teneri reddere damnum illatum, si propter incendium orta sit sterilitas frumenti, & propterea dominus, aliique cogantur carius frumentum emere.

27 Sed queritur, *accedit miles Galus Confessario exponens*: Pater, cum mei socii transirent per terras Principis amici, spoliarent domum rusticici: ego ipsorum voluntatem ignorans, casu veni (nam aliàs injustè prædari non soleo) & pallium abstuli, æstimatum tribus aureis, eo solum motivo, quod si non accepissem ego, absque dubio ceteri surripissent; peto, *an peccaverim?*

Qua-

quatenus affirmativè: quid restituere debeam, & cui?

Resp. Interrogetur, an pallium accepit animo restituendi, & tunc non peccavit; si verò intentione retinendi, & non reddendi vero Domino, mortaliter deliquit; ratio est, quia sicut alii injuriam intulissent, & damnum injustum irrogassent surripiendo pallium, Domino invito, & eo non consentiente, ita & is, qui eos prævenit; nam id agit, quod alii malè erant acturi. Layman *cit. à nu. 2.*

28 Sed quid, si aperiat; Pater, cum essem in eadem Navi cum Petro, ab eo furto surripui cadum vini Cretensis, quod duorum dierum spatio consumpsi; post quos, orta tempestate, Navis submersa est cum mercibus, falsis hominibus, peto, an in foro conscientia obliget ad restitutionem?

Resp. Affirmativè contra Vasquez, & Lessium apud *cit. Layman*; ratio est, quia per injustam surreptionem vini statim contraxisti obligationem restituendi, quæ casu fortuito non extinguitur.

29 Sed quid, si res furto ablata, casu, sine culpa furis, apud istum pereat, quæ etiam periisset apud verum Dominum: v. gr. berri Petrus surripuit à Paulo vas argenteum, & statim amittit, quod bodie etiam periisset apud Paulum propter incendium, quod ejus domum, & res omnes combussit?

Resp. Layman *cit. nu. 2.* de Lugo apud Poncium *cit. num. 52.* deobligant à restitutione furem, vel alium malæ fidei possessorem, dum res, quæ apud ipsos sine ipsorum culpa perit, periisset quoque apud Dominum: & probant, ex quo non obligentur, nec ratione rei acceptæ, quia nil ex ea possident, nec ratione injustæ damnificationis, quia causa damni non sunt; nam aliundè damnum Dominus pateretur.

30 Quorum sententiam reprobatur Poncius ibid. & Sylvester Sum. *ver. restit. 740. 5.* ratio est, quia quamvis crase-

tiam, res periisset apud dominum, tu tamen hodie de interitu crastino nil sciebas, & tantum damnum Domino fecisti, ergo tantum debes illi restituere; immò, etiam si scires, jam teneris, & ratione injustæ acceptionis, & quia, quantum in te est, tale damnum Domino intulisti, ut non potuerit rem suam vendere, quamvis eam vendere voluisset: l. cum res, §. final. ff. de legat. il. 1. Unde pro foro interno, & conscientia est semper pronunciandum pro obligatione restitutionis; nam obligatio restitutionis fuit ex delicto heri contracta ratione injustæ acceptionis, quæ proinde ex hodierno fortuito casu non extinguitur. Lex, quæ sunt per accidens, non considerat.

31 Sed quid, si videns actuali incendio domum Petri absumi, cum qua absumenda erat quoque mensura tritici, quæ mego accepi?

Resp. Teneris restituere; nam res, quæ ab interitu eripitur, Domini est, & pro Domino clamet, camque quilibet, ipso invito, retinet: & fortunæ suæ, Dominus tribuit, quod res sua in tuto à fure posita sit. Tambur. lib. 8. tract. 3. in decalog. cap. 2. §. 8. num. 12.

32 Quæritur, quid agendum Confessario cum penitente, dum in Confessione aperit se in via annulum aureum, marsupium nummis plenum, invenisse?

Resp. Interroget, an determinatè sciat, cujus Domini sint, & quatenus affirmet, eidem sunt restituenda; si verò Dominum ignorat, injungat, ut diligentiam adhibeat ad inveniendum, & dum repererit, restituat. DD. communiter.

33 Sed quid, si diligentia adhibita, non inveniat?

Resp. Debet ipsa, ex præsumpta verisimiliter voluntate Domini, in pauperes distribuere, vel locis piis applicare, vel in celebrationem Missarum infumere, in ipsius Domini beneficium. Et de consilio Confessarii po-

potest sibi, ut paupere, partem retinere.

34 Sed quid, *dicendum, de lapillis, & gemmis inventis in littore maris?*

Resp. Oportet inspicere, an hæc possint esse bona naufragantium: & tunc sunt accipienda ad finem restituendi ea veris Dominis, aut ipsorum hæredibus, & si non compareant, distribuuntur in pauperes, vel in cultum divinum applicantur, & pia loca. Vid. lib. 1. cap. 8. nu.

30. Si verò sint talis naturæ, ut nunquam Dominum habuerint (& sic præsumuntur, si sint rudēs, non artefactæ) tunc sunt inventoris, & restituere non tenetur; sicut nec res, quas Dominus à se proiicit, tamquam omnino derelictas. Bonacc. *de ressit. in gen. disp. 1. punct. 6. num. 11.*

35 Queritur, *an res aliena sit restituenda Domino in loco, quo accipitur, vel alio?*

Resp. Sed notandum juxta dicta, ex triplici capite consurgere obligationem restitutionis. I. *Ex re bona fide, & sine iniuria accepta.* II. *Ex iniusta acceptione, vel delicto.* III. *Ex contractu;* modò, si restitutio facienda sit ex re bona fide accepta: v. g. quia habuisti equum, gemmam, vel vestes, quæ postea cognoscis esse alterius, est restitutio facienda in loco, ubi res habetur, tunc temporis, quo cognoscitur esse aliena: nec est imponendum onus bonæ fidei possessori, ut illam mittat Domino alibi, propriis expensis; aliàs deberet damnum sine sua culpa pati, quod justum non est: tum quia, Dominus jus habet in rem suam, non in possessorem; hinc sequitur, quod si ego hic Romæ emi bona fide equum, & postea reperiam esse alicujus, existentis Lucæ, satisfaciam restituendo equum hic, ubi equum habeo.

36 Sed quid, *si Dominus Romæ non sit, sed Lucæ?*

Resp. Debet equus in loco tuto custodiri; & interim est admonendus Domi-

nus, ut significet, quid velit de suo equo fieri; quod, si velit eum restitui in alio loco, ipsius expensis est faciendum. Et sunt possessori bonæ fidei compensandæ illæ, factæ in conservatione equi, quæ pro ea item fuissent à Domino factæ.

37 Sed quid, *si nec res ad Dominum transmitti, nec Dominus admoneri possit: nec sit spes, ut tandem veniat?*

Resp. Si non sint consanguinei, tradatur pauperibus. Bonacc. *cit. disput. 1. qu. 5. nu. 2. & Tambur. cit. §. 8. nu. 6.*

38 Sed quid etiam, *si possessor bonæ fidei sit in mora in restituendo, hoc est, non restituerit, cum potuit, & cognovit equum esse alterius, adeò ut propter negligentiam restituendi, sit equus ad alium locum mittendus?*

Resp. Debet fieri impensis ipsius possessoris, quia sua culpa factum est, ut aliò, cum impensis debeat equus transferri: aliàs Dominus absque sua culpa damnum in expensis pateretur, quod æquum non est.

Si verò restitutio facienda sit *ex delicto*, vel *iniusta acceptione*, facienda est in loco, ubi est Dominus rei; sic, si hic Romæ surripuisti equum Petri, & illum transtulisti Florentiam, debes hic tuis expensis restituere; ratio est, quia Dominus nullum ex delicto alterius debet damnum pati.

39 Sed quid, *si expensæ faciendæ essent æquales, vel majores, re restituenda?*

Resp. Debes eas omnes tu facere, quia fuisti causa, cur tantum debeat expendi; nec Dominus ex tua iniuria, & delicto debet re sua carere, vel aliquod damnum recipere; in casu tamen; quo rem restituendo deberes æquale, vel majus damnum pati, posses restitutionem differre ad aliquod tempus, quo posses sine tanto detrimento restituere. Quod si crederes te nunquam posse absque tuo tanto damno, deberes eam pauperibus dare; sed melius esset, Dominum mone-

re,

re, & cum ipso convenire. Tambur. cit. nu. 4. & Bonacc. nu. 5.

Si tandem restitutio facienda sit ex contractu, exequenda est in eodem loco, in quo res accipitur, vel emitur, nisi aliud in contractu fuerit expressum; ratio est, quia ille censetur locus destinatus ad restitutionem; nam restitutio est repositio rei in pristino statu. Notabis tamen, quod si in contractu, v. gr. locationis equi, appositum sit, quod hic Romæ equum restituas, hic debes; si, ut restituas Florentiæ, quò vadis, illic teneris.

40 Sed queritur, cuius expensis faciendæ est restitutio in alio loco, vel creditoris, vel debitoris?

Resp. Si res accepta sit in utilitatem dantis, est restituenda ipsius expensis; hinc liber in depositum acceptus, si aliò restituendus sit, ut, quia depositor mutat domicilium, debet impensis dantis: quia depositum in utilitatem dantis constituitur; aliàs depositarius ex illius commodoiniuste damnum pateretur.

Si verò sit in utilitatem recipientis, debet hujus expensis regulariter restitui in eo loco, in quo dominus habuisset, si ei non commodasset; modò per eum steterit, quin dominus secum rem suam transferret; ratio est, quia dominus non debet damnum reportare ex gratuito commodato. Et hinc sequitur, equum commodatum esse restituendum expensis commodatarii. Idem resolvitur de mutuo, quia hæc dantur in utilitatem commodatarii, & mutuatarii; aliàs dicendum de equo locato, quia datur in utilitatem locantis, & locatarii. Inspeciendum tamen semper est contractus.

41 Queritur, penitens hæc aperit: Pater, Roma mihi per certum virum centum Francisco Florentiam, à quo mutuò acceperam; & nunc per literas me Francisco monet se ea non recepisse, sed sibi delator retinuit, & ultra montes discessit; idem Franciscus pro restitutione debiri inflat, peto, an in

conscientia teneor iterum solvere?

Resp. Vel persona electa, fuit designata à Francisco, vel tu absque ipsius commissione, & mandato eam elegisti: si secundum, teneris iterum solvere, nam cum sis Dominus pecuniæ, si ista perit, vel surripiatur, priusquam perveniat ad manus creditoris, tibi perit: res enim domino perit, etiam si casu id contingat. Layman. lib. 3. art. 3. cap. 12. nu. 9.

Si verò fuit à creditore designata, vel de ejus mandato electa, liber existis à nova solutione; ratio est, quia tunc pecunia perit creditori, qui in suo homine designat, suam fecit. Tambur. cit. §. 5. nu. 6. & Bonacc. cit. disp. 1. q. 3. punct. 9. nu. 5. plures allegans.

42 Sed queritur, an id dicendum, si res fuerit commodata. V. G. Petrus commodavit mihi equum, quem postea ipsi reddo per servum, à quo prius, quam ad dominum perveniat, venditur, vel per fugam surripitur, vel alio modo perit?

Resp. Si alio modo non poteras reddere, & diligentiam, aliàs adhibuisti ad explorandam fidelitatem servi, de cuius integritate nec dubitasti, ad novam restitutionem non teneris; nec ratione rei acceptæ, quia eam non habes, nec ratione iniustæ acceptionis, vel læsionis, cum ab omni culpa, & injuria immunis sis; nam equus sine tua culpa perit; ideo non tibi, sed Petro perit, cuius ipse, & non tu, dominus est, Layman. ibid. Si tamen in aliquo factus sis ditor, id restituere debes; quemadmodum, si fuisti in mora, hoc est, si non restituisti tempore statuto, vel post monitionem, & petitionem equi, & poteras. Quòd, si tua culpa perit, quatenus negligens fuisti in exploranda servi fidelitate, vel, quia poteras per te ipsum reddere, si pereat, tibi perit: non enim tua culpa debet domino nocere, habetur cap. unic. de commodato, ubi dicitur: cum gratia sui tantum quis commodatum accepit, de levissima etiam culpa tenetur; licet casus fortuitus (nisi acciderit culpa sua, vel

vel intervenerit pactum, si in mora fuisset) sibi non debeat imputari.

43 Sed quid, si res sit furto ablata, & iniuste accepta; V.G. furaris equum, vel pecuniam, quam, ne bonam opinionem apud dominum perdas, ei per idoneam personam, ut, per Confessarium, mittis restituendam, Confessarius autem domino non reddit, sed prater expectationem tuam sibi usurpat?

Resp. A nova restitutione te liberant Navarro apud Layman cit. & apud Tambur. alii, ex quo tua culpa res non perierit, sed fortuito casu, qui prævideri non potuit, & per solam malitiam, & negligentiam Confessarii, quæ tibi nocere non debet; etenim, quod poteras, fecisti; & propterea debet dominus presumi consentire restitutioni per Confessarium fidelem; perinde ac si ipsemet designasset. Sed te non excusant, ipse Layman, Lessius, Rebellus, & Toletus apud Tambur. num. 7. Et juxta horum sententiam debet Confessarius in judicio procedere; ratio est, quia semper remanet radix obligans ad restitutionem, injusta nimirum acceptio; nec dominus, nisi cum effectu equum, vel pecuniam recipiat, præsumitur consensisse ad illam transmissionem, nisi sub conditione, quod res sua ad se perveniret. Tum quia, fur, cui absque sua culpa ab alio furriperetur equus, deberet compensare damnum domino, cujus causa ipse fuit; ergo ad idem tenetur, si ad ipsum non perveniat, etiam si non contingat per negligentiam Confessoris. Tum quia, non censetur res casu perire, quando injusta ablatio fuit interitus causa, & occasio.

Verum fur contra Confessarium actionem habebit, à quo ipse debet recipere.

44 Quæritur, an sit à Confessario iterum restitutioni obligandus fur, qui surripuit à Petro decem aureos, quos, quia ipse alteri Confessario exposuit se non posse sine sui infamatione Petro restituere, de ipsius consilio, vel pauperi-

bus distribuit, vel in legendis sacris erogavit?

Resp. Affirmative; ratio est, quia semper manet radix restitutionis, quæ oritur ex injusta acceptione, & læsione, donec creditor accipiat suos decem aureos; nec excusatur debitor per Confessarii consilium, bona fide receptum, quia id non operatur, quod iniuste eos non acceperit, Tambur. sit §. 5. num. 8. Layman ibid. num. 9. in fine, & probabiliter Gobat experient. Theol. tract. 7. casu 18. num. 5. 64. Appendix ver. dico persona.

Dices, nullus tenetur idem debitum bisolvere, vel restituere; ergo nec fur in nostro casu, qui semel modo, quo potuit, & debuit, restituit.

Resp. Concedendo antecedens, sed negatur suppositum; nam ille aureos iniuste surreptos domino realiter, & cum effectu, ei nunquam restituit; & ideo de eodem ipsi restituente, non verificatur, quod realiter, & cum affectu bis idem restituerit; alias, si fur pecuniam per servum suum misisset creditori restituendam, & servus eam in via perdidisset, domino non teneretur iterum eam restituere; nam restituisset modo, quo potuisset; quod tamen est falsum; nam illa restitutio fuit solum putativa, & intentionalis, non verò realis, & verè domino facta.

Dices. 2. Si res alterius apud me sine culpa mea perit, domino perit, sed decem illi aurei pauperibus distributi, sine culpa furis perierunt, ergo non furi, sed domino.

Resp. Major est vera, si obligatio restituendi sit ex re bona fide accepta, sive sine mea culpa præcedente; falsa autem, si obligatio oriatur ex injusta acceptione; alias, si casu fur eos decem aureos perderet, ad nihil amplius teneretur, quod nullus concedit; nam per suam primam injustam ablationem semper fur reputatur causa, & occasio, cur aurei illi sint periti; ergo non casu, sed ex malitia auferentis absolute perduntur.

45 Sed major difficultas est, an *Confessarius consulens, & imperans prædictam restitutionem, teneatur de proprio ex iustitia ad præfatam restitutionem ipsi furi, in casu, quo iterum restituat, vel ipsi domino, si fur restitutionem non faciat?*

Resp. Negat Gobat ibid. ver. Confessarius. Sed affirmatur ex Quilici *Confess. manud. qu. 8. art. 1. num. 7.* ratio est, quia suo consilio est causa efficax damni: inducit enim, ac movet ad grave nocumentum proximo inferendum. Cardenas *differt. 2. 3. cap. 4. art. 3. ad prop. 39. ab Innoc. &c.* extendit etiam ad Confessarium, vel alium Theologum, aliquid injustum, sive ex malitia, sive ex ignorantia vincibili, & inculpabili consulentem. Excusatur solummodo in casu, quo consilium revocet, ac serio persuadeat falsam esse doctrinam, quam illi prius tradiderat, cum tunc nil sit, quod ex parte consulentis influat in damnificationem, & nocumentum. Quòd si Confessarius ex inadvertentia omittat monere de obligatione restitutionis faciendæ, ad id obligatur in sequenti confessione, petita licentia à penitente loquendi de pertinentibus ad præteritam confessionem; & si nolit concedere, satisfecit suæ obligationi: sed penitens remanet cum onere restitutionis.

46 *Quæritur, penitens aperit Confessori se surripuisse Paulo decem aureos, quos, quia cum propriis ita admiscuit, ut eos discernere nequeat, credit se non debere eos restituere; & probat, ex quo propter illam mixtionem sit dominus omnium, quos confusè retinet in crumena: quid agendum est Confessario?*

Resp. Debet ad restitutionem obligare, saltem in æquivalenti; nam est regula generalis apud Tambur. *lib. 8. tract. 3. cap. 3. §. 4. nu. 23.* quod si res surrepta, cognoscibilis in se ipsa perseverat, cum sit domini, domino sit in individuo reddenda; si verò discerni non possit, æquivalens,

Matthæucci Cautela Confess.

vel illius pretium, aut res similis restituenda sit, ut vinum, oleum, frumentum, pecunia, si huiusmodi generis res sit furto sublata.

47 Sed quid, si quis à fure bona fide pecuniam alienam dono recipiat?

Resp. Statim ac cognoscit esse alienam, & discerni possit, debet in individuo restituere, sive fur sit potens, sive impotens ad restituendum, quia res ipsa accepta, ubicumque invenitur, domino est reddenda. Si verò discerni nequeat, ex quo cum propria eam immiscuerit, debet eam restituere in æquivalenti, cum factus sit ditior in ea quantitate, quam cum suis miscuit; ex qua marsupium crevit, & cumulus pecuniæ factus est major: æquum enim non est, ut quis cum alterius detrimento, & iactura dicitur, *l. jure natura. ff. de reg. iur.*

48 Sed quid, si totam pecuniam consumpsit?

Resp. Tunc ad nil tenetur, modò in aliquo non sit factus ditior, pro ut communiter DD. & Tambur. *cit. nu. 25.*

49 Sed quid, si ego v. g. bona fide emam mensuram frumenti, per furem à Paulo surreptam?

Resp. Tambur. *ibid. num. 27.* aliter resolvit, esse discurrendum de rebus mixtibilibus, à fure dono bona fide receptis, & aliter de rebus mixtibilibus ab eo bona fide emptis; quoad istas concludit me, priusquam immisceam cum meo frumento, debere ex re accepta integram mensuram in individuo restituere, statim ac cognosco esse alienam; nam domini est, & cum extet, ipsi reddenda est; me autem nil ei debere affirmat, si cum meo immiscui, ita ut discerni nequeat; & probat. 1. Quia per eam mixtionem ego factus sum dominus totius cumuli. 2. Quia non sum factus ditior, nam iusto pretio frumentum illud emi.

Prior pars à Tambur. asserta inter DD. recipitur, asserentes bonæ fidei possessorem

rem tunc incipere mala fide possidere, cum est in mora culpabili restituendi, in qua esse praesumitur per Cabasut. *Theoria Jur. can. lib. 6. cap. 18. num. 7.* dum rem noscit esse alienam, & potens, non restituit; adeo tunc, qui solorei accepta titulo tenebatur, teneatur deinceps, etiam titulo injustae detentionis, & damnificationis. Secunda vero non sic est inter eos communis, nam Lessius contrarium docuit apud Layman. *lib. 3. tract. 4. cap. 17. §. 3. num. 23.* & ex l. *Marcellus §. Pomponius, ff. de rei vindicat. Et §. si duorum Institut. de rer. divis. deducit; si duorum dominorum materiae confusa fuerint, itaut discerni, vel separari nequeant, utriusque vindicationem pro parte sua competere.* Sed in cumulo mei frumenti est confusa allegata mensura tritici; ergo Paulus jus habet in eam, ergo ego post scientiam, quod ipsius sit, teneor restituere, si non in individuo, quia discerni nequit, ad minus, vel in pretio, vel in alia simili; & juxta Lessii sententiam debent in praxi Confessarii procedere.

Nec obstant rationes Tambur. Non prima; nam negatur per mixtionem in me dominium transferri: nec bona fides id operatur, sed facit solum, quod non peccaverim emendo, & confundendo cum proprio, non vero, quod non peccem retinendo, postquam cognovisse alienam. Nec secunda; nam in cumulo sane plus habeo, quam debeam habere; & maxime quia mihi pretium solutum debet latro reddere; ideo factus sum ditior.

50 Quæritur, *cuiam sit restituenda res bona fide à fure emptam; casus sit: bona fide emo equum, quem postea intelligo esse Pauli: sed ita res se habet, quod, vel ego pretium, vel Paulus equum, debeat perdere: si Paulo equum restituo, pretii jacturam facio, vel quia fur decessit, vel quia impotens effectus est; si vero contractum cum fure rescindo, repetendo ab eo pretium, ipsi reddito e-*

quo, hunc Paulus amittit, quia scio furem non redditurum?

Resp. Equus reddendus est Paulo, domino; ratio est, quia res ubicumque est, domini est, & pro domino clamat; ideo contractus cum fure sine injuria domini rescindi non potest, reddendo equum, pretio recepto; ponamus Paulum esse cum fure praesentem, & à me equum petere; sicut potest ex l. *Mater, l. adversus G. de rei vindicat.* certè, si furi, & non Paulo repetenti, equum reddam, Paulo injuriam infero, ergo pariter eidem injuriam atero, si, eo absente, equum furi restituo, quem scio non esse redditurum; nam absente, vel, quod ipse non repetat, quia nescit me ipsius equum habere, in equum jus non tollit. Et sequitur à simili: ponatur me annulum alienum invenire, quem postea intelligam esse Petri, compareat postea Paulus mihi debens centum, & protestetur se ea mihi non redditurum, nisi annulum reponam in loco, in quo inveneram, ut ex eo ipse possit accipere; in isto casu nullus dixerit me posse ad servandum me indemnem reponere annulum in eodem loco, quin cooperer furto, & Petro rei domino damnum activè inferam; ita in proposito casu. Layman. *cit. num. 4.* alios referens.

Cæterum actionem contra furem haberem; quod, si obejus malitiam pretium recuperare non possem, adscribendum esset meo infortunio, quod res aliena, ad quam semper jus habet proprius dominus, apud me extare inveniat, & non in alterius damnum retorquendum, ibid. Layman. Semper tamen à Confessario obligandus est fur, ut mihi emptori pretium restituat.

51 Sed quid, *si equum à fure bona fide emptum, vendam Francisco, & postea compareat dominus equi, an ego pretium receptum, an Franciscus equum restituere debeat?*

Resp. Equus reddendus est Domino à Francisco, cui ego pretium ab eo receptum,

rum, & mihi fur alterum ipsi datum debet restituere; sic enim omnes servamur indemnes, & nullus plus habet, quam debeat habere. Layman. *cit. num. 25.* & Tambur. §. 1. n. 14. Radix, cur ego obliger Francisco pretium restituere, & fur mihi aliud, oritur ex contractu, in quo implicitè includitur, ut venditor indemnem reddere debeat emptorem, quoad rem venditam; sic etiam, si bona fide vendidisti vitrum pro gemma, cognito errore, debes restituere pretium, seu rescindere contractum, ut indemnem serves mentem.

Nota, quod si rem, bona fide emptam, majori pretio vendam, quam emerim, teneor Domino reddere excessum pretii, quia, in eo factus sum ditior, etiam si res apud emptorem amplius non extet; si verò res extet, & ab emptore Dominus repetat, teneor emptori totum pretium reddere, ne ipsi damnum afferam.

52 Sed quid, si scienter quis rem furtivam à fure emat?

Resp. Tenetur reddere, si extet: sin autem pretium, quamvis suum, à fure recuperare nequeat; qui enim dolose agit, dignus est, ut perdat rem, & pretium. Tambur. *lib. cit. tract. 2. cap. 7. num. 3.*

53 Queritur, cuinam teneatur restituere venditor piscium, qui defraudavit plures, quibus vendidit, sed de presentibus ignorat, quos determinatè, & in quantum damnificaverit?

Resp. Si qui de presenti accedunt, iidem sint, ex quibus aliquos defraudaverit, debet ipsis restituere, dando plus, quam debeat, usque dum verisimiliter præsumat, se integrè restituisse; vel pauperibus restituat in beneficium anime damnificatorum, si non hos; sed alios, credat suam officinam frequentare.

54 Queritur, quid agendum Confessario cum poenitente se accusante: possideo agrum, sed cum dubio, an ad me legitime spectet?

Resp. Interroget, à quo tempore inceptor dubitare; si dixerit à duobus mensibus post possessionem, injungat, ut debitas diligentias adhibeat pro indaganda veritate; quod si adhuc post sufficientem inquisitionem dubium non possit evincere, poterit agrum retinere, juxta commune axioma: *in dubiis melior est conditio possidentis*; si verò assermet dubium fuisse ab initio ortum, & cum dubio accepisse, obliget, ut restituat; nam tunc accipiendo peccavit, quia exposuit se periculo retinendi rem alienam; & ideò similis est malæ fidei possessori, cui tale axioma non faver, sed solum ei, qui bona fide possidere incepit. De la Cruz *direct. Conf. 7. præcept. quæst. 7. art. 6. num. 2.* & Tambur. *lib. 1. cap. 3. ver. restitutio num. 2. Fagnan. in 1. decretal. ad c. ne innitatis de conf. d. num. 205.* Layman. *lib. 1. tract. 1. cap. 5. §. 3. num. 21.*

55 Sed quid, si adhibitis diligentibus, & Domino non comparente, rem consumat, & postea versus Dominum compareat?

Resp. Tunc tenetur ad restituendum Domino id, in quo factus est ditior: quia post adhibitam diligentiam est bonæ fidei possessor; DD. communiter.

56 Sed quid, si post moralem diligentiam adhibitam certus sit, quod ager ad eum certò spectet?

Resp. Ad restitutionem non tenetur; sed peccavit, quando illum dubitansemit. Est regula generalis, quod faciens actum ex suo genere licitum, peccet, si conscientiam habeat, quod sit illicitus: sic, qui rem suam accipit, quam ex conscientia dubia, vel etiam erronea, non existimat suam, peccat peccato contra justitiam; cum peccatum procedens ex his conscientiis opponatur eidem virtuti, cui opponitur peccatum existens contra conscientiam rectam.

57 Queritur, an Canonicus, qui reprobato, & illegitimo titulo beneficium accepit, teneatur restituere distributiones quotidianas, quas re-

fidendo, & divinis interessendo percepit?

Resp. Quidam apud Fagnan. *in 2. cap. Gravis de restit. spoliat. num. 78.* dixerunt, non debere distributiones restituere, quia dantur ratione servitii, & tamquam merces laboris diurni, impensi in vinea Domini. Quos ipse reprobatur; & cum ipso dicimus, eum obligari ad eas distributiones restituendas; ratio est, quia huiusmodi non dantur, nisi legitimis Canonicis, habentibus legitimum ingressum, & residentibus in casibus, locis, & temporibus permixtis, non prohibitis; ideo eas ipse male percepit, & ipsarum dominum non acquisivit.

58 *Queritur, quid agendum Confessario cum poenitente, qui eidem aperit: Pater, sum hæres omnium bonorum Francisci defuncti, nunquam novi ipsius bona esse aliena, sed credidi ipsum fuisse verum Dominum, à sex mensibus possessæ hæreditatis, reperi Dominum non esse, ejusque bona ad alios pertinere; quæro ad quid tenear?*

Resp. Teneris restituere omnia bona, quæ à Francisco in te venerunt, ac fructus etiam, quos bona fide percepisti; nam tua bona fides tibi non prodest ad fructuum acquisitionem; etenim, cum succedas Francisco in omne jus, & hæres ipsius universalis existas, ac in omnibus ejus personam representes, debes pariter succedere in vitium, & malam fidem ipsius, quæ proinde tibi etiam nocet; & ideo teneris ad omnia ejus debita juxta vires hæreditatis; sed defunctus suos fructus non faceret, ergo nec tuos tu ipse fecisti, ut optime Fagnan. *cit. nu. 98. & 128. ex l. cum heres ff. de divers. & temp. præscr. ubi: cum heres in jus omne defuncti succedit, ignoratio sua, defuncti vitia non excludit.* Ibi Fagnan. & Tambur. *cap. 3. §. 6. num. 3.* distinguunt de eo, quia à principio fuit bonæ fidei possessor, & ex post facto effectus est malæ fidei; nam, vel bona fides supervenit cum mutatione persona-

rum, vel sine: si cum personarum mutatione; aut persona succedit in universum, & personam, cui succedit, in omnibus representat: & tunc bona fides hæredis non prodest ad acquisitionem fructuum, quia exordium in illa fuit malæ fidei.

Aut persona succedens non representat in omnibus personam, nec est successor universalis; & tunc bona fides in successore superveniens prodest ad fructuum acquisitionem: cum non sit inspicendum exordium personæ, in cujus vitium alter non succedit.

Si verò bona fides superveniat sine inutatione personarum; tunc à tempore supervenientis bonæ fidei, incipit possessor acquirere fructus postea perceptos, non autem perceptos tempore possessionis malæ fidei; adeo ut illos, si consumpserit, non teneatur restituere, sed solum id, in quo factus sit ditior; secus verò de acquisitis tempore malæ fidei.

59 *Queritur, an accipiens ignanter falsam monetam possit illam, tuta conscientia, scienter expendere?*

Resp. Negativè; ne damnum proximo inferat, eumvè decipiat; nullus enim concessurus erit, quòd, si tu à me quid fureris, possim ego, ad refarciendum damnum, tantum ab altero suscipere. Scienter itaque expendens monetam falsam, vel ex mixtione metalli vilioris, vel ex defectu justiponderis, aut sigilli, peccat contra justitiam cum obligatione restitutionis. *Quilici cit. num. 11.*

60 *Sed quid, si bona fide expendat, falsitatem non cognoscens?*

Resp. expendendo non peccat, sed statim accognoscit, obligatur ad refaciendum pretium ei, qui damnum sensit: quæ obligatio oritur non ex injusta actione, sed ex obligatione, quam habet solvendi justum pretium pro re emptâ. Vide *cap. proximo §. 14.*

61 *Queritur, an à Confessario restitutioni obligandus sit fur, qui per plura furtula ad notabilem quantitatem per-*

venit: v.g. furatur modò duos obolos, modò quadrantem, nunc julium, & tandem per ultimum furtulum ad gravem summam accedit?

Resp. Affirmativè, ex Innoc. damnante 38. *proposit.* Fur itaque sub mortali tenetur restituere, quando pervenit ad notabilem quantitatem, etiamsi in singulis furtis non habuerit animum surripiendi ampliùs; & ideò mortaliter peccat retinendo totam illam quantitatem, vel habendo animum non restituendi, cum opportunitas fuerit. Thomas Sanchez apud Cardenas *disert.* 23. *capit.* 3. *art.* 2. *num.* 83. Ex pluribus enim obligationibus levibus ejusdem ordinis resultat obligatio gravis. Sic, qui hodie, non numerata pecunia, sed credito accipit unum panem valoris unius oboli, & sequenti die alterum, & quotidie usque ad trigèsimum diem, incurrit triginta obligationes leves, & ex istis triginta levibus gravem obligationem contrahit; ergo, licet in singulis illis furtulis incurrat levem obligationem, tamen ex illis omnibus, posita ultima acceptiuncula, in qua cum antecedentibus pervenitur ad materiam gravem, gravis obligatio restitutionis incurritur.

Dices, ergo ex multis venialibus potest constitui unum mortale contra omnes.

Resp. Negando consequentiam, quia illa ultima acceptio cum relatione ad præcedentes est semper mortalis, quemadmodum ultima retentio rei propter connexionem cum prioribus retentionibus mortalis est, ut Tambur. proxime citandus.

62 Sed quid, si panitens à furtula præcedentia ritè cum cæteris peccatis fuerit confessus?

Resp. Adhuc, posita ultima acceptio, tenetur sub mortali restituere, quia adhuc quantitatem notabilem rei alienæ apud se retinet, & causa fuit injusti damni. Vide Tambur. ubi supra *tract.* 2. *cap.* 3. §. 1. *num.* 7. & *tract.* 3. *capit.* 2. §. 5. *Matthæi Cautela Confess.*

num. 6. & 7. Cum quo notabis, quod ex acceptance solùm venialiter peccaminosa oritur obligatio restitutionis sub veniali.

63 Sed quaeritur, an obligatio restituendi sub mortali procedat etiam in eo, qui bodie v.g. surripuit julium, heri duos obolos, deinde quatuor quadrantes; quibus consumptis, non advertens ad ea furtula, furatur aliud modicum, quod etiam consumit, & postea advertit, illa priora furtula cum hoc ultimo constituere quantitatem notabilem, ac se proximo notabiliter no-
cuisse?

Resp. Aliqui in casu dixerunt cessare obligationem restitutionis sub mortali, quia, si dum committit ultimum furtulum, non advertit ad priora, deficit illi advertentia de gravitate sui furti, adeoque plena libertas: & ex defectu plenæ libertatis abest peccatum injustitiæ. Quorum sententia certè comprehenditur sub *proposit.* damnat. ab Innoc. Nam & ipsa asserit, ad restitutionem sub mortali eum non teneri, quamvis per parvula furta surripiat summam aliquam totalem. Ideò resolvimus debere sub mortali restituere; de eo enim ultimo furtulo commisso, verificatur, quòd sit retentor quantitatis gravis, & quod graviter proximum damnificaverit: & id ipse cognoscit, si post ultimum commissum advertat ad quantitatem per priora surreptam. Deinde, ut gravis obligatio restitutionis oriatur, sufficit, quod singula furta sint commissa cum plena advertentia de levi damnificatione proximi; nam tunc ex illis collectivè fur advertet esse graviter læsum.

64 Sed quaeritur, an sub mortali debeat restituere tam, qui per minima furta summam aliquam totalem surripit, non modò ab uno, & eodem; quàm, qui à pluribus: ut ex acervo tritici pertinente ad Rempublicam, & Cives?

Resp. De surripiente à pluribus nega-

vit Hieronymus ab Angeſto apud Cardenas *art.3.num.102.* qui aſſeruit mortale non eſſe auferre notabilem quantitatem à diverſis, auferendo parvam à ſingulis, ex quo nullus ex eis graviter damniſcetur; Verùm neque hunc excuſari eſt certum ex decreto Innoc. ut advertenti patet; & id eo opinio Angeſti ſub damnatione continetur; & communiter relucitur. Licet ſinguli non reputentur graviter læſi formaliter, ſunt tamen graviter damniſcati radicaliter, hoc eſt, in eare, quæ niſi graviter prohibeatur, ſequerentur incommoda contra bonum publicum, & contra indemnitate ſingulorum Civium, & tuncliceret unicuique ex induſtria ditelcere ex alieno, fraudando menſuras, falſificando pondera, & ex his, quæ incommoda in Republica non oriretur? *Vide cap. prior. num.16.*

65 Sed dubitatur, *quæ nam cenſetur quantitas gravis, quæ per minima furta ſurripitur?*

Reſp. Crederem illam, quæ ſimul ablata ſufficit ad mortale: ſive una, & alia ablatio ſit cum brevi temporis interpolatione, ſive cum magna: ſive ab uno, ſive à pluribus, per minima furta ſurripiatur; nam ſemper verificatur, quod accipiens ſit retentor quantitatis ſecundum ſe gravis, quidquid dixerit Thomas Sanchez, apud Cardenas ubi ſupra *art.4.num.114.*

66 Quæritur, *an cooperantes furto teneantur ad reſtitutionem.*

Reſp. Affirmativè; nam omnes damnum in juſtè inferunt: modò damnum ſequatur, ſic DD. communiter. Conſideret Confeſſarius poſſe aliquem furto, v.g. homicidio, &c. cooperari uno ex novem modis, iſtis carminibus expreſſis.

Juſſio, Conſilium, Conſenſus, Palpo, Recuſus.

Participans, Mutus, Non obſtans, Non manifeſtans.

Juſſio ſignificat cum cooperari furto, qui imperat; vel mandat, ut quis fure-

tur, & rapiat. *Conſilium*, qui conſulit, ſuadet, & invitatur ad furtum. *Conſenſus*, qui conſentit furto, ſeu debens impedire, conſentit, ut fiat. *Palpo*, qui adulatione, & laudibus, vel irridendo, vel exprobrando puſillanimitatem, inducit ad furandum. *Recuſus*, qui pro ſecuritate perſonæ, aut furis, receptat apud ſe fures, quæ tales, & ipſorum furta. *Participans*, qui non modò partem furti accipit, & conſumit, verùm etiam præbendo modos, poſitive ad furtum concurrat; ut, ſi aperiat januam, ſcalam erigat, vel teneat, & oſtendat modum, quo fur tutius alienum ſurripiat. *Mutus*, qui non clamat videndo fures. *Non obſtans*, qui, cum poſſit, non defendit, nec cuſtodit, aut impedit. *Non manifeſtans*, qui fures non manifeſtat.

DD. concedunt, omnes, qui uno modo ex ſex præſatis furto cooperantur, damno, & furto ſequuto, ad reſtitutionem teneri; qui verò concurrunt ultimis tribus modis, ad reſtitutionem non obligari, niſi ex officio teneantur clamare, defendere, & manifeſtare: ut ſunt: *Prator, Cuſtos vineæ, montis Miniſtri, Principis, &c.* ut optimè Poncius diſput. 42. quæſt. 9. à num. 61. & Joan. De la Cruz cit. art. 7. à nu. 2. Hi, quibus ex officio id non incumbit, peccant ſolùm contra charitatem, tacendo, & non impediendo, modò poſſint ſine proprio gravi incommodo. Exemplum poſuimus in furto, cum tamen poſſit proximus illis modis lædi, etiam in bonis, famæ, & vitæ.

67 Sed quæritur, *an cooperatores furto teneantur omnes in ſolidum, vel pro parte reſtituere?*

Reſp. In ſolidum debent reſtituere, ſi communi conſenſu, & pacto furtum fuerit commiſſum, vel ſi unus excitavit, alterum conſuluit, & iſte accepit: ſi verò ſeparatim ſinguli ſine tali conſpiratione, & pacto, partem furati ſunt, pro parte ſolùm reſtituere tenentur, quia ſeparatim ſunt cauſæ non totius, ſed partis dam-

damni: exemplum ponitur in itinerantibus, colligentibus ex vinea racemos uvæ; si isti vineam ingrediantur separatim, & quin unus alterum hortetur, consulat, vel inducat, tunc quilibet tenetur restituere pro parte, quam habuit, & ad ratam damni à se illati: si autem unus alterum inducat, vel ad invicem conveniant, aut unus alterum consulat, ad colligendos racemos, tunc quilibet tenetur in solidum, hoc est, ad totum, quod fuit furto ablatum; verum, qui totum reddidit, habet actionem contra socios: v.g. decem abstulimus uvam ad valorem decem scutorum, quæ æqualiter fuit inter nos divisa: ego accepi pro valore unius scuti, teneor restituere omnia decem, si alii suam partem non restituant, sed acquiro jus in novem contra confures; nam in casum causa totius furti; seu in ipsam totalem actionem furti concurro.

68 Sed quæritur, an, qui ex errore inculpabili consuleret alicui furari ab aliquo, teneretur ad restitutionem, dum cognosceret furtum fuisse commissum, & quod male consuleret?

Resp. Affirmative: licet non peccaverit, dum consuluerit, quia revera consilium fuit causa furti; sequitur à simili de eo, qui putat equum alterius esse suum, quem postea, deposito errore, tenetur restituere. Poncius *cit. num. 55.* modo ipse fur non restituat.

69 Quæritur, an fraudantes justas Gabellas, & vestigialia peccent, & restituere debeant?

Resp. De hac re *Vid. lib. 1. cap. 21. n. 109.* & Cabasut *cit. cap. 19. num. 8.*

70 Quæritur, an ad restitutionem teneatur, qui per ludum prohibitum Aleorum, & Taxillorum aliquid lucratur?

Resp. Affirmative, in sequentibus casibus: I. Si ludat, cum iis, qui alienare non possunt, ut sunt Pupilli, Filii-familias, non habentes propria, & Religiosi: nam tunc acciperet rem alienam, invito Do-

mino. II. Si utitur dolo, & fraudibus contra leges ludi, quia tunc injustè auferret bonum collusoris; nam quilibet habet jus, ne fraude, & dolo damnificetur. III. Si gravi, injusto metu, vel conviciis, improbis precibus, minis, & imperio, alium ad ludendum inducat; tunc enim injustè cogeret collusorem ad illam jacturam, ergo importunus vexans debet eam illi reficere. IV. Qui se ignarum simulavit, ut alterum imperitorem provocaret; ratio est, quia in hoc casu contractus est injustus; nam, qui scit inæqualitatem peritiæ, non se exponit periculo perdendi rem suam. In aliis casibus non obligant Auctores lufores ad restitutionem lucri acquisiti, licet ludis prohibitis ludant; nam nulla lex irritat acquisitionem lucri: perdenti tamen ludo vetito conceditur apud Dela Cruz *cit. qu. 1. 7. præcept. art. 5. §. Circa ludos, conc. 3.* repetitio apud Judicem intra octo dies; vide alleg. Poncium *disp. 58. quæst. 3.* Rotarium *apparat. Theol. part. 2. sect. 4. num. 15.* Layman, *lib. 3. tract. 4. cap. 21.*

71 Sed quæritur, quando censetur lusor uti fraudibus illicitis contra leges ludi?

Resp. si cartas suffuretur: si eas signis notet: si ludat, tertio quodam admonente de punctis adversarii: si decipiat in numerandis calculis, vel pecunia; unde, si ludas cum Titio, quem, facta fraude, vincis, lucrarisque ab eo decem, teneris hæc decem restituere.

Nota II. Clericis alearum, & taxillorum ludos prohiberi *ex capit. Clerici de vit. & honest. Cleric.* quod innovatur in Trid. *sess. 22. cap. 1. de ref.* super quo Quilici ponderat; quod Clericos, & Religiosos semel in hebdomoda pecuniam ludo vetito ludere, sit frequenter ludere, ac ab eis peccatum committi; non vero, si ludant ludo non prohibito, sed ad finem honestum recreandi animum, quamvis modicam aliquam quantitatem luserint: modò Religiosis sub

mortali à suis Regulis non interdicatur, prout solet instrictioribus Religiosis evenire.

72 *Quæritur, Franciscus Confessario aperit: occidi bovem Antonii, peto, an restituere teneat? pro negativa sum; nam ego diligentiam adhibui, ne eidem damnum inferrem, quamvis data opera, ut aliquod damnum reciperet, majorem, quam poteram adhibere, omiserim, ad hanc enim non tenebar; cum nullus teneatur adhibere totam diligentiam possibilem?*

Resp. Sed prius noto; quod duplex est culpa, alia Theologica, & moralis; & alia legalis, Civilis, seu juridica; quam Juristæ considerant, & juxta quam sententias ferunt; Prima item duplex, *mortalis, & venialis*, de quibus diximus lib.1. cap.17. Secunda, triplex, *lata, levis, & levissima*. Culpa *lata*, five *crassa*, est omissio illius diligentiz, quam regulariter omnes homines ejusdem conditionis, professionis, & ætatis adhibere solent. *Levis*, est omissio illius diligentiz, quam adhibere solent homines diligentiores. *Levissima* verò, est omissio exactæ diligentiz, quam homines diligentissimi ejusdem ætatis, artis, & professionis solent adhibere. Exemplum habes. Si Librum tibi commodatum, in publica platea relinquas, & inde surripiatur, reputaris amisisse per culpam latam, quia diligentiam non adhibuisti, quam solent regulariter homines in custodiendis rebus. Si in cubiculo aperto relinquis, per culpam levem, ex quo eam diligentiam omittas, qua solent homines diligentiores uti in rebus custodiendis. Si tandem in cubiculo clauso relinquis, sed manu non tentas, an sera bene firmata sit, per culpam levissimam, propter omissionem diligentiz, quam homines diligentissimi in rerum custodia solent adhibere: modò.

Ad dubium respondetur affirmativè; ratio est, quia omissio illius diligentiz fuit causa moralis illati damni. Tum quia,

quilibet ex iustitia obligatur, ut non eo sine faciat aliquid, ut sequatur damnum proximi, ergo, nec ad omittendam majorem diligentiam eo animo; & si ex tali animo omittat, & damnum sequatur, restituere tenetur; nam tunc reus est, etiam de culpa gravi Theologica. Quilibet tenetur adhibere omnem diligentiam possibilem, si prævideat ex omissione sequuturum damnum.

73 Sed quid dicendum, si ex naturali oblivione, vel inadvertentia furnum v.g. non accludas; canem non alliges, si inde damnum acciderit?

Resp. A restitutione te liberant Laym. lib.3. tract.3. part.3. cap.7. Cabafut. cap.17. num.2. quia quamvis commiseris culpam civilem, tamen propter inadvertentiam coram Deo non peccasti. Verum post Judicis sententiam te obligant. Quemadmodum apud Poncium disp.52. qu.1. conc.2. num.3. teneris ad recompensandum damnum, juxta modum, quo determinatur à legibus civilibus, si bos tuus sine tua culpa segetes alterius comedat; & apud Cabafut. teneris etiam ante Judicis sententiam, si pactum interceperit de damno reparando.

Cæterum, si furnum, data opera, non acclusisti, nec canem alligasti prævidens periculum damni; vel, si acclusisti, aut alligasti, sed non modo, quo ejusdem professionis viri solent exequi, ne damnum sequatur: aut dubitans, quod, nisi major cautela adhiberetur, proximus damnum posset recipere, ad restitutionem teneris, si illud sequatur; quia censeris aliquo modo damnum velle; videas cit. Layman. & Cabafut; De la Cruz cit. qu. art.6. num.3. conc.1. & Engel. lib.1. tit.35. §.7.

74 *Quæritur, quomodo se gerere debeat Confessarius cum gravato onere restitutionis?*

Resp. Debet videre, an sit potens restituere, & dum potentem invenerit, non absolvat, nisi prius restituat; maximè si non sit summa tenuis, nam in hoc casu posset

posset sufficere propositum restituendi : modò aliàs à Confessario ei non fuerit injunctum , ut restitueret , & non fecerit , quamvis potens : & absolvendus non est , nisi exequatur ; nam tunc censetur esse in periculo , & occasione proxima peccandi ; nec est ei credendum , quamvis propositum ostendat ; immò præsumendum , quod quemadmodum apud alium Confessarium promissis non stetit , ita neque in futurum parebit . Quod si revera non sit potens , absolvi potest : modò propositum restituendi habeat ; & debet se accusare , si ante restituere culpabiliter omiserit , & à quanto tempore potens fuerit , & non reddiderit ; quòd fide præsentis solum sit potens restituere partem , eam Domino reddat , & parcius vivat , ut alteram restituere valeat . Si verò summa restituenda fuerit judicio Confessarii notabilis , & non levis : nec pro prima vice , dum potest restituere , est absolvendus , nisi restituat .

Non sunt itaque Confessarii faciles ad dissimulandum restitutionis onus in furtulis , etiam minimis , & quæ ad mortale non pertingunt ; sed pro conditione , & capacitate personarum semper aliquam restitutionem imponant , quæ fiat , vel reddendo rem eandem , si extat , vel ejusdem speciei , vel ipsius pretium , vel compensando majori obsequio , quam ex contractu teneantur ; vel , si Creditoribus , quos ignorant , reddere non possunt , tantum in pauperes , vel pios usus conferant . Doceant etiam ordinem non esse servandum , quando omnibus potest satisfieri ; Quod si omnibus satisfieri non possit , prius sunt solvenda debita certa , quæ nimirum certis personis debentur , quàm incerta , hoc est , illa , quorum Domini ignorantur ; & ex certis , prius illa , quæ existunt in propria specie , ut depositum , commodatum , locatum , res furtiva : quia horum debitor dominium non acquirit : ex bonis verò debitoris , si defunctus sit , sunt prius solvendæ expensæ funeris , ex l. penult. ff. de Religiosis , &

sumptibus funerum : honoraria medicorum , & Pharmacopolæ , prout DD. communiter apud Layman. lib. 3. tract. 2. cap. 11. num. 3. & Cabasut cap. 23. num. 5. Baldus addit , impensas factas in infirmum post illam funeris præferri unicuique creditorum ; ratio est , quia hujusmodi debita necessaria reputantur , & non contracta in fraudem antecedentium Creditorum : alioquin nullus reperiretur , qui indigentibus talia subministraret , si de solutione certus non esset .

Deinde , Creditoribus personalibus (illis nimirum , qui solam personam personali actione sibi obligatam tenent , licet obligatio Chirographo proprio , aut publico instrumentum , vel testibus , aut debitoris Confessione probari possit) præferuntur Creditores Hypothecarii , ii scilicet , quibus non solum persona ipsa debitoris , sed aliqua ipsius bona sunt obligata ; ratio est , quia res illa hypothecata , quantum ad illud debitum , spectat ad Creditorem hypothecarium ; cui non præferuntur Uxor , & ejus filii in restitutione dotis (licet pro hujus restitutione censeantur tacite hypothecata omnia bona mariti) modò hypotheca dotalis sit posterior , & illa anterior , & expressa , & specialis ; ut , si pecuniam conferas ad ædificandam domum , pacto inito , cum debitor , quod domus sit veluti tuæ pecuniæ pignus .

75 Sed quid agendum Confessario , quæ ex Confessione penitentis , existentis in periculo mortis , cognovit teneri ad aliquod restituendum ?

Resp. Debet sine fractione sigilli Confessionis providere salutem illius animæ , securitati restitutionis , & penitentis famæ ; propterea priusquam absolvat , teneatur ægro significare se debere restituere , & quando aliàs non possit , debere ; vel testamento , vel codicillo pecuniam , aliamve rem debitam per legatum destinare personæ , cui debetur : aut si incerta sit , pauperibus distribuendam per hæredes , aut executores testamenti : vel per—

personam spectatissimæ probitatis vocare, eique secretò injungere, ut talem pecuniæ summam, à se in suas manus depositam, vel ab hæredibus ex præscripto testamenti deponendam, Petro debitam, secretò reddat. Quæ videntur media apta, non modò ad finem à Confessario intentum, verum etiam ad excludendam suspicionem sive restitutionis, sive inductionis, & fraudis ex parte Confessarii, dum iste in præfatis casibus assumit onus restitutionis faciendæ.

CAPUT XXIII.

Prop. XL. ab Innoc. XI. &c.

Contractus.

1. PROP. 40. *Contractus Mohatra licitus est, etiam respectu ejusdem persona, & cum contractu retrovenditionis præviè inîto, cum intentione lucri.*

Examen materiæ, quod occasione præfatæ propositionis assumimus, utile, & necessarium est Confessario, ut proprium munus, ut oportet, impleat; propterea eidem, si non omnia dubia, quæ in materia de contractibus excitari à DD. solent, resoluta dabimus, ad minus frequentiora, aliaque pro praxi utilia enodabimus; & præcipuè, quæ spectant ad contractus, Censuræ, Cambii, Societatis Affecurationis, Commodati, Locati, &c.

2. Quod contractus est *conventio inter duos, vel plures, ultrò citroque obligans*: ut in mutuo, commodato, emptione, venditione &c. vel saltem unam partem obstringens, ut in promissione, & donatione absoluta, in quibus una pars tantum obligatur, altera parte acceptante.

3. Quod contractus alius est nominatus, innominatus alter; ille est, qui proprium nomen in jure habet, ut *venditio, emptio, locatio, mutuum, deposi-*

tum &c. hic verò, qui nomine proprio caret; & ad quatuor genera reducitur: *Do, ut Des, ut tibi, do tibi aurum, ut des mihi argentum. Do, ut facias, ut, do tibi argentum, ut colas mihi agrum. Facio, ut des, ut, colo tibi vineam, ut des mihi panem. Facio, ut facias, ut, colo tibi vineam, ut meas segetes metas; discrimen videas apud Engel. col. jur. can. l. 1. tract. 35. §. 3. Et apud Ponc. disp. 5. q. 1. alias divisiones, Confessario non tam necessarias.*

4. Quæritur, *quid sit contractus, Mohatra, dictus apud Hispanos, & apud aliquos Italos, Stocco?*

Resp. Est *contractus venditionis ad pretium summum iustum, pecunia credita, cum pacto retrovenditionis, ad pretium infimum iustum, pecunia numerata*; v. g. eges centum, quæ mutuò petis à Joanne mercatore, respondente ea non habere, sed tibi offert mercem, vendendam tibi ad creditum pro centum, & decem (quod supponamus esse iustum pretium summum, vel medium) cum pacto, ut tu eandem rem ipsi revendas, numerata pecunia, pretio infimo, intra limites iusti pretii v. g. centum, quæ promittit tibi statim solvere. Hujusmodi contractus illicitus est, & usurarius; nam tibi indigenti pecunia solvit mercator centum, & necessitatem imponit, ut tu aliquando debeas solvere alia decem; adeoque æquivalenter idem facit, quod facit, qui mutuat centum, & supra sortem exigit, etiam decem. Tum quia, contra hunc contractum est eadem ratio, quæ adducitur ad reprobendam usuram; nam, ideò usura est illicita, quia per hanc aliquid exigitur ultra sortem, pro quo nullum subicitur onus pretio æstimabile, damni emergentis, vel lucri cessantis, sed in contractu Mohatra, etiam nullum tale onus reperitur, & tamen ementi rem ad creditum iusto pretio imponitur onus, & necessitas revendendo minori pretio, & accipiendi in parata pecunia tantum centum, ergo contractus Mo-

Mohatra, cum prævio pacto revendendi rem ipsi venditori, est injustus, & saltem æquivalenter usurarius. Unde malitia hujus contractus consistit in lucro ex mutuo, palliato sub prætextu venditionis, & retrovenditionis, ideò ab Innoc. reprobatus, Cardenas ad alleg. prop. ab Innoc. XI. damnat. differt. 24.

§ Sed quid, si nullum adsit pactum, sed solum spes sit in mercatore, vendente mercem creditò carius, eam ab ipso indigente recemendi vilius, numerata pecunia. Vel si creditò indigenti à mercatore vendita merce summo pretio, statim ipse mittat amicum, vel tertiam personam, quæ eandem mercem, nomine suo, emat pretio infimo numerata pecunia. Vel, si mercator vendidit creditò mercem suam pretio summo, sed iusto, non intendens obligare indigentem ad revendendum sibi, viliori pretio, sed ipsum relinquat in sua libertate; qui, cum non reperiat emptores, vel tempus non habeat eos adeundi, aut querendi, eandem mercem, infimo pretio, vendit eidem mercatori, numerata pecunia?

Resp. Quidam dicere contractum Mohatras, vel *stocco*, altero ex istis tribus modis celebratum, non esse illicitum; quia onus non imponitur emptori, sed relinquitur in sua libertate, ut, ad quemvis possit, accedat. Sed neque id post decret. Innoc. potest sustineri; ratio est, quia in propositione sunt damnati omnes quatuor modi contrahendi Mohatram, vel faciendi *stocco*s. Primus, de quo n. 5. expressè continetur in illis verbis: *respectu eiusdem persone, & cum contractu retrovenditionis prævio inito*. Secundus, exprimitur illis verbis, *cum intentione lucri*. Tertius, & quartus comprehenduntur in illa dictione *etiam*: *licitus est etiam* &c. nam hæc dictione *etiam*, est ampliativa, & implicativa; quæ prohibitionem ampliat, & comprehendit quenvis modum, quo posset contraveniri. Barbos. de dictionib. dist. III. ideò quocumque modo fiat Mohatras, seu

stocco, censeri debet prohibitus. Propterea cautè legendus est Cardenas, concedens licitum esse Mohatram, si fiat sine pacto explicito, vel implicito de retrovendendo, nam semper erit contractus scandalosus in detrimentum ipsius indigentis pecunia, & saltem contra charitatem; immò, cum Papa damnet propositionem, ut jacet, nulli licet defendere Mohatræ contractum in aliquo sensu.

§. I.

Contractus Census.

6 Q Uæritur, Quid sit census? Resp. Est ius legitimum percipiendi pensionem aliquam super re alterius immobili, utili, & fructifera. Censius de censib. par. 1. cap. 1. qu. 3. art. 2. Dicitur ius, quia, qui censum acquirit, vel emit, nullum dominium habet rei, super qua census est impositus, sed ius ad exigendam pensionem à venditore illius juris; dicitur legitimum: ad significandum conditiones iustas, & formalitates legales servandas in constitutione census, maxime post. Const. B. Pit. V. de qua n. 9. additur *pensionem aliquam*: sive in pecunia: & tunc census est pecuniarius: sive in fructibus, ut tritico, oleo, vino &c. & census erit fructuarius; adiicitur, *super re alterius*: quia censuarius assumens onus solvendi pensionem remanet dominus fundi, super quo census constituitur, cum solum vendat illud ius, DD. communiter; tandem ponitur *super re immobili, & fructifera*: quia neque super persona, aut re mobili, neque super fundo sterili, census potest creari, sed opus est, ut res sit immobilis, & tot fructus regulariter annuatim, saltem colligantur ex fundo, quot sufficiunt ad solutionem census.

7 Advertendum 1. quod sicut dominus agri habet ius percipiendi fructus ex eo, sic potest tale jus vendere. 2. Quod

non

non ipsa pensio est census, sed jus ad eam exigendam. 3. Quod is, qui censum emit, Censuista, seu Censualista appellatur, & qui vendit, & soluturus est pensionem, Censuarius. Poncius *disp. 55. quæst. 5. num. 19.* Fagnan. in 5. decretal. ad cap. in Civitate de usur. num. 30. Giballinus 2. p. de usur. lib. 4. cap. 6. art. 6. num. 3.

8 Duplex est census, *reservativus*, & *consignativus*: primus est, cum quis dat alteri sua bona reservando sibi pensionem annuam; & de isto, per Poncium, non loquuntur Pontifices in suis Bullis. Secundus est, quando quis super re sua, recepto pretio, consignat alteri jus percipiendi certam pensionem; vel, cum quis pretio emit jus percipiendi certam pensionem ex re alterius: ut, si quis centum aureis emat à Petro jus percipiendi in singulos annos ex ejus agro, vel mensuram frumenti, vel pretium æquivalens, quinque nimirum scuta.

Unde consignativus dividitur *in realem*, & *personalem*; ille fundatur super certa re temporali, domo, agro, vinea &c. & comitatur rem ad quemcumque possessorem perveniat: quæ pereunte, perit; alter fundatur super persona, quæ se obligat ad pensionem solvendam, & transfert in alterum jus eam annuatim exigendi ex acquisitis à se per laborem proprium, & industriam: & quamvis interdum apponatur bonorum hypotheca ad majorem pensionis personalis securitatem, hoc non fit per Cabasut. *jur. Canon. Theoria lib. 6. cap. 12. num. 4.* virtute contractus censualis, sed per alterius contractus adjunctionem, nimirum hypothecæ; neque census constituitur super illa hypotheca, sed super persona; neque ex hypotheca, sed ex persona pensio solvenda est, qui post Const. Pii non tenet ex dicendis *n. sequen.*

Subdividitur postea *in redimibilem*, quem venditor redimere potest, reddito pretio accepto, vel emptor, pretio repetito: & *irredimibilem*, cum nullum re-

dimendi pactum ab emptore, & venditore adiicitur.

Deinde, alius est *perpetuus*, ut, cum pensio est perpetuo solvenda, sic, ut etiam ad hæredes obligatio transeat: & alius *temporalis*, ut cum est solvenda ad tempus, vel determinatum, ut ad 10. vel 15. annos: vel indeterminatum, ut ad vitam cmentis, vel videntis censum, aut alterius: ut, do tibi mille, ut tenearis, quamdiu vivis, vel quamdiu ego vivo, vel Pater meus vixerit, numerare mihi centum singulis annis: & dicitur *vitalitius*: qui an validus sit, mox ex dicendis colligendum, & *cap. sequen.*

9 Quæritur, *Confessarius interrogatur à recenti Notario, quot conditiones sint de necessitate servande in licite constituendis censibus, & celebrandis instrumentis super contractibus censualibus, quid ei respondebit?*

Resp. Dicat esse servanda, quæ post Martinum V. & Calixtum III. in t. & 2. *Extravag. de empt. & vendit. inter com.* statuit B. Pius V. *const. Cum unus Apostolica, quæ est in Bullar. to. 2. la 79.* in quæ B. Pontifex ad validitatem censuum, & vitandam in contractu injustitiam, & usuræ labem, sequentes condiciones observandas disposuit.

I. Ut census fundetur *super re immobili*, ut domo, vinea, piscina &c. non verò in animalibus; vel vino, oleo, & similibus. Mastrius Theol. Moral. *disp. 5. qu. 3. art. 1. num. 99.* Aut, *quæ pro immobili habeatur*, ut sunt annui redditus perpetui; ex Clement. *Exvivi de verb. signific. §. cumque annui*. Et De la Cruz 7. *præcept. quæst. 6. art. 1. de censib. num. 3.* unde sequitur non posse fundari supra personam, aut super personam, & rem: adeoque, & censum personalem non esse licitum.

II. Ut res sit fructifera, reddens fructus sufficientes ad pensionem solvendam.

III. Quæ nominatim certis finibus designata sit; ut constet, an sit immobilis,

lis, & fructifera, quando res censita pereat, & cum ea census super ea fundatus sit extinctus: ideo non potest fundari super bonis non presentibus, vel futuris.

IV. Ut in stipulatione instrumenti pecunia realiter, & cum effectu exbursetur, & numeretur ab emptore venditori census in presentia Notarii, & testium; neque sufficite numerasse, vel creditorem de ea extitisse; unde notat De la Cruz cit. non posse institui censum de pecuniis antea debitis, cum non sint presentes, nec coram Tabellione, & testibus numerentur.

V. Ut solutiones pensionum ex pacto non solvantur anticipatè, sed exigantur, terminis maturatis, & ratione temporis elapsi: pensio enim est eruenda ex fructibus rei censitæ; si enim emptor census, dum pretium numerat, detraheret ex eo pensionem primi anni, quæ non debetur, nisi anno completo, usuram committeret cum obligatione restituendi.

VI. Ne venditor census obligetur ad casus fortuitos, ut, si domus absque culpa ipsius incendio pereat, Molendinum ex impetu aquarum ruat, & ager asportetur, census emptori pereat (nam res Domino perit, Dominus autem census est emptor) & venditor amplius ad pensionem non teneatur: minuaturque census, minuta hypotheca, juxta proportionem: in totum, re in totum pereempta; vel secundum partem, si pro parte infructuosa efficiatur: unde pacisci non potest de solvenda pensione, etiam si res subiecta pereat.

VII. Ne fiat pactum, restringens libertatem Censuario alienandi rem censui subiectam, sed possit eam vendere semper, & quando velit; nec teneatur tunc solvere laudemium, vel aliquid dare Censualistæ pro obtinenda licentia illam alienandi.

VIII. Ut dum res censui subiecta vendenda sit, Dominus census moneatur, & præferatur, si eam velit sibi acquirere.

IX. Ne Censuario, moroso insolventa pensione, imponatur aliqua pœna pecuniaria, vel alia; ut, quod teneatur ad interesse lucris cessantis, vel ad cambium, vel alias expensas, liquidandas juramento creditoris; aut partem rei amittat.

X. Ne pensiones maturatæ, & non solutæ, convertantur in capitale, & augmentum census.

XI. Ut Censuario aliquod onus non imponatur, ad quod, secluso contractu, non teneretur.

XII. Quod venditor census possit censum redimere, & extinguere, quando velit, restituendo pretium Censualistæ; non obstante præscriptione centum, aut plurium annorum; ex quo patet non valere censum cum pacto, ut fiat perpetuus, si intra certum tempus non redimatur. Cum tamen Censuarius vult censum extinguere, debet de eo ante duos menses monere dominum census.

XIII. Ut Censuarius, vel venditor census nullo unquam tempore compellatur, vel obligetur ad se affrancandum, seu ad censum redimendum, nisi, quando ipse prius denunciaverit Censualistæ velle se affrancare, seu censum extinguere; tunc, transactis duobus mensibus, vult Papa, ut Dominus census possit ab invito repetere pretium intra annum, & ubi pretium non exigatur, sit nihilominus Censuario liberum extinguere censum, cum velit.

XIV. Quod censu constituto, non possit pretium augeri, vel minui ob tempus, aut personarum qualitatem: justum autem pretium reputatur, vel quod Princeps taxavit, vel, quod universalis consuetudo approbat. Tambur. cit. cap. 3. & Fagnan. n. 17.

XV. Quod contractus censuales sub alia forma celebrati sint sanerati, & usurarii. Hæc summam ex Constitut. B. Pii.

Peccaret itaque mortaliter Notarius, si in stipulatione instrumenti non servaret for-

formam creandi census à B. Pio V. in alleg. constitutione statutam, quam in conscientia obligare dixit *cit.* De la Cruz n.4. & contractus census celebratos contra formam ab ipso præscriptam, nullos esse legitur, apud Giballinum *par.2. de usur. lib.4. cap.6. art.5. n.3.*

10 Quæritur, *Confessarius interrogatur, ut discrimen afferat inter mutuum, & censum; & quare contractus censualis, usurarius non debeat reputari; & cur in eo, mutuum, ut minimum virtuale, & pallium usura non contineatur?* Videtur enim, quod pecunia recipienda detur supra sortem, siquidem pensiones paucis annis superabunt summam, quæ primum data est. Si contractus præsens à labe, & pallio usura immunis sit, facile poterit lucrum omne supra sortem in mutuo ab usura excusari; nam mutuo dans, respondet se nolle lucrum capere, ex mutuo, sed per illa centum, v.g. quædat, emere ius ad centum, & decem post annum recipienda: quod ius est, tam distinctum ab ipsis centum, & decem postea recipiendis, sicuti in censu ius percipiendi pensiones annuas, vel mensuales est distinctum à pensionibus, & centum datis, ad tale ius emendum; quid in casu erit pœnitenti dicturus?

Resp. Quod apertum discrimen est inter mutuum, & censum. I. In mutuo obligatur mutuarius reddere sortem, præfinito tempore, sive, quando mutuo dans, eam repetit, quemadmodum petere potest: in censu autem emptor non potest unquam pretium repetere, neque obligare venditorem reddere, dum nolit. II. In mutuo fors nunquam mutuanti perit, etiam si res mutuatarii pereant; in censu verò, pereunte prædio, aut re alia censui subiecta, sine culpa Censuarii, in totum, vel in partem, in totum, vel in partem census perit; nec obligatur postea Censuarius ad pensionem, vel ad pretium, primo datum, solvendum, nisi ad ratam interitus.

III. In mutuo dominium mutui non est apud mutuantem, & ideo non potest aliquid exigere de eo, quod suum non est; in censu autem dominium census, seu ius ad petendam pensionem, est in Censualista, & ideo potest sine iniustitia, & pallio usura, pensionem illam exigere; quemadmodum potest illud jus alteri vendere: legendi sunt Gibalin. Caballut. *cit.* & Engel. *Colleg. jur. Can. lib.5. tit.19. §.2. n.22.* nec pensiones illæ exiguntur, ut incrementum sortis, sed solum, ut fructus iuris empti.

11 Sed quæritur, *an, si ob fortuitam sterilitatem, ut insolitum calorem, nimiam pluviam, eo anno communem, res non fructificet, ad pensionem solvendam censuarius teneatur?*

Resp. Videndum, an sterilitas compensetur ex fertilitate præcedentium annorum, vel spes sit ex sequentibus; & in casu, pensio est à Censuario solvenda: ubi notandum ex Giballino *cit. art.11. num.5.* & Rotario *Theol. moral. p.2. cap.7. sect.5. num.13.* opus non esse, quòd res censita singulis annis fructificet; nam sufficit, ut sit natura sua fructifera, ut Pontifex loquitur, & ex ea fructus regulariter Censuarius computando unum annum cum alio percipiat, sufficientes ad solvendam pensionem: nec Censualista emit fructus, quos res censita feret singulis annis; quæ etiam, si aliquo anno fructus non ferat (ut domus, quæ dicitur fructifera civiliter, licet aliquandiu illocata maneat) censibus poterit subiici; non verò si crebrius, aut fere semper fructus non ferat.

12 Sed quæritur, *an res censita debeat ferre fructus, qui aquant pensionem ei impositam?*

Resp. Affirmative, aliàs ratione illius excessus solvendi supra fructus, frugifera non foret. Giballin. *ibid. n.7.*

§. II.

Contractus Cambii.

13 **Q**Uæritur, quid sit Cambium, & quotuplex?

Ad I. Respondetur, est permutatio pecunie pro pecunia cum moderato lucro. DD. communiter. Ubi, qui Cambium petit, pecuniam accipit, & dat lucrum, *Campfarius* appellari solet; qui verò rogatur, ut pecuniam commutet, ipsamque permutat, & lucratur, *Campfor*, vel *Bancarius*, nominatur.

Ad II. Cambium dividitur in fictum, quod vocatur *ficum*, hoc, est, carens humore ad lucrum; & in reale. *Siccum* illud est, in quo est tantum apparentia Cambii, & iusti tituli ad lucrum, cum revera cambium non sit, sed verè contractus mutui, figura fictitii cambii effecti, de quo DD. & nos infra. Reale verò illud est, in quo revera reperitur titulus iustus, ratione cuius possit aliquid iuste accipi pro Cambio, quia realiter pecunia cum pecunia commutatur.

Et hoc subdividitur in minutum, seu manuale, & locale. Minutum, est permutatio presentis pecunie cum aliapecunia presenti, sed inaequalis materiae, sigilli, & figura: argenteæ cum aurea, æneæ cum argentea, vel unius Principis cum ea alterius Provinciae, propter commodum migrantium de una in aliam Provinciam; dicitur minutum, quia regulariter minor moneta commutatur cum majori: & manuale, quia statim in eodem loco, & tempore de manu ad manum pecunia numeratur. Locale est, in quo pro pecunia data in uno loco, datur alia in alio loco; quod, cum ordinariè per literas fieri soleat (quibus Campfor mandat suo correspondenti, ut Campfario certam pecuniarum quantitatem, quam ipse Campfor, v.g. hic Romæ accepit, numeret Lucæ) Cambium per literas appellatur.

14 QUæritur, an in Cambio sicco pos-

sit Campfor aliquid lucri iusti supra sortem accipere?

Resp. Negativè, ratio est, quia in eo nullus habetur legitimus titulus ad lucrum exigendum; nam, non est verè Cambium, sed mutuum, ementito nomine Cambii, & usura pallio palliatum. Ad Cambium verum, & reale exigitur, ut realiter, & cum effectu pecunia Campfario detur: seu, ut reipsa literæ cambiales de uno ad alium locum transmittantur, virtute quarum fiat vera solutio pecuniarum, quæ recepta fuit in alio loco; quod non reperitur in Cambio sicco. Exemplum pono: hic Romæ petis à Campfore decem, & accipis, ut post duos menses des ea Florentiæ, sed non intendis ibi solvere, nec ibid. solvis, sed hic: & literæ illuc transmissæ redeunt inanes, & vacuæ. Quod ultra sortem reddis, vel à Campfore exigitur, est lucrum usurarium, datum solum ob expectatam solutionem, & dilationem temporis, quod vendi non potest. Ideo patet, acceptum supra sortem accipi ex vi mutui palliati; & propterea iniuste, & iniquè. Mastr. cit. Cabasut. cap. 10. Layman. lib. 3. tract. 4. cap. 19. in fine.

15 QUæritur, an in Cambio minuto, in quo Campfor Ungaricos cum testonibus, duplones Hispanicos cum Juliiis, & testones cum obolis, vel bajocibus Campfario commutat, possit aliquid lucri iusti accipi sine peccato, & periculo usurae?

Resp. Affirmativè, Mastr. cit. n. 125. Poncius num. 23. Cabasut. lib. 6. cap. 10. num. 2. Layman num. 3. Engel. nu. 24. De la Cruz art. 3. de Cambiis num. 1. conc. 1. & communiter DD. Pro quo advertendum: pecuniam habere duplicem valorem, alterum legalem, & extrinsecum, qui, taxatur à Principe, per quem est rerum pretium; & alterum naturale, & intrinsecum ut quædam res est, pretiosius metallum, antiquius, commodius ad asportandum, & facilius ad expendendum inter exteros; quamvis autem pro ea,

ea, qua pretium rerum est, vel ratione valoris legalis, non possit aliquid iuste recipi, quia huiusmodi valor, utpotè à lege taxatus, indivisibilis est; potest tamen aliquid moderatum lucrum iuste exigi, ratione valoris naturalis, seu intrinseci; sub qua ratione certè est æstimabilior aurea, quàm argentea, propter conditionem materiæ, quæ est nobilior, durabilior, in pluribus locis expendibilior, asportatu commodior, & tandem ad plures usus idonea; & præter rerum pretium, est etiam ad deaurandum, medicinas, & similia apta.

Ex vi etiam laboris, & expensarum, quas Campfor facit, ut habeat, & custodiat similes pecunias pro Cambio, iuste aliquid accipit; nam labor ille, & expensæ sunt pretio dignæ: sed vitentur fraudes.

16 Quæritur, *an in Cambiocali iuste aliquid lucri accipiat?*

Resp. Affirmative: nam in isto quoque, sunt tituli legitimi pro iusto lucro exigendo; sive Campfor hic Romæ v. g. numeret primò pecunias Campfario, ab isto solvendas Florentiæ Campforis correspondenti, vel procuratori: sive Campfarius Romæ numeret primo Campfori pecuniam, ut ab istius correspondente eam recipiat Florentiæ; nam, sive uno, vel altero modo Cambium celebretur, semper debet Campfor expensas facere, conducendo, vel alendo famulos, & scribas, tenendo libros rationum, aliosque sumptus, sine quibus correspondentias in locis remotis non haberet; in secundo reperitur etiam, transportatio virtualis pecuniæ de uno ad aliud locum, quæ sit à Campfore, liberando Campfarium ab onere, sumptibus, & periculis, quæ ipse in transferenda pecunia deberet subire: quæ omnia sunt pretio æstimabilia, & digna stipendio.

17 Sed quæritur, *quodnam censetur iustum pretium, quod supra pecuniam cambitam accipi potest?*

Resp. Quòd, vel lex Principis taxat, vel loci consuetudo induxit: & potest augeri, vel minui propter locorum distantiam, & difficultatem maiorem, vel minorem, ac pericula transferendi pecuniam, & similes rationes, videndas apud Cabafut. *cit. num. 4.* & Mastr. *num. 127.* Hoc unum Confessarius ponderet, quòd lucrum moderatum esse debet: & si Campfor pretium excedat, tenetur excessum restituere. Giballin. *cit. lib. 5. cap. 1. art. 4. n. 8.*

18 Quæritur, *interrogatur Confessarius de conditionibus necessariis ad legitimam Cambia, quid responsurus sit?*

Resp. Eas contineri in Constit. B. Pii V. *incip. In eam pro nostro* edita 1571. ut omnem aditum usuris, & fraudibus accluderet. Quarum 1. est, ut Cambium non sit siccum, seu fictitium, quod sit, quando contrahentes simulant certas nundinas, & certa loca, ubi verè nundinæ non celebrantur: ad quæ, qui pecuniam recipit, literas Cambii non mittit, vel ita mittit, ut vacuæ, siccæ, & sine effectu debeant reverti, quia non est, qui solvat.

II. Ut lucrum non recipiatur in casu non solutionis Cambii.

III. Ne Campfor paciscatur de lucro ratione dilatæ solutionis ultra terminum.

IV. Ut, nec ante, nec post Cambium fiat pactum de certo, & determinato interesse solvendo, etiam in casu, quod non fiat solutio, tempore præfixo; huiusmodi enim pactum fundatur in periculo usuræ: quod periculum per Giballin. *cit. art. 1. cap. 15. constit. 9.* in simili pacto reperitur, & non tantum præsumitur; propterea dixit Constit. in conscientia obligare, & esse omnino servandam.

V. Ne cambia realia celebrentur, nisi pro primis nundinis, ubi illæ celebrantur, hoc est, quòd Cambium solvatur tempore, quo celebrantur; quod, si libi

si ibi nundinæ non sint, ad primum terminum in cambio solitum designari juxta distantiam locorum; vetatque abusum, quo cambia pro secundis, & deinceps nundinis sint terminis exercentur.

Itaque Pontifex non vult terminum solutionis Cambiorum differri, ne propter hanc dilationem Campsores majora lucra recipiant, quemadmodum olim consueverunt.

Sciendum est, in certis locis, quolibet anno, quater nundinas celebrari, inter quas spatium trium mensium intercurrit, ut merces possint ad loca asportari, & literæ cambiales dirigi. Unde Cambium fieri ad primas nundinas, est, Campforem, & Campsarium inter se convenire, ut solutio fiat intra trimestre: ad secundas intra sex: & ad tertias intra novem menses. Et quia Campsores consueverunt sic cambire, ut, si Cambium non solveretur in primis nundinis, velistæ non celebrarentur, majus lucrum exigerent: & majus in secundis: & magis etiam in tertiis; ideo Pontifex similem modum solutionis, & celebrandi cambia prohibuit, utpote continenter lucrum usurarium, acceptum ex sola dilatione solutionis. Solvenda itaque sunt cambia in termino præfixo in singrapha, vel literis; vel si postea solvantur, non potest plus à Campfore exigi, nisi propter lucrum cessans, & damnum emergens, non fictum, sed verum, & reale: sed de hoc debent Campfor, & Campsarius convenire. Semper tamen videntur fraudes.

19 *Queritur, an Cambium cum recambio, quod Itali vocant conla ricorsa, sit licitum?*

Resp. Negat Cabasut. contra plures, resolvens rationes aliorum, probare solum esse speculative licitum, non verò practicè; quòd quidem constat ex ipsa natura præacti Cambii, quod sic institui solet. Titius, Campsarius accipit Mediolani à Campfore centum aureos, solvendo Placentiæ (ubi Titius pecu-

niam, nec respondentem habet) propterea ipsum Campforem rogat, ut sibi concedat, & scribat suo respondentem Placentiæ, ut nomine ipsiusmet Titii satisfaciat, & solvat sibi Campfori Mediolani; Campfor literas Placentiam dirigit suo respondentem; quibus acceptis, correspondens Campforis, nomine Titii, eamdem summam recambit Mediolanum ad Campforem, ut iste centum exigat à Titio. Hic pondera, hujusmodi Cambium reduci ad Cambium siccum, & mutuum usurarium, palliatum titulo ficto Cambii localis, nam propriè est mutuum cum usura, cum Campsarius debebat Mediolani, ubi recipit, solvere, & cogatur uti illo falso circuito solutionis, faciendæ Placentiæ, solum, ut ab usurario mutuum recipiat, quod aliàs non accepisset; teneas itaque sententiam Cabasutii.

§. III.

Contractus Societatis.

20 *Queritur. Petit pœnitens à Confessario instrui de conditionibus necessariis, ne erret in celebrando contractu Societatis, quid Confessario agendum?*

Resp. Significet esse hujusmodi contractus celebrandos ad præscriptum Constit. Sixti V. incipien. *Detestabilis* 45. *ibid.* in Bullar. disponentis.

I. Ne fiat pactum inter socios de restituenda sorte, & capitali alteri socio, qui eam vel in totum, vel secundum partem dedit in Societatem ad negotiationem, etiamsi casu, & fortuito pereat, & deterioretur; atque consocius vel minorem partem tribuat, vel solam industriam, & laborem.

II. Ne paciscatur de solvendo lucro in singulos annos, vel menses, ad indemnitate fortis, ei, qui pecuniam, aliasve res in societatem contulit.

III. Ut socii ad commune lucrum conferant

A a

ferant

ferant in commune, sive pecunia, sive animalia, navem, industriam, & laborem.

IV. Ut, finita societate, & capitale extet, restituatur ei, qui in societatem contulerit.

V. Ut inter socios sint communes fructus, expensæ, & damna.

VI. Ut inter eos, tam lucrum, quam damnum dividatur juxta proportionem, & ratam eorum, quæ singuli contulerunt; itaut, sicut se habet fors ad sortem, sic se habeant fructus, & lucrum, ad fructum, & lucrum: hinc, si uterque contulerit centum cum æquali industria: & lucrum, finita societate, sint ducenti aurei, singuli socii poterunt pro lucro reportare centum, & centum pro capitali. Nota, quod plus debet lucrari, qui dat pecuniam, & operam, quam, qui dat solam pecuniam, vel operam, quia sic servatur æqualitas. Quilici q.7. art.3. num.21.

21 Sed quid, si unus posuerit centum, & alter solam industriam, & laborem?

Resp. Si apposita industria centum aureis æstimetur, & lucrati sint alia centum, debet primo alter accipere centum, quæ dedit pro sorte, divisus aliis centum, itaut quilibet eorum sumat quinquaginta, proportionem lucris. Maltr. cit. art.4. num.132. Cabafut. art.13. num.6. apud quos alii.

22 Sed quid, si, finita societate, salvis centum datis a socio pro sorte principali, nil lucris appareat?

Resp. Debent illa ei reddi, qui contulit; æqualitas in casu inter socios in hoc fiat, quod si fors data ab uno socio, altero conferente industriam, pereat sine hujus culpa, ei pereat, qui dedit; si verò, salva pecunia, nil lucris habeatur, alter socius, qui suum laborem, vel industriam contulit, solum sentiat jacturam industriæ, pecunia verò tota ad suum Dominum redeat: etenim pecunia data in societatem semper est dantis, nec

ipsius dominium in alterum transfertur, ut optimè D. Thom. 2. 2. *quæst.* 78. *art.* 2. ad 5. & allegata Const. Sixti, propterea, si pereat sine culpa socii, ipsius Domino perit.

23 Quæritur. Eget Agricola bobus ad arandum, rogat Herum, ut sibi mutuet pecuniam ad ipsos emendos. Herus in nundinis, ipso Agricola pacifcente cum venditore, solvit nonaginta scuta pro duobus bobus, quos Agricola concedit ad triennium, sequentibus pactis. I. Ut singulis annis sibi duo rubia frumenti solvat. II. Ut, si mori boves contigerit, Agricola eorum pretium solvat. III. Ut, finito triennio, boves consignentur Hero sub nova estimatione, & si securis nonaginta non fuerint æstimati, sed minoris, Agricola suppleat de proprio usque ad debitam summam: *petitur, an contractus, eaque pacta sint legitima?*

Resp. Contractus iniquus est, cujuscumque generis esse asseratur, sive mutui, quo Herus Agricolæ pecuniam mutuet; sive societatis, quoad socidam ipsi boves tradat; sive locationis, quo eidem locet boves.

Si mutui esse dicatur, iniquitas patet; nam contractus mutui de sui natura petit esse gratuitus, juxta illud, *mutuum dantes, nihil inde sperantes*, ergo, ubi mutuum gratuitum non est, usura est. Glos. ad cap. *Conquestus de usur. in ver. de seu-do*. Addo, quod Herus pensionem exigit de re non sua, cum boves empti sint pecunia mutuata Agricolæ, adeoque pecunia, cujus Agricola est Dominus (in mutuo enim dominium transfertur) ad quem itaque boves spectant, & cui propterea pereunt: nam res domino perit.

Item, si ad societatem spectet, iniquitas est manifesta. Nam in contractu societatis juxta Sixti constitutionem allegatam supra num.20. Non licet pactum facere de restituenda alteri socio sorte, casu, vel fortuito pereunte, sed jactura, & periculum fortuitum, ac ipsius deterioratio debet esse apud tradentem; nec debet

bet iactura in recipientem refundi, nisi ejus culpa, & negligentia contingat; prout etiam habetur ex *Conc. Mediolanen. sub S. Carolop. 2. tit. de usuris*: ibi. *In societate animalium, quæ inastimatalicui dantur ad custodiam, sive, ut operas præstet, omnes casus, etiam fortuiti, semper sint periculo ejus, qui dederit, nisi id alterius socii dolo, vel magna negligentia accidisse constiterit. Nec fiat pactum, ut fors sit semper salva, etiam ex primis fetibus; neve quidpiam certum præter sortem ex fructibus animalium, quotannis solvatur.* In casu proposito Herus vult sortem salvam, periculum deteriorationis in se non suscipit (boves enim arando deteriores fiunt) & quolibet anno exigit pro certo lucro pensionem duorum rubiorum frumenti contra naturam societatis; quæ postulat, ut partes sint æquales, & equaliter participant de lucro, & damno habito respectu ad quoram in societate positam; societas enim est quedam fraternitas: at quæ æqualitas erit, quæ paternitas, si Agricola ex bobus nihil lucratur, & nihilominus de suo debeat solvere ea rubia? vel, si deducto valore illorum duorum rubiorum nil lucri maneat apud ipsum? vel, si debeat de suo fortuitum periculum, & deteriorationem boum compensare? Unde videtur resultare potius contractus mutui, quam societatis cum justitiæ violatione.

Item non minus est contractus iniquus, si dicatur esse locationis, quo Herus locat Agricolaæ boves. Nam, ut iniquus, & injustus non sit, exigitur, ut periculum fortuitum, & capitalis deterioratio sit apud Locatorem, qui est boum dominus, cum in locationis contractu dominium non transferatur, consequenter, quod ipsi pereant, dum fortuito casu perire contingit; ergo, cum Herus boves vult Agricolaæ perire, vult Agricolaam esse ipsorum Dominum; nam res Domino perit; adeoque injuste, & per usuram, eam annuam pensionem exigit, cum pro re non sua illam accipiat. Deinde

pensio duorum rubiorum frumenti est nimis excessiva; ergo pactum est injustum. Tum quia in contractu locationis debet servari æqualitas inter locatorem, & Conductorem, ergo lucrum, quod recipit Herus, debet correspondere utilitati, quæ ex bobus redundat in Agricolaam; nam, si nullam utilitatem Agricola ex bobus perciperet, nil dare deberet Hero; vel certe minus solvere deberet, si, deductis frumenti rubiis, quæ dat Hero Locatori, minus lucrum Agricolaæ conductori proveniret, juxta text. in cap. *Propter de locato, & conducto*; & ibi *Gloss. in verb. Vitis rei.*

24 Sed petitur. *Cujus generis censendus sit prædictus contractus?*

Resp. In se est locationis, & conductionis. Nam Herus boves emit, eosque ad triennium cum ea pensione locat Agricolaæ; quia verò pensio nimis est excessiva, in eo justitia violatur. Verum propter alia duo pacta adjecta, degenerat in mutuum. Hinc optime dixit, *de la Cruz direct. cons. 7. præcept. q. 6. art. 2. dub. 2.* quod, qui alteri locat bovem, aut dat decem aureos pro emendo eum, obligando illum, ut post tempus locationis reddat illos aureos, aut bovem ita sanum ac recepit cum pretio locationis, committit usuram; quia idem est, ac mutare decem, ut reddantur duodecim; cum conductor suscipiat in se fortuitum periculum, & deteriorationem rei locatæ contra naturam locationis. Idem habet Leotardi *de usur. quæst. 36. num. 25.* asserens illum, qui rem suam justo pretio æstimatam, veluti equum, vel bovem, ad certum tempus alteri locat ea lege, ut, re illa quomodocumque pereunte, pretium cum lucro consequatur, usurarium esse.

Nec obstat, Agricolaam ab Hero petiisse mutuò pecuniam; nam cum dati sint boves per triennium ad colendos agros cum annua pensione, contractus assumit naturam locationis, & conductionis dictorum boum. Ad cognoscendum contractum magis est inspicienda ejus forma,

& effectus, quàm nominis appellatio. At, dato etiam habere naturam mutui, patet esse iniquum.

25 *Queritur. Cajus aperit Confessario: ego dedi in custodiam oves Francisco sub ista lege, quod, ubi oves quovis casu pereant, pro una medietate mihi, & pro alia pereant Francisco; ubi verò non pereant, prius debeam ego ex fructibus meum trahere capitale, & ex tunc oves communes sint: petit, an contractus sit licitus?*

Resp. Negativè. Namin isto contractu melior est conditio Caii, quàm Francisci, adeoque non servatur æqualitas, sed Franciscus recipiens oves nimis gravatur; quoniam ubi male fortunentur, ipse amittit duo, medietatem scilicet pretii ovium, quam de proprio tenetur solvere, & laborem suæ custodiæ. Cajus autem unum amittit, alteram scilicet medietatem pretii pecorum. Hinc, quia Franciscus recipiens, seu conducens pecora majori substat periculo, debet etiam plus participare de lucro, ut æqualitas in contractu servetur; & ita Cajus debet à Confessario obligari ad rescindendum contractum, & oves ad se revocare, vel alium contractum juxta juris regulas celebrare.

26 *Queritur. An contractus redditionis bestia sub istis terminis celebratus, V. G. Joannes tradit Petro rustico centum oves, quarum qualibet æstimatur duobus aureis, adiecto pacto, ut, si pereant, tale pretium reddat Ioannis: vel ex ovibus, quas Petro habet, totidem ejusdem ætatis, bonitatis, & ponderis eidem reddat; & interim singulis annis debeat Petrus ipsi pro qualibet solvere duas libras lane; sit legitimus?*

Resp. Negativa patet, si celebretur contractus venditionis ovium æstimatarum. Nam tunc ultra pretium duorum aureorum pro qualibet ove, nil aliud præcisè ob dilatam solutionem, vel temporis longitudinem, est solvendum; res enim vendita, & emptori tradita, sicut

ei perit, ita ei parit tamquam Domino. Patet etiam, si dicatur celebrare locatio, aut societas; quia tunc dominium, & periculum fortuitum ovium debet indispensablem esse apud Joannem deponentem; cum id sit de natura similium contractuum. Quia, itaque celebratur solum mutuum cum usura palliatum sub colore societatis, contractus est iniquus.

27 *Queritur. Quando animalia tradantur juxta in societatem alteri?*

Resp. Cum observantur disposita in citata Constitutione Sixti. Habet quis viginti oves, alius totidem, vel etiam decem, & communicant ad invicem eas; de periculo, lucro, ac expensis participant æqualiter; si æqualiter ponant in societate; vel pro rata, secundum quod ponunt; societas justa est. Qui possunt etiam licite convenire, quod de factibus recuperentur capita mortua; vel de velleribus emanant capita ad augendum gregem. Item unus potest ponere oves, & alter curam, industriam, & laborem, juxta dicta supra n. 20. 21. & 22.

Injusta autem est, cum quis dat certa capita ovium æstimata certo pretio, hoc pacto, ut rusticus recipiens, non accipiat aliquam utilitatem, donec tradens receperit prius totam sortem. Hoc pactum est valde iniquum: nam æqualitas non servatur; rusticus enim suam operam gratis exhibet, Sicut iniquum est, pacisci, quod antequam rusticus recipiat aliquid, restaurabit de factibus omnia mortua. Hoc enim pacto est, quasi velle oves immortales, in quo nec æqualitas servatur.

Item, injusta est, dum alteri quis tradit in societatem pecora æstimata tanto pretio, ea conditione, ut capitale sibi reddat, & præterea aliquod emolumentum, sive in pecunia, sive fructibus, lana, lacte, caseo &c. Immo mutui virtualis potius, quàm societatis contractus censetur, quia ultra capitale salvum pensionem annuam exigit.

§. IV.

Contractus mutui, commodati, locati, & depositi.

28 **Q**Uæritur. *Negotiator petit à Confessario differentiam inter contractus mutui, commodati, locati, & depositi, ne in eis celebrandis erret, quid Confessarius est responsurus?*

Relp. Quòd mutuum acceptum pro contractu celebrato inter mutuantem, & mutuatarium, *est contractus gratuitus, quo quis rem suam usu consumptibilem alteri tradit, cum translatione dominii, ea lege, ut eandem in specie, & bonitate, statuto tempore reddere, teneatur.*

Differt à venditione, quæ transfert rei dominium sine onere reddendi similem; à commodato, in quo reseadem, non specie tantum, sed & numero reddi debet; à locato, quo non gratis, sed certa pensione alteri traditur res ad usum eadem numero reddenda; à deposito, quo alterius fidei restraditur ad custodiam.

29 *Petit, quæ sint obligationes mutuatarii.*

Relp. Vide lib. I. cap. 31. nu. 27. & 28. Hoc est certum, ipsum teneri ad restituendam rem mutuo acceptam, quocumque casu pereat; nam res, sicut domino parit, ita perit: mutuarius autem est dominus rei mutuo receptæ.

Pariter commodatum sumptum pro contractu, *est contractus, quo res aliqua ad certum usum, & tempus sine mercede conceditur, reddenda eadem numero post usum expletum, ad quem fuit concessa.* In commodato dominium rei non transfertur in eum, cui ad usum conceditur, ideo differt à mutuo: gratis, & sine mercede conceditur, aliàs foret locatio. Differt à precario (precarium dicitur, quod precibus ad utendum gratis datur alteri) quia res precario data revocari potest, quandoque danti placuerit, quia sine præ-

Matthæucci Gaudela Confessi.

finitione certi usus ad utendum conceditur; cap. *Precarium de precariis: & Gloss. ad cap. cum gratia sui de commodat. in ver. commodatum.*

30 *Petit, quæ sint obligationes rem commodantis?*

Relp. Sequentes. Prima, ut rem commodatam ad se revocare non possit ante expletum usum, pro quo fuit data: nam statim ac pro certo usu datur, tali usui subiicitur, & affixa reputatur: *non decipi beneficio nos oportet, sed juvari*, ut ibid. *Gloss.* deciperetur autem ille, cui conceditur, si ante completum usum revocaretur; sicut nocumentum reciperet, si res apta non foret pro usu, ad quem conceditur; & tunc revocans teneretur de damno. Limitatur, ut possit ante usum revocare in casu non præviso in contractu, si nimirum commodans ex defectu rei majus, aut tantum detrimentum incurreret, quantum pateretur commodatarius, si res ab eo auferretur ante usum expletum; nam præsumi debet in tali usu eum non voluisse rem commodare.

31 *Petit, quæ sint obligationes commodatarii, seu illius, qui rem commodatò accipit.*

Relp. Sequentes. Prima, ut rem commodatam utatur dumtaxat ad usum, ad quem eam à Domino accepit; aliàs furtum committit, utpotè utens re, invito domino; hinc si tibi commodem equum, ut ad villam eas, & tu ducis ad bellum, teneris mihi pro tali usu, ad quem equum tibi non concessi. *Gloss. ad c. cum gratia sui de commodato.*

Secunda, cum commodatum concedatur gratia solius accipientis, tenetur de culpa non modò lata, & levi, sed etiam levissima; immò etiam de casu fortuito, qui scilicet non potuit prævideri, si culpa sua contingat, vel sit in mora restitutionis post expletum usum, aut pacto ad id se obligat, cap. *cum gratia sui cit.* Propterea circa rem commodatam conservandam, debet eam curam, & diligenti-

tiam adhibere, qua homines diligentissimifolent in rerum custodia, juxta dicta supra cap.22.num.72.unde, si ejus negligentia pereat, debet eam in æquivalenti pretio restituere.

Item locatum pro contractu acceptum, *est contractus, quores, vel persona ad usum, vel fructum, salva semper ejus substantia pro pensione certa conceditur ad tale tempus.* Qui rem locat, locator; & ex parte ejus contractus locatio nominatur; qui verò rem accipit, conductor: ex parte ejus contractus conductio dicitur.

32 Petitur, *quæ sint obligationes locatoris?*

Resp. Sequentes. I. Ut apud ipsum remaneat periculum fortuitum rei locatæ, sicut enim est ipsius rei dominus, ita debet ei perire.

II. Tenetur detegere rei locatæ vitia, etiam occulta, quæ conductori damno esse possunt: hinc teneris damnum reparare, si mihi commodas dolium vitiosum, propter quod necessariò vinum inficitur. Propterea locator debet eam diligentiam adhibere ad vitandum nocumentum, conductori ex re locata proventurum, quam vir prudens adhibere solet.

III. Tenetur ad expensas necessariò faciendas circa rem locatam, ut ad calcandum equum, dum inservit conductori, iter facienti: ad reparandam domum locatam, tectum, fenestras &c. non verò ad expensas voluptuarias, & superfluas.

IV. Ad onera publica, & tributa imposita pro re locata, nisi aliud ex pacto, vel locorum consuetudine sit determinatum.

V. Non potest expellere conductorem à Domo, nisi in casibus, de quibus in l. *ade. Cod. de locato*, ut, si conductor pensionem non solvat: si ex casu aliquo, non præviso tempore locationis, res locata esset valde necessaria ipsi locatori: si res locata indigeat reparatione,

quæ fieri nequit, si maneat apud conductorem; & tandem, si conductor abutatur re locata, eam damnificando, vel abutendo contra malos mores, retinendo in ea meretrices, & usurarios publicos &c. nam præsumendum est, quod locator non habuerit voluntatem eam locandi in illis casibus.

33 Petitur; *Quæ sint conductoris onera erga locatorem?*

Resp. Sequentia. I. Ut re conducta utatur solum ad usum concessum; nam tenetur stare conventioni, aliàs contra voluntatem locatoris rationabiliter præsumptam, tenetur, quasi actione furti, re aliena invito domino utens; Hinc, qui equum conduxit ad eundem Florentiam, & eo utitur ad pergendum Vieniem, tenetur dare pretium pro isto usu; & casu quo in isto itinere periret, alio itinere non periturus, debet pretium equi restituere.

II. Si re conducta ejus negligentia perit, tenetur reddere æquivalens; Est commune, conductorem teneri de lata, & levi culpa dumtaxat, non de levissima, quia res conducta non solum gratia conductoris conceditur, sed etiam in utilitatem locatoris recipientis ex locatione mercedem.

III. Ut solvat locatori mercedem, seu pretium usus rei juxta conventionem.

34 Dubitatur, *An pensio V. G. agri locati sit minuenda propter sterilitatem ipsius agri.*

Resp. Affirmativè, modò sterilitas contingat casu fortuito, ut alluvione fluminis, incendio, hostium incurfu, &c. ita ut nullus, aut modicus fructus colligatur, pro rata enim est remittenda, vel in totum, vel in partem, nisi sterilitas compensari possit ubertate præcedentis, vel sequentis anni, *cap. Propter de locat. & conduct.* Dicitur *casu fortuito*, hoc est, qui prævideri non potuit; quia, si impedimentum percipiendi fructus proveniret ex ipso conductore, ad integram pensionem teneretur; nam æquitas non

patitur, ut locator subeat damnum, quod culpa conductoris sequitur. Item, si casus sterilitatis ab initio sciri, & prævideri facile potuerunt, ut, si regio illa procellis, & grandinibus obnoxia sit; vel pateat hostium incurfibus; aut ager locatus sit vicinus flumini sæpius inundanti, aut fundus natura sua infæcundus, non est locus remissioni, quia hos omnes casus conductor prævidisse censetur, adeoque in se suscepisse reputatur omne periculum, omnesque casus fortuitos, ac renunciaffe juri, quod in ejusmodi casibus remissionem pensionis concedit, & ideo ad integram pensionem tenetur.

Dices, dum fructus fundi insolito modo crescunt, non augetur locatori pensio à principio; ergo, ut æqua sit locatoris, & conductoris conditio, non est minuenda pensio propter sterilitatem contingentem, sine culpa conductoris.

Confir. Emphyteuta, qui tempestatem passus fuit, integrum Canonem persolvit, nec ullam remissionem consequitur, ergo conductor ob sterilitatem, cæli intemperie contingentem, à solutione integre pensionis liberari nequit.

Resp. Negando consequentiam, discrimen est, quia insolita illa sterilitas damnum infallibile affert conductori, si teneatur eo casu pensionem præstare; ingens verò, & insolitum lucrum ex fortuita ubertate preveniens nulli omnino nocet; immò locator temper, & facilius pensionem promissam recipit, & ideo jus in tanta calamitate conductori subvenit.

Ad confirmationem, paritas non concludit. Emphyteusis enim à conductione valde differt: conductori pensio constituitur in compensationem fructuum, quos percipere ipse potest ex fundo; emphyteuta autem non in compensationem fructuum dantur, sed in recognitionem directi domini, ut infra patebit, ex Gonzalez in 3. tit. 18. cap. 3. num. 8. de locat. & conduct.

35 Dubitatur. *Nobilis quidam certa pensione conduxit pro anno Petrum ad suum servitium, post sextum mensem absque ulla culpa ipsius Petri eum dimisit; petitur, an Confessarius debeat nobilem obligare ad integram mercedem totius temporis Petro solvendam?*

Resp. Affirmativè; neque conductor, neque locator, altero invito, potest absque justa causa antè tempus à contractu recedere; nam ex eo, sicut ex quovis alio legitimo contractu nascitur obligatio ex justitia in utroque foro, conscientie scilicet, & civili: hinc si nobilis à contractu pro suo arbitrio recedit, solvat pensionem conventam à principio, vel curet servum alteri elocare: dum sibi difficile est alium herum invenire.

Depositum tandem pro contractu, seu pro formali item sumptum (quia pro materiali venit res, quæ deponitur) est *contractus, per quem res aliqua alterius fidei custodienda committitur, & alter eam ad custodiam recipit*. Aliud est depositum purum, aliud non purum. Purum est, cum res traditur in meram custodiam in deponentis gratiam, & favorem: Non purum verò, cum datur aliquid depositario pro custodia.

36 Petitur, *quæ sit obligatio deponentis?*

Resp. Hæc est, ut si res deposita casu fortuito pereat, ipsi deficiat, tamquam ipsius domino.

37 Petitur, *quæ sint depositarii onera*. Resp. Sequentia. Primum, ut teneatur ad restitutionem, si ex gravi ejus culpa res deposita pereat; immò, si ex levi, dum, aut indemnem promissit, aut de pretio pro illius custodia convenit; aut, cum à deponente repetita, sed non reddita, fortuito pereat, vel deterius conditionis facta sit.

Secundum, ut, si res deposita sit pecunia in sacculo obsignato, ea non utatur, aliàs peccaret in usu rei, invito domino; secus, si aperte numerata fuerit ipsi commissæ, modò inde nullum peri-

culum deponenti inimineat; nam tunc præsumitur tacite eam facultatem concedere; modò ea utens ad solvendum non fiat impotens.

Tertium, ut, si depositum consistat in aliis rebus utensilibus, ut vestibus, equo &c. eis uti nequit, Domino invito; & dum utitur ad propriam utilitatem (cùm talis usus sit pretio æstimabilis) tenetur pro eo solvere domino. Dicitur *ad propriam utilitatem*, quia posset sine peccato, si usus cederet in utilitatem deponentis; ut, quia aliàs equus V. G. in stabulo perpetuò acclusus manens piger efficitur, & ineptus ad cursum, in hoc enim domini negotium utiliter ageret.

§. V.

Contractus pignoris.

38 **Q**Uæritur. *Quid sit contractus pignoris?*

Resp. Quamvis pignus sumptum materialiter sit res illa, quæ alteri conceditur in securitatem debiti, tamen acceptum formaliter, est *contractus*, quo res aliqua traditur alteri in debiti securitatem.

39 Petitur, *Quæ sint obligationes debitoris oppignorantis rem?*

Resp. Sequentes. Prima, tenetur tradere creditori pignus promissum, loco, & tempore, statutis; nec potest illud repetere, nisi debitum solverit, aut alio modò satisfecerit creditori. Secunda, tenetur ad omnes expensas, quas creditor in servando pignus fecit.

40 Petitur, *quæ sint onera creditoris accipientis pignus?*

Resp. sequentia. Primum, ut in faciendis expensis in servando pignore ita moderatus sit, ut non cogat debitorem, qui eas omnes solvere nequit, aut pignus dimittere, aut aliis vendere. Secundum, obligatur ad fidelem pignoris custodiam; & tenetur de dolo, ac lata, & levi culpa, ita ut servet rem illam, in eamque

sumptus necessarios faciat. Tertium, tenetur rem ita servare, ut ea non utatur; aliàs furtum committit; debetque refarcire damna pignoris, quo usus est; nisi talis usus cedat in commodum debitoris ne scilicet pignus deterius fiat.

Quartum, tenetur solutionem debiti, quandocumque sibi oblatam, recipere, & pignus illicò reddere; quia, sublata principali obligatione, & accessoria deesse debet; & obligatur pignus reddere cum suis fructibus; nam fructus non sunt creditoris, sed debitoris: sequuntur enim dominum, debitor autem est dominus pignoris; quod traditur creditori, non ut lucrum ex eo faciat, sed, ut in tuto creditum habeat. Hinc sequitur, quòd si creditor ex re pignoratæ fructus retineat, usuram committit, cum retineat aliquid supra sortem; idcò debent fructus computari in sortem principalem, sive extent, sive sint consumpti; immò, etsi ob culpam latam, vel levem creditoris non sint percepti, cùm aliàs percipi potuerint.

Excipitur casus, in quo pro dote promissa dantur marito à Patre uxoris possessiones in pignus, usque dum dos fuerit ei persoluta; tunc vir non tenetur fructus pignoris in sortem computare, cùm cedant lucro ipsius propter onera matrimonii ab ipso sustinenda, cap. *salubriter de usur.* Videdicta lib. 1. cap. 31. num. 11. ubi, improbatur contractus Antychrísticos dictus, lege Gonzalez in 3. tit. 21. cap. 6. & 7.

Quia itaque debitor est dominus pignoris, ipsi perit, si casu fortuito perire contingat; si verò ex culpa lata, vel levi creditoris deficiat, imple tenetur restituere.

41 At dubitatur, *in quo contractus pignoris distinguatur ab illo Hypotheca.*

Resp. In hoc, quòd res, quæ oppignoratur in securitatem debiti, traditur creditori, illa verò quæ hypothecatur pro debiti securitate, est utique pro debito obligata, sed nulli traditur, manetque

que apud ipsum, apud quem fuit, antequam hypothecaretur. Hinc DD. notant apud Gonzalez cit. §. 6. nu. 8. contractum pignoris perfici traditione rei data in cautionem debiti; illum verò hypothecæ consensu, quo res, quæ creditori non traditur, ei obligatur, tamquam rei debite vinculum.

42 Quæritur, an res Deo dicata possint pignori dari?

Resp. Negative, nisi ex gravi necessitate, juxta text. in cap. *Ut nullus de pignorib.* ubi: *Ut nullus Clericus presumat calicem, vel patenam, aut pallam Altaris, vel vestimentum Sacerdotale, aut librum tabernario, vel negotiatori, aut cuilibet Laico, vel femina in vadimonium dare, nisi iussissima necessitate urgente;* Nam res Deo dicata censetur portio, & patrimonium Dei per consecrationem oblata, & inde sequitur, ut tales res in nullius dominio sint, nec in commercio hominum remaneant. Propterea est certum inter alias alienationis species erga res Ecclesiæ prohibitas, contineri & pignoris dationem; quoniam, licet in traditione pignoris non mutetur dominium, tamen jus in re tribuitur, propter quod distractioni locus paratur: & ideo est necessarium beneplacitum Apostolicum: Casus, in quibus possunt vasa sacra pignori dari, refert Gonzalez cit. cap. 1. num. 10. & Glof. ad alleg. cap. in verb. necessitate.

§. VI.

Contractus Emphyteusis.

43 Quæritur, quid sit contractus, emphyteusis nominatus?

Resp. Est contractus, quo res immobilis in perpetuum, sive in longum tempus conceditur alteri quoad dominium utile, sub certa pensione præstanda Domino directo. Contractus Emphyteuticus neque est venditio, nec locatio, sed participat de utroque. Accedit ad

venditionem, quia in principio, quando celebratur, Emphyteuta dat domino directo certam pecuniæ quantitatem, (quæ ab aliquibus laudemium dicitur) sicut in venditione datur pretium; sed ab ea differt, quia per hunc contractum non transfertur dominium directum, sicut fit per venditionem. Accedit ad naturam locationis, quia in Emphyteusi retinetur dominium rei a concedente, & quolibet anno aliquid percipit, sicut in locatione. Sed a locatione differt, quia Emphyteusis locum habet solum in rebus immobilibus, & soli dumtaxat, locatio autem in omnibus. Præcipua autem differentia est, quod in contractu Emphyteutico solvitur parva pensio domino directo pro ejus recognitione; in eo verò locationis solvitur magna pensio, hoc est, quæ fructibus correspondeat, vel quasi; ideoque ex modica pensione Emphyteusis, ex magna verò locatio judicatur per DD. apud Fagnan. in 3. ad cap. *potuit de locat. & conduct.* sub num. 13. & sequen.

44 Petitur, an res Ecclesiæ possint in Emphyteusim dari sine solemnitate juris, vel beneplacito Apostolico?

Resp. Affirmative, ex cap. *Ambitos*, sed quatuor debent concurrere. Primum, ut non fiat ultra triennium: & triennium computatur ex tribus fructuum collectionibus. Secundum, ut sit in casibus a jure permisissis. Tertium, ut sit de bonis ab antiquo in Emphyteusim dari solitis. Quartum, ut subsit evidens Ecclesiæ utilitas de tempore contractus, ex cap. *Ex parte tua de feudis*, & cap. *Nulli de reb. Eccles. non alienan.* tradit Fagnan. in 3. ad cap. *nulli cit. n. 16.* Gonzalez ubi supra tit. 13. cap. 7. sub n. 4. Vide, quæ dixi offic. cur. Ecclesiæ §. 45.

Notandum, quod si res sine culpa Emphyteutæ pereat, aut transeat ad hostes, liberatur a pensione, modò nulla pars rei maneat apud ipsum, quoniam, si maneret aliqua, tota pensio ex vigore legum solvenda foret.

Item,

Item, quòd dum pensio, sine impedimento excusante, non solvitur ab emphyteuta, res Emphyteutica transeat ad dominum cum omni melioratione.

Item, quòd emphyteuta jus suum non vendat, nec melioramenta, nisi admonito domino, cui dantur duo menses ad deliberandum, an ipse velit jus, & melioramenta emere tanto pretio.

De contractu livellario nil est addendum, quia videtur coincidere cum emphyteusi.

§. VII.

Contractus feudalis.

45 **Q**Uæritur; *Quid sit contractus feudalis?*

Resp. *Est contractus, quo dominium utile rei immobilis datur alicui pro fidelitate, & servitio personali, retento Domini proprietatis ab eo, qui rem dat. Differt Feudum ab Emphyteusi.*

Primò, quia in Emphyteusi in introitu Emphyteuta domino principali solvit quandam pecuniæ summam, non sic Vassallus, dum feudum recipit; nam dominus directus exigit solum obsequium, & fidelitatem personalem, quòd si pensio reservetur, contractus erit mixtus ex Emphyteusi, & feudo.

Secundò, quia Emphyteuta debet solvere pensionem tempore præfixo, etiam non requisitus. Feudatarius autem non debet solvere obsequium personale, nisi id petatur à principali: & tunc, si illud non exhibeat, amittit feudum: sicut cum graviter offendit dominum, aut ipsi est ingratus notabiliter.

Tertiò, si successor Feudatarii non petit investituram, feudum etiam amittit.

§. VIII.

Contractus fideiussionis.

46 **Q**Uæritur; *Quid sit fideiussio?*
Resp. *Est contractus, quo quis sine pignore, & hypotheca se obligat accessorie, & casu, quo debitor principalis non solvat, ad solvendam summam ab ipso debitam.*

47 Petitur. *Qua sint onera fideiussoris?*

Resp. *Sequentia; I. tenetur ad solvendam summam creditori, dum debitor principalis non solvit, & ad compensandum ipsius damnum ex dilata ultra præfixum tempus solutione, ad quam debitor erat obstrictus.*

Secundò, post datam fideiussionem, non potest disponere de bonis propriis æquivalentibus debito, à debitore principali non dum soluto, nisi aliàs æquivalentes facultates habeat.

48 Dubitatur. *Petrus fideiubet pro debito, quod Franciscus debet Paulo, sed propter fideiussionem exigit à Francisco, vel, quod ad suam officinam emat sericum, vel quolibet anno, quo fideiussio durat, solvat duos aureos; petitur, an licitè id possit exigere?*

Resp. *Negative, est utique contractus fideiussionis licitus; at ubi apponitur conditio, ut debitor solvat aliquid pretio æstimabile fideiussori, illicitus evadit: Nam fideiussio est quædam mutui species: cum enim ipse fideiussor mutuum amico dare non possit, alium per suam fidem iussionem rogare videtur, ut de loco sui: in mutuo autem aliquid supra sortem recipiendum non est.*

49 Petitur. *Qua sint onera debitoris, pro quo fideiubetur?*

Resp. *Sequentia. Primò, tenetur indemnem reddere fideiussorem de sua fideiussione; qui solvens pro reo principali actionem habet contra ipsum ad repetendum omne id, quod pro ipso solvit, cap. Pervenit de fideiussoribus.*

Secundò, debet fidejussorem ab obligatione liberare, cum ab ipso fidejussore cogitur, ut eum liberet; nam in fidejussoria obligatione non videtur actum, ut fidejussor perpetuò obligatus sit, sed post justum tempus eximitur, ne præstium beneficium illi damnosum sit; equum enim non est, eum, qui amico pietatis officium exhibuit, retineri in perpetua obligatione, dum debitor potest amicum liberare solvendo pecuniam debitam.

Casus, in quibus potest fidejussor, antequam solvat, agere contra debitorem pro sua libertate traduntur, *cap. Eum, pro quo*, hoc tit. & sunt. I. Si debitor sit arbitrio Judicis in mora solvendi. II. Si debitor principalis dilapidet bona sua, vel incipiat vergere ad inopiam. III. Si fidejussor condemnatus sit; nam non convenit, ut pro beneficio debeat pati detractionem in carcerem, vel cedere bonis. Addi potest. Si fidem suam ad tempus interposuit; nam, eo elapso, obstringi nequit; cum fidejussio non extendatur ultra verba, & conventionem.

§. IX.

Contractus donationis.

50 **Q**Uæritur, *Quid sit donatio.*

Resp. *Est rei alteri non debita spontanea, & liberalis concessio translatione domini.* Quæ, dum à donatario acceptatur, parit obligationem, etiam sub mortali, si res donata sit alicujus momenti.

Donatio alia dicitur *inter vivos*, ut, cum quis ex mera liberalitate sic donat, ut, etiam se vivo, valeat rem donatam esse alterius: Hæc etiam, post donatarii acceptationem revocari potest ob ingratitudinem ipsius donatarii: *ut, si forte in donantem manus impias iniecerit; aut ei atroces injurias, seu grave rerum suarum damnum, vel vita periculum*

inferre præsumpserit, cap. propter de donatione. Sed de ingratitudine debet legitime constare, & coram Judice est probanda, ut in conscientia donatarius teneatur restituere. Abellii *Medulla p. 2.7. præcept. decal. sect. 7. §. 7. nu. 5.* Revocatur etiam, si postea liberi donanti nascantur, *l. si unquam, C. de revocand. donat.* Quæ lex fundatur in præsumpta voluntate donantis, qui existimatur donaturus, quia putabat se filios non suscepturum.

Et alia, quæ fit *causa mortis*, ut, cum quis donat, ita ut rem non velit esse alterius absolutè, & irrevocabiler, nisi post suam mortem, qualiter in testamentis, & codicillis fieri solet; hæc non reputatur ultima voluntas donantis, ideo potest ad ipsius arbitrium revocari, cujus morte solum confirmatur.

51 Quæritur, *Quid sit necessarium ad donationis valorem?*

Resp. Primò, ut, qui donat, dominium, & administrationem habeat rei, quam donat. Secundò, ut res, quæ donatur, alteri non sit obligata. Tertiò, ut donans sit rationis compos. Quartò, ut is, cui donatur, sit donationis capax.

52 Petitur; *An subsistat bonorum donatio facta inter conjuges post matrimonium unitos?*

Resp. Negativè, loquendo de donatione inter vivos, in qua alter locupletior, & alter pauperior efficitur, ut expressè tex. in *cap. Donatio de donationib. inter vir. & uxor.* ibi: *si firmitatem non habet, nisi donatoris obitu confirmetur; qua tamen penitus evanescit, si revocetur ab eo tacitè, vel expresse; vel, qui donatum accepit, prius debitum natura persolvat;* Ratio prohibitionis est, quia aliàs conjugati, mutuo, ac cæco amore se amantes, se invicem expoliarent bonis, & ubi elanguisset amor, ad extremam paupertatem redigerentur. Cæterùm donatio inter virum, & uxorem causa mortis facta subsistit, quia in hac non militat adducta ratio;

ratio; & ejus effectus confertur (dominium nimirum, & rei possessio) in id tempus, in quo conjuges esse desinunt. Neque in prohibitione comprehenditur donatio remuneratoria, cum hæc sit merces accepti beneficii, & non liberalis concessio.

Dixi, *poss. matrimonium unito*, quia donatio ante illud, aut nuptias facta subsistit per tradita à Gonzalez in 4. tit. 20. cap. 8. de donat.

§. X.

Contractus dotalis.

53 **Q**Uæritur, quid sit contractus dotalis?

Resp. *Est contractus, quo certa bona à muliere, vel ejus nomine ab aliis dantur marito, ut onera matrimonii ferre valeat.* Proprietas dotis est apud uxorem, usus autem, quamdiu matrimonium stat, apud virum; propterea, marito invito, nequit uxor de fructibus dotalibus disponere.

54 Petitur, *An Parentes in conscientia teneantur dotem suis filiabus dare?*

Resp. Affirmative; nam parentes ex virtute pietatis tenentur liberis de victu providere. Dos autem vice alimentorum constituitur; ad quæ præbenda tenetur mater, si Pater sit impotens: immò & frater compellendus est ad sororem dotandam in defectum Patris, & Matris; quod non modò exigitur ab ordine charitatis, verum & rectè colligitur ex 1. *Qui filium, ff. ubi pupilli educari*, Itaque frater tenetur præstare alimenta sorori his indigenti, ergo, & eam dotare; nam dos in locum alimentorum succedit; & præsertim procedit de sorore ex eodem Patre nata; & extenditur ad sororem uterinam, quando frater sit hæres Matris, vel Patris ipsius sororis, quia tunc representat personam defuncti, & ejus onera sustinet.

§. XI.

Contractus promissionis.

55 **Q**Uæritur, quid sit promissio?

Resp. *Est contractus, quo quis ex mera sua liberalitate, & cum animo se obligandi, aliquid alteri pollicetur.* Differt à pacto, quia pactum utriusque paciscentis consensum requirit; & à contractibus onerosis, cum sit omnino gratuita.

56 Petitur, *an promissio obliget promittentem sub gravi peccati pæna?*

Resp. Affirmative, si quatuor hæc concurrant. Primum, si res promissa sit magni momenti. Secundum, si fuerit acceptata ab eo, cui facta est. Tertium, si promissio serio, & deliberatè facta sit, ex animo nimirum verè promittendi, seque alteri obligandi; sæpè enim promissio confunditur cum proposito, ut idem sit promittere, ac habere voluntatem faciendi aliquid, ad quod tamen quis non se obligat. Quartum, ut promissio non sit contra bonos mores, aut contra leges. Quibus concurrentibus, promittens tenetur stare promissis, adeòut graviter peccet, si ea non observet. Dum enim ipsa non implet, non potest habere charitatem cum promissario; nam charitas vult ei bonum tranquillitatis societatis humanæ, ipse autem promissionem non implens, tale bonum ei non vult: per transgressionem enim violat datam fidem; ex violatione autem fidei graviter læditur tranquillitas humanæ societatis, ut tradit Fagnan. in 1. ad cap. Antigonus de pactis num. 8. Ubi ex cit. cap. probat, non servantem pactum peccare mortaliter, quia juxta *text. ibid.* recedens à pacto potest excommunicari; excommunicatio autem non infligitur nisi pro mortali: cap. *Nemo Episcoporum* 11. qu. 1. Immo, quia is, cui facta est promissio, & ab ipso acceptata, jus habet ad rem promissam: Pacti violatio opponitur iustitiæ;

stitiæ; & hinc promittens tenetur ex iustitia servare promissum.

57 At dubitatur: *Petrus promittens centum aureos se daturum Iudici, si iniquam sententiam contra Paulum ferat, & sicario, si Cajum occidat; petit à Confessario, an obligetur stare promissis; & quatenus affirmative; an Iudex, & sicarius possint eos aureos sibi retinere, vel teneantur restituere? & cui? quid est Confessarius dicturus?*

Resp. I. Quòd tam ipse, quàm Iudex, & Sicarius peccarunt mortaliter, paciscendo de re turpi.

II. Quòd ipse tenetur in conscientia ante delicta patrata promissionem revocare, quia in malis promissis fides rescindenda est, cap. *In malis* 22. q. 4. ubi: *In malis promissis rescinde fidem, quia impia est promissio, quæ scelere adimpletur.*

III. Quòd promissio illa, utpotè facta ob opus illicitum non obligat. Jus canonicum est manifestum, cap. *Pactio- nes de pactis*, ibi: *nam, etiam juxta legitimas sanctiones pactum turpe, vel reiturbis, aut impossibile de jure, vel de facto, nullam obligationem inducit; cap. Cum contingat, cap. Quintavallis de jurejurando.* Jus item civile est clarum l. *ex instrumento, C. de inutilibus stipul.* ibi: *Cum omnia, quæ contra bonos mores in pacto, vel stipulatione deducuntur, nullius sint momenti: & l. si plagis, ff. de verb. obligat:* ibi: *Si plagis faciendis, vel facti causa corrupta sit stipulatio, ab initio non valet.* Plures alios text. refert Gonzalez in 1. tit. 35. de pactis cap. 8. nu. 11. Ergo, cum stipulatio, & pactio de re turpi, hoc est, de re contra iustitiam, aut proximo nociva, velle sine pietatis, secundum leges nullius sint momenti, ab initio non valeant, nec sint obligatorie, Petrus non obstringitur stare promissis, nec Iudex, & sicarius possunt mercedem ob ea flagitia promissam retinere, dum accipiunt. Addo ex 58. reg. jur. in 6. non est obligato-

rium contra bonos mores præstitum iuramentum; ergo, nec promissio à Petro illis facta, cum eam esse contra bonos mores non sit dubium.

Dices, hæc omnia verificari ante opus impletum, non verò postquam Iudex sententiam injustam pronunciavit, & sicarius Cajum interfecit; nam, sicut isti impleverunt, quod promiserant in in contractu oneroso, ita justum est, ut Petrus quoque contractum impleat solvendo pretium promissum; quòd non solvitur propter actiones prout sunt proximo injuriosæ, & Dei offensæ, quia sub ista ratione sunt prorsus invendibiles, & nullius valoris (sicut enim venales non sunt virtutes, ita, nec venalia sunt vitia) sed prout annexum habent laborem, & pericula suscepta ab Iudice, & Sicario in gratiam Petri promittentis, & propter utilitatem, & commodum in istum redundans; sub qua ratione injusta sententia, & occisio sunt quid pretio æstimabile, sicut aliæ actiones humanæ.

Resp. En unicum contrariæ opinionis fundamentum, cui responso ex adductis juribus patet; nam pactum turpe juxta canonica jura nullam obligationem inducit; ergo, si post factum aliquam habet, falsum est, quod nulla sit ejus obligatio. Item, si ante factum nullius est momenti, etiam post factum nullam vim habet; nam novum pactum post factum non intervenit, & prior conventio, aut promissio nulla à jure declaratur. Tum quia ante factum nulla fuit obligatio, ergo post factum aliqua esse non potest; quod enim semel est irritum, non potest postea redditum: patet de legitima obligatione, quæ semel extincta non reviviscit; ergo à fortiori obligatio, quæ nulla semper fuit, & pro infecta habetur, & post factum non reviviscet juxta regulam 18. juris in 6. *Non firmatur tractu temporis, quod de jure ab initio non subsistit.*

Tum quia, ubi lex resistit obligationi, obligatio non oritur: est regula juris

notissima apud Gonzalez in 4. tit. 2. cap. 8. num. 10. de donat. inter, &c. l. si non fort. ff. de condi. Sed in casu lex obligationi resistit ex dictis; & per distinctionem de ante, vel post factum lex eluditur; nam lex absolute loquitur, & cum negativis universalibus respicientibus ante, & post, ergo non est opus distinctione.

Accedit, legibus divinis, & humanis multo plus punitur crimen commissum, quam committendum: ergo, si ob turpitudinem criminis faciendi nulla nascitur ex promissione obligatio, multo minus erit ex pravitae commissi oritura.

Addo, si promittentis utilitas, & labor, ac periculum exequentis meretur premium, aut justam mercedem, cui promissio in sua origine de pretio solvendo, saltem sub illis conceptibus non declaratur valere? Tum quia talis labor ordinatur ad injuriam, & grave nocumentum contra justitiam innocenti inferendum, ergo non potest, nec debet compensari; nam justitia cum sit læsa, resistit.

Tum quia, si obligatio post factum maneret, esset vehemens incitamentum, ad hoc, ut factum fieret, & ut Judex, & sicarius putarent se obligatos ad ea crimina. Nullus autem ad peccandum obligari potest, nec habere actionem ad petendum ex justitia pretium promissum; Siquidem contra justitiam proximorum nocent: ergo justitia eis non assistit, quia ipsam lædunt.

Et hinc patet, distinctiones à contrariis adductas esse subtilitates, quæ aliud non operantur, quam peccandi licentiam præbere, & ad omnia scelera aditum aperire: consequenter sententia ab iisdem asserta, quamvis esset speculativè probabilis, ad praxim non est deducenda, utpotè unicè idonea ad peccata fovenda. Sed illa, quam sequimur cum Poncio Theodisio p. 5. q. 2. concl. 4. sub n. 9. Duhamel Theod. moral. cap. 7. num. 6. to. 2.

de justitia, & iure, est tenenda, tamquam christianis moribus magis apta, & idonea ad retrahendos homines à præcunctis operibus. A quibus utique abstinere, dum scirent, promittentem non obligari ad dandum pretium, & se sub ea conditione receptum non posse retinere.

Propterea Confessarius tenetur obligare Judicem, & Sicarium ad pretium restituendum, etiamsi post factum receperint, quia, cum acceperint contra leges prohibentes, & irritantes contractum, dominium in eos non transfertur; nam per conventionem, jure nullam, & irritam, non transfertur dominium, nec contra prohibitionem legis acquiritur, ex cap. Non sane 12. q. 4. Hinc usurarius usuras, & simoniacus pretium simoniacum restituere tenentur, quia naturali, & positivo jure usura, & simonia prohibetur, & contra legem prohibentem accipiunt.

58 Sed dubitatur; Cui sit tale pretium ab Judice, vel Sicario restituendum?

Resp. In casu, non danti, quia in penam suæ iniquæ promissionis meretur eo privare, sed pauperibus, vel locis piis, aut iis, qui fuerunt læsi.

Dices, promittens dare aliquid meretrici pro copula illicita, tenetur ad illud dandum, & meretrix recipiens non tenetur tale quid restituere, ergo à pari; nam, etiam meretrici pretium datur ob turpem causam.

Resp. Est falsum, promittens teneri ratione promissionis dare meretrici pretium illicitæ copulæ, quia, cum stipulatio cum meretrice facta, sit turpis, æterno supplicio punienda, & bonis operibus contraria, nullius momenti est ex supra allegatis; ergo, quod ipsi datur, non traditur ratione pacti; nam hoc etiam esset occasio meretrici ad credendum, quod promittens obligaretur ad ipsi dandum, quod promitteret, & ita magis alliceretur ad actum illicitum; nec

tra-

traditur, ut merces commissi criminis, sed, ut merces utilitatis, quam ex meretricibus percipit Respublica; à qua potius dari, quam à committente flagitium debet censi, dum ipsa in ipsarum permissione studet eo pretio majora flagitia vitare; consentit allegatus Du-hamel tradens, meretrici pretium deberi, non ex stipulatione, sed, quia lex, ut majora crimina vitentur, imponit viris ad eam accedentibus pœnam, ut promissam solvant mercedem. Consule D. Thom. 2.2.q.32.art.7.ad 2.ubi: *Quod mulier meretricium exercent, turpiter agit, & contra legem Dei; sed in eo, quod accipit, non iniusta agit, nec contra legem; unde, quod, sic illicitum acquisitum est, retineri potest, & de eo elemosyna fieri; quod repetit q.62.art.5.ad 2. quod intelligitur, dum recipit à potentibus alienare.*

§. XII.

Contractus ludi.

59 **Q**uæritur, Quid sit contractus ludi?

Resp. Est contractus plurium, quo unus se obligat ad dandum aliquid alteri, dum fuerit victor in exercitio proposito. Forma, sub qua fit talis contractus, non est iniusta, nec ratione inæqualitatis; nam inter contrahentes servatur æqualitas, ut patet ex verbis, quibus concipitur; *rem meam expono ludo, ut tu vicissim exponas tuam*; nec ratione periculi, quia cuique licet rem suam aliquando periculo exponere; ut est evidens in contractu assecurationis mercium maritimarum. Desiderium lucrandi alienum, si vehemens sit, arguit quidem summam in ludente avaritiam, sed irritum non reddit pactum, quod inter se ludentes inierunt, cum talis voluntas sit omnino accidentalis, sicut in ceteris contractibus. Nec ratione finis, quia finis ludi per se est animos recreare. Ex

quibus sequitur, ludum ex natura sua & per se esse licitum; dum, verò aliquis prohibetur; hoc evenit propter imperfectiones, pericula, incommoda, & scandalum, quæ illum solent comitari, & ideo per accidens illicitus esse potest.

60 Petitur; *an aleis ludere sit peccatum mortale?*

Resp. Negativè, modo ludus assumatur causa modestæ recreationis, aut etiam parvi lucri sine scandalo, & quia quis se exponat periculo proximo gravium peccatorum. *Consentit Card. de Luca discurs. 19. num. 3. in annotat. ad Conc. Trid. & Quilici confes. manud. q. 7. art. 2. num. 27.* asserentes, quòd in eodem genere alearum, & taxillorum, aliquæ species reputantur scandalosæ, & aliz non. Posterioris generis censi possunt illæ, vulgò dictæ all'ombræ, à Tarocchi, à Trionfini, al Matto, à Sbaraglino, & similes: Prioris sunt, ex quibus plura sequuntur mala. Deducitur ex *cap. Episcopos dist. 35.* ubi tam Clericis, quam Laicis frequens alearum ludus sub gravi pœna depositionis, & privationis communionis respectivè prohibetur; sed non est verisimile, ut observat Poncius, quòd tam gravis pœna infligatur ob actionem, aliàs ex se indifferentem, qualis est ludus honestè habitus ad animum recreandum absque periculo gravium peccatorum, quæ solent in lusu committi. Verùm standum est consuetudini locorum, & arbitrio Superiorum, ac legibus municipalibus.

61 Petitur: *Petrus domi sue recipit lusores, commoditatemque ludentibus, taxillos, & aleas præbet. Quæritur, an mortaliter peccet?*

Resp. Negativè, quando cognoscuntur, quòd honestè ludunt, vel recreationis, aut parvi lucri causa, & propterea absque mortali periculo proximo committendi gravia peccata, bene verò, si talis generis sint, ut ludo sint dediti, fraudibus utantur, blasphement, perjurent, sua dilapident, impotentes se

se reddant ad regendam familiam, ad solvenda debita, &c. & sint populo scandalo; nam, tunc ipse est particeps talium criminum, cum ipsis commoditatem præbeat. Immo tenetur ad restitutionem, dum lufor restituere debet, & est impotens. Quod, si Principes domum ludi (vugo al Casino) permittunt, id faciunt ad majora mala vitanda in republica, quorum interest. Quilici Confess. manud. q. 7. art. 4. nu. 28.

62 Petitur: *Cajus in alearum, vel taxillorum ludo lucratus est centum Francisco, à quo illa fuerunt Cajofoluta: quaritur, an Cajus recipiens sua faciat illacentum, vel teneatur ad restitutionem?*

Resp. Solutio pendet à difficultate, an per ludum alearum dominium rei, ludo expositæ, transeat in victorem. Ad quod notandum plura exigunt, ut dominium transferatur. Primò, ut, qui transfert rem, non modò sit verus dominus, sed etiam, ut jus habeat alienandi; quod pupillo non conceditur. Secundò, ut is, in quem transfertur, facere possit rem suam: hinc Religiosus sibi acquirere non potest. Tertiò, ut sit justus titulus, ut, donationis, testamenti, venditionis, &c. Quartò, ut lex non resistat, nec irritet contractum.

Res est sub litè apud cit. Du-hamel differt. 2. cap. 4. Nonnulli tamen tradunt, in locis, in quibus leges positive prohibent lucrum per alearum ludum, per eum non transferri dominium in victorem; positivæ enim leges possunt contractus, alioquin jure naturali validos, reddere nullos, cum id ad bonum commune Reipublicæ conducit. Hinc D. Thomas 2. 2. q. 33. art. 7. ad 2. dixit, quod, ubi leges civiles prohibent alearum ludum, qui sunt hujusmodi legibus obstricti, tenentur universaliter ad restitutionem, dum lucrantur, nisi forte contraria consuetudo prævaleat.

63 Petitur. *Cajus ludens prohibito ludo, oppignorata fide perdidit decem*

aureos; inde consulit Confessarium, an in foro conscientie teneatur ea solvere; quid Confessarius dicturus erit?

Resp. Quòd, si leges ludum prohibentes sint in usu, & non sint per desuetudinem abrogatæ, non tenetur solvere; ratio est, quia ei, qui ludo perdidit, & solvit, datur actio ad repetendum. *L. victum, C. de aleatoribus, & alearum usu:* ibi: *Victum in alea lusu non posse conveniri; & si solverit, habere repetitionem, tam ipsum, quàm heredes eius:* Idem legitur, *l. ut alearum, C. de Relig. & sumpt. fun.* ergo multo magis ei competit immunitas ab obligatione solvendi, antequam solvat. Quid est opus solvere, si postea repetendi coram Judice jus habet? Cui enim conceditur actio ad repetendum, quod dederit, conceditur etiam exceptio, ut id non solvat exigenti. *Linvius, §. cuiusdamus ff. de regul. jur. & regul. 71. Qui ad agendum de regul. iur. in 6.* Ergo, cum perdat in odium prohibiti ludi concedatur actio ad repetendum, quod solverit, & non possit conveniri, ut solvat, propter similem rationem debet dari exceptio absque ulla culpa, antequam solvat.

Dices, Leges adductæ sunt pœnales respectu victoris, ergo necessaria est sententia Judicis, ut victor subsit pœnæ, de non recipiendo lucro.

Resp. Negando consequentiam. Utique sunt pœnales, sed, quia pœna nullam requirit executionem ex parte victoris, qui illa punitur, non est necessaria sententia Judicis, ut pœna in odium ludi data vim habeat; sed sat est, ut victus lucrum deneget. Addo, ex dictis nu. superiori, victor in ludo prohibito lucrum non facit suum, nam, in odium prohibiti ludi, dominium non transfertur; ergo non est opus sententia Judicis, ut ei non solvatur, sed potest ei absolute non solvi; At, nec Cajus potest sibi retinere, sed in pœnam actus illiciti debet pauperibus dare.

64 Petitur; *Petrus Confessario aperit se honestè, & licito ludo lucratum esse centum Francisco, quem gravibus minis, ac metu incusso, dum non deberet, ad ludendum induxit, cum aliàs ludere nollet; & quarit, an possit eacentumtuta conscientia retinere, vel teneatur eidem restituere? quid Confessarius erit dicturus?*

Resp. Quòd tenetur ea reddere Francisco, cum nullo legitimo titulo possit ea retinere non titulo donationis, ut est certum; nec validitatis contractus ludi: Nam, cum Franciscus injusto metu fuerit coactus, & inductus ad ludendum, contractus invalidus reputatur ex omnium doctrina; quòd metus gravis ab extrinseco proveniens, hoc est, incussus à causa libera in ordine ad contractum faciendum, si injustè incutiat (ut in nostro casu) contractum invalidat; ergo ea retinens, retinet alienum, invito domino, qui passus est injuriam, dum injustè coactus est ad exponendam pecuniam suam illi periculo; ergo tenetur restituere illam; sicut si cogeret alium ad interficiendum proprium equum, tenetur ad restitutionem.

Dices, si Franciscus, sic coactus lucraretur, non teneretur ad restituendum lucrum, ergo, nec Petrus cogens tenetur restituere ipsi, si perdat; aliàs non servaretur æqualitas in ludo.

Resp. Cardinalis de Lugo admittit antecedens, & negat consequentiam: discrimen est: quia cum Francisco facta sit injuria, servari debet indemnitas; non sic Petrus, cui nulla injuria fuit irrogata.

Sed nos convenimus cum aliis negantibus antecedens: Ex injuria facta Francisco, sequitur solum, quod debeat servari indemnitas: & servatur, dum non tenetur illa centum Petro dare, non verò, quòd ex illa debeat reportare lucrum; ergo debet lucrum & ipse reddere, sed non Petro, quia in penam sui delicti non est dignus recipere, sed pauperibus. Ma-

Matthæucci Cautela Confess.

ior probabilitas nostræ sententiæ in eo fundatur, quod coludo dominum non transferatur in Franciscum; nam donatione non transfertur, quia Petrus hoc non intendit; nec contractus ludi, quia contractus ex dictis est invalidus, & nullus alius adest titulus. Poncius citat. num. 13.

65 Sed quid, si non minis, sed importunis precibus eum ad ludendum induxisset?

Resp. Nec potest retinere, si preces essent tales, ut gravem metum inferrent, ita ut Franciscus, si eas non sequeretur, timeret grave malum incurrere in bonis, vel vitæ, vel honoris, vel fortunæ: secus si preces talem metum non incuterent.

66 Sed quid, si Petrus fraude, & dolo vincat?

Resp. Est commune, quòd, qui vincit decipiendo fraude, & dolo, (ut si chartis signatis utatur, vel plures summat) tenetur ad restitutionem; secus, si astutiis solitis, & in ludo permissis adversarium decipit, fingens V.G. metum, vel habere chartas deteriores; aut negligentia collusoris, ejus chartas videat; nam sibi imputet. Cæterum viri timorati semel ad minus adversarium monere debent, ne suas chartas ostendat.

67 Sed quid etiam, si Petrus se imperitum ad ludendum fingat, cum aliàs sit totaliter peritior Francisco, qui aliàs, si excessum peritiæ sciret, non luderet, quævis provocatus à Petro?

Resp. Tenetur Petrus ad restitutionem, si vincat ex communi regula, quòd error cum dolo dans causam contractui, qui aliàs non celebraretur, illum invalidat ex natura rei, saltem quantum ad hoc, quòd deceptus, non verò deceptor invito decepto, resilire possit. Et patet quoque, quia inæqualitas peritiæ reddit omnino periculum inæquale, & non est par conditio utriusque. Ergo Petrus id cognoscens non exponit rem

Bb

suam

suam ludo cum tanto periculo, quam Franciscus; ergo contractus est injustus. Caterum, dum Franciscus ludere vellet, quamvis ei non esset ignotus excessus peritiae, Petrus restituere non teneretur, quia tunc Francisco nulla irrogaretur injuria, nec contraheret ex errore; & ideo sibi ipsi deberet imputare, si perderet; cujus amissio reputaretur veluti spontanea donatio.

68 Petitur: *Cajus habens solummodò decem, tam in pecunia, quam in aliis bonis, ludens cum Francisco id ignorante, lucratur centum; quaeritur, an possit ea centum retinere?*

Resp. Negative; nam justitia postulat, ut quis non possit ludo plus obtinere, quam possit amittere. In tali contractu non servatur aequalitas, & melior est conditio Caii, quam Francisci; nam Cajus plus potest lucrari, quam perdere, cum periculo ludi solum exponat decem, & Franciscus alia plura; qui, dum plura, quam decem vinceret, non posset ea accipere; ergo, dum plura perdit, quam decem, non tenetur ea dare; nam non censetur velle ludo transferre dominium pecuniae in Cajum, nisi illius summæ, quam, & ipse Cajus periculo in ludo exponit; Ergo, dum Cajus recipit, restituere tenetur.

Dices, Cajus vicens fecit sua illa centum, ergo potest retinere.

Resp. Negando antecedens, ex modo dictis. Ex his sequitur, quod filius-familias, qui non potuit magnam pecuniam summam ludo validè exponere, non potuit quoque validè lucrari summam gravem à viro, quem vicit.

69 Petitur. *Titius ex ludo cum Religioso acquisivit centum; petitur, an possit ea retinere? & quatenus negativè, cui debeat restituere?*

Resp. Retinere non potest; nam dominium in ea non habet, cum acceperit à non domino; Religiosus enim caret dominio rerum, quibus utitur. Si acceperit à Religioso, cujus Religio potest

bona in communi habere, restitutio est facienda Superiori. Si verò ab eo, cujus Religio est incapax possidendi, tam in particulari, quam in communi, uti est illa Min. de Obser. & Capuccin. restitui debent Syndico Apostolico Conventus, in quo Religiosus est de familia, juxta const. Urb. VIII. incip. ...

Idem debet dici de iis, qui vincunt mulieres matrimonio conjunctas, quæ alia bona à dotilibus non habent; nam restitutio est facienda maritis; nisi summa ludo obrenta sit exigua, quia tunc præsumunt ipsi mariti præstare consensum alienationis uxoris.

70 Petitur. *Cajus furtivam pecuniam ludo exposuit, in quo lucratus est centum, quaeritur, an faciat suum lucrum?*

Resp. Negative, ex regula generali, quod ludens aliena pecunia, non facit lucrum suum, quod ludendo acquirit; nam in casu contractus ludi videtur invalidus, utpotè celebratus per dolum dantem illi causam; si enim collusor scivisset pecuniam esse alienam, non lussisset; præsumendum est enim non voluisse peccare. Verum, si Cajus haberet aliquod proprium, quod traderet perdeni, vel unde pecuniam restituere posset, dum eam perderet, posset retinere lucrum. Hæc possunt applicari collusori furripienti à socio in ludo pecuniam, quam ludit.

71 Sed petitur. *Titius lucratus est in ludo à fure mille, potest ne sibi retinere?*

Resp. Affirmative, si fur habet dominium pecuniae, quam ludo exposuit, quod censetur habere, si per pecuniam furto acquisitam, in negotiatione eam pecuniam acquisivit, ut communiter DD. Si verò illius dominium non spectabat ad furem, non potest sibi tale lucrum retinere, sed postquam cognoverit esse alienam, tenetur ratione rei acceptæ omnino restituere; & fur tenetur Titio reddere æquale de aliis bonis.

§. XIII.

Contractus ſponſionis.

72 **Q**Uæritur; *Quid ſit contractus ſponſionis, vulgò ſcommeſſa?*

Reſp. Eſt contractus, quo duo, vel plures contententes de veritate, aut eventu alicujus rei, ſe obligant ad dandum aliquid ſibi invicem, ſi res non ſit, ut ipſi dicunt. Contendunt Petrus, & Paulus ſuper Lillæ expugnatione: aſſerit Paulus fuiſſe expugnatam die 10. Octobris, vel expugnandum menſe Januarii; & quando non ita ſit, ſe obligat ad dandum Petro decem aureos. Petrus id negat, pariter ſe obligans, quòd dabit Paulo decem aureos, ſi fuerit eo tempore expugnata. Ut contractus iſte ſit licitus, & juſtus, requiritur? Primò, ut res ſit æqualiter dubia, & eventus incertus in utroque ſpondente, aliàs non ſervaretur æqualitas, & melior eſſet conditio unius, quàm alterius. Secundò, ut ſponſio in ſenſu univoco accipiat. Tertio, ut cauſa in ſponſionem deducta non ſit inhoneſta, & illicita. Hinc patet, quòd illicita ſit ſponſio eorum, qui ſpondent, quòd alter alterum ſuperabit in bibendo; cauſa enim hic eſt inhoneſta, & datur alterutri occaſio ſe inebriandi.

73 Petitur; *Cajus ſponſione præmiſſa cum Titio centum aureorum, quòd Cardinalis Neligetur in ſummum Pontificem, lucratus eſt, quia evenit, ut ipſe affirmabat, eoſque recepit; deinde accedens ad Confeſſarium ab eo inquit, an poſſit eos aureos retinere; quid Confeſſarius dicendus eſt?*

Reſp. I. Quòd ſponſio celebrata cum Titio nulla eſt, & irrita. II. Quòd dominium in eam pecuniam non acquirit, nec ſuam facit. III. Quòd eos aureos tenetur tradere locis piis, loci, in quo ſponſio fuit facta, vel, ubi primum detecta fuerit. IV. Quòd ſi fuerit Cleri-

cus ſæcularis, vel Regularis, eſt ipſo facto in utroque foro privatus, quovis beneficio Eccleſiaſtico, & inhabilis ad ea, & alia in futurum. V. Quòd eſt excommunicatus excommunicatione Pape ſervata, à qua à Confeſſario, etiam in mortis articulo, abſolvi non poteſt, niſi prævia integra illoꝝ auctororum reſtitutione locis ſupradictis.

Hæc omnia habentur ex Conſt. *Cogit nos*. 24. *Greg. XIV. in Bullar. to. 2.* in qua ſub prætextu penis damnanter ſponſiones, ſeu excommiſſæ, & pacta, ſuper vita, morte, & futura electione Summi Pontificis, ac promotionibus S. R. E. Cardinal. Pena excommunicationis ſervatæ extenditur, etiam ad præſtantes auxilium, conſilium, vel favorem, aut mediatores dictarum ſponſionum, ut ibi textus.

74 At petitur; *Vicior adhuc aureos non recepit, vel eos victo condonavit, quæritur, an victus poſſit eos retinere?*

Reſp. Negative, ut ex ipſa Conſt. §. *Quinimò*, ibi: *Statuimus, &c. Sed quidquid pecuniarum, aut cujuſvis alterius rei in contractus, ſeu ſponſiones huiusmodi deductum fuerit, ſive datum, & acceptum, ſive tantummodo promiſſum, vel, ut præfertur, condonatum, aut etiam, ut ab aliis ſolvatur, mandatum exiſtat, eo ipſo piis locis eius Civitatis, aut Oppidi, ubi ſponſiones ipſæ inite, vel, ubi primum detecta fuerint, etiamſi prius alibi inite ſint, acquiſitum cenſeri, & ipſos contrabentes ad reſtitutionem, ſive elargitionem eiſdem piis locis in utroque foro teneri.*

75 Petitur; *Cajus concubitantibus Lelio, Francisco, & Titio ad beneficium (quod uni ſolum concedi debet) cum unoquoque eorum ſeorſim ſpondet decem nummos, quod non eligitur ad illud; deinde conſulit Confeſſarium, an poſſit tuta conſcientia retinere viginti, qua lucrabitur à duobus; qui non eligentur? quid Confeſſarius reſponſurus erit?*

Resp. Quod non potest retinere; ratio est, quia in tali contractu non servatur æqualitas periculi amittendi; nam Cajo est certus, quod infallibiliter lucrabitur viginti ab aliis duobus, qui non eligentur, quamvis debeat perdere decem cumeo, qui beneficium obtinebit.

Dices, qualibet sponsio seorsim sumpta est licita, ergo etiam simul junctæ.

Resp. Negando consequentiam: in primo casu nullus est certus de non periendo, aut lucrando, sed utrinque est æquale periculum, & spes; at, dum simul celebrantur, nec spes lucrandi, & perendi periculum est in omnibus æquale; sed illa in Cajo est infallibilis. Contra Poncium *cit. disp. 58 q. 4. nu. 21.*

79 Petitur; *Petrus sciens certò Urbem A. esse expugnatam, protestatur Paulo id negante, se certò scire: quo non obstante, Paulus spondet decem aureos Urbem non esse expugnatam; Petrus sponsonem acceptat; & vincit; queritur, an in conscientia possit eos decem aureos recipere, & retinere?*

Resp. Affirmat Diana *tra. 4. de Ludo resol. 75. to. 6.* Coord. juxta regulam, *quod volenti, & consentienti nulla fit injuria, neque dolus:* sibi, & suæ pertinaciæ Paulus imputet aurorum jacturam. Consentiant Quilici, & Sanchez id permitentes in penam temeritatis Pauli durissimæ frontis.

Negat Poncius ubi supra cum Card. de Lugo *num. 19.* ratio est, quia Petrus certus de expugnatione, & spondens, quod Civitas sit expugnata, non vendit Paulo pro decem nummis, quos hic spondet, si Civitas sit expugnata, nisi jus ad decem alios nummos, quos ipse Petrus spondet se daturum, si Civitas non sit expugnata; sed tale jus, supposita certitudine expugnationis, non valet tantum, quam decem nummi, quos Paulus spondet, ergo non servatur æqualitas. Nec obstat, quod Paulus putet tanti valere; quia Petrus certus omnino de expugnatione, scit omnino, quod

non valent tanti, & se non exponit periculo perdendi; ergo non potest vendere Paulo jus ad decem nummos (quos Petrus est certus se non perditurum) & pro illo accipere jus certum ad nummos, quos Paulus spondet. Patet à pari de vendente gemma, quam certò scit esse falsam, quam non potest vendere emptori, non credenti esse falsam, tanto pretio, quanto venderetur, si non foret falsa; ratio est, quia in tali venditione, & emptione non servatur æqualitas, & justitia. Quam sententiam in praxi amplectimur.

Ad rationem Dianæ dicitur, quòd, licet in hujusmodi sponsonem non interveniat fraus, & injuria, non propterea est licita, & justa, quia Petrus videt, quòd jus, quod pro decem nummis vendit Paulo, non tanti valet.

Illa Quilici, & Sanchez, non subsistit; aliàs idem dici posset de vendente gemmam falsam emptori, nolenti credere esse falsam. Tum quia pœna imponi debet ab Judice, non à quovis privato propria auctoritate.

Alii putant, Petrum posse lucrum tuto conscientia retinere, quia præsumunt Paulum velle eos aureos donare; sed præsumptio sine fundamento statuitur; & nisi id certò constet, non est præsumendum; & maximè, dum res non est parvi momenti. Cesset itaque Petrus à sponsonem; & dum spondet, pretium receptum restituat.

§. XIV.

Contractus Emptionis, & venditionis.

80 **Q**Uæritur, *quid sit emptio, & venditio?*

Resp. Emptio est contractus, per quem mediante pretio determinato dominium in rem aliquam acquiritur. Venditio verò est contractus, per quem, mediante pretio determinato, alicujus rei

rei

rei in alterum transfertur dominium. Quare ad emptionem, & venditionem tria desiderantur, quibus contractus perficitur §. i. *Instit. de empt. & vendit. Consensus, res, & pretium*: Per pretium intelligitur pecunia ut pecunia formaliter, hoc est, habens valorem taxatum à lege, vel Principe, ejus autoritate cusa.

Per ly *determinato pretio* differunt à *permutatione*, in qua non datur res pro pretio, sed una res pro alia. Differunt à *cambio*, quia in hoc datur pecunia pro pecunia, & non res pro pecunia; Quòd si venderetur pecunia pro alia pecunia, adhuc distingueretur a cambio, quia in cambio datur pecunia formaliter, & non materialiter ratione materiæ pro alia formaliter considerata; & in casu non venderetur pecunia formaliter, sed quatenus est ex tali materia, vel vetus, vel pulchra. Poncius *cit. disp. 56. qu. 1. n. 1.*

Differunt à *donatione, & promissione gratuita*; quia pro re donata, aut sic promissa non datur pretium.

Differunt à *mutuo*, quia in mutuo pretium non confertur.

Differunt à *commodato*, quia in commodato non transfertur dominium in commodatarium, sicut per venditionem dominium transfertur in emptorem.

Differunt ab *Emphyteusi*, per quam non transfertur dominium directum rei, sed tantum utile.

Differunt à *locatione*, quia per hanc non dominium, sed tantum usus rei locatæ transfertur.

71 *Quæritur. Petrus emit equum à Paulo, cui solvit pretium, sed relinquit equum apud venditorem, interim equus perit: quæritur an pereat Petro emptori, vel Paulo venditori?*

Resp. Supposito cum Poncio *cit.* quòd venditio potest fieri absque actuali traditione rei emptæ (ad ejus enim naturam non necessarii exigitur, ut res emptæ actu tradatur, sed quòd quantum est ex

natura contractus transferatur Dominium rei datæ in emptorem, quod transfertur statim, ac emptor venditori pretium rei tradit) quòd perit emptori, modò non contigerit exculpabili negligentie venditoris: ratio est, quia res Domino perit; equus autem est Petri, in quem per venditionem fuit translatus dominium.

72 *Quæritur, quid requiratur, ut contractus emptionis, & venditionis sint iusti?*

Resp. est necessaria æqualitas inter pretium, & merces: ubi hæc non servatur, læditur iustitia commutativa, quæ læsio ex sua natura obligat ad restitutionem; cum proprium dictæ iustitiæ sit unicuique tribuere suum jus, & æqualitatem inter partes servare. Duamel *cit. tract. de iustia, & jure differt. 1. cap. 4.*

Advertendum tamen hic est, quòd iustum pretium aliud est legale: illud nimirum, quod lege aliqua positiva Principis, vel magistratus autoritate determinatum est. Quod est positum in indivisibili, a quo discendi non potest, nec à venditore augeri: cum obligatione restituendi excessum, fietiam minimum supra id à lege taxatum acceperit, in quo mortaliter, vel venialiter peccat, juxta gravitatem, vel levitatem excessus. Hujusmodi pretium dici solet etiam legitimum, quia à lege dependet. De la Crux *direct. cons. 7. præcept. qu. 3. num. 1.* Aliud autem dicitur pretium naturale, (juxta nonnullos vulgare) quod communi hominum peritorum æstimatione constitutum est; nec consistit in indivisibili, sed pro circumstantialium varietate loci, temporis, copię, & inopię mercium, & mercatorum variatur: ex copia enim mercium cum inopia emptorum pretium juxta peritotum judicium minuitur: copia verò emptorum cum inopia mercis pretium augetur ibid. De la Crux, & Natal. *Alex. theol. moral. tom. 2. cap. 6. art. 5. reg. 1.*

Mattheucci Cautela Confejs.

Bb 3 Qua-

83 Quare hoc intra limites iusti pretii aliquam habet latitudinem: unde pretium dividitur in *summum*, *medium*, *seu moderatum*, & *infimum*, *seu pium*: Una enim, & eadem res potest iuste vendi, & emi majori, & minori pretio iusto, juxta doctrinam D. Thomæ 2. 2. qu. 77. art. 1. ad 1. ibi: *modica additio, vel minutionem videtur tollere aequalitatem iustitiae*. Propterea, si ulna panni habet pro pretio summo decem aureos, pro medio octo, pro infimo erunt sex; & quoniam quodlibet ex istis est pretium iustum, poterit mercator eam iuste vendere decem aureis, quamvis uni vendat pro octo, & alteri pro sex. Natal. Alex. cit. & communiter DD.

84 Quare emptor in rerum emptione peccat. I. Dum aliquos supposititios emptores subornat, qui pretium offerant longeminus iusto, ad cogendum venditorem, ut ab ipso emptore pretium, quod obtulerit majus, sed infra infimum iustum, accipiat. Idem reg. 6. & tenetur defectum restituere Venditori.

II. Dum scilicet pro pretio mercium venditori monetam adulteratam, & defectuosam dat, venditore ignorante defectum: Si autem ex ignorantia id faceret, existimans monetam esse legitimam, propter bonam fidem excusatur, quia si defectum agnovisset, eas non dedisset. Tamen, cum in notitiam veritatis devenit, tunc cessat bona fides, & tenetur damnum compensare illi, cui monetam dedit.

Nec excusare se potest, quod talem monetam innocenter ab aliis receperit; id enim suo infortunio, aut imprudentiae debet ascribere; non enim est iuxtum, ut inde alii damnum reportent. Mayol. sum. p. 2. 7. precept. qu. 1. art. 9. & Natal. cit. regul. 11.

Hic observa, quod moneta potest tribus modis adulterari. I. quoad substantiam, cum substituitur, aut permiscetur unum metallum pro alio. II. Quoad pondus, quando decurtata cuditur, aut

cusaraditur, & minuitur. III. Quoad formam, quando quis monetam iusti ponderis cudit, apponendo effigiem, aut sigillum Principis, sed sine ejus assensu, ut apud eos loc. cit. Ad monetam enim legitimam tria hæc requiruntur, ex l. 1. §. 1. ff. de contract. empt. materia idonea, iustum pondus, & autoritas Principis.

Nota item, quod attondentes monetam, vel per aquam fortem subtilizantes tenentur restituere; tamen si attonderent solum exuberantes monetas, relinquentes eas cum iusto pondere; eo quia excessus vel per errorem fuit appositus, vel quia Princeps voluit ex bonitate monetæ laudari. Sylvester v. *Falsarius*.

Pondera pariter, quod cudentes monetas ex materia adulterina admiscendo metallum vilius nobiliori, tenentur ad damna illata reparanda restituendo pauperibus, si læsi sint ignoti, Mayol. cit.

III. Dum pretio non proportionato emit gemmam ab eo, qui eam putat esse vitrum: tunc enim emptor tenetur venditori indicare æstimabilitatem gemmæ, vel augere pretium juxta valorem illius De la Crux cit. num. 14. ubi observat, quod si in re esset virtus occulta, & latens, etiam peritos in arte, (nec communiter queritur ob illam virtutem, cognoscitur tamen ab isto emptore ob singularem scientiam, quam habet) non tenetur eam manifestare, vel augere pretium ob illam occultam virtutem: Quoniam iustum pretium rei attenditur ex utilitate in ordine ad usus communes hominum: sed hæc res communiter, & secundum quod deservit usui communi hominum æstimatur decem aureis; ergo decem aurei sunt pretium iustum. Cæterum, si tam vendens, quam emptor ignorarent lapidem esse gemmam, & emptor emeret ipsam vili pretio, tanquam si esset vitrum: cognita deinde veritate, deberet vel pretium augere, vel reddere gemmam, exigendo pretium prius traditum: Nam dominium non habet in gemmam, cum venditor non gem-

gemmarum, sed vitri dominium in eum transtulerit.

85 *Queritur. Titius scit pecuniam, qua in presenti valet decem aureos, post octo dies esse valituram sex: petitur, an possit eam ab ignaro minutionis futura supra valorem pecunia emere mercede, quae valeat decem?*

Resp. Affirmative; quia non requiritur, quod pretium sit iustum, nisi pro tempore, quo resemitur. Poncius cit. *qu. 4. num. 13. De la Crux cit. ibid. conc. 2. Soto de iust. & iur. lib. 6. q. 1. art. 2.*

Limitatur communiter, nisi magistratus data opera differat promulgationem legis de minuendo valore pecuniae, ut interea emptores scienter emerent pecuniis pro valore presenti; quia sic committerent fraudem. Poncius ibid. lege *cap. sequent. num. & supra cap. 21. num. 22.*

De peccato emptorum in rerum emptione commissio, an mortale sit, vel veniale, iudicandum est juxta laesionem iustitiae; an scilicet graviter, vel leviter fu erit laesa.

86 Pariter Venditor in venditione mercium peccat. I. Si pretium alterat supra rationem iusti pretii, adeo ut non servetur aequalitas inter merces, & pretium. Ceterum mercatoribus ob curas, pericula, sollicitudines, & expensas, quas adhibent in mercibus conquirendis, & asportandis, (haec enim sunt pretio aestimabilia) licet rem pluris aliquando vendere, quam per se nudè valent, sed semper sit servanda iustitia pretii Abell. *sum. p. 2. tom. 2. cap. 4. sect. 7. §. 8.* Et pro qualitate excessus committitur iustitia gravis, vel levis cum obligatione pro foro interno restituendi, etiam sub poena peccati mortalis, si excessus sit materia peccati laethalis: licet in foro externo quis non cogatur ad restitutionem, nisi defraudaverit ultra medium. Quilici *Confess. manud. q. 7. art. 3. n. 13.*

II. Si alterat merces vendendo rem vitiosam, & vilem pro bona, & pretiosa

intermiscendo etiam mendacia, & perjuriam. Ita Tabernarius non potest addere vino generoso tantum aquae, quantum sufficit ad illud reddendum aequale vino ordinario, & illud vendere pretio vini ordinarii; quia tunc venderet aquam ad taxam vini ordinarii, & contra voluntatem emptoris, qui intendit emere vinum purum, & non lymphatum. Ideo contra voluntatem emit. Propterea venditor tenetur restituere pretium correspondens mensurae aquae. Quod procedit, etiamsi vinum non esset servandum, sed statim bibendum Tambur. *lib. 4. tract. 5. de empt. & vendit.*

Ita emptori petenti pannum Hollandicum non potest pro eo vendere pannum Venetum; casu autem quod istud vendidisset, putans illud esse Hollandicum, deberet deinde, cognito errore, emptorem monere, ut rescinderet contractum. Dum verò pannum consumpserit, vel in vestes aptaverit, adeo ut illud non possit integrum reddere, debet venditor restituere excessum pretii: nam in eum dominum non habet, cum emptor super hoc fuerit invitatus.

87 At petitur. *An venditor teneatur vitium rei venalis emptori aperire?*

Resp. non semper tenetur, ut dum vitium est manifestum; at semper propter illud debet subtrahere de pretio, quantum oportet per D. Thom. cit. *art. 3. apud d. Natal Alex. reg. 14.* ubi observat, quod si subsit aliqua fraus (ut si vitium rei, licet sit manifestum, tamen ab emptore non ita facile deprehendi possit; vel si emptor protestetur se nolle emere rem vitiatam; aut venditor interrogatus de vitio rei, illud tacerit, vel negaverit; vel eam, quasi vitio carentem etiam non interrogatus laudaverit, vel inter res non vitiosas venalem exposuerit,) tenetur ad emptoris arbitrium contractum rescindere; si res vendita tunc temporis sit in esse: vel supplere reddendo tantum pretii, quan-

tum debebat propter vitium rei subtrahere.

III. Si utatur dolosis ponderibus, & falsis menfuris, ita ut aliquid modicum a singulis emptoribus surripiat. Ubi consideret Confessarius, quod si parum surripiat ex defectu occasionis, quia scilicet non potest majora surripere, peccat mortaliter pro qualibet vice propter intentionem mortaliter malam, sive ab uno, sive a multis exiguum quid accipiat, intendens paulatim inde magnam summam accumulare, & detinere. Ubi verò paulatim absque ea mala intentione parum surripit, peccat solum venialiter pro qualibet vice, sed, cum primum illæ parvæ acceptiones attingunt, & complent notabilem quantitatem, peccat mortaliter illa ultima parva acceptione, quam cupiditate victus advertit (vel debet advertere) unâ cum prioribus componere notabilem quantitatem, sufficientem ad mortale. Ratio est I. quia Venditor, licet notabile damnum singulis non intulerit, nocuit tamen notabiliter toti Communitati, ut observavit Mayol. *cit. art. 1. §. 1.* II. quia acceptiones illæ sunt talis generis, ut priores cum subsequenter continuentur, & moraliter unum efficiant cum notabili damno proximi: sicut dum quis in die jejunii plura pauca comedit, mortaliter peccat: hujusmodi enim commessiones collectivè sumptæ uniuntur, & jejunium frangunt juxta decretum Alex. VII. *ut in primo libro cap. 22. n. ...*

Quinimò DD. observant, quod postquam venditor pervenerit ex illis parvis acceptionibus ad notabilem quantitatem, quævis deinde minima acceptio est mortalis propter continuationem moralem cum illis.

Cæterum, ubi priores illæ acceptiones fuerint per interpositam penitentiam retractatæ, aut restitutionem, antequam compleant notabilem quantitatem, tunc acceptio, vel detractio superveniens non continuatur præcedentibus, ut ibid. Ma-

yol. sed videas supr. cap. 21. n. 11. & cap. proximè præced. n. 61.

IV. Si advertens rem esse multum commodam, & utilem emptori, pretium augeat supra justum: Nam alienum commodum vendentis dominio non subiacet; nec utilitas est ex vendente, sed ex conditione eementis. *Nullus autem potest vendere alteri, quod non est suum.* Ita D. Thom. *ubi supr. art. 1.* Cæterum, si emptor vellet emere rem multum venditori necessariam, & venditor ex venditione aliquod damnum emergens, vel lucrum cessans pateretur, posset res carius vendi, quam valeat ad compensandum illud damnum, dummodo fraus, & dolus obsit. Ubi verò venditor, non rogante, & urgente emptore, sed sponte quidpiam vendat, non potest augere pretium ob damnum, quod patitur, ut ex D. Thom. *qu. 13. de malo art. 4. ad 14. Natal. Alex. reg. 2.*

88 *Queritur. Petrus, rogante, & urgente emptore, huic vendit mensuram olei majori pretio, quam tunc valeat, ex quo non intendebat tunc eam vendere, sed servare usque ad tempus, quo probabiliter pluris erat valitura: petitur, an injustitiam committat?*

Resp. Negative juxta tex. *in cap. In civitate de usur.*

Verum, ut advertit alleg. Natalis *reg. 5.* tutius est abstinere ab augendo pretio, cum solum dubium est, an pluris, vel minoris merces sint valitura tempore, quo mercator vendere illas proposuerat, ut constat ex eodem capite, in quo Alex. III. rescripsit: *Quod ideo Civetibus saluti sue bene consulerent, si à tali contractu cessarent, cum cogitationes hominum Omnipotenti Deo nequeant occultari.* Sæpe enim similibus cupiditas pecuniæ fingit, quod non debet.

89 *Queritur: Titius mercator Americorum litteris certò instruitur magnam frumenti copiam brevi ex Hollandia hic Romam esse advehendam, id emptoribus*

celat, & proprium frumentum vendit pretio currenti, quod, illo adveniente, minuetur: petitur, an teneatur id ipsum emptoribus patefacere; & quatenus negativè: an injustitiam committat?

Resp. ad utrumque negativè, ita D. Thom. cit. 2.2. art. 3. ad 3. ibi: unde venditor, qui vendit rem secundum pretium, quod invenit, non videtur contra justitiam facere: si, quid futurum est, non exponat. Si tamen exponeret, vel de pretio subtraheret, abundantioris esset virtutis, quamvis ad hoc non videatur teneri ex justitia debito. Unde Du-hamel ubi supr. ex Cajetano ponderat in emptione, & venditione considerari pretium præsens, non præteritum, aut futurum: Quare justitia patet ex ipsa natura contractus rei, quæ in præsentem emittitur, cujus pretium debet esse præsens; nam est quædam commutatio; ut rem meam tibi trado, ergo æquum est, ut pretium vicissim accipiam: quod autem majus, aut minus pretium postea sit futurum, necesse non est scire, aut dicere: sicut enim, si sciam pretium esse augendum, non mihi licet propter carius vendere, ita nec minoris teneor vendere, cum scio pretium esse minuendum: nec mala fide ago, aut alium lædo, sed utor jure meo, cum tanti vendo, quanti valet nunc.

90 Quæritur: Parochus, vel Beneficiarius aperit Confessario se vendidisse bona Parochia, & Beneficii. Quid Confessarijuserit eis dicturus?

Resp. Interroget, an vendiderint obento beneplacito Apostolico, vel sine illo; & quatenus absque eo bona distraxerint: urgeat eos ad restituendum pretium, & recuperanda bona. Quoniam contractus alienationis bonorum Ecclesiæ tum immobilium, tum mobilium pretioforum sine beneplacito Apostolico prohibetur expresse *extravag. Ambrosia de rebus Eccles. non alienand.*

Significet pariter, quod sunt privati Beneficii, quorum bona alienaverunt,

& ligati excommunicatione latæ sententiæ, in d. extravaganti lata in alienantes, & bona alienata recipientes. A qua non excusantur, nisi adsit bona fides sincera, vel ignorantia facti probabilis, vel etiam juris in personis non adeo peritis, ut ex Riccio, & Nicolio tradit Monacellus *for. p. 2. for. 4. num. 8. rit. 14.* quæ ignorantia non videtur supponenda cum dicto Parocho, & Beneficiario, cum ad eos spectet scire, quid possint, vel non circa bona Ecclesiastica. Vide Tridentinum *sess. 22. cap. 11. & sess. 25. cap. 11. de reform.*

91 At petitur. An ipse Confessarius possit eos ab incurfa excommunicatione absolvere?

Resp. Negativè; nam absolutio dictæ censuræ est Papæ reservata in Concil. Trid. *sess. 22. cap. 11. de reform.* Quinimmo, cum S. Congreg. Concil. quotidie committat Episcopis, ut absolvant excommunicatos propter alienationem rerum Ecclesiasticarum, ut apud dictum Monacellum, sequitur esse evidens, quod saltem ex praxi excommunicatio in Extravaganti impliciter sit reservata; Ideo Confessarius non potest in eorumdem absolutione se ingerere, nisi consulendo, ut ad Sedem Apostolicam pro absolutione recurrant, & petant illam, & dispensationem ad retinenda beneficia.

92 Quæritur. Titius vendit agrum Cajo, interea à Lelio movetur Cajo lis in iudicio super d. agro; in quo adversus Cajum obtinet sententiam, vigore cuius Cains agro privatum, & acquiritur Lelio. Petitur, ad quid teneatur Titius venditor?

Resp. Tenetur de evictione, adeoque ad reddendum Cajo pretium, quod pro agro recepit. Cajus enim transiit in Titium dominium pecuniæ implicita conditione, quod Titius rem suam, & non alienam ipsi venderet.

* Ad quod est à Confessario cogendus, nec debet absolvere, nisi restituat, cum rem alienam retineat. Quinimmo Ca-

jus potest Titium coram Judice convenire, & illum ad reddendum officio Judicis compellere.

Hic nota, quod *evictio est rei, quæ apud nos ex iusta causa erat, ablatio ab alio domini, vel hypotheca jure, sine culpa nostra per Judicem facta*, ita Gonzalez in 3. tit. 17. cap. ult. an. 5. Dicitur *ab alio*, ut cognoscatur, quod ut possessor possit de evictione agere, non sufficit, ut noverit rem esse alienam, oppignoratam, vel hypothecæ subjectam, sed opus est, ut res in effectu sit ablata. Ponitur *rei, quæ apud nos erat ex iusta causa*, ut significetur, quod solum bonæ fidei possessor agere potest de evictione, non verò possessor malæ fidei *l. si feudum 27. cap. de evict.* Nec competit emptori scienter rem alienam ementi. Nam tunc non potest conqueri tanquam à venditore deceptus: Sciens enim conditionem rei, eam cum suis qualitatibus emisse intelligitur. Additur *dominii, vel hypotheca jure*, quod denotat emptorem posse de evictione agere, non tantum, quando res aliena ab eo auferatur, sed etiam quando reperitur hypothecæ obligata. Additur *per Judicem facta*, quo ostenditur, quod non quævis amissio rei possessæ parit actionem ad evictionem, sed ea tantum, quæ fit Judice auctore, hoc est in judicio, *l. si pro re 22. §. 1. ff. de evict.* Seu dum sententia Judicis pronunciatur, rem pertinere ad petito rem *l. mancipium §. ult. eod. tit.* Quapropter, si res pereat, aut aliquo modo à possessore auferatur, non potest ab emptore de evictione agi, ut communiter DD. apud d. Gonzalez n. 9.

93 Cæterum tres casus excipiuntur, in quibus venditor de evictione non tenetur, & contra eum emptor non potest de evictione agere, ut in *cap. si venditor de empt. & vendit.*

Primus est, si tempore, quo licet emptori moveretur, ipse non denunciet venditori litem esse motam, ut rem defendat. Denunciatio autem fit, ipsam ad eum

effectum citando, ut de lite mota ei juridicè constet: Si venditor non invenitur, citatio facienda est in domo coram vicinia, & si decesserit, citandi sunt hæredes.

Secundus, si emptor tempore sententiæ contumaciter absit: hoc est, vel, quia citatus non venit ad sententiam, vel, quia legitimo tempore post sententiam non comparuit ad interponendam appellationem: Tunc enim sibi debet imputare, si contra se fuerit sententia lata.

Tertius est. Si emptor iniustitia, & culpa Judicis condemnatur. Etenim tunc sententia ex malitia Judicis lata inter casus fortuitos numeranda est *l. ad eos, ff. mandat.* Venditor autem, emptione celebrata, non tenetur de fortuitis periculis juxta *gloss. in d. cap. v. legitimas sanctiones*; quia tunc Judex facit litem suam, & ipse tenetur. *L. Filius familias, ff. de jud.*

Extra istos casus venditor tenetur de evictione pro re evicta: nec debet tantum pretium agri restituere, verum etiam reddere sumptus, & meliorationes ab emptore in agro factas, ac expensas, quas emptor solvit in causa; quoniam equitas, & justitia dicat, omne id esse ei restituendum, quod abest emptori propter evictionem. Videatur Gonzalez *loc. cit.*

94 Huc spectat etiam instruere Confessarium circa monopolia, quæ à Mercatoribus committi solent. Quare Monopolium est *occulta machinatio, & conventio mercatorum ex pacto inter se conspirantium, ut ipsi soli certo pretio ab eis constituto merces emant, aut vendant*. Monopolium cedit in Reipublicæ, & privatorum grave damnum: exercetur contra finem negotiationis, & commerciorum, ac ad communem inopiam inducendam: repugnat publicæ fidei, Juri Gentium, & Civili, ut constat ex *l. jubemus C. de Monopol.*

Monopolium mercatores committunt
I. Si

I. Si, ut res pretio inter se convento vendunt, illas servant in tempus inopiz.

II. Si vi, vel fraude impediunt, ne alii merces ad locum afferant.

III. Si falsis rationibus expositis, & per subreptionem privilegium impetrent à Principe, ut ipsi soli has merces vendant legitimo pretio à Principe, vel Magistratu non constituto.

Licet utique alicui sine damno Reipublice conceditur privilegium, ut ipse solum aliquid vendat: ut fit cum Typographo, prohibendo, ne alius librum ab eo impressum excudat: id enim cedit in bonum Reipublice, quia aliàs fortasse nullus vellet subire expensas libri imprimendi; quia timeret, ne statim recuderetur ab aliis, & ita magnum damnum reportaret. Ceterum non licet privilegium concedere pro rebus maximè necessariis, nisi aliàs surgeat maxima necessitas, & Princeps taxet pretium, ut per allegat. De la Cruz *dub. 8. conc. 2. & Poncius q. 5. num. 19.*

IV. Si quis praevidens, quòd brevi pretium frumenti sit minuendum, quia per Hollandos mox magna copia adducenda est, supposititiis, falsisque litteris rumorem in vulgus spargat, naves periisse, aut ab hostibus captas fuisse, ut hujusmodi mendacio pretium annoz, & frumenti augeatur.

V. Si quis tempore messis emit totum triticum, aut maximam ejus partem pretio vili, pro quo tunc vendi solet, ut postea omnes ab ipso cogantur carius emere. Ceterum, si alii emerunt sibi necessaria, licet emit, quod superest, ut postea tempore inopiz vendat etiam carius, sed pretio iusto: Nam hoc est utile Civibus, cum tunc habeant merces tanquam in deposito pro tempore necessitatis, nec extra oppidum deferuntur. Ita De la Cruz *cit.*

Regula generalis est, ut quoties ratione monopolii sit excessus, aut defectus in pretio iusto, restituendus est ex-

cessus. Atque ita Authores, & participes Monopoliorum, qui res ultra justum pretium vendiderunt, vel emerunt, tenentur excessum, & defectum restituere, veliis, quos læserunt, si illos noverint, vel, si sint ignoti, pauperibus.

95 Atquid, *Siquis ignorans monopolium venderet res pretio corrente, quòd tamen supponitur esse supra iustum, ut potè constitutum à fabricatoribus monopolii?*

Resp. Quòd, ablata ignorantia, tenetur ratione rei acceptæ restituere excessum supra justum pretium, sed Monopolæ debent restituere etiam ratione injustæ acceptionis excessum pretii, etiam ab aliis reportatum, dum alii non restituunt, quia fuerunt causa damni illati. De la Cruz *allegat. Natal Alex. reg. 7.*

96 Sed quid, *si monopolia conveniunt in pretio iusto rigoroso?*

Resp. Poncius ibid. negat eos teneri ad restitutionem ullam, quia quamvis peccent contra charitatem (quia reducerent multos ad emendum cum magno dispendio) tamen non lædunt iustitiam. Rotarius verò in *apparatu Theol. moral. p. 2. cap. 7. sect. 4. num. 19.* eos obligat ad restituendum, quia damnum notabile populis inferunt; nam plures emerent pretio medio, & infimo, & ideo ex ipsorum fraude minus habent.

97 Quæritur, *Casus bona fide à Titio misit viginti aureis gemmam valoris triginta aureorum: secuta emptione, auditur gemmam fuisse furto sublatam de domo Sempronii, cupiens gemmam vero Domino tradere, mediante tamen recuperatione pretii 20. aureorum: factis diligentibus furem non invenit, nec est spes inveniendi: proinde sub secreto naturali committit Petro Sacerdoti extra confessionem, ut accedat ad Sempronium, ut recognoscat, an re vera gemma sibi fuerit furto sublata; Petrus alloquitur Sempronium, qui inflat, ut sibi gemma ostenda-*

datur, quam esse suam cognoscit, viginti tamen aureos non vult reddere, quia rem suam emere non vult, & protestatur, quod si Sacerdos eam sibi non tradat, eum reputabit habuisse manum cum fure. Hac Petrus referens Cajo, iste urget Petrum, ut sibi reddat gemmam, ne & gemmam, & viginti aureos perdat: Petitur, an Sacerdos debeat gemmam Cajo, vel vero Domino tradere?

Resp. Supponendum, quod in casu Petrus non agit ut Confessarius, sed ut merus amicus, & mediator; hinc dicendum, Petrum debere gemmam tradere Sempronio vero Domino; quia res ubicunque sit, semper clamat pro Domino: nec Cajo potest esse rationabiliter inuitus, & tribuat suo infortunio, si debeat perdere viginti aureos, & furem invenire non possit, contra quem habet semper actionem pro illis rehabendis. Quinimmo presumptione legitima censendus est consentire, nisi velit majus malum subire in existimatione suæ famæ in foro externo, in quo reputabitur ut fur, vel saltem, quod scienter gemmam à fure emerit, ad quod argumentum præbet, quod iusto pretio gemmam non emerit; debens scire, quod verus Dominus, licet aliquid de summa triginta aureorum potuerit ob necessitatem detrachere, non tamen tam ecessivam diminutionem fecisset.

Nec Sacerdos tenetur cum periculo suæ famæ secretum naturale servare. Quando enim promittitur secretum servare, subintelligitur, nisi ex non revelatione esset innocens damnandus, vel ipse esset in necessitate mentiendi, vel aliquid grave scandalum oriretur, aut ipse deberet ex taciturnitate aliquid grave malum in vita, honore, vel rebus recipere, ita ex Alex. de Alef. Fagn. in 3. ad cap. *Tu anum. 47. de testam.* ubi num. 44. ex D. Bonavent. in 4. sent. dist. 21. art. 2. q. 3. tradit, quod recipiens aliquid in secreto, tenetur revelare Super-

riori præcipienti, & juramentum de non revelando est nullum, quia in præjudicium veritatis, & obedientiæ; sicut, qui juravit testimonium non dicere, juramento non obstante testificari compellitur, cap. *In sinuavit detestib.* & idem in tali circumstantia, in qua agitur de jactura propriæ famæ, reputatur fundatissime, quod Petrus non voluerit, nec debuerit se obligare.

98 Sed quid, si secretum receperit in Sacramento Pœnitentiæ?

Resp. Quod tunc nullo modo potest secretum acceptum revelare, quia hujusmodi non scit, ut homo, sed tamquam Dei Minister, & majus est vinculum Sacramenti qualibet hominis præcepto, & malo subeundo, ut per D. Thom. 2. 2. q. 70. art. 1. ad 2. & ibi Fagnan. num. 38. & sequen.

99 Si verò sacramentaliter non confitetur, concurrente una ex dictis circumstantiis ad secretum non tenetur. Nec obstat, quod dixerit, *hoc dico tibi in confessione*; quia, ut ait Innocentius in cap. *Omnis de pœnit. & remis. num. 7.* Non est verum, quod dicat in confessione, & Pœnitentiæ, ac ut Dei Ministro, sed solum petit consilium, vel auxilium modo secreto, sed extra confessionem Sacramentalem; & hinc non intervenit sigillum confessionis, ut illud secretum revelare sit sacrilegium, quamvis peccet contra fidelitatem, si absque iusta causa, & urgente necessitate factum secretum receptum revelare.

§. XV.

Contractus Affecutionis.

100 **A**ffecutio est contractus, quo quis ob pretium suscipit in se periculum rei alienæ, obligando se ad illius rei recompensationem, si res illa pereat. De la Cruz direct. Conf. 7. præcept. q. 6. art. 2. num. 1. Contractus iste iusto pretio factus, consideratis periculis, valet,

let, quia illa periculi susceptio est pretio æstimabilis.

At petitur, *quid necesse sit, ut huiusmodi contractus licite celebretur.*

Resp. I. requiritur, quod assicuratus habeat bona periculo exposita. II. Quod Assicurator habeat bona, quibus possit facere compensationem rei, si pereat. III. Quod Assicurator moneatur de periculis specialibus, quibus Navis V.G. est exposita, ut videat, an velit, & quantum petere possit pro pretio periculi rei, quod in se suscipit. IV. Quod moneatur, etiam de quantitate, & qualitate mercium, quas assicurat.

Hic adverte, quod si Assicurator, qui assicuravit Navem onustam serico, directam Francisco Mercatori, non habet bona, quibus possit eidem Francisco compensare jacturam mercium, si navis pereat, non potest pro assicuratione navis, quæ ad portum salva venit, recipere pretium pro assicuratione, quia contractus ex parte Assicuratoris est fictus: nam revera in se non suscepit periculum assicurationis, sed res semper manent sub eodem periculo: Unde contractus est injustus, & Assicuranti injuria irrogatur, relinquendo ejus res eidem periculo expositas, quæ ab alio fortè assurerentur.

Nec potest illud pretium recipere pro periculo carceris, & aliarum vexationum, quibus se exponit; quia ista sunt accidentalia ad justitiam contractus, & Assicurato inutilia.

101 At petitur. *Assicurator habet bona, quibus potest compensare solum medietatem mercium, si pereant: an possit recipere dimidium pretium assicurationis. Si merces salva ad assicuratum perveniant?*

Resp. Negativè: Quia contractus est nullus, quoniam ex parte assicurati est involuntarius, utpotè celebratus ex ignorantia antecedenti, & dante causam contractui. Etenim, si ei nota fuisset impotentia assicurationis, aliunt af-

securatorem postulasset, nec consensisset in contractum celebratum. Propterea assicurator ex contractu nihil potest recipere. Tenetur tamen, casu quo res pereant, solvere bona, quæ habet, non ratione initii contractus, quia fuit nullus, sed vigore injuriæ Assicurato illatæ propter fraudem, & dolum. Ita Bannes apud d. De la Cruz contra Rodericum in *Sum.p.2.cap.105.* & Tamburin. *libro 9. tr.7.cap.2.nu.6.*

100 Ad finem capituli pro majori notitia notabis, à DD. alia dici *substantialia*, alia *naturalia*, & quædam *solemnia contractibus*. *Substantialia*, illa dicuntur, quæ essentiam contractus constituunt, sine quibus contractus non subsistit, nec sunt mutabilia ex voluntate partis: ut est consensus liber utriusque partis. *Naturalia*, dicuntur, quæ contractui tacite insunt, licet expressa non sint, & possunt pacto contrahentium removeri, valido remanente contractu; ita venditor ex natura venditionis tenetur emptori de eviçione, si res ab aliquo tertio, ut sua, ab emptore fuerit recuperata. *Solemnia*, vocantur, quæ de jure requiruntur, ut legitimus contractus censeatur; & ex his quædam sunt *solemnitates substantiales*, sive *intrinsecæ*, sine quibus contractus validus non est, ut consensus Capituli, & Pontificis in alienatione reipsiritualis, seu Ecclesiasticæ; præsentia Parochi, & testium in matrimonio &c. Aliæ *extrinsecæ*, sine quibus actus, quidem non licite, sed valide celebratur, ut trina denunciatio antè contractum matrimonium, benedictio nubentium in templo faciendæ &c. vide *lib.4.cap.ult.*

CAPUT XXIV.

*Prop.XLI. & XLII. ab Innoc.XI. &c.
Lucrum Usurarium.*

I PROP. 41. *Cum numerata pecunia pretiosior sit numeranda, & nullus*

lun sit, qui non majoris faciat pecuniam presentem, quam futuram, potest creditor aliquid ultra sortem à mutuario exigere, & eo titulo ab usura excusari.

Prop. 42 *Usura non est, dum ultra sortem aliquid exigitur, tamquam ex benevolentia, & gratitudine debitum, sed sol. m. si exigatur tamquam ex iustitia debitum.*

2 Author propositionis primæ traditur Caramuel apud Cardenashic *differt. 25. cap.1.* Ille sentit, conferentem mutuum nonaginta quinque posse post annum accipere centum, quia centum solvenda post annum æquivalent nonaginta quinque præsentibus, ex quo plus valeat pecunia præsens, quam futura: & propter illam æquivalentiam dixit mutuatore non recipere aliud supra sortem: Verum, concesso etiam (quod non damus) pecuniam præsentem esse pretiosiores futura, non sequitur, quod, datis mutuo nonaginta quinque, possint licite recipi centum, & si recipiantur, quinque non sint supra sortem; nam nonaginta quinque, quando à mutuario restituuntur, sunt præsentia, ergo eandem æstimationem habent, quam habuerunt eo tempore, quo mutuator ea mutuavit, ergo aliquid plus accipitur supra sortem ex visolius mutationis, vel ratione interfurii (interfurium est usus medii temporis) hoc est, ratione usus, quem habet mutuatarius toto eo tempore, quo pecuniam, aliamve rem sibi mutuam servat, donec eam mutuant restituar: illicitum autem est aliquid accipere pro usu rei mutuatæ, quia tunc mutuans accipit pretium pro re non sua; nam pecunia mutuata non est mutuantis, ut alibi diximus, & communiter DD. sed mutuatarii: nec usus pecunie: quia in mutuarium cum domino pecunie transfertur facultas ipsa utendi, vel ejus usus, ergo, quod accipit mutuans supra sortem, accipit pro usu, & re non sua, ergo inique accipit; & non

modò contra charitatem, sed etiam contra iustitiam peccat, cum injustum sit aliquid petere pro usu rei, vel donatæ, vel alteri datæ in proprietatem. Duhamel Theol. moral. de iust. & iure tom.2. *differt. 3. cap.1. n.3.*

3 Secunda propositio pluribus etiam Authoribus placuit; verum, quia utraque via usurariis lucris aperitur, in quibus, & ipsorum occasionebus eradicandis totus debet esse Confessarius: ideo hic præter adducta *lib.1. cap.31.* alia pro instructione Confessarii ad ipsa usuraria lucra spectantia referimus; quem ad præfatum *cap.* pro ulteriori notitia reimitimus, ut videat ibi *num.3.* usuræ definitionem.

4 Queritur, *Franciscus accipit mutuum à Petro quatuor rubia frumenti mense Novembri, quo generaliter venditur decem aureis pro rubio, hac lege, & inito pacto, ut venturo Augusto restituat, vel ipsa rubia quatuor frumenti, vel aureos quadraginta ad electionem ipsius Petri: dubitatur, an in contractu lucrum usurarium eluceat?*

Resp. Affirmativè, nam contractus est usurarius; etenim ibi est usura, ubi plus quam datum fuerit, expectatur, *cap. si saneraveris, cap. Usura 14. qu.3.* Sed in casu Petrus plus, quam dedit, expectat; nam si frumenti valor erit ultra aureos quadraginta, prætendit frumentum, & hinc plus accipiet, quam fuerit pretium, quod currebat tempore contractus; Si verò valor decreverit, postulat 40 aureos, & sic plus, quam sit pretium ipsius frumenti restituendi.

Accedit, quod quoties mutuatario imponitur obligatio pretio æstimabilis, committitur usura ex communi DD. Sed in allato casu Francisco hujusmodi obligatio à Petro imponitur; nam, si mense Augusto, frumentum minoris valebit, quam quadraginta aureis, tenebitur solvere dictos 40. aureos; si autem majus fuerit pretium, ardebitur emere frumentum, ut quatuor rubia frumenti restituat,

42

situat, ut optime Layman. *lib.3. tract. 4. cap.16. num.14. ver. dico* 2. ergo usura committitur, & lucrum, quod exigere-
tur, esset usurarium.

5 Quæritur, an *usurarium esset lucrum, quod reportaretur à mutuantem, se obligante non repetere mutuum, nisi transacto anno?*

Resp. Affirmative; nam semper aliquid supra sortem ex vi solius mutationis exigeret. Tum quia, admissa opposita opinione, omnes usuræ excusabuntur, quia quilibet affirmabit se non pro mutuo, sed pro illa obligatione tale lucrum exigere: & ita quilibet mutuans posset pro quolibet mutuo aliquid supra sortem exigere, cum quilibet statim ac mutuatur, se obliget, saltem virtualiter, ad non repetendum mutuum pro aliquo tempore. *Giball. lib.1. de usur. cap.8. art.2. cons. 118.* Talis itaque obligatio non repetendi suam pecuniam, & carentia, est mutuo intrinseca, & non est æstimabilis, vel compensabilis pretio distincto ab ipsa pecunia mutuata, sed ad æqualitatem compensatur per redditionem fortis, cum facultate ea utendi toto tempore sequenti; ideo, si aliquid pro ea recipitur, recipitur aliquid non debitum, contra iustitiam, ac ex vi mutui, quod omnino est iniquum.

6 Quæritur, *Sempronius petit, & accipit mutuum ab Antonio centum ludoviceos (Luigi d'oro) post annum eos restitutus, quorum quilibet tempore contractui, valet triginta Julii, completo anno, valor cuiuslibet ascendit ad triginta duos Julios: Sempronius vult restituere trecenta scuta in Ludoviceis, computatis ad valorem 32. Juliorum: Antonius autem exigit numero centum Ludoviceos, dubitatur, an licite exigit?*

Resp. DD. non conveniunt. Aliqui affirmant; quorum ratio est, quia species, & numerus Ludoviceorum sunt in contractu, & veniunt sub obligatione: casus enim in terminis loquitur. *Sem-*

pronius petit, ac accipit centum Ludoviceos ab Antonio, eos post annum restitutus: Nota, ipsum petere, & obtinere mutuum centum Ludoviceos, non trecentum scuta, ergo, petendo Ludoviceos, est in pactum deducta talis qualitas aureæ monetæ, & petendo centum, numerus aureorum; & cum promiserit eos post annum restituere, promississe præsumitur eos in simili qualitate, & eodem numero reddere: quod ostendit dictio illa *eos*, quæ per Barbof. *de dict. dic. 103. num.3.* est relativa, demonstrans, & repetens qualitates præcedentes, consequenter cum suo augmento.

Aliter discurrendum foret, si Sempronius petiisset ab Antonio trecentum scuta, cui ea Antonius dedisset in centum Ludoviceis, nam tunc crescente extrinseco Ludoviceorum valore, sat esset, quod Sempronius redderet summam acceptam, quam petiit, quamvis in alia pecunia, vel in minori Ludoviceorum numero, sufficiente tamen ad integram compensationem trecentorum aureorum.

Alii vero negant, ex quo valor monetæ de jure crescat, & decrescat Domino, sed Sempronius est Dominus Ludoviceorum, quos mutuum recepit, ergo augmentum valoris Ludoviceorum ipsius esse debet. Tum quia, usura est aliquid supra sortem recipere, juxta DD. communiter, sed in casu Antonius reciperet viginti aureos supra sortem, nam ipse dedisset trecentum scuta id est centum Ludoviceis, & ipse in aliis centum cum augmento reciperet trecentum viginti; hujus sententiæ est Layman. *lib.3. de iust. tract.3. par.1. cap.5. num.15. Giball. lib.1. de usur. cap.3. art.4. cons. 8.* alique, quam sententiam in praxi amplector.

Nec relevans videtur aliorum ponderatio: nam similis modus loquendi: *peto centum Ludoviceos, post annum eos restituere:* est illi æquivalens: *peto sum-*

summam trecentorum scutorum, & hunc numerum post annum restituere spondeo; quem numerum certe Antonius exegisset, si valor Ludoviceorum fuisset diminutus ad 28. Julios, nec foret contentus recipere centum Ludoviceos; quod concludit contractum mutui fuisse dare trecentum, & trecentum recipere. Utraque sententia habet classicos Auctores, quorum primi loquuntur ex suppositione, quod inter Sempronium, & Antonium præcessisset pactum de solutione faciendi in eadem specie, & moneta, & parinúmero; siue crescat, siue decrescat in extrinseco valore per decretum Principis; alii verò, supposito, quod sic non convenerint.

7 Sed quid, si interea Ludovicei, vel moneta, in qua convenissent, ut esset solutio faciendi, omnino reprobatur?

Resp. Mutuatarius (qui est Dominus, & cui propterea perirent) deberet solvere totam summam acceptam in alia æquivalenti, & proba moneta, arg. optimum ex cap. olim de censib. in juncta Gloss. in ver. vel estimationem, aliis contractus non foret iustus, sed injustus, & cum læsione creditoris, vide alleg. Layman. num. 14. & Gibal. confect. 8. num. 73.

8 Quæritur, an sit iniquum pactum, quo Mutuatarius obligatur solvere in meliori, aut rariori pecunia, quam acceperit: v. g. accipit mutui census in aere, & exiguntur in auro, vel argento?

Resp. Affirmativè, quia mutuatarius in communi estimatione obligatur ad aliquid, ad quod ex vi mutui non tenetur.

9 Quæritur, Petrus iusto pretio, mille nimirum, vendit Francisco prædium, à quo statim recipit quingenta, recepturus reliqua post biennium, quarit à Confessario instrui, an interim possit recipere fructus alterius partis prædii, cujus solutionem expectat, & de tali

ensione suscipienda convenire cum emptore, eique prædium locare, & ab ipso pensionem annuam percipere?

Resp. Negativè; ratio est, quia fructus illi non perciperentur, nisi propter dilationem solutionis, quæ est aperta usura: aliis quicquid creditò vendit, posset aliquid supra iustum pretium accipere propter dilatam solutionem, siue capere usuras non soluti pretii. Tum quia, fructus sunt ejus, qui Dominus rei est, emptoris nimirum, cum res Domino suo fructificet, ergo illos non debet dare venditori, qui pro fructibus non potest prædium locare emptori, cum nullus possit, nisi rem suam in locationem concedere; prædium autem non est amplius Petri, quia ipsum iusto pretio vendidit. Gibal. lib. 2. cap. 5. art. 5. & lib. 3. cap. 8. art. 9. confect. 1.

10 Sed nonne cum Duhamel ubi supra num. 6. dicit: potest prædium esse Francisci solum quo ad dominium propriæ, & directum, non verò, quo ad dominium utile, quod reservavit sibi Petrus, ut posset percipere fructus usque ad tempus integre solutionis?

Resp. Negativè; quia, prout ponderavit Gibal. cit. art. 5. in simili contractu reservationis juris colligendi fructus, non servatur æqualitas, nam, si intermedio eo tempore res periret, emptori periret, non venditori, ergo totum incommodum esset emptoris, non venditoris, cui post biennium essent alia quingenta solvenda. Tum quia, pensio illa, venditori solvenda, esset conjuncta cum mutuo: nam pecunia ad tempus, palliato mutuo, emptori concederetur, ergo, si pro ipsius usu, venditor quidquam accipit, usuram committit, sicut ex cap. conquestus de usur. fructus capere ex pignore, & non computare in sortem, usura est, sed Venditor, postquam alienavit fundum, si ex eo capit fructus, eos percipit, tamquam ex pignore, ergo cum crimine usuræ.

11 Quæritur, an Pharmacia possit suscipere

suam Tabernam, & omnia illius medicamenta, & vasa locare cum pacto, ut conductor, pro quolibet centenario pretii aestimati, solvat decem annua, & in fine locationis restituat eadem Vasa, & medicamenta ad taxam ejusdem pretii aestimati?

Resp. Negativè; quia contractus illicitus est, & usurarius; nam pensio decem pro singulis centenariis est exorbitans, & gravissima. Tum quia, cum medicamenta ipso usu consumantur, non possunt locari: nec Conductor illis uti potest cum ipsorum destructione, perseverante eorum dominio apud Locatorem, ergo mutuo dantur, & quidquid exigitur, est lucrum usurarium.

12 Si dicas, medicamenta illa esse permutata cum aliis æque bonis, ejusdemque pretii, reddendis à Conductore Tabernæ post decennium.

Ex hoc etiam, non vitas usuram; nam, si sunt permutata, jam sunt facta Conductoris, ergo non potes sine usura, lucrum capere ex illis, quia præter sortem, suo tempore reddendam, exiges lucrum intermedii temporis de re, quæ tua non est; alioquin liceret locare horreum plenum trecentis frumenti mensuris cum pacto, quod, finito triennio locationis, totidem frumenti mensuras, ejusdemque valoris restituerentur: & pro locatione, tum horrei, tum frumenti, quolibet anno durantis locationis, certam pensionem conductor solveret: hujusmodi autem pensionem lucrum usurarium esse nullus negabit.

Nota, quòd, si pro usu solius horrei pensio imposita esset proportionata, contractus foret licitus; quemadmodum, si illa decem annua darentur non pro usu, & locatione medicamentorum, sed pro usu, & locatione Tabernæ, & instrumentorum, & servaretur æqualitas, contractus licitus esset, sicut sunt cæteri locationis, in quibus æqualitas pensionis, & rei, domus v.g. locatæ, servatur Gibal. lib. 3. cap. 8. art. 8. cons. 6.

Matthæucci Cantela Confess.

13 Quæritur, *Penitens Confessario hæc exponit; dedi Calo bis mille aureos cum pacto, ut donec ego vixero, mihi annuatim solvat centum, & post meam mortem, sortem principalem ipse lucratur, peto, an licitè contraxerim?*

Resp. Hujusmodi contractus nominatur apud DD. vitalitius, seu ad vitam emptoris census, quem licitum ex usu, & consuetudine probant; quod tamen falsum est, nisi tres conditiones serventur.

I. Ut Census super re certa, & fructifera, domo, agro &c. & non super industria personæ imponatur, juxta Constit. B. Pii V. cap. super num. 9. quæ conditio non debet gravis videri Censualistæ, sed utilis; siquidem, ubi constitueret sibi census vitalitium super sola industria, seu persona censuarii, eo per mortem sublato, amisset, & annuam pensionem, & pecuniam, qua census emit: vel saltem difficile foret eam recuperare ex generali hypotheca bonorum, quæ, ut plurimum, non sufficiunt ad aliis creditoribus satisfaciendum.

II. Ut justum sit pretium; judicium justii pretii census vitalitii esse debet vel Patriæ consuetudo, vel arbitrium boni viri, consideratis ætate, sanitate, robore, aliisve qualitatibus censuallistæ. Vide Clericatum ad dec. quæ sit. mense Septembr. 3. quæ sit. casu 2.

III. Ut pecunia, qua Censualista census emit, ita sit Censuarii vendentis, ut nunquam ab eo invito repeti possit: nam, si præfata pecunia esset aliquando restituenda, vel posset repeti, non census liciti, sed mutui naturam contractus haberet, ut optimè DD.

Quibus notatis: interrogetur penitens, an præfactas conditiones servaverit, nimirum; an pro censu fuerit res fructifera assignata, & Cajus ipse talis sit ætatis, & temperamenti, ut arbitrio boni viri possit justè ab eo exigere annuatim centum pro quolibet centenari,

Cc

nario, & an se obligaverit ad nunquam repetendum mille exbursata: & quatenus affirmet, resolvat licite, & sine lucro usurario contractum vitalitium celebrasse.

Quia verò in hujusmodi censibus vitalitii datur occasio venditori optandi mortem emptoris census, debent Confessarii hujusmodi census suis penitentibus dissuadere; quamvis hæc venditoris malitia non immutet naturam contractus, dum est cum præfatis conditionibus celebratus. Duhamel *cit. cap. 9.*

14. *Queritur, petit penitens à Confessario, an licitus sit contractus vulgò dictus, dare à godere, quem celebrasse dicit cum Antonio: cui ego, ait, dedi mille, & ipse mihi agrum æquivalentem, ut ego agro, ipse verò pecunia frueretur usque ad restitutionem pecunie?*

Resp. Affirmativè, si contractus fiat in rebus utrinque fructiferis, & justitia, ac æqualitas servetur; de qua dubitandum non est, si penitenti Antonius daret fruendam Domum locabilem, ille verò Antonio agrum, nam fructus compensarentur fructibus; propterea, quem penitens celebravit, injustus est, quia pecunia, quam ipse Antonio dedit ex se sterilis, & infructifera est, ager autem fructiferus, & hinc penitens gaudens agro, fruitur etiam fructibus, quibus non gaudet Antonius habens solam pecuniam: ideòque nulla æqualitas est in contractu, immò usura; quia ibi est usura, ubi est mutuum cum lucro, sed in casu habetur mutuum cum lucro: nam penitens dat mutuo Antonio mille cum lucro percipiendo ex fructibus agri. Tambur. *in Decal. lib. 8. tract. 4. cap. 7. §. 6. num. 8.*

15. *Queritur, emit Franciscus nonaginta, quinque aureis creditum centum aureorum, quod Petrus habet adversus Antonium, quos ipse Petrus, nonnisi difficillimè, potest exigere, petitur, an contractus sit usurarius. Quod est idem ac querere, an chy-*

rographa debitorum possint licite emi pro minori pretio, adeòut, si pro debito debeantur mille, possit quis numerare Creditori octingenta, cedenti pro octingentis alteri juum creditum, & omnem suam actionem adversus debitorem?

Resp. Resolutio est ponderanda; nam Caramuel ex Chyrographis debitorum, emptis minori pretio, desumpsit argumentum ad inferendum eum, qui mutuat nonaginta quinque aureos, posse obligare mutuatarium, ut post annum solvat centum; nam, si Chyrographum centum aureorum, solvendorum post annum, emitur nonaginta quinque, ut post annum recipiantur centum; cur etiam non erit dicendum pecuniam præsentem pluris æstimari, quam futuram?

Ideò videndum, an difficultas in Petro exigendi debitum ab Antonio consistat in solo tempore, nec ad exigendum sit opus alio, quam expectare tempus; & tunc equidem usura est; nam Franciscus supra sortem ex sola dilatione temporis exigit quinque, & velint mutuat vendenti sibi anticipatam solutionem pro quinque, post annum recipiendis supra nonaginta quinque. Nec servatur æqualitas inter emptorem, & venditorem, quoniam, si sola dilatio temporis sufficiens esset ad ponendam æqualitatem, mutuans centum recipienda post annum posset plus exigere: & mercator vendens merces credito justo pretio summo, posset ultra justum pretium ex solo titulo dilatae solutionis aliquid plus accipere; quod omnes reprobant, & nos constanter asserimus esse iniquum: aliàs omnes usuræ justificari possent.

Quare teste Engel. *colleg. iur. Canon. lib. 5. tit. 19. §. 2. num. 12.* Joan. De la Cruz *direct. cons. 7. præcept. quest. 5. ver. usura dub. 6.* & Cardenas *cit. cap. 7.* cum quibus conveniunt DD. possunt sine injustitia, minori pretio, emi credita, cum

cum illa sine expensis, molestiis, & periculis à debitore acquiri non possunt, quia tunc illa credita ob adducta pericula, & sumptus minoris æstimantur; & addendum crederem necessarium esse, quod venditor roget emptorem, & huic essent significanda à venditore illa pericula, & expensæ faciendæ.

16 Dices communiter asseritur, minus esse habere actionem ad rem, quam in re, sed creditor habet solam actionem ad pecuniam debitam, ergo pro minori potest eam vendere.

Resp. Ex De la Cruz, illud axioma intelligitur de actione, seu iure ad rem, quando adest periculum recuperandi illam, aut cum expensis, & labore recuperabitur, non verò cum ista non concurrunt; sed tunc in contractu reperitur implicitum mutuum cum lucro; sicut, quando venditur merces minori pretio ob anticipatam solutionem, censetur ab emptore mutuari venditori illud pretium anticipatum, ut accipiat illud plus rei, quo valebit tempore traditionis, vide *lib. 1. cap. sit. n. 11.*

17 Sed quæritur, an possit ipse debitor creditum minoris emere, quam valeat?

Resp. Negativè, si debitor ipse sit causa, cur debitum sit difficilis solutionis: ut in praxi contingit cum Potentioribus, qui adeò defatigant creditores suos, ut eos obligent acceptare debitum in minori summa, vel in deteriori qualitate: qui sanè sine iniustitia, & summa iniquitate, ac onere restitutionis, nec possunt minoris creditum emere, nec modo enunciato operari, Engel. cit.

18 Quæritur, recipit Sempronius mutuum centum à Lelio, ea lege, ut eos restituat initio mensis Aprilis; dissulit Sempronius restitutionem usque ad Maium, Lelius petit aureos decem supra centum titulo lucris cessantis, quod propterea passus est, cum non potuerit, iuxta solitum, aleis ludere, nec in ludo

ad minus decem lucrari; petitur, an licitè Lelius petat?

Resp. Negativè, ratio est, quia ad exigendum in mutuo aliquid ultra sortem ratione lucris cessantis, requiritur, ut istud sit probabile, & moraliter certum, & non tantum possibile, ut eveniat. Alioquin in quovis mutuo semper aliquid supra sortem accipi licitè posset; sed lucrum, quod Lelius sibi promittit ex ludo, esto possibile sit, non est tamen probabile, aut moraliter certum: quia nulla major incertitudo, quam in ludis lucrari, & aliquid acquirere; ergo Lelius non licitè petit, vide dicta *lib. 1. cap. 31. num. 4.* ubi notavimus cum communi DD. inter conditiones à Theol. & Canonistis requisitas, ut liceat aliquid in mutuo exigere ultra sortem à mutuatario pro lucro cessante, unam esse, quòd ab initio mutuatarius fuerit de hoc monitus, & tale onus deductum fuerit in pactum.

19 Quæritur, Franciscus ad triennium locat Antonio gregem centum ovium, aut aliorum animalium, ea lege, ut singulis annis pro fructu locati gregis, ipsi Antonius solvat viginti aureos, cum onere, quod idem Antonius teneatur integrum gregem conservare, & subrogare alias oves in defectum morientium, ac, finita locatione, numerum locatum reddere, petitur, an Contractus sit iniustus, & Usurarius?

Resp. Affirmativè; iniustus sanè, quia in contractu locationis, & conductionis (uti est præsens) res locata est Locatarii, cui perit, si sine culpa Conductoris pereat, ut tradunt communiter DD. ergo, cum præfatus sit contractus locationis, & conductionis, necesse est, oves, quæ sine culpa Antonii pereunt, ipsi Francisco perire; ergo iniquè exigit, quòd alix subrogentur in defectum morientium. Tum quia, supponatur, quòd decem oves pereant: tunc certè nequit Franciscus iustè exige-

reintegram pensionem (ac, si non perissent) etiam si alie ab Antonio in ipsarum locum subrogentur: quia subrogatæ non sunt Francisci, nam eas non locavit; & pensionem accipere iuste non potest, nisi pro illis ovibus, quas ipsi Antonio locavit.

Propterea, Contractus Usurarius, etiam probatur, non modò, quia ultra iustam pensionem (suppono enim illam constitutam inter contrahentes esse iustam) exigit sui gregis renovationem, quod est aliquid pretio æstimabile; verum etiam, quia cum Contractu locationis, videtur palliatus alter mutui, nam cum velit Antonio teneri ad subrogandas morientibus oves alias, præsumitur velle ipsas ipsi Antonio perire, consequenter eas esse Antonii; & ita non posset pensionem ex ovibus accipere, quia nullus ex re non sua potest pensionem iuste exigere; vel saltem non posset eam accipere ex ovibus de novo subrogatis, quia istæ non fuerunt à Francisco Antonio locatæ, apud Gibal. plures.

20 Quæritur, *pœnitens dedit mutuum centum Antonio, & suscepit in se periculum sortis, hac lege, ut, si ipsa centum pereant sibi, & non mutuatario, pereant, propter quam a securatiorem exigit ab Antonio quinque pro quolibet Anno, petitur, an Contractus sit Usurarius?*

Resp. Affirmativè, ex dictis etiam lib.1. cap. cit. num.10. nam sic mutuans Usurarius iudicatur, & præsumitur ab Ecclesia, Cap. Naviganti de usur. quod expriment hæc verba: *Usurarius est censendus*. Iudicium in eo videtur fundari, quod ut plurimum Creditores suscipiant in se periculum ad palliandam pravam intentionem, quam gerunt, lucrandi ex pecunia mutuata: ex his autem, quæ ut plurimum accidunt, iura constituuntur, ut ex L. nam ad ea ff. de legib. Fagnan. disc. in §. Decretal. ad alleg. cap. Naviganti de usur.

num. 22. quare quia opposita opinio viam ad palliatus aperit, in praxi non est tuta.

21 Quæritur, *Titius accepit mutuum à Cajo mille, ex quibus lucratus est centum, cui, restituto capitali, ob gratitudinem recepti beneficii sponte dat alia triginta, queritur, an Cajus possit ea triginta tuta conscientia recipere?*

Resp. Non est dubium usuram esse, si mutuator aliquid supra sortem exigat ex benevolentia, & gratitudine debitum, prout patet ex damnata 42. proposit. quia igitur in proposito casu nullo pactum, nec explicatum, neque implicitum, fuit inter mutuantes, & mutuatarium, nec Cajus à Titio tale lucrum, tanquam aliquo titulo sibi debitum, exigit, non apparet, quare non possit illud tuta conscientia recipere. Posset Titius cuicumque alteri rem suam donare, & iste tuta conscientia eam reciperet, ergo non videtur excludendus Cajus; aliàs mutuando deterioris conditionis foret, quàm alter, qui beneficium mutuando non fecisset, Carden. cit. cap.6. num.49. Engel. §.1. num.3. alique, cum quibus, & juxta textum in cap. Consuluit. de usur. teneas usuram esse mutuare cum intentione, & spe, etiam mutuatario non significata, recipiendi aliquid supra sortem, quocumque titulo id recipiatur, qui non sit, vel damni emergentis, vel lucri cessantis in pactum deducti, ab initio contractus.

22 Quæritur. *An sit usura rem ob anticipatam solutionem minoris emere iusto pretio, vel solvere minus, quàm iuste sit debitum?*

Resp. Affirmativè. D. Thom. 2. 2. qu. 88. art. 2. ad 7. Nam anticipatio solutionis pecuniæ habet rationem mutui, cuius quoddam pretium est, quod minuitur de iusto pretio rei acceptæ. Atque ita in solutione rei valentis centum, dando anticipatè nonaginta, illa anticipatio solutionis reputatur mutuari

pro

pro decem , dum virtute ipsius diminuantur decem de justo pretio rei emptæ : Ita etiam ex D. Antonino *par. 2. tit. 1. cap. 8. §. 1. & §. 4.* Ille , qui ad certum terminum dare debet , si ante terminum solvat , ut ei aliquid de debito dimittatur , usuram committere videtur , quia manifestè tempus solutionis pecuniæ vendit : unde ad restitutionem tenetur , nec excusatur propter hoc , quòd solvendo ante terminum gravatur : vel , quòd ad hoc à creditore inducitur , quia eadem ratione possent omnes alii usurarii excusari : hæc S. Doctor.

23 *Queritur ; An usura sit , rem aliquam ob dilatam solutionem carius vendere justo pretio ?*

Resp. Affirmativè *cap. In Civitate de usur.* in quo concordant omnes Theologi , & Canonistæ . In casu enim habetur mutuum occultum palliatum , & præsumptum , quatenus verbis , & exteriori figura contractus vendens ostendit celebrare contractum venditionis , sed revera latet occultum , & virtuale mutuum ; quod ex intentione venditoris facillè colligitur : Nam ex eo , quòd iusti pretii solutionem ad terminum remittat , creditur , & præsumitur justum pretium tempore contractus ementi mutuae usque ad diem , vel terminum dilatæ solutionis , ut accipiat aliquod lucrum , hoc est , supercrefcentem : quantitatè ultra justum pretium . Natal. *Alex. Theol. dogmat. reg. 15. de simonia* Gonzalez in *5. tit. 19. cap. 6. n. 3.*

24 Dicunt . Licere mercatoribus lucrari , cum se pro communi utilitate , periculis , laboribus , & expensis exponant ; ut autem lucrentur decem v. g. pro centenario , augendum est pretium pro expectatione solutionis .

Resp. licet mercatores possint propter labores , expensas , & pericula lucrari , non tamen modo illicito , & injusto , sicut eveniret , si vendendo ad terminum , ob dilatam solutionem supra justum pretium aliquod

Matt baucii Cautela Confessi.

perciperent : ita enim venderent tem-
pus.

25 Dicunt 2. Mercatores se merces suas carius justo non vendere propter tempus , sed ad recuperandum damnum , quod ex dilata solutione incurrunt . Quoniam si præsentì pecunia solverentur , possent interim lucrari , quòd non valent , quia creditò vendunt .

Resp. Quòd si creditor inde lucrari possit , est etiam possibile , quòd non lucretur , quinimò ut perdat capitale : Adeoque quia pro tunc non stat in periculo talis damni , nec potest stare in certitudine talis lucri . Tum quia tunc reportaret lucrum de re non sua , hoc est , de mutuo dato in emptione , quod sine usura non contingit .

26 Dicunt 3. Mercatores se merces suas carius vendere creditò , quàm pecunia numerata , quia ut plurimum contingit , quòd debitores non solvant tempore statuto , & ad credita sua exigenda frequenter magnæ expensæ sunt faciendæ . Quinimò aliqui nunquam solvunt , quia recedunt , vel fallunt .

Resp. Si multi , quibus terminus concessus est , in termino non solvant , multi etiam solvunt : & tamen pretium , quod propter tempus mercibus additum est , non minuitur his , qui in termino constituto solvunt . Ideo æquè utrisque vendere terminum inæqualitas est injustitia ; justum enim non est , quòd in termino solventes , patiantur pœnam pro non solventibus , & malis debitoribus . Ab illis itaque , qui in termino non solvunt , potest venditor exigere compensationem damni , quod pateretur , dummodò revera damnum interveniat , & de hoc onere ementem monuerit juxta *cap. Pervenit de Testament.* Tum quia mercatores non coguntur talibus vendere : nec illis venderent , si crederent illos non soluturos ; & ratione dubii in mutuo (quod est ibi implicitum) non licet sperare lucrum . Natal. *Alex. cit. reg. 15. ex D. Antonino .*

27 Quapropter, dum venditor suas merces vendit ad terminum, ultra quantitatem iusti pretii propter expectationem, usuram committit, quia expectatio temporis cadit sub pretio. Secundum de eo, qui iusto pretio summo vendit, quamvis, si statim numeraretur pecunia, aliquid de pretio iusto summo remitteret emptori, & contentus esset vendere merces iusto pretio medio, vel infimo: semper enim servaret iustitiam in pretio.

28 Petitur. *An venditio cum pacto retrovendendi sit usuraria?*

Resp. Affirmative. Si venditio cum pacto retrovendendi sit simulata; ut si venditor rem venditam redimere cogatur: vel ipsi imponatur onus non redimendi, nisi post certum tempus; aut adiiciatur pactum de re majori pretio redimenda, quam empti sit; vel, ut res venditoris non emptoris periculo pereat. Usura tunc palliatur: siquidem fictus emptor simulato venditionis, & emptio-nis contractu aliquid ex mutuo virtuali intendit supra fortem accipere, cum rem sibi remanere nolit, sed redimi, ut interim fructus supra fortem accipiat: unde contractus ille est potius pignorationis, quam venditionis. Natal. Alex. reg. 12.

29 Queritur. *Princeps constituit, ut cuilibet militi pro quolibet die dentur tres panes, quorum valor in fine mensis ascendit ad summam novem juliorum. Cuius miles in principio mensis rogat Officalem, ad quem pertinet dispensatio, ut sibi loco panis mensurui conferat pecuniam; cui Officialis tradit septem julios: mense vero completo à Furnario, qui panem dedisset, recipit novem: Petitur, an Officialis tutus sit in conscientia, & sine usura illos duos julios recipiat?*

Resp. Nonnulli affirmant, & inferunt ex periculo, cui officialis exponit suam pecuniam: Nam, si miles ex albo delectur, officialis illam perdet: metus autem periculi perdendi capitale est pretio æsti-

mabilis; cum anxietatem, & molestias generet. Videtur enim receptum propter periculum perdendi fortem posse in mutuo aliquid auctarium supra illam exegi; maxime, quia non potest cautione, vel pignore periculo providere.

Sed vera resolutio est, officialem sine usura non posse illos duos julios recipere: nam revera hic intervenit ad minus mutuum virtuale, præsumptum, & palliatum, cum officialis ex illa anticipata solutione lucratur duos julios supra septem. Et veluti propter dictam solutionem anticipatam vilius à milite emit panes, quam valeant, quod non licet, ut communiter DD.

30 Nec purgatur crimen usura à periculo; nam potest ab eo se liberare non conferendo dictam summam, & sibi imputet, si miles non sit ad solvendum potens, non debebat ipsi credere. Unde cum miles sit dominus pecunie receptæ, officiali nihil restat, quam actio repetendi dictam summam, ideo nil potest supram ipsam recipere, & miles obligatur in conscientia fortem integram reddere.

31 Est commune, & certum usuram esse, aliquid ultra fortem exigere, vel accipere ob periculum facti, cui mutans exponit rem suam dando mutuum. Nam mutuum per se ipsum gratuitum esse debet. Periculum vero facti ipsi mutuo coheret, & est ipsi intrinsicum; siquidem res mutuo data, & in dominium debitoris transiens, variis fortunæ casibus est exposita; fierique potest, ut ipse debitor ad inopiam redactus, impotens sit ad solvendum, ideo metus periculi perdendi fortem in mutuo non est pretio æstimabilis, nec ratione periculi licet aliquid supra fortem exigere, vel recipere, aliàs quidquid propter ipsum recipere, acciperetur ex vi mutui, cui tale periculum insum est, & connaturale. Natal. Alex. Theol. moral. tom. 2. lib. 3. art. 2. reg. 3.

32 Quinimmo, si propter periculum for-

fortis, quod est mutuo intrinsecum, liceret aliquid pacisci, aut ultra sortem recipere, posset quis plus exigere à pauperibus, quàm divitibus. & mercatoribus; quia res mutuo data, minus secura est, & majorem cruciatum affert apud pauperes, quàm apud divites, & mercatores: Quod nullus non dixerit. Tum quia, si pro metu periculi fortis liceret quidquam supra sortem exigere ob eam molestiam, quam causat mutuanti, ob eamdem rationem liceret aliquid pretium exigere pro metu perdendi illud lucrum supra sortem, & sic deinceps discurrendum esset de metu perdendi alia lucra: atque ita excessiva lucra ex mutuo exigenterent. Quod est absurdissimum, ut per Mayol. *Summa moralis* p. 2. sept. præcep. q. 6. art. 3. concl. 3.

Unde, quia miles in quemcumque statum deveniat, aut quocumque casu res pereat, manet semper obligatus ad solvendam sortem integram officiali, est manifestum id, quod ultra sortem hic exigit, ac percipit, exigi, ac percipi ratione mutui, adeoque cum usura; ut consultus respondi.

Et inde patet ad rationem ex adverso adductam; quæ similibus casibus aptari possunt.

33 At, quid dicendum de eo, qui mutat alteri, sed aliquid supra sortem recipit, eo quod in se suscipit periculum fortis (quod dicitur periculum juris) adeo ut quocumque casu capitale pereat, sibi pereat, & mutuatarius liber sit ab onere ipsum restituendi?

Resp. Usurarius censendus est ex c. Naviganti de usur. ibi: Naviganti, vel eunti ad nundinas certam mutuans pecunia quantitatem, pro eo quod suscipit in se periculum, recepturus aliquid ultra sortem, usurarius est censendus. Gonzalez in 5. tit. 19. cap. 19. Fagnan. ibid. ad allegat. cap. de usura. Hujusmodi enim pacta aptissima sunt ad palliandas usuras. Nam, cum mutuans paciscitur, ut fortis periculum ad se per-

tineat, & propterea aliquid supra sortem lucratur; præsumitur lucrum ab eo recipi propter mutuum, & susceptionem periculi adhibitam esse ad palliandam usuram. Ad quam quidem palliationem removendam sub colore periculi suscepi emanavit d. Decretalis. Ideo ab eis abstinentum est; & hoc injungendum penitentibus, iisque, qui pro consilio accedunt. Interim videatur Fagnan. ibid.

34 Quæritur. Titius mercator artis sericeæ et ministris in officina, quibus deberet quolibet mense pro servitio solvere quinque aureos, loco quorum confert telas texendas, cum promissione eas continuandi, ut ita lucrari valeant: petitur, an a mercatore committatur usura?

Resp. Affirmativè. Nam censetur ministris mutuare provisionem, & continuationem telarum, ut inde recipiat lucrum aureorum, quos deberet eis conferre in stipendium servitii, quod intendit sibi gratis præstari, ipsumque solvit mercede textricibus debita. Quoniam certum est pro textura telarum debere mercatores textoribus, aut textricibus ex iustitia pro singulis ulnis solvere in mercedem laboris V. G. septem obolos, aut bajoccos. In casu Titius hæc non solvit, atque ita gratis servitium exigit: vel non solvit, nisi in mercede debita labori texentium. Quapropter non de suo solvit, sed de re alteri debita, adeoque cum manifesta iniustitia; à qua Titius non excusatur, ex quo ministri acquiescant, quia non sponte consentiunt, sed coacte, ut necessaria ad vitam sibi acquirant.

Ita corripienda est nonnullorum mercatorum praxis, qui mulieribus tradentes lanas ad filo torquendas, & vestes, ut eas reaptent, ac ad usum reddant, eis, etiam invitis, solvunt mercedem laboris, non in pecunia, sed in mercibus, ut plurimum deterioribus, quibus ipsæ vel non egent, aut quas minori pretio alibi reperirent. Nec sunt absolvendi, nisi a corruptela cessent: saccaro

virus iniusti lucri, & palliatæ usuræ con-
dientes.

35 Quæritur. *Titius tradit Cajo mercatori mille nummos aureos in societatem, spe lucrands centum triginta. Ex hac summa lucri sperati Titius remittit Cajo sexaginta nummos, ut Cajo in se suscipiat periculum sortis principalis mille aureorum, adeo ut quisquis fuerit negotiationis exitus, debeat Titio d. summam mille aureorum reddere. Rursus Titius eidem Cajo remittit alios viginti nummos, ut sine ullo prorsus periculo damni ex fortuitis casibus interdum contingentibus quinquaginta nummos residuos lucretur: petitur, an contractus licitus sit, & ab usura immunis?*

Hujusmodi contractus dicitur contractus trium contractuum. Primus dicitur contractus Societatis, in quo unus pecuniam, aliter vel tantam pecuniam, aut operam, & industriam confert, ita ut ambo lucrum, & damnum participant. Secundus dicitur assicurationis sortis, sive capitalis, quo unus socius cum confocio paciscitur de securitate capitalis, ne pereat, & pro tali securitate dat confocio aliquod pretium, vel tantumdem de lucro sperato remittit. Tertius dicitur venditionis lucri incerti majoris ex negotiatione sperati pro lucro certo minori. Atque ita socius, qui pecuniam confert, ac de securitate sui capitalis pactus est, cum confocio rursus paciscitur de certo lucro minori pro incerto majori sperato: propter quod ex quindecim, quos pro quolibet centenari possit pro sua parte probabiliter lucrari, remittit confocio decem, ut iste suscipiat in se onus reddendi socio lucrum quinque aureorum pro quolibet centenari in omni eventu; hoc est, sive ex negotiatione lucrum reportetur, sive non.

Nonnulli apud Gibalini. *lib. 6. art. 1. cap. 3. de usu fori Lugdunen.* tradunt hujusmodi contractum esse licitum, & ab

lique labe usuræ celebrari: nam tres enunciati contractus divisim non sunt prohibiti, & usurarii, ut DD. communiter. Ergo etiam, dum simul celebrantur; cum non sint nisi contractus societatis, assicurationis, & venditionis, in quibus nihil est, quod merito reprehendi possit.

Contra quos est communior opinio DD. tum veterum, tum Recentiorum. Natal. *Alex. theol. moral. tom. 2. tom. de peccat. cap. 7. art. 4. regul. 24. de usur;* Duhamel. *theol. moral. tom. 2. tract. de just. & iur. dissert. 3. cap. 9.* Mayol. *cit. art. 1. §. 3.* alique plures apud Gibal, ubi *supr.* Secundum quam in praxi est iudicandum. Nam in eo contractu quid aliud facit Titius, quam mutuo dare mille, & octoginta, ut quinquaginta supra sortem recipiat, & lucretur? Quare hujusmodi contractus ex conjunctione in eum finem tendunt, ut ex mutuo ultra sortem lucrum reportetur, unusque socius habeat caput sanum, & alter fractum, ut loquitur S. Joan. de Capistrano *de usur. 2. pe. 2. partis num. 89.* allegatus à Gibalino *cit. art. 1. num. 1.* Consequenter inter Titium, & Cajum non servatur essentia societatis: non enim concurrit æqualitas damni, & lucri. Tum quia, per contractum assicurationis capitalis, & lucri minoris certi destruitur societas, & in mutuum transformatur. Siquidem Titius nihil amplius de suo habet in societate, per quod communicet cum Cajo: Cum hoc ipso, quod periculum pecuniæ in socium transfulerit, etiam illius dominium transfuisse præsumatur: aliàs non Cajo, sed sibi pecunia perire deberet; quia res Domino perit.

Quare ratio in oppositum producta non concludit. Quia dicti contractus, ut juncti sunt iniqui. Manu rem alienam palpare, eam manu claudere, & fugam capere sunt actus, qui separati non sunt prohibiti; sed conjuncti, hoc est, cum re aliena fugere, furtum continent.

36 Quæritur, *An sit usurarius pa-*
Flum

Etum legis Commissoria, in hoc consistens, ut creditor pignus accipiat pro mutuo ea conditione, ut, si debitor præfinito tempore non solvat, pignus illud vendatur, vel retineatur à creditore pro quantitate sibi debita?

Resp. Affirmative. Textus expressus in cap. *Significante de pignorib.* Nam ultra sortem aliquid exigere, vel accipere, aut obstringere debitorem, ut aliquid emat, vendat, vel locet, etiam iusto pretio, usurarium est; cum ei imponatur obligatio pretio æstimabilis, ad quam non tenetur. Nec obstat, quòd debitor ea de re convenerit. Quoniam non liberè, sed coactus inopia pecuniæ id agere censetur, sperans, se pignus intra tempus præfinitum posse redimere: Quia inopia fit, ut ad diem statutam pecuniam receptam solvere non possit, & quòd creditor rem pretiosam pignori datam lucretur. Natal. Alex. cit. reg. 8. Gonzalez in q. tit. 21. cap. 7. de pignorib.

37 Nec sola mora debitoris est legitimus titulus, ut possit Creditor pignus retinere, vel distrahere, aut quidquam supra sortem exigere. Nam quidquid supra sortem exigitur, & percipitur, etiam post moram debitoris, nullo interveniente damno, vel lucro cessante, cum usura percipitur. Quinimò, etiamsi lucrum creditori cessaret, vel damnum sequeretur, non posset iuste supra sortem quidquam exigere, nisi debitor propria culpa in mora solvendi esset constitutus.

38 Quare, concurrente lucro cessante, vel damno emergente, potest mutuans aliquid supra sortem exigere, ut communiter DD. Nam tunc lucrum non provenit ex vi mutui, nec est fructus pecuniæ mutuatae, sed ex alio titulo; ad compensandum nimirum pro damno emergente, vel lucro cessante.

39 Cæterum, ut titulo damni emergentis aliquid iuste supra sortem exigi possit, plura requiruntur.

I. Ut damnum acceptum sit reale, & certum, non dubium, & fictitium.

II. Ut damnum procedat ex mutuo. Nulla enim ratio habenda est de damno aliundè proveniente, quam ex occasione mutui: Sicut enim creditor non tenetur debitori cum proprio damno beneficium præstare, ita debitor non cogitur ad aliud damnum compensandum, præter illud, quod creditor accipit ratione mutuatae pecuniæ.

III. Ut damnum proponatur debitori, & in stipulationem deducatur, cum mutuum accipitur à creditore, ne invitatus cogatur illud onus subire.

IV. Ut damnum sit æquale compensationi, quæ exigitur à debitore; qui cogi non debet, ut pacificatur de compensatione damni incerti, & possibilis.

V. Ut actio de compensando futuro damno respiciat casum, in quo debitor sua culpa fuerit in mora restituendi pecuniam mutuata. Nisi versaremur in casu damni certò imminentis, & præsentis, & nihilominus debitor instaret pro mutatione pecuniæ suscipiendo onus compensandi damnum.

VI. Ut compensatio damni non ante exigatur, ac à debitore percipiatur, quam damnum acceptum sit. Alioquin creditor commodum ex mutuo perciperet, & plus exigeret, quam deberet. Natal. Alex. cit. art. 2.

40 Pariter, ut titulo lucri cessantis quidquam supra sortem possit iuste accipi, debent nonnulla concurrere, quæ titulum iustificent.

I. Ut mutuatarius à mutuante de lucro cessante moneatur; aliàs non posset ei innoscere, an contractum celebrasset cum conditione adeò onerosa.

II. Ut mutuatarius relinquatur in sua potestate ad talem contractum celebrandum.

III. Ut lucrum illud verisimiliter perceptum fuisset à mutuante, nisi mutuum dedisset, & ut occasione mutui, & non

non ex aliis causis extrinsecis eo privetur.

IV. Ut pactum de compensando lucro cessante referatur ad casum, in quo mutuatarius fuit sua culpa in mora reddendi sortem. Omne enim pactum citra moram debitori culpabilem, mutuo adjectum, ut forti aliquod augmentum fiat, usurarium esse censetur.

V. Ut propter lucrum cessans nihil percipiatur ante tempus, quo creditor ex negotiatione, arte, aut re frugifera, ad cujus emptionem pecunia mutuo data destinata erat, percepisset. Ita mutuans, qui convenit cum mutuatario de pretio lucri cessantis, non potest à principio recipere, quod recepturus est, v.g. anno exacto; aliàs si mutuaret centum pro decem ad compensandum in fine anni lucrum cessans, & statim illa decem acciperet, non centum, sed solum nonaginta conferret; atque ita non ex centum, sed ex nonaginta dumtaxat lucrum cessaret.

VI. Ut res mutuo data, aut negotiationi sit exposita, aut proximè vera, & efficaci preparatione animi sit destinata ad negotiationem, vel emptionem rei frugiferæ; à quo non ad mutuantis arbitrium avertatur, sed ad preces mutuatarii, qui dictam summam mutuo petit. Atque ita non sufficit, ut pecunia potuerit negotiationi exponi, aut ad emendam rem frugiferam referri: Si quidem illa potentia est remota, cujus nulla ratio habetur, ut lucrum propter mutuum cessare censetur.

VII. Ut mutuans nullam aliam pecuniam otiosam habeat, quæ in locum ejus, quæ mutuo data est, possit ad negotiationem, & emptionem opportunam ex sincera voluntate faciendam substitui. Verum non reputatur habere pecuniam otiosam; tametsi habeat aservatam ad alimenta, & provisionem familiæ, ad dotem filiarum, ad casus fortuitos, ut sunt morbi, incendia, lites emergentes, & similes.

VIII. Ut priusquam à mutuatario exigatur, & percipiatur compensatio lucri cessantis, deduci debent pericula, & impensæ, quas debuisset creditor in acquisitione lucri præstare.

IX. Ut mutuans ad mutuum dandum ex charitate, & non ex spe, desiderio, aut cupiditate lucri percipiendi moveatur. Hinc advertat Confessarius, quòd si aliqua dictarum conditionum deficiat, mutuans occasionem mutuandi quærit, ut ex eo lucrum faciat, & alterius damno locupletetur.

41 *Quæritur, an usurarius sit contractus Antichresis dictus, quo creditor pro assecuratione capitalis mutuo dati recipit à debitore pignus frugiferum, & fructus interum percipit, non computant eos in sortem principalem?*

Resp. Affirmative; nam supra sortem aliquid recipitur. Fructus enim pignoris computari debent in sortem principalem, ut expressè tex. in *cap. Cum contra de pignoribus*. Quare, cum mutuans non sit dominus pignoris, sed ejus dominium pertineat ad debitorem, pignus pro debitore fructificat; cui vel restituendi sunt fructus, quorum dominium ad eum spectat, vel si creditor eos accipit, cadunt in solutionem debiti, & ipso jure sortem principalem minuunt. Creditor enim accipit pignus non ad lucrum, sed ad securitatem debiti. Teneaturque ad fidelem illius custodiam, & sumptus necessarios facere, ut illud servet. Debitor verò obligatur ad resarciendas expensas necessarias, & utiles factas à creditore circa rem oppignoratam.

Expensæ necessariæ dicuntur, quibus non factis res oppignorata periisset, vel deterior evasisset: ut est adificia ruentia reparare: oliveta restaurare: arbores curare: flumina avertere, &c. Utiles verò sunt, quæ meliorem rem faciunt, & ex quibus redditus Domino acquiritur. Non tenetur tamen ad voluptuarias, quæ sunt ad ornatum, sed fructus non

non augeat. Natal. Alex. cit. regul. 9. Gonzalez in 3 tit. 21. cap. 6.

Attendant Confessarii verba Cabafut. prax. lib. 6. cap. 7. nu. 8. ubi ad praxim plurima habet, & eaque dirigit ad ipsorum instructionem, dicens. Si creditori, nullatenus petenti, aliquid à mutuuario detur gratuito, poterit sine scœnore, vel peccato recipi. Verùm non est facile præsumendum omne oblatum esse gratuitum. Munera enim quandoque à debitoribus afferuntur metu severioris exactionis, cui se impares agnoscunt ob paupertatis angustias: si munera ista sunt pretiosa, aut pecuniaria, presumendum est non esse spontanea: item, si debitor inopia laboret, debet creditor oblata omnino recusare, ne occasione alienæ paupertatis locupletetur; si verò levia sint munuscula, nec pecuniaria, nec difficile parabilia, censeri poterunt ex spontanea animi gratitudine proficisci, atque ita licebit recipere; hæc ille.

Ex quibus videtur deduci, quòd mutuans pecuniam etiam absque ulla lucrispe, & intentione, dum recipit à mutuuario, dante ex sua spontanea liberalitate aliquid supra sortem, debet censere dari non spontè, si adhuc sortem non restituerit; vel, sit talis conditionis, ut sæpè sæpius egeat pecuniis ad negociandum: vel, debet colligere, quòd det, ne fors repetatur: vel, ut aliàs mutuo facilius pecuniam recipiat; aliàs non recepturus. Maximè, quia receptum mutui beneficium non obligat ad certum, & determinatum gratitudinis actum in specie, sed ad aliquam gratitudinem in genere, ut dixit Engel. Sed potest se gratum ostendere exhibendo aliud gratitudinis signum, vel verbis, vel factis, vel obsequio: Quæ tamen ipse mutuans nec exigere potest. Quæ doctrina apta videtur ad plures difficultates enodandas; & ideo à Confessario notanda.

22 Quæritur, Super quo interrogan-

das pœnitens aperiens in Confessione se ex mutuata pecunia recepisse aliquid supra sortem propter damnum emergens, vel lucrum cessans?

Resp. Debet petere, an ipse ultro, & non rogatus dederit mutuo pecuniam, quamvis prævidisset sibi ex eo aliquid lucrum debere cessare; & dum affirmat, ad restitutionem obliget, quia sibi, & non mutuuario imputare debet cessantia lucris. Si verò rogatus dederit, quærat: an prius, quàm mutuum daret, habuerit voluntatem veram, & efficacem impendendi cam pecuniam aliis licitis, & lucratoriis negociis, ex quibus probabiliter, detractis expensis, sperasset tale, vel tale lucrum reportare, & id mutuuario aperuerit: ac se non posse dare mutuo, ne tale lucrum amittat; vel ne damnum patiatur; & tunc, si adhuc mutuarius voluerit pecuniam mutuo recipere cum onere tale compensandi lucrum, poterit receptum, ad justam ratam lucris cessantis, vel damni emergentis, retinere.

Hinc eos pœnitentes redarguat, qui excusationes quærunt in peccatis, quorum aliqui fundant interesse ex mutuo, licitè recipiendum in hoc, quod possent mutuam pecuniam exponere legitimo lucro: cum tamen nullum ad id habeant, aut habuerint efficax propositum; & alii protestantur, se non permissuros, ut sua pecunia arcis inclusa otiosa maneat: cum tamen, aut solum intendant ex mutuo lucrum; vel saltem de aliis modis lucrandi, nil certò, aut efficaciter proposuerint, nisi fortè solo illo casu, quo fidi mutuarii non occurrerent, quibus tuto cum scœnore suam pecuniam crederent; propterea huiusmodi propositum præposterum est, & consequens mutuum, ideo insufficiens ad exigendum lucrum cessans.

23 Quæritur, an iuramentum solvendi mutuanti lucrum usurarium ex mutuo obliget?

Resp. Affirmativè ex cap. debitores de iure.

jureiurando, ubi hæc sunt: *debitores ad solvendas usuras, quibus se obligaverant, cogi non debent, si verò de ipsarum solutione iuraverint, cogendi sunt Domino reddere Sacramentum, & cum usura soluta fuerint, creditores adeas restituendas sunt Ecclesiastica severitate, si necesse fuerit, compellendi.* Circa quæ ponderandum, quod jurans non tenetur ex iustitia usurasolvere, quia contractus solvendi de se invalidus est, sed tenetur solum ex virtute Religionis erga Deum, ne falsò juret ipsius nomen, adducendo in testimonium falsi. Unde videas, quòd juramentum de solvendis usuris non est de re illicita; quamvis mutuarius promittendo, & jurando usurasolvere peccare possit: vel, quia nulla prorsus necessitate, vel honestate petit, & jurat: vel, quia alterum promissione usurarum ad mutuandum inducit: & in his circumstantiis juramentum etiam servandum est, quia licet fuerit modo illicito præstitum, & jurando peccaverit, non fuit tamen de re illicita; nam solutio usuræ sine peccato impleri potest, quia potest, immò debet, mutuator eas recusare. Vide Layman. lib. 4. tract. 3. cap. 7. num. 1. Gibal. lib. 1. cap. 9. art. 7. num. 7. Engel. cit. §. 1. num. 12. Poncium disp. 53. quæst. 3. num. 12. & lib. 1. cap. 31. num. 29. Campion. 2. part. Instruct. ad Confess. capit. 28. num. 15. & solvens, ex causa iusta solvit, ut sit fidelis.

24 Quæritur, *Super quo sint interrogandi à Confessario Ministri Montis Pietatis?*

Resp. Præsens notitia erit Confessario, in Civitatibus Confessionibus exposito, necessaria, sed.

I. Suppono, ex Concil. Lateranensi sub Leone X. quod Montes Pietatis sunt liciti, non usurarii, sed pii, religiosi, & laudabiles: instituti ad occurrendum usuris, quas frequenter pauperes, & indigentes seneratoribus, & præcipue Judæis, cogebanturolvere.

II. Quòd Mons Pietatis est quantitas pecunie à testatoribus, vel aliis Christianis destinata, ut mutuetur indigentibus, ad quam, quasi ad Montem, refugium habent.

III. Leges, quibus gubernatur Mons Pietatis, ad tria reducuntur: I. Ut mutuetur pecunia Montis pauperibus: II. Ut mutuarius pignus deponat custodiendum per Ministros Montis, & vendendum intra certum tempus, si pecunia mutuata non restituatur, ut ex pretio venditionis recuperetur pecunia mutuata, & residuum Domino pignoris reddatur. III. Ut aliquid moderatum, abque lucro eorumdem Montium, ad solas Ministrorum expensas, & alias, necessarias pro pignorum, & pecuniarum custodia, quilibet mutuarius supra sortem conferat, prout idem Concilium sess. 10. quia iustum est, ut à quocunque exigatur pretium pro labore, & expensis, factis in gratiam ipsius: sed expensæ, quæ fiunt in Monte, & labor, ac assistentia Ministrorum sit in gratiam pauperum, ergo iustum est, ut pro iis solvant; quibus notatis.

Dico esse interrogandos, an in pignorum recipiendis, & pecunie egenis mutuanda, fuerint tardi, morosi, asperi, vel difficiles. II. An munera extorserint, vel aliquod præmium pro recipiendis pignorum. III. An pecunias tonsas, non iusti ponderis, vel numeri, aut difficiles ad expendendum eisdem tradiderint. IV. An pignora in proprium usum converterint, aliisve ad utendum concesserint. V. An divitibus in præjudicium pauperum, ipsis indigentibus exclusis, aut neglectis, summanotabilem pecuniam dederint. VI. An in venditione pignorum fraudes fecerint: & ea, simulato aliorum emptorum nomine, vili pretio sibi retinuerint, vel omiserint quanti plurimi vendere, aut restituere Domino pretium, excedens sortem mutuata. VII. An in alios usus expenderint, vel minuerint

Sacri

Sacri Montis pecuniam, collectam, & conservatam ad mutuandum indigentibus. Contra transgressores, in locis Romano Pontifici subiectis lata est excommunicatio Summo Pontifici reservata in const. onerosa la 82. Pauli V. in Bullar. Cherub.

CAPUT XXV.

Prop. XLIII. & XLIV. ab

Innoc. XI. &c.

Detraçtio, & peccata linguæ.

I PROP. 43. *Quidni, non nisi veniale sit, detrahentis auctoritatem magnam sibi noxiam falso crimine elidere?*

PROP. 44. *Probabile est non peccare mortaliter, qui imponit falsum crimen alicui, ut suam iustitiam, & honorem defendat. Et si hoc non sit probabile, vix ulla erit opinio probabilis in Theologia.*

2 Authores propositionum, quicunque sint, voluerunt, nec mortaliter, nec contra iustitiam peccare, eum, qui, sive intra iudicium, falsum crimen falso testi, & accusatori ad defendendam suam vitam, sive extra iudicium, ad tuendam suam famam injusto detractori imponit, contra quos Inn. Decretum edidit; est nam certum in nullo casu esse licitum mendacium, utpotè intrinsecè, ac indispensabiliter malum ex dictis supra cap. 17. quod semper mortale est, quoties quis mentitur, & falsum dicit in materia gravi, sed, qui imponit falsum crimen alicui, quamvis falso testi, & detractori, in materia gravi falsum dicit, & mentitur, ergo mortaliter peccat; major est certa, nec revocari debet in dubium, ex dictis loco cit. minor etiam patet, quia imponens falsum crimen alicui, ipsum graviter damnificat, injustum damnum inferens in bonis famæ, & contra mentem loquitur. Tum quia, quilibet habet jus ad

suam famam, & est suæ famæ Dominus, ergo absque injuria non potest invitus privari, ergo, qui ipsum infamat per impositionem criminis falsi, ei in re gravi injuriam facit, ergo graviter peccat contra iustitiam, adeoque mortaliter, dum proximi famam lædit, quæ maximi momenti bonum est, & excellentius fortunæ bonis; ergo, quemadmodum mortaliter peccat, qui in his aliquem graviter damnificat, sic, qui proximum infamat; quod est ita certum, ut nec, post decretum Innocentii, oppositum sit probabile; ad quod attendat Confessarius, ne in excipiendis detractorum, & calumniantium Confessionibus erret: cui ad uberiores instructionem, quamplura alia, ad materiam detractionis, & contumeliæ pertinentia, ac de cæteris peccatis linguæ, subnecto.

3 Supponat I. Quod fama, est bona opinio plurium de vita, & moribus alterius; hanc habentes discuntur habere bonum nomen; ex quibus habetur, infamiam in mala opinione de moribus, & vita consistere.

4 II. Quod honor est testificatio externa excellentiæ alterius. Differt fama ab honore, quia illa consistit formaliter in iudicio, & interna opinione de bonitate, & virtute morali alterius; honor autem in externis signis, quibus protestamur aliquem æstimare, & excellentem esse: quod fit factis, ut genuflexione, corporis inclinatione, aperitione capitis, spontaneo famulatu, &c. vel verbis, ut, alterum honorificè appellare sapientem, magnificum, nobilem, &c.

5 III. Quod potest lædi honor, & non fama: si in occulto, nemine vidente, aliam impingis viro ingenuo, & honorato, vel nemine audiente, falsa crimina obiicis, vocando furem, spurium, plebeum, honorem lædis, quia ipsum contemnis, & non famam, cum nullus ex eo malam opinionem de illo

concipiat. Potest quis aliquem honorare, & de illo malam famam, & opinionem habere: sic plures Principes, & viri honorantur, qui apud honorantes ob crimina, & perditos mores bonum nomen non habent.

6 V. Quod contra honorem, & famam sunt duo præcipua peccata, oris, & linguæ: detractio, & contumelia: detractio lædit famam proximi, eam occultæ, & in absentia denigrando, & minuendo; contumelia verò honorem in præsentia aufert: unde ex parte objecti essentialiter differre notavit Joan. De la Cruz *direct. conf. 8. præcept. quæst. 2. de detract. num. 1.* sicuti differunt honor, & fama. Contumeliam esse peccatum gravius detractio in Confessione explicandum, dixit Quilici *Confess. manud. q. 7. art. 2. nu. 25.* nam certè per contumeliam major injuria proximo injuriato inferitur.

Verùm, etiam in præsentia potest fama denigrari, ut, si alicui, pluribus audientibus, occultum vitium obiicias, & tunc, tam famam, quàm honorem lædis, cum onere restituendi utrumque.

7 Quæritur, quid sit contumelia?

Resp. Cum contumelia significet contemptum, & dehonorationem proximi, definitur: *est injuria, qua quis lædit alterius honorem, factis, vel verbis in præsentia exhibitis, vel prolatis.* Tribus modis honor læditur: *verbo, scripto, & facto;* contumelia fit verbo, & est contumelia strictè, dum injuriosè alteri sua peccata obiicis, ex quorum notitia dehonatur, & contemnitur; ut, si Petrum voces furem, ebrium, mendacem; vel est convicium, ut si per contemptum obiicias alteri, id, quod in eo peccatum non est: ut, si voces Judæum, cæcum, gibbosum; seu improprium, ut, si alteri injuriosè exprobes beneficia, quæ tui ipsi contulisti.

Contumelia fit *scripto*, per eos, qui famosos Libellos componunt: est Libel-

lus famosus ex Ameno de *pen. tit. 5. §. 5. num. 2. scriptura alicujus, occultam infamiam continens, publicata, ut nescientibus innotescat;* & censetur famosus, licèt in eo publicetur crimen verum, modò sit occultum; nam semper honor, & fama alterius læditur: Authores, & Compositores Libellorum gravissimè peccant contra justitiam, quemadmodum, qui eos inveniunt, scientes esse famosos, non lacerantes, sed manifestantes, ut observat Layman; sed non sunt de facto excommunicati in Bulla B. Pii V. *Romani*, & Greg. XIII. *ea est*, sub Anno 1572. ut incautè quidam scripserunt; quod ex Bullar. Cherub. est manifestum; qui etiam voluerunt componentes præfatos contra Ord. Prædicat. & Minor. ligari excommunicatione Papæ reservata ex Const. *ex alto* Alex. IV. cum tamen Pontifex disponat solum, contra eos, qui non lacerabant libellum, tunc temporis contra præfatos Ordines editum.

Facto tandem fit contumelia, ut si percutias aliquem Chiroteca, vel alapa, & arundine, ut ostendas eum parum æstimare, vel aliis signis ipsum contemnere significes.

8 Quæritur, an contumelia sit ex suo genere peccatum mortale?

Resp. Affirmativè, quia proximum lædit in honore, qui est bonum præstantius divitiis, & ideo est gravius furto, *cit. De la Cruz de contumel. conc. 3.* Est ex suo genere mortale, lædens justitiam, sine qua non potest servari charitas cum proximo, cum charitas velit proximo bonum, calumnia verò auferat illud honoris. Materia gravis, per se sufficiens ad peccatum mortale in contumelia est exprobrare alicui crimen mortale: quia nullus est, qui per similitum exprobrationem graviter non offendatur; per accidens autem, potest etiam esse defexus venialiter peccamentosus, vel solummodò naturalis; nam esse potest, alicui, ob suam dignitatem, & conditio-

tionem personæ, ut si sit Prælati, Confiliator, &c. tam displiceat exprobratio defectus naturalis; ut quod sit illegitimus: vel solum venialiter malus, ut si affirmes cum sæpè, quamvis non in re gravi, mentiri; a homini plebejo, militi, &c. displicet, si obiiciatur defectus mortaliter peccaminosus, ut accubuisse cum meretrice, blasphemasse, &c.

Potest tamen à mortali excusari, vel per inadvertentiam, vel ex levi injuria, ut si materia, de qua loqueris, non sit gravis, nec graviter contumeliosa.

Notat Marchant. regulariter non esse mortale dicere de aliquo esse superbum, avarum, iracundum, &c. quia ordinariè hæc non accipiuntur, ut sonent peccata mortalia, sed, ut denotent naturalem inclinationem; verum ex circumstantia, tam personæ, de qua dicuntur, quam audientium, qui possunt ea accipere pro gravibus vitiis, possunt esse mortifera; ideo quisque cautus esse debet.

9 Quæritur, quid sit detraçtio?

Resp. Est iniusta ablatio, seu denigratio famæ alterius, absenti; Et ex suo genere mortale, quia per eam læditur proximus in fama, quæ est pretiosior cunctis opibus; sive loquamur de detraçtione formali, qua defectus alterius publicantur cum intentione explicita infamandi; sive de materiali, qua quis defectus proximi manifestat, sed non cum formali, & explicita intentione nocendi, sed ex quadam loquacitate, & malo habitu; nam saltem animus virtualiter nocendi habet, cum manifestet ea, quæ ex sua natura possunt infamare; verum in primo casu est gravius peccatum. Ex levitate materiæ, & perfecta advertentia potest esse veniale; levitas materiæ relinquitur consideranda prudentiæ Confessarii, quam debet desumere vel à qualitate personæ, cui detrahitur: vel an, quod de eo dicitur, sit parum, vel multum nocivum: vel ex qualitate Sermonis, ut, si

crimen, vel defectus sit levis. Layman cit. cap. 3. Quilici num. 35. Marchant res. fol. pastor. cap. 8. circa 8. præcept.

10 Quæritur, quot modis soleat crimen detraçtionis committi?

Resp. Duobus, directè, & indirectè: directè quatuor modis contingit. 1. Si falsum crimen alteri imponas. 2. Si verum crimen falsis circumstantiis aggravas. 3. Si crimen verum, sed occultum, publices. 4. Si opus ex se bonum, mala intentione factum affirmes; quod si sine fundamento judices, etiam iudicium temerarium facis, & dupliciter peccas.

Indirectè verò accidit. 1. Dum affirmas Petrum, v.g. non fecisse opus bonum, quod revera fecit. 2. Si malitiosè alterius bonum taceas, quando teneris revelare: ut, si aliis Petrum laudantibus, subiicias, ego taceo: vel frontem contrabas, aut humeros constringas. 3. Si alterius virtutes minuas, aut frigide laudes.

11 Quæritur, an peccet peccato mortali detraçtionis, qui ab inquirentibus informari de persona Petri interrogatus: an cognoscat Petrum, affirmat, sed statim subdit, ego de eo volo tacere, relinquamus ipsum: vel, est optimus vir, sed....: illa est honesta scemina, sed....?

Resp. Affirmativè; nam est detraçtio, & mortalis, ex Quilici num. 35. sic enim respondens operatur, ut audientes bonam opinionem erga Petrum, & faminam illam deponant, vel suspicionem concipiant.

12 Quæritur, an sit mortale revelare sine rationabili, & urgenti causa viro prudenti, de quo presumitur non publicaturum, verum crimen occultum, Franciscum, v.g. commississe adulterium cum Berta?

Resp. Aliqui apud Poncium disput. 52. qu. 8. an. 41. & Layman cit. cap. 3. nu. 6. dixerunt non peccare mortaliter, qui lædit famam alterius apud unum virum pru-

prudentem tantum, qui non publicaret defectum significatum aliis: maxime, si ex levitate, vel loquacitate occultum crimen revelaret, ut alii docuere apud Anton. à Spiritu Sancto *director. Confess. tract. 11. de detract. sect. 6.* Quorum opinio in praxi tuta, nec probabilis admittitur; nam certe Francisco graviter displiceret, quod prudens ille vir defectum ipsius sciret: viri enim cordati pluris æstimant habere bonum nomen apud virum gravem, quam apud multos vulgares. Ilung. *tract. 4. disp. 3. qu. 3. §. 1. num. 105.*

Addo, quod, si id liceret, posset occultissimum crimen paulatim fieri publicum apud multos; nam, si licet uni crimen occultum proximi revelare, huic etiam licebit alteri aperire, & sic deinceps: cum non sit assignandum cur, si mihi liceat tibi viro prudenti revelare adulterium Francisci, tibi non sit permissum alteri, itidem viro probo aperire, & isti alteri. Poncius, Layman, & Anton. à Spiritu Sancto, & apud eos plures.

Ex quibus sequitur, quod non possit uxor cum marito loqui de peccatis occultis filiorum, aut famulorum: nisi aliàs non sit spes, quod moniti emendentur; nam tunc in emendam, & correctionem id efficere licebit, ut cum Bonacc. idem à Spiritu Sancto, & De la Cruz *dub. 3.* ratio est, quia maximum bonum est esse bonæ æstimationis apud illos, cum quibus conversamur, & conjunctionem aliquam habemus, qui possunt juvare, vel nobis nocere. Lege D. Thom. 2.2. *qu. 144. art. 3.*

Causa verò rationabilis, & urgens revelandi esse potest, ad impediendum grave malum alterius, ad petendum consilium, vel cum prudenter judicatur id esse expediens bono particulari, & magis publico; ratio est, quia nemo per Marchant. jus habet tuendæ suæ famæ cum gravi damno alterius; verum semper id est exequendum cum minori dam-

no, quo potest, & non ex malo animo: nec ex affectu vindictæ; nec exequendum in casu, quo manifestatio non esset conduens ad damnum impediendum: ita DD. concedunt posse te, amico interroganti super qualitatibus Francisci, quem tu noscis esse furem, dicere, ne eum in famulum recipiat; & quem scis esse imperitum Medicum, Advocatum, & Artificem, manifestare iis, qui à te consilium petunt, & quibus ex eorum imperitiis damnum notabile obvenire potest: legendus Quilici *num. 36.* Marchant. & Rotarius *part. 2. cap. 8. sect. 3. num. 8. apparat. Theol.* De manifestatione hereticorum diximus *lib. 1. cap. 4.*

13 Sed quæritur, *hac Dominicus Confessario aperit*: sum deputatus à Ministris Societatis SS. Annunciatæ, ut diligenter, & fideliter sumam informationes super vita, & honestate puellarum, quæ sunt admittendæ ad dotem, juxta solitum à Societate conferendam: sum certus, quod Francisca non sit Virgo, quia eam ego cognovi: quomodo me gerere debeo? Si eam manifesto, occultum crimen revelo, ipsam infamo, & sum causa illius damni: si taceo, partes meas juxta commissionem non impleo, & sum causa, cur alia virgo dotem non obtineat; *peto instrui, ne errem?*

Resp. Si à Parocho, & iis, quos super vita, & moribus puellæ interrogas, habes testimonium sufficiens, probans ipsam esse bonæ famæ, & in vicinia bonum nomen habere, id debes Ministris referre, & tunc censeris diligenter tuo officio satisfecisse; nam aliud onus tibi non fuit impositum, quam, ut fideliter inquireres, & referres, an puellæ dotibus ascriptæ essent bonæ famæ, & nominis; hujusmodi autem, ex stupro occulto cum te commisso, æstimationem propriam non amisit; nam, eo non obstante, ab omnibus habetur ut virgo, & est boni nominis: ideo nulli alteri injuriam facis, dum refers esse bonæ famæ, & nominis, quia talis est.

13 Quæritur, *an peccet mortaliter, qui de publicè infami propter adulterium, aliud crimen occultum revelat, ut esse furem, homicidam, &c.*

Resp. Affirmativè; ratio est, quia infamis in uno genere vitii, non propterea amittit jus, & famam, quam habet in aliis virtutibus, ideò ea sine gravi injuria spoliari, nec potest, nec debet; quin immò infamans contra justitiam peccat; potest enim quis esse, & teneri, ut adulter, non verò, tamquam fur, consequenter habere bonum nomen quoad secundum, non quoad primum, & ideò, si sit occultus, manifestari non potest.

14 Sed quid, *si publicus adulter per emendationem iterum recuperaverit famam?*

Resp. Non potest ipse crimen apud immemores, vel ignorantes detegi, & quatenus propaleat, delinquitur contra justitiam, cum per emendationem verum jus acquisiverit ad suam famam. Sicut malis moribus infamia facti contrahitur, & bona fama amittitur; ita contrariis bonis moribus infamia facti aboletur, & bona fama recuperatur. Layman nu. 8. Marchant. & Quilici nu. 35.

15 Sed quæritur, *Petrus hic Roma fuit tamquam fur suffigatus, & in exilium actus, petitur, an liceat id patefacere Florentiæ, ubi ignoratur; quod est idem, ac querere, an crimen proximi publicum in aliqua Civitate possit sine peccato alibi manifestari, ubi ignotum est?*

Resp. Affirmat Layman nu. 8. Quilici num. 35. De la Cruz conc. 2. dub. 3. citat. à Spiritu Sancto sess. 7. & Illung. num. 107. ratio est, quia per sententiam Judicis est sic fama spoliatus, ut in ultionem criminis, & partem supplicii, sit unicuique facta facultas ab Judice illud publicandi. Sicut si alterius bona permittat publicæ direptioni, potest quis ea diripere, quin injuriæ reo inferatur; potest tamen in eo peccari contra charitatem, si, ubi mansurum erat oc-

Mattheucci Cautela Confessi,

cultum, ex odio, & malo animo publicetur; item contra justitiam, si manifestetur, postquam reus emendatus bonum nomē recuperavit in loco, in quo habitat.

16 Sed quid, *si crimen sit publicum in uno loco, non Judicis sententia damnatum?*

Resp. Peccat contra justitiam, qui ipsum in alio loco, ubi non est notum, manifestat: ita mulier, quæ Florentiæ adulterium commisit, dum hic Romæ honestè vivit, habet jus retinendi suam famam, quæ per Judicis sententiam spoliata non fuit.

17 Sed quid, *si multi ejusdem Civitatis crimen sciunt, an possint alii manifestare?*

Resp. Vel illi cognitionem habuerunt de illo crimine ex injusta publicitate, à detractione proveniente, & tunc contra justitiam peccant aliis revelando; vel habuerunt ex publicitate justæ sententiæ, & tunc patet ex supradictis; vel quia crimen fuit publicè, & coram multitudine patratum: & tunc, quia crimen notorium censetur, & publicum, ac delinquens, factio ipso infamis, præsumitur suæ famæ cessisse, & non posse esse rationabiliter invitatus; ideò id aliis revelans non censetur contra justitiam peccare, licet possit contra charitatem, si ex malo animo, vel cum sensu revelationis. Quilici nu. 35. Propter quod excusantur Historici, dum delinquentium notitiam ad posterum transmittunt: præsertim loquendo de criminosis publicis, quorum notitia expedit bono communi.

18 Quæritur, *in quod detraçtio distinguitur à murmuratione?*

Resp. In hoc, quòd detraçtio vel proximo imponit crimen falsum, vel verum occultum detegit; murmuratio verò confabulatur de factis publicis, & de iis etiam, quæ possent in bonam partem sumi, vertendo ea in malam partem, exaggerando rem ultra meritum causæ, ponderando subtiliter circumstantias, ex quibus omnibus persona aliqua denigratur in suo honore, & fama; & est læ-

D d thale,

thale, vel veniale, prout ex hac gravis, vel minor injuria proximo fit. Rotarius num. 15. verum pro eodem sæpè sumuntur.

19 Quæritur, *an audiens detractionem peccet?*

Resp. Affirmativè. I. si ita audit, ut inducat, vel excitet, etiam paratum, ad detrahendum, vel ad incæptam detractionem continuandam, sive interrogando, juvando, laudando, approbando, non corrigendo, dum possit, & debet: & peccat contra justitiam æque bene ac ipse detractor, quia est causa injusta damnificandi proximum in bono famæ: & contra charitatem peccato scandali, quatenus est causa ruinæ spiritualis infamantis, dum vel ad detrahendum excitat, vel ad prosequendum animat: & ad restitutionem famæ tenetur, si principalis non restituat.

II. Si audiens, detractorem non induxit, sed lætatur, & sibi complacet in detractione, peccat peccato odii contra charitatem, quatenus de malo alterius lætatur. Layman *cit. nu. 14.*

III. Si eum non induxit, neque movit ad detrahendum, & cum possit, non impedit, nec redarguit expressè, sive tacitè, discedendo, aut avertendo sermonem, vel tristem se præbendo, peccat contra charitatem, quæ obligat ad impediendum malum proximi, cum potest.

IV. Peccant semper contra justitiam Superiores, cum subditum detrahentem non corrigunt.

V. Excusatur à mortali, qui ex reverentia debita Superiori, rationabili timore gravioris mali, vel spe non reportandi fructum, detrahentem, vel non impedit, aut non relinquit; sed tunc debet sibi detraçtio displicere, detractori non credere: & animadvertere, quod loquaces sæpè falsa dicunt, & referunt; item, si audiat ad consilium, vel remedium præbendum; item si parva sit detraçtio; legendi Layman. Quilici, Il-fung. & Marchant. *cit.*

20 Sed quid, *si ex curiositate, quis alterius defectus, & mores inquirat?*

Resp. Peccat mortaliter, quia nemo jus habet sine iusta, & rationabili causa inquirendi de vita, & moribus proximi. Excusantur Superiores, quibus id ex officio incumbit, vel cum id necessarium est ad admittendum aliquem ad Religionem, ad Matrimonium, vel ad aliud Officium, aut beneficium: sed tunc non ex curiositate, sed iusta, & rationabili causa inquiritur: & si ex curiositate audias, peccas contra charitatem.

21 Quæritur, *quomodo se gerere debet Confessarius cum penitente se accusante de peccato detractionis?*

Resp. I. Interroget, an fuerit audiens, vel detractor; Si audiens: an detractionem induxerit, &c. & tunc peccasse contra justitiam, & charitatem pronunciet: si verò solum in detractione sibi complacuerit, vel discursum non interrupit, aut non fugerit, dum poterat, contra charitatem. Si detractor: inquirat de numero virorum, & personarum, quibus detraxerit, & coram quibus: quia tunc tot peccata contra justitiam commisit, quot personas in fama damnificavit: & tot peccata scandali. Si de una integra familia, vel Religione sit oblocutus, id exprimere tenetur, etsi nesciat numerum personarum aperire: quamvis intenderet solum de aliquibus unius familiæ obloqui; nam audiens, eos ab aliis nescit distinguere, & ideo omnes infamat. Ameno de pænis.

II. Interroget, an detractione impo-suerit falsum crimen: an verum, sed occultum revelaverit: vel de publicis, cum scientibus sit locutus. Si primo modo peccavit triplici peccato. 1. Mendacii perniciosi. 2. Contra Justitiam, & 3. Peccato scandali contra charitatem. Secundo modo contra Justitiam, & charitatem. Tertio modo contra charitatem; & ideo in Confessione est semper aperiendum, an primo, vel secundo, aut tertio modo detraxerit. Specificanda est spe.

species infamæ (vel contumeliæ) ut, si de aliquo, etiam eodem impetu, dixerit esse furem, Sodomitam, Judæum, Sortilegum, &c. nam hæc convicia in genere moris, & quoad vim lædendi famam, & inferendi nocumentum specie distinguuntur; cum dubium non sit, quin apud prudentes pejoris nominis, majorisque malitiæ reputetur Hæreticus, quam fur; Sodomita, quam simplex fornicarius; unde vocans aliquem Hæreticum magis ipsum infamat, & magis potest ipsum nocere, quam si vocet furem, ergo magis famam lædit, immò tollit famam diversæ speciei moralis, ergo, si simul revellet esse Hæreticum, furem, & Sodomitam tria peccata specie, & numero distincta committit. Poncius *disp. 46. qu. 7. nu. 74.* Anr. à Spiritu Sancto *tr. 5. disp. 9. sect. 1. de sacr. pœnit. nu. 659.*

22 Sed quaeritur, *pœnitens petit instrui de modo restituendi famam, & honorem, ad quod scit ex iustitia obligari, quid est ei Confessarius dicturus?*

Resp. I. Quod si honorem alterius coram aliis lædit, debet coram illis debitam reverentiam exhibere, antecederet salutando, invitando ad mensam, cum visitando, conversando, &c. vel veniam petendo, vel alio simili modo arbitrio prudentis; si verò privatim, nullo audiente contumeliā irrogaverit, v. g. per injuriam, spurium vocando, & ad aliorum notitiam non pervenerit, tenetur ab ipso, se reum cognoscens, veniam petere, & animum offensum sibi reconciliare.

II. Si infamavit imponendo falsum crimen, tenetur se retractare coram illis, qui eum detrabere audierunt, per mediatamefficacia ad restituendam famam, qualia fuerunt ea, quibus innocentem in fama damnificavit: dicendo *se esse mentitum*, & addendo, si opus sit, juramentum, ut audientes credant crimen impositum fuisse falsum.

23 Sed quaeritur, *an restitutio fit facienda solum coram illis, à quibus audi-*

tus fuit detrabere, vel, etiam coram aliis, ad quos detractio pervenit?

Resp. Cum Mastr. *T. theol. moral. disp. 8. qu. 3. art. 2. num. 60.* vel personis, coram quibus detraxit, secretò id dixit, & alias cognoscebat eas talis esse naturæ, ut secretum non essent divulgaturæ: vel, nec sub secreto, neque talibus personis manifestavit; si primum, fatebitur, ut coram personis immediatis se retractet; si secundum, restitutio est facienda coram omnibus, & singulis, malè opinantibus de injustè infamato, quia totum subsequens damnum infamæ ab injusta detrahentis detractio, & injuria procedit: unde sæpe expedit operari, ut retractatio publicetur.

Si infamavit revelando crimen verum, sed occultum, tenetur ad restitutionem famæ, & abolendam malam opinionem, in quantum potest: nunquam tamen mentiendo; ideò Confessarius non debet obligare, vel suadere, ut dicat, *quod dixi, non est verum*, quia mendacium malum est ab intrinseco; sed restituet utendo verbis non continentibus mendacium; *ut imprudenter sum locutus absque debita advertentia, & informatione, fatue, & insipienter, ideò ne credatis: & si credideritis malum, quod dixi, sciatis vos imprudentes esse*; vel laudet infamatum, & honorificè de eo loquatur, ubi datur occasio; aut simili alio modo expressè, vel implicite, quantum in se est, aboleat opinionem inalam, quam ingessit.

24 Sed quid, *si retulisset occulta peccata alterius absque asseveratione, & dubitanter?*

Resp. Tenetur ad restitutionem: si nartet Sortilegia, Hæreses, & similia, quorum mera suspicio famam multum denigrat; vel persona, de qua narratur, sit ita venerabilis, & digna, ut sola suspicio gravis criminis eam valde diffamet; etiamsi, narratio contingat apud personas, de quibus verisimile est, quod non credant; nam tunc saltem contra

charitatem referens peccat; & contra iustitiam, si audivisse testetur à magnæ autoritatis viro, qui, ut verax habetur: abstinendum est itaque à simili referendi modo. Rotar. nu.8. & alleg. à Spiritu Sancto *sect.6.*

25 Sed quid, *si quis detraxerit viro defuncto?*

Resp. Si detractio defuncti redundet in infamiam familiæ, & hæredum viventium, est illis fama læsa resarcienda; si verò solum dehonoretur, vel infametur defunctus, hic est compensandus eodem modo, ac si viveret. Rotarius cit. num.17. Alleg. à Spiritu Sancto dixit peccare mortaliter Historicos occulta aliquorum in suis Historiis notantes, quamquam illi, de quibus scribunt, jam sint defuncti.

26 Quæritur, *an infamatus licitè possit condonare restitutionem famæ?*

Resp. Alii negant, quia nullus est Dominus suæ vitæ, & famæ: & sicut nullus potest se occidere, sic nec donare, quod suum non est; & ex eo probant, nullum posse infamare se ipsum; quod sequitur, si quis restituendæ famæ obligationem condonet, & remittat. Alii ex opposito affirmant, ex quo homo sit Dominus suæ famæ, & aliorum bonorum, quæ, propria industria, acquiruntur; nam est præmium virtutis, quod propriis meritis respondet; & confirmant exemplo D. Augustini in suis Confessionibus, & aliorum Sanctorum, qui ex motivo humilitatis propriam famam, & honorem contempserunt. Cum istis dicendum, hominem ex iusta, & rationabili causa, & cum non sequitur scandalum, vel motivum peccandi: aut alijs nec spiritualiter, nec temporaliter hæc, posse suam famam spernere, & alijs obligationem restitutionis condonare; nam nulli injuriam facit. De la Cruz 1. præcep. qu.7. art.2. dub.7. Ubi observat hominem privatum, licet non peccet mortaliter contra iustitiam se infamando, vel condonando famæ restitutionem,

peccare tamen ex genere contra charitatem, cum exponat se periculo peccandi amissa verecundia.

Verum, cum infamia redundat in alios, filios, fratres, subditos, vel Monasterium, peccat, qui condonat. Ideo Prælati contra iustitiam peccat condonando famam, sicut, si se infamet de peccatis redundantibus in subditos, ut Sodomia, hæresi, &c. quia tunc læditur fama subditorum. Quilicini.48.

27 Quæritur, *Franciscus per errorem inculpabilem, Petro detrahendo crimen falsum imposuit, & postea cognoscit se falsum dixisse: tenetur ne famam restituere?*

Resp. Tenetur, quia revera ipsum damificavit: sicut, qui bona fide rem alienam possidet, cum postea reperit alienam esse, si apud se extet, tenetur restituere.

28 Sed quid etiam, *si Franciscus Petrum, & contra Petrus infamaverit Franciscum?*

Resp. Quidam dixerunt unum non teneri famam alteri restituere, si æqualiter sint læsi: vel solum in excessu, si unus alium plus offendit; sed non sunt audiendi; nam infamatio unius non est medium, nec satisfactio pro fama alterius, ideò in utroque est restitutionis obligatio.

29 Quæritur, *an non modò fama sit infamato restituenda, verum etiam compensanda damna, quæ ex illa sequuntur?*

Resp. Affirmativè; ratio est, quia revera infamans fuit injusta causa damni sequuti; ideò, si occultum Petri crimen revelas, ob quod officio privatur, teneris ad compensandum damnum, quod ipse ex taliprivatione reportat: si alter ultimo supplicio est puniendus ob crimen falsò à te impositum, debes te Judici præsentare, ut eum liberes, etiam si tu es esles, & propterea suspendendus; vel ad minus operari, & rem aperire, ut ille non damnetur; & in casu mortis illius hæredibus resarcire damnum, cujus causa

causa reputaris; qui non modò contra te actionem habent, verùm etiam adversus tuos hæredes, ad quos tua bona descendunt, ex quibus iusta compensatio esteis facienda. Layman *citat. art. 7. num. 4.*

30 Quæritur, *quomodo, qui detraxit alteri libello famoso, debeat restituere?*

Resp. Contrariis publicis scriptis, servata proportionem ad superius dicta n. 23.

31 Quæritur, *Cajus coram multis detraxit Bertæ, sed quia postea verecundatur in se retractando, nocte affixit libellis in locis publicis Civitatis, ex motivo exonerandi conscientiam, famam restituit; petitur, an satisfecerit obligationi de fama restituenda?*

Resp. Negativè: hic non servatur æqualitas, prout requirit iustitia commutativa: nam fama fuit ablata per certum detractorem, sed per certum non restituitur; nam incertum est, à quo fuerint folia affixa, an à Cajo, an ab alio, & an fuerint potius libelli contra ipsam Bertam; immò videtur Cajus novo peccato detractiois peccare (nisi bona fides, inadvertentia, vel simplicitas excusaret) quia renovavit detractio- nem, etiam apud eos, qui factum ignorabant. Propterea, quia fama fuit ore per certum detractorem apud tales audientes læsa, ore apud eosdem debet restitui, & si sint absentes per epistolas, proprio nomine signatas.

32 Quæritur, *Petrus est morti proximus, confitetur, se infamasse Religiosum, Confessarius instat, ut se retractet coram astantibus, ut Religioso famam restituat: pœnitens respondet velle se retractare coram Notario, hac lege, ut scriptura per ipsum rogata, legatur post ejus mortem; quia non vult vivens pati verecundiam, conceptam ex publica retractatione à se facta, nec ut mendax vult haberi: petitur, an possit absolvi?*

Matthæucci Cautela Confess.

Resp. Negativè; nam indispositus est sine vero proposito restituendi famam: cum verum propositum non præsumatur in eo, qui potens actu peccatum relinquere, non actu relinquit, sed vult in futuro; aliàs posset, etiam absolvi infirmus, potens concubinam à domo eiicere, & non eiiciens, ne ingratus appareat, sed relinquens onus, ut ab hæredibus expellatur; quod nullus prudens dixerit: utque enim est in occasione proxima. Tum quia, si supervixerit, famam non restituet propter verecundiam, & ne mendax æstimetur, ergo propositum est solum sub conditione, ergo non est efficax. Debet esse resolutio communis contra Anton. à Spiritu Sancto *in direct. Confess. tract. 5. disp. 3. sect. 11. n. 167. de sacr. pœnit.*

33 Quæritur, *an dentur cause excusantes à fama restitutione.*

Resp. Affirmativè, sic DD. communiter. I. Excusaris per condonationem; si nimirum diffamatus cedat juri suo.

II. Si infamia abiit in oblivionem; quia per restitutionem potius renovaretur suspicio criminis; sed quia non potest dari certitudo, quòd in oblivionem abierit, ideò regulariter infamans tenetur ad restitutionem.

III. Cum fama jam est facto recuperata.

IV. Cum non posset restitui absque vitæ periculo; ratio est, quia est ordo inter bona: alia enim sunt *bona animæ, alia vitæ, seu Corporis, alia fame, & bonoris, & alia fortune*: pretiosiora autem sunt bona animæ quàm vitæ; vitæ quàm fame; & fame quàm fortune, ideò nullus tenetur restituere bona vitæ cum damno animæ, nec bona fame cum damno vitæ; nec bona fortune cum damno fame; ratio est, quia in restitutione debet servari æqualitas, & cum pretiosior sit anima quàm vita, & vita quàm fama, & fama quàm divitiæ, ideò &c. sic *cit. à Spiritu Sancto tract. 11. disp. 3. sect. 3.*

34 Nota i. differentiam inter *surratorem*, *detractorem*, *contumeliam*, *derisionem*, *seu irrisorem*; Calumniator serio intendit ledere honorem proximi: Detractor famam denigrare: Surrator amicitiam tollere: & Irrisor, joco pudorem, & verecundiam causare; unde surrator est *oblocutio ad amicitiam tollendam inter aliquos*. Est ex suo genere mortale, cum tendat ad nocendum proximo, tollendo amicum: & gravior contumelia, ac detractio, quia tollit amicitiam, quæ est bonum prestantius fama, cum hæc ad amicitiam disponat. Hinc graviter peccant contra justitiam, qui inter consanguineos, & amicos rixas suis verbis ponunt, quia amicus jus habet, ne fraude, & modis illicitis privetur bono amicitie; & sæpe cum peccato contumeliæ, & detractiois conjungitur. Fit veniale vex inadvertentia, aut ex parvitate materie, si nimirum parum minuat de amicitia.

35 Irrisio, vel derisio est *verborum ludus ex proximi defectibus, ut erubescat, & confundatur*. Quod si fiat signis, dicitur subfannatio: pro fine habet erubescere, & confusionem in proximo: est ex suo genere mortale contra justitiam; quia, sicut proximus jus habet, ne dehonoretur, nec infametur, sic ius retinet, ne confundatur, & contristetur; unde, si proximus graviter contristetur, & erubescat propter crimen ei per jocum, vel derisum obiectum, Derisor mortaliter peccat; si derisio sit contra parentes est peccatum contra pietatem: si contra res Sacras, contra Religionem.

36 Quæritur, *an ex joco deridere res sacras, & ceremonias Ecclesiasticas, sacra, vel dicta Sanctorum, scurriliter Sacram Scripturam citare, sit peccatum lathale?*

Resp. Affirmative, est sacrilegium profanativum rei venerabilis. Rotarius *sect. 4. num. 2.* nec datur parvitas materie; quemadmodum peccatum gravil-

simum est, si quis omittat invocare nomen *Jesu*, vel genuflectere coram Imagine Crucifixi, ex quo sibi displicet, quod id tendat in gloriam Dei: & dicitur esse peccatum acedia; quatenus tristatur de opere laborioso, quia bonum opus est, tendens in gloriam Dei.

37 Sed quid, *an mortale sit deridere aliquem ex joco leviter, & gratia recreationis, ut, quod collum contorqueat, vel alium similem defectum habeat?*

Resp. Si derisio ista sit sine verbis pungentibus, & non prævideatur irrisus graviter offendendus, grave peccatum non est. Si vero irrisor prævidet gravissimam proximi contritionem, & erubescere, vel, quia scit, quod similia ei displicent, vel, quia aliis ab eo fuit monitus, ut desisteret, non excusatur à mortali à Bonaccina apud Quilici *num. 3.* Super quo sunt à Confessario penitens examinandi.

38 Quæritur, *quid sit maledictio?*

Resp. Pro ut hic sumitur, est idem, ac verbis precari, seu optare malum alteri: & est duplex, *formalis, & materialis*. Formalis est, dum malum ex corde desideratur: est ex suo genere peccatum mortale, quia procedit ex odio interno, & charitati proximi directe repugnat; graviusque peccatum est, quando strictius tenemur, personam, cui maledicimus, diligere; potest esse veniale aut ex parvitate materie, aut ex inadvertentia, & ex non pleno consensu: propter quod sæpe à mortali excusantur parentes propter maledicta in filios.

39 Materialis est, cum malum non desideratur ex corde, sed tantum ore profertur, & sine intentione nocendi: est ex suo genere tantum veniale, quia deest intentio, & nocumentum non infertur; potest tamen fieri mortale ratione scandali: ut si Prælatum subditus in faciem maledicat, vel filius parentes, ob gravem irreverentiam, & propter injuriam, quæ proximo fit.

40 Quæritur, *an maledicere creaturis*

*turis irrationabilibus fit peccatum
lethale?*

Resp. Affirmativè, si considerentur, ut sunt creaturæ Dei: & est blasphemia, quatenus illa maledictio redundat in Deum. Si considerentur, ut sunt aliquid proximi, est peccatum mortale contra charitatem: sic mortaliter peccat, qui ex animò vellet perire bestias inimici. Si verò considerentur, quatenus creaturæ irrationales præcisè, est veniale; & nullum, quatenus sunt nobis causa alicujus mali, & incommodi: id enim est magis maledicere ipsi incommodo, quàm creaturis, ut pereat dies, in qua natus sum. Quilici qu. 15. art. 2. num. 10.

41 Quæritur, an, qui unico actu integra familia maledicit, tot peccata committat, quot sunt personæ?

Resp. Affirmativè, ratio est, quia licet verbum sit unum, realiter terminatur ad diversas personas, & correspondet diversis, & pluribus, saltem virtualiter actibus internis voluntatis, quibus vult malum singulis personis ex illa familia. Vide lib. 1. cap. 17. nu. 10.

Itaque Penitentes in Confessione debent explicare. 1. Malum, quod optant, si est malum vitæ, famæ, vel fortunæ, 2. Quibus optant, quia si sunt parentes, vel filii, est peccatum etiam contra pietatem. 3. Quot sint personæ, quibus optant. 4. Quoties optarunt. 5. Quibus, & quoties fuerunt scandalo; & Confessarius interroget etiam, an sint in eo habituati, & ex consuetudine similia mala imprecantur.

Adulatio etiam est peccatum linguæ, dum mendacium includit; quod evenit, cum id, de quo quis laudatur, in eo non est; & est mortale, cum adulatione fit, ut adulatus in peccatum prorumpat. De aliis peccatis linguæ vide dicta in superioribus capitibus.

CAPUT XXVI.

Prop. XLV. & XLVI.

ab Innoc. XIII. c.

Simonia.

1 **P**ROP. 45. *Dare temporale pro spirituali non est Simonia, quando temporale non datur tanquam pretium, sed dumtaxat tanquam motivum conferendi, vel efficiendi spirituale; vel etiam, quando temporale sit solum gratuita compensatio pro spirituali, aut è contra.*

PROP. 46. *Et id quoque locum habet, etiam si temporale sit principale motivum dandi spirituale; immò etiam si sit finis ipsius rei spiritualis, sic, ut illud pluri aestimetur, quàm res spiritualis.*

Satis opportunè occasione utriusque propositionis agitur hic de Simonia, de qua ipse in terminis loquuntur; cujus notitia est Confessario necessaria; nam fortè nulla est delicti species, quæ tot, tantisque difficultatibus sit implicata; & tam Confessariis ad ipsam distinguendam difficile, ideò, quæ scitu magis necessaria judicamus, breviter in examen reducemus.

1 Definitionem Simoniz videas lib. 1. cap. 8. §. 5. num. 75. & interea considera, quòd pecuniam itaque, aut quodvis aliud pecunia æstimabile dare, vel recipere non licet, nec pro Sacramentis, quæ sunt causa gratiæ (quæ est supra omne pretium, & cui repugnat, quòd gratis non detur) Nec pro spiritualibus actibus, ut sunt administratio Sacramentorum, usus Spiritualium donorum, divini verbi prædicatio, divinæ laudes, jurisdictionis Ecclesiasticæ usus, Religiosa Professio, &c. Nec pro his, quæ sunt spiritualibus adnexa: ut sunt Ecclesiastica beneficia, Juspatronatus, &c. ut diximus lib. 1. cap. 8. §. 2. Hæc enim omnia ejus generis sunt, de quibus

Dd 4 Chri-

Christus dixit Matth. 10. *gratis accipitis, gratis date.*

Quapropter nihil refert, an pecunia pro Beneficio, vel alia re spirituali promittatur, detur, vel accipiat, tamquam *pretium*, vel *incitamentum*, seu *motivum*, aut, ut *gratuita compensatione*; sed semper est simonia quocumque titulo detur, prout expresse ex decreto Innocentii.

3 Hinc patet, quod investus distinctiuncularum usus inventus fuit ad palliandas simonias. Siquidem, illis admisis, vix, nisi homines plumbei, simoniam committerent; nam quisque se excusaret, se non conferre pecuniam tamquam pretium, nec rem temporalem cum spirituali *tamquam pro equali commutare*; nec temporale pluris, vel tanti aestimare, quam ipsum spirituale; sed solum eam offerre, tamquam *motivum*, vel *gratuitam compensationem*. Ita Simon Magus responderet potuisset; se Apostolis obtulisse pecuniam. *Actor. 8.* non sub ratione formali *pretii*, sed tamquam *motivum*, quo eorum voluntates moveret ad conferendam sibi potestatem dandi Spiritum-Sanctum per manus impositionem. Nec ille erat sollicitus de modo, quo conferret, dummodo potestatem illam consequeretur. Nec D. Petrus eum reprehendit in hoc, quod voluerit pecuniam tamquam pretium dare, & pro equali cum potestate spirituali commutare, sed absolute dixit. *Pecunia tua tecum sit in perditionem: quoniam Donum Dei existimasti pecunia possideri ... cor enim tuum non est rectum coram Deo.* Atque ita, quod collatione pecunie per modum illiciti mementis, absque cogitatione pretii, vel expressa comparatione rei spiritualis cum temporali obtinetur, pecunia possidetur. Et circa res spirituales committitur simonia. De quo Natalis Alex. Theol. dogm. to. 2. lib. 2. cap. 7. art. 2. num. 5. Ad hæc itaque attendant Confessarii.

4 Adverte, quod simonia repugnat

Religioni, iustitiæ, & pietati: Religio violatur propter contemptum rerum spiritualium, quibus irrogatur injuria, cum pecunia aestimantur: *Nam quis non vile putat, quod venditur?* aiebat Hormisdas Papa *Epist. ad Episcopos Hispania cap. 2.* apud Gonzalez in 5. tit. 3. cap. 2. num. 16. Quæ enim commutantur, tantum valere existimantur, quantum ea, cum quibus commutantur; nulla autem valoris donorum spiritualium, quæ pretium omne excedunt, cum pecunia est proportio, nec emi, nec vendi possunt, quorum nullus est dominus, quantumvis ille, qui pretium dat, ea studiosè emere conetur, & procuret.

5 Violatur iustitia, tum Distributiva, quia turpi Beneficiorum, & Ordinationum hundinatione opulentiores in Sacerdotes ordinantur, & ad beneficia assumuntur; omisiss doctioribus, sanctioribus, & magis idoneis: Tum Commutativa, contra quam est pretio commutare, quod pretio commutari non potest; & vendere, & emere, quod gratis acceptum est, ea conditione, ut gratis detur.

6 Tandem violatur pietas; nam collatio rerum spiritualium medio pretio animos piorum offendit, & animos pauperum à Sacramentorum perceptione retrahit, ut *ibid.* Gonzalez, & d. Natalis num. 2.

7 Quæritur. *Franciscus muneribus fibi obligat familiarem Episcopi, hac lege, ut merita proprii filii commendet apud Prelatum, ut hac forma moveatur ad conferendum beneficium Ecclesiasticum, quod postea confertur, tam Episcopo, quam filio pactum ignorantibus: petitur, an Franciscus sit simoniacus.*

Resp. Affirmativè, quia revera hic ad est pretium pro re spirituali obtenta. Du-hamel tom. 2. Theol. moralis lib. 1. dissert. 5. cap. 4. nu. 5. & 12. in decalog. Cabalut. prax. jur. canon. lib. 5. cap. 3. num. 7. Ignorantia Episcopi, & filii operatur,

eos non peccasse, & non ligari pœnis la-
tis adversus simoniacos: sed non legiti-
mat actum, aliàs invalidum, *cap. de
regul. cap. ex insinuatione, cap. nobis hoc
tit. & provilus statim, habita notitia,*
tenetur beneficium dimittere D. Thom. 2.
2. qu. 100. art. 6. Fagnan. in 5. ad d. cap.
nobis num. 73. & 76. De simon. videas
cap. 35. nu. ult.

8 Sed. An debeat restituere fru-
ctus?

Resp. Tenetur restituere fructus ex-
tantes tempore scientiæ, sed non con-
sumptos ob bonam fidem. D. Thom. cit.
ad 3. Cabasut. & Fagnan. nu. 80. In quo
distinguitur ab eo, qui simoniace est
intrusus in beneficium, qui, cum ca-
reat vero, & putativo titulo, dicitur fur,
& invasor, *cap. Ordinationes 1. qu. 9.* Et
ideò semper est in mora restituendi, si-
cut fur; teneturque ad restitutionem om-
nium fructuum, etiam qui percipi po-
tuisse ad legitimam, & diligenti posses-
sore. D. Thom. cit. art. 1. ad 2. & Fagnan.
ibid. in cap. suos nu. 8.

9 Queritur, an Simoniam committat
Episcopus conferens beneficium suo fa-
mulari propter servitium, vel obse-
quium sibi præstitum?

Resp. Affirmativè; nam in casu in-
tervenit munus ab obsequio: tale enim
servitium est pecunia æstimabile, pro-
pter quod viri nobiles suis famulis exol-
vunt menstruum justum stipendium; hic
videtur esse virtualis venditio, & com-
mutatio beneficii pro obsequio tempo-
rali, ac, quod intentio immediata per
se, & primaria famuli, gratis Episcopo
servientis directæ sit ad acquisitionem be-
neficii, alliciendo Episcopum ad ipsum
conferendum propter exhibita, & exhi-
benda obsequia; &, quod Episcopus
primariò ad eum finem conducatur ejus-
deni servitiæ, & pro pretio locationis
obsequii, loco pecuniarii stipendii sub-
stituatur collationem beneficii; id totum
videtur haberi ex cap. & si quæstiones
de Simon. illis verb. quod autem scriptum

est beatus, qui excutit manus suas ab
omni munere, de illis donis dictum
est, qua accipientis animum allicere,
vel pervertere solent, Videndus Caba-
sut. cit. num. 11.

10 Pondera, alios famulos famulari
Prælati, ut beneficium accipiant, sine
stipendio: & alios ita, ut ipsorum famu-
latus, & obsequium æquali mercede pec-
uniaria compensetur; qui priori mo-
do obsequium exhibent, principaliter,
& per se intendunt allicere, & movere
suo obsequio animum Prælati ad con-
ferendum beneficium; ideò collatio si con-
tingat, est Simoniacæ. Si verò secundo
modo servitiæ præstentur, non censetur
exhiberi animo acquirendi benefi-
cium, vel movendi Prælatum, quia so-
lus famulatus æquali mercede compen-
satus, non allicit animum collatoris ad
conferendum beneficium: hinc, si alicui
æquali stipendio conducto, beneficium
conferat, quia occasione famulatus eum
dignum reperit, & utilem Ecclesiæ fore
judicat, gratis omninò, & purè libera-
liter conferre censetur. Carden. disert.
27. cap. 5. art. 3. Legendus Campion.
par. 2. instru. ad aud. Confess. cap. 37.
num. 2.

Unde sunt à Confessario instruendi
Aulici, qui, iusta mercede, Prælati fam-
ulantur cum aliqua spe obtinendi be-
neficium, vel pensionem, ut eam spem de-
ponant, quia periculosa res est, ut in-
tentio pervertatur, & principaliter exhi-
beatur obsequium, animo alliciendi Præ-
latum ad promovendum ad beneficium,
ac Simonia palliatur.

11 Queritur, an committat Simon-
iam, qui alterum sic alloquitur: si
mihi conferas, vel procures beneficium,
gratus tibi ero?

Resp. Affirmativè: hic enim palliatur
Simoniam, & gratuita compensatio, ex-
primitur; nam revera volo conferentem,
vel mediatorem movere, & allicere, ut
mihi ob lucrum titulo gratitudinis prom-
issum, conferat, vel procuret benefi-
cium;

cium; & ita adest verus contractus, dabo, si dabis, & equivalenter in contractum res spiritualis deducitur.

Propter quod, nec conferens potest beneficium conferre hac lege: *do tibi Canonicatum, ut sis mihi gratus: dabo tibi beneficium, sed nolle te esse mihi ingratus*; nam semper reperitur contractus, *do, ut des*, & quod temporale sit gratuita compensatio pro spirituali, quod & Innoc. reprobatur in 45. prop.

12 Quæritur, *an sine Simonia possim te presentare, vel tibi conferre, procurare, vel resignare beneficium Ecclesiasticum intentione, vel expresso pacto, quod tum tibi, vel meo nepoti, vel alteri designato, vel designando, postea resignabis, aut dabis alteri fructus beneficii, vel partem eorum, & pensionem solves?*

Solutionem videas lib. 1. cap. 8. §. 6. ubi egide confidentia beneficii, & §. 5. de simonia, ubi plura resoluta habentur.

13 Quæritur, *an Parocho, vel alteri Sacerdoti nolenti baptizare puerum morientem; nisi pecuniam recipiat, possim ego absque Simonia dare?*

Resp. DD. dividuntur; affirmant Pontius cit. conc. 1. num. 28. de la Cruz qu. 47. præcept. dub. 2. Antonius à S. S. S. de Simon. tract. 4. disp. 4. sect. 8. Layman. cit. 82. alios plures citantes, resolventes peccatum non esse dare pecuniam Sacerdoti nolenti infantem baptizare, vel absolvere adultum, de proximo morituros, nisi recipiat pecuniam, quam aliàs licite recipere non posset, modò non detur in pretium pro ipsa baptismatione, seu absolutione, quia ita emeretur Sacramentum, sed ad redimendam injustam vexationem, & injuriam, quæ eis irrogatur: vel, ut, earatione, alliciatur, moveatur, & molliatur avari Sacerdotis animus; supponunt ibi alium non esse, qui possit præfatos respectivè baptizare, & absolvere.

Negant D. Thomas 2. 2. qu. 100. art. 2. ad primum. Cajetanus ad eundem locum,

Sylvest. Paludanus, Aragonius apud eundem, Layman, Campionus cit. n. 13. Et horum sententiam veram censeo, & juxta Decretum Innoc. ac alteram sub damnatione comprehendere; quod probatur Innocentius damnat ut Simoniacum, dare temporale pro spirituali, quamvis non detur ut pretium, sed dumtaxat tamquam motivum conferendi, vel efficiendi spirituale; sed juxta Authores primæ sententiæ pecunia illi Sacerdoti conferretur, ad minus tamquam motivum conferendi baptismum, & absolutionem, ergo eorum opinio ab Innoc. damnatur.

Quia itaque dare pecuniam in dicto casu esset ad minus virtualiter, & equivalenter ex natura operis, & dationis, emere Sacramentum, & Dei donum (quod est intrinsecè malum, & prohibitum, contra illud *gratis accepistis, gratis date*) à nullo fine extrinseco potest honestari, & licitum reddi; semper enim hæc deformitas reperitur, quòd Dei donum gratis non detur, ac irreligiosè, & cum injuria res divina tractetur.

Hinc in praxi, & facti contingentia, debet quis se gerere eo modo, ac si non foret, qui puerum baptizaret; ex regula illa, quòd pro eodem reputantur non habere ministrum, ac non posse illum habere absque peccato: Verum, si Pater infantis posset tunc ipsum baptizare, deberet: si baptizandus esset adultus, & in periculo mortis, nullusque adestet, nisi qui exigeret pecuniam ad ipsum baptizandum, deberet suam salutem procurare baptismis flammis, & desiderii; quemadmodum per actum contritionis suam adultus moribundus, quem absolvere nolle Sacerdos, nisi recepta pecunia.

14 Sed quæritur, *an Pater posset ab eo Sacerdote aquam emere? supponitur, quòd non sit alia aqua, quam illa, quam habet præfatus Sacerdos.*

Resp. Affirmativè, ita D. Thomas ubi supra,

supra, firmans posse emi, quæ purum elementum corporale est; sed si pretium Sacerdos ille vellet augere, propter benedictionem aquæ, quæ sit in Sabatho Sancto, illicitum, & Simoniacum foret illam emere.

Pro materia itaque remota baptismi, potest pecunia dari, sicut datur pro pane, vino, & oleo, non vero pro materia proxima, ablutione nimirum.

15 Sed quæritur, an possit licitè vendi Calix consecratus?

Resp. Affirmativè, cap. Hoc ius portetum 10. qu. 2. modò prius frangatur, & pretium non augeatur ratione consecrationis, solaque materia æstimetur, non habita ratione benedictionis. Fagnan. in 1. decretal. ad cap. Cum pridem de pactis num. 63.

Nequit tamen pro pretio locari usus rerum sacrarum, quia censeretur venditus usus rei, qui est spiritualis, & sacer: Engel. numer. 18. & De la Cruz dub. 5.

16 Quæritur, cur possit vendi Calix argenteus consecratus, & non beneficium Ecclesiasticum? sicut enim Calice argentum est res temporalis, & secundum se pretio æstimabile, ita in beneficio ius percipiendi temporales redditus pretio æstimabile est?

Resp. Discrimen est, quia Calix consecratus est annexus rei spirituali antecedenter, quatenus argentum, quod est materia Calicis, sua natura, non pendet ab annexa consecratione; quæ in eo est accessorium, & argentum principale; ideo vendi, & æstimari secundum se potest, non vendito, nec æstimato spirituali. Beneficium verò est annexum rei spirituali consequenter, quia beneficium, seu ius percipiendi redditus datur tamquam stipendium, debitum propter officium, seu ministerium spirituale: beneficia enim sunt instituta pro celebrandis divinis officiis, & non dantur nisi propter officium cap. final. de rescript. in 6. Unde si alicui vendatur ius bene-

ficialium reddituum, venditur etiam illi ius spirituale exercendi officium, seu collatio, aut assignatio ad sacrum officium, cui redditus destinantur: quæ collatio, & assignatio est sacra, & ex divino jure profecta. Cabasut. cap. 3. num. 14.

17 Quæritur, an Sacerdos possit sine peccato Simoniam recipere pretium, eique à fidelibus dari pro celebratione Missæ?

Resp. Negativè, ut pretium Sacrificii, & operis, vel, tamquam mercedem correspondentem fructui, quem applicat ei, pro quo celebrat, cum invendibilis sit, & cum nulla proportione ad temporale pretium; bene verò, tamquam stipendium sustentationis ipsius Sacerdotis, privantis se sua libertate ad interservium alteri pro tali tempore, cui gratis servire non tenetur; quæ ratio valet etiam in Sacerdote divite, qui aliis gratis famulari non obligatur.

18 Sed quæritur, an id etiam dicendum sit de Parocho?

Resp. Negativè, nam Parochi ex officio, & iustitia tenentur populo Sacramenta ministrare, & pro Parochianis sacrificium applicare, sic, ut si redditus pingues sint, singulis diebus, si verò tenues, saltem diebus festivis ex Sac. Cong. Concilii decreto edito sub 10. Maii 1681. vide lib. 1. cap. 6. num. 14. quia igitur Parochis assignati sunt redditus, unde sufficienter sustentantur, nil possunt iuste exigere; quia ius non habent, nec titulum exigendi: idcirco talis exactio est injusta, & speciem gerit Simoniz, Layman. cit. n. 16.

Quapropter DD. conveniunt, quòd si Sacerdos vocatus ad audiendas Confessiones, vel celebrandum ad locum distantem, teneatur ex officio, vel beneficio ire, ut Confessiones audiat, celebret, vel baptizet, non possit aliquid pro eo labore exigere. Poncius cit. num. 29.

19 Sed queritur, *an possit Sacerdos licite recipere aliquid pro labore, in sumpto in ipsa administratione Sacramentorum, celebratione, Concione &c.*

Resp. Negative; Nota DD. considerare duplicem laborem in his sacris actibus, & ministeriis; alium cum eis intrinsecè conjunctum, & per se necessarium ad tale ministerium, prout ab hominibus moraliter exerceri potest, & solet, propriè ab illo inseparabilem; hujusmodi est labor, & studium, quod adhibet Concionator in paranda Concione, vel in mandando eam memoriæ; & ille, qui adhibetur à Sacerdote adeundo Ecclesiam ad celebrandum, in assumptione vestium sacrarum, in legenda Missa, &c. Et alium extrinsecè, seu per accidens conjunctum cum Sacramentorum administratione, sive prævius, sive concomitans sit actionem: ut est se conferre de loco ad locum, locare libertatem suam, obligando se ad celebrandum, vel prædicandum, aut audiendas confessiones in loco particulari, & pro toto anno, vel pro toto tempore Quadragesimali, aut tota hebdomada, aut singulis diebus festis &c. Pro primo labore, nequit sine Simoniam aliquid recipi; ratio est, quia labor ille, quatenus per se necessarius est, ut habeatur tale ministerium, veluti integrat unum corpus morale, quod totum sacrum est, & ut tale tractandum; bene verò pro secundo, quia est per accidens conjunctus cum re spirituali, sine quo potest ministerium sacrum exerceri; hinc propriè pretium recipitur pro obligatione assumpta, & suæ operæ locatione, quæ sunt, quid temporale, & extrinseca rei spirituali. Sperellus *dec. 7. num. 13.* plures allegans juncta Glof. in *cap. significatum de præbend. ver. ita quod*, & ibid. videndus Fagnan. in *3. decretal.*

20 Videant itaque Concionatores, ne paciscantur de stipendio, recipiendo pro ipsa Concione, nam id absque labe Simoniam non agerent; quia, licet prædicatio composita sit ex re spirituali, &

temporali simul, nempe ex verbo Dei, & labore, formaliter tamen, ac principaliter est spiritualis: nec pro ipsis laboribus per se necessariis ad ipsam, aliquid recipi potest ibid. ex Cajetano Sperellus, sed solum pro sua sustentatione, & laboribus per accidens connexis, juxta consuetudinem approbatam.

21 Queritur, *Pœnitens Confessario aperit se dedisse Sacerdoti pecuniam, ut suam Confessionem exciperet, & ut Missam celebraret, sine qua neutrum exequi voluit, quid Confessarius dicturus est?*

Resp. Quod non peccaverit dando stipendium juxta consuetudinem ab Ecclesia approbatam, ut Missam celebraret, modò ad id ex officio, vel beneficio non teneretur: aut non significasset se pecuniam exigere, tamquam pretium pro fructu, aut applicatione sacrificii, intendens vendere rem spiritualem; bene verò conferendo pecuniam, ut confessionem exciperet, nam id ab Ecclesia reprobatum, & Simoniacum esse statuitur pretium dare, vel accipere pro absolutione à peccatis *cap. Nemo Presbyterorum de Simonia: & cap. ad nostram eod. tit.* interdicitur, ne pro ministerio Ecclesiastico exercendo pecunia, vel aliquid exigatur. Ideò DD. tradunt omnem actum jurisdictionis Ecclesiasticæ esse materiam Simoniam, ea ratione, quod potestas Ecclesiastica sit spiritualis, tum ratione principii, tum finis, adeoque actus ab ea procedentes; ex quo sequitur etiam nil posse accipi pro actibus jurisdictionis voluntariæ, dispensatione in voto, juramento, impedimento matrimonii &c. nec pro actibus jurisdictionis contentiosæ: sic dicitur, quia exigit processum judicium, ferentem strepitum judicii, & pro tribunali exercetur.

22 Sed queritur, *an Simoniam committat Sacerdos, qui pecuniam recipit, ut pœnitentem non absolvat?*

Resp. Affirmative, ex alleg. *cap. nemo Presb.*

Presbyterorum, in quo utrumque Simoniacum dicitur, & munus accipere, ut pœnitentem reconcilies, & munus accipere, ut pœnitentem à reconciliatione removeas; ratio est, quia omisso actus spiritualis, qui est ex potestate jurisdictionis Ecclesiastica sic, ut eam non exercere sit mortaliter hominem autoritative ligare, aut ligatum detinere, est Simonia; unde, si audita confessione pœnitentis, & clave distante eum esse dignum absolutione, vendas negationem absolutionis, Simoniacuses, quia talis negatio tunc procedit à potestate spirituali clavium, Confessoribus data *Joan.* 20. qua possunt absolvere; & ligatum detinere, negando absolutionem: sic dicitur de examinatore, qui, pecunia recepta, spondet se non approbaturum dignos ad Ordines, quia approbare, vel approbatum declarare est actus Ecclesiasticæ jurisdictionis, & potestatis. Layman. *numer.* 43. De la Cruz *dub.* 7. *conc.* 2.

23 Quæritur, an Simoniam committam, si conferam pauperi elemosinam, ut promeoret?

Resp. Et pro responsione refero verba D. Thom. 2. 2. *qu.* 100. *art.* 3. ubi ad argumentum sibi obiectum: quod pro Missis cantandis aliqui Sacerdotes præbendam, vel pecuniam accipiunt, sic ad 2. habet: *quodd Sacerdos non accipit pecuniam, quasi pretium consecrationis Eucharistiae, aut Missæ decantandæ, hoc enim esset Simoniacum, sed quasi stipendium suæ sustentationis.* Hæc applica addubium, & ad stipendia, quæ dantur pro Processionibus, & exequiis.

24 Quæritur, an Simonia committatur, si aliquid recipiat pro ingressu in Religionem?

Resp. Affirmativè, si Superior, vel alius Religiosus conveniat, & paciscatur cum ingressuro, vel professuro de dando, vel recipiendo aliquid, ut ad Religionem, vel professionem admittatur; cùm admissio ad Religionem, & profes-

sionem sit aliquod spirituale, tendens ad salutem animæ, & cultum Dei: idque prohibetur *cap. Non satis, cap. veniens, & cap. quoniam de Simonia.* Dum verò admittendus, liberaliter Monasterio, vel Ecclesiæ capaci sua bona offert, licitè recipi possunt: quemadmodum aliquid pro sustentatione temporali ipsius Religiosi, si Monasterium sit capax, & inops juxta consuetudinem. Engel. *nu.* 21. Layman. *num.* 29. Cabasut. *lib.* 5. *cap.* 5. *cap.* 27. *Quinum.* 17. refert. Clement. VIII. declarasse, Moniales non esse Simoniz reas pacificando de dote recipiendarum pro sufficienti, & congrua ipsarum sustentatione, non pro ipsa admissione ad statum Religiosum. Lege decretum S. Cong. apud Fagnan. in 3. ad *cap. non amplius de institut. numer.* 25. & quæ dixi *offic. Cur. Ecclesiast. cap.* 32. *num.* 13.

25 Quæritur, an Franciscus vendens Agnum Dei, benedictum ab Innoc. XI. Simoniam committat?

Resp. Affirmativè, si Agno benedictio non sit ornamentum adjunctum; vel etiam, si propter benedictionem intendat pretium augere; secus, si solum pretium vellet ad æstimationem ornamenti: nam sacræ Reliquiæ venales non debent esse, *cap. cum ex eo de Reliq. & venerat. Sanct.*

26 Sed quæritur, an liceat commutare unum benedictum ab Innoc. cum alio benedictio à B. Pio V.

Resp. Affirmativè; Campionus *num.* 23. & consentit Layman. *num.* 57. & Glos. ad *cap. ad quæsit. de rerum permutat.* notans spiritualia inter se rectè permutari; verum id non intelligitur de beneficiis, & redditibus Ecclesiasticis, quia id SS. Canones, ut Simoniacum prohibent, nisi accedat legitimi Superioris facultas; idcirco, si quilibet alius pravus contractus absit, & non intendatur uno Agno alius emi, illicitum non videtur.

27 Sed quæritur, an liceat sacras Re-

Reliquias ab infidelibus pretio redimere.

Resp. Affirmativè, quemadmodum legitur, antiquos Christianos Martyrum corpora à carnificibus redemisse. Cabalut. cap. 4. num. 9.

28 Quæritur, an Simonia sit ex genere suo peccatum mortale?

Resp. Affirmativè: est peccatum contra Religionem, & sacrilegium, quia indignè tractantur res sacræ: & contra iustitiam, dum venduntur divina, quæ sunt prorsus invendibilia, cum nullum pretium sit, quo æstimari possunt, & in nullius sint dominionis solius Dei, quorum homo est purus dispensator, quæ ad vendendum, vel nundinationem non accepit, sed ad gratis communicandum, sicut gratis accepit: unde ratio naturalis dicit illicitum, & injustum esse ea vendere, & pretium receptum esse restituendum.

Et, proportionem servata, verificatur, tum de Simonia jure Divino, & naturali prohibita, quæ committitur in venditione rei spiritualis, & beneficii Ecclesiastici, tam Curati, seu habentis annexam. Ordinis Sacri executionem, quam Simplicis cap. ex multis, cap. si quis obsecrit 1. quæst. 3. tum de illa jure Ecclesiastico vetita, qua delinquitur in beneficiorum permutatione, facta sine auctoritate legitima cap. quæsitum est. & juxta superius dicta.

29 Quæritur, an possit esse veniale ex parvitate materie?

Resp. Negativè, nam semper venditur gratia, & donum Spiritus Sancti, per quod atrox injuria Deo infertur, ut habetur cap. eos 1. quæst. 1. & existimatur donum Dei pecunia possideri, ac excellentius non esse omni pretio, & re temporali; quare, si pro re temporali detur unum Ave, si pro totum Psalterium, semper mortaliter peccatur, quia semper gravis deformitas reperitur in utroque: gravior tamen esset, si quis Eucharistiam venderet. Et resolutio procedit, si pro re spirituali unus obolus accipia-

tur, si centum aurei; immò in primo casu videtur major irreverentia, quia quo minori pretio res venditur, eo minoris videtur æstimari, & ita major videtur irreverentia. Vide Fagnan. in 1. decretal. de pactis cit. num. 9.

30 Quæritur, cuinam sit restituenda pecunia, vel res temporalis recepta pro spirituali?

Resp. Regulariter ei non est restituenda, qui eam contulit, quia turpiter, & contra legem irritantem, ac iustitiam dedit, sed Ecclesiæ, in cujus ignominiam data fuit cap. si quis in atrio 17. quæst. 4. & cap. de hoc de Simonia, & ibi Glossa in ver. restituant; vel pauperibus, si Ecclesia fuerit in culpa, hoc est totum Collegium consensit Simonie. Ex misericordia tamen potest danti tribui, dum non habet, unde vivat, vel cum dans pecuniam non peccavit in jure, vel in facto, quia bona fide, & ignoranter dedit. Fagnan. in 5. decretal. ad cap. tua nos de Simonia numer. 13. Cabalut. cap. 9. num. 2. nam inculpabiliter dedit.

31 Sed quæritur, an res Simoniacè accepta, ut Beneficium, & dignitas Ecclesiastica, sit resignanda, & dimittenda?

Resp. Affirmativè, ex cap. cum detestabile de Simonia inter extravag. com. & ex const. B. Pii V. Cum primum in Bullar. Cberub. in qua hæc sunt: qui dignitates Ecclesiasticas Simoniacè acquisiverit, illis sit ipso jure privatus, & in futurum inhabilis ad eas, & quascumque alias obtinendas; qui Beneficium, aut Officium Ecclesiasticum Simoniacè adeptus fuerit, illis similiter sit ipso jure privatus, & ad fructuum omnium, quos perceperit, restitutionem teneatur, & perpetuò sit inhabilis &c.

Et non modò resolutio procedit, si Simonia fuerit realis, verum etiam si fuerit conventionalis, ut expressè disponit Pius IV. const. in sublimi, ibid. edita

pro reformatione Sac. Pœnitentiariæ: in qua legitur: *Caveat, etiam Pœnitentiarius, ne in absolutionibus à Simoniam realibus, vel conventionalibus etiam occultis, unquam concedat, ut ipsi Simoniaci Beneficia, super quibus Simoniam commiserunt, seu pecunias, vel alia pro illis accepta, aut fructus, exinde post commissam Simoniam acceptos, in toto, vel in parte retinere possint, quinimmo in absolutionibus huiusmodi apponatur clausula, quod uterque ad Beneficium, super quo fuit commissam Simoniam, per se in inabilis existat.*

32 Sed quid, si quis ignorans Simoniam Beneficium receperit, vel ad Præbendam fuerit electus?

Relp. Tunc collatio nulla est *cap. nobis de Simoniam*, ubi nulla declaratur illius electio, cujus amici, ipso ignorante, dederunt electoribus aliquid pro illius electione: qui si habita notitia commissæ Simoniam, dignitatem, vel Beneficium non dimittat, pœnis pro Simoniacis taxatis ligatur. *Piafec. prax. par. 2. cap. 4. art. 6. n. 11. & n. 12.* tradit, Simoniacum teneri in foro conscientie dimittere Beneficium, & fructus restituere, etiam ante sententiam declaratoriam iudicis; quia, ut notat *Quaranta sum. Bullar. ver. Simoniam vers. quantam igitur*, in illis non videtur iuste intulatus, cum ab initio nihil juris in eis acquisierit: & non modo fructus reddere tenetur, verum & id in quo factus ditior, demptis expensis. *De la Cruz dub. 17. v. sup. num. 13. & 14.*

33 Queritur, an Simoniam inducat excommunicationem Summo Pontifici reservatam?

Relp. Affirmative: pro Simoniam commissa pro ingressu Religionis, tam dantibus, quam recipientibus aliquid, legitur statuta *cap. sanè de Simon. extra. vag. com.*

Pro illa commissa à Simoniacè Ordinate, & Ordinato, ac à mediatoribus, siue manifesti sint, vel occulti, habetur

cit. cap. cum detestabile: & nota, Sixtum V. in Bulla; *Sanctum, & salutare* contra Simoniacè, & promoventes alias stultissime pœnas, quas, quo ad eos Clement. VIII. in sua *const. Romanum Pontificem*, quamvis, quoad alia, moderetur illam Sixti, firmasse voluit. Ordinans itaque. I. Suspenditur ab executione munerum Pontificalium, & à collatione ordinum, etiam Primæ Tonsuræ. II. Interdicitur ab ingressu Ecclesiæ: & si spretis suspensione, & interdicto, prædictis temerè se ingesserit, à regimine suæ Ecclesiæ, aut Monasterii, & à perceptione fructuum omnium suorum beneficiorum suspenditur, & à solo Papa suspensio relaxatur. Ordinatus verò. 1. Suspenditur ab exercitio Ordinum, sine spe ascendendi ad alios ordines. 2. si præsumpserit ministrare, fit irregularis, & privatur quolibet beneficio, & dignitate: & si fuerint Regulares, etiam voce, activa, & passiva.

Pro illa verò, tam in collatione, quam adeptione beneficiorum, & dignitatum Ecclesiasticarum commissa legitur in alleg. *cap. cum detestabile*, & comprehendit tam principales, quam mediatores, & procuratores, & electos, ac eligentes.

34 Sed queritur, an scientes aliquos in præfatis Simoniam commisisse, vel procurasse, aut mediatores fuisse, & non revelantes, aliqua censura innotentur?

Relp. Quamvis nulla ligentur, adhuc tamen absolvi non possunt, donec revelent, ut ibi expressè textus.

35 Sed queritur, an Simoniam debeat esse realis, ex utraque parte completa, sic, ut ex una parte datum sit pretium Simoniacum, siue in totum, siue ex parte, & ex altera contributa res spiritualis, & sacra?

Relp. Affirmat Layman. *cit. num. 68.* Cabasut. *cap. 8. num. 2.* Ant. à Spiritu Sancto *sect. 29.* Piafec. *cit. num. 6.* De la Cruz *dub. 17.* & habetur ex alleg. decreto sub

sub Clem. VIII. in quo inter alia prohibetur, Confessarios absolvere à *Simonia reali scienter contracta, & confidentia beneficiis*. Crediderim sufficere etiam conventionalem mixtam.

36 Sed quæritur, *an Simonia mentalis inducat censuram?*

Resp. Negativè; *ex cap. mandato de Simon. Pfalec. prax. part. 2. cap. 4. art. 7. Fagnan. in 1. decretal. ad cap. cum ad nostram de elect. num. 19. & ad cap. ex parte de offic. deleg. num. 29. & in 5. addit. tua D. Thom. 2. 2. q. 100. art. 6. ad 6.*

37 Sed quæritur, *an inducat obligationem resignandi beneficium, & restituendi receptum pro eo?*

Resp. Plures negant: sed non consentio, nam pretium pro re invendibili datur, & sumitur, & ita nec emptor rem spiritualement, neque venditor pretium suum facit; propterea dixerunt quidam apud Cajetanum dari obligationem restituendi rem spiritualement, & pretium respectivè, non ratione legis Ecclesiasticæ, sed ratione juris naturalis, quatenus injustè accipitur, quidquid Simoniacè adipiscitur; sed quia alleg. *cap. mandato* statuitur sufficere Simoniaci mentali, qui sine prævio pacto, sed affectu animi recepit temporale pro spirituali, ut Deo per solam pœnitentiam satisfaciatur, & non exigit resignationem, & restitutionem, immò non teneri concludit, ideo juxta ibi disposita praxis esse potest; sed meliori resolutioni me submitto.

Nota ad incurrendam censuram contra reos Simonia confidentialis in beneficiis, statutam à B. Pio V. in *cit. constit. intolerabilis*, sufficere, si unus alteri beneficium in confidentiam resignet, quamvis alter in confidentiam non intendat recipere, ut ipse B. Pontifex per hæc verba significat, *etiam si sola dimittentis intentione receperit*; & infra: *licet ipsum confidentie crimen alterius tantum partis conscientia sit admissum*.

38 Quæritur, *quomodo se gerere debeat Confessarius cum pœnitente Simoniaci?*

Resp. Si reus sit Simonia realis, scienter contractæ, aut confidentiæ beneficiis cum absolvere nequit juxta disposita in allegatis constitutionibus, & adducto decreto sub Clemente: sed debet ipsum ad summum Pontificem dirigere.

39 Sed quid, *si haberet facultatem, ut tempore jubilei, absolvendis à casibus in eo decreto expressis?*

Resp. Debet prius interrogare, an habuerit errorem in intellectu contra fidem, credendo dona Spiritus Sancti, & res divinas pecunia posse possideri, & in commutationem venire pro re temporalis: & an illum externè manifestaverit; si affirmet, utpotè hæreticus formalis, absolvi nec potest tempore Jubilei ex dictis *lib. 1. cap. 34. n. 29.* nisi in literis sit specialiter indultum, quod etiam ab hæresis crimine Confessarii absolvant.

40 Si quid, *si contra fidem nil credidit?*

Resp. Debet respectivè obligare ad restitutionem pretii Simoniacè recepti, & ad dimittenda beneficia, fructus perceptos, ac Ecclesiasticam dignitatem, & Prælaturam Simoniacè adeptam; nec potest absolvere, nisi cum effectu ea adimpleat, dum impotens moraliter non sit.

41 Sed quæritur, *an tempore jubilei possit pœnitentes Simoniacos habilitare ad officia, & dignitates, ad quas per simile crimen sunt inhabiles.*

Resp. Negativè, nisi in literis Jubilei id expressè concedatur, quod regulariter semper negatur; quemadmodum & facultas dispensandi super irregularitate, prout expressè in eis legitur.

CAPUT XXVII.

*Prop. XLVII. ab Innoc. XI. &c.**Electio ad dignitates Ecclesiasticas.*

PROP. 47. *Cum dixit Conc. Trid. eos alienis peccatis communicantes, mortaliter peccare, qui, nisi, quos digniores, & Ecclesia magis utiles, ipsi iudicaverint, ad Ecclesias promoveant, Concilium, vel, primò videtur per hoc digniores, non aliud significare velle, nisi dignitatem eligendorum, sumpto comparativo pro positivo: vel secundò, locutione minus propria, ponit digniores, ut excludat indignos, non verò dignos: vel, tandem loquitur tertio, quando fit concursus.*

Propositionem docuit Tambur. lib. 8. in decalog. tract. 3. cap. 4. §. 4. nu. 5. & 8. Poncius cursu Theolog. disp. 59. quest. 1. conc. 4. num. 40. Contra quos, alioque Authores sensum verborum Trid. sess. 24. cap. 1. deres. nisi, quos digniores, tangentium qualitates necessarias in personis assumendis ad Ecclesiasticas dignitates, Prælaturas, & beneficia, extorquentes ad improprium, & nutritivum peccati, est decretum Innoc. Quod est à Confessario ponderandum, ut similis opinionis viros, à reprobato errore ad veram intelligentiam reducat; ac Distributorum, & Electorum conscientias juxta legitimum sensum in Trid. expressum, & ab Innoc. intentum instruat, & dirigat.

2 Quæritur, *quinam censeantur digniores pro beneficiis, & Ecclesiasticis dignitatibus.*

Resp. Qui habent qualitates requisitas ad ministerium dignè, & laudabiliter in utilitatem Ecclesiæ, & animarum bonum exequendum: digniores itaque reputantur, non qui absolute doctiores, & nobiliores, aut sanctiores fuerint, sed qui, consideratis omnibus, Ecclesiæ, & bono communi utiliores su-

Matthæucci Cautela Confess.

turi esse creduntur. Considerandum est beneficia Ecclesiastica primariò, & principaliter instituta esse in utilitatem Ecclesiæ, ut hæc habeat idoneos Ministros; secundariò, & minus principaliter, ut præmia eorum, qui de Ecclesia, ob eorum virtutes, & doctrinam benemeriti sunt, & aptiores ad serviendum Ecclesiæ; quare digniores non præcisè ex doctrina, & probitate, sed etiam ex prudentia, & aptitudine ad regendum æstimandi sunt, quod dixit D. Thom. 2. 2. quæst. 63. art. 2. & ipsum Trid. ibidem per adjectam clausulam, *& Ecclesia magis utiles*, per quam priorem digniores explicuit.

3 Sed quæritur, *an sit mortale eligere minus dignum ad Prælaturam Ecclesiasticam, eique beneficia, & Officia Ecclesiastica conferre, qui minus utilis bono communi, & animarum salutis prævidetur, relicto digniori, & qui magis idoneus pro utilitate spiritali iudicatur?*

Resp. Affirmativè, sic loc. citat. Trid. & D. Thom. artic. 2. & cum illo omnes communiter: nam id est mortale, quod ex sua natura habet oppositionem cum charitate, seu cum mediis necessariis ad conservandam charitatem cum Deo, vel proximo; sed electio minus digni, relicto digniori, oppositionem habet cum iustitia distributiva, quæ est medium necessarium ad conservandam charitatem cum proximo: quia, qui non vult dare per iustitiam distributivam bonum proximo debitum, certe non vult bonum proximi, nec cum diligit.

Adò, quòd electio minus digni, relicto digniori, est electio minus utilis, relicto magis utili, ergo, qui ipsum eligit, non iuste procedit, neccatis providet ad impedienda peccata, & peccatorum pericula, quæ per magis idoneum impediri possent; & peccat etiam contra charitatem, peccato scandalii, dum præbet proximo occasionem ruinæ

Ec spi-

spiritualis, & alienis peccatis coope-
ratur.

Solum ex parvitate materiæ potest esse
veniale, si nimirum leve detrimentum
debeat communitas sentire; pondera in
fine cap. verba D. Thomæ.

14 Sed queritur, *quaratione electio
minus digni opponatur iustitia distri-
buitiva?*

Resp. Quia per huiusmodi electionem
delinquitur peccato acceptionis perso-
narum: acceptio autem personarum
est vitium iustitiæ distributivæ opposi-
tum, pro ut optimè S. Thom. *cit. art.*
1. cum quo ponderet Confessarius, ju-
stitiam distributivam esse virtutem, cu-
jus est bona Reipublicæ inter cives ejus-
dem ad ipsius utilitatem dividere, &
distribuire, servando æqualitatem Geo-
metricam, ad ipsorum qualitates, &
merita; cui per defectum opponitur ac-
ceptio personarum: quæ tunc contin-
git, quando Superior in distribuendis
bonis Reipublicæ non considerat me-
rita personæ, nec utilitatem respicit
Reipublicæ, sed, vel personam, aut qua-
litatem ipsius, quæ in tali distributione
considerandæ non sunt: v. g. confert
quis Petro Parochiam, vel in Prælatum
Paulus eligitur, non quia dignus, ido-
neus, ac utilis futurus populo, vel Pro-
vinciæ consideretur, sed quia consan-
guineus, amicus, nationalis: vel,
quia non considerantur qualitates,
quæ reddunt præfatos dignos Para-
chia, vel Prælatura, sed solum per-
sonæ, vel conditiones, quæ nil faciunt,
ut sint digni talibus ministeriis; alio-
quin, si sola amicitia ad id sufficiens
foret, amico etiam inepto, ad satisfac-
ciendum obligationibus suis, & Reipu-
blicæ non utili, possent ea sine pecca-
to dispensari, quod est falsissimum pro-
pter damnum, quod pateretur Com-
munitas, & peccata, quæ non impedi-
rentur in populo.

5 Queritur, *petit Distributor offi-
cii Ecclesiastici instrui super modo,*

*quem servare debet, ne erret, in di-
stributione, & electione, quid Confes-
sarius dicturus erit?*

Resp. Inter alia monebit, I. Quod
obligationem habet ita providendi, ut
ex electione, vel distributione dam-
num Ecclesiæ, vel populus non pa-
tiatur.

II. Quod officia Ecclesiastica debent
distribui in bonum Ecclesiæ, & anima-
rum.

III. Quod sufficientem diligentiam
debet adhibere ad examinandum, qui
sit dignus, quive dignior.

IV. Quod debet provideri servitium,
vel ministerium, & non persona.

V. Quod bona Communitatis, & præ-
sertim Ecclesiastica officia, sunt distri-
buenda merentibus, & juxta cujusque
merita; ac juxta ea fundatur in merito,
consequenter, quod majus habeat, qui
magis meretur, & est utilior.

VI. Quod una persona potest esse di-
gna respectu unius officii, & non respec-
tu alterius; sic, quis potest esse dignus
pro Canonatu, & non pro Episco-
patu, pro Magisterio, non pro Pro-
vincialatu.

VII. Quod is, cui commissæ est di-
stributio beneficiorum, & dignitatum
Ecclesiasticarum, non est Dominus bo-
norum Ecclesiæ, ut possit ea dare pro
libito suo, sed dispensator, S. Thom.
art. 2. ad 1.

6 Queritur, *Petrus impedit, ne Pau-
lus consequatur beneficium ei ab Episco-
po destinatum, quid debet Confessarius
agere cum Petro?*

Resp. Querat, 1. An impediverit ex
odio, aut ex invidia, & tunc semper pec-
cavit contra charitatem: 2. An viis injus-
tis, puta, vi, dolo, vel fraude, & tunc
debet Petrum urgere, ut manifestet injus-
tas vias. Si Episcopus removerit ab in-
tentione conferendi, ex quo falsa, vel
vera, sed occulta, de Paulo Episcopo
retulerit, debet ipsum obligare ad vim,
& fraudem tollendam, ac Paulo apud
Epil-

Episcopum famam restituendam: 3. Animadvertat, qualitatem beneficii, & dispositionem Episcopi ad conferendum: & pensata hic, & nunc conditione personarum, & negotii, obliget ad aliquid restituendum, sed non ad æquale, sed quantum hic, & nunc valet spes beneficii: quod cum adhuc non sit adeptum, potest multipliciter impediri. D. Thomas.

7 Sed quid, si iam adeptus fuerit, & quis indebitè operetur, ut eo privetur?

Resp. Tenetur ad restitutionem æqualis, seu fructuum, quos Paulus potuisset ex beneficio percipere.

8 Sed quid, si non vi, aut fraude, sed solum mendaci consilio fuerit causa, quod Paulus beneficium non obtineret?

Resp. Etiam tunc teneretur restituere; ratio est, quia est causa injustè influens in damnum Pauli, ibidem S. Doctor.

Ex his nota, quod impediens alterum vi, aut dolo, & fraude à consecutione alicujus boni, tenetur auferre fraudem, & vim, ac restituere damnum, quod sequitur; ratio est, quia, sic impedito, injuria irrogatur, ac jus læditur; cum injuria aliud non sit, quam læsio juris alieni, quod quisque ex justitia habet, ne per causam indebitam, fraudem nimirum, & dolum impediatur à bono sibi dando; etiam si conferendum esset ex misericordia, liberalitate, vel gratitudine, Joan. De la Cruz 7. præcep. qu. 7. art. 2. dub. 8.

9 Quæritur, an, qui ex officio, sibi ab Ecclesia commissio, debet distribuere beneficia Ecclesiastica, teneatur restituere, si in distributione non procedat secundum dictamen justitiae distributivæ, dictantis esse attendendas qualitates, & merita personarum, quæ possunt esse Ecclesiæ magis utiles, juxta proportionem boni communis?

Resp. Affirmativè; ratio est, quia in Distributore, cui ex officio ab Ec-

clesia sibi commissio incumbit promoveri ad officia, & beneficia, adest obligatio ex justitia commutativa erga Ecclesiam, ad procurandum maximam bonam, & impediendam damnam; sed hujusmodi non possunt impediri, & respectivè procurari, nisi digniores ad ea promoveantur; nam certè majus bonum in animarum salutem expectandum est, & minora damna timenda, si cura Parochialis, vel Prælatūra committatur aptiori, quam minus apto. Illung. Theol. moral. tract. 4. disp. 2. quæst. 1. art. 3. §. 2. num. 12. & Joan. De la Cruz 7. præcep. quæst. 7. art. 2. dub. 11. Voluntas Ecclesiæ est, ut beneficia distribuantur cum proportionem ad merita, quam Distributor tenetur sequi ex justitia commutativa: & ita ex ipsius voluntate providere ministris magis idoneos ad occurrendum malis, & bonum promovendum: ac restituere damna secuta, tum Ecclesiæ, tum digniori relicto, dum secus egerit De la Cruz conc. 3.

10 Sed quæritur, quomodo est restitutio à distributore faciendæ?

Resp. Si Ecclesiam, v.g. Parochialem, de inepto Pastore providit, tenetur provisionem irritam declarare, eique curam conferre, cui debuisset conferri, ac compensare fructus, quibus injustè privatur: detrahi tamen debent expensæ, quas necessariò in suam sustentationem fecisset.

11 Quæritur, an indignus provisor, suam indignitatem cognoscens, teneatur officium in foro conscientie ante Judicis sententiam dimittere?

Resp. Affirmativè, quia sicut nullum jus habet ad beneficium, ita nullum jus in beneficio acquirit, nec potest suos fructus facere; ita Layman lib. 4. tract. 2. cap. 15. num. 2. discurrens de invalidè electo propter impedimentum canonicum, censuræ, irregularitatis &c. nam excommunicato, suspensio, vel interdicto Ecclesiasticum beneficium conferri non

potest, & collatio est nulla. Piafec. *prax. p. 2. cap. 5. art. 3. n. 25.*

12 Sed quid, si *invalidè provifus, impedimentum ignoraverit, & bona fide fructus perceperit?*

Rsp. Tenetur postea restituere fructus extantes, & etiam, quatenus locupletior factus est, idem ibid.

13 Quæritur, *an valeat electio minus digni, relicto digniori, & eo. qui magis utilis creditur?*

Rsp. Affirmat Piafec. *cit. numer. 12.* Engel. *colleg. iur. canon. lib. 1. tit. 6. nu. 48.* Fagnan. *in 1. decretal. ad cap. cum dilectus de const. num. 19.* D. Thom. *cit. quest. 63. art. 2. ad 3.* nam licet Sacri Canonēs, & omnia jura clament, ut meliores, & utiliores Ecclesiæ, animarumque bono, etiam extra concursum, contra Authores propositionis ab Innoc. damnatæ, eligantur, adeo ut peccent electores contra justitiam distributivam, si, omisso digniori, eligant dignum; tamen post electionem, illa minus digni, omisso digniori, irrita ipso jure non est, nec retractatur, sed sustinetur, ut litium occasiones amputentur. Circa distributionem Ecclesiarum Parochialium, vide Const. B. Pii V. *In conferendis Kal. April. 1566.*

14 Quæritur, *an possit elector denegare suffragium in electione illius, quem ex confessione scit esse Prælatum indignum, & præsertim, si vota dentur ita secretò, ut nunquam sit agnoscendum, qui non dederit: v. g. sumus congregati ad effectum eligendi Prælaturam, in consultoriis tractatibus, electioni de necessitate præmittendis, omnes convenimus Petrum esse Prælatum dignum, in quem propterea omnes inclinamus, interim ego audio ipsius Confessionem Sacramentalem, ex qua agnosco ipsum esse hæreticum, vel plurium suffragia per Simoniam adeptum?*

Rsp. Negativè; nam non licet unquam uti scientia Confessionis, sed Confessarius, quò ad audita in Confessione,

ita se debet gerere, ac si nunquam ea scivisset; etiam si sint defectus naturales, ut, quod quis sit illegitimus; nam, si talis usus liceret, difficilis, onerosa, & odiosa redderetur confessio, & multi retardarentur ab ea, dum scirent Confessarium non teneri ad secretum de auditis in Confessione.

15 In nullo itaque casu possunt Confessarii licitè uti notitia in Confessione habita cum directâ, vel indirectâ revelatione Confessionis, & gravamine penitentis. Unde à S. Congreg. S. Officii 18. Novemb. 1682. fuit proscripta hæc propositio: *Scientia ex confessione acquisita uti licet, modò fiat sine revelatione confessionis, & gravamine penitentis, nisi aliud multò gravius ex non usu sequatur, in cuius comparatione prius meritò condemnatur:* Addita deinde explicatione, sive limitatione, *quòd sit intelligenda de usu scientiæ ex confessione acquisita, cum gravamine penitentis, sclusa quacumque revelatione, atque in casu, quo multò gravius gravamen ejusdem penitentis ex non usu sequeretur:* & Statuerunt dictam propositionem, quatenus admittit usum dictæ Scientiæ cum gravamine penitentis omnino prohibendam esse, etiam cum dictâ limitatione; & præsentis decreto prohibent, ne quis ultra audeat talem doctrinam publicè, aut privatim docere, aut defendere &c.

16 Circa quam propositionem Pisanus in *append. ad Glad. Gideon. ad prop. damnat. ab Innoc. XI. num. 83.* observat propositionem quoad primam partem: *Scientia ex confessione acquisita uti licet, modò fiat sine directâ, aut indirectâ revelatione, & gravamine penitentis*, non damnari: ita Confessarius ex confessione viri docti, vel pii, potest instrui in faciendo examine suæ conscientiæ: & esse in necessitate pro solutione alicujus casus legendi libros, vel petendi à Doctioribus consilium, exponendo eis casum in abstracto, & non tanquam

quam auditum in confessione: nunquam tamen licet uti notitia ex confessione habita, quando ex ea sequitur directa, vel indirecta revelatio confessionis; aut, licet ista non sequatur, habetur incommodum, & gravamen pœnitentis, & talis usus est nocivus honori, & reverentiæ Sacramenti. Quatenus fideles scientes posse Confessarios notitia confessionis juvari ad actus externos dirigendos, non tam fidenter ad Sacramentum accederent, sed fortè ab accessu omnino averterentur. Ita Pisanus cit. & Diana coord. to. 1. *traff. 8. resolut. 15. & 16.*

Hinc Episcopus non potest Ordines denegare petenti, quem ex sola confessione cognovit esse irregularem. Parochus non potest non conjungere in matrimonium eos, quos ex sola confessione novit habere impedimentum dirimens. Et Confessarius non potest licetè vitare eum, quem ex sola confessione scit esse excommunicatum non toleratum: nec dimittere famulum, quem novit ex confessione esse furem, licet nullus posset suspicari hoc fieri propter notitiam habitam in confessione, quia hoc est per accidens, sed per se confessio redderetur odiosa. Nec Superior Regularis, licet possit esse cautior, & prudentior in regimine, ut si extra confessionem notitiam de delicto subditi recipiat, valeat eum corrigere per De la Cruz *Direct. Conf. de Sacram. penit. qu. 6. num. 2.* tamen pro nullo Religionis non potest notitia habita in Confessione subditum ab officio, etiam amovibili, remove: nec potest subditum alio mittere: clausuram melius custodire, ostium claudendo, muros erigendo; solitum egressum denegare, in mores subditi acrius invigilare: vel quid simile exterius operari, quia hujusmodi afferunt pœnitenti gravamen, & vim habent tacitæ reprehensionis, atque ita Religiosos ab accessu ad confessionem deterrent.

Ita Confessarius Novitiorum novitio, *Matthæucci Cautela Confess.*

& elector eligendo non potest propter notitiam indignitatis ex confessione accepta votum denegare: ex usu enim hujusmodi notitiæ confessio redderetur odiosa, & Religiosi timentes sibi propterea posse suffragia denegari, vel retraherentur ab accessu ad confessionem, vel non nisi sacrilegè confiterentur; atque ita honor Sacramento debitus violaretur.

17 Proinde Clemens VIII. *sub 26. Maii 1595.* edidit decretum, quod refero *lib. 4. cap. 5. num. 11.* quo mandatur, nè Superiores, vel Confessarii, cum ad superioritatis gradum fuerint promoti, ea notitia, quam de aliorum peccatis in confessione habuerunt, ad exteriorem gubernationem utantur. Quod decretum importat non solum directionem, sed etiam præceptum obligans sub mortali, ut patet ex §. *ultimo*: ejus enim transgressio est res gravis: nam Pontifex voluit consulere subditis, & integritati, ac puritati confessionis. Ideo in omni evenitu obligat, ut d. *resol. 16. num. 3.* Diana.

Et quamvis decretum loquatur de solis Regularibus, non sequitur Confessarios sæculares posse uti scientia ex confessione percepta, quia etiam in casu sequerentur eadem incommoda; Confessio enim redderetur difficilis, & odiosa, & fideles ab ea retardarentur, vel non aperirent peccata, propter quorum notitiam intelligerent se posse officio, vel suffragio privari. Nec obstat, quòd à pœnitente ignoretur, an suffragium fuerit à Confessario denegatum, quia suffragia dantur secretò: nam hoc est per accidens, sed per se confessio redditur gravis, & difficilis.

18 Dices scienter eligere indignum est ab intrinseco malum; ergo confessarius, qui ex confessione novit alicujus indignitatem, non potest ad illius electionem concurrere.

Resp. Negando consequentiam. Antecedens est verum. Sed adhuc Confessarius

farius non peccat ipsum eligens, quia non eligit scienter indignum scientia utili, & humana, quæ ipsi servire possit ad dirigendas operationes externas: Unde notitia illa in electione perinde se habet, ac si in eo non esset, & electio indigni, sic cogniti, est quasi ignoranter facta, quia ad ipsam accedit ut homo, & ut homo habet notitiam dignitatis, Ita cap. *Sacerdos de offic. Ord.* disponitur, reos non esse puniendos à Prælato, dum tantum ex confessione Sacramentali sibi eorum defectus innotescunt, quia tunc non scit eos ut Iudex, sed ut Minister Dei, & notitia incommunicabili foro exteriori.

19 At petitur, *Cajus, & Titius conveniunt occidere Confessarium, hac lege, ut si alter eorum penitentia ductus rem Confessario manifestet, à consocio revelans occidatur. Caius Confessario narrat conventionem cum Titio factam.*

Quæritur. An possit Confessarius in tali casu pro evitanda propria morte ea scientia uti, adeoque vel fugere, vel non celebrare?

Resp. Negative. Si ex sua actione, quamvis indifferenti cognita à Consocio penitentis, huic mors imminet: Ita Pisanus cit. num. 84. uteretur enim notitia ex confessione habita cum gravamine penitentis, quod fieri in dicta propositione prohibetur. Unde si ex non usu talis notitiæ sequeretur, vel penderet aut penitentis, aut totius mundi damnum, & ruina, non est dictus usus licitus, quia reddere confessionem odiosam, gravem, & difficilem est majus malum, quam mors penitentis, & ruina totius mundi, ut notant Doctores. Unde Suarez alleg. à d. Pisano, ait, Confessarium, non posse uti scientia confessionis, ubi etiam periculum spirituale sibi immineret, idque ex confessione deprehenderet.

20 Sed quid, si Sacerdos ex confessione videat sibi in Missa esse paratum venenum in vino conferendo, an possit à celebratione Missæ cessare?

Resp. Quilici Confessor. *manud. art. 3. q. 10. n. 15.* tradit, Sacerdotem teneri ad bibendum vinum, ne confessio reddatur odiosa, & difficilis. Pisanus, verò n. 84. docet, quod si confessarius potest adeo secretè sibi consulere per susceptionem pharmaci, ut nulli suspicionem afferat, quod id faciat ex notitia ex confessione habita, nec damnum penitentis sequatur, potest pharmacum sumere, & tunc etiam non jejunus celebrare, quia in eo casu cessaret obligatio jejunii naturalis, quod est de præcepto Ecclesiæ, & servare sigillum Confessionis est de præcepto naturali, Divino, & Ecclesiastico. Casus à d. Quilici dicitur metaphysicus.

21 Quæritur. Confessarius ex confessione Titii novit, quod Lia est ipsius Concubina, & ei occasio proxima peccandi, interea Confessario occurrit Lælius querens famulam, Confessarius occasione discursus significat Lælio Liam aptissimam fore pro tali famulatu: ut hac forma removeat à Titio occasionem proximam peccandi. Petitur, an licite?

Resp. Affirmat ex Diana d. *resol. 16. num. 5.* Pisanus num. 90. Ratio est, quia supponitur, quod nullus suspicari possit, quod Confessarius ex notitia confessionis moveatur; & aliunde nullum gravamen, confusio, aut rubor penitenti obvenit, & aliàs ipsa vitatio occasionis proximæ non gravamen, sed levamen est penitentis, quia igitur nullum præjudicium redundat in persona, aut honore, vel confusio, aut rubor penitentis sequitur, usus notitiæ in dicto casu non est illicitus.

22 Verum non est adeo facilè hæc doctrina admittenda. Nam per accidens est, quod nesciatur, an Confessarius ad commendandam Liam Lælio processerit ex notitia habita in Confessione; per se autem confessio redditur gravis, & onerosa: nam scientes, posse Confessarios notitia confessionis uti ad exter-

nos adus dirigendos, retraherentur à confessione; vel saltem non integrè confiterentur peccata. Tum quia in casu periculum esse potest, quòd detegatur, Confessarium processisse ad commendandam Liam Lælio ex noticia habita ex confessione Titii. Ideò cautissimi sint Confessarii.

23. Quæritur, an panitens teneatur aperire in Confessione speciem boni, in cuius distributione peccaverit?

Resp. Affirmativè, utinde Confessarius possit gravitatem peccati percipere: quia, ut loquitur D. Thom. cit. qu. 63. art. 2. in corp. *gravius peccatum est, personas accipere in dispensatione spiritualium, quàm in dispensatione temporalium*; ideò exprimere debet, an malè distribuerit bona Ecclesiæ, vel Reipublicæ Laicæ, vel Familiæ, & an sit honores, gradus, vel bona fortunæ; ipseque Confessor animadvertat ad verba S. Thomæ cit. quæst. 185. art. 7. in corp. *quibus utitur in questione, an Episcopi mortaliter peccent, si bona Ecclesiastica, qua procurant, pauperibus non largiantur*; ubi habet: *si in modico deficiat, vel superabundet* (distributor) *potest hoc fieri absque bona fidei detrimento, quia non potest homo in talibus punctualiter accipere illud, quod fieri oportet; si verò sit multus excessus, non potest latere; unde videtur bona fidei repugnare, & ideò non est absque peccato mortali.*

CAPUT XXVIII.

Prop. XLVIII. & XLIX. ab Innoc. XI. &c.
Species luxuriæ.

1 PROP. 48. *Tam clarum videtur fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum videatur.*

Prop. 49. *Mollities iure natura prohibita non est. Unde, si Deus eam non*

interdixisset, sapè esset bona, & aliquando obligatoria sub mortali.

Caramuel sub eisdem terminis utramque propositionem docuit, voluitque fornicationem, & mollitiem, ideò esse peccata, quia Deus eas prohibuit. Et ipse concedit, esse de fide, ipsas esse peccata læthalia, cum nonnisi peccatum mortale excludat à regno Dei, à quo fornicatio, & mollities excludunt, ex testimonio Pauli 1. ad Corinth. 6. ad Galatas, & ad Ephesios 5. verum rationibus probat, quòd, præcisa prohibitione divina, talia non forent; contra quem Innoc. Decretum edidit, & sunt omnes DD. communiter cum D. Thoma 2. 2. qu. 154. ad quem Confessarium remitto, & interim aliqua spectantia ad luxuriæ peccata resoluta propono.

2 Suppono I. Castitatem esse virtutem, *qua moderatur venereas voluptates*. Sed est ponderandum, non omnem actum venereum, & voluptatem carnalem prohibere, aliàs opponeretur propagationi speciei; nec omnem concedere, alioquin non esset virtus, quæ in medio consistit: nec foret moderata abstinencia ab actu venereo, prout solet ipsa etiam definiri; ergo aliquem admittit: sed ita moderatur, ut non fiat, nisi quando, & eo modo, quo secundum rectam rationem decet: hoc est, ut non fiat extra matrimonium, extra quod omnem omnino prohibet. Castitati opponitur luxuria, quæ est *immoderata cupido, & usus venereorum*, juxta D. Thom. cit. art. 1. ubi dixit peccatum luxuriæ in hoc consistere, quod quis non secundum rectam rationem delectatione venerea utatur.

3 Suppono. II. Quid alia est castitas conjugalis, vidualis, & virginalis. Prima, est abstinencia ab omni actu venereo extra matrimonium, & in matrimonio eo utitur ad generationem proles, vel in remedium incontinentiæ. Secunda est abstinencia ab omni actu venereo, etiam licito in novo matrimonio. Tertia est

abſtinentia ab omni aſtione venerea, tam licita in matrimonio, quàm illicita extra, tam interna, quàm externa; hæc eſt propria eorum, qui caſtitate abſolute voveant, de quibus intelligitur, quod voveant caſtitem perpetuam, & perfectam, & non ad tempus, aut quod tantum velint abſtinere à conjugio, aut non cognoscere mulieres: virginitas enim, ut à ſtatu virginali diſtinguitur (in quo ſunt puellæ ante matrimonium cum integritate carnis, quàm à natura habent) perpetuitatem dicit.

4 Suppono. III. Luxuriam, tamquam in ſpecies dividi in *ſimplicem fornicationem*, *adulterium*, *ſuprum*, *inceſtum*, *raptum*, & *peccatum contra naturam*, quibus addi poteſt *Sacrilegium*. Si carnalis copula ſit ſoluti cum ſoluta, eſt ſimplex fornicatio: ſi cum uxorato, vel matrimonio conjuncta, adulterium: ſi cum ſanguine conjuncta, vel affine, inceſtus: ſi cum virgine, per deſolationem tollendo virginitatem, ſuprum: ſi cum muliere per vim, & violentiam abducta de uno ad alium locum, in ordine ad commodiorem coitum, raptus; ſi cum Deo ſanctis per votum caſtatis, vel in loco ſacro, ſacrilegium: & peccatum contra naturam, dum habetur voluntaria ſeminis effuſio alio modo, quàm à natura inſtituto, concedente potentiam generativam in ordine ad procreationem prolis.

Iſtud ſub ſe habet, *moliſſimam ſodomiam*, & *beſtialitatem*; quæ ſpecie diſſerunt, & debent in Confessione aperiri; de quibus non eſt opus plura dicere, quia natura inſtructione non eget.

5 Sed dices, omnia hæc ſunt contra eandem virtutem caſtatis, ergo ſpecie non diſſerunt; nam colligimus unum peccatum mortale ab alio ſpecie diſſerre, propter oppoſitionem ad diverſas ſpecie virtutes; ſic furtum à fornicatione ſpecie diſtingui aſſerimus, quia illud juſtitia, hæc caſtitati repugnat, ut *lib. 1. cap. 17.*

Reſp. Verum eſt, eſſe contra eandem virtutem caſtatis, ſed non ſecundum eandem ſpecie malitiam, & deformitatem, ſed alia differenti malitia formali in eandem virtutem ſeruntur: cum alia ſit formalis malitia, & turpitudine fornicationis, & alia adulterii, beſtialitatis &c. Nullus enim negare poteſt, quin in genere luxuriæ major ſit turpitudine, & deformitas adulterii, quàm illa ſimplicis fornicationis &c.

6 Unde Confessarius notet, per fornicationem præjudicari bono à natura intento in actu venereo, optimæ nimirum educationi prolis: per adulterium ſit injuria alteri conjugum: ideò eſt peccatum contra duas virtutes, caſtatis, & juſtitia, ut ex dicendis *cap. ſequent.* per ſuprum injuria irrogatur parentibus, & tutoribus, ſub quorum cuſtodia eſt puella, quæ deſloratur, & quæ proinde conſtituitur in periculo meretricandi, à quo retrahebat metu amittendi ſignaculum virginitatis, & eſt peccatum contra caſtitem, & juſtitiam; per inceſtum ſit irreverentia ſanguine, vel affinitate conjunctis, quibus honor, & reverentia debetur: in actibus enim venereis eſt turpitudine honoris, & reverentia contraria, & propterea eſt peccatum contra caſtitem, & pietatem; per raptum ſit injuria parentibus, vel perſonæ, quæ abducitur ad turpia: & præter malitiam luxuriæ continet quoque illam rapinæ. In peccato contra naturam eſt deformitas repugnans fini primario intento à natura in actu venereo, generationi nimirum hominis. Sodomia eſt peccatum gravius moliſſie: & beſtialitas gravius ſodomia; de quo nullus prudens debet dubitare. In ſacrilegio præter deformitatem luxuriæ, eſt malitia irreverentia, quæ ſit Deo, dum polluitur perſona, vel locus Deo dicatus, conſequenter eſt contra virtutem caſtatis, & Religionis.

7 In Confessione ſunt diſtinctæ à penitentibus reis explicandæ ſpecies luxuriæ:

xuriæ: an nimirum peccaverint cum solutis, vel uxoratis, consanguineis, vel affinibus, cum virginibus, vel raptis, cum Deo Sacris, & in Sacris locis, vel contra naturam peccato mollitiei, vel Sodomiz, aut bestialitatis; debent numerum aperire, tam personarum, quam vicium, & alia, de quibus *lib.1. cap.18.* quæ hic ommitto, ne dicta inutiliter repetam; quæ à Confessario videnda sunt, ut habens speciem peccati, possit remedia applicare, & curare infirmum.

8 Præfatis speciebus luxuriæ solet addi impudicitia, quæ versatur circa tactus impudicos, oscula, verba obscena, & aspectus libidinosos, quæ in non conjugatis, etiam propter solam delectationem in eis repertam, sunt peccata mortalia; nam hujusmodi delectatio est ex natura sua mortalis; nam actus, qui nequit stare cum charitate, est mortale, sed non potest simul cum actu venereo stare charitas, ex dicendis infra, ergo nec cum dispositionibus excitantibus ad eum actum. Vide dicta *lib.1. cap.29.* & Joan. De la Cruz 6. *præcept. artic.1. dub.2. cont.1.* & pondera præfatos actus esse circumstantias, & pertinere ad speciem coitus, adeo ut, si fiant cum uxorata, habeant malitiam adulterii; cum soluta, fornicationis; cum virgine, stupri; cum consanguinea, & affine, incestus; cum Moniali, sacrilegii, &c. etiam si ex intentione operantis non ordinentur ad copulam: fat est enim, quod ex sua, vel natura operis ordinentur ad illam, & voluntariè procurentur.

9 Quæritur, an luxuria ex sua natura sit peccatum mortale?

Resp. Affirmativè; quod patet, ex quo luxuria, seu quælibet delectatio carnalis, omnisque actus venereus consummatus, & exercitus extra matrimonium, opponatur castitati, quæ sub mortali prohibet omnem hujusmodi actum, & delectationem veneream, ut

non fiat extra matrimonium, ergo cum extra ipsum voluntariè exercentur, sunt mortalia.

Et maxime suadet animadversio, quod actus venereus sit à natura principaliter intentus ad generationem proles, & ipsius rectam educationem, non modò corporalem per cibos, verum & moralem per instructionem; cum homo non sit quoddamque animal, sed animal rationale; qui autem actum venereum exercet sine præfacto fine, illum exercet, quomodo non decet, & cum damno proles; quoad esse, ut contingit in peccatis contra naturam; & quoad educationem, ut evenit in aliis speciebus luxuriæ, ergo mortaliter peccat: quia mortaliter peccamus, dum aliquid operamur, quod nequit stare cum charitate, sed actus venereus extra conjugium non potest stare cum charitate; nam charitas vult bonum proles, talis vero actus extra matrimonium habitus bono proles præjudicat: cum, si aliter fiat, quam inter virum, & faminam, esse priveitur: si verò sit inter virum, & faminam, matrimonio non conjunctos, recta educatione, vel saltem periculo exponitur, ut non rectè educetur.

10 Quæritur, an actus luxuriæ, vel delectatio venerea possit esse venialis ex parvitate materiæ?

Resp. Negativè, sic DD. communiter: in peccatis itaque contra castitatem non excusatur ullus à mortali, ob parvitatem materiæ, quæ in rebus venereis non admittitur; nam castitas quamlibet delectationem veneream, etiam secundum se prohibet: cujus malitia est ejusdem speciei cum malitia pollutionis voluntariæ: cum hac solum differentia, quod ea pollutionis sit major; quælibet enim venerea delectatio per Galenum, est quædam inchoata pollutio, cum secundum se, & sua natura proximè ordinetur, & sit apta ad commovendos humores genitales in ordine ad consummatam voluptatem veneream in corpore; quælibet autem inchoatus actus pollutionis

nis mortalis est, ergo & quolibet delectatio venerea, siue intensa, siue remissa, cum in utraque semper sit pollutionis periculum, & quod exerceatur contra finem à natura intentum, ergo eam procurans, vel voluntarie admittens, mortaliter peccat, quamvis per accidens pollutio non sequatur; quemadmodum mortaliter peccat, qui voluntarie excitat scintillam ordinatam ad incendendas fegetes, quamquam per accidens non sequatur incendium.

11 Sed dices, ergo saltem non peccabit fornicator cognoscens feminam sterilem, ex qua nulla est futura proles; vel, si provideat, ut proles recte moraliter educetur?

Resp. Negando consequentiam; nam quod proles non sequatur, vel recte educatur, est per accidens, cum copula carnalis ordinetur per se ad generationem, & proles sic nata regulariter per se prave moraliter educetur; in lege autem attenditur, quod est per se, non quod est per accidens. Deinde, natura non modo intendit vitare damnum malæ educationis moralis, sed etiam periculum, quod prave proles educatur: quod non vitatur, licet in aliquo casu proles educetur recte: & non modo istud periculum, & damnum, verum etiam alia, quæ ex fornicatione sequuntur; cum proles ex fornicatione concepta careat securitate: siquidem ejus vita per se est in maximo periculo ante, & post natiuitatem, cum soleant Matres præcipue nobiles, & feminæ bonæ famæ, non solum generationem impedire, sed etiam aliquando abortum procurare, & filios, etiam ante baptismum, occidere: si sint masculi, ubi adolescunt, variis delictis se tradunt: si feminæ, meretricium assumunt. Quæ providit etiam propagationi speciei per matrimonium: ergo nullus coltus extra ipsum est necessarius ad speciem propagandam: alioquin pauci forent homines, qui uxorem ducerent, & jura, & Religio matrimonii

violarentur: ergo copula carnalis extra matrimonium est à natura prohibita, quia caret morali certitudine recte educationis, iustitia, & necessitate, ergo est intrinsece mala, & peccatum.

12 Sed quaritur, quomodo peccaminosa non erit copula coniugalis inter senes steriles, & cum femina prægnante, dum ipsa non ordinetur ad finem intentum à natura, nimirum ad generationem, nec ab ipsis possit exerceri in bonum prolis, cum prolis generande spes non adsit?

Resp. De hac re diximus cap.7. nu.20. Quorum Matrimonia valida sunt, & copula per se ad generationem ordinatur, cum semen emittant ex natura sua prolificum, etsi per accidens ratione debilitatis, vel accidentaliter frigiditatis generationi ineptum: ad differentiam illius per Eunuchos, & spadones, utroque teste privatos, emissi, quorum Matrimonia invalida esse declaravit Sixtus V. *const. Cum frequenter, die 27 Junii 1587.*

13 Sed dubitatur, an cognoscere conjugem ad solam incontinentiam vitandam, seu ad non peccandum ex concupiscentia contra castitatem, sit venialiter illicitum?

Resp. DD. dividiuntur: aliqui cum D. Augustino *lib. de bono conjugii cap.7.* & *serm.63. de divers. cap.13.* D. Thomas in *4. dist.31. quæst.2. art.2. in corp.* & *ad secundum*, dicunt, non carere culpa veniali: quibus adheret Campion. *part.2. instruc. cap.51. num.12.* & Contenson. *Theol.1.11. part.4. differt.4. cap.1. prop.5.* affirmantes post lapsum fuisse Matrimonium, etiam ordinatum à Deo in remedium incontinentiæ, tanquam finem secundarium subordinatum primario, generationi nimirum filiorum; consequenter peccare venialiter conjuges exercentes copulam principaliter ad evitandam incontinentiam; & deducunt ex illo Pauli 1. ad Corinth. *secundum indulgentiam dico*; ubi autem nulla est culpa, nulla est indulgentia.

Alii sustinent in eo nullam esse culpam, ita Layman. *l. 5. tract. 10. part. 3. cap. 4.* plures referens, & Poncius *disp. 49. quæst. 2. cont. 3.*

Qui omnes hoc idem concedunt, quod ætus conjugalis careat veniali culpa, cum exercetur ad gignendos filios: quia etiam caret ex parte reddentis, dum debitum reddit alteri coniugi petenti, propter vitandam incontinentiam in illo, quia in eo sine invenitur fides conjugii, hoc est, satisfactio obligationis ex iustitia reddendi debitum; juxta August. *lib. de bono coniug. cap. 7.* ubi: *reddere debitum conjugale nullius est criminis, exigere autem ultra generandi necessitatem culpæ venialis;* ipsum legas ibid. & cap. in adolescentia 33 quæst. 2. & qu. 4. cap. Virum propria.

14 Sed quæritur, *an veniale etiam sit, copula conjugali uti solum propter sanitatem?*

Resp. Affirmativè, ibid. Contenson: cum D. Thoma, ad 3. aliique, & Cardenas *num. 52.* ratio est, quia omittitur finis primarius Matrimonii, hoc est, bonum prolis in ordine ad conservandam speciem, & rectam educationem, & assumitur medium ad id, de se non ordinatum. Verum, sicum sine primario intenderetur etiam sanitas, id sine culpa veniali esset. Nec est necessarium, quod intentio ob finem primarium sit actualis, sed fat est virtualis, ut ibi Cardenas *na. 45.* & DD. in *tract. de Matrim.* De copula conjugali habita ob solam delectationem, vide *cit. cap. 7.*

15 Quæritur, *quid sit delectatio morosa, & an à desiderio distinguatur?*

Resp. Est voluntaria complacentia de objecto cogitato, sine ordine ad opus exequendum: qui purè morosè delectatur, non intendit exequi quid, de quo delectatur, vel in quo sibi complacet, sed ibi quiescit: in quo differt à desiderio, quia desiderans aliquid, semper ex vi desiderii intendit consequi quid, quod desiderat, & desiderium consummare in

ipso opere externo. Appellatur *morosa*, non à mora temporis, qua quis in ea perseverat, quia momento perfici potest, sed à mora voluntatis, quatenus non illico, & dum plenè advertit, eam non repellit, nec reprimere conatur, sed voluntariè admittit, etiam si per unicum instans.

16 Sed quæritur, *an cogitatio morosa sit peccatum mortale?*

Resp. Affirmativè, modò sit cum plena advertentia intellectus de re mortaliter mala, ut homicidio, ebrietate, fornicatione, &c. ratio est, quia apparet esse contra rectam rationem, quod appetitus delectetur de re turpi, inhonestà, & mala. Layman. *lib. 1. tract. 3. cap. 6. num. 4.* Quare ponderet Confessarius, quòd in genere omnis delectatio morosa de objecto, vel opere intrinsecè malo, mala est: ita ut si, opus sit solùm venialiter peccaminosum, ut mendacium officiosum, etiam delectatio de eo sit venialiter mala; si verò opus sit mortale, & delectatio de eo erit mortaliter illicita; quod, si opus sit licitum, licita erit, si indifferens, talis & ipsa.

17 Sed quæritur, *an delectari de commestione carnis in Quadragesima sit peccatum mortale delectationis morosa?*

Resp. Distinguendum est: vel ita delectaris, ut velis carnes comedere eo tempore prohibitas, vel delectaris præcisè de ipsa substantia commestionis secundum se. Si primo modo, mortaliter peccas, quia, si, cognito Ecclesiastico præcepto, habes desiderium, & propositum comedendi carnes in Quadragesima, habes quoque voluntatem transgrediendi præceptum; nam tunc non solùm delectaris, sed vis efficere actum malum, & prohibitum: quoniam eo tempore non possunt carnes comedi (intelligo à non infirmis, & sine licentia) absque transgressionem præcepti. Si secundo modo, non peccas, nec legem jejunii transgredieris, quia lex carnis com-

commestione prohibens prohibet commestione carnis in re, non verò delectari de ipsius esu secundum se: modò retineatur propositum efficax non comedendi. Layman. *cit. num. 9. Anton. à Sp. Sanct. tr. 5. disp. 8. sect. 2. §. 25. nu. 532. dico tertio.*

18 Sed quare etiam non potest, qui, delectari de fornicatione secundum se, quin mortaliter peccet?

Resp. Quia cum fornicatio sit prohibita, quia mala, non potest ab ipsa propria malitia præcindi, sed semper debet, ut turpis cognosci; commestio autem carnis tempore Quadragesimali est solum mala, quia lege positiva prohibita, & idè potest intellectus eam voluntati secundum se præsentare absque extrinseca prohibitione, & sub ea ratione delectari; potestque esse delectatio commestionis carnis secundum se, & non delectatio carnis, ut in Quadragesima, quia sic certè est mortaliter peccaminosa.

19 Quæritur, an in Confessione sit explicanda circumstantia persona, de qua delectari contingit, an sit Uxorata, virgo, libera, vel Monialis?

Resp. Vide dicta lib. 1. capitul. 18. & hinc nota, delectationes morosas esse diversæ speciei ex diversitate objectorum, sic, ut delectatio de homicidio, & furto contineat malitiam iniustitiæ, & delectatio circa objecta venerea malitiam contra castitatem, diversam, juxta qualitatem objectorum, & personarum: circa quæ ego plura non addo; cum in hac materia melius, & tutius sit silere, quàm loqui. Sed consulas DD. & tibi caveas, ne curiositate in peccatum traharis.

20 Quæritur, an liceat conjugibus delectari voluntariè de copula inter eos habita, vel habenda?

Resp. Communior opinio affirmat, secluso ulteriori periculo. Layman. *nu. 12. Maltrius 195. De la Cruz art. 9. dub. 12. Ant. à Sp. Sanct. tract. 11. disp. 10. sect. 12. Campion. part. 1. Instruct. ad aud. Con-*

sess. cap. 31. num. 5. alique plures; ratio est, quia delectantur de aculicito, de copula nimirum conjugali, quæ illi ratione Matrimonii licita est: & per accidens est, quod ob absentiam non possit exerceri, ergo & delectatio de copula cogitata, cum talis sit delectatio, quale est objectum: sed tutius est, ut abstineant.

21 Quæritur, an liceat vidua voluntariè delectari de copula præterita cum suo viro?

Resp. Negativè, sed mortaliter peccat; ratio est, quia pro tempore, quo delectatur, copula est ei prohibita, ergo quidquid ad eam conducit.

22 Sed quæritur, an sponsis liceat voluntariè delectari de copula futura?

Resp. Negativè, propter eandem rationem, quia eis non est licitus, nec permissus actus externus, de quo delectantur. Layman, & De la Cruz *sit. quibus nequielicent tactus, oscula, & amplexus impudici: juxta dicta lib. 1. cap. 29. num. 7.*

23 Quæritur, pœnitens se accusat, Pater habuit cogitationes impuras, super quo est à Confessario interrogandus?

Resp. I. An advertens se habere tales inhonestas cogitationes, voluntariè in illis perseveraverit, & commoratus sit: vel negligens fuerit in eis repellendis, & prohibendis; an verò totus fuerit in eis fugandis, & statim fecerit, quantum potuit, & debuit, ut eas reiiceret, divertendo intellectum ad alia objecta honesta, recurrendo ad orationem, &c. Si dicat eas sine mora rejecisse, ac prohibuisse, quævis alia interrogatio superflua est, cum tunc non peccaverit.

Si verò advertens eas non prohibuit, sed acceptavit, & admisit, etiam per instans, mortaliter peccavit; propterea debet aperire speciem cogitationum, delectationum, an fuerint circa personas nuptas, velsolutas, virgines, masculos,

culos, &c. & numerum exprimere: ut sexies habui cogitationes, & delectationes morosas, semel de nupta, de virgine bis, & ter de Moniali sum morosè delectatus.

24 Sed quæritur, *pœnitens Confessario aperit, desideravi habere copulam cum Berta, si esset mea Uxor: & de copula, sic per imaginationem proposita, morosè delectatus sum, peto, an mortaliter peccaverim?*

Resp. Affirmativè; ratio est, quia desiderium illud, & delectatio commovent, vel apta sunt commovere humores genitales in ordine ad voluptatem veneream in corpore, ergo licet ea conditione præcindatur, à copula malitia fornicationis, desiderium tamen illud adhuc delectativum, est secundum se mortiferum propter eam; etiamsi actu non excitetur delectatio sensitiva, nec commoveantur spiritus generationi inservientium, quia ad id tale desiderium est ex se ordinatum, & idoneum, *cit. à Sp. San. tract. 5. nu. 533. Ilfing. tr. 4. disp. 1. art. 3. §. 4. num. 71.*

25 Quæritur, *quando motus veneris censentur esse mortalia?*

Resp. I. Cum à voluntate excitantur: hoc est, cum in ordine ad eos directè, & positivè applicantur media opportuna, & perse ordinata; ut si quis, data opera, ad eos excitandos velit cogitare de rebus veneris, resturpes aspicere, oculari, de obscenis loqui, & alia similia agit: item cum, illis aliunde excitatis, voluntas consensum præbet; quoties enim voluntas, supposita intellectus advertentia, motus carnales, & delectationem veneream sensibilem nec repellit, nec reprimere conatur, censetur consensum præbere, & mortaliter peccat; quævis enim delectatio, etiam minima, quæ in parte sensitiva percipitur ex voluntaria consideratione venereorù, secluso etiam consensu in opus externum illicitum, extra matrimonium, est mortaliter illicita.

26 Quæritur, *an vir nobilis, seu di-*

ves manifestans in confessione, se destorasse virginem pauperem, sit à Confessario obligandus ad eam dotandam?

Resp. Affirmativè, saltem quoad partem, licet ipsa spontè consenserit; ratio est, quia præsumitur eam, non tam ex levitate, quam ex necessitate id fecisse, adeoque cum tacita conventionem recipiendi, saltem partem dotis, qua alteri nubat. Quilici *Confess. manud. qu. 7. ar. 2. num. 12.* Joan. de la Cruz *direct. conf. 7. præcep. 7. nu. 2. dub. 4. conc. 3.*

Cum quibus DD. tradunt, cum, qui vi, dolo, fraude, vel minis Virginem violavit, teneri, per se loquendo, eam in uxorem ducere, *cap. si seduxerit de adulteriis*; ratio est, quia ei injuriam fecit: dixi *per se loquendo*, quia dantur plures casus, in quibus corruptor ad id non tenetur. 1. Si sint multum dispares. 2. Si gravia scandala ex tali matrimonio probabiliter timerentur. 3. Si vir interrim sacris initiatur, vel intret Religionem, vel aliam in uxorem duxerit. 4. Si Pater puellæ recuset eam ipsi tradere. Sed tunc ex iustitia tenetur dotare, vel dotem augere, ut possit, tam bene nubere, quam posset, si foret virgo: quòd si ipsa aequè bene nupsisset, ac si esset virgo, & nulla infamia sit Patri, vel ipsi secuta, ad nil stuprator tenetur, cum tunc nullum intulerit damnum.

27 Quæritur, *corruptor interrogat Confessarium, an teneatur stare promissis cum Berta, quam destoravit sub promissione matrimonii, cui promississe affirmat, sed promissione ficta, & animo ipsam non ducendi?*

Resp. Tenetur eam ducere; ratio est, quia ea promissio est contractus cum virgine; quæ ratione ipsius permittit copulam cum gravi suo præjudicio, ergo sicut ipsa ex sua parte conditionem adimplevit, ita corruptor debet ex sua. Aliqui eum excusant, si virgo poterat cognoscere promissionem non esse veram.

28 Sed quid, *si destorator esset valde nobilis, & virgo plebeia?*

Resp.

Resp. Quidam ipsum liberant, quia facile virgo poterat cognoscere, quod verè non promitteret. Sed id non admittitur à Poncio *disput. 52. qu. 7. num. 41.* cum illa disparitas non videatur sufficiens, ut id cognosceret: quando quidem, ea non obstante, posset verè promittere, ut alii nobiles sæpe fecerunt, ergo, nisi aliunde fictio appareat, manebit obligatio. Eiusdem opinionis est Quilici ubi supra *num. 17.* Quod totum intelligendum est, nisi immineant scandala, gravia damna, rixæ, & contentiones inter consanguineos; quia cum iustitia non obliget ad illicitum, non potest in eo casu ad matrimonium obligare, quod ratione scandali, & damni foret illicitum; quare tunc teneretur ad compensanda damna: & sic vel ad dotandum, vel ad augendam dotem: vel ponere ipsam, quantum possibile est, in tam bono statu, quam fuit ante, in ordine ad ducendum maritum. Quæ etiam exequenda ab ipso forent, si post stuprum superveniret ipsi impedimentum dirimens matrimonium, ut si fieret affinis, vel aliam duceret, si sacros Ordines susceperet, &c.

Adverte; quòd si femina decipiat virum fingendo se virginem, ad nihil vir tenetur, neque ad damna; nam ea sibi imputet mulier, quæ virum sub conditione virginitatis decepit, & vir sub eadem conditione promisit.

29 Sed quid, si *desforator prius emisisset votum castitatis perpetuæ, vel Religionis, & virgo pateretur desforationem cum promissione matrimonii?*

Resp. Non tenetur eam ducere, si puella scivit votum, quia promissio ratione voti fuit illicita; teneretur tamen ad damna compensanda, si sequantur, & ipsam dotare, vel dotem augere. Vid. *sup. cap. 16. num. 33.*

30 Quæritur, *puella post occultam desforationem obtinet dotem à Confraternitate. N. quæ solis virginibus ex dispositione testatoris debetur, petitur, an possit eam retinere?*

Resp. Negativè; namei datur contra mentem testatoris, & in præjudicium puellæ revera virginis: & ideò, vel eam restituere debet, vel recurrere ad maiorem Pœnitentiarium, cui in constit. Innoc. XII. *Romanus Pontifex, edita 9. Septemb. 1692.* super facultatibus maioris Pœnitentiarii, datur facultas, ut infra. *Cum puellis, quæ virgines non sunt, & dotes petunt, seu obtinuerunt à Confraternitatibus, aut aliis locis, vel dispensatoribus piis, quibus injunctum est, ut illas virginibus tantum dent, seu distribuunt, in occultis, & in foro conscientie tantum, quatenus ille in posterum honestè vivat, facultatem habeat dispensandi.*

Nota, luxuriam esse vitium capitale, & quòd ejus filiz sunt, ac ex ea originem habent: *levitas mentis, precipitatio, inconsideratio, inconstancia, amor sui, & huius mundi, odium Dei, & horror futuri sæculi;* quia luxuriosi, velut æci, non percipiunt id, quod secundum rationem percipere deberent: imprudenter agunt; statim à bonis propositis deficiunt: inordinatè propriam delectationem, & res hujus sæculi appetunt: Deum, tamquam concupiscentiæ vindicem, odio habent: res æternas fastidiunt, & contemnunt, ac ratione venereorum parati sunt beatitudini renunciare.

31 Quæritur, *an præter luxuriam dentur alia peccata capitalia, & cur capitalia dicantur?*

Resp. Affirmativè. Celebris est divisio septem membris peccatorum, in *Superbiam, Avaritiam, Luxuriam, Iræ, Gulam, Invidiam, & Acediam.* Quæ capitalia dicuntur, quia ex ipsis, tamquam ex fonte multa vitia derivantur, & originem habent.

32 Ex superbia nascitur. 1. *Presumptio:* qua quis animo elato præsumit obtinere aliquid temerè, vel quod est supra suas vires; de opposita spei *Theol. diximus lib. 1. cap. 1.2. Ambitio,* inordinata nimi-

nimirum cupiditas dignitatis, & honoris indebiti, vel debito majoris. 3. *Vanagloria*, hoc est, inordinata delectatio humanæ laudis, vel vana cupiditas æstimationis propriæ excellentiæ, sive veræ, sive fictæ. 4. *Fastantia*, de qua supra cap. 17. in fin. 5. *Hypocrisis*, qua quis se iustum simulat, vel iustiorē, quàm sit, ut ibidem nu. 21. 6. *Inobedientia*, qua quis dedignatur aliis subesse, & ut plurimum contemptum inducit præcipientis, vel prohibentis. 7. *Pertinacia*, cum quis nimis suæ opinioni, & iudicio innititur, nolens credere meliori sententiæ, vel consilio: 8. *Curiositas*, qua quis studet altioribus studiis supra suum statum, & capacitatem. 9. *Ingratitudo*, dum beneficium acceptum vel contemnitur, vel oblivioni traditur. 10. *Arrogantia*, per quam quis sibi attribuit, quod non habet. 11. *Discordia*, seu voluntatum divisio: inter superbos enim semper sunt jurgia.

33 Ex Avaritia procedit. 1. *Obdurnitas cordis*, impediens commiserationes erga pauperes indigentes. 2. *Inquietitudo*, seu nimia sollicitudo acquirendi divitias, & nimis metus eas perendi. 3. *Fraus*, sive dolus in factis. 4. *Falacia*, seu dolus in verbis. 5. *Proditio* contra fidem datam. 6. *Neglectus* divinarum, & salutarium. 7. *Injustitia*, *mendacium*, & *perjurium*.

34 Ex Ira oritur, *tumor mentis*, in hoc consistens, quod quis morosè delectetur, & excogitet diversas vias vindictæ: quibus cogitationibus dicitur animus tumefacere; item contumelia, blasphemia, maledictiones, indignatio, *rixa*, &c.

35 Ex Gula descendit *mentis hebetudo*, *ineptalatio*, *multiloquium*, *scurrilitas*, *immunditia* (quæ consistit in vomitu) & similibus.

36 Ex Invidia, habetur *odium*, *furratio*, *detractio*, *gaudium in adversis proximi*, *tristitia in prosperis*, & *iudicium temerarium*.

37 Ex Acedia, venit 1. *Tepiditas*, seu parvus boni amor, & languor spiritualis ad bonum. 2. Desperatio, qua quis desperat consecutionem beatitudinis æternæ. 3. Torpor, & pigritia, qua quis negligit adimplere divina præcepta. 4. Malitia, qua quis odit bona spiritualia in se, penitendo bene fecisse, & abstinuisse à mortalibus, optando non esse natum, aut baptizatum. 5. Pusillanimitas, qua quis non audet aggredi viam perfectionis, quam Deus inspirat, & similia.

38 Sed quaeritur, *an omnia vitia capitalia sint ex genere suo mortalia?*

Resp. Negativè. Vide supra cap. 6. numero 4. & lib. 1. cap. 17. & ex ibi dictis hic discurras.

39 Et interea animadvertas, superbiam esse ex genere suo mortale; quia cum superbus inordinatè appetat propriam excellentiam, ratione cujus velit super alios ire, & nolit subiici Deo, vel Superioribus, tenentibus vicem Dei in nostra directione, eosque contemnat, non potest habere charitatem cum Deo, vel proximo, quibus positivè non vult bonum suæ subjectionis, illis secundum rectam rationem debitum: ad quam tenemur ex virtute humilitatis, ex D. Thom. 2. 2. qu. 161. art. 1. ad 5. quæ idcirco sub mortali, saltem respectu principalis objecti, ad suos actus nos obligat.

40 Sed potest esse *veniale*, vel *ex imperfecta advertentia*, seu, cum res, in qua primatum quaritur, exigua est, vel cum quis plus iusto se magnificat sine aliorum contemptu.

De Luxuria diximus supra num. 9.

41 Invidia pariter est ex genere suo mortale, quia opponitur charitati, quæ vult bonum proximo, & de bono proximi gaudet; invidus autem de bono proximi, ut diminutivo suæ excellentiæ, tristatur. Vide supra cap. 8. nu. 21.

42 Acedia tandem est ex genere suo mortale propter oppositionem, quam habet cum charitate; quia ipsa est tristitia,

stitia, per quam tristamur de bono divino. Sed adverte, quod possum. 1. tristari de bono, quod Deus in se habet. 2. tristari de spiritualibus, ut respiciunt Deum, non curando amicitiam ipsius, ut, de Sacramentis, & lege ab ipso lata. 3. tristari de opere bono, quia laboriosum est, ut, de recitatione officii. 4. tristari non de opere bono, quia laboriosum est, sed de opere laborioso, quia bonum, seu divinum, ita ut mihi displiceat, quia tendit in gloriam Dei.

Tristitia in 1. & 2. sensu est Dei odium: in 3. sensu est Acedia, sumpta pro pigritia: quia pigritia apud Poncium *di/p. 2.2.q.11.num.104.* est voluntarium tedium retrahens ab exercitio virtutis ob difficultatem; & est mortale, quando retrahit ab exercitio præcepto, aut constituit in magno periculo retrahendi, seu omittendi rem præceptam. Sub ista ratione *Campion. cit. cap.14.num.2.* affirmat, Acediam non esse per se prohibitam, sed per accidens, ratione nimirum rei præceptæ, adeò ut non sit necesse, quod penitens in confessione se accuset, non jejunasse, ex illo tædio laboris, sed sufficere, quòd tale jejunium omiserit; quo casu debet Confessarius interrogare ultimam circumstantiam peccati, an scilicet ad jejunium obligaretur, ratione voti, vel præcepti Ecclesiastici, & quibus cibis violaverit.

43 In quarto verò, est propriè peccatum Acediæ, per se prohibitum, & mortale ex genere suo contra charitatem, non admittens parvitatem materiæ: adeò ut, si ex eo motivo omittam dumtaxat nomen Jesu invocare, sit mortale peccatum, esto nullam aliam habeam obligationem invocandi: modò talis tristitia sit voluntaria, & deliberata. Quòd, si ex illo motivo omitto id, ad quod aliàs sum obligatus, ut divinum officium, duplex peccatum committo, aliud Acediæ contra charitatem, & aliud omissionis recitationis contra Religionem: illud est contra charitatem, quia

charitas vult Deum esse: tristari autem de rebus spectantibus ad Deum, ut in ipsius gloriam tendunt, est veluti tristari, quod Deus non sit Deus, quod gravissimum peccatum est.

44 Itaque quatuor hæc: Superbia, Luxuria, Invidia, & Acedia, sub mortali ex genere suo obligant: non verò Tria alia, Avaritia, Ira, & Gula. Non Avaritia, quæ opponitur liberalitati, quæ affectum moderatur ad suos actus, sed non sub mortali obligat, cum possimus habere charitatem erga proximum, etiam si non simus liberales; nam ex virtute liberalitatis nil alteri debemus: & dum liberalis alteri donat, non respicit necessitatem beneficiati (quia ad hoc tenemur ex charitate) sed suam propriam electionem. Verùm Avaritia per accidens fit mortalis: cum ex amore, & retentione pecuniæ vel violatur iustitia, negando, aut differendo mercedem operariis, non implendo legata, non solvendo debita: vel violatur charitas retinendo sua in extrema necessitate proximi, vel etiam in gravi, dum habet de superfluis statui. Avarus enim inordinate appetit pecuniam.

45 Non Ira, quæ opponitur mansuetudini, moderanti passionem iræ, ne quis irascatur plus, aut minus, quàm decet; verùm, quia ira est appetitus inordinatus vindictæ, ex parte objecti, nisi excuset parvitas materiæ, vel inadvertentia, est mortale, cum appetit vindictam injustam.

46 Nec Gula, quæ opponitur virtuti abstinentiæ, per se non obligantis sub mortali ad suos actus: sed per accidens sæpe obligat. Vide *cap.6.num.3.&5.*

Sed dices, ebrietas ex ibi dictis *num.8.* est ex suo genere peccatum mortale, sed est contra abstinentiam: quæ est virtus moralis moderans delectationes gustus, ne homo plusquam decet, cibo, aut potu utatur, ergo & gula.

Resp. Negando ebrietatem esse contra abstinentiam; nam, ut ibi notavimus *n.6.*

ebrie-

ebrietas opponitur sobrietati, quæ sub mortali obligat ad ipsam non ponendam, tamquam actum ei oppositum per excessum; & impossibile cum charitate. Hinc notabis, quod moderari potum, ut non delectemur inordinatè in illo, spectat ad abstinentiam: moderari verò, ut non noceat usui rationis, ad sobrietatem; quare abstinencia moderatur delectationem cibi, & potus, ut in edendo, & bibendo mensuram rationis homo non excedat, nec plus edat, nec bibat, quàm decet. Sobrietas verò moderatur usum potus, ut ex immoderato potu non impediatur usus rationis per ebrietatem: abstinencia itaque impedit delectationem in cibo, & potu: sobrietas autem nocumtum in usu rationis; quod nocumtum repugnat charitati: & ideo sobrietas sub mortali obligat ad tale impedimentum non ponendum.

Denique non debet Confessarius omittere lecturam decreti Innoc. XI. editi die 28. Augusti 1679. contra errores Michaelis de Molinos, in quibus turpissimus Author laxavit habenas, & præsertim legat propositionem 41. 47. & 48. & omnino Molinismum à poenitentibus removeat.

CAPUT XXIX.

Prop. L. ab Innoc. XI. &c.

Adulterium.

PROP. 50. Copula cum conjugata, consentiente marito, non est adulterium, adeoque sufficit in confessione dicere se esse fornicatum.

Capite superiori vidimus adulterium numerari inter luxuriae species, quod à DD. describitur: est copula illicita consummata cum aliquo, vel aliqua, conjunctis in matrimonio: de quo hic specialiter dispositionem est, & contra Authores propositionis, & instruendus Confessarius super ipsius malitia.

Matthæucci Cautela Confess.

2 Quæritur, quotuplex malitia, & deformitas specie distincta sit in crimine adulterii?

Resp. Duplex: prima luxuriæ contra castitatem: secunda injustitiæ contra fidem conjugalem.

Animadvertas ex c. omne itaque 27. q. 2. tria esse matrimonii bona; bonum prolis, fidei, & Sacramenti; per bonum prolis intelligitur ejus esse, & educatio moralis: per illud Sacramenti venit matrimonii indissolubilitas, & perpetuitas; per fidem verò matrimonii ex Augustino de bono conjug. cap. 4. duo importantur: unum, quod conjux teneatur reddere conjugi debitum: & alterum, quod neuter possit alteri, quàm suo conjugi, carnaliter commisceri: ad quod ex justitia tenentur; nam talis obligatio descendit ex contractu: omnis autem contractus obligat ex justitia ad observantiam; & ideo, qui fidem matrimonii frangit, contra justitiam peccat, prout DD. communiter.

3 Sed quid, si vir consentiat, ut femina alteri viro carnaliter commisceatur? Videtur enim non esse adulterium, nec contra justitiam malitiam continere, cum juxta regul. 27. jur. in 6. scienti, & consentienti non fiat injuria, neque dolus; ergo, dum consentit, non est in vitus, ergo ius ipsius non leditur, consequenter, nec contra justitiam delinquitur.

Resp. Falsum est, talem mulierem non esse adulteram: lege decret. Innoc. & audi Paulum ad Rom. 7. igitur, vivente viro, vocabitur adultera, si fuerit cum alio viro; si autem mortuus fuerit vir ejus, liberata est a lege viri, ut non sit adultera, si fuerit cum alio viro: propositio Apostoli est universalis asserens omnem feminam conjugatam, qua vivente viro fuerit cum alio viro, esse adulteram; ergo contradicit Apostolo, qui ponit hanc propositionem particularem negativam: aliqua femina conjugata, qua, vivente viro, fuerit cum alio viro,

Ff non

non est adultera; sed de illa, quæ viro consentiente, esset cum alio viro, verificaretur, quod, vivente viro, esset cum alio viro, ergo foret adultera.

4 Addo, maritus non potest cedere juri, quod habet, ne uxor alteri carnaliter commisceatur; nam lex conjugalit obligans, quod uxor unicè viro suo adhæreat, & vir uxori, ac sint duo in carne una ad *Eph. 5.* nec divisi per commixtionem cum aliis, non dependet à voluntate mariti, ergo, quamvis ipse consentiat, uxor peccat contra legem matrimonii, & marito, ut subest statui matrimoniali injuriam facit; ob quem habet jus in conjugem, & debetur ei fides conjugii, nec juri cedere potest. Patet à simili de Petro, Clerico, qui non potest renunciare juri immunitatis Ecclesiasticæ, & propterea Judex Laicus excommunicatur, si Clericum ad suum tribunal, etiam ipso consentiente, trahat; nam semper ipsi, si non, ut Petro, tamen, ut subest statui clericali, injuriam irrogat: propter quem ei honor à laico est exhibendus, ut post Cardenas notavit Quilici *Confess. manud. qu. miscellan. num. 24.*

Nec obstat regula juris adducta, quia, ut optimè Cajetanus in D. Thom. 2. 2. ad qu. 154. nu. 6. ad 1. *Igitur dubium*, notat, intelligenda est in iis, quorum homo est dominus secundum libitum suæ voluntatis, ut sunt bona fortunæ, & non in his, quæ, etsi nostra sint, non tamen possumus de illis ordinare, ut nobis placeat; ut patet in naturalibus; nam licet manus tua sit tua, non tamen propterea potest de consensu tuo sine tua injuria à te tolli. Est in marito jus utendi sua uxore, juxta leges matrimonii, sed non est dominus tradendi alteri usum corporis illius. De quo Mayol. *Sum. p. 2. q. 1. art. 4. sect. 5. non præcep.*

Dices D. Augustinus lib. 1. de sermon. Domini in monte cap. 16. de hujusmodi re dubitavit occasione historiæ, quam ibi narrat de muliere quadam Antioche-

na, quæ se, consentiente marito, alteri prostituit, ut eum à morte liberaret.

5 Resp. Negando D. Augustinum de veritate dogmatis dubitasse. Nam, ibi ait; *sed tamen, utrum quod ait Apostolus: Mulier non habet potestatem sui corporis, sed vir*: Similiter, & vir non habet potestatem sui corporis, sed mulier: *Possit in tantum valere, ut permittente uxore, quæ maritalis corporis potestatem habet, possit vir cum altera, quæ nec aliena uxor sit, nec à viro disuncta concumbere: sed non ita est existimandum, ne hoc etiam femina, viro permittente, facere posse videatur, quod omnium sensus excludit.*

6 Sanctus Doctor solum dubitavit de veritate historiæ, prout apertè restatur, cum ait: *nihil hinc in aliquam partem disputo* (an historia sit vera, nec ne) *liceat cuique æstimare, quod velit: non enim de divinis auctoritatibus de prompta historiæ est.* Et secundum rectam rationem, & divinam legem similem concubitus non licere sequentibus tradit, subinferens: *sed tamen, narrato factò, non ita respuit hoc sensus humanus, quod in illa muliere, viro iubente, commissum est, quemadmodum antea, cum sine ullo exemplo res ipsa poneretur, horruimus; sed in hoc Evangelii capitulo nihil fortius considerandum est, quàm tantum malum esse fornicationis, ut cum tanto vinculo sibi conjugia constringantur, hac una causa solutionis excepta sit.*

7 Nec tamen ipsa fornicatio ita conjugia dirimit, ut mulier innocens, vivo marito, licet adultero, alteri nubere possit, aut copulari: *Siquidem mulier alligata est, quamdiu vir eius vivit*, hoc est, marito in corpore constituto. *Si autem mortuus fuerit*, hoc est de corpore exierit, *soluta est à lege viri*, juxta text. Apostoli ubi *supr.* Circa quem Augustinus lib. 2. de adulterin. conjugii cap. 4. ait. *Hæc verba Apostoli toties repetita, toties inculcata, & rasunt, & i-*

va sunt, sana sunt, plana sunt. Nullius viri posterioris mulier uxor esse incipit, nisi prioris esse desierit. Esse autem desinet uxor prioris, si moriatur vir ejus.

8 Atque ita cum adulterium sit alieni thori violatio, nec possit conjux operari, ut suus thorus non sit comparatione cujuslibet tertii alienus, est certum, non posse conjugem ullo suo consensu operari, quod accessus cujusvis tertii ad suam conjugem non sit violatio alieni thori; atque adeo adulterium.

Unde consensus non modò uxorem, ejusque amicum à crimine adulterii non liberat; sed ipsum maritum criminis complicem, & reum lenocinii constituit, secundum illud Apostoli ad Romanos 1. *Qui talia agunt, digni sunt morte: & non solum, qui ea faciunt, sed etiam, qui consentiunt facientibus:* ut bene Natalis Alex. *Theol. dogmat. tom. 2. lib. 4. cap. 8. art. 2. regul. 1.*

9 Quæritur, *uxor cum alio viro commiscetur, à quo pro mercede accipit quinque aureos: petitur, an possit eos in conscientia retinere?*

Resp. Dubium apud neminem excitatum, & resolutum vidi. Circa quod negativè respondeo juxta dicta *cap. 9. n. 14.* Nam uxor non est domina usus sui corporis, quia ex allegatis verbis Apostoli vir habet potestatem corporis propriæ uxoris; atque adeo hæc non potest illum usum vendere, & dum conatur vendere, injustè vendit, quia vendit rem non suam; consequenter pretium non potest justè recipere, nec post receptionem retinere: quemadmodum vendens equum non suum, vel ad vecturam concedens pretium non potest retinere, ut potè pretium rei non suæ, & quæ semper pro domino clamat.

10 Nec debet pretium dare marito, quia maritus est dominus usus corporis mulieris, ut eo utatur secundum leges legitimi Matrimonii, non verò, ut possit ipsum alteri concedere; & comparari

potest usufructuario, qui tenet, & habet usum rei pro se, & non potest illum dare alteri: per Diamam *coord. to. 7. tr. 3. resol. 13. nu. 1.*

11 Restituendum est itaque ab Adultera pretium receptum; sed non viro, cum quo peccavit, in pænâ delicti, & quia turpiter, & contra justitiam dedit, volens emere, quod non poterat; Ideo consilio Confessoris est erogandum pauperibus. Impuret autem sibi hæc femina, quod omnia perdidit, ut loquitur Mendo apud Diamam *Coord. tom. 8. tr. 7. resol. 58. nu. 3.* de femina, quæ copiam sui corporis fecit Religioso non potenti quidquam turpiter insumere.

12 Dicitur restituendum est ab Adultera, quia ubi agitur de pretio dato meretrici à potente alienare (licet sit illicitum dare, vel recipere illud ante fornicationem commissam, quia tam datio, quàm acceptio includit consensum in fornicationem, tamen post peccatum commissum dare, & accipere illud esse potest absque peccato; si nimirum detur, & accipiatur, non ex complacencia peccati, sed ratione obsequii, vel laboris alteri præstiti. Verum Toletus *lib. 5. cap. 21. nu. 7.* allegat. à Diana *cit. resol. 59. num. 4.* tradit, quod datio, & acceptio pro actu fornicario est mala, quia pro re turpi, & ob peccatum, sed non contra justitiam; & idè meretrix non tenetur restituere. Lege ibi Diamam, & quæ dixi *cap. 23. §. 11. nu. 58.*

13 Quæritur, *an uxoratus habens copulam carnalem cum conjugata unum, aut duplex adulterium committat?*

Resp. Duo: utrumque in Confessione explicandum, quia duobus injuriam facit; & propriæ uxori, & marito conjugatæ, cum qua peccavit.

Hinc Confessarius audiens Confessionem mulieris se accusantis de copula carnali cum viro, ab ipsa petat: I. An sit conjugata, & vir uxoratus: quia tunc est duplex adulterium. II. An ipsa sit nupta, & vir cum castitatis voto; nam

tunc copula continet, etiam malitiam Sacrilegii. III. An fuerit virgo; quia tunc in casu habetur etiam malitia stupri.

14 Quæritur, *Berta interrogat Confessarium; an sit validum matrimonium, quod contraxit cum Cajo, cum quo, vivente primo marito, adulterium commisit: quid Confessarius dicturus erit?*

Resp. Videat. I. An post adulterium ipsa per se, vel consilio, aut mandato proprium maritum, vel Caii uxorem occiderit, ea intentione, ut cum Cajo contraheret; vel, si non ipsa suum virum: propriam uxorem ipse Cajo interfecerit. II. an ante, vel post adulterium promiserit, vel promissionem acceptaverit, se mortuo proprio viro, Cajum ducere. III. An scienter adulteraverit, & ante mortem sui viri contraxerit cum Cajo, non ignorante adulterium committere. Dum comperiat alterum ex præfatis concurrere, matrimonium nullum esse significet; quia crimen committentis adulterium, & interficientis conjugem animo contrahendi cum adultero dirimit matrimonium, *cap. super hoc de eo, qui duxerit, &c. & cap. si quis vivente 31. qu. 1.* quemadmodum ipsum dirimit adulterium, præmissa mutua promissione, de contrahendo cum adultero, ita quod adulterium procedat in vim illius *cap. significasti, & cap. si quis, cit. tit.* maxime, si promissio ante facta non fuerit ante adulterium revocata; quia tunc adulterium promissioni conjungitur, ut notat Contenson. *Theol. de impediment. matrim. lib. 11. par. 4. differt. 4. cap. 2.*

15 Nullum quoque erit matrimonium: si adulteri, vivente adhuc legitima uxore, vel viro respectivè, matrimonium contrahant: exemplum: Titius, uxore sua vivente, adulteratus est cum Berta, & cum ea matrimonium contraxit (quod utriusque non potest esse nisi invalidum) contingit postea, ut vera Titii uxor decedat: quæritur, an possit

Titius verum matrimonium inire cum ipsa Berta? negatur posse; pro ut statuitur, *cap. cum haberet, & cap. si quis, tit. alleg.* Verum, ad hoc impedimentum requiritur, ut uterque sciat se adulterium committere; unde, si in casu proposito Berta ignorasset Titium esse uxoratum, posset, mortua ejus uxore, ipsum compellere ad contrahendum secum validum matrimonium, ut expressè textus in *cap. de eo cit. titul.*

16 Sed quid, *si allegaret, adulterium commisi ante mortem mei viri, quem non ego, nec meo consilio, aut mandato, sed me ignorante, ipse Caius ad finem matrimonii occidit?*

Resp. Et tunc quoque, postea invalidè contraxit cum Cajo: quia ad impedimentum occisionis cum adultero, sufficit, si una pars, altera etiam non consentiente, vel ignorante, occiderit ad finem matrimonii, *cap. significasti, & DD.* communiter: afferentes discrimen inter crimen occisionis cum adultero, & crimen solius homicidii (quod est etiam impedimentum dirimens matrimonium, cum occisio est ad finem matrimonii cum conjugis occisi) quod in primo adest occisio cum adultero: in secundo sola occisio; in primo sufficit, quod alter conspiret, vel alterius conjugem occidat: in secundo necesse est, ut ambo ad occidendum conspirent, & secuta occisionis sint conscii, *cap. laudabilem de convers. infidelium.*

17 Sed quid *agendum Confessario, cognita invaliditate matrimonii?*

Resp. Possent huc reduci dicta supra *capit. 7. num. 5.* Injungat mulieri, ut & virum moneat de nullitate matrimonii: quod separentur à Thoro, & cohabitatione, quia quoad vinculum ligati non sunt, propter impedimentum dirimens; quod, si separari absque gravi scandalo non possint, dispensationem petant à Sac. Pœnitentiaria, & interim ab omni copula abstineant, quia quælibet foret fornicaria; nec absolvi debet,

bet nisi post dispensationem obtentam.

18 Quæritur, *adulter suscepit de Berta Uxore Titii filium spurium, petitur, an teneatur restituere expensas à Titio factas in educatione prolis, de qua ad minus probabile est, quod sit adulteri filia?*

Resp. Affirmativè, quia fuit causa injusta illarum expensarum. Poncius disput. 32. quæst. 7. num. 43. Quilici ubi supra quæst. 7. art. 2. num. 20. Joan. De la Cruz direct. conc. 7. præcept. quæst. 7. art. 6. dub. 7.

Et procedit, etiamsi fuerit ab adultera invitatus; quia tunc etiam injuriam marito infert, causa injusta damni reputatur, & pater prolis præsumitur: cui propterea ad minus juxta majorem, vel minorem certitudinem incumbit, de alimentis providere. Per quæ veniunt apud Tambur. in decalog. lib. 5. cap. 3. §. 1. num. 2. victus, vestitus, domus, lectus, medicinz, impensæ funeris, &c. quæ debentur, non solum secundum naturam, verum etiam secundum statum, & conditionem, adeo ut filio nobili debeantur alia, quam plebejo.

19 Sed quid, si proles Hospitali exponatur?

Resp. Debet adulter, potens ipsam alere, restituere expensas educationis: tum, ex quo parentes teneantur filios alere: tum quia defraudantur pauperes, pro quibus similia hospitalia sunt instituta. Quilici, & Dela Cruz cit.

20 Sed quid, si adultera à duobus cognosceretur, ita ut, quamvis esset certum filium adulterinum, unius ex duobus esse filium, dubium tamen esset, quis eorum determinatè esset pater prolis?

Resp. Uterque ex æquo debet concurrere ad sustentationem filii, & ad restitutionem faciendam marito; ratio est, quia cognoscitur certò, quod filius non sit legitimus: & quia aliquis debet, & neuter potius, quam alter, ideo

Matthæucci Cautela Confess.

uterque partialiter tenetur. Quilici, & Poncius.

21 Quæritur, *quid agendum Confessario cum muliere, qua prolem suscepit ex Adulterio, propter quod legitimi filii damnum reportant; nam, cum & ipsa filius verus credatur, cæteri vel hæreditate privantur, vel in honorum divisione tantum non recipiunt, quantum habuissent, si ipsa inter filios non computaretur?*

Resp. Debet videre, & mulierem interrogare, an ex revelatione fructus expectetur: profutura sit: & verisimile sit filium esse crediturum; qui propterea integram hæreditatem aliis, & legitimis hæredibus relinquet, vel religionem intrabit, vel modo æquivalenti ad damnum non inferendum operabitur: in casu, quo affirmet, obliganda est ad fraudem ipsi detegendam. Verum, quia non est ita facile præsumendum, filium crediturum, immò potius verisimiliter timendum, ex revelatione scandala, & homicidia oriri posse, nec sine periculo infamiz, & vitæ, crimen possem manifestari; ideo videat, an mulier sit dives, & habeat, unde satisfacere ex propriis bonis possit eis, ad quos bona mariti pervenissent: & si potens inveniatur, eam obliget ad resarcienda omnia damna ex adulterio provenientia, relinquendo legitimis bona propria, ne damnum in hæreditate patiantur; si verò pauper, vel impotens sit, & periculum infamiz, ac vitæ ex revelatione imminet, injungat, ut de peccato doleat, cum proposito satisfaciendi cum primùm poterit, ac moneat, ut filio ingressum Religionis suadeat: at non cujuscumque, sed *Minor. de Obser.* vel Capuccinorum: quia Aliæ, etiam Mendicantes, succedunt in bonis, ex Trid. sess. 23. de Regul. cap. 3. propterea per ingressum in alias, non esset satis provisum damno.

Dum similes casus occurrunt, est magna prudentia, & non minori cautela

Ff 3 pro-

procedendum . Considerandum damnum, quod oritur ex jactura bonorum fortunæ, minus esse, quam damnum in bonis vitæ ex morte proveniens; nam, sicut bona fortunæ sunt inferioris ordinis ad bonum vitæ, in cujus conservationem illa ordinantur, sic discurrendum de damnis correspondentibus. Hinc, si ex revelatione imminet periculum vitæ, & jactura rerum dumtaxat, si taceat: minus malum eligi debet, juxta regulam communem, malis physicis ap.abilem, de duobus malis minus est eligendum, cum utrumque vitari non possit.

22 Sed queritur, an Adulter teneatur concurrere cum Adultera ad satisfaciendum?

Resp. Affirmativè; dum sibi probabile est, & motivum habet credendi prolem esse suam, quia fuit causa injusta damni; unde si adultera, utpotè impotens, non restituit, adulter tenetur; dum verò ipsa satisfacit, debet ipse ei partem satisfactionis restituere, juxta regulam alibi ponderatam, quod dum plures idem damnum inferunt, uno in integrum restituente, tenentur alii suas partes pro rata illi reddere; videndus Quilici, & Poncius ubi supra. Mastrius Theol. moral. disp. 9. qu. 4. art. 1. nu. 54. & Fagnan. in 5. decretal. ad cap. officii de penit. & remiss.

23 Queritur, an pro injuria, & dedecore, in maritum redundante ex Adulterio conjugis, debeat ab Adulteris aliquid restitui?

Resp. Si Adulterium sit notorium, debent veniam ab ipso petere, & honorem coram aliis exhibere in compensationem contemptus; si verò sit occultum, tenentur majora obsequii signa ostendere (sed non, ut possit in cognitionem criminis devenire) in satisfactionem injuriæ. Illung. tract. 4. disput. 3. quæst. 1. art. 2. §. 4. num. 95.

24 Sed queritur, an Adulter ob solam, & nudam injuriam marito exhibitam, teneatur ad restitutionem pecuniarum?

Resp. Negativè; (de damnis aliis emergentibus diximus sup. r. 1.) Adulterium, ut dixit Mastrius cit., non ideo dicitur contra justitiam, ut obliget adulterum ad aliquam compensationem pecuniariam, sed contra justitiam asseritur, ratione injuriæ irrogatæ, quatenus violatur jus, quod maritus solus habet in usum corporis Uxoris; & hinc cum pecunia, & injuria irrogata sint in diverso genere bonorum, per pecuniam non satisfacit.

25 Queritur, an Uxor peccet negando debitum marito, sibi noto Adultero?

Resp. Negativè; nam adulterium est sufficiens causa separationis, quoad Thorum, & habitationem cap. ex literis de divort. (sed non debet separatio, quoad habitationem fieri sine judicio Ecclesiæ cap. porro ibid.) ergo etiam ad negandum debitum; nam cum Adulter, admissio adulterio, privetur jure petendi debitum, jus exigendi non habet: & quemadmodum ipse adulterando fidem Uxori fregit, sic videtur Uxorem non teneri ad debiti solutionem: nam frustra quis fidem exigit servari ab eo, cui fidem à se datam non servat; Poncius disp. 49. quæst. 6. nu. 46. Duhamel. to. 2. disert. 3. cap. 5. num. 10. Layman. lib. 5. tract. 10. cap. 7. num. 7.

Verùm id intelligitur, si Uxor sit innocens; quia, si ipsa quoque esset adulterio consentiens, vel Adulterium commisisset, reddere teneretur: quoniam paria delicta mutua compensatione tolluntur, cap. tua fraternitas de Adulteriis. Item, dum ipsa innocens condonat marito injuriam, deberet reddere; nam, tunc censetur renunciare juri, quod habet negandi debitum: sive condonatio fiat tacite, quod contingit, dum Uxor, cognito viri Adulterio, ei debitum reddit, vel id ab ipso petit: sive expressè, ut, si verbis injuriam, & Adulterium expressè condonet, ut post Layman lib. 5. tract. 10. part. 3. cap. 6. num. 14. dixit Engel. colleg. jur. Canon. lib. 4. tit. 19. num. 18.

26 Sed quæritur, *an Uxor teneatur in conscientia, cognito adulterio mariti, debitum potènti negare?*

Resp. Negativè, arg. ex doctrina Augustini relati in *cap. Idololatria 28. quæst. 1.* ubi: *Dominus autem permittit causa fornicationis, Uxorem dimitti, sed quia permittit, non iussit. Vide dicta num. 17.*

Tutius itaque, & melius erit, ut Uxor viro debitum reddat, ad evitandum majus malum, & nova Adulterii crimina, quia quanto frequentius ad Uxorem accesserit, tantò minus alias quæret.

27 Quæritur, *an adulter peccet debitum exigendo ab Uxore innocente, & criminis inscia?*

Resp. Pro negativa videntur esse, quotquot tradunt privationem juris petendi ab Adultero non incurri, nisi, dum Uxor Adulterium cognoscit, quia cum illius privatio pœna quædam sit, incurri non debet, nisi ab Uxore (quæ in hoc obtinuit, quasi locum Judicis) imponatur. Gobat. experien. *T. theol. tract. 10. cas. 15. num. 600.* Nicol. *Flosculi ver. debit. conjug. num. 4.* Tambur. in decalog. *lib. 7. cap. 3. §. 3. num. 5.* Cabasut. *lib. 3. cap. 28. num. 3.*

Pro Affirmativa verò est Navarrus in *Summa à Tambur. ibid. allegatus*, ubi dixit, Adulterum amittere per leges jus exigendi debitum conjugale ab Uxore; & cum ipso debent esse, qui dixerunt absolutè ex Adulterio amitti jus debitum exigendi. Ex quibus videtur concludi, Adulterum, commisso adulterio, peccare, si suæ conjugii jungatur, quia sine jure conjungitur.

Prioris sententiæ probabilitas auctoritati DD. innititur. Verùm secundam etiam rationi magis conformem judico: cum privatio juris effectus reputeretur, non cognitionis, vel voluntatis Uxoris læsæ, sed fractionis fidei conjugalæ, ergo, posita ab Adultero ipsa fidei fractione, illicò privatio oritur, & exigere non potest, ut sibi Uxor fidem servet, non negando debitum.

Itaque Adulter, assentientibus etiam Gobat, & Felice *examen. tit. 1. nu. 4294.* solum potest ab Uxore innocente petere debitum rogando, non tamen cogere, & exigere, tamquam ex justitia sibi debitum, vel intentione ipsam obligandi ex justitia ad copulam Matrimoniale, eaque, ipsa invita, uti, sicut antea poterat; ad differentiam de casu affinitatis, & voti, quibus stantibus, nullo modo reus, vel voto ligatus, potest petere debitum sine dispensatione: obtinenda juxta dicenda *lib. 2. cap. ult.*

CAPUT. XXX.

*Prop. LI. ab Innoc. XI. &c.
Famuli inservientes Luxuria.*

PROP. 51. *Famulus, qui submissis bumeris, scienter adjuvat horum suum ascendere per fenestras ad stuprandam virginem, & multisies eidem subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti: puta, ne à Domino malè tractetur, ne torvis oculis aspi-ciatur, ne domo expellatur.*

Similes actiones sunt contra sextum præceptum decalogi, & castitatem: proximè cooperantes, & adjuvantes Dominum ad exequendam libidinem, actusque venereos; in qua re nec parvitas materiæ admittitur ad excusandum à mortali, ut alibi diximus; unde nec metus, etiam mortis, potest eas cohonestare, quin in illis circumstantiis, & scienter exercitæ, sint de se, & ab intrinseco illicitæ, ac sub mortali prohibiti-tæ; de quo post Decretum Innoc. non est ampliùs dubitandum, vide Cardenas *differt. 31. prop. 51.*

2 Sed quæritur, *quæ actiones comprebendantur sub illis verbis*, aut quid simile cooperando?

Resp. Omnes, quæ de facto proximè adjuvant, & conducunt, ac cooperan-

tur ad exequendam luxuriam, quamvis ab illis circumstantiis abstractæ essent indifferentes, ut sunt. I. Deferre scienter concubinam ad domum heri, ad effectum luxuriæ: sive famulus eam deferat in sella gestatoria, sive eam comitetur. II. Scienter ferre literas provocatorias Luxuriæ, & amorem impurum foventes, ab hero ad concubinam, vel ab ista ad illum, aut eas scribere. III. Vocare concubinam ad domum, vel cubile heri, aliumve locum ex commissione Domini. IV. Deferre munera Domini ad concubinam. V. Assistere januæ concubinæ, ne Dominus impediatur à copula. VI. Exercere lenocinium. VII. Pergere jussu Domini ad sequendam mulierem, ut sciat, ubi habitet, ut id Domino referat, ad effectum Luxuriæ, &c.

3 Quæritur, *an liceat famulis cooperari Domino peccatis Luxuria, si grave damnum eis verisimiliter imminet?*

Resp. Negative; nam, etiam in illis circumstantiis, sunt mortaliter illicitæ: cum proximè adjuvent, & cooperentur ad luxuriam Domini, quæ in nullo casu est licita; ideo nec metu mortis exerceri debent, cum debeamus potius omnia mundi mala tolerare, quam peccato mortali consentire, *cap. ita ne 32 qu. 5.*

4 Sed quid, *si affirmant, se non intendere Domino ad peccatum cooperari, vel ipsum adjuvare, sed solum periculum mortis vitare?*

Resp. Non propterea excusandi sunt à mortali; nam protestatio est contraria factio; quia scienter faciunt actiones, ex operis natura ad pravam finem ordinatas; & ideo ab intrinseco illicitas, ut dixit etiam Ledesma apud De la Cruz 6. *precept. art. 1. dub. 3. in fine*, quod totum meo videri evidens est.

Sicut non excusatur à mortali procurans in se pollutionem, quamvis protestetur, se non delectationem veneram, sed sanitatem intendere, quia

similis ab ea inseparabilis est; & ex natura operis ad eam sequitur. Sic mortaliter peccat, qui mulierem, data opera, morosè osculatur, quamvis non intendat, immò protestetur se non velle delectationem illam sensibilem, quæ ex osculo sequitur, quia talis delectatio est ab osculis morosis inseparabilis, ut diximus *lib. 1. cap. 29.*

5 Quibus addas ex Felice *tot. 1. num. 2202.* oscula alia esse pressa, morosa, studiosa, ac ob delectationem: alia modesta; instantanea, & superficialia, quæ ex urbanitate dantur, juxta morem Patriæ, aut in signum puri, & honesti affectus, ac amicitie: ista possunt esse licita, & solum mala ex fine operantis: ut, si non fine honesto, sed ob delectationem sensibilem fiant; vel ratione periculi delectationis sensualis, quam quis sæpè in eis experitur, & ideo tunc abstinendum.

Illæ verò sunt ab intrinseco mala, quia ad ipsa sequitur connaturaliter delectatio sensibilis, quæ mala est, cum ex natura sua sit alterativa, & excitativa partium generationi inservientium; ex qua alteratione confurgit connaturaliter delectatio sensualis, per se, & ex natura sua proximè, & immediatè ordinata ad seminis emissionem. Nullus enim negabit, quin expresso, & firmo contactu labiorum viri ad labia, vel genas mulieris oriatur delectatio sensibilis, & ex ista non procedatur ad sensualem, & veneram, quæ percipitur: vel ipsa seminis decisione: vel ex per se ordinatis ad illam, ut ex pudendorum commotione; sive hæc contingat osculis, tactibus, amplexibus, & aspectibus, sive librorum lectura, & obscenorum auditu, sive cogitatione, aut delectatione morosa, & impuro desiderio. Vide dicta *loc. cit.* & audi August. *de amicitia tom. 6. cap. 4.* ubi: *ipsum osculum tanta turpitudine faciunt, ut sic osculari nihil aliud sit, quam adulterari.*

CAPUT XXXI

*Prop. LII. & LIII. ab Innoc. XI. &c.
Præceptum servandi Festa, & audien-
di Missam.*

PROP. 52. *Præceptum observan-
di festa non obligat sub mor-
tali, seposito scandalo, si absit con-
temptus.*

*Prop. 53. Satisfacit præcepto Ecclesia
de audiendo sacro, qui duas ejus partes,
immò quatuor simul, à diversis celebran-
tibus audit.*

Quod præceptum de observandis festis
sub mortali obliget, est communis DD.
opinio, & Ecclesiæ sensus, de quo post
decret. Innoc. nefas est dubitare; quamvis
apud Cardenas *disfert. 32. cap. 1.* qui-
buldam scribere placuerit ipsa præcepta
Ecclesiæ non obligare conscientias sub
mortali; & esse dumtaxat pœnalia, so-
lumque per accidens sub mortali obstrin-
gere: ratione nimirum scandali, vel ino-
bedientiæ: & contemptus; prout in per-
niciem salutis animarum dixerunt primæ
propositionis Authores.

2 Et quia in Ecclesiastico præcepto
de Fæstorum observatione continetur
præceptum affirmativum, seu præce-
ptivum, *ut integra Missa in die festo
audiatur, cap. omnes fideles, & cap.
Missas de consecrat. dist. 1.* & negativum,
seu prohibitivum, ut integro die festo
servilia opera non exercentur, *ex cap.
licet de feriis*, & B. Pio V. infra citan-
do. De utroque agendum est, ut satis
Confessarius instructus, in transgressio-
nis, vel observantiæ judicio, sine errore
procedat, sed.

I. Notetur, quòd præter Domini-
cam diem, sabbato Judæorum, in me-
moriæ Resurrectionis Christi, *capit.
quod die Dominico 75. dist.* ab Aposto-
lis substitutam (quæ in Evangelio pri-
ma, & una Sabbati nominatur, ut ex-
presse dixit August. *psal. 93. Una sab-*

bati dies Dominicus est) etiam alia Festa
in honorem Dei, & Sanctorum Ecclesia
instituit; eaque celebrare præcepit *cit.
cap. licet.*

II. Quòd juxta consuetudinem in Ec-
clesia receptam, Festa, quantum ad
abstinentiam à servilibus operibus, com-
putantur à media nocte ad alteram me-
diam noctem. Layman. *lib. 4. tract. 7. cap.
2. num. 1. Engel. jur. can. lib. 1. tit. 9. §. 2.
num. 14.*

3 Quæritur, *quænam sint opera ser-
vilia, quorum exercitium est die Festo
sub mortali prohibitum?*

Resp. Opera corporalia, ad quæ de-
putantur servi: & propterea dicta servi-
lia. Quæ describi possent, ea esse, *quæ,
quia, vel immediatè in utilitatem corpo-
ris, vel corporis potius, quam animi vi-
ribus efficiuntur, vulgaribus communi-
ter hominibus committi solent.* Hujus ge-
neris reputantur arare, fodere, serere,
ligna, lapideve cadere, fabricare, fa-
brilia agere, & opera tonsoris, ac alia
artis mechanicæ; quæ corporis laborem,
vel solum, vel principaliter requirunt: &
sunt propria ancillarum, rusticorum, ser-
vorum, & artificum.

Ex opposito opera liberalia dicuntur,
quæ ad artes liberales pertinent, & à
liberis exercentur ut plurimum ad illu-
minandam, & instruendam mentem,
oblectandumque animum: cujusmodi
sunt, studere, concionari, docere, dis-
scere, cantare, organica musica pulsare,
& similia: quæ diebus festis non censentur
prohibita, pro ut DD. communi-
ter. Layman. Engel. Tambur. *in decalog.
lib. 3. cap. 3.* Etiam si pro pretio exer-
ceantur: quia pretium non facit opus esse
servile, si ex se tale non sit; sicut è
contra, non cessat esse servile opus, quod
ex suo genere est tale, etiam si gratis fiat.
Duhamel *Theol. tom. 2. in decalog. disert.
4. cap. 4. n. 3.*

Præter opera servilia, & liberalia, dan-
tur alia, de quibus DD. dubitant, an libe-
ralia, an verò servilia sint, adeoque an
pro-

prohibita diebus festis: ut piscari, venari, transcribere libros, ordinare characteres typographicos &c. igitur.

4 Quæritur, an diebus festis liceat pingere, piscari, vel venari?

Resp. Quod primum, affirmat Layman. cit. à num. 2. Ilfing. Tambur. Sanchez, Anton. à Spirit. San. direct. confess. in decalog. tract. 5. sect. 7. num. 56. quia pingere ad exercendum magis ingenium (quod est, quid liberale) quam ad laborandum, refertur; modò non cum magno apparatu fiat, hoc est, ut non conterantur, nec misceantur colores, gypso non aptentur telæ, & pennicilli non efformentur, cum hæc sint famulorum ministeria.

Negat Sum. Leandri ver. festorum observatio num. 20. tam gratia lucri, quam recreationis causa, quia probabilis est, quod pingere sit opus servile. Et hæc est tutior opinio. Quam postea docuit Author mille interrogat: interrogat. 705. non excusans à mortali Pictores, & Typographos, proprias artes in diebus Festis exercentes, nisi ratione modici temporis, & operis.

Idem videtur dicendum de piscatione, & venatione. Verùm quòd ad piscarias, in alleg. cap. licet non permitti diebus festis, nisi quòd ad quædam genera piscium, qui solent certo tempore piscari, & illico fugiunt; sed nec id in solemnioribus.

5 Quæritur, an ex causa possint opera servilia diebus Festis absque mortali exerceri?

Resp. Affirmativè, pro ut DD. communiter, & expressè S. Rituum Cong. quæ censuit: licet diebus festis dare operam rebus ad vitam necessariis, ac tempore perituris, præsertim tempore vindemiarum, & messium, ac collectionis fructuum, vel, si necessitas urgeat, ac suadeat pietas. Ceterum; quoniam verendum est, ne privatis effectibus, domesticarumque rerum studio aliqui eo perducantur, ut hac Sacrorum Ca-

nonum indulgentia in aliis, etiam casibus abutantur, idem Patres Eminent: adiciunt ad Ordinarii cuiusque iudicium, ac censuram pertinere, ut dignoscatur, num verè ullæ ex causis supra scriptis subsistat, propter quam liceat diebus Festis rebus servilibus vacare, ut, nec dierum festorum observantia ulla in re violetur, nec opera illis diebus summa cum ratione permisa impediatur. Pia. sec. prax. par. 2. cap. 3. art. 3. num. 33. & ego ipse offic. Cur. tom. 2. cap. 1. num. 4. Unde præter causam rationabilem pietatis, & necessitatis debet quoque accedere consensus Episcopi, vel Parochi, ubi illius propter distantiam commodè haberi non potest, & periculum est in mora. Engel. num. 13.

Quare excusantur à peccato. I. Qui pro mortuis sepeliendis sepulchra diebus Festis effodiunt; qui Campanas pulsant, Templum ornant, dum ante non potuerunt.

II. Loquentes, & parantes cibos necessarios, ac Pharmacopolas, necessarias medicinas.

III. Agricola, & laborantes, quando ratione pluviarum in messe, vino, oleo, & feno probabile damnum timeatur.

IV. Coquentes tegulas, vitrum, calcem, dum incæpta decoctio nequit sine notabili damno intermitteri.

V. Ementes, & vendentes panem, vinum, carnes, fructus, & alia necessaria ad humanum victum.

VI. Reficientes vias publicas, & Pontes, dum differri non potest.

VII. Quise, & suam familiam sufficienter alere non possunt: sed id faciant, audita Missa, & secretò, ad vitandum scandalum, & labor non protrahant ultra id, quod exigitur ad necessitatem, pro eo die sublevandum. Sed in hoc vitentur fraudes, & commodum ficto necessitatis titulo non pallietur.

Plures ex consuetudine excusant Barbitonifores, tametsi integro die, vel per

notabile ejus tempus barbas, & capillos radant; quod in praxi, nec probabile, nec tutum apparet, cum potius abusus ipsa sit, & corruptela.

6 Quæritur, *an diebus Festis licitè exercentur mercatus, & Nundina?*

Resp. Negativè, pro ut eadem Sac. Cong. in una Recanaten. apud alleg. Piafec. & Quaranta Sum. Bullar. ver. *dies Festus*, ut infra: *Præceptum de Dominicis, & Festivis diebus sanctificandis, & observandis, sub prætextu mercatum, nundinarum, & fæciarum nullatenus esse violandum. Ceterum his diebus licere agasionibus, ac aliis jumentorum vectoribus, seu mercium conductoribus, bajulis, & aliis hujusmodi servientibus, ac ministris, sarcinas, & onera, nundinarum causa, exonerare, & deponere, inceptumque iter, Missa tamen prius audita, transeundo prosequi, & continuare. Non tamen debere sarcinas componere, & jumenta onerare, ad iter de novo incipiendum. Neque Mercatoribus, aut aliis civibus, & viatoribus iis diebus, etiam clausis apothecis, merces vendere, emere, aut asportare licere, nisi tantum ad victum necessaria, aut alia minuscula, & modici momenti opera, tam confecta, & elaborata, pro transeuntium hospitum, advenarum, & exterorum urgenti, & præsentanea necessitate, & opportunitate &c.*

Idem disposuerat B. Pius V. *Const. cum primum Kal. April. 1566. & infra. Cum verò dierum Fæstorum observatio ad Dei cultum &c. mandamus &c. ut ab omni illicito, & servili opere absterneant. Mercatus non fiant, profana negotiationes, & Judiciorum strepitus conquiescant.*

7 Advertat itaque Confessarius, diebus Festis, non modò opera servilia, & nundinas prohiberi, verùm etiam placitum *cap. omnes tit. sup. cit.* per quod intelligitur omnis actio, & strepitus judicialis, tam in civilibus, quàm crimina-

libus: tam ad poenam, quàm ad mortem: tam pro foro civili, quàm Canonico: tum quò ad initium, tum quò ad terminum, & finem causæ.

8 Ad initium actionis judicialis spectat citatio rei, vel partis; hæc enim est basis, & fundamentum judicii; ad medium examinare testes, eorum depositiones, & juramenta recipere. Ad terminum tandem pertinet, sententiam pronunciare, vel ipsam exequi; quæ omnia, & singula in *cit. cap. Conquestus*, irrita, & nulla declarantur. Super quibus Judex à Confessario interrogandus est. In *alleg. cap. 1. & ult. tit. cit.* excipitur à prohibitione casus necessitatis, & pietatis, in quibus possunt omnia prædicta licitè, & validè fieri.

9 Non prohibentur tamen actus extrajudiciales, etiam si sint actus jurisdictionis fori externi: ut, visitare Ecclesias, vel Clericos, modo Religioso, & sine strepitu Judicii. Item excommunicatio, & ab eadem absolutio potest die Fæsto dari, eo quò non necessario requirant judicialem cognitionem causæ.

10 Quæritur, *an præceptum de abstinendo ab operibus servilibus in die Fæsto ex genere suo obliget sub mortali?*

Resp. Affirmativè; nam est obligatio instituta ad Dei cultum, & venerationem Sanctorum, adeoque pertinet ad virtutem Religionis: virtus autem Religionis ex alibi dictis ex genere obligat sub mortali: Sed ex parvitate materiæ erit veniale, juxta operis qualitatem, & moram temporis.

11 Sed quæritur, *quantum temporis requiratur, ut quis dicatur per notabile tempus in die Fæsto opus servile exercuisse?*

Resp. DD. dividuntur. Marchant. *resolut. Pastoral. cap. 2.* tres horas ad mortale requirit: alii quatuor: quidam octo. Quibus omnibus, ut nimis laxè loquutis non assentimur.

Tambur. *cit.* §. 2. *num.* 1. Cum Diana, Sum. Leandr. ubi supra *num.* 36. & Ilfung. §. 1. 168. excusant à mortali laborantem eodem die per duas horas integras, dummodò illas non excedat; quia, cum hæc sit duodecima pars diei, parva quantitas reputatur respectu totius diei; sed hi etiam nimis laxè procedunt.

Layman. *cap.* 4. *num.* 1. ex Suarez, tradit laborem unius horæ, secluso scandalo, & quod opus non sit nimis servile, defatigans corpus, ad culpam mortalem non pertinere: ex quo una hora, comparatione 24. horarum, exigua pars reputetur. Bonac. *de legib. disp.* 5. *qu. num. punct.* 3. *num.* 2. cum Reginaldo, & Azorio, censet spatium unius horæ esse tempus notabile. Quod confirmat Joan. De la Cruz 3. *præcept. dub.* 1. *conc.* 2. referens à viris doctis laborem unius horæ reputari gravem materiam. Et Facundez dixit excedere per quadrantem unam horam; esse excessum notabilem, & sic peccatum mortale. Sed, quia S. Cong. Conc. apud Fagnan. in 3. *decret. ad cap. nulli de rebus Eccles. non alienan. a num.* 26. aliàs respondit, non esse tutum in universali definire, quæ res sint exiguæ: ideò Confessariis sciens, quòd parvus labor notabiliter non præjudicat observationi Festorum; & quòd ex parvitate materiæ possit homo laborans excusari à mortali, in iudicio non sit laxus, sed Bonaccinæ, & De la Cruz adhæreat.

An verò diebus festis teneamur ad actus virtutum Theologiarum. Vide lib. 1. *cap.* 1.

12 Quæritur, *Petrus in Confessione aperit.* Pater, duodecim conduxi operarios, quorum singuli successivè ad meum mandatum per modicam horam (audita Missa) laborarunt, ita ut totus dies fuerit ab ipforum labore occupatus, peto, an peccaverim mortaliter?

Resp. Bonacc. & Portellus apud Tambur. *cit.* & Sum. Leandr. ibidem, Petrum

à mortali excusant, quia unius opus cum illo alterius non connectitur; cum sint à diversis: qui habent diversas obligationes, quarum una ab alia est distincta; & aliunde nullus ex eis mortaliter peccat: quia supponitur, nullum horam excedere, ergo non adest caput colligendi, unde Petrus mortaliter peccat?

Quibus tamen non adhæremus: & Petrum peccare non dubitatur. Nam ei moraliter imputatur labor, ab operariis in ejus commodum factus; qui secundum se, & ut à Petro intentus, non modicæ horæ, sed integri diei opus servile est, in fraudem legis ordinatum. Nec excusantur operarii, si iniquæ commissionis sint conscii; ut *cap.* 21. diximus de simul conspirantibus ad vineam devastandam, licet singuli racemum vix surripiant. In eo enim peccato Petri cooperantur, & singulæ operæ moraliter connectuntur in unam; nam tunc, non, ut plures numero distincti laborant, sed, ut unus moraliter laborator, legem transgrediuntur. Idque debent in confessione aperire; quemadmodum Petrus tenetur explicare ipforum numerum, & modum, quo operarios ad operandum induxerit, & legem Ecclesiasticam violaverit.

13 Sed quid, *si Hebræo, vel Turcæ; aut alii non baptizato, opus servile pro integro festo committeret?*

Resp. Ilfung. ubi supra §. 1. *numer.* 166. eum mortaliter non peccare tradit, quia legibus Ecclesiasticis ipsi non subduntur. Sed peccare resolvitur cum Tambur. §. 1. *num.* 16. & *cit.* à Spiritu Sancto *sect.* 7. *num.* 60. nam, tametsi non baptizatus ex se sine peccato diebus festis laborare possit, quia non est legibus Ecclesiasticis subditus, fidelis tamen nunquam ei poterit sine culpa laborem injungere; ratio est, quia jam, altero homine laborante, ipse moraliter laboraret; & consequenter non modo humano, & mortali festum sanctificaret; in quo opera set-

servilia, nonmodò immediatè per nos ipsos exercenda, sed etiam mediatè, & per alios homines prohibentur.

14 Quæritur, *an peccet mortaliter, qui opera servilia, octo non continuatis vicibus, in eodem festo exercet, si in singulis per semiquadrantem operetur?*

Resp. Affirmativè; ratio est, quia licet illa sint discontinuata, quò ad tempus, continuantur tamen in contrarietate ad præceptum, cujus una, & eadem est obligatio, quæ durat tota die. Sum. Leand.

15 Quæritur etiam, *an toties quis mortaliter peccet, quoties in eodem festo per tempus notabile, pluribus interruptis vicibus, opus servile exercet?*

Resp. Affirmativè: à simili de comedente in die jejunii pluries carnes. juxta dicta lib. 1. cap. 16. num. 9. tam enim est negativum præceptum non comedendi carnes, quàm præceptum non laborandi; & sicut comedens post primam manducationem, potens est ad iterum non manducandum, & observandum præceptum negativum, sic laborans post primum laborem exercitum, potens est ad non laborandum in futurum.

16 Quæritur, *Cajus fuit apud Turcas decem annis captivus, quo tempore, Domino iubente, omnibus diebus festis in agro laboravit: petitur, an mortaliter peccaverit?*

Resp. Interrogetur, an Dominus in contemptum Ecclesiæ, vel Festorum, laborem præceperit, & quatenus affirmet. non est dubium gravissimè deliquisse: non modò contra legem Ecclesiasticam, quæ Festa præcipiuntur, verùm etiam contra jus divinum, & naturale, dum Christum, & Ecclesiam contempsit; & ideò obedire non tenebatur. Quòd si non in eum finem fuerit præceptus, & laboraverit ad evitandum damnum grave, quod in persona, vel rebus timebat, à DD. à mortali excusatur.

17 Quæritur, *quando quis censetur cum contemptu transgredi præceptum observandi festa?*

Resp. Cum præceptum non implet, quia non vult subiici legi Ecclesiasticæ id injungenti.

Unde notet Confessarius, quòd quis potest peccare, vel cum contemptu materiali, vel cum formali ipsius Dei, & legis. Cum contemptu materiali Dei, & legis peccat, dum non facit opus præceptum, vel facit prohibitum (iste exat in quolibet peccato mortali imbibitus, quatenus, dum quis peccat, legem transgreditur: & in eo videtur ipsam materialiter contemnere) Cum contemptu vero formali peccat, cum non vult se præcepto, vel Deo, aut Legislatori subiicere: furatur Petrus centum, violat septimum præceptum Decalogi, committens peccatum furti, sed non contemnit formaliter præceptum, nec Deum, aut Legislatorem. Furatur ipsa centum, quia non vult subiici Decalogo, vel Deo præcipienti, tunc formaliter Deum, & præceptum contemnit, duque peccata committit, alterum furti, & alterum superbiæ. Ita, non jejuno ob gulam, pecco contra abstinéntiam: frango jejunium, quia nolo subiici præcepto jejunii, pecco & contra obedientiam, & contra abstinéntiam, de necessitate in confessione explicandum. Ita in casu, facio opus servile die festo, pecco contra Religionem; & contra ipsam legis obedientiam, si serviliter operor, quia repugno obedire, & nolo præcepto subiici. Vide Ilfing. tract. 2. disp. 2. art. 3. num. 26. Et in hoc formaliter contemno potestatem Ecclesiæ, quæ à Deo est: & in quo parvitas materiæ à mortali non excusat.

Et hæc satis, quantum ad præceptum, prohibens opus servile in festis. Nunc de præcepto audiendi Missam agendum est.

18 Et supponendum dari præceptum Ecclesiasticum de audienda Missa, non modò

vel actione, moraliter impossibili cum interna attentione. Contra quos dicimus cum Maffrio *disp. 12. art. 1. num. 36.* Sum. Leand. aliisque, quos ipsi referunt, ad satisfaciendum præcepto de audiendo sacro, esse necessariam attentionem internam; ratio est, quia, dum Ecclesia præcepit auditionem Missæ, non præcepit ipsam actionem materialiter tantum, sine intentione colendi Deum, sed ipsam, ut est instituta in cultum Dei, qui ei sine interna attentione non exhibetur. Immo Campion. *instruct. ad confess. audien. p. 1. cap. 38. num. 16.* dixit, non posse nos obedire præcepto Ecclesiastico audiendi Missam in die festo, nisi credamus Christum verum Deum esse sub hostia ritè consecrata, quam audientes Missam adoramus; quamvis obligatio credendi in casu sit solumper accidens, ratione scilicet præcepti Ecclesiastici audiendi Sacrum.

23 Sed quæritur, *an attentio debeat esse actualis, vel virtualis.*

Resp. Actualis, qua quis in actu exercito advertit, est optima, & debet consuli, sed non est necessarium, ut semper duret, sed sufficit virtualis, quæ ex vi actualis, quæ præcessit, perseverat in actuali assilientia, & præsentia Sacro, licet, propter involuntariam mentis distractionem, actu quis non advertat. Sed tenetur mentem ad actualem advertentiam revocare, dum suam distractionem percipit, juxta dicta *lib. 1. cap. 25. nu. 7. 8. 9. & 10.*

Quod diximus de attentione, quæ est actus intellectus, dicendum est, proportionem servata, de intentione, quæ est actus voluntatis, sed vide ibid. *num. 12. & 13.*

24 Quæritur, *an omittens partem notabilem Missæ peccet mortaliter?*

Resp. Affirmativè, prout DD. communiter, scribentes, fideles teneri Missam integram audire ex alleg. *cap. Missas.*

25 Sed difficultas est, *quænam dicenda sit pars notabilis?*

Resp. Est controversia inter DD. diverso modo sentientes. Sed communior est docentium, omissionem auditionis à principio usque ad Epistolam exclusivè, non esse partem notabilem, sed, si ipsa quoque omittatur Epistola, (neque ulla excuset necessitas) peccari mortaliter. Cabasut. *cit. num. 7.* allegans Tabienam, Navarrum, Suarez, Grassium, Henriquez: videndus Gobat ubi supra *cas. 4. num. 135.* Idem apud Sum. Leand. *num. 130.* dicitur, si, audita Missa usque ad communionem inclusivè, cætera omittantur: sed quidam volunt esse Evangelium S. Joannis audiendum. Verùm semper penitentes monendi sunt, ut integram Missam audiant.

26 Sed quid, *si quis accedens ad Ecclesiam, inchoata jam Missa, cæteris, quæ remanent, ut consecrationi, usque in finem interfit, & postea ab alio aliam Missam usque ad consecrationem audiat, & postea discedat?*

Resp. Præcepto non satisfacit, quia audiens duas, vel plures partes Missæ simul à diversis Sacerdotibus non satisfacit, ut dixit Innoc. contra 53. *prop.* Sed nec eidem satisfacit, quamvis non simul, sed successivè à diversis celebrantibus duas partes, vel plures audiat. Maffr. *cit. num. 33.* Illung. §. 2. *num. 161.* Felix *num. 2799.* apud quos plures; ratio est, quia præceptum obligat ad audiendam unam Missam integram, sed illæ duæ medietates diversorum sacrificiorum, neque ex natura sua unum integrè sacrificium constituunt, cum sint partes independentes, quarum una ad aliam non ordinatur; nec constat de privilegio, vel indulgentia Ecclesiæ, partes successivas disparatas pro integro sacrificio recipientis, ergo eas audiens, integram Missam non audit, sed plures partes plurium Missarum.

28 Quæritur, *an tempore auditionis Missæ recitans officium divinum, vel penitentiam à Confessario injunctam, satisf-*

satisfaciat etiam obligationi de Missa audienda?

Resp. Affirmativè, ex dictis *cap. cit. nu. 26.* ratio est, quia hæc Orationes non impediunt præsentiam, & attentionem sufficientem ad utrumque: quinimò Oratio reddit mentem magis attentam ad Deum, & impedit involuntarias distractiones, ac magis devotio excitatur. Cabasut. *cit. num. 3.* cum Toletio, Suarez, Bonac. &c.

29 Sed quid de eo, *qui tempore auditionis Missæ peccata sua Sacramentaliter Sacerdoti confitetur?*

Resp. Non satisfacit præcepto audiendi Missam; ratio est, quia colloquia, quæ fiunt inter Sacerdotem, & pœnitentem ad explorandas peccatorum circumstantias, aliam exigunt attentionem, quam quæ in Missa est necessaria; nam confessionem non est Oratio, sed accusatio, & actus iudicii, exigentis discussionem causæ, quæ certè attentionem ad Sacrum impediunt. Felix *n. 2803.*

Exsupra reclusis Confessarius habet ad satisfaciendum præcepto audiendi Missam, quatuor esse necessaria. 1. Est auditio, seu actio, qua quis est animo, vel corpore physice, aut moraliter præsens sacrificio. 2. Intentio, saltem virtualis audiendi Missam. 3. attentio interna, ad minus virtualis, ad verba, vel actiones Sacerdotis. 4. Integritas, ut tota audiatur, & notabilis pars non omittatur.

30 Quæritur, *quid agendum pœnitenti dubitanti, an bodie detur præceptum audiendi Missam?*

Resp. Inquirat veritatem, vel Missam audiat, ne mortaliter peccet; cum non sit licitum absque peccato cum dubio in re gravi operari.

31 Quæritur, *an discedens à loco, ubi festum particulare celebratur accessurus, ad alium, ubi non est festum, teneatur ante discessum Missam audire?*

Resp. Negavit Bonacc. cum aliis, quia

præceptum audiendi non est affixum determinatæ horæ, sed extenditur usque ad meridiem, & ideo non tenetur prævenire. Contra quos affirmamus peccare mortaliter, si non audiat; ratio est, quia tunc adeo obligatio præcepti, & potest implere, ergo debet: aliàs præsumitur transgressionem velle. Est enim regula generalis apud Maftrium *disp. 11. qu. 4. art. 2. num. 80.* quod, dum quis prævidet aliquid impedimentum, vel periculum, propter quod non valeat præceptum existens adimplere, teneatur adimpletionem tempore habili prævenire. Tamen si enim præceptum audiendi Missam absolute, & per se loquendo, non obliget pro brevi illa hora matutina, sed pro tempore matutino usque ad meridiem, tamen in casu, quo prævideatur impedimentum futurum adimpletionis præcepti, per accidens, & supposita illa prævisione, etiam illa hora obligat; & tenetur, quis adimpletionem prævenire, ne inlicitos, & cum dolo videatur prætermisisse.

Et idem dicendum est de accedente ad locum, in quo festum locale celebratur, ut tradit Joan. De la Cruz 3. *præcepti. art. 2.* & Marchant. ubi *supr. cap. 3. quer. 7.* si ibi moram, executioni præcepti proportionatam trahat: ut, si usque ad meridiem ibi manet; ratio est, quia Statutum illud locale videtur pro eo tempore ipsum obligare: similia namque statuta ad bonam gubernationem loci conducentia censentur obligare omnes, qui ibi inveniuntur, & qui moraliter præceptum implere possunt. Quinimò consuetudo legum interpret, ita recepta est, etiam inter doctos, ut, si aliquandiu maneant in loco, ubi festum particulare celebratur, obligari se putent, licet exteri sint: & hæc est sententia tutior.

32 Quæritur, *quot peccata committat, qui die Dominico, in quo venit Festum S. Joannis, Missam non audit?*

Resp. Vide *lib. 1. cap. 18. n. 22.*

33 Sed quid si die Fesfo, omittat quis Missam, quam audire tenetur, etiam ex voto?

Resp. Duo peccata committit; quia violatio voti est distinctæ speciei à violatione præcepti; nam prima est contra fidem, quam dedit Deo observandi votum, & altera est contra præceptum præcipiens cultum, Deo debitum in auditione Missæ; ideo debet in Confessione utrumque explicare; sicut qui peccat contra votum, quod juramento se observaturum confirmavit, debet id exprimere, quia & facit contra fidem, quam Deo dedit observandi votum, & contra obligationem non adducendi Deum in testem falsitatis.

34 Quæritur, an dentur causa excusantes ab auditione Missæ præcepta?

Resp. Affirmative: sed causa debet esse justa, & rationalis; idque ex Clementia Ecclesiæ, quæ Missam audire non tanto rigore præcepit, ut volverit, rationabili causa existente, obligare. Sic DD. communiter, revocantes eas ad septem, apud *sum. Leandr. num. 161.* apud quos plura referuntur exempla:

35 Excusantur, itaque. I. Impotentes, impotentia Physica: ut graviter infirmi, & detenti in carceribus.

II. Impotentes impotentia morali, seu cum gravi difficultate potentes audire: vel quia grave damnum timeant, aut in salute, aut in bonis fortunæ, si è domo exeant, & ad Ecclesiam accedant: in dubio est consulendus medicus, vel Parochus.

III. Qui ob notabilem distantiam non potest propter pluviam accedere ad Ecclesiam.

IV. Mulier honesta, & nobilis carens vestibus, quibus possit decenter juxta suum statum in publico apparere. Verum debet curare accedere, valde manè, quando populi concursus esse non solet, si id sine gravi suo incommodo, aut notabili confusione facere possit.

V. Pastores, qui non possunt gregem *Matthæucci Ca utela Confess.*

sine damno relinquere: Verum, si sine duz Missæ, & duo Pastores, unus audiat unam, & alter alteram; siverò sit una tantum, alter eorum alternatim illam audiat.

VI. Ministrans graviter infirmo, dum prudenter periculum timetur, & non est, cui relinquatur.

VII. Puerperæ, per dies Purificationis abstinentes ab ingressu Ecclesiæ, juxta *cap. volens de Purif.*

VIII. Mater, quæ non habet, cui relinquat infantulum, cui, domi relicto, periculum imminet, & secum non potest ducere.

IX. Gravidæ, uterum ferentes ex crimine occulto, ex auditione Missæ aliàs manifestando,

X. Qui sine peccato Sacro interesse non possunt, ut denunciati excommunicati, & interdicto Ecclesiastico subiecti.

XI. Ignorantes, vel invincibiliter non advertentes esse diem Festum &c.

36 Quæritur, super quibus interrogandi sunt poenitentes circa præceptum observandi Fesfæ?

Resp. I. An aliquod opus servile absque necessitate, & licentia in Festis exercuerint; quot Fesfæ inobservaverint, & an cum scandalo?

II. An fuerint causa, cur alii ea opera exercuerint?

III. An Missam audierint à principio usque ad finem: vel, an partem notabilem omiserint?

IV. An in majori parte Missæ voluntariè divagati fuerint?

V. An impedierint aliquem, ne Missam audiret &c.

CAPUT XXXII.

*Prop. LIV. ab Innoc. XI. &c.
Excusatio recitatione Breviarii.*

PROP. 54. Qui non potest recitare Matutinum, & Laudes, potest *Gg au-*

*autem reliquis Horis, ad nibiltene-
tur, quia major pars trahit ad semi-
norem.*

Author propositionis fuit Navarrus in cap. quando de consecrat. dist. I. apud Cardenas differt. 53. & Joann. De la Cruz 3. precept. art. 3. dub. 17. ex regula illa, quod major pars trahit ad le minorem: ergo, concludit, impotens recitare majorem partem Officii, non tenetur minorem. Verum allata regula nisi Navarro favet, cum efformata sit ex cap. Cum in cunctis, de his, quæ fiunt à major. par. cap. ubi textus loquitur de majori parte personarum, in aliquod unum consentientium, & statuit standum esse pro majori parte. Et ita à majori parte personarum communi voluntate consentientium in aliquod, sit transitus ad majorem partem objectorum terminantium diversam obligationem; & ideo paritas non currit. Multa enim deducerentur absurda, si videret: nam sequeretur, quod debens mille aureos non peccaret contra justitiam, non solvendo centum, vel quinquaginta, quæ posset, dum esset impotens ad majorem summam solvendam: & quod vovens dare in elemosynam centum, non peccaret contra Religionem non dando decem, tametsi hæc posset, quia impotens foret ad nonaginta; & quod impotens ad jejunando triginta dies in Quadragesima, non peccaret contra abstinentiam, non jejunando reliquos alios, quos posset: quas illationes credo nullum concessurum, secluso etiam decreto Innoc. damnantis propositionem. Quæ licet, ut jacet, agat solum de recitatione Officii, ex ea tamen omnia illa, & alia plura incommoda colliguntur.

Ratio autem cur pars minor Capituli dissentiens majorem sequi debeat, est, quia hujus judicia, consilia, & resolutiones præsumuntur meliora, prudentiora, atque utiliora Republicæ, ut expressè indicatur in allegato cap.

2 De obligatione, aliisque necessariis

spectantibus ad Horas Canonicas diximus lib. I. cap. 25. ad quem locum Confessarium remitto, cum hic agendum sit dumtaxat de causis excusantibus à recitandis Horis Canonicis, vel à toto, vel in parte. Has DD. generaliter ad tres reducunt. I. Ad impotentiam physicam: ut, dum quis caret Breviario, vel est omnino cæcus, vel viribus destitutus. II. Ad impotentiam moralem: ut, cum quis sine magna difficultate, vel corporis periculo, Horas recitare non potest. III. Ad dispensationem justa causa, & urgente necessitate obtentam.

3 Nota, materiam præcepti aliam esse dividuam, seu divisibilem, & aliam individuam, seu indivisibilem: dividua dicitur, quæ habet plures partes, ad quarum singulas præceptum obligat: ut præceptum jejunandi in Quadragesima, quæ continet plures jejunii dies, in quorum singulis seorsim præceptum obligat divisibiliter; quemadmodum abstinencia à carnibus, & unica refectio constituentes jejunium, divisibiliter præcipiuntur sic, ut, qui repetita refectioe eget, debeat à carnibus abstinere: & qui jejunium frangit, carnes in prima refectioe comedendo, debeat postea ab alia refectioe, & esu carniū abstinere per distalib. I. cap. 16.

Individua verò illa est, quæ vel non habet plures partes, ut Communicatio in Paschate; vel si habet, præceptum non obligat ad singulas seorsim, sed ad omnes conjunctim: sic Confessio annua, quam Ecclesia præcipit, continet tres partes, cordis contritionem, oris Confessionem, & operis satisfactionem; sed Ecclesia non præcipit unam seorsim ab aliis, sed omnes tres conjunctim, ad unum Sacramentum conficiendum.

4 Quæritur, an præceptum recitandi Officium Canonicum respiciat materiam dividuam, & divisibilem, ita ut obliget, etiam ad recitandas singulas Horas seorsim ab aliis?

Resp.

Resp. Affirmativè, prout expresse Innoc. Qui in decreto dixit, obligationem præcepti recitandi Horas Canonicas extendi ad recitandas reliquas Horas, ab eo, qui non potest recitare Matutinum, & Laudes, potest autem reliquas; sed hoc est, materiam præcepti de recitandis Horis esse dividuam, ut supra diximus, ergo est dividua, & divisibilis. Ideò, qui non potest recitare omnes Horas, tenetur vi præcepti eam recitare, quam potest: nam quævis Hora per se est Canonica Oratio, & præcipitur divisibiliter. Layman. *lib. 1. tract. 4. cap. 19. num. 7. & lib. 4. tract. 1. cap. 6. n. 2.* Ilfing. *tract. 5. disp. 1. quest. 1. art. 6. a num. 41.*

5 Quæritur, *an carens Breviario teneatur recitare eam partem Breviarii, quam tenet memoria?*

Resp. Affirmativè; quia, qui tenet memoria totum, vel partem Breviarii, is amplius non habet impotentiam physicam, vel morale, ergo non excusatur: est communior sententia. Layman. *cit. a num. 6.* Gobat. *experient. Theol. tract. 5. num. 717.* Ilfing. *ibid.* & Cardenas *differt. 33. cap. 5. num. 26.*

6 Sed quid, *si carens Breviario, memoriter sciret omnes psalmos nocturni sine lectionibus?*

Resp. Suarez apud Cardenas negat eum obligari ad recitandos Psalmos, cum non potest, & Lectiones; quia, ut sic, Psalmi illi non sunt Matutinum, nec integra Hora, cum hæc constet Psalmis, Antiphonis, Versiculis, Lectionibus, & Responsoriis, quæ videntur indivisibiliter præcipi, ita ut præceptum respiciat omnia illa per modum unitis.

Affirmat *cit.* Layman. Ilfing. & Cardenas *cap. 4. num. 30.* Ratio est, quia licet Psalmi non possint integra Hora nominari, tamen sunt pars notabilis unius magnæ Horæ; ergo, sicut impotens recitare Matutinum, & alias Horas, non deobligatur à recitando v. g. Completorio, quod potest, nec major

pars trahitur se minorem; ita, impotens recitare Lectiones non excusatur à recitandis Psalmis, quos vel memoriter scit, vel commodè potest in Libro, diurnali nuncupato: nec pars minor debet ad se majorem trahere. Istis assentior. Observat Cardenas *ibid.* præceptum recitandi singulas Horas terminari ad illas divisibiliter ita, ut quis obligatus maneat ad recitandam Horam taliter, quod si non possit totam recitare, teneatur ad ipsius partem notabilem. Quod est cultui Dei, & Religioni favorabilius; in cujus favorem, semper est pronuntiandum, cum ex opinionum varietate dubium oritur.

Et id maxime procedit, quando quis potest tantum Horæ recitare, quantum sufficeret ad peccatum mortale, si omitteretur, ut optimè Layman. & Ilfing. Quæ nam autem dicenda sit pars notabilis in omissione recitationis. Vide *lib. cit. num. 4.*

7 Sed quæritur, *an qui non potest recitare secundum Tertium Nocturnum ex Matutino, possit autem primum, teneatur ad istum.*

Resp. Affirmativè; ratio est, quia præceptum Ecclesiæ, ut terminatur ad Nocturnos, continet materiam dividuam. Olim enim tres Nocturni dicebantur separatim in tribus vigiliis noctis, ut refert Durantus *de ritib. Eccles. lib. 3. cap. 3. sub n. 1. & cap. 5.* ergo præceptum obligat ad quemlibet Nocturnum per se, etiam independentem ab alio: certè omittens Nocturnum Paschatis, & Pentecostes à mortali non excusatur; ergo Nocturnus cadit per se sub præcepto.

8 Sed quid, *si quis foret impotens ad recitandum Matutinum, & potens ad Laudes?*

Resp. Teneretur Laudes recitare, quia Laudes sunt pars notabilis divini Officii, per se sub præcepto; quæ olim separatim à Nocturnis dicebantur, ut idem Durantus ubi supra testatur, in quarta

scilicet vigilia Noctis . Recitatis Nocturnis, primo, in prima: secundo, in secunda: tertio, in tertia: in quarta Vigilia Laudes dicebantur, ut ibid. cap. 5. ostendit (modo, etiam in nocte Nativitatis separantur à Matutino) ergo, quod conjunctim cum Nocturnis recitentur, non facit, quin secundum se sub præcepto cadant; ergo impotens recitare Nocturnos, debet Laudes, dum potest.

Hæc, servata proportionem, possunt applicari laborantibus cæcitate.

9 Quæritur, quid agendum ægroto, habente certitudinem de impotentia recitandi integrum Officium, & dubitante, an possit sine læsione unam parvam Horam recitare?

Resp. Tenetur recurrere ad consilium timorati Medici, vel Confessarii, aut alterius prudentis viri, & prudenti consilio parere; vel rogare Prælatum habentem facultatem pro commutatione. Vide Cárdenas cap. 3. num. 22. Layman. etiam lib. 4. tract. 1. cap. 4. num. 22. & Felicit. tom. 1. examen. num. 456. Quod si dubium non deponat, debet recitare: quia cum dubio practico nunquam licet operari.

Circa occupationem, propter quam excusatur quis à recitatione Officii illud notandum est; quod debet esse gravis moraliter, necessaria, & talis, ut sine scandalo, vel notabili detrimento proprio, vel alieno omitti, aut differri non possit, & cum recitatione moraliter consistere nequeat, ut, si aliàs quis non posset se sufficienter parare ad concionem, coram frequenti populo habendam, vel in Hebdomada sancta audire pœnitentes ad Confessionale confluentes, & alia Parochiæ ministeria exequi. Verum, quando potest recitatio intra eundem diem naturalem anteponi, vel postponi, debet, ut scripsit Layman. cit. num. 1. Nec studium literarum est sufficiens excusatio, ut quis per se ipsum non recitet: vel satisfaciatur, si reci-

tet per alium: obligatio enim est personalis; vide prop. 21, ab Alex. VII. damnatam lib. 1. cap. 14. n. 16.

Circa dispensationem - verò etiam sciendum est. Quod dispensatio non tenet, nisi iusta accedat causa, vel necessitas ad dispensationem sufficiens; idè Beneficiatus, quia Papa dispensationem obtinet super recitatione Officii, si causa exposita in supplici Libello non sit subsistens, nulla est: quia dispensatio non datur, nisi propter causam; & tenetur restituere fructus beneficii.

10 An verò Prælati Regulares possint cum suis subditis dispensare? Videant ipsi quid potestatis ex consuetudine, vel ex privilegio ad dispensandum cum ipsis habeant. Hoc unum observo ex Illung. ab Julio III. sub. 22. Octob. 1582. fuisse concessum Præpositis Generalibus Societatis Jesu, ut ii, quibus ipsi communicassent suam auctoritatem, possent cum infirmis, qui propter infirmitatem viderentur excusandi à recitatione Officii, infirmitate durante, in aliud opus pium, seu leviozem Orationem commutare. Quod privilegium per communicationem ad alios Regularium Prælatos videretur extendi.

11 Quæritur, an Moniales excusentur à privata recitatione Horarum, dum Choro defunt?

Resp. Vide lib. 1. cap. 25. nu. 2. & ex ibi dictis nega.

12 Quidam volunt excusari Clarissas propter disposita ab Eugenio IV. Non. Febr. 1456. const. incipit Ordinis tui, apud Confess. de privileg. Mend. In qua, præmissis, quod in Regula prima B. Claræ continentur centum, & tria præcepta Regularia; infra subdit. Declaramus, & volumus, quod in nullius prædictorum transgressione, præterquam eorum quatuor, quæ concernunt principalia vota, obedientia scilicet, paupertatis, castitatis, & clausura, & super electione Abbatisse, & depositione, peccatum mortale incurrant. Et cum unum ex illis præceptis sit divi-

divinum recitare Officium, ideo Clarissæ non videntur sub mortali ad illud obligari privatim.

Propter quæ tamen non debent Clarissæ deobligari à debito recitandi privatim Horas Canonicas, nec excusari à mortali, si non recitent; nam declaratio Eugenii solum tangit præcepta, consuetudines, & obligationes Clarissis proprias, quibus ultra vireserant gravatæ, ut innuunt illa verba, *præcepta regularia*, non verò consuetudinem cunctis Religiosis utriusque sexus, Choro addictis communem, ut est illa de recitandis Horis privatim, ex dictis ubi supra.

CAPUT XXXIII.

*Prop. LV. & LVI. ab Innoc. XI. & c.
Præceptum Communions.*

1 PROP. 55. *Præcepto Communions annua satisfis per sacrilegam Domini manducationem.*

Prop. 56. Frequens Confessio, & Communio, etiam in his, qui gentili ter vivunt, est nota prædestinationis.

2 Præceptum annuæ Communions habetur cap. Omnis utriusque sexus de pœnit. & remiss. ubi hæc sunt: *suscipiens reverenter, adminus in Pascha Eucharistia Sacramentum*: & in Trid. sess. 13. can. 9. ut infra. *Si quis negaverit omnes, & singulos Christi fideles, utriusque sexus, cum ad annos discretionis pervenerint, teneri singulis annis, saltem in Paschate, ad Communicandum iuxta præceptum S. Matris Ecclesie, Anathema sit.* Ubi ponderandum illud *reverenter*, per quod ostenditur obligatio recipiendi Eucharistiam, adminus in Pascha, imposita ab Ecclesia, esse de illa recipienda dignè, & cum debita interna dispositione. Quod etiam præcipitur à Trid. cit. cap. 7. illis verbis. *Cavere ille debet, ne absque magna reverentia, & sanctitate ad id percipiendum accedat.* Ubi immediatè declarat, quam probationem adhibere

Matthæucci Cautela Confess.

debeat suscepturus Eucharistiam, ne accedat extra statum gratiæ, & conficius peccati mortalis: ergo cum substantia Communions, præcipit etiam internam animæ dispositionem; cum non præcipiat solummodò physicam, & materialem manducationem, sed moralem, includentem physicam: moralis autem manducatio, physicam includens, est sumptio Corporis Christi per modum cibi, non autem per modum veneni: hunc autem modum continet sacrilega manducatio, ut constat ex verbis Pauli I. Cor. 11. *probet autem se ipsum homo &c. & sic de pane illo edat, & de Calice bibat: qui enim manducat, & bibit indignè, iudicium sibi manducat* (quo mortis damnationem incurrit) *non dijudicans Corpus Domini*: hoc est, non discernens, quod caro Christi est cibus, & vita animæ, non mors, non venenum.

Hinc notandum, & quo copulatè Ecclesiam præcipere, & quod fidelis accipiat Eucharistiam adminus in Pascha, & quod illam non accipiat indignè, & sine debita dispositione: ergo, qui Eucharistiam accipit in Paschate sine dispositione debita, non implet præceptum Ecclesiæ, sed peccat gravissimo sacrilegio; & tenetur iterum satisfacere præcepto, iterumque dignè Eucharistiam suscipere, ut ex Innoc. patet, qui prædictam 55. affirmativam propositionem damnavit.

De præcepto Confessionis egimus lib. 1. cap. 10. ibi videas. Et hic alia plura occurrentia circa illud Communions Paschalis animadvertas.

3 Quæritur, an Petrus omittens Communicare in Paschate, teneatur posse, ex vi præcepti Ecclesiastici Communicare ante alterum Pascha?

Resp. Negant multi: & à simili probant, quod reliqua præcepta affirmativa, elapso tempore, non ampliùs obligant: ut sunt præcepta audiendi Missarum, jejunandi, & Horas Canonicas recitandi. Si hodie Breviarium non lego, non teneor

Gg 3 po-

postea alio die legere ad satisfaciendum pro hodierno Officio omnino: si in Quadragesima non jejuno, non teneor postea supplere; ratio est, quia sunt obligationes tali tempore affixæ.

Communior tamen, & tutior sententia est; ut teneatur, quamprimum potest, communicare. Layman. lib. 5. tract. 4. cap. 5. num. 8. Mast. disp. 12. art. 2. num. 45. & art. 3. num. 54. Illung. Marchant. Felix, De la Cruz, Antonius à Spiritu Sancto, alique. Ratio est, quia præceptum affirmativum communicandi singulis annis, saltem in Paschate, includit hoc negativum, ne differatur Communicatio ultra tempus Paschale (vel, ut alii volunt, ultra annum) sed qui impeditur in Paschate non Communicavit, præcepto de non differenda Communione ultra Pascha obstringitur, donec satisfaciatur, ergo. Nam non definit obligari, qui præscripto tempore, quod debet, non solvit, sed potius, cum solvendi dies exierit, ad solvendum arctius obligatur; ut patet in contrariis diem solutionis præsentibus: text. in cap. cum dilecti Filii, de dolo, & contum.

4 Communio itaque Paschalis non est onus illi dumtaxat tempori alligatum, sicut recitatio Breviarii, jejunium Vigiliæ, vel auditio Missæ certæ diei, & incultum talis Sancti; sed determinatur tempus, in quo debitum Communionis solvendum est: quo tempore sine solutione excunte, solvendi debiti obligatio magis urget: legendus text. citat.

Hujusmodi est usus, & consuetudo Ecclesiæ, quæ censura adstringit non Communicantes, ad statim debitum solvendum, quin aliud expectent Pascha.

5 Quantum temporis comprehendat tempus Paschale, habes lib. & cap. cit. numer. 12. & ibid. videas annum, in quo Ecclesia Communionem præcipit, esse Ecclesiasticum, & computari à Paschate in Pascha, & non ab Janua-

rio, in Januarium. Mast. cit. art. 2. num. 42.

6 Sed cur statim, post Pascham præceptum implendum?

Resp. Quia in omnibus obligationibus, in quibus dies non ponitur, præfenti die debetur, ff. de regul. iur. lib. 14. hic autem non ponitur ullus dies post tempus Paschale, ergo in quolibet est debitum implendi, dum potest Gobat. tract. 4. cas. 3. num. 36. Ex his patet, tempus Paschale non esse impositum ad finiendam obligationem, sed, ne differatur impletio præcepti.

7 Sed queritur, an Confessarius possit ob causam differre ad tempus Communionem Paschalem?

Resp. Affirmative, ut expressè textus in alleg. cap. omnis, ubi hæc sunt: nisi forte de proprii Sacerdotis (hoc est Confessarii) ob aliquam rationabilem causam, ad tempus ab huiusmodi præcepto duxerit abstinentium. Vide Fagnan. in 5. Discretal. ad alleg. cap. num. 46.

Causa rationabilis esse potest, quia peenitens propter occasionem proximam absolvi non potest, & experiendus est in suo proposito. Cæterum Confessarii, non Parochi, deberent Poenitentes dirigere ad suos respectivè Parochos, ut possent isti scire, à quibus deberent in Paschate exigere testimonium factæ Communionis, & à quibus deberent id ad tempus limitatum expectare.

8 Queritur, an providens impedimentum futurum Communicandi in Paschate, teneatur Communicare ante Pascha?

Resp. Negant Poncius disp. 44. quæst. 11. num. 102. Layman. num. 8. & Mast. art. 3. num. 5. ratio est, quia præcepta limitata ad tempus non obligant ante tempus; patet in præcepto audiendi Missam die crastino, quod ad audiendum hodiè non obligat, etiam si hodiè prævideatur impedimentum cras audiendi; & maxime, quia ea Communionem anticipata non satisfaceret præcepto, quia, si

cel-

cessaret impedimentum, teneretur adhuc Communicare in Paschate.

Affirmat Contenson. *Theol. lib. 11. par. 2. differt. 4. cap. 1. speculat. 1.* & Suarez apud Tambur. *Method. Com. cap. 4. §. 4. num. 38.* Quibus adhaerendum est; ratio est, quia intentio Concilii, verbis illis expressa; *Saltem in Paschate: ad minus in Pascha:* est, Communionem non esse differendam ultra tempus Paschale; qui autem prævidens impedimentum, Communionem non anticipat, eam ultra tempus Paschale, sciens, & volens differt; ergo tenetur anticipare; quemadmodum prævidens eodem die festo non posse ultimum sacrum audire, tenetur audire unum ex antecedentibus.

9 Sed quid, si tempore Paschali prævisum impedimentum communicandi cesset?

Resp. Tenetur communicare, ut per se præceptum Paschalis Communionis impleat; juxta receptam praxim Ecclesie: quam videmus exigere Communionem in Paschate ab illo quoque, qui infra annum, etiam pluries, communicavit. Tambur. ubi supra.

10 Sed queritur, an ad satisfaciendum præcepto Ecclesiastico sufficiat communicare in Ecclesiis Regularium, vel sit exequendum in Parochia?

Resp. In Parochia exequendum est, aut alibi de licentia Parochi, & non in Regularium Ecclesiis, pro ut censuit Sac. Cong. Conc. in una Mechlinen. 31. Januarii. 1682. Vide cap. cit. n. 21.

11 Queritur, Confessarius audit confessionem mulieris, quam incapacem absolutionis ob proximam occasionem reperit, & propterea in absolutam dimittit, interim accedit ad celebrandum, & ipsa cum ceteris ad recipiendum Christi Corpus se accomodat, petitur, an debeat, & possit Eucharistiam negare?

Resp. Sed præmitto communes regulas apud Autores, Cabasut. *prax. iur. canon. lib. 3. cap. 7.* Layman. *cit. cap. 6.*

nu. 10. Jo. De la Cruz *qu. 5. de sumpt. Eucharist. dub. 2. n. 4.*

Prima est, quòd publico peccatori, si ve publicè, si ve privatim petat, est denegandum Corpus Christi; ratio est, quia jus non habet ad illud, quousque publicè pœniteat; & Sacerdos, cùm sit mysterium Dei dispensator, totus esse debet, ne bona, quæ dispensanda recepit, in immitros, & indignos dissipet.

Secunda, quòd peccatori occulto non est deneganda Communio, si publicè petat. Sumitur ex cap. si Sacerdos de offic. jud. ord. Ubi legitur, Christum Judæ, tunc occulto peccatori, suum dedisse in ultima cœna Corpus, & Sanguinem: & ex cap. non prohibeat de consecr. dist. 2. Decet enim, ut actus publicæ gubernationis, & dispensationis exerceatur secundum publicam notitiam, & non secundum privatam scientiam Gubernantis, & Dispensantis; ratio est, quia aliàs gravia nascerentur scandala, pœdia, rixe, & jurgia, cum infamia illius, qui probus ab adstantibus reputaretur.

Tertia, quòd Sacerdos, qui scit intra Confessionem Sacramentale occultum alicujus delictum, tenetur eidem petenti concedere, quantumvis occultissime petat; ratio desumitur ex illa indispensabili, & stricta obligatione observandi secretum, & sigillum de auditis in confessione. De quo loquitur c. Sacerdos de pœnit. dist. 6. & cap. omnis utriusque; ubi supra; & ibi: caveat autem omnino, ne verbo, vel signo, vel alio quovis modo prodatur aliquatenus peccatorem. Sacerdos autem negando Communionem virtualiter, & indirectè delictum proderet, atque exprobraret auditum in confessione illius peccatum, quod est omni jure interdictum, semperque pœnitens adverteret causam repulsæ esse peccatum in confessione expositum.

Ex quibus facilis est responsio. Vel peccatum mulieris est publicum, vel occultum: si publicum, ei denegare tenetur

juxta primam regulam; si verò occultum, procedere debet secundum notata in 2. & 3. regula.

12 Sed quæritur, unde Confessarius publicos peccatores ab occultis discernet?

Resp. Ex notorietate peccati; eosque publicos, & manifestos dixerit, qui cum scandalo peccant; vel quorum peccata innotuerunt, vel per evidentiā facti: ut sunt publici usurarii, publicii concubinarij, publicæ meretrices; vel per publicum, sive Ecclesiasticum, sive Seculare judicium: modò emendati non fuerint; vel, si ipse peccator de suo crimine jactet, & passim, ac manifestè illud coram sibi occurrentibus cum publico scandalo confiteatur.

13 Sed quid, si excipiat confessionem meretricis, quam à multo tempore non peccasse reperit?

Resp. Lib. I. cap. cit. num. 18. diximus Meretrices absolvendas non esse, nisi prius removeant pericula, & occasiones iterum relabendi: nisi habitum meretricium deponant, & alium ædificationis assumant: nisi domum peccati relinquunt, & ad aliam honestam accedant: ac, nisi bono exemplo ædificent existentes in vicinia, & de nova ipsarum vita constet. Propterea, neque ad Communionem sunt admittendæ, nisi ipsarum conversio publica sit, & vita exemplaris; quia ex Coninch. apud citat. Cabasut. num. 7. ut publico peccatori prudenter Communionem regulariter dari possit, necesse est, ut publicè constet ipsum esse emendatum.

14 Sed quid: accedit Hebraus occultus, & in confessione aperit duo peccata contra legem naturæ, v. g. furtum, & homicidium: deinde aperit se Hebraum, & solum extrinsecè Christianam Religionem profiteri, tamque simulare, & velle in Paschate communicare, ne Hebraus deprebendatur: quid Confessario agendum?

Resp. Einullo modo debet Eucharistiam præbere: sed est monendus, ne

accedat ad Mensam Angelorum, quia ei omnino negabitur Communion; & si pertinax erit, & accesserit, manifestabitur ut Hebræus.

15 Sed quid, si Hebraus inestet: Pater, tu non potes revelare confessionem, & teneris non infamare proximum?

Resp. Utique teneor ad sigillum confessionis Sacramentalis, nec ipsum, etiam ad evadendum evidens mortis periculum frangere possum. Sed nego te esse Sacramentaliter confessum: duo mihi aperuisti. 1. Furtum, & homicidium, quæ sunt contra bonum privatum. 2. Simulationem Christianæ Religionis, & Hebraismum, quæ sunt contra bonum publicum. Primum, teneor celare ex obligatione secreti naturalis; neutrum autem ex sigillo confessionis. Istud oritur ex sola confessione Sacramentali, qualis tua non est, cum Baptismo careas, qui est janua Sacramentorum. Deinde, sigillum obligat, quando quis Confessionem non simulat; & peccata exponit in ordine ad absolutionem, quamvis confessio ob indispositionem penitentis, vel sit sacrilega, vel absolutio non detur: quod tu non fecisti.

Quantum ad alterum, quod opponis: scias bonum publicum fidei, & Christianæ Religionis, contra quod est delictum tuum, prævalere bono privato tuæ famæ. Immo teneor te Sancto Officio revelare, & quamprimum exequar, ut commeritas tuæ fraudis, & erroris pœnas recipias.

16 Sed quid dicendum, dum Parochus vocatus ab infirmo Heretico, qui confitetur unum, vel alterum peccatum, & statim subdit: Ego non credo Sacramentum penitentiae esse in Ecclesia Christi. Et monitus, ut respiciat, resistit; petitque communicare, ne apud adstantes bonum nomen amittat?

Resp. Eum non potest communicare; nec negando Communionem sequitur revelatio confessionis; quia in casu nulla habetur obligatio sigilli; cum hæc ex dictis oriatur ex sola Confessione

Sacramentali, quæ per eum non fit, cum accusatio non sit in ordine ad absolutionem Sacramentalem; quandoquidem non credat Sacramenti penitentiae virtutem, & existentiam.

17 Sed quid, si *panitens Confessario verè in ordine ad absolutionem Sacramentalem confiteatur cum dolore peccatorum, sed non credens Sacramentum Eucharistia continere verum Corpus, & Sanguinem Jesu Christi?*

Resp. Apud neminem casum reperi. Sed meo videri negare Communionem non potest, dumperat; ratio est, quia cum hic habeatur confessio Sacramentalis, & accusatio in ordine ad absolutionem, adest vera obligatio sigilli: quod negando Communionem frangeretur. Legas Carenam *Tribunal. S. Offic. p. 2. cap. 9. §. 5. num. 20.* asserentem cum communi, Confessarium non posse revelare hæreticum, quem talem scit ex confessione ipsius Sacramentali. Et *num. 21.* ubi ex Genuen. in praxi tradit, quod, si Hæreticus accederet ad Confessarium, non animo confitendi peccata, sed pervertendi Confessarium, & inducendi ad hæresim, tunc Confessarius teneretur illum denunciare: quia talis non est Sacramentalis Confessio, sed modus occultè dogmatizandi, vide *lib. 1. cap. 4. num. 7.*

18 Quæritur, quot peccata committit, qui tempore Paschali sacrilegè communicat?

Resp. Duo, unum commissionis contra reverentiam Sacramento debitam, & alterum omissionis contra adimpletionem præcepti Ecclesiæ; ac alia duo, si sacrilegè confiteatur.

19 Quæritur, quam dispositiones requirantur, ut quis sacrilegè non communicet?

Resp. Duplex, una ex parte animæ, alia ex parte corporis. Ex parte corporis dispositio necessaria est, ut communicaturus sit perfectè jejunos jejunium naturale, hoc est, ut à media nocte

nihil cibi, potus, aut medicinæ, vel aliud, etiam minimum, aut inadvertenter, & casualiter sumat, & in stomachum actione vitali demittat: habetur *cap. nihil 7. qu. 1.*

20 Nota generalem regulam ex Layman cit. Jejunium naturale ab Ecclesia ante sumpcionem Eucharistiæ præceptum, *cap. Sacramenta Altaris, de consecrat. dist. 1.* institutum non esse ob temperantiae virtutem, sed ob Sacramenti reverentiam, ut sacra Hostia ante omnia ab extrinseco in stomachum deveniat. Unde communicare non potest, qui comedit, vel deglutit aliquid, etiam minimum (quamvis nec per se, nec per accidens nutrire, vel habere rationem medicinæ possit) ut chartam, ceram, frustum ligni, ossiculum frustum, monetam auream, globulum plumbeum, filum ex serico, lana, vel lino, paleam, fenum, terram, carbones, tabachum, &c.

Dixi ab extrinseco. Quia non censetur jejunium violari, si immixtus salivæ in stomachum sanguis ex gengivis, vel cerebro proveniens, descendat, quia per modum salivæ in stomachum defluit. *Ulfung. tr. 6. dist. 4. art. 5. §. 5. a. num. 121. Cabasut. lib. 3. cap. 5. num. 7. Lege Rubricas Missalis tit. 9. de defectib. disponit in corp.*

21 Quæritur, an non jejunio liceat unquam communicare?

Resp. Affirmativè. DD. plures casus assignant. I. In mortis articulo, si commode sumi Eucharistia non possit à jejunio; sive mors imminet ex morbo, sive ex Judicis sententia; ratio est: quia quilibet tenetur in periculo mortis ex divino præcepto communicare; ut communiter DD. ex illo Joan. 6. *nisi manducaveritis carnem filii hominis, non habebitis vitam in vobis.* Quod est fortius, & gravioris momenti, quam lex Ecclesiæ, prohibens non jejunis communicare.

II. Ob perficiendum sacrificium; ut, si

Sacerdos loco vini consecrati, aquam sumpfit, debet consecrare vinum, & sumere.

III. Si Sacerdos post consecrationem recordetur se jejunium non esse; tunc debet progredi in sacrificio. Quamvis, si recordetur ante, tutius sit omittere, si possit absque scandalo.

IV. Si Sacerdos post consecrationem deficiat, ut non possit sumere, & sacrificium prosequi. Nam tunc debet alius Sacerdos substitui, etiam non jejunus, quando alius non sit, qui Eucharistiam sumat, & sacrificium perficiat. Quorum omnium una est ratio, quia præceptum non relinquendi sacrificium imperfectum, fortius est, utpotè divinum, quam sumendi Eucharistiam jejunè, quia Ecclesiasticum. Vide DD. de sacrific. Missæ & rubricas Missal. tit. de defunctis in ministr.

V. Si penitens stet ad locum recipiendæ Communionis, & recordetur se non esse jejunum: modò absque gravi ignominia, & scandalo recedere non possit. Tambur. cit. §. 8. num. 33. & Layman cap. 6. num. 22. quia leges positivæ non tam severe obligant. Sed casus rarus est, ideo cautè procedendum, & irreverentia vitanda.

Ex parte animæ, necessaria est talis præparatio, & dispositio, ut communicaturus, indignè non communicet. Ad quod necesse est, ut tres sequentes regulas servet. 1. Ut diligenter se examinet, an aliquod peccatum mortale commiserit, de quo raris confessus non fuerit. 2. Ut, advertens in se aliquam culpam mortalem, non accedat ad Communionem, quantumvis se contritum existimet, nisi præmissa confessione Sacramentali. 3. Ut, qui officio celebrandi urgetur, & Confessarii copiam non habet, præmittat contritionem: & post celebrationem, quam primum poterit, confiteatur. Quod per DD. à Trid. sess. 13. cap. 7. præcipitur speciatim celebrantibus ex officio, necessitate ur-

gente; nam alii possunt à celebratione cessare. Vide lib. 1. cap. 28.

22 Quæritur, quid facere debet is, qui, dum se stetit genua ad Altare recepturus Eucharistiam, recordatur aliquis peccati lethalis obliti in confessione?

Resp. Si sine gravi scandalo recedere potest, & confiteri, tenetur hoc facere; si autem imminet scandalum (ut solet contingere in publicis Communionibus, quæ sunt cum frequentia populi) debet dolere, quantum potest, procurando se disponere per actum contritionis, cum proposito confitendi quamprimum. Sed videat, ne periculum scandali, & infamiae fingat. Gobat cit. cas. 16. nu. 256. & 257.

23 Sed quæritur, an sufficiat attritio cognita?

Resp. Negativè; quia confessio est dispositio per se requisita, ergo, cum ista deest, ponendus est dolor, qui in casu Confessionem suppleat, consequenter contritio. De la Cruz, & ex dicendis cap. 35.

24 Sed quæritur, Petrus existens in oppidorurali, ubicum Parochus est alius Sacerdos, non Confessarius, expectat implere præceptum Paschale in Dominicam Albis, in qua in aurora, repentino casu, Parochus moritur, à superstitibus Sacerdote potest Eucharistiam accipere, sed non ipsi confiteri; petitur, an possit sine Confessione Eucharistiam sumere, ut satisfaciatur præcepto Communionis Paschalis, tunc obliganti?

Resp. Negativè; quia præceptum præmittendi Confessionem ante Communionem, utpotè divinum, fortius est præcepto communicandi in Paschate. De la Cruz ubi supra dub. 1. conc. 2. & Suarez apud Tambur. ibid. §. 6. num. 32. Nec pro tunc videtur adesse necessitas communicandi, non præmissa Confessione; quia adstantes intelligent, quod non communicat, quia ex defectu Parochi non potuit confiteri; & ideo scandalum cessat.

cessat. Quinimò, per accidens loquendo, pro tunc censetur, quòd lex Communione non obliget, tum ratione defectus Confessarii, tum, ex quo non possit debito, & legitimo modo, ac juxta praxim Ecclesiæ impleri; ideò debet alio die præcepto satisfieri. Licentia communicandi, non præmissa Confessione, non est tam facilè extendenda, ut optimè notavit Bonaccina.

25 Dubitatur, *quæ ætate pueri, & puella admittendi sint ad Sacram Eucharistiam recipiendam?*

Resp. Certum est ex Trid. *sess. 21. can. 4.* parvulis, antequam ad annos discretionis perveniant, non esse necessariam Eucharistiæ Communionem; & quod expectandus sit annus discretionis, antequam panis Angelicus eis detur: habetur ex *alleg. cap. omnis*, & Trid. locis *supra cit.* In quo DD. concordant; ratio est, quia ad sumendum SS. Christi Corpus, & Sanguinem in Eucharistia debet homo seipsum probare, an dignus, vel indignus sit; sed pueri, & puellæ ante annum discretionis nequeunt hujusmodi probationem præmittere, neque dignitatem, vel indignitatem cognoscere. Siquidem annus discretionis dicitur ex eo, quod in ipso discernatur, quodnam sit bonum, vel malum; maxime etiam, quia, ut dignè recipiatur Sacramentum, requiritur magna reverentia, & devotio, quæ ante discretionis annum in parvulis non præsumitur: in quo nulla est dissentio.

Sed discordes sunt in assignando, & taxando discretionis anno, in quo admittendi sint ad Communionem. Alii volunt admittendos esse anno sexto, vel septimo: alii octavo: alii nono: alii decimo: alii undecimo: & quidam quartodecimo; verum non potest certa mensura pro omnibus definiri; sed cuiusque pueri indoles est consideranda; quia alii tardius, alii citius perfectionem, & maturitatem iudicii assequuntur, quo habiles sunt, & possunt actum

fidei, & devotum aliquem affectum circa hoc Sacramentum elicere.

26 Eorum habilitas, & discretio quoad hunc effectum in eo consistit. I. Ut sciant discernere, & distinguere hunc cibum Sacramentalem ab aliis. II. Ut credant, quòd sub hostia à Sacerdote ritè consecrata, illi porrigenda, vorè, & realiter est totus, & integer Christus, secundum Corpus, Sanguinem, animam, & divinitatem, ex Trid. *sess. 13. cap. 3.* & quod jam non sit amplius ipsius panis substantia. III. Ut intelligant, devotè, & reverenter esse suscipiendam Eucharistiam, ut loquitur Lateranense *in cit. cap. Omnis*: prævio jejunio naturali, & Confessione Sacramentali, si peccati mortalis culpa conscientiam gravet. IV. Ut mente retineant, post Communionem gratias Deo esse agendas pro tanto munere, & se ipsos offerendos ad obedientiam divinorum mandatorum. Quæ omnia diligenter iisdem pueris, & puellis debent declarari, ut super illis instructi, acquirant discretionem, habilitatem, & dispositionem necessariam accedendi cum fructu ad mensam. Videndus Maftrius *disp. 118. num. 65.* referens, aliquando graviter peccare Parentes, Parochos, & Confessarios, qui ex incuria, instructione omissa, primam Communionem puerorum nimis differunt; idem dixit Clericatus.

27 Circa propositionem 56. id observandum est, quod Authores ipsius contradicunt testimonio Petri 2. *cap. 1. Sagite, ut per bona opera certam vestram vocationem, & electionem faciat*, ergo opera bona, & diuturna observantia mandatorum Dei sunt nota prædestinationis, seu signum, ex quo conjecturaliter colligi potest aliquem esse electum ad æternam beatitudinem; non verò frequens Confessio, & Communio, nisi cum simili observantia jungantur; sed certum est, frequentem Confessionem, & Communionem eo-

rum,

rum, qui gentiliter vivunt, cum ea observantia non conjungi; nam, ut notat Cardenas *differt. 35. num. 3.* qui gentiliter vivit, depravatis moribus vitam continuat; ergo ejusdem frequens Confessio, & Communio non associatur cum diuturna observantia divinorum mandatorum. Quinimò videntur Authores ipsi pertinaciter propugnare, præbendam esse Communionem quotidianam omnibus indistinctè, dummodò non habeant conscientiam peccati mortalis.

Contra quos S. Cong. Concilii de mandato Innoc. XI. *sub die 12. Febr. 1679.* Decretum edidit, incip. *Cum ad aures ab eodem SS. approbatum*, quod inter alia exhibet: *ad Sacram alimoniam percipiendam accessus, Confessariorum secreta cordis explorantium, iudicio est relinquendus: qui ex conscientiarum puritate, & frequentia fructu, & ad pietatem processu, Laicis negociatoribus, & conjugatis, quod prospicient eorum salutis profuturum, id illis præscribere debebunt: & infra.*

Moniales quotidie sacram Communionem petentes, admonenda erunt, ut in diebus ex earum Ordinis instituto præstitutis communicent; si quæ verò puritate mentis eniteant (nota) & fervore Spiritus ita incaluerint, ut digna frequentiori, aut quotidiana Sanctissimi Sacramenti perceptione videri possint, id illis à Superioribus permittatur.

28 Quæritur, an Communio quotidiana sit de jure divino?

Resp. Negativè, ut ibid. decretum: *Episcopi, & Parochi, seu Confessarii redarguant asserentes Communionem quotidianam esse de jure divino.*

29 Quæritur etiam, an plures particula possint in Communione communicato tradi?

Resp. Negativè, alleg. Decretum; *Insuper admonent nulli tradendas plures Eucharistia formas, seu parti-*

culas, neque grandiores, sed consuetas.

30 Quæritur, cui virtuti opponitur violatio præcepti communionis?

Resp. Virtuti Religionis, per quam tenemur exhibere cultum debitum Deo per dignam susceptionem Sacramenti Eucharistiae: sive violen- tus præceptum, peccato commissionis, sive omissionis. Peccatum commissionis est, cum, præcepto obligante communicare dignè, indignè suscipimus: peccatum verò omissionis, cum, obligante communicare, non communicamus: per omissionem violamus præceptum affirmativum, *communices*: per commissionem violamus præceptum negativum, *ne indignè communices*. Dum communionem omittimus, peccatum irreligiositatis patramus; dum verò indignè communicamus, sacrilegium propriè committimus.

CAPUT XXXIV.

Prop. LVII. ab Innoc. XI. &c.

Contritio, & Attritio.

1 PROP. 57. Probabile est, sufficere attritionem naturalem, modò bonefiam.

Sacramentum Pœnitentiæ fuit à Christo Domino institutum ad remissionem peccatorum, post baptismum commissorum, ut fideles in ealapsi ipsi Deo reconciliantur, ex Trid. *sess. 14. cap. 1. & 3. & can. 1.* Quod describi potest: *est Sacramentum novæ legis à Christo Domino institutum, reconcilians cum Deo hominem baptizatum, penitentem, virtute absolutionis à peccatis, ab eo post baptismum commissis, prolata à Sacerdote jurisdictionem habente, cum debita intentione, de quo lib. 4. cap. 5.*

2 Ejus forma sunt ipsa verba, ego te absolvo, &c. ex Trid. *cit. cap. 3. de quo cap. sequen.* Sed materia est duplex, proxima, & remota: remota sunt peccata post

post baptismum commissa. Quæ item duplex est, necessaria, & sufficiens, seu libera: necessaria sunt peccata mortalia post baptismum (vel in ipsa receptione baptismi) commissa, nunquam ritè confessa, nec directè absoluta; dicuntur materia necessaria, quia de necessitate sunt confitenda.

3 Nota, per contritionem perfectam extra Sacramentum non dimitti peccata, nisi sub onere, & obligatione subiiciendi ea clavibus, cùm primum potest, seu cum voto, & proposito confitendi, quod in ipsa contritione includitur, adeoque cum ordine ad claves, & absolutionem. Vide Trid. *sess. 6. cap. 14. de iustif.* Sufficiens, seu libera, sunt venialia, & etiam mortalia, aliàs ritè confessa: dicuntur materia sufficiens: quia sufficiunt pro materia absolutionis: & libera, quia non tenetur fidelis ad ipsorum Confessionem.

4 Materia necessaria subdividitur: ut alia sit necessaria sufficiens, alia necessaria, sed non sufficiens; necessaria sufficiens sunt mortalia certò post baptismum commissa, nunquam ritè confessa; necessaria non sufficiens, sunt mortalia dubia, post baptismum patrata: dicuntur necessaria, quia sunt de necessitate in Confessione aperienda: at non sufficiens, quia, nisi, cum mortali dubio exponatur etiam aliquod mortale; vel veniale certò commissum, non possumus ab illo absolvi, & Sacramentum exponitur periculo nullitatis, ob defectum materiæ certæ.

5 Peccata non dicuntur materia ex qua, cum ex eis hoc Sacramentum non componatur; nec materia in quam introducatur forma; sed materia circa quam destruendam, versatur dolor, & absolutio. De peccatis diximus *lib. 1. cap. 17.* & de peccato philosophico dicendum *lib. 3. cap. 2.*

6 Materia proxima sunt tres actus penitentis, oris confessio, cordis contritio, & operis satisfactio, ex Trid.

sess. 14. cap. 3. De duabus posterioribus egimus *lib. 1. cit.* de Confessione *cap. 7. 9.* & 10. de satisfactione *cap. 11.* idèò in presenti duntaxat agendum est de contritione, itaque.

7 *Quæritur, quid sit contritio?*

Resp. *Est animi dolor, ac detestatio de peccato, cum proposito non peccandi de cætero.* Trid. *ibid. cap. 4.* Ad veram contritionem requiritur odium, seu displicentia peccati, ut est offensa Dei, propositum confitendi, propositum satisfaciendi, & propositum emendandi vitam. Ex Trid. *sess. 6. cap. tit.*

8 Sed quæritur, *quotuplex sit contritio?*

Resp. Duplex, perfecta, & imperfecta: perfecta, quæ absolutè contritionis nomen retinet; *est dolor, seu detestatio peccati, ut est offensa Dei super omnia summè dilecti, seu, ut est summum, & infinitum bonum super omnia dilectum, tum proposito emendandi vitam;* de isto infra *cap. 37.* Imperfecta verò, quæ attritio dicitur: *est dolor, & detestatio peccati, ut est offensa Dei, propter timorem Gehennæ, vel amissionis beatitudinis, aut turpitudinem, & seditionem peccati;* involvens propositum, saltem implicitum, non peccandi cum spe veniæ.

9 Advertendum est, quod dolor contritionis, ut sit dispositio sufficiens ad justificationem, debet esse super omnia alia mala, quæ non sunt peccata mortalia; quatenus est dolendum de offensa Dei magis, quàm de quocumque alio malo, quod non est Dei offensa.

10 Sed quæritur, *an debeat esse super omnia appetitativè, vel intensivè?*

Resp. Non intensivè, sed appetitativè, quatenus magis detestandum, & fugiendum est peccatum, & malum culpæ, quàm malum pænæ. Ita, quise disponit ad justificationem, & de peccatis dolet, debet esse in tali animi dispositione, & præparatione, ut si occurreret

ret

ret occasio iterum peccandi mortaliter, potius eligeret quamlibet penam, quam mortaliter delinquere; aliis, si potius vellet, & paratus foret Deum offendere lathaliter, quam penam aliquam subire, jam haberet affectum ad peccatum mortale, & sic non doloet de offensa Dei super omnia; quandoquidem huiusmodi dolor talis non sit, nisi omnem talem affectum excludat.

Dixi *non intensè*, quia quamvis monendi sint penitentes, ut intensè doloant, quantum possunt de peccatis, tamen intensio doloris in tali, vel tanto gradu non videtur absolute necessaria, & esse in præcepto; quinimò videtur res plena scrupulis, quia anxii semper penitentes forent, an dolorem de peccatis elicerent in eo gradu intensioris, in quo sit sufficiens dispositio ad justificationem, vel, an magis intensè doloerent de amissione boni temporalis, quam de offensa Dei. Debent itaque dolere super omnia, sic, ut excludatur affectus ad quodcumque mortale, & parati sint, quodcumque aliud malum pænæ, & incommodum subire, quam mortaliter peccare, vide supra cap. 5. num. 5.

11. *Queritur, in quo contritio perfecta, & attritio, quæ sunt dispositiones ad justificationem, convenient, & differant?*

Resp. In hoc conveniunt. I. Quod utraque versetur circa peccatum detestando illud, ut est offensa Dei. II. Quod utraque excludit voluntatem peccandi. III. Quod utraque sit supernaturalis, non elicitæ ex solis viribus naturæ, sed cum auxilio divine gratiæ, ut definitur in Trid. sess. 6. can. 3. de iussu. IV. Quod utraque sit regulata per fidem divinam, & ex motivo à Deo revelato Ecclesiæ Catholicæ.

In hoc verò differunt. I. Quod contritio est dolor de peccato procedens ex sua natura ex motivo charitatis: ut, quia Deus est infinitum bonum, summe dilectum; attritio verò est dolor de pec-

cato procedens, ex imperfectiori motivo, v.g. ex timore penarum Inferni, vel amissionis beatitudinis, aut ex turpitudine peccati. II. Quod contritio est dispositio sufficiens ad justificationem extra Sacramentum penitentiae, in voto tamen Sacramenti, cum proposito nimirum subiiciendi peccata clavibus. Attritio verò se sola non sufficit extra Sacramentum, in re susceptum, cum sit dispositio solum ad justificationem in Sacramento obtinendam, de qua Triden. sess. 14. cap. 4. ubi: *Et quamvis sine Sacramento penitentia, per se ad justificationem perducere peccatorem nequeat, tamen cum ad Dei gratiam in Sacramento Penitentia impetrandam disponit.* DD. communiter.

12. Formula actus contritionis. *Mi Deus, & Domine Iesu Christe, quia summum, & infinitum bonum es, & te super omnia diligo, super omnia doleo, & me penitet, quod te offenderim: veniam à te spero: & amplius non peccare cum tuo divino auxilio in futurum propono.*

13. Formula verò attritionis. *Mi Deus, & Domine Iesu Christe, quia timeo à te æterna beatitudine privari, vel pænis inferni puniri, ex corde doleo, & mihi super omnia displicet, quod te offenderim: veniam à te spero, & in futurum te auxiliante emendationem propono.* Vide Tambur. Method. Confess. lib. 2. cap. 2 §. 6.

14. Nota, quod, cum de attritione dicitur, ut sit dolor de peccatis ob pænas inferni, sensus non est, quod quis taliter doleat ob tales pænas, ut, si non essent pænx, non doloet, nec detestaretur peccata; nam iste dolor esset malus, quia in eo duraret affectus ad culpam. Sed dicitur esse ob pænas inferni, in quantum timor penarum inferni, per fidem cognitarum, est occasio detestandi culpam. Et ita eo attritionis actu principaliter culpa detestatur: etsi ista detestatio fiat ex motivo penarum.

15. *Quæritur, in quo perfecta contritio formalis, & formalis dilectio Dei super omnia differant?*

Resp. In hoc, quod dilectio habet pro objecto quod immediato, & directo Deum ipsum, in quem formaliter, & explicitè tendit. Contritio verò pro objecto quod directo habet peccatum detestandum; nam, qui verè contritus est, culpam ipsam expressè odio habet, ut est offensa Dei: qui verò actum dilectionis Dei elicit, ipsum expressè diligit in objecto tamen formali motivo, & quo conveniunt; nam Deum super omnia amamus, quia est summum bonum propter se amabile, & de peccato dolemus, quia est offensa Dei summi boni. Du-hamel tom. 3. differt. 2. de panis. cap. 1. num. 5.

16. *Quæritur, an dolor de peccatis in penitente, ut sit dispositio sufficiens ad iustificationem debeat esse formalis, & explicitus?*

Resp. Dixerunt quidam sufficere amorem Dei super omnia, qui est virtualis detestatio peccatorum, eminenter continens perfectionem doloris: qui enim Deum super omnia diligit, implicitè, & virtualiter detestatur omnia, quæ ipsi displicent. Sed nos id negamus cum Florentino, & Trid. ac communi Theologorum. Florentinum in decreto unionis ait: *primam partem, quasi materialem Sacramenti penitentia, esse cordis contritionem*, ad quam pertinet, ut doleat de peccato commisso cum proposito non peccandi de cætero; & Triden. sess. 14. cap. 3. *sunt, quasi materia huius Sacramenti, ipsius penitentis actus, contritio, confessio, & satisfactio*. Quæ verba sine ullo fundamento non intelligerentur in sensu proprio, & formali; ergo per se ad valorem, & essentiam Sacramenti pro parte materiali ipsius, in eo, cui post examen occurrunt memorie peccata commissa, requiritur dolor formalis; ergo iste determinatè per se exigitur. Quemadmodum ad essentiam, & valorem baptismi, aqua

formalis requiritur, etiam si alius liquor haberi possit, qui esset eminentialiter aqua, vel, qui eminenter serviret ad abluendum corpus, ut vinum. Dixi per se, & cui post examen occurrunt memorie peccata commissa: quia, si peccata alicui non occurrant, & statim rapiatur ad martyrium, & pro Christi fide mortem sustineat, sat est ei virtualis displicentia, contenta in actu dilectionis Dei super omnia. De la Cruz de panis.

17. *Quæritur, an sufficiat una contritio pro omnibus peccatis, ad memoriam per examen conscientia revocatis, an verò sint necessaria tot contritiones numero distincta, quot sunt peccata, adedut, si hac sint centum, centum contritiones sint necessariae?*

Resp. Quamvis optimus sit dolere particulariter de singulis, unica tamen formalis sufficit respectu omnium; sed debet esse dolor universalis de omnibus, hoc est, dolor de illis propter motivum formale, quod sit omnibus universale, & sub quo omnia comprehendantur. Sic, cum doleo, quod Deum offenderim, quia est summum bonum: vel, quia Deum offendens infernum, & privari celesti beatitudine promerui, doleo sub motivo, omnibus peccatis communi: quia omnia peccata sunt offensa Dei summi boni, & omnia mortalia celesti beatitudine privant, & infernum peccanti acquirunt. DD. communiter.

18. Sed quæritur, *accedit Cajus hæc aperiens Confessario*. Pater: in Confessione præteritis oblitus sum confiteri duo peccata, sed inculpabiliter; nam diligentiam adhibui, ut omnium recordarer, sed ex decem, quæ commisi, octo dumtaxat memorie occurrerunt, de quibus dolorem particularem habui, de his solum dolendo: peto, an ab omnibus decem fuerim absolutus?

Resp. Negativè, à nullis absolutionem obtinuisti: non à duobus invincibiliter oblitis, quia de illis nullum dolorem

rem habuisti; nec potes à peccatis absolvi, quæ non retractas, & detestaris; quia circa ea, quæ non detestaris, affectum retines. Nec ab octo confessis, quia Deum veniam non dimidiat, sed mortalia omnia dimittuntur, vel nulla; nam unum sine alio non dimittitur. Si de illis octo sub isto formali motivo doluisses: doleo, quod his Deum summum bonum offenderim: vel, quia per illa gehennam promerui: ab omnibus, etiam oblitis, absolutionem obtinuisses: quia, etsi materialiter explices solum octo peccata in particulari, dolor tamen formaliter est universalis, quia ratio formalis, sub qua doles, est communis ad omnia peccata mortalia. Verùm si de illis octo doleres, cum expressa intentione non dolendi de oblitis, si quæ essent, nec de illis octo doleres super omnia, quamvis ex illo motivo doleres.

19 Sed quid, *Petrus commisit duo peccata, unum homicidii, alterum fornicationis, postea, premisso examine sufficienti, obliuiscitur fornicationis, & propterea confitetur solum homicidium, de quo etiam dolet ob turpitudinem particularem ipsius, nimirum, quia est contra pulchritudinem iustitiæ, à Deo revelata, petitur an ab utroque absolvatur?*

Resp. Hoc argumento utuntur plures ad probandum posse Sacramentum Pœnitentiæ esse validum, & informe. Nam, ut ajunt, Petrus de homicidio expressè, & formaliter dolet, & aliunde alterius inculpabiliter obliuiscitur, ergo validè confitetur, & absolvitur: ergo Sacramentum est validum, sed gratiam non recipit, quia habet obicem peccati, cuius est oblitus, de quo non habet dolorem virtualem, aut formalem: non formalem, ut certum est, quia de illo non cogitat: nec virtualem, quia nullum habet dolorem, nisi illum, quem habet de homicidio ob malitiam particularem ipsius: nullum autem peccatum dimittitur absque aliquo dolore, vel formali, vel

virtuali de ipso, ergo Sacramentum est informe, & sine fructu.

20 Sed negamus: validè confiteri; quia, ut validè confiteatur, debet dolere de omnibus peccatis commissis aliquo modo, nullo autem modo dolet de peccato fornicationis, cum ratio particularis, propter quam dolet de homicidio, non sit communis fornicationi, quæ non est contra iustitiam, ut homicidium, sed contra castitatem. Itaque, quia dolor, etiam ex motivo formali, est particularis, non destruens omnia mortalia, sed solum ea, quæ sunt contra iustitiam, ad oblitum nec virtualiter extenditur, & ideo indirectè ab eo non absolvitur. Nec dolor, quo dolet, est contritio, de qua Trid. loquitur *cap. 4. sess. 14.* ubi de contritione, quæ est actus pœnitentis, hæc habet: *hanc contritionem, non solum cessationem à peccato, & vitæ novæ propositum, & inchoationem, sed veteris etiam odium continere*: veteris autem odium non continet, si etiam de oblitis non dolet in universali.

21 Hinc Confessarius totus esse debet in inducendis pœnitentibus, ut doleant de omnibus peccatis vitæ suæ, specificando, quod etiam doleant de oblitis, & curare, quod doleant ex motivo universali, communi omni peccato.

22 Quæritur, *Petrus non habet, nisi duo venalia, ambo confitetur, sed de uno tantum dolet, petitur, an validè absolvatur, & gratiam recipiat?*

Resp. Affirmativè; ratio est, quia dum de uno dolet, jam ponit materiam remotam, & proximam, & totum quod ex parte materiæ sufficit ad valorem Sacramenti, & nil habet, ut suppono, quod obstat receptioni gratiæ; alterum veniale, non obstat, quia, sicut poterat ipsum non confiteri, ita non tenetur de eo dolere, dum confitetur illud, de quo dolet.

23 Sed quid, *si tantum unum veniale confiteretur, & de ipso non doleret?*

Resp.

Resp. Tunc committeret Sacrilegium, ob gravem injuriam Sacramenti, quod esset invalidum ex defectu partis essentialis, nempe materiæ proximæ. Ideo, quoties quis unicum tantum veniale confitetur, de ipso dolere debet, ne materiam insufficientem apponat ad Sacramentum conficiendum.

24. *Queritur, an dolor de peccatis, qui in penitente est dispositio ad justificationem, debeat esse naturalis, vel supernaturalis?*

Resp. Supernaturalis: naturalis non sufficit, ut patet ex Decreto Innoc. & habetur ex Trid. *sess. 6. can. 3. & sess. cit. cap. 4.* ubi definit, *Attritionem, quæ ad Deigratiam in Sacramento Penitentiae impetrandum disponit, donum Dei esse, & Spiritus Sancti impulsus*: sed dolor naturalis de peccatis non est donum Dei, neque Spiritus Sancti impulsus, ergo hujusmodi dolor naturalis non disponit ad Dei gratiam in Sacramento impetrandam: Minor patet, quia donum Dei, & impulsus Spiritus Sancti est quid supernaturale: dolor autem naturalis supernaturalis non est, ut ex terminis patet. Ratio etiam esse potest, quia juxta commune dictum; dispositio ad formam debet esse in eodem genere, & ordine cum forma, ergo dolor, qui est dispositio ad gratiam sanctificantem, quæ est supernaturalis, supernaturalis & ipse esse debet, alias quæ proportio esset, ut ad ipsam dispo-

neret?

25. *Sed unde poterit Confessarius cognoscere, quoddolor in penitente sit supernaturalis?*

Resp. Ex eo poterit moraliter colligere, si erit regulatus lumine fidei divine, vel conceptus ex motivis, quæ docet fides; quia fides est principium supernaturalitatis, sine qua impossibile est placere Deo, & ad consortium filiorum ejus pervenire, estque humanæ salutis initium: fundamentum, & radix omnis justificationis; ut loquitur Trident.

Matthæucci Cautela Confess.

Sess. 6. cap. 8. de justif. & D. Thomas 2. 2. qu. 16. art. 1. in corp. dixit: prima subjectio Hominis ad Deum est per fidem, secundum illud ad Hebr. 11. sine fide. &c. Vide dicta cap. 14. an. 9. & cap. 15. nu. 4.

26. *Sed, unde colliget, quoddolor in penitente sit regulatus lumine fidei?*

Resp. Ex eo, quod sit dolor de peccatis ex motivo aliquo supernaturali à Deo Ecclesiæ Catholicæ revelato. Cui Deus revelavit peccatum esse offensam Dei summi boni super omnia dilecti: propter peccata Homines cælesti beatitudine privari: & pœnis Inferni puniri. Ideo, qui dolet se offendisse Deum, quia est summum bonum propter se infinite amabile, & summe dilectum: vel, quia timet ab ipso pœnis inferni puniri, aut cælesti beatitudine privari, dolet dolore fide Divina regulato, quatenus dolet ex motivo, non humano, sed supernaturali, hoc est, à Deo revelato Ecclesiæ, & fide divina cognito.

27. *Sed queritur, an sufficiat, si doleam, me offendisse Deum, quia timeo puniri ab ipso malis temporalibus, ut infirmitate, peste, fame, bello, &c.*

Resp. Plures apud Cardenas *differ. 2. cap. 5. art. 2.* dixerunt, attritionem, seu dolorem de peccatis, conceptum ex timore pœnarum temporalium, quæ à Deo, tamquam à delictorum vindice, infliguntur in pœnam peccati, sufficienter disponere ad impetrandam Dei gratiam in Penitentiae Sacramento. Apud quem alii negant. Et cum istis dicendum, dolorem de peccatis ob timorem pœnæ temporalis non sufficere; ratio est, quia non est regulatus lumine fidei, nec ex motivo supernaturali; nam fides divina non docet peccatoribus imminere mala temporalia, sed æterna, & pœnas inferni. Quas nobis sæpius proposuit Deus in Scriptura, ut earum consideratione illas timeremus, & illo timore conculsi applicaremus media, quibus eas vitaremus, dolendo de peccatis commissis, & abstinendo ab eis in futurum.

Hh 28 Opi-

28 Opinionem oppositam non esse practicè probabilem, & dum asserit esse licitum confiteri advertenter cum ea attritione, contineri sub damnatione ab Innoc. edita contra primam propositionem, ibid. Cardenas tradit: quod ex his concluditur. Illa opinio subjacet illi damnationi, quæ versatur circa valorem Sacramenti, & est minus tuta, sed opinio, quod talis attritio sufficiat, versatur circa valorem Sacramenti, & est minus tuta; nam, si coram Deo non est vera, Sacramentum frustratur, ergo.

Contritio itaque, sive attritio, supernaturalis esse debet, non modò ex parte principii effectivi, auxilli nimirum divini, juxta Trid. sess. 6. can. 3. de iustif. Verum etiam ex parte objecti, seu motivi formalis supernaturaliter, seu per fidem divinam cogniti.

29 Sed queritur: *an attritio, concepta ex consideratione turpitudinis peccati, sit sufficiens dispositio ad justificationem in Sacramento?*

Resp. Distinguas duplicem turpitudinem in peccato, unam naturaliter cognitam: ut est turpitudine vilitatis, & indignitatis apud homines, quæ est in furto: & turpitudine immunditiei in peccato carnis, & inhumanitatis in homicidio, &c. & aliam supernaturaliter cognitam, seu per fidem, & à Deo Ecclesiæ revelatam: ut est turpitudine peccati opposita alicui divinæ perfectioni (quæ non sit bonitas, quia hæc est motivum contritionis perfectæ) ut turpitudine inobedientiæ, ingratiitudinis, irreverentiæ, & offensiæ, contra Deum, finem supernaturalem; vel alicui virtuti morali per legem divinam, & à Deo Legislatore supernaturali præceptæ, & revelatæ: ut turpitudine contra iustitiam in furto, & contra castitatem in fornicatione, &c. Dolor, ob turpitudinem peccati, primomodo considerata, insufficiens est, quia naturalis; ille verò conceptus ex consideratione turpitudinis, secundo modo inspectæ, optimè sufficit, quia supernaturalis, ex

motivo, per fidem noto, à Deo Ecclesiæ Catholicæ revelato. Hinc, si doleas te Deum offendisse, quia tuis peccatis inobediens fuisti ejus mandatis; quia eum Legislatorem offendisti, cum proposito cavendi in posterum à peccatis omnibus, cum spe veniæ, dispositus es, per attritionem supernaturalem, si cætera non desint, ut in Sacramento Penitentię justificeris. Mastr. disp. 21. ar. 2. qu. 2. num. 41. Felix examen to. I. n. 3068. cum Brancato, & aliis. Sed dolorem de peccatis sub motivo universalis concipere debes.

30 Queritur, *Penitens bona fide constitutus, existimans se habere dolorem de peccatis, quem revera non habet, petitur, an validè, & effectum Sacramenti recipiat?*

Resp. Negativè, & Confessio est nulla; nam Sacramentum non fit sine dolore peccatorum. Si Confessarius loco verborum ego te absolvo, proferret ista, ego te iudico, putans per ea à peccatis absolvere, reverà non absolveret; sicut Sacerdos consecrans aquam, putans esse vinum, non consecraret: non alia ratione, nisi, quia materia, & forma Sacramentorum non dependent à nostro iudicio, sed à Christi determinatione, ergo, qui aliis utitur, quàm à Christo institutis, Sacramenta non conficit; ergo, quia dolor ex Trid. est pars materialis Sacramenti Penitentię, si ipse verà non ponatur, nec Sacramentum fit. Quod bona fide acceperit, probat tantum, quod accedendo non peccaverit; sed Confessionem debet repetere.

31 Sed quid, *si cognoscat se esse dumtaxat attritum?*

Resp. Si cætera non desint, & in re confiteatur, justificatur; ratio est, quia Trid. cit. non distinguit inter attritionem cognitam, & non cognitam, sed statuit attritionem esse dispositionem ad impetrandam gratiam in Sacramento. Gobat. tract. 6. cas. 4. nu. 50. Intellige semper de attritione ex motivo supernaturali.

32 Sed quid censendum de illo, qui dicit, *doleo ex animo, quod non doleam, sicut deberem?*

Resp. Vel talis vult indicare se carere vera detestatione, & displicentia peccatorum, vel solum se de suis quidem criminibus dolere, sed non cum vehementi affectu, ut vellet; in primo sensu loquens, veniam delictorum non obtinet, quamvis confiteatur: quoniam hæc non acquiritur per dolorem optatum, nec per negationem doloris, sed per re ipsa existentem dolorem de criminibus: loquens verò in secundo sensu veniam obtinere potest; nam ille reverà dolet, & sufficienter dispositus ad iustificationem censetur, si ita de omnibus peccatis efficaciter doleat, ut excludat affectum ad omne peccatum.

33 Nota, quòd, ut contritio sit materia Sacramenti Pœnitentiæ, debet esse sensibilis; quia quodlibet Sacramentum est signum sensibile quoad materiam, & quoad formam: sensibilis autem dicitur contritio, consistens in actu interno voluntatis, si jungatur cum aliquo actu externo virtutis pœnitentiæ, ut sunt *gemitus, lacryma, percussio peboris, Confessio vocalis, &c.* Per aliquem ex his actibus contritio reddita sensui subjecta, fit materia Sacramenti.

34 Queritur; an dolor de peccatis, ut sit dispositio ad iustificationem in Sacramento debeat elici ex intentione confitendi, & Confessio fieri in virtute illius doloris?

Resp. Affirmativè; nam tutior opinio est, quòd dolor antecedens Confessionem, ad Confessionem referatur, aliàs non apparet, quomodo dolor, & Confessio in ordine ad Sacramentum, etiam moraliter, conjungantur. Opinio id negans exponit Sacramentum frustrationi; nam, si coram Deo vera non esset, Sacramentum esset nullum, juxta dicta cap. 1.

35 Sed queritur, quando censetur

Confessio fieri in virtute doloris antecedentis?

Resp. Regulariter id contingit, cum quis recogitat peccata sua, in ordine ad confitendum illa, & de illis dolet.

36 Sed queritur, an qui uno, vel duobus diebus ante Confessionem recogitat peccata sua, & de iis dolet in ordine ad confitendum, si postea non eliciat affectum doloris, validè confiteatur?

Resp. Tamburinus dixit, dolorem per quatuor, aut quinque dies antè conceptum, sufficere ad valorem, & fructum Confessionis. Leander validam esse Confessionem, etiam si longissimo tempore dolor antecedit: dummodò, postquam semel habitus est, nec expressè, nec implicite retractetur; quia tunc virtualiter perseverat, & moraliter conjungitur cum sequenti Confessione.

Sed eos nimis laxè loqui, non est dubium, nam non apparet, in quo dolor ille virtualiter permaneat. Virtualis permanentia alicujus actus tunc præsumitur durare, cum dantur aliqui effectus, qui processerunt ab illo actu; patet exemplo: intendo dignitatem consequi à Pontifice: hæc intentio perseverat virtualiter in itinere, quod ad Curiam suscipio, in allocutione cum Ministris Papæ, & in præparatione aliorum, ad eum finem conducentium; quia hi omnes sunt effectus illius intentionis. Nullus autem datur effectus, qui, intermedio illo tempore, procedat ab eo dolore, cum tali intentione habito, & in quo virtualiter dicatur permanere; quinimò propter diuturnam temporis distantiam, videtur, quòd dolor non possit influere in Confessionem faciendam, & quòd hæc potius sit historica narratio, quàm accusatio dolorosa, & Sacramentalis. Ideò præfatorum opinioniones, adnitentium dolorem cum ea temporis distantia, videntur exponere Sacramentum periculo nullitatis, & comprehendi sub damnatione primæ

propositionis ab Innoc. reprobate, propterea sunt relinquendæ; & dicendum, quod dolor habitus vel immediatè ante Confessionem, vel ad summum die antecedenti, cum relatione ad Confessionem, (si hæc in virtute illius procedat) vel in ipso actu Confessionis, sit dispositio sufficiens ad justificationem; teneas semper tutiora : Vide *Campion. p. part. cap. 13. à num. 3.*

37 Quæritur, an, dum quis de novo confitetur peccata, jam ritè confessa, debeat de bis iterum dolere?

Resp. Affirmativè, quidquid alii dixerint; nam aliàs valide non absolveretur, ex defectu partis essentialis, requisitæ ad valorem Sacramenti, & exponeret Sacramentum periculo frustrationis, & nullitatis, in casu, nimirum, quod opinio negans requiri novum dolorem, non esset vera apud Deum. Quare nostra, ut potè tutior, est sequenda: & instruendi sunt pœnitentes, ut novum dolorem eliciant; & quod damnatio Innoc. de qua *cap. 1.* non solum comprehendit opinionem, quæ dicit, dum agitur de valore Sacramentorum, licere in administratione sequi minus probabilem, relicta probabiliori, & tutiori, sed eam etiam, quæ asserit, id licere in receptione; ratio est, quia tota ratio damnationis in eo stat, quod dicatur licitum esse exponere Sacramentum nullitati, sed hæc nullitas æquè haberi potest ex parte recipientis invalidè, ac invalidè ministrantis, ergo, &c. *Cardenas cit. cap. 4.*

38 Quæritur etiam, an dolor debeat præcedere confessionem, an sufficiat, quod præcedat absolutionem?

Resp. Lis est sub Judice: hinc inde sunt DD. Sed in praxi consulendum dolorem debere præcedere confessionem; id enim est tutius: & semper tutiora in essentialibus Sacramentorum sunt sequenda. Quilici *Confess. manud. fundamen. oper. num. 12.* Et sequitur, ex quo inter conditiones bonæ confessionis una sit, quod sit lachrymabilis, hoc est, doloro-

sa, & non pura historica narratio: non videtur autem, quod possit dolorosa esse, nisi à dolore informetur, vel fiat in virtute doloris præhabiti.

39 Quæritur, an præceptum contritionis perfecta obliget per se in articulo mortis?

Resp. Affirmativè; quamvis etiam habeatur copia Confessarii, & quis confiteatur: non, quod attritio non sit sufficiens cum Sacramento, etiam pro tunc ad gratiam recipiendam, sed, ut Deus super omnia ametur, dolendo, etiam de offensa ipsi facta, ut est summum bonum: & alii possibiles defectus, potentes Sacramentum reddere invalidum, si fortè tales inadvertenter, vel occultè intervenissent, suppleantur per contritionem, & ita quis suam salutem assecuret. Gobat. *tract. 6. num. 138. cas. 7.* Ilfing. *tract. 3. num. 72.* vide supra *cap. 1. num. 12.*

CAPUT XXXV.

Prop. LVIII. ab Innoc. XI. &c.

Absolutio Sacramentalis.

1 PROP. 58. Non tenemur Confessario interroganti sateri peccati alicujus consuetudinem.

Author propositionis fuit Joannes Sancius in *select. disp. 9.* contra quem est decretum Innoc. & DD. communiter affirmantes non posse Confessarium absolutionem indispositis impendere. Super quo ipse se certiorare non potest, nisi sibi interroganti pœnitentes teneantur respondere.

De absolutione itaque Sacramentali licitè, & valide à Confessariis pœnitentibus impendenda, occasione thesibus prætaxandæ agendum est, ut ipsi eam, quibus neganda est, non impendant, quibus concedenda, non negent, & quibus differenda, videant.

2 Nota 1. quod Confessarius in Tribunali pœnitentiæ triplex munus exercet,

cet, *Judicis*, *Medici*, & *Doctores*; Officium Doctoris exercet instruendo penitentes de necessariis ad suscipiendum Sacramentum, & salutem. Illud Judicis, cognoscendo in causa, interrogando reum, & ferendo sententiam absolutionis. Et illud Medici, dum penitencias medicinales, & præservativas imponit, datque remedia pro tollenda occasione proxima, &c. & consilia præbet, quæ conducunt ad emendationem vitæ in futurum. Legatur textum in *cap. omnis de penit. & remis.* Ideo jus habet interrogandi penitentem, ut videat, quorum ignorantia laboret, quorum instructione egeat, & an aliquid desit ex necessariis ad validè in causa pronunciandum, ac sibi satisfaciatur de dispositione penitentis, an sit absolutionis capax, ergo penitens tenetur respondere, & sine injuria Confessarii non potest negare; nec debet interrogationem eludere, ac, dum Confessarius petit, an habet consuetudinem peccandi, v.g. fornicandi, pejurandi, &c. respondere. *Pater, hoc non spectat ad rem, quidquid sit de hoc, iam spero cum gratia Dei caverè lapsum in posterum;* ut malè dixit Poncius *curf. Theol. disp. 45. qu. 3. conc. 4. num. 32.*

3 Item, quòd forma Sacramenti penitentiae sunt verba, quæ Confessarius profert, ex definitione Trid. *sess. 14. cap. 3.* ubi hæc sunt; docet præterea *S. Synodus Sacramenti penitentia formam, in qua præcipue ipsius vis sita est, in illis Ministri verbis, posita esse*, egote absolvo, &c. quibus quidem de Ecclesia Sancta more preces quadam laudabiliter adiunguntur: ad ipsius æmen forme essentiam nequaquam spectant, neque ad ipsius Sacramenti administrationem sunt necessaria.

4 Sed quæritur, *quanam ex his*, ego te absolvo à peccatis tuis, in nomine Patris, & Filii, & Spiritus Sancti Amen, *pertineant ad essentiam formæ, & sint necessaria ad valorem Sacramenti?*

Resp. Quamvis Doctores inter se putant, *Matthæucci Cautela Confess.*

gent, & alii scripserint, hæc à peccatis tuis, esse solùm necessaria necessitate præcepti, & ad essentiam formæ non spectare, ac sufficere tradant ista *absolvo te*; tamen negari non potest major probabilitas sententiæ dicentium, verba illa à peccatis tuis spectare quoque ad essentiam formæ. Name est plurimum opinio; & colligi videtur ex Triden. cit. per clausulam, & cetera, quam non apponeret, nisi ad substantiam formæ exigere, etiam à peccatis tuis. Maxime, quia illa verba *absolve te*, etiam, quando profertur in confessionalis, sunt indifferentia ad absolutionem à peccatis, & censuris: ergo, ut significant determinatè absolutionem à peccatis, debent determinari per hæc, *à peccatis tuis*. Tutor itaq; est sententia, quod ista etiam sint necessaria. Qui ea omittit, exponit Sacramentum probabili periculo nullitatis, ergo nunquam omitti debent, quia, dum agitur de valore Sacramentorum, semper sunt tutiora sequenda, juxta dicta *capit. 1. Gobat. experim. Theol. tract. 7. cas. 4. nu. 149.*

5 Sed quid, si Confessarius hæc relinquit; in nomine Patris, & Filii, & Spiritus Sancti. Amen?

Resp. Sacramentum conficit, quia non sunt essentialia, ex Marchant. *Hort. Pass. Candelabr. myst. tract. 5. sect. 10.* Ubi tradit esse essentialia in baptismo, quia in baptismo fit professio peculiaris fidei, SS. Trinitatis. Sed si extra necessitatem omitteret, mortaliter peccaret. Idem dixit Felix examen *Confess.* Quem admodum mortaliter delinqueret, si ex contemptu, vel cum scandalo penitentium, omitterentur preces, *miseretur, &c. Dominus, &c. Passio, &c.* quæ ex consuetudine Ecclesiæ adiunguntur. Sum. Leandr. *ver. absolut. n. 1.*

6 Quæritur, *an sit de essentia absolutionis, ut detur per verba formalia, voce, & ore prolata?*

Resp. Affirmativè, habetur ex Florent. in decret. union. ubi dicitur: *forma*

Hh 3 bu-

hujus Sacramenti sunt verba absolutionis, quæ Sacerdos proferat, cum dicit, ego te absolvo, &c. Quæ ad sensum improprium non debent extorqueri, sed de verbis propriè dictis intelligenda.

7 Sed quæritur, *an si quis esset in extrema vite periculo constitutus, nec adesset ullus Sacerdos, nisi, qui loqui non valeret, posset ab isto validè absolutionem recipere in scriptis, vel nutibus, aut verbis solum mente prolatis?*

Resp. Negativè, contra Poncium *et. disp. 46. qu. 2. num. 9. & Felicem tom. 1. num. 3111*. Sententia enim absolutionis per verba, propriè dicta ore prolata, juxta Christi institutionem, & definitiones Conciliorum conferri debet: maximè etiam, quia forma Sacramenti debet esse sensibilis.

8 Sed quæritur, *an absolutio a peccatis possit conferri absenti, qui per epistolam, vel Nuncium confiteretur?*

Resp. Negativè, cum communi Theologorum, ut expressè Clemens VIII. in suo decreto edito 16. Junii 1602. in quo damnavit opinionem assentientem, licet per literas, seu internuncium Confessario absenti peccata sacramentaliter confiteri, & ab eodem absente absolutionem obtinere. Et sub excommunicatione ipso facto incurrenda, Romano Pontifici reservata, prohibuit, ne ullus deinceps talem propositionem, tamquam in aliquo casu probabilem, defenderet, doceret, imprimeret, aut ad praxim aliquo modo deduceret.

9 Quæritur, *quid requiratur, ex parte Ministri, ut validè absolvas?*

Resp. Necesse est. 1. Ut sit Sacerdos, seu habeat potestatem Ordinis. 2. Ut habeat potestatem jurisdictionis, seu jus in subditos ad exercendam potestatem absolvendi, quam ex vi Ordinis habet. 3. Ut sciat formam, & eam ore proferat, cum intentione faciendi, quod facit Ecclesia. Quolibet ex his deficiente, absolutio est invalida; & ubi penitens noverit defectum, tenebitur eadem

peccata confiteri alteri Sacerdoti, qui habeat omnia, & singula enunciata.

10 Sed quæritur, *an validè absolvas Sacerdos ab Episcopo approbatus, sed nondum habens jurisdictionem?*

Resp. Negativè; vide dicta lib. 1. cap. 9. num. 2. & num. 11. discrimen inter jurisdictionem ordinariam, & delegatam. Ut ordinaria illa sit, quæ competit ei, qui ex suo officio habet administrare Sacramentum penitentiae, ut Pontifex in toto orbe, Episcopus in sua Diœcesi, Parochus in sua Parochia, Generalis in sua Religione, & Provincialis in sua Provincia, quoad suos subditos. Delegata verò illa, quæ obtinetur ab habente potestatem concedendi licentiam audiendi confessiones. Et est in Regularibus, & aliis Confessariis, non Parochis, approbatis.

11 Sed quæritur, *Episcopus ordinat Petrum in Sacerdotem, sed statim post consecrationem Calicis apoplexia deficit, interim Petrus cum aliis discedit; in via invenit hominem in extrema vite periculo constitutum, qui Confessarium petit, alius nonest, Petrus eum audit, & absolvit, petitur, an validè?*

Resp. Putarent aliqui posse, quia est Sacerdos, & in eo articulo quilibet, etiam non approbatus, in approbati defectum absolvere potest. Trid. *sess. 14. cap. 7. de cas. reservat. & cit. lib. & nu. 1. q.*

Sed negandum est. Et observandum, quod ordinatus in Presbyterum, duplicem potestatem Ordinis recipit; primam in Corpus Christi phisicum, in ordine ad consecrandum panem, & vinum, in Corpus, & Sanguinem Christi: secundam, in Corpus Christi mysticum, hoc est, erga Fideles, ad ipsos absolvendum; in casu autem Petrus, propter subitam Episcopi mortem, secundam potestatem Ordinis non recipit; ideò in nullo casu potest absolvere. Vide Poncium *disp. 48. q. 3. n. 18. Felicem exam. ordinand. tom. 3. nu. 170. & lib. 4. cap. 7.*

12. Quæritur, *quid in Sacerdote necessarium sit, ut licitè absolvat?*

Resp. Ad absolvendum licitè (necessariis ad valide in eo suppositis) requiritur, ut sit in gratia. Trid. *sess. 14. c. 7. & can. 10.* ut minimum antequam absolvat, ne sacrilegium absolvendo committat. Quilici *Confess. manud. qu. 2. art. unic. n. 2.*

13. Sed quæritur, *an administrans in mortali, tot mortalia committat, quot penitentes absolvit?*

Resp. Affirmativè, quia tot Sacramenta conficit, quot sunt penitentes, quos absolvit.

14. Sed quæritur, *an præter statum gratia, ut licitè absolvat exigatur in Confessario, etiam scientia?*

Resp. Affirmativè, debet habere scientiam, quam vocant discretionis, ut sciat discernere inter lepram, & lepram. Præcipue hæc scire tenetur, ut sit idoneus Minister. 1. Differentiam mortalis, & venialis in singulis peccatis, saltem, quæ communiter reputantur mortalia, & venialia. 2. Species, numerum, & circumstantias peccatorum. 3. Quænam peccata habeant annexam reservationem, & censuram. 4. Quænam habeant annexum debitum restituendi rem, vel famam. 5. Quæ spectant ad materiam, & formam hujus Sacramenti. 6. Quæ dispositio sit necessaria in penitente, tam ex parte doloris, quam propositi, ac examinis. 7. Quæ sit occasio proxima peccandi. 8. Quænam credenda necessitate medii, & præcepti. In difficilioribus sufficit, ut sciat dubitare; & si sit periculum errandi, libros, & doctiores consulat.

Quorum ratio est, quia in hoc tribunali Confessarius est Judex, Doctor, & Medicus: ut Medicus tenetur scire infirmitates, ut eis remedia apta adhibeat: ut Doctor ea, super quibus debet ignorantes instruere: & ut Judex alia, quæ necessaria sunt, ne in ferenda sententia erret.

Hinc sequitur, Sacerdotem cognoscentem, vel debentem cognoscere, suæ

scientiæ insufficientiam, peccare mortaliter, si extra casum necessitatis Confessiones excipiat, quia exponit se periculo faciendi Sacramentum nullum. Quod valide ministret est per accidens. Unde peccat toties, quoties confessiones audit, committens tot sacrilegia, quot penitentes absolvit; & si propter ignorantiam eos à debito restitutionis deobliget, tenetur ipse restituere, & ad damna, quæ sequuntur, quia est causa injusta damni in proximo. Ponc. *disp. 46. q. 11. nu. 151.*

Propterea Confessarii propter obligationem, quam habent, non otio vacent, sed moralis Theologiæ studio incumbant, sæpè Bullam Censuræ, constitut. Clementis X. *Superna*, in ea parte, quæ tangit Sacramenti penitentia administrationem, edictum S. Officii, propositiones in materia morum damnatas, legant, ponderent, & memoriæ retineant.

15. Sed quæritur, *an penitens, qui, data opera, ad Confessarium ignarum in rebus ad Confessionem spectantibus accedit, validè confiteatur, & absolvatur?*

Resp. Negativè; non quia scientia in Confessario sit necessaria ad validitatem absolutionis: sed quia ipse, sic accedens, peccat mortaliter, cum præsumatur accedere, ne Confessarius ob ignorantiam peccata intelligat: & non intelligens, non præscribat, quæ necessariò præscribenda essent; & ita indispositus est, ac peccato, etiam Confessarii cooperatur. DD. communiter.

Dixi *data opera*, quia, si bona fide accedat, & ex parte sua nil ad validitatem omittat, remanet absolutus. Campion. *p. 1. instr. ad Conf. c. 3. nu. 16.* Anton. *d. Sp. Sancto tr. 5. disp. 7. sect. 2. n. 1413.*

16. Quæritur, *an Confessarius excommunicatus validè absolvat?*

Resp. Sed prius nota: quod alii sunt excommunicati vitandi, & non tolerati, & alii non vitandi, ac tolerati. Illi dicuntur omnes, qui publicè, & nominatim fuerunt denunciati excommunicati:

necnon ille, qui est publicus, & notorius Clerici percussor, sic, ut nulla possit tergiversatione celari: isti omni jurisdictione privantur, & vitari debent, juxta *Conc. Constantien. Canonem ad evitanda* apud Piafec. *prax. par. 2. cap. 4. artic. 13. num. 22.* à Martino V. approbatum, teste Cabasut. *prax. jur. can. lib. 5. cap. 11. num. 3.*

„ Adevitanda, inquit, scandala, &
 „ multa pericula, quæ conscientis timoratis contingere possunt, Christi-
 „ fidelibus, tenore præsentium, misericorditer indulgemus, quod nemo
 „ deinceps à Communione alicujus, Sacramentorum administratione, vel
 „ receptione, aut aliis quibuscumque
 „ divinis, intus, & extra, prætextu
 „ cujuscumque sententiæ, tenetur abstinere, vel aliquem vitare, &c. nisi
 „ censura, vel sententia hujusmodi fuerit illata contra personam, Collegium,
 „ &c. vel locum certum, aut certam, à
 „ Judice publicata, vel denunciata, specialiter, & expressè, &c. salvo, si
 „ quem pro sacrilega manuum injectione in Clericum, sententiam latam in
 „ Canone, adeo notoriè consliterit incidisse, quod factum nulla possit tergiversatione celari, nec aliquo suffragio excusari; nam à communione illius, licet denunciatus non fuerit, volumus abstinere, juxta Canonicas
 „ Sanctiones, &c.

Juxta, quæ dicimus, quod, si excommunicatus fuerit denunciatus, vel publicus Clerici percussor, invalidè absolvit, utpotè jurisdictione privatus, juxta dicenda *lib. 4. cap. 5.*

17 Sed quid, si penitens id invincibiliter ignoraret?

Resp. Etiam invalidè absolvitur, ratio est, quia non ignorantia penitentis, sed Superioris Autoritas jurisdictionem tribuit.

Nec mea videri hic potest applicari doctrina, quod error communis cum titulo colorato, vel putativo à legitimo Su-

periore collato, dat jurisdictionem, de qua diximus *lib. 1. cap. 9. n. 16.* quia quamvis in isto possit esse titulus à legitimo Superiore collatus, ut, vel Parochia, vel licentia audiendi Confessiones: tamen communis error non habetur, quia apud multos est manifestum, ipsum esse excommunicatum.

18 Sed quid, si sit excommunicatus, non denunciatus, & toleratus?

Resp. Si penitens excommunicationem ignoravit, validè absolvitur: quia, ex quo ignoret excommunicationem, accedendo non ponit obicem pro absolutione, (si cætera non desint), & Confessarius, ex quo non sit excommunicatus denunciatus, vel Clerici percussor, non privatur jurisdictione, juxta alleg. const.

19 Sed quid, si excommunicationem Confessarii non ignoret?

Resp. Sicum causa, necessitate, vel utilitate ab ipso petat absolutionem, validè absolvitur: invalidè verò, si sine causa; ratio est, quia excommunicatis toleratis non conceditur ad cujuslibet requisitionem administratio Sacramentorum, sed solum, dum justa causa fuerint requisiti; aliàs illud idem posset post incursum excommunicationem, quod poterant ante; quod indecens apparet, cum id cedat in contemptum censuræ.

Itaque, ut non peccet mortaliter penitens, requirens talem Confessarium excommunicatum, tolerantem, pro absolutione, ejusque sacrilegio non coope-retur, necesse est, ut ex justa causa ipsum requiratur; & ut Confessarius mortaliter non delinquat, exigitur, ut, nisi requisitus, se ingerat Sacro Ministerio; immò, nec etiam requisitus, absque justa causa, utilitate, aut necessitate: quæ non debet esse extrema, sed sufficit communis. Engel. *colleg. jur. canon. lib. 5. tit. 39. §. 2. num. 64. & 68.* Vide etiam *Campion. cit. cap. 12. num. 9.*

20 Nota, denunciationem non esse de substantia excommunicationis; quia
 ex-

excommunicatio secum trahit executionem, *cap. Pastoralis §. verum de appellat.* Hinc sequitur, excommunicatum, etiam non denunciatum, teneri se divinis non ingerere, nisi, & quatenus iusta de causa fuerit requisitus: etiam si de excommunicatione dubitet, ex *cap. Illud de excommunic. ministr.* quia in dubiis via tutior eligenda est: tutius autem est abstinere, etiam si quis de excommunicatione dubitet, ut ibi Text. expressè.

21 Quæritur, an *Confessarius proferens formam absolutionis possit conditionem addere?*

Resp. Videas dicta *cap. 18. num. 16.* & nota ibi dicta.

22 Quæritur, *Petrus obtinuit literas patentes cum facultate excipiendi confessionem ad annum: petitur, an expleto anno, priusquam litera prorogentur, validè absolvat?*

Resp. Negativè, quia, dum taxatur tempus, quo debet durare collata iurisdicção per clausulam *presentibus ad annum valituris*: eo elapso & ipsa cessat: ideò ex defectu iurisdictionis invalidè absolvit.

Felix in casu *num. 3269.* tradit, Sacerdotem graviter peccare absolvendo, validam tamen esse absolutionem datam, etiam anno elapso; & movetur, quia concurrunt necessaria, ut Ecclesia suppleat, conferendo iurisdictionem: ut, bonum commune ad favorem Fidelium, ne innumeri pereant; & titulus putativus, vel coloratus, quia Sacerdos ad annum iurisdictionem accepit; ac communis error, cum communiter ignoretur, quod annus sit completus. Verum falsum supponit, titulum nimirum, quem in casu non invenio; nam iurisdictionem accepit pro anno, non ultra, ergo post annum iurisdicção non est. Quemadmodum, si Sacerdos communiter crederetur Confessarius, & nunquam iurisdictionem accepisset, invalidè absolveret, quia à legitimo Superiore titulum nunquam

habuisset, ergo, qui ad annum accipit, & non ultra, post annum titulum non habet, quantumvis ignoretur, quod annus expletus sit: ergo post annum invalidè absolvit.

23 Quæritur, *in litteris patentibus, quibus Eminen. Urbis Vicarius facultatem impertitur Regulari Sacerdoti audiendi confessiones, apponitur clausula: ut, quoties ad Confessiones infirmorum, in eorum propriis domibus audiendas accefferis, statim ibi fidem auditæ Confessionis, proprio Parocho, & Medico supervenientibus, sub pena suspensionis ab audiendis Confessionibus, donec iterum examinatus, novam à nobis in scriptis licentiam obtinueris, dimittere tenearis; petitur, an, si quis oblivisceretur fidem relinquere, suspensionem incurreret?*

Resp. Crederem esse negandum, si inculpabiliter, propter inadvertentiam, vel distractionem naturalem id testari omitteret. Ratio eadem videtur, ac probans ignorantiam excusare à Censuris, per DD. communiter juxta text. in *cap. Animarum de conf. in 6.* ubi hæc legimus: *ut animarum periculis obviatur, sententiis per statuta quorumcumque Ordinarium prolatis, ligari nolumus ignorantes: dum tamen rerum ignorantia crassa non fuerit, & supina.* Et in *cap. si verò il 2. de sent. excom.* ubi hæc sunt: *si verò aliquis in Clericum nutrientem comam manus injecerit violentas, propter hoc non debet Apostolice presentari conspectui: nec etiam excommunicatione notari, dummodo ipsum esse Clericum ignoraverit.* Et in *c. Apostolica de Cler. excom. ministr.* Sed inadvertentia, & distractio naturalis, qua quis nunc non recordatur, aut mens ejus abstracta non advertit, æquivaleret ignorantie inculpabili; & de sic omittente non potest dici, quòd voluntarie omittat, vel, quòd sit contumax formaliter, & legi inobediens, ergo. Et hæc verisimiliter præsumitur

mitur esse mens Legislatoris. Vide Cabasut. *lib. 5. cap. 13. Felicem num. 4332. aliosque.*

24 Quæritur, *an in foro Sacramentali prius à censuris, quam à peccatis pœnitens absolvendus sit?*

Resp. Sed pro responsione advertendum est ex communi DD. Confessarium, qui caret potestate ordinaria, vel delegata absolvendi ab excommunicatione reservata, etiam in casu necessitatis, non posse ab ea absolvere, nisi necessitas sit extrema, propter periculum mortis; in quo quivis Sacerdos potest absolvere, non modò à peccato, verum etiam ab excommunicatione reservata, juxta *lib. 1. c. 8. n. 15. & c. 33. n. 46.*

Quibus suppositis, ad quæsitum dicimus I. Quod, si excommunicatio sit publica, absolutio ab ipsa debet præcedere absolutionem à peccatis: nam scandalum non esset, si pœnitens non confiteretur, aut non communicaret, sed potius si communicaret, & confiteretur.

II. Quòd, si excommunicatio sit occulta, regulariter, & per se loquendo, absolutio ab ipsa debet præmitti absolutioni à peccatis, ut pœnitens capax sit recipiendæ absolutionis ab istis.

25 Dixi *regulariter, & per se loquendo*, quia per accidens potest obtineri valida absolutio à peccatis, non obtemperata illa à censuris: ut, si censura ignoretur: vel, si sit reservata, & non sit Confessarius cum facultate super illa, atque necessitas sit communicandi, & confitendi, ita ut sine scandalo, & nota infamiae non possit Confessio, & Communicatio omitti. Ratio est: lex jejunii, & audiendi Missam non obligat, cum jejuniari, & Missa audiri non potest sine gravi damno: ergo, nec lex, quòd absolutio excommunicationis occultæ præmittatur absolutioni à peccatis, obligat, dum vel cum scandalo: & nota infamiae omitenda esset perceptio Eucharistiae, vel ista percipienda foret sine absolutione Sacramentali. Omnes enim, & quòd jejune-

tur in vigilia S. Matthæi, & audiatur Missa die Festo, ac absolutioni à peccatis præmittatur absolutio à censuris, sunt leges Ecclesiasticæ.

Confirmatur. Lex Divina de Confessione materialiter, & formaliter integra, non obligat in circumstantia, in qua quis propter grave damnum imminens, est impotens phisicè, vel moraliter ad Confessionem integram materialiter, sed tunc sufficit, ut Confessio sit formaliter integra juxta communem DD. & per dicenda *cap. sequen.* ergo etiam lex, quòd absolutioni à peccatis præmittatur illa ab excommunicatione reservata, occulta, non obligat in circumstantia, in qua non adest Confessarius facultate præditus, & Confessio sine nota infamiae, & scandalo omitti non potest. Consequentia sequitur, quia est præmittenda solum ex obligatione legis humanæ, ergo in aliquo casu, non ficto, sed reali necessitatis, non liberratis, licitè accipitur absolutio à peccatis, non recepta illa à censuris occultis. Vide Ilfung. *tract. 6. disp. 6. quæst. 4. art. 8. §. 1. num. 137.* Joan. De la Cruz, *de excom. art. 2. num. 6.* Gobat. *tract. 7. cap. 3. num. 168.* aliosque allegatos *lib. 1. cap. 33. num. 45.* & infra *cap. sequen.*

26 Quæritur, *an possit absolvi moribundus, qui quadam signa doloris peccatorum dedit, vel Confessarium petiit, super quo homines fide digni testantur, sed ob defectum loquela, præsentis Confessario, nullum peccatum in particulari potest confiteri?*

Resp. Affirmativè, ex *cap. Is, qui in infirmitate 26. quæst. 6.* Immo debet, ut habet Rituale Rom. *titul. de ordin. ministrandi Sacrament. Pœnit.* verba sunt.

„ Si inter confitendum, vel etiam, antequam incipiat confiteri, vox, & loquela ægro deficiat, nutibus, & signis, quoad fieri poterit, peccata pœnitentis conetur cognoscere: quibus, utcumque, vel in genere, vel in specie

co-

„cognitis: vel etiam, si confitendi desiderium, sive per se, sive per alios ostenderit, absolvendus. Idem dixit Arausic. pri. can. 12. apud Bail. sum. Concil. ubi: subito obmutescens, prout ut statutum est, baptizari, aut penitentiam accipere potest, si voluntatis prateritæ testimonium aliorum verbis habet, aut præsentis in suo nutu. Ratio est. Quia tunc salvatur materia proxima, & remota Sacramenti, prout necessitas permittit; cum penitens illis sensibiliiter declaret, & accuset in genere se peccasse, & simul ostendat peccatorum dolorem in ordine ad absolutionem. Quæ est sententia magis pia, & utilis præfatis moribundis, ut DD. communiter. Quinimmo Confessarius ex lege charitatis, ut observat Suarez, obligatur in tanto de ægroti salute periculo absolutionem conferre, saltem sub conditione, *si es dispositus*: sub qua etiam danda esset, si dubitaret, an signa procederent ab acerbitate morbi, an verò data essent ad exprimendum dolorem de peccatis, & in ordine ad absolutionem; quia conditio vitæ irreverentiam Sacramenti: & aliunde in ea necessitate adhibetur regi remedium, institutum in remissionem peccatorum, eo modo, quo tunc est possibile.

Nota, Confessarium totum debere esse, ut taliter infirmi signa doloris adhibeant in ordine ad absolutionem. Propterea interrogare debet, an de peccatis, & se Deum summum bonum offendisse doleant: an proponant non peccare amplius: an velint à peccatis absolvi &c. Et dem, vel manum ipsius stringunt, vel capite, aut oculis annuunt, vel Crucem deosculantur &c. censere debet dari in ordine ad Confessionem.

27 Dices, Confessio debet esse coram Confessario, sed Confessio facta ab infirmo vocante Confessarium, vel optante Confessionem (super quo adstantes testantur) non est facta coram Confessario, sed in absentia Confessa-

rii: consequenter contra decretum Clement. VIII. quidamnavit: *licere per literas, vel internuncium Confessario absenti peccata sacramentaliter confiteri, Or, ab eodem absente, absolutionem obtinere*.

Resp. Negando Confessionem eo modo ab infirmo factam comprehendere sub decreto Clement. Nam non fit in absentia Sacerdotis, cum adstantes sint, veluti interpretes moribundi: quos ille, ut tales eligit, ut ejus voluntatem, accedenti Confessario exponant, & per eos officium Judicis impiorat.

Nec moribundus debet à Confessario absente absolvi, sed dum absolvit, præsens esse debet. Forma enim absolutionis: *ego te absolvo*, denotat, tam Sacerdotem, quam Penitentem debere esse præsentem. Immo in præsentia penitentis, & Confessarii testes debent deponere. Quod non est confiteri per nuncium, aut literas, absenti Confessario directas.

28 Sed quaeritur, an Confessio debeat esse vocalis?

Resp. Affirmative, per se loquendo, sed per accidens esse potest non vocalis: sed per literas nunquam. Vide infra num. 32.

29 Sed quid, si nulla signa præferint petite Confessionis, aut doloris, nec in præsentia testium infirmus Confessorem vocaverit, nec in ea Sacerdotis possit illa edere?

Resp. Homobonus, Tambur. cum Felice num. 3108. absolutionem, saltem sub conditione, dandam esse tradunt; maxime, si christiano more vixerit, quia vita, more boni christiani acta, habet rationem signi, manifestantis desiderium absolutionis; cum verisimile sit, eum, qui in vita bene usus est Sacramentis, ea in articulo mortis petere, & recipere velle. Cui ex lege charitatis in eo extremo periculo succurrere debemus modo possibili, & tutiorem viam sequi.

Du-hamel verò differt. 3. cap. 5. à nu. 4. Ilfing. cit. num. 144. Cabafur. lib. 3. cap. 11. num. 10.

num.10. & alii plures negant; ratio est, quia forma absolutionis applicari nequit, nisi, ubi materia clavibus sensibilibiter exponitur, sed tunc nulla, nec explicite, neque implicite clavibus exponitur; nam, nec contritionis signum sensibile, nec Sacerdotis postulatio præcessit. Et eo, vel maxime, quod nullus Judex potest, vel contra, aut in favorem rei sententiam pronunciare, nisi accusatio aliqua explicita, vel per signa sensibilia præcedat, ergo &c. Propter quæ posteriorem sententiam, ut probabilior, & tutiorem sequimur, & magis conformem dictis supra *capit. primo*.

30 Necrationes pro altera adductæ urgent. Periculum hominis moribundi non dat Sacerdoti jus, ut Sacramentum præter Christi institutionem administret: aliàs omnia essent licita: & posset, etiam baptisumus in vino ministrari, si necessitas aliqua urgeret, & aqua naturalis deesset: quod nullus Catholicus dixerit.

Neque vita præterita ritè, & optime instituta est sufficiens pro valida absolutione, cum ad istam exigatur signum externum, sensibile, quo pœnitens activè manifestet, saltem in genere, suæ peccata, & desiderium, ac intentionem absolutionis: aliàs non se ipsum accusat de peccatis; sed vita præterita illius non est signum, quo id activè manifestet: quia in eo solum passivè se habet, & patitur, ut homines ex illa in cognitionem desiderii conjecturaliter veniant, & discurrant. Quo modo sæpè contra nostram voluntatem ex actionibus nostris externis patitur judicia hominum de internis. Præsertim quia, si sufficiens signum ab Ecclesia præsumeretur, frustra pro absolutione Sacramentali moribundi Rituale exigeret aliud: ut, vel, quod ipse Sacerdos viderit, vel quod aliitè fissentur.

31 Quæritur, quibus sit neganda, & quibus differenda absolutio?

Resp. Judicium super hoc relinquitur prudentiæ Confessarii juxta occurrentes circumstantias. Sed neganda est indispositis: & accedentibus, non præmisso examine conscientiæ, & cum obice peccati: cum ignorantia mysteriorum, quæ sunt necessaria necessitate mediæ, juxta dicta supra *cap.14.* & dicenda *infr. cap. ult.* cum voluntate non parata, & negligentia addiscendi necessaria necessitate præcepti: cum debito restituendi, & non restituentibus, dum restituere valent. Item, existentibus in occasione proxima peccandi juxta dicenda *cap.38.* non habentibus propositum non peccandi, nec contritionem, vel attritionem de peccatis; nec volentibus obedire Confessario præscribenti remedia, ne relabantur. Item, casu aliquo, vel excommunicatione reservata ligatis, dum facultate Confessarius caret. Item, cum nulla est spes emendationis, & similibus: in quibus nulla sit injuria pœnitenti.

Differenda verò est iis, qui, licet cum proposito, dolore, & cæteris necessariis ad validam absolutionem accedant, habent tamen consuetudinem peccandi læthaliter. Cum consuetudo, & frequentia lapsus sit argumentum, ex quo Confessarius possit prudenter dubitare de vero proposito Pœnitentis; ideo ei est assignandum aliquod tempus pro experimento veri propositi emendationis, ut sic Confessarius judicium moraliter certum de certa illius dispositione efformare possit; & maxime procedit, si aliàs emendationem promiserit, & nulla sit, nec appareat, de qua *re cap. sequem.*

Ponderent Confessarii, scientiam absolutiones inconsideratè, & nimia facilitate indignis collatas, nutrire Pœnitentes in peccatis. Qui, si interrogantibus Confessariis ad effectum videndi, an eis neganda, vel differenda sit absolutio, respondere recuset, absolviendi non sunt.

32 Quæritur, an sit valida absolutio data

data penitenti, qui extracassum necessitatis, & potens ore sua peccata singulatim in Confessione aperire, tradit Confessario presenti in scriptis suam Confessionem, ab eo legendam?

Resp. Affirmat Poncius *cit. num. 48.* cum Leandro, modò, vel immediatè ante lecturam penitens dicat: *accuso me de peccatis, quæ legis in illa charta*; vel immediatè post lecturam, subdat: *accuso me de omnibus illis peccatis, quæ legisti in ea scriptura*. Idem Ardekim *tom. 2. pag. 232.* affirmat in casu, quo puella præ pudore nequeat confiteri peccatum; ratio eorum est, quia tunc implent præceptum Confessionis vocalis, dum voce fatentur peccata scripta esse sua.

Sed graviter esse illicitam, adeoque invalidam extra necessitatis casum, dicimus cum Mastro *disp. 21. quæst. 7. num. 168.* allegante Fabrum, & Brancatum, quos sequitur Felix *num. 3157.* asserentes adesse præceptum divinum Confessionis vocalis, nec excusare erubescerentiam, sed solam impotentiam, ut in mutis, aut moribundis, usu linguæ privatis. Habetur ex *cap. quem penitet de penit. dist. 1.* ubi hæc sunt: *præcepit Dominus mundandis, ut ostenderent ora Sacerdotibus, docens corporali præsentia confitenda peccata, non per Nuntium, non per scriptum manifestanda. Dixit enim (ora monstrate)* Et ex Florent. in Decreto union. annuerante inter partes materiales Sacramenti. Penitentis oris Confessionem. Quæ regulariter, per se loquendo, semper debet esse vocalis, nisi impotentia aliqua naturalis loquendi excuset.

Maximè, quia affirmativa sententia occasionem offert non paucis, ut nunquam, aut rarò vocaliter confiteantur; nam semper possent præsumere suam verècundiam esse tantam, ad se reputandos excusatos à Confessione vocali.

33 Sed quid, an valeat Confessio illius, qui Confessario scienti penitentis

peccatum, dicit, me accuso de peccato illo, quod tu scis me heri commisisse?

Resp. Negativè, quia ex Trid. *sess. 6. cap. cit.* ad integritatem Confessionis necesse est confiteri omnia, & singula peccata, quæ, examine præmisso, memoriæ occurrunt, secundum speciem, numerum, & circumstantias; unde, cum quis potest aperire speciem peccati, debet; Felix *cit. num. 3158.*

34 Quæritur, an sicut non est valida absolutio à peccatis, data absenti, sic nec valida sit illa data à censuris?

Resp. Negativè, nam absolutio à censuris potest etiam dari absenti, & per literas, Nuncium, aut alio facto, quo exprimeretur intentio absolvendi; pro ut patet ex rescriptis, & Bullis Pontificum ad aliquos directis; in quibus formula est eos absolvere à censuris, *quo ad effectum*. &c. ratio est, quia excommunicatio est poena Ecclesiastica, quæ etiam absenti infligi potest, ergo etiam remitti. Hinc sequitur Confessarium, qui penitentem absolvit à peccatis, quibus est conjuncta censura, à qua absolvere non poterat, deinceps poterit, obtenta de novo facultate, eundem, etiam absentem, ab illa excommunicatione relaxare. Layman. *lib. 1. cit. cap. 6. num. 9.* Cabasut. *prax. lib. 5. cap. 14. num. 7.* Duhamel *tom. 3. dist. 3. de conf. num. 10.*

35 Quæritur, an Confessarius Ordinarium possit absolvere recipientes innumera à Regularibus contra decreta Clement. VIII.

Resp. Vide dicta *lib. 1. cap. 33. in finè.*

36 Sed quæritur, an possit absolvere vendentem terram pro Sepultura?

Resp. Negativè, si terra illa sit Sacra, & Religiosa, existens vel in Cæmeterio, vel Ecclesia, aut in ea aliis quis sepultus sit: id enim, prohibetur c. *Abolenda de Simonia* tamquam Simoniacum: ut optimè ibi *Gloss. in verb. Sepultura*, & D. Thom. 2. 2. *quæst. 100. art. 4. ad 3.* Nulli igitur vendendæ sunt Sepulture, nec alteri tradendæ, aut in pactum dedu-

deducendæ, per quod transferatur dominium, & concedantur in jus, & proprietatem; sed solum concedi in eis debet jus fabricandi, & sepeliendi, salvis juribus Parochialibus. Nil potest exigi: verum, si aliquid sponte, vel juxta consuetudinem laudabilem detur, potest recipi, quia multa inhoneste petuntur, quæ honeste recipiuntur, juxta *allegat. Gloss. & cap. de Eulogiis dist. 18.* Idem dicitur, dum conceduntur Cappellæ, in quas conceditur non jus proprietatis, sed solum jus fabricandi, & ornandi. Quod non est alienare bona Ecclesiæ, prohibitum *cap. Ambitiose de reb. Eccles. non alienan. inter com. sed potius Ecclesiæ acquirere.* De qua re dixi *Official. Cur. tom. 1. cap. 11. nu. 16.* Neque hic potest applicari distinctio ponderata supra *cap. 26. num. 24.* de rebus annexis spiritualibus antecederet, quia lex Canonica resistit, sicut resistit, ne vendantur, & emanantur Ecclesiæ, *cap. Querelam de Simonia.*

37 *Quæritur, an Confessarius Ordinararius possit absolvere Pœnitentem Beneficiatum, qui Beneficium acquisivit per Simoniam, ab ejus Consanguineis, ipso ignorante, commissam?*

Resp. Negative, nisi post notitiam ipsum dimiserit, vel à Sacra Pœnitentia dispensationem ad retinendum obtinuerit. *Legge const. Innoc. XII. Incipit. Romanus Pontifex: edita super facult. Majoris Pœnitentiarum:* ubi hæc sunt, *at si illa (Simonia) contracta fuisset ignoranter, etiam ignorantia juris inculpata, possit major Pœnitentarius in occultis, & in Foro conscientia tantum dispensare, & Beneficiorum post Simoniam obtentorum titulos convalidare.* Modò Orator de eadem Simonia certior factus, quam primum commodè potuerit, petierit dispensationem. *Vide cap. cit.*

38 *Quæritur. Pœnitens petit à Confessario, an licitus sit usus medicamenti seu pulveris Sympatricii, cujus auctor fuit*

Paracelsus: quid à Confessario dicendum?

Resp. Debet ipsum instruere non posse eo pulvere tota conscientia ad curationem uti, ab eoque, ut superstitio debere abstinere, ita Frassen *Philosof. tom. 2. de caus. efficien. art. 3. qu. 2. conc. 1. obi. 1.* Cum sanatio, non virtute naturali pulveris, sed arte Dæmonis contingat, ut dixerunt Doctores medici Lovanienses, & Duarenenses apud Garciam *tom. 2. cur. Philosof. dist. 2. qu. 7. art. 3. §. 3: num. 1862.* Ratio est apud Dianam *coord. to. 5. tract. 10. resolut. 109. num. 3.* quia, dato etiam spirituum, & corpusculorum effluxu, & refluxu, cum aer sit plenus corpusculis omnino diversis, non potest intelligi, quomodo spiritus sanguinis recreati, & vegetati spiritibus vitrioli redeant liberè ad hominem vulneratum distantem, nec ab aliis spiritibus occurrentibus extinguantur, & impediuntur; aut non impediatur sphaera ætivitatis ejusdem pulveris panno lineo applicati, & contactus virtualis ejusdem per varia objecta interposita, & per multos parietes, in quibus panni linei, quibus remedium applicatur, clausi detinentur; sicut per medium interpositum impeditur magnes, ne attrahat ferrum, & sol, ne liquefaciat ceram. Tum quia Torpedo non stupefacit manum piscatoris, nisi reti conjunctam. Atque ita sanatio non est ab unguento, ut causa, sed ut signo, quo posito, ex vi pacti taciti cum Dæmone initi sanitas sequitur. Unde vir probatæ vitæ, cui palvis ille offerebatur ad medelam, respondit: *malle se, Deo iubente, mori, quam, Diabolo juvante, vivere.*

Nonnulli excusant titentes eo pulvere, si sincera voluntate protestationem aliquam præmittant, nolle se effectum consequi, si ex aliquo pacto cum Dæmone virtus, & sanatio proveniat. Cæterum, ut ait Mayol. *sum. tom. 1. exposit. prim. præcepti qu. unic. art. 2. §. 8.* hoc non procedit, quando certò constat, aut

aut probabilissimum est actum esse superstitiosum, seu rem esse prorsus vanam, & inutilem, ad talem effectum, ut in casu nostro videtur certum; tunc enim malitia superstitionis intervenit; & protestatio non prodest, cum sit contraria facto. Quinimodo quando applicaretur, ad experiendum effectum, & adhiberetur, ut habens vim ad talem effectum, interveniret superstitio, & factum protestationi contrarium esset. Proinde ea etiam protestatione praemissa abstinendum est ab applicatione eorum, de quibus dubitatur, an virtutem naturalem habeant, ut ibid. allegatus Mayol. & diximus lib. 1. cap. 4. n. 11.

CAPUT XXXVI.

Prop. LIX. ab Innoc. XI. Or. Confessio dimidiata.

PROP. 59. *Licet Sacramentaliter absolvi dimidiata tantum Confessio, ratione magni concursus penitentium, qualis v. g. potest contingere in die magna alicuius festivitatis, aut Indulgentia.*

Propositio tribuitur Marchantio Tribun. Sacram. tom. 1. tract. 2. tit. 7. qu. 2. ut refert Cardenas disert. 38. cap. 1. n. 5. Contra quam emanavit decretum Innoc. Nobis, ejusdem occasione, agendum hic erit de causis excusantibus ab integritate materiali Confessionis. Quam dupliciter integram esse posse diximus lib. 1. cap. 7. num. 3. materialiter scilicet, & formaliter. Materialiter integra censetur, cum, praemisso examine, omnia peccata in Confessione Sacramentali exprimuntur, quae quis ex praecepto Christi exprimere tenetur: Est vero formaliter integra, cum penitens, praemissa discussione conscientiae, vel aliquod impedimentum, vel inculpabilem oblivionem, aliquod peccatum omittit: vel omnia dicit, quae hic, & nunc potest, cum animo dicendi aliqua suo tempore,

& cum dolore universalis de omnibus, de illis etiam, quae omittit.

2 Quæritur, *an Confessio materialiter integra sit sub praecepto?*

Resp. Affirmative, per se loquendo. Ita, qui post discussionem conscientiae, omnium peccatorum recordatur, tenetur per se loquendo, omnia, & singula, sive diversa secundum speciem, & circumstantias, sive plura secundum numerum, quae nunquam Confessus est, aperire Confessario. Dixi *per se loquendo*, quia per accidens, vel propter inculpabilem oblivionem, aut impedimentum physicum, vel morale contingere potest, quod hic, & nunc omnia non narret, nec narrare possit; quo casu Confessio est solum integra formaliter, & non materialiter. Utroque autem modo integra est, dum post discussionem conscientiae, & cum dolore formali, & universalis omnium peccatorum, penitens in Confessione exponit omnia, & singula peccata, tamquod ad speciem, & numerum, quam quod ad circumstantias, speciem mutantes, & aggravantes notabiliter. Lege Trid. sess. 14. cap. 5.

3 Quæritur, *an dentur cause excusantes ab integritate materiali Confessionis, sic, ut ad validitatem absolutionis sufficiat sola integritas formalis?*

Resp. Affirmative, sic DD. communiter, asserentes per accidens, aliquando licite dimidiari Confessionem, cum nimirum datur iusta, gravis, & rationabilis causa.

4 Sed quæritur, *quae nam sint cause, seu casus, in quibus quis excusatur ab integritate materiali Confessionis?*

Resp. Plures DD. assignant, alios propter impotentiam physicam penitentis, & alios propter impotentiam moralem: ex quibus aliquos subnectimus.

I. Propter impotentiam physicam, excusatur infirmus in mortis articulo constitutus, qui ob infirmitatem, qua

usu linguæ privatur, non potest ore confiteri, sed solum, vel expresse Sacramentum penitentia petiit, vel implicitè, per signa doloris de peccatis exhibit.

II. Qui inceptam Confessionem propter gravitatem morbi perficere non potest, & nisi, uno, vel altero peccato narrato, absolvatur, periculum est, ne morte præventus sine absolutione decedat.

III. In mortis imminente periculo, aut incendio, naufragio, periculoso confictu, ruina, &c. Et tunc potest Sacerdos, auditò à singulis uno peccato, omnes simul absolvere, dicendo *Ego absolvo vos*, &c. Layman lib. 5. tract. 6. cap. 8. num. 10. Caballut. lib. 3. cap. 11. Duhamel, Felix, Antonius à Spiritu Sancto, & alii.

IV. Dum mutus, vel vir valde balbutientis linguæ, signis confitentur eo modo, quo possunt.

V. Duo, qui, morali adhibita diligentia, & debito examine præmissis, inculpabiliter alicujus peccati obliviscitur.

5 Propter impotentiam moralem excusantur.

I. Puella, quæ rationabiliter, & non levi fundamento timet à Confessario sollicitari, si peccatum carnis ei in Confessione aperiat. Fundamentum judicandi esset nota malitia, & proclivitas Confessarii ad venerem.

II. Si certò prævideretur, Confessarius violaturus sigillum, propter quod grave malum in bonis vitæ, honoris, & fortunæ immineret. Sed hæc duo pericula non debent ita facile fingi. Quilici qu. 9. art. 1. num. 15.

III. Necessitas servandi sigillum Confessionis alienæ: ut, si Confessarius, qui audivit Confessionem alterius, non possit sine violatione peccatum suum confiteri.

6 In his casibus licet dimidiare Confessionem, sed tria debent concurrere.

I. Ut alius Confessarius haberi non possit, nec Confessio differri.

II. Simul, quod prudenter timeatur, certum sit, & indebitum, ac extrinsecum Confessionis. Propterea non est satis timor, quod Confessarius teneat penitentem pro peccatore; nec damnum, quod penitens timeret subire ex sibi imponenda à Confessario obligatione restituendi, famam, vel rem furto ablatam: quia primum non est extrinsecum Confessionis: nec secundum, indebitum, sed obligationi integritatis annexum.

III. Quod Penitens proponat omnia confiteri, cessante periculo.

7 Sed queritur, *urget necessitas, ut Sacerdos celebret, vel Laicus communice, non adeest alius Confessarius, quam cum ordinaria iurisdictione sine facultate super reservata: petitur, an possint licite dimidiare Confessionem, & confiteri solum non reservata, ommissis reservatis, quorum etiam sunt rei?*

Resp. Negative, sed debent eidem, tam reservata, quam non reservata confiteri: præceptum enim de integra Confessione per se obligat, non modò ad eam formaliter, verum etiam ad materialiter integram. Omitto, quòd confiteri omnia, pertinet ad dignitatem Sacramenti Eucharistia. Dixi *per se*, quia per accidens propter impotentiam physicam, vel moralem, à materiali quis excusari potest ex dictis.

Verum damnum, aut infamia, quæ certò imminet, debet prudenter timeri ex Confessione: ex Confessione autem reservati, infamia, aut scandalum non timetur, sed ex omissione celebrationis, aut Communionis, ergo non habetur causa excusans ab integritate materiali Confessionis, sed debent aperiri tam non reservata, quam reservata. Et ita ab omnibus absolvuntur: directè à non reservatis: indirectè à reservatis: & ita non dimidiatur Confessio.

8 Sed quæritur, *de quo peccato verificatur esse directè absolutum, & de quo indirectè?*

Resp. Illud dicitur directè absolutum esse, quod cum dolore, &c. exponitur Confessario, habenti legitimam facultatem in illud; illud verò indirectè, quatenus absolvitur ratione concomitantiz cum peccato directè absoluto. Quod solet contingere.

I. In peccatis inculpabiliter oblitis: habet Petrus tria peccata, confitetur duo, obliviscitur tertii: non, quia examen sufficiens non præmiserit, sed, quia non recordatur: absolbitur à tertio indirectè, ex vi absolutionis, directè cadentis super duo explicitè Confessa, cum non possit unum peccatum sine alio remitti; nam gratia sanctificans omnia expellit: habetur ex *Trid. sess. & cap. cit. constat enim nihil aliud in Ecclesia æpenitentibus exigi, quam, ut postquam quisque diligentius se excusserit, & conscientia sue sinus omnes, & latebras exploraverit, ea peccata confiteatur, quibus se Dominum, & Deum suum mortaliter offendisse meminerit: reliqua autem peccata, quæ diligenter cogitanti non occurrunt, in universum, eadem Confessione inclusa esse intelliguntur*. Sed onus habet confitendi oblita, cum ipsorum recordatur: ut ab eis directè absolvatur; aliàs novum peccatum committit.

II. Cum, urgente necessitate celebrandi, vel communicandi, quis confitetur Confessario ordinario, tam non reservata, quam reservata, nam tunc à reservatis absolvitur, non directè, quia ea non cadunt sub jurisdictione Confessarii, cum ad ea facultatem non habeat, sed indirectè, ex vi absolutionis datæ à non reservatis, cum onere, ut postea accedat ad habentem facultatem super reservata, ut ab eis directè absolvatur; cui solum sufficit, ut confiteatur ipsa reservata, non verò alia, à quibus fuit directè absolutus.

Mattheucci Cautela Confess.

9 Sed quid, *si casus sit annexa excommunicatio reservata, & non est tempus obtinendi facultatem, nec differri potest Confessio propter grave scandalum, & infamiam?*

Resp. Pariter tunc Confessarius potest absolvere directè à peccatis non reservatis, & indirectè à reservatis, sed à censura absolvere nullo modo potest (excipio articulum mortis) quia absolutio à peccatis est diversa ab absolutione à censuris, exigens diversam jurisdictionem: ideo in casu penitens remanet à peccatis absolutus, à non reservatis directè, & indirectè à reservatis, sed censura ligatus.

Et ita à peccatis absolutus potest in circumstantia scandali, & infamiz licite celebrare, aut communicare, quia est ex isto capite rectè dispositus; nam absolutio à peccatis, & infusio gratiæ potest per accidens haberi, remanente censura: cum gratia non sit incompossibilis cum censura: ut, si ex inculpabili ignorantia penitens censuram non confiteatur: vel Confessarius ex oblivione, aut aliter, solum à peccatis absolvat. Ergo etiam, si in casu urgentis necessitatis celebrandi, aut communicandi, penitens confiteatur Sacerdoti impotenti absolvere à censura reservata: quia lex Ecclesiastica censuram imponens, non præsumitur obligare cum tanto detrimento. Quo casu celebrans non fit irregularis. *Felix tom. 3. nu. 291. lib. primo cap. 33. num. 44.*

10 Sed dices, ergo excommunicatio non privat usu, & perceptione Sacramentorum.

Resp. Negando consequentiam, per se loquendo: illis privat ex *cap. cum illorum, & cap. Si quem de sent. excom.* Per accidens autem potest non privare, ut, cum sine scandalo, & infamia non potest celebratio, & communio omitti. Ecclesia enim per excommunicationem (si sit occulta) non intendit privare peccatorem bonis famæ, vitæ, & honoris, ut dixit

Ii Ilung.

Ilung. tract. 6. disp. 6. quest. 4. art. 8. §. 1. num. 137. Sed, si, cum urget necessitas celebrandi, & communicandi, & hæc non possunt sine infamia, & scandalo committi, non posset penitens confiteri, ut communicaret, propter defectum Sacerdotis potentis solum à peccatis absolvere, non verò ab excommunicatione reservata, privaret bonis, famæ, & honoris, quandoquidem penitens non confitendo, & non communicando incurreret jacturam famæ, & optimæ estimationis apud adstantes. Propterea De la Cruz de *excom. art. 2. num. 6.* dixit, quod excommunicatus occultus, in Confessione integrè, & cum dolore se accusans, in illis casibus reciperet Sacramentum, & gratiam, sed non perciperet de Indulgentiis: extra verò necessitatis casum nec communicare, aut celebrare posset, sed remaneret sacris privatus, sicut antea.

Sed advertas. I. Hæc non verificari, si censura sit publica, quia potius foret scandalum, si celebraret, vel communicaret juxta dicta *cap. prat. nu. 25.*

II. Debere Confessarium, absolventem à peccatis penitentem, censura reservatam ligatum, priusquam absolvat, ab eo exigere promissionem, vel juramentum juxta dicta *cit. lib. 1. c. 2. n. 15.* de comparando perse, vel per alium, coram Superiore, quamprimum potest, de stando mandatis Ecclesiæ, & satisfacienda parte, si censura lata est ob casum, quo fuerit pars læsa: ut ab ipso recipiat absolutionem directè à casu, à quo fuit indirectè absolutus, & à censura, à qua absolutus nullo modo fuit.

II Quæritur, *penitens habet casum ignorans esse reservatum, confitetur ipsum Confessario ordinario, tamquam si non foret reservatus, deinde intelligit esse reservatum, quid post notitiam agendum est?*

Resp. Si penitens aliud peccatum non exposuit, sed solum ignoratum reservatum, ab eo nec directè, nec indirectè ab-

solvitur ex defectu jurisdictionis, & materiæ, super quam cadat absolutio directæ: bona fides ipsum excusat à sacrilegio, non verò, quin, adepta notitia reservationis, debeat ipsum iterum exponere coram Confessario habente facultatem. Vide dicta *lib. 1. c. 8. n. 11.*

12 Quæritur, *die Dominico ad lucrandam Indulgentiam frequens penitentium copia adit Templum S. Francisci, in quo non est nisi unus Confessarius, qui, si velit omnium confessiones materialiter integras audire, plures erunt in necessitate discedendi inconfessi, & quin Indulgentiam lucentur, immò cum periculo non redeundi ad confessionem per multum tempus: petitur, an Confessarius possit ad satisfaciendum singulis, eorum Confessiones dimidiatas audire, impositum onere, quod postea redeant reliqua confessuri?*

Resp. Negativè; nec circumstantia adjuncta de periculo non redeundi est causa sufficiens ad dimidiandam Confessionem, quia semper verificatur, quod dimidiatur Confessio propter concursum, & multitudinem penitentium, & ne cæteris desit occasio confitendi, quod non licere dixit Innoc. in suo decreto. Maximè, quia periculum non redeundi ad confessionem, oritur à prava ipsius penitentis voluntate, nullus autem dixit, quod quis possit confessionem dimidiare propter suam depravatam voluntatem; aliàs plurimæ confessiones dimidiarentur, & sacrilegè, ac invalidè fierent: quia plures, & præsertim illi, quibus durum est occasiones peccandi relinquere, capta occasione, illis diebus ad Confessiones accederent, in quibus Confessarii non possent eos interrogare, & cognoscere, quomodo à tempore ultimæ confessionis se gesserint, an meliores, an deteriores facti fuerint, an peccandi occasiones effugerint, quandiu in peccato persisterint, an propositum non peccandi habeant, &c.

13 Quæritur, *an causa dimidiandi con-*

confessionem reputetur manifestatio complicitis, cum scilicet non potest penitens suum peccatum explicare, quin complicitem manifestet; casus est: mulier peccat cum Sacerdote in loco, in quo alius Sacerdos non est, quam is, cum quo peccavit, & Parochus, qui, si illa significet se cum Sacerdote peccasse, in cognitionem complicitis devenit?

Resp. Videl. lib. 1. cap. 18. num. 25. Ubi diximus teneri penitentem ad confitendum tale peccatum, dum præceptum Confessionis, vel Communionis inest, & non adest alius Sacerdos, cui complex ignotus sit, (nam si adesset, teneretur illum Confessarium adire, atque ita consulere æstimationi complicitis, & simul integritati materiali confessionis). Est sententia communior cum D. Bernardo cap. ult. de formul. honestæ vitæ: de nullo prorsus, ait, sinistrè loquaris, quantumcumque sit verum, vel honestum, nisi in confessione: & hoc, ubi aliter non potes manifestare peccatum tuum. Et Durandus scripsit: homo in confessione debet famam alterius custodire, quantum potest, suam tamen conscientiam tenetur purgare, quantum debet. Ideo, si nullum aliud grave damnum complici immineat, quam sola notitia, & infamia apud Confessarium, peccatum taceri non potest. Cabasut. lib. 3. cap. 11. num. 3. Duhamel de panis. disert. 3. cap. 5. Felix to. 1. n. 3110. Maltr. disput. 11. num. 185. Maximè, quia majoris momenti bonum est conservare integritatem Confessionis, à Christo Domino præceptam, & necessariam ad valorem Sacramenti, quam non infamare proximum apud solum Confessarium, sigillo confessionis obstrictum; si tamen infametur, quod negamus per dicta loc. cit.

CAPUT XXXVII.

*Prop. LX. ab Innoc. XI. &c.
Propositum emendationis.*

PROP. 60. Penitenti, habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, nec est neganda, nec differenda absolutio, dummodò ore proferat, se dolere, & proponere emendationem.

Quod habenti consuetudinem peccandi, ubi nulla spes emendationis appareat, non sufficiat, ut ei non negetur, aut non differatur absolutio à peccatis, quod ore dicat, doleo, & propono in futurum à peccatis abstinere, est certum ex decreto Innoc. Juxta quod pro praxi non pauca sunt resolvenda, respicientia peccata à consuetudinariis parata, dolorem ab eis exhibitum, & propositum non peccandi verbis expressum.

2 Quæritur, quid sit propositum, quidve promissio?

Resp. Propositum est voluntas faciendi, aut non faciendi aliquid pro futuro: promissio autem est voluntas se obligandi alteri ad aliquid faciendum, vel omittendum. Prout latè DD. ubi agunt de voto. De quo lib. 3. cap. ult.

Hinc observa. 1. Quod promissio involvit propositum: quia nunquam sit promissio vera, quin sit voluntas faciendi, vel non faciendi, quod promittitur; aliàs, si promitteres sine animo faciendi, mendax esses, & peccares contra veracitatem: voluntas autem faciendi aliquid non includit promissionem, seu voluntatem se obligandi.

2 Quod, qui promittit aliquid facere, & simul habet animum faciendi, non mentitur, quia contra mentem non loquitur; sed, si postea non implet, peccat contra fidelitatem, & datam fidem.

Ex quibus sequitur, penitentem, qui ore dicit se habere propositum, & volun-

tatem ampliùs non peccandi, si voluntatem illam non habet, falsum dicere, & mentiri; nam verba menti non respondent, cum ipse cognoscat se ea voluntate carere, quàm verbis habere affirmat; consequenter mortaliter peccat, & facit confessionem sacrilegam: de quo se accusare debet in sequenti.

3 Quæritur, in quo consistat consuetudo peccandi?

Resp.DD.non concordant.Anton.à Sp. Sancto *tr.5. de panis disp.3. sect.3. nu.129.* duplicem consuetudinem distinxit, proximam, & remotam; hanc dixit illam esse, quæ fundatur in habitu ex actibus pravis acquisito, ad actus consimiles inclinante; illam verò, in intrinseca fragilitate hominis. Cardenas *disert.37.cap.2. num.8.* tradit ad consuetudinem concurrere multitudinem actuum, & habitum per consuetudinem acquisitum, ipsamque peccatorum multitudinem esse consuetudinem peccandi: post quem id docuit. Felix *tom.1. exam. num.3665.* Frequens itaque reincidentia in idem peccatum, seu repetitio præteritorum peccatorum est peccandi consuetudo. Idque ex eo patet, quod de eo dicatur habere peccandi consuetudinem, qui in idem frequenter relabatur, non verò de habente præcisè habitum ex pravis actibus genitum; nam iustificatus potest talem habitum habere, & de ipso non verificari, quod habeat consuetudinem peccandi, nisi eadem peccata repetat, & frequentet.

Unde consuetudinarii illi reputantur, qui in eadem peccata frequenter relabuntur, & ipsa frequentant. Quòd si in ipsa relabuntur ex habitu acquisito, quem non velint actibus contrariis extenuare: vel, quia nolunt occasionem proximam relinquere, cum possint, dicuntur peccare ex malitia: & ex passione, dum ex propria infirmitate, & fragilitate eadem peccata repetunt: sed non contentas de nomine.

4 Sed quæritur, quot actus requi-

runtur, ut quis dicatur assuetus, vel ex consuetudine peccare?

Resp. Alii duos exigunt, alii tres, & quidam quinque requirunt, ut Carena *de offic. Inquisit. p.2. tit.7. §.5. nu.20.* Sed tu in praxi pondera frequentiam lapsus, tempus, à quo penitens non est confessus, quoties eadem Confessario exposuerit: & juxta occurrentes circumstantias prudenter resolvas.

5 Quæritur, an consuetudo, & occasio proxima peccandi sint diversa?

Resp. Affirmandum videtur. Nam occasio proxima dicit circumstantiam extrinsecam, vel impulsam ab extrinseco provenientem, ex dicendis cap. sequen. Consuetudo autem peccandi, sive in habitu radicata, sive ex fragilitate oriatur, ab extrinseco non provenit, quia, tam habitus, quàm fragilitas sunt peccanti intrinseca. Verùm possunt in eodem conjungi, & idem existens in occasione proxima peccandi, potest eadem peccata repetere, de quo sequen. cap.

6 Quæritur, an ad validam absolutionem requiratur in penitente propositum, seu voluntas non peccandi?

Resp. Affirmativè, pro ut expressè Trid. *sess.14. cap.4.* ubi hæc sunt. *Contritio, qua primum locum inter dictos penitentis actus habet, animi dolor, ac detestatio est de peccato commisso, cum proposito non peccandi de cætero; & infra: declarat igitur Sancta Synodus hanc contritionem non solum cessationem à peccato, & vitam novam propositum, & inchoationem, sed veteris etiam odium continere.*

7 Sed quæritur, an propositum non peccandi debeat esse formale, & expressum, an sufficiat virtuale, & implicitum?

Resp. Formale, & expressum optimum est. Hinc rectè agunt Confessarii exigendo illud à penitentibus, & quatenus renuant expressè proponere vitam emendare, & peccata vitare, absolvi non

non possunt. Verum per se, & necessarium non requiritur expressum, sed sufficit virtuale, & implicitum; quod virtualiter continetur in vera detestatione, & dolore peccatorum ex motivo supernaturali, & universalis: sic, qui verè dolet de peccatis ad effectum justificationis, & non cogitat actu, propter inadvertentiam, de emendatione vitæ, & peccatis vitandis, censetur virtualiter, & implicitè proponere peccata vitare, & emendare vitam; quod expressè proponeret, si ad id reflecteret: aliàs non verè, & ex animo dolet de peccatis commissis: cum impossibile sit, ut quis sincero animo doleat efficaciter de peccatis, ut sunt offensæ Dei, quin implicitum saltem, habeat non peccandi propositum; aliàs per unum actum nollet offensam gravem Dei, & per aliam illam vellet, quæ sunt contradictoria, DD. communiter. Layman. lib. 5. tr. 6. cap. 4. num. 6. Duhamel tom. 3. de penit. disert. 2. cap. 1. num. 4.

Et deducitur ex verbis Trid. ubi supra describentis contritionem, in quibus dolor in recto importatur, *est animi dolor &c.* propositum verò in obliquo, & tamquam dolori annexum *cum proposito &c.* per quæ satis insinuat magis requiri dolorem, & detestationem formalem, quam formale propositum.

8 Sed quaeritur, *an propositum debeat esse ita efficax, ut extendatur non modo ad ipsa peccata, verum etiam ad vitandas occasiones proximas, & consuetudines peccandi?*

Resp. Affirmativè, ratio est, quia, qui efficaciter vult vitare peccata, vult etiam remove omnia, quæ sunt peccatorum occasiones, & adhibere omnem diligentiam, quæ necessaria est ad evitanda media, & illicita, quæ ad peccandum conducunt.

9 Quaeritur, *an Confessarius teneatur credere penitenti asserenti se habere verum propositum non peccandi?*

Resp. Negative, nisi circumstantiæ Matthæucci Cautela Confessi.

sint tales, ut possit illi prudenter assentiri: sæpe enim concurrunt conjecturæ, & præsumptiones, in quibus Confessarius prudenter dubitat de vero penitentis proposito, & dolore, quo casu certò non potest ipsum absolvere, sed debet absolutionem differre, ipsumque per aliquod tempus experiri, an verè non peccandi propositum habeat, nesci exponat periculo peccandi, faciendo irritum Sacramentum, absolvens cum dubio de dispositione penitentis, quod extra casu necessitatis non licet: & nec tunc, nisi sub conditione: *si ei dispositus*. Hinc advertas, tunc solum standum esse confessioni penitentis pro se, & contra se, cum in contrarium aliquid rationabiliter non occurrat. Quilici quæst. 12. art. 2. à num. 3.

10 Sed quaeritur, *quanam sint circumstantiæ, ex quibus Confessarius possit prudenter colligere infirmum, & non sincerum propositum penitentis?*

Resp. Variæ possunt occurrere, quarum iudicium in praxi relinquitur prudentiæ Confessoris: exemplum pono in Cayo, habente consuetudinem luxurians, & assuetus ad se frequenter pollendum: sæpe is confitetur, & in eadem peccata frequenter relabitur: quis ei, asserenti se habere verum non peccandi, & emendationis propositum, fidem prudenter dabit: cum impossibile sit, moraliter loquendo, hominem sæpe confiteri, & ex animo, ac sincerè proponere non peccare, & semper in eadem relabi, nullumque asserere emendationis signum? Præsumptio est in oppositum.

Præsumendum itaque est, cum, qui ita confitetur, & post repetitas confessiones, sic relabitur, non habere efficax propositum non peccandi, propterea est differenda absolutio, & per aliquod tempus experiendus, nec absolvendus quò ad usque in totum, vel competenter emendatus redeat.

Idem prædicandum cum otiosis, profluentibus quotidie ludum, ebrietatem,

crapulam, amorem inhonestum, blasphemias, verba inhonesta, murmurationes, detractiones, &c. quia, quamvis emendam proponant, Confessarius tamen verisimiliter putat eos in eadem peccata relapsuros.

11 *Queritur, an differenda etiam sit mulieribus, superflua, & vana se ornantibus?*

Resp. Affirmativè, dum ornatus est mortaliter peccaminosus: nec eis promittentibus illum deponere, credendum.

12 *Sed queritur, quando talis reputatur?*

Resp. Quando se ornant ob finem mortaliter peccaminosum; cum scilicet assumitur intentione, ut videntes provocentur ad libidinem, & inhonestum amorem, aliisque placeant, quam suis viris.

II. Quando ornatus ex fine operis, seu ex se, vel ex hominum acceptione ad libidinem provocat.

III. Quando in se ornando violant, vel sunt causa, ut alii violent præcepta Dei, vel Ecclesiæ: ut, si laborent, vel laborare faciant diebus festis; vel in eis omittant, aut omittere faciant audire Sacrum.

IV. Si causent marito sumptus supra vires, propter ornatum excedentem honestam conditionem sui status.

V. Si verisimiliter præsumant, ornatum præbere familiæ occasionem blasphemiarum, & lucrorum illicitorum.

VI. Si propterea, legata pia, vel debita non solvantur.

VII. Si operarii fraudentur debita mercede. In his circumstantiis usus pomparum, & vanus ornatus est peccatum mortale, nec absolvendæ sunt mulieres, nisi se corrigant: aliàs erit veniale, si nimirum ex vanitate, vel levitate assumatur. *Campion. 2 p. instruct. cap. 56. num. 31.*

VIII. Regula pro praxi generalis sit. Et Confessarius ponderet. 1. Quod, ut

statim penitens absolvi possit, non sufficit ipsum esse rectè dispositum coram Deo, sed necessarium etiam, ut ipse Confessarius, qui absolvere debet, sibi satisfaciatur de recta dispositione penitentis, per judicium moraliter certum, pruden-
ter judicando de vero ipsius proposito, & dolore, ad conferendam absolutionem necessariis.

2 Item. Quòd, dum ex aliquo capite, aut circumstantia constat, aut prudenter timetur penitentem non esse sufficienter dispositum, & in eadem peccata relapsurum, nec ex animo, sed ore dumtaxat dolere, & emendationem proponere, quantumvis dicat se dolere, & propositum habere, non est ei credendum, nec absolvendus est statim, sed in aliquod tempus est absolutio differenda, ut Confessarius ita, melius de futura emendatione, & præsentii ipsius proposito se certificet, juxta communem Doctorum sententiam cum Carena, ubi supra §. 19. num. 104. contra Joannem Sanciū.

13 *Queritur, quomodo se gerere debeat Confessarius cum penitente, qui repetita juramenta in confessione affert, & de præteritis dolere, ac propositum abstinendi in futurum dixerit habere?*

Resp. Ex eo deducere debet eum habere consuetudinem jurandi, Quo casu inspiciendum est, an sit assuetus jurare indifferenter, tam verum, quam falsum: & tunc est certum peccare, quoties jurat, quia quamvis juret verum, id tamen est per accidens, cum se exponat periculo pejurandi; & se accusare debet de ipsa consuetudine cognita, hoc est, quòd advertens se habere consuetudinem jurandi, quidquid in buccam venit, & sine examine veritatis jurat, nec diligentiam adhibuit, ut eam a se tolleret; quod est distinctum peccatum ab juramentis. Et quamvis pro prima vice posset absolvi, dum proponeret illam a se tollere, & spes emendationis appareret,

ta-

tamentutissimum esset, cum per aliquos dies de veritate propositi experiri.

14 Sed quid, si propter consuetudinem non adverteret, quando iuraret?

Resp. Tunc iuramenta sunt peccata, non in se, quia, dum iurat, non advertit se iurare (quamvis debeat advertere) sed in causa, in ipsa nimirum consuetudine iurandi sine advertentia: quam retinendo peccat, sicut concubinarius retinendo concubinam; teneturque confiteri ipsam, dicendo: laboro tam inveterata consuetudine pejurandi inadvertenter, ut, si offerretur in die decies, vel vicies occasio, ea consuetudine abuterer: nec absolvi debet, nisi post experimentum de veritate propositi.

Cæterum, dum proponit eam extirpare, & totus in eo est, ac diligentiam revera adhibet, ut a se eam tollat, si posset inadvertenter rursus pejurat, non videtur in hoc formaliter delinquere: quia perjurium in casu, in se formaliter non est peccatum, quia sine advertentia prolatum: nec in causa, quia consuetudinem in penitentia retractavit, & cum effectu fecit, quod potuit, ut eam a se tolleret, & periculum vitaret, Gobat tract. 7. cas. 8. nu. 586. Summa Leandr. verb. consuetudo num. 6.

15 Sed quid, si consuetudinem haberet iurandi scienter verum, ita ut nunquam iuraret, nisi prius examinaret, an res esset vera, & iusta, an falsa?

Resp. In casu videtur non peccare. Sed cum communi nota, & pro praxi observata, quod consuetudo iurandi, quæ incipit cum advertentia iurandi semper verum, paulatim, laxata conscientia, solet crescere sic, ut exponat hominem periculo pejurandi. Quemadmodum discurritur de consuetudine maledicendi, seu dicendi verba execratoria (quæ communis solet esse faminis iracundis) Hæc solet incipere repetitione eorum verborum sine desiderio damni ore prolata, sed paulatim solet crescere ex laxi-

tate conscientie, ita ut constituat peccatorem in periculo proximo maledicendi ex animo. Et de consuetudine detrahendi, quæ licet incipiat circa levia, crescere solet usque ad periculum detractionum gravium. Propterea Confessarius totus esse debet in eis evellendis, & quatenus penitentes nolint acceptare media in remedium adhibenda, vel recepta non impleant, incapaces absolutionis reputantur.

16 Quæritur, an qui confitetur aliquod veniale, debeat habere propositum illud iterum non committendi?

Resp. Affirmative; ratio est, ut remittatur veniale, requiritur, ut quis efficaciter de illo doleat, sed in dolore efficaci virtualiter includitur propositum, ergo debet habere propositum vitandi venialia, quæ confitetur: aliàs nec de illis dolet.

17 Sed quæritur, quam sit differentia inter propositum requisitum ad remissionem peccati mortalis, & necessarium ad remissionem venialis?

Resp. Hæc est. I. Quod, sicut homo non potest iustificari cum affectu actuali, aut habituali non retractato, ad peccatum mortale, sic nec, nisi habeat voluntatem excludentem efficaciter omnem talem affectum; sed non excluditur omnis affectus ad mortale, nisi cum proposito non admittendi ea in futurum, ergo. E contra verò, potest homo iustificari, uno peccato veniali remisso, & non remisso altero, quia gratia sanctificans cum peccato veniali non est impossibilis, ergo dolor, & propositum circa unum veniale, ad aliud non est necesse, ut extendatur.

II. Quod ad remissionem mortalium requiritur propositum vitandi omnia, non tantum in sensu diviso, verum etiam in sensu colectivo, ita ut voluntas sit, non tantum singula, verum etiam omnia simul cum Dei gratia vitare; ad remissionem verò omnium venialium, sufficit propositum vitandi singula in sensu

diviso (nam nullum determinatè designari potest, quod voluntas cum Dei gratia vitare non valeat) quòd si potest in sensu diviso vitare, potest habere propositum vitandi: non verò requiritur propositum vitandi omnia collectivè, ita ut omnia sit vitatura, hoc enim sine specialissimo auxilio Dei est moraliter impossibile, ut communiter docent Theologi. Vide Layman. *cit. num. 19. & 20.* & lege Trid. *sess. 6. cap. 11. de iustificat.*

III. Sed nota venialia esse triplicis generis. Quædam sunt venialia ex genere, quorum materia non sufficit ad mortale, etiam si deliberatè cum plena advertentia, seu iudicio de malitia objecti, & expedito interiorum sensuum usu committantur, ut mendacia jocosa, &c. Alia venialia ex defectu, & parvitate materiæ, ut furtum unius quadrantis. Licet enim materia furti secundum speciem sufficeret ad mortale, parvitas tamen in illa specie à mortali excusat. Alia tandem sunt venialia ex imperfecta deliberatione, & non plena advertentia de malitia objecti, vel existentia legis, & præcepti: quæ solent dici venialia ex subreptione, & in omni materia possunt contingere. Ad ista collectivè vitanda, specialissima Dei gratia est opus, sed cætera possunt cum auxiliis ordinariis gratiæ vitari.

18 Sed quaeritur, *an, qui unico actu vellet omnia venialia committere, peccaret mortaliter?*

Resp. Negativè, per se loquendo, bene verò per accidens, ratione nimirum periculi, cui se exponeret peccandi mortaliter; quia venialia, præsertim commissa ex voluntate determinata, nimis disponunt ad mortale. Quilici ex Sanchez *qu. 5. art. unic. num. 9.* Facit illud Eccles. 10. *qui spernit modica, paulatim cædet.* Maftrius *disput. 15. num. 50.* & Felix *tom. 1. num. 3725.*

19 Hæc distinctio *per se, & per accidens*, est à Confessario ponderanda. Nam plura, quæ per se, & ex genere suo non

sunt mortalia, sunt talia per accidens, & ratione alterius. Exemplum: avaritia per se non est mortale ex dictis supra *cap. 28. num. 44.* sed per se est veniale, cum sit volitio inordinata habendi divitias, & sit mortale per accidens, si ad eas acquirendas applicentur media illicita, vel omittantur ea, ad quæ quis teneretur præcepto, iustitia, vel charitate. Prodigalitas etiam, quæ excedit in dando, & deficit in retinendo, per se est veniale, & sit mortale per accidens, si nimirum prodigando quis se in tali statu ponat, ut non possit alere familiam sibi commissam, solvere debita, &c. Item, ambitio, quæ est inordinatus appetitus honoris, de se est veniale, & sit mortale per accidens: ut, dum appetitur cum damno proximi, vel ad consequendum applicantur media illicita. Item vana gloria, quæ est immoderatus appetitus laudis, de se est veniale, & sit mortale per accidens: ut, dum quis vult laudari de opere mortali-termalo. Ira tandem, quæ est inordinata volitio vindictæ: ex parte modi irascendi (etiam dum appetitur iusta castigatio) est veniale, si quis interius nimis exardescat, & exterius plura signa iræ patefaciat; & sit mortale per accidens, addendo blasphemias, maledictiones, aut ob scandalum. Vide loco *cit. & lib. 1. cap. 17. num. 3. 13.* & ult. doctrinam satis utilem.

CAPUT XXXVIII.

Prop. LXI. LXII. LXIII.

ab Innoc. XI. &c.

Occasio proxima peccandi.

1 PROP. 61. *Potest aliquando absolvi, qui in proxima occasione peccandi versatur, quam potest, & non vult omittere; quinimod directè, aut ex proposito querit, aut ei se ingerit.*

PROP. 62. *proxima occasio peccandi non est fugienda, quando causa aliqua utilis, aut honesta non fugiendi occurrat.*

PROP.

PROP. 63. *Licitum est querere dire-
ctè occasionem proximam peccandi pro
bono spiritali, vel temporali nostro,
vel proximi.*

Propter connexionem, & identitatem
materiæ, quam allatæ propositiones in-
ter se habent, ipsas sub uno comprehen-
dimus titulo, & sub ea plura Confessarii
utilia discutimus, ad effectum, ut, quid
in Tribunali Sacramentali agendum sit
cum existentibus in occasione proxima
peccandi, non ignorent.

2. *Queritur, quod duplex est occasio
peccandi?*

Resp. Duplex remota, & proxima;
remota est illa, *que proximè non indu-
cit ad peccatum: seu, qua, attentis
circumstantiis, non est frequenter
conjuncta cum peccato*; proxima verò
illa est, *in qua quis positus, sæpè sæ-
pius, & frequenter experitur se pecca-
re.* Poncius disp. 45. qu. 4. Cardenas di-
fert. 40. cap. 2.

Sed nota I. Quòd eadem occasio, v.g.
conversatio cum muliere, quæ juveni ad
venerem proclivi est occasio proxima,
seni, vel juveni timorato, qui peccata
carnis abhorret, erit remota.

II. Quòd frequentia peccati est intel-
ligenda, etiam relativè: v.g. Petrus semel
in anno accedit Viterbium ad nundinas,
semper cum domina hospitii peccat, est
occasio proxima relativa ad tale tempus,
& locum, absolutè tollenda.

III. Quòd occasio proxima, licèt sit
frequenter in peccatis carnis, in aliis
etiam materiis potest contingere, ut in
materia ludi, detractionis, &c.

IV. Quòd occasio proxima peccandi
duo dicitur, circumstantiam extrinsecam,
& periculum formale proximum peccan-
di: non sola circumstantia extrinseca, nec
solum periculum proximum est occasio
proxima peccandi: non circumstantia
extrinseca sola, quia, quòd homo ha-
bitet in eadem domo, vel conversetur
cum femina, non sufficit, ut sit occa-
sio proxima peccandi; cum multi homi-

nes, & feminae ita habitent, & conver-
sentur sine tali occasione; nec solum pe-
riculum proximum peccandi: patet in
eo, quia ex propria fragilitate intrinseca
habet diurnam consuetudinem se pol-
luendi: in quo sine extrinseca occasione
est periculum proximum peccandi, or-
tum, vel à propria fragilitate, vel habi-
tu per consuetudinem acquisito, incli-
nante ad continuanda ea peccata: ut-
rumque itaque est necessarium, & cir-
cumstantia extrinseca, & periculum pro-
ximum peccandi.

3. *Sed queritur, quid sit periculum
proximum peccandi?*

Resp. Est *motivum inclinans ad futu-
rionem peccati.* Quod aliquando est
certum, certitudine morali inferens pec-
cati futuritionem: ut, cum vir prudens
certò sibi persuadet peccatum esse even-
turum: expertus est Petrus, quòd ingre-
diens domum talis feminae, peccatum
committit, & ex hoc certò sibi persuadet
se lapsurum in peccatum luxuriæ, si illius
domum adierit: tunc periculum est cer-
tum. Aliquando verò est probabile, ut,
quando sunt rationes probabiles, quæ
suadeant lapsum futurum: ut, cum quis
timoratus, fragilis tamen, probabiliter
censet in occasione exercendæ luxuriæ,
se esse à sua fragilitate vincendum con-
tra timorem Dei. Sed, ut Doctores no-
tant, est ponderandum, atque adver-
tendum, quod ubi fragilitas, & occa-
sio absque timore Dei possent esse moti-
vum persuadendi sibi certò futuritionem
lapius, adjuncto timore Dei, medio-
criter sibi infuso, qui ad vitandum pec-
catum inclinat, reddunt motivum illud
solum probabile.

Periculum peccandi dividitur in mate-
riale, & formale; materiale, seu remotum,
est ipsa occasio, aut circumstantia extrin-
seca, quæ provocat, & inclinat ad pecca-
tum; formale verò, & proximum est
illud, quod, consideratis circumstantiis
intrinsecis, & extrinsecis, ita inclinat,
& movet ad peccandum, ut in persona
simi-

similis conditionis soleat esse frequenter cum peccato conjunctum.

Periculum denique formale: aliud est extrinsecum, ortum ex extrinseca occasione; & aliud intrinsecum, quod oritur ex prava conditione ipsius hominis, ut, propria fragilitate, aut habitu vitioso; & aliud mixtum, quod oritur ex utroque.

4 Quæritur, *quotuplex sit occasio proxima?*

Resp. Duplex voluntaria, & involuntaria: voluntaria est, quam quis potest repellere sine scandalo, & infamia dimittere, & deserere: involuntaria verò illa, quam quis absque infamia, & scandalo, vel aliàs, deserere non potest.

Pariter alia est occasio proxima, quæ secundum se inducit ad peccatum, ut est profiteri ludum alearum, ad hujusmodi ludos, vel meretricium habere domum conductam, tenere ad suam dispositionem personam, cum qua peccatur, perseverare in colloquiis, aspectu, & familiaritate inhonestis, cum læminis, viris &c.

Alia verò, quæ per se ad peccatum non inducit, sed solum ratione talis personæ, quæ in illis taliter assuevit peccare, ita ut Confessarius prudenter animadvertat ex malo habitu non derelicturum peccatum, si perseveret in tali occasione. Hujusmodi sunt mercatura, militia, Chirurgia, medicina &c. Officium Judicis, Advocati, Procuratoris &c. Per plures similia rectissime exercentur; sed, aliis in peccato habituat, sunt occasio furtorum, injustitiarum, odiorum, fraudum, mendaciorum, perjuriorum, & similibus criminum.

5 Quæritur, *an absolvi possit, qui est in occasione proxima voluntaria peccandi mortaliter, antequam eam deserat, dum potest eam deserere?*

Resp. Negativè, contra Joann. Saneium asserentem posse absolvi ter, aut quater, antequam realiter occasionem deserat, vel concubinam expellat, dum-

modò habeat dolorem de peccatis, & firmum propositum expellendi; ratio est, quia indispositus est, propter defectum veri doloris, & propositi; cum impossibile sit, aliquem verè dolere, & habere voluntatem non peccandi, & peccatum velle; sed qui non deserit occasionem proximam peccandi, quam potest deserere, peccatum vult, quia cum veliet periculum proximum peccandi, peccat, juxta illud, *qui amat periculum, peribit in illo*; idè nec semel absolvi debet, antequam occasionem deserat. Vide dicta lib.1. cap.30. n.4.

6 Quæritur, *quomodo se gerere debeat Confessarius cum penitente, qui est in occasione proxima involuntaria peccandi, quam deserere non potest?*

Resp. Debet differre absolutionem, quoadusque videat certa signa veræ emendationis. Vide lib.1. cap.cit.

7 Sed quid, *si absolutio differri nequeat absque periculo notabilis infamiae, & scandali?*

Resp. Si periculum verum sit, reale, & non fictum, & cognoscatur penitens verè contritus, dispositus, & paratus acceptare rimedia proponenda à Confessario, & diligentiam adhibere ad superandum periculum proximum formale peccandi: debet ei ad hunc finem aptiora proponere, ex dicendis infra, & absolvere.

Hinc revocandum memoriæ ex dictis, occasionem proximam peccandi per hæc duo constitui, circumstantiam extrinsecam; & periculum formale proximum peccandi, ortum ab extrinseco, vel ab intrinseco, ut à propria fragilitate, vel ab habitu vitioso, quibus resistere cum Dei gratia homo potest; & idè in potestate libera ipsius est facere, quòd occasio non sit proxima, nimirum, si periculo proximo resistit, ipsumque conetur evertere; cui, si non resistit, occasio, quamvis ei voluntaria non sit, quo ad circumstantiam extrinsecam, quia v. g. non potest è domo ancillam eicere, est tamen

tamen voluntaria, quoad periculum proximum peccandi.

Hinc regula generalis est, quod, quotiescumque homo advertit in aliqua occasione esse periculum formale peccandi mortaliter, & transgrediendi præceptum, tenetur fugere periculum uno è duobus modis, vel deferendo occasionem externam, cum id est in sua potestate: vel, si non sit, dissolvendo periculum formale peccandi per actum à se cum Dei gratia elicitos, & media à Confessario imposita.

8 Sed quaeritur, *quanam sunt remedia à Confessario præscribenda penitenti, existenti in occasione proxima involuntaria peccandi, quibus possit periculum formale peccandi extenuare, evertere, & superare?*

Resp. Regulariter assignatur: ut non reperiatur solus cum sola in loco ullo, in quo haberet occasionem proximam tantum illicitorum: ut non ostendat ei reciprocantiam amoris: ut maximè detestetur peccatum: ut à Deo orationibus gratiam postulet pro victoria periculi: ut firmiter proponat periculum peccandi vitare, & occasionem deferere, cum poterit, & cessabit impotentia moralis: ut frequentet Conciones, & sæpius confiteatur eidem Confessario. Optimum est, cum aliqua penitentia præservativa adversus lapsus munire, ut optimè Quilici *Confess. manud. qu. 9. art. 1. num. 4.* & Cardenas loco cit. & nos diximus *lib. cit. n. 8.*

Et ex his constat filium familias, qui non potest ex domo expellere concubinam, debere extenuare periculum formale peccandi per media à Confessario injuncta. Quod, si hæc media non apponat, vel apponere nolit, ipse se exponit periculo formali peccandi, sicut se exponit, qui, cum possit, non vult occasionem externam deferere; nec debet absolvi, nisi ea remedia acceptet, & diligentiam adhibeat per ipsorum executionem ad extenuandum periculum formale.

9 Sed quid, *Petrus acceptavit remedia à Confessario proposita, sed sine fructu, nam semper in eadem peccata relabitur, & nulla in eo sequitur emendatio, petitur, an absolvi debeat, dum ad Confessionem redit?*

Resp. Negative: nisi actu occasionem tollat, vel emendatus accedat; ratio est, quia illa peccatorum frequentia sine ulla emendatione sufficienter demonstrat dolorem, & propositum non fuisse efficacem, sed fictitium, & non reale. Rotarius *app. Theol. par. 1. cap. 10. sect. 2. n. 6.* Campion. *instr. ad Confess. par. 1. cap. 11. nu. 30.* Contra Ant. à Sp. San. *traç. 5. de penit. disp. 12. & 13.* ubi legendus cautè, quia nimis laxè loquitur.

10 Sed quid, *si penitens repetat: Pater, si me non absolvas, scandalum imminet, nisi communicem: casus potest præsertim contingere in Moniali, quæ est in occasione proxima peccandi, vel cum devoto, aut cum amica religiosa?*

Resp. Lugo apud Rotarium censet absolvendam esse, durante eodem periculo damni, infamiae, & scandalii. Sed hæc sententia in praxi satis periculosa reputatur, & apta ad fovenda peccata.

Alii dixerunt, posse penitentem in eo casu elicere actum contritionis perfectæ, & cum ea communicare, quasi non haberet copiam Confessoris. Campionus *par. 2. cap. 67. num. 58.* Et quamvis prudenter loquatur cum restrictione, si cognoscat coram Deo habere propositum efficacem vitandi peccatum, vel relinquendo occasionem proximam extrinsecam, vel extenuando periculum proximum peccandi per executionem receptorum remediorum. Tamen istud etiam penitentibus significare periculosum existimo; nam occasione præbet existentibus in occasionibus proximis peccandi, sæpè sacrilegè accedendi ad Sacram Communionem: sic discurrere possent: *scio me dolere de peccatis*

catis commissis, & propositum habere non peccandi, ac posse cum isto dolore, & proposito ad scandalum vitandum communicare (nam rector, quasi sine destitutus copia Confessoris) idcirco, si me non absolvas, adhuc communicabo. Quis non videat periculum semel, & iterum communicandi sacrilegè, & quod plures fingentes propositum habere, semper inconfessi communicent, & nunquam occasionem dimittant. Verum huic copia Confessoris deesse non præsumitur; nam tunc deesse dicitur, cum vel nullus est præsens, vel est solum Sacerdos non approbatus, vel, qui non vult absolvere: non verò, cum approbatus propter penitentis indispositionem absolvere nequit. Si sequatur scandalum, si non communicet, sibi imputet: excusationes familiares volentibus peccare.

Ideo, si nulla in eo emendatio appareat, absolvi non debet, sed differenda absolutio, quoadusque emendationem competentem afferat per executionem remediorum, habilius ad vincendum periculum proximum peccandi.

Curet ergo Confessarius Monialem instruere: nullum damnum æquiparari posse damno animæ, & nihil magis infamæ, quàm esse turpe coram Deo: & se alia vice non esse concessurum, etiam in ea circumstantia scandali, absolutionem (suppono, quod aliàs non sit confessa, & non promiserit occasionem tollere) nisi se corrigat, ut hinc animetur, postposito quocumque humano respectu, ad rescindendam occasionem.

Quæ diximus præcandanda esse cum constituto in occasione proxima peccandi, extendi debent ad consuetudinarium, qui absolvi non debet, nisi curet tollere habitum; & cum obligato ad restitutionem, cui beneficium absolutionis impendendum non est, nisi restituat.

II Sed quaeritur, an absolvi possit semel, aut bis ille, qui retinet rem a-

lienam, dum habet propositum restituendi?

Resp. Si potest restituere, & ex avaritia, vehementer sit pecuniæ non restituit, absolvi non potest ante actualem restitutionem, quia in tali casu illa retentio, cum illo inordinato appetitu pecuniarum, stat loco occasionis proximæ; & quamvis ostendat propositum, est tamen in periculo formali illud infringendi. Quilici *qu.un. Miscell. num.8.* Idem præcandandum cum eo, qui semel, & iterum, promisit restituere, & semper neglexit exequi, quia & is reputatur non habere propositum efficax restituendi. Si verò potens restituere, ex quadam negligentia restituere omisit, potest semel, aut bis absolvi. Quilici *cit.* Quod intelligo, si res sit minima, & facilis restitutionis, ac penitens fide dignus: non verò, si res sit notabilis, & summa gravis, quia semper erit penitenti solutio difficilis, ac grave, se illa re, & commodo privare.

12 Sed quaeritur, an absolvendus sit moribundus, qui potest statim restituere, & illam faciendam vult heredibus demandare?

Resp. Negativè; nam differenda non est restitutio, sed statim ac possumus, tenemur, quia necuno momento possumus voluntariè aliena retinere, invito domino. Quilici *qu.1. art.2. num.15.* Præceptum enim restituendi continet istud negativum, *ne retineas*, quod obligat pro semper per dicta *cap.22. num.4.*

13 Quaeritur, accedit Monialis existens in occasione proxima peccandi cum suo devoto per tactus inhonestos, quam Confessarius non vult absolvere, nisi occasionem dimittat, respondit eam deferere non posse; ne in eius dimissione omittat aliquod notabile commodum, & lucrum temporale: petitur, an hæc sit causa sufficiens ad retinendam eam occasionem, & absolvi possit?

Resp. Negativè: deciditur manifestè in

in Decreto Innoc. damnantis prop. 62. quæ dixit: *proxima occasio peccandi non est fugienda, quando causa aliqua utilis, aut honesta non fugiendi occurrit.*

Hinc observa. I. Quod sola, impotentia physica, vel moralis deferendi occasionem proximam extrinsecam, est sufficiens causa excusans ab ea repellenda, quia hæc facit eam involuntariam: & non sufficit sola causa utilis, ut ex damnatione patet.

II. Quod impossibilitas physica est in iis, qui non sunt sui juris: peccat Frater cum propria Sore, & cum ancilla Patris, dicitur habere impotentiam physicam ad deferendam occasionem proximam, quia in ejus potestate non est Sororem, vel ancillam à Domo depellere. Impossibilitas verò moralis habetur, cum occasio extrinseca dimitti non potest sine gravi, & reali scandalo, atque infamia.

III. Quod nulla omnino causa est sufficiens ad excusandum, ut quis non teneatur avertere periculum proximum peccandi lathaliter, quia in potestate Hominis, Deo auxiliante, semper est adhibere media, per quæ extenuetur tale periculum, ergo quamvis filius familias v.g. non possit occasionem proximam extrinsecam depellere, tenetur ad ea media, quibus extenuet periculum proximum peccandi, juxta dicta supra: semper enim tenemur hujusmodi periculum fugere.

14 Sed quæritur, *Petrus occasionem proximam v.g. concubinam deferens, amissurus est mille aureos, petitur, an ista reputetur causa sufficiens ad illam non dimittendam?*

Resp. Post Joannem Sancierum, Leandrum à Santissimo Sacramento, apud Cardenas cit. cap. 7. art. 2. num. 1. 6. & Palaum affirmavit Antonium à Spiritu Sancto scilicet. 11. num. 159. Contra quos fanè clamat Decretum Innocentii; nam præacta causa est utilis; & quemadmodum non licet ad recuperandos mille au-

reos se exponere Leoni sævienti, & periculo mortis, ita nec propter eos recuperandos licet se exponere periculo proximo peccandi, cum major in nobis sit obligatio fugiendi periculum proximum peccandi mortaliter, quam illud incurrendi mortem corporalem; ex quo pejus, & infelicius sit incidere in mortem spiritualem animæ, quam in mortem temporalem corporis.

15 Quæritur, *an Confessarius possit permittere Pœnitenti, qui Concubinam dimisit, ut ejus Domum accedat ad visitandos filios, quos ex ea genuit?*

Resp. Negative, propter periculum peccandi factò, verbo, vel delectatione, ex Clericato Felix tom. 1. examen num. 3664. Cui tamen in casu necessitatis, & cum viris probis accessum permittunt sed, videtur si laxus.

16 Quæritur, *an possit absolvi pœnitens, qui ex rationabili causa domi retinet mulierem, cum qua solum quater in anno peccat?*

Resp. Affirmant Navarrus, Grassius, & Bonac. de Matrim. quæst. 4. punct. 14. num. 12. & 17. Et probant, ex quo non dicatur esse in occasione proxima peccandi; cum occasio proxima illa sit, quæ semper, vel ferè semper ad peccatum inducit; modò habeat firmum propositum non peccandi in futurum, & fiduciam, auxilio Dei nitam, non relabendi, & causam justam ipsam retinendi.

17 Sed crediderim videndum esse, an aliàs super eo fuerit Confessus; & dum affirmat, absolvendus non est, quia fructus propositi non apparet. Maximè, quia non potest Confessarius absolvere pœnitentem, dum prudenter timet de veritate, & efficacia propositi; sed in casu debet prudenter timere, quia, si verum, & firmum propositum haberet, mulierem illam depelleret, cum qua à pluribus annis experitur peccare. Nec causa adducta eum excusat ad nondimittendum: obstat enim damnatio prop.

prop. 61. & urget periculum, quod occasio, quæ est remota, in proximam, propter circumstantiam simultaneæ cohabitationis transeat. Quod est à Confessario verifimiliter præsumendum, & proponendum penitenti illud vulgatum: mus in pera, ignis in sinu, serpens in gremio, male suos remunerant Hospites. Cap. Sijudaos de Juda. & Saracen.

18 *Quæritur, an possit absolvi penitens, qui exercet artem per se licitam, ut negotiationem, militiam, & similes, quæ est illi occasio peccati, furti nimium iniustitiæ, odii, calumnie, detractionis, fraudum, mendaciorum, perjuriorum, & similibus?*

Resp. Affirmat Antonius à Spiritu Sancto *sect. 10. num. 143.* Sum. Leander. *ver. occasio num. 18.* ratio est, quia, quod ei sit occasio proxima peccandi, est per accidens, non ratione artis, quæ ex se non inducit ad peccatum, cum à pluribus exercetur rectissime, sed ratione talis personæ, & in peccatis habituatæ, juxta dicta supra à *nu. 4.* Sed propter hoc ipsum absolvi non potest; nam dum Confessarius considerat, quod exercens artem, vel Officium, propter habitum pravum, non sit peccatum derelicturus, sed in idem relapsurus, si in Officio perseveret, & exercitium non deserat, nequit prudenter judicare eum habere firmum propositum non peccandi in futurum (quod ad validam, & licitam absolutionem est necessarium) ergo nec debet absolvere, antequam exercitium deserat, vel debet absolutionem differre, quoad usque ipsum experiatur notabiliter, aut competenter emendatum.

Ex his manifestum est, quomodo Confessarius se gerere debeat, etiam cum Medico, & Chirurgo, quibus propria ars est occasio peccati, quatenus in medicandis partibus occultis fæminarum experiuntur voluntarias pollutiones; & cum Sacerdote, qui in audiendis Confessionibus mulierum frequenter experitur delectationes morosas, & volunta-

rias mollities; quibus omnibus est differenda absolutio, & experiendi in proposito. Et quando dilatio non proficiat: absolvendi non sunt, nisi realiter, & cum effectu propria minifteria deserant. Quod extenditur, etiam ad famulos mulierum pulchrarum, experientes propter familiaritatem cum eis frequenter consentire in delectationes morosas, impura desideria, & voluntarias impuritates.

19 *Quæritur, an absolvi possit, qui conduxit, & tenet domum ad ludum?*

Resp. Vel Domus est talis conditionis, ut in ea ludis prohibitis non ludatur, & ad ludendum recipiantur solum viri honesti, prudentes, habiles ad ludendum, & qui ludunt causa recreationis, ad vitandum otium, & sine periculo, ut pruriant in blasphemias, juramenta, & rixas, & quin fraudes, & furta in ludendo committant; vel talis, ut in ea indifferenter admittantur omnes, tam illi, quam viri perditii, vagabundi, pauperes, infimæ plebis, & qui ludere solent, cum irreverentia Dei, blasphemando, pejurando, omittendo Missam, solutionem debitorum, sustentationem familiæ, exponendo se, Uxorem, & Filios periculo peccandi mortaliter: si hujus generis sit, certè absolvendus non est, nisi domum dimittat, vel ipsam cesset aperire, cum sit in malo statu, concurrendo ad peccata ludentium, quorum ipse causa moralis reputatur.

Idem dicitur de subministrante charitas, Mensam, &c. ludis prohibitis, & deludentibus, qui vel ludis prohibitis ludunt, vel nonnisi cum periculo enunciatorum malorum, qui absolvendi non sunt, nisi cessent: sed opus est experimento per aliquod dies. Tambur. in *Decalog. lib. 8. tract. 2. cap. 9. num. 31.* De la Cruz 7. *præcept.*

20 *Quæritur, quare illicitum sit querere directè occasionem proximam peccandi?*

Resp.

Resp. Quia id ab Innoc. cum *prop. 63.* proſcribitur. Ratio autem eſſe poteſt, quia quæſere directè occaſionem proximam peccandi, eſt velle directè peccandi periculum: velle autem periculum proximum peccandi, eſt velle peccatum, quia in *moralibus idem eſt, ſe exponere periculo proximo peccandi, ac peccare*. Peccatum autem nullus poteſt velle; nam eligibile non eſt propter ulum bonum temporale, proprium, ſive ſpirituale alterius; nam rectus rerum ordo expoſcit, & recta ratio dicat, ac ordo charitatis exigit, ut bonum ſpirituale animæ proprie præferatur cuicumque bono temporali proprio, & etiam ſpirituale alterius.

21 Sed quæritur, *an exponens ſe voluntariè occaſioni proximæ peccandi id aperire debeat in Confeſſione, quando in ea conſtitutus, nec cogitatione, nec opere, aut verbo peccat?*

Resp. Affirmativè, quia exponere ſe voluntariè occaſioni proximæ peccandi, peccatum eſt, & intrinſecè malum; nam eſt velle peccatum; cùm neceſſe ſit, quòd velit effectum, qui vult cauſam, ad quam ille ſequitur, quamvis hic, & tunc per accidens non ſequatur: & propterea peccat peccato ejuſdem ſpeciei cum peccato, cujuſ occaſioni ſe exponit, quod eſt in Confeſſione explicandum. Qui ſe exponit occaſioni proximæ perdendi fidem, peccat contra fidem; & contra caſtitaſtem, qui exponit ſe occaſioni proximæ violandi caſtitaſtem, ſive per actum externum pollutionis, fornicationis, &c. ſive per internum delectationis moroſæ, & deſiderii impuri, quamvis in ea conſtitutus, nil deſideraverit, ſibi non complacuerit, & nil egerit.

Quod eſt à Confeſſariis ponderandum, ut interrogent, maximè rudes, qui in rebus veneris ſolent ſolùm ſe accuſare de actu conſummato peccati, interno, vel externo; quinimmo plures, nec de interno ſe accuſant, putan-

tes conſenſum non præbere, niſi, dum in externum prorumpunt. Vide *ciſ. cap. 30. lib. 1.*

CAPUT XXXIX.

Prop. LXIV. & LXV. ab Innoc. XI. &c.

Mysteria Fide Divina credenda.

1 **P**ROP. 64. *Absolutionis capax eſt Homo, quantumvis laboret ignorantia Myſteriorum Fidei, & etiamſi per negligentiam, etiam culpabilem, neſciat Myſterium Trinitatis, & Incarnationis Domini Noſtri Jeſu Chriſti.*

PROP. 65. *Sufficit illa Myſteria ſemel credidiſſe.*

De hac materia egimus, etiam *cap. 14.* quibuſhïc alia plura ad uberiorem Confeſſarii inſtructionem addimus. Sed.

2 Notetur, quòd duplex eſt ignorantia: una *invincibilis*, quæ etiam inculpata dicitur; & *vincibilis* alia, quæ culpabilis nominatur. Prima, eſt negatio cognitionis, quæ moraliter vinci, & expelli non poteſt. Hæc contingit, cum nulla præceſſit cognitio, aut dubietas de obligatione, vel exiſtentia legis, & præcepti, qua poſſit quis excitari, & moveri ad inquirendam legis, & obligationis notitiam; vel, ſi dubium oritur, adhibet moralem diligentiam, & facit, quod poteſt, ut notitiam acquirat, ſed non adipiſcitur. Exemplum: lego Librum Hæretici, ſed ipſum eſſe Hæretici non cognovi, nec audivi; & dum dubito, interrogo virum doctum, & fide dignum, ut ſciam, & accipio non eſſe, cum ſit.

Secunda, eſt negatio cognitionis, quæ vinci, & expelli moraliter poteſt. Hæc habetur, cùm dubitans de obligatione legis, ad inquirendum de veritate moralem diligentiam, quam hic, & nunc poteſt, & debet, non adhibet: quæ propterea dicitur etiam voluntaria, & libera.

3 Hæc item est duplex, *crassa*, seu *supina*, & *affectata*: *crassa* in eo est, qui negligens est ad eam repellendam: v.g. dubito, an liber sit Hæretici, & non interrogo peritos, quia mihi laboriosum videtur. Hæc dicitur voluntaria indirecte, in negligentia inquirendi. *Affectata* est, cum quis data opera, & ex proposito non vult veritatem indagare, ut liberius operetur, & peccet: dubito librum esse Hæretici, ex proposito non interrogo doctos, ne de veritate instruar, ut liberior illum legam. Hæc est directe voluntaria, quia directe est in se volita; nam, ut liberius legam, volo ignorantiam.

4 Item, ignorantia alia est *antecedens*, alia *concomitans*, & alia *consequens*. *Antecedens* est negatio cognitionis, ob quam factio, quæ, si adesset cognitio, non fieret. Hanc habeo, dum lego Librum, quem non legerem, si scirem esse Hæretici; vel, non legerem, si scirem penam excommunicationis impositam esse legenti Hæreticorum Libros. Et propterea hæc ignorantia dicitur causa actus.

5 *Concomitans*, est negatio cognitionis, quæ licet non adesset, sed cognitio haberetur, adhuc fieret actio. Habetur, dum lego Librum, ignorans esse prohibitum, quem adhuc legerem, quamvis id scirem.

6 *Consequens*, est illa, quam quis intendit, & vult, quam posset non habere, si vellet: coincidit cum *crassa*, & *affectata*.

Authores primæ propositionis censent esse capacem absolutionis cum, in quo est ignorantia Mysteriorum fidei, si ve invincibilis, si ve vincibilis, prout prima ipsius pars significat: *quantumvis Homo laboret ignorantia Mysteriorum fidei*. Ubi videtur abstrahere ab ignorantia invincibili, & vincibili. Sed in secunda parte per clausulam, & *etiam si per negligentiam*, &c. specificatur magis ignorantia vincibilis, & cul-

pabilis, horum duorum Mysteriorum, Sanctissimæ Trinitatis, & Incarnationis. Sed quoad utramque ab Innoc. reprobat.

Capite *cit.num.3.* diximus, quid sit credere explicitè, & implicitè: *num.4.* quid sit aliquod esse necessarium necessitate mediæ, & necessitate præcepti; & *num.5.* videas, necessitate mediæ esse explicitè credenda hæc mysteria. I. *Deum existere*. II. *Esse remuneratorem supernaturalem*, conferentem præmia celestis gloriæ decedentibus in gratia, & supplicia æternæ pænæ morientibus in mortali. III. *Mysterium Trinitatis*, quod consistit in unitate Naturæ Divinæ, & Trinitate personarum. Quorum prima est Pater, secunda Filius, tertia Spiritus Sanctus: & omnes tres sunt unus Deus. IV. *Mysterium Incarnationis*, hoc est, solum Filium Dei esse Incarnatum in utero B.M. Virginis. V. *Mysterium Redemptionis*, hoc est, Christum natum ex Maria Virgine, passum, & mortuum esse pro nobis, ac resurrexisse, sed videatur *loc.cit.*

8 Sed quaeritur, an ad justificationem necesse sit necessitate mediæ explicitè credere Christum esse verum Deum, & hominem?

Resp. Affirmativè, juxta dicta alleg. *cap.num.5.* & Poncium *disput.29.qu.2.num.15.* asserentem commune esse, fidem explicitam Christi sub eo conceptu, post ipsum natum, & promulgatum Evangelium, esse necessariam necessitate mediæ ad justificationem. De quo certè Apostoli instruebant homines, dum prædicabant Christum: ut nimirum crederent ipsum esse verum Deum, & hominem, & quod genus humanum sua passione, & morte redemerit, ac postea resurrexerit, &c.

9 Quaeritur, quid agendum Confessario, qui vocatus ad excipiendam confessionem hominis rustici moribundi, præsumit eum esse ignarum horum Mysteriorum, & quia summè gravatus in-

firmi-

firmitate, non poteſt ſe certificare, an notitia talium myſteriorum habeat, & infirmus non poteſt habere attentionem ſufficientem, ut inſtruat?

Reſp. Quia in caſu non eſt certus illum eſſe indiſpoſitum, ſed ſolùm dubitat, an ea myſteria ignoret, debet ipſum abſolvere ſub conditione, *ſi eſ capax*; ratio eſt, quia in dubio tutior pars pro ſalute aeterna moribundi eligenda eſt; maximè, quia ex adjecta conditione vitatur irreverentia Sacramenti, quod inſtitutum eſt ad ſalutem hominis viatoris. Cardenas diſſert. 41. cap. 3. num. 15.

10 Sed quid, *ſi certus eſſet ruſticum moribundum, qui contritionis ſigna edidit, & Confeſſionem poſtulavit, ignorare myſteria Trinitatis, vel Incarnationis, quem propter anguſtias morbi non poteſt inſtruere?*

Reſp. Cardenas ibid. num. 18. dixit debere abſolvere, ſaltem ſub conditione; & ex eo movetur, quia non eſt certum illum eſſe indiſpoſitum; cùm ſit probabile apud Suarez, & alios, quos allegat capit. 1. numer. 6. fidem explicitam eorum myſteriorum, quæ per ſe, & in re, neceſſaria eſt neceſſitate mediæ ad juſtificationem, per acciſdens, in caſu nimirum ignorantia invincibilis, poſſe ſufficere in voto: ergo eſt dubium: ergo abſolvendus eſt: quia in incertitudine tutior pars eſt eligenda, favens moribundo.

Reſolutionem tamen non approbamus, & credimus comprehendere ſub damnatione Innocentii; quia Innocentius damnat propoſitionem aſſerentem eſſe abſolutionis capacem, qui ignorat myſteria fidei, ſed id aſſerit data reſponſio, ergo, &c.

11 Quare, dicimus nullum adultum poſſe juſtificari, & ſalvari ſine actuali fide explicita exiſtentia Dei: & Dei remuneratoris: ac Myſterii Trinitatis, & Incarnationis, credendum. *Matthæucci Cautela Confeſſi.*

do ſolùm Filium Dei incarnatum fuiſſe: & Redemptionis, credendo Chriſtum eſſe verum Deum, & hominem, ipſius Paſſionem, Mortem, & Reſurrectionem juxta dicta loc. cit. Quibus, ad neceſſitatem credendi explicitè in Chriſtum magis firmandam, addo teſtimonium Aſcor. 16. *Quid me oportet facere, ut ſalvus ſiam: & illi dixerunt, crede in Dominum Jeſum, & ſalvus eris*; ad Galat. 2. *ſcientes, quod non juſtificatur homo, niſi per fidem Jeſu Chriſti, & nos in Chriſto Jeſu credimus, ut juſtificemur ex fide Chriſti.*

Hinc eſt certum, quòd ignorans, etiam invincibiliter, myſteria, vel omnia, vel unum ex neceſſariis neceſſitate mediæ ad juſtificationem, eſt incapax abſolutionis; atque adeò mortaliter peccat pœnitens, ſic ignarus petens abſolutionem, dum ſuam ignorantiam advertit (licet, cùm id cognoviſſet, non ſit invincibiliter ignarus) & Confeſſarius ſcienter eum abſolvens.

12 Propterea Parochi, & Confeſſarii toti ſint in inſtruendis rudibus pœnitentibus, quòd ſine actuali fide explicita præſatorum myſteriorum ſalvari, nec juſtificari poſſunt; & quod præterea neceſſitate præcepti tenentur, ſaltem quoad ſubſtantiam, credere, & ſcire ea, de quibus diximus cap. cit. num. 11.

13 Doceant pariter eos teneri ſcire Orationem Dominicam, & quinque præcepta Eccleſiæ. Super quo obſervabis decretum, editum in Prætorio SS. Inquiſitionis de anno 1636. Quæ interrogata; *utrum Miſſionarii, novis Chriſtianis Sinenſibus, quamprimum baptizantur, debeant intinquare juſ poſitivum, tamquam obligatorium, ſub mortali, quantum ad jejunia, ſiſta ſervare, & conſiteri ſemel in anno, ac communicare?* Reſpondit: *juſ poſitivum Eccleſiaſticum,*

Kk cum,

cum, quoad ieiunia, observationem festorum, Sacramentalem Confessionem, & Communionem semel in anno, esse à Missionariis notificandum Sinensibus Christianis, ut obligatorium sub peccato mortali: posse tamen simul explicare causas, propter quas excusantur.

14 Quantum ad prop. 65. possunt videri dicta lib.1. cap.1. & hic cap.11. num.3. & ea Confessarius cum pœnitentibus ad praxim deducat, totusque sit in eis monendis ad eliciendum actum explicitum circa hæc mysteria Incarnationis, & Trinitatis, ac alia necessaria necessitate medii: si non frequentius, ad minus semel in mense: vel, ut minimum, sexies in anno. Nam, cum sint omnia suo ordine credenda, & ista sint principaliora nostræ fidei mysteria, sine quorum explicita fide actuali non possunt adulti fideles justificari, & salvari, necesse est, ut explicitè credantur, quando & pro tempore, pro quo per se obligat præceptum fidei, ad actum fidei eliciendum.

Et pro iisdem temporibus, pro quibus tenentur præfata mysteria credere, tenentur per se, etiam ex præcepto Ecclesiæ, credere, & recitare Symbolum Apostolorum, in quo nostræ fidei mysteria continentur. Campion. p.2. cap.1. num.19.

15 Quoniam verò ad eliciendum actum fidei non sufficit credere mysteria à Deo revelata, juxta notata supra cap.15. per totum, sed necesse est, ut ea credantur ex motivo formali fidei divinæ, sub ista nimirum ratione, & causali, quia Deus summè verax revelavit, Ecclesiæ Catholica. Ideò curabit Confessor rudem pœnitentem monere de modo eliciendi actum fidei ex illo motivo, vel cum illa causali: tradendo formulam: *firmissime credo, Deum esse Trinum, & unum, quia Deus summè verax revelavit,*

Ecclesiæ Catholica, & hac nobis id proponit credendum.

16 Attendant itaque Confessariionus, quod in excipiendis confessionibus assumunt. Intelligentque unumquemque teneri ea scire, quæ ad proprium Officium exequendum sunt necessaria; adeòut peccent gravissimè propter omissionem, vel negligentiam addiscendi. Et maximè, dum ex non recta muneris administratione notabile damnum imminet iis, apud quos tale officium exercent.

Proprio itaque satisfaciant debito. Et in difficillimis, dum, vel ignorant, vel dubitant, consulant Doctores, & ne in reddendis responsis errent, utantur cautela, qua ipse Bartholus est usus. *Qui consultus in mane, respondebat in vespere: & consultus in vespere, respondebat in mane.*

17 Pœnitentes quoque de rebus fidei erudiant, & de spectantibus ad Christianam Doctrinam interrogent; ut pœnitentes Confessiones cum fructu frequentent, & ipsi cum merito audiant. Quibus proinde propono statuta in Conc. V. Mediolanen. part. 1. Actor. Eccles. Mediolanen. tit. quo ad prædicat. verbi Dei: ubi hæc sunt. *Ad salutem, cum omnibus fidelibus necessarium sit christiana fidei rudimenta scire, omnibus, singulisque animarum Curatoribus, & ceteris Confessariis, sive Secularibus, sive Regularibus in virtute sancta obedientia id precipimus, ut faciant, antequam confessiones audiant, Orationem Dominicam, Angelicam salutationem, Symbolum fidei, & decem præcepta Dei, quæ in Decalogo continentur, ut pœnitentes recitent, ac ipsis audientibus referant.*

Quarum rerum, si quos ignaros, rudesque offenderint; hanc eorum spirituales sollicitudinem acriter reprehendant, ostendantque, quomodo

*gravis esse debeat illorum conscientia
ignoratio rerum ad salutem, qua
tantoperò necessaria sunt.*

*Cum autem eos absolvant præter
alias penitencias, id etiam impo-
nant, ut quatuor hæc saltem potif-
fima doctrina christiana capita in
posterum accuratè ediscant, certò il-
lis pro arbitrarij suo præfinito con-
gruo tempore.*

*Quod tamen, ob necessariam
aliquam causam, semel, aut
ad summum iterum, prorogari
liceat. Eo tamen temporis spa-
tio confecto, si eadem adhuc
illos ignorare viderint, tunc
ne illorum confessiones audiant.
Alia videas supra capis. decimo-
quarto. Et de secundo libro sint sa-
tis dicta.*



LIBER TERTIUS

CONTINENS PROPOSITIONES


AB ALEXANDRO VIII.

PROSCRIPTAS.

Relatis ab Alex. VII. & Innoc. XI. circumscriptis propositionibus, alias duas ab Alex. VIII. *sub die 24. Augusti de Anno 1690.* aboletas, doctrinam morum tangentes, subnectimus; quarum notitiam pro praxi, Confessario necessariam, hic reddimus.

CAPUT I.

Prop. I. ab Alex. VIII. &c.
Amor Dei.

1  **ROP.** 1. Bonitas objectiva consistit in convenientia cum natura rationali; formalis verò, in conformitate actus cum regula morum. Ad hoc sufficit, ut actus moralis tendat in finem ultimum interpretativè. HUNC HOMO non tenetur amare neque in principio, neque in decursu vite sue moralis.

2 Videtur esse commune inter DD. bonitatem objectivam actus moralis consistere in convenientia objecti cum natura rationali; & formalem, in conformitate actus cum regula morum; adeò ut actus ille sit moraliter bonus ex objecto, qui tendit in objectum, quò honestum est, & rectæ rationi conforme, ut est: *parentibus, obedire, non occidere, non mentiri, temperatè vivere, &c.* Verùm, quia objectum non transfundit in actum bonitatem, vel malitiam, nisi cognoscatur, & bonitas voluntati proponatur, ideò.

3 Nota. I. duplicem regulam morum statui, aliam proximam, remotam alteram: Remota est ipsa lex, sive naturalis, sive positiva divina, vel humana, Ecclesiastica, seu civilis. Proxima verò est conscientia, seu iudicium intellectus dictans hic, & nunc hoc esse bonum, vel malum; cui, si voluntas se conformat, actus est moraliter bonus, & si desineat, est malus.

4 Nota. II. Quòd, ut actus sit moraliter bonus, non debet objectum, aliàs in se bonum, affici circumstantia mala; propter quod subventio pauperis ex re aliena, non est bona, sed mala.

5 Nota. III. Posse contingere objectum esse in se malum, & actum esse bonum: ut, si quis ignorantia invincibili putaret licitum esse die Festo sacrum omittere, omittendo, non peccaret: licet omisso in se esset mala; quemadmodum, si quis, inculcata ignorantia, credat peccatum esse audire Sacrum die Festo, audiendo peccat, licet objectum in se sit bonum. Ratio est, quia actus non specificatur ab objecto, ut est in se, sed, ut à dictamine conscientie voluntati proponitur. Et hinc semper debet esse conformis suæ regulæ proximæ. Vide *lib. 1. cap. 20.*

6 Nota.

6 Nota IV. De necessitate ad actum, ut sit bonus moraliter, dignus nimirum laude, vel præmio, requiri, ut sit conformis regulæ proximæ, & ab ea regulatus.

Propositio quoad istam partem. *Hunc homo non tenetur amare, neque in principio, neque in decursu vite sue mortalis*, est hæretica, utpotè contra expressa testimonia Scripturæ, quæ obligationem amandi Deum ostendunt.

Quamvis *lib. 2. cap. 5.* plura dixerimus, quæ Dei dilectionem tangunt; & *lib. 1. cap. 1.* tempus notaverimus implendæ obligationis per se amandi Deum, nihilominus alia quadam, quæ ad idem spectant, hic non inutiliter putamus esse tangenda.

7 Quæritur, *penitens, lecto decreto Alex. intelligit propositionem, quoad eam partem. Hunc, &c. ut hæreticam, esse damnatam, petit proinde instrui, in quonam Scripturæ textu obligatio diligendi Deum contineatur?*

Resp. Si loquamur de obligatione diligendi Deum amore charitatis. *Matth. 22. diliges Dominum Deum tuum ex toto corde tuo, in tota anima tua, & in tota mente tua: hoc est maximum, & primum mandatum.* *Joan. 15. Christus Dominus dixit: manete in dilectione mea.* *Ecclesiast. 7. in omni virtute tua dilige eum, qui te fecit.* *Deuter. 10. ama itaque Dominum Deum tuum, & observa præcepta eius.* Si verò sermo sit de obligatione diligendi ipsum amore Spei: *Ecclesiast. 2. crede Deo, & recuperabit te. & dirige viam tuam. & spera in illum, qui timebis Dominum, sperate in illum;* vide *Lauream 4. de spe, & charit. disput. 4. art. 4. a num. 184.* Est communis sensus Ecclesiæ, & de fide, dari præceptum credendi; sperandi, & diligendi Deum super omnia.

8 Sed quæritur, *quomodo differant amor charitatis, & spei.*

Resp. Quamvis ambo Deum respiciant, quia uterque est Amor Dei; tamen

Matthæucci Cautela Confess.

differunt ex hoc; quod ille Charitatis Deum respicit, quia in se bonum, seu, quia est summum bonum, propter se diligendum: & ideo dicitur amicitia; ille verò Spei, in Deum tendit, quia Omnipotens, & Misericors est, a quo beatitudinem expectamus juxta dicta *lib. 1. cap. cit.*

Beatitudinem per spem concupiscimus nobis, non ut fini, sed ut subjecto, ipsa perficiendo: & hinc amor Spei dicitur concupiscentiæ. Duas rationes cognoscit fides supernaturalis in Deo, easque voluntati proponit; unam, quod Deus sit in se infinite bonus, propter se diligendus; & aliam, quod sit bonus nobis, per æternam beatitudinem, visionis, & fruitionis: utraque debet relucere in intellectu amantis: sed prima movet ad actum Charitatis, secunda, ad actum Spei.

9 Nec Deus potest amore Charitatis supernaturalis amari, quin prius per fidem supernaturalem cognoscatur, quod sit in se infinite bonus, propter se amandus: nec amore Spei, quin fides ipsa voluntati ostendat, ipsum esse bonum nobis per beatitudinem æternam; quia fides est supernaturalitatis initium, fundamentum humanæ salutis, ac omnis justificationis radix, ut loquitur *Trid. sess. 6. cap. 8. de justificat.* Et nos diximus *lib. 2. cap. 34. num. 10.* Lege *Const. Innoc. XII. Cum alias* editam contra errores Archiepiscopi Cameracensis; cuius notitia satis est utilis, pro praxi à Directoribus tenenda cum profitentibus vitam spirituales.

10 An autem Deus sit amandus super omnia intensivè, vel appetitivè? recurras ad *cap. 5. cit. nu. 5.* Et addas, Deum esse omnibus rebus anteponendum, non sola mentis æstimatione, sed etiam voluntatis affectu, vincendo cujuslibet rei creatæ amorem, qui illum Dei impediret, juxta illud *diligas Dominum Deum tuum, &c.*

CAPUT II.

*Prop. II. ab Alex.VIII. &c.
Peccatum philosophicum.*

PROP.2. *Peccatum philosophicum, seu morale, est actus humanus disconveniens naturæ rationali, & re-
flectenti rationi. Theologicum verò, &
mortale, est transgressio libera divini
legis; philosophicum, quantumvis
grave in illo, qui Deum, vel ignorat,
vel de Deo actu non cogitat, est grave
peccatum, sed non est offensa Dei, neque
peccatum mortale, dissolvens amicitiam
Dei, neque aterna pena dignum.*

Libro I. cap. 17. num. 2. & 3. definitio-
nem, & divisionem peccati dedimus, &
alia plura fuerunt pro praxi Confessarii
proposita, quem propterea ea legere non
pigeat.

2 Authores propositionis, quicum-
que sint, videntur loqui de peccato philo-
sophico, & Theologico, ac si essent
duo peccata practice divisa, sic, ut il-
lud ipsum peccatum, quod est philoso-
phicum, non sit etiam Theologicum; &
quod Deum non offendat, qui de ipso
actu non cogitat, vel ipsum ignorat
(quod ipsi supponunt contingere posse)
quamvis grave peccatum philosophi-
cum committat. Contra quos plura da-
bimus adnotata, & resoluta.

Interim observa, quod lex æterna
Dei, quam loc. cit. c. 21. nu. 2. & 3. de-
scripsimus, nobis innotescit, & intima-
tur independentè à divina revelatione,
& extrinseca libera promulgatione, sed
per lumen naturale, &, dum usum
rationis accipimus, nobis notificatur;
cùm statim cognoscamus, quæ habent
convenientiam, aut disconvenientiam
cum ratione, & natura rationali; ad
quæ ex natura rei obligamur independ-
entè à lege positiva. A quo tempore
lex naturalis nos incipit obligare, quia
tunc eam legem discernimus, adeoque

inter bonum, & malum. Et inde fit,
quod si non supervenisset lex positiva
externa Dei per revelationem, & locu-
tionem liberam, in tempore factam
Moysi in revelatione Decalogi, prohi-
bentis homicidium, furtum, &c. & præ-
cipientis Dei cultum, &c. adhuc obli-
gati essemus ad non occidendum, non
furandum, &c. & Deum colendum, di-
ligendum, &c. Quia huiusmodi locutio,
& revelatio in tempore, aliud non ope-
ratur, quàm facere externam legem il-
lam æternam.

3 Quod ea lex sit naturaliter nobis
per lumen rationis promulgata, inde-
pendenter ab omni promulgatione libe-
ra externa, patet. Tum ratione: ex quo
nimirum lex naturalis sic dicatur, quia
vim obligandi habet independentè à
lege omni externa positiva: tum autho-
ritate Scripturæ: maximè ex illis Psalmi
4. *Signatum est super nos lumen vultus
tui, Domine:* & ex aliis Pauli ad Rom.
2. *Ubi Gentes, quæ legem non habent,
naturaliter ea, quæ legis sunt, faciunt:
eiusmodi legem non habentes, ipsi sibi
sunt lex, qui ostendunt opus legis scri-
ptum in cordibus suis.* Et August. lib. 2.
Confess. cap. 4. *Furtum certè, inquit,
punitur tua, Domine, & lex scripta
in cordibus hominum, quam, ne ipsa
quidem delet iniquitas.*

4 Pondera etiam, non posse in praxi
dari ignorantiam invincibilem Dei; nam
Dei existentia est naturaliter ex effecti-
bus cognoscibilis, juxta illud Apostoli
ad Rom. 1. *Invisibilia enim ipsius à crea-
tura mundi, per ea, quæ facta sunt,
intellecta conspiciuntur, sempiterna
quoque eius virtus, & divinitas; ita-
ut sint inexcusabiles.* Est res apud DD.
certa. D. August. in Psalm. 74. ait: *Deus
ubique secretus est, ubique publicus,
quem nulli licet, ut est, cognoscere, &
quem nemo permittitur ignorare.* Et D.
Greg. exponens illud Job. *omnes homi-
nes vident Deum, lib. 2. moral. cap. 3. ad-
dit: omnis homo, ex hoc ipso, quod ra-
tiona-*

zionalis est conditus, debet ex ratione colligere eum, qui se condidit. Ignorantibus Deum maledictionem regius psaltes *psal. 38.* imprecatur illis verbis: *effunde iram tuam in Gentes, quate non noverunt, & in regna, qua nomen tuum non invocaverunt.* Quod sanè non faceret, si illa ignorantia foret inculpabilis.

5 Quod confirmatur, ex quo Deus omnibus Hominibus det media conductia ad sui cognitionem, teste Joan. *cap. 1.* *Illuminat omnem Hominem venientem in hunc mundum.* Et 1. ad Thimoth. 2. dicitur: *Deus vult omnes Homines salvos fieri, & ad agnitionem veritatis venire:* ergo nullus potest Dei ignorantiam habere.

6 Tandem animadvertas, quædam esse mala non abintrinseco, sed mala, quia prohibita, ut est efus carniū die veneris, omissio auditionis Missæ die festo, &c. Et alia ab intrinseco mala, seu prohibita, quia mala, ut sunt mendacium, blasphemia, odium Dei, &c. Quæ sunt mala, quia prohibita, poterant à Legislatore non prohiberi; & sic poterat fieri, ut mala non essent: ita efus carniū die veneris, malus non fuisset, si Ecclesia sua lege eum non interdixisset. Quæ verò sunt prohibita, quia mala, non poterant non prohiberi. Unde lex naturalis immutabilis dicitur, & quod non potuit non præcipere amorem Dei, non prohibere mendacium, odium, &c.

7 Quæritur, *pœnitens Confessorium sic alloquitur;* Pater, audi vi ab Alex. VIII. esse damnatam propositionem agentem de peccato philosophico, & Theologico, vellem scire, quomodo hæc peccata distinguantur, & quare sic nominentur?

Resp. Dicas distingui secundum diversas considerationes. Exemplum ponas in homicidio Hominis. Quod consideratum, prout est disconveniens dictamini rationis, proponentis voluntati,

hoc generale principium legis naturalis: *quod tibi non vis, alteri ne feceris: damnum proximo contra virtutem iustitiae non est inferendum* (ad quod, præcisa etiam lege positiva externa, tenemur) dicitur peccatum philosophicum: quia ad Philosophum spectat legem, & virtutes morales considerare. Inspecum verò, prout est contra legem æternam, & ut offensa Dei, dicitur Theologicum, juxta definitionem ab August. datam: *peccatum, est dictum, factum, vel concupitum contra legem æternam:* considerare enim Deum, & legem æternam ipsius ad Theologum spectat.

8 Sed quæritur, *an idem peccatum, quod est philosophicum, sit etiam Theologicum?*

Resp. Affirmativè, nam à partereci non datur peccatum philosophicum, quod non sit etiam Theologicum; cum non detur peccatum philosophicum, quod non sit contra rationem, & legem naturalem; sed peccatum, quod est contra rationem, & legem naturalem, est etiam Theologicum; quia omne, quod est contra rationem, & legem naturalem, est contra Deum, & legem æternam ipsius: cum lex naturalis non sit, nisi lex æterna Dei, scripta in cordibus nostris, & omnibus naturaliter insita: vel, ut aliis placet, impressio quædam, & participatio legis æternæ; qua ratione Deus dicitur, etiam Author legis naturalis, prout loquitur Duhamel. Ergo, qui operatur contra rationem, & legem naturalem, operatur, saltem virtualiter, & implicite contra legem æternam, consequenter contra Deum; atque ideo peccat peccato Theologico.

9 Sed quæritur, *an peccatum philosophicum sit offensa Dei?*

Resp. Affirmativè; ex Decreto Alex. Est enim, prout DD. communiter, ut notat Lamazares q. *Theol. qu. 16. nu. 16.* Contenson. *Theol. ment. & cord. tom. 1. lib. 6. disert. 2. cap. 1. speculat. 3. §. Hinc fit,*

peccato essentiali, esse injuriam, & offensam Dei primi, & Supremi Legislatoris. Omnis quippe peccator scienter, & voluntariè violans legem, qua obligatur, offendit, & injuriat Legislatorem; ergo, qui scienter violat legem naturalem, quæ est participatio legis æternæ, implicite, & virtualiter violat legem æternam, atque adeo Legislatorem offendit.

10 Quod violans legem naturalem Deum offendat, ostendit Paulus ad Rom.2. *quicumque enim sine lege peccaverunt, sine lege peribunt*; hoc est, Gentiles, quibus lex scripta data non fuit, perierunt, quia violarunt legem naturalem, ostendentem eis bonum, & malum juxta commentum Lirani ibid. Et confirmat ad Ephes.5. *propter hæc* (scilicet fornicationem, immunditiam, & avaritiam, quæ lege naturali prohibentur, & naturali lumine mala esse noscuntur) *venit ira Dei in Filios dissidentia*: in eos, scilicet, qui in diluvio perierunt, ut ibid. cit. Lirani. Ergo transgressio legis naturalis est peccatum, & Dei offensæ. Propter quam ipse ante legem scriptam, aquis diluvii universam carnem delevit, & igne Sodomiticæ Urbes incendit.

11 Propter ead ad Rom. ibid. Apostolus subdit. *Gentes, que legem non habent* (idest Mosaicam) *naturaliter ea, que legis sunt, faciunt* (ex naturali scilicet dictamine rationis) *eiusmodi legem non habentes* (videlicet Mosaicam); sibi *ipsi sunt lex*: hoc est, lumine naturali cognoscunt, quid facere debeant, quidve omittere teneantur; pro ut dixit August. in psalm.57. *quandoquidem manu Formatoris nostri, in ipsis cordibus nostris veritas scripsit*: quod tibi fieri non vis, ne facias alteri: *hoc antequam lex daretur, nemo ignorare permixtus est, ut esset, & unde iudicaretur, quibus lex non esset data*.

12 Sed dubitatur, apud omnes commune est de ratione offensæ esse, ut co-

gnoscat personam, que offenditur, sed, qui Deum, vel ignorat, vel de eo actu non cogitat, tamen si furtum, vel fornicationem committat, Deum non cognoscit: vel, si cognoscit, ignorat fornicationem v.g. esse offensam Dei, ergo Deum non offendit?

Resp. Utique, ut quis offendatur, requiritur, ut cognoscatur, sed necesse non est, ut de ipso habeatur semper cognitio expressa, formalis, & distincta sub propria particulari ratione, sed sat est, ut implicite virtualiter, & in confuso cognitus sit. Exemplum est in filiis expositis, incertis parentibus natis, qui peccato impetitis peccant, dum parentibus suis maledicunt; quia, quamvis nondistinctè, eos tamen in confuso cognoscunt, quatenus intelligunt se naturam ab aliis accepisse, quicumque illi sint. Et in eo, qui in corde suo proponens occidere quemvis Hominem, sibi obvium, non excusatur à sacrilegio, vel patricidio, dum Clericum, vel Patrem occidit, quamvis in actu occisionis non distinguat, an sit Clericus, vel Pater. Ita quoque, cum Homo, quantumvis Gentilis, de Deo actu non cogitans, propter naturalem distractionem, & inadvertentiam, dum peccat contra legem naturalem, & dictamen rationis, fornicando, mentiendo, &c. peccat contra Deum, virtualiter, & implicite cognitum sub ratione Superioris, & Legislatoris. Nam, cum evidenter cognoscat, se non habere esse de se, sed ab alio accepisse, necesse est, ut item percipiat, quod dictamen suæ rationis non sit prima regula, & prima lex, nec ipse Auctor legis naturalis; sed cognoscendo hoc, debet necessariò, saltem implicite, cognoscere, quod sit alteri subordinata, & alius sit legis naturalis Author; ac proinde Deum implicite cognoscit, saltem sub ratione Superioris, & Legislatoris. Quod satis est, ut peccatum in re, & ut ab isto committitur, sit voluntarium, & offensæ Dei.

13 Advertat Confessarius, ad peccatum

tum Theologicum non requiri, quod fiat ex intentione expressa repugnandi Deo, seu ipsimet legi, quia id peccato: *verbi gratia* fornicationis, adderet distinctionem malitiam, contemptus formalis, juxta dicta *lib. 2. cap. 31. num. 17.* Sed sufficere, ut actu cognoscatur esse contrarium Deo, seu contra legem. Et hinc fit, ut peccatum philosophicum, seu actus ab intrinseco malus, si sit voluntarius, productus, nimirum cum advertentia, quod sit contra rationem, & legi repugnans, est volitus, & elicitus, ut est offensa Dei; cum sit contra legem æternam: & ex eo, contra ejus Legislatorem, qui est Deus.

14 Et propterea in propositione est manifesta contradictio: *peccatum philosophicum, quantumvis grave in illo, qui Deum, vel ignorat, vel de Deo actu non cogitat, est grave peccatum, sed non est offensa Dei, neque peccatum mortale, dissolvens amicitiam Dei, neque æterna pena dignum*; Nam repugnat esse grave peccatum, & non esse offensam Dei; etenim, si est grave peccatum, est contra legem naturalem, ergo contra Auctorem, & Legislatorem istius legis; sed Deus est Author, & Legislator legis naturalis, quatenus hæc est participatio, & impressio legis æternæ: ergo, si est grave peccatum, est contra Deum, & Dei offensa.

15 Implicat pariter aliquem formaliter peccare, & Deum vel ignorare, vel de ipso actu non cogitare; quia, dum formaliter peccat, cognoscit se facere contra legem, ergo & contra Legislatorem: sed Deus est Legislator legis naturalis ex dictis, ergo, qui peccat contra legem naturalem, Deum non ignorat, & actu ipsum, saltem implicite, cognoscit sub conceptu Legislatoris.

16 Quæritur, *an peccato philosophico correspondeat pena æterna: & sic peccantes puniendi sint in inferno, si, peccato non remisso, decesserint?*

Resp. Affirmative, quia peccatum tale,

est Dei offensa, ergo dissolvit amicitiam cum Deo, & relinquit in peccatore reatum pænæ æternæ, & obligationem ad ipsam subeundam, nisi remittatur. Decretum Alexand. clarè loquitur.

17 Sed dices. Gentiles ignorant peccato fornicationis, odii Dei, blasphemiam, &c. deberi pænam æternam, ergo ab ea excusantur: quia ignorantia excusat à pæna.

Resp. Negando consequentiam. Ignorantia solum excusat à censura per DD. communiter, Fagnan. *in 5. Decretal. ad cap. nobis il 1. de sent. excom. num. 40.* Du-hamel *tom. 3. lib. 5. dissert. 3. cap. 3. à num. 10.* Ratio est, quia censura, est pæna extraordinaria, & regulariter non ligat, nisi contumaces, & ex contemptu operantes. Sed qui ignorat, non dicitur contumax, nec contemnere. At non excusat à pæna æterna, peccatis mortalibus correspondens, quia est pæna ordinaria ipsis infallibiliter annexa. Hinc est, quod, qui liberè, & advertenter in peccatum grave contra legem naturalem consensit, tacite consentire præsumitur in pænam æternam, eidem peccato correspondentem; cum non modo philosophicè, verum etiam Theologicè, peccet, Deum offendendo.

C A P U T III.

*Una, supra XXX Propositiones ab Alexandro VIII. damnatas.
Instructio miscellanea.*

PRÆSENTI hoc capite unam supra triginta propositiones ab eodem Alexandro alio suo decreto circumscriptas, edito 7. Decembr. ejusdem anni, sub titulo referimus, ut in his etiam aliquantulum instructus reddatur Confessor.

I Propositio I damnata. *In statu naturæ lapsæ ad peccatum formale, & demeritum,*

ritum, sufficit illa libertas, qua voluntarium, ac liberum fuit in causa sua, peccato originali, & libertate Adami peccantis.

2 Status naturæ lapsæ, aut corrupte is dicitur, in quo iustitia originali exuti, & peccato contaminati nascimur in isto nulla est in Homine necessitas ad peccandum, in eum ab Adamo, liberè peccante, transmissa, ut putarunt aliqui; nam Adæ peccato nostra libertas, nec amissa, nec extincta fuit, sed in nostra potestate est tentationi consentire, velleidem, Divina auxiliante gratia, resistere, & præcepta implere. Legas Trid. *sess.6.can.5. & 6. & const. Ex omnibus B Pii V.* in qua reprobantur plures propositiones Baii, & inter eas 39. & 64. Ac aliam Innoc. X. editam contra quinque propositiones Cornelii Jansenii, Episcopi Ipre. in qua, ut Hæretica, hæc quarta propositio circumscribitur: *Ad merendum in statu naturæ lapsæ non requiritur in Homine libertas à necessitate, sed sufficit libertas à coactione.*

3 Audias item August. *de lib. Arbit. cap.17. quis peccat in eo, quod nullo modo caveri potest? peccatur autem, caveri igitur potest. Et lib. de Spir. & lit. cap.3. Unde hoc quisque in potestate habere dicitur, quod, si vult, facit: si non vult, non facit.* Ergo, ut Homo fornicando peccet, eique fornicatio imputetur ad culpam, debet posse fornicationi resistere, si velit, ad quod ei divinum non denegatur auxilium; alias, dum impotens foret, ei, nec ad pœnam, vel præmium, nec vituperium, aut laudem, tribueretur, quod fornicaretur, vel non; sicut, nec mihi, quod non ambulem, dum liber ad ambulandum non sum, quamvis ligans me catenis, & funibus, liberè liget; ergo quamvis Adam liberè peccaverit, tamen mihi ad culpam, fornicari ver.gr. non imputatur, si hic, & nunc non possum fornicationem vitare.

4 Addo. Si Homo non habet propriam libertatem ad non peccandum, non est unquam capax absolutionis; nam capax absolutionis non est, qui non dolet de peccatis de præterito commissis, & non proponit non peccare in futurum; sed, qui non est liber ad non peccandum, non potest dolere de peccatis de præterito commissis: quia, qui non potest non facere aliquid, non nisi stultè dolet se fecisse: nec proponere non peccare in futurum, quia, qui non potest non facere aliquid, non nisi stultè proponit, & vult non facere illud; ergo asserta propositio tollit Sacramentum pœnitentiæ, à Christo institutum in remissionem peccatorum actualium, quæ post Baptismum committuntur.

5 Prop.11. *Tametsi detur ignorantia invincibilis juris naturæ, hæc in statu naturæ lapsæ, operantem ex ipsa, non excusat à peccato formali.*

Definitionem, & divisionem ignorantie videas lib.2. cap.39. nu.2.

6 Queritur, quid intelligatur per peccatum formale, quidve per materiale?

Resp. Per formale intelligitur opus, seu actio, quæ formaliter hic, & nunc imputatur ad culpam, quatenus formaliter opponitur regulæ proximæ actus moralis, dictamini nimirum rationis, dictantis hic, & nunc aliquid non licere; per materiale verò, opus, quod hic, & nunc tali regulæ non opponitur, quia intellectus non iudicat tale opus esse aliqua lege prohibitum. Explico: iudicat intellectus hodie non licere transgredi legem jejunii: si non jejunes, missio jejunii, est formaliter peccaminosa, & tibi ad culpam formaliter imputatur; quod, si præceptum jejunii reverà existens, inculpate non agnoscis, & non jejunas, missio est solum materialiter peccaminosa; quatenus secundum se est contra legem jejunii, & materia, ut in aliis circumstantiis, & supposita notitia de existentia præcepti jejunii, esset pec-

peccaminosa formaliter, & tibi formaliter imputaretur; sed non est nunc formaliter peccaminosa, quia non est contra regulam proximam, & dictamen conscientię, ostendens tibi, hodie urgere legem jejunii.

7 Quod ignorantia invincibilis à peccato formali excuset, est commune, & expressa sententia D. August. *lib. 3. de liber. arbit. cap. 19. Non tibi deputatur ad culpam, quod invitus ignoras, sed quod negligis querere, quod ignoras*: & alibi passim apud Autores, quibus addo textum D. Thomę *1. 2. q. 76. art. 3.* ubi ait; *si sit talis ignorantia, quę omninò sit involuntaria, sive quia est invincibilis, sive quia est eius, quod quis scire non tenetur, talis ignorantia omninò excusat à peccato*. Ratio est, quia ignorantia invincibilis est omninò antecedens consensum voluntatis; nam, nec est directè, neque indirectè volita: non directè, quia erga ipsam non habetur hic expressus, & explicitus actus, *volo ignorare*; nec indirectè, quia non est implicitè volita in negligentia sciendi, quod scire tenemur, & addiscere possumus, cum nobis non innotescat, quid hic, & nunc debeamus scire; & quamvis voluntas actu non repugnet iis, quę ex ignorantia fiunt, repugnat tamen habitu, & virtualiter, quatenus, si adesset cognitio, actionem impediret, per dicta *cap. cit. num. 4.*

8 Deinde, si idèd ignorantia invincibilis non excusat (per Autores propositionis) à peccato, quia est peccati originalis pœna, & ab ipso est orta: actus, etiam indeliberati, & non perfectè liberi, qui ex concupiscentia oriuntur, essent peccata, quia non minus concupiscentia est peccati originalis pœna, quàm ignorantia; sed falsum est, tales actus esse peccata: quia concupiscentia non consentientibus nocere non potest, ut expressè Trid. *de pec. origin. can. 5.*

9 An autem possit dari ignorantia invincibilis juris naturalis non est hujus lo-

ci solvere. Vide Contenson. Theolog. *ment. & cord. lib. 6. disert. 3. cap. 1. specul. 1. quer. 5.* Du-hamel Theol. moral. *tom. 2. tract. de peccat. disert. 1. cap. 4.* Hoc unum observo, quod nullus tam rudis esse potest, qui non cognoscat mendacium, furtum, adulterium, &c. quę erga alios meditatur, esse mala. Nam, si interrogaretur: an vellet per mendacium falli: an libenter ferret bona propria, vel uxorem ab alieno rapi: utique responderet illa mala se nolle pati: quis potest ignorare hoc generale principium, *quod tibi non vis fieri; alteri ne feceris.*

10 PROP. 3. *Non licet sequi opinionem, vel inter probabiles, probabilissimam.*

De opinione probabili diximus plura *lib. 1. cap. 20. & lib. 2. cap. 2.* Hic contra propositionem, nota, quod dum aliqua opinio attingit ad gradum probabilissimę, jam talem certitudinem habet, quę excludit omnem imprudentiam in operando, ergo licitè quis juxta ipsam operatur. Tum quia, ut notavit Bonucci Vindiciz ad prop. ab Alex. VIII. *sect. 3. num. 22.* opinio probabilissima idem est, ac communis, sed licet operari juxta opinionem communem, ergo & juxta probabilissimam.

11 Prop. 3. *Dedit semetipsum pro nobis oblationem Deo, non pro solis electis, sed pro omnibus, & solis fidelibus.*

12 Quæritur, *an Christus mortuus sit pro omnibus hominibus?*

Resp. Affirmativè, est de fide: habetur. 1. ad Timot. 2. *coram Salvatore nostro Deo, qui omnes homines vult salvos fieri, & agnitionem veritatis venire.* Et vers. 6. *dedit redemptionem semetipsum pro omnibus*: & 1. Joann. 2. *Ipse est propitiatio pro peccatis nostris: non pro nostris autem tantum, sed etiam pro totius mundi.* Pro omnibus itaque, tam parvulis, quàm adultis, tam fidelibus,

libus, quàm Infidelibus, Judæis, & Gentilibus, Christus mortuus est.

13 Nec obstat, quod Christus apud Matth. cap. 26. & Marc. cap. 14. dixerit: *bicest sanguis, qui pro multis effundetur*, & non dixerit pro omnibus; quia particula *multis* non est prolata in sensu exclusivo aliquorum, sed per eam vocem significatur tota multitudo hominum. Verùm licet Sanguis Christi sit effusus, quoad sufficientiam auxiliorum gratiæ pro omnibus hominibus, quoad efficaciam, tamen non est sortitus suum fructum ab omnibus hominibus, unde dicit Trid. *sess. 6. cap. 3. Et si ille pro omnibus mortuus sit, non omnes tamen mortis eius beneficium recipiunt*, &c. Intellige, quia nolunt. Vide *alleg. const. Innoc. X. in qua circumferibitur 5. prop. Jantenii negantis, Christum esse pro omnibus mortuum*.

14 Prop. 5. *Pagani, Judæi, & Hæretici, alique hujus generis, nullum omnino accipiunt à Jesu Christo influxum; adeoque hinc rectè inferes, in illis esse voluntatem nudam, & inermem, sine omni gratia sufficienti*.

15 Quæritur, an omnibus hominibus dentur auxilia sufficientia?

Resp. Affirmativè. Idque probatur ex illo Joan. 1. *Deus illuminat omnem hominem venientem in hunc mundum*. Paulus 2 ad Corinth. 5. dicit: *Et pro omnibus mortuus est Christus, ut, & qui vivunt, tam non sibi vivant, sed ei, qui pro ipsis mortuus est, & resurrexit*: unde Angust. in *psal. 18. ad illa verba: non est, qui se abscondat à calore eius*, dicit: *calorem Verbi Incarnati ad omnes penetrasse*. Et ni 58. ait: *ille (Christus) sic voluit mori, ut sanguine suo effusore ejusdem Sanguinis redimeret*. Hinc fit, quòd cum Deus sincerè velit omnium salutem, ac omnes ad se vocet, atque illuminet, & Sacramenta pro omnibus Christus instituerit, nulla sit hominum conditio, sive parvulorum, & adultorum, sive fidelium, & Infide-

lium, sive Gentilium, & Atheistarum, qui influxu à Christo Jesu non accipiant, qui pro omnibus est mortuus, & pro omnibus meruit.

16 Prop. 6. *Gratia sufficiens statui nostro, non tam utilis, quàm perniciosæ, ut proinde meritò possimus petere, à gratia sufficienti libera nos, domine*.

17 Præter gratiam habitualement, quæ sanctificans dicitur, quæ homo amicus Dei formaliter constituitur, cum peccato mortali impossibilis, dantur contra Pelagium, etiam auxilia necessaria, ad bene supernaturaliter operandum, & resistendum tentationibus: quæ solent dici gratia actualis. Hæc dividitur in prævenientem, & subsequenter, in excitantem, & adjuvantem, in operantem, & cooperantem, & in sufficientem, & efficacem.

18 Sed quæritur, *quid sit gratia efficax, quidve sufficiens?*

Resp. Efficax per Theologos, illa dicitur, quæ cum effectu, ad quem datur, semper conjungitur. Sufficiens verò illa, quæ cum effectu conjungi potest, seu, cum qua voluntas potest operari.

19 Sed adverte cum Macedo in 2. *senten. collat. 7. difficult. 3. sect. 9. §. 9. Igitur hic duo, & Du-hamel Theol. tom. 1. differt. 4. cap. 2. de grat. salvat. cont. 9.* Quod gratia verè sufficiens non semper frustratur effectu: quia intelligi non potest, quomodo verè sufficiat, & numquam habeat effectum; nam, si sufficit, & datur, ut sufficit, effectum habebit, si voluntas ea utatur pro eo, ad quod ipsa sufficit, juxta illud Apostoli 1. ad Corinth. *sufficit tibi gratia mea*.

Et hinc sequitur, quòd gratia sit habenti utilis, si ipsa utatur, quemadmodum potest; quod si ea non utatur, à non usu debet se liberare, respondendo gratiæ, ac majora, & efficaciora auxilia à Deo petere.

20 Duplex autem genus auxilii sufficientis distinguit Macedo *cit. 6. Igitur ex Suarez. Unum remotè, & Alie-*

rum

rum proxime sufficiens; proxime sufficiens dicitur illud, cum quo homo potest immediatè aliquam operationem efficere, sine ope alterius operationis, quæ impetret majus auxilium: remotè verò, cum homo habet auxilium, quod ad unum actum proxime sufficit, & ad alium remotè. Explicatur: Trid. sess. 6. c. 11. hæc habet: Deus impossibilia non jubet, sed jubendo monet, & facere, quod possis, & petere, quod non possis, & adjuvat, ut possis; in his verbis: facere, ut possis: significat eum, cui aliquid jubetur, habere auxilium proxime sufficiens ad id faciendum; nam ab illo immediatè postulat, ut faciat; in his verò, & petere, quod non possis, insinuat auxilium remotè sufficiens; nam, qui nondum potest, nondum habet auxilium proxime sufficiens: si tamen oret, recipiet illud, ut his aliis, adjuvat, ut possis, innuit. Itaque auxilium remotè sufficiens ad victoriam v.g. tentationis, est proxime sufficiens ad alium actum v.g. orationis, quæ majus auxilium impetratur, quod proxime sufficit ad tentationem vincendam; quare auxilium remotum respectu unius actus revocatur ad proximum respectu alterius. Legas August. lib. de bono viduitatis capit. 17. ubi dixit. Ad hoc enim, quod non dum habemus, jubet, ut habeamus: ut admoneat, quid petamus.

Quæ sufficere possunt ordinario Confessori ad respondendum quibusdam, qui volunt plus sapere, quam oportet.

21 Concludas contra Autores propositionis, ineptè dici liberum arbitrium homini non esse utile, & hominem rectè petere, à libero arbitrio libera me, Domine. Nam, quia homo potest, auxilio divino gratiæ adiutus, bene, & meritorie operari, liberum arbitrium est ipsi utile, etiam si illo non utatur, & aliquando abutatur: ergo, quia homo potest cum gratiæ sufficiente tentationi resistere, & præcepta implere, gratia sufficiens est ei utilis, quamvis aliquando

ex sua malitia ipsa non utatur: bonus est cibus, & non propterea inutilis homini reputatur, si, vel ipse eo non utitur, vel excedendo abutitur.

22 Prop. 7. *Omnis humana actio delibata, est Dei dilectio, vel mundi: si Dei, charitas Patris est: si mundi, concupiscentia carnis, hoc est, mala est.*

23 Contra propositionem est Triden. sess. 6. can. 7. ubi definit fidem, spem, timorem, quæ præcedunt justificationem, non esse peccata: sed actus boni sunt, elicit ex divina gratia, disponentes ad remissionem peccatorum, & gratiam justificationis; at non sunt charitas Patris: quia fides, & timor formaliter non sunt dilectio actualis, nec à charitate procedunt, quia ipsis peccator ad charitatem Patris disponitur. Nec sunt concupiscentia carnis, aliàs ad justificationem non disponent; ergo falsum est, omnem humanam operationem, quæ non est dilectio Dei, malam esse; & consequenter falsum, quod non possit elici opus bonum sine charitate, & gratia justificante.

24 Prop. 8. *Necesse est infidelem in omni opere peccare.*

Ergo peccabit, dum voluntariè correspondet inspirationibus, quibus ipsum Deus ad fidem vocat, & Cathedram quarit, ut de rebus Catholicæ fidei instruatur, ac externæ Evangelii predicationi attendit; sed falsum est in similibus ipsum peccare: nisi Autores propositionis, contra fidem blasphemantes, velint peccatum esse, correspondere divinæ gratiæ.

25 Prop. 9. *Reverè peccat, qui odio habet peccatum, merè ob eius turpitudinem, & disconvenientiam cum natura rationali, sine ullo ad Deum respectu.*

Ex terminis apparet, illicitum non esse, nolle mentiri, fornicari, &c. ex hoc motivo, quia hæc vitia sunt indigna creatura rationali; quinimmo juxta dictamen rationis, & legem naturalem operatur, qui non mentitur, nec fornicatur: ergo nec

nec illicitum est, ex eo motivo mendacium, & fornicationem detestari: consequentia sequitur à non dabili disparitate.

26 Addo, quòd propositio se ipsam destruit; quia in odio peccati propter ejus turpitudinem, & disconvenientiam includitur, saltem implicitè respectus ad Deum offensum; nam, ut diximus *cap.2.num.7.* peccatum, quod est contra legem naturalem, est etiam implicitè contra legem æternam, & Deum; consequenter Dei offensa: ergo, qui detestatur peccatum, quia est contra rationem, & naturæ non consentaneum, implicitè detestatur ipsum, ut est offensa Dei, ut discurret Ilfing. Theol. Moral. *tract.6. disp.6. à num.29. vid. lib.2. cap.34.num.14.*

27 Prop.10. *Intentio, qua quis detestatur malum, & prosequitur bonum merè, ut celestem obtineat gloriam, non est recta, nec Deo placens, vide ad 13.*

28 Prop.11. *Omne, quod non est ex fide Christiana supernaturali, quæ per dilectionem operatur, peccatum est.*

Putant Authores propositionis, operationes, quæ procedunt à fidei sine charitate, esse peccata: sed vide dicta ad 7. & 8.

29 Tum quia, peccator fidelis non peccat, quando credit, bonum esse, & utile ad consequendam veniam peccatorum, Deum orare, jejunare, &c. Et ad eum finem orat, & jejunat, &c. Sed tunc operatur secundum dictamen fidei, & non habet charitatem, ergo falsum est, omne id esse peccatum, quod non est ex fide supernaturali, quæ per dilectionem operatur.

30 Prop.12. *Quando in magnis peccatoribus deficit omnis amor, deficit etiam fides, & etiam si videantur credere, non est fides divina, sed humana.*

Assertum errorem jam proscripserat Trid. *sess.6 can.28. si quis dixerit, amissa per peccatum gratia, simul & fidem semper amitti; aut fidem, quæ rema-*

net, non esse veram fidem, licet non sit viva, &c. aut eum, qui fidem sine charitate habet, non esse Christianum, anathema sit. Ergo licet habitus fidei supernaturalis amittatur per hæresim (quæ oppositionem habet cum fide) non perditur tamen per actum, v.g. furti, quo demeritoriè amittitur charitas: quia furtum cum Charitate, & non cum fide oppositionem habet.

31 Prop.13. *Quisquis, etiam aterna mercedis intuitu, Deo famulatur, charitate si caruerit, vitio non caret, quoties intuitu licet beatitudinis operatur.*

Hoc ipsum, ut hæreticum damnavit. Trid. *sess. cit. can.31. si quis dixerit, iustificatum peccare, dum intuitu aeterna mercedis bene operatur, anathema sit.* Nam sine dubio licitum est operari propter id, quod Deus proponit, & promittit, sed Deus proponit, & promittit vitam æternam, præmium reddendum bene operantibus usque in finem, ex Trid. *sess. cit. cap.16.* ergo propter ipsam obtinendam licet operari, & observare præcepta: ad quod facit illud *psal.118. inclinavi cor meum ad faciendas justificationes tuas in æternum propter retributionem.*

32 Prop.14. *Timor Gehenna non est supernaturalis.*

Sed falsum est, non esse supernaturalem, si regulatur, & procedat ex fide divina: quæ est principium supernaturalitatis, quatenus nullus actus supernaturalis potest haberi, nisi ipsa obiectum proponat; & propterea à Trid. *sess.6. cap.8.* dicitur humana salutis initium, fundamentum, & radix omnis justificationis. Advertas, ad quemlibet actum supernaturalem cum actu fidei requiri etiam auxilium divinæ gratiæ, vide *cit. capit.34.*

33 Quæritur, *quotuplex sit timor?*

Resp. Quadruplex: *Mundanus, Servilis, Filialis, & Initialis: Mundanus est, cum quis ad fugienda mala hu-*

ius mundi, mortem, paupertatem, &c. quæ timet sibi obventura, Deum offendit; times confitendo fidem Christi à Tyranno occidi, coram ipso eum negas; times infirmitatem, nisi te polluas, voluntariam molliem in te provocas: semper mortaliter peccas, & timor malus, & nefarius est; quia malum est timere, & fugere malum corporis cum detrimento animæ, & offensa Summi Dei; nam peius est illam committere, quam pœnas quascunque pati: ideo Matth. X. dicitur: *nolite timere eos, qui occidunt corpus, animam autem non possunt occidere: sed potius time-te eum, qui potest, & animum, & corpus perdere in Gehennam.*

Huiusmodi timor procedit ex inordinato amore rerum temporalium, & sui; nam, quia inordinatè te amas, culpam non fugis, nec Deum times.

Servilis est, quo quis timens pœnam, cognitam per fidem ex divina revelatione, facta Ecclesiæ Catholicæ, imminere peccato, legem Dei observat, & ne in eam incidat, peccata vitat. Huiusmodi est omnino bonus; nam Deus minatur pœnas inferni peccantibus, ut eos à peccatis revocet, & moveat ad fugienda crimina, quod certè non faceret, nisi licitum esset eo motivo abstinere à peccatis, & de commissis dolere; ergo, qui peccata vitat timore pœnarum inferni, & de commissis dolet, honestè, & bene operatur.

Verùm necesse est, ut excludat voluntatem peccandi: quam non excluderet, si dicerem: *doleo de peccatis, & ab ipsis abstinco, quia timeo pœnas inferni, sed, si non esset infernus, non abstinerem.*

Dolorem ex eo timore conceptum, & ortum, vocat Trid. *sess. 14. cap. 4. Donum Dei*, ut sequitur: *illam verò contritionem, quæ attritio dicitur, quoniam, vel ex turpitudinis peccati consideratione, vel ex Gehenna, & pœnarum metu communiter concipitur, si voluntatem peccandi excludat, non so-*

lum non facere hominem hypocrisim, & magis peccatorem, verum etiam, donum Dei esse, & Spiritus Sancti impulsum.

Filialis est, quo quis omittit peccare, & bene operatur, non propter pœnam, sed, ne offendant Deum: hic optimus est, procedens ex amore Dei; quatenus, quia Deum amas, refugis à malo culpæ, quod times, ne Deum offendas.

Initialis verò, est mixtus ex filiali, & servili: eoque quis fugit peccatum, & quia timet Deum offendere, & ab ipso separari, & quia timet pœnas Gehennæ: quarum timore sæpè petrahuntur homines ad Dei dilectionem. Duo enim illi timores simul conjuncti, virtutem habent perducendi hominem ad Dei amorem, & conservandi in ipso charitatem, & perfectam subjectionem ad ipsum Deum. Vide Trid. *sess. 6. cap. 6.*

34 Prop. 34. *Attritio, quæ Gehenna, & pœnarum metu concipitur, sine dilectione benevolentia Dei propter se, non est bonus motus, ac supernaturalis.*

Falsitas deducitur ex dictis ad præcedentem; & ex Trid. *cit. sess. 14. cap. 4. ubi*, dolorem conceptum ex timore Gehennæ declarans esse impulsus *Spiritus Sancti, & donum Dei, disponens ad gratiam Dei*, in Sacramento Pœnitentiæ impetrandam, non addit debere esse annexum cum amore benevolentia; ergo sine isto ea attritio est honesta, & utilis, ac supernaturalis, si à fide reguletur. Maximè, quia non dilectio, est principium supernaturalitatis, sed fides, ut supra ex Trid. diximus, ipsum videas *sess. 6. cap. 6. ubi* præmittitur actus fidei ceteris actibus, ad justificationem disponentibus; ergo dolor de peccatis ex timore Gehennæ est supernaturalis si ne conjunctione cum dilectione Dei: modo ex fide, & divino auxilio procedat. Vide lib. 2. *cap. 5. cit.*

35 Dices, dolens de peccatis ob timorem Gehennæ vult suum bonum: quia enim suam utilitatem amat, & non vult pati tam grande malum pœnæ, ideo de pecc-

peccatis dolet, & à peccatis abstinere; quod bonum esse non potest; nam videtur esse ita constitutus, ut, si fuga inferni posset dari sine fuga peccati, nec de peccatis doleteret, nec ipsa recusaret.

Resp. Utrique vult suum bonum, sed per medium licitum, per fugam nimirum peccati, quæ est medium ad evitandas pœnas inferni; quemadmodum ejusdem commissio ad eas incurrendas. Et licet suum bonum velit, se tamen non statuit pro fine, cui ultimato principalitatis cum exclusione Dei, quia tunc certè peccaret (nam Deus solus est ultimus noster finis) nec eo dolore à Deo avertitur, sed potius ad ipsum adducitur, quia dolet se Deum offendisse, ex quo timeat ab eo pœnis inferni puniri.

Equidem, si foret ita constitutus, ut peccare vellet, si non esset infernus, dolor talis malus, & vitiosus esset; sed negamus id inferri; nam tunc posset propter alia motiva dolere, & fugere peccata; vel quia peccatum repugnat rationi: vel quia est offensa Dei, Quis enim dixerit puerum, qui hic, & nunc præcisè propter oïtensum pomum accedit ad Matrem, sine pomo vocatus, non accessurum?

36 Prop. 16. *Ordinem præmittendi satisfactionem absolutioni induxit, non politia, aut institutio Ecclesie, sed ipsa Christi lex, & præscriptio, natura rei id ipsum quodammodo dicente.*

37 Hæc propositio ad valorem Sacramenti, & absolutionis à peccatis plus exigit, quàm Sacerdotem cum debita intentione, & legitima jurisdictione, proferentem formam absolutionis in penitentem, sua peccata cum vero dolore, & proposito integrè omnino confitentem; ut nimirum à Confessario prius imponatur, & à penitente exequatur satisfactio: quod sanè evidenter inferitur ex propositione. Nam, si Christus instituit, ut absolutioni præmittatur satisfactio, ut propositio loquitur, sequitur necessario, quòd absolutio valida

non sit, nisi prius satisfactio sit imposita, atque adeò, quòd hæc sit pars essentialis Sacramenti Pœnitentiæ, necessariò requisita ad valorem ipsius, & remissionem peccatorum, quoad culpam, & pœnam æternam, quæ sit per gratiam, collatam à Sacramento; sed est falsum, impositionem, vel executionem satisfactionis esse partem essentialiẽ Sacramenti, ut diximus *lib. I. cap. 11. nu. 4.*

38 Essentia itaque Sacramenti pœnitentiæ consistit in contritione, & confessione, tamquam materia proxima, & absolutione, tamquam forma: quia, istis positis, ponitur remissio peccatorum, & non positis, non ponitur. Integraliter verò dicit etiam impositionem, & executionem satisfactionis, non quidem necessariè ad remissionem culpæ, per gratiam Sacramentalem, sed tantum ad remissionem pœnæ temporalis, quæ remanet, ex dictis loco *cit. nu. 4.* Quemadmodum homo essentialitè consideratus dicit animam, & corpus, integraliter verò importat manum etiam, pedes, &c. *Lege Trid. sess. 14. cap. 3.*

39 Addo, quòd Sacramentum pœnitentiæ est institutum ad formam judicii, proferentis sententiam, sed hæc ab Judice validè profertur ante executionem pœnæ decretæ, ergo & Sacerdos validè absolvit ante executionem satisfactionis.

40 Prop. 17. *Per illam praxim mox absolvendi ordo pœnitentiæ est inversus.*

Hæc etiam censet executionem satisfactionis per penitentem, esse necessariam ad remissionem peccatorum, quoad culpam, & pœnam æternam; & propterea requirit ante absolutionem, esse de necessitate imponendam, & exequendam satisfactionem, adeò ut aliàs illa valida non sit, quamvis integrè confesso, cum sincero dolore, proposito, & ritè disposito conferatur. Quòd esse falsum est sensus omnium Theologorum, & Fidelium. Patet ex Trid. *sess. 6. cap. 6.* ubi agens de dispositionibus prærequisitis ad

remissionem peccatorum in Sacramento, inter eas satisfactionem non accenset. Quam nec exigit *sefs. 14. cap. 4. Et cap. 8.* declarans necessitatem imponendæ, & præstandæ satisfactionis, eam per modum dispositionis ad gratiam necessariam non statuit; ergo ante præstitam satisfactionem validè remittuntur peccata: ergo, cum cætera necessaria non desunt: & ex parte penitentis est confessio materialiter, vel formaliter integra, sincerus peccatorum dolor, & firmum, ac efficax propositum non peccandi, inchoandi novam vitam, & satisfaciendi: & ex illa Sacerdotis, iurisdicção, cum intentione debita verba absolutionis proferentis, valida est absolutio.

41 Prop. 18. *Consuetudo moderna, quoad administrationem Sacramenti penitentiae, etiamsi eam plurimorum hominum sustentet auctoritas, & multi temporis diuturnitas confirmet, nihilominus ab Ecclesia non habetur pro usu, sed abusu.*

Ad istam, sicut ad duas præcedentes. Abusum vocat consuetudinem absolventi penitentes, etsi aliàs ritè dispositos, priusquam penitentiam impleant; quia putat peccata per absolutionem non remitti, nisi prius penitens impositam penitentiam expleat. Sed necesse est, ut ostendat, contra quam legem sit ea praxis, ut consuetudo, abusus, & corruptela possit nominari; cum solum illa consuetudo corruptela dicatur, quæ est Sacris inimica Canonibus, *cap. consuetudinem de consuetud. in 6.* Nullam autem huiusmodi legem allegabit, cui repugnet; ergo, &c.

42 Prop. 19. *Homo debet agere tota vita penitentiam pro peccato originali.*

Propositio enervat efficaciam baptismi, per quem plene, & integrè remittitur, tum peccatum originale, tum actualia, & personalia commissa ante baptismum, quia per Baptismum Christianus fit novus homo in Christo Jesu, purus, innoxius, & innocens: in quo nihil Deus

Mattbaei Cautela Confess.

odit, quia nihil damnationis in eo remanet, aut aliquid, quod eum ab ingressu Cæli remoretur, ut loquitur. *Trid. sefs. 5. can. 5. in decret. de peccat. originali. & sefs. 14. cap. 2.*

43 Per quem, etiam remittitur omnis poena *cap. per baptismum de consecrat. dist. 4.* & expresse Florent. in decreto Eugenii. *Propterea baptizatis, nulla pro peccatis præteritis injungenda est satisfactio, sed morientes, antequam culpam aliquam committant, statim ad Regnum Cælorum, & Dei visionem perveniunt.* *Trid. sefs. 6. cap. 14.* definit in Baptismo totam poenam semper remitti. Ratio est, quia per baptismum sic nobis applicatur passio Christi, ac si cum Christo mortui fuissetus, & sepulti, ut DD. ponderant, ergo opera pœnalia non sunt imponenda pro originali, & aliis actualibus in baptismo plene remissis, quoad culpam, & omnem poenam.

44 Nec refert, quòd post baptismum non tollantur calamitates huius vitæ, concupiscentia, mors, fames, sitis, morbi, & aliæ pœnalitates; quia istas ad pugnam, agonem, & meritum manere tradit *Trid. sefs. 5. cit. & DD.* omnes. Unde praxis Ecclesiæ est, baptizatis, etiam adultis, licet ante baptismum fuerint magni peccatores, nullam imponere pro originali, vel aliis actualibus per baptismum remissis, satisfactionem.

45 Sed queritur, *an quando adultus baptizatur, debeat de peccatis dolere?*

Resp. Affirmative: dolere itaque debet de peccatis personalibus à se commissis: est communis sententia Theologorum, requirementum in baptizando adulto, si antea personaliter deliquit, dolorem de peccatis actualibus, tamquam dispositionem juxta *Trid. sefs. 6. cap. 6.* adeo ut, si eam dispositionem omittat, ponat obicem ad gratiam, & remissionem, etiam originalis (quia unum peccatum sine alio non remittitur) quamvis characterem recipiat, si cum animo recipiendi baptismum baptizetur.

Ll

Dixi,

Dixi, de peccatis personalibus; nam de originali nequit esse dolor contritionis, vel attritionis, & hoc est extra controversiam; quia originale, nec est materia penitentiae, ut est *Sacramentum*, nec penitentiae, ut est *virtus*, quia originale non est propria voluntate commissum: ergo non potest propria voluntate retractari.

De actualibus dolor penitentiae requiritur; sed sat est attritio; quia hæc ad recipiendam gratiam in Sacramento disponit per Trident. *sess.14.cap.4.* sed non debet esse naturalis, habita ex viribus naturæ, & ex motivo naturali, ex metu nimirum pænæ temporalis, aut ex turpitudine peccati, lumine naturæ cognita, sed supernaturalis exigitur, habita ex speciali auxilio Dei, & motivo supernaturali, per fidem supernaturalem cognito, & regulata. Vide De la Cruz. *de baptisq.4.dub.3. & cis. lib.2. cap.34.*

46 Prop. 20. *Confessiones apud Religiosos factæ, pleraque, vel sacrilege sunt, vel invalidæ.*

47 Prop. 21. *Parochianus potest suspicari de Mendicantibus, qui elemosinis communibus vivunt, de imponenda nimis levi, & incongrua penitentia, seu satisfactione ob quæstum, seu lucrum subsidii temporalis.*

Neutra ex his propositionibus potest sustineri sine gravissimo peccato, iudicii temerarii in illo, qui attribuit hominibus piis, & sanctis tam grande scelus, & gravem culpam; semper enim est bene præsumendum de proximo, nisi oppositum constat.

48 Quæritur, *quid sit iudicium temerarium?*

Resp. Est *firma adbasio intellectus de delicto, & infamia proximi, ex levibus indiciis, & frivolis conjecturis.* Est peccatum contra iustitiam. Cujus malitia in hoc consistit, quod cum unusquisque habeat jus suæ famæ apud alios, usque dum hanc non amittit per publi-

cum delictum, vel per graves, & rationabiles ejusdem conjecturas, temerè judicans ex levi fundamento, illum injustè privat hoc jure respectu sui: & proinde ei injuriam facit.

49 Ex genere suo est mortale; & solum potest esse veniale ex parvitate, & levitate materiæ, de qua quis judicat: si gravis est materia, gravem injuriam proximo facit, malè judicando de ipso sine sufficienti fundamento: levem, si levis. Unde quis tenetur proximum compensare retractando iudicium, & bonam illius famam denuò concipiendo.

50 Quæritur, *quid sit suspicio?*

Resp. Est opinio de delicto proximi, ex levibus indiciis cum formidine de opposito. Regulariter, & de se, est peccatum veniale, ex defectu nimirum indeliberationis voluntatis, & injuriæ tantum levis, quæ sit proximo, suspicando cum dubio aliquod crimen de ipso. Sed est mortale, si vestiatur talibus circumstantiis, ut gravis injuria sit, etiam suspicari malum de aliquo; sic mortaliter peccat, qui de viro prudenti, pio, & venerabili ex levi fundamento grave delictum suspicatur.

51 Prop. 22. *Sacrilegi sunt iudicandi, qui us ad Communionem percipiendam, pretendunt, antequam de delictis suis penitentiam egerint.*

Authores propositionis id asserunt, quia putant sine satisfactione præstita, nondum esse penitentibus, etsi ritè, & cum serio dolore, & firmo proposito confessis, remissa peccata, licet prius Confessarius legitimus formam absolutionis pronunciaverit. Nam, si sacrilegè communicant, idè est, quia communicant cum conscientia peccati mortalis: & idè cum ista conscientia communicant, quia quavis absoluti, & ritè confessi, eis remissa non sunt peccata, ex quo absolutioni non præmiserint executionem satisfactionis: ergo satisfactio præstita est pars essentialis Sacramenti, sine qua remissio peccatorum non contin-

tingit. Sed falsum est satisfactionem esse partem essentialem Sacramenti pœnitentiæ, ut supra diximus nu.37. & alienum est à verbo Dei, ac Patrum sensu, culpam non remitti, quin pœna omnis semper per Sacramentum pœnitentiæ condonetur. Legas Trid. *sess. 14. de pœnitent.* ubi contra Hæreticos, Lutheranos, & Calvinistas, asserentes culpam dimitti non posse, quin pœna omnis condonetur, canon. 12. edidit, *si quis dixerit, totam pœnam simul cum culpa remitti semper à Deo, &c. anathema sit.*

52 Prop. 23. *Similiter arcendi sunt à Communione, quibus nondum inest amor purissimus, & omnis mixtionis expertus.*

In propositione supponitur non posse hominem disponi ad gratiam sanctificantem, recipiendam in Sacramento pœnitentiæ, per dolorem de peccatis, conceptum ob timorem amissionis beatitudinis, vel pœnarum inferni, quasi Deus per huiusmodi dolorem graviter offendantur, & magis peccator per eum homo constituitur; prout non est veritus Lutherus blasphemare, contra quem est Trid. *sess. 14. cap. 4. & can. 5.*

53 Deinde idem Trid. *sess. 13. capit. 7.* agens de præparatione adhibenda, ut digne quis sacram Eucharistiam percipiat, hæc habet: *quare communicare volenti, revocandum est in memoriam eius (scilicet Domini) præceptum; probet se ipsum homo: Ecclesiastica autem consuetudo declarat, eam probationem necessariam esse, ut nullus sibi conscius mortalis peccati, quantumvis sibi contritus videatur, absque prævia Sacramentali Confessione ad sacram Eucharistiam accedere debeat.* Ergo, qui ritè confessus est, & validè absolutus, communicat cum præparatione necessaria, ut non recipiat indignè Corpus Christi, quamvis ad Sacramentum pœnitentiæ accesserit cum solo attritionis dolore, quem Trid. *sess. 14. c. 4.* statuit disponere ad Dei gratiam recipiendam in Sacramento.

54 Prop. 24. *oblatio in Templo, quæ fiebat à B.V. Maria in die Purificationis suæ per duos pullos columbarum, unum in holocaustum, & alterum pro peccatis, sufficienter testantur, quod indiguerit purificatione, & quod Filius, qui offerebatur, etiam macula Matris, maculatus esset, secundum verba legis.*

55 Hæreticum est dicere B. V. Mariam indiguissè purificatione; nam hoc est negare ipsius virginitatem, & dicere cum impuritate, immunditia, & fractione claustrum Virginalis peperisse Christum Dominum, sicut cæteræ mulieres proprios filios pariunt. Lex illa Levitici 12. Virginem Mariam non comprehendebat: nam ibi textus loquitur de muliere, quæ, suscepto semine, peperit masculum. Maria autem, nec semine viri concepit, nec viri opera genuit, ut fides docet, per illud Symboli, *qui conceptus est de Spiritu Sancto, natus de Maria Virgine*, ergo B. Virgo non eguit purificatione. Quæ sine sorde Filium peperit sanctissime, & purissime: & in cuius partu nihil est purgandum, nihil impurum, cum Proles sit fons puritatis, & ipsa mundissima.

56 Nec id est inferendum, ex quo se legi purificationis subdere voluerit; aliàs ex Circumcisione Christi deberet inferri in ipsa macula peccati originalis: & ex tributo, subiectio Christi ad Cæsarem colligeretur. Quæ omnia hæresim manifestam continent, & errorem omnium maximum.

57 Causas, propter quas B. Virgo voluit legem purificationis observare, varias adducunt Authores, videndas apud Marchant. *rationale Evangelic. seu conciones tr. 4. de fest. Purif. B.M.V.* Quarum una fuit, quia voluit tollere omnem occasionem scandalii, vel murmuris: notum enim non erat, eam sine impuritate, & Virginem, ante partum, in partu, & post partum peperisse.

58 Prop. 25. *Dei Patris sedentis simul*

lacrimum, nefas est Christiano, in templo collocare.

Hæc propositio renovans errorem, & hæresim Iconomachorum, est Sacrarum Imaginum inimica. Quarum usum semper Ecclesia Catholica retinuit: & licitus, utilisque fuit apud Christi fideles. Ex quo pingantur Deus Pater, Christus, & Sancti, ac fidelibus proponantur, nil mali oritur, sed multum boni, cum conducant ad renovandam memoriam Dei, Christi, & Sanctorum, & excitanda in fidelibus vel receptorum beneficiorum memoriam, vel devotionis affectum, aut propositum sequendi Sanctorum vestigia, & exempla. Propterea Trid. sess. 25. in decret. de invoc. Sancti. dixit. *Imagines porro Christi, & ipsius Virginis, & aliorum Sanctorum, in templis præsertim habendas, & retinendas, eisque debitum honorem, & venerationem impertiendam; non quod credatur inesse aliqua in iis divinitas, vel virtus, propter quam sint colenda; vel, quod ab eis sit aliquid petendum, vel quod fiducia in Imaginibus sit figenda, veluti olim fiebat à Gentibus, quæ in Idolis spem suam collocabant; sed, quia honor, qui eis exhibetur, refertur ad prototypa, quæ illæ representant: ita ut per Imagines, quas osculamur, & coram quibus caput aperimus, & procumbimus, Christum adoremus, & Sanctos, quorum illæ similitudinem gerunt, veneremur. Id quod Conciliorum, præsertim verò secundæ Nicænæ Synodi, decretis, contra Imaginum oppugnatores est sancitum.*

59 Ex quibus patet, Imagines sacras adorandas esse adoratione relativa, ita ut honor ille non sistat in Imaginibus, sed referatur ad exemplar, quod representant; de quo redibit sermo ad propositionem sequentem.

60 Queritur, an negans licitum esse Sacrarum Imaginum usum, & asserens eas adorandas non esse, sit hereticus?

Resp. Affirmative. Est res definita in Conc. Nicæno 2. & Trid. in decret. cit.

61 Prop. 26. *Laus, quæ defertur Mariæ ut Mariæ, vana est.*

De fide est, Beatissimam Virginem, & alios Sanctos esse adorandos, & colendos, quos etiam non vanè, sed utiliter invocamus. Hoc perpetua Ecclesiæ traditio, hoc Concilia, & SS. PP. declarant, & expressè confirmat Trid. sess. 25. in cit. Decreto: ubi: *Sanctos unà cum Christo regnantes, orationes suas pro hominibus Deo offerre; bonum, atque utile esse suppliciter eos invocare; & ob beneficia impetranda à Deo, per Filium eius Jesum Christum, Dominum nostrum, qui solus noster Redemptor, & Salvator est, ad eorum orationes, opem, auxilium confugere.*

62 Queritur, quid sit adoratio?

Resp. Est voluntaria submissio qua alteri nos subiicimur propter excellentiam, & dignitatem in ipso præcognitam; scû, est exhibitio reverentiæ, qua alium reveremur, ipsi nos submitiendo, tamquam Superiori, in recognitionem suæ excellentiæ.

63 Queritur, quotuplex sit adorationis species?

Resp. Multiplex. I. Alia est interior, exterior altera; Interior, est cordis, ac mentis humilis, & sincera submissio, propter excellentiam in adorato; Exterior; est externa reverentia alteri exhibita, ut genuflexione, inclinatione, & apertione capitis, tunctione pectoris, iunctione manuum, &c. manifestans adorationem internam.

64 Alia est absoluta, alia respectiva. Absoluta est, quæ adoratur res propter excellentiam propriam, quam habet. Respectiva verò, quæ adoratur res propter excellentiam alterius, quem representat, vel ad quem respectum habet, conjunctionem, & habitudinem. Hujus generis ex Trid. ubi supra, est adoratio, quæ exhibetur Sacris Imaginibus.

65 Alia est Latræ, Dulciæ, & Hyperdulciæ; Latræ, est cultus, qui Deo exhibetur, ob infinitam ipsius excellentiam.

Dulciæ,

Dulia, est cultus, & reverentia, qui Sanctis exhibetur ob excellentiam sanctitatis, quam habent. Hyperdulia tandem, cultus, qui exhibetur B.V.M. ob particularem excellentiam, quam habet præ ceteris Sanctis propter dignitatem Maternitatis Filii Dei.

67 Hinc negare Mariæ, ut Mariæ, cultum, & dicere reverentiam non esse exhibendam, est impio, & nefario dogmate asserere B.V. non esse Dei Matrem, propter quod Nestorius damnatur in Conc. Ephes.

68 Quæritur, an blasphemia in Deum, Sanctos, & Virginem distinguatur specie, adeo ut in Confessione explicandum sit, contra quos fuerit blasphemia pronunciata?

Resp. Affirmativè, juxta dicta lib. 1. c. 18. num. 28. Nam licet adoratio sit actus Religionis, tamen Latria, Dulia, & Hyperdulia sub illo genere specie distinguuntur.

69 Quæritur, an etiam Sanctorum Reliquiæ sint adorandæ?

Resp. Affirmativè. Definitur in Trid. cit. decret. ubi: *Sanctorum quoque Martyrum. & aliorum cum Christo viventium sancta corpora, que vivamembra fuerunt Christi, & Templum Spiritus Sancti, ab ipso, ad æternam vitam suscitanda, & glorificanda, à fidelibus veneranda esse: per que multa beneficia à Deo hominibus præstantur: ita ut affirmantes Sanctorum Reliquiis venerationem, atque honorem, non debere, vel eas, aliæque Sacra Monumenta à fidelibus inutiliter bonorari; atque eorum opis impetranda causa Sanctorum memorias frustra frequentari; omnino damnandos esse, prout jam pridem eos damnavit, & nunc etiam damnat Ecclesia.*

70 Sed quæritur, an, ut licitè publico cultu adorentur Sacra Reliquiæ, debeant esse Sancti Canonizati, aut beatificati?

Resp. Affirmativè; nullus enim potest, ut Sanctus, publico cultu adorari, erectio-

Matthæucci Cautela Confess.

ne Altaris, celebratione Missæ, Thurificatione, appensione tabellarum, lampadarum, & cereorum accensione, &c. nisi sit Papa canonizatus, vel beatificatus, cap. *Audivimus de Reliq.* & venerat. Sanct. & Const. *Celestis Hierusalem ab Urb VIII.* edita 5. Julii 1634. apud Matta de Canoniz. Sanct. p. 5. cap. 2. num. 12.

71 Notat Durandus de ritib. Eccles. lib. 1. cap. 1. num. 12. Referens D. August. lib. 8. de Civit. Dei cap. 27. & lib. 20. contra Faustum cap. 21. Tempia, etsi in honorem, & memoriam Sanctorum, soli Deo verè, & propriè erigi, & dicari. Quæ quatenus ad sacrificandum Deo eriguntur, *Templa solent dici: Oratoria*, in quantum ad orandum sunt destinata: *Martyria*, seu *Memoria*, vel *Basilica* appellantur, quod Martyrum Reliquiis conservandis inserviant: & tandem *Ecclesia* nominantur, quatenus eo convenit populus verbo Dei, & Sacramentis pascendus.

Altaria item ad sacrificandum Deo consecrantur, ut innuit ibidem cap. 15. num. 4. & 5.

72 Sed quæritur, an Sanctis Sacrificium Missæ offeratur?

Resp. Habet ex Trid. sess. 2. cap. 3. de sacrif. ut infra: *& quavis in bonorem, & memoriam Sanctorum nonnullas interdum Missas Ecclesia celebrare consueverit: non tamen illis Sacrificium offerri docet, sed soli Deo, qui illos coronavit; unde nec Sacerdos dicere solet: offero tibi sacrificium, Petre, vel Paul, sed Deo de illorum victoriis gratias agens, eorum Patrocinia implorat.*

73 Quæritur, an Papa licitè adoretur genuflexione, & pedum osculo?

Resp. Affirmativè. Nam est Caput Ecclesiæ, Petri Successor, Christi Vicarius, Summus Magister, & Optimus Legislator: ergo propter istam, adeo Excellentem Ecclesiasticam Dignitatem, Sacram, & Spiritualem: majorem qualibet alia humana, & terrestri, licitè

Catholici ipsi se submittunt, & reverentiam illis signis exhibent. Quæ nominari potest Dulcia spiritualis.

73 Sed quid, *agendum Confessario cum penitente negante Papam licitè adorari.*

Resp. Interroget, an credat Papam esse Christi Vicarium, Petri successorem, & Caput Ecclesiæ; & quatenus teneat non esse, non potest eum absolvere juxta dicta *lib.1. cap.3. num.7.* quia est Hæreticus formaliter. Nam est de fide Papam esse Christi Vicarium, Petri Successorem, & Caput Ecclesiæ. Si verò istud credat: vel acquiescit Confessario monenti, vel non: si non, dimittendus est, utpotè indispositus; si acquiescat, & se corrigat: videat, an aliàs promiserit, vel alios super tali errore decceperit: & dum sic reperiat, necesse est, ut se retractet, & experietur per aliquot dies.

74 Prop.27. *Valuit aliquando Baptismus sub hac forma collatus. In nomine Patris, &c. pratermissis illis, ego te Baptizo.*

Forma Baptismi in Ecclesia Latina est, *ego te Baptizo in nomine Patris, & Filii, & Spiritus Sancti, Amen:* ex Florent. in *Decret.* Eugenii, & Trid. *sess.7. can.4.* In qua exprimuntur, actio baptizandi, baptizans, baptizatus, & Persona Sanctissimæ Trinitatis. In Baptismo duplex intervenit causa: una principalis, ex qua baptismus virtutem habet: quæ est Sanctissima Trinitas; & alia instrumentalis: hæc est Minister baptizans: ut *ibid.* dixit Eugenius; & ideo utraque exprimi debet. Hinc fit, quod proferens ista ablundo puerum: *in nomine Patris, & Filii, & Spiritus Sancti;* si non dixerit: *ego te Baptizo,* nihil efficit; casus expressus *c. si quis puerum de Baptismo.*

75 Sed quæritur, *an validè Baptizet, qui omittet ego?*

Resp. Affirmativè; quia ly ego non est de necessitate Sacramenti; & per verbum baptizo implicitè exprimitur Mini-

ster. Unde ex Florentino *cit.* validè baptizant Græci dicendo: *Baptizetur talis Servus Christi, in nomine Patris, & Filii, & Spiritus Sancti.* Peccaret tamen mortaliter, si cum advertentia illud omitteret. Quemadmodum non baptizaret, si Personam Ministri excluderet dicendo: *Baptizet te Christus, non ego, in nomine Patris, &c.* Nec sitaceret ly te; nam Florent. in utraque forma, & pro Latinis, & Græcis, Personam baptizatam nominat. Lege De la Cruz de *Baptis. dub.3.* & Gobat *experien. Theolog. trêf.2. num.69.*

76 Quæritur, *an valeat Baptismus collatus in nomine Sanctissimæ Trinitatis?*

Resp. Negativè, sed est necessaria explicita expressio, & invocatio personarum *Patris, & Filii, & Spiritus Sancti:* Marchant *Hortus Pastor. de Baptismo.*

77 Quæritur, *an validè Baptizet, qui utitur hac forma, ego te Baptizo in nomine Christi?*

Resp. Negativè, propter eandem rationem.

Si dicatur, Apostolos hanc formam servasse, juxta illud Actuum 2. *Baptizetur unusquisque vestrum in nomine Jesu Christi. Et cap.10. Jussit eos Petrus Baptizare in nomine Domini Jesu.*

Resp. Formam tunc per Apostolos adhibitam, fuisse: *ego te Baptizo in nomine, Patris, & Jesu Christi ejus Filii, & Spiritus Sancti;* sicut enim exprimebantur tres ipsæ Personæ Sanctissimæ Trinitatis: & Unitas ipsarum in ly *in nomine:* & Christus invocabatur. Cleri *cat. dec. Cleri Patavin. de Anno 1688. quasit.2. in Martio.*

78 Quæritur, *an validè baptizet, qui mente profert formam baptismi?*

Resp. Negativè. Habetur ex Florent. in *Decret. cit.* ubi deciditur: *omnia Sacramenta tribus perficiuntur: videlicet, rebus, tamquam materia; verbis, tamquam forma; & persona Ministri*

conferentis Sacramentum cum intentione faciendi, quod facit Ecclesia, quorum, si aliquod desit, non perficitur Sacramentum.

79 Quæritur, *quænam sit materia Sacramenti Baptismi?*

Resp. Duplex est materia: proxima, & remota: *proxima* est ablutio Hominis, per quam materia remota applicatur: aqua nimirum naturalis, seu elementaris, tam calida, quam frigida, Fluminis, Maris, Fontis, Pluvialis, Paludis, resoluta ex nive, glacie, gelu, seu grandine: in casu necessitatis etiam non benedicta; sed extra illum est adhibenda benedicta in die Sabbati Sancti, juxta ritum Missalis Romani.

Nota, quod cum habetur materia certa, nunquam est utendum materia dubia, juxta dicta *lib. 2. cap. 1.* sed vide Gobat *cit. num. 18.* Ilfing. Theol. moral. *tr. 6. disp. 2. art. 3. & Clericatum ad dec. de Anno 1687. in Mart. quæ sit. 1.*

80 Quæritur, *quænam sit Minister Sacramenti Baptismi?*

Resp. Sacerdos, cui ex Officio competit baptizare. In casu autem necessitatis non solum Sacerdos, vel Diaconus, sed etiam Laicus, vel Mulier: immò etiam Paganus, & Hæreticus, baptizare potest: dummodo formam servet Ecclesiæ, & facere intendat, quod facit Ecclesia. Florent. in alleg. Decret. Hoc idem legitur *cap. Diaconos dist. 93. & cap. constat dist. 4. de consecrat.* ubi deciditur, baptismum à solis Sacerdotibus esse tractandum, nec Diaconis esse licitum baptizare, extra casum necessitatis, absque Episcopi, vel Presbyteri (Parochi nimirum) licentia.

Notandum tamen est: ex Du-hamel *tom. 3. Theol. Cleric. dissert. 2. de baptis. cap. 1.* quod licet, cum urget necessitas, possit quilibet baptizare, est tamen servandus ordo. Sacerdos (cui ex vi ordinationis convenit baptizare) est omnibus præferendus: Diaconus Subdiacono: Clericus Laico: Catholicus Hæreti-

co: vir Mulieri. Et esse gravem culpam, excludere habentes Ordines Sacros: venialem verò, habentes ordines Minores, dixit Mastrius *disp. 17. num. 33. & Laym. lib. 5. tr. 2. cap. 7. nu. 3. & 4.*

81 Quæritur: Parochus existens in mortali, *Laicum Sacramentaliter absolvit, eique Eucharistiam ministrat, Missam celebrat, & puerum baptizat, petitur, quot peccata committit?*

Resp. Quinque. I. In absolvendo, quia debet esse in gratia, ut licitè administret Sacramenta. II. In communicando; quia est probabilior opinio, juxta dicenda *lib. sequen. de Eucharistia*, quod Sacerdos in mortali existens, communicans Laicum peccet mortaliter; nam in eum finem gratiam ordinationis accipit, ut ex officio sanctè Sacramenta ministret, & irreverentiam erga Sanctissimam Eucharistiam vitet. Layman *lib. 5. tr. 1. cap. 5. nu. 7.* Marchant *Hort. Past. de Eucharist. resolut. pastoral. cap. 3. quæ. 2. 111.* Missam celebrando, dum consecrat. IV. Dum se ipsum communicat. Tambur. *Method. Confess. cap. 1. §. 7. num. 57. V.* Baptizando puerum.

82 Sed difficultas est, *si Sacerdos peccat communicando Laicum, ergo, dum duos communicat, duorum peccatorum reus erit: & si decem, decies Deum graviter offendit: & sic de cæteris; quod nimis durum, & rigorosum videtur?*

Resp. Marchant. *cit.* refert, aliquorum sententiam esse, toties peccare, quoties ministrat, quia tot sunt actus ministrandi; sicut toties peccat, quot personas absolvit. Sed ipse putat, moraliter loquendo, unum esse peccatum, quamvis pluribus ministret, quia moraliter censetur una distributio, pluribus facta, accedentibus ad idem Convivium: quæ eis hic, & nunc accedentibus, Sacramentum ministrat; sicut tradit, unum peccatum à Sacerdote committi, si in peccato decem Hostias consecret, vel consecratas in peccato sumat. Non negat tamen peccatum aggravari, dum multis

simul ministrat: ac pluries peccare, si ob interruptionem administratio, etiam moraliter, discontinuetur. Quod tenendum cenfeo.

Discrimen ponit inter absolventem, & communionem ministrantem: quia toties variatur iudicium, & novum conficitur Sacramentum, quoties penitentes absolvuntur: & ideo hic toties peccat, quoties, & quor absolvit, ut alibi diximus.

Circa Patrinus, admittendos in baptismo solemni. Vide Trid. *sess. 24. cap. 2. de reform. Matrimon. & lib. 4. cap. 2.*

83 Quæritur, *Maritus, & Uxor tenent in Baptismo infantem Francisci. petitur, an præventur iure petendi debitum?*

Resp. Negativè, quia inter ipsos susceptores nulla contrahitur cognatio Spiritualis, ex Trid. *lococit.* Verum, Parochi non debent esse faciles in admittendis Marito, & Uxore pro Patrinis in eodem baptismo ob reverentiam Sacramenti, consideratam *cap. quod autem 30. qu. 4.*

84 Prop. 28. Valet *baptismus collatus à Ministro, qui omnem ritum externum formamque baptizandi observat, intus autem in corde suo apud se resolvit, non intendit facere, quod facit Ecclesia.*

Forma baptismi indifferens est, ut assumatur ad baptizandum ad ludum, jocum &c. ergo debet determinari ad baptizandum verè per intentionem Ministri: qui certè intentionem baptizandi non habet, dum contrarium intendit.

In Ministris itaque, qui Sacramenta conficiunt, necessaria est intentio, *saltem faciendi, quod facit Ecclesia.* Est res definita in Florent. in decret. Eugen. & Trid. *sess. 7. can. 11. de Sacram. in gen.* Nam non censetur esse Christi, & Ecclesie Minister, qui non vult facere, nec intendit, quod Christus instituit, & Ecclesia observat.

85 Sed difficultas est, *quenam sit intentio Ecclesia, seu quodnam sit obiectum intentionis Ecclesia in actu conferendi Sacramenta?*

Resp. Est facere id, quod, & sicut Christus Dominus instituit. Quare intentio conficiendi Sacramentum est voluntas, qua quis vult facere, quod Christus instituit; quàm voluntatem censetur implicite habere, qui baptizando vult facere, quod facit Ecclesia.

86 Sed quæritur, *Turca videns Sacerdotem Catholicum baptizare; qui veram intentionem baptizandi habet, eadem verba, ablucendo filium, proferat, intendendo, & volendo facere, quod ipse Sacerdos agit, petitur, an valide baptizet?*

Resp. Affirmativè; ratio est, quia Sacerdos ille baptizando facit, quod facit Ecclesia, ergo Turca intendendo per baptismum facere, quod facit Sacerdos, implicite intendit facere, quod facit Ecclesia. Gobat, & Poncius. Et ibi Gobat observat eum, censeri velle baptizare, ut baptizat Ecclesia, si verba proferat, & abluat eo ritu, quo Ecclesia utitur, vel quo utuntur Sacerdotes, dum baptizant. Lege Trid. *sess. 7. canon. 4. de baptis.* definiens Baptismum, *qui datur ab Hæreticis in nomine Patris, & Filii, & Spiritus Sancti, cum intentione faciendi, quod facit Ecclesia, esse verum baptismum.* Unde Sacra Congregatio Concilii decrevit baptizatos à Calvinistis, esse verè baptizatos, ita ut non sint denuò baptizandi, etiam sub conditione, *si non sint baptizati*, apud Fagnan. in 1. *Decretal. ad cap. quoniam de cons. num. 24.* Nam supponitur, Calvinistas habere intentionem faciendi per baptismum, quod Christus instituit, vel quod Christi Ecclesia facit.

87 Sed quæritur, *an intentio debeat esse actualis, an virtualis, vel habitualis?*

Resp. Sed priùs pondera, intentionem esse actum voluntatis, qua te determinas ad aliquod faciendum, v.g. volo baptizare, celebrare, Confessiones audire, &c. Hujus species sunt, actualis, virtualis, & habitualis. Actualis est, *qua quis*

quis actu vult facere aliquid, elicitō voluntatis actu, tendente in illud; ut, volo baptizare, recitare Officium, &c. Virtualis est, quā actu secundum se non existit, quando conficitur Sacramentum, sed existit in effectu aliquo, ab illa immediatē, vel mediātē proveniente, dum actualiter existit. V.g. vocaris ad baptizandum puerum: ad eum finem, ad Ecclesiam vadis, fumis Rituale: aperis Fontem, &c. Dum verba profers, & ab-luis propter mentis distractionem, non cogitas de baptismo: diceris baptizare cum intentione virtuali: quatenus iter ad Ecclesiam assumptum, aperitio fontis, orationum lectio, & similia, sunt effectus intentionis actualis præteritæ: & sic baptis-mus vi illius confertur.

Habitualis resultat, non ex præcedenti actu voluntatis aliquid agendi, sed ex frequentatis actibus, ex quibus habitus agendi acquiritur: qui etiam in dormien-tibus, & ebriis manet.

Ad dubium itaque. Actualis optima est, & consulenda: sed non est necessa-rium, ut semper in se duret, quia id pro-pter evagationem mentis est moraliter impossibile. Virtualis sufficit: & habi-tualis est inepta; quia habitus ille non influit in velle actionem illam; ut constet in operantibus ex habitu, & usu, non præmissa volitione operandi.

Virtualis itaque sufficit; aliās esset mor-aliter impossibile conficere Sacramenta, quoties conficiuntur. Nam impossibile moraliter est, quod semper habeatur in-tentio actualis, in quo DD. conveniunt: ponderantes ad intentionem virtualem requiri, ut actualis præcedat, & non fuerit retractata, vel moraliter interrupta, per exercitium negotii impertinentis, & non ad breve tempus. Habes in Cella inten-tionem celebrandi: statim discedis ex Conventu ad litigium absolvendum, e-mendos libros, invisendum amicum, &c. redis, & celebras, non renovans inten-tionem: non diceris celebrare ex vi in-tentionis præteritæ, virtualiter durantis.

88 Ad tollendos scrupulos considera, quod intentio actualis, alia est directā, (quæ ab aliquibus vocatur non cognita) & alia reflexa (quæ ab eisdem cognita dicitur). Directa est, qua quis adver-tens, & volens, aliquid operatur, sed per alium actum reflexum non advertit se advertere, & habere talem volitio-nem. Reflexa est, qua quis advertens, & volens, aliquid operatur, & per alium actum reflexit, & cognoscit, se advertere, & velle, quod agit. Multi existimant se intentionem actualem non habuisse, quia non habuerunt actualem reflexionem, cognoscendo se velle, quod operantur: sed non recte. Nam licet, propter distra-ctionem intellectus non advertant ad id, quod operantur, non sequitur, ut notat Poncius, & Felix *tom. 2. examen ordinan. num. 213.* quin actu velint operari, & operentur, quia volunt. Exemplum est; intendo celebrare, propterea vado ad Sacristiam, vestes assumo, lego Missam, verba consecrationis profero, sed pro-pter distractionem non adverto ad id, quod lego, quod operor. Fortē non habeo volitiones actuales, quæ impe-rent illas actiones? De necessitate de-beo eas habere: aliās illæ actiones non possent continuari. Nam prima volitio nequit esse causa sequentium actionum: quia jam desiit. Quare, vestes sumo, quia volo: lego, quia volo: profero, quia vo-lo; quamvis non advertam me velle, me legere, &c. Sed pondera, quod ista in-tentio actualis directā, non cognita, non sufficit, nisi præcesserit intentio actualis cognita, ad quam aliæ volitiones non cognitz, sequantur.

89 Prop. 29. *Futilis, & toties convul-sa est assertio de Pontificis Romani su-pra Concilium Oecumenicum auctori-tate; atque in fidei quæstionibus in-falibilitate.*

Per Concilium Oecumenicum DD. in-telligunt Concilium Generale, seu Uni-versale, auctoritate Romani Pontificis congregatum. Cui ipse, vel per se imme-dia-

diatè, vel per suos Legatos præfident: & ad quod possunt, & debent convenire omnes Episcopi totius Orbis, nisi legitime impediuntur. Hujusmodi Concilia non esse supra Papam, sed Papam supra ipsa, & independentè ab eis; esse in definiendis fidei, & morum quæstionibus infallibilem, est constans omnium Theologorum, & Canonistarum sensus; propter manifesta testimonia Scripturæ, Pontificum Decreta, & Conciliorum Definitiones: ad evidentiam, Romani Pontificis potestatem, auctoritatemque supra omne Generale, & Universale Concilium ostendentia; ex quibus aliqua meo Confessori propono.

90 Primatus Papæ supra Concilium Generale probatur. I. Matth.16. ubi Christus in præsentia aliorum Discipulorum, soli Petro, Vicariam, supremam, absolutam, & universalem potestatem supra universam Ecclesiam promissit, dicens: *Ego dico tibi* (non vobis, non vestro collegio, sive Concilio) *quia tu es Petrus, & super hanc petram ædificabo Ecclesiam meam: & porta inferi non prævalebunt adversus eam; & tibi, (non vobis, non Concilio) dabo claves* (quæ supremam potestatem denotant) *Regni Cælorum, & quodcumque liga veris, &c.*

91 Implevit autem promissa, cum post Resurrectionem eidem Petro dicit: *pasce agnos meos, pasce oves meas*, Joan.21. hoc est, Ecclesiam meam; ut bene explicavit ipsa Ecclesia, à Spiritu Sancto illuminata, dum in Oratione pro Pontifice Romano ait. *Deus omnium fidelium Pastor, & Rector, qui famulum tuum N. Ecclesia tua præesse voluisti, &c.* Et proinde idem est dicere: *pasce oves meas, ac pasce Ecclesiam meam*; quibus propterea verbis eum Papam, & Vicarium suum creavit, ut teste. Fagnano in 1. Decretal. ad caput. *significasti de elect.* DD. ponderant.

92 Accedit. Pro Pontificis Romani auctoritate, Pius II. *const.* In minori-

busla 10. Bullar. to. 1. retractans, quæ ipse, cum esset junior, in oppositum scripserat, habet: *hæc nos de Romani Pontificis auctoritate, & potestate sentimus: cui & congregare generalia Concilia, & dissolvere datum est: & infra: inter qua nullum invenimus unquam fuisse ratum, quod, stante Romano indubitato Præsule, absque ipsius auctoritate convenerit: quia non est corpus Ecclesie sine Capite: & omnis ex capite defluit in membra potestas.*

93 Confirmat Florentinum in literis union. Item diffinimus, Sanctam Apostolicam Sedem, & Romanum Pontificem, in universum Orbem tenere primatum: & ipsum Pontificem Romanum, Successorem esse B. Petri, Principis Apostolorum, & verum Christi Vicarium, totiusque Ecclesie Caput, & omnium Christianorum Patrem, ac Doctorem existere: & ipsi in B. Petro pascenti, regendi, & gubernandi universalem Ecclesiam à Domino nostro Jesu Christo, plenam potestatem traditam esse.

94 Respondent, ex adductis solum probari Romanum Pontificem esse, & potestatem habere supra singulos fideles, & super singulas Ecclesias particulares, ipsarumque Prælatos, ita ut nullus sit fidelis, nulla excipiat Ecclesia, & Prælatus, qui à Romani Pontificis potestate, & jurisdictione eximatur: non verò probari Romanum Pontificem esse supra universalem Ecclesiam, in unum congregatam: exemplum adducunt de Duce Veneto, qui potestatem habet, & jurisdictionem supra singulos Venetos Cives, sed non supra totum Senatum collectivè sumptum. Ratio est, quia à divinis ad collecta non tenet illatio.

95 Verum futile, levis, & nullius momenti est obiectio: ad evidentiam non semel depulsa, & rejecta. Est Pontifex Romanus ex Florent. totius Ecclesie Caput, & omnium Christianorum Pater, & Doctor, ergo & Concilii; nisi

Authores propositionis sentiant Concilium esse extra Ecclesiam, & PP. in Concilio congregatos definire esse Christianos, ad Gregem, & Christi oves pertinere; quod non sine manifesto errore assererent: ergo est veritas omnino infallibilis, Papam esse supra omne Concilium Generale; prout, reprobato errore Basilientium, asserentium Concilii auctoritatem esse supra Papam, dixit Concilium Lateranense 5. *sub Leone X.* ut infra: *solum Romanum Pontificem super omnia Concilia auctoritatem habentem, Conciliorum indicendorum, transferendorum, ac dissolvendorum plenum ius, & potestatem habere: ne dum ex Sacra Scriptura testimonio, dictis Sanctorum Patrum, ac aliorum Romanorum Pontificum, sed propria eorumdem Confessione manifestè constat.*

96 Accedit auctoritas Conc. Constantien. In quo. *sess. 8.* ut Hæreticus damnatur Joann. Vvicleff. ex quo inter alia dixerit: *Papa non est immediatus Vicarius Christi:* sed id sequitur, si non Papa supra Concilium, sed Concilium in Papam auctoritatem habeat; nam tunc Concilium immediatus Vicarius foret, & Papa medius; ergo, ne innovetur proscripta hæresis, firmissimè fatendum est, Papam esse supra omne Concilium, & Caput Ecclesiæ, quod negabat Joan. Huz: cujus errores fuerunt in eodem Concilio *sess. 15.* proscripti.

97 Ex quibus patet, exemplum adductum de Duce, nil concludere; nam manifestum discrimen est inter eum, & Pontificem: etenim Dux Venetus potestatem accipit à Republica cum limitatione, ut non extendatur ad Senatum, simul collectum, sed solum ad singulos Cives divisim, Pontifex autem Romanus jurisdictionem non accipit ab Ecclesia, sed illam unicè habet à Christo, ex supra allegatis: sed Christus ei potestatem concessit supra Ecclesiam universalem, cujus est Caput; juxta *const. Conc. Lugdonen. sub Greg. X. relatum in cap.* ubi

periculum de elect. in 6. ubi. *Caterum: Romanus Pontifex dicitur, Doctor universalis Ecclesia, & Gregis Domini director;* ergo est supra Concilium Generale; quod est repræsentativè Ecclesia universalis, cujus Papa est Director, & Caput.

98 Ethinc constat in nostro casu valere argumentum à divisio ad simul collecta; nam hujusmodi arguendi modus tunc tenet, quando eadem omnino ratio est in divisio, & in simul collectis: ubi enim eadem est ratio, eadem debet dari juris dispositio. Exemplum satis aptum ad id probandum sunt creaturæ, quarum quælibet subiicitur Deo, quia ab ipso dependet: ergo & omnium creaturarum collectio Deo subiicitur: quia creaturæ, etiam simul collectæ, sunt à Deo dependentes: ergo & Pontifici Romano subiiciuntur, non modò singuli fideles divisim, sed etiam omnes simul collectivè: quia tam singuli, quàm omnes collectivè, sunt oves Christi: quarum cura à Christo Romano Pontifici commissa fuit: ergo & omne Concilium Generale, quod non potest sine auctoritate Papæ legitime congregari, & post congregationem continuari, ut expresse *text. in cap. Multis dist. 17.* ubi: *Multis denuò Apostolicis, & Canonicis, atque Ecclesiasticis instruimur regulis, non debere absque sententia Romani Pontificis Concilia celebrari; qua propter, ut iam dictum est, rellè, non Concilium, sed vestrum conventiculum, vel conciliabulum cassatur, & quidquid in eo actum est, irritum habetur, & vacuum.*

99 Addo, Patres in Conciliis congregati consueverunt petere, & obtinere Concilii confirmationem à Summo Pontifice, prout, aliis omissis, fecit Trid. videndum in fine *sess. 25.*

100 Agunt de prærogativa Pontificis supra Concilium, ejusque infallibilitate, independente à Concilio Fagnan. in 1. *Decretal. ad alleg. cap. significasti, & ad cap.*

cap. Antigonus de pactis num 5. ibidem. Bail. sum. Concilior. tom. 1. Concil. Basilien. §. de autoritate Concil. & Pape. Leytan. Clypeus dignit. Pontif. discept. 1. sess. 1. Du-hamel Theol. Cleric. tom. 5. lib. 2. de Concil. disert. 1. cap. 3. Guarnieri de Eccles. militan. lib. 2. cap. 26. & apud istos alii.

101 Prop. 30. Ubi, quis invenerit doctrinam in Augustino clarè fundatam, illam absolute potest tenere, & docere, non respiciendo ad ullam Pontificis Bullam.

Soli Summo Pontifici est à Christo data infallibilitas in definiendis, & decidendis quæstionibus fidei, & morum: ut aliis omisissis, concludit illud Lucæ 20. Simon, Simon, ecce Sathanas expetivit vos, ut cribaret sicut triticum: ego autem rogavi pro te, ut non deficiat fides tua; & tu aliquando conversus confirma fratres tuos. In quo est ponderandus modus loquendi Christi: Sathanas expetivit vos (non te) ego rogavi pro te, (non pro vobis) ut non deficiat fides tua (non vestra) & tu aliquando conversus confirma fratres tuos: & non dixit: vos confirmate. Et ex isto omnes DD. probant, Pontificem Romanum esse supremum Judicem controversiarum fidei: ac, dum de rebus fidei, & morum ex Cathedra, etiam extra Concilium, loquitur, non posse falsum definire, aut errare. Ergo contra fidem loquuntur Authores propositionis, quatenus Pontificis infallibilitatem in rebus fidei, & morum negant; dum censent ad ipsum non esse respiciendum, tametsi declaret mentem S. Augustini in hac, vel illa propositione expressam, esse intelligendam in contrario sensu ab eo, quàm, in quo privato Doctore videtur esse clara.

102 Sed quæritur, quando Pontifex censetur ex Cathedra loqui, & definire?

Resp. Cum loquitur, & definit formaliter, ut Pontifex Maximus, Supre-

mus totius Ecclesie Pastor, & Rector, Doctor, ac Universalis Magister, à Deo constitutus pro docenda, dirigenda, instruenda, conservanda, ac confirmanda Ecclesia, & pro ea liberanda ab omni perversa doctrina macula, & novo: ut sit Christi Sponsa, pulchra sine macula, & ruga hæreticalis, & corrupte doctrina. Vel brevius: quando definit, docens universam Ecclesiam, ei proponens, quid credendum, quidve sequendum sit, intendens omnes ad observantiam obligare, ut credant, & operentur juxta suam definitionem, & propositionem. Nam sic agens operatur, ut Summus Pontifex, & Doctor Ecclesie, habens supremum Magisterium fidei. Sic DD. communiter. Leytan. cit. discept. 6. sess. 11. & Guarnieri lib. 2. cap. 22.

103 Apud quos est commune, eum esse in Ecclesia Catholica habendum ut Hæreticum, easque propositiones esse scandalosas, temerarias, novas, hæreticas, &c. quem Romanus Pontifex ex Cathedra loquens, ut hæreticum damnat, quasque sub ea respectivè censura proscribit: quamvis loquatur extra Concilium. Nam Christus Dominus soli Petro, & non Petro cum Concilio promisit, & dedit claves: super Petrum Ecclesiam fundavit: pro eo rogavit, ut fides ejus non deficeret: eique præcepit, ut fratres suos confirmaret, pasceret, atque doceret. Et hæc simplici Confessori sint satis: interea videat, quæ dixi cap. 29. §. 2. & 4. off. Cur. Ecclesiæ.

104 Prop. 31. Bulla Urbani VIII. in eminenti est subreptitia.

Nota 1. Constitutionem illam subreptitiam reputari, quæ obtinetur, seu potius dolose extorquetur, per expositionem falsitatis; quemadmodum obreptitia illa præsumitur, quæ per fraudem imperatur, tacendo verum: quod, si fuisset expressum, non emanasset.

105 Nota 2. Prætaquam Bullam Urb. fuisse editam sub anno 1641. in qua confirmatur Const. B. Pii V. incipit, ex omnibus,

bus, & alia *Greg. XIII.* damnantium 79. propositiones, à Michaelè Bajo assertas; & proscribitur liber, cui titulus *Augustinus Cornelii* Janfenii, olim Ipre. Episcopi, aliosque errores, ut in Bulla Urbani 1289. *Bull. 5.*

106 Nota 3. Ipsam Bullam ab Urbano prodiisse, loquente ex Cathedra, seu, ut Capite, & Magistro Ecclesiæ, ipsam docente, & instructe; ut per hæc in Constitutione exprimitur: ut, *qua ad fidei Catholicæ conservationem à Prædecessoribus nostris providè statuta, & ordinata sunt, firmiter perpetuò observentur, & cum opus sit, nostræ Auctoritatis munimine confirmantur.* Quam ab omnibus observari voluit, prout hæc significant: *inhibentes insuper sub omnibus penis, & censuris in prædicta constitutione Pii Prædecessoris contentis (à quibus nullus Romano Pontifici inferior, excepto mortis articulo, absolvere contrasacientes possit) ne quis cuiuscunque conditionis, & qualitatis, etiam specialis, & specialissima nota, & expressione dignus, de prædictis, ut supra damnatis, & in præsentili libro contentis, aliisq; &c. quoquo pacto loqui, scribere, & disputare audeat, librumque, & alia prædicta penes se retinere, vel legere præsumat: & infra. Nulli ergo omnino hominum liceat hanc paginam nostræ confirmationis, &c. infringere, vel ei ausu temerario contraire: si quis autem hoc attentare præsumpserit, indignationem Omnipotentis Dei, & BB Petri, & Pauli Apostolorum eius, se noverit incursum.*

107 Ex quibus fit evidens, Authores propositionis, dum asserunt Bullam esse subreptitiam, profiteri, & eam esse falsam, & sententias per eam prohibitas, veras; consequenter Romanum Pontificem, ex Cathedra loquentem in materia morum, & iis, quæ ad rectè vivendum pertinent, non esse Regulam infallibilem, & posse falsum, ac turpia docere, & honesta damnare. Quod affirmari nequit, nisi ab existente extra Ecclesiam,

& pertinaciter asserente, Romanum Pontificem in formandis decretis, quibus noxia, & perniciofa doctrinarum pascua ab innoxiiis, & salubribus segregat, ex certa, & infallibili Spiritus Sancti assistentia non operari. Quos redarguit constans, & perpetuæ Ecclesiæ, ac fidelium consuetudo, consultandi Romanum Pontificem, in quibuscumque dubiis, & controversiis, quæ oriuntur circa fidem, & mores: ut, quæ credenda, & agenda sunt, sine periculo errandi: Ipso proponente, & docente, credantur, & agantur.

108 Dices. Urbanum non esse ex Cathedra loquutum, quia ad locationem formalem ex Cathedra requiritur, ut Pontifex dicat, *definimus, declaramus, decidimus*, vel aliquid simile, quæ formula non est usus Urbanus.

Resp. Verbum *damnamus, prohibemus, mandamus pro vetitis, & prohibitis haberi*, in materia doctrinæ (in qua Pontifex errare non potest) est verbum simile, vel illis æquivalens. Nam hoc, quod est *damnare*, seu *prohibere* doctrinam aliquam, tamquam hæreticam, scandalosam, periculosam, &c. idem est, ac *declarare, decidere, & definire*, eam esse hæreticam, scandalosam, &c. ut optimè notavit Cardenas *Cris. Theol. dissert. 1. Procemial. c. 7. n. 124. ad prop. damn. ab Innoc. XI.* Urbanus autem utitur verbo, *prohibemus*, quod est idem, ac dicere: tamquam omnino certum declaramus, & definimus doctrinas (in constitutione prohibitas) vergere in scandalum totius Reipublicæ Christianæ, & fidei Catholicæ perniciem.

109 Teneas itaque constantissimè, fidelissimèque doceas Romani Pontificis infallibilitatem in decidendis quætionibus in materia fidei, & doctrinæ, ad mores spectantis: considerans, quod securitas non errandi in credendo, & operando, in corpus Ecclesiæ descendit à securitate non errandi, quæ est in suo Capite. Quoniam, ne erraret Ecclesia, pro-

promissio facta est suo Magistro, illis verbis: *super hanc petram edificabo Ecclesiam meam*: eique in fallibilitas data: *ego rogavi pro te, Petre, ut non deficiat fides tua.*

110 Quæritur, *an decreta ab Alex. VII. Innoc. XI. & Alex. VIII. respectivè formata sint definitiones ipsorum Pontificum loquentium ex Cathedra?*

Resp. Affirmativè. Ratio est, quia tunc Romanus Pontifex loquitur ex Cathedra, quando loquitur ut Caput, & Magister Ecclesiæ: tunc autem ut Caput, & Magister Ecclesiæ loquitur, cum decretum edit pro universa Ecclesia, docens quid credendum, & quid agendum sit, illudque vult ab omnibus indubitanter admitti, & observari. Sed omnes tres præfati Pontifices loquuti sunt ut Caput Ecclesiæ, & decreta ediderunt pro universa Ecclesia, segregantes noxia doctrinarum pascua, in perniciem animarum inventa, ab innoxiiis, & salubribus. Quorum observantiam stricto præcepto in virtute sanctæ obedientiæ, & sub pœna excommunicationis (reservata Romanis Pontificibus absolute, præterquam in mortis articulo) omnibus, & singulis fidelibus injunxerunt, prout in decretis expressè.

111 Sed quæritur, *an, cum quis in articulo mortis absolvitur ab excommunicatione incurfa, ex quo decretis contraxerit, aliquam ex aboletis propositionibus ad praxim deducendo, aut defendendo, vel de ipsa, nisi forsitan ad impugnationis effectum, disputando, seu predicando, teneatur, cessante periculo, se coram Sanctissimo præsentare.*

Resp. Affirmativè, juxta text. in cap. eos, qui de sent. excomm. in 6. vide dicta lib. 1. cap. 2. nu. 15. & cap. 33. num. 49. & ex ibi dictis collige praxim. Et Deo gratias age, si in tui commodum, hucusque scripta aliquid utilitatis attulerint.

CAPUT IV.

Votum.

APENDICEM de voto sub unico capite comprehendimus; in quo, si non singula, ad minùs principaliora inter Moralistas discussa, & frequentiora, quæ ab Tribunal Sacramentale Pœnitentes deferunt, Confessario exhibentur, ut nil ei in hoc opere desiderandum sit pro ordinaria ministerii instructione.

1 Circa vota erravit Michael de Molinos, qui tertia propositione, inter cæteras ab Innoc. XI. proscriptas, dixit: *i voti di far qualche cosa sono impeditivi della perfezione*: & prop. 65. *Alli Superiori si deve obedire nell'esteriore: e la latitudine del voto dell'obediencia de Religiosi, arriva solamente all'esteriore: nell'intiore è altra cosa, ove solo Dio, e la Guida entrano.*

2 Votum itaque est *promissio libera facta Deo, de meliori bono*. Ex qua definitione constat, ad votum quatuor requiri.

1 Requiritur, *ut sit promissio, non propositum*; nam, cum propositum sit voluntas dumtaxat faciendi aliquid, votum non constituit, ut dicitur cap. *Literaturam de voto*. Sed cum ea voluntate est necessaria voluntas se ex fidelitate obligandi Deo ad faciendum id, quod quis dicit se facturum; quæ voluntas solet promissio nominari. Ubi advertendum, veram promissionem includere equivalemter has duas voluntates, & faciendi rem, & se obligandi alteri; nam, ut optime Poncius Theol. disp. 60. qu. 5. nu. 28. dixit, non stat promissionem esse veram, ac menti conformem, & non esse cum animo faciendi, & se obligandi. Et sufficit promissio, sive interior, & mentis, sive exterior, verbis, aut scriptis expressa. Vid. lib. 2. cap. 37. nu. 2.

3 Sed quæritur, *an, quando penitens monitus à Confessario, ut à furto*

v. g. cesset, respondet: promitto me illud amplius non commissuram, votum emittat?

Resp. Negativè, regulariter loquendo. Illud enim promitto, confunditur cum propono; nam penitens intendit solum manifestare suum firmum animum, & voluntatem non furandi: non verò in casu transgressionis se obligare ad novum peccatum, præter id, quod furando committit contra præceptum de non furando.

Dixi regulariter, quia si promittens intenderet se nova obligatione voti obligare, votum emitteret, & furando peccaret, non modò contra præceptum de non furando, sed etiam contra Religionem, non stando fidelitati voti; nam Deo voveret implere, quod Confessario promitteret.

II. *Requiritur libertas*; nam votum sine libertate non subsistit. Quia, cum votum sit lex, quam sibi vovens imponit, rationabile est, ut liber sit, dum ad eam se obligat. Debet etiam ad votum procedere cum deliberatione, hoc est, cum advertentia ad materiam, quam vover, sciens obligationem voti: & non inconsideratè, & præcipitanter: deliberatio enim est iudicium, seu actus rationis, quo qui ponderat, & decernit, an sibi expediat vovere. Sum. Leand. ver. votum nu. 3. & 6.

4 Sed queritur, quanta libertas sit necessaria ad valorem voti?

Resp. Quanta sufficit ad peccandum mortaliter. Sufficit itaque, ut quis sciens, & prudens, & cum advertentia ad id, quod agit, operetur, ut expressè dixit Gloss. ad cap. Mulier 32. qu. 2. verb. *Mulier*; nam libertas sufficiens, ut Diabolo devincti simus, sufficiens etiam est, ut Deo obligemur. Qui maiorem circumstantiarum ponderationem exigit, loquitur cum præiudicio valoris votorum, & fidelitatis Deo debitæ, quia ferè semper posset quis prætereundè quasdam circumstantias non sufficienter prævidisse,

ut benè discutitur; ubi supra cit. Illung. & De la Cruz direct. cons. ar. 2. de voto n. 3.

5 Queritur, an vota facta tempore tempestatum, aut mortis imminente periculo, seu metu alicuius mali vitandi, sint valida?

Resp. Sed prius distinguas, duplicem metum; unum ab intrinseco, à causa naturali proveniente, ut est metus gravis infirmitatis, mortis, imminentiis naufragii, aut ferorum animalium; & alium proveniente ab extrinseco, à causa nimirum libera, ut homine. In isto, etiam oportet distinguere, an sit levis, vel cadens in virum constantem. Metus nimirum gravis damani, nempe vitæ, mutilationis, gravis infamiae, iacturæ bonorum, nobilitatis, &c. Quod damnum non temerè, sed prudenter timendum est, quia videlicet is, qui minatur, solet minas exequi, nec ei facile resisti potest. In isto pariter opus est distinctione: quia, vel iuste, vel iniuste incutitur: si iniuste: vel ad finem extorquendi votum, vel non: modò.

Doctores conveniunt. I. Quòd votum emissum ab eo, qui ad votum movetur timore periculi, provenientes à causa naturali, validum est, ex cap. sicut nobis de regul. Ratio est, quia votum spontaneè emittitur; nam existens in eo periculo poterat non vovere, & votum eligit, ut remedium ad vitandum malum imminens, quod metuit. Quilici Confess. manud. qu. 15. art. 2. num. 16. Tambur. lib. 1. in decalog. cap. 2. §. 8.

II. Quòd votum emissum ob metum iuste, sive iniuste ab extrinseco incussum, sed non ad finem extorquendi votum, est validum, & obligat. Ratio est, quia tunc à nemine impellitur vovens, sed spontè sua illud eligit, tamquam remedium imminentiis mali.

III. Quòd validum est votum, emissum ob metum iuste incussum in ordinè ad ipsum votum emittendum: v. g. dānatur mulier fortilega ad perpetuum carcerem, à quo tamen liberatur ea conditio-

ditione, ut fiat Monialis: quod ipsa exequitur: cujus professio est valida per DD. Gobat. Tambur. Felicem, & Cabasut. *prax.lib.3.cap.24.num.6.* Ratio est, quia tunc ei sine injuria, immò cum beneficio votum proponitur, non sub coactione, sed sub conditione evitandæ carcerationis, ut scilicet voveat, si malum, cui liberè causam dedit, fugere velit. Qua etiam propositione stante, potest non vovere.

IV. Quod invalidum est votum emissum ex metu gravi, ab extrinseco injustè incusso ad finem illud extorquendi, ut deciditur in *cap. Perlatum de iis, quæ, vi, metu, &c.* ubi Pontifex mulierem metu injusto mortis coactam ad vota Religiosa, ab eis liberam pronunciat; ratio est, quia Deus non acceptat, quod non est omninò spontaneum: ne injustas coactiones videatur approbare: prout notavit. Quilici, ubi supra.

6 Sed hic ponderandum, quod Pontifex in *alleg.cap.* firmat professionem, metu mortis emissam non obligare ad observantiam, modò profitens ex post facto liberè non consentiat, & ratum habeat: quod videtur moraliter impossibile, ut non contingat in iis Religiosis allegantibus contra validitatem professionis vim, & metum à parentibus, vel aliis, ad eum finem incussum; dum ad plures annos, etiam post quinquennium à Trid. *sess.25.cap.19.de regul.* statutum ad allegandum contra professionem, in Religione vivunt, & in actionibus, solis professis proprias, communicant; ac ad Ordines promoventur ad titulum paupertatis: scientes, quod aliter non promoverentur, nec ea munera obirent, nisi essent Religiosi.

7 Sed queritur, *an in dubio, quod professio sit emissæ per vim, & metum, præsumendum sit pro validitate professionis?*

Resp. Affirmativè; ratio est, quia professio stat pro professione, quæ est certa; nam solum dubitatur de modo. Idem

resolvens Gobat. *tom.3.num.138.* in dubio, an metus fuerit levis, vel gravis, dixit, præsumendum fuisse levem, ex quo in dubio sit favendum valori actui.

8 Sed quid de eo, qui dubitat, an votum emisit?

Resp. Plures negant teneri votum implere, quia in casu possessio stat pro libertate; quemadmodum stat pro voto, cum quis est certus se vovisse, & dubius, an illud impleverit: sed tutius est, ut impleat: vide omninò *lib.1.cap.16.num.21. & cap.20.*

9 III. Requiritur, *ut sit promissio facta Deo*, quia vota soli Deo fiunt; nam votum differt à promissione humana per hoc, quod illud sit promissio tendens ad obsequium, cultum, & attestatorem excellentiæ Dei, à quo, ut ab Authore omnium bonorum aliquid impetrare intendimus.

10 Sed dices in quibusdam formulis professionis Religiosorum exprimitur, etiam nomen B. M. V. & aliorum Sanctorum; prout in formula professionis, quam emittunt Fr. Min. ut infra, *ego N. vovo, & promitto Deo omnipotenti, B.M. semper Virgini, B. Francisco, & omnibus Sanctis, & tibi, Pater, toto tempore vite mee, &c.* ergo potest quis Sanctis vovere.

Resp. Negando consequentiam; nam propriè soli Deo vovemus: vota enim continent adorationem Latræ, quam exhibemus in attestatorem divinæ excellentiæ; Sanctis autem non debetur cultus Latræ ex dictis *lib.3.cap.3.num.46.* ergo eis non vovemus, Illa additione nominum SS. Virginis, & Sanctorum in formulis professionum contenta, solum significatur, quod Deo vovens Sanctos adhibeat, & advocet, in mediatores, testes, & patronos suæ promissionis, ut Deo offerant, testentur, & impetrent fidelem emissionem, & executionem voti. Nomen autem fuscipientis votum in alleg. formulis exprimitur, etiam ut testis, quod vovens implebit id, quod

quod promittit. Summa Leandr. *cit.* num. 52.

11 Hinc colligitur, quorundam modum loquendi, dicentium: *vovi D. Antonio jejunare*: S.P. Dominici Ecclesiam *visitare*: istum sensum facere, quod votum sit Deo factum in honorem S.P. Dominici, & D. Antonii.

Et observandum, quod licet, etiam ad B. Virginem, & Sanctos sæpissime orationes nostræ dirigantur, diverso tamen modo Deum, & Sanctos invocamus; nam ut observat Catechismus Conc. Trid. p. 4. §. *quis orandus n. 3. Deum precamur, ut ipse vel bona det, vel liberet à malis: à Sanctis autem* (quia Deo chari sunt, & amici) *petimus, ut nostri patrocinium suscipiant, ut nobis* (suis precibus) *à Deo impetrent ea, quorum indigemus. Hinc duas adhibemus precandi formulas, modo differentes. Ad Deum enim propriè dicimus. Miserere nobis. Audi nos: ad Sanctos autem, orate pro nobis.*

Propterea illud maxime cavendum est omnibus, ut ibid. num. 5. notavit, ne, quod Dei proprium est, cuicumque præterea tribuant; immò verò, cum ad Imaginem Sancti alicujus quis Dominicam Orationem (Pater noster) pronunciat, ita tum sentiat se ab illo petere, & secum oret, sibi que postulet ea, qua Dominica Orationis formula continentur, & sui denique sit interpret, & deprecator ad Deum: à quobus omnia procedunt.

Nec per recursum ad Sanctorum intercessionem præjudicatur merito Christi mediatoris, & redemptoris omnium, ut Catholicis ab hæreticis obicitur. Nam potius in maximam Christi gloriam cedit, quod ipse meruerit, ut ipsi possent pro aliis intercedere. Quapropter ipsorum intercessionem vim habent ex meritis Christi, qui solus est redemptor, & primarius mediator. Propterea quidquid Ecclesia, adhibita etiam intercessione Sanctorum, petit à Deo, votum

Matthæucci Cautela Confess.

se impetraturam per merita Christi proficitur; orationes proinde, & petitiones hæc verbis absolvens. *Per Christum Dominum nostrum*, orans Deum, ut propter Christi merita se ipsam exaudiat, & concedat, quod petit. De invocatione Sanctorum videri potest Petavius *Theolog. dogmat. de Angel. lib. 2. cap. 10. & de Incarnat. lib. 1. 2. cap. 5. nu. 1.* & nos dicturum sumus in opere dogmatico, quod præsidio Dei quamprimum absolutum dabimus.

Consentiunt Campionus *part. 2. instr. cap. 23.* cum Sum. Leandr. loco cit. & Engel. *colleg. iur. can. lib. 3. tit. num. 8.* sustinentes promissiones Sanctis factas, vota reputari, quia saltem mediâ Deo fieri censentur, quatenus Deus in ipsis colitur, & id, quod petitur, à Deo per intercessionem Sanctorum impetrari speratur.

12 IV. Requiritur, *ut sit de meliori bono*, hoc est, de iis, quæ Deo magis placent, & magis sunt ipsi grata. Hinc sequitur, quod ut votum sit validum, & obliget, materia ipsius non debet præjudicare meliori bono, & Deo magis gratæ: ac debet esse possibilis, non mala, non vana, non inutilis, non indifferens. Ratio est, quia votum editur in cultum, & reverentiam Dei, & de re, quæ ipsi placet, cui res impossibilis, indifferens, &c. placere non potest, nec in ejus reverentiam cedere.

13 Propterea si, quia ex equo occidisti, voveas amplius non equitaturum: vel, quia passus es in mari, voveas non iterum navigaturum, vel quia in saxa offendisti, per talem viam non transiturum, &c. votum est nullum, nec obligat, quia Deo displicet imprudens, & stulta promissio. Si verò voveas, per talem viam non transire ad fugiendam occasionem proximam, votum tenet, quia id Deo placet, & ordinatur in finem bonum.

14 Sed queritur, *an teneat votum de re bona ob malum finem. ut, si Dux ad bellum iniustum proficiscens, voveat*

Mm adifi-

adificare Templum, si victor eris; vel usurarius elargiri elemosinas, si usuras integras à debitoribus perceperit?

Resp.Negative; quia votum emitte-
re ad obtinendam à Deo rem illicitam: vel,
ut in gratiarum actionem, quod res illi-
cita, quasi per Dei auxilium acquisita
sit, est mala, & blasphema operatio,
quia Deo adscribit peccata placere, ad
ipsa specialiter concurrere, eaque ap-
probare. Si verò Dux voveret, volo ædi-
ficare Templum, postquam victoriam
reportavero, absque intentione, me-
diante voto talem finem illicitum conse-
quendi, votum obligaret, quia non
moveretur ad vovendum ex victoria re-
portanda, sed statueretur, ut conditio
exolvendi voti, simpliciter emissi.

15 *Queritur, Petrus emisit votum contrahendi matrimonium, petitur, an teneat?*

Resp.Negative; ratio est, quia vovens
intendit aliquid gratum facere Deo: sed
obligando se ad minus bonum, matrimo-
nium nimirum (quo melius est opposi-
tum, status scilicet Religionis, & caliba-
tus ex Trid. sess. 24. can. 10. de matrim.)
non obligat se ad faciendum, quod est
Deo gratum: immò potius, ad non am-
plectendum majus bonum. Limitant DD.
si videat extra matrimonium se frequen-
ter incidere in peccata carnis; quia in
his circumstantiis melius est nubere,
quàm non nubere, & votum obligat. Fe-
lix nu. 1816. Sum. Leandr. & Campion.

16 *Sed queritur, cur potius juramen-
tum de ineundo matrimonio alicui fa-
ctum, simpliciter obliget c. commissum de
sponsalibus, & non etiam votum?*

Resp. Quia votum Deo propriè fit, qui
id non acceptat in præjudicium melioris
boni; juramentum autem fit homini (cum
divina solum attestazione) qui id sim-
pliciter acceptat, quatenus inde ei uti-
litas provenit. Verùm jurans posset, e-
tiam ingredi Religionem; sed tutius
foret, ut, Religione juramenti serva-
ta, prius contraheret, & postea ante

copulam carnalem monasterium intra-
ret, ut ibi Pontifex, & Glof.

17 *Queritur, an sit validum votum non vocendi?*

Resp.Negative; nam est impeditum
majoris boni, cum melius sit vovere, quàm
non vovere: quia vovere est actus Reli-
gionis, & non vovere istum excludit.

18 *Queritur, quot peccata commit-
tat Petrus vovens die festo audire Mis-
sam, si Missam non audiat?*

Resp.Duplex, quia duplici obligatione
ad Missam tenetur: ex præcepto Eccle-
siæ, & vi voti; & quamvis ambæ sint
contra eandem virtutem Religionis, ta-
men sunt diversæ speciei moralis; quia
omissio auditionis Missæ est contra ho-
nestatem cultus, qui Deo ob suam su-
premam excellentiam, & dominium de-
fertur per auditionem Missæ, & violatio
voti contra honestatem, quæ est in co-
lendo Deum per implementum promif-
sionis alicujus rei, in obsequium, & ser-
vitium ipsius.

19 Nota, quòd licet propria materia
voti sint opera consilii, seu supereroga-
tionis, votum de re, etiam alias præcep-
ta, est validum; nam materia alias præ-
cepta, est materia sufficiens voti, quia
melius est facere opera, alias præcepta,
quàm non facere. Tum quia, melius est
facere aliquid ex voto, quàm sine voto:
alias Scriptura non suaderet vovere.
Tum quia, quod fit ex voto, participat
honestatem Religionis, supra honesta-
tem, quam opus habet ex natura præ-
cepti: unde jejunium, quod ad abstinen-
tiam pertinet, ratione voti pertinet, e-
tiam ad Religionem.

20 *Queritur, an valeat votum non
peccandi?*

Resp.I. Votum non peccandi mortali-
ter valet, quia est de re cum divina gratia
moraliter possibili, & grata Deo, ut ex
D.Thoma dixit De La Cruz.

Votum de vitando saltem divisivè, &
in particulari quolibet peccato, etiam
veniali, valet: ratio est, quia, etiam se-
clu-

cluso voto, tenemur vitare omnia venialia in particulari, & divisivè, ergo hoc, Deo auxiliante, est moraliter possibile: alias obligaremur ad impossibile. Secus dicendum de voto vitandi omnia venialia collectivè, quia ad hoc requiritur specialius auxilium Dei.

21 Quæritur, *Cajus vocet Religionem ingredi, petitur, anteneatur omnes Religiones adire?*

Resp. Videndum est, quid vovens intendat; nam obligatio voti in tantum se extendit, in quantum se extendit intentio vovens. Ideò, si vovens habuit animum adeundi omnes Religiones, si in una non recipiatur, tenetur adhibere moralem diligentiam, ut in alia admittatur. Sed, si animum habuit non adeundi omnes, sed unam tantum, in qua, si, adhibitis diligentis, ut recipiatur, non recipitur, ad aliam non tenetur: & reputatur liber à voto; nam tale votum habet conditionem subintellectam, si recipiatur ab Abbate. Fagnan. in 3. *Decr. ad cap. Porrextum de Regul. nu. 3.*

22 Sed quæritur, *an qui à Monasterio exiit, non spontè, sed coactè, quia nimirum à Superiore ante professionem ejectus fuit, sit liber à voto?*

Resp. Affirmativè, quia votum intelligitur adimpletum; nam vovit Religionem ingredi, & Religionem intravit: nec ipse spontè, sed coactè exiit. Fagn. cit. num. 58.

23 Sed quid, *si expellatur ob defectum emendabilem?*

Resp. Crediderim teneri ad se corrigendum, & iterum ingredi, ad minus aliam.

24 Quæritur, *Laicus professus ex Ord. Min. hac Confessori aperit, Pater, admittus fui ad Religionem anno ætatis meæ 18. per integrum annum in probatione steti, post quem immediatè professionem emisit, sed contra Decreta Clementis VIII. super forma recipiend. Novit. disponentis: ipsi autem Conversioni non recipiantur ante vigesimum:* vel, ut loquitur Innoc. X. *Const. ad propagandam*

in Ord. Fr. Min. nec pro Laico (approbatur) qui vigesimum ætatis sue annum, non expleverit: peto, *an validè professionem emisim, & obliget ad observantiam Regule?*

Resp. Affirmativè; ratio est, quia in alleg. Const. Clement. & Innoc. non apponitur decretum irritans, nec irritatur, aut annullatur professio aliter facta. Quemadmodum à Trid. *sess. & cap. cit.* irrita declaratur professio emissæ ab eo, qui eam emittit ante decimum sextum annum expletum: vel, qui minori tempore, quam per annum, post susceptum habitum, in probatione steterit. Ideò, cum tu professionem emisisses post 16. annum completum, quamvis ante 20. professio tenet; pro ut dixit Bordonus *cap. 7. de profess. Regul. num. 35.* & Barbosa. in Trid. *sess. 25. de regul. cap. 15. nu. 13.* referens pro validitate fuisse resolutum à S. Cong. Conc. 2. *August. 1631. & 24. April. 1642.*

25 Hic nota non esse de substantia professionis, quod requiratur annus 20. consequenter ejus defectus non invalidat. Nam, tunc D.D. concordant aliquid esse de substantia actus, cum lex actum aliter factum irritat, & annullat per clausulam dispositioni adjectam, *irritum, & inane, &c.* sicut facit Trid. *cit.* Et propterea cum Pontifices exigunt annum 20. id non requirunt in ordine ad validitatem professionis, sed in ordine ad habilitatem, & labores, quibus Laici in Monasteriis deputantur.

26 Quæritur, *an obligemur sub mortali vota implere?*

Resp. Affirmativè, per se loquendo; nam vovere est voluntarium, sed adimplere necessarium, ex Gloss. *ad cap. licet de voto.* Et patet ex Deuteronom. 23, ubi legitur. *Cum votum voveris Domino Deo tuo, non tardabis reddere: si morasus fueris, reputabitur tibi in peccatum.* Et patet, ex quo promissio homini facta, ab eo acceptata, ex genere suo obligat sub mortali, ut ipsi fides

non frangatur, ergo & promissio voti facta Deo, à quo acceptatur.

Dixi *per se loquendo*, quia per accidens, si vorum sit de re parva, obligat solum sub veniali, quia in ejus violatione parva irreverentia Deo fit: ita, si vovisti recitare quotidie Salutationem Angelicam, venialiter peccas, si uno, vel altero die omittas.

27 Sed nota, quòd votum est promissio: in qualibet autem promissione duplex veritas consideratur, una de præsentī: in hoc consistens, quod qui promittit, habeat animum se obligandi, & exequendi, quod promittit; alia de futuro, ut quis suo tempore exequatur, quod promissit. Circa primam veritatem non admittitur à Doctoribus parvas materia: quia gravis irreverentia videtur esse Deo mentiri: circa secundam verò parvitatem concedunt: cum in transgressione non appareat gravis irreverentia in Deum. Sed videndum est, an vovens, etiam in re levi, voluerit se graviter obligare.

28 Nota etiam cum De la Cruz *nu. 9. Lezana Sum. Peyrin. de privil. Donat. prax. tom. 2. par. 2. tract. 16. quest. 8.* professionem, quam emittunt, Personæ Sæculares de Tertio Ordin. Prædicat. & Min. quæ de penitentia nuncupantur, non continere obligationem voti; quia illud promitto, quo utuntur, idem est, ac propono, & cum proposito confunditur. Videri possunt Const. Nicolai IV. *supra montem*, & Leon. X. *Inter cetera*, in Bullar. *Cherub*. Unde similes personæ Sæculares sunt instruendæ, ut sciant, ex vi talis professionis, & promissionis non obligari ad aliquam culpam, ne propter ignorantiam, & errorem existiment, se ad promissa, etiam vi voti, teneri. Peccabunt tamen, si ad ea, aliàs præcepto aliquo humano, vel divino sint obstricti: vel, si intendunt, etiam vi voti se obligare.

29 Quæritur, *Franciscus vovit dare quotidie pauperi obolum in elemosy-*

nam, per plures vices omittit, adeòut deveniret ad materiam gravem; petitur, an teneatur sub mortali reddere illam quantitatem?

Resp. Affirmativè, quia quamvis in singulis omissionibus mortaliter non peccaverit, peccavit tamen in ultima omissione, quæ cum aliis moraliter conjuncta constituit materiam gravem; & peccat contra Religionem, si illam materiam non reddat. Discutitur à simili de furante sapè minima; sed *Videlib. 2. cap. 22. num. 61.* Et sicut peccat mortaliter contra justitiam, qui ab initio habet animum per parva furtiva furandi materiam gravem; sic mortaliter delinquit, si habeat animum omittendi totas illas parvas elemosynas usque ad materiam gravem.

30 Quæritur, *promittit Petrus dare Ecclesie Calicem aureum, & Ecclesia promissionem acceptat; deinde Deo vovet se promissum Calicem eidem Ecclesie daturum, & non implet, petitur, quot peccata committit?*

Resp. Duplex, alterum contra justitiam non reddens Ecclesie id, ad quod acquisivit jus; & alterum contra Religionem, violans votum Deo factum, & fidem frangens. *Campionus.*

31 Quæritur, *an vovens jejunare in vigilia S. Augustini, teneatur alia die jejunare, si in vigilia omittat jejunium?*

Resp. Negativè; nam votum fuit factum in honorem Sancti, & est onus affixum diei, quemadmodum recitatio officii: & ideo infirmus sanitati restitutus, non est sollicitus supplere officia omissa. Sed peccavit mortaliter non jejunando.

32 Pro intelligentia notabis, cum, qui vovet, posse taxare tempus pro suo voto, & tempus non determinare; si tempus non determinat, sed absolute vovet, v.g. elemosynam dare, recitare Rosarium, &c. tenetur implere, cum primum commode potest; ratio est, quia, si sine determinatione temporis

rem promissit, præsumitur velle sine notabili dilatione solvere, dum potest sine gravi incommodo exequi.

33 Si verò tempus taxat: vel tempus assignatur ut terminus, & mensura impletionis voti: vel votum sit intuitu, & ob devotionem talis temporis, in quo vovens intendit honorare aliquem Sanctum; Si primum, etiam tempore transacto, tenetur implere; sic, qui vovet dare quotidie elemosynam, tenetur implere omnia, quia votum non est emissum ob devotionem talis temporis, sed in utilitatem pauperum: & ideo semper durat obligatio dandi, dum non datur; sicut vovens intra mensem ingredi Religionem, transacto mense, ingredi tenetur, cum tempus non sit appositum ad finiendam obligationem, sed ad præscribendum terminum, ultra quem non differatur.

34 Si verò votum sit emissum ob devotionem talis temporis, seu in honorem, & reverentiam v.g. talis Sancti, transacta vigilia, & tali die, non tenetur supplere; quia votum fuit principaliter emissum ad exhibendum cultum tali Sancto, in tali determinato die: sed peccavit non implendo.

35 Sed petitur, *ante teneatur abstinere ab ovis, & lacticiiniis?*

Resp. Negavit Felix *t. 1. examen. num. 1859.* ubi dixit in jejuniis, tum ex voto, tum a Confessario imposito, tum ad lucrandum Jubileum præscripto, non teneri fideles ad abstinentiam ab ovis, & lacticiiniis, nisi exprimatur. Contra quem est sententia communis ex Doctrina D. Thomæ 2. 2. questione 187 art. 8 ad 3. ubi dicendum quod ova, & lacticiinia jejunantibus interdiciuntur: & infra: principaliter interdiciuntur carnes, quam ova, & lacticiinia: & statim: in jejuniis Quadragesimali interdiciuntur universaliter, etiam ova, & lacticiinia. Circa quarum abstinentiam in aliis jejuniis diversæ consuetudines existunt apud diversos: quas quisque observare debet, secundum morem Matthæucci Cautela Confess.

rem eorum, inter quos conversatur.

Modò, si vovens sit in loco, in quo consuetudo sit, quod in jejuniis, etiam extra Quadragesimam, jejunantes abstineant ab ovis, & lacticiiniis, & ipse abstinere debet. Nam in eo loco jejunium, ne dum importat præceptum affirmativum, in hoc consistens, quod, qui in die jejunii vult comedere, semel tantum in die (excepto jentaculo serotino) comedere debeat; sed etiam negativum, de abstinentia à carnibus, ovis, & lacticiiniis. Præsertim, quia censetur vovere jejunium Ecclesiasticum juxta morem patriæ, & non aliàs. Ergo, si secundum utrumque non servat (nisi habeat licentiam à Prælato legitimo pro lacticiiniis) jejunium transgreditur, & peccat. Ideò relinquendus Felix: cujus opinio est prædicè improbabilis.

36 Sicut altera ipsius non subsistit, in qua *num. 2853.* dixit Fr. Minor. non teneri in jejuniis Regulæ, extra Quadragesimam, hoc est, *Adventus, & feria sexta* abstinere ab ovis, & lacticiiniis. Nam loquitur contra Constitutiones Ordinis. In statutis Sambucanis *capit. 2. §. 6. num. 1.* de jejuniis, absolute ipsi præcepto, disponitur, ut abstineant etiam ab ovis, & lacticiiniis. De illo *Adventus*, Constitutiones Capituli Generalis, celeb. die Anno 1500. Interan. de mandato Alexand. VI. *cap. 3. art. 2.* apud Orb. *Seraph. tom. 3.* de jejuniis, hæc habent. *Ad hanc autem Quadragesimam jejunandum Fratres sunt obligati modo, quo ceteri Christiani ad illam communem obligantur, ut lacticiinia in ea comedere nequeant.* Prout etiam scripsit Marchant in Regulam Sancti Francisci *capit. 3. tit. 3. quest. 2.* referens ex Hugone, De Dina, & quatuor Magistris: quod jejunia Regulæ sunt servanda juxta morem Patriæ, & jejunantium, ac maxime Religiosorum, communem formam; ita quod, si mos Patriæ, & jejunantium communis consuetudo in jejuniis, etiam extra Quadragesimam,

fit, abstinere ab ovis, & lacticiiniis, abstinere debeant: postquam id dixerunt Sanctoro, & Ameno. Videlib.I.cap.16. & 21.

37 Quæritur, *quam persona possint votare?*

Resp. Omnes, quæ habent usum rationis, & ætatem sufficientem ad peccandum mortaliter; quia omnes isti possunt promittere rem honestam, & Deo gratam, ac intelligere obligationem, quam vovendo contrahunt. Sum. Leand. num.43. & Felix.

Sed dices, ergo valida sunt vota emissa ab adolescentibus ante annum pubertatis, & à Religiosis, ac Uxoribus.

Resp. Affirmativè, si non sint præjudicialia Parentibus, Religioni, Marito, vel Familiz.

38 Quæritur, *an Parentes possint irritare omnia vota à filio emissa ante annum pubertatis?*

Resp. Affirmativè, colligitur ex cap. puella 20. qu. 2. Ratio est, quia ordinari ante annos pubertatis carent perfecto usufructu, & propterea subduntur Parentibus (& loco istorum Tutoribus) in omnibus suis actionibus; maximè autem in obligationibus contrahendis: ne ex imprudentia operantes, in eis se supra modum gravatos postea inveniant.

39 Nota, marcs dici impuberes ante completum Annum 14. & feminas ante 12. Unde omnia vota emissa à Filiis masculis, antequam expleverint Annum 14. & à Feminis, antequam duodecimum absolverint, dicuntur facta à Filiis impuberibus, & ante Annum pubertatis, consequenter à Parentibus irritabilia: quia sunt conditione subintellecta: *si Pater illa non irritat*, ut dixit De la Cruz cit. num. 19.

40 Sed quæritur, *an omnia vota impuberum, tempore impubertatis facta, possint à Parentibus irritari post pubertatem?*

Resp. Affirmativè, modò ea Filius tempore pubertatis non confirmaverit

Gobat. cit. num. 175. & Felix num. 1980.

41 Quæritur, *Cajus constitutus in sexto decimo ætatis anno, aperis Confessario, se post Annum decimum emisisset votum simplex castitatis, petit, an teneatur ad castitatem, & possit nubere?*

Resp. Interroget, an post Annum 14. votum ratificaverit: & dum affirmat, pronunciet teneri ad continentiam, & Matrimonium non posselicitè contrahere; si verò post Annum prædictum votum ratum non habuit, ad continentiam non teneri dixit Fagnan. in 5. Decretal. ad cap. Tua Litera de Cleric. per salt. prom. nu. 45. Ratio est, quia, cum ante pubertatem non habeat potestatem coeundi, nec possit Matrimonium contrahere cap. attestations de desponsat. impub. quantumcumque sit dolicapax, non potest renunciare ei, quod ignorat.

42 Sed quid, *si major Annis 14. se ad continentiam obligaverit?*

Resp. Tenetur servare, quia tunc ad coeundum est potens.

43 Quæritur, *an Pater possit irritare vota filii, edita tempore pubertatis?*

Resp. Affirmativè, si hæc duo concurrant: unum, quod Filius maneat sub potestate Patris, & non sit emancipatus: & alterum, si illa præjudicent Patriæ potestati: ut sunt vota, quibus domus perturbatur, aut Filius infirmari timetur, ut longa peregrinatio, immoderata jejunia, &c. Quia ista vota cedunt in damnum, etiam Patris, cessando ab ejus servitio, & sunt causa expensarum; vel, saltem dicas cum De la Cruz, & communi, posse Parentes suspendere istorum votorum executionem usque ad tempus, quo Filius sui juris fuerit, atque erit extra minoritatem: quod contingit post Annum 23. completum; usque ad tale tempus Filii dicuntur minores, & quoad bonorum administrationem subiciuntur Curatori, si Patri, & Avo Paterno deficientibus, talis subrogatus sit.

44 Non potest tamen irritare vota ipsi non præjudicantia, ut votum moderati

jejunii, orationis, moderatæ eleemosinæ de proprio peculio, bonorum castrensi-um, vel quasi castrensi-um, Religionis, castitatis, &c. Quia Filius pubes, non emancipatus, in his est omnino sui juris: & hæc intelliguntur facta sine conditione, si Pater consentiat.

45 *Queritur, an Superior possit irritare vota Religiosi subditi?*

Resp. Affirmativè, sic DD. communiter, propter subordinationem voluntatis Religiosi ad illam Prælati. Hinc, si emittant votum de vetitis à Regula, aut Superiore, ut de peregrinando: subintelligitur; si Prælatus licentiam concedat; si vero de non vetitis, subintelligitur, si Superior non resistat.

Excipiuntur, votum transcundi ad arctiorem Religionem, ex cap. licet de Regul. & vota in professione emissæ.

46 Abbatissæ quoque, & Priorissæ propter potestatem dominativam in voluntate, & actione Monialium, possunt ipsarum vota irritare, quæ regimini Monasterii, aut Monialis valetudini, vel debite sibi subjectioni officunt: aliàs, quando aliquid Monialibus præciperent, possent statim respondere: non possum, nec teneor hoc exequi, quia contrarium voti: quod est absurdum, & contra Ordinem Status Religiosi. Sed non possunt dispensatione relaxare, vel commutatione obligationem in aliam materiam transferre, quia carent jurisdictione Ecclesiastica. Cabasus. *prax. lib. 1. cap. 8. num. 22 in fine.*

47 *Queritur, an Domini possint irritare vota suorum mancipiorum?*

Resp. Affirmant plures, maxime de votis, quæ impediunt Domini servitium: ut esset votum peregrinationis, intrandi Religionem, &c. Secus de aliis, quæ in damnum ipsius non cedunt, ut est votum non jurandi, castitatis, moderati jejunii, &c. Sed magis placet asserere cum Illung. posse prima solum suspendere pro tempore, quo obsequio illorum præjudicant; ratio est, quia Domini habent so-

lùm dominium utile in mancipium, & servum, ergo ea tantum vota, & pro eo dumtaxat tempore possunt suspendere, quamdiù eorum dominio utili, debito nimirum obsequio, præjudicant.

48 *Queritur, an Maritus possit irritare omnia vota Uxoris?*

Resp. Negativè, sed ea sola, quæ præjudicant ului matrimonii, educationi prolis, & administrationi familiæ; quia subjectio Uxoris erga Maritum est in rebus, ad prædictos matrimoniales fines spectantibus; quæ subjectio fundatur solum in contractu Matrimonii, ergo potestas Mariti extenditur solum ad irritanda vota Uxoris, in materia contractui matrimoniali subiecta; & sic potest irritare votum frequentis jejunii, quo inhabilis reddi posset ad usum Matrimonii, illud peregrinationis, immoderate eleemosynæ, &c.

49 *Sed queritur, an possit Uxor irritare illa viri?*

Resp. Directè non potest, sed solum indirectè. Hinc nota duplicem esse irritationem, directam, & indirectam; directæ, est annullatio voti factæ ab eo, cui subiecta est voluntas voventis: indirectæ verò, est suspensio voti, quatenus ei subiecta est materia voti, cujus executio ei præjudicat: quare Uxor non potest viri vota directè irritare, quia vir non est Uxori quoad voluntatem subiectus; nam vir est *caput mulieris ad Ephef. 5.* sed potest solum executionem voti suspendere, si sibi, ut sub statu Matrimoniali, præjudicet: propterea cum præjudicium cessat, votum indirectè irritatum reviviscit, & vir ad ipsum obligatur; nam non fuit extinctum in radice, sicut irritatum directè.

50 *Sed queritur, uxor facit votum castitatis, per quod privatur iure petendi debitum, petitur, an maritus possit huiusmodi votum irritare?*

Resp. Negativè, ex cap. quidam, & c. placet de convec. conjug. ubi deciditur, votum castitatis uxoris valere, & obli-

gare ad non petendum debitum : cùm hoc sit in ejus potestate, sed reddere tenetur.

51 Sed quaeritur, *uterque conjugum post consummatum matrimonium, mutuo consensu, vovent absolutè castitatem, petitur, an possit vir votum uxoris irritare?*

Resp.Negative, ex capit. quod Deo 35. qu.5. & neuter tunc potest petere, aut petenti reddere: quia uterque per suum consensum censetur juri suo petendi celsisse. Marchant. *resolut. Pastoral. cap.2. qu.20. de vot.* Observa, quòd altero conjugè mortuo, superstes tenetur castitatem servare.

52 Quædiximus de irratione votorum, servata proportionè, extendimus ad irrationem juramentorum: adeò ut Superior ratione potestatis dominativæ in actiones subditorum, possit irritare omnia ipsorum juramenta, excepto eo, quod adiceretur voto transeundi ad Ordinem strictiorem, vel votis propriæ Religionis; & Pater illa filii impuberis; ac vir ea uxoris: quatenus hæc præjudicant eorum potestati, & servitio; ratio est, quia omne juramentum hoc ipso, quod sequitur naturam promissionis, est conditionatum, *si scilicet, salvo jure Superioris, servari possit.* Ergo deficiente conditione, consensu nimirum, seu ratificatione Superioris, nullum est, & irritum, sive in honorem Dei, sive in utilitatem hominis sit editum.

53 Nota, quod habentes facultatem irritandi, vel dispensandi in juramentis, ea uti non possunt, quoad ea, quæ sunt facta in utilitatem tertii, ab isto acceptata: nisi iste consentiat: quia, ipso invito, non potest privari jure, quo habet in rem promissam, & à se acceptatam. Illung. *tr.5. disp.1. qu.2. art.5. Vide lib.2. cap.17.*

54 Quaeritur, *in quo differat irritatio à dispensatione, & commutatione voti?*

Resp. In hoc. I. *Quia irritatio est actus potestatis dominativæ, quæ impeditur, & tollitur obligatio voti, à subdito con-*

tracta, tamquam præjudicans dominio Superioris. Dispensatio verò, est actus jurisdictionis, quo, iusta causa, tollitur, & remittitur obligatio in totum, vel in partem, nomine Dei.

Commutatio tandem, *est actus jurisdictionis, quo obligatio voti legitima causa mutatur, & transfertur in aliud opus.* In commutatione itaque non tollitur obligatio voti, sed transfertur, implenda in alia materia.

II. Quia irritatio potest fieri, etiam à Laico; ex quo jus irritandi fundetur in dominio pleno, & perfectio, quod quis habet respectu alterius, cujus actiones personales, & domesticas dirigit: Dispensatio autem nonnisi à persona Ecclesiastica, habente jurisdictionem Ecclesiasticam. Commutatio pariter in æquale debet fieri auctoritate Ecclesiastica.

III. Quia irritatio facta sine causa est valida; nam subditus suo voto non potest suum Superiorem obligare, nec ipsum privare dominio in suas actiones; sed Superior sine causa irritans venialiter peccat, si votum subdito utile irritet. Sed tunc mortaliter delinquit, si sine causa rationabili irritet votum, ad quod emitendum licentiam concessit. *Numero-rum 30.* Dispensatio autem sine rationabili causa facta, invalida est, & illicita, quia fit nomine Dei, qui non acceptat, nec approbat relaxationem voti temerè, & imprudenter factam; nam legitime non dispensat, sed bona sui Domini dissipat, cum ipsius jura, & ipsi debita, sine iusta causa remittat. Commutatio pariter in opus æqualiter bonum sine causa nec licita est, nec valida; cùm non sit præsumendum, Deum sine causa acceptare translationem obligationis voti in materiam æqualem.

55 Dixi in opus æquale, quia in rem evidenter meliorem potest vovens propria auctoritate suum votum commutare, (modò non sit reservatum) juxta *cap. ex multa de voto.* Nam in omni voto, saltem tacitè, & interpretativè

inclu-

includitur hæc conditio, quòd vovens velit se obligare ad præstandam rem, nisi eidem substituerit meliorem, id est, Deo gratiorem, & sibi ad animæ salutem utilioiorem. Illung. *nu.* 148. Ita, si quis voveat dare Calicem argenteum Ecclesiæ B.M. & loco ipsius substituat aureum: & loco jejunii simplicis, illud in pane, & aqua, votum implet; nam in meliori includitur minus bonum, & aliquid plus: sed in æquale non potest; nam non potest aliquid loco alterius solvi, nisi promissarii consentiat. Quilici *qu.* 15. *ar.* 2. *num.* 35.

Hinc fit, quod, ut dispensatio, & commutatio subsistant, requiritur auctoritas, & causa: hujus sufficientia relinquitur arbitrio viri prudentis, & timorati. Propterea Confessarii, quibus, vel in Jubileis, vel extra datur facultas, dispensandi, vel commutandi vota, examinent, an causa rationabilis sit.

56 Sed nota in commutatione necessariam non esse causam, adeò gravem, sicut in dispensatione: ex quo in ista obligatio omninò tollatur: in illa verò non sic, sed de una ad aliam materiam transferatur implenda: adeò ut obligatio voti, quæ erat exequenda in jejunio, sit executioni danda in elemosyna.

57 Quæritur, *quanam persona possit in votis dispensare, & ea commutare?*

Resp. I. Summus Pontifex supremam potestatem habet in omnia: & ipse dumtaxat in hæc quinque, sibi reservata dispensat. *Religionis approbata à S. Sede: Castitatis perpetua: Peregrinationis ad limina Apostolorum: S. Jacobi in Compostella: & Terra Sancta.* II. S. Prænitentia. III. Episcopi.

58 Sed quid, *dicendum de Confessariis Regularibus quoad seculares?*

Resp. Possunt ex privilegio vota commutare, exceptis quinque reservatis Papæ, & aliis, ut infra. Quilici *Confess. manud.* *qu.* 5. *art.* 4. *num.* 11. 12. & 13. Tambur. *in Decalog.* *lib.* 3. *cap.* 16. *num.* 56.

De la Cruz *de pril. regul.* *lib.* 2. *cap.* 6. *dub.* 8. Hasbenfis *sum. q. q. regul. ver. votum.* *num.* 581. Felix *examen.* *tom.* 1. *num.* 1918. Illung. *cit.* *num.* 151. referens à Paulo III. fuisse Confessarii Societatis delegatam potestatem commutandi vota non reservata; consequenter, etiam Religiosis gaudentibus communicatione privilegiorum cum Jesuitis. Lege extravag. Sixti IV. *Dominici, de panit. & remis. inter com.*

59 Sed debent plura concurrere, 1. Ut Regularis sit approbatus ab Ordinario loci ad audiendas Confessiones Secularium. 2. Ut sit à Generali, vel Provinciali specialiter deputatus ad commutandum. 3. Ut in Ecclesiis tantum sui Ordinis ea facultate utatur. 4. Ut vota non sint Papæ reservata juxta *cap. ex multa de voto*: in quæ non potest nec tempore Jubilei, nisi in literis exprimatur, & detur facultas. 5. Ut non sint reservata Episcopis: quamvis alii negent. 6. Ut vota non sint facta infavorem tertii, & ab eo acceptata, nisi ejusdem consensus accedat; quia privilegium non intelligitur datum cum præjudicio tertii. 7. Ut vota non sint jurata, ob duplex vinculum, voti nimirum, & juramenti; quia, cum Papa id concedere intendit, exprimit. 8. Ut commutatio fiat pro foro conscientie tantum, & in actu Confessionis. 9. Ut in Monasteriis majoribus non deputentur, nisi tres, vel quatuor, & in minoribus unus, vel duo: & tandem, ut commutatio non fiat sine iusta, & rationabili causa.

60 Sed quæritur, *an, Regularis ab Ordinario approbatus, & à Superiore deputatus, possit etiam dispensare in impedimento petendi debitum conjugale. Quod in eo est, qui votum simplex castitatis emisit?*

Resp. De hoc diximus *lib.* 2. *c.* 7. *num.* 5. Est resolutio affirmativa, communiter inter allegatos recepta; quibus addo Ant. à Spir. Sancto *direct.* *Regul. tract.* 2. *disp.*

disp.1. sect.2. Felicem, etiam *num.4302.* Nicol.Flof. *ver. debet conjug. num.5.* asserentes, Confessarium Regularem ab Ordinario approbatum, & à Generali, vel Provinciali deputatum, posse dispensare in impedimento petendi debitum, contractum, vel voto simplici castitatis, vel etiam affinitate, aut cognatione spirituali (modò illæ superveniant matrimonio) sed in foro conscientie tantum, & in actu Confessionis, ac in suis Ecclesiis dumtaxat; sed videant, ne in utenda facultate excedant: & an privilegia sint in usu, & non revocata.

Advertant Confessores, qui in casu voti dispensant ad debitum petendum, debere dispensatum monere, quòd, mortua Uxore, non potest licite nubere; sed teneri ad votum: & quod peccat, si iterum contrahat: ac non posse petere debitum à nova conjugē, sine nova dispensatione, ut dixit De la Cruz *cit. dub.9.*

Item, ponderent hujusmodi deputationem durare ad libitum, & expirare morte, ac mutatione Superioris, ut ex Lezana docuit alleg. Quilici: & nunquam esse deducendam ad praxim dispensando, nisi legitima accesserit causa; legitima reputatur, si conjuges non possint se continere.

61 Quæritur, quomodo se gerere debeat Confessarius in commutatione votorum?

Rsp. Regula hujus rei certior dari nequit, quàm prudeus arbitrium Confessarii, qui, omnibus circumstantiis expensis, æqualitatem, quoad potest, servet.

Hinc Regula I. fit, ut votum perpetuum in perpetuum, personale in personale, & reale in realem obligationem ordinariè commutetur: longam peregrinationem ex voto promissam commuta in frequentem visitationem Ecclesiæ; considera pericula, labores, & expensas pro eundo, & redeundo faciendas (quæ reputantur sub voto cadere) & obliga, ut expendat in aliquod pium opus. Piasec. *prax. par.2. cap.1. art.3. à num.10.* labores

commuta in flagellationem, vel jejunium.

II. Regula, ut commutetur in id, quod est melius, & utilius ipsi voventi hic, & nunc, seu pro tempore, loco, & dispositione ipsius. Vovit penitens flagellationem ad domandam carnem, commuta in jejunium: quod ad carnis mortificationem conducit.

III. Regula, ut consideretur, qualitas, & conditio voventis. Sic pauperi vovum Eleemosynæ commuta in recitationem Rosarii, in servitium Hospitalis tot diebus, quot judicantur sufficientes ad componendam quantitatem eleemosynæ promissæ. Debilibus verò, & laborantibus, votum jejunii commuta in opera faciliora, proportionata statui, & complexioni, ut, vel in eleemosynam, aut repetitam auditionem Missæ die Festo, vel in recitationem Officii B.M.V. singulis Sabbatis, ad ratam dierum, quibus debebant jejunare: Cætera videas apud Tambur. in decalog. *lib.3. cap.17. & à nobis dicta lib.1. cap.27. nu.35.*

62 Quæritur, accedit Religiosus Professus, petens à Confessario commutationem voti, quod in saculo emisit, invivendi singulis annis domum Lauretana, petitur, an egeat commutatione?

Rsp. Negative; nam per professionem Religiosam extinguuntur omnia alia vota simplicia, sive realia, sive personalia, facta in Novitiatu, vel in Seculo; textus expressus in *cap. Litera de voto*; etiam si votum esset reservatum, ut ibi *Gloss.*

63 Quæritur, penitens hac Confessario aperis, Pater: post susceptum Ordinem Subdiaconatus, Matrimonium contraxi, deinde audivi esse obstrictum voto solemnem castitatis, Sacris Ordinibus annexo, peto, an Matrimonium sit validum? Pro validitate habeo Auctores, resolverses ignorantiam excusare ab obligatione voti; ego autem cum Ordinem suscepi, ignorabam obligationem servandæ continentie suscipere; quid agendum Confessario?

Rsp.

Resp. Pronunciet Matrimonium esse nullum, & ipsum teneri ex obligatione voti solemnitis (Sacris Ordinibus ex lege Ecclesiastica annexi *cap. Amultis de astat. & qualis.*) ad continentiam servandam; Ratio est, quia statim ac sciens, & prudens accipit id, cui est annexum votum castitatis, censetur virtualiter, & implicitè castitatem vovere: propter communem regulam, quod, *qui recipit unum connexorum, censetur ad alterum se obligasse.*

Utique ignorantia excusat ab obligatione voti (quia, ubi hæc est, cognitio deest, & ubi cognitio non adest, libertas in operando non datur, quia nil volitum, quin præcognitum) sed hæc in casu non datur, quia principale non ignoratur.

I. Sed observa, quod votum castitatis duplici modo emittitur, expressè, & implicitè, seu tacitè: *expressè*, cum aperte verbis dicitur: *voveo castitatem; implicitè verò, vel tacitè*, cum aliquid aliud suscipitur, quod votum requirit, vel, cui est annexum castitatis votum: quod emittunt, qui ordinantur Ordinibus Sacris.

II. Quod ignorantia à voto excusat, si sit circa substantiam, vel aliquid notabile spectans ad substantiam voti, aut circumstantiam notabiliter, mutantem materiam voti: quia nullus, nisi volens, obligatur.

III. Ex Engel. *lib. 3. tit. 34. nu. 7.* quod Deus non censetur acceptare vota simplicia in illis circumstantiis, quas non prævidimus: & si prævidissemus, non dedissemus consensum.

Dixi *vota simplicia*: quia aliter discuitur de solemnibus, propter manifestum discrimen, quod inter ea reperitur. Nam simplex constituitur sola voluntate voventis, se Deo obligantis, sine actuali sui traditione. Solemne verò, cum voventis voluntate perficitur per actuale sui traditionem, juxta dicenda *l. 4. ult.*

IV. Quod si vovens habet voluntatem vovendi eo modo, quo cæteri vovere so-

lent, tunc saltem implicitè, in obligationem consentit. Quod semper à Confessario præsumendum est, nisi contrarium probetur. Alias Plures excusationem ab implendis votis allegarent.

Sed quid dicendum de eo, *qui sciens Ordini Sacro esse annexum votum castitatis, ipsum suscipiens, diceret*: nolo, nolo vovere castitatem?

Resp. Gobat, ex per. Theol. *traç. 8. cap. 10. num. 758.* Hasbenis *Sum. qu. Regul. v. votum num. 466.* censet, cum ex voto ad castitatem non teneri, quia votum est promissio, & obligatio Deo facta, dependens essentialiter à voluntate; nam nullus promissione se obligat, nisi qui animum habet se obligandi, & cui vult se obligare, ut dixit *Gloss. ad cap. Literaturam de voto in ver. proponens.* Quem tamen dixerunt ad castitatem teneri ex statuto Ecclesiæ, quo præcipit observantiam castitatis illi, qui noluit observare, illumque inhabilem facit ad Matrimonium. Engel. *cit. à num. 4.*

Sed mihi facis probabile est, etiam ex obligatione voti teneri ad castitatem. Moveor, ex quo protestatio illa sit contraria factò; nam protestatur se nolle continentiam vovere, & consentit in recipiendo annexum: ergo tacitè censetur se ad continentiam obligare, & per susceptionem Ordinis protestationem destrui. A pari discuro de eo, qui protestatur, se credere Messiam venisse, & tamen Agnum Paschalem comedit, & Sabbatha more Judæorum colit; in quo cum protestatio sit factò contraria, non relevat ad excusandum ipsum ab errore contra fidem, ut optime discuitur *Carena de offic. Inquisit. p. 2. tit. 1. num. 77.* Et nos diximus *lib. 1. cap. 4. num. 19.* Ergo statim ac Ordinem suscipit, votum tacitè edit, & implicitam voluntatem habet se obligandi. Vide Layman. *lib. 5. tr. 9. cap. 11. à num. 1.*

Duo peccata sic Ordinatus committit; alterum sacrilegii, suscipiens Ordinem in peccato: alterum decipiendo Ecclesiam,

fiam, quæ ab ordinato vult castitatem promitti, *cap. Diaconus dist. 27.*

64 Quæritur, *an voti obligatio transeat ad hæredes?*

Resp. Considera aliud esse votum personale: quod solum ab ipso voto vovente impleri potest, quia promittitur aliquid præstandum ipsius voventi personali actione: ut, si voveas castitatem servare, jejunare, orare, Missam audire, &c. Aliud reale, ut, cum promittitur Deo, res danda, vel expendenda à vovente; ut elemosynam dare, Ecclesiam ædificare, &c. Et aliud mixtum, quod ex utroque participat: ut, cum Deo vovens promittit aliquid à sua actione distinctum: vel, non modò rem suam, sed etiam propriæ personæ officium, functionem, & ministerium: ut, se propriis manibus Ecclesiam ædificaturum, elemosynam daturum, suis sumptibus peregrinaturum, &c.

His intellectis. DD. concordant. I. Votum personale esse exequendum ab ipso voto vovente, cuius onera personalia ad hæredes non transeunt, nisi ipsi hæredes executionem voti in se liberè suscipiant: ratio est, quia obligatio personalis non est conjuncta cum hereditate, sed cum persona, & cum ista extinguitur: à pari de privilegio personali. Nec testator potest hæredibus pro suo arbitrio eam obligationem imponere. Verùm, si hæres sit voluntarius, & non necessarius, cui testator hæreditatem relinquit sub conditione, quòd personalia vota impleat, tenetur, dum hæreditatem acceptat.

II. Obligationem voti realis ad hæredes transire, adeò ut isti, post aditam hereditatem, teneantur illa implere. Ratio est, quia, quemadmodùm hæres suscipiens hæreditatem acquirit omnia jura, & commoda testatoris, sic etiam omnia onera, debira, & reales obligationes in se suscipit. Hinc cum testator sit factus debitor illius rei, in quam votum cadit, hæres tale debitum solvere tenetur. Non quidem ex virtute Religionis, quæ solum voventem obligat, sed ex virtute iustitiæ,

ratione acceptatæ hæreditatis, unà cum omnibus oneribus. Layman. *lib. 4. cap. 3. num. 12.*

III. Hæredes teneri ad vota mixta, secundùm id, quod participant de votis realibus. Testator vovit visitare domum Lauretauam, atque ibi offerre argenteam lampadem, hæres ad istam dandam tenetur.

65 Sed pondera, hæredes non teneri solvere vota Defuncti ultra vires hæreditatis, sed cum proportionem ad illas. Unde prius debent deduci expensæ funerum, deinde legitima hæredis; quia hæc non poterat gravari à Testatore debito voluntario. Prius etiam debent solvi debita ex iustitia: quia obligationes votorum implendæ sunt ex bonis Defuncti, de quibus poterat ipse disponere; qui disponere non poterat de illis, ære alieno gravatis: quia ad ea jus Creditores habebant.

66 Sed quæritur, *Cajus habet apud se sex candelabra argentea, quæ ex voto promisit offerre Ecclesie B. MV. interim, antequam votum exequatur, tamquam rebellis, rapitur in vincula, cuius omnia bona addicuntur Fisco, id ipse sciens, manifestat iudici Seculari, se illa candelabra ex voto parasse B.V. petitur, an Iudex Laicus possit ea candelabra in alios usus profanos convertere?*

Resp. Negativè: Fiscus enim tenetur implere vota realia Rei. Nam, licet Fiscus non sit propriè hæres, habetur tamen loco hæredis, *l. inter eas, §. Bonis, ff. de Fidei ius.* & ibi Gloss. in verb. *ita fisci*. Et tenetur ad debita Rei, *l. non possunt ff. de jure fisci*. Ubi hæc sunt: *non possunt ulla bona ad Fiscum pertinere, nisi quæ Creditoribus superflua sunt; id enim bonorum cuiusque esse intelligitur, quod alteri superest.* Unde in casu, quo Iudex in alios usus expendisset, deberet reddere æquivalens.

67 Quæritur, *Antonius est obligatus voto ad audiendum Sacrum, recitandum Rosarium, & servandam castitatem, nullum ex his implet, confitetur banc tri-*

triplicem transgressionem, dicendo: tria vota à me emissa, semel sum transgressus; petitur, an satisfaciat integritati Confessionis, si specificam malitiam non aperiat?

Resp. Negativè; nam promissiones specificantur à materia, seu actu ultimo, qui promittitur. Promittis recitare Rosarium flexis genibus: audire Sacrum diebus non Festis: pauperi eleemosynam dare: Ecclesiam fundare: dotare puellam, &c. Teneris in Confessione explicare in specie, quodnam ex illis violasti: nec satis est dicere, peccavi contra Religionem, sed necesse est explicare actus, quos promissisti, & omissisti implere. Nam ex terminis apparet, moraliter loquendo, quòd decentia, & honestas, quæ est in hoc, quòd quis Deo exhibeat cultum, erogando pauperi eleemosynam, voto promissam, alia sit ab ea, quæ apparet in obsequio, quod impenditur per adimplementum voti jejunandi: ergo diversa specie malitia, & turpitudine est in transgressionem: ergo, ut sufficienter Petrus se accuset, debet explicare, quem ex illis actibus omiserit.

68 Quæritur, *Berta post votum Religionis Matrimonium contraxit, post plures annos vir moritur, & ipsa sine filiiis relinquitur, petitur, an teneatur Monasterium ingredi?*

Resp. Affirmativè; si non sit inhabilis effecta propter infirmitatem, vel ætatem; ratio est, quia nuptiæ illicitè celebratæ non extinserunt obligationem voti: nec ullus de sua malitia commodum reportare debet. *intelligimus de transact.* Si verò inhabilis sit effecta, deobligatur.

69 Quæritur, *Cajus certus est se vovisse dare Calicem Ecclesie S. Francisci, sed dubitat, an argenteum, vel aureum, ad quem Confessarius obligabit?*

Resp. Ad argenteum, saltem quoad cuppam, quia præsumitur hunc vovisse: nam præsumptio fit ex regulariter contingentibus, & regulariter Calices cuppam argenteam habent. Sed crederem esse considerandam qualitatem personæ; nam, si valdè dives foret, deberet præsumi se voluisse obligare ad Calicem argenteum ex integro.

71 Sed quæritur, *vovuit, determinatè dare hunc Calicem, hunc equum; equus moritur, & Calix à fure rapitur, petitur, an sit obligandus supplere per alia?*

Resp. Negativè, quia materia in individuo fuit taxata; sed, si vendidisset, teneretur ad pretium, in quo virtualiter, & equivalenter manent. Quemadmodum, si sua culpa, tam mors, quàm furtum evenissent.

Circa vota conditionalia, nota. I. Quòd emissa sub conditione contingenter futura non obligant ante impletam conditionem: voves dare eleemosynam, si Pater convalverit, si vivat, &c. posita sanitate, & vita Patris, teneris implere; nam purificata conditione votum transit in absolutum. Promissio Deo facta parit obligationem Religionis; quæ in tantum obligat ad standum promissis absolutè, quando conditio intenta est impleta, ne lædatur honor Dei, frangendo fidem promissionis. Super cæteris consule DD. Nam hæc ad finem intentum satis videntur. Et de tertio libro sufficiant.

LIBER QUARTUS.

DE SACRAMENTIS

IN G E N E R E.

Doctores integros tractatus de Sacramentis, tum in genere, tum in particulari ediderunt, quorum prolixitatem nos vitantes, summam solum de iis tractaturi sumus, exhibentes Confessario quædam particularia, & magis practicabilia, ut ad manus aliqua quoque de Sacramentis habeat.

C A P U T 1.

De Sacramentis in genere.

1 **D**E Sacramentis novæ legis nobis sermo est. Quorum septenarius numerus habetur ex Florent. in decret. Eugenii, & Trident. sess. 7. Can. 1. de Sa-

cramen. in gen. adeo hæreticus esset, qui plura, vel pauciora, quam septem esse affirmaret. Ea sunt, *Baptismus, Confirmatio, Eucharistia, Penitentia, Extrema-UNCTIO, Ordo, & Matrimonium.*

2 Definitionem Sacramenti: est invisibilis gratia visibilis forma, cap. sacrificium de consecrat. dist. 2. seu: invisibilis gratia visibile signum, ad nostram Sanctificationem institutum: approbat Trid. sess. 13. cap. 3. de Eucharistia.

Dicitur institutum: at non ab homine, non à natura, non casu, sed à Christo Domino, Sacramentorum Authore. Et hinc patet ad essentiam Sacramenti requiri: ut sit signum sensibile gratiæ habitualis, justificantis, & sanctificantis hominem.

3 Sed nota, Sacramenta non solum gratiam significare, sed etiam eam cau-

sare, & efficere, in non ponentibus obicem. Propterea à Theologis dicuntur signa gratiæ, non tantum speculativa, sed & practica, & efficacia: & à Trid. Can. 6. gratiam continere.

4 Item pondera, Sacramenta novæ legis ex eod. Trid. sess. 7. Can. 8. conferre gratiam ex opere operato, hoc est ex institutione, & promissione Christi, per quæ merita Passionis ejus communicantur, & applicantur suscipientibus ipsa, & gratia confertur, dum in eis obicem non inveniunt, juxta Trid. sess. 6. cap. 3. de justif.

5 Quæritur, quot sint Sacramentalia?

Resp. Sex numerantur à DD. hoc carmine contenta.

Orans, Tinctus, Edens, Confessus, Dans, Benedicens.

Orans, denotat Orationem Dominicam: quæ præcipuum inter Sacramentalia obtinet locum. Vide D. Thomam in 3 par. q. 87. art. 3. in corpore. Ubi numerat inter ea, etiam Orationem, quæ fit in Ecclesia consecrata.

Tinctus, significat eum, qui attingit aquam benedictam, vel, ea aspersus se signat.

Edens, complectitur commestionem eorum, quæ à Sacerdotibus sunt benedicta, juxta ritus, & Orationes ab Eccle-

sia Romana præscriptasin Rituali Romano circa commestibilia.

Confessus, significat Confessionem generalem, quæ fit ante Introitum Missæ, & ad Primam, & Completorium.

Dans, insinuat elemosynam, *cap. Quamobrem, cap. Medicina de panit. distant. 1.*

Benedicens, indicat benedictionem Episcopalem; & secundum alios comprehendit alias benedictiones, institutas ab Ecclesia, puta, Cinerum, Candelarum, Palmarum, &c.

6 Hæc Sacramentalia valent, ad remissionem venialium, quatenus, si quis eis, cum reverentia utatur, & humiliter, ac devotè, recitanda, recitet, ac doleat de venialibus, per ea delentur: facit Trid. *sess. 14. cap. 5. de panit. docentis: non esse necessarium venialia confiteri, quia ipsa possunt multis remediis expiari.*

7 Queritur, *quam ex Sacramentis sint Sacramenta mortuorum, & que vivorum?*

Resp. Mortuorum sunt, illud Baptismi, & Pœnitentiæ; quia primum datur mortuis spiritualiter per peccatum originale, & secundum mortuis per peccatum actuale. De quibus dicitur, quod causent primam gratiam, quia non supponunt vitam gratiæ, sed per se causant eam in non ponentibus obicem. Vivorum sunt reliqua, quæ supponunt vitam gratiæ in suscipiente. Nam de necessitate præcepti divini est, ut conficius peccati mortalis, priusquam ullam ex quinque vivorum Sacramentis percipiat, debeat se ponere in statu gratiæ: vel, per Confessionem, dum potest: vel, per contritionem perfectam cum voto confitendi, dum deest copia Confessoris; & ideo hæc causant secundam gratiam, vel gratiæ augmentum, *v. l. 2. cap. 33. nu. 19.*

8 Sed queritur, *an Sacramenta vivorum aliquando possint primam gratiam causare?*

Resp. Per se nunquam possunt, bene

verò per accidens; & tunc Sacramentum, quod per se est vivorum, per accidens fit Sacramentum mortuorum. Explico: ignorat quis invincibiliter se esse maculatum peccato mortali, accedit ad Eucharistiam reverenter, & devotè, putans esse in statu gratiæ habitualis, ex vi Eucharistiæ recipit primam gratiam sanctificantem, & justificatur, Accedit Ordinandus ad Episcopum, recordatur alicujus peccati mortalis, Confessarium non habet, elicit actum attritionis, quem inculpabiliter putat contritionem perfectam: hic, stante bona fide, ex vi Sacramenti Ordinis, quem suscipit, justificatur: ergo Sacramenta vivorum per accidens causant primam gratiam. D. Thom. 3. *par. 4. 79. art. 3. in corp.* Gobat. *Exper. Theol. tr. 1. num. 18.* Felix *exam. tom. 3. num. 12.* Clericatus *dec. qu. de ann. 1687. quæst. 2. mens. Januar.* allegans Dianam, & Lauream, De la Cruz *de Sacram. in gen. qu. 2. num. 2.*

9 Queritur, *an Sacramenta præter gratiam habituales sanctificantem conferant aliam gratiam?*

Resp. Affirmativè. Per Sacramenta præter habituales gratiam conferuntur quædam auxilia gratiæ actualis, quæ Deus decrevit dare recipientibus debite ipsa Sacramenta, tempore opportuno, nisi ipsimet ponant obicem. Sic baptizatis præter gratiam sanctificantem decrevit Deus dare quædam auxilia actualia ad novam vitam instituendam, eique se conformandum, cujus filius per baptismum quis effectus est.

Confirmatis, ultra augmentum gratiæ sanctificantis, decrevit Deus per Confirmationem dare aliqua specialia subsidia actualis gratiæ in ordine ad consistendam fidem Christi liberè, & fortiter, non obstante persecutione, & tentationibus impellentibus in contrarium.

Per Extremam-Unionem, decrevit ultra tale augmentum conferre auxilia, quibus infirmus resisteret tentatio-

tionibus, in extréma infirmitate occurrentibus.

Ordinatis, per Ordinem præter augmentum sanctificantis conferuntur auxilia ad dignè exequenda ministeria Sacra.

Per Matrimonium, præter tale augmentum dantur auxilia ad ejus sustinenda onera, & prolem educandam.

Per Eucharistiam dantur, cum tali augmento auxilia ad perseverandum in gratia, & vincendos concupiscentiæ motus.

Per Pœnitentiæ Sacramentum tandem, ultra gratiam sanctificantem, auxilia conceduntur ad concipiendum horrorem de peccatis, & dolendum de illis.

10 Nota per Baptismum, Ordinem, & Confirmationem imprimi etiam characterem, ex Trident. *cit. sess. 7. Canon. 6.* Qui non deletur per mortale. Nec ipsa possunt iterari: cætera verò iterari valent.

11 Nota II. Ex Florentino in Decreto Eugenii Sacramenta novæ legis tribus perfici: *rebus, tanquam materia: verbis, tanquam forma: & persona ministri, habentis intentionem faciendi, quod facit Ecclesia*; quorum si aliquod desit, non perficitur Sacramentum. De quibus in particulari suo loco.

12 Queritur, an liceat aliquid addere, vel tollere de verbis, in quibus consistit forma Sacramentorum?

Resp. Ex D. Thom. *cit. in corp. Duocirca hujusmodi mutationes, quæ possunt in formis Sacramentorum contingere, esse consideranda, unum ex parte ejus, qui profert verba: cujus intentio requiritur, ad Sacramentum, & idem, si intendat per hujusmodi additionem, vel diminutionem alium ritum inducere, qui non sit ab Ecclesia receptus, non videtur perfici Sacramentum, quia non videtur, quod intendat facere, quod facit Ecclesia. Et aliud, ex parte significationis verborum. Cumenim verba operentur in Sacramentis, quantum ad sensum, quem faciunt: oportet*

tes considerare, utrum per talem mutationem tollatur debitus sensus verborum; quia, si sic, manifestum est, quod tollitur veritas Sacramenti. Manifestum est autem, quod si diminuat aliquid eorum, quæ sunt de substantia forma Sacramentalis, tollitur debitus sensus verborum, & idem non perficitur Sacramentum. Quare non verè baptizat, qui hac forma uteretur: ego te baptizo, in Nomine Patris Majoris, & Filii Minoris, &c. quia iste non ponit debitam formam; pariter, si baptizaret: in nomine Patria, & Filia, &c. intendens explicare in divinis esse Filiam, non perficeret baptismum, cap. retulerunt dist. 4. de consecrat. vel, si unum ex his nominibus prætermitteret: Patris, Filii, & Spiritus Sancti; aut, si addat nomen B. M. V. tanquam essentialia. Benè verò, si diceret: in nomine Patris, & Filii, & Spiritus Sancti, ego te baptizo: quia non tollitur sensus verborum.

De natura, & qualitate intentionis diximus, lib. 3. cap. 3. nu. 87.

13 Queritur, an, ut Minister conficiat Sacramentum, necesse sit, ut sit in statu gratiæ?

Resp. Affirmativè, ad licitè, non verò, ut validè conficiat: habetur ex Trid. *cit. canon. 12. Si quis dixerit, Ministrum in peccato mortali existentem, modò omnia essentialia, quæ ad Sacramentum conficiendum, aut conferendum pertinent, servaverit, non consecrare, aut conferre Sacramentum, anathema sit.*

14 Queritur, an liceat petere Sacramenta ab eo, quem quis certò scit esse in mortali?

Resp. De hac revivendus D. Thom. *cit. qu. 64. art. 6. & dist. lib. 1. cap. 10. num. 8. & lib. 2. cap. 35. num. 9. & infra cap. 4.* Interim dicimus, vel illum ego adeo ex aliqua necessitate: vel is, à quo peto, est proprius Sacerdos, Parochus nimirum, cui ex officio incumbit inquirere, nec habeo in promptu aliquem alium idoneum

neum ministrunt, v. g. Confessarium pro absolutione : & tunc ille peccat absolvens in mortali : sed ego utor jure meo ; & minister, si est indispositus, sibi imputet ; qui potest se ab indignitate liberare per actum contritionis. Extra dictos casus, invalidè absolvit, non quia deficiat in jurisdictione, & in Ministro ad validam administrationem Sacramenti sit necessaria sanctitas, & status gratiæ, sed quia ego accedens, pecco mortaliter, & committo sacrilegium, cooperans sacrilegio illius, dum in mortali Sacramentum confert. Vide *Glericatum cit. qu. 1. in Septembr.*

15 Nota, quod si Confessarius existens in peccato absolvat, peccat contra jus divinum, ex quo non administrat rectè Sacramenta ; si vero sit etiam excommunicatus, peccat etiam contra præceptum Ecclesiæ in eo, quod prohibitus usu licito jurisdictionis ab Ecclesia, ea tamen utitur ; & intelligitur etiam de excommunicato tolerato ; quia iste non privatur valido jurisdictionis usu, sed licito, dum non toleratus, utroque privatur, *v. c. 35. cit. nu. 16.*

16 Quaritur, an graviter peccet Parochus, qui protestatur separatum esse administranda suis ovibus, semel in mense, & non sæpius, Sacramenta Confessionis, & Communionis ?

Resp. Aliqui distinguunt de Parocho, qui sit in Civitate, in qua sunt plures Confessarii Seculares, & Regulares, expositi ad excipiendas Confessiones fidelium, & iisdem exhibent Sacram Communionem ; & de Parocho in loco campestri, vel Oppido, in quibus alii Confessarii non sint, qui satisfaciant necessitati, seu devotioni suorum Parochianorum, petentium Sacramenta ; & propter hanc ipsam rationem affirmant istum peccare ; quæ cum in primo non militet, à peccato eum excusant.

Verum neuter excusandus est à gravi culpa ; ratio est, quia Parochus tenetur ex officio, & ex justitia administrare Sa-

cramenta, non solum in casu necessitatis, & in Paschate, sed etiam quoties sui Parochiani ea rationabiliter petunt ; sed, qui vult confiteri, & Communionem sumere omnibus Dominicis laudabiliter facit, juxta monitum Augustini relati in *cap. quotidie de consecrat. dist. 11.* Maximè, quia, ut notavit Layman *lib. 5. tract. 6. cap. 13. num. 2.* tenetur Parochus ex officio consulere spirituali profectui suarum ovium, qui præcipue pendet ex frequentia Confessionis, & Communionis. Ergo Parochus, de quo dubium, mortaliter peccat : cum juxta Trident. *sess. 23. cap. 1. de ref. Præcepto divino mandatum est omnibus, quibus animarum cura commissæ est, oves suas agnoscere, pro his sacrificium offerre : verbique divini predicatione, Sacramentorum administratione, ac bonorum omnium operum exemplo pascere.* Gobat. *cit. num. 105.*

17 Attendant Parochi ad verba Layman *loc. cit. nu. 1.* Sacerdoti Curato, ratione plebis ad pascendum sibi commissæ, major, seu arctior obligatio incumbit : qui proinde operam dare debet. I. Ut scientiam sibi compareat, quæ suo muneri ritè obcuendo necessaria est, lectione Sacræ Scripturæ, & DD. ad prædicationes, & suarum ovium consolationem, & instructionem.

II. Vitam suam instituat, orationis frequentia, cibi, ac potus temperantia, corporis castitate, locutionis modestia, in pauperes misericordia, erga omnes humanitate, & charitate ; ut, quod verbis in Ecclesia populum docet, ipse opere confirmet.

III. Per vicos, & oppida non discurrat, sed domi suæ se contineat, ut statim, ubi necesse fuerit, ad visitandos infirmos accedere, eosque opportunis remediis juvare possit.

Magna itaque in Pastoribus obligatio reperitur : quia, si eorum imperitia, aut negligentia oves eis commissæ perierint, ipsi rationem reddituri sunt, & poenam

luituri. Quare, ne iudicium in alia vita reformident, hic impleant, ut oportet, officium.

18 Quæritur, an Parochus tempore pestis possit absque lethali culpa suam residentiam relinquere ad effectum, ut securitati vite sue consulat?

Resp. Negativè, juxta decret. Sac. Cong. Conc. apud Fagnan. in 3. ad cap. Clericos de Cleric. non resid. num. 38. Ad dubium: an Parochi tempore pestis teneantur residere in suis Parochialibus, & Sacramenta per se ipsos ministrare Parochianis suis, eo morbo infectis: die 11. Octob. 1576. Sac. Cong. censuit. Parochianos tempore pestis teneri in Parochialibus residere, & teneri eodem tempore Parochianis suis, peste laborantibus, ministrare Sacramenta ad salutem necessaria Baptismi, & Penitentiae: posse etiam ministrare, vel per se, vel per alium. Quæ sententia Cong. fuit approbata à Summo Pontifice, etiam in eo, ut possit per alium: dummodò idoneum; ea præcisè ratione, ut Parochos posset audire Confessiones fanorum, quia aliàs eum reformidarent, si viderent ipsum accedere ad pestilentes: & nollent ei confiteri, verentes contagionem; atque etiam ipse Parochus officio hortandi, prædicandi, consolandi omnes suos Parochianos, ulterius, & plenius fungi possit. Hæc apud illum.

CAPUT II.

Baptismus.

1 **BAPTISMUS** esse primum novæ legis Sacramentum, patet ex Trid. sess. 7. can. 1. de Sac. in gen. Dicitur janua Sacramentorum; quia sine ipso in resuscipito, neque validus, neque licitus est accessus ad alia Sacramenta. *Textus in cap. veniens de presb. non baptiz.*

2 Quæritur, quid sit Sacramentum Baptismi?

Resp. Est exterior ablutio corporis per aquam naturalem, cum certa verborum forma, à Christo Domino instituta, cum intentione in ministro, saltem faciendi, quod facit Ecclesia. De materia, & forma Baptismi, diximus lib. 3. cap. 3. ad prop. 27. n. 74. de Ministro etiam, vide ibi num. 80.

Nota, quòd pro tota Ecclesia ordinarius Minister est Papa: pro Diocesi Episcopus: pro Parochia Parochus.

3 Quæritur, quotuplex sit Baptismus?

Resp. Triplex, Fluminis, seu aquæ: Flaminis, seu desiderii: & Sanguinis, seu martyrii. Baptismus Fluminis; jam num. superiori fuit descriptus. Baptismus flaminis est actus perfecta contritionis, seu dilectionis Dei, cum voto, seu proposito, aut desiderio suscipiendi baptismum aquæ. Baptismus Sanguinis est ablutio animæ, facta proprio Sanguine ob Confessionem fidei Catholica, cum perpeffione mortis, à Persecutore illata in odium ipsius fidei. Quæ potest dici definitio Martyrii.

4 Differt baptismus aquæ ab aliis duobus, quia ille est absolutè, & propriè baptismus: est Sacramentum novæ legis: nam constat materia, & forma (in quibus stat essentia Sacramentorum) à Christo institutis; ipse solùm imprimit characterem. Alii duo solùm sunt in supplementum, & defectum Baptismi fluminis, cùm iste non potest haberi: in cuius virtute remittunt peccatum.

5 Nota, quod adultus non baptizatus, dum rapitur ad martyrium, debet prius baptizari baptismò fluminis, si potest.

6 Baptismus Fluminis, alius est Privatus, alius solemnns. Differentia inter solemnnem, & Privatum apud Doctores hæc est. I. Quia Solemnis administratur cum cæremoniis, & Ritibus Sacris, de quibus in Rituali Romano: etiam si ministretur in domibus privatis: ut contingit in baptizandis filiis

Re-

Regum, & Principum juxta *Clemen. unic. de baptismo*; non sic Privatus, sed propter necessitatem, in eo illi omittuntur. II. Quia Sacerdos, qui est in peccato mortali, & solemniter baptizat, peccat mortaliter, nisi, vel Confessione, vel contritione perfecta se purgaverit, secus, si baptizet private in casu necessitatis S. Thom. 3. par. quest. 63. art. 6. ad 3.

III. In solemnibus necessarius est Patrinus, non sic in privato: quia non reperitur praeceptum Ecclesiae, quod in casu necessitatis, si baptizetur infans, sit adhibendus Patrinus. Verum, si reperiatur praesens, & velit, tamquam Patrinus in illo actu baptismi privati infantem tenere, erit verus Patrinus, & contrahet spirituales cognationem, dirimentem matrimonium contrahendum, ex dicendis de Matrimonio.

7 Nota ex Trid. sess. 24. cap. 2. de ref. matrimonii: quod unus tantum, sive vir, sive mulier, juxta Sacrorum Canonum instituta, vel ad summum unus, & una, baptizatum de baptismo suscipiant; inter quos, ac baptizatum ipsum, & illius Patrem, & Matrem: nec non inter baptizantem, & baptizatum, baptizatique Patrem, & Matrem tantum, Spirituales cognatione contrahatur.

8 Quæritur, Petrus, tamquam Patrinus, tenet puerum, jam domi ob periculum mortis baptizatum, dum in Ecclesia suppletur caeremonia; petitur, an contrahat cognationem spirituales.

Resp. Negative, loquendo de cognatione spirituali dirimentem matrimonium: sed afficitur illa, quæ impedit, sed non dirimit. Unde observa, quod duplex est cognatio spiritualis: una dirimens matrimonium, postea contrahendum, qua afficitur, qui, ut Patrinus, tenet infantem ad fontem; & alia impediens matrimonium contrahendum, sed non dirimens cap. contracto de cognat. spirituali, & cap. per Catechismum de cogn.

spirituali in 6. qua afficitur, qui tenet puerum jam domi baptizatum, dum caeremonia suppletur in Ecclesia, & loco ipsius ad interrogationes respondet: quæ dicitur cognatio contracta per Catechismum. Et hinc potest contrahere matrimonium cum matre pueri, vel cum ipsa filia, quam tenuit: sed eget dispensatione Episcopi Clericat. cit. in Jun. 2. quest. citans Bonac. de matrim. impedim. qu. 3. punct. 14. num. 6. & Layman. Sed plures censent hujusmodi impedimentum esse à Trid. revocatum: de quo cap. ult.

9 Sed quæritur, Petrus Patrinus mittit Paulum, uti suum Procuratorem, ad tenendum infantem in baptismo, petitur, an Petrus mittens, vel Paulus Procurator, contrahat cognationem spirituales?

Resp. A Petro mittente contrahitur, constat ex resolutis à Sac. Congr. Conc. Quæ teste Fagnan. in 4. ad cap. Veniens cognat. spiritual. num. 19. censuit eum, qui nomine alterius levat infantem de Sacro Fonte non contrahere sibi cognationem spirituales, sed mandanti; maxime quia ad contrahendum cognationem spirituales necesse est, ut Patrinus sit designatus ex Trid. ibid. vel à Parentibus pueri, vel à Parocho, ut in puncto scribunt DD. vide dicta lib. 21. cap. 7. num. 8.

10 Quæritur, Turca ad fidem conversus, adhuc catholicus, suscipit alienum puerum de baptismali fonte, petitur, an contrahat spirituales cognationem?

Resp. Negative, Fagn. ubi supra nu. 14. ratio est, quia impedimentum spiritualis cognationis est de jure Ecclesiastico, cui non subjacet ille, qui non dum est baptizatus, cum non sit Ecclesiae incorporatus; & hinc sequitur, quod Turca post baptismum posset ducere in uxorem Matrem illius pueri ex cap. Gaudemus de divitiis, Clericat. cit. quest. 2. cas. 2. in Mayo.

Verum Parochus illum admittens peccat quia in re gravi operatur contra Sacros Canones, prohibentes non baptizatos, non posse esse Patrinos, *cap. in baptismo de consecrat. dist. 4.*

11 Quare nota juxta disposita in Sacris Canonibus, Patrinos esse non posse. I. Non baptizatos, ex *cap. cit.* II. Religiosos *cap. non licet, & cap. Monachi de consecrat. 4. dist. III.* Mutos, *cap. parvuli de consecrat. 4. dist. IV.* Maritum, & Uxorem in fuscipiendo uno, & eodem baptizando *cap. quod autem 30. quaest. 4.* ob reverentiam Sacramenti. Quamvis inter hos conjuges, quando admittuntur, non contrahatur spiritualis cognatio, quia per DD. juxta Trid. *cit.* inter ipsos susceptores nulla cognatio contrahitur.

12 Quæritur, *Pater, vel Mater suscipiunt propriam prolem in baptismo, petitur, an contrahant cognationem spirituales ad invicem, & priventur jure petendi debitum?*

Resp. Negative; si necessitate faciant *cap. ad limina 3. qu. 1.* nam, ut ait Textus: *est inculpabile judicandum, quod necessitas intulit. Et cap. si vir de cognat. spirituali:* ubi textus concludit: *si ex ignorantia id factum est, eos ignorantia excusare videtur; si ex malitia, eos sua fraus non debet patrocinari.* Videlicet *2. cap. 7. num. 9.*

13 Quæritur, *Diaconus absente Parocho, infantem ad Ecclesiam delatum baptizat, petitur, an licet?*

Resp. Mortaliter peccat, si extra casum necessitatis, vel sine licentia Episcopi, aut Parochi eum baptizet; ratio est, quia, cum baptizare spectet ad Parochum *cap. constat de consec. d. 4.* qui sibi usurpat hoc munus, eo invito, violat jus alterius, & operatur contra dispositionem juris; in casu vero necessitatis bene agit.

14 Sed quæritur, *an, cum solemniter baptizat, efficiatur irregularis?*

Resp. Affirmative, per Text. in *cap. si quis de Cleric. non ord. ministr.* tenet Go-

bat. *cit. num. 104.* & Clericatus; de licentia autem Parochi potest solemniter baptizare.

15 Quæritur, *Parochus suspensus à divinis Petrum, extra casum necessitatis, solemniter baptizat, petitur, an incurrat irregularitatem?*

Resp. Affirmative, *cap. cum æternus de sent. & re judic. in 6.* & *cap. cum medicinalis de senten. excom. ibidem ubi: quoniam, si contingeret eos, sic suspensos, divina officia exequi, sicut prius, irregularitatem non effugient.* Vide Fagn. in *5. Decretal. ad cap. tualiter de Cleric. per salt. promot. nu. 23.* Ratio est, quia per suspensionem ei sunt prohibita, quæ ex officio ad illum spectant. Idem dicas, si suspensus ab officio absolvat.

16 Quæritur, *an Parochus in baptismo omittens, aut mutans caeremonias, & ritus ab Ecclesia institutos, mortaliter peccet?*

Resp. Affirmative, nisi in casu gravis necessitatis; nam omittere ritus Sacros ab Ecclesia prescriptos, in administratione Sacramentorum, vel Sacrificio, est peccatum contra virtutem Religionis, ex genere suo mortale, nisi parvitas materix excuset; ratio est, quia multum interest ad Ecclesie Catholice unitatem servandam, ritus Ecclesie in Sacramentorum administratione ubique servari. In baptismo itaque solemniter, nec aqua benedicta, nec alii ritus sunt omittendi; &, qui asserit posse sine peccato mortali omitti, & à quovis mutari, damnatur à Trid. *sess. 7. can. 13. de Sacramen. in genere, & absolvi non potest.* Vide Piassec. *prax. p. 2. cap. 3. art. 3. num. 33.*

17 Quæritur, *Cathecumenus, bene instructus de fide, & proxime baptizandus, nocte gravi cordis dolore corripitur, solus existit, timens mori se ipsum baptizat, petitur, an valide?*

Resp. Negative, habetur *cap. debitum de baptismo.* Ratio est, quia distinctio personalis est necessaria inter ministrum, & bapt-

baptizatum: prout exprimitur in baptis-
mi forma, per hæc pronomina: *ego, &
te*, ac ex verbis Christi: *ite, docete omnes
gentes baptizantes eos, &c.* In Verbo *ite*,
cointelligitur *vos*: quæ est una persona;
& in *ly eos*, designatur *persona* distincta
à præcedenti.

18 Queritur, *Parochus senex, Chi-
ragra impeditus, non potest aquam in-
fundere super caput pueri; unde ipso
proficiente formam, Cappellano commit-
tit, ut puerum abluat, petitur, an ba-
ptismus sit validus?*

Resp. Negativè, D. Thomas 3. part.
quæst. 67. art. 6. ad 3. Ratio est, quia talis
baptismus est contra institutionem Chri-
sti: qui præcepit, ut unus, & idem sit,
qui abluat, & formam proferat, ad
hoc, ut verificetur actus ille baptizan-
di, *ego te baptizo*, qui verificari non
potest, quando Parochus dicit: *ego te
baptizo*, & Cappellanus abluat quia ipse
non baptizat, cum aquam non infundat:
ex prolatione formæ, & aquæ infusione
pendet verificatio propositionis:

Sed quid, *sint duo Curati in eadem
Ecclesia, uterque conetur puerum bap-
tizare, & ambo Stola, & Cocta indu-
ti simul, & eodem tempore formam pro-
ferant, & aquam infundant: petitur,
an validè?*

Resp. Quòd validè baptizent, non est
dubium. Pro solutione considera verba.
D. Thomæ cit. in corp. *Si verò uterque di-
ceret, ego te baptizo, in nomine Pa-
tris, & Filii, & Spiritus Sancti, u-
terque exprimeret suam intentionem,
quasi ipse singulariter baptismum con-
ferret; & tunc manifestum est, quod il-
le, qui prius verba proferret, daret bap-
tismi Sacramentum. Alius verò quan-
tumcunque ius baptizandi haberet, nil
faceret; & si verba pronunciare præ-
sumeret, esset puniendus tamquam re-
baptizator. Si autem simul ambo verba
proferrent, aut hominem immergerent,
aut aspergerent, essent puniendi de inor-
dinato modo baptizandi, & non de ite-
Matthæucci Cautela Confess.*

*ratione baptismi: quia uterque intende-
ret, non baptizatum baptizare, & uter-
que, quantum in se est baptizaret: nec
traderent aliud Sacramentum, sed Chri-
stus, qui est unus interius baptizans,
unum Sacramentum per utrumque con-
ferret. Hæc S. Doctor. Vide Layman. cit.
tract. 2. cap. 7. num. 5. & Poncium Theol.
disp. quæst. 542.*

19 Nota pariter ex eodem S. Doctore
ibid. quòd si plures eundem simul bap-
tizarent, & dicerent, *nos te baptizamus*,
baptismus foret nullus, quia, ut S. D. ait,
*ex tali forma, nos, &c. exprimitur ta-
lis intentio, quod plures convenient ad
unum baptismum conferendum, quod
quidem videtur esse contra rationem mi-
nisterii: homo enim non baptizat, nisi,
ut minister Christi, & vicem eius gerens;
unde, sicut unus est Christus, ita oportet
esse unum ministrum, qui Christum
representet: propter quod signanter A-
postolus dicit Ephes. 4. Unus Dominus,
Una Fides, Unum Baptisma.*

20 Queritur, *eodem tempore tres in-
fantes deferantur ad Ecclesiam bap-
tizandi, Parochus, ut citius se expediat,
eos simul plurali locutione baptizat di-
cendo: ego vos baptizo, &c. petitur,
an licitè, & validè.*

Resp. Distinguas, vel illis tribus infan-
tibus imminet periculum vitæ, vel non:
si immineat, Parochus plurali locutione
vos in eorum baptismo utens, validè, &
licitè baptizat: si verò absque tali peri-
culo, vel alia urgentissima causa id fe-
cerit, validè baptizavit, sed non lici-
tè; validè, quia non habetur ex institutio-
ne Christi, quod Minister baptismi te-
neatur ad unum tantum singulis vicibus
baptizandum; immò est commune ab
Apostolis fuisse unica vice plures bap-
tizatos, Actuum 2. Tum quia, Sacerdos
simul potest plures hostias consecrare,
ergo, & plures baptizare. Illicitè verò,
quia non licet mutare ritum Sacræ Ro-
manæ Ecclesiæ, quæ prohibet extra pe-
riculum mortis infantium, vel absque ur-

Sanctissima causa, baptizare plures una vice, ut expressè Rituale Romanum *in fine baptismi parvulorum in rubric. rubr.*

21 Quæritur, *Parochus, invito Patre, & Matre baptizavit infantem judæum, petitur, an validè, & licitè?*

Resp. Quòd validè, non est dubium, quia puer ille secundum se est capax baptismi, ergo, cum ei confertur Sacramentum cum debita materia, & forma, & intentione, validè baptizatur; quia ad validum baptismum nil aliud requiritur, quam subiectum capax, applicatio materiz, & formæ cum debita intentione; & si baptizandus sit adultus, requiritur etiam consensus, seu intentio positiva, & quod velit baptizari, *cap. Majores de baptismo. §. Sed adhuc.*

Quare difficultas restringitur, an licitè baptizaverit. Pendet solutio ab articulo, an filii Infidelium, invitis parentibus, possint licitè baptizari. Negant Thomistæ; affirmant Scotistæ. Verum credo posse per sequentia concordari. Vel, filii Infidelium sunt adulti, & pervenerunt ad usum rationis, & volunt baptismum: & tunc licitè baptizantur, etiam invitis parentibus, quia in iis, quæ sunt juris naturalis, & Divini, jam sunt sui juris: sed in casu debent divelli à parentibus, ut vitetur periculum perversionis.

Vel, sunt infantes sine usu rationis: & tunc, eorum parentibus repugnantibus, baptizari non possunt, quia cum sint in patria potestate, non decet eos ab ipsis divellere: nam jugum Christi suave est, & Ecclesia semper abstinenti tali violentia. Nec decet, ut post baptismum apud parentes remaneant, quia tunc educarentur in infidelitate cum injuria Sacramenti collati, & se componentes ad voluntatem Parentum, postea ejurarent Christianam Religionem.

Verum, si alter parentum sit fidelis, puer ex hujus consensu baptizari potest, quia id est in favorem filii, & sit consen-

su illius, qui habet jus in filium. Maxime, si nullum timeatur periculum subversionis: quod esset timendum, si deberet educari sub parente Infideli.

22 Item, si filius sit desperata salutis, & morti proximus, baptizari potest; quia ratione mortis tollitur periculum irreverentiæ, & injuriæ fidei susceptæ, quæ timeretur ex educatione sub parentibus Infidelibus. Quòd, si puer in eo statu baptizatus, sanitati restitueretur, esset à parentibus separandus, & Christiano modo educandus; quia, cum per baptismum sit factus Ecclesiæ subditus, ad Ecclesiam spectat ejus salutem consulere. Quemadmodum, si quis bona fide putans id sibi licere, puerum infidelem surripiat, & baptizet, tenetur eum christianè educare.

23 Item, baptizari potest puer Infidelis, cujus parentes aliquando fuerunt Catholici, & postea in hæresim lapsi sunt: ratio est, quia quamvis lapsi in hæresim, propter Characterem indelebilem baptismi, adhuc, si, non facto, jure tamen, sunt subditi Ecclesiæ; quæ de ipsorum infantibus, tamquam filiis subditorum, disponere potest.

24 Item, baptizari potest infans Judæus, in cujus baptismum consentit Avus paternus, quamvis ipsius Pater contradixerit, ut tenet Carena *Offic. Inquisit. part. 2. tit. 15. §. 20. num. 45.* Vide Du-hamel *Theol. Cleric. tom. 3. cap. 2. de baptis. Dela Cruz de baptis. quæst. 3. nu. 7.* & tandem D. Thomam 3. *part. quæst. 68. artic. 10.*

25 Quæritur, *petit adultus baptizandus, quam dispositiones requirantur, ut baptizetur: quid Parochus dixerit?*

Resp. Dicat, quòd aliz sunt dispositiones ad validè tantum recipiendum baptismum cum caractere illius: & aliz ad validè, & licitè ipsum recipiendum cum fructu, seu gratia sanctificante, emundante ab Originali, & ab actualibus, si sint. Ad validè tantum recipiendum,

dum, requiritur consensus, seu positiva intentio, & voluntas recipiendi baptismum. Ad valide autem, & licite cum fructu gratiæ recipiendum baptismum, est necessaria adducta: item, & quod credat in Christum: & credat mysteria necessitate medii juxta dicta *lib. 2. cap. 14. & cap. 39.* ac quod doleat, saltem dolore attritionis supernaturalis, fide divina regulato, de peccatis actualibus, commissis ante baptismum, juxta illud *Act. 2. penitentiam agite, & baptizetur unusquisque vestrum in Nomine Jesu Christi.* Vide Text. in *cap. Majores de baptismo.*

26 Quæritur, Puella Turca, capta in bello, donatur nobili famina: nondum baptizata infirmatur, in infirmitate incidit in phrenesim, à qua nullo remedio per Medicos, & Domina diligentia potest liberari, Medicus pronunciat, statim morituram; petitur, an possit baptizari?

Resp. Vel puella adhuc non pervenit ad usum rationis, & tunc baptizanda est, ut consequatur vitam æternam, quemadmodum alii parvuli baptizantur: vel ad usum rationis pervenit, & tunc est observandum, an antea petierit baptismum: & tunc est baptizanda ex *discap. majores §. item quæritur.* Quod, si ante phrenesim ostendisset aliquam inclinationem ad fidem Christi, libenter ejus explicationem audiens, & signa non levia voluntatis suæ dedisset ad illam amplectendam, & baptismum suscipiendum, esset baptizanda sub conditione, *sies capax hujus Sacramenti.*

27 Quemadmodum etiam sub conditione, si non est baptizatus, sunt baptizandi filii expositi, de quibus dubitatur, an sint baptizati: & quoties quis prudenter dubitat, an aliquid essentiale in baptizando omiserit, debet cum ea conditione repetere.

27 Quæritur, qua ratione baptismus sit necessarius ad salutem?

Resp. Est ita necessarius ex *Trid. sess. 6.*

cap. 4. Ut post promulgatum Evangelium sine eo, aut ejus voto, non contingat justificatio; nec quis salvari possit, juxta illud, *nisi qui renatus fuerit ex aqua, & Spiritu Sancto, non potest introire in Regnum Dei:* & propterea dicitur necessarius necessitate medii omnibus hominibus, vel in re, vel in voto susceptus. Unde Theologi, & Casuiste distinguunt duplicem necessitatem medii, & præcepti; necessitate medii necessarium, dicitur illud medium, quo, seu ex ignorantia, seu impotentia, prætermisso, nequit salus obtineri: & id ex vi medii sic instituti; necessarium autem necessitate solius præcepti est, quod, etsi adhiberi per se loquendo debeat, ejus tamen prætermissio, orta ex inculpabili oblivione, ignorantia, vel impotentia, non impedit consecutionem salutis: Exemplifico in necessario necessitate præcepti: si quis verè impotens ad restituendum, non restituat, modò habeat voluntatem restituendi, dum poterit, adhuc, si cætera concurrant, salvabitur: in necessario autem necessitate medii, non sic contingit per dicta *lib. 2. cap. 14. num. 6.*

CAPUT III.

Confirmatio.

1 SACRAMENTUM Confirmationis est secundum in ordine, statuto per *Trid. ubi supra,* & Florentinum in decreto *Eugenii.* Describi solet, est Sacramentum, quo homo viator baptizatus inungitur in fronte ab Episcopo cum chrismate, sub præscripta verborum forma, ad fidei robur consequendum. Est verum, & proprium Sacramentum. Ordinarius minister est solus Episcopus ibidem *canon. 3.* sed ex commissione Papæ potest esse, etiam simplex Sacerdos.

2 In eo duplex est materia, proxima, & remota: remota est, Chrismata conse-

Æum ex oleo, & balsamo ab Episcopo benedictum, *cap. cum venisset de Sacr. Unct.* & ex allegat. *decret. Eugenii*, unde excluditur oleum Nucum, Piscium, Amygdalarum, Lini, Rosarum, & similia; nam appellatione olei in communi usu hominum venit dumtaxat oleum olivarum.

Materiæ proxima est unctio, quæ cum Chrismate fit ab Episcopo in fronte homini baptizato in forma Crucis.

3 Forma hujus Sacramenti est hæc: *signo te signo Crucis, & confirmo te Chrismate salutis, in nomine Patris, & Filii, & Spiritus Sancti. Amen.*

Dispositiones in confirmando sunt. I. Ut sit baptizatus. II. Ut habeat intentionem recipiendi Sacramentum, & confirmari velit. III. Ut sit in statu gratiæ sanctificantis. Unde si quis sit conscius peccati mortalis, debet se purgare vel per Confessionem, vel per Contritionem cum voto confitendi: aliàs recipiet characterem, sed non gratiam sanctificantem, vel hujus augmentum: nisi ablato obice peccati, per Sacramentum penitentia, vel per contritionem cum voto confitendi, cum primùm potest.

4 Hoc Sacramentum præter augmentum gratiæ sanctificantis causat, etiam aliàs gratias actuales, quibus confortatur baptizatus ad pugnandum fortiter pro fide ex dictis *cap. 1. num. 9.*

5 Est necessarium necessitate præcepti Sacramentum Confirmationis suscipere. I. Vel, cum instat fidei persecutio. II. Vel, cum gravestimationes contra fidem nos premunt. III. Vel, cum imminet mortis periculum. IV. Vel, cum quis commodè potest; nam si in prædictis casibus nolle sit ipsum suscipere, videretur ipsum contemnere, non curando habere gratiam, quæ per ipsam confertur. Duhamel ubi supra de confirmat.

6 Quæritur, an in Sacramento Confirmationis debeant admitti Patrini.

Resp. Affirmativè, sed unus tantum, vel una, *cap. non plures de consecrat. diff.*

4. & *cap. quamvis in 6. de cognat. spirit.* Habetur ex Trid. *sess. 24. cap. 2. de ref. matrim.* in fine, ubi hæc habet: *ea quoque cognatio, quæ ex confirmatione contrahitur, confirmatum, & confirmantem, illiusque Patrem, & Matrem, ac tenentem non egrediatur:* ubi nota per ly *tenentem* in singulari expressum, excludere pluralitatem Patrinorum, respectu ejusdem confirmati.

7 Sed quæritur, Duo Patrini simul tenuerunt eundem puerum in confirmatione, petitur; an ambo, vel eorum unus tantum, aut quis eorum cognationem spiritualem contraxit?

Resp. Vis difficultatis ex eo pendet, quod in alleg. *cap. de cognatione spirituali*, dicitur: quod, si plures accesserint ad suscipiendum de baptismo infantem, spiritualis cognatio inde contrahitur, matrimonia contrahenda impediens, & contrahenda (post cognationem) dissolvens. In Trid. verò, postquam dictum fuit: ut ad summum unus, vel una baptizatum de Baptismo suscipiant, disponitur: quod, si alii ultra designatos baptizatum teneant, cognationem spiritualem nullo pacto contrahant: constitutionibus, in contrarium facientibus, non obstantibus; per quod videtur abrogatum jus antiquum: & statutum, quod in baptismo duo, in confirmatione unus solum contrahat, qui fuerit, vel fuerint ab iis, ad quos spectat, designati.

Considera Sac. Cong. Conc. decretum apud Fagnan. in 4. ad *cap. ex literis de cognat. spirituali nu. 5.* ubi hæc sunt. *Cum negligentia Parochi factum esset, ut tres designarentur, & in libro scriberentur, de Sacro baptisimi fonte sceminam suscepturi, nempe Titius, Titia, & Sempromius, qui omnes levarunt baptizatum, & tetigerunt, fuit dubitatum, an omnes cognationem spiritualem contraxissent cum baptizata: an verò ii tantum duo, qui priores sūt designati. S. Cong. censuit omnes contrahere, si nō appareat, qui primi sint designati, per *cap. fin. de cognat. spir.* licet*

licet enim Concilium prohibeat plures, tamen non annullat actum.

Et licet præacta respiciant Patrinos, adhibitos in baptismo, tamen etiam ad solutionem dubii trahi possunt.

Unde, si uterque fuerit designatus, ambo contraxerunt: si verò unus tantum, & alter, Parocho non advertente, se intrusit in illa susceptione, hic nullam contraxit cognitionem spiritualem, sed alius, qui erat designatus, juxta receptam Trid. dispositionem *loc. cit. ubi: quod si alii, ultra designatos, baptizatum tetigerint, cognitionem spirituales nullo pacto contrahant.*

8. Pondera, quod quamvis plures, quam duo, contrahant cognitionem spiritualem, si fuerunt plures designati, ad tenendum puerum in baptismo, adhuc verificatur, quod Trid. correxerit jus antiquum, quia *cap. 1. de cognat. spir. in 6. cit.* cognatio spiritualis contrahatur, inter baptizatum, & suscipientis filios, ac uxorem, antea carnaliter cognitam, ut ibi textus: quando per Concilium in baptismo contrahitur inter Patrinos, ac baptizatum ipsum, & illius Patrem, & Matrem: nec non baptizantem, & baptizatum, baptizatique Patrem, & Matrem tantum: & in confirmatione inter confirmantem, & confirmatum, illiusque Patrem, & Matrem, ac tenentem, ut ibi *v. l. 2. c. 7. nu. 8.*

Patrinus debet esse confirmatus: nec contraheret affinitatem, nisi confirmatus foret, *cap. in baptismo 4. dist. de consecr.* Et alius esse debet, quam ille, qui fuit in baptismo, nisi necessitas cogat, *cap. in Cathecismo dist. cit.* Est mortale peccatum in confirmatione plures admittere; quemadmodum in baptismo plures præter unum, & unam. Barbosa in Trid. *loc. cit.* & Clericatus ubi supra *qu. 3. casu 3.*

CAPUT IV.

Eucharistia.

Eucharistia considerari potest, & ut est Sacramentum, & ut est Sacrificium. De ipsa sub prima consideratione agemus sequenti §. Acturi de ea sub alia in posteriori.

§. I.

Eucharistia ut est Sacramentum.

Tertium Sacramentum est Eucharistia, seu Sacramentum Corporis, & Sanguinis D. N. Jesu Christi, sub speciebus panis, & vini, realiter contenti, ad spirituales animarum refectionem institutum. Quas species, dum dignè sumimus, Divina Gratia pascimur, & nutrimur.

2. Queritur, quid doceat fides circa hoc Sacramentum?

Resp. Maximè infrascripta. I. Quod post verba consecrationis, à Sacerdote cum debita intentione prolata, substantia panis convertitur in Corpus Christi, & substantia vini in ejus Sanguinem, ita ut post consecrationem nil substantiæ panis, & vini remaneat, sed sola accidentia: quæ vocantur species Sacramentales. Vide Trid. *sess. 13. cap. 4. de Eucharist. ubi: conversio totius substantiæ panis in Corpus Christi, & totius substantiæ vini in Sanguinem ejus, Transsubstantiatio appellatur.*

3. II. Quod, ut ibid. Trid. *cap. 3. statim post consecrationem verum Domini nostri Corpus, verumque ejus Sanguinem, sub panis, & vini specie, una cum ipsius Anima, & Divinitate existere; sed Corpus quidem sub specie panis, & Sanguinem sub vini specie, ex vi verborum; ipsum autem Corpus sub specie vini, & Sanguinem sub specie panis, animamque sub utraque, vi naturalis illius con-*

nexionis, & concomitantia, qua partes Christi Domini, &c. inter se copulantur: Divinitatem porro propter admirabilem illam eius cum corpore, & anima hypostaticam unionem.

4 III. Quòd tantum sub alterutra specie, quantum sub utraque continetur: totus enim, & integer Christus sub panis specie, & sub quavis ipsius speciei parte, etiam dum una pars ab alia est separata: totus item sub vini specie, & sub ejus partibus, existit, ibid. Conc. & Florent. in decr. *Eugenii*.

5 IV. Quòd accidentia in hoc Sacramento sunt sine subiecto.

V. Quòd Sacramentum Eucharistiae est adorandum adoratione Latriæ. Definitur in Trid. *sess. 13. cap. 15. & Canon. 6. de Eucharist.* Nam in eo est verè, & realiter præsens Christus Dominus: ex cujus reali præsentia ea adoratio infallibiliter infertur.

6 Quæritur, *quam sit materia Sacramenti Eucharistiae.*

Resp. Materia proxima sunt species consecrata: materia autem remota, seu pro valida consecratione Corporis, est solus panis triticeus. Florent. in decr. *Eugenii*; nam ille panis, simpliciter panis nominatur, & est per se usualis, in quo Christus consecravit.

Materia verò consecrationis Sanguinis est vinum de vite, idib. Florentinum. Cui ex præcepto Ecclesiæ modicissima aqua miscetur Trid. *sess. 22. cap. 7. de Sacrific. Missæ*. Quàm si Sacerdos scienter non misceret, sacrilegium committeret, sed validè consecraret, si cætera necessaria non omitteret. Sed vide *num. 14.*

7 Quæritur, *an panis debeat esse azymus, vel fermentatus?*

Resp. Uterque sufficit ad validam consecrationem: definitur in Florent. *in cit. decret.* ubi: *item, Diffinimus in azymo, sive fermentato, pane tritico, Corpus Christi veraciter confici: Sacerdotesque in alterutro, ipsum Domini Corpus consicere debere, unumquemque scilicet*

juxta sua Ecclesia, sive Occidentalis, sive Orientalis consuetudinem. Unde peccat gravissimè Latinus, etiam seculo scandalo, consecrans in fermentato, & Græcus in azymo; nam in re gravissima faciunt contra Concilium; nec licet cuilibet privata autoritate discedere à rationabili consuetudine suæ Ecclesiæ. Vide D. Thom. 3. *p. sit. qu. 14. art. 4.* Et id puto verum esse, sive Latinus sit in Ecclesia Latina, sive apud Græcos existat, quia verba Concilii sunt absoluta, & per ly *debere*, obligationem exprimunt.

Solus itaque panis triticeus, aqua naturali mixtus, igne coctus, non frixus, est materia consecrationis Corporis; quia Christus panem triticeum consecravit: hujus autem Sacramenti materia illa censenda est, qua Christus, Sacramenti institutor, usus est. Addo, quòd panis triticeus apud homines panis simpliciter, & usualis dicitur; nec alii, nisi in hujus defectum introducti sunt, & in usum veniunt.

8 Unde materia inepta est panis confectus, ex secale, & hordeo, speltra, farre, millio, oriza, aliisque: ex quibus, non nisi in defectum tritici, panis conficitur. Idem dicitur de eo, confecto ex amydo, quia conficitur ex tritico corrupto, nec censetur panis usualis. Pariter, dum panis ex tritico factus, est variis alterius speciei granis permixtus, ita ut permixtio speciem solvat, & mutet, materia inepta est; si verò modica permixtio foret, ut non impediret, quin simpliciter panis triticeus foret, esset materia idonea. Vide D. Thom. 3. *par. q. 14. artic. 3.*

9 Item, solùm vinum de vite, ex uvis expressum est materia consecrationis Sanguinis; unde inepta materia est, succus ex malis granatis, pomis, piris, vel moris expressus; quia hujusmodi succus non est, nisi similitudinariè, & improprie vinum. Item, materia inepta est agresta, quæ nondum habet speciem vini, sed est in via ad generationem vini.

Item

Item acetum, quia est vinum corruptum, & se habet ad verum vinum, sicut cadaver ad animal: unde cautè est legenda Gloss. *ad cap. sic in sanctificando distinetur. de consecrat.* ubi dicit: *de aceto conficitur, si ex vino factum fuit*: multum verò, quia habet speciem vini, in casu necessitatis adhiberi potest: sed non statim expressum de uva in calice offertur. D. Thomas *scilicet. art. 5. ad 3.* Vinum autem congelatum est materia apta: quia est vinum absolute potabile.

10 Quæritur, *an materia consecranda debeat esse præsens Sacerdoti consecranti?*

Resp. Affirmativè: & præsens esse debet tum physicè, tum moraliter: quod colligitur, tum ex facto Christi Domini, qui panem, & vinum sibi præsencia, & in mensa apposita consecravit; tum ex perpetua Ecclesiæ praxi, quæ nec panem, nec vinum, nisi præsencia consecrat; tum ex ipsa formæ consecrationis significatione, quæ pronomine demonstrativo, *Hoc, vel Hic*, materiam consecrandam coram Sacerdote, ac proinde physicè, & moraliter, hoc est, secundum prudentem hominum existimationem, præsentem, & non nimis distantem, ostendit.

11 Quæritur, *an hostia sub aliis in Altari latitans, vel subtus palla, vel in pyxide clausa contenta, vel vinum in calice cooperto existens, censeantur esse præsencia moraliter, quoad effectum consecrationis?*

Resp. Affirmativè; quia, ita recipitur communiter, & in communi hominum usu, ac prudentum iudicio censentur præsencia, sic, ut pronomine, *Hoc, vel Hic* rationaliter, ut præsencia moraliter, & non distantia demonstrentur.

12 Quæritur, *an requiratur, ut Sacerdos ex materia præsenti designet, quam velit consecrare?*

Resp. Affirmativè; quare, si coram se habeat sex formulas, ex quibus quinque velit consecrare, quas tamen non desi-

gnat, nullam prorsus consecrat; quia non esset major ratio de una, quàm de alia; nec posset cognoscere, quamnam ex quinque consecrasset. Quare consultus est, Sacerdotem eas formulas velle consecrare, quæ sibi moraliter sunt præsentes, & ad Altare ad consecrandum sunt asportatæ.

13 Quæritur, *Sacerdoti N. displicet vinum acerbum, quod a Sacrifica datur pro Missa, eo quia est suo stomacho dolorificum, propterea discernit in corde suo, nolle amplius consecrare cum dicto vino, & sibi providet vinum Albanum maturum: cum celebrare intendit, Sacrifica clam, & furtivè ex urceolo auferit vinum Albanum præparatum, & in eodem ponit solitum vinum acerbum: quod Sacerdos mutationis ignarus, in Missa consecrat, petitur, an validè?*

Resp. Negativè, si Sacerdos ita excludit à sua intentione vinum acerbum in Missa consecrandum, & ita determinavit consecrare vinum Albanum, ut omnino noluerit amplius habere pro materia ipsum vinum acerbum, jam à se exclusum, etiam si illud sibi proponeretur consecrandum; nam in casu deficit intentio Sacerdotis, & actio illa dicitur involuntaria; quoniam acerbum, non intentum, ita se habet, ac si non foret materia apta, quantum est ex parte Ministris, qui non vult illud consecrare.

Si verò, cum intentione particulari consecrandi vinum Albanum à se præparatum, retinuit intentionem generalem consecrandi omne aliud vinum appositum in Calice, aptum consecrari, & actu consecrans habuit intentionem consecrandi vinum, quod est in Calice (sicut quisvis prudens Sacerdos intendere debet) validè consecrat: quia ea actio est ei voluntaria, & habet intentionem requisitam ad validitatem Consecrationis.

14 Quæritur, *an vino in Calice sit admiscenda aqua?*

Resp. Affirmativè, & Florent. in Decret.

cret. Eugenii. Ubi: *Vino ante consecrationem modicissima aqua admisceri debet: ad significandum huius Sacramenti effectum, qui est unio populi Christiani ad Christum, &c.*

Dices, ergo non admiscere, non erit mortale: quia modicissima aqua est materia levis.

Resp. Negando consequentiam. Modicissima aqua secundum se est materia levis, sed impedire totam significationem, intentam per eam admisionem, res gravissima est; at ea impeditur, dum aqua non admiscetur, ergo, dum non admiscetur, graviter delinquitur. Nec quis potest excusationem allegare ex parvitate materiz, quia in casu non datur.

15 Quæritur, *quam sit forma Sacramenti Eucharistia.*

Resp. Forma consecrationis corporis, est hæc; *Hoc est enim corpus meum*: illa consecrationis Calicis: hæc: *Hic est enim Calix Sanguinis mei, novi, & æterni testamenti, mysterium fidei, qui pro vobis, & pro multis effundetur in remissionem peccatorum.*

16 Sed quæritur, *an omnia verba sint de essentia formæ?*

Resp. Negative; nam ly *enim*, non pertinet ad essentiam formæ consecrationis, cum sine eo vocabulo plenè significetur, & efficiatur Corpus Christi sub speciebus panis, his solis verbis: *Hoc est Corpus meum*: Ratio est, quia ea tantum ad formæ essentiam pertinent, quæ à Christo in ipsa institutione fuerunt adhibita, ut id efficiant, quod significant, sed hæc sola verba: *Hoc est corpus meum*, efficiunt consecrationem panis in Corpus Christi, quam significant, ut DD. tenent, conversionem nimirum panis in Corpus, & vini in Sanguinem Christi, quamvis non addatur *enim*, ergo.

17 Verum illud *enim* scienter omittere esset gravissimum peccatum, quia quamvis non sit de essentia, est ta-

men de integritate formæ, D. Thomas cit. q. 78. art. 2. ad 5.

18 At difficultas est, *an de essentia consecrationis vini sint non solum hæc verba*: Hic est sanguis meus, vel quod idem est, hic est Calix Sanguinis mei; *verum etiam, quæ adduntur*: novi, & æterni testamenti, mysterium fidei, qui pro vobis, & pro multis effundetur in remissionem peccatorum?

Resp. Negative, quia sola priora verba significant, & efficiunt consecrationem vini in Sanguinem Christi. Sunt tamen de integritate formæ: vel, ut ait D. Thomas cit. art. 3. in corp. sunt de substantia. Legas ipsum ibid. ubi: *dicendum est ergo, quod omnia prædicta verba sunt de substantia formæ: sed per prima verba, cum dicitur*: hic est Calix Sanguinis mei, *significatur ipsa conversio vini in Sanguinem, eo modo, quod dictum est in forma consecrationis panis: per verba autem sequentia designatur virtus Sanguinis effusi in passionem, quæ operatur in hoc Sacramento.* Vide S. Doctorem, & Layman. lib. 5. tr. 4. c. 3. de num. 3. de Eucharist. aliosque in hoc tractatu.

Et nota ex eodem S. Thoma ad primum, quod, cum dicitur: *hic est Calix Sanguinis mei*: est locutio figurativa, & ponitur continens pro contento, ut sensus sit: *hic est Sanguis meus contentus in Calice, de quo fit hic mentio: quia Sanguis Christi in hoc Sacramento consecratur, in quantum est potus fidelium, quod non importatur in rationem Sanguinis; & ideo oportuit hoc designari per vas huic usui accomodatum.* S. Doctor. Verum, quamvis non sint de essentia, non possunt sine gravissimo peccato omitti; videas cap. Cum Martba de celebr. Missar.

19 Quæritur, *quanto tempore conservetur Corpus, & Sanguis Christi sub speciebus panis, & vini?*

Resp. Usque dum species panis, & vini manent in eo statu, ut connaturaliter deberet manere sub ipsis substantia panis, & vini,

vini, quando in ipsis foret. Quando itaque in tali statu sunt, ut si panis, & vinum foret sub illis, definerent esse sub eis, tunc etiam definit sub eis esse Corpus, & Sanguis Christi; ratio est, quia, dum manent in eo statu, in quo connaturaliter deberet manere substantia panis, & vini, tandiu sunt species, seu accidentia panis, & vini, sub quibus tantum, ex institutione Sacramenti debet conservari Corpus, & Sanguis Christi. Poncius *disp. 44 qu. 4. nu. 89.*

20 Quæritur, an Sacerdos communicans sub utraque specie plus gratiæ recipiat, quam Laicus communicans sub una tantum?

Resp. Nota, quæ Trid. habet, *sess. 21. cap. 3. de com. sub utraque specie*; ubi hæc sunt; *etiam sub altera tantum specie totum, atque integrum Christum, verumque Sacramentum sumi*; ac propterea, quoad fructum attinet, nulla gratia necessaria ad salutem eos defraudari, qui unam speciem solum accipiunt.

21 Quæritur, quomodo sumptio Eucharistia sit necessaria ad salutem?

Resp. Quod Eucharistia in re, & actu suscepta non sit necessaria necessitate mediæ ad salutem, est communis sententia Doctorum. Et patet; nam parvuli baptizati, si statim post baptismum decesserint, salutem æternam absque actuali Eucharistiæ perceptione obtinent. Et plures adulti sæpè in ea rerum seriè constituantur, in qua Celestem hunc Cibum sumere nequeunt: ut, qui tempestate jactati, in aquis sepeliuntur: vel qui, repentina morte, in gratia alioquin constituti, aggregiuntur: vel, qui sunt perpetuo amentes, & phrænetici: aut, qui in ultima infirmitate propter vomitum cibum retinere non possunt.

Sed ipsa in voto suscepta tali necessitate necessaria, asseritur à D. Thoma 3. *par. qu. 73. art. 3. in corp.* ibi videndus: ubi optimo discursu id probat.

Quod votum in adultis in actus forma-

les prorumpere, & executioni aliquando mandari debet; juxta verba Christi: *nisi manducaveritis carnem Filii Hominis, & biberitis ejus sanguinem, non habebitis vitam in vobis.*

Propterea DD. communiter asserunt dari præceptum divinum per se obligans ad lumendam Eucharistiam. I. In articulo mortis, per modum Viatici: nisi, paulò ante eodem die fuisset sumpta. II. Saltem semel in anno; idque etiam ex præcepto Ecclesiæ ex *cap. Omnis de panit. & remiss.* & nos diximus *lib. 2. capit. 23. num. 2.*

Dices ex adductis verbis: *nisi manducaveritis, &c.* non probatur præceptum sumendi Eucharistiam; aliàs ex iisdem concluderetur mandato divino fuisse omnibus præcepta Communio sub utraque specie.

Resp. Negando sequelam. Licet Jure divino sit imperata Communio, non est tamen præcepta sub utraque specie: habetur ex Trid. *sess. 21. cap. 1. de com. sub utraque spec.* Nec id Textus adductus probat: in quo particula *Et* sumitur pro *vel*, & particula *nisi* pro *non*: adeò ut sensus sit: *si neque manducaveritis carnem Filii Hominis: vel, neque biberitis ejus Sanguinem, non habebitis vitam in vobis.* In Scriptura, sæpè particula, &, pro disjunctiva, *vel*, usurpatur; ut Exodi 21. *qui percusserit Patrem, & Matrem* (hoc est Patrem, vel Matrem) *moriatur*. Tum quia, qui dixit: *nisi manducaveritis, &c.* dixit etiam: *si quis manducaverit ex hoc pane, vivet in æternum.* Joan. 6. Maxime etiam, quia Corpus Christi non est sub speciebus panis exanime, & mortuum, sed una cum sanguine; nam licet ex vi verborum, *Hoc est, &c.* directè, & per se ponatur sub illis solum Corpus Christi, tamen propter connexionem, & concomitantiam est sub illis etiam Sanguis ex dictis *nu. 3.* ergo Fideles, qui accipiunt Corpus Christi, etiam ipsius Sanguinem sumunt.

Per accidens pōſſet quis obligari ad fumendam Eucharistiā in multis occasionibus, in quibus per se non obligaretur ex Christi p̄cepto de sumptione ejus, ut, dum quis cognosceret sumptionem ipsius esse necessariā, ut praeſervaretur a tentatione aliqua gravi, & peccato mortali. Poncius.

22 Quæritur, in quo differant recipere Sacramentaliter. & ſpiritualiter Sacramentum Eucharistiæ?

Reſp. In hoc, quod recipiens ſolū ſecundo modo, ſpirituali dumtaxat affectu recipit; ut habetur ex Trid. ſeſſ. 22. cap. 6. de Sacrific. Miſſæ. Communicans verò primo modo, phyſicè, & realiter ſpecies manducat, & in ſtomachum transmittit. Vide D. Thom. in 4. qu. 1. diſt. 9. art. 1.

§. II.

Eucharistiā ut eſt Sacrificium.

Ne inutiliter alibi dicta repetantur, teremitto ad 1. lib. cap. 6. ubi egimus de ſtipendio Miſſæ, & cap. 28. de diſpoſitione ſacrificantis, & lib. 2. cap. 31. de p̄cepto audiendi Miſſam.

23 Ideò hic nota: quod licet interdum nomen Sacrificii in latiori ſignificatione accipiatur pro opere bono, quod ad Dei cultum refertur, tamen non omne tale bonum opus eſt propriè Sacrificium, quia in Sacrificio propriè dicto aliquid ſenſibile debet offerri Deo: idque, ad ipsius honorem, & in ſignum ſupreni ejusdem domini in creaturas, ac, quòd ſit vitæ, & mortis Author, debet deſtrui, aut ſaltem immutari. Sic in Veteri Lege, quicquid Deo in Sacrificium offerebatur, deſtruebatur, vel immutabatur. Cujus deſtructione, aut immutatione ſummum ipsius dominium in res omnes declarabatur.

In ea lege ſacrificia inter ſe diſtincta erant, materia, forma, & ſine. Ex parte materiæ, ſic erant diſtincta, ut, ſi

res oblatæ eſſent animatæ, ut oves, Capræ, Hædi, Boves, Vituli, Columbe, Paſſeres, Turtures, *viſtima* vocarentur, aut *hoſtia*; ſi inanimatæ, & ſolidæ, non liquidæ, ut ſal, Thus, Triticum, panis, &c. *immolationes*. Si liquidæ, ut Vinum, Oleum, Aqua, Sanguis *libamina* dicerentur.

Ex parte formæ, & ſinis dividebantur: ubi *hoſtia* igne tota abſumebatur, *holocaustum* erat; quod quidem omnia Dei eſſe, & ſupremum ipsius dominium in res omnes proteſtabatur. In *hoſtia pro peccato* pars una igni tradebatur, pars altera à Sacerdotibus comedebatur. In *hoſtia denique pacifica*, ſeu in *gratiarum actionem*, aut ad *impetrandum beneficium*, partem unam ignis abſumebat, alia à Sacerdotibus, & tertia ab offerentibus edebatur.

24 Unde Sacrificium propriè dictum ſolet à Theologis deſignari; *oblatio Rei ſenſibilis ritu aliquo externo, ſoli Deo facta à legitimo Miniſtro: cuius rei deſtructione, vel immutatione recognoſcitur Deus, ut ſupremus omnium Dominus, & vitæ, & mortis Author.*

25 Ex quibus ſequitur, Sacrificium eſſe actum externum præſtantiſſimum virtutis Religionis; cum conſiſtat formaliter in eo, quod, dum ſacrificamus, intendamus immediatè per alicujus rei deſtructionem, ſeu immutationem proteſtari Deum eſſe ſupremum rerum Dominum, eique idcirco immenſam gloriam, cultum, & ſubjectionem deberi. Ex quo ſit, ut erga nullum, niſi cum graviffimo peccato, ſed ſolū erga Deum exerceri debeat. Vide dicta lib. 3. cap. 3. nu. 72.

26 Quæritur, an in Miſſa offeratur Deo verum, & proprium Sacrificium?

Reſp. Affirmativè, ſic communiter Catholici omnes. Deſignatur in Trid. ſeſſ. 22. can. 1. & cap. 2. habetur. *Et quoniam in divino hoc Sacrificio, quod in Miſſa peragitur, idem ille Chriſtus continetur, & incruentè immolatur, qui in Ara Crucis ſemel ſeipſum cruentè obtulit.*

Quòd

Quòd habes ex alleg. descriptione Sacrificii, ad quod requiritur, quòd res, quæ immolatur, & sacrificatur, destruat, vel immutetur in recognitionem supremi domini Dei in res creatas; in sacrificio autem Missæ, res, quæ offertur, & sacrificatur, immutatur, non quoad substantiam, sed quoad modum existendi, quatenus Christus per consecrationem ponitur sub speciebus panis, & vini, existens sub illis modo non naturali, sed sacramentali, & definitivo, sic, ut sit totus sub tota specie, & totus sub qualibet parte speciei, cum antea non esset talis.

27 Unde posset Sacrificium Eucharisticum describi. *Est oblatio Corporis, & Sanguinis Christi, cuius, quoad modum existendi sub speciebus panis, & vini, à Sacerdote facta, immutatione, recognoscitur Deus, ut Supremus Dominus, vitæque, ac mortis Auctor.* Illung. *Tbeol. tract. 6. disput. 5. art. 2. §. 1. numer. 144.*

28 Cum itaque per consecrationem Christus sub illis speciebus tali modo ponatur, sequitur, actionem sacrificandi consistere essentialiter, non in oblatione panis, & vini, quæ fit ante consecrationem: nec in oblatione Corporis, & Sanguinis Christi post consecrationem: nec in fractione, & commixtione Sacramenti; nec in sumptione Sacramenti à Sacerdote consecrante facta: nec in sumptione, & distributione fidelibus, sed in Consecratione. Quòd patet. Nam in ea actione consistit actio sacrificandi, quæ fit à Sacerdote in persona Christi; sed sola consecratio fit à Sacerdote in persona Christi, ut bene Becanus *opus. 11. de tripl. sacrif. lib. 3. cap. 8. num. 6. discurrit.*

Et ex isto id fit evidens. Quia, cum in consecratione dicit: *Hoc est Corpus meum: Hic est Calix sanguinis mei,* non loquitur in persona propria, sed in persona Christi: non enim est Corpus, & Sanguis Sacerdotis, sed solius Christi:

unde dixit Florent. in decret. Eugenii: *Sacerdos enim in persona Christi loquens, hoc conficit Sacramentum.*

29 Unde cum D. Thom. 3. p. qu. 83. art. 4. ad 1. dicimus, sacrificium Missæ, sumptum pro actione sacrificandi (nam pro re sacrificata acceptum, dicit Corpus, & Sanguinem Christi Domini) essentialiter consistere in Consecratione utriusque speciei. Verum consumptio spectat ad integritatem, vel usum Sacrificii: quatenus Celebrantes debent ipsum sumere, ut participant de oblato Sacrificio, & ipso opere ostendant, se Sacrificio consentire: ut optime ibi D. Thomas in corpore.

30 *Dixi utriusque speciei:* quia licet una species sine alia valide consecratur, dum verba Consecrationis à Sacerdote proferuntur circa materiam ideoneam cum debita intentione; tamen illicitè una sine alia consecratur. Nam nunquam licet alio modo Eucharistiam consecrare, quam eam Christus consecrandam præcepit; sed Christus utramque speciem indivisè, consecrandam præcepit; ut loquitur Trident. *sess. 22. cap. 1.* Et ratio est. I. Quia Eucharistia est Sacramentum institutum per modum convivii spiritualis, sed ad rationem convivii potus æquè, ac cibus desideratur. II. Quia Sacrificium incruentum Altaris est commemoratio Sacrificii Crucis, ex Trid. *ibid.* ergo, sicut Sacrificium Crucis non fuit sine Sanguine à Corpore separati effusione, ita, nec talis separatio, potest sine Consecratione Panis, & Vini representari.

31 Per hoc enim, quòd una species in eadem Missa consecratur separatim ab alia, explicitè representatur mors Christi. Nam, cum *Sanguis, & non Corpus, ex vi verborum, hic est Calix, &c.* ponatur sub speciebus Vini: & *Corpus, & non Sanguis,* sub illis, panis ex vi istorum, *Hoc est Corpus, &c.* ex Trid. *cit. num. 3.* sequitur, quòd illa consecratio sit quasi mystica actio Christi, qua-

quatenus scilicet expressè repræsentat mortem, ejusque passionem, per separationem ex vi verborum Sanguinis à Corpore, Becanus, ubi supra num.10. & Gobat. tract.3. *Alphabet. sacrifician.* num.8.

32 Dices, Eucharistia est Sacramentum, ergo non est Sacrificium.

Resp. Negando consequentiam; diversa ratione est utrumque. Quatenus est Sacrificium consistit in consecratione, destruyente substantias panis, & vini, & substituente loco ipsarum Corpus, & Sanguinem Christi sub illarum speciebus. Quatenus verò Sacramentum, non est actio, sed effectus illius actionis; & sub ista ratione importat ipsas species, ut realiter continentes Corpus, & Sanguinem Christi. Deinde, ut Sacramentum, ex opere operato prodest tantum sumenti, si sit in gratia; ut Sacrificium verò prodest ex opere operato, & offerenti, & pro quibus applicatur, si sint sine obice peccati. Tum quia essentia Sacrificii Missæ respicit essentialiter consecrationem utriusque speciei: essentia autem Sacramenti servatur in unica specie.

33 Hoc Sacramentum variis aliis nominibus insignitur: dicitur, *Primo, Eucharistia*, hoc est, bona gratia, quia gratiarum omnium fontem, Christum continet. *Secundò, Synaxis, & Communio*, quia communicatione Corporis, & Sanguinis Christi Salvatori copulamur, & cum aliis Christi fidelibus in unum Ecclesiæ Corpus unimur. *Tertiò, Viaticum*, quia Christianis in periculo mortis constitutis ministratur, ut viam, quæ ducit ad vitam, in extremis momentis, infinitis periculis septam, inoffenso pede percurrant.

34 Quæritur, *an Sacrificium Missæ ex opere operato remittat penas exstentibus in Purgatorio pro illis oblatum?*

Resp. Affirmativè, hoc est de fide tenendum ex Trid. sess. 22. sit can.3. ubi: *si quis dixerit, Missæ Sacrificium tantum esse laudis, &c. vel solum prodesse*

sumenti: neque pro vivis, & defunctis, pro peccatis, penis, satisfactionibus, & aliis necessitatibus offerri debere, &c. & cap.2. quare non solum pro fidelium vivorum peccatis, penis, satisfactionibus, & aliis necessitatibus: sed, & pro defunctis in Christo, nondum ad plenum purgatis, ritè, juxta Apostolorum traditionem offertur. Vide lib. & cap. cit.

Ubi num.14. habes distinctionem triplicis fructus ex opere operato in Sacrificio. *Generalissimi* pro tota Ecclesia. Qui dici potest infinitus Synathegorematicè, quatenus cum debeat Fidelibus omnibus, non minuitur ex ipsorum numero, adeò minus de eo singuli percipiant, quando numerus Fidelium est major, & plus, quando est minor. Nam, ut notat Bord. *op. posth. cap.9. n...* unicuique fidei capaci applicatur certa portio, soli Deo nota, sic, ut in concursu hujus sanctæ participationis unus alteri non præjudicet.

II. *Specialissimi, seu personalis* pro ipso Sacerdote; qui, utpotè personalis, est personæ affixus; & propterea alteri inapplicabilis contra Bordonum cap.8. num.40. asserentem adversus Pasqualigo posse à Sacerdote alteri applicari, gratis tamen, & sine ulla mercede privando se illo. Quòd meo videri non videtur stare cum hoc, quod sit personalis, & personæ celebrantis ex Christi institutione affixus, & determinatus.

III. *Specialis, seu medii*, qui debetur ei, pro quo, vel quibus Missa applicatur: iste diminuitur in singulis, ita quod Missa minus profit singulis, cum pro pluribus applicatur, ac profit uni, cum solum pro ipso uno sacrificium offertur: unde, quo participantibus sunt plures, eo minores fiunt portiones ex eodem fructu, in eas distributo; & ita necesse est, ut singuli quid minus participent. Hinc est. Quòd pro unica Missa Sacerdos non potest plura stipendia recipere, & eadem omnibus satisfacere juxta dicta loc. cit.

35 Quæritur, quid sit applicare sacrificium alteri?

Resp. Est illud à Sacerdote offerri Deo pro eo, pro quo, vel ex charitate (ut, cum nullum accepit stipendium) vel iustitia, ut, dum stipendium recepit, Missam celebrat.

36 Quæritur, an Missa mali Sacerdotis tantum valeat, quantum innocentis?

Resp. Affirmativè, ex opere operato, ut ibi n. 5. improbitas enim Sacerdotis non potest inficere sacrificium à Christo institutum, quin efficaciter operetur, & applicet meritum passionis ejus eis, pro quibus applicatur, si obicem non invenerit. Nam in eo Christus, Deo infinite gratus, est principalis offerens, & res oblata, lege Trid. sess. cit. cap. 2. ubi: *in divino hoc Sacrificio, quod in Missa peragitur, idem ille Christus continetur, & incruentè immolatur, qui in Ara Crucis semel se ipsum cruentè obtulit: & infra: una enim, eademque est hostia: idem nunc offerens Sacerdotum ministerio, qui se ipsum tunc in Cruce obtulit, sola offerendi ratione diversa.* Et facit, quod habet sess. 7. can. 12. de Sacram. in gen.

37 Quæritur, post consecrationem mortui Paulus Sacerdos, alius ei substituitur, petitur, an iste possit Missam applicare pro suo arbitrio?

Resp. Negativè, quia præsumitur, Paulum Sacrificium applicasse; communiter enim applicatio fit ante consecrationem in memento vivorum. Tum quia Sacerdoti substituto à Rubric. Miss. tit. 10. de defect. in minister. aliud non conceditur, quàm, ut Missam, expleat ab illo loco, ubi ille desit.

38 Quæritur, an Crematio Thuris, Cera, Olei, Aspersio aqua benedictæ in honorem Dei facta, sint sacrificia?

Resp. Negativè, licet enim propter eorundem immutationem, & destructionem videantur aptæ ad protestandum Deum esse Authorem vitæ, & mortis, tamen, quia ad hoc non sunt institutæ ex Matthæucci Cautela Confess.

potestate Christi, Ecclesiæ collata, sacrificia non sunt. Verùm itaque, & unicuique Sacrificium in lege nova est illud Altaris, omnium Sacrificiorum consummatio, & perfectio. Trid. cit. cap. 1. Illæ sunt solum Religiosus ritus, & ceremoniæ Sacrae, sed non sacrificia.

39 Quæritur, an celebrans sine notitia rubricarum peccet mortaliter?

Resp. Affirmativè, quia exponit se periculo errandi in materia gravissima, ut est Sacrosanctum Missæ Sacrificium, vide dicta lib. 1. c. 28. in fine, ac Bullam B. Pii V. appositam in fronte Missalis, & Trid. sess. 22. de Sacrif. Miss. can. 7.

40 Quæritur, an Sacerdos existens in mortali, & administrans Eucharistiam fidelibus, mortaliter peccet, nisi prius vel confiteatur, vel actum perfectæ contritionis eliciat?

Resp. Affirmativè, habetur ex D. Th. in 4. dist. 24. qu. 1. art. 2. § ad 5. quæst. ad 4. ubi hæc sunt: *dicendum, quod quando cumque exhibet se in aliquo actu, ut Ministrum Ecclesiæ, mortaliter peccat: & toties mortaliter peccat, quoties huiusmodi actum facit.* Sacerdos autem in ministranda Eucharistia, se habet, ut minister Ecclesiæ, & actum suo Ordini deputatum exercet, Habetur ex Rituali Romano tit. de Sacrament. administrat. Ideo debet saltem per contritionem perfectam se ad statum gratiæ reducere, ex alibi dictis.

41 At quæritur, an peccent, qui scientes Sacerdotem esse in mortali, ab eodem Eucharistiam accipiunt?

Resp. Est procedendum cum distinctione, quàm exhibet sequens D. Th. doctrina loc. cit. ad 3. ubi: *dicendum, quod quamdiu minister Ecclesiæ, qui est in mortali, ab Ecclesiâ sustinetur, ab eo Sacramenta recipere, ejus subditus debet, quia ad hoc est ei obligatus: sed tamen præter necessitatis articulum non est tutum: quia cum induceret ad aliquid sui Ordinis exequendum, durante tali conscientia, quod ille in peccato mortali esset;*

O o lege

lege dicta lib.1. cap.10. num.8. & sup. cap. 1. num.14.

42 Queritur, an Subdiaconus, vel Diaconus inservientes in Missa Sacerdoti, si sint peccato mortali gravati, & ab eo, vel per Confessionem, aut contritionem perfectam non se emendent, mortaliter peccent?

Resp. Affirmative ex eodem S. Doctore ibid. ad 5. qu. ubi: quod lex precipit, ut homo iustitiam, qua sunt iusta, exequatur: & ideo quicumque homo, quod sibi competit ex ordine, facit indignè, quod iustum est, iniuste exequitur, & contra preceptum legis facit, ac per hoc mortaliter peccat. Quicumque autem cum peccato mortali aliquid sacrum Officium pertrahat, non est dubium, quin indignè illud faciat: unde patet, quod mortaliter peccat: & ex his ad dubium.

43 Sed petitur. An applicatio Sacrificii fieri debeat ante consecrationem in primo memento, vel ante; an verò applicari possit etiam in secundo memento?

Resp. Res est sub lite: utrinque sunt Doctores: resolutio pendet ab eo, an Sacrificium essentialiter consistat in sola consecratione utriusque speciei; an verò etiam communio, & consumptio hostiæ, quæ sit à Sacerdote pertineat ad illius essentiam: qui hoc secundum tenent apud Dianam Coord. to.2. resol.53. tradunt posse Sacrificium applicari, etiam in secundo memento; pro qua sententia Fagnan. in 3. ad cap. Cum creatura de celebrat. Missar. nu.19. hæc habet. Jubeat enim Canon in singulis Missis orari pro Defunctis, ut in cap. penult. de consecrat. dist.1. Cui præcepto ab universa Ecclesia satisfiat per preces in secundo memento, in quo dicitur, ipsis, Domine, & omnibus in Christo quiescentibus. Et ita S. Congr. Concilii intellexit decretum cap.4. ses.25. in illis verbis: Commemoratio fiat: censuit enim posse satisfieri per intentionem applicationis Missarum per preces in secundo memento, &

per collectas in illis Missis, in quibus collecta fieri possunt. Nos verò, quia supra nu.29. cum D. Thoma diximus Sacrificium essentialiter consistere in consecratione utriusque speciei, dicimus applicationem Sacrificii debere fieri ante ipsam consecrationem; ratio est, ut ait, Turrinus director. Sacrificiant. p.2. sect.3. cap.5. ad fin. quia applicare Sacrificium nil aliud est, quam offerre actionem Sacrificandi in obsequium Dei; Sed in hac opinione actio sacrificandi transit, quia in consecratione consistit, & fructus Sacrificii non potest stare in suspensio. Ideò Sacerdos, qui, vel ex iustitia, vel charitate Sacrificium pro vivente, vel pro defuncto offert, & optat meliori modo, quo potest, prodesse, tutiorem amplectatur partem; quam si ex iustitia celebrat, tenetur sequi, quia agitur de damno tertii: nec debet applicationem incertam reddere pro certo stipendio. Sed, si ex charitate celebret tutiorem partem etiam sequatur, ut prudenter agat, & prosit; ut etiam loc. cit. tenet Diana, & Quarti ad Rubric. Missalis appendix de Sacrific. q.2. punct. 1. dixit consulendum esse, ut applicatio fiat semper ante consecrationem.

44 At petitur. An intentio applicativa Sacrificii debeat esse necessaria actualis, vel virtualis, an verò sufficiat habitualis?

Resp. Cum Quarti cit. punct. & Diana ibid. resol.51. & 52. Felice examen ordinand. to.3. p.1. cap.2. nu.37. Quod sufficit habitualis, licet enim juxta dicta lib.3. cap.3. nu.87. intentio habitualis non sit satis ad efficiendum Sacramentum, vel Sacrificium, quia ad hoc requiritur intentio passiva, & voluntas imperans potentiis externis operari (quod non potest convenire intentioni non perseveranti actualiter in se, vel virtualiter in aliquo effectu sui) sufficit tamen ad applicandum valorem, seu fructum sacrificii faciendi pro uno, vel pluribus juxta conventionem cum Benefactore factum,

Atum, tum ex alia intentione actuali, vel virtuali; etenim ad applicandum fructum Sacrificii non est necessaria intentio factiva Sacrificii ex alia faciendi, me movens ad sacrificandum, & respiciens fructum, ut effectum; sed sufficit, ut respiciat illum; ut objectum, ad quod sufficit voluntas non factiva, sed volitiva, qua donem, vel transferam ipsum fructum; quod anticipatè potest fieri: ita possum hodie applicare Sacrificium, quod cras, vel infra aliquos dies celebrabo, manebitque ei applicatum, licet de eo nihil amplius cogitem, modò non habeam voluntatem contrariam ante celebrationem, quia voluntas in tali casu non debet movere me ad aliquid ulterius operandum; sed satis est, ut ego cum intentione actuali, vel virtuali sacrificem.

Concordat Gobat *Theol. experiment. de Sacrament. tr. 3. cap. 5. sect. 3. num. 162.* Abellii tamen *Medull. Theol. p. 2. cap. 1. de Sacrament. sect. 11. §. 5. num. 5.* requirit actualem, si non adsit virtualis; propter eam actualis est consulenda, vel virtualis habenda. Videri possunt Rubricæ Missalis *tit. de can. Miss. usque ad consecras. §. sequent.* Memento tamen, quod *Memento*, prout in Canone, non est momento peragendum.

45 Sed quid, si Missa ex oblivione nulli applicaretur quoad fructum medium ex opere operato, cum nam censendus ille fructus?

Resp. In casu, sicut, dum is, pro quo Sacrificium applicatur, fructu non eger, vel est incapax, remanet in thesauro Ecclesiæ. Gavanti. *p. 2. tit. 8. nu. 3.* & Felix *num. 241.*

46 Si autem quæras, an fructus ille medius, quidebetur ei, pro quo Missa applicatur, sit infinitus. Videas dicta *Offic. Cur. Ecclesiæ. cap. 10. nu. 54. & 55.* Ubi diximus esse infinitum ex parte Christi, seu in actu primo; aut in radice, ut ait Gavantus; vel quoad sufficientiam, ut alii loquuntur; finitum

verò in actu secundo, & ex parte applicationis, actualis influxus, & effectus producendi: ad effectum enim finitum applicatur. Quod oritur ex mera voluntate Christi, cujus interpres est Sancta Mater Ecclesia, quæ pro eadem re plures Missas offerre consuevit. Id autem Christus voluit, ut per iteratas oblationes frequentius recolere memoriam mortis, quam pro nobis in Cruce sustinuit. Ulterior ratio est, quia Sacrificium ex opere operato, seu ex vi institutionis à Christo factæ habet vim applicandi nobis merita, & satisfactiones Christi: eaque alicui applicat, cum à Sacerdote pro eo celebratur. Congruum autem fuit, ut nobis applicaret modo finito, ut sæpius à Fidelibus frequentaretur. Aliàs nec Legata relinquerentur, nec Cappellanæ erigerentur, nec frequens esset augustissimi Sacrificii oblatio. Felix *cit. num. 134.*

Et hic notandum cum Mauro *Theol. tom. 3. lib. 12. qu. 107. num. 9.* distinguente in Sacrificio effectum generalem, & specialem *ex opere operato*, quod effectus generalis non minuitur in singulis, ex eo, quod Sacrificium applicetur pro pluribus; specialis verò in singulis minuitur, ut dixi à *nu. 34.* Ideò cum obligamur applicare Missam uni tantum, obligamur ad illi applicandum totum hunc effectum specialem, licet effectus generalis iuxta formam Canonis (*in primis, &c.*) omnibus æque applicetur. Et statim subdit. Hinc patet: quare, qui accipit elemosynam pro Missa uni applicanda, non potest illam quoad fructum specialem applicare alteri; sed accepta elemosyna, vel pacto inuito, tenetur ex iustitia illi quoad eum fructum totum applicare, aliàs non satisfacit suæ obligationi; quoniam fructus ille minuitur pro eo, si sacrificium applicetur, etiam alteri. Hæc ex allegato, & cum eo Scotistæ Poncius, & Herinc.

47 Quæritur. Sacerdos N. expònit Confessario, sum indoctus, nec intelli-

go particulam illam in *Missis Defunctorum*: libera, &c. de penis inferni, & de profundo lacu: de ore leonis, ne absorbeat eas Tartarus, ne cadant in obscurum, &c. *proinde cum celebros, vix possum cogitationem de damnatis depellere, suggerentem eos quoque sacrificiis iuvare. Quid Confessarius est dicturus?*

Resp. I. Quòd pro damnatis sacrificium offerri non potest, sive cum peccato mortali actuali, sive cum originali decesserint, ut expressè docuit Augustinus lib. 3. de anima, & eius orig. capit. 12. *Noli credere, ait, nec dicere, nec docere Sacrificium Christianorum pro iis, qui non baptizati de corpore exierint offerendum, si vis esse Catholicus.* Ibi S. Doctor voluit revocare ab errore eos, qui utique catholicè tenebant parvulos nasci peccato originali infectos, sed hereticè postea asserere eos potuisse salutem consequi, licèt decessissent sine baptismo, modò pro eis sacrificia applicarentur, in quo omninò errabant.

48 Quòd dictum est de parvulis sine baptismo defunctis, ut eis non proficit sacrificium, valet, & de adultis mortuis in peccato mortali; omnes enim sunt irreconciliabiles hostes Dei, & in termino panis æternis ab irrevocabili Dei iudicio addicti.

II. Quòd Infernus idem est ac locus subterraneus circa centrum terræ, ubi, & damnati torquentur, sinus erat Abrahæ, & est Purgatorium, ac Limbus puerorum in originali peccato defunctorum, ut notavit Tirinus comment. in Scriptur. to. 2. contr. 4. nu. 16. quæ loca sunt distincta, & diversa; Hinc verba illa, *Liberas eas de panis Inferni significat*, ut Deus virtute Sacrificii liberet de Purgatorio animas iustorum, qui in eo subeunt pœnas pro peccatis remissis, vel venialibus, pro quibus hic viventes plenè non satisfecerunt.

III. Quòd Lacus aliquando sumitur pro carcere. *Danielis 6. Miserunt eum*

in lacum leonum. Genes. 40. *Hic innocens in lacum missus sum.* Unde Purgatorium metaphoricè carcer dicitur, & ab isto carcere oratur Deus, ut animas Fidelium in eo existentium liberet.

IV. Quòd Leo in Scriptura sæpè sumitur pro Diabolo; *Prima Petri 5.* Animæ enim purgantes igne infernali torquentur, & à Dæmonibus tantò acrius, quantò citius exire debent de loco tormentorum. Hinc verba illa *de ore Leonis*, idem significant, ut eas Deus liberet de viribus Diaboli. Turrin. cit. par. 3. sect. 3. capit. 3.

V. Quòd Tartarus est profundissimus inferorum locus, Laurentii *Amalt. onomast.* & licet aliquando accipiat pro inferno damnatorum, 2. *Petri cap. 2.* Hic tamen ejus nomine venit Purgatorium per Gobat cit. num. 173. Quare, *ne absorbeat eas Tartarus*, sensus est, fac, Domine, ne Purgatorium eas amplius detineat; quem sensum habent alia, *ne cadant in obscurum*: hoc est, ne, peracto hoc Sacrificio, permittas adhuc eas in obscuris terræ carceribus cremari. *Sed significat Sanctus Michael repræsentet eas in lucem sanctam*: hoc est, fac, ut per hoc sacrificium pœnas debitas exsolvant in totum, ut hinc plenè mundatas eas S. Michael ducat in lucem celestis gloriæ.

Quocirca utiliter, & fructuosè pro animabus existentibus in Purgatorio Sacrificium applicatur; præcipue ut est satisfactorium, ut à peccatis, hoc est, peccatorum panis solvantur. Trident. sess. 22. cap. 2. & dixi supr. nu. 34.

49 Queritur, an Sacrificium possit applicari Infidelibus, & hæreticis viventibus?

Resp. Eis directè non licet illud applicare, quia cum non sint membra corporis Ecclesiæ, de ejus suffragiis participare nequeant; Sicut enim quoad fructum generalissimum, & intentione generali est Sacrificium offerendum pro omnibus orthodoxis, atque catholicis, &

Apostolice fidei cultoribus : & etiam *pro omnibus in Christo quiescentibus*, ut ex *Canone* ; ita intentione speciali quoad fructum medium applicandum est pro unitis, & non præcis ab Ecclesia, ac fidelibus defunctis . Unde dixit Augustinus cit. lib. de anima, cap. 9. *Quis enim offerat Corpus Christi, nisi pro eis, qui membra sunt Christi?*

50 Indirectè tamen pro illis, & excommunicatis non toleratis licitè Sacrificium offerri potest; quatenus scilicet offertur pro incremento, & exaltatione Sanctæ Matris Ecclesiæ, quæ per conversionem infidelium, & hæreticorum, ac resipiscéntiam censuratorum maxime fiunt, ut dixit Abellii cit. §. 4.

51 Potest tamen Sacerdos in Missa privatim pro Paganis, Judæis, & Hæreticis orare. Gavantus cit. & Durandus de Ritib. Eccles. lib. 2. cap. 33. num. 20. Et habetur ex Augustino in psal. 65. num. 5. ubi ait: *quicumque in Ecclesia estis, nolite insultare eis, qui non sunt intus; sed orate potius, ut intus sint.* Et Epist. 217. cap. 7. ad Vitalem. *Ubi audieris Sacerdotem Dei ad ejus Altare populum hortantem ad Deum orandum, vel ipsum clara voce orantem, ut incredulas gentes ad fidem suam venire compellat, non respondebis, Amen?* Licet enim isti de communibus Ecclesiæ suffragiis participare non possint, quia cum societate non communicant, non est tamen vetitum, ut quis pro illis, precibus privatis orare valeat.

Eadem ratio probat de excommunicatis non toleratis, ut sunt publici Clericorum percussores, & nominatim excommunicati denunciari, juxta constitutionem ad evitanda Martini V. quam refert lib. 2. cap. 35. num. 16. vel ita notoriè excommunicati, ut nulla possit tergiversatione celari, aut juris suffragio excusari, ex const. Leonis X. Primitiva sub la 20. §. 24. Bullar. to. 1.

52 Quæritur, an Sacrificium appli-
Matthæucci Cantela Confess.

cari possit quoad fructum medium pro existente in mortali?

Resp. Affirmativè, quia ei prodest, ut est impetratorium auxiliorum ad conversionem; ad quem fructum dumtaxat præsumitur habere consensum implicitum, Felix num. 239. Dicitur, ut est impetratorium, quia ei pro tunc non prodest, ut est satisfactorium pro pœna; ut enim pœna peccati relaxetur, debet quis esse in gratia sanctificante constitutus, aliàs ponit obicem quoad istum effectum; nam ut ista remittatur, debet antea culpa esse remissa. Abellii

54 Quæritur, an Sacerdos scienter celebrans in Ecclesia polluta sit suspensus, vel irregularis?

Resp. Non est ipso jure suspensus, sed est suspendendus, cap. 15, qui de sent. excom. in 6. Nec est irregularis, ut dixi Off. Cur. Ecclesiæ cap. 7. num. 8. quia pollutio Ecclesiæ non est censura: peccat tamen mortaliter.

Ecclesia autem polluitur. I. Per homicidium voluntarium, & injuriosum; vel saltem contra reverentiam loco sacro debitam commissum; per mortem nimirum Judicis sententia in Ecclesia illatam licet sit absque sanguinis effusione.

II. Per humani Sanguinis voluntariam, & injuriosam effusionem, non quidem ex naribus fluentem, sed ob percussione in injuriosum in ea factam, etiam si periculum mortis non subsit.

III. Per illicitam copulam, aut humani seminis effusionem, ac publicè notam, cap. significasti de adulter. adeo ut in prioribus etiam casibus ad violationem requiratur notorietas actum talium, quibus violata fuit Ecclesia; & ab eo tempore censi debet polluta, quo per rei evidentiam, aut rei confessionem innotuerunt delicta, quibus Ecclesia polluitur.

An autem per copulam conjugalem polluat Ecclesia? Utrinque sunt DD. Sed omnes excipiunt casum necessitatis, quo scilicet conjuges diu in Ecclesia con-

On 3 clusi

clusi morari debent, ut ibid. Notavi *nu. 10.* Pinhing. *compend. lib. 3. tit. 40. §. 3.* De la Cruz *direct. consi. de Sacrif. Missæ q. 3. num. 3.*

IV. Per sepulturam hominis excommunicati non tolerati, & vitandi: & per sepulturam hominis infidelis, & non baptizati; quibus casibus exhumari etiam debet talis sepulti cadaver, ac foras proiici, cap. *Consuluit de consecrat. Eccles.* In istis casibus violatur Ecclesia per eorum sepulturam, licet culpa nulla fiat, quando in prioribus culpa requiritur. Vide *loc. cit.*

55 Missa celebrari debet in Altari lapideo ab Episcopo consecrato, *capit. Nullus Presbyter 1. dist. cap. Altaria si non ibid.* Vel ad minus debet esse tabella lapidea ab Episcopo consecrata tantæ magnitudinis, ut pedem Calicis cum Patena capere possit, ut praxis docet, & habetur ibi *num. 21.*

56 Missas celebrare non licet in Ecclesia etiam consecrata, si violata, aut polluta fuerit, nisi prius reconcilietur ab Episcopo. Abellii *cit. §. 8. num. 4.* Nec in noviter erecta potest, nisi saltem præcedat simplex benedictio ipsius ab Episcopo, vel de ejus licentia à simplici Sacerdote facta, vel saltem ejus permissio. *Piassec. prax. p. 1. cap. 2. art. 4. num. 4.* Ex privilegio verò, aut dispensatione, Papæ potest celebrari in Oratorio privato non benedicto. Felix *nu. 318.* Cujus generis sunt illa, quæ à Sancta Sede conceduntur nobilibus in propriis domibus; sed priusquam pro executione Brevis Episcopus concedat licentiam celebrandi Missam, debet visitare locum, an sit aptum, & decens, ut dixi *Offic. Cur. cap. 10. §. 3. nu. 77. ubi num. 84.* notavi, quibus diebus non possit in eis celebrari, & *nu. 75.* quoniam audientes in eis Missam satisfaciant præcepto de Missa audienda; & de oratoriis DD. Cardinalium, & Episcoporum.

57 Cum extra Ecclesiam tempore necessitatis, ut terramotus, in castris,

&c. Missa celebranda est, est obtinenda licentia ab Episcopo, si facile adiri potest. Abellii *cit. numer. 3.*

58 Extra diem Nativitatis Domini plures unica non possunt Missæ celebrari, cap. *Consuluit de celebrat. Missar. contra Ameno de panit. tit. 8. §. 3. num. 29.*

59 Celebrandum est cum vestibus, benedictis ab habente potestatem, adeo ut sit ex Toletano mortale cum ipsis non benedictis, aut notabiliter immundis; & laceratis celebrare.

60 Vestes benedictionem perdunt, cum notabiliter franguntur, ut non sint aptæ ad decentem usum, ad quem benedictione destinantur.

61 Calices verò, & Patenæ consecrationem amittunt cum notabiliter sunt exaurata ea parte, qua contingunt Corpus, & Sanguinem Christi; egentque nova consecratione, cum de novo ea parte deaurantur, ut idem Abellii: & ego *cit. cap. 7. Off. Cur. num. 22.* Contra Felicem *num. 332.* Ubi contra praxim Ecclesiæ scripsit, Calicem deauratum non esse iterum consecrandum, si sit materiæ aptæ. Nec ejus ratio concludit, qua dicitur per deaurationem novam non amittere consecrationem: quoniam aurum totum, in quo fuit prior consecratio facta, remotum est, & novum in totum appositum.

62 Sacerdoti non licet sacrificare, si nullus sit, qui ministrat urceolos, & respondeat, cap. *Hoc quoque 1. dist. de consecrat.* Minister debet esse vir, non femina. Unde Suarez, & Sotus apud Abellii *§. 8. nu. 9.* Satiùs esse judicant, si urgeat necessitas Missam absque ministro celebrare, quam feminam ad Altare respondentem, & ministrantem adhiberi. Dicitur *ad Altare*, quia nihil videtur ob stare, ut notavit idem Suarez apud cit. & Felix *num. 343.* Quod in Monasteriis Monialium, Sanctimonialis aliqua ex loco remoto respondeat celebranti; hoc ex ipsis refero; sed ab eis peterem, quis

quis ministrabit urceolos? ergo adhibendus est vir.

63 Quæritur, *Sacerdos celebravit centum Missas sibi à Petro commissas, fide præstata de stipendio persolvendo, quod postea solvere detraxit; Interea alia Missæ ab eodem ipsi commendantur, stipendio anticipatè soluto; petitur, an Sacerdos possit pecunias receptas sibi retinere in compensationem antiqui sui crediti?*

Resp. Negativè, quia pecuniæ illæ, ut subsunt novo contractui, & ex mutua conventionne partium sunt datæ, & acceptæ, non nisi cum novo onere, & ad effectum alium diversum ab extinctione debiti antiqui; & ex tunc alterius conditionis esse incipiunt; & ideo à nullo privata auctoritate nequeunt ab onere suscepto occultè separari. Ut optime De la Fuente Hurtado *Theol. re. differt. 23. cap. 6. nu. 56. Ubi nu. 55.* tradit, quòd regula generalis sit, ut nulla opinio speculative probabilis licitè ad praxim deducitur, cum usus ejus vetatur lege certa charitatis obedientiæ, vel justitiæ, aut cujusque alterius virtutis, ut est ex terminis notum, & agendo de usu ipso compensationis occultæ est inter DD. receptum. In casu autem lex fati certa justitiæ compensationem vetat.

64 Sed quid, si Sacerdos pecunias sibi datas titulo novi stipendii, ostendat exterius se illas acceptare, & obligationem suscipere dicendi Missas, pro quibus confertur, interius autem contrarium animam haberet, & potius eas vellet accipere per modum compensationis debiti antiqui?

Resp. Modus iste contrahendi est omninò injustus, ideo reprobandus, ut potè à priori debito omninò independens; & licet debitor injustè agat non solvendo antiquum debitum; non ideo creditori licet aliam injustitiam facere, ut creditum suum compenset. Petrus enim privaretur valore, ac fructu, quem jure optimo sperabat sibi, aut suis ex effe-

ctiva oblatione sacrificiorum, quæ titulo oneroso commendavit, non commendaturus huic, sed alteri, à quo non deciperetur. Ideò hic ex allegato notandum, quòd in contractibus onerosis, qui alium decipit, & decipiendo est ei causa vel gravis damni emergentis, vel magni lucri cessantis, sua fictione adversus justitiam peccat, & utrumque tenetur restituere.

Cæterum ipse Petrus tenetur ad solutionem antiquioris debiti, & reparandas expensas, quas Sacerdos fecisset in recuperando stipendio illo promisso; nec posset Sacerdos damnum sibi compensare minuendo numerum Missarum, pro quibus jam pecunias accepisset, contra Felicem num. 258. propter rationes superius ponderatas.

65 Petitur. *An si capitale in totum pereat, vel ita deterioretur, ut fructus non sufficiant ad justum stipendium, habens onus celebrandi in primo casu possit missas omittere; & in secundo possit eas reducere ad ratam justi stipendii?*

Affirmat Felix num. 259. appellans Bordonum, Aversam, & alios. Negat Tamburinus, quem sequor ob decreta S. Congr. Concilii in const. Nuper Innoc. XII. *De celebrat. Missarum ad primū, & tertium ib. videnda.* Nec regit, quod ex allegatis ipse refert, nimirum ea decreta loqui de stipendio tenui scienter acceptato, & pariter de stipendio incongruo scienter recepto post congruam taxam ab Ordinario factam; Nam sensus decretorum videtur prorsus absolutus. Tum quia in Constitutione prohibetur omnibus privatis personis declaratio, & interpretatio Decretorum; sed in casibus particularibus recurritur ad Sacram Congregationem Concilii pro resolutione, & ita praxis servat, & cum lex loquatur, speculationes debent silere. Cætera videantur in d. Constitutione, & cap. 6. lib. 1. & loc. cit. *Offic. Cur.*

§. III.

Constitutio Innocentii XII. super celebratione Missarum.

Nuper à Congregatione Venerabilium Fratrum nostrorum S.R.E. Cardinalium Concilii Tridentini Interpretum prodierunt Decreta tenoris infra scripti, videlicet.

„ Aliàs super celebratione Missarum,
„ ac prohibitione illas moderandi, seu
„ reducendi absque Sedis Apostolicæ li-
„ centia, nec non super earundem one-
„ ribus perpetuis suscipiendis, & Re-
„ ligiosorum numero ultra redditus,
„ & consuetas eleemosynas locorum
„ Regularium non habendo, emana-
„ runt ab hac Sac. Congregatione S.R.E.
„ Cardinalium Concilii Tridentini In-
„ terpretum, auctoritate per sel. rec.
„ Urbanum Papam VIII. illi specialiter
„ attributa, quamplura Decreta tenó-
„ ris sequentis.

„ §. 1. Cùm sæpè contingat in quibus-
„ dam Ecclesiis, tam magnum Missarum
„ celebrandarum numerum, ex variis
„ Defunctorum reliquiis, aut piorum ele-
„ mosynis impositum esse, ut illis pro
„ singulis diebus præscriptis nequeat
„ satisfieri, & tamen nova onera Missa-
„ rum in dies suscipiantur: indeque
„ fiat, ut depereant piæ Testamentum
„ voluntates, obstricta Benefactoribus
„ fides violeatur, Defunctorum animarum
„ suffragiis priventur, Ecclesiis debitus
„ subtrahatur cultus, ac Christifideles
„ gravi scandalo affecti, plerumque à si-
„ milibus charitatis operibus retrahan-
„ tur: Cùmque his malis maximum inter
„ cætera fomentum præbeat, aut quod
„ ii, qui Missas supra vires celebrandas
„ suscipiunt, sperent illas brevi ad pau-
„ ciorem numerum à Superioribus re-
„ ductum iri: aut quòd Ecclesiis, forte
„ pecuniarum absumpta, plerumque nu-
„ da remaneant onera Missarum absque

„ ullo emolumento: aut quòd eleemosy-
„ na pro illis celebrandis sit adeò tenuis,
„ ut non facile inveniantur, qui velint
„ huic se muneri subicere, & redditus
„ Ecclesiæ, aut Monasterii adeò exi-
„ gui, ut Sacerdos pro necessaria sua
„ sustentatione novis se oneribus ob-
„ stringere compellatur. Sacra Con-
„ gregatio Cardinalium Concilii Tri-
„ dentini Interpretum animadvertens
„ facturam se rem Deo gratissimam,
„ charitatique, ac iustitiæ maximè con-
„ sentaneam, si pro viribus fatagat,
„ hunc teterrimum abusum è Christiana
„ Republica convellere, atque eradica-
„ re: Sanctissimi D. N. Urbani Divina
„ providentia Papæ VIII. auctoritate si-
„ bi specialiter attributa infra scripta
„ Decreta edidit.

„ §. 2. Ac primò distictè prohibet,
„ atque interdicit, ne Episcopi in Di-
„ cesana Synodo, aut Generales in Ca-
„ pitulis generalibus, vel aliàs quoquo-
„ modo reducant onera ulla Missarum
„ celebrandarum, aut post idem Con-
„ ciliium imposita, aut in limine funda-
„ tionis: sed pro his omnibus reducen-
„ dis, aut moderandis, vel commu-
„ tandis ad Apostolicam Sedem recur-
„ ratur. Quæ, re diligenter perspecta,
„ id statuet, quod magis in Domino ex-
„ pedire arbitrabitur: alioquin redu-
„ ctiones, moderationes, & commuta-
„ tiones huiusmodi, si quas contra hu-
„ jus prohibitionis formam fieri conti-
„ gerit, omninò nullas, atque inanes
„ decernit.

„ §. 3. Deinde, ubi pro pluribus
„ Missis, etiam ejusdem qualitatis ce-
„ lebrandis, stipendia, quantumcum-
„ que incongrua, & exigua, sive ab
„ una, sive à pluribus personis collata
„ fuerunt, aut conferentur in futurum
„ Sacerdotibus, Ecclesiis, Capitulis,
„ Collegiis, Hospitalibus, Societatibus,
„ Monasteriis, Conventibus, Congre-
„ gationibus, Domibus, ac Locis Piis
„ quibuscumque, tam Sæcularibus, quam

„quàm Regularibus; Sacra Congrega-
 „tio sub obtestatione Divini Iudicii
 „mandat, ac præcipit, ut absolutè tot
 „Missæ celebrentur, quot ad rationem
 „attributæ eleemosynæ præscriptæ fue-
 „rint, itaut alioquin ii, ad quos perti-
 „net, suæ obligationi non satisfaciunt:
 „quinimmò graviter peccent, & ad re-
 „stitutionem teneantur.

„§. 4. Id verò, ut deinceps observe-
 „tur exactius, Sac. Congr. eadem Au-
 „thoritate, revocat Privilegia, & In-
 „dulta omnia quibuscumque personis, Ec-
 „clesiis, ac Locis Piis, tam Sæcularibus,
 „quàm Regularibus, cuiuscumque Or-
 „dinis, Congregationis, & Instituti,
 „quancumque ob causam concessa,
 „quibus indulgetur, ut certarum Mis-
 „sarum, vel Anniversariorum celebra-
 „tione, aut aliquibus Collectis, seu Ora-
 „tionibus plurium Missarum oneribus
 „in futurum suscipiendis satisfiat.

„§. 5. Ac similiter omne damnabile
 „lucrum ab Ecclesia remove volens,
 „prohibet Sacerdoti, qui Missam susce-
 „pit celebrandam cum certa eleemosy-
 „na, ne eandem Missam alteri, parte
 „eiusdem eleemosynæ sibi retenta, cele-
 „brandam committat.

„§. 6. Præterea, ne in Ecclesiis, in qui-
 „bus onera Missarum in perpetuum im-
 „posita sunt, Sacerdotes in eis, ut par-
 „est, adimplendis eo tepidiores, ac se-
 „gniores reddantur, quod onera hu-
 „iusmodi cum nulla, aut parva sint utili-
 „tate conjuncta: statuit, atque decernit,
 „ut pecuniæ, ac bona mobilia Ecclesiis,
 „Capitulis, Collegiis, Hospitalibus, So-
 „cietatibus, Congregationibus, Mona-
 „steriis, Conventibus, ac Locis omni-
 „bus, tam Sæcularibus, quàm Regula-
 „ribus, atque illorum personis in fu-
 „turum simpliciter acquirenda cum
 „onere perpetuo Missarum celebra-
 „rum ab iis, ad quos pertinet, sub pœ-
 „na interdicti ab ingressu Ecclesiæ ipso
 „facto incurrenda à die realis acquisi-
 „tionis, statim deponi debeant penes

„Ædem Sacram, vel personam fide,
 „& facultatibus idoneam, ad effectum
 „illa, seu illorum pretium quàm primùm
 „investiendi in bonis immobilibus fru-
 „ctiferis cum expressa, & individua men-
 „tione oneris, quod illis annexum re-
 „peritur.

„§. 7. Ac si eadem bona immobilia
 „auctoritate Apostolica deinceps alie-
 „nari contigerit, eorumdem pretium,
 „sub eadem pœna, ut supra, deponi, atq;
 „in aliis bonis stabilibus itidem fructife-
 „ris cum ejusdem oneris repetitione,
 „atque annexione converti debeat.

„§. 8. Ad hæc S. Congregatio quibus-
 „vis Capitulis, Collegiis, Societatibus, &
 „Congregationibus, necnon omnibus,
 „& singulis Ecclesiarum, ac Piorum Lo-
 „corum, tam Sæcularium, quàm Regu-
 „larium Superioribus, vel aliis, ad quos
 „pertinet, districtè prohibet, ne im-
 „sterum onera perpetua suscipiant
 „Missarum celebrandarum: Sæculares,
 „quidem sine Episcopi, vel ejus Gene-
 „ralis Vicarii, Regulares verò sine Ge-
 „neralis, vel Provincialis consensu, &
 „licentia in scriptis, & gratis conce-
 „denda: alioquin Sæcularis, qui hujus
 „prohibitionis transgressor extiterit,
 „ab ingressu Ecclesiæ interdictus sit eo
 „ipso: Regularis verò pœnam priva-
 „tionis omnium Officiorum, quæ tunc
 „obtinebit, ac perpetuæ inhabilitatis
 „ad alia de cætero obtinenda, vocisque
 „activæ, ac passivæ, absque alia decla-
 „ratione incurrat.

„§. 9. Eleemosynas verò manuales, &
 „quotidianas pro Missis celebrandis ita
 „dem iisdem accipere possint, si oneribus
 „antè impositis ita satisfecerint, ut no-
 „va quoque onera suscipere valeant: alio-
 „quin omnino abstineant ab huiusmodi
 „elemosynis, etiam spontè oblati, in
 „futurum recipiendis, & capsulas aufe-
 „rant ab Ecclesiis cum inscriptione illa:
 „*Elemosyna pro Missis*, vel alia simili,
 „sub iisdem pœnis ipso facto incurren-
 „dis, ne Fideles hac ratione frustrentur.

§. 10. Episcopus verò, seu ejus Vicarius, aut Generalis, vel Provincialis, ubi de licentia pro perpetuis oneribus fuerint requisiti, in singulis casibus diligenter inquirent, de singulis Missarum celebrandarum obligationibus, cuique Ecclesie, Monasterio, aut Loco Pio incumbentibus: nec antea assensum hujusmodi, aut licentiam præbeant, quam eis legitime constiterit, illius Sacerdotes, tam novo oneri suscipiendo, quam antiquis jam susceptis satisfacere posse, præcipuamque rationem habeant, ut redditus, qui Ecclesiis, & Locis Piiis redduntur, omnino respondeant oneribus adjunctis secundum morem cujusque Civitatis, vel Provincie: intelligantque, si in re tanti momenti desides, aut negligentes fuerint, in novissimo die se hujus prætermissi muneris rationem esse reddituros.

§. 11. Postremo Illustrissimi Patres non sine gravi animi dolore intelligentes, mala ferè omnia, quæ Regularem disciplinam evertunt, ac præcipuè nimiam hanc facilitatem foveant, in oneribus Missarum supra vires suscipiendis, veluti ex infecta radice, pullulare ex majori Regularium numero, quam ferant redditus, & eleemosynarum cujusque Monasterii: inhærentes Summorum Pontificum, ac Sacri Tridentini Concilii Decretis, hac de re editis, Sanctissimi Domini Nostri auctoritate præcipiunt, ac mandant omnibus, & singulis Generalibus, Provincialibus, Commissariis, Ministris, Præfidentibus, Abbatibus, Prioribus, Præpositis, Guardianis, Vicariis, & quibuscumque aliis Superioribus Monasteriorum, Conventuum, ac Domorum Regularium, bona immobilia possidentium, vel non possidentium, cujuscumque Ordinis, Congregationis, & Instituti, existentium intra fines Italie, & Insularum adjacentium, ut singuli, ad quos pertinet in qualibet Provin-

cia, adhibitis duobus, aut tribus Regularibus sui Ordinis, vel Congregationis probatoribus, & rerum usu peritioribus, bona immobilia, census, redditus, & proventus omnes, consuetas item eleemosynas, & obventiones, tam communes Monasteriorum, Conventuum, & Domorum ejusdem Provincie, quam etiam singularibus personis Religiosis assignatas, seu permissas, in communem usum deinceps conferendas, decem annorum immediate præcedentium habita ratione, diligenter, & maturè recognoscant, iis omnibus detractis, quæ reparationes, præstationes, grandines, sterilitates, aliæve cujuslibet generis onera consueverunt absorbere.

§. 12. Eaque omnia scripto fideliter exarata, idem Superior, cujus interest, in proximo Capitulo, seu Congregatione generali, vel Provinciali coram tribus Judicibus ab ipsomet Capitulo, seu Congregatione deligendis proponat, qui, computatis hujusmodi redditibus, eleemosynis, & obventionibus universis, & oneribus, ut supra detractis, sedulo examinent, quot Religiosi homines, connumeratis etiam Laicis, aliisque necessariis Servientibus, in unoquoque Monasterio, Conventu, & Domo Regulari juxta regionis, & proprii Instituti morem, victum, & vestitum, & medicinalia in communi habentes, competenter valeant sustentari. Tum eorumdem bonorum, reddituum, eleemosynarum, & onerum præcisam notam ipsimet Capitulo, seu Congregationi exhibeant, ut in illo diligenter omnibus discussis, cujusque Familie Monasterii, Conventus, ac Domus Regularis in singula quaque Provincia certus earum tantum Personarum numerus, Patrum Capitularium voto præfigatur, quæ redditibus, eleemosynis, & obventionibus, ut superius, sufficienter ali possint.

§. 13. Nè verò Superiores, qui id
,, præ-

„præstare debent, seriùs, aut remissius,
 „quàm par est, suo muneri satisfaciunt:
 „mandat Sacra Congregatio, ut infra
 „annum, post proximum Capitulum
 „Generale, vel Provinciale computan-
 „dum, omnia hoc de genere Capitula-
 „riter gesta, in authenticam formam
 „redacta, ad Sacram ipsam Congrega-
 „tionem Concilii singuli mittant.

„§. 14. Numerumque familiæ, sin-
 „gulorumque Conventuum, Monaste-
 „riorum, & Domorum hujusmodi Re-
 „gularium, Capituli, seu Congregatio-
 „nis generalis, vel Provincialis senten-
 „tia, & auctoritate præfixum, iidem
 „Superiores, tam Generales, & Pro-
 „vinciales omnes, quàm Locales perpe-
 „tuò servare omninò teneantur, nec pos-
 „sint illum quoquomodo augere, etiam
 „prætextu argumenti reddituum abs-
 „que Sacræ ipsius Congregationis li-
 „centia: Superiores autem hujusmodi,
 „qui prædicta omnia in præfixo termi-
 „no non præstiterint, vel numerum, ut
 „supra præscriptum, quovis modò au-
 „gere præsumperint, privationis om-
 „nium Officiorum, quæ tunc temporis
 „obtinebant, vocisque activæ, ac passivæ
 „& ad omnia suæ Religionis Officia, &
 „gradus, inhabilitatis perpetuam pœ-
 „nam eo ipso incurrere, atque aliis, e-
 „tiam gravioribus, à Sede Apostolica
 „infigendis pœnis Sacra Congregatio
 „subjacere voluit, & declaravit.

„§. 15. Deinceps verò Monasterium,
 „Conventus, Domus, Congregatio, vel
 „Societas Religiosorum, seu Regula-
 „rium nullibi recipiatur, nisi præter alia
 „ad id requisita, in singulis hujusmodi
 „locis duodecim saltem Fratres, aut
 „Monaci, seu Religiosi degere, & ex
 „redditibus, & consuetis elemosynis,
 „detractis omnibus, ut supra detrahen-
 „dis, competenter sustentari valeant, ad
 „præscriptum Decreti felicitis record.
 „Gregorii XV. hac de re editi: alioquin
 „Monasteria, & loca hujusmodi posthac
 „recipienda, in quibus duodecim Reli-

„giosi, ut supra sustentari, atque inha-
 „bitare non poterunt, & actu non inha-
 „bitaverint, Ordinarii loci visitationi,
 „correctioni, atque omnimodæ Jurisdic-
 „tioni subiecta esse intelligantur.

„§. 16. Porro, ne ullo unquam tem-
 „pore hæc in oblivionem, seu desuetu-
 „dinem abeant, Superiores locales cu-
 „jusque Monasterii, Conventus, ac Do-
 „mus Regularis, curare, atque efficere
 „teneantur, sub pœna privationis Offi-
 „cii, vocisque activæ, & passivæ ipso fa-
 „cto incurrenda, ut in perpetuum, sex-
 „to quoque mense, idest feria secunda
 „post primam Dominicam Adventus,
 „& Feria sexta post Octavam Corporis
 „Christi, præsentis ordinationes in pu-
 „blica Mensa perlegantur.

„§. 17. Omnibus, tam Ecclesiasticis
 „personis cujuscumque sint Ordinis,
 „conditionis, & gradus, quàm Laicis
 „quocumque honore, & potestate præ-
 „ditis, præsentia Decreta declarandi,
 „vel interpretandi facultate penitus
 „interdicta.

„§. 18. Non obstantibus, quoad su-
 „prascripta omnia, & singula in præ-
 „sentibus Decretis contenta, Constitu-
 „tionibus, & Ordinationibus Apostoli-
 „cis in favorem quarumcumque perso-
 „narum, atque Ordinum, tam Mendican-
 „tium, quàm non Mendicantium,
 „Miliciarum, etiam Sancti Joannis Hie-
 „rosolymitani, Congregationum, So-
 „cietatum, ac cujuslibet alterius Insti-
 „tuti, etiam necessariò, & in individuo
 „exprimendi, Ecclesiarum, Monasterio-
 „rum, Conventuum, Collegiorum, Ca-
 „pitulorum, Hospitalium, Confraterni-
 „tatum, & aliorum quorumcumque,
 „tam Sæcularium, quàm Regularium
 „Locorum, necnon illorum, etiam jura-
 „mento, confirmatione Apostolica, vel
 „quavis firmitate alia roboratis, Statu-
 „tis, & Consuetudinibus, etiam imme-
 „morabilibus, Privilegiis quoque, In-
 „dultis, & litteris Apostolicis, etiam
 „Mari magno, seu Bulla aurea, aut aliis

„nun-

nuncupatis, sub quibuscumque tenoribus, & formis, ac cum quibulvis, etiam derogatoriarum derogatoriis, aliisque efficacioribus, & in solitis clausulis, nec non irritantibus decretis, etiam motu proprio, & ex certa scientia, ac de Apostolicæ potestatis plenitudine, aut aliâs quomodolibet, etiam per viam communicationis, seu extensionis concessis, & iteratis vicibus approbatis, & innovatis, etiam si pro illorum sufficienti derogatione de illis, eorumque totis tenoribus, & formis, specialis, & individua, ac de verbo ad verbum, non autem per clausulas generales, mentio, seu quævis aliâ expressio habenda, aut aliqua alia exquisita forma servanda esset, tenores hujusmodi, ac si de verbo ad verbum, nihil penitus omisso, & forma in illis tradita observata, inserti forent, præsentibus pro expressis habens, quibus quoad ea, quæ præsentibus adversantur, illis aliâs in suo robore permanens, Sacra Congregatio Sanctitatis Sæz auctoritate specialiter, & expressè derogat, cæterisque contrariis quibuscumque.

§. 19. Et ne præmissorum ignorantia à quoquam prætendi possit, voluit eadem Sacra Congregatio, ut præsentibus ordinationes in Valvis Basilicarum S. Joannis Lateranensis, & Principis Apostolorum de Urbe, ac in Acie Campi Floræ, ut moris est, affixæ, omnes, ad quos pertinet, ita arceant, & afficiant, ac si unicuique personaliter intimatæ fuissent.

§. 20. Utque earumdem præsentium transumptis, etiam impressis, manu alicujus Notarii publici subscriptis, & sigillo personæ in Dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ, vel ostensæ. Dat. Romæ die 21. Junii 1625.

Cosmus Card. de Torres.

Prosper Fagnanus S. Cong. Secr.

§. 21. Excitatis autem super præmissorum decretorum intelligentia, seu interpretatione infrascriptis dubiis, prodierunt à memorata Congregatione, simili auctoritate illi à præfato Urbano Papa Octavo specialiter attributa, responsiones, seu declarationes inferius apponendæ.

Super primo Sacre Congregationis Decreto de celebratione Missarum, quo prohibetur, ne Episcopi in Diocesana Synodo, aut Generales in Capitulis Generalibus, vel alias quoquomodo, reducant onera ulla Missarum celebrandarum, aut post idem Concilium imposita, aut in limine foundationis.

Queritur, quid, si legatum sit ita tenue, ut non sit, qui velit onus illi junctum subire, & si recurrendum sit ad Sedem Apostolicam pro moderatione oneris, totum, aut serè totum insumendum sit pro expensis ad id necessariis?

Et quid, si permittatur Episcopo in foundatione, ut possit huiusmodi onera moderari?

Secundò, super secundo ejusdem Congregationis Decreto, quo cavetur, ut celebrentur tot Missæ, quot ad rationem tributa elemosyna præscripta fuerint.

Queritur, an verba illa (præscripta fuerint) intelligenda sint de præscriptione facta ab Offerente, vel ab Ordinario?

Tertiò, an, cum Ordinarius præscripserit elemosynam congruam iuxta qualitatem loci, personarum, ac temporum, Sacerdotes accipientes stipendium minus congruo, teneantur Missas illis ab Offerente præscriptas celebrare?

Quartò, an Sacerdotes qui tenentur Missas celebrare ratione Beneficii, seu Cappellæ, legati, aut salarii, possint, etiam manualement elemosynam, pro Missis votivis, aut Defunctorum recipere, & unico Missæ Sacrificio utrique oneri satisfacere?

Quintò, posito, quòd Testator relinquat, ut celebrentur pro eius Anima cen-

centum Missæ, absque ulla præscriptione elemosynæ.

Queritur, an liberum sit hæredibus, elemosinam sibi bene visam præscribere, an verò eadem elemosyna præscribenda sit ab Ordinario?

Sextò, super tertio Congregationis Decreto, in quo eadem Congregatio revocat Privilegia, quibus indulgetur, ut certarum Missarum, vel Anniversariorum celebratione, aut aliquibus collectis, seu Orationibus plurimum Missarum oneribus in futurum suscipiendis satisfiat.

Queritur, an verba (in futurum suscipiendis) intelligenda sint de oneribus suscipiendis post Privilegium?

Septimò super quarto ejusdem Congregationis Decreto, quo prohibetur Sacerdoti, qui suscepit Missam celebrandam cum certa elemosyna, ne eandem Missam alteri, parte ejusdem elemosynæ sibi retenta, celebrandam committat.

Queritur, an permittendum sit Administistratoribus Ecclesiarum, ut retineant aliquam elemosynarum portionem, pro expensis manutentionis Ecclesiæ, Altarium, Inferientium, paramentorum, Luminum, Vini, Hostiæ, & similibus?

Octavò, an hoc Decretum habeat locum in beneficiis, quæ conferuntur in titulum, id est, an Rector Beneficii, qui potest per alium celebrare, teneatur Sacerdoti celebranti dare stipendium, ad rationem reddituum Beneficii?

Decimò, an Sacerdotes, quibus aliquando offertur elemosyna major solita, pro celebratione Missæ, debeant dare eandem integram elemosynam iis, quibus Missas celebrandas committunt; An verò satis sit, ut dent celebrantibus elemosynam consuetam?

Undecimò, super quinto ejusdem Congregationis Decreto, quo inter cetera statuitur in hæc verba--Elemosynas verò manuales, & quotidianas pro Missis celebrandis, ita demum iisdem accipere possint, si oneribus antea impositis ita

satisfecerint, ut nova quoque onera obire valeant: Alioquin omninò abstineant ab hujusmodi elemosynis, etiam spontè oblati in futurum recipiendis, & capsulas auferant, &c.

Queritur, an hoc Decretum prohibeat absolutè, quominus accipiant novas elemosynas iis, qui acceptis non satisfecerunt; & quid, si congruo tempore possint omnibus satisfacere?

Duodecimò, quid, si offerens elemosynas, audit impedimento, consentiat, ut Sacerdos Missam celebret, cum primum poterit?

Decimotertio, an pœna interdicti, & alia appositæ in eodem Decreto afficiant, tam eos, qui accipiunt elemosynas contra formam ibi præscriptam, quàm eos, qui non auferunt capsulas ab Ecclesiis, ut ibidem præcipitur?

Decimoquarto, an in hoc Decreto comprehendantur illæ capsulæ, quæ apponi solent in Ecclesiis in die Commemorationis omnium Defunctorum, & vulgò dicuntur Casse de Morti?

Decimoquinto, an Administratores Ecclesiæ magnæ devotionis, & concursus, possint elemosynas pro Missis celebrandis accipere, si iisdem Missis, non nisi post longum tempus satisfacere valeant, ne aliàs cultus Ecclesiæ, & devotio, ac concursus Fidelium, ut ajunt, minuantur?

Decimosexto, quia prohibitio dicti Decreti videtur aliquibus directæ solis Capitulis, Collegiis, Societatibus, Congregationibus, necnon omnibus, & singulis Ecclesiarum, Piorum Locorum, tam Sacularium, quàm Regularium Superioribus, de quibus fit expressa mentio, non autem privatis Sacerdotibus, qui tamen comprehendi videntur sub clausula generali (& aliis, ad quos pertinet) supplicatur pro opportuna declaratione?

Decimosextimò, super septimo ejusdem Congregationis Decreto, quo cavetur, ut in singulis Monasteriis Religiosis præfiga-

figatur numerus, qui ex consuetis redditibus, aut elemosynis commodè possint sustentari.

Quaritur, an, ubi hac prefixio facta jam fuit in vim similis Decreti sanctae memoriae Pauli V. absque tamen computatione reddituum cuiusque Religiosi, sit denud facienda, nec ne?

Decimosecundo, an Novitii, ad habitum Regularem admissi, possint admitti ad Professionem in Monasteriis, in quibus habita, ut supra, prefixione numeri, commodè ali non possunt?

Decimonono, super ultimo, quocaveatur, ut nullibi recipiantur Conventus Regularium, nisi praeter alia ad id requisita duodecim saltem Fratres in eis degere, & competenter sustentari valeant, ita ut alioquin subsint jurisdictioni Ordinarii.

Quaritur, an hoc Decretum, quod videtur editum in ordine ad celebrationem Missarum, comprehendat eas Religiones, quae non consueverunt onera Missarum recipere, ut sunt Religiones Capuccinorum, ac Societatis Iesu?

Ultimò, an idem Decretum, ubi disponit, ut nullibi recipiantur Monasteria, nisi, &c. habeat locum in Italia dumtaxat, ad quamest restrictum Decretum proximè antecedens, an verò etiam extra Italiam?

Declarationes, aut Responsiones ad supradicta Dubia.

„ §. 22. Sacra Congregatio Cardinalium Concilii Tridentini Interpretum;
„ auctoritate sibi à Sanctissimo Domino
„ Nostro attributa, ad singula Dubia
„ superius proposita, ad hunc modum
„ respondit, videlicet.

Ad primum, etsi legatum sit adeo tenuè, nihilominus pro reductione oneris, ut supra impositi, ab iis, ad quos pertinet, Sedem Apostolicam esse adeundam, quae absque ulla impensa id statuet, quod magis in Domino è re esse iudicaverit:

Verumtamen, si in ipsa Beneficiorum electione expressè tantum fuerit, ut liceat Episcopo iniunctum onus reducere, ac moderari, legem hanc foundationis, quàm decreta hac de re edita non suffulerunt, esse validam, & observandam.

Ad secundum, esse intelligenda de praescriptione facta ab eo, qui elemosynam tribuit, non autem ab Ordinario. Quod si tribuens elemosynam numerum Missarum celebrandarum non praescripserit, tunc tot Missas celebrari debere, quot praescripserit Ordinarius secundum morem Civitatis, vel Provinciae.

Ad tertium, teneri.

Ad quartum, Sacerdotes, quibus debent tenentur Missas celebrare ratione Beneficii, seu Cappellae, legati, aut salarii, si elemosynas pro aliis etiam Missis celebrandis susceperint, non posse eadem Missa utrique obligationi satisfacere.

Ad quintum, censuit, ubi nullam certam elemosynam Testator reliquit, esse ab Episcopo praescribendam elemosynam congruam, quae respondeat oneribus Missarum celebrandarum, secundum morem Civitatis, vel Provinciae.

Ad sextum, ita esse intelligenda.

Ad septimum, respondit, permittendum non esse, ut Ecclesia, ac Loca Pia, seu illorum Administratores, ex elemosynis Missarum celebrandarum ullam, utcumque minimam portionem retineant ratione expensarum, quas subeunt in Missarum celebratione, nisi cum Ecclesia, & Loca Pia alio non habent redditus, quos in usum earundem expensarum erogare licitè possint: & tunc, quam portionem retinebunt, nullatenus debere excedere valorem expensarum, quae pro ipsomet tantum Missae Sacrificio necessariò sunt subeunda, & nihilominus eo, etiam casu, curandum esse, ut ex pecuniis, quae super sunt, expensis ut supra deductis, absolutè tot Missae celebrentur, quot praescripta fuerint ab offerentibus elemosynas,

Ad octavum, non habere locum, sed satisse, ut Rector Beneficii, qui potest Missam per alium celebrare, tribuat Sacerdoti celebranti elemosynam congruam, secundum morem Civitatis, vel Provincia, nisi in fundatione ipsius Beneficii aliud cautum fuerit.

Ad decimum, debere absolute integram elemosynam tribuere Sacerdoti celebranti, nec ullam ibidem partem sibi retinere posse.

Ad undecimum, respondit, non prohibere absolute: Ac propterea, etsi oneribus iam susceptis non satisfecerint, posse tamen nova etiam onera suscipere Missarum celebrandarum, dummodo infra modicum tempus possint omnibus satisfacere.

Ad duodecimum, quamvis onera suscepta infra modicum tempus adimpleri nequeant, si tamen tribuens elemosynam pro aliarum Missarum celebratione id sciat, & consentiat, ut illa tunc deum celebretur, cum susceptis oneribus satisfactum fuerit, Decretum non prohibere, quominus eo casu elemosyna accipiator pro iisdem Missis iuxta Benefactorum consensum celebrandis.

Ad decimum tertium, has penas non habere locum, nisi in suscepturis onera perpetua Missarum celebrandarum sine licentia Episcopi, vel eius Generalis Vicarii, aut Generalis, vel Provincialis.

Ad decimum quartum, comprehendendi.

Ad decimum quintum, Non posse, nisi de consensu eorum, qui elemosynas tribuunt, ut supra in responsione ad duodecimum.

Ad decimum sextum, comprehendendi etiam privatos Sacerdotes.

Ad decimum septimum, numeri praefixionem esse iterum faciendam, servata forma ultimi Decreti hac de re editi.

Ad decimum octavum, esse admittendos ad professionem, si alius habiles existant, ac deinde in aliquo alio Monasterio ejusdem Religionis esse collocandos, ubi commodè ali possint.

Ad decimum nonum, censuit comprehendere.

Ad ultimum, habere locum extra Italiam.

Cosmus Card. de Torres.

Prosper Fagnanus S. Congr. Secr.

„ §. 23. Cum autem super praemissis
„ diversi irrepererint abusus, illorum-
„ que occasione, quam plures querelæ,
„ & recursum ad Apostolicam Sedem
„ pervenerint: Cupiens eadem Congre-
„ gatio Cardinalium Concilii Tridenti-
„ ni Interpretum hujusmodi detestabi-
„ les abusus è Christiana Republica pro
„ viribus evellere, ac opportune pro-
„ videre, ut, sublati fraudibus, ac
„ emendata negligentia pie disponen-
„ tium, seu Benefactorum voluntati fi-
„ des illibata servetur, Defunctorum
„ animabus integra, & prompta præ-
„ stentur suffragia, itidemque Deo
„ major gloria, & Ecclesiis præstantior
„ cultus reddatur, prævia auctoritate
„ per SS.D.N. Innocentium Divina Pro-
„ videntia PP. XII. ei specialiter attri-
„ buta, infra scripta Decreta, prius in
„ particulari nonnullorum ex præfatis
„ Cardinalibus per Sanctitatem suam
„ deputata, & postea in Generali hu-
„ jusmodi Cardinalium Congregatione
„ maturè, & accuratè discussa, reco-
„ gnita, & examinata edidit.

„ §. 24. In primis, præinserta Decre-
„ ta cum præmissis illorum declaratio-
„ nibus plenissimè, & amplissimè ap-
„ probat, confirmat, & innovat, omnia-
„ que, & singula ibidem contenta, &
„ expressa iterum omni meliori modo
„ decernit, statuit, ac ab omnibus, &
„ singulis, etiam specialibus, & individua-
„ linotæ, seu expressione dignis, pe-
„ nitentis observari, omnimodè executioni
„ demandari decernit, sancit, &
„ præcipit.

„ §. 25. Insuper, ut in re tanti mo-
„ men-

„ menti consultius, ac majori, ut par
 „ est, circumspeditione procedatur: Si
 „ qui forsan fuerint, vel sint, qui suis pra-
 „ vis, & erroneis intentionibus, seu
 „ opinionibus blandiri volentes, Missa-
 „ rum celebrationem omittunt sub ma-
 „ litiosa, vel irrationabili spe earum-
 „ dem condonationem, vel reductionem
 „ à Sede Apostolica, vel compositio-
 „ nem à Reverenda Fabrica S. Petri de
 „ Urbe obtinendi: Congregatio præfa-
 „ ta, tum eisdem, tum quoscunque
 „ alios, qui posthac in adeo detestabi-
 „ les abusus ausi fuerint offendere, cer-
 „ tiores fieri, & monitos esse voluit,
 „ præfatas condonationes, & reductiones
 „ ab eadem Sede, nonnisi ex ratio-
 „ nabili causa, seu æqua commiseratio-
 „ ne, compositiones verò à dicta Fabri-
 „ ca, utente suis facultatibus, & privi-
 „ legiis, nonnisi ex causâ pariter ratio-
 „ nabili, & cum clausulis opportunis, &
 „ præsertim cum illa: *Dummodò mali-
 „ tiosè non omiserint animo habendi
 „ compositionem, aliâ gratia nullo mo-
 „ do suffragetur*, admitti consuevisse,
 „ & solere: quapropter, ut locus omnis
 „ impofterum hîc prætextibus præ-
 „ cludatur, memorata Congregatio
 „ tales intentiones, opiniones, seu spes,
 „ ac eleemosynarum, sive in toto, sive in
 „ parte, versiones in alium, quàm præfa-
 „ tarum Missarum usum, seu satisfactio-
 „ nem, & quascumque alias directas,
 „ vel indirectas, immediatas, vel media-
 „ tas contraventiones, seu circumven-
 „ tiones declarat prorsus irrationabiles,
 „ injustas, & illicitas, illasque omnino
 „ reprobât, damnât, & interdicat.
 „ §. 26. Cumque hujusmodi absurda
 „ ex eo plerumque proveniant, quod
 „ onera Missarum supra vires suscipian-
 „ tur: caveant omnes, & singuli Re-
 „ ctiores, Superiores, & Ministri qua-
 „ rumcumque, tum Secularium, tum
 „ Regularium Ecclesiarum, seu illarum
 „ Capitula, ne onera, seu Missas, tum
 „ perpetuas, tum temporales, tum e-

„ tiam manuales, quarum satisfactioni
 „ impares fuerint, quoquomodo sulci-
 „ piant; utque idipsum, quoad fieri
 „ poterit, pateat, teneantur iidem
 „ conficere, semperque in loco magis
 „ patenti, & obvio retinere Tabellam
 „ onerum perpetuorum, & tempora-
 „ lium literis perspicuis, & intelligibi-
 „ libus descriptorum, quorum imple-
 „ mento, si moraliter, & intra præscri-
 „ ptum, seu breve tempus satisfacere
 „ non posse, seu illa dumtaxat, & non
 „ ulteriora adimplere posse crediderint,
 „ seu credere debuerint, alias Missas, si-
 „ ve perpetuas, sive temporales, sive
 „ manuales, per se, vel per interposi-
 „ tas personas quoquomodo recipere,
 „ seu acceptare omnino desistant, seu
 „ abstineant, & ulterius tali casu in ea-
 „ dem Tabella similiter exprimant se se,
 „ propterea aliis Missis acceptandis, &
 „ celebrandis impares esse.

„ §. 27. Iidemque teneantur pariter
 „ in Sacratio duos Libros retinere, ac
 „ in eorum altero singula onera perpetua,
 „ & temporalia: in altero autem
 „ Missas manuales, & tam illorum,
 „ quàm istarum adimplementum, & ele-
 „ mosynas distinctè diligenter anno-
 „ tare, & annotandas, seu annotanda
 „ curare: singulisque annis de supradic-
 „ tis adimplementis, eleemosynis, &
 „ oneribus pariter exactam rationem
 „ suis Superioribus reddere, ac omnes,
 „ & singulas rationes hujusmodi in præ-
 „ fatis respectivè Libris simili distinctio-
 „ ne, & diligentia, tam præfati, à qui-
 „ bus rationes debent reddi, quàm Su-
 „ periores, quibus reddendæ erunt, de-
 „ scribere, seu annotare, sive descri-
 „ bendas, vel annotandas respectivè
 „ curare.

„ §. 28. Quibus semper salvis, de-
 „ beant ulterius Regulares prædicti,
 „ omnes, & quascumque eleemosynas,
 „ tum manualium, tum perpetuarum,
 „ & temporalium Missarum reponere in
 „ capsâ particulari sub duabus clavibus;

„ quarum una penes Superiorem loca-
 „ lem, altera verò penes alium à Capitu-
 „ lo Conventuali deputandum retinea-
 „ tur, ac de iisdem elemosynis, & cele-
 „ bratione Missarum coram Patribus
 „ Discretis, seu Consiliariis, vel alio
 „ simili modo nuncupatis, singulis men-
 „ sibus districtam rationem exigere, &
 „ respectivè reddere.

„ §. 29. Quòd si prædicti, ad quos
 „ cura Tabellæ, Caplæ, & Librorum
 „ præfatorum respectivè pertinet, seu
 „ pertinere debet, suam operam præ-
 „ missis, ut præfertur, minimè nava-
 „ verint, & Superiores, tum Sæcula-
 „ rium, tum Regularium Ecclesiarum
 „ rationem prædictam non exegerint,
 „ seu non invigilaverint, quòd præfati,
 „ qui in curam Tabellarum, & librorum
 „ incumbunt, suo muneri, ut præfer-
 „ tur, satis faciant, in singulis respectivè
 „ casibus; Sæculares penam suspensio-
 „ nis incurrant: Regulares verò voce
 „ activa, & passiva, ac gradibus, & offi-
 „ ciis, quæ obtinent ipso facto, & absque
 „ alia declaratione privati sint, & intel-
 „ ligantur, necnon ad hujusmodi gra-
 „ dus, & officia obtinenda similiter in-
 „ habilitentur, & inhabilitati sint, &
 „ intelligantur.

„ §. 30. Porro, ne ullo unquam tem-
 „ pore omnia, & singula decreta prædi-
 „ cta in oblivionem, seu desuetudinem
 „ abeant, Rectores, Superiores, seu Ca-
 „ pitula Ecclesiarum Sæcularium illa re-
 „ tineant publicè exposita in eorum Sacra-
 „ rio: Superiores verò locales cujus-
 „ cumque Monasterii, Conventus, ac
 „ Domus Regularis curare, & efficere
 „ teneantur sub pena privationis officio-
 „ rum, quæ obtinent, vocisq; activæ, &
 „ passivæ ipso facto incurrenda, ut in
 „ perpetuum sexto quoque mense, idest,
 „ feria secunda post primam Domini-
 „ cam Adventus, & feria sexta post Octa-
 „ vam Corporis Christi omnes, & singu-
 „ læ præmissæ, tum insertæ, seu confir-
 „ matæ, tum in præsens factæ Ordina-

„ tiones unà cum dictis declarationibus
 „ in publica Mensa perlegantur.

„ §. 31. Meminerint igitur, & satagant
 „ Ordinarii, ut à personis, & in Ecclesiis
 „ quoquomodo, etiam in vim decreto-
 „ rum Concilii Tridentini sibi subjectis,
 „ Missæ ea, quæ par est, fide, & diligentia
 „ celebrentur, & cuncta, & singula De-
 „ creta hujusmodi omnimodè executioni
 „ demandentur, nedum iustitiam re-
 „ currentibus, seu instantibus reddentes,
 „ sed ex officio, tum in visitationibus,
 „ tum in aliis actibus, & modis, quos ex-
 „ pedire, & convenire toties, quoties ju-
 „ dicaverint, inquirentes, ne aliquid
 „ committatur, pervertatur, differatur,
 „ vel omittatur, quod his omnibus, &
 „ singulis Decretis adverfetur.

„ §. 32. Caveant etiam respectivè
 „ omnes Regulares, tum Subditi, tum
 „ Superiores quicumque, nedum Loca-
 „ les, sed etiam Provinciales, & Genera-
 „ les, ne Missarum celebratio, & omnium
 „ Decretorum præmissorum executio,
 „ cum pernicie propriarum animarum,
 „ cum præjudicio illarum, quibus Missæ
 „ sunt applicandæ, & cum magno Chri-
 „ stifidelium scandalo quoquomodo o-
 „ mittantur, differantur, negligantur,
 „ seu pervertantur, alioquin ultra pro-
 „ priæ conscientię onerationem, penam
 „ privationis vocis activæ, & passivæ, ac
 „ graduum, & officiorum, quæ obti-
 „ nent, necnon inhabilitationis ad hu-
 „ jusmodi gradus, & officia obtinenda,
 „ prorsus incurrant.

„ §. 33. Current propterea præfati Supe-
 „ riores Regulares in omnes, & singulos
 „ contravenientes debitis penis diligen-
 „ ter, & promptè, etiam per inquisitione
 „ né animadvertere: & insuper teneantur
 „ omnes, & singuli Superiores Locales, in
 „ Provincialibus Capitulis, seu Congre-
 „ gationibus exhibere attestationem, seu
 „ fidē ab omnibus Sacerdotibus, Coven-
 „ tus, Monasterii, seu cujuscumque domus
 „ Regularis, subscriptā, & juratam, quòd
 „ omnibus, & singulis, tum perpetuis, tū

„ manualibus Missarum oneribus, seu
 „ obligationibus ad limites, & tenorem
 „ præsentium Decretorum tempore eo-
 „ rum regiminis fuerit omnino, & in-
 „ tegraliter satisfactum, vel deficiente
 „ aliqua modica satisfactione, possit,
 „ etiam huiusmodi residuali implemen-
 „ to Missarum, distinctè referendarum,
 „ intra breve tempus moraliter satisfac-
 „ ri, ea adjecta, & omnino adimplen-
 „ da conditione, quod ante præfatæ at-
 „ testationis exhibitionem quicumque
 „ Superiores Locales prædicti vocem
 „ activam, seu passivam in memoratis
 „ Capitulis, seu Congregationibus om-
 „ ninò habere non valeant.

„ §. 34. Præterea Provinciales, Vica-
 „ rii, & Visitatores Provinciarum, seu
 „ Congregationum debebunt in fine eo-
 „ rum regiminis Superioribus Generali-
 „ bus in forma probante ostendere,
 „ quod executioni præsentium Decre-
 „ torum sedulo invigilaverint, & ad eo-
 „ rum tenorem in omnibus, & singulis
 „ Conventibus, seu Monasteriis, vel
 „ Domibus Regularibus Provinciæ, seu
 „ Congregationis, de omnibus, & singu-
 „ lis oneribus, & obligationibus, ac insi-
 „ mul satisfactionibus Missarum exa-
 „ ctam, & diligentem rationem exege-
 „ rint, ac contra delinquentes ad decla-
 „ rationem, & executionem respectivè
 „ pœnarum in Decretis contentarum
 „ processerint, & de adimplemento cir-
 „ ca ea, quæ in præmissis ad ipsos spe-
 „ ctant, legitimè docuerint, alias ad vo-
 „ cem activam, & passivam in Capitulis
 „ Generalibus nullatenus admittantur.

„ §. 35. Ceterum, quia etiam ad quam
 „ plures Archiconfraternitates, Confrat-
 „ ernitates, Societates, Cōgregationes,
 „ Hospitalia, Alaria, Cappellas, Ora-
 „ toria, & Ecclesias, ac alia loca, & opera
 „ pia, quomodolibet nuncupata, quæ cui-
 „ cumque curæ, seu regimini, aut admi-
 „ nistrationi, vel directioni Laicorum
 „ cujuslibet gradus, status, conditionis,
 „ & præminentia, etiam speciali, & in-

„ dividuali nota dignorum dumtaxat;
 „ vel quorumcumque Ecclesiasticorum,
 „ & Laicorum huiusmodi mixtim com-
 „ mendata, annexa, seu quomodocumque
 „ commissa, vel attributa sunt, onus, seu
 „ cura celebrationis Missarum, sive ma-
 „ nualium, sive ad tempus, vel in perpetu-
 „ tum pertinent: Hinc, salvis semper iis,
 „ quæ in præfatis Decretis continen-
 „ tur, omnes, & quicumque huiusmodi Ar-
 „ chiconfraternitatum, Societatum,
 „ Congregationum, Hospitalium, Alta-
 „ rium, Cappellarum, Oratoriorum, &
 „ Ecclesiarum, ac aliorum locorum, &
 „ operum piorum Rectores, seu Admini-
 „ stratores, vel Directores, & alii huius-
 „ modi Officiales, nec non ii, ad quos
 „ cura Tabellæ, & librorum in præmissis
 „ spectat, Tabellam, Libros, & hæc De-
 „ creta respectivè juxta modos superius
 „ expressos similiter retinere, nec non de
 „ oneribus, ac celebrationibus, & elec-
 „ tiosynis dictarum Missarum singulis
 „ annis rationem exigere, & respectivè
 „ iis, ad quos pertinet, reddere sub pœ-
 „ nis arbitrio, & in subsidium excommu-
 „ nicationis teneantur.

„ §. 36. Postremò omnibus, & qui-
 „ buscumque, tam Ecclesiasticis perso-
 „ nis cujuscumque Ordinis, Status, Gra-
 „ dus, Regulæ, Congregationis, So-
 „ cietatis, Conditionis, & Dignitatis
 „ existant, quàm Laicis quocumque
 „ honore, ac potestate præditis omnia,
 „ & singula præmissa Decreta interpre-
 „ tandi, nec non Ecclesiasticis prædictis
 „ pœnas in huiusmodi Decretis relaxan-
 „ di, seu quoquo modo circa præmissa
 „ dispensandi, omnis, & quæcumque fa-
 „ cultas sit penitus interdicta.

„ §. 37. Non obstantibus quoad su-
 „ præscripta omnia, & singula in huius-
 „ modi Decretis contenta, Constitutio-
 „ nibus, & Ordinationibus Apostolicis
 „ in favorem quarumcumque personarum,
 „ atque Ordinum, tam Mendican-
 „ tium, quàm non Mendicantium, Mili-
 „ tiarum, etiam S. Joannis Hierosolymi-
 „ „ tani,

tani, Congregationum, Societatum, ac
 cuiuslibet alterius Instituti, etiam ne-
 cessarii, & in individuo exprimendi,
 Ecclesiarum, Monasteriorum, Conventuum,
 Collegiorum, Capitulorum, Hospitalium,
 Confraternitatum, & aliorum quorumcumque, tam Sæcularium,
 quàm Regularium locorum, necnon illorum,
 etiam iuramento, confirmazione Apostolica,
 vel quavis firmitate alia roboratis Statutis, & Consuetudinibus,
 etiam immemorabilibus, privilegiis quoque, indultis, & litteris
 Apostolicis, etiam Mari magno, seu Bulla aurea,
 aut aliis nuncupatis, sub quibuscumque
 tenoribus, & formis, ac cum quibusvis,
 etiam derogatoriis derogatoriis, aliisque efficacioribus,
 & insolitis clausulis, necnon irritantibus
 Decretis, etiam motu proprio, & ex certa
 scientia, ac de Apostolicæ potestatis plenitudine,
 aut aliis quomodolibet, etiam per viam communicationis,
 seu extensionis concessis, & iteratis vicibus
 approbatis, & innovatis, etiam si pro illorum
 sufficienti derogatione de illis, eorumque totis
 tenoribus, & formis specialis, & individua,
 ac de verbo ad verbum, non autem per clausulas
 generales, mentio, seu quævis alia expressio
 habenda, aut aliqua alia exquisita forma
 servanda esset, tenores huiusmodi, ac si de
 verbo ad verbum, nihil penitus omisso,
 & forma in illis tradita observata,
 inserti forent, presentibus pro expressis
 habens, quibus quoad ea, quæ presentibus
 adversantur, illis aliis in suo robore perman-
 suris, Sac. Congregatio Sanctitatis Sæ-
 auctoritate specialiter, & expresse de-
 rogat, cæterisque contrariis quibuscumque.
 Datum Romæ die 23. Novembris 1697.

Joseph Card. Sacripantes Præfatus.

Ferdinandus Nuptius S. Cong. Sec.

§. 38. Quocirca, cum Dilectus Filius noster Joseph Tituli Sanctæ Mariæ Transpontinæ S.R.E. Presbyter Cardinalis Sacripantes, memoratæ Congregationis Præfatus, præfata Decreta Nobis retulcrit, Nos considerantes eadem omnia, & singula Decreta, ea, quæ decet maturitate, digesta, & examinata, ac in vim Apostolicæ Auctoritatis, eidem Congregationi specialiter, ut præfertur, attributa, peracta, perutilia fore censentes, illaque propterea perpetuò, & inviolabiliter observari, necnon Constitutionis nostræ munimine roborare volentes: Motu proprio, non ad cuiusdam Nobis super hoc oblata petitionis instantiam, sed ex certa scientia, & matura deliberatione, deque Apostolicæ potestatis plenitudine, præinserta Decreta, omniaque, & singula in eis contenta tenore præsentium auctoritate Apostolica confirmamus, & approbamus, illisque inviolabilis, & irrefragabilis Apostolicæ firmitatis robur, & efficaciam adiicimus; quinimò motu, scientia, deliberatione, ac potestatis plenitudine similibus, omnia, & singula in supra dictis Decretis contenta, de novo statuimus, decernimus, & ordinamus, ac ab omnibus, & quibuscumque, etiam speciali, & individua nota dignis, omnino exactè, & perpetuò servari volumus, sancimus, & mandamus.

Decernentes præsentis litteras, cum omnibus, & singulis inibi contentis semper firmas, validas, & efficaces existere, & fore, suosque plenarios, & integros effectus sortiri, & obtinere debere: & ab omnibus, ad quos spectat, & pro tempore quandocumque, & quomodocumque spectabit, in omnibus, & per omnia plenissimè, & inviolabiliter observari: sicque, & non aliter per quoscumque Iudices Ordinarios, & Delegatos, quavis auctoritate, præminencia, aut potestate fungentes, & functiones, etiam causarum

„ Palatii Apostolici Auditores, ac ejusdem
 „ S.R.E. Cardinales, etiam de Latere Legatos, & Sedis Apostolicæ Nuncios, sub-
 „ blata eis, & eorum cuilibet quavis aliter
 „ judicandi, & interpretandi facultate,
 „ judicari, & definiri debere: Ac irritum,
 „ & inane, si secus super his à quoquam,
 „ quavis auctoritate scienter, vel
 „ ignoranter contigerit attentari.

„ Non obstantibus omnibus, & singulis,
 „ quæ præfata Congregatio, auctoritate
 „ per ejusdem recordationis Urbanum
 „ Papam VIII. & respectivè per Nos illi
 „ specialiter attributa, decrevit non ob-
 „ stare: quæ pariter, & iterum Nos tenore
 „ præsentium nõ obstatè decernimus,
 „ & mandamus, quibus omnibus quoad
 „ ea, quæ præsentibus adversantur, illis
 „ aliis in suo robore permanens, etiam
 „ harum seriè plenissimè, specialiter, &
 „ expressè derogamus, cæterisque contra-
 „ rariis quibuscumque.

„ Volumus autem, ut præsentès litteræ
 „ in valvis Ecclesiæ Lateranensis, ac Basilicæ
 „ Principis Apostolorum, necnon
 „ Cancellariæ Apostolicæ, Curiaque generalis
 „ in Monte Citorio, ac in Acie
 „ Campi Floræ de Urbe, ut moris est, publicentur,
 „ & affigantur: sicque publica-
 „ tæ, & affixæ, omnes, & singulos, quos illæ
 „ concernunt, perinde corrent, & afficiant,
 „ ac si unicuique eorum personaliter
 „ intimatæ fuissent.

„ Pariterque, ut earundem præsentium
 „ transumptis impressis, manu alicujus
 „ Notarii publici subscriptis, & sigillo
 „ Personæ in dignitate Ecclesiastica constitutæ
 „ munitis, eadem prorsus fides
 „ adhibeatur, quæ præsentibus adhiberetur,
 „ si forent exhibitæ, vel ostensæ.

„ Nulli ergo omnino hominum liceat,
 „ paginam hanc nostrarum Confirmationis,
 „ Approbationis, Statuti, Decretorum,
 „ Ordinationis, Voluntatis, Sanctionis,
 „ Mandatorum, & Derogationis infringere,
 „ vel ei ausu temerario contraire. Si quis
 „ autè hoc attentare præsumpserit,
 „ indignationem Omnipotentis

„ tis Dei, ac Beatorum Petri, & Pauli Apostolorum
 „ ejus se noverit incursum.
 „ Datum Romæ apud Sanctam Mariam
 „ Majorem Anno Incarnationis Domini
 „ millesimo sexcentesimo nonagesimo
 „ septimo. Decimo Kalendas Januarii.
 „ Pontificatus Nostri Anno septimo.

CAPUT V.

Sacramentum Penitentia.

1 **Q**uartum Sacramentum est illud Penitentia, de quo hæc habet Trid. *sess. 14. cap. 7. de penit. Est autem hoc Sacramentum penitentia lapsis post baptismum ad salutem necessarium, ut, nondum regeneratis, ipse baptismus.* Et sicut non regeneratis baptismus in re, vel in voto susceptus, est necessarius necessitate medii, ita Sacramentum penitentia in re, vel in voto ea necessitate est necessarium, lapsis post baptismum in peccatum mortale. Potestque defini-ri; *est Sacramentum reconciliationis hominis cum Deo à peccatis commissis post baptismum, virtute clavium, vel absolutionis Sacramentalis, prolata à Sacerdote jurisdictionem habente cum debita intentione.*

2 De ipsoloquens Florent. in *Decret. Eugenii*: hæc habet. *Quantum Sacramentum, est Penitentia, cuius, quasi materia, sunt actus Penitentis: qui in tres distinguntur partes; quarum prima, est cordis contritio, ad quam pertinet, ut doleat de peccato commissio, cum proposito non peccandi de cætero. Secunda, est oris Confessio, ad quam pertinet, ut peccator omnia peccata, quorum memoriam habet, suo Sacerdoti confiteatur integraliter. Tertia, est satisfactio pro peccatis secundum arbitrium Sacerdotis, quæ quidem præcipue fit per orationem, jejunium, & elemosynam.* Forma hujus Sacramenti sunt verba absolutionis, quæ Sacerdos profert, *ego te absolvo, &c.* Minister hujus Sacramen-

menti est Sacerdos habens authoritatem absolvendi, vel ordinariam, vel ex commissione Superioris.

De contritione, & attritione: & de materia, tum proxima, tum remota egimus *lib.2. cap.34. de forma ibid. cap.35. de satisfatione lib.1. cap.11. & lib.3. capit.3. num.37. de Ministro lib.1. cap.9. & cap.12. De facultate, quoad reservata lib.1. cap.8. de peccatis cap.17. de circumstantiis peccatorum ibid. cap.18. de proposito emendationis lib.2. cap.37. De Indulgentiis lib.1. cap.27. Videantur ea omnia locis citatis, ne inutiliter repetantur.*

De Sigillo plura diximus *lib.1. cap.4. num.7. cap.18. num.58. lib.2. capit.7. numer.23 cap.27. numer.14. cap.33. numer.11.* ideo hic ea repetere necesse non est. Et observandum, quod Sigillum est obligatio stricta non loquendi de auditis in Confessione Sacramentali. Quæ descendit ex jure naturali: quia hoc jure tenemur non revelare secretum nobis commissum: & ex jure Divino: quia Confessio est juris Divini, ergo secretum Confessionis præcipitur eodem jure, sine quo esset nimis odiosa ipsa Confessio. Et ex jure Ecclesiastico ex infra dicendis.

3 Præceptum non loquendi de auditis in Confessione est negativum, obligans semper, & pro semper. Confessarius Sigillum frangens peccat. I. Contra fidelitatem; ob tacitam promissionem non revelandi. II. Contra justitiam; nam hæc exigit, ne proximus infametur. III. Contra Religionem, quia fit injuria Sacramento: cum ex eo avertantur pœnitentes ab ipso, & Confessio reddatur odiosa: quod est malum majus quocumque alio, sive particulari, sive communi.

4 Præceptum Ecclesiasticum de Sigillo habetur in *cap. Omnis de pœnit. & remiss.* ubi: *Caveat autem omnino Confessarius, ne verbo, aut signo, aut alio quovis modo aliquatenus prodatur peccatorem, sed, si prudentiori consilio indi-*
Matthæucci Cautela Confess.

guerit, illud absque ulla expressione personæ cautè requirat; quoniam, qui peccatum in pœnitentiali judicio sibi detectum præsumpsit revelare, &c.

Ex quibushabes tria. I. Quòd verbis Confessio revelatur. Exempla habes.

I. Si dixeris: *Petrus Confessus est mortalia:* vel, *se accusavit de Adultério: aut non potui absolvere Cajum.* Nam significas hunc habere, vel casum reservatum, vel esse indispositum, vel censura reservata ligari.

2 Dnm dicis pœnitentem Confessum esse aliquid veniale, ut mendacium officiosum, furtulum, &c.

Dices, peccatum veniale est materia levis, ergo non peccatur mortaliter revelando veniale.

Resp. Peccatum veniale in se est materia levis, sed revelare Confessionem, sive per mortale, aut veniale contingat, semper est quid grave, propter injuriam, quæ fit Sacramento; nam reddi potest Confessio exosa, & intolerabilis, quod est malum cedens in præjudicium salutis omnium fidelium, & reddens institutionem Sacramenti inutilem: cum Homines timentes revelationem ad ipsum non accederent.

3 Si ex duobus Sociis, unum extra Confessionem laudes, circa alium taceas, quorum mores tibi ex Confessione innotescunt.

4 Si de aliquo parvo oppido dicas, *in isto sunt plures Meretrices:* de parvo Monasterio: *in eo vivunt plures proprietarii:* & omnes infamas.

II. Quòd signis etiam, & factis Confessio revelatur. I. Si neges schedam auditæ Confessionis, vel Communionem pœnitenti, quem non absolvisti; quia illa denegatio, si publica sit, indirectè manifestat, peccatum, quo redditur incapax; Si secreta, Confessio redditur odiosa, dum ea actione exprobat eum suum delictum, quo redditur indispositus: sed legas *lib.2. cap.33. num.11.*

2 Si desistas ab itinere, dum ex Confessione

Pp 3 sione

sione scis esse tibi paratâ insidias, cum suspicio adesset, vel periculum revelandi Confessionem. Sed teneris te Deo commendare, actum contritionis, & dilectionis Deicelicer, & mortem etiam sustinere: quia Sigillum Sacramentale ob bonum fidelium, & reverentiam Sacramenti fortius obligat, quàm salus totius Mundi: & multo magis, quàm propria vita salvanda. Nam reddere Confessionem odiosam, & difficilem, est malum incomparabiliter majus.

3 Si celebraturo Minister in Confessione dixerit, se venenum miscuisse cum vino cõsecrando: & à celebratione cesset.

4 Si pœnitenti, qui gravia peccata Confessus est, ostendas, dum à Confessione aliè greditur, vultum severiorem.

5 Dum excommunicatum vitas, cuius excommunicatio tibi innotescit ex Confessione.

6 Si ex Confessione scias Ecclesiam esse pollutam; & abstineas à Sacro in ea celebrando.

7 Item, sciens ex Confessione aliquos Religiosos solere de nocte è Monasterio exire, Prælatum moneas, ut excubias constituat, ut impediatur.

Similium notitia perinde se habet, ac si non esset: cum nobis non possit deferre ad dirigendas nostras operationes, per dicta *lib. 2. cap. 27. num. 17.*

5 Dices, cum revelatio secreti naturalis cedit in bonum Reipublicæ, potest secretum acceptum à particulari revelari, ergo, cum ex revelatione peccati pendet bonum, saltem plurimum, potest revelari.

Resp. Negando consequentiam. Discrimen est: quia obligatio Sigilli naturalis est in commodum proximi: obligatio verò Sigilli Sacramentalis est in honorem, & facilitatem Sacramenti. Primum, aliquando ob bonum commune licet frangere. Secundum nunquam, quia nunquam fas est facere injuriam Sacramento, & reddere ipsum difficile, licet totus mundus periret.

III. Quod ad petendum consilium de rebus auditis in Confessione potest peccatum revelari: sed *cautè*, ut ait textus, exequi debet, hoc est, ita ut in notitiam peccatoris deveniri non possit.

6 Sed petitur, *an revelatio peccati in Confessione auditæ sine expressione personæ peccantis cadat sub prohibitione, & obligatione Sigilli, de qua in dicto cap. Omnis?*

Resp. Affirmativè; ratio est, quia textus permittit Sacerdoti loqui de auditis in Confessione, in uno casu dumtaxat, hoc est, *cum indiget prudentiori consilio*: ergo in quovis alio prohibetur. Et tunc etiam *cautè* agendum est; ut nimirum non sit periculum, ut cognoscatur is, qui peccavit. Tum quia causa finalis, cur prohibita sit revelatio peccati, auditæ in Confessione Sacramentali, clavibus subjecti, est, ne prodatur peccator, & ne Confessio reddatur difficilis, & odiosa, ac, ne fideles arceantur ab ea. Sed hoc sequeretur, si foret peccatorum revelatio licita, etiam persona pœnitentis non expressa. Nam, licet non semper ex revelatione peccati prodatur pœnitens, periculum tamen semper imminet, quod manifestetur; & propter hujusmodi periculum est ipsa peccatorum revelatio, etiam persona non manifestata, prohibita. Etenim, ubi vertitur periculum animarum, ut in casu, novum non est, ut Ecclesia generaliter aliquid statuatur, vel prohibeat, ad cautelam eorum, quæ possunt contingere. Jura sunt clara *cap. Dixit Dominus 30. q. 1. cap. Romana 5. In universitatem de sent. excomm. in 6.*

Additur, quod ideo Fideles ad Sacramentum pœnitentiæ fidenter accedunt, quia securi sunt de Sigillo, & certitudinem habent esse absolutè interdictum Confessariis, loqui de auditis in Confessione, ergo, &c.

7 Propterea cum ad petendum consilium prudentibus, & doctioribus sunt proponenda dubia orta ex Confessione, *cautè*

cautè est procedendum juxta *alleg. cap. Omnis*; cautela autem in hoc stare potest, ut non proponantur sub his terminis: *mibi hoc in Confessione occurrit*: sed hac potius formula: *quid agendum sit: si forte hic, aut ille casus contingat*.

8 Quæritur, an de licentia, & consensu penitentis Confessarius licitè, & sine fractione Sigilli possit uti scientia Confessionis, & loqui extra Confessionem de rebus in Confessione auditis?

Resp. Affirmativè, sic contra Scotum in 4. dist. 21 qu. 2. DD. communiter, Pontius Theol. disp. 45. qu. 13. nu. 166. Ilung. Theol. num. 6. disp. 6. qu. 5. art. 5. §. 1. num. 248. De la Cruz direct. conf. de Sacram. Penit. quest. 6. dub. 4. Du-hamel. tom. 3. Theol. Cleric. lib. 4. differt. 3. §. ult. in fine Quilici, Boyvin. aliique. Et apertè D. Thomas in 4. dist. 21 qu. 3. art. 3. in corpore ubi dicendum, quod duo sunt, propter quæ Sacerdos tenetur peccatum occultare: primò, & principaliter, quia ipsa occultatio est de essentia Sacramenti, in quantum scit illud ut Deus, cujus vicem gerit ad Confessionem: alio modo propter scandalum vitandum: potest autem penitens facere, ut illud, quod Sacerdos sciebat ut Deus, sciat etiam ut Homo: quod facit, dum eum licentiat ad dicendum; & idèd. si dicat, non frangit Sigillum Confessionis: tamen debet evitare scandalum, dicendo, *ne fraetor Sigilli prædicti reputetur*. Sed multa debent concurrere.

I. Ut fiat de licentia expressa penitentis: non sufficit præsumpta, aut tacita, quia talis præsumptio est odiosa, & periculosa; nam multa sequerentur absurda.

II. Ut licentia detur à penitente libere, & non coactè.

III. Ut in evidens notabile penitentis bonum cedat.

IV. Ut Confessarius consensus limites nullo modo excedat.

V. Ut vitetur scandalum. Ad quod vitandum videtur esse aptum manifesta-

re peccatum, non peccatorem, & non dicere se audivisse in Confessione: & quod consensus in scriptis recipiatur, ut possit quis, dum opus erit, probare sibi fuisse concessum.

VI. Ut nec Confessarius utatur ea licentia, nec penitens eam concedat, sine rationabili causa. Per quæ potest explicari Scotus.

9 Unde, si Confessarius in Confessione erret circa penitentem, dum confitetur: vel carens facultate, absolvendo à casu, vel censura reservata: vel bona fide consulendo contractum usurarium: restitutionem non esse faciendam, &c. debet in sequenti Confessione à penitente petere licentiam loquendi de spectantibus ad præteritam Confessionem.

10 Spectantia ad facultatem circa peccata, & crimina reservata videas cit. lib. 1. cap. 8. Et hic considera decretum Clement. VIII. de cas. reservat. quoad Regulares ut sub const. Sacra Congregatio Urbani VIII. la 28. Bullarium to. 4. Quo decrevit, ut nemo ex Regularium Superioribus peccatorum absolutiones sibi reservet, exceptis illis, quæ sequuntur, aut omnibus, eorum aliquot, prout subditorum utilitati expedire prudenter in Domino judicaverit.

„ I. Veneficia, incantationes, sortia, legia.

„ II. Apostasia à Religione, sive habitu dimisso, sive retento, quando eo pervenerit, ut extra septa Monasterii, seu Conventus fiat egressio.

„ III. Nocturna, ac furtiva è Monasterio, seu Conventus egressio, etiam non animo apostatandi facta.

„ IV. Proprietas contra votum perturbatis, quæ sit peccatum mortale.

„ V. Juramentum Falsum in judicio regulari, seu legitimo.

„ VI. Procuratio, auxilium, seu consilium ad abortum faciendum, post animatum factum, etiam effectu non sequuto.

„ VII. Falsificatio manus, aut Sigilli
„ Officialium Monasterii, aut Conven-
„ tus.

„ VIII. Furtum de rebus Monasterii,
„ seu Conventus in ea quantitate, quæ
„ sit peccatum mortale.

„ IX. Lapsus carnis voluntarius, ope-
„ re consummatus.

„ X. Occisio, aut vulneratio, seu gra-
„ vis percussio cuiusque personæ.

„ XI. Malitiosum impedimentum, aut
„ retardatio, aut aperitio literarum, à
„ Superioribus ad inferiores, & ab infe-
„ rioribus ad Superiores.

„ Si quod aliud præterea peccatum
„ grave pro Religionis conservatione,
„ aut pro conscientia puritate, reservan-
„ dum videbitur, id non aliter fiat, quam
„ Generalis Capituli in toto Ordine,
„ aut Provincialis in Provincia, matura
„ discussione, & consensu.

„ 11. Deinde mandat Superioribus, ut
„ in singulis domibus deputent duos, tres,
„ aut plures Confessarios, pro subditorum
„ numero majori, vel minori, qui sint do-
„ cti, prudentes, & charitate præditi,
„ qui eos à non reservatis absolvant. Et
„ quibus, etiam reservatorum absolutio
„ committatur, quando casus occurre-
„ rit.

Tandem præcipit, tam Superioribus
„ pro tempore existentibus, quam Con-
„ fessariis, qui ad Superioritatis gradum
„ fuerint promoti, ne ea notitia, quam
„ de aliorum peccatis in Confessione ha-
„ buerunt, ad exteriorem gubernationem
„ utantur.

Postea Decretum concludit. „ San-
„ ctas sua deinceps declaravit, & de-
„ clarat, ut, si huiusmodi Regularium
„ Confessariis, casus alicujus reservati
„ facultatem petentibus Superior dare
„ noluerit, possint nihilominus Confes-
„ sarii illa vice, penitentes Regulares, e-
„ tiam non obtenta à Superiore faculta-
„ te, absolvere. Ita ad verbum apud.
„ Fagn. in 3. ad cap. Ne Religiosi de Re-
„ gularibus à num. 42.

12 Quæritur, *accedit Monialis aperiens sua peccata Confessario, & inter ista peccatum contra castitatem, sed, ne cognoscatur à Confessario, interrogata, an sit Monialis, respondet: non sum, sed puella, quæ in Monasterio educor, ex devotione feci votum castitatis; Confessarius videns signa doloris, propositum, &c. eam absolvit; petitur, an remaneat absoluta?*

Resp. Negativè, si sit, etiam gravata peccatis contra obedientiam, & paupertatem, nam tunc mendacium est grave, & circa mortalia, quæ sunt de necessitate explicanda.

Sed præcindendo, etiam à peccatis contra obedientiam, & paupertatem. Dico, Confessionem esse sacrilegam; nam in Confessione explicandum est, an fuerit violatum votum solemne, an simplex, quia circumstantia voti solemnioris aggravat peccatum. Immo in violatione primi est duplex peccatum; nam ejusdem violatione injuria irrogatur duobus: Deo, cui promittitur, & Ecclesiæ, quæ nomine Dei promissionem accipiat; dum in violatione simplicis soli Deo injuria irrogatur. Ergo mendacium Monialis est grave, & circa mortale peccatum, ergo invalidat confessionem. *Campion. par. 2. in str. cap. 33. num. 6. & nos lib. 1. cap. 18. num. 10.*

13 Sed quid, *si nec peccasset contra votum, sed solum se accusaret de peccato detractionis?*

Resp. Vel Confessarius ita restringit suam intentionem ad puellam Sæcularem, ut Monialem excludat: & tunc invalida est absolutio, ob defectum intentionis Ministri absolventis; vel intendit absolvere personam penitentem, quæ est præsens: & tunc validè absolvit, quia præter intentionem directam ad puellam, adest etiam intentio directa ad personam præsentem, quamvis non sit sæcularis: quæ secunda intentio debet à quovis Sacerdote, prudenter operante, dum absolvit, haberi.

14 Hic advertendum, quòd Pœnitentiarii Ecclesiæ Cathedralis non possunt sine speciali facultate Episcopi absolvere à casibus eidem reservatis ut respondit S. Congr. Conc. in *Dertbonen* 6. Julij 1647. quæ interrogata.

I. An Canonici Penitentiarius Ecclesiæ Cathedralis possit absolvere à censuris, & à casibus, tam à iure Episcopo reservatis, quàm ab illis, quos Episcopus sibi reservavit?

II. An Penitentiarius dispensare possit tempore Quadragesimæ super esuciborum prohibitorum cum infirmis, & cum aliis habentibus attestationem medicorum absque speciali delegatione ab Episcopo concedenda?

III. An Penitentiarius facultatem, quam habet absolvendi penitentes à casibus sibi concessis, possit alteri Confessario delegare, qui absolvat prout idem Penitentiarius?

IV. An Penitentiarius possit absolvere penitentes à censuris, & casibus reservatis, sibi concessis, non audita integra confessione Sacramentali, sed tantummodo ab ipsis casibus reservatis, & pro aliis penitentes remittere ad alium Confessarium?

Sacr. Congr. &c. ad supradicta dubia respondit negativè in omnibus, ut in lib. 18. decret. pag. 349.

15 Notari etiam debet, quod Confessores eligendi in vim privilegiorum Bullæ Cruciatæ neminem absolvere possunt ab incurfu, & lapsu in hæresim ex const. Greg. XIII. *Officii* 37. *Bullar.* 20. 2. Alia ad hæresim spectantia habentur lib. 1. cap. 4.

CAPUT VI.

Extrema-Unctio.

1 QUINTUM Sacramentum est Extrema-Unctio, cujus materia est oleum olivæ, per Episcopum benedictum. Hoc Sacramentum, nisi infir-

mo, de cujus morte timetur, daridetur; qui in hislocis unguendus est: in oculis propter visum: in auribus propter auditum: in naribus propter odoratum: in ore propter gustum, vel locutionem: in manibus propter tactum: in pedibus propter gressum: in renibus propter delectationem ibidem vigentem. Forma est hæc, *per istam Sanctam Unctionem, & suam piissimam misericordiam, &c.* Minister est Sacerdos. Florent. in Decret. Eugen. & Rituale Romanum.

2 Hujus etiam Sacramenti materia est duplex, remota, & proxima: remota, est oleum ab Episcopo benedictum: proxima verò, est unctio.

3 Capax Extreme-Unctionis est solus homo viator, baptizatus, non sanus, sed infirmus. Audias Trid. *sess.* 14. *cap.* 3. de *Extrema-Unctione*: declarat etiam esse hanc Unctionem infirmis adhibendam, illis verò præsertim, qui, tam periculosè decumbunt, ut in exitu vitæ constituti videantur. Unde & Sacramentum exequitum nuncupatur. Quòd si infirmi post susceptam hanc unctionem convalescerint, iterùm hujus Sacramenti subsidio juvari poterunt, cum in aliud simile vitæ discrimen inciderint.

4 Morituri, si in phrænesim, vel amentiam inciderint Extrema-Unctio danda est, si ante christianè vixerint, quia tunc censentur hoc Sacramentum, saltem interpretativè desiderare, & peterè.

5 Non confertur pueris, usum rationis non habentibus: nec perpetuò amentibus: non navigantibus, etiam si imminet naufragium: nec militibus de proximo conflictum aggressuris; nec damnatis ad mortem: quia solum infirmis est dandum, quod de illis non verificatur; nec confertur parturientibus, nisi partu, vel antecederet ad ipsum orta sit mortalitas infirmitas. Natalis Alex. Theol. dogmat. 10. 1. de *extr. unct.* cap. 5. *reg.* 17. Senio autem confectis, & in diem morituri administrari potest, ut idem *regul. cit.* observat ex Concilio 4.

Me-

Mediolanen. ratio est, quia extrema senectus per se morbus periculosus est.

6 Extremæ-unctionis Sacramentum administrari non debet infirmo, nisi post confessionem peccatorum suorum, & post Viaticum Corporis Christi, si recipere illud possit. Ita Catechismus Conc. Trid. p.2. de *Extrema unctionis Sacramento* num.23. ibi: *Servanda est Catholica Ecclesia perpetua consuetudo: ut ante Extremam-unctionem Penitentia, & Eucharistia Sacramentum administretur.* Ceterum adolescentibus, qui adhuc ob defectum ætatis ad Eucharistiam non sunt admissi, cum commiserint actualia peccata, quorum reliquias sanare hujus Sacramenti remedio opus sit, ut ibid. Catechif.n. administratur.

7 Extremæ-unctionis Sacramentum cuilibet Sacerdoti non licet administrare, sed solum proprio Pastori, hoc est, Episcopo, vel Parocho, vel cui ipsi commiserint.

8 Nec Regulares infirmis sæcularibus possunt illud ministrare, nisi recepta ab Episcopo, vel Parocho licentia; & quatenus sine ea illud administrent, incurrun excommunicationem reservatam Summo Pontifici. Clement. *Religiosi de privil.* Deficiente tamen Parocho, vel alio Sacerdote ab eo, aut Episcopo potestatem habente potest quilibet Sacerdos Regularis in casu necessitatis illud licite administrare. Sicut enim quilibet Sacerdos potestatem habet absolvendi à peccatis, & censuris in mortis articulo constitutos, ita videtur, quod quilibet potestatem habeat in eo articulo administrandi illud Sacramentum, nè moribundus hoc beneficio privetur, & adversus extremas tentationes oleo Sacro non confirmetur.

REGULA I

De Testamentis.

Summariam hic Testamentorum notitiam Confessariis propino, ut de hac etiam re-instructum dimittam.

9 Quare sciendum, quod Testamentum est *dispositio ultima nostra voluntatis cum directa hæredis institutione.* Dicitur *dispositio*, hoc est, ordinatio expressa verbo, vel alio signo externo, & propriè scriptura. Dicitur *ultima voluntatis*, quia Testamentum vim non habet, nisi post mortem Testatoris, juxta illud Apostoli ad *Hebra 9.* *Ubi enim Testamentum est, mors necesse est intercedat Testatoris. Testamentum enim in mortuis confirmatum est: alioquin nondum valet, dum vivit, qui testatus est.* Dicitur *cum directa hæredis institutione*, hoc est, cum nominatione Successoris in universum jus Testatoris. In quo distinguitur à Codicillo, in quo hæres non instituitur, ut observat Ponticius *Theol. disp. 54 q.4. nu. 14.* Et describitur à Polman. *Breviar. Theol. p.2. partis 2. num. 520. Quod sit ultima voluntatis testificatio sine hæredis institutione.* Unde Codicillus non fit ad instituendum hæredem (aliàs foret Testamentum) sed ad aliquid legandum, ad explicandum Testamentum, vel faciendam institutionem fideicommissariam; & proinde dicitur appendix ad Testamentum, in qua aliqua alia dispositio fit de bonis Testatoris distincta ab alia, quæ fuit facta in Testamento.

10 Differt Testamentum etiam à fideicommissio, quia in fideicommissio hæreditas committitur fidei hæredis substituto tradenda, quæ substitutio in Testamento non fit. Ideo fideicommissum describitur ab eodem Polman. *num. 521.* *Est dispositio ultima voluntatis, qua Testator hæredis sui fidei committit hæreditatem, ut eam, vel ejus partem substituto tradat.*

11 *Queritur, an in foro conscientia valeat Testamentum in eo Solemnitatibus juris non servatis?*

Remittendum, quod jus civile C. *Hac consultissima de testament.* pro solemnitate tamquam de forma substantiali, in Testamento, tam scripto, aperto, vel clauso, quam nuncupativo (quo Testator verbis nuncupat heredem, & voluntatem suam declarat) requirit numerum septem Testium, ut DD. observant. Fagnan. *in 3. ad cap. Cum esses de Testam. num. 113.* Engell. *Colleg. jur. canon lib. 3. tit. 26. nu. 2.* Et Gonzalez *in 5. tit. 26. cap. 11.* Quorum presentia desideratur ob publicam utilitatem, ut ita securiorem exitum voluntates Testantium habeant, & fraudes absint.

12 Modò ad dubium est certum apud Dianam *coord. to. 6. str. 8. resol. 2.* Fagnan. *cit. ad cap. Relatum nu. 11.* Petram *comment. ad const. X Innoc III. sess. 3. num. 3.* valere Testamenta facta ad pias causas sine solemnitatibus juris civilis. Ratio est, quia jura Sæcularia non possunt præjudicare rebus spiritualibus, & ad supernaturalem finem, & salutem animarum spectantibus, juxta tex. *in cap. Relatum, & cap. Cum esses de Testament.* Neque etiam necesse est, ut Testamentum sit factum coram duobus, vel tribus Testibus, requisitis in allegatis capitibus, quia, ut observat Fagnanus *ad d. capit. Relatum num. 9.* Testes non sunt de solemnitate substantiali, sed probatoria, quæ per æquipollens adimpleri potest. Unde cum de voluntate Testatoris ad pias causas legitime constat, vel per Testes, aut schedulam manu Testatoris scriptam, vel signatam, est ejus dispositio implenda. Quapropter peccat læthalius, qui non implet voluntatem Testatoris, etsi non observatis juris solemnitatibus, sed nudis verbis eam declaraverit, juxta tex. *in cap. Indicante,* ibi. *Cognovimus, quod moriens uxor Redempti concham argenteam nudis verbis iussit venditari, & suis dare*

libertis: & scutellam argenteam nudis verbis Monasterio reliquisse. In quibus voluntatem ejus per omnia volumus adimpleri. Super quo videas etiam Natal. Alex. *to. 1. lib. 2. cap. 6. cap. 13.*

13 Testamentum autem ad pias causas factum censetur per DD. apud d. Dianam *resol. 1.* quoties hereditas devenire debet ad pias causas, vel hereditas via substitutionis devenit ad pias causas, ut ad Ecclesiam, Monasterium, Pauperes, dotandas puellas, celebrandas Missas, &c. Diana *resol. 37.*

14 Sed, an Testamentum ad non pias causas conditum coram Parocho, & duobus Testibus ad præscriptum d. cap. Cum esses, valeat: Disputant DD. apud Fagnan. *ad d. cap. Cum esses nu. 40.* & sequen. ubi, pro validitate plures allegat, cum quibus tradit, quod etiam Testamentum ad non pias causas factum sine solemnitatibus juris civilis, sed in presentia duorum Testium, & Parochi valet tam in foro civili, quam Ecclesiastico; pro qua opinione stat lex divina, Canonica, & Ecclesiastica, ut in littera: ubi autem lex humana adversatur legi divinæ, servanda est lex divina, etiam in foro Sæculari: de contrarietate autem legis civilis ad legem Divinam in casu patet; quia lex civilis requirit numerum septem Testium in Testamentis: ubi jus divinum habet *Matth 18. & Joan 8. In ore duorum, vel trium Testium stat omne verbum,* ut expressè textus dicte Decretalis, & prosequitur Fagnan *nu. 113.* Proinde impugnari non potest Testamentum ad causas non pias ex non adhibito numero septem Testium.

15 Sed quid, si Testator, instante mortis periculo coram Parocho tantum, vel alio Teste declaravit suam voluntatem; an heres teneatur voluntatem Testatoris implere?

Resp. Affirmative, semper enim est mens Testatoris implenda, quoties quis de illa certitudinem habet, ut per Clavem Regiam *lib. 3. cap. 7.* Lessium, Molfesum,

esium, & Salas allegat. à Cabafut. *prax. jur. canon. lib. 6. cap. 3. num. 4.* asserentes heredem ab intestato, qui certus sit, vel esse debeat de Testatoris voluntate in Testamento, aut Codicillis, solemnitatibus juris carentibus comprehensa, teneri sub mortali ex juris naturæ obligatione restituere hereditatem, & solvere legata secundum mentem Testatoris; & probat D. Antoninus 3. *p. tit. 10. cap. 3. §. 14.* allegat. à cit. Natal. Scribens nota; quòd cum quis sanus, vel infirmus, (qui est sanus mentis) ultimò disponit de bonis suis, de quibus potest disponere, per simplicem scripturam, vel verba solum, non violentatus, vel circumventus sine Notario, & Testibus debitis, standum est ejus tali dispositioni in foro conscientie; & heredes, quibus hoc constat certitudinaliter, tenentur ad observandum. Et Poncius cit. dixit, quòd ad Testamentum ex natura rei nulla requiritur solemnitas, sed sufficit significatio voluntatis Testatoris, sive voce, sive scriptis; vel etiam nutibus, aut ad interrogationem alterius per Petram *nu. 40.* quæ tamen debet sufficienter innotescere, ut alios obliget ad se confirmandum. Et concordat Engel *cit. num. 14.* ubi noravit, quòd præsentia Parochi, & testium, etiam secundum jus Canonicum non est de substantia, sed tantum de probatione; & se subscribit asserentibus in conscientia esse debitum, quòd testator sine omni solemnitate reliquit, dummodò de ejus voluntate constet: ultima enim voluntas rationabilis defuncti modis omnibus conservari debet, *cap. ultima §. 2.*

Ad probandum in testamentis ad pias causas, admittitur etiam testimonium mulieris, licet de jure civili non soleant mulieres admitti Fagnan. *cit. cap. Relatum nu. 14.* & Petra *num. 39.* Diana *resol. 20.* testamenta enim ad pias causas sunt privilegiata.

16 Quæritur, an testamentum principaliter ad pias causas valeat sine so-

lemnitate conditum, etiam quoad legata profana?

Resp. Affirmativè, ita Diana *cit. resol. 4.* Engel. *cit. num. 19.* Layman *Theolog. moral. lib. 3. to. 5. cap. 2. num. 10.* Quia secundum vulgatum juris axioma. *Principale trahit ad se accessorium;* & proinde si testamentum sine solemnitate valet, & fidem facit quoad hæredis institutionem, vel majorem partem bonorum, valebit etiam, & fidem faciet quoad reliqua legata: si enim creditur hæres illo testamento institutus, credendum etiam est, ut sit institutus cum onere, & obligatione exequendi dicta legata.

Nota. I. Quòd licet regulariter non sustineatur testamentum sine hæredis institutione, sustinetur tamen quoad relicta pia. Petra, pluribus cumulatis *num. 45.* & Diana *resol. 30.* & 33. quia relicta pia sunt privilegiata.

II. Quòd dispositiones favore causæ piz commissæ alieno arbitrio, & voluntati valent, concurrentibus probationibus necessariis, quòd relictum sit in causam piam. Petra *nu. 56.* & Diana *resol. 28.* & 29.

III. Quòd si Testator in testamento, vel coram testibus voluntatem suam declaravit, quòd velit quædam ad pias causas erogari, sicut Confessario suo mandaverat, Confessarius est audiendus, & secundum suam relationem est executio facienda; modò talia indicia asserat, ut, inspectis circumstantiis, verisimile sit defunctum ipsi mandasse. Diana *resol. 23. num. 4.* & Layman, cum aliis.

IV. Quòd, si moribundus caput facere testamentum, vel codicillum, & morte præventus non absolvit, valet quoad relicta pia, in ipsa ejus imperfecta dispositione expressa; licet enim potuerit Testator suam voluntatem mutare, cum tamen de mutatione non constet, naturali, ac canonico jure, firma esse debet. Diana *resol. 24.* cum Layman.

17 Quæritur, *Lælius sæpè adhuc vivens coram nonnullis suam voluntatem aperuit his verbis: Voglio lasciare la mia robba alla Chiesa Parochiale: deinde apopheſia pulſatus ſine alia animi ſui declaratione deceſſit: dubitatur, an dicta Eccleſia poſſit pretendere ſucceſſionem in hereditate d. Lælii, excluſis aliis heredibus venientibus ab inteſtato?*

Reſp. Affirmativè, quia per ea verba inducitur hæredis inſtitutio, maximè ad pias cauſas, ut ex Claro tradit De-Luca ad *Ventrigl. præſto. 2. annotat. 28. §. 2. ſub num. 17. in append.* & idem ſignificant, ac dixiſſet, *volo Eccleſiam Parochialem eſſe heredem bonorum meorum*: quæ verba important voluntatem perfectam, ut etiam notavit Petra *num. 49. & juxta Bar. in l. unctos populos. num. 2. cap. de ſum. Trinit.* Verbum *volo* in actionibus habentibus dependentiam de futuro inducit voluntatis declarationem. Conſideratur enim, quòd cauſa pia eſt privilegiata, & inde diſpoſitio, & teſtamentum ambiguum ſemper pro cauſa pia eſt interpretandum. Petra *num. 42.*

18 Sed quid, *ſi dixiſſet* Voglio fare herede la Chiesa. N., e queſto lo farò, quando ritornerò a caſa.

Reſp. Per hæc verba non videtur diſpoſitio facta, ſed reſpicere eam, quam deſtinaverat facere, & idèò important voluntatem imperfectam connotantem potentiam, ſeu velleitatem, ut ſcribit Petra *num. 49.* Crederem eſſe diſtinguendum; vel Lælius antequam rediret domum, fuit morte præventus, adèòque impotens factus ad condendum teſtamentum: vel ſanus rediit cum tempore habili ad teſtamentum faciendum? In ſecundo caſu verba illa velleitatem important, quia potens teſtamentum facere non fecit. In primo verò perfectam voluntatem concludunt; & ſolùm ad futurum tempus dilata fuit ſtipulatio, vel ſcriptio teſtamenti; quod idèò non condidit, quia cum mors prævenit.

19 Quæritur, *Titius in ſuo teſta-*

mento relinquit legatum pro puellis maritandis; petitur, an poſſit conferri non nubentibus, ſeu religionem ingredientibus?

Reſp. Affirmativè; cum Diana *reſol. 43. num. 2.* præſumitur enim Titium non eſſe locutum excluſivè: Tum quia Matrimonium Spirituale, cum carnali quoad hoc pari parſu currunt, S. Congreg. Epif. in *Piſauren. 26. Auguſti 1616.* apud Monacell. *for. p. 2. for. 1. num. 18. tit. 14.* Aliàs dicendum, ſi fuiſſet adjecta conditio, quod ſolveretur in manibus mariti pro Dote: nec aliis, nec pro alia cauſa: vel, quòd decedentibus ſine filiis, legatum rediret ad hæredes legantis: tunc enim non poterit dari pro Virgine Monachanda, ut reſpondit Sac. Congreg. Concil. in *Baren. 15. Septemb. 1668.*

20 Quæritur, *Cajus in ſuo teſtamento relinquit legatum Sacrifiæ, vel Eccleſiæ Fratr. Min. de Obſer. vel Capucinorum pro cera, & oleo, ac alia ad Divinum cultum: petitur, an ſit implendum?*

Reſp. Affirmativè, quia Fratres ad hujusmodi legata incapacitatem non habent juxta dicta *lib. 1. cap. 32. num. 23.* debetque per Syndicum inveſtiri pro adimplenda Teſtatoris voluntate, ut decrevit S. Congregat. Epifcop. in *Foroſempronien. 21. Auguſti 1693.* Immo, ſi gravetur hæres, illud ſubminiſtrare tenetur, ut dixi *loc. cit. num. 32.* Cæterùm præſtationes diſtorum legatorum in alioſ uſus, quàm à Teſtatoribus taxatos converti non poſſunt. Circa quæ legata dixit Ventrigl. *to. 2. præſ. annotat. 28. §. 2. num. 17.* Quòd non poteſt Fabrica S. Petri prætereſſe legata annui redditus perpetui facta Eccleſiæ, & Sacrifiæ illorum Fratrum, non ad ipſorum victum, ſed ad certum Divini cultus uſum; ut, ſi ſit legatum oleum pro lampadibus, veſtes, & ornamenta Eccleſiæ, & Altaris, & ſimilia, quia prædicti Fratres ſunt capaces legatorum prædictorum, quæ non con-



concernunt commoditates Fratrum, sed Divinum cultum, nec adversantur illorum paupertati, ut dixi *Offic. Cur. Ecclesiast. cap. 30.*

21 Quæritur, an heres non conscientia inventarium teneatur in foro conscientie ad solvenda de proprio legata pia, & debita ultravires hereditatis?

Resp. Negativè, quia nec Ecclesia, nec pia loca debent secundum conscientiam vivere, nec exigere ab hærede, ultra vires hereditatis, quidquid sit in foro fori, ut dixit Rota coram Coccino, *decis. 1462. num. 27.* apud Monacell. *cit. num. 22.* Fagnan. in 3. ad cap. Si quis de regul. num. 28. & 71.

22 Quæritur, Cajus instituitur heres, & rogatur, ac gravatur, ut alteri hereditatem restituat; petitur, an possit sibi retinere quartam partem, que dicitur Trebellianica?

Resp. Affirmativè, per text. in cap. Raynutius de testament. cum sua Glossa verb. quartam partem: & verb. à tempore litis notat, quod à tempore litis contestatæ fructus computantur in quartam, nisi præsumendum sit, quod Testator voluerit eos hæredi applicare, De la Cruz *director. conscient. præcept. 7. q. 1. art. 5. dub. 8. concl. 2.* Trebellianica autem est quarta pars hereditatis, quam à fideicommissis detrabere potest heres, cui est facta substitutio commissaria. Polman. *Breviar. Theolog. p. 2. partis. 2. numer. 535.*

Intelligitur autem, nisi testator prohibuerit detractionem Trebellianicæ, ut si dixerit, rogo, mando, vel volo, ut sine ulla diminutione restituas hereditatem Francisco, ut per Menoch. apud Dian. *resol. 105. num. 13.*

23 Cæterum, si heres institutus esset non voluntarius, sed necessarius juxta dicta lib. 2. cap. 19. num. 17. licet Pater prohiberet detractionem Trebellianicæ, adhuc posset Filius oneratus ad restituendam hereditatem detrabere legitimam statim à morte patris, ut ex Va-

dingo dixit ibid. Diana num. 19. nam jure naturæ debetur Filio, & gravari in ea non potest ex d. cap. Raynutius, quod si Testator detractionem Trebellianicæ non prohibuerit deduci. Tunc heres necessarius potest statim à morte Testatoris legitimam detrabere, & postea, eveniente conditione restitutionis hereditatis, ipse, vel ejus hæredes Trebellianicam detrabere possunt de iis, quæ remanent; Diana cit. & Gloss. ad allegat. Cap. verb. legitimam. Est autem legitima portio successione jure naturæ debite hereditibus ab intestato Polman cit. num. 527.

24 Quæritur, Lelius instituitur heres, & gravatur à Testatore, ut pluribus legata conferat; petitur, an possit ex legatis Falcidiam detrabere?

Resp. Affirmativè: Sed, ut observat De la Cruz *conc. 3. illa* deducitur ex bonis remanentibus, detracta legitima ab hærede necessario, solutis debitis, expensis funeris, testamenti, codicilli, & inventarii, & solutis legatis Ecclesiæ, hospitali, loco religioso, pauperibus, aut alteri loco pio: ex istis enim Falcidia non detrahitur, sed integrè solvuntur: sicut non detrahitur, si Testator prohibuerit. Neque ex illis bonis deducitur, si heres non fecit inventarium tempore debito, quæ Falcidia deducenda est juxta æstimationem bonorum tempore obitus Testatoris: Meliorationes enim, & fructus, sicut & deterioratio sunt hæredis, & non legatarii, ut ex Hugone ibid. De la Cruz.

Falcidia autem ab allegato Polman num. 534. describitur, hereditatis quarta pars, quam heres potest detrabere à legatis, & donationibus, mortis causa.

25 Advertendum. I. Si Testator habet filios, pietas exigit, ut illis ad vivendum, & ad statum suum sustentandum necessaria relinquat, priusquam de piis causis cogitet. Natal. Alex. *regul. 4.* & habetur ex D. Augustino *sermo. 355. cap. 4.* ibi: Quicumque vult exhereda-

to filio, heredem facere Ecclesiam, querat alterum, qui suscipiat, non Augustinum, immò Deo propitio, neminem inveniet.

26 Dantur causæ legitimæ, propter quas Titius à Patre exheredari potest, ut si manus violentas in parentes injecerit: si de crimine accusaverit, exceptis criminibus læsæ majestatis, & Hæresis: si mortem Patri, vel Matri molitus fuerit, etiam effectum non secuto: si thorum paternum violaverit: si bona parentum dilapidaverit: si Filia innupta luxuriosè vivat. ibidem Natal.

27 Cæterum partes Parochorum, & conscientia moderatorum esse debent, ut Patres Filiis reconcilient juxta Augustinum loc.cit. *Si quis irascitur in filium suum, & moriens exhereditat eum, si viveret, non eum placare? non ei filium suum reconciliare deberem?*

28 II. Quòd filii spurii, seu ex adulterio, vel incestu, alique ex illegitimo coitu progeniti, hæredes à Parentibus institui non possunt: *Authent. licet in fine C. de Natural. liber.* Diana *resolut. 112. num. 1.* Jura enim reddunt filium spurium incapacem paternæ hereditatis. Cæterum Parentes jure poli, & ex lege naturali, tenentur eis subministrare alimenta, ut ibid. Diana, & est textus expressus in *cap cum haberet de eo, qui duxit in Matrem quam polluit.* Unde observant Natal. *Alex. regul. 7.* & Diana *num. 3.* quod nec spurii, aut ex damnato coitu progeniti, cui Pater portionem bonorum suorum testamento, codicillo, aut fideicommissio reliquit, non potest ipsam tuta conscientia retinere: sed, quod ultra necessaria ad victum, & vestitum sibi relictum fuerit, tenetur legitimis hæredibus restituere, ne alienum retineat.

29 *An autem bares, cui donata, vel testamento relicta fuerunt bona habentis filium spurium, teneatur in defunctum Patris ejusdem filium alere?*

Resp. Affirmativè, si indigeat, neque

aliunde habeat, juxta dicta cum Diana *num. 8.* & si femina sit, debet eam dotare: dos enim datur loco alimentorum. ibid. Diana *num. 12.* ubi resolvit teneri Sacerdotem filiam spuriam dotare, quem non omittas recognoscere.

30 III. Quòd Filiis, & consanguineis præponi debet restitutio bonorum male acquisitorum, dicente Augustino *epistol. 153.* *Si enim res aliena, propter quam peccatum est, cum reddi possit, non redditur, non agitur penitentia, sed fingitur: si autem veraciter agatur, non remittitur peccatum, nisi restituatur ablatum.* Atque ita debet Testator ante omnia prius restituere res alienas, quàm filiis, vel cognatis providere.

31 Sed quid, si Filii, & parentes facta restitutione redigendi essent ad mendicitatem?

Resp. etiam in causa tenetur rem alienam restituere. Tam enim non potest bona aliena ad hæredes transmittere, quàm eis furari, non licet, ut illis benefaciat, & ipsorum inopiam sublevet. Ita usurarius manifestus testari non potest, nisi prius restitutus usuris, vel præstita cautione pignoratitia, vel fideiussoria de restitutione facienda. Caput *Quamquam de usur. in 6.*

32 Ne hæres potest uti præscriptionis privilegio, si mala fide possedisse constet; aut verisimile est mala fide eum possedisse, qui transmissit ad ipsum hæreditatem; nam *vicia possessionum à maioribus contracta perdurant, & successionem Authoris sui culpa comitatur.* Cap. *vicia de acquir. & retinen. penes, &c.*

33 Queritur, an Testator carens parentibus, & filiis, possit instituere heredem extraneum, relictis nepotibus, & consanguineis?

Resp. Negative, si adsit scandalum, vel si Nepotes, & consobrini graviter indigeant: ordo enim charitatis exponit, ut quis prius suis subveniat, quàm alienis, ita Diana *resolut. 108.* & Natal.

regul.5. Propterea secundum hanc praxim debent Parochi, & conscientiarum moderatores dirigere Testatores in confectioe testamentorum, & codicillorum.

34 Quæritur, *an Pater, aut Mater possit de propriis bonis plus uni Filio relinquere, quam aliis?*

Resp. Affirmativè, dummodò ista concurrant. I. Quòd reliqui filii non priventur legitima portione eis naturali jure debita. II. Quòd inæqualem distributionem non facient ex odio: Si enim ex odio facerent, & nollent mutare testamentum, non essent absolvendi, Diana *resolut.1.08.*

35 Sed quid, *si dicerent, se odium deposuisse, & de habito pœnitere, sed nolle mutare testamentum?*

Resp. Diana ibidem tradit esse absolvendos. Verùm censerem resistentiam ad revocandum testamentum esse signum sufficiens, ut Confessarius posset colligere odium non esse depositum, ideò studere debet, ut revocatione testamenti motivum sibi præbeat de efficaci odii depositione.

36 Observat tamen Layman *lib.3. tr.5. cap.5. num.13.* Quòd plerumque Parentes peccant, si sine justa causa, & inordinato affectu inter liberos successio- nis inæqualitatem constituent; ut quia ex diversis matrimoniiis nati sunt; quorum unam Matrem magis, quam alteram testator dilexit. Verùm ut Diana *resolut.509. num.2.* dixit, possunt esse justæ causæ id faciendi sine peccato, ut si aliqui majoribus obsequiis apud Patrem magis meriti fuerint: si aliqui plus indigeant, quia bonis adventitiis carent; si adhuc pusilli magnis sumptibus in studiis adjuvari debeant; si secundum loci consuetudinem prius geniti aliis, & masculi feminis in successione præferantur. Alia videri possunt *Official. Cur.1. Eccles. cap.33.* Testamentum potest à Testatore mutari, & secundum solvit primum, de qua re Layman *cit. cap. & De la Cruz n.4.*

REGULA II.

Sepultura.

37 **H**ic aliqua etiam sunt de sepultura adnotanda, remittendo Confessarium ad ea, quæ dixi *Offic. Cur. cap.48.* Sciendum itaque, quòd unicuique adulto Sæculari liberum est sibi eligere sepulturam; nulla autem facta electione, in Parochiali sepelitur, si in alia Ecclesia non adsit sepulchrum majorum, *capit. Nos instituta de sepultura.* Verùm, cùm quis in alia Ecclesia sepelitur, est solvenda Parochiali canonica portio, seu quarta funeralis, si loci consuetudo ferat, ut dixi *loc. cit. cap.42.* Et constat ex *cap. Certificari de Sepultura*, ac ex constitutionibus Pontificum, quibus jus sepulturæ Ecclesiis Regularibus conceditur, in quibus hæc solet adici clausula, *Salva iustitia Ecclesiarum, à quibus corpora assumuntur: vel salva iustitia Ecclesie Parochialis.*

38 Uxor potest sibi eligere sepulturam distinctam à Sepultura Mariti, cùm electio ista ad eum *statum pertineat, in quo mulier solvitur à lege viri, cap. de uxore de sepult.* Mulier autem, quæ sepulchrum sibi non elegit, & habuit plures viros, *cum viro ultimo, cujus domicilium retinet, in honorem tumulatur, cap. Si qui de sepult. in 6.*

39 Filius familias sibi sepulturam eligere potest, si ad pubertatem pervenerit, si verò sit impubes, potest Pater eligere Sepulturam istam, ubi voluerit, si consuetudo loci id petitur. *Cap. Licet de sepult. in 6. & Sæpè declaravit Sac. Congreg. ut loc. cit. Scripsi.*

40 Aliquid pro sepulturis pacisci, vel exigere non licet. Laudabiles tamen consuetudines servandæ sunt *cap. Abolenda de sepult.*

41 Petitur. *Accedit Petrus Clericus, vel Regularis, & Confessario exponit se induxisse Cajum ad eligendam sepul-*
turam

turam in suis respectivè Ecclesiis, vel ad non immutandam electam, quid agendum Confessorio?

Resp. Non potest eum absolvere, quia est ligatus excommunicatione Papæ reservata ex Clement. *Cupientes §. Sanè de Sepult.* & electio est irrita cap. *Animarum de sepul. in 6.* & quatenus Corpus sepulturæ electæ tradiderit, est cum omnibus emolumentis intra decem dies restituendum Parochiæ, quibus elapsis, Ecclesia ipsorum, in qua est sepultum, & cæmeterium, ex tunc manent supposito interdicto, donec omnium plenaria restitutio fiat, ibid. textus.

42 Ecclesiastica sepultura non gaudent. I. Usurarii manifesti cap. 2. *de usur. in 6.* Sed quia multi contractus possent ab usura excusari, ideò Parochus super eo debet consulere Episcopum.

II. Religiosi proprietarii Cap. *Cum ad monasterium de stat. Monachor.*

III. Qui occumbunt in duello, etiam privato sine patris, & sociis cum ordinario tamen periculo vitæ ex condito, statuto tempore, & in loco convento, instituto, ut dixi *lib. 1. cap. 2. num. 13.*

IV. Publicè excommunicati ex cap. *Sacris de sepult. cap. Is cui de senten. excomm. in 6.* Si enim excommunicatio esset occulta, & forte soli Parocho cognita, non esset sepultura ecclesiastica deneganda, quia privata scientia uti quidem licet, quandoque in privato, non autem ad condemnationem in publico.

43 Dices. Constitutio *ad evitanda Martini V.* & illa Leonis X. *Primitiva subla 20. Bullar. to. 1.* disponunt, quòd nullus excommunicatus sit necessariò vitandus, nisi fuerit excommunicatus denunciatus, aut notorius percussor Clerici, vel ita notoriè excommunicatus, ut nulla possit tergiversatione celari, & juris suffragio excusari: ergo non quicumque publicè excommunicatus est privandus ecclesiastica sepultura.

Mattbeucci Cautela Confess.

Resp. Quòd dicta jura non intendunt in aliquo relevare ipsos excommunicatos, ut ibi textus, sed solum adjuvare fideles innocentes, ne per conversationem cum excommunicatis non denunciatis, nec notoriis aliquam censuram incurrant.

V. Omnes morientes impænitentes in peccato mortali, ut interempti in adulterio, furto, &c. Cap. *Fures 13. qu. 2.*

VI. Mortem sibi ex desperatione, vel iracundia inferentes cap. *Placuit 23. q. 5.* Secus si ex fatuitate, & insania; & in dubio non præsumendum, quod quis peccaminosè sibi mortem intulerit.

VII. Pueri non baptizati, si de utero Matris sunt extracti.

VIII. Qui saltem semel in anno non perceperunt Sacramentum penitentiae, & Eucharistiæ. De qua re Engel colleg. *jur. canon. lib. 3. tit. 28. §. 5. unic.*

Dubia in una Nullius, seu Aquinaten. juris sepeliendi.

1 An PP. Reformati Sancti Francisci Atina teneanturolvere quartam Parochialis, & Collegiate Ecclesie ejusdem loci pro illis defunctis, qui in eorù Ecclesia sepulturam elegerunt?

2 An in associatione Cadaveris ad propriam Ecclesiam possint iidem Patres incedere sub propria Cruce, vel potius teneantur incedere sub illa Ecclesie Parochialis Collegiate.

3 An possit Capitulum ejusdem Parochialis, & Collegiate Ecclesie cum Stola, & Cruce ingredi Ecclesiam DD. Patrum, in eaque functiones aliquas facere circa cadaver antequam sepultura tradatur; seu potius debeat tantum dare ultimum vale? & quatenus affirmativè quoad secundam partem.

4 An dictum ultimum vale consistat in simplici benedictione cadaveris, recto tramite introducendi in Ecclesiam Regularium, vel potius in recitatione alicujus Psalmi, vel alterius orationis?

gradus, & officium. Colligitur ex Trid. sess. 23. cap. 2. de ord.

2 *Queritur, quot sint Ordines?*

Resp. Communiter enumerantur septem: *Officiarius, Lectoratus, Exorcistatus, Acolytatus, Subdiaconatus, Diaconatus, & Presbyteratus.* Primi quatuor Minores appellantur; eo quod Clerici illis ordinati, non assistant immediate Altari, nec immediate inserviant Sacerdoti solemniter celebranti. Alii tres dicuntur Majores, quia proxime ad Altaris officium concurrunt. Qui etiam Sacri appellantur, quia cum voto castitatis, quo quis Deo sacratur, sunt connexi.

3 *Dixi communiter septem*, quia non defunt, asserentes esse novem; nam alii resolvunt Episcopatum esse Ordinem, à cæteris distinctum, ut optime probat Poncius *Theol. disp. 48. qu. 1. conc. 4. nu. 4.* Canonistæ verò statuunt, etiam Primam Tonfuram inter Ordines, ut probat Fagnan. in 1. ad cap. cum contingit de estat. & qualitat. num. 44. Sed hoc ad nos non spectat in examen vocare. Et præscindendo ab ea difficultate: dicimus Primam Tonfuram esse præparationem, & dispositionem ad Ordines suscipiendos, collig. ex Trid. cit.

4 *Queritur, quinam sint effectus Sacramenti Ordinis?*

Resp. Sunt. I. Gratiam habitualement, vel ejus augmentum conferre cum auxiliis, quibus ordinatus præmunitur, ut digne, & convenienter exequatur munus Ordinis recepti. II. Characterem imprimere: quod est quoddam signum spirituale, indelebile, anima inherens, per quod homo deputatur ad tale munus exercendum. Nota, quod, si suscipiens Ordinem sit in mortali, tunc gratiæ augmentum non recipit, bene verò characterem, si habeat intentionem, ad minus virtualem, recipiendi Ordinem. Si verò in gratia sit constitutus, recipit per Ordinem, cum characterem gratiæ augmentum.

5 *Queritur, quas obligationes contrahit, qui ad majores Ordines promovetur?*

Resp. I. Obligationem servandæ castitatem ex voto solemnium, quod in susceptione talium Ordinum implicitè emittitur, ut diximus *lib. 3. cap. 4. nu. 63.* II. Obligationem recitandi divinum officium. III. Obligationem deferendi habitum, & Tonsuram.

6 *Queritur, quibus privilegiis Ordinatus gaudeat?*

Resp. Privilegio fori, & Canonis: etiam si quis sit purè Tonsuratus. Privilegium fori in eo stat, ut Clericus conveniri non possit (etiam ipso consentiente: quia Privilegium fori est latum in favorem totius status Clericalis, cui quis non potest renunciare) pro delicto ad forum seculare, & coram Judice Laico, sed ad Ecclesiasticum, & coram Ecclesiastico. Privilegium verò Canonis in eo consistit, ut, si quis Clericum, suadente Diabolo, percutiat, sit excommunicatus *cap. si quis suadente 17. qu. 4.* juxta dicta *lib. 1. cap. 33. num. 18.* Insuper Ordinatus reditur capax Ecclesiastici beneficii.

7 *Queritur, an bona fide ordinatus putans esse baptizatum, cum non sit, characterem recipiat, & valide ordinetur?*

Resp. Negative, quia baptismus fluminis ex jure divino est janua omnium Sacramentorum *cap. veniens de Presbytero non baptizato.* Et c. si quis eodem tit. disponitur: quod si quis Presbyter ordinatus deprehenderit se non esse baptizatum, baptizetur, & iterum ordinetur, & Sac. Cong. Conc. apud Fagn. in 1. ad c. ne in iustis, de const. nu. 187. ad dubium: an constitutus in Minoribus Ordinibus de baptismo dubitans, iterum baptizatus sub hac conditione, si baptizatus es, non te baptizo, in Ordinibus prius susceptis ministrare, aut ab integro ordinari debeatur? censuit debere ei iterum ordines conferri ex cap. Veniens de Presbytero non baptiz. sed sub conditione, si non erat baptizatus, quando primum eidem illi col-

lati fuerunt. Nec tunc intelligitur Ordo iteratus: quia non intelligitur iteratum, quod ambigitur esse factum: nec malè de Religione sentitur, cum illud, non Religionis contemptus, sed articulus necessitatis excludit, cit. cap. veniens. Quare licet baptizatus baptismo fluminis, & Sanguinis salvari possit, tamen non potest valde ordinari, si non sit baptizatus baptismo fluminis, nec aliud Sacramentum recipere, cum baptismus sit fundamentum omnium Sacramentorum juxta citata jura.

8 *Quæritur, an suscipiens ordinem aliquem, non prius suscepta Confirmatione, sit licitè promotus, & possit ad alios ascendere?*

Resp. Negative, Quod Confirmatio ad Ordines præsupponatur, habetur ex Trid. sess. 23. cap. 4. de res. ubi: *Prima Tonsura non initientur, qui Sacramentum Confirmationis non suscepserint*: refert. Fagnan. in 1. ad cap. cum contingat de etat. & qual. ordinan. nu. 96. Aliàs Sac. Cong. Conc. declarasse *Prima Tonsura initiatum, non suscepto Cbrismate, ac postea ad minores Ordines, eo suscepto, esse malè promotum: beneficia minus legitimè acquisivisse; & non posse ad Sacros Ordines ascendere, nisi prævia Sedis Apostolicæ dispensatione*. Stylus Sacræ Pænitentiarie est dispensare cum sic promotis.

9 *Quæritur, quinam censentur Ordines exercere ex officio?*

Resp. Omnes, qui eos exercent ex vi ordinis, quem habent; unde cum Acolytus, v.g. in defectum Subdiaconi cantat Epistolam in Missa ex commissione Superioris, non dicitur ministrare Sacerdoti in officio Subdiaconatus ex officio, nec tunc incurrit irregularitatem, quam incurreret, si scilicet ipsi solemniter ministraret, hoc est, cum vestibustali Ordini deputatis.

10 Unde observa, quod irregularitas in ministerio ordinum tunc incurritur. I. Cum Clericus excommunicatus, sus-

pensus, vel interdictus ministrat in ordine, quem habet *tit. de Cleric. excom. &c. II.* Cum solemniter ministrat in ordine, quem non habet (dicitur solemniter ministrare, quando utitur cæemoniis, & vestibustali ordini deputatis, & propriis) III. Cum ministrat in pertinentibus ad Ordinem, quem non habet, vel exercet actum propriè, & specialiter uni Ordini deputatum, ita quod exerceri non possit, nisi ab habente eum Ordinem, *cap. si quis de Cleric. non ordinat.*

11 Unde irregularis est Diaconus, si sine licentia Parochi solemniter baptizet, ut diximus *cap. 2. num. 13.* Si Aquam Sanctam benedicat, quia Benedictio Aquæ est actus ordini Sacerdotali deputatus, *cap. Aquam Sale dist. 3. de consecrat. ubi: Sacerdotibus mandatur, ut Aquam benedicant*; potest tamen ignorantia, & simplicitas, quæ non sit affectata, excusare. Quaranta *sum. ver. Ordo vers. Quibus, &c.*

12 *Quæritur, an omnes Ordines, tam Minores, quàm Majores sint Sacramenta?*

Resp. Affirmativè; nam singuli sunt signum sensibile, & constant diversa materia, & forma, ut ex dicendis constabit.

Dices, ergo Sacramenta novæ legis sunt plura, quàm septem, contra Trid. nam, facta computatione, tredecim forent.

Resp. Negando consequentiam; nam distinctio Ordinum est accipienda secundam relationem ad Eucharistiam: quia potestas Ordinis, aut est ad consecrationem Eucharistiæ, aut ad aliquod ministerium, ordinatum ad ipsam, ergo quamvis quilibet sit Sacramentum, tamen non sunt plura Sacramenta, sed unum unitate aggregationis, & ordinis ad eundem finem.

13 *Quæritur, quanam sit materia Sacramenti Ordinis?*

Resp. Remota, est instrumentum, quod ordinatis tangendum traditur, proxima verò est traditio, & acceptatio talis instru-

instrumenti. Materia debet physicè tangi, & non sufficit contactus moralis, quo quis, v.gr. manum extendat, & appropinquet instrumento, & non tangat illud.

14 *Quæritur, quanam sit forma?*

Resp. Sunt verba prolata ab Episcopo in traditione instrumenti: quæ prolatio, & traditio debent esse simul, non tantum similitate morali, sed etiam physica, juxta dicta *lib. 2. cap. 1.* Quia in Sacramentis conferendis est sequenda opinio tutior; qualis sine dubio est illa asserens eas simul physicè esse debere.

Descendendo itaque ad assignandam materiam singulorum, dicimus: materia remota Ostiarius, sunt Claves Ecclesiæ. Lectoratus, est liber continens sacras lectiones, hoc est, Epistolas, & Prophetias. Exorcistatus, est liber Exorcismorum. Acolytatus, duplex est, candelabrum cum cereo extincto, & Urceoli vacui. Proxima verò eorum, est traditio, & acceptatio materię remotæ.

Subdiaconatus item duplex: remota, Calix vacuus cum patena vacua superposita: Florent. in decret. *Eugenii*, & liber Epistolarum. Diaconatus, item duplex: remota: Liber Evangeliorum, & impositio manuum super caput Ordinandi. Sacerdotii, item duplex: remota, Calix cum vino, & Patena cum hostia: altera est impositio manuum, facta per ipsum Episcopum. Proxima tandem ipsorum, est præactorum traditio, & acceptatio.

15 Nota, Sacerdotem in ordinatione recipere duplicem potestatem; primam, consecrandi panem, & vinum in Corpus, & Sanguinem Christi: secundam, absolvendi à peccatis, quæ potestates sunt inter se distinctæ, & secunda præsupponit primam; potestque contingere, ut ordinatus habeat primam, & non secundam: ut, si, illa recepta, Episcopus deficeret, & tunc ordinato ab alio Episcopo deberet secunda conferri.

16 Item, quòd ordinati extra tem-

pora ab jure statuta sunt suspensi. Trident. *sess. 23. cap. 8. de ref.* nisi sint privilegiati, quinam isti sint, dixi *Offic. Cur. tom. 2. cap. 13. num. 4.*

17 Item, quòd sunt servanda interstitia ex eodem *cap. 11.* Quilibet etiam debet à proprio Episcopo ordinari, ibid. Trident. *cap. 8.*

18 Regulares debent ordinari ab Episcopo Diocesano, hoc est, illius Monasterii, in quo ordinandus fuerit à Superioribus positus de familia: quòd si Diocesanus abfuerit, vel non esset habiturus ordinationes, posset Superior suo subito dimissorias concedere ad quemcumque alium Episcopum. In quibus deberet exprimere, quòd proprius Episcopus vel est absens, vel ordinationes non habet. Nec debent Superiores ex industria concessionem dimissoriarum differre in id temporis, in quo Episcopus Diocesanus, vel abfuturus, vel non esset habiturus ordinationes, vel, dum Sedes vacaret. Et in contrarium operantes, incurrunt pœnas privationis vocis activæ, & passivæ, officii, & dignitatis, ac administrationis, Sum. Pontifici reservatas, prout disposuit Sac. Cong. Conc. *sub die 15. Martii 1596. Et Sac. Cong. Episc. in una Regul. Observanti, ut in eiusdem regest. sub 11. Junii 1638.* Vide *cit. cap. Off. Cur.*

19 Ætas præscripta in ordinibus suscipiendis habetur ex Trident. *cit. cap. 12.* ubi: nullus in posterum ad Subdiaconatus ordinem ante 22. ad Diaconatum ante 23. ad Presbyteratum ante 25. aetatis sue annum promoveatur. Nota illud ante, significare annum debere esse completum: quare quævis pars, quæ ei deficeret, etiamsi foret unica hora, operaretur, ut de eo diceretur promotus ante; nam ante 22. semper quis est, donec compleat. 21. & attingat ipsum 22. Alia vide apud Autores.

CAPUT VIII.

Matrimonium.

DE Matrimonio, quod ante peccatum fuit institutum ad humani generis propagationem, & post peccatum ordinatum, etiam in infirmitatis remedium, *cap. quidquid 33. qu. 2.* & in statu legis Evangelicæ à Christo Domino institutum in ratione Sacramenti, ex *Trid. sess. 24. de matrim. cap. 1.* plura distinctis §. dicenda occurrunt.

§. I.

De natura matrimonii, forma, materia, & Ministro.

I Septimum Sacramentum est matrimonium, ut ex alleg. Florent. in *decr. Eugēhii*, & Tridentino *sess. 7. can. 1.* & *sess. cit.* Est indissolubile. Clara sunt testimonia Scripturæ, & Conciliorum definitiones. Florent. *ibid.* dixit: *quomvis autem ex causa fornicationis liceat thori separationem facere, non tamen aliud matrimonium contrahere fas est, cum matrimonii vinculum legitime contracti perpetuum sit*; & *Trid. can. 5.* *Si quis dixerit, propter heresim, aut molestam cohabitationem, aut affectatam absentiam à coniuge, dissolvi posse matrimonii vinculum. Anathema sit.*

2 Potest Matrimonium considerari in ratione contractus civilis, & naturalis, & in ratione Sacramenti. Ut contractus est, definitur: *est contractus, quo vir, & foemina ita ligantur indissolubiliter inter se, ut, durante vitâ, possint absque culpa uti se invicem in ordine ad procreationem prolis, nisi superveniat legitimum impedimentum.* Ut Sacramentum verò: *est contractus viri, & mulieris conferens ex opere operato gratiam sanctificantem, & alias gratias*

actuales in ordine ad ferendam benedictionem matrimonii, & prolem educandam.

3 Nota, quod matrimonium omne, contractum inter fideles est Sacramentum; hinc, si aliquis ex sua malitia nolit inire ipsum ut Sacramentum, contractus invalidaretur, quia, supposita institutione istius contractus in esse Sacramenti, non apparet esse in manu contrahentium separare contractum validum ab illa ratione; quare, si sub ratione Sacramenti nōlet contractum celebrare, invalidus esset contractus.

4 Queritur, *quam sit materia, & forma matrimonii?*

Resp. Materia remota, sunt ipsa corpora contrahentium, si sint libera à quocumque impedimento dirimente; nam, si aliquo afficerentur, essent materia inepta: proxima verò est mutua corporum traditio. Forma est mutua eorundem acceptatio, aliquo signo exteriori, & sensibili coram Parocho, & testibus manifestata. Acceptatio dicitur habere rationem formæ, quia determinat illam traditionem corporum, ut contrahentes eis non possint uti, nisi juxta leges contractus matrimonialis.

5 Queritur, *quid sit Minister Sacramenti matrimonii?*

Resp. Quamvis aliqui juxta distinctionem matrimonii in ratione contractus, & Sacramenti dixerint, sub prima ratione ipsos contrahentes esse Ministros, & sub secunda esse Parochum: ut *Duhamel Theol. Cleric. to. 3. tr. 6. differt. 2. cap. ult.* statuens pro forma, verba, quæ Sacerdos profert: *eg vos conjungo in Matrimonium, in nomine Patris, & Filii, & Spiritus Sancti*: ut in *Trid. sess. cit. cap. 2. de ref. matrim.* Nihilominus non est à communi recedendum: & cum ea asserendum est, Ministros matrimonii absolute esse ipsos contrahentes, dum sibi invicem materiam, & formam ministrant, per traditionem, & mutuum corporum acceptationem. Qui propterea esse debent in gratia, ut Sacramentum digne

dignè conficiant, & recipiant. Quod est conforme Florentino loco alleg. dum inquit: *causam efficientem matrimonii esse consensum ipsum, scilicet, demonstratum mutuo, & receptum*. Et sequitur, ex quo ipsa matrimonia clandestina ante Trid. fuerunt valida, & non fiebant præsente Parocho, vel Sacerdote, ergo Parochus non est Minister: aliàs semper fuisset necessarius.

6 Quare Parochus ut testis præcipuus, publicus, & magnæ authoritatis requiritur; per cuius præsentiam Concilium intendit clandestinitatem impedire. Quia verba, non ut minister, profert, nec, ut Sacramentum conficiat. Fagnan. *in 4. ad cap. quod nobis de clandest. desponsat. num. 52.* Quod valeret, etiam si ea non proficeret, Piassec. *prax. p. 2. cap. 4. art. 4. nu. 17.*

7 Queritur, an copula carnalis sit de essentia matrimonii?

Resp. Negativè; nam natura matrimonii consistit in mutuo iure, live in potestate mutua, quam propter mutuam corporis traditionem, utque conjux habet in corpus alterius, ita ut unus debeat alteri usum sui corporis concedere, & omni alteri negare, juxta *text. Apost. 1. ad Corin. b. 7. Mulier sui corporis potestatem non habet, sed vir: similiter autem & vir sui corporis potestatem non habet, sed mulier*. Unde, quamvis illa mutua potestas videatur ad copulam carnalem ordinari, tamen, nec copula carnalis, nec consensus in eam, ad matrimonii essentiam pertinet. Quod probatur juxta commune axioma juris Canonici, quod *usus ab ipso dominio separatur*, ergo potest quis habere dominium in corpus alterius, & eo non uti. Copula solum exigitur ad matrimonium consummatum, non verò ad ratum, ad quod sufficit, ut celebretur coram Parocho, & testibus.

8 Est certum, ut matrimonium sit validum, requiri contrahentium consensum, mutuum, & manifestum; nam

nullus contractus sine contrahentium mutuo consensu subsistit, *ex cap. unico 30. qu. 2. & ibi: ubi non est consensus utriusque, non est conjugium*. Qui, si non manifestetur, ignoratur, an contractus sit celebratus, modò.

9 Queritur, an consensus sub conditione sufficiat ad matrimonium?

Resp. Omnes conveniunt, quod consensus absolutus contrahentium ad valorem matrimonii sufficit: de conditionato variant. Theologi negant. Canonistæ affirmant. Verum duplici modo potest consensus dari sub conditione. 1. per verba de præsentibus, ut, *accipio te in uxorem, si Pater tuus consentiet*; & per verba de futuro, ut *accipiam te, si Pater tuus consentiet*; matrimonium primo modo contractum valere, purificata conditione, etiam si novus consensus non intercedat, docent DD. & Fagnan. *in 4. ad cap. super eo de conditionibus apposit. num. 2.* Ratio est, quia ceteri contractus conditionales, purificatis conditionibus, perficiuntur, ergo & iste matrimonialis; & *num. 4. & 6.* refert id in terminis fuisse decisum à S. C. Conc. semel sub B. Pio V. & iterum sub Clemente VIII. Maxime, quia, ut notat Illung. *Theol. moral. tract. 2. disp. 9. q. 2. ar. 3. §. 1. num. 46.* sensus illius primæ propositionis est: *nunc accipio te in meam pro tempore futuro, si Pater tuus consentiet*. Consequenter jam vult actualem obligationem, non quidem ponendam pro tempore præsentibus, sed ponendam tempore futuro, & conditione impleta. Verum talis contractus sub ea conditione deberet esse celebratus coram Parocho, & duobus testibus: aliàs non servaretur forma, & dispositio Trid. *cit. cap.* ubi irritos declarat contractus matrimoniales, aliter celebratos.

Illud verò contractum secundo modo, non valet: quia per consensum de futuro, non matrimonium, sed sponsalia constituuntur.

10 Queritur, Petrus contraxit ma-

trimonium coram Parocho per vim adhibito, eoque invito, credens matrimonium esse nullum, aliam duxit, petitur, quid Confessario agendum?

Relp. Non potest eum absolvere, nisi secundam dimittat, & ad primam redeat; nam primum matrimonium est validum, & secundum nullum. Refert Fagnan. in 1. ad cap. Quoniam de const. num. 25. fuisse à Sac. Cong. Conc. declaratum esse validum matrimonium, contractum coram Parocho, etiam invito, & per vim adhibito; quamquam nihil eorum, quæ agebantur, vidit, & intellexit, si affectavit non intelligere: ut in Parocho, qui sibi aures obturaverat: etiam si ex alia causa vocatus, adhibitus tamen ad illum actum. Item, coram Parocho, tam viri, quam mulieris, etiam in aliena Parochia: immò, et si Episcopus illi matrimonium interdixit. Hæc Fagnan. ibid. Et in 4. ad cap. litera quas, de matrim. contract. contr. interd. Eccles. nu. 26: tradit S.C. respondisse valere matrimonium contractum, etiam coram Parocho denunciato excommunicato; ratio est, quia semper videtur satisfactum verbis Trid. cap. 1. cit. hoc est, quod matrimonium fuerit celebratum in præsentia Parochi, & servata forma ab eodem Concilio statuta: modò Parochus non sit privatus Cura.

11 *Queritur, Franciscus contrahit Matrimonium cum Catharina coram Parocho, & testibus, Parocho contradicente, petitur, an valide?*

Relp. Affirmativè, ex Fagnan. in 4. ad cit. cap. litera quas: ubi n. 14. refert, quod Sacra Congregatio censuit validum esse Matrimonium contractum, præsentia Parocho, non obstante ejus contradictione, & protestatione, nisi aliud obstat.

12 *Queritur, Parochus laborans morbo, non adeo gravi, concedit licentiam Cappellano exercendi concernentia Cura officium, petitur, an sit validum matrimonium coram Cappellano celebratum?*

Relp. Affirmativè, Idem Fagnan. in 4. ad cap. quod nobis de Clandest. despons. n. 32. tradit, quod Sac. Congregat. die 12. Junii 1581. censuit esse validè contractum, præsupposita licentia, seu commissione generali administrandi omnia Sacramenta. Et licet aliàs declaraverit requiri licentiam specialem, & expressam: tamen id intelligit in quodam Canonico, cui tacite permissa erat administratio Sacramentorum in Ecclesia Cathedrali, sciente, & patiente Ordinario. Quare licentia, quæ ex tolerantia resultat, non sufficit; sed necessaria est, vel commissio generalis administrandi omnia Sacramenta, vel, si hæc non addit, specialis, & expressa licentia, ut ibid. ex eodem. Nec fat est rati habirio sequens: quia, quæ sunt de forma actus, non possunt per æquipollens impleri. Engcl. Jur. Can. lib. 4. tit. 3. num. 15.

13 *Queritur, quinam Parochus requiratur, an viri, vel mulieris?*

Relp. Alteruter sufficit, super quo habetur ejusdem Sacre Congregationis decisio apud alleg. l. cit. n. 33. quæ ad dubium, an valeret Matrimonium N. celebratum cum Berta (cujus domus erat in alia Parochia) in præsentia Parochi viri, & non ipsius Berta, censuit Matrimonium valere, & sufficere Parochum viri, etiam in Parochia mulieris. Tum quia, Concilium nil de loco expressit. Tum quia, videtur Concilium voluisse præsentiam Parochi, & testium ad tollendam solam clandestinitatem; ad quod sufficit unus Parochus, sive viri, sive mulieris. Quam Congregationis sententiam refert fuisse à Summo Pontifice approbatam; & juxta eam debere in futurum respondere nulla habita ratione alterius decisionis editæ die 15. Decembr. 1574. in qua fuit dictum, quod, dum Matrimonium contrahitur in Parochia viri, ejusdem Parochi præsentia erat necessaria: dum verò in illa mulieris, hujus Parochiæ debebat assistere, vel de hujus, aut Ordinarii licentia ille viri.

14 Quæritur, *an matrimonia à Filiis familias sine consensu Parentum contracta sint valida?*

Resp. Affirmativè, ex Trid. cap. 1. sæpius allegato, ubi anathemate damnat eos; qui falsò affirmant, matrimonia à Filiis familias sine Parentum consensu celebrata, esse irrita, & Parentes ea rata, vel irrita facere posse.

§. II.

De impedimentis Matrimonii.

15 **I**mpedimenta Matrimonii alia sunt, quæ impediunt utique, ne Matrimonium licitè contrahatur, at, ubi contractum est, illud non irritant, aut dirimunt; & hæc dicuntur impedimenta impendentia tantum: quæ sequentibus continentur.

Ecclesie vetitum, tempus feriatum.

Atque Cathechismus, sponsalia, iungit votum.

Impediunt fieri, permittunt facta teneri.

16 Et alia, quæ, non modò Matrimonium contrahendum impediunt, sed etiam, cum illis postea contractum, dirimunt: quæ vocantur impedimenta dirimentia: hisque solent exprimi versibus.

Error, conditio, votum, cognatio, crimen,

Cultus disparitas, vis, ordo, ligamen, honestas.

Si sis affinis, si fortè coire nequibis.

Post Trid. cap. 1. de refor. Matrim. est adjectum, illud defectus præsentis Parochi, & duorum testium; & cap. 6. raptus.

Si Parochi, & duplicis desit præsentia testis.

Raptæ sit Mulier, nec parti redacta tuta.

§. III.

De impedimentis merè impredientibus.

17 **P**er Ecclesie vetitum, intelligitur prohibitio, saltem ad tempus, quæ Pontifex, Episcopus, vel etiam Parochus, Matrimonium iustis de causis, sub peccato ad vitandas rixas, scandalum, &c. celebrari vetat.

18 *Tempus feriatum*, significat prohibitionem, quæ Ecclesia vetat, ne certis quibusdam temporibus solemnitates Matrimonii celebrentur. Trid. sess. cit. cap. 10. ubi: *Ab Adventu Domini Nostri Iesu Christi usque in diem Epiphaniæ: & à feria quarta Cinerum usque ad octavam Paschatis inclusivè: antiquas solemnium nuptiarum prohibitiones diligenter ab omnibus observari.* Synodus præcipit.

19 *Cathechismus*, indicat impedimentum, quod contrahitur, ex quo quis loco baptizati respondeat ad interrogationes, quæ regulariter fiunt in collatione baptismi solemniter. Verùm hoc impedimentum, asseritur à Doctoribus esse à Trident. sublatum, sed vide dicta supra cap. 2. num. 8.

20 *Sponsalia, sunt mutua, voluntaria, & libera promissio futuri Matrimonii.* Cæterùm, dum Petrus promittit ducere Bertam, hæc non modò debet acceptare, & gratias agere, verùm etiam debet Petro repromittere, ut sponsalia inter ipsos sint. Et tunc promissio est onerosa, *facio, ut facias*. Sponsalia ex jure naturali habent vim obligandi; nam, qui promittit, jus præbet alteri exigendi, quod ille promissit. Nec solum obligant ex fidelitate, qua fit id, quod dicitur, sed ex eis nascitur etiam obligatio ex iustitia, sicut in cæteris contractibus onerosis; quare, qui, celebratis sponsalibus cum una, aliam ducit, mortaliter peccat, quia non implet promissionem validam, alteri factam, cum gravi ipsius

ipſius injuria, lædendo juſ, quod ipſa habet ad contrahendum Matrimoniale.

21 Sed quæritur, *Petrus celebravit Sponſalia non jurata cum Berta, deinde juravit Francisca ſe ipſam ducturum, petitur, an Bertam, vel Franciscam debeat ducere?*

Reſp. Bertam; nam ſecunda ſponſalia per prima impediuntur, & ſunt nulla *cap. unic. de Sponſalibus in 6.* nec juramentum hoc caſu obligat, cum cadat ſupra rem malam, quæ ſine peccato, & gravi injuria Bertæ, cui primò ſincerè, & liberè Petrus promiſit, impleri non poteſt. Juramentum enim non eſt vinculum iniquitatis 22. *quæſt. 4. cap. inter cætera.* Nec eſt obligatorium contra bonos mores *Regul. 8. jur. in 6.* & ſic jurans mortaliter peccat.

22 Sponſalia cum cauſa ſolvi poſſunt: Cauſæ autem hiſ verſibus continentur.

Diſſenſus, crimen, fuga, tempus, & ordo, ſecunda.

Morbus, & affinis, vox publica, cumque reclamatur.

I. *Diſſenſus*, cum uterque ſponſalia vult ſolvere.

II. *Crimen*, & maxime, quod ſponſalia ſubſequitur; immò & quæ præceſſit fornicatio; præſertim in ſemina, quæ ignorata fuit; ſicut graviora crimina, quæ notabilem ſtatus mutationem afferunt.

III. *Fuga*, aut diſceſſus unius in remotam Regionem ſine alterius licentia.

IV. *Tempus*, cum tempus definitum præterit.

V. *Ordo Sacer*, & ingreſſus in Religionem; immò & votum ſimplex caſtita- tis: quia vinculum voti eſt fortiùs, incompoſſibile cum illo ſponſalium.

VI. *Secunda*, nempe Matrimonium cum altera contractum.

VII. *Morbus*, qui ante latebat; aut ſupervenit, ſi grave incommodum habeat adjunctum: ut lepra, morbus Gallicus, &c.

VIII. *Affinitas*, item ſuperveniens,

ut ſi ſponſus cognoſcat conſanguineam deſponſatæ.

IX. *Vox publica*, ſi fama ſit publica aliquod intercedere impedimentum dirimens, nec poſſit fama tolli.

X. *Cumque reclamatur*, ſi ſponſus, aut Sponſa poſt pubertatem reclamet, dum impuberes ſunt deſponſati.

23 Votum ſimplex caſtita- tis, vel ingrediendi Religionem, vel non nubendi, aut ſuſcipiendi ordines, *cap. rurfus, qui Cler. vel vow.* Qui, tali voto præmiſſo, Matrimonium contrahit, illicitè operatur, & peccat mortaliter.

Sed nota, quòd, qui cum voto non nubendi, poſtea nubit, peccat nubendo, ſed ad nil ampliùs, poſtea tenetur. Si quis caſtita- tem vovit, peccat, etiam poſtea conſummando Matrimonium, nec poteſt petere, & mortua Uxor tenetur caſtita- tem ſervare. Idem dicitur de eo, qui vovit Religionem ingredi: qui poſt Matrimonium ratum, ante conſum- mationem poteſt, & debet Religionem ingredi, & reddere Altiffimo, quod promiſit; & dum tunc omittit, poſt Uxor- is mortem tenetur ad Religionis ingreſſum, dum aptus ſit. DD. communiter.

§. IV.

Impedimentum Erroris.

24 **E**RROR, alius eſt perſonæ, alius fortunæ, alius conditionis, alius qualitatis. Error perſonæ, eſt, quando hic putatur eſſe Virgilius, & eſt Plato. Error fortunæ, quando hic putatur eſſe dives, & non eſt. Error conditionis, quando putatur liber, qui eſt ſervus: de quo infra. Error qualitatis, quando putatur eſſe bonus, qui eſt malus.

Error fortunæ, & qualitatis conſen- ſum non excludit. Sic, qui emit vineam, putans eſſe uberrimam, cum non ſit, contractum non poteſt reſcindere, quia abſolutè in ſubſtantiam conſentit.

Error

Error verò personæ consensum excludit, per mox dicenda.

25 Quæritur, *Petrus contrahit cum Berta, quam putat esse Liam, quam vellet ducere, petitur, an valide?*

Resp. Negativè, quia error est circa personam. Nam Petrus non intendit consentire in contractu nisi cum Lia. Ratio est manifesta: quia consensus est voluntatis. Petrus autem non consentit in Bertam, sed in Liam, quam putabat esse. Ideò, cum alia persona supponitur, contractus est nullus. Non aliter, atque emptio auri, nulla, & invalida futura esset, si pro auro substitueretur aurichalcum. Nam emens non consentit in aurichalcum, sed in aurum, quod putabat esse, *cap. Quod autem 29 q. 1.*

26 Sed quæritur, *cur error circa personam Matrimonium annullat, non verò qualitatis?*

Resp. Quia consensus Matrimonii versatur circa personam, non verò circa qualitates illius: objectum enim per se Matrimonii, est substantia corporis, seu personæ, quæ potestatem sui corporis tradit alteri, in cuius corpus & ipsa potestatem recipit. Qualitates autem non sunt objectum per se Matrimonii, sed solum motiva, quibus inducti coniuges libentius consensum suum præbent. Ex quarum defectu consensus absolutus non redditur simpliciter involuntarius, sed solum minuitur affectus, & vehemens desiderium ducendi talem. Verum si apponatur qualitas per modum conditionis, ut: *duco te, si es dives, si es virgo, si es filius regis, &c.* Si virgo, dives, vel Filius regis, non sis, tunc Matrimonium est nullum ex defectu consensus, quia consensus non fuit absolutus, sed conditionatus. Ex Fagnan. *in 4. cap. Si conditiones de condit. appof.*

27 Quæritur, *Petrus videns duas sorores, primam veste alba, & secundam rubra indutam, intendit ducere eam, veste alba vestitam, & ita con-*

venit cum ejusdem Patre: qui, dum est celebrandus contractus, sustulit alteram, induendo eam veste alba: petitur, an validum sit Matrimonium?

Resp. Negativè, quia qualitas illa, in qua errat, stante circumstantia, qua Petrus videns duas, eligit unam, per eam qualitatem designatam, est veluti individualis determinatio personæ, & idè error in illa refunditur in identitatem personæ, circa quam deceptus non consentit.

Quare, quoties quis consentit in personam præsentem, quamvis in qualitate erraret, & hæc non reputetur determinatio personæ, semper matrimonium est validum: & nullum, dum error qualitatis redundat in substantiam personæ, adeò ut illa non sit, cum qua intendebatur contractus celebrari.

§. V.

Impedimentum conditionis.

29 **I**mpedimentum conditionis, est ignorantia disparitatis conditionis, quatenus liber, putans ducere liberam, reverà contrahit cum serva legali, vel mancipio: hæc ignorantia dirimit matrimonium, patet ex *capit. ad nostram de conjug. serv.* Verum, si quis noverit esse servam, & adhuc velit ducere, matrimonium valebit; cum in hoc casu inæqualitas conditionis sit cognita, & volita, & nulla fiat ei injuria, ratione cujus Ecclesia hoc impedimentum apposuit, ut contractus sit justus, habens æqualitatem corporum, se mutuo obligantium; immò, ut docet *Conson. Theol. ment. lib. 11. p. 4. disert. 4. cap. 2. speculat. 1.* error conditionis non irritat matrimonium, si errans sit æqualis, vel inferioris conditionis cum serva.

28 Sed quid, *si servus contrahat cum serva, quam putat esse liberam?*

Resp. Matrimonium valet; nam *in cap. Si quis liber, & c. Si ingenuus 29 q. 1.* sem-

semper est sermo de matrimonio inter liberum, & ancillam: & sic communiter intelligitur; nam jura intendunt tollere injuriam alterius, sic contrahentium, sed in casu ambo sunt ejusdem conditionis, & sic nulli fit injuria, Joan. De la Cruz de matrimonio.

§. VI.

Impedimentum voti.

31 **V**otum castitatis duplex, solumne, & simplex. Simplex matrimonium impedit: cum matrimonium hujus voti observantia repugnet: at matrimonium contractum non dirimit. Ratio est, quia votum simplex, est simplex promissio proprii corporis, obligans, utique ad continentiam, sed non transfert dominium corporis in eum, cui promittitur: ideo, si sententiam vovens mutet, & alteri concedat, peccat quidem, sed contractus tenet.

32 Votum verò solumne matrimonium dirimit; ratio est, quia, qui votum solumne emittit, non solum corpus suum, sive corporis dominium Deo promittit, sed etiam, acceptante Ecclesia, actu ipsum tradit, & in eum transfert. Quare, qui votum solumne emiserunt, non possunt postea matrimonium contrahere, quia non habent dominium sui corporis, vi cujus possint alteri conjugii in ipsum potestatem tradere.

33 Votum, per solumnem Religionis professionem factum, matrimonium ratum quidem, se nondum consummatum, dirimit ex Trid. cit. can. 6. ubi: *si quis dixerit matrimonium ratum, non consummatum, per solumnem Religionis professionem alterius conjugis non dirimi. Anathema sit.* Jura, & Canones unicuique conjugi post contractum matrimonium, concedunt duos menses ad deliberandum de Religionis ingressu: quo tempore potest unus alteri sine peccato debitum denegare: *cap. ex publico de convec. conjug.*

34 Verum, matrimonium consummatum, etiam intra bimestre, non dissolvitur per subsequentem professionem Religionis: unde post consummationem neuter conjugum potest valide Religionem profiteri: nisi uterque Religionem ingrediatur. Sed in casu particulari crederem esse recurrendum ad S. Pœnitentiariam pro facultate transitus.

35 Item, votum solumne castitatis, emissum in valida professione Religionis, à S. Sede approbatæ, subsequens matrimonium dirimit, etiam consummatum. Trid. cit. can. 9.

36 Idem, dicitur de voto simplici castitatis, quod peracto biennio emittunt PP. Societatis, ut decrevit Greg. XIII.

§. VII.

Impedimentum cognationis.

37 **C**ognatio triplex est, naturalis, legalis, & spiritalis.

Naturalis, quæ dicitur, etiam consanguinitas, definitur: *est attinentia personarum, ex eo proveniens, quod una descendat ab altera, vel amba ab eadem:* scilicet, *vinculum personarum ab eodem stipite descendantium, carnali propagatione contractum;* scilicet, *conjunctio aliquorum, ex eo, quod descendant ab aliquo uno parente per carnalem propagationem.*

38 Legalis, est propinquitas personarum ex adoptione consurgens. Adoptio autem legitima, est assumptio extranea persona in filium, nepotem, filiam, &c.

39 Spiritalis, est propinquitas personarum iure canonico inducenda, consurgens ex eo, quod cooperentur ad confirmationis, vel baptismi collationem, aut susceptionem. Et per Trid. sess. cit. cap. 2. reperitur. I. inter baptizatum, & baptizantem. II. inter baptizantem, Patrem, & Matrem baptizati. III. inter baptizatum, & susceptorum,

torem, Patrinum, & Matrinam. IV. inter Patrem, & Matrem baptizati, & Patrilinos. Inter susceptores ad se invicem non habetur: per dicta *lib. 2. cap. 7.*

4 Legalis itaque dirimit matrimonium. I. inter uxorem adoptantis, & adoptatum, ac descendentes ab adoptato usque ad 4. gradum.

II. Inter uxorem adoptati, & adoptantem III. Inter filios adoptantis, & adoptati; patet *cap. unic. extra de cognat. legali.* Ubi notant DD. quòd, soluta adoptione per emancipationem adoptati à potestate adoptantis, potest adoptatus cum filia adoptantis valide matrimonium contrahere. Contenson *citat.*

40 Naturalis dirimit matrimonium usque ad 4. gradum, *cap. debet de consang.* ubi habetur: *quod prohibitio copule conjugalìs quartum consanguinitatis gradum non excedit.*

Ad hujus notitiam considera istos terminos: *Stipes, Gradus, & Linea.*

41 Stipes est persona illa, à qua descendunt, qui consanguinitate sunt conjuncti: seu, in ordine ad quam mensuratur consanguinitas. Dicitur stipes, quia est radix, & fons, unde consanguinei habent originem.

42 Gradus consanguinitatis est habitudo distantium personarum à communi stipite, per quam cognoscitur, quanta cognationis distantia, vel attinentia sit

inter duas personas, vel, in quo gradu una alteri attineat.

43 Linea verò est ordo personarum, de quibus quæritur, ab uno, & eodem stipite descendunt. Et est duplex, *Recta, & Lateralis.* Recta illa est, secundum quam multæ personæ descendunt à stipite immediate, vel mediatè, ita ut sit una ab alia genita: ut filius à Patre, ab hujus filio, nepos, &c. Recta linea, quædam est descenduntium: & est à Patre in Filios, Nepotes, Pronepotes, & Abnepotes: & alia ascenduntium: quæ est à filiis in Patrem, Avum, Proavum, & Abavum.

44 Linea lateralis est illa, quæ intercedit inter personas, quæ ab eodem unico stipite, sive mediatè, sive immediate descendunt, sed nulla ab altera procedit: ut est illa, quæ intercedit inter descendentes à diversis Fratribus, seu Sororibus.

45 Estque duplex. 1. æqualis personarum, quæ æqualiter distant à stipite: ut Fratres, & Sorores. 2. Inæqualis personarum, quæ inæqualiter à stipite distant, ut Frater Sororis, & Sororis Filius.

46 *Regula prima pro linea recta.*

In hac linea tot sunt gradus, quot sunt personæ, de quibus quæritur, ipsi computatis, & stipite: seu, quot sunt generationes, dempto tamen ipso stipite: sit exemplum.

Pater, Clemens, Stipes.

Filius, qui vocetur, Horatius

Nepos, Annibal:

Filius Horatii.

Pronepos, Carolus:

Filius Annibalis.

Abnepos, Franciscus:

Filius Caroli.

47 In hac linea Horatius est in primo gradu conjunctus cum Clemente, quia dempto ipso stipite, qui est Clemens, una remanet persona, ipse nimirum Horatius. Annibal autem est in 2. gradu cum

dicto Clemente, quia, Clemente dempto, duæ remanent personæ, seu duæ factæ sunt generationes: nam Clemens generavit Horatium, & Horatius Annibalem, & sic de cæteris.

48 *Secunda regula pro linea laterali in distantia aequali.*

IN hac linea tot gradibus duæ personæ distant à se invicem, quot gradibus distant à communi stipite, dempto tamen in computatione ipso stipite. Hinc Ho-

ratius Frater, & Olimpia Soror, uno gradu inter se distant, quia uno gradu distant à Patre, nam una solum habetur generatio, qua Pater ipsos genuit: & ita Horatius est in primo gradu cum Olimpia, &c. Quæ supponitur Mater Victoriz: hæc Constantiz, & ista Veronicæ.

Pater, Clemens, Stipes.

Fratres	Germani.
Horatius est in primo gradu cum Olimpia.	

Fratres	Consobrini.
Annibal in secundo gradu cum Victoria.	

Consobrini	Secundò.
Carolus in tertio gradu cum Constantia.	

Consobrini	Tertiò.
Franciscus in quarto gradu cum Veronica.	

49 *Tertia regula pro linea laterali in distantia inæquali.*

IN hac, tot gradibus una persona distat ab alia, quot gradibus persona illa, quæ est à stipite remotior, distat ab eodem stipite, dempto tamen pari modo in computatione ipso stipite. Hinc prædictus Horatius distat à Victoria filia suæ Sororis Olimpiæ duobus gradibus, quia Victoria duobus gradibus distat à Clemente stipite. Cum

duæ generationes sint ab ipso Clemente ad Victoriæ; nam Clemens genuit Olimpiam, & Olimpia Victoriæ: & ideo Horatius dicitur, est in secundo gradu cum Victoriæ. Immo, quia ipse Horatius distat uno gradu à Clemente stipite, & Victoriæ duobus gradibus ab ipso stipite, ideo sic solet loqui: *Horatius, & Victoriæ sunt in primo cum secundo.* Filius autem Horatii est in secundo cum tertio, cum Filia Victoriz, quia Filia Victoriz tribus gradibus distat à stipite. Exemplum.

Pater, Clemens, Stipes.

Filius

Horatius	Filius	{	-in 1. gradu cum Olimpia, Sorore. Fil. Clementis
			-in 1. cum 2. cum Victoria, Nepote. Fil. Olimpie
			-in 1. cum 3. cū Constantia, Pronepote. Fil. Victorie
			-in 1. cum 4. cum Veronica, Abnepote. Fil. Constantie

Annibal	Filius	{	-in 2. cum primo cum Olimpia.
			-in 2. cum 2. cum Victoria.
			-in 2. cum 3. cum Constantia.
			-in 2. cum 4. cum Veronica.

Carolus	Filius	{	-in 3. cum 1. cum Olimpia.
			-in 3. cum 2. cum Victoria.
			-in 3. cum 3. cum Constantia.
			-in 3. cum 4. cum Veronica.

Franciscus	Filius	{	-in 4. cum 1. cum Olimpia.
			-in 4. cum 2. cum Victoria.
			-in 4. cum 3. cum Constantia.
			-in 4. cum 4. cum Veronica.

50 Quibusvis. Notabis omnem gradum inclusive, hodie esse impedimentum consanguinitatis, usque ad quartum dirimens matrimonium, idque non solum

solum in linea recta, sed etiam in laterali, sic communiter DD. ex Concilio Lateranensi IV. sub Innoc. III. per hæc. *Cum ergo usque ad quartum gradum prohibitio conjugalis copula sit restricta.* Ubi: Concilium loquitur indistincte, & absolute de ipsis quatuor gradibus: quæ absoluta locutio comprehendit utramque lineam.

Idque factum est, tum ob reverentiam, quæ debetur sanguine conjunctis: tum, ne consanguinei ob spem matrimonii minus caste simul cohabitent.

§. VIII.

Impedimentum criminis.

51 **C**Rimen, de quo hic, est, quando alteruter conjugum conspirat cum tertio in mortem conjugis, ut contrahat cum illo tertio matrimonio; vel, quando committit adulterium cum aliquo, & ut postea contrahat matrimonium cum ipso, interficit conjugem; vel, dum committens scienter adulterium cum aliquo, contrahit matrimonium cum eo, primo viro vivente: vel promittit contrahere, mortuo marito, & illa conditio acceptatur ab adultero. Vide dicta lib. 2. cap. 29. num. 6.

§. IX.

Impedimentum disparitatis cultus.

52 **D**isparitas cultus dirimit matrimonium inter baptizatum, & non baptizatum: non verò inter fidelem, & hæreticum, qui est baptizatus, ut communiter DD. & patet ex praxi Ecclesiæ: videmus enim à Catholicis celebrari matrimonia, inter Magnos Principes, etiam Hæreticos: quod fit ex dispensatione Papæ.

- 53 Quæritur, Turca convertitur ad fidem: uxor errores Mahometis non vult

deserere, ille petit à Confessario, an possit aliam Catholicam ducere, quid Confessario dicendum?

Resp. Solutio habetur, cap. quanto de divortii, ubi hæc sunt: *Si enim alter infidelium conjugum ad fidem Catholicam converteretur, altero, vel nullo modo, vel non sine blasphemia Divini nominis: vel, ut cum pertrahat ad mortale peccatum, ei cohabitare volente, qui relinquitur ad secunda, si voluerit, vota transibit: & hoc casu intelligimus, quod ait Apostolus. Si infidelis discedit, discedat.*

54 Sed quæritur, Turca plures habens uxores, potest ne omnes retinere?

Resp. Negative, textus expressus cap. Gaudemus cit. tit. ubi: *Scriptura Divina testatur, quod propter hoc, relinquet homo Patrem, & Matrem, & adhaerebit uxori suæ, & erunt duo in carne una: non dixit tres, vel plures, sed duo; nec dixit adhaerebit uxoribus, sed uxori; nec ulli unquam licuit in simul plures uxores habere, nisi, cui fuit divina revelatione concessum.* Ex quibus patet Polygamiam esse prohibitam. Ideo primam debet retinere, modò vellet pacifice cum eo cohabitare.

55 Sed petitur, Turca uxorem, quam apud suos accepit, erat sibi conjuncta in 2. vel 3. gradu consanguinitatis, quæritur, an post baptismum possit eam retinere; nam nec cum ipso cohabitare, nec recipere fidem Catholicam recusat?

Resp. Solutionem habes ex cap. gaudemus. Ubi Pontifex interrogatus; an Pagani, juncti in gradu prohibito, lege Canonica tantum, conversi ad fidem, separari debeant. Respondet, negative: *quia in præmissis gradibus à Paganis, quoad eos matrimonium licite sit contractum, qui constitutionibus Canonicis non ardentur: & infra. Fideles hujusmodi matrimonialiter copulati liberè possunt, & licite remanere conjuncti, cum per Sacramen-*

mentum baptismi non solvantur conjugia, sed crimina dimittantur.

Nota, textum loqui de Paganis, nam de hæreticis diverso modo est discurrendum: quia, cum per baptismum sint Ecclesiæ incorporati, & ejus subditi effecti (quamvis propria malitia rebelles) tenentur legibus Ecclesiasticis, statuentibus, etiam impedienda dirimentia matrimonium. Subditus enim, quamvis rebellis, tenetur ad leges sui Superioris, ut docuit Engel. *colleg. jur. can. lib. 5. tit. 3. a. num. 20.*

Dicitur in dubio, in 2. vel. 3. gradu, quia, si contraxisset cum Matre, nullum esset matrimonium, & eam non posset conversus ad fidem retinere; nam nullum est matrimonium, contractum cum consanguinea in primo gradu lineæ rectæ, ut omnes docent. Et probant ex illo Scripturæ: *propter hoc, relinquet homo Patrem, & Matrem, & adhaerebit uxori suæ.* Unde apparet uxorem ex jure divino debere esse personam à Matre distinctam.

55 Item, nullum foret etiam, si contraxisset cum sorore. Cum item commune sit, nullum esse matrimonium contractum cum conjuncto in primo gradu lineæ transversæ, propter quamdam indecentiam, aut aversionem matrimonii in eo gradu, etiam ipsis Ethnicis commune: qui, teste Augustino 15. *de Civit. cap. 16. & ipsi connubia fraterna abhorruerunt.*

56 Sed quid, *vir post baptismum labitur in hæresim, an uxor possit alium ducere?*

Resp. Negative, vivente viro, ut expressè ibi textus in *cit. cap. Quanto*; quia inter eos fuit matrimonium verum, & ratum, quod nullo modo dissolvi potest.

Dices, uxor relicta non debet sine sua culpa suo jure privari?

Resp. Idem textus allegat casum, in quo quis sine culpa jure suo privatur: ut, si *alter conjugum incidatur.* Le-Matthæucci Cautela Confessa.

ge. Gloss. *ibid. vers. simularent hæresim.* Hic itaque est causa, quare privatur quis jure suo sine culpa; quia nimirum matrimonium est indissolubile: & quia Conjuges sibi invicem displicentes, hæresim fingerent, ut unus alium dimitteret. Quod esse non potest sine injuria conjugii.

57 Sed quid, *etiam de Iudæo converso, qui, dum inter Iudæos vixit, suam uxorem repudiavit?*

Resp. In alleg. cap. Quanto, hæc sunt: *qui autem secundum ritum legitimam repudiavit uxorem, cum tale repudium veritas Evangelica reprobaverit, nunquam, ea vivente, licitè poterat aliam, etiam ad fidem Christi conversus, habere: nisi post conversionem ipsius, illa renuat cohabitare cum ipso: aut etiam, si consentiat, non tamen absque contumelia Creatoris, &c.*

§. X.

Impedimenti metus:

58 **V**Is extorquens consensum ad Matrimonium incutiendo metum, matrimonium dirimit, cum tollat voluntarietatem, & libertatem consensus, qui est ita necessarius ad matrimonium, ut invalidè contrahant, carentes usurpationis.

59 Nota, quòd alius dicitur metus cadens in constantem virum, & alius in virum inconstantem cadens. Primus dicitur, quo fit, ut ad grave malum evitandum, aliquid eligatur; ut, si aliquis malit consentire in matrimonium, quàm mori; graviter mutilari, &c. Cum verò aliquis consentit, metuens, ne aliquos nummos, aut pallium v.g. amittat, aut, ne gratia Domini sui excedat, tunc metus dicitur cadere in virum inconstantem, & imbecillum.

60 Idèò, ut metus sit cadens in virum constantem, septem debent con-

R r cur-

currere. I. Ut malum, quod timetur, sit grave. II. Ut non leviter timeatur. III. Ut, qui minatur, possit, & soleat minas exequi. IV. Quod timens non possit minanti resistere, aut aliquo modo vitare mala, quæ timet. V. Ut metus injustè incutiat. VI. Ut incutiat ad finem matrimonii. VII. Ut incutiat ab alio homine.

61 *Queritur, Petrus concubinarium metu inferni, vel mortis in infirmitate, vel naufragio ducit concubinam, petitur, an validè?*

Resp. Affirmativè; quia metus invalidans Matrimonium per DD. debet esse incussus à causa extrinseca libera, ab alio nimirum homine, ad finem Matrimonii. Cujusmodi non est prædictus; quia, vel est incussus à causa naturali, vel à Deo immittitur ad salutem animæ, ut loquitur Fagnan. in 3. ad cap. sicut nobis de Regul. num. 26. Vide lib. 3. cap. 4. num. 5. quæ de voto diximus.

62 *Queritur, Petrus est injustè damnandus à morte, cui ludeus parci, si velit ducere Meretricem, quam alias non duceret: petitur, an validè, si eam ducat?*

Resp. Affirmativè; nam ille metus non est incussus ad finem extorquendi consensum in Matrimonium; nam mors ei non minatur ad hunc finem, ut eam ducat, sed justè statuitur propter alia delicta: cui proponitur Matrimonium, si vult mortem evadere, qui poterat non contrahere; & spontè Matrimonium eligit in remedium mali, sibi aliudè imminentis.

63 *Queritur, Paulus, Pater Berte, reperit Petrum abutentem filia, cui, stricto gladio, mortem minatur, si eam non ducat: Petrus promittit, & postea ducit, petitur, an validè.*

Resp. Affirmativè; ratio est, quia iste metus est justè incussus, cum ipse Petrus dederit justam causam ipsius metus incutiendi, abutendo filia, & sibi

tribuere debet coactionem. DD. communiter. Metus, etiam reverentialis, incussus à Parentibus, vel Tutoribus, dum est conjunctus cum probabili timore verberum, & quod rigide quis sit tractandus, nisi Matrimonium contrahat, matrimonium annullat.

§. XI.

Impedimentum Ordinis.

64 *Ordines majores dirimunt Matrimonium ex jure Ecclesiastico, Trident. sess. cit. canon. 9. ubi: Si quis dixerit, Clericos in Sacris Ordinibus constitutos, vel Regulares, castitatem solemniter professos, posse Matrimonium contrahere, contrariumque validum esse, &c. Anathema sit.*

65 *Queritur, Titius, invita, & reclamante Uxore (vel putans ipsam esse defunctam) Ordines majores suscipit, petitur, an teneatur Uxori petenti debitum reddere?*

Resp. Affirmativè, quia non potest, præjudicare juri, quod ex justitia Uxor habet in corpus ipsius; sed ipse petere non potest. Nec Ordo invalidat Matrimonium, etiam consummatum, prius ritè, & legitime contractum, quamvis impediatur, ac dirimat contrahendum, ut expresse text. in cap. Antiqua de voto, & voti redemptio inter Extravag. Joan. 22. Et fit irregularis, si, Uxore non consentiente, Ordines suscipit: ibid.

§. XII.

Impedimentum ligaminis.

66 *Impedimentum ligaminis, est vinculum prioris Matrimonii legitimi, quo durante, posterius Matrimonium est invalidum: nam qui corporis sui potestatem non habet, non*

non potest ejusdem potestatem alteri tradere.

67 Quæritur, *Petrus, maritus Berta pluribus annis vivit absens à Patria, Uxor ignorans, an vivat, an non, Petit a Confessario instrui, an possit transire ad secunda vota, quid Confessarius dixerit?*

Resp. Quod non potest: *ex cap. In præsentia de Sponsalib.* ubi, exigitur certitudo de morte proprii viri. Ratio est, quia non debet se exponere periculo adulterii, cui exponitur ducendo alterum. Nam concubitus ipsius cum altero, si interea vivat conjux absens, est adulterium. Unde dixit Piassec. *prax. part. 2. cap. 3. art. 4. num. 29.* quod non sufficiunt semiplenæ probationes de morte absentis: nec sufficit expectare quinquennium, vel spatium longioris temporis, sed debet apparere certitudo moralis mortis, saltem per vehementes præsumptiones: ut, quòd navis, in qua navigabat, passa sit naufragium, & omnes cum ea perierint, & similes.

68 Sed quæritur, *Berta accepit à testimonio fide dignis priorem Maritum esse mortuum, & proinde ducit Paulum, sed postea ejus prior vir redit, petitur, an teneatur ad primum redire?*

Resp. Affirmativè; nam cum secundo Matrimonium est nullum, ideò ad primum redire tenetur, *cap. Dominus de Secundis nuptiis.*

69 Quæritur, *Berta sine morali certitudine, & sufficienti probatione de morte prioris conjugis transit ad secundas nuptias; petitur, an validè, & an licitè?*

Resp. Illicitè transit; sed validè contrahit, si reverà tempore, quò contraxit, prior conjux erat mortuus, *cap. Dominus de secund. nupt.*

70 Sed quæritur, *an possit debitum petere, & petenti reddere?*

Resp. Reddere tenetur, sed exigere

nequit: ut expressè textus: ubi hæc sunt: *si verò aliquis, vel aliqua id habemus non servavit* (non curans certificari) & de morte prioris conjugis adhuc sibi æstimat dubitandum est, quæ sibi nupsit, non denegat debitum postulanti, quod à se tamen noverit nullatenus exigendum.

§. XIII.

Impedimentum publicæ honestatis.

71 **P**ublica honestas est propinquitassquædam, orta ex validis sponsalibus de futuro, vel ex Matrimonio rato, non consummato. Quæ solet dici justitia publicæ honestatis: quia ob publicam honestatem, & decentiam, justum est impedire Matrimonia inter personas, quæ sibi invicem propinquæ factæ sunt per sponsalia, vel per Matrimonium ratum.

Istud impedimentum dirimens Matrimonium oritur ex sponsalibus de futuro à principio validis, licet fuerint postea dissoluta ob superveniens aliquod impedimentum. Quare dum Petrus per verba de futuro celebravit sponsalia valida cum Berta, dum postea, vel morte, vel mutuo consensu dissolvuntur, non potest ducere ullam, quæ sit conjuncta in primo gradu cum ipsa Berta. Nam juxta Trident. *sess. cit. cap. 3.* publica honestas ex sponsalibus validis proveniens, limitatur ad primum gradum.

Quod, iisdem dissolutis sponsalibus, impedimentum publicæ honestatis remaneat, habetur resolutum à Sacra Congregatione Concilii apud Fagnanum in 4. ad cap. ad audientiam de sponsalibus numer. 29. ut infra: Et novissimè iubente SS. D. N. proposito fuit in Sacra Congregatione Concilii: *An sponsalibus, validè ab initio contractis, deinde mutuo con-*

Rr 2 sensu

sensu dissolutis, sit sublatum impedimentum iustitia publica honestatis? Et pluries proposito dubio, ac maturè examinato: tandem sub die 6. Iunii 1658. Eminentissimi Patres in antiqua ejusdem Congregationis sententia consistentes, censuerunt non esse sublatum. Cujus sententia unà cum rationibus, hinc inde deductis, & recentioribus ejusdem Congregationis in hac materia responsis, facta relatione ad Sanctissimum: Sanctitas Sua die 10. ejusdem Mensis, prædictam Congregationis resolutionem probavit, eandemque iussit in dubium deinceps non revocari.

Et hinc patet, hoc impedimentum ita esse perpetuum, ut nec morte, qua dissolvuntur sponsalia, dissolvatur, *cap. Si quis desponsaverit 23. quest. 2.* Impedimenta enim semel contracta non dependent à contrahentium voluntate, sed ab instituto Ecclesiæ, quæ voluit esse perpetua, ut ex dictis patet. Vide *infr. §. 16. num. 94.*

§. XIV.

Impedimentum affinitatis.

73 **A**ffinitas est propinquitatis orta ex carnali copula, licita, aut illicita. Si antecedit Matrimonium, postea contrahendum dirimit: si superveniat, privat jure petendi debitum: De qua re diximus *lib. 2. cap. 7. numer. 3.* Vide Trident. *sess. cit. cap. 4.*

§. XV.

Impedimentum impotentia.

74 **P**er impotentiam, intelligitur prævia inhabilitas consummandi Matrimonium: sive se teneat ex parte viri, impotentis seminare: sive

ex parte feminae, incapacis recipere. Vide omnino dicta *cap. cit. num. 20.*

75 Sed petitur, an impotentia proveniens ex maleficio debeat censi perpetua?

Resp. Affirmative; si per solum maleficium tolli possit: quia juxta axioma Juris prudentiæ: *illud non possumus, quod iure non possumus*; illud autem jure non possumus, quod non possumus absque peccato. Poncius, & Contenson.

76 Quæritur, an impotens censendus sit infirmus morti proximus, qui, ut à peccato concubinitus absolvetur, vult concubinam ducere?

Resp. Negative, quia corpus per se est potens, & habile: & solum per accidens ratione morbi, potentia coeundi non est expedita, ut ea tunc uti possit.

77 Nota, quod steriles, & senes valide Matrimonium contrahunt: modò apti, & habiles sint ad copulam. Et tunc Matrimonium esset in remedium concupiscentiæ, qui est finis secundarius, & minus principalis ipsius, juxta Paulum: *melius est nubere, quam uri.* Vide *ibid. num. 20.*

§. XVI.

Impedimentum clandestinitatis.

78 **M**atrimonium clandestinum illud dicitur, quod aliter, quam coram Ecclesiæ Ministro, & quibusdam testibus contrahitur; quod post Trident. validum amplius non est.

79 Quæritur, an Parochus, coram quo debet contrahi Matrimonium, ne sit clandestinum, debeat esse ille viri, vel mulieris.

Resp. Vide supra §. 1. num. 13.

80 Sed petitur, an debeat esse Parochus Nativitatis, seu loci, in quo quis

quis est natus, vel debeat esse ille domicilii, loci nimirum, in quo quis habitat?

Resp. Si locus nativitatis sit etiam domicilii, & habitationis, ille nativitatis esse debet: si verò alibi, non causa recreationis, vel ob causam temporalem, sed statim reversurus ad propriam Parochiam, quis habitet, Parochus habitationis debet matrimonio assistere. Unde Abbas apud Fagnan. *in 3. ad cap. significasti de Paroc. num. 36.* testatur, quod proprius Parochus dicitur, in cuius Parochia contrahentes habitant tempore, quo matrimonium contrahitur. Et Engel. *Colleg. iur. Canon. lib. 4. tit. 3. num. 12.* dixit, proprium Parochum, coram quo ex Trident. *cit.* est matrimonium contrahendum, eum esse, in cuius Parochia, vel ambo contrahentes, vel unum tantum domicilium habitationis fixit. Neque hic ad verum domicilium requiritur, ut habitatio sit perpetua, vel, cum animo perpetuò habitandi in loco: sed quasi domicilium sufficit, si nimirum contrahentes per majorem anni partem actu in Parochia habitaverunt: vel, animo habitandi advennerunt, licet ibidem non propriam habeant domum, sed sint, ut conductores, & Famuli, aut alio quovis modo.

Hinc Fagnan. *cit.* refert, quod Sac. Congr. Concil. censuit fuisse validum matrimonium cujusdam juvenis, & meretricis Senensis, qui timentes, ne matrimonium à Parentibus juvenis impediretur, si in Civitate Senarum celebratum fuisset, Romam accesserunt: ea ratione, quia is est proprius Parochus, in cuius Parochia habitant contrahentes tempore contractus. Idem tradit fuisse ab eadem resolutum de matrimonio contracto à Scholari, qui Patavii quinque, vel sex mensibus moratus, mulierem ibidem duxit. Et de matrimonio contracto à viro, & muliere Trajectensibus, qui timentes à Parenti-

Matthæucci Cautela Confessi.

bus impediri, ad vicinam Urbem Aquisgranensem se contulerunt, & ibi aliquandiu morati, matrimonium contraxerunt: super quo ipsa de validitate consulta, censuit esse tempus exprimendum, quo contrahentes Aquisgranæ manserunt: quòd si fuerit unius mensis, dandam esse decisionem pro validitate: aliàs de novo referendum in Congregatione.

83 *Queritur, an validum sit matrimonium sine Parocho, & testibus contractum ab ignorantibus invincibiliter eorum necessariam presentiam?*

Resp. Negativè, quia nulla necessitas, vel ignorantia excusat ab observatione legis, quæ formam actui præscribit, sic, ut, ea forma non servata, actus valere non possit. Præsentia autem Parochi, & testium sunt de forma actus; seù, ut alii loquuntur, sunt de intrinseca, & substantiali solemnitate actus; nam Trid. contractum sine ipsis celebratum irritat, & annullat: quoties autem actus aliquis irritus est, ex forma aliqua non servata, hæc dicitur esse de forma, & substantia actus.

84 *Queritur, quam penam incurrat Sacerdos, siue Sæcularis, siue Regularis, assistens matrimonio sine licentia Parochi contrahentium, vel Ordinarii?*

Resp. Sæcularis manet suspensus, usque dum ab Ordinario Parochi, qui deberet assistere, absolvatur. Trident. *cit. cap. 1.* Si sit Regularis, excommunicatur ex dictis *lib. 1. cap. 23. num. 69.*

85 *Queritur, an sit validum matrimonium contractum coram Parocho, nondum Sacerdote?*

Resp. Videtur affirmandum, quia verificatur, quod contractum sit coram Parocho. Convenientius autem est, quòd ipse Parochus deleget alicui Sacerdoti, qui loco ipsius assistat matrimonio contrahendo. Piasec. *cit. nu. 15.* Et ex Navarro refert hoc idem fuisse

Rr 3 sc

se resolutum à Sacra Congregatione Concilii.

Hic advertas, quòd Sacerdos obtinens licentiam à Parocho interessendi matrimonio dicitur habere auctoritatem à Concilio, non à Parocho. Nam Concilium *d.cap.1. sess.24. de refor.matri.* ad id munus eum deputat, ibi: *præsente Parocho, vel alio Sacerdote, de ipsius Parochi, vel Ordinarii licentia*, ut notavit Fagnan. *in 4.ad cap. Quòd nobis nu.42. de Clandest. desponsat.*

Et cum Tridentinum dixerit, *vel alio Sacerdote*, sequitur, quòd. Parochus non possit dare licentiam Clerico non Sacerdoti, ut matrimonio assistat.

86 Item notandum, quòd tres sunt clandestinitatis species, ut per Canonistas apud Monacell. *form.p.2. form.2 nu.27. tit.26. & Gonzalez in 4. tit.3. cap.3. num.6.* Prima est, dum matrimonium contrahitur coram Testibus, Parocho absente. Secunda, quando, illo præsente, desunt testes. Tertia, quando Testibus, & Parocho præsentibus, matrimonium contrahitur, sed culpabiliter denunciations præmittendæ, ad tex. *Trid. loc. cit.* fuerunt omisæ.

Differentia inter has clandestinitatis species est, ut prima, & secunda causent nullitatem matrimonii: nullam enim potest habere pro se validitatis præsumptionem, quia contractum contra formam Concilii, à quo inhabiles redduntur personæ ad contrahendum sine præsencia Testium, & Parochi, & contractus sine illis celebrati annullantur, & irritantur. Regula verò illa; quæ solet allegari, quòd in dubio standum sit pro matrimonio, non valet, quando fuit clandestinè contractum contra dictam formam Concilii: Ideò, ut matrimonium hac specie clandestinitatis non sit clandestinum, debet contrahi coram Parocho (vel de ejus, aut Ordinarii licentia coram alio Sacerdote) & coram duobus Testibus, ut per Piafec. *prax. par.2 cap.4. art.4. num.8. & contractum*

sine illis, est ipso jure nullum; quod ab Episcopo potest solum nullum declarari, ut respondit Sac. Congr. Concilii, istis verbis: *An, si contractum sit matrimonium præsente Sacerdote alieno, absque Parochi, vel Ordinarii licentia, debeat Ordinarius illud irritare? Sac. Congr. censuit irritum declarare, non irritare*; quia, cum Concilium irritum fecerit, non est ulterius irritandum, sed opus est sua declaratione, quod irritum sit.

87 Præsencia autem Parochi debet esse Physica, & moralis, hoc est, debet esse præsens corpore, & intelligere per Interpretem, vel verba, aut signa, quæ contrahentes agunt; aliàs, si non intelligat, nec advertat, non potest Ecclesiam certam reddere de contractu matrimonii: Nam, præsente aliquo, non dicitur fieri id, quod ab eo non intelligitur juxta *tex. in l. coram Titio, ff. de verb. signif.* Quòd etiam procedit de præsencia Testium.

88 Sed quæritur, *an matrimonium contractum absque præsencia Parochi, & Testium, ratificetur per copulam subsequenter?*

Resp. Negativè: subsequens enim copula, quoad validandum matrimonium, & sanandos defectus præsencia Parochi, & Testium nihil operatur post Concilium Tridentinum, ut observavit Piafec. *cit. num.10.*

Tertia autem clandestinitas nullitatem non operatur, quia denunciations non sunt necessariae necessitate Sacramenti, sed solum necessitate præcepti, ut per Natal. Alex. *Theol. dogmat. tom.2. cap.2. art.2. regul.20.* Sed ubi Parochus assistens matrimonio illas omiserit, incurrit pœnam suspensionis triennalis ab officio, ut in *cap. Cum inhibitis d. tit. quæ suspensio non est latæ sententiæ, sed ferendæ. Quoniam textus utitur verb. Suspendatur, & dixit Rotarius apparat. pro exam. Cleric. cap.9. sect.13. num.6.*

89 Petitur, *an possit Parochus in denunciationibus dispensare?*

Resp. Negativè, facultas enim à Concilio, ibi tribuitur Ordinario; *si expedire judicaverit*, ut ibi tex. Ideo ad remittendas denunciations causas judicio Episcopi iusta requiritur: ut, si matrimonium malitiosè impediri posset, ibid. Trident. vel, si ad sit vicinitas temporis, quo nuptiæ prohibentur: vel, si contractura sit persona, quæ habeat Parentes iniquos, de quibus verisimiliter dubitaretur, ne eam tradant ignobili, & vili: vel, si constitutus in articulo mortis velit contrahere cum concubina, ut legitimetur proles jam antea suscepta; vel, si adsit inæqualitas inter contrahentes, ut, quod dives ducat pauperem, nobilis ignobilem, senex juvenem. Istitis, & similibus casibus concedi potest denunciationis dispensatio, ut dixit Piafec. *cit. num. 5.*

Cæterum, etiam in istis casibus tutius est, ut prius examinentur saltem Testes, qui possint scire inter contrahentes nullum reperiri impedimentum ad matrimonium contrahendum; nam hac forma obtinetur finis intentus à Concilio per denunciations præmittendas: Verum cum matrimonium celebraretur per remissionem dispensationum, deberent denunciations fieri, antequam consummaretur, ut, si aliqua adesset impedimenta, facilius detegerentur, ut ibi expresse Concilium.

90 At petitur, *Cajus infirmus existens in periculo mortis vult contrahere cum concubina, ut anima sua consulat, & proles iam suscepta legitimetur, Parochus non potest adire Episcopum, aut ejus Vicarium Generalem ad obtinendam dispensationem super denunciationibus: quæritur, an possit assistere matrimonio sine penarum incursum?*

Resp. Affirmativè, Casus enim hujusmodi extraordinarius censetur à lege non comprehendi. Cæterum debet monere contrahentes (in casu, quo infir-

mus sanitatem recipiat) non posse matrimonium consummare, nisi post denunciations factas, juxta tex. Trid. & notavit Rotarius *cit. num. 7.*

Advertant Parochi circa assistentiam matrimoniis vagorum, quod Trid. *sess. cit. cap. 7.* prohibet, ne talium matrimoniis intersint, nisi prævia inquisitione de eorum statu, & re ad Episcopum delata, ab eo licentiam recipiant.

91 Quæritur, *Parochus post factas denunciations reperit Titium commississe delictum polygamie, ob quod fuit ad triremes damnatus, & jam penam triremium explevisse; petitur, an possit matrimonio ipse cum Berta interesse?*

Resp. Negativè, quamvis prima uxor legitima decesserit, sed est necessaria dispensatio Apostolica. Obstat enim ei impedimentum criminis, ut censuit S. Cong. Conc. in una S. Severi 19. Julii 1704. apud Monacell. *cit. nu. 30.*

92 Quæritur, *Cajus aperit Confessario se contraxisse matrimonium cum Berta, quod postea ante consummationem fuit declaratum nullum ob metum cadentem in virum constantem; modò petit, an possit in matrimonium ducere sororem ejusdem Bertæ?*

Resp. Affirmativè, quia in hoc casu nullum ex hoc titulo obstat impedimentum, ut declaravit S. Congr. Conc. 22. Martii 1664. A principio enim nullus fuit præstitus consensus, & ideo non inducitur impedimentum publicæ honestatis, ut ait Piafec. *cit. num. 20.* Secus dicendum, si matrimonium esset nullum ob non servatam formam Concilii, aut ex alia causa, quia tunc oriretur impedimentum justitiæ publicæ honestatis, ut censuit eadem S. C. 8. Novembr. 1583. & iterum in Cesenaten. 10. Jun. 1611. In isto enim casu consensus non deest, sed nullitas oritur ex alio capite, vel, quia fuit contractum sine præsentia Parochi, & Testium, aut cum impedimento, quod jure Ecclesiastico positivo matrimonium dirimit, de qua re Fagnan. in 4. *cap. Ad*

audientiam de spons. num. 6. & sequen. ubi num. 12. refert, quod proposito dubio. An ex decret. Conc. Trid. sess. 24. cap. 3. de ref. matrim. sit sublatum impedimentum publica honestatis proveniens ex matrimonio contracto per verba de presenti, non tamen consummato. S. Congr. Conc. censuit non esse sublatum.

93 Hinc I advertat Parochus, quod ex sponsalibus juxta tex. Trid. *ibid.* Si sint valida, oritur impedimentum publicæ honestatis restrictum ad primum gradum; si verò sint nulla, etiam ex alia causa, quam ex defectu consensus, prorsus sublatum est.

94 II. Quod, tam ex matrimonio valido, sed non consummato (quia ex consummato oritur impedimentum afinitatis) quam de contracto nulliter per verba de presenti inducitur impedimentum publicæ honestatis usque ad quartum gradum, modò nullitas non oriatur ex defectu consensus, ut Fagnan. *cit. num. 20.* Et habetur ex const. B. Pii V. *ad Romanum la 62. Bullar. tom. 2.* juxta quam sponsalia de futuro à matrimonio per verba de presenti, etiam nulliter contracto distinguuntur. Sponsalia enim improprie dicuntur, quando matrimonium est contractum per verba de presenti, cum proprie ante contractum matrimonium celebrentur.

95 Quæritur, *Parocho factis publicationibus, innotescit Cajum celebrasse sponsalia cum Berta (que postea fuerunt nullam ex defectu consensus, sed ex alia causa, vel propter impedimentum afinitatis, frigiditatis, religionis, & similia) & velle matrimonium contrahere cum sorore ejusdem Berte: petitur, an Parochus possit matrimonio assistere?*

Resp. Affirmativè, etenim impedimentum justitiæ publicæ honestatis ex sponsalibus quacunque ratione nullis est sublatum à Trid. *d. sess. cap. 3.* Atque ita non solum cum nullitas oritur ex defectu consensus, ut in infante, & furioso, aut

propter metum incussum, sed etiam, cum oritur ex quavis alia causa, ut scripsit Fagnan. *in 4. ad cap. Ad audientiam de sponsal. num. 8.* Et ideo, cum juxta Tridentinum ex sponsalibus nullis, nec in primo gradu oriatur justitiæ publicæ honestatis, poterit Parochus dicto matrimonio assistere.

96 Quæritur, *Parochus, factis denunciationibus, incidit in excommunicationem, deinde assistit matrimonio: petitur, an matrimonium sit validum?*

Resp. Affirmativè; etiamsi sit denunciatus, & non toleratus, ut dixi *supra §. 1. num. 10.*

Dices. Parochus denunciatus excommunicatus, nec in articulo mortis potest à peccatis absolvere, ut respondit S. Congr. Concilii Episcopo Valentinen. petenti declarari. *Utrum penitentes in articulo mortis constitutos possit à casibus reservatis absolvere quilibet Sacerdos, etiam excommunicatus, & denunciatus.* S. Congr. respondit, *non posse*, ut refert Fagnan. *in 1. ad cap. Quoniam num. 28. de const. & in 4. ad cap. Non est vobis num. 1. de sponsalib.* ergo à pari, Parochus excommunicatus denunciatus non poterit matrimonio assistere, & ubi assisteret, matrimonium esset nullum.

Resp. Negando consequentiam; discrimen est, quia, ut Sacerdos validè absolvat, debet habere jurisdictionem ordinariam, vel delegatam, quam non habet Confessarius excommunicatus denunciatus, quia propter excommunicationem est separatus à communione Fidelium; consequenter non habet subditos, in quos possit jurisdictionem exercere, atque ita est jurisdictione privatus: cum excommunicatio sit privatio jurisdictionis, ut ex D. Thoma *in 4. dist. 18. q. 2. art. 2. q. 3. in corp.* apud Fagnan. *ubi supr. in 4.* Et hinc illud Trident. *sess. 14. cap. 7. de cas. reservat.* intelligitur de omnibus Sacerdotibus in unitate Ecclesiæ viventibus, & non præcis, & separatim ab unio-

unione Fidelium; quibus, & non excommunicatis denunciatis, Ecclesia pro eo statu jurisdictionem confert; de qua re vide d. Fagnan. *ibid.* ex professo articulum examinantem, & ponderantem *num. 12.* nullum Canonem allegari, quo excommunicatis jurisdictio in eo, etiam necessitatis casu, tribuatur. Parochus autem assistendo matrimonio nullam exercet jurisdictionem, sed tamquam testis solemnus, & magnæ autoritatis exhibet nudam præsentiam, & ministerium facti. Et est res extra controversiam, quia Sac. Congr. Concilii respondit valere matrimonium contractum coram Parocho excommunicato denunciato. Fagnan. *cit. ad cap. Litteræ, quas de matrim. contr. in interd. Eccles. num. 26.*

97 Petitur, an sit validum matrimonium, cum assistit Parochus, cui Episcopus prohibuit, ne illi assisteret?

Resp. Affirmativè, ut censuit S. Cong. Conc. quæ interrogata; an validum esset matrimonium adhibito Parocho, cui ab Episcopo fuerat interdictum, ne illo matrimonio interesset. Respondit, esse validum, *ibid.* Fagnan. *in fin.*

98 Quæritur, an in matrimoniis militum degentibus in stationibus servanda sit forma Tridentini.

Resp. Totum patet ex responsionibus Sac. Congr. Conc. ad sequentia dubia, ad quam fuerunt remissa à S. C. S. Officii. Quærebatur itaque.

Primò. An Cappellani cujusvis Exercitus, sive Regulares, sive Sæculares Chatolici, possint administrare militibus in Prædiis degentibus Sacramenta Pœnitentiæ, Eucharistiæ per modum viatici, & extremæ unctionis sine speciali facultate Sedis Apostolicæ, vel licentia, & approbatione Ordinarii, in cujus Diœcesi extare contigerit?

Secundò. An assistere Matrimoniis militum cujuscunq; stationis degentium in Prædiis cum Militaribus fœminis, sine dicta facultate Apostolica, & præcedenti probatione status liberi, ejusque

recognitione coram Ordinario loci, & licentia Parochi, sub cujus Parochia maneant?

Tertiò. An idem cum Militibus degentibus in Castris, & Stationibus hybernis, vel æstivis?

Quartò. An idem cum Militibus in actuali expeditione positus?

Quintò. An idem cum Militibus nubere volentibus cum fœminis non militaribus, sed Italis originariis loci, sive Diœcesis, in qua reperiuntur.

Sextò. An Milites Achatolici cum Achatolicis contrahentes teneantur servare formam præscriptam à S. C. T.?

Septimò. An eo magis Achatolici contrahentes cum Chatolicis Mulieribus militaribus, & non militaribus in Prædiis, Castris, & expeditione manentes?

Octavò. An Cappellani Achatolici assistere possint matrimoniis Achatolicorum cum Achatolicis, & respectivè Chatolicis, etiam intra fines Italiæ? Et quatenus negativè in omnibus præter sextum, & septimum.

Nonò. An, & quid pro sanatione gestorum in præteritum, & faciendorum in futurum super prædictis omnibus pro certa regula Sanctissimo consulendum, & statuendum sit?

Sac. Congr. die 6. Martii 1694. respondit.

Ad primum. *Negativè.*

Ad secundum. *Negativè* confirmat. in *Casalen. 28. Junii 1704.*

Ad tertium. *Negativè.*

Ad quartum. *Negativè.*

Ad quintum. *Negativè.*

Ad sextum. *Affirmativè*, ubi publicatum fuit Concilium juxta Decretum Sac. Congr. 26. Septembr. 1602.

Ad septimum. *Affirmativè.* Et ulterius indigere dispensatione, ut matrimonia licite fiant.

Ad octavum. *Ut ad 6.*

Ad nonum. Quoad præteritum circa Sacramentum pœnitentiæ non esse inquietandas conscientias: & circa matrimonia

monia pro sanatione cum Sanctissimo renovato consensu etiam coram Confessorio, qui teneatur tradere testimoniū renovationis consensuum Parocho illius loci, ubi sequuta est talis renovatio consensus.

99 Quæritur, *Factis à Parocho denunciationibus, instruitur Cajum habuisse cum sorore Franciscæ, quam ducere intendit: petitur, an Parochus possit assistere matrimonio ipsius Caji cum Franciscæ?*

Resp. Negativè, quia inter Cajum, & Franciscam est impedimentum dirimens matrimonium contrahendum ex *Trid. sess. 24. cap. 4. de ref. matrim.* & dixi *lib. 2. cap. 7. num. 3.* Præcedens enim affinitas dirimit matrimonium postea factum, ita ut si affinitas sit ex copula illicita, dirimat usque ad secundum gradum ut ibid. Tridentinum; si verò oriatur ex copula licita, usque ad quartum gradum extenditur, ut constat ex *cap. non debet de consang. & affinit.*

100 Sed quid, *Petrus habet ex uxore A. defunctæ filium, & Berta ex marito B. mortuo filiam: Deinde Petrus ducit Bertam, an Filius Petri possit ducere filiam Bertæ?*

Resp. Affirmativè, & quidem licitè, & validè, per text. in *cap. Quod super his: ibi: Licet omnes consanguinei viri sint affines uxoris, & omnes consanguinei uxoris sint viri affines: inter consanguineos tamen uxoris, & viri, ex eorumdem scilicet viri, & uxoris conjugio nulla prorsus affinitas est contracta, propter quam inter eos matrimonium debeat impediri.* Ita etiam Cajus mortua uxore Camilla potest copulari in matrimonio cum Terentia vidua, relicta à Fratre Camillæ defuncto. Quia Cajus per copulam conjugalem cum Camilla factus est affinis cum fratre Camillæ, & aliis ejus consanguineis, non verò cum affinibus Camillæ. Terentia autem uxor fratris Camillæ non est consanguinea, sed solum affinis Camillæ. Abellii *Sum. de matrim. cap. 8. sect. 5. num. 8.*

101 Quæritur, *Petrus aperit Confessario, se apud Helvetios Bernenses contraxisse matrimonium non servata forma Tridentini, adedque absque presentia Parochi, & Testium; petit, an matrimonium sit validum, & possit cum conjugē cohabitare, quid Confessarius.* Respondit

Resp. Inquirat, an in loco, in quo matrimonium contraxit, sit publicatum Concilium; & quatenus affirmet, dicat matrimonium esse nullum, & non posse cum muliere cohabitare; ubi enim Concilium est publicatum, ejus forma servanda est, etiam in locis hæreticorum juxta pluries resoluta à S. Congr. Concilii, & expressè in una *Hollandia S. Congr. censuit, hæreticos quoque, ubi decretum Concilii publicatum fuerit, teneri formam observare, & propterea ipsorum etiam matrimonia absque forma Concilii, quamvis coram Ministro hæretico, vel Magistratu loci contracta nulla, atque irrita esse.* Et aliàs 17. Junii 1617. respondit decretum *cap. 1. sess. 24. de ref. matrim. ligare etiam hæreticos, si in eorum Parochia publicatum fuerit, & lapsi sint 30. dies à dicto publicationis die.* Et in una *Germania censuit, non posse declarari nulla matrimonia, nisi decretum fuisset publicatum.* Et in una *Bosnensi 14. Aprilis 1611. quantum pertinet ad eos, qui absque forma Concilii matrimonia contraxerunt, respondit, si in ea Regione decretum Concilii, cap. 1. sess. 24. de ref. matrim. observari consueverit, nulla esse matrimonia, in quibus contrahendis Parochus non fuerit adhibitus.* Quæ referuntur à Paluccio to. 2. in *Indic. ad Pignatell. v. de matrimonio §. Statuendum est tamquam.*

Ubi verò dixerit, decretum Concilii, nec etiam pro tempore, quo locus fuit sub Catholicis, fuisse publicatum, subinquirat. An infraudem, & data operâ ad effectum contrahendi matrimonium se à loco, in quo Concilii forma observa-

datur,

batur, vel observari debebat, contulerit ad locum, in quo decretum Concilii non fuit publicatum, an verò ad eum habitationem transfulerit. Si hoc neget, & primum affirmet, matrimonium est nullum, ut censuit eadem S. Congr. Concilii in *Antuerpiensi* 16. Decembr. 1628. in qua David, & Maria, qui prius habitaverant, ubi Concilium est publicatum, cum profecti essent ad Oppidum distans itinere unius diei, ubi non erat publicatum Concilium, ibi mori heretico contraxerant matrimonium postmodum domum reversi, cum diu inter se cohabitaverint, ob dissidium natum instabant, declarari matrimonium invalidum. Sacra, &c. censuit, matrimonium, ut supra contractum, fuisse nullum, quia non reliquerunt locum proprii domicilii; & aliàs cum dubitatum fuerit: an sit validum matrimonium eorum, quia ad Civitatem hereticorum migrarunt, & ibi matrimonium contraxerunt non servata forma Concilii Tridentini cap. 1. sess. 24. de ref. matrim. ibidem non publicatum? S. C. censuit, esse validum, si intra limites illius Parochie contrabentes sedem fixerunt.

Et in Colonienſi 5. Septembris 1626. Dubitatum fuit; an si Incola tam masculi, quam femine solo animo sine Parocho, & Testibus contrabentes se transferant ad locum, ubi Concilium non est publicatum habitationem non mutant, vel eo solo animo habitationem transferentes validè in dicto loco matrimonium sine Parocho, & Testibus contrahant? S. Congr. respondit: non esse legitimum matrimonium inter sic se transferentes cum fraude, & nisi domicilium verè transferatur, matrimonium non esse validum. Pascuccijs ubi supra.

102 Sed quid, si contraxerit matrimonium coram Parocho publico heretico?

Resp. Matrimonium est invalidum, si in Parochia publicatum fuerat decretum, cap. 1. sess. 24. de ref. matrim. ut

censuit S. Congr. Conc. teste Fagnan. in 5. ad cap. Ad abolenda de heret. nu. 38. Parochus enim publicus hereticus definit esse Parochus, cum sic ipso jure privatus beneficio Parochiali, ut ex const. Noverrit Nicolai III. 1. Bullar. to. 1. propterea non servatur forma Concilii, ibid. Fagnan. num. 40.

103 Queritur, Medicus minatur se nolle Lalius egrotum curare, nisi Lalius contrahat matrimonium cum filia ipsius medici. Lalius hoc pulsatus timore filiam ipsius duxit coram Parocho, & Testibus, petitur, an validè?

Resp. Pro validitate sunt plures apud Sperell. decis. 6. num. 16. ponderantes, quod non medicus, sed morbus infert metum, cum medicus matrimonium exigat solum tamquam stipendium sui laboris, & sic justè, cum lege justitiæ non teneatur mederi. Quapropter nullum est, si medicus non sit adstrictus ex justitia, aut conventionione ad medendum: ut, si à Principe, vel Communitate sit conductus ad infirmos curandos: tunc enim medicus verum metum infert denegando ægroto media vitæ necessaria, & ita metum incutit ad finem extorquendi matrimonium. Sed esse nullum, etiam si medicus non teneatur ex justitia ægotum curare, tenet cum Poncio de matrim. lib. 4. cap. 19. nu. 15. idem Sperellus ibidem allegans Coninchium; nam à medico ad finem extorquendi matrimonium metus incutitur ægroto, qui nullam metui causam præbuit, quod satis est ad matrimonium irritandum, ut ex dictis suprà §. 10.

§. XVII.

Impedimentum raptus.

104 **D**E raptu diximus lib. 2. cap. 28. num. 4. Trid. autem sess. cit. c. 6. decrevit; inter raptum, & raptam, quamdiu ipsa in potestate raptoris manserit, nullum posse consistere mat-
tri.

trimonium. Quodd, si rapta à raptore separata, & in locotuto, & libero constituta, illum in virum habere consenserit, eam raptor in uxorem habeat; & infra. Teneatur præterea raptor mulierem raptam, sive eam uxorem duxerit, sive non duxerit, decenter arbitrio ludicis dotare.

105 Sed quæritur, an raptus verificetur solium, dum puella vide domo parentum abducitur, an etiam, cum abducta fuerit vel promissis, aut muneribus, vel pretio, aut prece, & dolo?

Resp. Semper, quovis modo ex præactis contingat: cum semper præsumatur consensus mulieris extortus: modò nullus tractatus præcesserit de matrimonio. Et dicitur rapta, quamvis ipsa consentiret: modò raperetur invitis parentibus, vel Tutoribus. Piasec. *prax. p. 2. cap. 4. art. 4. num. 41.*

106 Quæritur, Petrus cum impedimento dirimente contraxit matrimonium cum Berta, deinde ad Confessarium recurrit pro remedio, quid Confessario agendum?

Resp. Inquirat, an scienter contraxerit cum illo, & quatenus affirmer, est excommunicatus. Qui, si fuerit denunciatus, absolvi non potest, nisi ab Episcopo ex Clement. *Quoniam de consanguinit. & affinit.* Si ignoranter, dixerit: subinquirat: an impedimentum sit publicum, vel occultum. Si primum, debet uxorem dimittere, & scandalum tollere. Si secundum: petat, an possit sine gravi damno, famæ, vitæ, &c. ab uxore separari: si neget, moneat de necessitate recurrendi ad S. Pœnitentiarum pro dispensatione; sed interea, debet abstinere tum à petitione, tum à debiti redditione, quia quolibet copula esset fornicaria, ex dictis *lib. 2. cap. 7. num. 3. & sequen.* Recepta autem dispensatione, debet novus consensus, tam ab ipso, quam uxore præstari coram Parocho, & testibus, saltem secreto adhibendis: si prius contractum fuit sine eo-

rum præsentia. Sed attendendus est tenor Literarum dispensationis. Quod totum refert Piasec. *cis. num. 11.* fuisse declaratum à S. Cong. Conc. ut infra.

107 Quæsitum fuit, quid servandum in iis, qui per vim, & metum, & adhibitis omnibus solemnitatibus à Sac. Conc. Trid. sess. 24. cap. 1. de ref. contraxerunt. S. Congr. respondit: si huiusmodi impedimentum sit occultum, & partes postea in matrimonio, sic contracto, permanere libere consentiunt, consuevisse Papam ex stylo Pœnitentiaria, quomodo matrimonium sit nullum, ratione etiam occulti impedimenti, dispensare, ita ut de novo possint inter se contrahere, non adhibitis, seu repetitis solemnitatibus, à Conc. requisitis. Si verò impedimentum sit manifestum: iterum contrahendum est, repetitis omnibus solemnitatibus in primo contractu adhibitis.

REGULA UNICA

Instructio Parochorum, & Confessariorum pro casibus, quorum absolutio, seu dispensatio à Sacra Pœnitentiaria Apostolica impetratur.

108 CUM sæpè sit experientia comperum, plurimos utriusque sexus Christiani fideles, & præcipuè in longinquis degentes, censurarum vinculis, votorum obligationibus, Matrimoniorum impedimentis, necnon irregularitatum, & casuum quoquo modo reparatorum ligaminibus adstrictos, ad Sanctam Sedem, ejusque Sacram Pœnitentiarum spectantibus irretitos, in illis lachrymosè persistere, & continuis conscientie agitationibus laboriosè perdurare, cujus mali causas ex similibus provenire innotuit.

Primò eo, quòd Parochi, vel alii, ad quos huiusmodi Pœnitentes recurrere contingit, in Pagis, aut locis Ruralibus degunt, & viam, modumque recur-

rendi

rendi ad præfatam Sacram Pœnitentiam ignoſcant, nec aliquem hic Romæ agnoſcunt, ad quem ſupplicationes dirigant, unde Pœnitentes perplexos dimittunt, quicū ad Ordinarium accedendi (præſertim ſi ſint femina) verecundia, aut timore intercludantur, conſilium ulterius requirere neſcientes, remedium deſperant, & in prædictis vinculis, obligationibus, impedimentis, inhabilitatibus, & caſibus reſervatis, cum periculo damnationis inſordeſcunt.

Secundò evenit, quod Pœnitentes egeni recognitionem pro ſollicitatione, & labore Agentium Romæ commorantium, exolvere non valentes merentes, afflicti, ac conſcientiæ motibus conculſi, in periculoſo ſtatu manere coguntur, & forte (quod pejus eſt) ſibi perſuadent, Sacræ Pœnitentiariæ Tribunal aliquid luctri pro litteris prædictis recipere, cū revera Sacræ Pœnitentiariæ Miniſtri, nec aliquid quamvis minimum, nec etiam ſpontè oblatum unquam recipiant, & gratis omnia exhibentes, ſingulos ad ſe recurrentes, ſerena fronte complectantur.

Tertiò Accidit etiam nonnunquam per inadvertentiam exponentium, ut gratiæ juxta expoſita obtentæ, irritæ evadant, eo quia caſus, & circumſtantias neceſſarias retineant, unde fit, quod litterarum executores, caſu poſtea Pœnitentium examinato, rem aliter ſe habere, quàm expreſſum fuerat, comperiunt, & gratias ſubreptitias, aut obreptitias eſſe inveniant, quare pœnitentes conſuſi remanent, & ſpe novæ diſpenſationis ſe carere putantes, in prædictis vinculis, obligationibus, &c. miſerabiliter remanent.

Quare gratum Deo, & utile fidelibus futurum eſſe ſperatur, ſi iſte modus recurrenti ad ipſam Sacram Pœnitentiam proponatur.

Confeſſores itaque, cū Pœnitentes vinculis præſatis irretitos ad ſe accedere contigerit, caſuum qualitates, & præſa-

torum caſuum circumſtantias conſiderent, cauſasque diſpenſationum, aut commutationum exprimant, & caveant, ne quod occultum eſt, publicum faciant, præſertim impedimenta occulta matrimoniorum, nam publica, vel ad publicum redacta, non pertinent ad Sacram Pœnitentiam.

Et ſic præſati Confeſſores poterunt caſus Pœnitentium præſatos cum dictis circumſtantiis, & cauſis exponere, ſive latino, ſive quocumque alio idiome propriæ Regionis; nam Sacra Pœnitentia ſuos ex quacumque Regione Pœnitentiaſ ſubordinatos habet; & exprimant inſuper in fine expoſitionis caſus, nomen, cognomen, cui ſit à Sacra Pœnitentiaſ reſcribendum, etiam ſi ipſum nomen, & cognomen ſit fictitium. Itemque modum, per quem reſponſio ſecura dirigi poſſit, ſignificando ſcilicet vulgari nomine, Oppidum, ſeu Civitatem, & Regionem, cum data menſis, & anni in hunc modum.

Intus incipiant Epiſtolam, ſeu ſupplicationem ſic :

Eminentiffime, & Reverendiſſime Domine.

N. Mulier emiſit votum ſimplex caſtitaſ, manet in periculo incontinentiæ, niſi nubat, ſupplicat ſibi votum commutari ad effectum contrahendi Matrimonium.

Terminent Epiſtolam, ſeu ſupplicationem ſic.

Dignetur Eminentia veſtra reſcribere ad N. & N. & exprimant nomen, & cognomen illius, cui eſt reſcribendum; Ad Civitatem N. exprimendo nomen Civitaſ. Per Oppidum N. exprimendo vulgari nomine, nomen Oppidi. Et dirigere Breve, ſeu gratiam ſimplici Confeſſario, ſeu Confeſſario Magiſtro in Theologia, ſive decretorum Doctōri, ſive Parocho, cui Pœnitens aperuit ſuam conſcientiam, ne ipſe Pœnitens, & præſertim femina cogantur circumire pro
exc-

executione gratiæ Sacræ Pœnitentiariæ.

Dirigant Epistolam, seu supplicationem scribendo extra, seu à foris in hunc modum.

Eminentissimo, & Reverendissimo Domino, Cardinali Majori Pœnitentiario.

Romam.

Et si tardaverit responsio, confessori rescribant, & si opus fuerit, semel, & iterum, ne fortè prior Epistola sit deperdita.

Rogantur insuper Parochi, sive Confessarii, ad quos præsentem Literæ pervenerint, illarum notitiam, quibus poterunt, pro animarum salute communicare.

Ne nimis laborent Confessarii in danda executione Litteris S. Pœnitentiariæ superadduntur nonnullæ formulæ pro bono ipsarum usu; desumptæ ex libro, cui titulus est.

Manuductio ad executionem Litterarum Apostolicarum S. Pœnitentiariæ, Auctore P. Tiburtio Navar. Ord. S. Francisci.

109. *Formula concedendi dilationes ad implendum Vota.*

Insuper Auctoritate Apostolica, specialiter mihi delegata tibi dilationes ad implendum Votum Religionis, quod emisisti, concedo. In Nomine Patris, & Filii, & Spiritus Sancti. Amen.

110 *Formula absolvendi à transgressione Voti Religionis, aut Castitatis, si matrimonium contractum sit.*

Item Auctoritate Apostolica, mihi specialiter delegata te, non obstante Voto Religionis (vel) Castitatis, quod emisisti, & transgressus fuisti, in matrimonium remanere, & debitum Conjugale reddere posse, & debere declaro, &, ut idem debitum etiam exigere licitè possis, & valeas tecum ca-

dem Auctoritate Apostolica dispenso. In Nomine, &c.

111 *Formula commutationis voti Religionis in alia opera.*

Item Auctoritate Apostolica, mihi specialiter delegata, tibi votum Religionis, quod emisisti, in opera pietatis, quæ tibi præscripsi dispensando, ad effectum licitè contrahendi matrimonium (seu) ad effectum remanendi in sæculo in vita celebe commuto. In Nomine Patris, &c.

Pro commutatione votorum Castitatis, aut Peregrinationis eadem formula inservit, mutatis mutandis.

112 *Formula dispensationis super impedimento occulto affinitatis, proveniente ex copula illicita ad contrahendum matrimonium.*

Insuper Auctoritate Apostolica, mihi specialiter delegata, dispenso tecum super impedimento primi, seu secundi, seu primi, & secundi gradus affinitatis, ex copula illicita à te habita cum Matre, aut Sorore, aut Consobrina, aut, &c. mulieris, cum qua contrahere intendis, proveniente, ita ut præfato impedimento non obstante; matrimonium cum dicta muliere, publica servata forma Concilii Tridentini, contrahere, consummare, ac in eo remanere licitè possis, & valeas. In Nomine Patris, &c.

Insupereadem Auctoritate Apostolica, prolem, quam ex matrimonio susceperis, legitimam fore decerno, & declaro. In Nomine Patris, &c.

113 *Formula dispensationis super impedimento occulto affinitatis ex copula illicita proveniente ad remanendum in matrimonio contracto.*

Insuper Auctoritate Apostolica mihi specialiter delegata, dispenso tecum super impedimento primi, vel secundi affinitatis gradus, ex copula illicita, quam cum Sorore, vel Matre, vel, &c. tuæ putatæ conjugis antea habuisti; ita aut illo non obstante, renovato consensu,

sensu, cum præfata conjuge matrimonium cum illa contrahere, consummare, & in eo remanere licitè possis, & valeas. In Nomine Patris, &c.

Item eadem Auctoritate Apostolica prolem, si quam suscepisti, & susceperis, legitimam fore decerno, & declaro. In Nomine Patris, &c.

114 Formula dispensationis super incestu, non expresso in Litteris obtentis à Dataria ad contrahendum.

Insuper Auctoritate Apostolica, mihi specialiter delegata dispenso tecum super impedimento ex incestuosa copula, quam cum tua consanguinea, seu affine habuisti, proveniente, ut, præfato impedimento non obstante, matrimonium cum illa ad formam Litterarum dispensationis, quam à Sede Apostolica obtinuisti, contrahere licitè possis, & valeas. In nomine Patris, &c.

115 Formula dispensationis super impedimento ut supra, ad remanendum in contractu.

Insuper Auctoritate Apostolica mihi specialiter delegata dispenso tecum super impedimento ex incestuosa cognitione in litteris dispensationis, cujus vigore contraxisti, non expressa, proveniente, denuò matrimonium cum illa contrahere, renovato consensu, & consummare, ac in eo remanere licitè possis, & valeas. In Nomine Patris, &c.

116 Formula dispensationis pro Consanguineis, vel Affinibus, qui ignorantes gradum prohibitum, matrimonium contraxerunt, publicationibus in Ecclesia factis.

Insuper Auctoritate Apostolica, mihi specialiter delegata, dispenso tecum super impedimento tertii, vel quarti gradus consanguinitatis, vel affinitatis, ut, illo non obstante cum tua putata conjuge, prævia renovatione prioris consensus, matrimonium se-

cretò inter te, & ipsam contrahere, & consummare, ac debitum conjugale exigere, & reddere licitè valeas. In Nomine Patris, &c.

Item Auctoritate Apostolica prolem, si quam suscepisti, vel susceperis, legitimam esse, & fore decerno, & declaro. In Nomine Patris, &c.

117 Formula pro iis, qui matrimonium contrahere desiderant cum impedimento criminis occulto.

Insuper Auctoritate Apostolica, mihi specialiter delegata, dispenso tecum super impedimento criminis ex adulterio, & fide data proveniente (vel si aliud crimen sit, illud exprimitur) ut illo non obstante, cum muliere matrimonium, publica servata forma Tridentini Concilii, contrahere, & consummare, debitum conjugale exigere, & reddere licitè possis, & valeas. In Nomine Patris, &c.

Pariter eadem Auctoritate Apostolica prolem susceptam, non tamen in adulterio, & suscipiendam legitimam esse, & fore declaro. In Nomine Patris, &c.

118 Formula pro iis, qui matrimonium contraxerunt cum impedimento criminis occulto.

Insuper Auctoritate Apostolica, mihi specialiter delegata, dispenso tecum super impedimento criminis ex adulterio, & fide data proveniente (vel alio, si aliud sit) ut illo non obstante matrimonium cum tua putata conjuge contrahere, consummare, ac debitum conjugale exigere, & reddere valeas. In Nomine Patris, &c.

Pariter eadem Auctoritate (ut supra pro legitimitate prolis) &c.

119 Formula concedendi jus exigendi debitum conjugale, postquam hoc amissum fuit ob peccatum incestus cum Consanguinea Conjugis.

Insuper Auctoritate Apostolica, mihi

mihi commissa ; dispenſo tecum , ut non obſtante affinitate , quam contraxiſti cum tua Uxore ex illicita copula à te habita cum ejus Sorore (*vel, &c.*) cum eadem remanere in matrimonio poſſis , debitumque conjugale ab eadem exigere , & reddere valeas. In Nomine Patris, &c.

Hæc omnia , & ſingula in hiſce quatuor libris contenta infallibili Sanctæ Sedis judicio , & correctioni ſubmitto ; & utens phraſi Petri Damiani addo : *Nos , ſi quid erravimus , ad Petri magiſterium corrigendi libenter accedimus , & reſtaurationis opprobrium non veremur .*



F I N I S.

R E G E S T U M RERUM NOTABILIMUM,

Quas tum primus, & secundus, tum tertius, & quartus
liber exhibent.

Primus numerus marginalem, & secundus paginam ostendit.

Abortus.

Occidensortum, sit irregularis, licet dubi-
tet esse animatum. 2. & sequen. pag. 329
Abertum procurans contra quam virtutem fa-
ciat. 7. ibid.
Mulier ad vitandam difficultatem parienti
non licet procurare abortum. 8. 330
Nec graviter infirmæ sumere medicamenta, tenden-
tia ad expulsionem fetus. 9. ibi.
Ad vitandam infamiam non licet procurare abor-
tum. 11. 331
Non licet suadere extinctionem abortus. 13.
ibidem.
Praxis Confessarii cum penitente, exponente,
se procurasse abortum. 16. 332
Procurans abortum fetus animati, si mors se-
quatur, est excommunicatus; nec absolvitur
sue speciali facultate Ordinarii. ibi.

Absolutio.

Absolutionis Sacramentalis forma. 3. 485
Absolutio debet dari per verba formalia,
voce, & ore prolata. 6. ibi.
Absolutio à peccatis non potest conferri absenti.
7. & 8. 486
Ut absolutio sit valida, quid requiratur ex parte
Ministri. 9. ibi.
Quid, ut sit licita. 12. 487
Quando Confessarius excommunicatus valide ab-
solvat. 16. ibi.
Invalida est absolutio data, expleto anno depu-
tationis. 22. 489
Quando sit neganda, & quando differenda abso-
lutio. 31. 492
An absolutio differenda sit mulieribus superflue,
& vanè se ornantibus. 11. 502
Absolvere à reservatis sine Episcopi facultate pro-
hibitum est Mendicantibus, & aliis Sacerdo-
tibus. 14. 1
Datur pena, qua ligantur, si ab eis absolvant.
2. ibi.
Approbatus in una Diœcesi, potest absolvere pe-
nitentem alterius Diœcesis, habentem peccata
in sua Diœcesi reservata. 6. ibi.
Quid, si illis adjuncta sit excommunicatio. 7. ibi.
Quid de accedente una vice cum peccato, quod
Matthæucci Cantala Confess.

est sine censura reservatum, & alia vice cum
alio, cui est annexa censura reservata. 6. 42.
Quid si manifestavit hæresim internam, & dicit se
ignorasse ei annexam esse excommunicationem
reservatam. 9. ibi.
Reservata, quando indirectè absolvantur. 10. ibi.
Absolutus à reservatis ab habente facultatem, re-
manet indirectè absolutus à peccato reservato
oblato. 13. ibi.
Non verò, si Confessio est voluntariè sacrilega.
14. 43
In mortis articulo potest absolvere à reservatis
quilibet Sacerdos. 15. ibi.
Secus, si adest approbatus. 16. ibi.
Quando absolutus in mortis articulo, periculo
cessante, debeat comparere coram Superiore.
19. 44
Absolvere à reservatis Episcopo an possit Con-
fessarius Ordinarius in aliquo alio casu. 20. ibi.
Facultas absolvendi à casibus reservatis, & cen-
suris reservatis non est eadem. 21. ibi.
Confessarius ordinarius absolvere non potest à
reservatis Sedi Apostolicæ. 22. ibi.
Nec à peccato, quod dubitat contineri Bulla ce-
næ. 30. 17
Confessarius ordinarius non potest absolvere à
censura Canonis. 38. 50.
Et quos possit Episcopus. 59. ibi.
Absolutio à peccatis non potest dari absenti.
27. 491
An differenda sit absolutio penitenti ignorant
Mysteria necessaria ad salutem. 16. 292
Confessarius Ordinarius non absolvit ab hæresi,
nisi fuerit purè interna. 7. 12
Nec tempore Jubilei, nisi exprimat. 23. 15
Nec vigore Bullæ Cruciatæ. 15. 601.
Excommunicatus denunciatus nec in articulo
mortis potest absolvere. 96. 634
Quid, si penitens fuerit in foro externo absol-
utus ab excommunicatione, hæresi annexa.
29. 16
Absolutus ab una Censura non est absolutus ab
alia, nisi ab omnibus absolutio petatur. 43. 207.
An nondum absolutus ab excommunicatione,
possit absolvi à peccatis. 34. 490
An valida sit absolutio data à Confessario, qui
reputatur habere jurisdictionem, quam tamen
non habet. 12. 226

Regestum

Agitur de absolutione moribundis usu lingue privati. 26.490
Absolutio à censuris potest dari absenti. 34.492
Non licet Confessario absolutionem simulare. 13.322
Que conditio invalidet absolutionem. 16.491
Agitur de absolutione existentis in articulo mortis, potentis tunc famam restituere. 32.427
Et de absolutione recipientium munera à Regularibus. 35.493
Ab hæresi nec tempore Jubilæi absolvit Confessor ordinarius. 29.221
Nec violatores Immunitatis Ecclesiasticæ. 34.465

Accidia.

Est ex genere suo mortalis. 25.90
quatuor modis sumi potest. 42.447
Non admittit parvitatem materiæ. 43.448
Que vitia ex ea procedant. 37.447

Actus.

Homo tenetur elicere actus Fidei, Spei, & Charitatis, aliquando per se, aliquando per accedens. 1.1
Quando teneatur per se. 2.491
Quando per accedens. 3.2
Potest quis satisfacere præcepto eliciendi actum fidei, ad quem per se tenetur, quando elicit actum fidei, ad quem tantum per accedens obligatur. 7.277
Quoties quis teneatur per se elicere actus. 12.3
Et illos spei. 22.6
Et eos Charitatis. 28.7
Quando actus censetur moraliter interruptus. 13.87
Regula actuum humanorum duplex. 3.516
Actus fidei, & spei sunt boni, licet non sint dilectio. 22.525
Eliciens actum fidei non peccat, effo habeat charitatem. 29.526

Adoratio.

Ubid fit. 62.532
Sanctorum Imagines adorantur adoratione relativa. 59.491
Adoratio triplex, Latrice, Hyperduliz, & Dulice. 65.491
Alia interior, exterior altera. 63.491
Una absoluta, alia respectiva. 64.491
Reliquiis Sanctorum debetur adoratio. 69.533
Papa licet adoratur. 73.491
Sacramentum Eucharistiæ adoratur adoratione Latrice. 5.570

Adulatio.

Quando fit mortale. 41.423

Adulterium.

Ubid fit. 7.440
Obligatio in uxoris cum aliis non fecommiscendum est ex iustitia. 2.491
Copula cum uxore, consentiente Marito, est Adulterium. 3.491
Adulterium, an, & quomodo reddat invalidum Matrimonium, contractum cum adultero, vel adultera. 6.87
Adulter, cui ex adulterio natus est Filius, tenetur restituere expensas factas in educatione illius. 18.453
Quid Confessario agendum cum muliere, quæ ex adulterio prolem suscepit. 13.491
Uxor negando debitum Marito, sibi noto adultero, non peccat. 25.454

Advocatus.

Peccat, si suscipit defendendam causam, manifeste iniustam. 8.218
Cognoscens rationes partis adversæ probabiliores, debet relinquere patrocinium. 10.491
Cognoscens utrinque esse rationes æquæ probabiles, licet patrocinatur. 11.219
Non potest absolvi, si est paratus patrocinari cuius. 12.491
Dantur aliqua pro instructione Confessarii, danda Advocatis. 491

Affinitas.

Ubid fit, unde oriatur. 3.245
Præcedens Matrimonium dirimit contrahendum. 4.491
Sequens Matrimonium contractum privat iure petendi debitum. 5.246
Inter quos reperitur. 3.245

Altare.

Privilegium quale. 57.173
Que Missæ sint celebrandæ in Altari privilegiato. 21.22.23.36
Responsa S. Cong. Conc. ad dubia super numero Missarum celebrandarum in Ecclesia, in qua est Altare privilegiatum. 57.173
Altaria Deo ad sacrificandum eriguntur. 71.533

Ambitio.

Ubid fit. 19.504

Amor Dei.

Mare quid fit. 4.237
Est de fide dari præceptum amandi Deum. 7.517
Quomodo differat amor charitatis ab illo spei. 8.491
Deus amandus est super omnia appetitativè 10.
Vide verbum dilectio.

Rerum notabilium.

Annus.

Pubertatis, quando incipiat. 39.550
Annus requisitus ad ordines suscipiendos. 19. 615
Requisitus à validitatem professionis Religiosæ. 24-547

Approbatio.

Ad confessiones excipiendas, est omnibus Sacerdotibus necessaria. 1.63
Esse approbatum ad confessiones, non est idem, ac habere jurisdictionem. 2.ibi.
Approbatio ab Ordinario loci est necessaria in Confessario, electo etiam vigore Jubilei, & Bullæ Cruciatæ. 6.64
Non approbatus non potest absolvere à venialibus. 11.65
Habens beneficium Curatum non potest eligere in Confessorem non approbatum. 1.72
Quid de Episcopo extra suam Diocesim. 3.ibi.
Et de Eminentif. Cardinalibus. ibi.

Apostasia à Fide.

Quid sit. 12.13
Quid agendum Confessario cum apostata penitente. 13.ibi.

Arbor Consanguinitatis.

Regula pro linea recta. 46.623
Pro linea laterali in distantia æquali. 48.624.
Pro linea laterali in inæquali distantia. 49.ibi.
Linea ascendendum, & descendendum. 43.623

Articulus Mortis.

Quid sit, & in quo differat à periculo: & qui censeantur in eo esse. 18.43

Astrologia.

Judiciaria, non verò naturalis prohibetur. 19.22. & 82.106
Astrologi discuntur ex principiis incertis, & dum aliqua divinant, ex pacto cum Dæmone faciunt. ibi.

Attentio.

Interna, & externa. 5.148
Literalis, superficialis, & Spiritualis. 6.ibi.
Actualis, virtualis, & habitualis. 11.149

Attritio.

Quid sit. 8.477
In quo differat, & conveniat cum contritione. 11.478
Datur formula actus attritionis. 13.ibi.

Pro justificatione, debet esse supernaturalis. 24. 481
Unde cognoscatur, quod sit talis. 25. & 26.ibi.
Attritio concepta ex consideratione turpitudinis peccati. 29.482
Dum quis putat se habere dolorem sufficientem, quem revera non habet, validè non conficitur. 30.ibi.
Attritio concepta ex timore gehennæ sine amore benevolentie est bonus motus. 34.527
Sententia, quod attritio sit dispositio sufficiens ad Sacramentum Pœnitentiæ, est certa. 6.224

Autor.

Sua scripta submittit iudicio S. M. Ecclesiæ. 119.642.

Auxilium.

Omnibus hominibus dantur auxilia sufficientia ad salutem. 15.524
Aliud est proximè, & aliud remotè sufficiens. 20.ibi.
Gratia sufficiens homini utilis. 21.425
Cum auxiliis ordinariis gratiæ possunt vitari omnia venialia divivè. 17.503
Quis censeatur implorare auxilium Dæmonis. 11.20. & 70.104.

Axioma.

De duobus malis minus est eligendum. 41. 95. & 15.222.
Illud non possumus, quod jure non possumus. 75.630
In dubiis melior est conditio possidentis. 41.149
In dubiis tutior pars est eligenda. 51.98. & 35.147
Scienti, & consentienti non fit injuria. 3. & 4. 449

Baptismus.

Definitur. 2.562
Ejus forma. 74.534. Materia. 79.535. Minister. 80.ibi.
Baptismus triplex. 3.562
Baptismus fluminis, privatus, & solemnus. 6. ibi.
Baptismus aque est janua omnium Sacramentorum. 7.613
Per Baptismum demittuntur originale, & actualia commissa ante susceptum baptismum. 42.529
Et omnis pena ipsis debita. 43. non penalitates. 44.ibi.
Infantes Judæorum invitis parentibus validè baptizantur. 21.566.
Pueri eorum, qui fuerunt Catholici, licetè baptizantur. 23.ibi.
Filii expositi baptizantur sub conditione. 27. 567
Omittens ego validè baptizat. 75.534
Non valet baptismus collatus in nomine San-
cti 2. 615

Regestum

Assimilatio Trinitatis. 76.ibi.
Nec collatus in nomine Christi. 77.ibi.
Qui mente profert formam baptismi, non valide baptizat. 78.ibi.
Baptizans debet habere intentionem. 84.536
Sufficit virtualis. 87.537
Baptismus est necessarius ad salutem. 27.567
Qui abluit, debet formam pronunciare. 18.565
Minister unus esse debet. 19.ibi.
Plures simul baptizari possunt. 20.ibi.
Dispositiones in adulto baptizando. 25.566
Parochus an possit omittere ritus baptismi. 16.564
In solemnibus necessarius est patrinus. 6.563
Diaconus baptizans quando fiat irregularis. 13.564
Qui non possint esse patrini. 11.564
Vide verb. *Cognatio, & confirmatio.*

Beatitudo.

Licet operari intuitu æternæ mercedis. 31.516

Bellum.

Quotuplex. 47.96
Requisita, ut sit iustum. 48.97
Bona in bello accepta sunt victoris. 49.ibi.
Princeps in concursu opinionis utrinque probabilis non potest bellum movere. 51.ibi.
In bello non licet per se innocentes occidere. 52.99
An dubitans de iustitia belli possit militare. 56.ibi.
An Clericis sit licitum pugnare. 58.100
Et quando fiant irregulares. 59.ibi.61.101
Possunt exercitum consitari. 62.ibi.
An in bello liceat uti astutiis. 50.97

Beneficium.

Beneficia Ecclesiastica gratis sunt conferenda. 1.79
Ius ad beneficium quis habeat. 3.ibi.
Beneficiarius non recitantes divinum officium tenentur ad restitutionem. 3.76
Quid de Pensionariis. 11.78
Quid de Parochis. 12.ibi.
Et ante sententiam Judicis. 15.ibi.
Beneficiarius recitans officium sine attentione debet restituere. 5.77
Habens plura beneficia debet pro rata officii omitti. 6.ibi.
Non tenetur ad tot officia, quot sunt beneficia. 7.ibi.
Secus, si illa iniuste possideat. 8.ibi.
Recitans officium per alium non satisfacit sue obligationi. 16.79
Beneficium Curatum quid importet. 2.72
Et quid beneficium Ecclesiasticum, & Cappellania collativa. 2.76
Beneficiarius tenetur ex redditibus beneficii

Ecclesiastici elemosynas erogare. 16.267
Quid si habeat etiam patrimonium. 27
Quantum ex superfluis erogare teneatur. 27.ibi.
Beneficium illegitimo titulo accipiem, tenetur restituere distributiones quotidianas, quas residendo percipit. 57.355
In Beneficiis primò est onus recitandi Brevariarii. 17.79

Blasphemia.

Quid, & quotuplex sit. 14.255
Simplex non sapit hæresim. 10.11.256
Explicandum, an blasphemia sit in Deum Virginem, vel Sanctos. 9.12
An blasphemans, ut peccet, debeat intendere Deum dehonorare. 18.256

Bona.

Bona, ex quibus teneamur elemosynam erogare. 6.261
Necessitas proximi triplex. 5.ibi.
Bona filisfamilias, alia castrensia, alia quasi castrensia, alia adventitia, alia profectitia. 21.265
Bona conjugum sunt triplicis generis. 22.266
Dantur bona, quæ debemus proximo velle. 7.253
Ordo inter bona animæ, vitæ, honoris, & fortunæ. 3.252
Bona Ecclesiastica non possunt alienari. 9.393
Non possunt vendi Cappellæ, & Sepultura. 1.ibi.
Bonum matrimonii triplex. 2.449

Bulla.

Bulla Cænx quid sit. 1.10
Num Confessarii mortaliter peccent, si eam non retineant. 2.11
Summa ejusdem. 96.58
Quid sit falsificare literas Apostolicas prohibitum in 6. Canone Bullæ. 102.59
Offendens Romipetas, quæ tales, est excommunicatus in 10. Canone Bullæ. 106.60
Cæteris numeris alii Canones explicantur.
Confessarius ordinarius non potest absolvere à peccato, quod dubitat contineri in Bulla Cænx. 30.17
Observanda à Confessario Ordinario absolvente in articulo mortis à casibus Bullæ. 26.16
Superiores Regularium non possunt suos subditos absolvere à casibus Bullæ. 28.ibi.
Bulla Cruciate non dat Confessario privilegium absolventi ab hæresi. 15.601

Cambium.

Quid sit, & quotuplex. 13.367
Campfor in Cambio secco nil potest supra sortem accipere. 14.ibi.
Aliquid potest in Cambio minuto. 15.ibi.
Iuste aliquid lucrì accipitur in Cambio locali. 16.368

Quia

Rerum notabilium.

Quodnam censetur iustum pretium, quod supra pecuniam cambitam accipi potest. 17. ibi.

Dantur conditiones necessario requisitæ ad legitimam Cambia. 18. ibi.

Cambium cum recambio non est licitum. 19. 369.

Vide verb. *Contractus*.

Casus.

Dantur reservati in Corpore juris. 22. 44.

Referuntur reservati in Bulla Censæ. 96. 48.

Penitens habens casum reservatum, ignorans esse reservatum, & ipsum Confessario ordinario exponens, tenetur denuo aperire Confessario facultatem habenti. 11. 498.

Penitentiarum Cathedralis non possunt absolvere à casibus reservatis Episcopo sine facultate. 14. 601.

Casus reservati apud Regulares. Vide verb. *Regulares*. Alia verb. *Absolutio*, & *Confessionarius*. Vide verb. *virtus moralis*.

Castitas.

Quid sit. 2. 439.

Triplex est. 3. ibi.

Votum castitatis perfectæ quid importet. 34. 168.

Votum castitatis simplex, & solemne. 10. 132.

Castitati opponitur luxuria. 146. 124.

Contra ipsam non datur parvitas materiæ. 148. 124.

Cautela.

Tenenda in absolutione moribundi ligati censura reservata. 15. 10.

Cautela Bartholi in reddendis responsis. 16. 514.

Et illa Confessarii, ne sigillum confessionis frangat, dum consilium petit. 7. 598.

Censura.

Quid, & quotuplex sit. 2. 3. 201.

Alia ab iure, alia ab homine lata. 14. 203.

A censuris Bullæ Censæ non absolvit, nisi in eo specialiter privilegiatus. 17. ibi.

Censura Canonis incurritur ob injuriam realem in personas Ecclesiasticas. 45. 49.

A censura incurfa ab alienante bona Ecclesiæ sine beneplacito Apostolico non absolvit Confessor ordinarius. 91. 393.

In dubio facti cui est annexa censura, quid agendum. 5. 329.

Vide verb. *absolutio*.

Census.

Quid, & quotuplex sit. 6. 7. 8. 363.

Conditiones servandæ in constituendis censibus. 9. 364.

Marthæi Cautela Confess.

Assignatur differentia inter censum, & mutuum, & ratio, cur contractus censualis non sit usurarius. 10. 366.

Res censita debet ferre fructus, qui sequent pensionem ei impositam. 12. ibi.

Vide verb. *Contractus*.

Certitudo.

Moralis, quid. 16. 144.

Non potest quis secundum matrimonium contrahere, dum non est moraliter certus de morte prioris conjugis. 67. & seq. 650.

Certitudo fidei divinæ. 1. 2. p. 283.

Christus.

Mortuus est pro omnibus. 12. 523.

Fides explicita Christi necessaria ad justificationem. 11. 513.

Recurrendo ad intercessionem Sanctorum non præjudicatur meritis Christi. 11. 445.

Ecclesia orationes concludit per Christum Dominum nostrum. ibi.

Circumstantia.

Circumstantiæ peccatorum quænam sint. 2. 130.

Quot sint. 3. ibi.

Quotuplex sit Circumstantia aggravans intra eandem speciem. 4. 137.

Circumstantiæ peccatorum in Confessione sunt aperiendæ. 5. ibi.

Quomodo dignoscatur, quando mutant speciem, & quando solum aggravant. 6. ibi.

Quid importet Circumstantia, quis, & quid 7. usque ad num. 31. ibi.

Determinatum malum, desideratum proximo, est in Confessione dicendum. 29. 135.

Peccans cum semina mortua tenetur in Confessione hanc Circumstantiam aperire. 30. ibi.

Si quis ex propositionibus damnatis aliquam docuit, illam determinatè aperiat. 31. ibi.

Circumstantia quibus auxiliis, quid significet. 39. 136.

Quid circumstantia cur. 54. 139.

Et quid Circumstantia, quando. ibi.

Clausura.

Quid sit, & quando dicatur violari ad malum finem. 35. 46.

Mulieres ingredientibus monasteria virorum excommunicantur. 77. 130.

Et Religiosi eas introducentes. 78.

An in violatione clausuræ Monialium detur parvitas materiæ. 43. 48.

Clericus.

Unam intelligantur nomine Clerici. 46. 49.

Sf 3 Cle-

Regestum

Clerici percussio levis, mediocris, & enormis. 48.50
 Clericus ludus aleorum prohibetur. 71.349
 Clericorum privilegium fori, & Canonis. 6. 613
 Propinans Clerico venenum, est excommunicatus. 19.204
 Obligationes Clerici promoti ad sacros ordines. 5.613
 Clericus irregularis in ministerio ordinum. 12.202. & 10.614
 Clericus ob occasionem irregularis. 8.325
 Clericus ordinatus non baptizatus. 7.613
 Quis dicatur habere pensionem, ut Clericus. 11.78
 Diaconus ministrans Sacerdoti in mortali peccat. 42.578
 Et quando baptizans fiat irregularis. 14.564

Communio.

Datur præceptum annuæ communionis, quod non adimpletur per sacrilegam Domini manducationem. 2.469
 Omittens communicare in Paschate, tenetur communicare ante alterum Pascha. 3.ibi.
 Confessarius potest ob causam differre penitentem ad tempus communionem Paschalem. 7.470
 Prævidens non posse in Paschate communicare, renetur communicare ante Pascha. 8.ibi.
 Et debet, etiam postea tempore Paschali, implere. 9.471
 In Parochiali est implendum præceptum communicandi. 10.ibi.
 Confessarius celebrans non potest negare Eucharistiam penitenti, quem inabsolutum dimisit, si eam petit. 11.ibi.
 Et quid de hebreo solum extrinsecè simulante Christianam Religionem. 14.472
 An Parochus teneatur communicare hæreticum infirmum, qui constituitur unum peccatum, & statim subdit: non credo Sacramentum penitentia, & petit communionem. 16.17.ibi.
 Communio quotidiana non est sub præcepto. 28.476
 Plures formulæ non possunt communicando rudi. 29.ibi.
 Quando obliget præceptum sumendi Eucharistiam. 21.573
 Duo peccata committit, qui tempore Paschali sacrilegè communicat. 18.473
 Dantur dispositiones requisitæ, ut quis non communicet sacrilegè. 19.ibi.
 Ut quis satisfaciat præcepto communionis, an possit, & teneatur confiteri Sacerdoti non approbato, dum approbarus deest. 24.474
 Quæ ætate pueri admittendi sint ad sacram communionem. 25.475
 In quo consistatabilitas eorum requisita ad hunc effectum. 26.ibi.
 An sol'a frequens communio, & confessio sit

nota prædestinationis. 27.ibi.
 Communio quotidiana, non est de jure divino. 28.476
 An communicatio possint tradi plures particule. 29.ibi.
 Sumpcio Eucharistiæ sub utraque specie non est præcepta. 21.473

Cognatio.

Legalit quid sit. Dirimit matrimonium, & cum quibus lib.IV. 37.38.62
 Describitur adoptitio. ibi.
 Quid naturalis. Dirimit matrimonium usque ad quartum gradum. 4.613
 Etiam in linea laterali. 50.615
 Quid sit Stipes, Gradus, & linea. 40.41. & 42.613
 Quid spiritualis: ex quibus Sacramentis, ac inter quos contrahatur. 7.563.39.622
 Non contrahitur à non baptizato. 10.ibi.
 Contracta ante matrimonium dirimit contrahendum; si post matrimonium, privar jure petendi debitum. 8.247
 An Pater, vel Mater proprium filium baptizantes, contrahant cognationem spiritua-lem. 9.ibi.12.564
 Ad contrahendam cognationem spiritua-lem debet Patris esse designatus. 7.568
 Inter ipsos Patris non reperitur. 7.563
 Procurator non contrahit cognationem. 9.ibi.

Concilium.

Oecumenicum, quid. 89.518
 Non est supra Papam. 90.ibi.
 Appellantes ad futurum Concilium sunt ex-communicati. 98.48
 Congregata sine autoritate Papæ sunt Con-venticula. 98.539

Confessarius.

In tribunali penitentia triplex munus exer-cet, Judicis, Medici, & Doctoris. 2.484
 Habet jus interrogandi penitentes, & ipsi re-spondere tenentur. ibi.
 Confessarius existens in mortali, ministrans Sacramentum penitentia, debet se reducere ad statum gratia, saltem per contritionem. 8.67
 Absolvens in mortali tot peccata committit, quot absolvit. 82.555
 Confessarius Regularis validdè absolvit in arti-culo mortis, etiam presente Parocho. 17.43
 Quomodo se gerere debeat cum penitente, qui jurat de præteritis dolere, & in futu-rum velle ab eis abstinere. 13.334
 Confessarius absolvens dum est censura ligatus si irregularis. 15.564
 An Confessarius teneatur sequi opinionem penitentis. 16.230
 Praxis ipsius cum hæretico penitente. 9.12
 Cum Apostata. 13.13

Cum

Rerum notabilium.

Cum obligatis ad denunciandum hereticos . 16.22
 Cum Schismatico . 17.14
 Cum Astrologo . 19.22
 Cum Sortilego . 16.16
 Cum ligato censura reservata . 15.10. & 19.44
 Cum legente libros prohibitos . 30.22.1
 Cum Confessario sollicitante . 26.29
 Cum penitente sollicitata . 28.10
 Cum eo , qui contraxit matrimonium cum impedimento dirimente . 21.250
 Cum procurante abortum . 16.332
 Cum eo , qui non præmisit examen conscientie . 7.38
 Cum obligato ad restitutionem bonorum fortunæ . 74.370
 Cum Detractore . 21.418
 Cum Simoniaci . 38.432
 Cum ministris montis Pietatis . 24.412
 Cum ignorante mysteria fidei . 15.291.11.513
 Cum Duellante . 15.10
 Cum fractore jejuni . 22.84
 Cum occidente plures . 14.88
 Cum se accusante rixa deliquisse . 30.91
 Cum exercente actum superstitioſum . 113.115
 Cum petente , an licitus sit usus pulveris Sympatici . 38.494
 Cum de novo sciente bona à se possessa fuisse aliena . 58.356
 Cum fure . 10.315
 Cum venditore piscium . 16.336
 Cum eo qui plura furtula committit . 61.356
 Cum Catholico accusante se esse conversatum cum Judæis . 15.282
 Cum penitente , si in Ecclesia eodem tempore reputarentur duo Summi Pontifices . 18.14
 Cum penitente negante Papam licite adorari . 73.534
 Distinctio à Confessario ponderanda . 19.504
 Quomodo se gerere debeat cum condncente operarios ad operandum . 12.460
 Cum curioso . 167.129
 Cum obtrinent gratiam , vel iustitiam à Sede Apostolica . 9.141
 Cum Iudice petente instructionem . 2.227
 Cum adorante imaginem Lutheri . 6.233
 Cum guloſo . 5.240
 Cum distributore officii ecclesiastici . 5.434
 Cum aſtuto ad jurandum . 13.502
 Cum Campſore , vel Banchario . 18.368
 Cum volente celebrare contractum societatis . 20.369
 Cum nobili dimittente famulum . 35.375
 Cum promittente aliquid Iudici pro inulta ſententia , & ſicario pro homicidio . 57.381
 Cum ludente ludo prohibito . 63.384
 Cum compellente minis ad ludum . 64.384
 Cum meretrice . 18.68
 Cum ſpondente ſuper morte , & electione Pontificis , ac promotione Cardinalium . 73.387
 Cum ſpondente cum tribus ſuper Beneficio conferendo . 75.161.

Cum notario quoad contractus cenſuales . 9.364
 Cum Beneficiario alienante bona Eccleſiæ . 90.393
 Non poſſit tempore Jubilei habitare impen-
 ditos ad officia . 42.432
 Cum accuſante ſe habuiſſe cogitationes im-
 puras quomodo ſe gerere debeat . 23.444
 Cum interrogante de validitate matrimonii . 14.452.

Confefſio Sacramentalis.

Quid ſit . 7.18. De qua adeſt præceptum :
 tum divinum , tum Eccleſiaſticum . 3.68
 Aliquando obligat per ſe , ali quando
 per accidenſ . 4.161.
 Præceptum confeſſionis obligat per ſe in Pa-
 ſchate . 9.67
 Tempus Paſchale quantum ſe extendat . 10.161.
 Qui eo tempore Confeſſionem Sacramentalem
 omiſit , tenetur quamprimum conſiteri . 11.161.
 Confeſſionem tenetur anticipare , prævidens
 tempore Paſchali ſibi defuturam copiam
 confeſſarii . 12.68
 Præceptum conſtituti tempore Paſchali ob-
 ſtringit etiam habentem ſolum venialia . 13.161.
 Habens peccata reſervata cum non reſervatis
 tenetur omnia Confeſſario exponere . 10.42
 Proprius Sacerdos quis ſit . 15.68
 Qui conſitetur Regulari approbato ab Ord-
 inario loci ſatiſfacit præcepto Eccleſiæ . 16.161.
 Per Confeſſionem voluntarie nullam , non ſa-
 tiſcit præcepto Eccleſiæ . 21.69
 Qui præceptum Eccleſiaſticum Confeſſionis
 non implevit , an poſſit abſolvi . 23.161.
 Confeſſio non poteſt fieri per literas . 27.491
 Per ſe debet eſſe vocalis , per accidenſ eſſe
 poteſt non vocalis . 32.492
 Confeſſarius abſolvens debet habere juridi-
 ctionem ordinariam , vel delegatam . 10.486
 Confeſſionis integritas in quo conſiſtat . 3.37
 Confeſſio integra materialiter poteſt eſſe ali-
 quando invalida . 4.161.
 Sed formaliter integra , nunquam . 5.161.
 Peccata dubia pertinent ad integritatem ma-
 terialem confeſſionis . 8.38
 Materialiter integra an ſit ſub præcepto . 2.495
 An dentur caſus , & quinam ſint , in quibus
 quis excuſatur ab integritate materiali con-
 feſſionis . 4.161.
 Ita loqui : *Hoc dico tibi in confeſſione* , non
 importat confeſſionem Sacramentalem . 99.
 396
 An poſſit licite confeſſionem dimidiare Sacer-
 dos , qui habet reſervata , & non adeſt , niſi
 Confeſſarius ordinarius , & urget neceſſitas
 celebrandi . 7.496
 Quid , ſi peccato reſervato annexa ſit excommu-
 nicatio reſervata . 9.497
 Concurreſſi populi non eſt cauſa ſufficiens di-
 midandi confeſſionem . 12.498
 An liceat dimidiare confeſſionem , ne mani-
 feſtetur complex . 13.161.
 De confeſſione moribundi . 26.499

Regestum

Concubina:

Quid sit, & in quo differat à Meretrice. 3.177.
Concubinarius non potest absolvi, usque dum concubinam expellat. 4.5.1bi.
 Esto eam alar in Domo aliena, & tantum semel in mense ad ipsam accedat. 7.178
Quid agendum Confessario cum Filiofamilias, qui in Domo Patris habet Concubinam. 8.9.1bi.
Quid cum Concubinario existente in articulo mortis, & non potest Concubinam expellere. 11. & sequen. 179
Concubina, quæ disit, quod relinquendo Concubinarium fame peribit, an possit absolvi. 16.180

Confirmatio.

Sacramenti Confirmationis materia, & forma. 1.567
 Dispositiones necessariz in confirmando. 3.568
 In confirmatione admittitur Patrinus, sed unus, vel una. 6.1bi.
 An, dum plures admitterentur, omnes contraherent cognitionem Spiritualem. 7.1bi.
 Patrinus, qui admittitur in Confirmatione, alius esse debet ab eo, qui fuit admittus in Baptismo: & debet esse confirmatus. 8.569

Conscientia.

Quid, & quotuplex sit. 8. & sequen. 143
 Operans contra conscientiam rectam peccat. 17.144
Conscientia Erronea duplex. Una ex errore invincibili 19. alia ex errore vincibili. 20.1bi.
 Peccat operans contra conscientiam invincibiliter errantem. 21.145
 Putans ex conscientia vincibiliter erronea se teneri ad mentiendum pro vita proximi tuenda, peccat, siue mentiatur, siue non. 22.1bi.
 Peccat operans cum conscientia practice dubia. 39.148
 Dubitans disit Jovis, an transacta sit media nox: utrum possit comedere carnes. 41.149
 Non licet operari cum conscientia scrupulosa. 44.1bi.
 Darur remedium contra scrupulosos. 45.150

Consecratio.

Materia apta consecrationis, tum Corporis, tum Sanguinis. 7.8.9.570
 Forma utriusque consecrationis. 15.572
 An omnia verba sint de essentia formæ. 16.1bi.
 Peccatori non licet præbere hostiam non consecratam loco consecrate. 4.326
 Non licet proferre verba consecrationis sine intentione consecrandi. 7.1bi.

Quanto tempore Corpus Christi sit sub speciebus panis. 19.573
Materia consecranda debet esse presens Sacerdoti. 10.571
 Peccat Sacerdos Latinus consecrans in fermentato. 7.570
 Vino in Calice admiscetur aqua, nec quis à peccato potest excusari à parvitate materiz. 14.571

Consensus.

Requiritur ad validitatem matrimonii. 8.617
 Matrimonia filiorumfamilias sine consensu Parentum contracta, sunt valida. 14.619

Consuetudo.

Consuetudo peccandi in quo consistat. 3.500
 Quot actus requirantur, ut quis dicatur peccare ex consuetudine. 4.1bi.
 Consuetudo peccandi an sit diversa ab occasione proxima peccandi. 5.1bi.

Consultare.

Confessarius, qui suo consilio est causa effluxus damni, tenetur restituere. 45.153
 Ex errore consulens sursum, tenetur restituere. 68.359
 In nullo casu licet consultare peccatum. 13.331

Contractus.

Promissio alia ex se valida, alia ex se invalida. 59.306
 Contractus celebratus cum excommunicatis, etiam virandis, obligat. 1bi.308
 An cum Judæis possint celebrari contractus. 16.182
 Cum Hereticis non est adeo facile paciscendum. 59.308
 Promittens aliquid, duplici titulo tenetur implere. 1bi.306
 Celebrantes contractus nequeunt uti restitutionibus, etiam non pure mentalibus. 19.314
 Contractus quid sit. 2.361
 Quid ille dictus *moharra*. 4.1bi
 Et ille *consus*. 6.363
 Et ille *Cambii*. 13.367
 Discrimen inter illum *mutui*, *commodati*, *locati*, & *depositi*. 18.373
 Requisita servanda in contractu *societatis*. 20.369
 Agitur de contractu inter agricolam, & heruum ementem illi boves. 23.370
 Et de illo redditionis bestie. 26.372
 Quid opus sit, ut justè animalia tradantur in societatem. 27.1bi.
 Quid sit contractus *pignoris*. 38.376
 Obligationes accipientis pignus. 40.1bi.
 Differentia inter *pignus*, & *hypothecam*. 41.1bi.
 Res Ecclesiæ nequeunt oppignorari absque licentia Sedis Apostolicæ. 42.377
 Quid

Rerum notabilium.

Quid sit contractus *Emphyteusis*. 43. ibi.
 Res Ecclesie an possint dari in *Emphyteu-*
sim. 44. ibi.
 Quid sit contractus *feudalis*. 45. 378
 Quid ille *fideiussio*. 46. ibi.
 Quid ille *donationis*. 50. 379
 Donatio alia inter vivos, alia causa mortis. ibi.
 Ut donatio valeat, quibus opus sit. 51. ibi.
 Donatio inter conjuges non valet. 52. ibi.
 Quid sit contractus *dotalis*. 53. 380
 Et quid ille *promissionis*. 55. ibi.
 Quando promissio obliget sub peccato. 56. ibi.
 An promissio facta de re turpi obliget. 57. 381
 Error cum dolo dans causam contractui hunc
 invalidat. 67. 365
 Quid sit contractus *spensio*, vulgo *scommes-*
sa. 72. 387
 Quid sit *precarium*. 29. 373
 Excommuniæ super morte, & futura electione
 Romani Pontificis, ac Cardinalium promo-
 tionibus sunt prohibite. 73. 387
 Quid sit contractus *emprionis*, & *venditionis*.
 80. 388
 Requisita, ut sit iustus. 82. ibi.
 Agitur de peccatis, quæ ab emptoribus com-
 mitti solent. 84. 390
 Et de illis, quæ venditores solent patrare.
 86. 391
 Quando venditor teneatur emptori vitium rei
 aperire. 87. ibi.
 Quid sit *evictio*. 92. 394
 Quando venditor non teneatur emptori de e-
 victione. 93. 394
 Quid sit *Monopolium*. 94. ibi.
 Ignorans monopolium, & vendens pretio non
 iusto, ablata ignorantia, tenetur excessum
 restituere. 95. 395
 Quid sit contractus *affecuratio*. 100. 396
 Contractui alia sunt substantialia, alia natu-
 ralia, & alia solemnia. 102. 397
 Ut contractus sint iusti, servanda est æqualitas
 inter merces, & pretium. 72. 389
 Contractus dictus *dare à godere*, an liceat.
 14. 402
 An iustus sit contractus *vitalitius*. 13. 401
 Excusationes pro mercatoribus vendentibus ca-
 rius ob expectatam solutionem. 24. 25. & 26. 405
 Contractus *trium contractuum* non est licitus.
 35. 408
 An contractus *Antichrestis* sit usurarius. 41. 410
 De contractu *legis-commisoria*. 36. 408
 Omnis contractus obligat ex iustitia. 24. 449
 In contractu oneroso decipiens alium tenetur
 restituere, si fuit causa damni. 64. 483
 Non licet compensationem propria autoritate;
 cum lex iustitiam, Charitatis, &c. id vetet.
 63. ibi.
 Quid sit *Trebellianica*. 21. 606
 Et quid *Falcidia*. 24. ibi.

Contritio.

Quid sit. 7. 8. 477
 Dolor contritionis: an debeat esse super

omnia appetitivè, vel intensivè. 10. ibi.
 Contritio in quo conveniat cum attritione,
 & ab ea differat. 11. 478
 Datur formula actus contritionis. 12. ibi.
 In quo differant formalis contritio, & formalis
 Dilectio Dei super omnia. 15. 479
 Dolor de peccatis, ut sit dispositio sufficiens ad
 justificationem, debet esse formalis. 16. ibi. Suf-
 ficere autem contritio pro omnibus peccatis, sed
 debet esse universalis, & quando sit talis.
 17. 18. 19. & 20. ibi.
 Debet elici ex intentione confitendi. 34. 483
 Originale remittitur sine dolore attritionis,
 vel contritionis. 45. 429
 Qui habet duo venialia, & de uno tantum do-
 let, validè absolvitur. 22. 480
 Ut dolor sit sufficiens ad justificationem, debet
 esse supernaturalis, & undè cognoscatur, quòd
 sit talis. Conceptus ex timore pænæ tempo-
 ralis non sufficit. 24. 25. 26. 27. 481
 Contritio, ut sit materia Sacramenti pœni-
 tentiæ, debet esse sensibilis. 33. 483
 Præceptum contritionis perfectæ obligat per
 se in articulo mortis. 39. 484

Contumelia.

Quid sit. 7. 414
 Fit verbo, scripto, & facto. ibi.
 Est ex genere suo peccatum mortale; potest
 esse veniale ex inadvertentia, vel ex levi
 injuria. 8. ibi.
 Libellus famosus quid. 7. ibi.

Culpa.

Alia Theologica, & moralis; alia civitatis,
 sed iuridica. Prima est duplex, mor-
 talis, & venialis. Secunda verò triplex, la-
 ta, levis, & levissima. 72. 360

Cultus.

Vero Deo modò indebito tributus in quo
 consistat. 66. 103
 Publicus cultus Sanctis Canonizatis tribuitur.
 70. 533

Curiositas.

In legentibus folia novellarum esse potest
 peccaminosa. 28. 259
 Et quando aliis. 167. 129

Debitum conjugale.

Conjuges variis modis possunt peccare in
 redditione debiti. 2. 244
 Sponsa, quæ ante matrimonium cognovit fra-
 trem sponsi, debitum nec petere, nec exi-
 gere potest. 3. 245
 Si post matrimonium non potest petere. 5. & 6.
 246

Regestum

Mulier obstricta voto simplici castitatis peccat debitum petendo. 104.47
An, & quando peccet, alter conjugum debitum petendo, si vovit Religionem. 12.248
Debitum non potest exigere dubitans de validitate matrimonii. 13.161
Quid si uterque de hoc dubitet. 16.249
Uxor propter dolores partus nequit viro debitum negare. 7.161
Debitum negare non licet, ne proles multiplicetur. 19.161
Sexagenaria tenetur viro debitum reddere. 20.250
Uxor non peccat negando debitum adultero. 25.454

Decreta, & Constitutiones Apostolicae.

Constitutio subrepticia, & obrepticia quænam. 104.540
Decretum S. Officii circa Sinenses. 13.513
Constitutio Innocentii XII. de celebratione Missarum. 66.584
Decreta S. Congr. Concilii circa Canonicos Penitentiarios. 14.601
Decretum Clementis VIII. circa reservata quoad Regulares. 10.599
Decreta S. C. Epif. circa ingressum Capituli Collegiatæ in Ecclesiis regularium. 43.609
Decreta S. C. C. circa matrimonia militum. 98.639
Decreta ejusdem quoad matrimonia hæreticorum. 101.636
Aliud ipsius quantum ad matrimonium per vim, & metum contractum. 107.638
Decretum Clementis XI. de qualitate carnis in quadragesima. 23.84
Decreta S. C. C. circa numerum Missarum celebrandarum in Altari privilegiato. 57.172
Responsa S. Congr. Consultat. Fr. Min. præpositæ circa legata ipsi relicta. 22.193.13.194.24. & 25.161
Decretum Congr. R. Fabricæ circa idem. 26.195
Constitutio Clementis X. in eadem materia. 27.196
Decretum S. Congr. Epif. in Lucana ea de re. 28.198
Decretum ejusdem S. C. R. Fabr. ad occurrendum in similibus heredum malitiæ. 161
Epistola ejusdem circa capacitatem Fratrum ad legata. 30. & 31.199
Decretum S. C. Con. ea de re editum. 32.161
Decretum Alex. VII. circa absolutionem ab hæresi tempore Jubilei. 29.221
Decreta S. C. C. quoad Altaria privilegiata. 57.172
Alia ejusdem circa impedimentum publicæ honestatis ex matrimonio non consummato. 92.633

Dilectio.

Dilectio, quæ oritur ex oculis duplex. 2.175

Utraque prohibetur sub mortali. 161
Quælibet delectatio venerea prohibetur sub mortali. 10.441
Quælibet talis delectatio est inchoata pollutio. 161
Delectatio morosa quid sit: cujus distinctio à desiderio impuro. 15.445
Sic peccatum mortale. 16.164
In Confessione est explicanda circumstantia personæ, de qua quis delectatur. 19.443
An conjuges possint voluntariè delectari de copula habita, vel habenda. 20.161
Viduis non licet delectari de copula præterita cum suo viro. 21.161
Neque sponis de copula futura. 22.161
Desiderans habere copulam cum aliqua, si esset ejus uxor, si de tali copula delectatur, peccat mortaliter. 24.445

Denunciatio.

Denunciandi sunt Hæretici. 2.17
Sciens sub secreto etiam jurato aliquem esse hæreticum, eum denunciare tenetur. 6.18
An Confessarius teneatur denunciare hæreticum ad Confessionem accedentem. 7. & 14.310
Filius tenetur denunciare Patrem, & uxor maritum. 9.19
Denuncianda est mulier malefica. 14.21
Unde oritur obligatio denunciandi. 2.17
Quid si ex denunciatione imminet periculum vite. 18.23
Denunciatio alia judicialis, alia Evangelica. 22.29

Detractio.

Quid sit, & quot modis soleat committi. 9.10.415
Deputato, ut sumat fideliter informationes super honestate puellæ, quam cognovit, quid agendum. 13.416
Peccat mortaliter, qui de publico infami propter adulterium aliud crimen occultum revelat. 13.417
An crimen proximi publicum in uno loco possit alibi manifestari. 15.161
Detractio quomodo distinguatur à murmuratione. 18.161
Quando audiens detractorem peccet. 19.418
An peccet, qui ex curiositate inquit defectus alterius. 20.161
Quid dicendum penitenti, qui petit insinuari de modo resiliendi famam, & honorem. 22.23.419
Qui detraxit viro defuncto, an teneatur ad restitutionem famæ. 25.410
Non restituit sufficienter famam, qui ob verendum se retractat, nocte affigendo Libellos in locis publicis Civitatis. 31.421
Nec, qui in morte se retractat coram Notario, hæc lege, ut scriptura per ipsum rogata, legatur post ejus mortem. 32.161

Rerum notabiliū.

Dies Festus.

PRæceptum de observandis Festis : in quo continentur duo præcepta, affirmativum, & negativum. 1.2.457
Opera in eis prohibita. 3. & 4. ibi.
Quædam opera servilia licitè exercentur, quædam non. 5.6.458
Qui dicatur per notabile tempus in die festo opus servile exercere. 11.459
Non licet committere infideli opus servile in die festo. 13.460
An toties quis mortaliter peccet, quoties in eodem festo per tempus notabile pluribus interruptis vicibus laborat. 14.461
Quando quis censeatur transgredi præceptum observandi festa cum contemptu. 17. ibi.
Super quibus interrogentur poenitentes circa præceptum observandi festa. 36.459

Dilectio.

Est Deus diligendus super omnia appetitivamente. 5.237
Cupiens perpetuò in hoc Mundo degere, peccat contra præceptum de diligendo Deum. 6. & 7.238
Statuens perseverare in peccatis, dum bene valet, peccat mortaliter. 9. ibi.
Non impletur præceptum de diligendo Deum, nisi diligatur amore supernaturali. 10. ibi.
Dilectio proximi est sub præcepto affirmativo, & negativo, quibus non satisfiit per solos actus externos. 1.2.52
Diligendus est amore supernaturali. 5.253
Diligendus est expressè, & ex motivo charitatis. 8.254
Casus, in quibus quis teneatur eum diligere. 9. ibi.
An peccet mortaliter, qui inimicum non salutatur. 11. ibi.
Peccat contra præceptum de diligendo inimicum, qui tribuens elemosynam omnibus incolis oppidi inimicum excludit. 13.255
An quis teneatur orare pro inimicis. 14. ibi.
Confessarius quid agendum cum eo, qui se accusat se odio habuisse inimicum. 19.257

Dos.

Maritus ex dote alit uxorem. 13.183
Desforans Puellam tenetur eam dotare 26. & sequen. 435
Puella post occultam desforationem non potest retinere dotem, Virginibus taxatam. 30.446
Raptor debet raptam dotare. 104.637
Parentes tenentur filias dotare. 54.380

Dubium.

Aliud juris, aliud facti. 13.144
Dubius in fide est hæreticus. 11.13

In dubio, ubi agitur de salute animæ, tutior pars est amplectenda. 40.148
Dubitans de validitate matrimonii non potest debitum exigere. 13.159
Dubitans de morte prioris viri nequit ad nova vota transire. 67.629
Dubitans, an emisit votum jejunandi, tenetur jejunare. 21.83
Confessarius absolvens non debet prudenter dubitare de legitima dispositione penitentis. 10.225
Confessarius dubitans de sua jurisdictione in absolvendo, debet abstinere. 9.14

Duellum.

Quid sit. Quotuplex ejus differentia 3 rixa. 6.7.8.9
Non innodantur censura soli duellantes. 3. & 4.8.
Ut incuratur, non est necesse, ut pugna in effectu sequatur. 4. ibi.
An duellator privandus sit Ecclesiastica sepultura. 13.10
Quid agendum Confessario cum duellante constituto in articulo mortis ex vulnere accepto. 15. ibi.

Ebrietas.

Quid sit : ejus malitia, in quo consistat : est peccatum mortale. 6.7.8.249
Bibens cum dubio, quod unico vitio vini possit se inebriare, peccat. 20.241
An licitum sit alterum invitare, *com brindeji*, ad bibendum? 13.242
An caupones apponentes vinum accedentibus, quorum plures usque ad ebrietatem bibere putant, peccant mortaliter. 14. ibi
Ebrui an peccet in blasphemis, & aliis actionibus inordinatis, quas facit in ebrietate. 17. & 18.243
Inebriare se tabacho, an liceat. 10. ibi.
Dantur species ebrietatis. 5.233
Plena ebrietas, quomodo probetur. 19.243

Ecclesia.

Errare non potest. 2.283
Propositio Ecclesiæ est conditio necessaria ad credendum. 4.276
Ecclesia Catholica est vera Ecclesia Christi. 6.285
Ecclesia est congregatio Fidelium sub Romano Pontifice. 14.291. *super lxx.*
Ecclesia quando, & quibus polluitur. 54.585

Electio ad dignitates Ecclesiasticas.

Qui censeantur digniores pro beneficiis Ecclesiasticis. 2.433
Est mortale eligere minus dignum, relicto digniori. 3. ibi.
An talis electio valeat. 13.436
Quid

Regeſtum

Quid Confeſſario agendum cum eo, qui impedit, ne alter conſequatur beneficium. 6.434
 Diſtributor beneficii tenetur ad reſtitutionem, ſi in diſtributione lædit juſtitiam diſtributivam. 9.435
 Indignus proviſus, tenetur in foro conſcientiæ officium ante ſententiam Judicis dimittere. 11.435
 In Capitulis pars minor ſequitur majorem. 1.466
 Penitens tenetur aperire ſpeciem boni, in cuius diſtributione peccaverit. 23.438
 Electio indigni eſt intrinſecè mala. 18.437

Eleemoſyna.

Quid ſit: quando præceptum dandi eleemoſynam obliget. 3.4260
 De quibus bonis quæ teneatur illud implere. 6.261
 Praxis Confeſſarii cum divite circa adimplementum huius præcepti. 8.262
 An quis huic præcepto ſatiſfaciat, extremè indigenti mutuando, vel dando, ut reddat, cum poterit. 10.263
 An ex illicitè acquiſitis, ut meretricio, adulterio, aſſaſinatu, &c. hoc præceptum impleatur. 11.263
 An ſiliusfamilias poſſit eleemoſynas facere. 21.265
 Quid de uxore, inconſulto marito. 22.266
 Famuli non poſſunt dare eleemoſynas de bonis dominorum. 29.268
 Religioſi in particulari non poſſunt eleemoſynas erogare. 30.268
 Pauper ſictus peccat accipiendo eleemoſynas. 31.268
 An de redditibus Eccleſiaſticis ſit facienda eleemoſyna. 26.26

Epiſcopus.

Non abſolvit ab hæreſi. 8.11
 Et quando à cenſura Canonis. 59.51
 Eſt Ordinarius executor omnium piarum diſpoſitionum. 14.190
 Facultas data Epiſcopis abſolvendi ab hæreſi occulta, eſt revocata. 8.11
 Nec abſolviunt violantes ſecreto clauſuram. 37.47

Euchariftia.

Quid fides doceat circa Sacramentum Euchariftiæ. 2.569
 In quo differant recipere ſpiritualiter, & Sacramentaliter Sacramentum Euchariftiæ. 22.574
 Sacerdos exiſtens in mortali, & miniſtrans Euchariftiam fidelibus, peccat. 40.577
 An ſciens Sacerdotem eſſe in mortali, & petens ab eo Euchariftiam peccet. 41.577
 Euchariftia, ut eſt Sacramentum, diſſert à ſe

ipſa, ut eſt Sacrificium. 32.576
 Quanto tempore Corpus Chriſti conſervetur ſub ſpeciebus panis. 19.572
 Communicans ſub una tantum ſpecie nulla gratia ad ſalutem neceſſaria defraudatur. 20.573
 An ſumptio Euchariftiæ ſit neceſſaria ad ſalutem. 21.573
 Sub ſpeciebus panis eſt ex vi verborum Corpus Chriſti, &c. 3.569
 Sub ſpeciebus vini eſt ex vi verborum Sanguis, &c. ibi.
 Quando obliget præceptum ſumendi Euchariftiam. 20.573

Examen.

In examine conſcientiæ quanta diligentia ſit neceſſaria. 6.38
 Ex defectu examinis conſeſſio materialiter integra eſt nulla. 4.37
 Non eſt abſolvendus penitens imparatus ob examinis defectum. 7.38

Excommunicationio.

Quid ſit, & quotuplex. 6.201
 Excommunicationio minor quibus privet. 7.201
 Quando minor excommunicationio incurrat. 8.201
 Excommunicationio major quid. 11.202
 Non quivis Sacerdos poteſt abſolvere ab excommunicationio minori. 15.203
 A majori quis abſolvat. 16.203
 Dubitans de excommunicatione non debet ſe divinis ingerere. 20.488
 Excommunicati alii vitandi, & non tolerati, & alii tolerati, & non vitandi, qui ſint. 59.307
 An valide abſolvant à peccatis. 16.322
 Differentia excommunicationis à cæteris cenſuris. 13.205
 Index quarundam excommunicationum, quarum abſolutio Pape reſervatur. 62.219
 Denunciatio non eſt de eſſentia excommunicationis. 20.488
 Scientia legis eſt neceſſaria, ut excommunicationio incurrat. 12.141. & 23.489
 Clauſula in ſubſidium juris excommunicationis. 70.215.

Extrema-Unctio.

Materia, & forma Sacramenti extremæ unctionis. 1.601
 Quibus conferatur. 3.4.5. & 6.571
 Regulares eam laicis infernis non adminiſtrant ſine licentia. 8.602

Fama.

Quid ſit; quomodo differat ab honore. 3.4.413

Rerum notabilium.

Ad defendendum honorem, & famam, non est licitum imponere falsum crimen alteri. 2. ibi.

An infamatus licite possit condonare restitutionem famæ. 26. 430

Si duo ad invicem se infamarunt, an teneantur ad famæ restitutionem. 28. 420

Non solum restituenda est fama, sed etiam compensanda sunt damna, quæ ex infamatione sequuntur. 29. ibi.

Dantur causæ excusantes à restitutione famæ. 33. 421

Vide verbo *detractio*.

Famuli.

Famuli, & ancillæ erga heros ad quid teneantur. 20. 274

An liceat famulis Christianis comitari hæreticos ad ipsum templum. 13. 281

An Famulus, cum non potest ab heros iustum salarium juxta conventionem exigere, possit uti occulta compensatione. 28. 339

Quid, si Confessarius invenerit aliquem sibi hic occulte satisfecisse. 32. 340

Famuli an peccent mortaliter, si clam à Domino furriant ad edendum, & bibendum. 34. ibi.

Quando famuli dicantur cooperari Dominis ad peccata luxurix. 2. 455

Famuli Judicum possunt peccare excludendo aliquos, ne Dominum alloquantur. 5. 140

Fides Divina.

Actus fidei Divinæ cadit sub speciali præcepto. 2. 275

Fides Divina est fundamentum Justificationis, supernaturalitatis, & operationis meritorie. 3. ibi.

Quid sit fides Divina. 4. 276

Credens Unum Articulum, quia Deus dixit, & non credens alium, non credit fide Divina. 5. ibi.

Est moraliter evidens, Mysteria fidei esse à Deo revelata. 5. 284

Fides supernaturalis habitualis est necessaria omnibus, tam parvulis, quam adultis. 2. 286

Omnibus habentibus usum rationis est necessaria fides explicite actualis supernaturalis. 3. ibi.

Quid sit credere implicitè, & explicitè. 5. ibi.

Quæ mysteria sunt credenda explicitè necessariò necessitate medii. 7. 287. 8. 512

Quando per se obliget præceptum affirmativum Fidei. 12. 3

Et quando per accidens. 17. 4

Mysteria Fidei divinæ sunt evidenter creditilia. 5. 284

Mysteria credenda de necessitate medii. 7. 287

Fides divina innititur auctoritati Dei. 4. 293

Non deperditur quolibet peccato. 30. 516

Explicatur necessitudo necessitate medii, &

præcepti. 6. 186

Est necessaria necessitate medii fides explicita Dei, ut remuneratoris supernaturalis. 8. 288

Dantur credenda de necessitate præcepti. 11. ibi.

Confessarius quomodo se gerere debeat cum penitente, qui petit instrui de modo eliciendi actum fidei, & super Articulos contentos in Symbolo Apostolorum. 13. 289

Fides est dispositio ad justificationem. 2. 292

Fides ex testimonio Creaturarum non est Divina, neque sufficit ad justificationem. 3. ibi.

Unde cognoscatur, quod fides sit supernaturalis. 4. 188

Filii.

Quando peccent mortaliter erga parentes. 3. 269

Super quibus sint à Confessario interrogandi, cum se accusant maledixisse parentibus. 5. 270

Non sufficit Filio se accusare; fui impius. 10. 271

Filii in pertinentibus ad salutem tenentur sequi instructionem Parentum. 8. 285

Filii debetur legitima. 23. 606

Filii spurii non possunt institui hæredes. 28. 606

Formula.

Eliciendi actum Fidei. 18. 5

Et actum Spei. 26. 7

Et actum Charitatis. 30. ibi.

Abolvendi ab excommunicatione pro foro interno. 47. 208

Et pro foro externo. 48. ibi.

Et absolvendi à suspensione. 49. ibi.

Et dispensandi super irregularitate. 51. ibi.

Et pro absolutione ab Interdicto. 50. ibi.

Formula actus Contritionis. 12. 478

Et actus Attritionis. 13. ibi.

Varix formulæ pro danda executione Litteris Sacre Penitentiarie. 109. & sequen. 640

Fornicatio.

Est prohibita, quia mala. 1. 439

Nulla necessitas facit fornicationem licitam. 2. 333

Proles ex fornicatione concepta caret securitate. 11. 442

Ob fornicationem matrimonium potest quoad ad ehoabitationem dissolvi, non quoad vinculum. 1. 616

Fratres Minores.

An Fratres Minores, tam de Familia, quam Reformati sint capaces legatorum annuorum cum onere perpetuo Millarum. 10. & sequen. 189

Nolentes hæredes elemosynam legatam dare, pos-

Regestum

possunt per Judicem compelli, sed non ad instantiam Fratrum. 14.190
Sunt capaces legati annui facti in favorem Infirmariz. 16.191
Et legati pro oleo lampadis. 17.191
Non verò si eis relinquatur ager ad fructum, locandum, &c. ibi. ad 3.192
Referuntur plura Sedis Apostolicæ decreta edita super eadem materia à nu. 18. usque ad 33. ibi.
Sub excommunicationis pœna non possunt fratres in iudicio legata exigere, vel petere. 14.190
Non possunt in fundatione Conventuum pacisci cum fundatoribus: nec institui hæredes: neque pro ipsis Syndicus. 33.34.200
Tenantur in jejuniis, etiam ex præcepto Regule, abstinere ab ovibz, & lactiniis. 35.449
Sunt capaces legatorum ad divinum cultum. 20.605
Syndicus fratrum, tamquam unus de populo, potest coram Ordinario inire pro implemento legatorum. 14.190

Fructus.

Sacrificii ex opere operato. 5.32
Alius generalissimus, alius specialissimus, & specialis. 14.34
Fructus rei, & merè industriz quid. 9.344
Item alii mixti, alii naturales, alii civiles, seu legales. ibi.

Furtum.

IN quo differat à rapina. 3.334
Furtum, & rapina sunt mortalia ex genere suo. 6.191
Quæ quantitas requiratur, ut furtum sit peccatum mortale. 7.191
In confessione explicanda est quantitas furto ablata. 9.335
Quomodo sit interrogandus, qui dicit, furto accepisse unicum quadrantem. 12.191
Habens consuetudinem furandi peccat graviter, licet minima furetur. 14.336
Confessorio quid agendum cum eo, qui per pauca furta à diversis quantitatem notabilem aufert. 16.191
Et quid de furantibus parvam quantitatem ab uno, ita ut totum à singulis acceptum constituat summam notabilem. 17. & 18.237
Et cum eis, qui conveniunt dare merces inhumano pretio, & deinde tantum occultè detrahunt in mensura, ut perveniant ad pretium medium. 22.338
An peccet mortaliter, qui occultè accipit rem suam ab alio injustè detentam. 33.340
Surripienti rem alienam coram aliis debet in confessione aperire non solum furtum, sed etiam scandalum. 39.341
Accipiens rem vendendam tanti, non potest sibi retinere excessum. 25.338

Latrunculi maritimi à monte Argentario, &c. excommunicantur in Bulla Cœnæ. 99.38
Item surripientes in litore maris bona naufragantium Christianorum. 100.59
Furans in Ecclesia cum effractione portarum est excommunicatus. 38.136
An liceat compensatio propria auctoritate facta. 28.339
Circa quæ sint Sartores interrogandi. 35.340

Gabella.

Iusta solvenda est. 10.115
Eam defraudantes tenentur restituere. ibi.

Gratia.

Sanctificans incompatibilis cum mortali. 17.524
Efficax, & sufficiens quid. 18.191

Gula.

Opponitur abstinentiz. 46.438
Quis censetur comedere, & bibere usque ad satiæatem. 2. & 3.339
A gula quæ vitia proveniant. 4.240

Hæreses.

Necessarii quinam sint. 15.328
An non conscientes inventarium teneantur de proprio ultra vires hereditatis. 21.606
Gravati, ut alteri hereditatem restituant, possunt detrahare Trebellanicam. 22.191
Falcidiam ex quibus possit hæres detrahare. 24.191
Filii spurii nequeunt hæreses institui. 28.607
Hæres alicujus tenetur alere ejus filium spurium, si egeat. 29.191
Hæres necessarius gravatus restituere hereditatem potest detrahare legitimam. 23.606
Hæreses tenentur restituere usuram à defuncto restatore relictas. 33.186
Qui à sex mensibus possedit hereditatis reperiit bona accepta non esse defuncti, ad quid tenetur. 38.336
Quæ votorum obligationes transcant ad hæreses. 64.336

Hæresis, Hæreticus.

Quid sit. 4.22
In quo consistat pertinacia. 5.191
Quando hæresis dicatur interna, & quando externa. 6.191
Hæreticus an possit absolvi à simplici Confessorio. 7.12. & 15.601
In quo differat à blasphemo hæreticali. 9.191
Negans hunc numerum Papam esse verum Pontificem, caput visibile Ecclesiæ Catholicæ, an esset hæreticus. 19.14
An Confessorius ordinarius possit absolvere etc.

Rerum notabilium.

credentes, fautores, &c. 22.15
 Hæresis externa in Jubileo non potest absol-
 vi. 23.ibi.
 Et an, qui per jocum suam hæresim profert.
 25.ibi.
 In mortis articulo simplex Confessarius potest
 absolvere ab hæresi etiam publica, & à cæ-
 teris censuris Bullæ. 26.16
 Extra quem articulum, si à prædictis absol-
 vit, ipso facto sententia excommunicatio-
 nis innodatur. 27.ibi.
 Quid agendum Confessario cum eo, qui se
 accusat, quod coactus ab hæreticis adora-
 vit effigiem Lutheri. 6.233
 Hæreticis fides servanda est. 59.308
 Cum hæreticis non est ita facile paciscendum. ibi.
 Italis non licet conversari cum hæreticis ibi
 ad calcem.
 Hæretici jure sunt subditi Ecclesiæ. 23.466
 Quid ipsi agendum cum rustico, quem inter
 confitendum reperit credere penas inferni,
 sed non æternas. 8.233
 An quodlibet peccatum contra fidem sit hæ-
 resis. 10.ibi.
 Hæreticus in confessione tenetur aperire qual-
 itatem hæresis internæ, an fuit Lutheri,
 v.g. an Calvini. 12.235
 An sit hæreticus, qui credit, quod Corpus
 Christi sit utique sub hostia rite consecra-
 ta, sed non, quod sit sub hostia consecrata
 à tali Sacerdote concubinario. 6.276
 Hæretici subduntur legibus Ecclesiæ. 55.626

Homicidium.

Quid veniat nomine occisionis. 2.73
 An peccet, qui se castrat, vel hoc permit-
 tit. 7.8.74
 An ad defensionem propriæ vitæ liceat inju-
 stum aggressorem occidere. 9.ibi.
 Quomodo se defendens à Confessario est in-
 terrogandus. 10.ibi.
 Vir nobilis, dum potest fugam accipere, de-
 bet. 11.ibi.
 An liceat occidere Bannitum. 15.75
 Non possunt occidi Judices, & falsi testes, à
 quibus injusta sententia expectatur. 20.76
 Neque licet occidere proximum ad defensionem
 rerum temporalium. 2.324. & 8.325
 Qui proximum occidit, peccat contra justi-
 tiam. 3.4. & 5.ibi.
 In confessione aperienda est persona, quæ oc-
 ciditur, mutilatur, aut verberatur. 7.325
 Offendens Romipetas, quæ tales, excommuni-
 catur in Bulla Cœnæ. 106.60
 Ad quid teneatur occisor. 13.327

Hora Canonica.

Beneficiati tenentur recitare Horas canoni-
 cas. 3.76
 Quæ alix personæ teneantur. 2.158
 Quando obligatio incipiat. 3.ibi.

Legens eas sine interna attentione non satis-
 facit. 5.77. & 4.158
 Omittens partem notabilem officii divini
 mortaliter peccat. 15.160
 Quæ sit pars notabilis. 14.ibi.
 Peccat mortaliter non recitans Litanias in die
 Rogationum, & S. Marci. 16.ibi.
 Omittens totum officium unius diei, quot
 peccata committat. 17.ibi.
 An servare formam Breviarii, & applicatam
 ad tale tempus sit in præcepto. 19.162
 An ægrotus teneatur partem officii recitare.
 9.468
 An Prelati Regulares possint cum suis subdi-
 tis dispensare super recitatione Breviarii.
 10.468
 Beneficiatus audiens socios canentes, & sub-
 missa voce suos recitans versus satisfacie
 præcepto. 23.161
 Sed non potest distributiones percipere. ibi.
 Horæ Canonice voce sensibili debent recita-
 ri. 24.ibi.
 Non peccat mortaliter, qui statutis horis of-
 ficium non recitat. 25.162
 Quid agendum Confessario cum eo, qui se
 accusat non recitare divinum officium. 28.ibi.
 Qui non potest recitare totum officium, te-
 netur recitare illam partem, quam potest.
 4.466
 Causæ excusantes à recitandis horis canonicis.
 2.ibi.
 Materia præcepti de recitando officium est di-
 visibilis. 4.ibi.
 Carens Breviario tenetur recitare partem of-
 ficii, quam tenet memoria. 5.67. & 8.467

Hostia.

Sub ea rite consecrata est Corpus Christi.
 6.276
 Non consecrata pro consecrata non potest mi-
 nistrari. 4.320

Hypocrisis.

Est species simulationis, & mendacii. 39.318.
 Quando sit mortale. 30.ibi.

Infantia.

An sit species mendacii. 31.318
 In quibus casibus sit mortale. 31

Jejunium.

Est duplex naturæ, & Ecclesiæ. 2.80
 Quot ad substantiam Ecclesiastici jejunii
 concurrant. 3.ibi.
 Duo præcepta includit. 6.ibi.
 Dispensatus ad edendas carnes, an teneatur
 jejunare. 7.ibi.
 Quomodo abstinentia à carnibus sit de ef-
 fectia jejunii. 7.81
 Come-

Regestum

Comedens carnes in die jejunii, & multipliciter se reficiens duo peccata committit. 8. ibi.

Toties peccat, quoties cibos prohibitos sine iusta causa edit. 9. ibi.

Tenetur jejunare, qui in mane sumit jentaculum, & ignorat esse diem jejuni, si postea advertit urgere praeceptum. 13. 82.

Quid, si tunc cibos prohibitos comederit. 14. ibi.

Dispensatus in esu carniū peccat comedendo carnes nocivas. 23. 84.

Decretum Clementis XI. de qualitate carniū, &c. ibi.

Quanta debeat esse quantitas cibi in refectiuacula ferotina. 15. ibi.

Et quānam cibi possint in ea sumi. 16. ibi.

An Chocolata frangat jejunium. 17. ibi.

Jejunare tenetur in die Nativitatis Domini, qui singulis sextis feriis vovit jejunare. 19. 83.

Qui integro mense vovit jejunare, tenetur secundum partem, si non potest pro toto mense. 20. ibi.

Vovens jejunium debet abstinere à lacticiis. 13. 549.

Vovens jejunare tenetur ad jejunium, licet non impleverit annum 21. etatis. 3. 153.

An Advocati, Procuratores, & Concionatores teneantur ad jejunium. 6. & 7. 154.

Quid Confessario agendum cum eo, qui se accusat super fractione jejunii. 22. 84.

Jejunium naturale praequiratur ad communionem. 19. 473.

In aliquibus tamen casibus potest à non jejunis sumi Eucharistia. 21. ibi.

Ignorantia.

Vincibilis, & invincibilis. 2. 511.

Vincibilis, crassa, seu supina, & affectata. 3. 512.

Alia antecedens, concomitans, & consequens. 4. ibi.

Ignorantia juris, & facti. 10. 202.

Ignorantia non excusat à pena debita peccatis. 17. 521.

Bene verò à censuris. 23. 489.

An ignorantia excuset ab obligatione voti. 63. 554.

Non potest dari ignorantia invincibilis Dei. 4. 518.

Ignorans mysteria fidei divinæ non est capax absolutionis. 15. 291. & 6. 512.

An ignorantia sit peccatum mortale. 166. 129.

Immunitas.

Quid sit immunitas Ecclesiastica. 24. 45.

Quibus immunitas Ecclesiae non suffragetur. 25. ibi.

Violantes immunitatem Ecclesiasticam sunt excommunicati. 33. 46.

Facientes statuta, quibus Ecclesiastica libertas

leditur, sunt excommunicati in Bulla Coenae. 111. 62.

Violatores Immunitatis tempore Jubilei non absolvi possunt. 34. 46.

Impedimentum matrimonii.

Impedimenta non dirimentia. 15. 619.

Impedimenta dirimentia. 16. ibi.

Impedimentum erroris. 24. 620.

Impedimentum conditionis. 29. 621.

Impedimentum voti. 31. 622.

Impedimentum cognationis. 37. ibi.

Impedimentum criminis. 51. 626.

Impedimentum disparitatis cultus. ibi.

Impedimentum matris. 58. 627.

Impedimentum ordinis. 64. 628.

Impedimentum ligaminis. 66. ibi.

Impedimentum publicae honestatis. 71. 629.

Impedimentum affinitatis. 73. 630.

Impedimentum impotentiae. 74. ibi.

Impedimentum clandestinitatis. 78. ibi.

Impedimentum raptus. 104. 637.

Impudicitia.

Quid sit. 8. 441.

Indulgentia, & Jubileum.

Indulgentia, quid sit. Quid ejus effectus.

Quid importet Quarantena. Quid significet illud dictum: Indulgentia tantum valent, quantum sonant. Et illa clausula: Indulgentiam, & remissionem peccatorum concedimus. 3. 4. 6. 165. & 8. & 166.

In quo Indulgentia plenaria differat à Jubileo. 12. ibi.

An ad Indulgentiam lucranda sit necessaria actualis confessio. 13. ibi.

Confessio debet fieri apud Confessarium ab Ordinario loci approbatum. 6. 64.

Opera injuncta praestanda sunt in eadem hebdomada 17. & sequen. 167.

Qui vult Indulgentiam lucrari, jejunat, licet ad jejunia Ecclesiae non teneatur. 22. 168.

Superior debet elemosynam dare pro suis Religiosis. 26. ibi.

Facultas competens Confessario electo per Bullam Jubilei. 27. 28. 29. 30. 31. p. 169.

Qui tempore Jubilei oblitus est petere commutationem voti, non potest deinde eam à Confessario obtinere. 23. ibi.

Cum Bulla negat facultatem commutandi votum castitatis, intelligitur de voto castitatis perfectae. 34. & 35. ibi.

Vovens servare castitatem ad centum annos, non petat commutationem. 40. 170.

Ab haeresi, Apostasia à fide, & schismate non absolvitur vigore Jubilei. 41. ibi.

Ab haeresi nec tempore Jubilei absolvit Confessarius ordinarius. 29. 221.

Rerum notabiliū.

Bulla intelligitur tam de voto solemnī, quā de simplici. 41.170

Virtute iubilēi non potest absolvi excommunicatus denunciatus, parte non satisfacta. 43.ibi.

Quando non potest satisfacere ante absolutionem, quid agendum. 44.ibi.

Quid Confessorio agendum cum eo, qui secunda hebdomada omnia opera fecit, sed die Dominico non potest communicare. 45.ibi.

Confessarius etiam ultima Dominica potest commutare omnia opera injuncta. 46.ibi.

Potest prorogare confessionem, & communionem penitentis, & quando. 47.ibi.

A quibus, Jubileo transacto, possit Confessarius absolvere. 48.& 49

Clausula hæc: *Indulgentia potest applicari per modum suffragii animabus Purgatorii*, quid significet. 50.171

Indulgentiæ concessæ pro defunctis, an eis infallibiliter profint. 51.ibi.

Liberatur determinatè anima illa, pro qua celebratur Missa in Altari privilegiato. 52.ibi.

Jubileum unica tantum vice obtinetur, licet sæpius opera injuncta repetantur. 54.172

Idem est de Indulgentia affixa diei determinatæ. 55.ibi.

Quid dicendum de Indulgentia Portiunculæ. 56.ibi.

Infidelis.

Infidelis, Lutheranus v. g. non credens veritates fidei Catholicæ ductus opinione minus probabili, non excusatur à peccato. 1.232

Si prudenter dubitet de veritate suæ sectæ tenetur procurare certitudinem fidei Catholicæ. 2.ibi.

Infidelis materialis in quo differat à formali. 3.ibi.

Datur differentia inter Paganismum, Judaismum, & hæresim. 4.233

Inimicus.

Unde colligendum, quod ex charitate non diligatur. 10.254

An peccet, qui inimicum non alloquitur. 14.256

An sit debitum orandi pro inimicis. ibi.255

Inimico veniam petenti est remittenda injuria. 36.256

An sit condonanda satisfactio, etiam iusta, &c. 17.ibi.

Inimicitia.

Scribendi ad Sacram Penitentiarium. 108. 638

Intentio.

Intentio est actus voluntatis. 87.536

In ministro conficiente Sacramenta est necessaria intentio: *saltem faciendi, quod facit Ecclesia*. 84.311.

Objectum huius intentionis quodnam sit 85.ibi.

Intentio triplex. 87.ibi.

Actualis, alia directæ, reflexa altera. 88.537

Interdictum.

Quid, & quotuplex sit, 3.201

Invidia.

Quid sit. 25.90

Quomodo differat ab odio. 21.257

Dantur ejus filie. 36.447

An sit ex genere suo peccatum mortale. 25.90

Ira.

Quid sit. 353.125

Fit mortale per accidens. 152.ibi.

Opponitur mansuetudini. 154.126

Quando ex parte objecti sit mortale. ibi.

Ira per zelum bona. 153.125

Irregularitas.

Contrahitur etiam sine culpa. 60.101

Quid sit, & an sit censura. 12.202

Diffinitio irregularitatis ab excommunicatione, suspensione, & interdicto. 12.203

Incurritur à Clericis, etiam in bello defensionis. 58.100

Et si alium occidant ad sui defensionem. 60.101

Incurritur etiam sine peccato. ibi.

Procedentes ad bellum ex dispensatione Papæ non sunt irregulares. 62.ibi.

In articulo mortis nequit Sacerdos dispensare super irregularitate. 46.208

Sacerdos irregularis, licet absolutus ab excommunicatione, qua ligabatur, peccat mortaliter, si celebrat. 51.208

Vide verb. *Clericus*.

Irrisio, seu derisio.

Quid sit. 35.422

An sit mortale deridere res sacras. 36.ibi.

Et deridere aliquem causa recreationis. 37.ibi.

Regestum

Index.

Christianis non licet uti opera medici Judæi. 15.182
An possit cum Judæis celebrari contractus. 16.181
An liceat cum Judæis disputare de rebus fidei. 17.183
Non licet uti pilo flavo, quo Judæi utuntur. 12.181

Index.

Judex non potest recipere quidquam pro ferenda sententia. 2.& 3.140
Acceptum restituere tenetur. 4.181
In ferendo judicio tenetur sequi opinionem magis tutam, & probabiliorum. 4.127
Si cognoscat probationes utriusque partis esse æquales, peccat, si potius uni, quam alteri adjudicet. 5.128
Judex quomodo debeat instrui à Confessario, quando per testes criminis reus convincitur, & ipse privata scientia scit, eum esse innocentem. 2.127
Non potest reum damnare, si privata scientia sciat esse reum, dum hoc juridicè non probetur. 3.181
Tenetur ad restitutionem, si secundum legem non damnat reum ad penam pecuniariam applicandam Filco, vel aliis. 7.128
Judex Laicus trahens personam Ecclesiasticam ad suum tribunal est excommunicatus in Bulla Cœnæ. 11.162
Quando innotet secundum formam juris. 43.302

Judicium temerarium.

Quid sit. 48.530
Est ex genere suo mortale. 49.181
Suspicio describitur. 50.181

Juramentum.

Quid, & quotuplex sit. 2.193
Dantur conditiones necessaræ, ut sit licitum. 3.4. & 5.294
In juramento assertorio non datur parvitas materiæ. 6.295
Nec in promissorio. 7.8.181
Jurans sine animo jurandi mortaliter peccat. 12.196
Jurans facere aliquid, quod secundum unam partem est possibile, & secundum aliam impossibile, tenetur adimplere, quoad partem possibilem. 16.297
In omni juramento, quæ conditiones subintelligantur. 18.181
Peccant mercatores, si contra veritatem jurant. 17.181
Juramentum extortum vi, & metu est fer-

vandum. 19.198
Princeps Christianus petens juramentum à Rege idololatra an peccet. 27.199. & 48.305
Conditiones necessaræ ad juramentum. 3.194
Agitur de juramento Aulicorum. 15.297
Et de illo filiorum, & uxorum. 18.297
Per se non datur obligatio jurandi. 45.305
Irreverentia perjurio Deo irrogata. 47.305
Obligatio juramenti promissorii variis modis tollitur. 50.304
Obligatio implendi juramentum unde sit. 59.306
De Juramento facto meretrici. 58.305
Promittens cum juramento redire post tale tempus ad Turcas, ubi erat captivus, debet exequi. 18.299
Promittens cum juramento, & dubitans, an habuerit intentionem se obligandi rem promissam, dare debet. 30.181
Jurans se ducturum uxorem, peccat, sed non tenetur juramentum servare. 32.190
Juramentum factum per errorem, an obliget. 44.302
Promittens cum juramento ducere in uxorem eam, quæ sibi sui corporis usum concessit, tenetur eam ducere. 26.317
Jurans solvere usuras mutuantis, tenetur illas solvere. 23.411
Qui est assuetus indifferenter jurare, tam verum, quam falsum, peccat quoties jurat. 13.14. & 15.502.
Sciens sub secreto, etiam jurato aliquem esse hæreticum, tenetur ipsum denunciare. 6.18
Varie formulæ jurandi. 34. usque ad 41.300
Quis relaxet juramenta. 41.301. 54.56. & 57.305
Veritas dicti in juramento non est dispensabilis. 18.181

Legatum.

Quid sit. 2.188
Quid legatum pium. 3.181
Negligentes implere legata peccant. 4.181
An relictum pro maritandis puellis possit dari monachandis. 19.605
Vide verb. *Fratr. Minores.*

Lex.

Quid, & quotuplex sit. 2. & seq. 150
Lex humana obligat in conscientia. 6. & 7.151
Lex penalis duplex. 8. & 9. 181
Peregrini tenentur legibus specialibus locorum, per quæ transeunt. 11.152
Fruuntur privilegiis locorum, nisi accedant in fraudem. 14.181
Legibus Ecclesiasticis an teneantur poëti, adepto usu rationis. 19.153
Lex æterna innotescit independentè à quacunque lege positiva. 2.518
Lex canonica corrigit civilem. 17.55

Rerum notabilium.

Libertas.

Sine libertate non peccatur. 3.522
Ad merendum requiritur libertas à necessitate. 2.1bi.
Votum non fiat sine libertate. 3.543
Quanta libertas ad votandum requiritur. 4.1bi.

Libri prohibiti.

Libri prohibiti sunt in duplici classe. 2.216
Quinam dicantur de Religione tractare, vel hæresim continere. 3.1bi.
Qui hos legit, ligatur excommunicatione in Bulla Cænæ reservata. 4.1bi.
Legens librum prohibitum, qui agit de Religione, vel hæresim continet, ligatur duplici excommunicatione. 7.1bi.
Ad eam incurrendam sufficit legere manuscripta. 8.1bi.
Et fragmenta, ac folia in librum non congesta. 9.10.217
Non excusatur à censura legens ob solam curiositatem, aut ad confutandos hæreticorum errores. 14.1bi.
Nec qui librum oculis percurrit, & mente considerat contenta in eo. 15.218
Nec legens, & non percipiens, quod legit. 16.1bi.
Nec excusatur audiens legere. 17. & 18.1bi.
Parvitas materiæ aliquando excusat ab incurfu censuræ. 19.1bi.
Legens libros Grammaticos, Poeticos, &c. hæreticorum, ligatur censura non reservata. 20.219
Qui legit Biblia sacra idiome vulgari peccat mortaliter. 21.1bi.
Sed quid de legente Talmud Hebræorum, vel Alcoranum Turcarum. 22. & 23.1bi.
An legens libros Astrologie Judiciariæ, scripta Geomantæ, &c. incurrat excommunicationem Bullæ Cænæ? 24. & 25.1bi.
Legens libros prohibitos non tenetur denunciare se ipsum. 27.220
Contra quam virtutem peccent, retinentes, & legentes libros prohibitos. 32.221

Lucrum.

Dannum emergens, & lucrum cessans quid. 4.181
Lucrum receptum ob homicidium non potest retineri. 64.385
Nec pro sententia iusta, vel iniusta. 2.3.140. & 64.385
An lucrum alearum ludo quæsitum possit retineri. 62.384
Meretrices possunt retinere lucrum. 58.382
Facientes excommisissas cum certa scientia nec lucrum retinere non possunt. 79.388

Ludus.

An in ludo transferatur dominium. 62.384
Qui Clericus prohibetur. 71.359
Fingens se ad ludendum imperitum debet restituere, si victor sit. 67.385
Acquisitum ex ludo cum Religiosis retineri nequit. 69.386
An qui per ludum prohibitum Alearum, & Taxillorum aliquid lucratur, retinere possit. 70.359
Lusor quando censeatur uti fraudibus illicitis contra leges ludi. 71.1bi.
An possit absolvi, qui conduxit, & tenet domum ad ludum. 79.510
An ludens cum fure, possit retinere, si vincat. 70. & 71.386
Vide verb. *Vsura*.

Luxuria.

Quid sit. 2.439
In Confessione explicandæ sunt species luxuriæ. 7.440
Luxuria est peccatum mortale ex sua natura; nec ex parvitate materiæ fieri potest veniale. 9. & 10.441
An peccet venialiter maritus cognoscens conjugem ad solam incontinentiam vitandam. 13.442
Super quo est interrogandus à Confessario penitens, qui se accusat habuisse cogitationes impuras. 23.444
Motus venerei quando censeantur esse mortalia. 25.445
Assignantur species luxuriæ. 4.440

Maledictio.

Quid, & quotuplex sit. 38.22
An maledicere creaturis irrationalibus sit læthale peccatum. 40.1bi.
Qui unico actu integræ familiæ maledicit, tot peccata patrat, quot sunt illius personæ 41.423

Matrimonium.

Bona ipsius. 2.244. & 2.449
Consideratur ut contractus, & ut Sacramentum. 2.616
Eiusdem materiæ, remota, & proxima: Forma, & Minister. 3.4.5.1bi.
Matrimonium contractum coram Parocho per vim adhibito, & etiam contradicente, est validum. 10.11.618
Sufficit Parochus viri, vel mulieris. 13.1bi.
Et ille domicilii, vel habitationis. 80.630
Ante annos pubertatis matrimonium contrahi non potest. 41.550
Est validum contractum coram Parocho excommunicato. 96.624

Regestum

Et coram Parocho, cui Episcopus prohibuit
assistere. 97.635
Non verò coram Parocho publico heretico.
102.637
In locis, in quibus est publicatum Tridenti-
um, etiam si sint loca Hæreticorum ma-
trimonium debet celebrari coram Parocho,
& testibus. 101.636
Præsentia Parochi debet esse physica, & mo-
ralis. 87.632
Copula non est de essentia matrimonii. 7.
617
Celebratum sine præsentia Parochi, & Te-
stium non ratificatur per copulam subse-
quentem. 88.632
Ergo contrahentes allegarent se ignorasse esse
necessarios. 83.631
An sit validum contractum coram Parocho
nondum Sacerdote. 85.ibi.
Parochus non potest delegare Clericum ut as-
sistat. ibi.
Parochus non potest dispensare in denuncia-
tionibus. 89.633
Quid dicendum de casu infirmi volentis ducere
concubinam. 90.ibi.
Polygamus, etiam mortua legitima uxore,
egit dispensatione, ut aliam ducat. 91.ibi.
Iuste damnatus ad mortem ducit meretricem,
quam alias non duceret, an validè. 62.628
Abutens filia Petri eam ducit ob metum à
Petro ineessum, an validè. 63.ibi.
Ad celebranda secunda vota requiritur certi-
tudo de morte prioris viri. 67.629
Transitus ad secundas nuptias absque suffi-
cienti notitia de morte prioris conjugis non
est licitus. 69.ibi.
An adulterium cum uxorata dirimat ma-
trimonium postea contractum. 14.452
Gratus sanguinitatis usque ad quartum est
impedimentum dirimens matrimonium; &
cur. 50.625
Valet matrimonium cum serva, quæ putatur
libera. 28.621
Item, si servitus sit nota. 29.ibi.
Cur error circa personam matrimonium an-
nullet, non verò circa qualitatem. 26.621
Fornicatio matrimonium non dirimit. 7.450
Matrimonium legitime contractum est perpe-
tuum. 1.616
Coniuges quoad thorum separari non possunt
sine iudicio Ecclesie. 25.454
Pecca simulans matrimonium contrahere.
17.323
Matrimonium contractum cum dispensatione
denunciationum consummari non debet,
priusquam denunciations fiant. 8. & 90.
633
Matrimonium nullum à principio ex defectu
consensus non inducit impedimentum pub-
licæ honestatis. 92.ibi.
Quæ servanda in matrimoniis militum. 98.
635
Sacerdotum tam Sæcularium quam re-

gularium assistentium matrimoniis sine li-
centia. 84.631
Cautela pro Matrimonio vagorum. 90.633
Cajus, mortua Camilla uxore, potest ducere
Terentiam uxorem relictam a fratre Camil-
læ defuncto. 100.636
Ad vitanda incommoda hujus vitæ non licet
matrimonium simulare. 17.333
An etiam ex Matrimonio nullo inducatur im-
pedimentum publicæ honestatis. 93.614
Matrimonium inter raptam, & raptorem,
104.617
Infirmitas non est impotens ad matrimonium.
76.630
Tres species clandestinitatis. 86.632
Concubinarius infirmus metu inferni contra-
hit matrimonium, an validè. 61.618
Ad matrimonium est necessarius consensus. 8.
617
Quid, si sit conditionatus. 9.ibi.
Turca conversus ad fidem potest aliam ducere,
si prior uxor nolit cum eo cohabitare. 53.626
Si habeat plures uxores omnes retinere non
potest. 54.ibi.
Potest post conversionem retinere eam, cum
qua prius contraxit in gradibus solum lege
canonica prohibitis. 55.ibi.
Judæus post conversionem debet retinere uxorem,
quam in Judaismo repudiavit. 57.
627
Mulier ob hæresim mariti, ipso vivo, non
potest alium ducere. 56.ibi.
Praxis Confessarii cum penitente laborante
ignorantia invincibili circa impedimentum
dirimens matrimonium. 4.245. & 106.638
Error circa personam matrimonium invalidat.
25.621
Junctis in matrimonio datur bimestre ad de-
liberandum, an velint Religionem ingredi.
33.622
Matrimonia Senum, non verò illa Spado-
rum, sunt valida. 20.250
Quæ impotentia dirimat matrimonium. ibi.

Medicus.

Non potest dare infirmo medicamentum,
quod probabiliter putat minus profutu-
rum, eo relicto, quod probabilius prodesse
censet. 13.229
Neque ei dare illud, de quo æqualiter judi-
cat, quod possit prodesse, & nocere. 14.
230
Observanda à medicis in visitatione infirmo-
rum. 6.67
Et in concedendis licentiis comedendi cibos
prohibitos in diebus jejunii. 23.84
Non licet Catholicis uti opera medici hære-
tici, 59. ad finem. 309

Rerum notabilium.

Mendacium.

Quid sit: quodplex sit: omne ex suo genere est peccatum. 2.3.4.309
 Jocosum, & officiosum transeunt in perjurium, si iuramento firmentur. 5. & 6.310
 Est perjurium jurare falsum cum restrictione pure mentali, seu cum locutione amphibologica. 8.311
 Malitia mendacii. 9.ibi.
 An cum ea restrictione possit respondere Confessarius, si interrogetur de auditis in confessione. 14.312
 Non mentitur homo, cum in Epistola, quam mittit ad alium, se subscribit: *oculus tuus manus, &c.* 24.316
 Etiam factis quis mentiri potest. 28.318
 Mendacium, cum sit malum, pro nullo bono potest consuli. 4.245
 Mentiri in confessione, quando sit mortale. 15.40
 Vide verb. *Restrictio*.

Meretrix.

Unde dista. 3.177
 An liceat locare domum meretrici. 18.180
 An possit retinere lucrum ex meretricio. 23.264. & 58.381.
 Praxis Confessarii cum meretrice. 18.68. & 13.472

Metus.

AB intrinseco, & ab extrinseco incussus. 5.543
 Quæ voca vi metus facta teneant. ibi.
 Metus cadens in virum constantem, quinam. 59.627
 An teneat matrimonium per metum contractum. 61.628

Missæ.

Missa mali Sacerdotis ex opere operato, non valet minus, quam illa innocentis. 36.477
 Celebrans sine noticia rubricarum peccat mortaliter. 11.175
 Diaconus, & Subdiaconus inservientes Missæ in peccato mortali peccant mortaliter. 42.
 Religiosus applicando Missam contra voluntatem Superioris an peccet mortaliter. 24.36
 cuiusnam valet applicatio. 25.ibi.
 In Missa sunt sex actiones. 28.475
 Datus præceptum de audienda Missa in die festo. 18.461
 Quid sit Missam audire. 19.462
 Qui toto Missæ tempore scriberet, &c. præcepto non satisfaceret. 21.ibi.
 Quenam attentio requiratur ad implendum præceptum. 22. & 23.ibi.
Matthæi Cautela Confess.

Mulier nequit omittere auditionem missæ, esto prævideat, aliquem ipsam amaturum esse. 39.94
 An sit peccatum celebrare, matutino non recitato. 10.175
 Missa celebranda est in Altari consecrato. 55.582
 Licet non celebratur in Ecclesia polluta. 56.ibi.
 Celebrandum est cum vestibus benedictis. 59.ibi.
 Extra diem Nativitatis non celebrantur plures missæ. 58.ibi.
 Extra Ecclesiam non celebratur sine licentia Episcopi. 57.ibi.
 In Oratoriis privatis celebratur ex privilegio Papæ. 56.ibi.
 Exponuntur illa verba, *libera*, &c. de *pauis Inferni*, &c. posita in missis defunctorum. 48.480
 Omittens partem notabilem Missæ peccat mortaliter, & quæ dicatur pars notabilis. 24. & 25.463
 Qui audit duas, vel plures partes Missæ à pluribus simul, vel successivè, non satisfacit præcepto. 26.ibi.
 Satisfacit, qui tempore auditionis Missæ recitat divinum officium, &c. 28.ibi.
 Qui tempore auditionis constitutus Sacramentaliter, non satisfacit. 29.464
 Qui dubitat, an hodie urgeat præceptum audiendi Missam, veritatem inquirat. 30.ibi.
 Dantur causæ excusantes ab auditione Missæ. 34.465

Monialis.

Non potest virtute Jubilei eligere Confessarium approbatum, non pro suo Monasterio: immò nec pro suo, nisi fuerit deputatus. 10.65
 Negans in Confessione esse monialem, peccat. 12.600
 Moniales non excusantur à privata recitatione Horarum. 11.12.468
 Monialis ascendens supra tectum violat claustrum. 42.48
 Et quando ponens se in Rota. 44.49
 An quotidie communicandæ. 27.476

Monopolium.

Quid sit: & an sit licitum. 94.394
 Si plures convenient non vendere, nisi pretio rigorofo iusto, peccant contra charitatem, & contra iustitiam. 96.395
 Quid dicendum de eo, qui ignorando monopolium vendidit pretio corrente. 95.ibi.

Munera.

Dantes, vel recipientes munera pro obtinenda gratia à Sede Apostolica excommunicantur. 7.140

Regestum

Quid Confessario agendum cum eo, qui se accusat illa hoc sine dedisse, vel recepisse.

- 9.141
Ad censuram prædictam incurrendam, non est necesse, quod gratia in effectu obtineatur. 13. ibi.
Qui hoc modo officium, vel aliud obtinuit, an illud exercere possit. 10. ibi.
An præbens munera Concubinæ Judicis peccet. 6.140
Et an famuli ipsius munera recipientes. 5. ibi.

Mutuum.

- A Parato dare ad usuram potest mutuum peti. 44.96
Contractus mutui debet esse gratuitus. 23. 370
Periculum sortis est mutuo intrinsecum. 32. 406
Quomodo differat à commodato, & locato. 24.184. & 28.373
Quæ res sit materia mutui. 26.185
Cur ex usu domus locatæ, & non pecuniæ mutuatæ possit aliquid iuste accipi. 25.184
Quando peccet, qui mutuum accipit sub usuris. 40.41.42.187
Vide verb. *Usura*.

Necessitas.

- Proximi necessitas triplex. 5.261
Necessarium ad salutem necessitate mediæ quid: & quid necessarium necessitate præcepti. 6.186
In homine non est necessitas ad peccandum. 2. & sequen. 522

Obedientia.

- Inclinat ad Superiorum mandata exequenda. 65.103
Obedientia filii erga Parentes in quo consistat. 12.272
Quando quis sit formaliter inobediens præcepto. 10. ibi.

Obligatio.

- Parochorum, Confessariorum, & Prædicatorum. 1.2.289.17.514
Obligatio præcepta in edicto S. Officii. 19
Illa mutuatarii. 29.373
Et illa Commodantis. 30. ibi.
Et illa Commodatarii. 31. ibi.
Et Locatoris. 32.374
Et Conductoris. 33. ibi.
Et illa Depositarii. 37.375
Et illa eius, pro quo fidejubetur. 49.378

Occasio proxima.

- Occasio peccandi duplex. 2.505
Periculum proximum peccandi, quid. 3. ibidem.
An, qui est in occasione proxima peccandi, possit absolvi. 5.67. & 506
Dantur remedia à Confessario præscribenda penitenti, existenti in occasione proxima involuntaria peccandi. 8.9.10.507. & 13.508
An sit in occasione proxima peccandi, qui retinet Domi mulierem, cum qua solum quærit in Anno peccat. 16.509
An sit in occasione proxima peccandi, qui exercet artem licitam, sed est illi occasio committendi quamplurima peccata. 18.510
Qui voluntariè se exponit occasione proximæ peccandi, an debeat hoc aperire in confessione, si in ea constitutus non peccat. 21.511

Odium.

- Quid sit. 21.89
Quomodo differat ab invidia. 21.257
Odium aliud abominationis, aliud personæ. 24.89
Odium Dei, non admittit parvitatem materiz. 12.239
Odium Dei non potuit non prohiberi. 6. 519
Odio habere peccatum non est malum. 25. 525

Onera.

- Onera Missarum quando sint nimis multa. 18.25
Quantum tempus importent illa verba: *infra modicum tempus*. 19. ibi.

Opinio probabilis.

- Quid sit opinio probabilis, & quid probabilior. 2.3.142
Alia est probabilis speculative, alia practice. 5. & 6. ibi.
Non est idem opinio tuta, & probabilis, & tutior, ac probabilior. 7.143
Non licet sequi opinionem probabilem, relicta probabiliori. 17.145
Inter formidinem remotam, & prudentialem adest differentia. 29.146
Cum agitur de valore Sacramentorum, nefas est uti opinione probabilis, & minus tuta, tutiore, & probabiliori relicta. 1.222
Quæ dicatur minus, vel magis tuta circa eorum valorem. 4.223
An attritio sufficiat in articulo mortis? 7. 224
Opinio affirmans attritionem conceptam ex metu penarum temporalium sufficere ad Sacramentum, est minus-tuta, & ea uti non licet. 8. ibi.
An Confessarius teneatur, sequi opinionem pro-

Rerum notabiliū.

probabilem penitentis, relicta sua tutiore,
& probabiliore. 15.230
Ex quibus quis possit moveri ad rationabili-
ter dubitandum de probabilitate alicujus
opinionis. 2.231
An in aliquo casu liceat sequi opinionem te-
nueri probabilem. 3.ibi.
Operans juxta opinionem certò probabilem,
prudenter operatur. 27.146
Probabilitas non facit evidentiam. 17.333
Licet operari juxta opinionem probabilissi-
mam. 10.523
Non deducitur licet ad proxim opinio spe-
culativè probabilis, &c. 63.583

Oratio.

POnere vim in numero Orationis supersti-
tiosum. 99.110
Oratio Dominica ab omnibus addiscenda. 13.
513
Per Orationem profitemur Deo indigere. 64.102
Fructus orationis duplex. 14.255
Oratio Dominica continet septem petitiones.
12.289
Alia formula Deum, alia Sanctos oramus. 21.
545

Oratus.

MUlieris, quando peccaminosus. 36.93.12.
502

Ordo.

Dēfinitur. 1. 612. septem communiter nu-
merantur. 2.613
Effectus Sacramenti Ordinis. 4.ibi.
Ordines majores sunt impedimentum diri-
mens matrimonium contrahendum. 64.628
Promotus ad majores, uxore non consentien-
te, tenetur debitum ipsi reddere, sed exi-
gere nequit. 65.ibi.
Quinam censeantur exercere Ordines ex offi-
cio. 9.614
Assignatur materia, & forma omnium Ordi-
num. 14.615
Ordinatus extra tempora sunt suspensū. 16.ibi.
Ordinatus in Sacerdotem, duplicem potesta-
tem Ordinis recipit. 15.ibi.
Promotus non baptizatus non est validè ordi-
natus. 7.613
Non confirmatus licet non promovetur. 8.
614
An ordines tam minores, quàm majores sint
Sacramenta. 12.ibi.
A quo ordinario Seculares sint ordinandi.
18.615
Vide verb. *Clericus*.

Oscula.

Aliqua sunt licita: aliqua verò sunt mala
ab intrinseco. 5.456
Ex osculis oritur duplex delectatio. 2.175

Passum.

TAcitum, & expressum cum Dæmone
quid sit. 11.20. & 70.104
Regula dignoscendi quando operatio sit cum
pacto implicito. 80.106

Papa.

ESt de fide Clementem XI. esse Summum
Pontificem. 19.14
Papa est supra Concilium Generale. 90.538
Quando Papa loquatur ex Cathedra. 102.
540
Est infallibilis Judex controversiarum fidei.
101.ibi.
Pacta super morte, & electione Romani Pon-
tificis sunt nulla, & paciscentes, auxiliantes,
& mediatores excommunicati. 73.387
Habet potestatem supra Ecclesiam univer-
sa-lem. 90.538
Licet adoratur genuflexione. 73.533
Alexander VII. Innocentius XI. & Alexander
VIII. quando damnarunt propositiones, lo-
cuti sunt ex Cathedra. 110.542
Ecclesia Catholica habet pro capite Roma-
num Pontificem. 93.538

Parentes.

QUando peccent erga filios. 13.272
Obedientia filiorum erga parentes. 12.
ibidem.
Peccant operantes grave malum filiis. 14.273
Et an nolentes filium alloqui, possint absolvi.
15.256
Debent filiis necessaria relinquere. 25.606
Nequeunt eos privare legitima. 23.ibi.
Cause, propter quas possunt filios hereditate
privare. 26.607
Non possunt instituire hæredes filios spurios,
sed debent alimenta ministrare. 28.ibi.
An possint de propriis bonis plus uni filio,
quàm cæteris relinquere. 34.608

Parochus.

EJus partes quæ. 12.513. & 17.561
Tenetur ex justitia sacramenta administra-
re. 16.ibi.
Non potest pretium recipere, ut baptizet.
13.426
Tenetur ex justitia populo sacramenta mini-
strare. 17.427
Tenetur divino præcepto certis diebus cele-
brare pro suis Parochianis. 14.34
Tempore pestis non potest suam residentiam
relinquere. 18.562
Peccat omittens in baptismo solemnem cæremoni-
as. 16.564
Suspensus à Divinis baptizans solemniter ex-
tra casum necessitatis, sit irregularis. 15.ibi.
T t 4 Di-

Regestum

Differtens Parochiam, eget nova approbatione pro excipiendis confessionibus. 5.64
Extra Diocesim non potest suum Parochianum absolvere. 4.ibi.
Est testis publicus assistens matrimonio. 6.617
Non est dominus bonorum Ecclesie. 40.95

Parvitas materia.

Non datur in peccatis contra virtutes Theologicas. 11.86
Nec in iuramento assertorio, &c. ibi. 83. & 6.295
Neque in conferendis, & recipiendis Sacramentis. 13.226
Neque in odio Dei. 11.239
Bene vero in peccatis filiorum erga parentes. 11.271
Nec in Simonia. 19.430
Nec in irrisione rerum sacrarum. 36.422
Nec in Luxuria, & delectatione venerea. 9.10.441

Peccatum.

Quid: & quotuplex sit. 1. & sequen. 84
Unde cognoscatur peccatum esse de natura sua mortale. 4.85
Distinctio numerica peccatorum, ex quo sit. 12.87
Quæ peccata specie distinguantur. 15.88
Ex qua præceptorum diversitate colligatur specifica diversitas peccatorum. 17.ibi.
Peccata dubia spectant ad integritatem materialem Confessionis. Et quomodo consentiunda. 8. & 9.38
Sunt materia necessaria, non sufficiens. 4.477
Non quovis peccato deperditur miles. 30.526
Quodnam sit materiale, & formale. 6.522
Peccatum ex genere suo veniale potest per accidens esse mortale. 7.85
Non omnia mortalia possunt ob parvitatem materiae fieri venialia. 10.86
In quibus non detur parvitas materiae. 11.ibi.
Minus malum nunquam est consulendum. 41.95
Peccata mortalia sunt septem: & cur dicantur capitalia. 31.446
Peccata mortalia sunt materia remota, necessaria confessionis. 2.476
Numerus peccatorum aperiendus in confessione. 12.39
Non omnia opera infidelium sunt peccata. 24.525
Peccatores publici, quomodo, ut tales cognoscantur. 12.472
Per contritionem perfectam extra Sacramentum non remittuntur peccata, nisi sub onere subiicienda ea clavibus. 3.476
Peccatum Philosophicum quomodo distinguitur à Theologico. 7.519
Idem peccatum, quod est Philosophicum, est

etiam Theologicum. 8.ibi.
Peccatum Philosophicum est offensæ Dei. 9.ibidem.
Violans legem naturalem, Deum offendit. ibi. 12.520
Peccato Philosophico correspondet pœna æterna. 16.521
Multa, quæ per se, non sunt mortalia, fiunt talia per accidens. 19.504
Venialia sunt triplicis generis. 8.86

Pecunia.

Habet duplicem valorem. 15.367
Diversis modis potest moneta adulterari. 84.390
Expendens monetam defectuosam tenetur damnum compensare. ibi.
Valor pecuniæ attenditur pro tempore, quo res emitur. 8.391
Præfens non est pretiosior numeranda. 1.398
Valor monetæ crescit, & decrescit Domino. 6.399
Pecunia pro re spirituali data, sive ut pretium, sive ut incitamentum, aut ut gratuita compensatio semper concludit Simoniam. 2.423

Pœnitentia Sacramentum.

Describitur. 1.596
Ejus forma: materia duplex: proxima, & remota: remota, item duplex, necessaria, & sufficiens. 2.476
Materia proxima sunt actus pœnitentis. 6.477
Impositio, vel executio satisfactionis à Confessario non est pars essentialis Sacramenti pœnitentiae. 3.70
Satisfactio duplex, in re, & in voto. 3.ibi.
Actu exhibita est pars integralis Sacramenti pœnitentiae. 4.ibi. 38.528
Pœnitens tenetur acceptare pœnitentiam, tum præservativam, tum satisfactoriam. 6.ibi.
Non potest imponi pro peccatis sub hac disjunctiva: per se, vel per alium. 9.71
An Confessarius B. possit commutare pœnitentiam impositam à Confessario A. 10. & seq. ibidem.
Ad quid teneatur, qui obliviscitur pœnitentiae. 14.72

Pensio Ecclesiastica.

Datur propter Officium. 79.53
Reservare pensiones ex Beneficio quando sit simonia. 82.54
Exigens pensionem alteri resignatam committit Simoniam. 94.57
Pensio agri locati ob sterilitatem minuitur. 34.374

Rerum notabilium:

Percussio.

Percutienti Clericum mortuum non est excommunicatus. 10.204
Mandans percussorem Clerici non potest absolvi. 16.105
Quid dicendum de inveniēte Clericum cum matre, &c. 13.104
Et de femina honesta à Clerici ad malum provocata. 14.101
Ratam habens percussorem Clerico ligatur censura. 69.57
Quæ percussio levis, mediocris, & gravis. 48.50
De quo verificetur manus violentas in Clericum inicere. 45.49
Rapiens Clericum est excommunicatus. 71.52
Causæ excusantes ab incurſu censuræ. 52.50
Qui violentas manus in Clericum ponit, excommunicatur. 58.50
An Superior castigans Clericum sit excommunicatus. 19.205
Quid per violentas manus intelligatur. 45.49
Spoliantes, mutilantes, &c. commorantes in Curia Romana sunt excommunicati in Bulla Cœnæ. 105.60
Item vulnerantes, &c. Romipetas. 106.101
Item interficientes, mutilantes, &c. Cardinales, Patriarchas, &c. 107.61
Explicatur, quid sit percutere, carcerare, vulnerare, &c. ibi.

Possessor.

Quam bonæ fidei, & quis malæ fidei possessor reputetur. 10.344
Dubitans, an res sit aliena, & an Dominus possit illam vendere, est possessor malæ fidei. 11.101
Possessor malæ fidei quid restituere teneatur. 19.347
Confessario quid agendum cum hærede, qui reperit bona accepta non esse defuncti testatoris. 58.356

Præceptum.

Præcepta Decalogi à fidelibus retinenda memoriz. 11.189
Præcepta Ecclesiæ obligant sub mortali. 1.457. & 13.513
Præcepti materia duplex, divisibilis, & indivisibilis. 3.466
Aliquando peccatur eum contemptu formali legis. 17.461
Adest præceptum profitendi exterius fidem Catholicam: & est duplex. 2.278
Quando per se obliget. 3.101
Interrogatus à persona, etiam privata, teneatur fidem fateri. 4.189

Matthæi Censura Confess.

Negans apud Hæreticos se esse Papistam peccat. 4.101
Omittens signum assumendum iussu Principis infidelis ad distinguendos Catholicos, à non Catholicis, peccat. 9.280
Præceptum negativum, & affirmativum Fidei. 11. & 12.3
Et illud Spei. 19.5
Et illud Charitatis. 27.7
Hominibus est datum præceptum speciale Fidei, Spei, & Charitatis. 4.5. & 6.2
In præceptis non licet sequi opinionem minus probabilem. 3.147
Non licet Catholicis uti infidelium vestibus, protestativis falsæ scæ. 11.280
Disputare de rebus fidei cum infidelibus quibus prohibetur. 17.283
Praxis Confessarii cum penitente, exponente se cum Infidelibus esse conversatum. 15.282
Datur præceptum erogandi elemosynam. 2.260

Præsumptio.

Qua ratione dicatur peccatum contra Spem. 21.5
Quæ præsumptio sit filia superbiæ. 32.446

Pretium.

Legale, & morale, sed naturale: hoc, infimum, medium, sed summum. 82.389
Pecunia habet duplicem valorem. 15.367
Pecunia præfens non est pretiosior futura. 2.398
Vendens rem pretio currente non peccat. 89.392

Privilegium.

Privilegia data Regularibus fuerunt moderata, & aliqua revocata. 3.162
Privilegiis à Tridentino revocatis non possunt Regulares uti. 1.101
Quando expresse revocentur. 4.163
Per privilegiorum confirmationes, non reviviscunt. 5.6.7.101
Sed quid, si non apponatur clausula revocatoria: non obstantibus, &c. 8.101
An Regulares possint uti suis privilegiis in locis, in quibus non fuit receptum Trident. vel Bulla revocatoria. 10.564
Praxis Confessariorum in hac materia. 11.101
Per generale confirmationem privilegiorum, &c. non innovantur Indulgentiæ revocate. 2.101

Prodigalitas.

Per excessum opponitur liberalitati. 15.88
Fit mortale per accidens. 19.504

Regestum

Professio.

Emissa à Laico in Ord. Frat. Min. de Obfer. ante 20. Annum ætatis, est valida 14.547
Formula professionis, quæ emittitur à Fratibus Min. 10.544
Professio in Religione approbata dirimit matrimonium contrahendum. 34.622
Etiam contractum non consummatum. 33.ibi
Emissa à personis secularibus de Tertio Ordine, non continet obligationem voti. 28.548
Quid ponderandum ab allegantibus contra validitatem professionis. 6.544
In dubio, quod professio sit emissà per metum possessio stat pro professione. 7.ibi.

Prudentia.

Quid : cur dicatur virtus moralis. 172.130
Vide verb. *Virtus moralis*.

Puella.

Peccat mortaliter, si se præbet conspicendam adolescenti, à quo credit turpiter concupisci. 3.176
An sine peccato possit habere amatorem. 4. ibidem.
Quæ post occultam deflorationem obtinuit Dotem virginibus debitam, non potest eam retinere. 30.446

Proposuitur Emendationis.

Propositum, quid, & quid promissio. 2.499
Ad validam absolutionem requiritur in penitentem propositum non peccandi. 6.500
Sed sufficit virtuale. 7.ibi
Confessarius colligit ex circumstantiis, an penitens habeat verum propositum 9. & 10.501
Qui constituitur aliquod veniale, debet habere propositum illud iterum non committendi. 16.503
Differentia inter propositum, requisitum ad remissionem moralis, & necessarium ad remissionem venialis. 17.ibi.

Quadragesima.

In ea, etiam in Dominicis, est interdictus esus ovorum, & lacticianiorum. 2.3.156
Dispensatus à lacticiis non potest carnis vesci. 6.ibi
Et licentius ad cibos vetitos, nisi unicam communionem in die potest sumere. 6.80

An Catholicus existens in locis Hæreticorum possit in quadragesima comedere cibos prohibitos. 7.156
In quadragesima dispensatus à carne, non potest illis, aut lacticiis uti in diebus Sabbathi, & quatuor temporum. 8. & 9.157
Qui per totam quadragesimam non ieiunat, quot peccata committat. 10.ibi.
Hispanus peccat, dum extra Hispaniam interiora animalium comedit. 12.152
Idem dicitur de Mediolanense, existente Romæ primis 4. diebus quadragesimæ, & non ieiunat. ibi.
Peregrinus primis quatuor diebus quadragesimæ potest Mediolani non ieiunare. 14.ibi.
An delectari de esu carnis in quadragesima sit peccatum. 17.443
Vide verb. *Ieiunium*.

Regula.

Duplex in operando. 18.144. & 3.516
Regula ad dignoscendum, quando peccatori sit neganda communio. 11.471
Regula servanda in commutatione votorum. 35.169
Regula melior est conditio possidentis. 14.248

Regulares.

An in vim suorum privilegiorum possint absolvere à casibus contentis in decretis Apostolicis. 23.45
Ut virtute Jubilei absolvantur à reservatis, debent confiteri Sacerdoti approbato ab Ordinario loci. 8.64
Religiosus indiget licentia sui Superioris ad eligendum Confessarium extra Ordinem. 9.65.
Approbatus ab Ordinario invalidè excipit confessiones, suo Superiore invito. 12.ibi.
Sacerdos Regularis, sine Episcopi approbatione, quorum Confessiones audire possit. 13.ibi.
Contra intentionem Prælati non applicat sacrificium. 14.34
In Conventibus deputandi sunt Confessarii pro reservatis. 11.600
Notitia ex confessione habita ad externam gubernationem non adhibenda. ibi.
Religiosus extra Ordinem, non bene confitetur Sacerdoti non approbato ab Episcopo. 15.66
Superiores Regulares non possunt absolvere suos subditos à casibus Bullæ Censæ. 28.16
Regulares possunt aliqua vota commutare : & quæ sint necessaria. 38.59.553
Possunt dispensare super privatione juris petendi debitum conjugale. 60.ibi.
Casus apud Regulares debent reservari in Capitulis Generalibus, vel Provincialibus. 10.599
An possint ordinari extra tempora. 9.163
A quo Episcopo ordinandi. 18.615
Indulgentiæ datæ Regularibus revocantur, & aliæ conceduntur. 1.164

Rerum notabilium.

Restitutio.

Restitutio quid sit: est necessaria ad salutem necessitate præcepti: & statim facienda est. 2.3.4.343
 An qui teneatur restituere cum gravi damno sui status. 6.ibi.
 Quot sint radices restitutionis. 7.ibi.
 Qui fructus percepti ex re aliena restituendi. 16.346
 An, qui rem alienam bona fide possedit, teneatur eam restituere, statim ac cognoscit esse alienam. 12.345
 Si eam consumpsit, tenetur restituere id, in quo factus est ditior. 13.ibi.
 Quis censetur, factus ditior ex re aliena. 14. & 15.ibi.
 Possessor malæ fidei quid restituere teneatur. 19.347
 Quid, si res in manu Domini non fructificasset, quantum fructificavit apud possessorem malæ fidei. 20.ibi.
 Et quid, si res furata meliorata sit apud furem. 21.22.23.ibi.
 Qui abstulit rem valentem tria, cum est restituenda, valet quatuor, an debeat restituere quatuor, vel tria. 24. & 25.348
 Confessarius, quomodo se gerere debeat cum eo, qui se accusat combussisse segetes proximi. 26.ibi.
 Et cum eo, qui accepit rem alienam, quam certe alii furripissent. 27.ibi.
 An teneatur restituere, qui accepit rem alienam, quæ sine sua culpa perit, & periisset etiam apud verum Dominum. 29.30.31.349
 Res aliena in quo loco Domino restituenda sit. 35. & 36.350
 Cujus expensis facienda sit restitutio in alio loco, vel creditoris, vel debitoris. 38.39. & 40.ibi.
 An debitor teneatur ad novam restitutionem, si res, quam Domino misit, pereat. 41.42.351
 An nova restitutio sit facienda ab eo, qui rem furto sublatam, misit Domino per Confessarium, & ipse rem sibi usurpat. 43.352
 Quid dicendum de eo, qui de consilio Confessarii distribuit pauperibus rem furto sublatam. 44.ibi.
 Et de Confessario, qui talem distributionem consuluit. 45.353
 An pecunia aliena, ita cum propriis commista, ut discerni non possit, sit restituenda. 46.ibi.
 Et quid dicendum de rebus bona fide à fure acceptis, & cum propriis commistis. 47.48. & 49.ibi.
 Cuinam restituenda sit res bona fide à fure empta. 50.354
 Et quid, si talis res alteri vendatur, & deinde Dominus compareat. 51.ibi.

Cui restituere teneatur, quæ plures damnificavit, & nescit, quinam sint. 53.355
 Quid agendum Confessario cum Penitente se accusante, possidere agrum cum dubio, an sit suus. 54.55. & 56.ibi.
 Qui per plura furtula ad notabilem quantitatem pervenit, est obligandus ad restitutionem. 61.62.63.64.65.357
 Restituere tenentur cooperantes furto. 66.358
 An omnes teneantur in solidum, vel pro parte. 67.ibi.
 Qui ex errore inculpabili consuluit alicui furari ab aliquo, tenetur ad restitutionem, si furtum committitur. 68.359
 Restituere an teneatur, qui intulit damnum proximo, quod non intulisset, si majorem diligentiam adhibuisset. 72. & 73.360
 Confessarius quomodo se gerere debeat cum gravato onere restitutionis. 74.ibi.
 Præcipue, si penitens existit in periculo mortis. 75.361
 Falsam monetam scienter accipiens non potest eam expendere. 59.60.356
 Possedens villam ad quod teneatur. 17.346
 An res cum melioramentis restituenda sit. 22.347
 Quid proximum occidens debeat restituere. 13.327
 An teneatur restituere expensas funeris, & debita solvere. 16. & 17.328

Restrictio.

Alia purè mentalis, seu interna, & alia non purè mentalis, seu sensibilis, & externa. 9.311
 Quæ sit purè interna. ibi.
 Ejus usus prohibitus. ibi. & n. sequen.
 Restrictio non purè mentalis quæ. 13.312
 An Confessarius possit respondere cum restrictione mentali. 14.ibi.
 Quid de reo non juridicè interrogato. 15.313
 Et quid de legato Principis. 16.ibi.
 An licitus usus restrictionum non pure mentalium. 17.ibi.
 Cause redditentes illum licitum. 19.314
 Interrogatus de fide nequit respondere cum restrictione etiam non pure mentali. 19.ibi.
 Idem de penitente interrogato à Confessario. ibidem.
 Et de reo juridicè interrogato. ibi.
 Et de celebrante contractus. ibi.
 Et de promovendo ad Ordines. 21.315
 Et de promotio ad Prælaturam. 23.316

Revelare in vim moniterii.

Potest quis excommunicatione compelli ad revelanda furta. 53.54.55.209
 Sciens tenetur revelare, licet probare non possit. 57.ibi.
 Revelare non tenetur illi, quos Judex verisimili-

Regestum

militer non intendit obligare, & quinam
sint. 59.ibi.
An, qui audit ab alio, revelare teneatur. 60.ibi.
An Confessarius possit absolvere ab excommu-
nicatione contracta à sciente, qui non re-
velavit. 61.210
Vide verb. *Sigillum*.

Ran.

Interrogatus ab Iudice, an teneatur verita-
tem fateri, & jurare, si iuramentum exi-
gat. 42.301
Quando censeatur interrogari secundum for-
mam iuris. 43.302
Non potest ad infirmandum testimonium tes-
tium crimen falsum obicere. 12.327
Reus jurans redire ad carceres, tenetur. 28.299

Rubrica.

Alie sub præcepto, & alie sub consilio. 10.175
Celebrans sine noticia rubricarum peccat mor-
taliter. ibid.39.577

Sacerdos.

Non approbatus invalidè absolvit, licet ex
communi errore reputetur approbatus. 16.66
Validè absolvit in mortis articulo. 14.ibi.
Ut Sacerdos absolvendo non peccet, qualem
debeat habere cognitionem de dispositione
penitentis. 10.225
In ordinatione duplicem potestatem recipit. 11.486
Irregularis, & excommunicatus non potest li-
citè celebrare, licet absolutus ab excommu-
nicatione. 51.209
Non potest absolvere promotum ad benefi-
cium per simoniam. 37.494
Sacerdos consecrans non loquitur in persona
propria, sed Christi. 28.575
Illicite consecrat unam speciem sine alia. 30.
ibidem.
In Missa potest privatim orare pro infideli-
bus, hæreticis, & excommunicatis non tole-
ratis. 51.581
Existens in mortali debet per se celebrationi
præmittere confessionem. 2.173
Quando censeatur habere necessitatem cele-
brandi. 3.ibi.
Quando ei censeatur deesse copia Confessoris.
4.ibi.
An excommunicatus celebrans sit irregularis. 6.174
Celebrans in peccato duo peccata committit.
8.ibi. & 86.535.
An peccet celebrando, matutino non recita-
to. 10.175
Quam primum à Concilio præceptum, quo-

modò ab eo exequendum: 7.174
An Sacerdos plures communicans, & existens
in mortali plura peccata committat. 82.535
Celebrans sine noticia rubricarum peccat.
39.577
Sacerdos denunciatus excommunicatus nec in
articulo mortis potest à peccatis absolvere.
96.634
Celebrans in Ecclesia polluta non est suspen-
sus. 44.584
Simplex Sacerdos non potest absolvere à venia-
libus. 11.65
Sacerdos existens in mortali tenetur celebra-
tioni præmittere Confessionem. 1.173
Quando reputetur adesse necessitas celebrandi,
& deesse copia Confessionis. 3.4.ibi.
Urgente necessitate celebrandi, si sit ligatus
occulta excommunicatione reservata debet
confiteri, &c. 5.174
Tunc celebrando, non sit irregularis. 6.ibi.
Sacerdos cognoscens sororem nuptam, non-
dum à viro cognitam, quatuor peccata com-
mittit. 14.132
Illud, quam primum, præceptum à Concilio,
quomodo intelligatur. 7.174
Quot peccata committat Sacerdos celebrans in
mortali. 8.ibi.
Quid, si celebrat, ligatus majori excommuni-
catione. 9.ibi.
Quid ei agendum, priusquam absolvat liga-
tum censura reservata. 10.498
Quid importet illud de stando mandatis Ec-
clesiæ. 15.10
Administri Sacramentum penitentis in
mortali, tot peccata committit, quot peni-
tentes absolvit. 21.487
Sacerdos in articulo mortis non potest absol-
vere à suspensione, nec dispensare super ir-
regularitate. 46.208
Sacerdoti peccanti contra castitatem sat est, ut
dicat se esse sacris initiatum. 12.132

SACRAMENTUM.

Definitur. 2.558
Sacramenta novæ legis conferunt gratiam
ex opere operato. 4.ibi.
Sacramenta mortuorum sunt illud baptisimi,
& penitentis. 7.559
Sacramenta vivorum aliquando possunt con-
ferre primam gratiam. 8.ibi.
Sacramenta præter gratiam habituales confe-
runt auxilia gratiæ. 9.ibi.
Non licet de formis Sacramentorum aliquid
addere, vel tollere. 12.560
Ut minister licitè conficiat Sacramenta, de-
bet esse in statu gratiæ. 13.ibi.
Quando licet petere Sacramenta ab existente in
mortali. 14.ibi.
In conferendis, vel accipiendis Sacramentis,
non licet quid minimum omittere, requisi-
tum ad valorem. 17.226
Sacramentalia sunt sex. 5.558
Soc-

Rerum notabiliū.

Sortilegia cum abusu Sacramentorum, & Sacramentalium. 13.21
Fideles debent credere Sacramenta esse à Deo instituta. 11.288
Non potest dari Sacramentum validum, & informe. 19.480

Sacriligium.

Est explicanda species sacrilegii. 121.117
Quid sit. 120.1b1.
Quæ peccata in Ecclesia commissa sint sacrilegia. 32. & sequen.
Regula in hac re à Confessario ponderanda. 123.118

Sacrificium.

Quid sit. 24.574
Soli Deo offertur. 72.359.25.1b1.
Sumptum pro actione sacrificandi essentialiter consistit in consecratione. 28.575
In Missa offertur Deo verum Sacrificium. 26.574
Sacrificium Missæ describitur. 27.575
Missæ Sacrificium est propitiatorium, satisfactorium, & impetratorium. 2.3.4.32
Quare fructus dicatur ex opere operato. 5.1b1.
Sacrificium Missæ remittit penas existentibus in Purgatorio, pro quibus offertur. 34.576
Quid sit applicare Sacrificium. 35.577
An applicatio sacrificii debeat fieri ante consecrationem. 43.578
An intentio applicativa debeat esse actualis. 44.1b1.
An fructus Sacrificii sit infinitus. 46.579
Pro damnatis sacrificium applicari non potest. 47.1b1.
Nec pro hæreticis. 49.580
Nisi indirectè. 50.1b1.
Idem de excommunicatis non toleratis. 1b1.
Potest applicari pro existente in mortali. 53.581
Fructus Sacrificii triplex. 34.576
Sacrificia Veteris Legis, quæ. 23.574
Crematio thuris, &c. non est sacrificium. 38.577

Sancti.

Sanctorum Imagines adorandæ. 59.532
Ex Sanctorum picturis multum commodi provenit. 58.1b1.
Adorandæ sunt Sanctorum Reliquiæ. 69.533
Nullus potest publico cultu adorari nisi sit à Papa Canonizatus, vel beatificatus. 70.1b1.
Templa Deo in honorem Sanctorum eriguntur. 71.1b1.
Deo sacrificia offeruntur in honorem Sanctorum. 72.1b1.

Satisfactio.

Executio ipsius non est pars essentialis Sacramenti. 51.531
Nulla imponitur pro peccatis remissis in baptismo. 43.529

Scandalum.

Quid sit. 33.92
Multiplex est. 34.1b1.
Scandalum pusillorum quando mortale. 35.93
An mulier se ornans, rea sit scandali. 36.1b1.

Schisma.

Quid sit. 24.43
Schismatici duplicis sunt generis. 1b1.
Schisma est ex genere suo mortale. 32.91

Scientia.

Habita ex confessione non utendum. 23.251
Scientia necessaria in Confessario. 14.487
Sciens aliquod factum non potest de eo excommisissu facere. 79.388
Scientia legis necessaria ad incurrendam censuram. 23.489

Secretum.

Naturale iusta causa potest revelare. 97.396
Nunquam illud Confessionis. 98.1b1.

Sepultura.

Vendi non potest. 36.493
Vendens committit Simoniam. 1b1.
Uxor potest sibi eligere sepulturam. 38.608
Filius pubes potest sibi eligere sepulturam. 39.1b1.
Quinam ecclesiastica sepultura non gaudeant. 42.609
Ultimum Vale dandum à Parocho in quo consistat. 43. ad 4.612
Parochus non potest ingredi Ecclesiæ Reglarium cum Stola, & Cruce. 1b1.
Corpora restituenda sunt Ecclesiæ, in qua fuit electa sepultura. 1b1. & 41.608
Pro sepultura nihil potest exigi. 40.1b1.

Sigillum Confessionis.

Quid sit. 7.p.18. & 2.596
Ex Confessione non Sacramentali non oritur obligatio sigilli Confessionis. 7.18
Sub sigillo cadunt omnia, quæ reddere possunt confessionem odiosam. 59.139
Sigillum frangit Parochus, sciens ex sola confessione.

Regestum

fessione Sacramentali impedimentum diri-
 mens matrimonium, & non alifitens. 23.251
 Nunquam licet uti scientia ex confessione ac-
 quifita. 14.436
 In fractione figilli non datur parvitas mate-
 riae. 2.597
 Sigillum frangitur, etiam non exprefsa per-
 fona. 6.598
 Cautela Confeflarit, dum eget confilio pro
 peccato audito in confessione. 7.ibi.
 De licentia penitentis poteft quis extra con-
 feflionem loqui de auditis in confessione. 8.599
 Elector fciens ex confessione indignitatem eli-
 gendi, non poteft ei negare fuffragium. 14.436
 Ufus scientiae ex confessione acquifitae à S.
 Sede prohibetur. 15.ibi.
 Epifcopus non poteft ordines denegare irregu-
 lari ex fola confessione cognito. 16.436
 Confeflarius nequit vitare quem ex confeflio-
 ne tantum novit effe excommunicatum. ibi.
 Superior regularis non poteft ab officio remo-
 vere fubditum ob delictum fibi ex Confef-
 fione notum. ibi.
 Magifter novitiorum nequit denegare votum
 Novitio propter indignitatem ex confeflio-
 ne habitam. ibi.
 An ad vitandam propriam mortem poffit Con-
 feflarius uti scientia ex confessione acquifi-
 ta. 19.438
 Et an ad removendam occafionem proximam
 peccandi. 21.ibi.
 Confeflio verbis, & fignis revelari poteft. 4.
 597
 Praeceptum non loquendi de auditis in con-
 feflione eft negativum. 3.ibi.
 Sigillum frangens plura peccata committit. ibi.
 Obligatio non loquendi de illis eft ex jure
 naturali, & divino. 2.ibi.
 Et ex praecepto Ecclefiaftico. 4.ibi.
 Obligatio figilli Sacramentalis eft in honorem
 Sacramenti. 5.598

Simulatio.

Quid fit. 2.319
 Duplici fimulatione poteft delinqui in ad-
 miniftratione Sacramentorum. 3.ibi.
 Non eft licitum ad vitandum scandalum dare
 hofliam non confecratam loco confecratae. 4.320
 Nec ad vitandam mortem, licet proferre verba
 confecrationis fine intentione confecran-
 di. 7.ufque ad 11. ibi.
 Nefas eft fimulare penitentem abfolvere. 11.
 & fequen. 321
 Quando confeflio reputetur fimalari. 33.31

Simonia, & confidencia beneficalis.

Quid fit. 75.52
 Quid veniat nomine rei fpiritualis. 77.53

Quotuplex fit. 44.54
 Serviens Epifcopo, intentione, ut in merce-
 dem fibi conferatur beneficium, Simoniam
 committit. 88.56
 Tribuens pecuniam familiari Epifcopi, hac le-
 ge, ut commendet fuum filium apud Prae-
 latum, ad effectum, ut conferat filio benefi-
 cium Ecclefiafticum, quod de factio confer-
 tur, Simoniam committit. 7.424
 Filius, fic provifus, tenetur beneficium refi-
 gnare, flatim ac cognofcit fe illud via Si-
 moniaca recepiffe. ibi.
 An teneatur cum beneficio reftituere etiam
 fructus. 8.425
 Epifcopus conferens beneficium fuo familiari
 propter fervitium fibi praeflitum committit
 Simoniam. 88.56. & 9.425
 Quando famulus cenfeatur adhibere obsequium
 Epifcopo ad finem obtinendi beneficium. 10.
 425
 Simoniam committit, qui alterum fic allo-
 quitur: *gratus tibi ero, fi mihi conferas, vel*
procuris beneficium. 11.ibi.
 Simonia confidentialis quando committatur. 90.
 & 91.56
 Plures cafus, in quibus committi poteft Simo-
 nia circa beneficia Ecclefiaftica. 84. & 87.54
 An quis abique Simonia poffit dare pecu-
 niam Sacerdoti nolenti baptizare puerum
 morientem. 13.426
 An Pater poffit ab eo Sacerdote aquam eme-
 re, fi non addit alia aqua. 14.ibi.
 Cur abique Simonia non poffit vendi benefi-
 cium Ecclefiafticum. 80.53
 Sacerdos poteft abique Simonia recipere pre-
 tium pro celebranda Miffa. 6.32. & 85.54
 An Sacerdos poffit licite accipere aliquid pro
 labore infumpto in adminiftratione Sacra-
 mentorum, celebratione, Concione, &c. 19.
 428
 Sacerdos recipiens pecuniam, ut penitentem
 non abfolvat, Simoniam committit. 22.ibi.
 An fit Simonia conferre pauperi elecmofy-
 nam, ut pro aliquo oret. 23.429
 An Simonia committatur, fi aliquid recipitur
 pro ingreffu in Religionem. 24.ibi.
 Simoniam committit vendens Agnum Deibe-
 nedictum. 25.ibi.
 Licet Sacras Reliquias ab Infidelibus pretio
 redimere. 27.ibi.
 Simonia eft ex genere fuo peccatum mortale.
 28.430
 Non poteft effe veniale ex parvitate materiae.
 29.ibi.
 Cui reftituenda fit pecunia accepta pro re
 fpirituali. 30.ibi.
 Beneficium, & dignitas Ecclefiaftica accepta
 Simoniacè, resignanda, & dimittenda eft
 31.ibi.
 Quid, fi quis ignorans Simoniam, beneficium
 recepit, vel fuit electus ad Praelaturam. 32.
 431
 Simonia inducit excommunicationem, Sum-
 mo

Rerum notabilium.

mo Pontifici referatam; 32. ibi.
Non revalentes Simoniacos, non possunt ab-
solv. 34. ibi.
Utr Simonia inducat excommunicationem, an
debeat esse realis ex utraque parte. 35.
ibidem.
An eam inducat Simonia mentalis. 36. ibi.
An hæc inducat obligationem resignandi be-
neficium, & restituendi rem acceptam pro
eo. 37. 43.
Vendens Sepulturas, vel Cappellas Ecclesie
committit Simoniam. 36. 49.
Quando redimere vexationem non sit Simo-
nia. 87. 55.

Solicitor.

Quid sit, ubi plures casus referuntur. 1. &
2. 24.
In crimine sollicitationis non datur par-
vitas materie. 23. 29.
Solicitationis pluribus modis contingit. 2. 24.
Denunciandus est Confessarius, in Confessio-
nario penitentem sollicitans, licet ejus Con-
fessionem non audiat. 3. 26.
An denunciandus sit Confessarius Monialium
solicitant ad Crates Parlatorii communis. 5.
26.
Est denunciandus sollicitans, licet statim peni-
teat. 20. 28.
Sciens sub secreto jurato Confessarium solici-
tasse aliquem in confessione, tenetur eum
denunciare. 21. 29.
Ab onere denunciandi non excusatur femina,
quæ Confessario sollicitanti consentit. 24. ibi.
Signa, quibus præsumitur confessio simulari.
33. 31.
Ante denunciationem non præmittitur corre-
ctio fraterna. 22. 29.
Clausula *simulantes ibidem*, &c. 34. 31.
Nec excusatur, licet timeat sibi, marito, aut
filiis grave damnum. 32. ibi.
Nec tempore Jubilei potest absolvi non den-
uncians. 25. 29.

Somnium.

Oriri potest à causa interna, & externa.
110. 114.
Somnia à Deo immixta quomodo discernenda.
ibidem.
Quæ somnia reicienda. ibi.
Mulier somnio abutens in ludo sortium Ja-
nuentium. 109. 113.

Sponsalia.

Definiuntur. 10. 619.
Celebrans Sponsalia cum duabus, debet
primam ducere. 21. 620.
Dantur causæ dissolvendi Sponsalia. 22. ibi.
Sponsalia ab initio valida, & postea dissoluta,
etiam mutuo consensu, inducunt impedi-

mentum publice honestatis. 71. 619.
Post Sponsalia celebrata oritur inter Sponso-
rum impedimentum dirimens. ibi.
Sponsalia nulla ex alia etiam causa, quam de-
fectu consensus nullum impedimentum in-
ducunt. 93. 634.
Sponsalia confundi non debent cum matrimo-
nio. ibi.

Stipendium.

Licet etiam à Sacerdote divite accipitur
pro celebratione Missæ. 6. 32.
Quod nam reputetur justum. 7. ibi.
Sacerdos, etiam pauper, non potest plura sti-
pendia recipere, & unica Missa satisfacere.
8. 33.
Si acceptum ab uno, non est justum, non po-
test Sacerdos tantum ab alio accipere, quan-
tum sufficit ad justum, & unica Missa utri-
que satisfacere. 9. ibi.
Non potest Sacerdos à Tribus, tria stipendia
recipere, & unica Missa omnibus satisfacere,
uni applicando fructuum satisfactorium, al-
teri propitiatorium, & alteri impetratorium.
10. ibi.
Non potest Sacerdos aliquid accipere pro fru-
ctu Sacrificii proveniente ex opere operan-
tis. 11. ibi.
Sacrificium non potest applicari pro eo, qui
elemosynam quamprimum dabit. 12. ibi.
Non potest Sacerdos dare Missam alteri di-
cendam pro minori stipendio, quam ipse
recepit. 13. 34.
Sacerdos, accepto stipendio, ut Missam deter-
minatè celebret in tali Ecclesia, peccat gra-
viter, si ibi non celebret. 15. 16. 35.
Peccat, & tenetur ad restitutionem, si, accep-
to stipendio, pro Missa celebranda ad impe-
trandam gratiam, tamdiu differt celebrationem,
ut gratia non possit amplius obtineri.
17. ibi.
Recipiens stipendium pro legenda Missa in
Altari privilegiato pro anima alicujus de-
functi, an satisfaciatur, si ibi legat Missam de
Sancto. 20. & sequen. ibi.
Stipendium receptum pro celebratione Missæ
non potest retineri in compensationem
antiqui debiti. 61. 583.
Etiam si recipiens animum contrarium haberet.
64. ibi.
Quid, sublato capitali, vel diminuto, ut fru-
ctus non sufficiant ad justum stipendium, sit
à Sacerdote agendum. 65. ibi.

Superbia.

Quid sit. 163. 118.
Vitia, quæ ex superbia derivantur. 32.
446.
Est ex genere suo mortale. 39. 447.

Superstitio:

Quid sit. 66.103
 Quid Idololatria. 68.104
 Quid divinatio Dæmoniaca. 30.101
 Quando fiat pactum expressum cum Dæmone, & quando tacitum. 71.105
 Quid sit præstigium. 71.105
 Quid divinatio somniorum necromantica. 72. ibidem.
 Quid ars notoria. 73.105 & 96.110
 Quid necromantia. 74.105
 Quid divinatio Pythonica. 75.105
 Quid Geomantia. 76.105
 Quid Hydromantia. 77.105
 Quid Acromantia. 78.106
 Quid Pyromantia. 79.106
 Quid Aurispicium. 80.106
 Sortes divinatorie prohibitz. 81.107
 Consulitorie quando. ibi.
 Et divisorie, quæ exigant, ut sint licitz. 87. 108
 Purgatio vulgaris quid. 88.108
 Thesauros absconditos per arboris ramum designare ubi sint; prohibitum. 89.108
 Quid sit magia superstitiosa. 90.108
 Quid maleficium. 91.109
 Maleficium maleficio curari non potest. 92.109
 Quid sit vana-observantia. 93.110
 Res aliquando ut signa, aliquando ut cause ad effectus adhibentur. 94.109
 Differentia divinationis à vana-observantia. 95.109
 Quando peccetur in vana-observantia sanitatis. 98.109
 Imagines Astronomicæ sunt superstitiosæ. 99.111
 Dubitanti, an res virtutem habeat ad effectum producendum, quid agendum. 100.109
 In observantiam futurorum eventuum quis delinquere reputetur. 101.109
 Et qui in observantia dierum fastorum. 102. 112
 Et qui in observantia Sacrorum. 103.113
 Protestatio in facto ex natura operis pactum inducens non excusat à peccato. 107.109
 A peccato non excusat, quod plures vanis observantiis utantur. 108.109
 In sortibus Januensis peccari potest. 109.109
 Quando delinquitur exigendo à muliere Egyptiaca prædictionem futurorum. 112.114
 An qui exsecuit opus superstitiosum absolvi possit ab ordinario Confessario. 113.115
 Et, an si de eo dubitet. 114.109
 Pulvis sympathicus est superstitiosus. 38.494
 In inferentibus ex se, & ex natura operis pactum cum Dæmone protestatio non excusat à peccato. 107.113
 Item, quando probabile est, quòd actus sit superstitiosus. 38.494

Suffragio:

Quid sit: ejus differentia à contumelia, & derisione. 34.412

Symbolum Apostolorum.

Quid sit. 13.189
 Notitia articulorum fidei est cuiuslibet fidei necessaria. ibi.
 Brevis ejusdem expositio. 14.290
 Est explicite credendum. 11.288
 Et recitandum saltem sexies in anno. 14.291
 Quid significet *Sacrorum communio*. 14. ibi super X.

Tactus

Et oscula prohibentur Sponsis. 22.444
 Facti cum uxorata habent malitiam adulterii. 8.441

Testator.

Et dispositio implenda, sive per scripturam, aut verba disponat. 15.604
 Habens filios ei necessaria debet relinquere. 25. 606
 Prius debet restituere aliena, quam filiis providere. 30.607
 An carens filiis possit extraneum heredem instituire omittis consanguineis. 33.109

Testamentum.

Et discrimen à Codicillo. 9.601
 Et à Fidei-commisso. 10.109
 Valet, factum non servatis solemnitatibus juris. 5.188 & 11.603
 Etiam quoad causas non pias. 14.109
 Ob mortem imperfectum est exequendum quoad pia legata. 6.189
 Non habet vim nisi post mortem. 9.601
 Secundum revocat primum. 3.6008
 Vide verb. *Legatum, & voluntas.*

Testis.

Occidi non possunt ad removendum ipsorum testimonium. 11.326
 Nec eis potest obici falsum crimen. 10.327

Vasa, & Vestes Sacra.

Calices, & Patenæ, quando consecrationem amittant. 61.582
 Quando Vestes benedictionem perdant. 60. ibi.
 An calix vendi possit. 34.477

Rerum notabiliū.

Timor.

Quadruplex: *Mundanus, servilis, filialis, & initialis.* 33.526
 Timor Gehennæ regulatus lumine fidei est supernaturalis. 31.ibi.

Vendere.

Venditor debet aperire defectum oculum suæ mercis. 19.337
 Uti in venditione fraudibus est mortale. 20.338
 Quando invitus emptor reputetur. 21.ibi.
 Famulus recipiens rem à Domino, ut vendat pro decem, si vendat duodecim, non potest sibi excessum retinere. 25.ibi.
 Quid sit emptio, & venditio. 80.388
 Tabernarius non potest vendere ad pretium vini ordinarii vinum generosum, redactum per aquam ad statum vini ordinarii. 85.391
 Vendens tenetur emptori de eviçtione. 92.393

Verba turpia.

An turpia loqui sit mortale. 5.176
 Turpes comedias exhibere est mortale. ibi.
 Verba consecrationis proferri debent cum intentione consecrandi. 7.320

Victoria.

An liceat gaudere de Victoriis Christiani Principis. 24.158
 Et an triftari de illis Turcarum. 25. & 26.157

Vigilia.

Quot peccata committat frangens jejunium vigilæ cadentis in quatuor temporibus. 22.133
 An vovens jejunare in vigilia S. Augustini, teneatur alia die jejunare, si in ea omittat. 31.548
 Vide verb. *Jejunium.*

Virtus moralis.

Quare virtutes morales dicantur Cardinales. 18.88
 Virtutes ad iustitiam reducibiles. 64.102
 Quæ ad temperantiam reducuntur. 143.123
 Quid sit abstinencia, ejusque discrimen à sobrietate. 143.123
 Actus contra castitatem sunt ex sua natura mortalia. 149.124
 Quid sit pudicitia. 150.125
 Quid mansuetudo. 152.ibi.
 Quid clementia. 155.126
 Quid Modestia. 158.127
 Quid sit humilitas. 161.127
 Quid studiositas. 163

Quid fortitudo. 127.119
 Quid magnanimitas Christiana. 132.120
 Quid magnificencia Christiana. 135.121
 Ejus distinctio à prodigalitate, & libertate. 136.ibi.
 Quid sit patientia. 138.122
 Quid perseverantia. 140.ibi.
 Quid studiositas. 165.118
 Quid sit Eutrapelia. 168.129
 Et an obliget sub mortali. 169.ibi.
 Quid sit prudentia. 172.130
 Quæ virtutes de natura sua obligent sub mortali. 173.ibi.
 Contra quam virtutem peccet, qui legit libros prohibitos. 32.121
 Contra eandem virtutem vitia specie diversa. 5.440

Vitia.

Capitalia septem. 31.446
 Quæ opponantur Fidei. 19.89
 Spei opponitur præsumptio, & desperatio. 20.ibi.
 Odium opponitur charitati. 21.ibi.
 Quid sit discordia. 26.90
 Quid contentio. 27.91
 Quid rixa. 29.ibi.
 Quid seditio. 31.ibi.
 Quid sit scandalum. 33.92
 Scandalum Pharisaicum, & pusillorum. 34.ibi.
 Scandalum pusillorum quando sit mortale in ponente actionem, ex qua pusilli sumunt occasionem peccandi. 35.93
 An omnia vitia capitalia sint ex genere suo mortalia. 38. & sequen. 447
 Quæ vitia ex Avaritia procedant. 33.447
 Quæ ex ira. 34.ibi.
 Quæ ex Invidia. 36.ibi.
 Quæ ex gula. 35.ibi.

Voluntas.

In voluntate est triplex actus: primo-primus: secundo-primus: & sequens perfectum advertentiam. 9.86
 In testamentis voluntas Defuncti pro regula habenda est. 7.189
 Fides proponit voluntati objectum, circa quod debeat ipsa supernaturaliter operari. 4.293
 Voluntas ab astris non cogitur, nec necessitatur. 19.121
 Voluntas manifestata coram Parocho, vel alio implenda est. 15.603
 Voluntas istis verbis declarata: *voglio lasciare la mia roba*, &c. concludit dispositionem factam. 17.605

Votum.

Definitur. 2.542
 Non constituitur solo proposito. ibi.
 Quomodo promissio, & propositum distinguantur. ibi.
 Quæ.

Regestum

Quando votum vi metus factum sit validum. 5.543
 Vota soli Deo sunt. 9.544
 Materia voti quæ. 12.545
 Votum contrahendi matrimonium non tenet. 15.546
 Qui post votum Religionis uxorem ducit, ea mortua, tenetur votum implere. 10.247
 Qui vovit Religionem ingredi, peccat nubendo, & consummando. 12.248
 Vovens audire Missam die festo, & non audiens duplex peccatum committit. 18.546
 An vovens Religionem teneatur omnes adire, ut admittatur in aliqua. 21.547
 Qui pluries vovit castitatem, non tenetur id explicare, dum contra castitatem peccat. 9.131
 Sed votum debet aperire, dum contra ipsum peccat. 8.ibi.
 Vovens jejunare tenetur abstinere à lasciviis. 35.549
 Parentes possunt irritare vota emissa à filiis ante annum pubertatis. 38.550
 Ratificans tempore pubertatis votum simplex castitatis, factum antea, non contrahit licitè matrimonium. 41.ibi.
 Superior potest irritare vota Religiosorum. 45.551
 Et Abbatis illa Monialium. 46.ibi.
 Maritus non potest irritare omnia vota uxoris. 48.ibi.
 Quid possit uxor circa illa viri. 49.ibi.
 Differentia inter irrationem, commutationem, & dispensationem. 54.552
 Quinam possint in votis dispensare, & ea commutare. 57.553
 Votum castitatis emisitum expressè, & implicitè. 63.554
 Votum simplex, & solemne castitatis differunt specie morali. 10.132
 Cur solemne, & non simplex dirimat matrimonium contrahendum. 31. & 32.622
 Quæ voti obligatio transeat ad hæredes. 64.556
 Sæpe Fiscus tenetur implere vota realia Rei. 66.ibi.
 Adstrictus voto Religionis, si contrahat, mortuo conjuge, tenetur votum implere. 68.557
 Votum simplex castitatis privat jure petendi debitum. 10.247
 Vovens determinatè rem aliquam dare, non tenetur conferre eam, si pereat. 71.557
 An Vovens ingredi religionem, mortuo marito, teneatur ad ingressum. 68.ibi.
 Professio religiosa.

Usura.

Quid sit, & quotuplex. 2.3.181
 Recipere aliquid ultra sortem ratione lucri cessantis, & damni emergentis non est usura. 4.ibi. & 18.403
 Quod, si mutans habeat alias pecunias, quas

possit negotiationi exponere. 5.182
 Licitum non est exigere totum lucrum cessans. 6.ibi.
 Mutuus accipit pignus in assecurationem mutui, an licitè accipiat fructus pignoris. 11.12.ibi.
 Est usura ob anticipatam solutionem minoris emere rem justo pretio. 22.404
 Et carius ob dilatatam solutionem emere. 23.405
 Quando venditio cum pacto retrovendendi sit usuraria. 28.406
 Officialis conferens militibus victualia usuram in eo potest committere. 29.ibi.
 Suscipiens in se periculum fortis censetur agere ad palliandam usuram. 33.407
 Mercator tradens ministris necessariis locumendi stipendii telas texendas non evitat usuram. 34.ibi.
 Requisita, ut titulo damni emergentis possit iuste aliquid supra sortem exigere. 39.409
 Et ea ad accipiendum iuste titulo lucri cessantis. 40.ibi.
 An pactum legis commissoriae sit usurarium. 14.183.36.408
 Usurarius est, qui mutuatur rustico, ut pecuniam solvere tenetur tempore messis in frumento, pretio tunc corrente. 15.ibi.
 Ratione periculi, aliquid ultra sortem accipere non licet. 16.ibi.30.406
 Vendens carius ob solam expectatam solutionem, vel emens vilius ob solutionem anticipatam usuram committit. 17.183
 Emere frumentum in Majo, consignandum in Augusto pro pretio, quo in Augusto valebit, non est usura. 20.184
 Usura est mutuare cum pacto, ut mutuarius tempore messis vendat triticum mutuanti. 22.ibi.
 Usurarius tenetur restituere usuras. 19.30.31.185
 Hæredes tenentur restituere usuras à defuncto relictas. 33.186
 Si usurarius ex usuris emit agros, & prædia, tenetur ea vendere, si non habet, aliam pecuniam ad satisfaciendum. 35.ibi.
 Sed quid, si prædia vendita, vel donata sint tertio. 36.ibi.
 Usurario usuras non restituente, tenetur ejus Ministri. 38.ibi.
 Recipientes elemosynas ab usurario tenentur eas restituere, si propterea usurarius non habet, unde restituat. 39.187
 Mutuarius tenetur solvere usuras, si jramento promisit. 23.411
 An usura sit dare in Novembri mutuo quatuor rubia frumenti, ut mutuarius vel ipsa, vel pretium reddat in Augusto. 4.398
 Usura est aliquid accipere, ex quo mutuarius se obligavit, non repetere mutuum, nisi transacto Anno. 4.ibi.
 An daps mutuo centum Luigi d'Oro, dum valor cujuslibet est ad triginta Julios, possit sine

Rerum notabilium.

sine usura tempore restitutionis exigere centum, si tunc quilibet Ludoviceus sit ad triginta duos Julios. 6.399

Usura est obligare mutuatarium, ut solvat in meliori pecunia, quam acceperit. 8.400

Usura est vendere agrum pro mille, & recipere fructus ex eo pro parte pretii non soluti. 9.10.101.

Usurarius est pharmacopola locans Tabernam, medicamenta, & Vasa cum pacto, ut conductor pro quolibet centenario pretii solvat decem annua, & in fine omnia restituat ad Taxam ejusdem pretii. 11.101.

An sine usura possint emi pro minori pretio chyrographa debitorum. 15.401

Usura est locare v.g. centum oves; ea lege, ut accipiens singulis annis pro fructu solvat viginti aureos, & finita locatione numerum locatum reddat. 19.403

Mutuatarius lueratur centum ex mille, mutuo à Cajo receptis, qui, dum reddit capitale, dat Cajo triginta ob gratitudinem beneficii, an possit Cajo ea recipere? 21.404

Super quo interrogandus est penitens aperiens in Confessione se recepisse aliquid ultra sortem ex mutuata pecunia, ratione damni emergentis, vel lucri cessantis. 22.411

Vide verb. *Lucrum Usurarium*.

Vxor.

Inconsulto marito non potest eleemosynas facere. 21.166

Uxor erga Maritum quando peccet mortaliter. 16.173

Confessario quid agendum cum Uxore, qua marito non vult obedire, licet minima illi imponat. 17.101.

Quomodo se gerere debeat Confessarius cum Uxore Zelotypa erga Maritum. 19.174

Vir erga uxorem quando peccet mortaliter. 18.101.

Uxor non potest retinere lucrum ex adulterio. 14.164. & 9.451

Nec debet illud tradere Marito. 101.

Adultera non potest negare delictum cum mendacio. 18.114

Non potest alteri commisceri, etiam viro consentiente. 3.449

Potest sibi eligere sepulturam. 38.608

Xenia.

Quæ dicantur.

8.144

FINIS.

Impressiōni operis non potuit Auctor assistere, idē nonnulli errores irrepserunt, quorum aliquos hic damus emendatos; ceteros, ut puncta, numeros. & commata omīssa, postposita, vel anteposita, aliaque, qua litura egent, discreto Lectoris iudicio corrigenda relinquuntur.

Errata

Pag. 3. col. 1. lin. 43.
Pag. 41. col. 1. lin. 7.

Libri I.

iterum
Accedens cum duplici peccato, quorum unum est sine censura reservatum, & alteri.

Lege

internum
Corrige.
Accedens una vice cum peccato immediatē reservato, & alia vice cum alio, cui

Ibi lin. 35.
Ibi lin. 36.
Pag. 57. col. 2. lin. 19.
Pag. 96. col. 2. lin. 1.
Et lin. 6.
Pag. 104. col. 2. lin. 36.
Pag. 105. col. 1. lin. 14.
Pag. 111. col. 2. lin. 28.
Pag. 122. col. 2. lin. 37.
Pag. 128. col. 1. lin. 23.
Pag. 148. col. 2. lin. 17.
Pag. 150. col. 2. lin. 39.
Pag. 156. col. 2. lin. 22.

propterea
potest
non esse
sine usuris mutuet
possit
pactum
modus
ligno
mollitici
vini
utrumque
rational.
ea

propterea à quolibet
per se posset modo dicto à peccato
tollatur *non*
tollatur
poscit
per pactum
modos
ligna
mollitiis
viri
utrinque
rationali
cas.

Errata

Pag. 176. col. 2. lin. 14.
Pag. 178. col. 2. lin. 33.
Pag. 188. col. 2. lin. 16.
Pag. 189. col. 1. lin. 41.
Pag. 300. col. 1. lin. 15.
Pag. 310. col. 2. lin. ult.
Pag. 312. col. 2. lin. 41.
Pag. 316. col. 1. lin. 1.
Pag. 321. col. 2. lin. 5.
Pag. 341. col. 1. lin. 45.
Ibi col. 2. lin. 10.
Pag. 379. col. 2. lin. 2.
Pag. 381. col. 2. lin. 20.
Pag. 391. col. 1. lin. 6.
Pag. 391. col. 2. lin. 46.
Pag. 424. col. 1. lin. 41.

Libri II.

in fide
ad fidem
n. 5. & 11.
dicenda
abicem
perjurus.
sensum
interrogabis
mentali
in
alis.
celebrare
privare
eam
hic
monentis

Lege

id fide
ad finem
§. 1. n. 12. & 13.
dicenda
obicem
adde Vide n. sequen.
sensu.
interrogatio
purē mentali.
id
alite
celebrari
privari
ea
huc
monentis

Errata

Pag. 603. col. 1. lin. 4.
Pag. 604. col. 1. lin. 19.
Pag. 608. col. 2. lin. 36.
Pag. 609. col. 1. lin. 13.
Pag. 637. col. 2. lin. 22.
Pag. 639. col. 1. lin. 32.

Libri III.

remittendum
confirmandum
petitur.
supposito
medicus non
reticeant

Lege

Præmittendum
conformandum
petit
supposita
tollatur *non*
reticeant

